


Cohamacu Yare Yahari  
Tjuel



New Testament in Guanano

**Cohamacu Yare Yahari Tjuel**  
New Testament in Guanano

copyright © 2007 Wycliffe Bible Translators, Inc.

Language: Guanano

Translation by: Wycliffe Bible Translators, Inc.

**Copyright Information**

© 2007, Bible League International. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Guanano

**© 2007, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

---

PDF generated using Haiola and XeLaTeX on 4 Mar 2019 from source files dated 1 Mar 2019  
1f3a4366-edba-553b-a17f-bc47c9049c98

## Contents

SAN MATEO . . . . .	1
SAN MARCOS . . . . .	62
SAN LUCAS . . . . .	98
SAN JUAN . . . . .	160
HECHOS . . . . .	205
ROMANOS . . . . .	258
1 CORINTIOS . . . . .	283
2 CORINTIOS . . . . .	307
GÁLATAS . . . . .	323
EFESIOS . . . . .	332
FILIPENSES . . . . .	341
COLOSENSES . . . . .	347
1 TESALONICENSES . . . . .	353
2 TESALONICENSES . . . . .	358
1 TIMOTEO . . . . .	361
2 TIMOTEO . . . . .	368
TITO . . . . .	373
FILEMÓN . . . . .	376
HEBREOS . . . . .	378
SANTIAGO . . . . .	398
1 SAN PEDRO . . . . .	405
2 SAN PEDRO . . . . .	412
1 SAN JUAN . . . . .	417
2 SAN JUAN . . . . .	423
3 SAN JUAN . . . . .	424
SAN JUDAS . . . . .	425
APOCALIPSIS . . . . .	427

## San Mateo

*Jesucristo Cohamacu* macuno to coyea panopu macaina jira  
(Lc 3.23-38)

<sup>1</sup> Jesucristo coyeare panopu macainare õ sehe ni yahuihtja yũhũ. Jesucristo ñũchũno cjiro panopu macariro Davi wama tiroiro jia tiha. To jihto pano ti ñũchũno cjiro Abrahã wama tiroiro jia tiha.

<sup>2</sup> Abrahã Isaa pũcũro jiha.

Isaa Jacobo pũcũro jiha.

Jacobo Juda cũhũ pũcũro jiha.

<sup>3</sup> Juda pohna pũaro jiha. Fares, Zara jiha. Ti pocoro Tamar wama tiricoro jiha.

Fares Esrom pũcũro jiha.

Esrom Aram pũcũro jiha.

<sup>4</sup> Aram Aminadab pũcũro jiha.

Aminadab Naasón pũcũro jiha.

Naasón Salmón pũcũro jiha.

<sup>5</sup> Salmón Booz pũcũro jiha. Booz pocoro Rahab jiha.

Booz Obed pũcũro jiha. To pocoro Rut jiha.

Obed Jesé pũcũro jiha.

<sup>6</sup> Jesé Davi pũcũro jiha.

Davi sehe Israe masa bui pũhtoro jiha. Tiro Uria wama tiroiro cjiro namonore to nũoari baharo Salomo wama tirirore pohna tiha.

<sup>7</sup> Salomo Roboã pũcũro jiha.

Roboã Abías pũcũro jiha.

Abías Asa pũcũro jiha.

<sup>8</sup> Asa Josafat pũcũro jiha.

Josafat Joram pũcũro jiha.

Joram Uzías pũcũro jiha.

<sup>9</sup> Uzías Jotam pũcũro jiha.

Jotam Acáz pũcũro jiha.

Acáz Ezequia pũcũro jiha.

<sup>10</sup> Ezequia Manase pũcũro jiha.

Manase Amón pũcũro jiha.

Amón Josia pũcũro jiha.

<sup>11</sup> Josia Jeconia cũhũ pũcũro jiha. Tina ti jiri pjare Israe yahpa macainare Babilonia macaina sehe ñaha wahcãha ti ya yahrapũ.

<sup>12</sup> ã yoa Babilonia yahpai ti sũri baharo,

Jeconia Salatiere pohna tiha.

Salatie Zorobabe pũcũro jiha.

<sup>13</sup> Zorobabe Abiud pũcũro jiha.

Abiud Eliaquim pũcũro jiha.

Eliaquim Azor pũcũro jiha.

<sup>14</sup> Azor Zadoc pũcũro jiha.

Zadoc Aquim pũcũro jiha.

Aquim Eliud pũcũro jiha.

<sup>15</sup> Eliud Eleazar pũcũro jiha.

Eleazar Matán pũcũro jiha.

Matán Jacobo pũcũro jiha.

<sup>16</sup> Jacobo José pũcũro jiha. José María manũno jiha. María sehe Jesu pocoro jire. Jesu sehe masare yũhdohtiro jiro Cristo ti ni pisuriro jire.

<sup>17</sup> Tó sehe jiro Abrahãre mari quihõ mũhtachũ, pũ Davipũre mari quihõ batoachũ ahrina jipihtina ti panamana ji turiaina mehne jia, catorce curuari waro jiha. Pari turi Davire mari quihõ mũhtachũ, pũ Babiloniapũ Israe masare ti naahto pano mari quihõ batoachũ jipihtina ti panamana ji turiana mehne jia, catorce curuari waro pari turi jiha. ã yoa tuhsũ Babiloniapũ ti sũri baharo mari quihõ mũhtachũ, pũ Cristo to masa bajuachũpũ mari quihõ batoachũ jipihtina ti panamana ji turiaina mehne jia, catorce curuari waro jiha tjoa.

*Jesucristo to masa bajuarire yahuha*  
(Lc 2.1-7)

<sup>18</sup> ã yoa õ sehe Jesucristo masa bajuari jire. To pocoro María sehe José namono cjihto jiri jire. Wiho mejeta ti pũaro ji dũcahto pano Espĩritu Santo to tuaa mehne wahma nijinocãre bocaro masiha ticoro to basi. <sup>19</sup> ã yoa José to manũno cjihto quihõno yoiriro jiro, tíre masino, ticorore cohãno taro nimaha. Masa ti ñũrocaroi ticorore buhiri tichũ yoa duaeraro, masa ti tũhoerasinichũta yaroca ticorore cohãno taro nimaha. <sup>20</sup> Tíre to tũhoturo watoi Cohamacũ anjo sehe cahãnopũ Josére bajuaro, õ sehe niha:

—José, Davi cjiro panamino, Mariãre bũo tiro marieno namo tiga. Ticoro Espĩritu Santo to yoadohoro mehne wahma nijinocãre bocaricoro jira. ã jicũ bũo tiro marieno namo tiga ticorore. <sup>21</sup> Ticoro pohna tirohca. Tirota to macũnota to masare, pichacapũ wahaborinare yũhdohtiro jirohca. To ã yũhdohtiro jichũ ñũcũ, Jesu ni wama pisuihca mũhũ —niha anjo Josére.

<sup>22</sup> Panopũ macariro Cohamacũ yare yahu mũhtariro cjiro “ã waharohca”, to ni joariro seheta ahri jipihtia ã wahaa tiha. Ahri ã wahahtore õ sehe ni joa dutia tiha Cohamacũ tirore:

<sup>23</sup> “Cũcoro nuhmino, ne mũno mehne jieraricoro, nijinocãre bocaro pohna tirohca to macũnocãre.

Tirocã Emanuel wama tirohca”,

ni joaa tiha Cohamacũ yare. (Emanuel nino: “Cohamacũ mari mehneta jira”, nino nica.)

<sup>24</sup> Cohamacũ anjo Josére to ã ni yahuri baharo José sehe wahcã, anjo to dutiriro seheta tiro María mehne wamomaca dũhtehe. <sup>25</sup> To macũnocãre to pohna tihto pano José sehe ticoro mehne jiera tiha. Baharo ticoro sehe pohna tia wahaha. Tiro sehe wihãrirocãre Jesu wamoaha.

## 2

Sũ mũja taro macaina Jesucãre ñũa sũha

<sup>1</sup> Herode Judea yahpa macaina ti bui pũhtoro to jiri pja tí yahpai jiri macai Belẽi Jesu masa bajuaha. To ã masa bajuari baharo ñahpichohare buheina ñahpichohare noano masiina sũ mũja taro macaina ta, Jerusalẽpũ wihia. <sup>2</sup> ã wihia, masare tó macainare sinituha:

—¿Judio masa ti bui pũhtoro jihtiro cjihto mipũre nohopũ masa bajuacari tiro? Sũ mũja taropũ jina, ñahpichohaca to wahma bajua wahã sũchũ ñũna, “Pũhtoro masa bajuaro nica”, ni masihi sã. ã to bajuachũ ñũna, sã cãno mehne tirore ño payona tana tahi õpũ —ni yahuha buheina masare.

<sup>3</sup> ã yoa paina Herodere tíre yahua tiha. Ti ã yahuchũ tũhoro Herode sehe soro tũhotuha. ã jia jipihtina Jerusalẽ macaina cũhũ to yoaro seheta soro tũhotuha tina cũhũ.

<sup>4</sup> ã jiro Herode sehe jipihtina sacerdotea pũhtoare, mari judio masare buheina cũhũre to pjirocari baharo ti cahmachu pihtichũ ñũno, tinare sinituha tiro:

—¿Nohopũ masa bajuarohcari Cristo sehe mũsa tũhotuchũ? —ni sinitu ñũha tiro.

<sup>5</sup> Õ sehe ni yahuha tirore:

—Belẽi, Judea yahpai jiri macai Cristo masa bajuarohca. Õ sehe ni joaa tiha Cohamacũ yare yahu mũhtariro cjiro:

<sup>6</sup> “Belẽi yũ yainare Israe masare dutihtiro tarohca.

ã jiro paye macari Judea yahpai jia macari yũhgoro jira Belẽ”,

ni joaa tiha Cohamacu yare —ni yahuha tina Herodere.

<sup>7</sup> Ti ã ni yahuri baharo Herode masa ti marieno watoi sũ mũa taropu tarinare pjirocaha. To cahapu tina ti suchu ñno, tinare sinitu ñaha. To ã sinitu ñachu tuhoa, ñahpichohacare ti ñuri dachore yahuha tina. <sup>8</sup> Ti ã yahuri baharo Herode sehe tinare Belëpu warocarõ õ sehe niha tinare:

—Tirocãre noano macaga. Tirocãre bocana tjuahna yuhure yahu tjuahga. Yuhu cãhu tirocãre ño payoi wahai tai nija —nimaha tinare Herode.

<sup>9</sup> To ã niri baharo, tina wahaa wahaha. Ti ã wahachu sũ mũa taroi ti ñuria ñahpichohaca sehe mu tárucuha. ã yoa wihãrirocã to jiro bui waroi tjua wahã suha tia sehe. <sup>10</sup> ã jia ñahpichohacare ñna, tuaro wahcheha tina. <sup>11</sup> Wihãrirocã to jiri wuhuru su, sãa wahaha tina. ã sãa sua, wihãrirocãre to pocoro mehne jirirocãre ñna tina. ã ñna tina na tuhcuaha caha su, tirocãre ño payoha. Ño payo tuhsu ti caa pocare naroca pãorooca, urure, inciensore, mirra wama tia me sitia cãhure na wio, tíre tirocãre wapa marieno waa tiha. <sup>12</sup> Tíre wa tuhsu carãa wahaha tina. Ti ã carichu cahãnopu Cohamacu yahuha tinare: “Herode cahai tjuaena tjiga”, ni yahuha Cohamacu tinare cahãnopure. To ã ni yahuri baharo, tina sehe wahcãha. Ti ã wahcãri baharo pa mahapu ti ya dihtapu tjuaa wahaa tiha.

*José cãhu Jesucãre Egiptopu na duhti wahcãa wahaha*

<sup>13</sup> Ti ã wahari baharo Cohamacu anjo cahãnopu Josere bajuaro, õ sehe niha:

—Wahcãga. Herode sehe maharirocãre wajãno taro, macano nina mipure. ã yoa maharirocãre, to pocoro cãhure Egiptopu cjero na duhti wahcãa wahaga. Tõpore yu niriro purota jiga —ni yahuha anjo Josere.

<sup>14</sup> To ã nichu tuhoro, José sehe ñamihta wahcã, maharirocãre to pocoro cãhure Egiptopu na duhti wahcãa wahaha. <sup>15</sup> Egiptopu sua, Herode to catiro puro tõpore jiha tina. ã yoaha panopu macariro Cohamacu yare yahu muhtariro cjiro to ni joariro seheta. Tíre tireore Cohamacu joa dutia tiha. Õ sehe ni joaa tiha Cohamacu yare: “Egiptopu jirirore yu macure pjirocahi”, ni joaa tiha Cohamacu yare.

*Herode macanacãre wajã dutiri jire*

<sup>16</sup> ã yoa ñahpichohare buheina ti duhti yuhduachu tuhoro Herode sehe sua yuhduaha. ã suaro, Belë macainare, tí maca duhtu caha macaina cãhure ti pohmare mua pohmare pu cãhma cãuainacãre wajã batoa dutiha tiro. Wahmanore ñahpichoha buheina ñahpichohacare ti ñuri dachore yahuha Herodere. Ti ã nichu tuhoro tiro to wajã duarirocã to masa bajuari dachore masino, “Õpe cãhmari cãara” nino, pu cãhma cãuainare wajã batoa dutiha. <sup>17</sup> Panopu macariro Jeremã Cohamacu yare yahu muhtariro cjiro to ni joariro seheta ã wahaha. Õ sehe ni joaa tiha tiro:

<sup>18</sup> “Ramã wama tiropu bisiro coa tarohca.

Tuaro cahyaa mehne tiiro coa tarohca.

Raquel panamana numia ji turia numiapu Israe masa namosãnumia ti pohmare tuaro tiiahca.

Ti pohmare ti wajãchu ñna, ne cahya duhusi”,  
ni joaa tiha panopu.

<sup>19</sup> ã yoa Herode to yariari baharo Egiptoi jirirore Josere Cohamacu yairo anjo cahãnopu bajuaha. ã bajuaro õ sehe niha Josere:

<sup>20</sup> —Maharirocãre wajã duaina cjiri yariaa wahahre. ã jicu tirocãre to pocoro mehne Israe yahpapu na tjuaa wahaga muhu —ni yahuha anjo Josere.

<sup>21</sup> To ã niri baharo tiro wahcã, maharirocãre to pocoro mehneta Israe yahpapu na tjuaa wahaha. <sup>22</sup> Wiho mejeta Arquelao Herode macano sehe to pucuro cohtotariro to jichu tuhoro José sehe Judea yahpai cuiro, tjuaeraha. ã jiro pari turita cahãnopu tireore yahu namoha tjoa. Tireore pari turi Judea yahpare ji dutieraha. To ã ni yahuri baharo, tina Galilea yahpapu wahaa wahaha. <sup>23</sup> Tí yahpãpore Nazare wama tiri macai jiha tina. ã

yoaha tina Cohamacu yare yahu muhtaina cjiri ti joariro seheta. Õ sehe ni joaa tiha: “Cristo Nazare macariro tjira’, niahca masa”, ni joaa tiha Cohamacu yare yahu muhtaina panopu macaina.

### 3

#### *João masare bautisariro masare yahuha*

(Mr 1.1-8; Lc 3.1-9, 15-17; Jn 1.19-28)

<sup>1</sup> Æ yoa baharopu João masare bautisariro jiha. Judea yahpai masa marienopu tiro Cohamacu yare yahu ducaha masare. <sup>2</sup> Õ sehe ni yahuha tinare:

—Muanu macariro Cohamacu musa puhtoro to sũho jihto mahanocã dũhsara. Æ jina “Ñano yoaeraja”, musa ni tuhotumari cjirire duhuga. Musa ñaa buhirire cahya, Cohamacu sehere cahmaga musa —ni yahuha tiro tinare.

<sup>3</sup> Panopu macariro Isaia Cohamacu yare yahu muhtariro cjiro João to buhehtore õ sehe ni joaa tiha:

“Masa marienopu cũiro sañurucu, õ sehe ni buherohca:

‘Mari puhtoro to tahto pano tirore cahmaeraina cjiri musa tuhotuare cohtota, tirore cahmaina jiga musa’, ni sañurucu buherohca”,

ni joaa tiha Isaia cjiro João cjihtore.

<sup>4</sup> Tiro João camello pjoari suhtirore sãariro, wahiquire cahsaroreta tuã dihoriro jiha. Poreroare, macaroca macaina miquina mi cũhũre chũa tiha. <sup>5</sup> Jerusalẽ macaina, jipihtiro Judea yahpai jiina, Jordão wama tiri ma cahai jiina cũhũ tirore tuhoa taha. <sup>6</sup> Wihi, tirore tuho, ti ñaa yoirire Cohamacure yahuha tina. Ti ã ni yahuchũ tuhoru Jordão wama tiri mai João tinare bautisaha.

<sup>7</sup> Æ jiro payu fariseo curua macaina, saduceo curua macaina cũhũ Joãore ti bautisa dutia tachũ ñũno tiro tinare õ sehe ni yahuha:

—¿Musa cũhũ agãa ñima tiina yoaro sehe musa mahñoa buhea mehne masare do-jomehneina jina, Cohamacu musare to buhiri dahrehto pano tirore cui, duhti masierara musa? <sup>8</sup> Æ jina potocãta musa ñaa buhirire bujua witi, Cohamacure cahmana jiihna, noaa yoa ñoga.

<sup>9</sup> Õ sehe ni tuhotuena tjiga: “Panopu macariro Abrahã mari ñuchũ cjiro jia tiha. Æ jina to panamana jina mari Cohamacu yaina jija”, ni tuhotuena tjiga musa. Musare niita nija. Abrahã panamana jiina jimana musa. Musa ã jipachũta tí musa ã jia yaba cjihti jierara. Cohamacu sehe ahri tãa mehne Abrahã coyeare dahre masina. Æ jiro Abrahã coyea musa jia wiho waro jira tãa ti wiho waro jiro seheta. <sup>10</sup> Õ sehe jira: Masa yucũri yoaro seheta jira. Cohamacu sehe coma mehne yucũrire cã cohãriro yoaro sehe jira. Æ jiro noaa dicha maria yucũre nuhcõri mehneputa cã cohãnohca tiro. Tíre to cã cohãri baharo, pichacapu jã cohãnohca tiro. Æta yoaro taro nina masa cũhũre tirore cahmaerainare.

<sup>11</sup> Yu baharo yu bui tuariro tarohca. Noa yũhdũariro jira tiro. Tiro yoaro sehe jieraja yũhũ sehe. Æ jicu tirore tuhotucu, “Wiho jiriro jija yũhũ”, ni tuhotuja yũhũ. Yũhũ sehe musa ñaare tuhotumari cjirire tuhotu cohtotainare diapũ bautisacu, co mehne yoamahi. Tiro sehe yu yũhdoro yorohca. Espiritu Santore masa mehne ã jirucuchũ yorohca tiro. Wiho mejeta paina sehere ñaare ti tuhotumari cjirire duhu duaeraina sehere tiro pichaca mehne buhiri dahrerohca. <sup>12</sup> Yu baharo tariro cahsari cohãriro yoaro sehe jira. Cahsari cohãriro to batiro mehne jipihtia to trigo yapari cahsarire putiwera. To ã putiwera baharo trigo sehere to wihbori wũhũi wihborohca. Tó seheta yorohca tirore cahmainare yu baharo tariro. To putiwea cahsari sehere tiro jũnohca. Tí pichaca ne yatisi. Æta yorohca tiro yu baharo tariro tirore cahmaerainare —ni yahuha João.

#### *João Jesure bautisaha*

(Mr 1.9-11; Lc 3.21-22)

<sup>13</sup> Baharo Jesu Galileapu jiriro cjiro waha, Jordão wama tiri mapũ buhu sãha Joãore bautisa dutiro. <sup>14</sup> Wahmanore João tirore bautisa duaeramaha.

—Neho, m̄h̄u sehe ȳu ȳuhdoro tuariro ȳuh̄u sehere m̄u bautisach̄u noaboa. M̄uh̄ure bautisaboriro jieraja ȳuh̄u —ni ȳuhtimaha João Jesure.

<sup>15</sup> Jesu sehe ò sehe ni ȳuhtiha tirore:

—Ȳuh̄ure bautisasiniga. Ò sehe yoana, Cohamac̄u to dutiriro seheta sohtori tina nija mari —niha Jesu.

To ã nich̄u tuhoro:

—Jai —ni ȳuhtiha João.

<sup>16</sup> Æ ni tuhs̄u, Jesure bautisaha. To bautisa tuhs̄uch̄u Jesu diar̄u ducuriro maja s̄ur̄uc̄u s̄uha. To maja s̄ur̄uc̄u s̄uch̄uta, m̄uano par̄i m̄uaha. Cohamac̄u to Esp̄iritu buja yoaro sehe tiro bui to duji tach̄u ñ̄ha. <sup>17</sup> To ã duji tach̄u m̄uanor̄u durucuro coa taha:

—Ahriro ȳu mac̄u ȳu cah̄ihiro jira. Tiro mehne tuaro wahcheja —nino coa taha m̄uanor̄u.

## 4

### *Wat̄ino ñ̄aare yoa dutimaha Jesure*

*(Mr 1.12-13; Lc 4.1-13)*

<sup>1</sup> Æ yoa Esp̄iritu Santo sehe Jesure masa marienor̄u naaha, t̄or̄u wat̄ino tirore ñ̄aare to yoa duti ñ̄uhto sehe.

<sup>2</sup> T̄or̄u s̄uro cuarenta dachori waro ch̄uro marieno jiha Jesu. Æ jiro j̄uca baaha. <sup>3</sup> J̄uca to baach̄u ñ̄uno wat̄ino sehe tiro cahar̄u s̄uro, ò sehe niha:

—M̄uh̄u Cohamac̄u mac̄uno jic̄u, ahri t̄aa pocare ch̄ua dojomehnega —nimaha tiro Jesure.

<sup>4</sup> Jesu ò sehe ni ȳuhtiha:

—Yoaeraja. Cohamac̄u yare ti joari p̄ui ò sehe nina: “Masare ch̄ua mehne dihta catieraro cahmana. Jipihtia Cohamac̄u to ya yahua mehne jiro cahmana”, nina Cohamac̄u —ni ȳuhtiha Jesu wat̄inore.

<sup>5</sup> To ã ni ȳuhtiri baharo wat̄ino sehe Jerusal̄ep̄u “Cohamac̄u ya maca”, ti niri macar̄u Jesure naaha. T̄or̄u na s̄uro, Cohamac̄u ya w̄uh̄u bui Jesure na s̄uha tiro. <sup>6</sup> Na s̄u tuhs̄u, tirore ò sehe nimaha:

—Cohamac̄u yare ti joari p̄u ò sehe nina:

“Cohamac̄u to anjoare m̄uh̄ure ñ̄u wihbo dutirohca. Æ jia tina sehe m̄uh̄ure ñ̄u wihboahca,

‘T̄acar̄u p̄uha tu m̄uari’ nia”,

nina ti joari p̄u. To ã niri potoc̄a jich̄u m̄uh̄u Cohamac̄u mac̄uno jic̄u yahrap̄u p̄ju bora ñ̄oñ̄uj̄uta ȳuh̄ure. M̄uh̄ure tina ti yoadohoch̄u ñ̄oñ̄uj̄uta ȳuh̄ure —nimaha wat̄ino.

<sup>7</sup> Jesu p̄ju bora ñ̄o duaeraro ò sehe ni ȳuhtiha:

—Cohamac̄u yare ti joari p̄u ò sehe nina: “M̄usa p̄uhtoro Cohamac̄u to niri cjirire ‘¿Potoc̄a tjijari?’ ni masi duana Cohamac̄ure yoa ñ̄o duti macaena tjiga”, nina Cohamac̄u yare ti joari p̄ui —niha Jesu.

<sup>8</sup> To ã ni ȳuhtiri baharo m̄ua ȳuhd̄ad̄u t̄uc̄ur̄u Jesure na m̄ujaha wat̄ino tjoa. T̄u buir̄u m̄uja p̄ja s̄u, jipihtia macarine ñ̄oroca boroha Jesure. Ti cj̄uaa c̄uh̄ure ñ̄oha. <sup>9</sup> Æ ñ̄ono Jesure ò sehe nimaha:

—Ȳuh̄ure na tuhcuca caha s̄u, ñ̄o payoga m̄uh̄u. M̄u ã yoach̄u jipihtia ahri macarine m̄uh̄ure waittja —ni yahumaha wat̄ino.

<sup>10</sup> To ã nich̄u Jesu ò sehe ni ȳuhtiha:

—Satana, wahaga m̄uh̄u. Ò sehe nina Cohamac̄u yare ti joari p̄ui: “M̄u p̄uhtoro Cohamac̄u dihtare ñ̄o payoga. To ya dutia dihtare yoaga”, nina Cohamac̄u yare ti joari p̄ui —niha Jesu wat̄inore.

<sup>11</sup> To ã nich̄u tuhoro wat̄ino wahaa wahaha. To wahari baharo anjoa sehe wihi, Jesure yoadohoa tirore ch̄ua waha.

### *Galilea yahpai Jesu buhe d̄ucaha*

*(Mr 1.14-15; Lc 4.14-15)*



<sup>12</sup> Æ yoa Joãore peresu ti yoachũ tũhoro, wahaa wahaha Jesu. Waha, Galilea yahparũ sũha. <sup>13</sup> Tói jiri macarũ Nazarepũ waha, yũhdũ wahcã, Capernau wama tiri macarũ sũha. Galilea wama tiri bũcũpariro dũhtũ cahai jira Capernau. Tí maca Zebulõ yahpa cahai, Neftalí yahpa cahai jire Capernau. Tópũ sũ, jiha Jesu. <sup>14</sup> Æta yoaha Jesu panopũ macariro Cohamacũ yare yahu mũhtariro Isaia cjiro to ni joariro seheta. Õ sehe ni joaa tiha:

<sup>15</sup> “Zebulõ yahpa cahai, Neftalí yahpa cahai, bũcũpariorũ waharoi, Jordão pa bũhũsehe coarũ Galilea yahpa jira.

Tí yahpa judio masa jieraina ya yahpa jira.

<sup>16</sup> Tó macaina Cohamacũ yare noaare masierara.

Æ masierapahta noarirore ñũarũ masiahca.

Tina sehe Cohamacũre ne masierara.

Æ jia pichacarũ wahaborina jimaha.

Æ jiro cũiro tinare Cohamacũ yare masichũ yoarohca”,  
ni joaha Isaia cjiro.

<sup>17</sup> Tópũ jiro, Cohamacũ yare yahu dũcaha Jesu:

—Mũsa ñaare tũhotumari cjirore duhu, noaa sehere tũhotu cohtota, Cohamacũreta macaga mũsa. Mũano macariro Cohamacũ jipihtina bui pũhtoro to sũho jihto mahanocã dũhsara —ni yahu dũcaha tiro.

*Pititiro wahi wajãinare tiro mehne macaina cjihtire pjiha Jesu*

*(Mr 1.16-20; Lc 5.1-11)*

<sup>18</sup> Æ yoa Galilea wama tiri bũcũpariro dũhtũ cahapũ Jesu sito wahcãmahno ñũha Simore, to bahũro Andre mehne. Simota Pedro ti ni pisuriro jiha. Tina sehe wahi wajãina jia, ti wañũyucũre doca ño mũjaa niha bũcũpariorũ.

<sup>19</sup> —Yũhũ mehne macaina cjihti taga mũsa. Yũhũ mehne mũsa tachũ, mũsa wahire ñaha cahmachuina mũsa jiro seheta, Cohamacũ yaina cjihtire masare pji cahmachuina cjihtire yoaihtja mũsare. Yũhũ mehne mũsa tachũ ã yoahina cjihtire cũihtja mũsare —niha tiro tinare.

<sup>20</sup> To ã nichũ tũhoata ti wañũyucũre cũnoca, tiro mehne wahaa wahaha.

<sup>21</sup> Æ yoa Jesu tina mehne yũhdũ wahcã, Santiagore to bahũro João mehne boca sũha tjoa. Tina Zebedeo pohna jiha. Ti yaria dohoriai ti pũcũro mehne tina cũhũ ti wañũyucũre cahnoa niha. Tina pũarore tiro pjirocacha. <sup>22</sup> To ã pjirocachũ tũhoa, tina sehe dóihtia ti pũcũrore, dohoria cũhũre cũ, Jesu mehne wahaha.

*Payũ masare buheha Jesu*

*(Lc 6.17-19)*

<sup>23</sup> Æ yoa jipihtiro Galilea yahpare Jesu buhe tiniha. Judio masa mari buhea wũhũsepu noaa buheare, mũano macariro pũhtoro to sũho jia tiare buheha. Tinare buhe, dohatiinare noaina wahachũ yoaro jipihtia dohatiare cohãha tiro. <sup>24</sup> To ã yoaare tũhoa Siria yahpa macaina jipihtiorũ tí yahpai jiina tirore masi dũcaha. Æ masia, soro jia dohatia cjuainare, tuaro purĩare cjuainare, watĩa ti sãanohrinare, ñama yaria mũnare dohatiinare, tini masieraina cũhũre na sũha. Ti ã na sũchũ ñũno jipihtina tinare noaina wahachũ yoaha Jesu. <sup>25</sup> To ã yoachũ ñũa, Galilea yahpa macaina, Decapoli wama tiropũ jia macari macaina, Jerusalé macaina, Judea yahpa macaina, Jordão pa bũhũsehe coa macaina payũ masa tiro mehne wahaha.

## 5

*Tũcũpũ mũja, tói buheha Jesu masare*

<sup>1</sup> Masa payũ to cahai ti sũchũ ñũno Jesu tũcũpũ mũjaha. Mũja sũ, tói dujiha. Tói to dujichũ to buheina sehe tiro caharũ sũha. <sup>2</sup> Ti sũchũ ñũno õ sehe ni buhe dũcaha:

*Õ sehe jiina jira wahcheina*

*(Lc 6.20-23)*

- <sup>3</sup> —Ti ñaa tũhotumari cjrيره duhu, noaa sehere tũhotu cohtotaina Cohamacure cahmaina wahcheina jira. Mũano macariro pũhtoro to sũho jiroprere wahaahca tina. Mũano macaa ti ya jira.
- <sup>4</sup> 'Yahco tiina cũhu wahcheina jira. Tinare wahchechu yoarohca mari Pũcu.
- <sup>5</sup> 'Painare yũhdũruca duaeraina ã jica nieraina wahcheina jira. Cohamacu "Waihtja", tinare to nirire cjuaahca tina.
- <sup>6</sup> 'Cohamacu to dutiro sehe yoa duaina, noaare yoa duaina wahcheina jira. Cohamacu to yoadohochu tina noaare yoa sohtori tiahca.
- <sup>7</sup> 'Painare pja ñũina wahcheina jira. Ti ã pja ñũchu Cohamacu tina cũhũre pja ñũnohca.
- <sup>8</sup> 'Ti ñaa buhirire cosanohrina wahcheina jira. Cohamacure ñũahca tina.
- <sup>9</sup> 'Masare bosaina wahcheina jira. Tinare "Yũ pohna jira", ninohca Cohamacu.
- <sup>10</sup> 'Cohamacu dutiare ti yoari buhiri ti ñano yoanohrina sehe wahcheina jira. Mũano macariro pũhtoro to sũho jiroprũ to yare cjuaahca tina.
- <sup>11</sup> 'Yũ yare mũsa yoari buhiri paina mũsare ti tuhtipachũta wahcheina jira mũsa. Mũsare ti ñano yoapachũta wahcheina jira mũsa. Yũ yaina mũsa jiri buhiri mũsare jipihitia ñaa ti quiti dojomehnerachũta ti mahũopachũta wahcheina jira mũsa. <sup>12</sup> Cohamacu yare yahu mũhtainare mũsa pano jiinare tinapũreta ñano yoa mũhtaha. Mũsa cũhũre ti yoariro sehe ti yoachũ wahchega. Noano yajeripohna tiga. ã jiro mũanopũ mũsa sũchu pjiro noano yoarohca mũsare Cohamacu —ni yahuha Jesu.

*Moa yoaro sehe, buhriaro yoaro sehe jira Jesu yaina  
(Mr 9.50; Lc 14.34-35)*

<sup>13</sup> ã yoa Jesu õ sehe ni buhe namoha:

—Moa wahiquiro dihire to ñano wahaerachu yoaro sehetã mũsa sehe yũ yaina sehe jipihtina painare ñaare ti yoa duaerachu yoara. Wiho mejeta moa sehe ti ñaa wahachu pari turi noaa yoahito basioerara. Tí moa ne noaerara. Ti ã wahachu tí moare cohãno cahmana. Ti ã cohãri baharo tí bui masa tũ cũna. Ne yaba cjihti jierara tí moa ti cohõa. (Ti yaba cjihti jieraro sehetã jiena tjiga mũsa. Cohamacu ya sehere cohãena tjiga) —ni yahuha Jesu.

<sup>14</sup> ã yoa tiro õ sehe ni buhe namoha:

—Buhriaro marine to ñũchu yoaro sehetã mũsa sehe yũ yaina sehe ahri yahpa macainare Cohamacure masichũ yoara. Tũcu bui jiri macare nũohto basioerara. <sup>15</sup> ã yoa sihãriare masa sihãa, biato docapũ nũoerara. Tiare sihãriare mũanoi duhu payora tí wũhũ macaina jipihtina ti ñũhtiare. <sup>16</sup> Õ sehetã mũsa cũhu buhriaro yoaro sehe jiina jina, noaare yoaga. Mũsa ã yoachũ ñũa masa mari Pũcu mũano macarirore ño payo, "Tuariro, noariro jira", niahca —ni yahuha Jesu.

*Cohamacu to dutiare to joari cjrيره yahuha Jesu*

<sup>17</sup> ã ni tuhsũ, tinare õ sehe ni yahu namoha:

—Ahrire mũsa masichũ cahmaja yũhũ. Cohamacu to dutiare Moise cjirore to cũrire, to yare yahu mũhtaina cjiri ti joari cjiri cũhũre cohãi tai nierahi. Tí dutiare mũsare noano yahu potoi tai nii. Tí dutiare ti quihõno jichũ ñoi tai. Ti niriro sehetã yoa sohtori tii tai nii. <sup>18</sup> Potocã mũsare nii nija. Pihtiri dacho pano jisnichũ Cohamacu dutia Moise cjirore to cũrire ne mahanocã baro cohãsi mari. Ahri yahpa, mũano cũhu ti jisnino puro to dutia cũhu jirucuahca. ã jirucua ti niriro sehetã sohtori tirohca. <sup>19</sup> ã jia tí dutiare cãina yũhdũrucaa, painare tó sehe yũhdũruca dutia, mũano macariro pũhtoro to sũho jiroprũ cahamaca yoaro sehe jahca. Cũno dutiacã to jipachũta tina yũhdũrucaa, cahamaca yoaro sehe jahca tina. Paina tí dutiare noano yoaa, painare tí yoaro sehe yoa dutia, mũano macariro pũhtoro to sũho jiroprũ pũhtoa yoaro sehe jahca tina sehe. <sup>20</sup> Mũsare niita nija yũhũ. Judio masare buheina, fariseo curua macaina cũhu Cohamacu cahmaare quihõno yoerara. Tina ti yoariro yũhdoro Cohamacu cahmaare yoaga mũsa sehe. Mũsa ã yoerana, pũhtoro Cohamacu to sũho jiroprere ne sũsi mũsa —ni yahuha Jesu.

*Susiniare yahuha Jesu*  
(Lc 12.57-59)

<sup>21</sup> Ñ ni tuhsu, tinare õ sehe ni yahu namoha:

—Panopu macaina õ sehe ni ti yahuri cjirire tuhori jimare musa: “Masare wajäena tjiga. Masare wajäiro ti buhiri dahrehtiro jira”, ti niri cjirire tuhori jimare musa. <sup>22</sup> Ahri ti yahuri yuhdo curero musare ahri sehere yahu namoihtja. To coyeiro mehne susiniriro sehe ti buhiri dahrehtiro jira masunore wajäiro yoaro sehetä. To coyeirore tuhtiriro, “Ne tuho masia maerariro jira muhu”, niriro buhiri dahre dutiina cahai ti naahtiro jira. “Tuho masierariro jira muhu”, to coyeirore nirirore pichacaru wahahto cua yuhduara tirore.

<sup>23</sup> Musa coyeiro musare to ñu tuhtichu õ sehe yoaga. Cohamacu wuhuru Cohamacure musa ño payohto pano, wahiquire jü müo, musa wahto pano õ sehe yoaga. <sup>24</sup> Musa wahtire duhu cü, musa coyeiro cacaru waha, “Pari turi cahmachena tjiijhna. Tó purota duhujihna tíre”, niga tirore. Musa ñ niri baharo Cohamacure wa, ño payona wahaga to wuhuru.

<sup>25</sup> Pairo muhure to yahusa duachu, puhtoro masare beseriro cacaru muhure to naa duachu, tiro mehne suaro marieno wahaga. Masare beseriro cacaru to na suhto pano tiro mehne noano jiga. Mü ñ yoachu ñuno tiro muhure yahusaeraboca. Mü ñ yoerachu tópru musa suchu tiro sehe muhure masare beserirore yahusañohca. To ñ yahusaçu, beseriro sehe peresu yoainapure muhure warohca. Ñ jia tina muhure peresu yoahca. <sup>26</sup> Potocã nii nija muhure. Tópu jisinihca muhu. Pu ti wapa dutirire muhu wapa pahñoiru wijaahca muhu —ni yahuha Jesu.

*Pairo namono mehne ñano yoare yahuha Jesu*

<sup>27</sup> Õ sehe ni yahu namoha Jesu:

—Panopu macainare õ sehe ti ni yahuri cjirire tuhori jimare musa: “Pairo namono mehne ñano yoena tjiga”, ti niri cjirire tuhori jimare musa. <sup>28</sup> Ahri ti yahuri yuhdo curero musare ahri sehere yahu namoihtja. Numinore ñahaeraparota, cüiro ticorore ñano goa pjaro, ñano wacü tuhoturo ñano yoa tuhsuha ticoro mehne.

<sup>29</sup> Æ jicu mü capariaca poto buhusehei jiriaca mehne ñano yoacu, tiare orewe na mü cohaboriro sehetä ti ñaa yoare duhuga. Tíre duhueracu pichacaru wahaihcä. Mü capariacare mü cohachu tia capariaca dihta butira. Muhu sehere pichacaru mü wahachu ña yuhduara. Ñ jicu tí ñaa yoare duhuga. <sup>30</sup> Æ jicu mü wamomaca poto buhusehei jiri wamomaca mehne ñano yoacu, tí wamomacare mü dute cohaboriro sehetä tí ñaa yoare duhuga. Tíre duhueracu pichacaru wahaihcä. Mü wamomacare mü cohachu tí wamomaca dihta butira. Muhu sehere pichacaru mü wahachu ña yuhduara. Ñ jicu tí ñaa yoare duhuga —ni yahuha Jesu.

*To namonore cohäre yahuha Jesu*  
(Mt 19.9; Mr 10.11-12; Lc 16.18)

<sup>31</sup> Õ sehe ni yahu namoha Jesu:

—Panopu ahri cühure niha: “To namonore cohä duariro to cohähtore yahuri pü mehne ticorore cohä masina”, nimaha panopu. <sup>32</sup> Ahri ti yahuri yuhdo curero musare ahri sehere yahu namoihtja. To namono pairo mehne ñano yoareraricoro to jipachuta to manuno ticorore cohäboca. To ñ cohä daporicoro pairore manü tiro ñano yoaro nica ticoro pairo mehne jiro. To manuno ticorore ñ cohäno ticorore pairo mehne ñano yoachu yoara. To baharo namo tirore cühü ticoro mehne ñano yoaro nina —ni yahuha Jesu.

*Wama payo niare yahuha Jesu*

<sup>33</sup> Õ sehe ni yahu namoha Jesu:

—Panopu macaina õ sehe ti ni yahuri cjirire tuhori jimare musa: “Musa niriro sehetä yoaga. ‘Cohamacu mehne potocã ñ yoaihtja’, musa niriro sehetä yoaga”, ti ni yahuri cjirire tuhori jimare musa. <sup>34</sup> Ahri ti yahuri yuhdo curero musare ahri sehere yahu namoihtja. “Müano mehne potocã nii nija”, ni müano mehne wama payo niena tjiga.

Muano sehe Cohamacu mari puhtoro to suho jiro jira. Wiho jiro jierara. To ã jichu ñuna muano mehne ã niena tjiga. <sup>35</sup> Ahri yahpa mehne ne wama payo “Potocã nii nija”, niena tjiga. Ahri yahpa Cohamacu ya yahpa jira. To ã jichu ñuna ã niena tjiga. “Jerusalẽ mehne potocã nii nija”, ne wama payo niena tjiga. Tuariro mari puhtoro ya maca jira Jerusalẽ. Wiho jiri maca jierara. To ã jichu ñuna ã niena tjiga. <sup>36</sup> “Yu dapu mehne potocã nii nija”, ni wama payo niena tjiga. Musa pjoari ti yehsea wahachu yoa masierara musa. Ti ñia wahachu cũhure yoa masierara musa. Æ yoa masieraina jina “Yu dapu mehne potocã nii nija”, ni wama payo niena tjiga. <sup>37</sup> “Yoanahtja”, nina wama payoro marieno õ sehe dihta tire nirucuga. “Yoasi”, nina cũhu wama payoro marieno nirucuga. Musa wama payo nina, watĩno ñariro to dutiriro sehetã yoana nica musa —ni yahuha Jesu.

*Ti cahma suaare yahuha Jesu*

*(Lc 6.29-30)*

<sup>38</sup> Õ sehe ni yahu namoha Jesu:

—Panopu õ sehe ti ni yahuri cjirire tuhori jimare musa. “Mũhure paio mu capariacare to cã tihãriro sehetã mũhu cũhu tirore cã tihã cahmaga. Mu piriacare to cã nuhariro sehetã mũhu cũhu cã nuha cahmaga”, ti niri cjirire tuhori jimare musa. <sup>39</sup> Ti yahuri yũhdo curero ahri sehere yahu namoihtja musare. Mũhure ñano yoarirore ã ñnocahga. Cũ buhusehe mu wahsupure to cãchũ, pa buhusehe cũhure cã dutiga tirore. <sup>40</sup> Paio buhiri dahre dutirirore mũhure to yahusãchũ, dutiriro sehe mu camisare mũhure yahusãrirore wa dutiboca. To ã wa dutichũ, tirore waga. Mu bui macari suhtiro cũhure wa namoga tirore. <sup>41</sup> Paio surara paye barore cã kilómetro mũhure to naabasa dutichũ, pa kilómetrore waha namoga tjoa. <sup>42</sup> Mũhure sinirirore waga. Tuhsũ, paio mũhure to waso dutichũ wasoga tirore —ni yahuha Jesu.

*Musare ñu tuhtiinare cahĩga*

*(Lc 6.27-28, 32-36)*

<sup>43</sup> Õ sehe ni yahu namoha Jesu:

—Masa õ sehe nina: “Musa mehne macainare cahĩga. Æ yoa musare ñu tuhtiinare ñu tuhti cahmaga tjoa”, ti niri cjirire tuho mũhtari jimare musa. <sup>44</sup> Ti yahuri cjiri yũhdo curero ahri sehere yahu namoihtja musare: Musare ñu tuhtiinare cahĩga. Æ cahĩna tinare noano yoaga. Musare ñano yoainare ti ya cjihtire Cohamacure sini payoga. <sup>45</sup> Musa ã yoana mari Pũcu muano macariro pohna jira musa. Cohamacu sehe cũno potori yoara masare. Ñaina cũhure, noaina cũhure sũ sichũ yoara tiro. Tuhsũ, Cohamacu dutiare yoaina cũhure, yoaineraina cũhure coro tachũ yoara tiro. Masare cũno potori to yoariro sehetã musa cũhu yoaga. <sup>46</sup> Musare cahĩna dihtare musa cahĩchũ tí ne yaba cjihti jierara paina sehere musa cahĩerachũ. Puhtoa ya cjihtire wapa na cohtaina cũhu tó sehetã yoara. Æ jina jipihtinare cahĩga. <sup>47</sup> Musa coyea dihtare musa noano piti bocachũ tí cũhu ne yaba cjihti jierara paina sehere musa noano piti bocaerachũ. Cohamacure masieraina cũhu tó sehetã yoara. Æ jina jipihtinare noano piti bocaga. <sup>48</sup> Ñaa marieina jiga musa. Musa Pũcu muano macariro to ñaa marieriro to jiriro sehetã musa cũhu ñaa marieina jiga —ni yahuha Jesu.

## 6

*Noaa yoaaare yahuha Jesu*

<sup>1</sup> Pari turi tiro õ sehe ni yahu namoha:

—Cohamacu ya cjihtire noaaare yoana, “Cohamacu yare yoa pahñoina jija sã”, ni yahuena tjiga painare. Musa ã ni yahuri buhiri noaaare musa yoari cjiri ne yaba cjihti jierara. Æ jiro Cohamacu muano macariro noaaare musa yoari wapa musare ne wasi. <sup>2</sup> Æ jina pjacuoinare yoadohona, tíre masare yoa ñoena tjiga. Masa ti ñuenoi yoadohoga tinare. Cãina noaa ti yoaaare yoa ñohna mahapu jiinare, judio masa mari buhea wũhũsepu jiina cũhure. Tina mari baharo buhũsehei ñano yoa cohtaina jira. Æ yoa ñohna tina, “Noaina jira”, masare ni ñu dutia. Ti ã ni ñuchũ ã yoa ñoina sehe wahche tuhsũre.

“Noaina jira” ni, masa ti ño payochu wahche tuhsure tina. Ñ jiro Cohamacu sehe ne wahche namochu yoasi tinare. <sup>3</sup> Ñ jina pjacuoinare yoadohona, masa ti ñuenoi yoadohoga tinare. MUSA mehne macaina mehne jina ti ñuenoi pjacuoinare yoadohoga. <sup>4</sup> Masa ti ñueraropu mUSA yoadohopachuta Cohamacu sehe ñna. Ñ ñno mUSA ã yoari wapa warohca musare —ni yahuha Jesu.

*Cohamacure* siniare yahuha Jesu

(Lc 11.2-4)

<sup>5</sup> Pari turi tiro õ sehe ni yahu namoha:

—Cohamacure sinina, mari baharo buhusehei ñano yoa cohtaina yoaro sehe yoena tjiga mUSA. Judio masa mari buhea wuhuseru ducu, maharu cuhure ducu, Cohamacure sini ñohna tina masare. Ñ sini ñoa potocã masa tinare ti ño payochu tí mehne tina wahche tuhsure. <sup>6</sup> Cohamacure sinicu tacu, mu ya tahtiaru biha sãaga. Biha sãa, mUSA Pucu ñumahnoeraritore siniga. MUSA ã yoachu masa marienoi mUSA sinipachuta mUSA Pucu musare tuhrohca. Ñ tuhoro musare noano yorohca tiro.

<sup>7</sup> Ñ jina Cohamacure sinina, tuhuro marieno mUSA sinirireta pari turi sini majare tjua mUjaena tjiga. Õ sehetu yoara Cohamacure masieraina. “Payu durucua mehne Cohamacure sã sinichu tiro sãre tuhrohca”, ni tuhutumana tina. <sup>8</sup> Tina yoaro sehe yoena tjiga. MUSA sinihto pano mUSA Pucu mUSA cahmaare masi tuhsura. <sup>9</sup> Ñ jina õ sehe ni sininahca Cohamacure:

“Sã Pucu, mUano macariro mUhu ñaa marieriro ã jirucura.

<sup>10</sup> Mipure jipihina bui puhtoro jiga.

Muanopu mu dutiro sehetu ti yoariro sehetu ahri yahpa macaina cuhu yoajaro.

<sup>11</sup> Ñ jicu dachoripe sã chutire warucuga sãre.

<sup>12</sup> Paina sãre ti ñano yoarire sã boja.

Ñ jicu mUhu cuhu sã ñano yoarire boga.

<sup>13</sup> Ñ jicu sã ñaare yoa duana sã goa pjachu ñucu tíre yoa dutii tjiga.

Ñ jicu sãre ñaare yoerachu yoaga.

[Muhu sã puhtoro tuariro ã jirucuihca. Jipihina mUhare ã ño payorucuahca]”, ni siniga Cohamacure.

<sup>14</sup> Paina musare ti ñaa yoarire mUSA bochu ñno, mUSA Pucu mUano macariro cuhu mUSA ñaa yoarire borohca. <sup>15</sup> Wiho mejeta paina musare ti ñaa yoarire mUSA boerachu mUSA Pucu cuhu mUSA ñaa yoarire ne bosu —ni yahuha Jesu.

*Chu* duhuare buheha Jesu

<sup>16</sup> Ñ jiro tiro tinare õ sehe ni yahu namoha:

—Cohamacure ño payona tana chu duhuna bujua witiina yoaro sehe yoa ñoena tjiga. Tó sehe yoara mari baharo buhusehei ñano yoa cohtaina. Tina ti wuhduu poca cahyaina yoaro sehe jira. Ti ã jiina jichu ti chu duhuchu ñu masina masa. Potocãta musare nii nija. Tinare masa ño payochu cahmana tina. Ñ jia tinare ti ño payochu ñna tina wahche tuhsure. (Cohamacu sehe tire ti ño payori wapa tinare wahchecu yoasi. Ñ jina tina yoaro sehe yoa ñoena tjiga mUSA.) <sup>17</sup> MUSA chu duhuna, mUSA pjoarire co mehne wa payo waha majare payoga. Ñ jina mUSA wuhduu pocare cosaga. <sup>18</sup> MUSA ã yoachu mUSA chu duhuchu ñu masisi masa. Mari ñu mahnoerariro Cohamacu dihta mUSA chu duhuare ñu masinohca. MUSA sahsero mUSA jichu tiro mUSA mehne ã jirucura. Ñ ñno tiro musare noano yorohca tire mUSA ño payori wapa —ni yahuha Jesu.

*MUano* macaare cjuu dutiha Jesu

(Lc 12.33-34)

<sup>19</sup> Ñ jiro tiro õ sehe ni yahu namoha:

—Ahri yahpa macaare na cahmachuena tjiga. Õ macaa baa wahaboca. Ti baaerachu yacariro naboca tíre. To yacaerachu machu tuaboca. Ñ jia ahri yahpa macaa nu butihtu cuara. Ñ jina ahri yahpa macaare tuaro cahmaena tjiga. <sup>20</sup> MUano macaa sehere cahmaga

musa. Muanano macaare machu tua masierara. Tórpu musa cjuaa ne baaerara. Tórpu yacariro na masierara. ã jina muanano macaare cahmaga musa. <sup>21</sup> Tórpu musa cjuaa ti jichu, muanano macaare Cohamacu yare tuaro wacuna musa —ni yahuha Jesu.

*Masa ti tūhoturo seheta yoara*

*(Lc 11.34-36)*

<sup>22</sup> ã jiro õ sehe ni yahu namoha tinare:

—Sihãria to noano buhriachu mari ñu masino seheta Cohamacu yare tūhotuna to yare noano yoa masinahca musa. Musa tūhoturo seheta yoara musa. Cohamacu yare tūhotuna noaare yoara musa. <sup>23</sup> To yare tūhotuerana ñaare yoara musa. Musa ñaa dihtare musa tūhoturucuchu tí ñaa sehe ñabíaa jira —ni yahuha Jesu.

*Niñerure cahina, Cohamacu sehere cahierara*

*(Lc 16.13)*

<sup>24</sup> ã jiro tiro õ sehe ni yahu namoha tinare:

—Cũiro Cohamacu sehere wacuno, tuabiaro niñeru sehere wacuerara. Niñeru sehere tuabiaro wacuno Cohamacu sehere wacuerara. Niñeru dihtare cahmariro jiro Cohamacure wahchechu yoerara. Cohamacu cūhure, niñeru cūhure puarore cahma yūhdurūcahto basioerara musare —ni yahuha Jesu.

*Cohamacu to pohñare ñu wihbora*

*(Lc 12.22-31)*

<sup>25</sup> ã jiro tinare õ sehe ni yahu namoha:

—ã jicu musare nii nija: Musa chũare, sihniare, suhti cūhure pjíro cahya tūhotuena tjiga. Musare bajuamehñeno chũare chūhtina cjihti dihtare suhti sãhtina cjihti dihtare Cohamacu yoeraha musare. <sup>26</sup> Minichahca perire Cohamacu to ñu wihboare masiga musa. Tina weseri maeraina jira. ã yoa chũare ti wihboa wūhuse tinare mariaha. Musa Pucu muanano macariro sehe tinare ti chūhtire wara. Minichahca yūhdoro musa sehere cahina Cohamacu. ã jiro musa cūhure ñu wihborohca tiro. <sup>27</sup> Pjíro musa tūhotua mehne cū hora musare cati namochu yoa masierara musa. ã jiro musa pjíro tūhotua yaba cjihti jierara.

<sup>28</sup> ã jina musa suhti sãhtire pjíro cahya tūhotuena tjiga. Macaroca macaa cohorí ti cohoare tūhotuga. Tí cohorí ti basi suhtire yoerara. Wiho mejeta tí cohorí noaa suhti yoaro sehe noaa cohorí bajura. <sup>29</sup> Salomo cjiro noaa suhtire sãaríro to jipachuta tí cohorí sehe tiro yūhdoro noabia cohorí waro jira. <sup>30</sup> Cohoríre noaa cohorí yoara Cohamacu sehe. Tí cohorí sehe mahaa dachoricã jirucuma ñai boraahara. Mahanocã ji, pa dachoi pichacapu jūa wahara. Ti ã jipachuta cohoríre noaa cohorí jichu yoara Cohamacu. ã jiro Cohamacu cohoríre to noaa cohorí to yoaríro yūhdoro musa cūhure noano yoarohca. Suhtire warohca. Cohamacure mahanocã wacū tuara musa. <sup>31</sup> ã jina musa chūhtire, musa sihnihtire, musa suhti sãhtire pjíro cahya tūhotuena tjiga. <sup>32</sup> Cohamacure cahmaeraina sehe tíre ã macarucua nina. Musa Pucu muanano macariro jipihtia musa cahmaare masina. To ã masichu pjíro cahya tūhotuena tjiga. <sup>33</sup> Cohamacu musa puhtoro to jihto cjihtore cahma mūhtaga musa. Jipihtia paye baro yūhdoro tirore cahmaga musa. Noaare to yoa dutia cūhure cahmaga. Musa ã yoari baharo Cohamacu sehe musa cahmaa dūhsachu warohca. <sup>34</sup> ã jina ñamichacapure musa dohse wahahtore pjíro cahya tūhotuena tjiga. Musa ã pjíro cahya tūhotuna payubíaa jahca musa tūhotuhto sehe. Micha macaa dihtare musa tūhotuchu tó purota mu sūrohca —ni yahuha Jesu.

## 7

*Painare “Ñaina jira”, niena tjiga*

*(Lc 6.37-38, 41-42)*

<sup>1</sup> ã jiro tiro tinare õ sehe ni yahu namoha:

—Painare “Ñaina jira”, niena tjiga m̄sa. M̄sa ã nierach̄u Cohamac̄u m̄sare “Ñaina jira”, nisi. <sup>2</sup> Painare “Noano yoerara”, m̄sa ni ñ̄riro seheta Cohamac̄u sehe m̄sa c̄h̄ure ãta ni ñ̄nohca. <sup>3</sup> Mari piti dahre buhech̄u ò sehe yoaina jira m̄sa. M̄sa coyeiro to capariac̄u mahari pohcaroc̄ã to s̄ach̄u tí pohcaroc̄ãre noano ñ̄na m̄sa. M̄sa ya capariaca sehere pjiri pj̄i to jipach̄uta tí pj̄ine ne ñ̄erara m̄sa. Mahari pohcaroc̄ãre m̄sa ñ̄no seheta m̄sa coyeiro to ñ̄ano yoaa sehere noano ñ̄na m̄sa. M̄sa basi m̄sa ñ̄aare tuaro yoapanah̄ta tíre masierara m̄sa, pjiri pj̄ine m̄sa ñ̄eraro seheta. ¿Dohse jiro baro ã jijari m̄sa? <sup>4</sup> Ò sehe niina jira m̄sa: “Coyeiro, ñ̄aare yoai nica m̄h̄u. ã jicu tíre duhuga”, niina jira m̄sa. ã niina jipanahta pj̄iro ñ̄aare yoara m̄sa sehe. ¿Dohseana m̄sa ñ̄aare yoapanah̄ta tíre masierajari m̄sa? <sup>5</sup> Masa ti baharo b̄h̄usehei ñ̄ano yoa cohtaina jira m̄sa ã yoaina. Pjiri pj̄ine m̄sa capariac̄u jiri pj̄ine m̄sa na m̄htaboriro seheta m̄sa ñ̄ano yoaa sehere duhu m̄htaga. M̄sa ã yoari baharo m̄sa coyeiro to ñ̄ano yoaa duhuch̄u yoa masiboca, mahari pohcaroc̄ãre m̄sa naboro seheta.

<sup>6</sup> Dieya yoaro sehe jiina, yesea yoaro sehe jiina c̄h̄u ñ̄abianare Cohamac̄u ya noa ȳhd̄are ti ñ̄o payoeraare yahuena tjiga tinare. “Tinap̄u b̄j̄ure, ñ̄ano ni, m̄sare ñ̄abiaro yoari”, nina yahuena tjiga tinare —ni yahuha Jesu.

*Cohamac̄ure mari siniare yahuha Jesu*

*(Lc 11.9-13; 6.31)*

<sup>7</sup> ã jiro tiro ò sehe ni yahu namoha:

—Cohamac̄ure siniga m̄sa. M̄sa sinina m̄sa sinirire ñ̄ahanahca. M̄sa sinirire bocanahca. Tirore ã sinirucuga m̄sa. M̄sa ã yoach̄u tiro m̄sare warohca. <sup>8</sup> Jipihtina Cohamac̄ure siniina naahca. ã yoa ti sinirire bocaahca. Jipihtina Cohamac̄ure ã sinirucuinare tiro tinare warohca.

<sup>9</sup> ¿M̄sa pohna p̄ã curire m̄sare ti sinich̄u t̄ãca sehere wabocari m̄sa tinare? Ne wasi m̄sa. <sup>10</sup> ¿M̄sa pohna wahire m̄sare ti sinich̄u aḡã sehere wabocari m̄sa tinare? Ne wasi. <sup>11</sup> M̄sa ñ̄aina jipanahta m̄sa poh̄nare noaare waa tíre m̄sa. ã jiro Cohamac̄u sehe m̄sa ȳhdoro noaare wara m̄sare to poh̄nare tirore siniinare. M̄sa poh̄nare m̄sa wariro ȳhdoro Cohamac̄u sehe to poh̄nare wara.

<sup>12</sup> Paina m̄sare ti noano yoach̄u cahmana m̄sa. Tinare m̄sa noano yoach̄u cahmano seheta m̄sa c̄h̄u noano yoaga tinare. Ti noano yoerapach̄uta m̄sa sehe tinare noano yoaga. ãta yoa dutira Cohamac̄u dutia Moise cjiroro to c̄urip̄u Cohamac̄u yare yahu m̄htaina cjiri ti joari cjiri c̄h̄u —ni yahuha Jesu.

*Mahari sopacac̄ã quitire yahuha Jesu*

*(Lc 13.24)*

<sup>13</sup> ã jiro tiro ò sehe ni yahu namoha tinare:

—M̄anop̄u Cohamac̄u cahap̄u waha duana to yare yoaro cahmana m̄sare. ã jina to yare ã yoamacanocaeraro cahmana. Mahari sopacac̄ãp̄u m̄sa s̄ã duach̄u mijo curera. Tó seheta mijo nina Cohamac̄u cahap̄u m̄sa waha duach̄u. Pichac̄ap̄u masa ti wahach̄u mijoerara. Pjiri sopac̄ap̄u mari s̄ach̄u mijoerara. Tí sopac̄ap̄u masa ti s̄aboro seheta pichac̄ap̄u masa ti wahach̄u mijoerara. ã jia paȳu masa tórp̄u waha nina. <sup>14</sup> Cohamac̄u cahap̄u m̄sa waha duach̄u mijo nina. Mahainac̄ã masa tórp̄u wahaahca. Tórp̄u wahaina jipihtia dachoripe Cohamac̄u mehne jirucuahca —ni yahuha Jesu.

*Masa ti yoarire ñ̄na ti jia tiare masija mari*

*(Lc 6.43-44)*

<sup>15</sup> ã jiro tiro ò sehe ni yahu namoha tinare:

—Noano yoaga. “Cohamac̄u yare yahu m̄htaina jija”, ni mah̄noinare t̄hoena tjiga m̄sa. Tina oveja yoaro sehe suaeraina sehe bajumana. Ti t̄hotuap̄u ñ̄aina jira tina. <sup>16</sup> Ti ñ̄ano yoach̄u ñ̄na, ñ̄aina ti jich̄u masinahca m̄sa. Ti noano yoach̄u ñ̄na noaina ti jich̄u masinahca m̄sa. Aḡã potac̄u se t̄horine dicha tierara. Pota tid̄u c̄h̄u higuera pocare dicha tierara. <sup>17</sup> Noad̄u yuc̄c̄u noaare dicha tira. Ñad̄u sehe ñ̄aare dicha tira.

<sup>18</sup> Noadu yucucu ñaare ne dicha tierara. Ñ yoa ñadu noaare dicha tierara. <sup>19</sup> Noaare dicha tierara yucure dute cohãnocã, pichacaru jũnohca. Ñta yoarohca Cohamacu to cahmaare yoerainare. <sup>20</sup> Ñ jina “Cohamacu yare yahu mũhtaina jija”, ni mahñoinare õ sehe masinahca. Ti yoarire ñna, mahñoina ti jiare masinahca —ni yahuha Jesu.

“Mũsare ne masieraja”, ninohca Cohamacu payu masare  
(Lc 13.25-27)

<sup>21</sup> Ñ jiro tiro õ sehe ni yahu namoha tinare:

—Payu yũhure “Pũhtoro”, niina jipahta mũano macariro pũhtoro Cohamacu to sũho jiorũre wahasi tina. Yu Pũcu mũano macariro to cahmaare yoaina dihta pũhtoro to sũho jiorũre wahaahca. <sup>22</sup> Pihtiri dacho jichu payu masa õ sehe niahca yũhure: “Pũhtoro, mũ yare sã buhehi. Mũ wama mehne watĩare cohã wiohi. Ñ yoa mũ tuaa mehne payu yoa ñohi sã”, yũhure niina jiahca. <sup>23</sup> Ñ sehe ni yũhtiĩhca tinare: “Mũsare ne masieraja. Ñaa buhiri tiina jira mũsa. Ñ jina yu cahai taena tjiga”, ni yũhtiĩhca tinare.

Pũa wũhũ yoaina quitire yahuha Jesu  
(Lc 6.47-49; Mr 1.22)

<sup>24</sup> Ñ yoa jipihtina ahri yu buherire tũhorina yu dutiare yoaina, noano tũho masiriro wũhũ dahreriro yoaro sehe jira tina. Tiro sehe cũã copari tãa waparu saha, wũhure noano dapo dũcaha. <sup>25</sup> Tĩ wũhure to tuhsũri baharo coro tuaro ta, dia mini yũhdũa waha, tuaro wihnono wãha. Ñ to tuaro wãpachũta tĩ wũhũ cũãno tãa wapa bui to dapori wũhũ jiro ne waha sũ cahaerara. <sup>26</sup> Ñ jia jipihtina yu buherire tũhopahta yu dutiare yoeraina, tũho masierariro wũhũ dahreriro yoaro sehe jira. Tiro sehe to wũhure padũro buicã dapo, noano yoa dũcaeraha. <sup>27</sup> Tĩ wũhure to tuhsũri baharo, coro tuaro ta, dia mini yũhdũa waha, wihnono tuaro wãha. Ñ tuaro wãno tĩ wũhũ sehere wãroca cũnocaha. Ñ jiro tĩ wũhũ tuaro bora sũ cahaa wahaha —ni yahuha Jesu.

<sup>28</sup> To ã ni buhechũ tũhoa, cũaa wahaha masa. <sup>29</sup> “Tiro potocãta pũhtoro jira. Ñ jiro noano masi pahũoriro marine buhera tiro. Mari judio masare buheina yoaro sehe buherara”, ni tũhotuha tina.

## 8

*Jesu cami baarirore noariro wahachũ yoaha*  
(Mr 1.40-45; Lc 5.12-16)

<sup>1</sup> Jesu tũcũru buhe dujiriro cjiro dujia wahaha. To ã dujiachũ ñna masa payu tiro baharo wahaha. <sup>2</sup> To ã wahachũ cũiro cami bũcu baariro tirore piti boca, na tuhcuã caha sũ, tirore siniha:

—Pũhtoro, mũhũ yũhure noariro yoa duacu yoaga —niha.

<sup>3</sup> To ã nichũ tũhoru to wamomaca mehne Jesu tirore ña payoha.

—Jai, mũhure noariro wahachũ yoaja —niha Jesu tirore.

To ã nichũta tĩ to cami baari cjiri yati mũa wahaha. <sup>4</sup> Ñ ni tuhsũ Jesu tirore õ sehe niha tjoa:

—Yu mũhure õ sehe yoarire ne painare yahui tjia. Mũ pjacũre noari pjacu to waharire sacerdotere ñoi wahaga. Moiseru Cohamacu to cũiro seheta sacerdotere minichahcare waga mũ yũhdũre ti noano masihto sehe —niha Jesu.

*Surara pũhtoro to mũno to dohatichũ Jesu noariro wahachũ yoaha tirore*  
(Lc 7.1-10)

<sup>5</sup> Tõ baharo Jesu Capernau wama tiri macaru to sũchũ cien surara pũhtoro to cahai sũ, tirore tuaro õ sehe ni siniha:

<sup>6</sup> —Pũhtoro, yũhure dahra cohtariro pjacu bũhariro jiro waha masieratjiãhno tirore tuaro purĩchũ yu wũhũru coãhre tiro —niha tiro Jesure.

<sup>7</sup> To ã nichũ, Jesu “Jai”, ni yũhtiha:

—Tirore to dohatiare yũhdũchũ yoai wahaihtja —niha Jesu.

<sup>8-9</sup> To ã nichũ õ sehe niha surara pũhtoro:



—Pũhoro, noanohca. Tai tjia. Yũ yũdoro noa yũhdũariro jira mũhũ. Ya wũhũi mũhũre sãa ta dutiboriro jieraja yũhũ. Mũ masia mehne noariro wahachũ yoaga tirore. Mũ ã yoachũ yũ yũhũre dahra cohtariro noariro waharohca. Yũhũre yũ bui jiina paina pũhtoa dutira. Yũhũ cũhũ surarare dutija. Cũirore “Wahaga”, yũ nichũ tiro wahara. Pairore “Taga”, yũ nichũ tiro tara. Yũhũre dahra cohtarirore “Ahrire yoaga”, yũ nichũ tíre yoara. (Mũhũ cũhũ dutirota jira. ã jiro mũ dutiro seheta tiro dohatiriro yũhdũrohca) —niha tiro.

<sup>10</sup> To ã nichũ tũho cũaa waharo payũ masa tiro mehne jiinare õ sehe niha Jesu:

—Potocãta mũsare niita nija. Ahriro surara pũhoro Israe masũno jierariro Cohamacũre tuaro wacũ tuara. Tirore dahra cohtarirore yũ noariro wahachũ yoachtire masi tuhsũha. Ne Israe masare ahriro yoaro sehe jiinare ñũerasinija. <sup>11</sup> Mũsare niita nija. Payũ ahriro yoaro sehe Cohamacũre wacũ tuaina jipihtiro macaina mũano macariro pũhoro to sũho jiropũ sũa, tórpũ jiina mehne chũahca. Abrahã, Isaa, Jacobo mehne chũahca tina. <sup>12</sup> Masa paina sehe pũhoro Cohamacũ to sũho jiropũ wahaborina ti jipachũta ñanopũ nahitianopũ cohãnocanohca tinare. Tórpũ to cohãrina tuaro tii, cahyaa mehne bahca dihoahca —ni yahuha Jesu.

<sup>13</sup> Tíre ã ni tuhsũ, surara pũhoro õ sehe niha:

—Tjuahga mũ ya wũhũpũ. Mũhũre dahra cohtariro yũhdũrohca. “Potocãta yũhdũrohca”, ni mũ tũhoturiro seheta yũhdũrohca —niha Jesu.

To ã nino watoihita tirore dahra cohtariro sehe noa tuhsũha.

*Pedro marechonore dohatiricorore yũhdoha Jesu*

*(Mr 1.29-31; Lc 4.38-39)*

<sup>14</sup> Baharo Jesu Pedro ya wũhũpũ sũ, Pedro marechono dohatichũ ñũha tiro. Juaro tichũ cama bui coãha ticoro. <sup>15</sup> To ã jichũ ñũtjĩãhno to wamomacare ña payoha. To ã ña payochũta juaro surua wahaha. Suruchũ tũhoturo ticoro sehe wahcãrũca, tinare chũare payoha.

*Jesu payũ dohatiinare yũhdoha*

*(Mr 1.32-34; Lc 4.40-41)*

<sup>16</sup> ã yoa ñamichahapũ payũ watĩa ti sãanohrinare masa na wihaha Jesu cahapũ. Ti ã na wihichũ ñũno cũ tahata to waha dutichũ watĩa wahaa wahaha. Tuhsũ, jipihtina dohatiina ti na sũrinare ti dohatiare cohã pahũhoha Jesu. ã jia noaa wahaha tina. <sup>17</sup> ãta yoaha tiro panopũ macariro Cohamacũ yare yahu mũhtariro Isaia cjiro to niriro seheta. Õ sehe ni joaa tiha: “Mari dohatiare yũhdonocanohca tiro. Mari duti tiare cohãnocanohca”, ni joaa tiha Isaia cjiro Jesure.

*Cãina Jesu mehne waha duamaha*

*(Lc 9.57-62)*

<sup>18</sup> Jesu payũ masa to cahai ti jichũ ñũno:

—Sie coapũ basa pahãjihna —niha.

<sup>19</sup> Ti pahãhto pano judio masare buheriro Jesu cahapũ sũ, õ sehe niha:

—Buheriro, mũhũ mehne waha duaja nohoi mũ waharoi —niha.

<sup>20</sup> Jesu õ sehe ni yũhtiha:

—Cãina macaroca macaina wahiquina ti copari cjuara. Minichahca cũhũ ti suhti cjuara. Yũhũ masũno Cohamacũ warocariro sehe yũ carĩri wũhũ maeraja. (ã jina yũhũ mehne tana ñano yũhdũnahca mũsa) —ni yũhtiha Jesu.

<sup>21</sup> ã yoa paio Jesu buheriro õ sehe niha:

—Pũhoro, yũ pũcu to yariachũ yasinii wahaihtja. ã ya tuhsũi pinihta mũhũ mehne wahaihtja —niha tiro Jesure.

<sup>22</sup> Jesu õ sehe ni yũhtiha:

—Yũhũre cahmaeraina yariaina yoaro seheta jira. Tina sehe yariainare yajaro. ã jicu mũhũ sehe yũhũ mehne macariro cjihto taga —niha tiro.

*Jesu wihnonore yusu dutiha*  
(Mr 4.35-41; Lc 8.22-25)

<sup>23</sup> Ñ ni tuhsu Jesu to jiriapũ dohoriapũ samuha. Ñ jia to buheina cũhu tiro mehne waha, samuha. <sup>24</sup> Tí bũcũpariropũ ti pahãchũ waro wihnono tuaro taha. Ñ jia pahcõri dohoriare mionocamaha. Ñ wihnono wãpachũta Jesu sehe carĩno niha. <sup>25</sup> To ã wahachũ ñũa tina tirore wahcõha. Wahcõ õ sehe niha:

—Pũhtoro, yũhdoga. Mari mini yariana tana nija —niha tina.

<sup>26</sup> Ti ã nichũ Jesu õ sehe ni yũhtiha:

—¿Dohse jiro baro cuimacanocana nijari mũsa? Yũhũre wacũ tuaeraina jira mũsa —niha Jesu tinare. Ñ ninota wahcãrũca sũ, wihnonore pahcõri cũhũre “Yũsũa wahaga”, niha. To ã nichũ wihnono yũhdũa wahaha. Ñ jia pahcõri cũhũ yusu boraahaha. <sup>27</sup> To ã yoachũ ñũ cũaa, õ sehe niha tina:

—¿Cue, dohse jiro baro masũno jijari ahriro? Ahri wihnono, pahcõri cũhũ to dutichũ yũhdũrũcaerara tirore —niha tina.

*Watĩare cohã wioha Jesu*  
(Mr 5.1-20; Lc 8.26-39)

<sup>28</sup> Tinare ã wahari baharo pahã sũ, Gadara macaina ya yahrapũ sũha. Tõpũ ti sũchũ pũaro mũa masa copari watopũ jiina Jesure piti bocaaha. Tina watĩa ti sãanohorina cuaina jiha. Ñ jiro tõpũ masa ti wahamahnoeno jiha. <sup>29</sup> Tirore piti boca, õ sehe ni sañurucuha:

—¿Mũhũ Cohamacũ macũno dohse yoai tai tajari mũhũ sã cahapũre? ¿Sãre Cohamacũ to buhiri dahrehti pja to jierapachũta sãre buhiri dahrei tai nijari mũhũ? —ni sañurucuha tina.

<sup>30</sup> Tõ cahai payũ yesea maca chũa niha. <sup>31</sup> Tinare ñũa, watĩa õ sehe niha Jesure:

—Sãre cohã wiochũ sina yesea cahapũ yeseare sãa dutiga sãre —ni siniha watĩa Jesure.

<sup>32</sup> —Jai, wahaga —niha Jesu.

To ã nichũ watĩa pũaro masa mehne jirina cjiri waha, yesea ti pjacũripũ sãaha. Ñ yoa tinare ti sãari baharo, yesea pari cũnũpũ mũroca buha, bũcũpariropũ bora ñoja, mini yaria piltia wahaha.

<sup>33</sup> Ti ã wahachũ ñũa yeseare ñũ wihboina sehe cui, mũrocaa wahaha. Macapũ sũ, yesea ti minirire yahu site pahũoha. Watĩa ti sãanohrinare Jesu to cohã wiori cũhũre yahu pahũoha tina. <sup>34</sup> Ñ ti yahu siteri baharo tí maca macaina jipĩhtina Jesure ñũa taha. Ñ jia tirore ñũa, tuaro mehne waha dutiha tirore.

## 9

*Pjacũ bũharirore noariro wahachũ yoaha Jesu*  
(Mr 2.1-12; Lc 5.17-26)

<sup>1</sup> Ñ ti waha dutiri baharo Jesu dohoriapũ samu, bũcũpariropũ pahã, to bũcũari macapũ sũha. <sup>2</sup> Tõpũ paina pjacũ bũharirore to coãri cahsaro mehne yo wũa wihũha Jesu cahai: “Jesu ahrirore to dohatiare yũhdũchũ yoarohca”, ni tũhotuha tina. Ti ã ni tũhotuchũ masino dohatirirore õ sehe ni yahuha Jesu:

—Macũ, wahchega mũhũ. Ñnano mũ buhiri tiare cohã tuhsũja yũhũ —niha tiro.

<sup>3</sup> To ã nichũ tũhoa cãina mari judio masare buheina õ sehe ni tũhotumaha: “Ahriro wiho jiro ã nino, ‘Cohamacũ jija’, nino nina. Ñ nino Cohamacũre ñano nino nina”, ni tũhotumaha tina. <sup>4</sup> Ti ã ni tũhotuchũ masino, õ sehe niha Jesu:

—¿Dohseana ã ñano tũhotujari mũsa? <sup>5</sup> “Ñnano mũ buhiri tiare cohã tuhsũja”, yũ nichũ, “Mahũoriro jira”, nina mũsa noano masierapanahta. “Wahcãrũca, wahaga”, yũ nichũ yũ niri potocã jia jichũ dõihta mũsa masinahca. <sup>6</sup> Yũhũ masũno Cohamacũ warocariro ahri yahpai masa ti ñano buhiri tiare cohã masija yũhũ. Masa ti ñano buhiri tiare cohãhtiro cjĩhtore cũre Cohamacũ yũhũre. Yũ ã cohãrire mũsa masihto sehe õ sehetã yoa ñoihtja mũsa ñũhti cjĩhtire —niha Jesu.

Tinare ã ninota, pjacũ bũharirore õ sehe niha:

—Wahcārucaga. Mũ coāri cahsarore na wahcāga mũ ya wũhũrũ —niha tire.

<sup>7</sup> To ã nichũ tũhoro pjacũ buhariro wahcārucũ sũ, to ya wũhũrũ tjuaa wahaha. <sup>8</sup> Masa to ã wahachũ ñũa cuiha. ã yoa Jesure Cohamacũ to tuare to wachũ ñũa masa Cohamacũre ño payo, noano durucuha.

*Jesu Mateore pjiha*

*(Mr 2.13-17; Lc 5.27-32)*

<sup>9</sup> Ti ã yoari baharo Jesu tórpũ jiriro ta, yũhũre Mateore boca wihire. Pũhtoa ya cjihtire masare wapa na cohtariro jimai. ã jicũ tí pjare yũ dahrari tahtiarũ dujii. Tó yũ dujichũ ñũno ò sehe nire yũhũre:

—Yũhũ mehne macariro cjihto taga mũhũ —nire Jesu yũhũre.

To ã nichũ tũhocũ wahcārũca tiro mehne wahai.

<sup>10</sup> Baharo ya wũhũrũ Jesu cũhũ chũa tare. Payũ pũhtoa ya cjihtire wapa na cohtaina, “Ñano yoaina”, ti niina cũhũ sã mehmeta chũre. <sup>11</sup> Tina mehne sã chũchũ ñũa, fariseo curua macaina sãre Jesu buheinare ò sehe nire:

—¿Dohsearo mũsare buheriro wapa na cohtaina mehne, ñano yoaina mehne chũjari? —nire tina sãre to buheinare.

<sup>12-13</sup> Ti ã nichũ tũhoro Jesu sehe piti dahre buhea mehne yũhtire:

—Dohatieraina duhturure macaerara. Dohatiina dihta duhturure macana. Ñaare yoaina dohatiina yoaro sehe jira. ã jicũ ñaare yoaina dihtare ti ñaare ti tũhotumari cjiire duhu, noaa sehere ti tũhotu cohtotachũ yoai tai nii yũhũ. Ti basi “Noaina jija sã”, ni tũhotuina barore yahui tai nierahi. Cohamacũ to nirire ti joarire masiga mũsa. “Wahiquinare mũsa wajã, jũ mũoa mehne yũhũre mũsa ño payochũ cahmaeraja. Painare mũsa pja ñũchũ sehere cahmaja”, ni joaha. Ahri to joari to dohse niare masiga mũsa. Tíre noano buhe namona wahaga —nire Jesu fariseo curua macainare.

*Chũ duhuare sinituha João buheina Jesure*

*(Mr 2.18-22; Lc 5.33-39)*

<sup>14</sup> Baharo João masare bautisariro to buheina Jesu caharũ sũ, ò sehe ni siniture:

—Sã João buheina sehe Cohamacũre ño payona tana, chũ duhuja. Fariseo curua macaina cũhũ ãta chũ duhura. ¿Dohse yoaa mũ buheina sehe chũ duhuerajari? —nire tina Jesure.

<sup>15</sup> Jesu to tũhotua mehne piti dahre buhero taro tinare ò sehe ni yũhtire:

—Ò sehe jira tí: Wamomaca dũhteropũ ti pjirocaina wamomaca dũhteriro mehne jia, chũ duhu masierara. Tó seheta yũ buheina cũhũ yũhũ mehne jia, chũ duhu masierara. Yũhũ wamomaca dũhteriro yoaro sehe jija. Wamomaca dũhteriro bose mũmũ to yoachũ tiro mehne macaina cahyaa mehne jierara. ã jia chũ duhuina jierara. Yũ Pũcũ Cohamacũ yũhũre to naari baharo pinihtare yũ buheina mehne jisi yũhũ. ã jia tí pjarũta yũ buheina cũhũ chũ duhuahca —ni yũhtire Jesu.

<sup>16</sup> Panopũ macaa buhea wahma buhea mehne ti buhe more duachũ ñũno ò sehe ni namore Jesu tinare piti dahre buhero:

—Ne wahma cahsaro suhtiro cahsaro mehne mũnãno suhtirore sere òno cahmaerara. ã yoachũ wahma cahsaro mari cosari baharo mũnãno suhtirore waja cahmachũ, pjibiaro tũhnũchũ yoara. (Ahri yoaro sehe ni, mũna buhea wahma buhea mehne piti dahre buheraro cahmana.) <sup>17</sup> ã jina ne se co bisia core wahiquiro cahsaro wajuru mehne mũna wajuru mehne posaeraro cahmana. ã yoachũ se co bisia pahmoarũ mũna wajurure tũhrãnocahna. To tũhnũchũ se co cũhũ, wajuru cũhũ cohõa wahara. ã jina se co wahma core wahma wajurupũ posaro cahmana. ã yoachũ se co cohõeraa, wajuru cũhũ cohõerara. (Tó seheta wahma buhea mũna buhea mehne buhe moreraro cahmana) —ni yahure Jesu tinare.

*Jairo maconore noaricoro yoa, cahã ñũricoro cũhũre noaricoro yoaha Jesu*

*(Mr 5.21-43; Lc 8.40-56)*

<sup>18</sup> To ã ni yahuro watoi judio masa mari buheri wuhũ pũhtoro Jesu cahapũ wihire. Wihi, na tuhcuca caha sũ, õ sehe nire:

—Yũ maco yoatapũ yariaa wahahre. Tidorore mũ wamomacare duhu payoi taga. Mũ ã yoachũ masanohca —nire tiro Jesure.

<sup>19</sup> To ã nichũ tũhoro Jesu wahcãrũca tiro mehne wahare. Sã to buheina cũhũ wahai. <sup>20</sup> Sã mahai waharucuchũ tói numino ã cahã ñũrucuricoro Jesu baharo bũhũsehei ta, to suhtiro sohtoare ñaha ñũha. Doce cũhmari waro dachoripe cahã ñũrucuricoro jiha. <sup>21</sup> Õ sehe ni tũhotuha ticoro ã yoaro: “To suhtirore ñaha ñũco, noaricoro wahacohca”, ni tũhotuha ticoro. <sup>22</sup> To ã yoachũ masino Jesu majarerũcũ sũ, ticorore õ sehe nire:

—Maco, wahchega mũhũ. Mũ yũhũre wacũ tuua mehne noaricoro tjuara mũhũ mipũre —nire tiro.

To ã nichũta noaa wahare ticoro.

<sup>23</sup> Æ yoa tuhsũ Jesu pũhtoro ya wũhũpũ sũre. Sãa sũro, ñahacaha tiinare teneniaca yoaro sehe jiriare putiinare ñũre. Payũ masa ti ñano bisichũ cũhũre tũhore tiro. <sup>24</sup> Ti ã nichũ tũhoro masare õ sehe nire:

—Wijaahga mũsa. Yariaerari jira ticoro. Carĩno nina —nire tinare.

To ã nichũ tũhoa, “Æ nimacanocano nina ahriro”, nia masa bũjũre tirore. <sup>25</sup> Æ jiro wũhũ puhichapũre masare to wio pahñori baharo yariaricoro cahapũ sũ, to wamomacare ñahaha. To ã ñahachũ masa caha sũ, wahcãrũcũ sũha ticoro. <sup>26</sup> To ã yoirire tũhoa, tó macaina masa jipihtina yahu sitere.

*Pũaro capari bajuerainare ñũchũ yoaha Jesu*

<sup>27</sup> Æ yoaro Jesu tói jiriro to wahachũ, pũaro capari bajueraina tirore pisu nũnũ tire:

—Davi panamino masare yũhdohtiro, sãre pja ñũga mũhũ —ni sañurucure tina.

<sup>28</sup> Ti ã nichũta Jesu pa wũhũpũ sãare. To ã sãachũ masia capari bajueraina to cahapũ sãa wahare. Ti ã sãa sũchũ ñũno tiro sehe siniture tinare:

—“Marine ñũchũ yoarohca tiro”, ¿ni tũhotujari mũsa yũhũre? —nire tiro.

—Pũhtoro, ãta ni tũhotuja sã —ni yũhtire tina.

<sup>29</sup> Ti ã nichũta ti caparire ña payore. Æ ña payorota õ sehe nire:

—Yũhũre “Æ yoarohca”, mũsa ni tũhoturiro seheta ã yoaja —nire Jesu.

<sup>30</sup> To ã nichũta ti capari sehe noaa wahare. Æ yoa Jesu õ sehe nire tinare:

—Ahri yũ õ sehe yoirire painare ne yahuenta tjiga —nire.

<sup>31</sup> To ã nipachũta waha, tói jiiinare yahu sitere tina to ã yoirire.

*Durucuerarirore durucuchũ yoaha Jesu*

<sup>32</sup> Tí wũhũre ti wijaachũ waro cãiro durucuerarirore na tare masa. Watĩno tiro mehne jiriro tirore durucuerachũ yoaha. <sup>33</sup> Ti na sũchũ ñũno watĩnore Jesu cohã wiore. To ã cohã wiochũ watĩno to sãanohriro cjiro sehe durucua wahare. To ã yoachũ ñũa jipihtina cũa pihtiare.

—Ne, ahri yahpa Israe yahpũre õ sehe yoare ñũera tihi mari —ni durucure tina ti basi.

<sup>34</sup> Fariseo curua macaina sehe soro ni durucure:

—Watĩa pũhtoro to tuua mehne watĩare cohãna ahriro —ni durucure tina.

*Masare pja ñũha Jesu*

<sup>35</sup> Æ yoa jipihtia macari tói jia macaricãre, bũjũa macari cũhũre buhe tinino wahare Jesu. Noaa buheare judio masa mari buhea wũhũsepũ buhero wahare tiro. Æ jiro pũhtoro Cohamacũ to sũho jihtore yahure. Jipihtia dohatia cũhũre tó macainare yũhdore tiro.

<sup>36</sup> Masa payũ ñano yũhdũina, pjacũoro wahaina ti jichũ ñũno Jesu tinare pja ñũre. Tina oveja pũa marieina yoaro sehe ti jichũ ñũno Jesu tuaro pja ñũre tinare. <sup>37</sup> Æ jiro õ sehe nire tiro sãre to buheinare, piti dahre buhero:

—Yo payũ ti bũcũa tuhsũchũ payũ jichũ dahraa pjĩro jira. Wiho mejeta dahrainã sehe mahainacã jira. (Tó seheta noaa buheare tũhohtina payũ jichũ pjĩro jira mari dahraa. To ã jipachũta mahainacã dahrari masa yoaro seheta noaa buheare buhehtina cũhũ

mahainacã jira.) <sup>38</sup> Æ jina noaa buheare buhehtinare painare to warocahtore siniga Cohamacure —nire Jesu.

## 10

### *Jesu doce waro bese dapoha to warocahtinare*

(Mr 3.13-19; Lc 6.12-16)

<sup>1</sup> Baharo doce sãre to buheinare Jesu pjiroca, tuaare cõre sãre. Watĩare sã cohã masihtĩ cjihtire jipihtia dohatiare sã cohã masihtĩ cjihtire cõre sãre.

<sup>2</sup> Õ sehe wama tii sã Jesu to bese cõrina: Simo jire. Tiroreta Pedro ni pisure Jesu. Simo bahũro Andre cõhũ jire. Santiago cõhũ to bahũro João mehne jire. Tina Santiago cõhũ pũcũro Zebedeo wama tire. <sup>3</sup> Felipe, Bartolomé, Toma, yũhũ Mateo jii sã. Yũhũ sehe pũhũa ya cjihtire masare wapa na cohtarĩo jimai. Sã mehne paio Santiago jire. Tiro sehe Alfeo macũno jire. Æ jiro Tadeo cõhũ jire. <sup>4</sup> Simo cananeo ya curua macarĩo cjiro, Juda Iscariote cõhũ jire. Juda sehe Jesure ñũ tuhtiinare ñohtiro jire.

### *Jesu to buheinare buhe dutiro warocaha*

(Mr 6.7-13; Lc 9.1-6)

<sup>5</sup> Æ yoa sãre doce to buheinare warocarõ, “Õ sehe mũsa yoanahca”, ni yahu quihõre sãre Jesu:

—Judio masa jieraina cahapũre wahaena tjiga. Ne Samaria yahpai jia macaripũ cõhũre wahaena tjiga. <sup>6</sup> Israe yahpa macaina cahapũ sehere wahaga. Tina oveja peri wisia wahaina yoaro sehe Cohamacure masieraina jira. <sup>7</sup> “Mũano macarĩro to sũho jihto mahanocã dũhsara”, ni buhega tinare. <sup>8</sup> Æ jina cami bũcũ baainare, paye payũ soro jia dohatiare cjuaina cõhũre noaina yoaga. Yariainare masoga. Watĩa masare ti sãanohorinare cohã wioga tinare. Mũsare ã wanocai nija ahri tuaare. Æ jina mũsa cõhũ yũ ã wanocarĩro seheta masare noaina ã yoanocahga.

<sup>9</sup> Mũsa wahana niñerure ne naaena tjiga. <sup>10</sup> Ne mũsa wajure, pũaro camisare, pũa wahpa dahpo suhtire, mũsa tjua yucũ cõhũre naaena tjiga. Mũsa sãano dihtare sãa wahcãga. Paye suhtire naaena tjiga. Mũsa buhena waharopũ jiina tina sehe mũsare mũsa puhi cjihtire waahca. Æta waro cahmana tinare.

<sup>11</sup> Tĩ macaripũ sũna, ji coaro mehne carĩnore warĩrore macaga. Æ jina tí wũhũihta tjuasiniga. Pũ, coã wahanapũ wijaahga tí wũhũre. <sup>12</sup> Æ jina wũhũpũ sãahna, “¿Jimajari mũsa?” niga tí wũhũ macainare. <sup>13</sup> Mũsare noano ti cahmachũ “Cohamacũ mehne noano jiga mũsa”, niga tinare. Mũsare ti cahmaerachũ, mũsa ã niborire niena tjiga. <sup>14</sup> Æ jina mũsare ti cahmaerachũ, ti tũho duaerachũ tí wũhũre wijaahga. Wijaana, dahpo suhti macaa dihta pohcarire wajã site cũga mũsa tinare ti ya buhirire masichũ yoana. Tĩ maca macaina mũsare ti cahmaerachũ ãta yoaga tina cõhũre. <sup>15</sup> Potocã mũsare niita nija. Ahri dacho pihtichũpũre Sodoma macaina, Gomorra macaina cõhũ tuaro buhiri tihtinata jira. Ti ã jipachũta tina yũhdoro mũsare cahmaeraina buhiri tihtina jahca —ni yahure Jesu.

### *Jesu yainare paina ti ñano yoahore yahuha Jesu*

<sup>16</sup> Æ ni tuhsũ õ sehe ni namore:

—Yũhũre tũhoga mũsa. Oveja yoaro sehe jiinare mũsare ñaina watoĩ warocai nija. Tina ñaina macarõca macaina yaya suaina yoaro sehe jira. Æ jina mũsa sehe paina wahiquina wacũ masiina yoaro sehe jiga. Æ jiina jipanahta buja yoaro sehe ne suaeraina jiga mũsa. <sup>17</sup> Noano yoaga mũsa. Masa mũsare pũhũatoare waahca. Tuhsũ Judio masa mari buhea wũhũserũ cãpeahca mũsare. <sup>18</sup> Æ jia yũ yaina mũsa jiri buhiri macari macaina pũhũatoare cahapũ ti buĩ jiina pũhũatoare cahapũ cõhũre naahca mũsare. Æ jina mũsare tõpũ ti naachũ tinare judio masa jieraina pũhũatoare cõhũre noaa buheare buhenahca mũsa. <sup>19-20</sup> Mũsare pũhũatoare ti wachũ tinare mũsa nihtire “Cue, masieraboca”, ni tũhotuena tjiga. Mũsare ti sinituchũta mũsa nihtire masinahca. Æ masina tinare yahuna mũsa tíre mũsa mũ sũro durucuna nisi. Cohamacũ sehe mũsa Pũcũ to Espĩritu mehne mũsare durucuchũ yoarõhca.

<sup>21</sup> Tí pjare ti wahmisuma ti bahanare wajã dutia waahca pũhtoare yu yaina ti jiri buhiri. Ti pũcusuma ti pohmare wajã dutia waahca pũhtoare. Ti pohna sehe ti pũcusumare wajã dutia waahca pũhtoare. <sup>22</sup> Jipihtina masa sehe yu yaina masa jiri buhiri musare ñu tuhtiahca. Ti ã yoapachũta ahri yahpai masa catisinino puro musare ti ñano yoarire cãno pjana yũhũre, yu buhea cũhũre duhuerana, yũhdũnahca masa. <sup>23</sup> Cũmacai musare ti ñano yoachũ pa macapũ duhti wahcãga. Potocã musare niita nija. Israe yahpai jia macarine jipihtia tí macaripũ masa duhti wahcãhto pano, yũhũ masũno Cohamacũ warocariro ahri yahpapũ tjua taihtja.

<sup>24</sup> Ne cũiro buheriro tirore yahuriro buipũ jierara. Cahamacũno cũhũ to pũhtoro bui cure jierara. <sup>25</sup> ã jiro õ sehe tũhoturo cahmana buherirore: “Yũhũre buheriro yoaro seheta jiihtja”, ni tũhoturo cahmana. Cahamacũno cũhũre ãta ni tũhoturo cahmana. “Yu pũhtoro yoaro seheta jiihtja”, ni tũhoturo cahmana. (“To bui jiihtja. ã jicũ yu pũhtoro to ñano yũhdũriro seheta ñano yũhdũsi yũhũ sehe”, ni tũhotueraro cahmana.) Yũhũ sehe wũhũ pũro yoaro sehe jija. Masa sehe tí wũhũ dahraina yoaro sehe jira. ã jia masa yũhũre “Beelzebú jira”, ni yahusã, masa cũhũre yu yainare ñano ni durucuahca tina —ni yahure Jesu.

*“¿Diro barore cuichũ noajari?” ni yahuha Jesu  
(Lc 12.2-7)*

<sup>26</sup> ã ni tuhsũ õ sehe ni namore:

—ã jina musare ñano yoainare cuiena tjiga. Masa ti ya sãari cjirire baharo paina masiahca. ã jia ti nũori cjiri cũhũre paina masiahca. <sup>27</sup> Musare yaroca yu yahuri cjirire payũ masa watoi buhe turiaga masa. <sup>28</sup> Masũnore wajãina to pjacũ dihtare wajãna. To yajeripohna yariaerara. ã jina musare wajã duainare cuiena tjiga. Cohamacũ sehere cuiga. Tiro masa pjacũre, masa yajeripohñari cũhũre pichacapũ cohã masina. ã jina tiro sehere cui, yũhtiga masa.

<sup>29</sup> Pũaro siripia wapa mariahna. Ti ã wapa mariapachũta cũirocãre Cohamacũ ne boerara. Cohamacũ to dutierachũ ne yarierara tirocã. <sup>30</sup> ã jiro masa pjoarire ne cũ pjoada dũhsaro marieno masi pahñona Cohamacũ. Tó seheta masa jia tia cũhũre masi pahñona Cohamacũ. ã masino musare ñu wihborucura. <sup>31</sup> Siripiare to cahĩno yũhdoro, masa sehere cahĩna Cohamacũ. ã jina pjĩro tũhotuena tjiga masa —ni yahure Jesu.

*Jesure masa wacũ tuari cjirire yahuga masare  
(Lc 12.8-9)*

<sup>32</sup> ã jiro tinare õ sehe ni yahu namore:

—Cũiro “Jesu yairo jija”, masare to ni yahuchũ yũhũ cũhũ tirore “Yu yairo jira”, ni yahuihtja yu Pũcũre mũano macarirore. <sup>33</sup> Wiho mejeta cũiro “Jesu yairo jieraja”, masare to nichũ yũhũ cũhũ “Yu yairo jierara tiro”, ni yahuihtja yu Pũcũre —ni yahure Jesu.

*Jesu masare tju wachũ yoara  
(Lc 12.51-53; 14.26-27)*

<sup>34</sup> ã ni tuhsũ õ sehe ni yahu namore:

—¿Dohse ni tũhotujari masa yũhũre? “Tiro masare to buheri baharo paina tinare ñu tuhtisi”, ¿ni tũhotujari masa? ã jierara. Masare yu buheri baharo cãina yu yare tũhoahca. Paina sehe tinare ñu tuhtiahca. Cũno potori waro jisi masa. <sup>35</sup> Bũcũna yu buheare ti tũhori buhiri ti pohna yu buheare cahmaeraa, tinare ñu tuhtiahca. Bũcũ numia yu buheare ti tũhori buhiri ti pohna numia yu buheare cahmaeraa, tinare ñu tuhtiahca. Ti marechosanumia yu buheare ti tũhori buhiri ti macũ namosãnumia yu buheare cahmaeraa, tinare ñu tuhtiahca. <sup>36</sup> ã jia masa ti coyeare ñu tuhtiina jahca.

<sup>37</sup> Yũhũre ti cahĩboriro yũhdoro ti pũcusuma sehere cahĩ yũhdũrũca yu yaina jisi tina. Yũhũre ti cahĩboriro yũhdoro ti pohna sehere cahĩ yũhdũrũca yu yaina jisi tina. <sup>38</sup> ã jia paina crusapũ yu yariahto seheta yu yaina ti jiri buhiri ñano yũhdũahca tina cũhũ. Tó sehe ñano yũhdũ duaeraina yu yaina jisi tina. <sup>39</sup> Masa yũhũre wacũno marieno ti mũ

sũro yoa, pichacapũ wahaahca tina. ã jia yũ yare ã yoarucua jipihtia dachoripe yũhũ mehne jirucuahca tina —ni yahure Jesu.

*Mari wapatahtore yahuha Jesu*

*(Mr 9.41)*

<sup>40</sup> ã ni tuhsũ õ sehe ni yahu namore:

—Mũsare yũ yainare cũiro noano cahmano, yũhũ cũhũre cahmano nina tiro. ã yoa tiro yũhũre noano cahmariro yũhũre warocariro cũhũre cahmano nina. <sup>41</sup> ã jiro Cohamacũ yare yahuriro wapatarohca. Tirore noano yorohca Cohamacũ. ã jiro to yare yahuriro to jichũ ñũno paio tirore noano cahmano, yahuriro yoaro sehetã wapatarohca tiro cũhũ. ã yoa paio noano yoariro wapatarohca. Tuhsũ, noano yoariro to jichũ ñũno paio sehe tirore noano cahmano noano yoariro yoaro sehe wapatarohca tiro cũhũ. <sup>42</sup> Yũ yairo cũiro to jichũ ñũna, wiho jiriro to jipachũta dohse jiina tirore core ti sihõchũ mahanocã ti wapachũta potocãta tinare noano yorohca Cohamacũ —ni yahure Jesu.

## 11

*João masare bautisariro to buheinare Jesure sinitu ñũ dutiro warocaha*

*(Lc 7.18-35)*

<sup>1</sup> Sãre to buheinare to ã ni yahuri baharo tó cahai jia macaripũ buhero wahare Jesu.

<sup>2</sup> ã yoa to yoarire João peresui jiriro tũhorocaha. ã tũhoro João to buheinare Jesure sinitu ñũ dutiro warocaha. <sup>3</sup> ã jia Jesu cahapũ sũ, sinitu ñũre tina João buheina.

—¿João “Yũ baharo paio tarohca”, to niriro tjjari mũhũ? ¿To niriro mũ jierachũ paiore cohtanahcari sã? —ni sinitu ñũre tina sehe Jesure.

<sup>4</sup> Ti ã nichũ tũhoro Jesu õ sehe ni yũhtire:

—Mipũre mũsa tũhorire, mũsa ñũre João yahuna wahaga: <sup>5</sup> “Capari bajueraina ñũna. Tini masieraina tinina. Cami bũcũ baina noaina wahara. Tũho bocaeraina tũhoa wahara. Yariaina masaa wahara. Tina jipihtinare noaina wahachũ yoahi yũhũ. Tuhsũ, pjacũoinare noaa buheare yahuja. <sup>6</sup> Yũhũre tũhoro ‘Potocã tjira’, niriro tiro wahcheriro jira” ni, João yahuna wahaga —nire Jesu.

<sup>7</sup> João buheina ti wahari baharo, Jesu sehe João to jia tiare yahu dũcare payũ masare:

—Masa marienopũ João cahapũ sũna, tjare wiñnono to wãroca cohtotachũ yoariro sehetã to buheare cohtota mũjarirore ñũna sũerare mũsa. <sup>8</sup> “Noaa suhti tirirore ñũna wahajihna”, nierare mũsa João cahapũ masa marienopũ wahana. Noaa suhti tiina wapa bũjuare cjuaina pũhtoa ya wũhũsepũ jira. <sup>9</sup> Masa marienopũ sũna Cohamacũ yare yahu mũhtarirore ñũna sũre mũsa. Potocã tjira. João Cohamacũ yare yahu mũhtariro jira. Paina Cohamacũ yare yahu mũhtaina yũhdoro jiriro jira tiro. <sup>10</sup> Panopũ Cohamacũ yare ti joari pũi João õ sehe ni yahu joaa tiha:

“Cohamacũ to macũnore õ sehe niha: ‘Mũ pano mũhũre yahuyũhtirore warocai nija’, niha”,

ni joaa tiha panopũre João. <sup>11</sup> Mũsare potocã niita nija. Paina jipihtina bui jira João bautisariro. Ahri turupũre to ã jipachũta mũano macariro pũhtoro to sũho jirore jipihtina docapũ jiriro pinihta João bui jira.

<sup>12</sup> João masare bautisariro to buhe, bautisa dũcachũ payũ masa mũano macariro pũhtoro to sũho jirore pihtichũ yoa dua, ti mũ sũro cahmache, tíre yoa duamana.

<sup>13</sup> Cohamacũ yare yahu mũhtaina ti joari cjirire, Cohamacũ Moise cjirore to cũri cjiripũ cũhũre buhena pũhtoro Cohamacũ to sũho jiltore masija mari. João cũhũ tíreta yahure.

<sup>14</sup> “Elia tarohca”, panopũ ti niriro cjirota jira João sehe. Panopũ macaina ti nirire “Potocã tjira”, ni duana João ti ã niriro cjiro to jichũ masinahca mũsa. <sup>15</sup> Noano tũhoga mũsa ahrire.

<sup>16</sup> ¿Mipũ macaina masa yabaina yoaro sehe jijari tina, mũsa tũhotuchũ? Tina macanacã yoaro sehe jira. Paina ti cahmano sehe ti yoerachũ tó wahaerara tinacãre. Pache duaropũ pape dujia, õ sehe ni pisurucura tinacã ti basi: <sup>17</sup> “Mũsa basahti cjihtire sã putipemahi. ¿Dohseana mũsa basaerari sã tíre putipechũ? Sã tuaro ñahacaha tiipe,

sañurucumahi. ¿Musa sehe dohseana sã mehne tiiperari?” nirucuina yoaro sehetã jira mipu macaina cãhu. Mipu macaina ti cahmano sehetã sã yoerachu ñua tã wahaerara tinare. <sup>18</sup> Tina yoaro sehe yoana õ sehe yoara musa mipu macaina. João bautisariro Cohamacure ño payoro taro chu duhuro vinore sihnierare. To ã sihnierachu ñua “Watino to sãanohriro, tãho masierariro jira”, nimare musa tiro sehere. <sup>19</sup> Yuhu masano Cohamacu warocariro jicu yuhu chu, sihnija. Yu ã yoachu ñua õ sehe nina musa yuhu sehere: “Ñuga. Ahriro pjiro churiro, cahariro jira. Wapa na cohtaina, ñano yoina cãhu ti piti tiriro jira ahriro”, nina musa yuhure. (A nina macanacã yoaro sehe durucuina jira musa. Musa cahmano sehe sã yoerachu tã wahaerara musare. Ne sahsaerara musa.) ã masierapanahta sã yoarire ñua, Cohamacu masiare sã cjuachu masinahca musa —nire Jesu tinare.

*Ti ñaare cahyaeraina ya macari macainare tuhtiha Jesu*

*(Lc 10.13-15)*

<sup>20</sup> Baharo macari macainare tuhtire Jesu. Tã macarine paye macari yãhdoro Cohamacu tuaa mehne yoa ñomare tiro. To ã yoa ñopachuta ti ñaare tãhotumarire duhuerasinire tina. ã jiro õ sehe ni tuhtire tinare tiro:

<sup>21</sup> —Corazã macaina, musa ñano yãhdunahca. Betsaida macaina, musa cãhu ñano yãhdunahca. Musa ya macaripure Cohamacu tuaa mehne yoa ñomahi. Tiro wama tiri macare, Sidõ wama tiri maca cãhure to tuaa mehne yu yoa ñochu ñua panopu tã macaina sehe ti ñaare cahyaboa. ã yoaa ti ñaare tãhotumari cjirire tãhotu cohtotaboa. Cahyaa suhtire sãa, niti pohcare tina bui dahra site payoboa ti ñaa cahyaare ñoa. <sup>22</sup> Musare niita nija. Buhiri dahrehti dacho jichu Cohamacu Tiro macaina, Sidõ macaina yãhdoro ñaina musa jiri buhiri musare ñano waro buhiri dahrerohca tiro. <sup>23</sup> Capernau macaina, musa mu sãro muanopu waha duamana. Musare Cohamacu pichacapu cohãnohca. Musa ya macapu Cohamacu tuaa mehne yoa ñomahi. Musa yuhure tuhoerare. Sodoma wama tiri macare Cohamacu tuaa mehne yu yoa ñochu tã maca sehe mipu jisinihoa. <sup>24</sup> Musare niita nija. Buhiri dahrehti dacho jichu Cohamacu Sodoma macainare to yoariro yãhdoro, musa sehere musa ñaa buhiri ñabiaro buhiri dahrerohca —nire Jesu tã macari macainare.

“Yu cahapu sona taga”, niha Jesu

*(Lc 10.21-22)*

<sup>25</sup> Tã pjare õ sehe nire Jesu to Pucuro mehne durucuro:

—Yu Pucu, mahu manano macaina bui puhtoro, ahri yahpa macaina bui puhtoro jira. Ahri mu buheare “Noano masiina jija sã”, niinare masichu yoerare mahu. Buhe pahnoeraina sehere mu yare masichu yoare mahu. Mu ã yoachu, “Noana”, nija yuhu mahure. <sup>26</sup> ã tjira. Tina sehere ti masichu cahmare mahu —nire Jesu to Pucurore.

<sup>27</sup> ã ni tuhsu, masare õ sehe ni yahu namore:

—Yu Pucu jipihtiare yuhure ware. Tiro dihta yuhure noano masina. ã jina sã dihta yuhu yu masi dutiina mehne yu Pucure masija sã. <sup>28</sup> Musa ñano buhiri tia nucua yoaro sehe jira. Nucure muna musa tãhriño sehetã ñano buhiri tiare pumea wahara musa. ã pumeina jina yuhure cahmaga musa. Musare sochu yoaihtja. Musa ñaa yoare duhuchu yoaihtja. <sup>29</sup> Yu dutiare yoaga. Yu yare noano masiga. Yuhu niji siaro yoariro jija. Yu ã jiriro jichu yu yare noano masiga musa. ã yoa yuhu mehne soga musa. ã sona noano yajeripohna tinahca musa. <sup>30</sup> Yu yare musa yoachu mijoerara. ã yoa musa muri cjiri ti nucueraro sehetã yuhu sehe musa bihoro purota yoa dutija musare —nire Jesu.

## 12

*Judio masa ti sori dachoi trigo parorire pahaha Jesu buheina*

*(Mr 2.23-28; Lc 6.1-5)*

<sup>1</sup> Mahanocã to ã ni buheri baharo Sabado jichu sã Jesu mehne trigo wesepu sui. Sã to buheina juca baana, trigo parorire paha, chu tuhsu yãhdu wahcã sã. <sup>2</sup> Sã ã yoachu ñua, fariseo curua macaina Jesure õ sehe nire:



—Tuhosiniga sãre. ¿Dohse yoa tina Sabado mari sori nũmũ to jipachũta dahrajari, trigo parorire ã pahaa? Mari dutiare yũhdũrũcaa nina —nire tina.

<sup>3-4</sup> Jesu yũhtire. “Yũ buheina yũhdũrũcaa nierare”, ni yahuro taro õ sehe ni yũhtire:

—Davi cjiro tiro mehne macaina mehne jũca baaro Cohamacũ wũhũpũ sãa, Cohamacũ ya pãore chũha. Tí pãore sacerdotia dihtare chũ dutira. Cohamacũ dutiare ti joari pũ painare tí pãore chũ dutierara. ¿Davi cũhũ tíre ti yoari cjirire Cohamacũ joari pũpũ buherari mũsa? (Tí pãore chũro Cohamacũre yũhdũrũcaro nieraha. Michare ahri yaparire chũa yũ buheina cũhũ Cohamacũre yũhdũrũcaa nierara.) <sup>5</sup> ã yoa Cohamacũ wũhũi dahraina sacerdotia ne soerara mari soa nũmũrine. ã soerapahta Cohamacũ dutiare yũhdũrũcaina jierara. ¿Tíre buherari mũsa Cohamacũ Moise cjirore to cũri pũi? <sup>6</sup> Mũsare niita nija. Cohamacũ wũhũre ño payona tí wũhũi dahraina ti soerachũ ñũpanahta “Noanohca”, nina mũsa. Tí wũhũ yũhdoro yũhũ sehere ño payoro cahmana. <sup>7</sup> Cohamacũ yare ti joari pũ õ sehe nina: “Wahiquinare wajã, jã mũoa mehne yũhũre mũsa ño payochũ cahmaeraja. Painare mũsa pja ñũchũ sehere cahmaja yũhũ”, nina to yare ti joari pũ. To ã nirire mũsa noano tuhona yũ buheinare tuhtieraboa mũsa. Tina tíre chũa yũhdũrũcaa nierare. ã jina tinare tuhtieraboa mũsa. <sup>8</sup> Yũhũ masũno Cohamacũ warocariro ahri dacho Sabado dachore masa ti yoahire yahurirota jicũ pũhtoro tjija — nire Jesu fariseo curua macainare.

*Wamomaca* bũhariro quiti jira

(*Mr 3.1-6; Lc 6.6-11*)

<sup>9</sup> To ã niri baharo waha, judio masa mari buheri wũhũpũ sũi sã Jesu mehne. <sup>10</sup> Tói wamomaca bũhariro jire. ã jia fariseo curua macaina sehe Jesure yahusãa taa, tirore õ sehe ni siniture:

—Sabado dachoi mari sori dachoi masũnore noariro yoa dutierara Cohamacũ. ¿ã tjijari mũ tuhotchũ? —ni siniture tina.

<sup>11</sup> Jesu õ sehe ni yũhtire tinare:

—¿Mũsa yairo oveja Sabado jichũ copapũ to bora sãachũ tirore na wioerabocari mũsa? Na wionahca mũsa. <sup>12</sup> Oveja yũhdoro jira masũno sehe, Cohamacũ to ñũchũ. ã jiro Sabado jichũ masũnore yũhdochũ noa nina —ni yũhtire Jesu tinare.

<sup>13</sup> ã ni tuhsũ, wamomaca bũharirore õ sehe nire:

—Mũ wamomacare siõrocaga —nire tiro.

To ã nichũ bũhariro sehe siõroca, noari wamomaca wahare. <sup>14</sup> Ti sori nũmũi to ã yoachũ ñũa, fariseo curua macaina waha, ti basi õ sehe niha:

—¿Dohse yoa Jesure wajãnahcari mari? —niha tina ti basi.

*Cohamacũ* yare yahu mũhtariro panopũ macariro Jesure yahuha

<sup>15</sup> Jesu ti ã nirire masino, waha wahare. To ã wahachũ payũ masa tirore nũnũ tire. Ti ã nũnũ tichũ ñũno tiro sehe jipihtina tina mehne macainare dohatiinare noaina wahachũ yoare. <sup>16</sup> ã yoaro dohatiina cjirire tinare to yũhdorire painare yahu dutierare tiro. <sup>17</sup> ã dohatiinare noaina wahachũ yoaro Cohamacũ yare yahu mũhtariro Isaia cjiro panopũ to ni joariro seheta yoaro nire Jesu. Õ sehe ni joaa tiha Isaia:

<sup>18</sup> “Õ sehe nina Cohamacũ:

‘Ahriro yũ cahamacũno jira.

Tiro yũ beseriro jira.

Tirore cahĩja.

ã jicũ tiro mehne wahcheja.

Yũ Espiriture tirore waitjia.

ã jiro yũ tuua mehne jipihtina masare yũ buheare yahurohca tiro.

<sup>19</sup> ã yahuro tiro ne purĩno mehne yahusi.

ã yoa nihi siaroca yahuriro jiro sañurucusi.

Tuhsũ, maca macari mahai payũ masa watoi tiro tuaro sañurucu yahusi.

<sup>20</sup> Wujucũ o muquearucũ suchũ to nuhnuerachũ yoaro seheta masa cũhũre niji siaro dero yoarohca tiro.

Pjiroca jũri pichacare to yaeraro seheta masa cũhũre noano yoarohca tiro.

Āta yoarucurohca tiro watĩnore to yũhdurũcahto pano.

<sup>21</sup> Ā jia payũ masa tirore wacũ tuaahca', nina Cohamacũ", ni joaa tiha Isaia.

*"Jesu watĩno tuaare cjũara"*, ni yahusãha masa  
(Mr 3.19-30; Lc 11.14-23; 12.10)

<sup>22</sup> Cũ dachoi watĩno to cohtotarirore masa na tare Jesu cahapũ. Tiro sehe watĩno cjũaro durucu masierare. Tuhsũ, capari ne ñnerare. Ti ã na wiwichũ ñũ, noariro wahachũ yoare Jesu tirore. To ã yoachũ watĩno to cohtotariro cjiro ñũ, durucure. <sup>23</sup> To ã wahachũ ñũ, masa ñũ cũaa wahare.

—¿Ahriro Davi cjiro panamino masare yũhdohtiro jijari? —nire tina ti basi.

<sup>24</sup> Jesu watĩare to cohãrire tuhoa fariseo curua macaina õ sehe ni tũhoture:

—Beelzebú watĩa puhtoro to tuaa mehne watĩare cohãna Jesu —ni tũhoture tina.

<sup>25</sup> Ti ã ni tũhotuchũ masino, Jesu quitu mehne piti dahre yahure tinare:

—Watĩno ya tuaa mehne watĩare cohãi nieraja. Cũ yahpa macaina ti basi cahma wajãa, tí yahpa macaina yaria pihtia wahaboa. Cũ maca macaina ti basi cahmachea tí maca macaina waha pihtia wahaboa. Cũ wũhũ macaina cũhũ Āta wahaboa. <sup>26</sup> Ā jia Beelzebú watĩa puhtoro sehe watĩare cohãno, tina watĩa ti basi cahmachea niboa. Ā jia tina cũhũ waha pihtia wahaboa. <sup>27</sup> Ő sehe ni yahusãna mũsa yũhũre: "Tiro Beelzebú yoadohoa mehne watĩare cohãna", ni yahusãna mũsa. Mũsa mehne macaina cũhũ watĩare cohãna. ¿Watĩno to tuaa mehne watĩare cohãjari tina cũhũ, mũsa ñũchũ? Ā cohãerara. Tĩre masina mũsa. Yũhũ cũhũ watĩno tuaa mehne watĩare cohãeraja. <sup>28</sup> Ā jicũ yũhũ sehe watĩare cohãcũ Cohamacũ to Espĩritu tuaa mehne tinare cohãja. Yũ ã cohãchũ ñũna õ sehe masiga mũsa: Cohamacũ masa bui puhtoro ahri yahpapũre ji tuhsũra mipũre.

<sup>29</sup> Ő seheta jira mari piti dahre buhechũ: Tuariro ya wũhũpũ paio sãa sũ yaca masierara. Tuarirore dũhteraro to ya wũhũpũ sãa sũ yaca masierara. Tirore to dũhteri baharo sãa sũ yaca masina —ni yahure Jesu. (Ā ni yahure watĩnore to yũhdurũcarire yahuro. Watĩno tuariro to jipachũta Jesu tirore yũhdurũcara watĩare cohãno.)

Ā ni tuhsũ õ sehe ni yahu namore Jesu:

<sup>30</sup> —Cũiro yũhũre cahmaeraro, yũhũre ñũ tuhtiriro jira. Cũiro yũhũre yoadohoeraro, yũhũre wapũ tichũ yoaro nina.

<sup>31</sup> Ā jicũ mũsare potocã niita nija yũhũ. Jipihtia ñaare masa ti yoachũ ti durucuchũ cũhũre Cohamacũ bo masina. Ā boparota Espĩritu Santore ti ñano ni durucuchũ tí pinine ne bosĩ. <sup>32</sup> Yũhũre masũno Cohamacũ warocarirore yũhũre ti ñano ni durucurire bo masina Cohamacũ. Espĩritu Santo sehete ti ñano ni durucurire ne bosĩ Cohamacũ. Mipũre, pihtiri dacho baharopũ cũhũre ti ã niri cjirore bosĩ tiro —ni buhere Jesu tinare.

*Masa ti durucuarẽ tũhona ti jia tiare masija mari*  
(Lc 6.43-45)

<sup>33</sup> Ā ni buhe tuhsũ, piti dahre buhero õ sehe ni yahu namore tinare:

—Noadũ yucũcũ noaare dicha tira. Ñaadũ yucũcũ ñaare dicha tira. Yucũcũ dichare masina "Tũ dichata jira", ni masija mari. (Mari ã masino seheta masa ti durucuarẽ tũhona ti jia tiare masija mari.) <sup>34</sup> Agãa ñima tiina yoaro sehe ñaina jira mũsa. Mũsa ñaina jina, noaare ni masierara mũsa. Mari wacũapũ mari tũhoturiro seheta mari dũseroi wijara. <sup>35</sup> Noariro noaare tũhotura. Ā jiro noaare durucura. Ñariro ñaare tũhotura. Ā jiro ñaare durucura. <sup>36</sup> Mũsare niita nija. Noano tũhotu durucuina jiga mũsa. Noano durucuerana, buhiri dahrehti dacho jichũ mũsa ã nimacanocarire Cohamacũre yahu yũhdũnahca. <sup>37</sup> Quihõno mũsa durucurire masino "Noaina jira", ninohca Cohamacũ. Tuhsũ, ñano mũsa durucurire masino "Ñaina jira", ninohca tiro —nire Jesu tinare.

*Masa ñaina Jesure Cohamacu* tuaa mehne yoa ño dutiha  
(Mr 8.12; Lc 11.29-32)

<sup>38</sup> To ã niri baharo mari judio masare buheina, fariseo curua macaina cũhũ tirore õ sehe nire:

—Buheriro, Cohamacu warocariro jicũ Cohamacu tuaa mehne yoa ñoga sãre —nimare tina.

<sup>39</sup> Jesu õ sehe ni yũhtire:

—Mipũ macaina ñaina, Cohamacũre cahmaeraina Cohamacu tuaa mehne yũ yoa ñochũ ñũ duamana. Ti ã ñũ duapachũta Cohamacu yare yahu mũhtarirore Jona cjiro panopũ macarirore Cohamacu to tuaa mehne to yoari dihtare yoa ñonohca masare. <sup>40</sup> Jona tia dacho waro pjiriro wahi pjaro puhichapũ jiha. To ã wahariro seheta yũhũ cũhũ masũno Cohamacu warocariro tia dacho waro masa copapũ jiihca. <sup>41</sup> Nínive macaina sehe Jona Cohamacu yare to yahurire tũhoa ti ñaa yoarire cahya, Cohamacu mehne macaina tjuaha. ã tjuaina jia buhiri dahrehti dacho jichũ tina mipũ macainare ti ñaare tũhotumari cjiire duhuerainare “Ñaina jira”, ni yahusãahca. Jona cjiro tinare Cohamacu yare to yahuchũ tũhoa noaare cahmaha tina sehe. ã cahmaa noano yoaa niha mipũ macaina yũhdoro. ã jia tina mipũ macainare “Ñaina jira”, ni yahusãahca. Mũsare niita nija. Mipũ mũsare yũ buhea Jona cjiro to buheri yũhdoro jira. <sup>42</sup> ã yoa buhiri dahrehti dacho jichũ pũhtorocoro sur macaricoro panopũ macaricoro ducu, mipũ macainare “Ñaina jira”, ni yahusãnohca ticoro cũhũ. Ticoro Salomo panopũ macariro to masiare tũho duaro yoaropũ ahri yahpa pa bũhusehepũ jiricoro Salomoro tũhoro taha. ã yoaro noano yoaro niha mipũ macaina yũhdoro. ã jiro ticoro “Ñaina jira”, ni yahusãnohca mipũ macainare. Mũsare niita nija. Mipũ mũsare yũ buhea to buheri yũhdoro jira —nire Jesu tinare.

*Watĩno pari turi masũno*re to sãari quitire yahuha Jesu  
(Lc 11.24-26)

<sup>43</sup> ã ni tuhsũ, pari turi Jesu to tũhotua mehne õ sehe ni piti dahre buhere tinare:

—Watĩno masũno cohtotariro cjiro waha, tiro co marieni yahpai tini, to jiihto cjihtore macamaha. <sup>44</sup> ã bocaeraro, õ sehe ni tũhotuha tiro. “Masũno yũ cohãriro cjiro mehneta pari turi jii wahaihtja”, ni tũhotuha tiro. ã ni tũhoturo tiro tjuaa waha, to cohãriro cjiroreta bocaha. ã to bocachũ masũno sehe noariro jimaha. <sup>45</sup> ã jiro watĩno paina siete watĩare to yũhdoro ñainare pjiro wahaha. To ã pjichũ tina jipihitina tiro mehne jiha. Masũno sehe tó pano cũiro watĩno to cohtotariro jiro, ñariro jimaha. Mipũ sehere payũ watĩa ti cohtotariro jiro, tó pano to jiriro yũhdoro ña yũhdũariro jiha. Mipũ macaina Cohamacũre masimarina tirore cohãa, tina cũhũ ñaa yũhdũina warota wahaahca —nire Jesu tinare.

*Jesu coyey tiro mehne sũhũdu* duaha  
(Mr 3.31-35; Lc 8.19-21)

<sup>46</sup> Masare to ã ni durucuro watoi to pocoro to bahana mehne sopacai ducu, tiro mehne sũhũdu duare. <sup>47</sup> ã jiro cũiro Jesure õ sehe ni yahure:

—Mũ poco mũ bahana mehne sopacai ducura, mũhũre sũhũdu duaa —nire.

<sup>48</sup> To ã nichũ tũhoro tirore yahurirore õ sehe nire Jesu tinare buhero taro:

—¿Noa jijari yũ poco, yũ bahana cũhũ, mũsa ñũchũ? —nire.

<sup>49</sup> ã nino, sãre to buheinare ñuipuro, õ sehe nire:

—Ahrina jira yũ poco yũ bahana yoaro sehe jiina. <sup>50</sup> Tina yũ Pũcũ mũano macariro to cahmaare yoara. Tó sehe yoaina yũ bahũ, yũ baho, yũ poco yoaro seheta jira —nire Jesu tinare.

*Jesu wesere toari masũno* quitire yahuha  
(Mr 4.1-9; Lc 8.4-8)

<sup>1</sup> Tí dachoihta Jesu wuhui jiro wijaare. Wijaa, bucupariropu waha, bucupariro duhtu cahai dujire. <sup>2</sup> To ã dujichu ñua payu masa tiro caharu cahmachu wahpata yuhdua, bihsaro yoare Jesure. Ñ bihsachu ñuno dohoriai samu, tiaru dujire tiro. Masa sehe paduroi ducure. <sup>3</sup> Ñ jiro payu to tuhota mehne piti dahre yahure tinare buhero taro. Ñ sehe nire tiro:

—Toari masuno toaro, to toaa yaparire doca site cūno wahaha. <sup>4</sup> To ã doca site cū wahcachu paye yapari maha duhtu cahai bora caha sūha. Ñ bora caha sūare tí yaparire minichahca duji ta, chunocaha.

<sup>5</sup> Ñ yoa paye yapari sehe tãa wapa buicã bora caha sūha. Tãa wapa buicã dihta mariea cureroi dóihta dumaha. <sup>6</sup> Ñ duri jipahta, sū to tuaro sichu, nuhcori mariaa, ñaia wahaha. <sup>7</sup> Paye yapari sehe tja watoi bora caha sūha. Tja sehe dia yuhdua waha, toaa sehere wajānocaha. <sup>8</sup> Paye yapari sehe noari yahpai bora caha sūha. Noano dua jia noano dicha tiha. Paye yucu cien yapari, paye yucu sesenta yapari, paye yucu treinta yapari dicha tiha. <sup>9</sup> Ahrire tuho duaina noano tuhoga mūsa —nire Jesu.

*Jesu quti mehne to buherire yahuha*

(Mr 4.10-12; Lc 8.9-10)

<sup>10</sup> To ã niri baharo sã to buheina tiro cahai sū, sinitui sã tirore:

—¿Ne, dohseacu masare quti mehne piti dahre buhejari mūhu? —ni sinitui sã.

<sup>11</sup> Jesu ñ sehe ni yuhtire:

—Mūano macariro masa bui puhtoro masare to noano sūho jiare panopu macaina ti masierari cjirire mūare yu buheinare masichu yoara Cohamacu. Paina sehere ã yoerara tiro. <sup>12</sup> Ñ jiro masiinare masi namochu yoarohca tiro. Ñ jia tina sehe noano masiahca. Masieraina sehe mahanocã ti masipachuta tina sehere masierachu yoarohca tiro. <sup>13</sup> Ñ jicu quti mehne buheja. Ñ sehe jira. Mipū macaina ñupahta, ñeraina cjiri yoaro sehe tjuara. Ñ jia tuhopahta masierara. Tíre tuhoeraina yoaro sehe jira tina. <sup>14</sup> Ñ jiina jia Isaia cjiro panopu macariro to ni joariro seheta yoara tina. Ñ sehe ni joaa tiha:

“Ñ sehe nina Cohamacu: ‘Yu yare tuhonahca mūsa.

Ñ tuhopanahta, ne masisi mūsa.

<sup>15</sup> Mūsa dapu butiina tjuara.

Tuhsu, mūsa cahmo coparire bihara mūsa, “Tuhori”, nina.

Mūsa caparire wihmitjiahna mūsa, “Ñuri”, nina.

Ñ yoerana noano ñna masiboa mūsa.

Ñ yoa tuhona, masiboa mūsa.

Mūsa wacūaru noano masiboa.

Ñ masiina baro jina, mūsa tuhutumari cjirire tuhota cohtota, yuhure macaboa.

Mūsa ã macachu ñuno, yuhu sehe mūsa buhiri tiare cohāboa’, nina Cohamacu”,

ni joaha Isaia cjiro.

<sup>16</sup> Mūsa sehe mūsa capari mehne ñna, masina. Mūsa cahmo mehne tuhona, masina. Ñ jina wahcheina jira mūsa. <sup>17</sup> Mūare niita nija. Mipū mūsa ñuare mūsa tuhoare panopu macaina Cohamacu yaina cjiri tuaro ñu duamaha. Cohamacu yare yahu mūhtaina cjiri cūhu tíre tuaro ñu duamaha. Wiho mejeta ne ñeraha. Mipū mūsa tuhoa cūhure tuaro tuho duamaha tina. Ñ masi duapahta tíre masieraha —ni yahure Jesu sãre to buheinare.

*Jesu wesere toari masuno quitire yahu pahñoha*

(Mr 4.13-20; Lc 8.11-15)

<sup>18</sup> Baharo Jesu sãre ñ sehe ni yahu namore:

—Tuhoga mūsa. Wesere toari masuno quitire mūare yahuhtja. Yuhure tuhona, noano masiga. <sup>19</sup> Doca site cūa yapari noaa buhea yoaro sehe jira. Ñ jia maha duhtu cahai bora yapari noaa buhea yoaro sehe jira. Masa noaa buheare tuhopahta ne masierara. Noaa buheare masa ti tuhochu ñuno watino sehe ta, tí buheare noaa buheare masi dutierara masare. Minichahca tí yaparire ti dota nariro seheta yoara watino. <sup>20</sup> Ñ yoa

tāa wapa buicā boraa yapari noaa buhea yoaro sehe jira. Ā jia masa noaa buheare tūho, wahchea mehne dóihta tíre tūho nana. <sup>21</sup> Ā tūho napahta tāa wapa buicā jia yucu nūhcori mariea yucu yoaro seheta ahrina masa cūhū tuaerara. Ā tuaeraa ñano yūhdūa, yū yaina ti jiri buhiri paina tinare ti ñano yoachū ñūa yū ya sehere duhunocahna. Paina tinare ti ñano yoachū tíre cāno pjaeraa, yū yare duhunocahna. <sup>22</sup> Ā yoa tja watoi boraa yapari noaa buhea yoaro sehe jira. Ā jia masa noaa buheare tūho, ahri yahpa macaare pjíro cahya tūhotua, niñerure cahīna. Ti ā yoachū tí sehe noaa buheare dūcatara. Ti ā dūcatachū masa noaa sehere yoerara. <sup>23</sup> Ā yoa noari yahpai boraa yapari noaa buhea yoaro sehe jira. Masa noaa buheare tūhoa, tíre noano masina. Ā masiina jia, Cohamacū to cahmano seheta noaare yoara tina. Cāina pjíro noaare yoara cien yapari dicha tiro seheta. Paina doca curero noaare yoara sesenta yapari dicha tiro seheta. Paina mahanocā noaare yoara treinta yapari dicha tiro seheta —ni yahure Jesu sāre.

*Trigo watoi tja diari quitire yahuha*

<sup>24</sup> Ā yoa pari turi to tūhotua mehne piti dahre buhere Jesu:

—Mūano macariro masa bui pūhtoro to sūho jiro ō sehe jira. Wese pūro to wesepū noaa yaparire to toariro seheta jira mūano macariro masa bui pūhtoro to sūho jiro. <sup>25</sup> Wese pūro jipihtina tiro mehne macaina cūhū ti carīno watoi tirore ñū tuhtiriro tara. Ā taro trigore ti toariro tjure toaha. Toa tuhsū wahaa wahaha. <sup>26</sup> Baharo trigo duha. Ā jiro ti dicha tia cahachū waro diaa wahaha. <sup>27</sup> Ā jia wese pūrore dahra cohtaina tiro cahapū sū, yahua: “¿Pūhtoro, noaa yapari dihtare mū wesere mū toapachūta, dohse yoa tja cūhū diajari tí wesere?”, niha tina. <sup>28</sup> “Yūhūre ñū tuhtiriro jia tí tjure toaro”, niha wese pūro. “¿Tjure sā curechū cahmajari mūhū?” nimaha tirore dahra cohtaina. <sup>29</sup> “Tjure curena tjiga, tjure curemahna ‘Trigo sehere cureri’, nina. <sup>30</sup> Trigo tja mehneta būcūawahnosinijaro. Dicha ñaini pja jichū, trigo dicha nainare ō sehe nihtja: ‘Tjure cure mūhtaga. Tuhsū mūsa curerire jūga. Baharo trigore pahaga. Paha pahño, tíre yū wihbori wūhūpū cūga’, nihtja tinare”, niha wese pūro —nire Jesu, qiti mehne yahuro.

*Mostaza yapa quitire yahuha Jesu*

(Mr 4.30-32; Lc 13.18-19)

<sup>31</sup> Ā yoa paye qiti mehne sāre ō sehe ni buhere tjoa:

—Mūano macariro masa bui pūhtoro to sūho jiro mostaza yapacā yoaro sehe jira. Tí yapacā mahabiari yapacā jira. <sup>32</sup> Tí yapacāre wesepū to toari baharo, noano dura. Ā jiro pji curedū wahara. Ā wahachū minichahca peri tū dūpūripū suhti suhara. (Tó seheta mūano macarirore mari pūhtoro masiina mahainacā ti ji mūhtapachūta baharopū tina payū wahaahca) —ni yahure Jesu.

*Pāo būcūaro quitire yahuha Jesu*

(Lc 13.20-21)

<sup>33</sup> Ā yoa paye qiti mehne sāre ō sehe ni buhere tjoa:

—Mūano macariro masa bui pūhtoro to sūho jiro pāo būcūaro yoaro sehe jira. Tíre numino cū wajuru trigo pohcare co mehne noano tíre dahra morena pāo būcūahtore. To ā yoachū pāo būcūaro sehe trigore noano sahserūcu sūra. (Tó seheta pāo būcūaro to sahserūcu sūro seheta mūano macarirore mari pūhtoro payū masa jipihtiro macaina masiahca) —nire Jesu.

*Qiti mehne Jesu to buherire yahuha*

(Mr 4.33-34)

<sup>34</sup> Ahri jipihtiare buhero, qiti mehne yahure Jesu. Qiti marieno yahuerare tiro tinare. <sup>35</sup> Āta yoare tiro Cohamacū yare yahu mūhtariro cjiro to ni joariro seheta. Ō sehe ni joaa tiha panopū:

“Qiti mehne yahuihtja.

Cohamacū ahri yahpare to bajuamehneri baharo ne masare to yahuerari cjirire yahuihtja”,

ni joaa tiha Cohamacu yare yahu muhtariro cjiro.

*Trigo watoi tja diari quitire yahu pahñoa*

<sup>36</sup> Ñ yoa masare coha siti, wuhuru sãa wahare Jesu. Ñ jina sã to buheina tiro cahapu su, sinitui sã:

—Trigo watoi tja diari quitire yahu pahñoa sãre —nii sã tirore.

<sup>37</sup> Jesu õ sehe ni yuhtire sãre:

—Wese puro noaa yaparire toariro yoaro sehe jija yuhu. Yuhu masno Cohamacu warocariro jija. <sup>38</sup> Wese sehe ahri yahpa yoaro sehe jira. Noaa yapari dua mano macariro puhtoro to suho jiropu jihtina cjihti yoaro sehe jira. Tja sehe watino yaina yoaro sehe jira. <sup>39</sup> Wese purore nu tuhtiro tjare toariro watino yoaro sehe jira. Tí ñaini pja sehe pihtiri dacho yoaro sehe jira. Ñ jia trigore naina anjoa yoaro sehe jira. <sup>40</sup> Tjare ti cure juro sehetu pihtiri dacho jichu watino yainare, pichacapu ju cohãahca tinare. <sup>41</sup> Yuhu masno Cohamacu warocariro yu anjoare warocaitja. Yu ã warocachu anjoa sehe ñaare yoa dutinare, ñaare yoinare puhtoro yu suho jiropure jimarinare na wioahca. <sup>42</sup> Na wio tuhsu pichacapu cohãahca tinare. Tõpu tina tuaro tii, cahyaa mehne bahca dihoahca. <sup>43</sup> Ñ jia Cohamacu yaina ti Puro puhtoro to suho jiropu jahca. Tõ jia, su dacho macariro yoaro sehe noano buhriaahca tina. Ahrire noano tuhoga musa —ni yahure Jesu.

*Noa yuhduare to nurire to bocari quitire yahuha*

<sup>44</sup> Ñ yoa paye quitu mehne õ sehe ni yahure tjoa:

—Mano macariro masa bui puhtoro to suho jiro niñeru to nuri yoaro sehe jira. Masno tãre wesepu wacũeno boca, pari turi tãre nu namona. Ñ yoaro tuaro wahcheha tiro. Ñ jiro to bocari cjirire nano taro, tí wesere nuchu duaha. Ñ nuchu duaro to yare dua pahño, tí wesere nuchu. Mano macariro puhtoro to suho jiro to bocari cjiri yoaro sehe jiha. (To bocarire to cahma yuhduariro sehetu mano macarirore masa bui puhtoro noano ti masini baharo masa tuaro cahmana tirore) —ni yahure Jesu.

*Wapa bujuri yapa quitire yahuha*

<sup>45</sup> Ñ yoa paye quitu mehne õ sehe ni yahure tjoa:

—Mano macariro masa bui puhtoro to suho jiro wapa bujua yaparire perla wama tia yaparire nuchuro yoaro sehe jira. <sup>46</sup> Tí yaparire macano noa yuhuri yapare boca. Ñ bocaro, tí yapare nuchu duaro, jiphtia to yare dua pahño wahaha. Ñ dua tuhsu tí yapare wapa bujuri yapare nuchu. (Tí yapare tuaro to cahmariro sehetu mano macarirore masa bui puhtoro noano ti masini baharo masa tuaro cahmana tirore) —nire Jesu.

*Waño quitire yahuha*

<sup>47</sup> Ñ yoa paye quitu mehne Jesu õ sehe ni yahure tjoa:

—Mano macariro masa bui puhtoro to suho jiro waño ti docañodu yoaro sehe jira. Tu waño mehne payu wahi soro jinare ñahana. <sup>48</sup> Tu to wahpaa wahachu wahi wajãina sehe tãre paduropu waja maja, noaina wahire besera. Noinare ti puhsepu bese sãana. Ñaina wahire cohãocahna. <sup>49</sup> Pihtiri dacho jichu õ sehe jirohca. Anjoa sehe masare beseahca. Ñinare na wioahca noaina cahapu jimarinare. <sup>50</sup> Na wio, tinare pichacapu cohãahca. Tõ tina tii, tuaro cahyaa mehne bahca dihoahca ñaina sehe —ni yahure Jesu.

*Mana buheare, wahma buhea cũhure yahuha*

<sup>51</sup> To ã ni yahuri baharo tiro õ sehe ni siniture sãre:

—¿Ahri jiphtiare tuhajari musa? —ni siniture tiro.

—Tuhaja sã —ni yuhtii sã.

<sup>52</sup> Sã ã nichu tiro yahure sãre:

—Judio masare buheina mũano macariro masa bui pũhtoro to sũho jirore buhea, pũaro buheare yahura. (Panopũ ti buhea cũhũre mipũ ti buhea cũhũre yahura.) Tina, Judio masare buheina wũhũ pũro yoaro sehe jira. Tiro to wũhũ jiare noare na wioro, wahmaare, mũnaa cũhũre na wiora tiro —nire Jesu sãre.

*Jesu Nazarepũ wahaha*  
(Mr 6.1-6; Lc 4.16-30)

<sup>53</sup> Tĩ quitire to buheri baharo, wahai sã tiro mehne. <sup>54</sup> Waha, to bũcũari macapũ sũhi. Tõrũ sũ, judio masa mari buhea wũhũsepũ buhere tiro. To ã buhechũ tũhoa, tũho cũaa wahare tina.

—Cuenah, ¿ahriro nohopũ tũhoari ahri buheare? ¿Dohsearo noano masi pahũojari ahriro? Cohamacũ tuaa mehne yoa ñona tiro to basi. <sup>55</sup> Ahriro taboa dahrari masũno macũno jimanaro. Æ yoa to pocoro María jimanaro. Æ yoa Santiago, José, Simo, Juda, to bahana jimanabũ. <sup>56</sup> Mipũre to bahana numia ahri macai jira. Æ jiro tiro mari yoaro sehe jirore tjira. ¿Æ jiparota nohopũ tũhoari tiro ahri buheare? —ni durucure tina ti basi.

<sup>57</sup> Æ jia tina tirore cahmaerare. Ti ã cahmaerachũ ñũno õ sehe nire Jesu tinare:

—Cohamacũ yare yahu mũhtaritore paina ño payora. Ti ã ño payopachũta to ya maca macaina, to coyeya tirore ño payoerara. Æ jina yũhũre ño payoerara mũsa õi yũ bũcũariro jichũ —nire tiro tinare.

<sup>58</sup> Æ jiro tirore ti wacũ tuaerachũ ñũno “Cohamacũ macũno jira”, ti ni duaerachũ ñũno, tí macai Cohamacũ tuaa mehne payũ tahari yoa ñoerare Jesu.

## 14

*João bautisariro cjiro to yariarire yahuha*  
(Mr 6.14-29; Lc 9.7-9)

<sup>1</sup> Tĩ pjare Herode Galilea macariro pũhtoro Jesu to yoirire tũhorocaha. <sup>2</sup> Æ tũhoro õ sehe nimaha:

—João masare bautisariro yariariro cjiro pari turi bajuaro nica. Æ jiro mipũre to bajuari baharo ahri tuaare cjũara tiro bajuamehneare yoaro —nimaha Herode to cahamacare. (Jesure “Joãota jira”, ni tũhotumaha tiro Joãore ti wajãri baharo.)

<sup>3-5</sup> Joãore to wajã dutihtõ pano Herode to bahũro Felipe namonore namo tiha. To ã yoachũ ñũno João bautisariro Herode sehere õ sehe nia timaha:

—Mũ bahũ namonore namo ticũ Cohamacũ dutiare yũhdũrũcai nina mũhũ —nia timaha João.

To ã niri buhiri Herode tirore wajã duamaha. “ ‘João Cohamacũ yare yahu mũhtariro jira’, ni tũhotura judio masa” nino, tina sehere cuiha Herode. “Joãore yũ wajãchũ tina suaboca” nino, tinare cuiha. Æ cuiro Joãore wajã duaeramaha. Æ wajã duaeraparota Herode tirore ñaha dũhte duti, peresu yoaha. To namono Herodia to dutiro mehne ã yoaha. <sup>6</sup> Æ yoa Herode to masa bajuari dacho jichũ bose mũmũ yoaha tiro. Tõi Herodia macono bose mũmũ wihiina ti ñũrocaroi basa ñoha. To ã basa ñochũ ñũno Herode wahcheha. Æ wahchero ticorore õ sehe niha:

<sup>7</sup> —Cohamacũ mehne potocã niita nija. Yũhũre mũ sinino purota waihtja yũhũ mũhũre —niha jũna Herode sehe Herodia maconore.

<sup>8</sup> To ã nichũ tũhoro Herodia to maconore to sinihtore yahuha ticorore. To ã yahuchũ to macono sehe õ sehe ni siniha Herodere:

—João masare bautisariro dapure cjã ta dutiga. Æ yoacũ waparo mehne tí dapure waga yũhũre —niha ticoro.

<sup>9</sup> To ã nichũ tũhoro Herode tuaro cahyaha. Masa ti ñũrocaroi “Waihtja mũhũre”, niha tiro. Æ jiro tiro bũo tiro “Mũhũre to dapure waeraja”, ni masieraha ticorore. Æ jiro ticoro to dutiro sehetã Herode sehe to cahamacare Joãore wajã dutiha. <sup>10</sup> João dapure cjã taroca dutiha jũna. <sup>11</sup> Æ cjã ta tuhsũ, waparo mehne to dapure na taha tina. Herodia maconore to dapure ti wachũ, ticoro sehe to pocorore yũhdoha tjõa.

<sup>12</sup> Ti ã yoari baharo João buheina ta, to pjacure masa coparũ na cũha. Æ cũ tuhsũ, tina tíre Jesure yahua tare.

*Cinco mil bui masare chũa waha Jesu*  
(Mr 6.30-44; Lc 9.10-17; Jn 6.1-14)

<sup>13</sup> Ti ã ni yahuchũ tuhoro, Jesu sã mehne dohoriai samu, masa marienopũ sũho wahare. Jesu tópu to wahachũ tuhõa, masa ti ya macaripũ jirina ta, mahapũ tirore nũnũ ti wahcãre. <sup>14</sup> Tuhsũ, sã wahã sũri baharo tiro payũ masare ñũno, pja ñũre tinare. Æ pja ñũno tina mehne macaina dohatiinare noaina wahachũ yoare. <sup>15</sup> Ñamichahapũ sã to buheina tirore õ sehe nii:

—Ñamichahapũ jira. Õ masa marienopũ jira. Æ jicũ macaripũ masare ti chũhtire nuchũ dutiga ti puhi tihti cjihtire —nimai sã tirore.

<sup>16</sup> Jesu yũhtire sãre:

—Wahaea tjijaro tina. Mũsa basita chũare waga tinare —nire sãre.

<sup>17</sup> —Cũ wamomaca pihtia pão curi, pũaro wahi mehne jira sãre. Tí dihtare cjuaja sã —ni yũhtii sã.

<sup>18</sup> —Tíre yũhũre na tahga mũsa —nire sãre.

<sup>19</sup> To ã nichũ tuhõna na wahcãhi sã to cahai. Sã na sũri baharo tja bui masare tiro duji dutire jũna. Ti dujichũ cinco pão curire, pũaro wahire na, mũanopũ ñũ mũo, Cohamacure “Noana”, nire. Æ ninota pão curire nuha, sãre to buheinare ware. To ã wachũ sã sehe tíre masare witii. <sup>20</sup> Æ jia jipihtina noano chũ, yapi yũhdũa wahare. Ti yapi wahyorire doce pũhũse waro na cahmachu, wahpo dapoi sã to buheina. <sup>21</sup> Tói tíre chũrina mũa dihtare mari quihõchũ cinco mil mũa jire. Numia, macanacã cũhũ jire.

*Jesu co bui ducu wahcãha*  
(Mr 6.45-52; Jn 6.16-21)

<sup>22</sup> Baharo sãre to buheinare Jesu bũcũpariro pa bũhũsehe coparũ pahãyu dutire masare to coha sitiro watoi. <sup>23</sup> Coha siti tuhsũ, tũcũpũ mũja, Cohamacure sinino wahaha. Ñamine tói tiro cũirota jiha. <sup>24</sup> Tí pjaihta bũcũpariro dacho macai dohoria mehne pahãrucuna nimai sã. Wihnono tuaro ta, pahcõri bũjũa wahcã, dohoriare cjã sãare. <sup>25</sup> Wihnono tuaro to wãchũ bohrea mũja tahto pano Jesu co bui ducu tare sã cahapũ jũna. <sup>26</sup> Sã cahapũ to tachũ ñũna cui nii sã. Æ cuina sañurucumai sã:

—Yariariro cjiro pjacũ jira —ni sañurucumai sã.

<sup>27</sup> Sã ã cuichũ ñũno Jesu õ sehe nire:

—Ne yũhũre ñũ cũaena tjiga. Yũhũta jija —nire sãre.

<sup>28</sup> To ã nichũ tuhoro Pedro õ sehe nire tirore:

—Pũhtoro, potocãta mũhũta jicũ, co bui yũhũre mũ cahapũ ducu wahcã dutiga —nire tiro.

<sup>29</sup> —Taga —ni yũhtire tiro sehe.

To ã nichũ Pedro dohoriapũ jiro co bui dũcũ sũ Jesu cahapũ ducu wahcãmare.

<sup>30</sup> Wihnono tuaro to tachũ ñũno cuire tiro. Æ cuire diha boraahamare.

—Yũhũre yoadohoga pũhtoro —ni sañurucure tiro Jesure.

<sup>31</sup> To ã nichũta to wamomacare ñaha:

—Mahanocã wacũ tuara mũhũ yũhũre. ¿Dohseacũ yũhũre wacũ tuaerajari mũhũ? —nire tiro Pedore.

<sup>32</sup> To ã niri baharo dohoriapũ samu tare tina. Ti ã samu tari baharo wihnono yũsũ borare. <sup>33</sup> Æ jina sã to buheina dohoriapũ jiina na tuhucua caha sũ, Jesure ño payoi:

—Potocãta mũhũ Cohamacũ macũnota jira —nii sã tirore.

*Genesare macaina dohatiinare yũhdõha Jesu*  
(Mr 6.53-56)

<sup>34</sup> Æ yoarina cjiri pahã, Genesare wama tiri yahrapũ sũ. <sup>35</sup> Tó macaina Jesure ñũ masire. Æ masia tó cahai jĩinare Jesu to wihirire yahu site pahõre. Æ ti yahu sitechũ tuhõina payũ dohatiinare tiro cahapũ na tare.



<sup>36</sup> —Mũ suhtiro dũhtũ caha dihtare sãre ñaha ñũ dutiga —ni sinire tina Jesure. ã jia to suhtirore ñaha ñũinape tópeinata noaina wahare.

## 15

*Masa ñaina wahachũ* yoaare yahuha Jesu  
(Mr 7.1-23)

<sup>1</sup> ã yoa Jerusalẽ macaina, fariseo curua macaina, marine judio masare buheina mehne Jesu cahapũ wihia, õ sehe ni siniture tirore:

<sup>2</sup> —¿Dohse yoa mari ñũchũsuma cjiripũ ti yoa dutiriro seheta yoaerajari mũ buheina sehe? Tina ti chũhto pano ti dutiriro seheta wamo cosaerara —nire tina Jesure.

<sup>3</sup> Jesu õ sehe ni yũhtire tinare:

—¿Mũsa sehe dohse yoana Cohamacũ dutia sehere yoaerajari mũsa? ¿Dohse yoana mari ñũchũsuma cjiri panopũ macaina ya dutia dihtare yojari mũsa sehe? <sup>4</sup> Õ sehe nina Cohamacũ: “Mũsa pũcũsumare ño payoga”, nina. “Cũiro to pũcũsumare ñaare quiti dahreriro jiro tí buhiri paina ti wajãhtiro cjihto jirohca”, nina Cohamacũ. <sup>5</sup> To ã nipachũta õ sehe ni dutira mũsa sehe ti pũcũsumare yoadoho dutierana: Ti pũcũsumare ti waborire Cohamacũ sehere wa dutira mũsa. ã ni buhemana mũsa. <sup>6</sup> ã buhena ti pũcũsumare ño payochũ yoaerara mũsa. Mũsa ã yoana Cohamacũ dutiare yũhdũrucana nina mũsa, mari ñũchũsuma cjiri panopũ macaina ya dutia dihtare yoana. <sup>7</sup> Masa ti baharo buhũsehei ñano yoa cohtaina jira mũsa. Cohamacũ yare yahu mũhtariro Isaia cjiro mũsare potocãta yahu joaa tiha panopũre:

<sup>8</sup> “Ahrina masa yũhũre noano durucupahta ti tũhotuare yũhũre ne ño payoerara.

<sup>9</sup> ã jia yũhũre ti ño payoa ne yaba cjihti jierara.

‘Cohamacũ ya dutia jira ahri’, ni mahũo buhera ti ya buhea sehere”,

ni joaa tiha Isaia cjiro —nire Jesu fariseo curua macainare, mari coyea judio masare buheina cũhũre.

<sup>10</sup> ã ni tuhsũ to cahapũ paina cũhũre pjiroca, õ sehe nire:

<sup>11</sup> —Yũhũre tũhona taga. Tuhsũ, yũ niare noano tũho ñahaga mũsa. Mũsa dũserihi sãa sehe mũsa chũa sehe mũsare buhiri tichũ yoaerara. Mũsa ñaa durucua sehe mũsa dũseri wijaa sehe mũsare buhiri tichũ yoara —nire Jesu.

<sup>12</sup> To ã ni buheri baharo sã to buheina sehe tirore yahui:

—Mũ ã nichũ tũhoa fariseo curua macaina suaa nire —ni yahui sã tirore.

<sup>13</sup> Tĩre tũhoro, õ sehe ni yũhtire sãre:

—Tina fariseo curua macaina toaa yucũ yoaro sehe jira. Yũ Pũcũ mũano macariro jipihitia toaa yucũre to toaerari cjirire nũhcori mehmeta cure, cohãnohca. ãta yoarohca tinare. <sup>14</sup> Tinare ã ñũnocahga mũsa. Tina capari ñũeraina ti ñũ masieraro seheta ne Cohamacũ yare masierara. ã jia pichacapũ wahaahca. ã masierapahta paina masierainare buhe duamana. ã jia tina, ti buheina cũhũ soro jia buheare cahmaahca, capari ñũeraina painare tuã wahcã, jipihitina copapũ ti borariro seheta —nire Jesu.

<sup>15</sup> To ã nichũ tũhoro Pedro õ sehe nire:

—Ahri quitire masa ti dũseri wijaa quitire yahu namoga sãre tjoa —nire tiro Jesure.

<sup>16</sup> Jesu õ sehe ni yũhtire:

—¿Ne, tũhoerasinijari mũsa? <sup>17</sup> Masa ti chũare chũchũ tí ti dũseroi sãahna. ã jia ti pjaropũ sãa sũ, yũhdũ wijaa wahara. Wiho waro jira. Mari chũa marine buhiri tichũ yoaerara, Cohamacũ to ñũchũ. ¿Ahrire masierajari mũsa? <sup>18</sup> Masa ti dũseroi wijaa, ti durucua sehe ti tũhotuapũ tara. Ti durucua sehe ñaa jia masare buhiri tichũ yoara. <sup>19</sup> Ñaa tũhotua, masare wajãa, paio namono mehne ñano yoaa, ñano yoaa numia mehne ñano yoaa, yacaa, mahũoa, masare ñano quiti dahrea masa ti tũhotuapũ tara. <sup>20</sup> Tĩ ñaa sehe masare buhiri tichũ yoara. Wiho mejeta mari ñũchũsuma cjiri ti yoaa tiro cjiro seheta masa wamo cosaerapahta ti chũchũ tí masare buhiri tichũ yoaerara —nire Jesu.

*Judio masono jieraricoro Jesure wacū tuaha*  
(Mr 7.24-30)

<sup>21</sup> Ā ni buhe tuhsu, sãre suho wahare tjoa. Tiro wama tiri maca cahapu Sidõ wama tiri maca cahapu sui sã. <sup>22</sup> Sã tópm suchu Canaa yahpa macaricoro tói jiricoro Jesu cahapu wihiro, sañurucure:

—Pũhoro, Davi panamino masare yũhdũchu yoah tiro, yũhũre pja ñũga mũhu. Yũ macore yũhdũchu yoabasaga mũhu. Yũ maco watino to cohtotaricoro, ñabiario yũhdũra ticoro —ni sañurucure to pocoro.

<sup>23</sup> To ã nipachũta Jesu ticorore yũhtierare. To ã yoachũ ñũna sã to buheina sehe tirore õ sehe nimai:

—Waha dutiga ticorore. Nu cariboro bisica —nimai sã.

<sup>24</sup> Sã ã nichũ tuhoro Jesu õ sehe ni yũhtire ticorore:

—Israe masare Cohamacũre masieraina dihtare yoadoho dutiro warocare yũ Pũcu yũhũre —nire tiro.

<sup>25</sup> To ã nipachũta Jesu dahpori cahai na tuhcu caha sũre ticoro tirore ño payoro.

—Pũhoro, yoadohoga yũhũre —nire ticoro.

<sup>26</sup> Jesu õ sehe ni yũhtire ticorore:

—Õ sehe jira ahri: Wahmanore wũhu pũro pohna ya chũare dieyacãre yũ wa mũhtachu tó wahaerara. (Israe masa yare pa yahpa macainare yũ wa mũhtachu tó wahaerara) —nire Jesu ticorore piti dahre yahuro.

<sup>27</sup> —Ā tjira pũhoro. Ā jipachũta dieyacã cũhu wũhu pũro mesa docai ti chũ site boroare chũ cohtara tinacã cũhu. (Pa yahpa macaricoro yũ jipachũta yũhu cũhũre yoadoho masina mũhu) —ni yũhtire ticoro.

<sup>28</sup> To ã nichũ tiro õ sehe ni yũhtire:

—Ne numino, mũhu yũhũre tuaro wacū tuara. Mũ cahmano seheta ã waharohca —nire Jesu ticorore.

To ã nichũta dóihta noaricoro wahare to macono.

*Payũ dohatiinare noaina wahachu yoaha Jesu*

<sup>29</sup> Ā ni tuhsu sãre suho waha, Galilea wama tiri bucũpariro dũhtũ cahapu suho sũre tjoa. Su, mahadũcã tũcũre mũja, tũ buipũ dujire. <sup>30</sup> Tói to jichũ payũ masa tini masierainare, capari ñũerainare, cũ bũhũsehe ñano dahporo tiinare, durucu masierainare, payũ paina dohatiinare tiro cahapu na wihi masa. Na wihi tuhsu Jesu dahpori cahai duhu cũre tina. Ti ã duhu cũri baharo noaina wahachu yoare Jesu tinare.

<sup>31</sup> To ã yoachũ ñũna masa ñũ cũaa wahare. Durucu masieraina ti durucuchũ ñũna, cũ bũhũsehe ñano dahporo tiina noaina ti wahachu ñũna, tini masieraina ti tinichũ ñũna, capari ñũeraina ti ñũchũ ñũna, cũaa wahare tina. Ā jia õ sehe nire:

—Israe masa mari pũhoro, Cohamacũ tuariro, noariro jira —ni ño payore tina Cohamacũre.

*Cuatro mil masare chũare waha Jesu*  
(Mr 8.1-10)

<sup>32</sup> To ã yoari baharo Jesu sãre to buheinare to cahapu pjiroca, õ sehe nire:

—Ahrina masa yũhu mehne tia dacho waro ji tuhsũra. Ā yoa tinare ti puhĩ mariahna. Ti puhĩ mariachũ ñũcu tinare pja ñũja. “Tinapũ jũca baaina, mahai borari”, nicũ tinare chũna marieno ti wũhũsepũ waha duti duaeraja. Ā jicũ tinare puhĩ wa duaja —nire tiro.

<sup>33</sup> To ã nichũ sã to buheina tirore sinitu ñũi:

—¿Dohse yoa mari õre masa marienopũre pãore boca wabocari mari? —nii sã tirore.

<sup>34</sup> —¿Nohope curi pão curire cjuajari mũsa? —nire Jesu.

—Siete curi, wahi cũhũre mahainacã cjuaja —ni yũhtii sã.

<sup>35</sup> Sã ã nichũ tiro masare yahpai duji dutire. <sup>36</sup> Tuhsu siete pão curire, wahicã cũhũre na, Cohamacũre “Noana”, nire. Ā ninota pão curire nuha, sãre to buheinare ware. Ā jina sã sehe tí chũare masare witii. <sup>37</sup> Ā jia masa tíre chũ, yapi yũhdũa wahare. Ti yapi wahyorire siete pũhũse waro wahpo dapoi sã. <sup>38</sup> Tói chũrinare mũa dihtare mari

quihõchũ cuatro mil waro mũa jire. Numia, macanacã cũhũ jire. <sup>39</sup> Ti ã chũ tuhsũchũ Jesu masare waha dutire. ã ni tuhsũ dohoriapũ samu, Magadán wama tiri yahpapũ sãre sũho sũre.

## 16

*Fariseo curua macaina, saduceo curua macaina cũhũ Cohamacũ tuua mehne Jesu to yoa ñochũ ñũ duamaha*

*(Mr 8.11-13; Lc 12.54-56)*

<sup>1</sup> ã yoa fariseo curua macaina, saduceo curua macaina mehne Jesu cahapũ wihire. To ñano yoachũ ñũ duamare tirore yahusã duaa. ã jia tina tirore Cohamacũ tuua mehne yoa ño dutimare to masierachũ ñũ duaa, “Cohamacũ warocariro jierara”, nia taa. <sup>2</sup> Ti ã yoa dutichũ Jesu õ sehe ni yũhtire tinare:

—Ñamichahapũ sũ sãachũ to noano sohãchũ ñũna “Noari ñami jirohca”, nina mũsa. <sup>3</sup> Tuhsũ, bohrearo ñichuri dacho to jichũ ñũna “Coro tarohca”, nina mũsa. ã noano masiina jipanahta Cohamacũ tuua mehne mũsare yũ yoa ñochũ ñũpanahta ne tíre noano masierara mũsa. <sup>4</sup> Mipũ macaina ña yũhdũina Cohamacũre cahmaeraina Cohamacũ tuua mehne yũ yoa ñochũ ñũ duamana. Yoa ñosi yũhũ. Cohamacũ yare yahu mũhtariro cjiro Jona cjiro to dohse waharirore masi tuhsũre mũsa. Tí dihtare ñoihtja mũsare —ni yũhtire Jesu.

ã ni yahu tuhsũ sũho waha wahare tjoa.

*Fariseo curua macaina, saduceo curua macaina ti ñaa buheare yahuha Jesu*

*(Mr 8.14-21)*

<sup>5</sup> Bũcũparirore sã pahãna, pãore bo pahã tari jikti sã. <sup>6</sup> ã jiro Jesu sãre õ sehe ni yahure: —Noano yoanohbũ. Fariseo curua macaina, saduceo curua macaina ti pão bũcũarore ñũna noano yoaga. Cua nina tí —ni yahure.

<sup>7</sup> To ã nichũ tũhona tũho wisia wahana, sã basi tíre õ sehe ni durucui:

—Mari pãore mari na taerachũ ñũno ã nipũcũ tiro —nimai sã, sã basi.

<sup>8</sup> Sã ã nirire masino, sãre õ sehe ni siniture:

—¿Dohse yoana pão sehere wacũjari mũsa? Mahanocã waro yũhũre wacũ tuara mũsa.

<sup>9</sup> ¿Masierasinihari mũsa? ¿Cinco mil mũare cinco pão curire yũ nuha warire numia cũhũre yũ warire wacũerajari mũsa? ¿Ti yapi wahyorire doce pũhũse waro mũsa wahpo daporire wacũerajari mũsa? <sup>10</sup> ¿ã jicũ siete pão curire nuha, cuatro mil mũare yũ warire numia cũhũre yũ warire wacũerajari mũsa? ¿Nohope pũhũse waro mũsa wahpo daporire wacũerajari mũsa? <sup>11</sup> ¿ã jina pão bũcũarore yũ yahuchũ dohse yoana noano tũhoerari mũsa? ã nicũ pão warore nicũ nieraja. Fariseo curua macaina, saduceo curua macaina ti pão bũcũarore ñũna noano yoaga. Cua nina tí —ni yahure sãre tiro.

<sup>12</sup> To ã ni yahuchũpũ sã masii. “Pão bũcũaro” nino, pão warore nino nierare. ã nino fariseo curua macaina, saduceo curua macaina ti buheare nino niri jimare sãre. “Ti ya buheare tũhoena tjiga”, nino nire.

*Jesu potocã Cristo to jiare Cohamacũ warocariro to jiare yahuha Pedro*

*(Mr 8.27-30; Lc 9.18-21)*

<sup>13</sup> ã yoa Jesu mehne wahana, Cesarea Filipo wama tiri maca cahai jia macaripũ sũi sã. Tuhsũ, macapũ sã sũri baharo Jesu sãre to buheinare siniture:

—¿Diro baro jicari yũhũ masa yũhũre ti tũhotuchũ? —ni siniture tiro.

<sup>14</sup> —“João masare bautisariro jira”, nina mũhũre. Paina “Elia jira”, nina. ã yoa paina sehe tjoa, “Jeremía jiboca o paio Cohamacũ yare yahu mũhtariro cjiro jiboca”, nina —ni yũhtii sã tirore.

<sup>15</sup> —¿Mũsa sehe mũsa tũhotuchũ diro baro jicari yũhũ? —ni sinitu ñũre tjoa.

<sup>16</sup> Simo Pedro õ sehe ni yũhtire:

—Mũhũ Cristo Cohamacũ warocariro jira. Cohamacũ catiriro waro macũnota jira mũhũ —ni yũhtire Simo Pedro.

<sup>17</sup> To ã nichu tũhoro Jesu tirore õ sehe nire:

—Simo Jona macũno mũhũ wahcheriro jira. Õ sehe ni yũhũre mũ yũhtichũ masa ti ni yahuri jierara. Yũ Pũcu mũano macariro sehe tíre mũhũre masichũ yoare. <sup>18</sup> Mũhũre niita nija. Mũhũ Pedro wama tiroiro jira. (Pedro nino, “tãca”, nino nina.) Ahri tãa wapa bui pjiri wũhũre yũ yoaboriro seheta yũ yaina sehene pjiri curua jichũ yoaihca yũhũ. Æ jia watĩno to yaina mehne ne yũ yainare yũhdũrucasi. Æ jia yũ yaina ne pichacapũ wahasi. <sup>19</sup> Mũano macariro mari pũhtoro to sũho jiro macari sawire mũhũre waihtja. Æ jicũ ahri yahpare ñaare mũ yoa dutierachũ mũanopũ cũhũre yoa dutisi. Ahri yahpare noaare mũ yoa dutichũ mũanopũ cũhũre yoa dutia jiahca —nire Jesu.

<sup>20</sup> To ã niri baharo sãre to buheinare õ sehe nire:

—Yũhũre “Cristo jira tiro”, ni yahu sitesiniena tjiga painare —ni dutire sãre.

*Jesu to yariahtore, to masa wijaahito cũhũre yahuha*

*(Mr 8.31-9.1; Lc 9.22-27)*

<sup>21</sup> Tĩ pjata Jesu sãre to buheinare noano yahu pahũno dũcare:

—Jerusalẽpũ yũhũre waharo cahmana mipũre. Tõpũ mari coyea judio masa bũcũna, sacerdotea pũhtoa, marine judio masare buheina cũhũ yũhũre ñano yoaahca. Yũhũre wajãahca. Æta ñano yũhdũro cahmana yũhũre. Æ jicũ tia dacho wahaboroi masa wijaaihca —ni yahure sãre tiro. <sup>22</sup> To ã nichu tũhoro Pedro sehe pa sehe curerocã Jesure narũcu sũ, tirore õ sehe nire:

—Pũhtoro, mũ nino sehe Æ wahaero tjjaro. Mũhũre tina wajãea tjjaro —nimare tiro Jesure.

<sup>23</sup> To ã nichu tũhoro Jesu majarerũca, tirore õ sehe nire:

—Satana yoaro sehe durucui nina mũhũ. Æ nii tjiga. Mũ tũhotua masa ya jira. Cohamacũ ya jierara. Æ jicũ yũ yoahitõre dũcata duara mũhũ —nire Jesu Pedrore.

<sup>24</sup> To ã niri baharo sãre yahure:

—Cũiro yũ yairo ji duaro, to cahmano yoa duamarine duhunocanoahca. Crusapũ yũ ñano yũhdũhtiro seheta yũ yairo to jiri buhiri ñano yũhdũparota yũhũre duhusi. Æ jiro yũ yare yoarucuriro jirohca. <sup>25</sup> Masũno yũhũre wacũno marieno to mũ sũro to cahmano seheta yoariro pichacapũ waharohca. Tuhsũ, masũno yũ yare Æ yoarucuriro jipihtia dachoripe yũhũ mehne mũanopũ jirucurohca tiro. <sup>26</sup> ¿Cũiro masũno ahri yahpa macaare jipihtiare cjũariro Cohamacũre cahmaeraro pichacapũ waharo, yabare wapatajari tiro? Æ jiriro ne wapataerara. Pichacapũ to wahachũ ne dohse wapa wiohto basioerara. <sup>27</sup> Yũhũ masũno Cohamacũ warocariro yũ yaina anjoa mehne ahri yahparũ tjua tacũ yũ Pũcu to si sitea mehne tjua tacũ jipihtina masare ti ñaa yoari buhiri buhiri dahreihitja. Noaa sehene ti yoachũ noano yoaihita tinare. <sup>28</sup> Potocã mũsare yahuihtja. Cãina mũsa õpũre jiina mũsa yariahto pano yũhũre yũ tachũ yũ pũhto sãachũ cũhũre ñũnahca —ni yahure Jesu.

## 17

*Jesu to pjacũre cohtotaha*

*(Mr 9.2-13; Lc 9.28-36)*

<sup>1</sup> Æ yoa seis dachori baharo Jesu Pedrore, Santiagore to bahũro João cũhũre mũadu tũcũpũ tina dihtare pji mũjare. <sup>2</sup> Mũanopũ ti sũri baharo ti ñũrocaroi to pjacũre cohtotaha. To wũhdũna sũ dacho macariro yoaro sehe si siteha. Tuhsũ, to suhtiro buhriaro yoaro seheta yehsea tiha. <sup>3</sup> To Æ cohtotachũ Jesu Moise cjiro, Elia cjiro mehne ti sũhũduchũ ñũha tina tiaro Jesu buheina. <sup>4</sup> Æ jiro Pedro Jesure õ sehe nimaha:

—Pũhtoro, mari õi jichũ noa duara. Mũ cahmachũ tia wũhũcã yoaihita. Mũ ya wũhũcã, Moise ya wũhũcã, Elia ya wũhũcã yoaihita —nimaha tiro.

<sup>5</sup> To Æ nino watoi me curua noano si sitea me ti bui duji pja wihaha. To Æ duji pja wihichũta, me curua watoi õ sehe nino coa taha:

—Ahriro yũ macũ yũ cahĩriro jira. Tiro mehne wahcheja. Tirore tũhoga —nino coa taha.

<sup>6</sup> Æ nino coa tachu tuhoa to buheina cúa waha, yahpai doca caha súa. <sup>7</sup> Ti Æ wahari baharo Jesu tina cahapu su, tinare bua carerota, ð sehe niha:

—Wahcãrucaga mûsa. Mipure mûsa ñure, mûsa tuhori cãhure cuiena tjiga —niha tiro tinare.

<sup>8</sup> To Æ nichu tina ñuroca, Jesu dihtare ñuha. Ti ñurina cjiri sehe marieraha juna.

<sup>9</sup> Æ jia tucuru ti duji tachu Jesu tinare tuaro mehne ð sehe niha:

—Michapucã yu Æ waharire painare yahuena tjiga. Yuhu masuno Cohamacu warocariro yu yaria masa wijaari baharo tãre painare yahuga mûsa —niha Jesu.

<sup>10</sup> To Æ niri baharo Pedro cãhu tirore ð sehe ni sinituha:

—“Cristo masare yuhdohtiro to tahto pano Eliare ta muhtano cahmana”, nina marine judio masa buheina. ¿Dohse jiro baro Æ nijari tina? —ni sinituha tina tirore.

<sup>11</sup> Jesu ð sehe ni yuhtiha:

—Potocã tjira. Eliare ta muhta dutire Cohamacu, jipihtiare cahno muhtahtirore.

<sup>12</sup> ð sehe nicu musare nii nija. Elia wihi tuhsure. To Æ wihpachuta tina tirore ne ñu masierare. Æ jia ti dohse yoa duaro ñano yoari jire tirore. Æta yoaahca yuhu cãhure. Yuhu masuno Cohamacu warocariro jija. Ti Æ yoachu ñano yuhduihca yuhu —niha Jesu.

<sup>13</sup> To Æ ni yahuchu tina noano tuhoha. “Elia” nino, João bautisarirore nino niha. Tãre masiha tina.

*Jesu ñama yaria munare dohatirore yuhdoha*

*(Mr 9.14-29; Lc 9.37-43)*

<sup>14</sup> Æ yoa payu masa cahapu ti duji tachu ñuno cãuro muno Jesu cahapu su, na tuhca caha sure.

<sup>15</sup> —Puhtoro, yu macucãre pja ñuga. Tiro ñama yaria munare dohatirore jira. Æ jiro tiro ñabiaro yuhdura. Payu tahari pichapuru bora su caha mujana tiro. Cãa tahari diaru bora ñoja mujana. <sup>16</sup> Æ jicu mu buheina cahapu tirore na sumahi. Tina tirore noariro wahachu yoa masierare —nire tiro Jesure.

<sup>17</sup> Jesu ð sehe ni yuhtire:

—Mipuru macaina, mûsa ñaa buhiri tiina jira. Yuhure ne wacu tuaerara. Yoabiari pja musare buhemaja yuhu. ¿Noho puro yoari pja yuhure mûsa caribobocari? Tirore na tahga yuhure —nire Jesu.

<sup>18</sup> Æ jiro watãnore to tuhtichuta watãno sehe masunocãre sãariro cjiro waha wahare. To Æ wahari baharocãta noariro wahare tiro.

<sup>19</sup> Baharo sã to buheina sã sahsero jina Jesure ð sehe ni sinitui:

—¿Dohse yoana sã sehe ahriro sehere watãnore cohã masierari, mu tuhotuchu? —ni sinitui sã.

<sup>20</sup> Jesu ð sehe ni yuhtire:

—Yuhure mahanocã wacu tuara mûsa. Potocã musare yahuita nija. Mostaza yapacã mahari yapacã jiparota duropu pjidu wahara. To Æ wahariro seheta Cohacure wacu tuana ð sehe wahachu yoa masinahca mûsa. Ahdu tucure “Sohõpu wahaga”, mûsa nichu, waharohca. Cohacure tó seheta wacu tuana, jipihtiare yoa masina mûsa. <sup>21</sup> [Wiho mejeta ahriro baro watãnore mûsa cohã duana Cohacure tuaro sinino cahmana musare. Æ yoa duana chu duhuro cahmana musare Cohacure sinina tana] —nire Jesu sãre.

*Pari turi Jesu to yariahtore, to masahtore yahuha*

*(Mr 9.30-32; Lc 9.43-45)*

<sup>22</sup> Æ yoa Galilea yahapu sã tinichu, Jesu sãre ð sehe ni yahure:

—Yuhu masuno Cohamacu warocariro jija. Masa yuhure ñaha, painapure yuhure waahca. <sup>23</sup> Æ ti wari baharo yuhure wajãhca tina. Æ ti wajãricu tia dacho wahaboro masa wijaaihca —ni yahure tiro sãre.

To Æ ni yahuchu tuhona tuaro cahyati sã.

*Cohamacu wuhu macaa wapa cjihtire sinituha paina*

<sup>24</sup> Ñ jina Capernaupũ sã suçhũ, Cohamacũ wũhũ macaa cjihtire wapa na cohtaina Pedro cahapũ sũ, tirore õ sehe ni sinitu ñũre:

—¿Mũsare buheriro Cohamacũ wũhũ macaa wapa cjihtire wapajari tiro? —ni siniture tina.

<sup>25</sup> —Wapara tiro —ni yũhtire Pedro.

To ã niri baharo wũhũpũ to sãachũ Jesu õ sehe ni sinitu mũhtare Pedreore:

—¿Simo, dohse ni tũhotujari mũhũ? ¿Ahri yahpa macaina pũhũa yabaina sehere wapa cahmajari, mũ tũhotuchũ? ¿Tina mehne macainare wapa cahmajari? ¿O pa yahpa macaina sehere wapa cahmajari, mũ tũhotuchũ? —ni siniture tiro Pedreore.

<sup>26</sup> —Pa yahpa macaina sehere wapa cahmana —ni yũhtire Pedro.

To ã nichũ Jesu õ sehe ni yahure:

—Ñ jiro pũhtoro to ya yahpa macainare wapa cahmaerara. <sup>27</sup> Ñ jipachũta wapa na cohtainare suachũ yoa duaeraja mari. Ñ jina wapanahca tinare. Bũcupariropũ wahaga. Tópũ sũ, yohgari canore doca ñoga. Ñ yoacũ wahi mũhũre chũrirore tuãga. To dũseropũ niñeru tũre bocaihca mũhũ. Tí tũ quihõno wapa tiri tũ jirohca. Yũhũre, mũhũ cũhũre Cohamacũ wũhũ macaina ti wapa cahmachũ noano quihõno mũ sũrohca tí tũ. Tí tũre bocacũ mari wapamonore wapai wahaga —nire Jesu Pedreore.

## 18

*Jesu buheina tina mehne macarirore* pũhtoro sõ duaa nimaha

(Mr 9.33-37; Lc 9.46-48)

<sup>1</sup> Tí pjare sã to buheina Jesu cahapũ sũ, õ sehe ni sinitui tirore:

—¿Mũano macariro pũhtoro to sũho jiropũre sã mehne macariro diro baro sehe wahabocari pũhtoro? —ni sinitui sã.

<sup>2</sup> Sã ã nichũ Jesu nijinocãre pjiroca, tirocãre sã panoi duhu dapore. Duhu dapõ tuhsũ, sãre õ sehe nire:

<sup>3</sup> —Potocã mũsare yahu bahrañoihtja. Ahrina macanacã Cohamacũre ti pũhtoro waro tũhotura. Ñ jina mũsa cũhũ pano mũsa tũhotumari cjirire cohtotaerana, tinacã yoaro sehe tũhotuerana mũano macariro pũhtoro to sũho jiropũre wahasi mũsa. <sup>4</sup> Ñ jiro mũano macariro pũhtoro to sũho jiropũre niji siaroca yoariro painare yũhdũrũca duaerariro ahriro nijinocã yoaro sehe tũhoturirota paina bui pũhtoro wahara. <sup>5</sup> Ñ jina yũ yare yoana tana õ sehe jiinacãre cahmana, yũhũ cũhũre cahmana mũsa —ni yahure Jesu.

*Ñaare yoachũ* cua nina

(Mr 9.42-48; Lc 17.1-2)

<sup>6</sup> Ñ ni yahu tuhsũ, tinare õ sehe ni yahu namore:

—Ahrirocã sehe jiro yũhũre wacũ tuarirocãre yahuihtja mũsare. Pairo ahrirocã sehe jirore ñaare yoa dutiro tiro ñabiaro yũhdũrohca. Cũirore to wamũare pjiria tãcare dũhte yo, pjiri mapũ tirore ti cohãchũ ñano wahaboa tiro. Ñ jiro ahrirocã sehe jirore ñaare yoa dutiro tiro sehe pjiri mapũ ti cohãriro yũhdoro ñano yũhdũrohca. <sup>7</sup> Masare ñaare yoachũ yoaa jira. Tíre yoaa ahri yahpa macaina ñano yũhdũra. Ñaare yoarucura masa. Tí ã yoachũ tinare ñaare yoachũ yoaina sehe ñabiaro yũhdũahca.

<sup>8</sup> 'Mũ wamomaca mehne ñano yoacũ tí wamomacare mũ dũte cohãboro seheta tí mũ ñaa yoaa sehere duhuga. Tíre duhueracũ pichacapũ wahaihca. Tópũre ne pichaca yatierara. Mũ wamomacare mũ cohãchũ tí si dihta butiboa. Tuhsũ, mũhũ sehe ã si jipaihta baharo Cohamacũ mehne jiihca. Pũa wamomaca mehne pichacapũ wahacũ mũ ã wahachũ ñaa yũhdũaboa mũhũre. Ñ jicũ tí mũ ñaa yoaa sehere duhuga.

'Mũ dahporo mehne ñano yoacũ tí dahporo cũhũre mũ dũte cohãboro seheta tí mũ ñaa yoaa sehere duhuga. Tíre duhueracũ pichacapũ wahaihca. Tópũre ne pichaca yatierara. Mũ dahporore mũ cohãchũ tí si dihta butiboa. Tuhsũ, ã si jipaihta baharo Cohamacũ mehne jiihca. Pũa dahporo mehne pichacapũ wahacũ mũ ã wahachũ ñaa yũhdũaboa mũhũre. Ñ jicũ tí mũ ñaa yoaa sehere duhuga.

<sup>9</sup> M̄u capariaca mehne ñano yoacu tiare orewe m̄u cohãboro seheta tí m̄u ñaa yoaa sehene duhuga. Tíre duhueracu pichacaru wahaiha. Tópure ne pichaca yatierara. Tiare m̄u cohãchu tia dihta butiboa. Cũ buhusehe capariaca mariapaihta baharo Cohamacu mehne jiihca. P̄ua capariaca mehne pichacaru wahacu m̄u ã wahachu ñaa yuhduaboa m̄uhure. ã jicu tí m̄u ñaa yoaa sehene duhuga —ni yahure Jesu.

*Oveja butiro quitire yahuha Jesu*

*(Lc 15.3-7)*

<sup>10</sup> ã ni tuhsu, tinare õ sehe ni yahu namore:

—Ne, ahrinacãre macanacãre ñu yabiena tjiga. M̄usare niita nija yuh̄u. Tinacãre ñu wihboina anjoa m̄uanoru jiina sehe yu P̄acu caharu ã jirucura. <sup>11</sup> [Yuh̄u mas̄no Cohamacu warocariro ahri yahparu pichacaru wahaborinare yuhduachu yoai tai nii yuh̄u] —ni yahure Jesu.

<sup>12</sup> ã ni tuhsu to tuh̄otua mehne õ sehe ni quti dahre buhere sãre:

—Ovejare ñu wihboriro cien ovejare cjuariro c̄uro oveja butia wahachu õ sehe yoarohca tinare ñu wihboriro sehe. Paina ovejare noventa y nueve ovejare ti ch̄uri camporu duhu dapo, butirirore macano waharohca. <sup>13</sup> Potocã niita nija m̄usare. Tirore bocaro wahcherohca tiro. Paina noventa y nueve duhsaina mehne wahchera tiro. Tinare to wahcheriro yuh̄oro butiro sehere bocaro tuaro wahcherohca. <sup>14</sup> Tó seheta ñu wihboriro oveja to butichu cahmaeraro seheta m̄usa P̄acu m̄uano macariro ahrina wih̄o jiina c̄uh̄ure pichacaru ti wahachu cahmaerara —ni yahure Jesu.

*M̄u coyeiro m̄uhure ñano to yoachu õ sehe yoa dutiha Jesu*

*(Lc 17.3)*

<sup>15</sup> ã ni tuhsu õ sehe ni yahu namore:

—M̄u coyeiro m̄uhure ñano to yoachu tiro mehne s̄uh̄udi wahaga. M̄usa sahsero tíre s̄uh̄uduga. M̄u ã yoachu tiro m̄uhure tuh̄oboca. To tuh̄ochu “M̄uhure ne pari turi õ sehe yoasi yuh̄u”, to nichu m̄u coyeirore pari turi piti tii nica m̄uh̄u. <sup>16</sup> M̄uhure to tuh̄o duaerachu pinihta c̄uro mehne waha duacu o p̄aro mehne waha duacu tinare piti ti wahcã, pari turi tirore s̄uh̄uduna wahaga. M̄usa ã yoachu m̄usare p̄aro o tiarore to tuh̄oeraputiachu ñuna paina Jesu yainare tirore yahusãga, Cohamacu yare ti joari p̄u to niriro seheta. <sup>17</sup> ã jina m̄usa mehne macaina c̄uh̄ure to tuh̄o duaerachu jipihtina Jesu yaina cahmachuinare yahusãna wahaga. ã jina Jesu yaina cahmachuinare to tuh̄o duaerasinichu ñuna Cohamacure cahmaeriroro m̄usa yoaboriro sehe yoaga tirore. Wapa na cohtarirore m̄usa yoaboriro sehe yoaga tirore.

<sup>18</sup> P̄otocã m̄usare niita nija. Ahri yahpai m̄usa Jesu yaina ñaare m̄usa yoa dutierachu m̄uanoru c̄uh̄ure yoa dutisi. Ahri yahpai m̄usa noare yoa dutichu m̄uanoru c̄uh̄ure yoa dutia jiahca.

<sup>19</sup> Pari turi m̄usare yahuitja ahrire: M̄usa p̄aro Cohamacure sinichu, m̄usa p̄aro m̄usa sinirire c̄no p̄otori m̄usa tuh̄otuchu yu P̄acu m̄uano macariro tíre yoarohca. <sup>20</sup> P̄aro o tiaro yu yaina yu yare yoah̄tina c̄jhti ti cahmachuchu yuh̄u tina mehne jija —ni yahure Jesu.

*Cahamac̄no paio to wapamonore to bo duaerari quitire yahuha Jesu*

<sup>21</sup> Baharo Pedro Jesu caharu s̄u, õ sehe ni siniture:

—¿P̄ah̄toro, yu coyeiro m̄u yairo payu tahari yuh̄ure ñano to yoachu ñacu nohope tahari tíre boihcari yuh̄u? ¿Siete tahari boihcari yuh̄u? —ni siniture Pedro.

<sup>22</sup> Jesu õ sehe ni yuh̄tire:

—Siete tahari dihta m̄uhure paio to ñano yoarire m̄u bochu tó wahaerara. Payu tahari m̄uhure ñano to yoachu c̄uh̄ure boga.

<sup>23</sup> M̄uano macariro masa bui p̄ah̄toro to s̄ho jiro ahri quti yoaro sehe jira. Jipihtina masa bui p̄ah̄toro jiriro tirore dahra cohtainare tirore wapamoinare wapa pah̄no duti dutimaha. <sup>24</sup> Ti wapamori c̄jirire to quih̄o d̄cachu, tirore dahra cohtaina sehe pj̄iro

wapamoriore tiro cahapɔ na taha. Wapamoriro pjibiaro wapamoha to pɔhtoro. <sup>25</sup> Ǻ jiro tiro to wapa masierachɔ ɔno to pɔhtoro tirore, to namonore, to pohnare cahamaca sɔ, tinare painare dua dutimaha. Ǻ yoa jipihtia to cɔaa cɔhɔre dua duamaha, to wapamonore wapa dutiro. <sup>26</sup> To Ǻ dua dutichɔ pjiro wapamoriro sehe na tuhcu caha sɔ, to pɔhtoro tuaro siniha: “Pɔhtoro, yɔhɔre pja ɔncɔ cohtasiniga. Mɔhɔre wapa pahɔoihca”, niha tiro to pɔhtoro. <sup>27</sup> To Ǻ nichɔ tɔhoro, tirore pja ɔno to wapamoriore Ǻta bonocaha.

<sup>28</sup> To Ǻ yoari baharo pjiro wapamoriro cjiro sehe waha, paio dahra cohtarirore tirore mahanocǺ wapamoriore boca sɔha. Ǻ boca sɔro wamɔa ɔahaha tirore. “Yɔhɔre mɔ wapamonore wapa bahraɔga”, niha tiro tɔ mehne macarirore to yoaro sehe dahra cohtarirore. <sup>29</sup> To Ǻ nichɔ paio dahra cohtariro sehe na tuhcu caha sɔ, tirore tuaro sinimaha. “Yɔhɔre pja ɔncɔ mahanocǺ cohtasiniga. Mɔhɔre wapa pahɔoihca”, nimaha paio dahra cohtariro tirore. <sup>30</sup> To Ǻ ni sinipachɔta tɔ mehne macariro tirore yɔhtieraha. Tuhsɔ, tiro paio dahra cohtarirore peresu yoa dutiha. Pɔ to wapa pahɔochɔpɔ wiorohca tirore. <sup>31</sup> Pjiro wapamoriro cjiro mahanocǺ wapamoriore to ɔnano yoachɔ ɔnɔ, susini, paina dahra cohtaina sehe ti pɔhtoro yahusǺa wahaha. <sup>32</sup> Ti Ǻ ni yahusǺchɔ tɔhoro ti pɔhtoro ti yahusǺirore pjiroca, ɔ sehe niha: “Mɔhɔ ɔnabiaro jira. Mɔ yɔhɔre tuaro sinichɔ mɔ wapamoriore bo pahɔomahi yɔhɔ. <sup>33</sup> Mɔhɔre yɔ Ǻ yoapachɔta mɔhɔ sehe mɔhɔre wapamoriore boerayhti. Mɔ wapamoriro sehene yɔ boriro seheta tiro mɔhɔre to wapamoriro cɔhɔre mɔ bochɔ noabiaboa. ǺDohseacu tirore pja ɔnerari mɔhɔ Ǻ yoacu?” niha to pɔhtoro tirore. <sup>34</sup> Ǻ nino tuaro sua, peresu yoaha tirore dahra cohtarirore. Pɔ to wapa pahɔochɔpɔ wiorohca —ni yahure Jesu.

<sup>35</sup> Ǻ ni tuhsɔ, ɔ sehe ni ahri quitire yahu batoare:

—Tɔ seheta yoarohca yɔ Pɔncɔ mɔano macariro mɔsare. Mɔsa jipihtina mɔsa coyee mɔsare ti ɔnano yoarire noano mɔsa bo pahɔoerachɔ tiro mɔsare buhiri dahrerohca —nire Jesu.

## 19

*Ti namosǺnumiare cohǺare yahuha Jesu*

*(Mr 10.1-12; Lc 16.18)*

<sup>1</sup> Tiro to Ǻ ni yahuri baharo tiro Galileai jiro Judea yahpapɔ sǺre sɔho wahare. JordǺo pa buhusehe coapɔ sui sǺ. <sup>2</sup> Tɔpɔ sǺ wahachɔ payɔ masa sǺre nɔnɔ ti wahcǺre. Tina mehne macainare dohatiinare noaina wahachɔ yoare tiro.

<sup>3</sup> Ǻ yoa cǺina fariseo curua macaina Jesure yahusǺ duaa, ɔnano to durucuchɔ tɔho duaa, tirore ɔ sehe ni sinitu ɔnɔre:

—ǺMari cahmano seheta mari namore cohǺchɔ noabocari? ǺMari dutia sehe tɔ seheta yoa dutijari, mɔ tɔhotuchɔ? —ni sinitu ɔnɔre tina.

<sup>4</sup> Jesu ɔ sehe ni yɔhtire:

—ǺCohamacɔ yare ti joari pɔi ne ahrire buherasiniri mɔsa? Ǔ sehe ni joaa tiha: “Wahmanopɔre ahri yahpare bajuamehneriro mɔno, numino cɔhɔre yoaha”, ni joaha.

<sup>5</sup> Tuhsɔ ɔ sehe ni joa namoha: “Mɔno to pɔncɔsumare cohǺ wija, to namono mehne jirohca. Ǻ jia tina pɔaro jipahta cɔ pjacu yoaro seheta jira”, ni joa namoa tiha. <sup>6</sup> Ǻ jia tina pɔaro yoaro sehe jierara. Cɔ pjacu yoaro sehe jia nina. Cohamacɔ to wamomaca dɔhte dutiina jira. Ǻ jia tinare duhueraro cahmana —nire Jesu tinare.

<sup>7</sup> To Ǻ nichɔ fariseo curua macaina ɔ sehe ni siniture tjoa:

—Mɔ Ǻ ni yahupachɔta ɔ sehe ni joaa tiha Moise cjiro sehe: “Mɔ namore cohǺ duacu papera pɔi tiro joaga. Ǻ joacu tɔ pɔre mɔ namore mɔ wari baharo ticorore cohǺ masina mɔhɔ”, ni joaa tiha Moise cjiro. ǺMɔ nino sehe jipachɔta Moise cjiro sehe dohsearo ɔ sehe ni joari? —ni sinitu namore tina tirore.

<sup>8</sup> Jesu ɔ sehe ni yɔhtire tinare:

—Cohamacɔre mɔsa ɔncɔsumama ti tɔho duaerachɔ ɔno ti namosǺnumiare ti cohǺchɔ, “Ǻta yoawahnojaro”, ninocaa tiha Moise. To Ǻ nipachɔta wahmanopɔre ahri



yahpare ã jierare. <sup>9</sup> Mũsare niita nija. Masũno to namono to ñano yoaerapachũta ticorore cohãno, pacorore namo tiro, tiro pacoro mehne ñano yoaro nina. [Tuhsũ, ahriro to cohãricorore namo tiriro cũhũ ticoro mehne ñano yoariro jira] —nire Jesu.

<sup>10</sup> To ã nichũ tuhona, sã to buheina sehe tirore õ sehe nii:

—Tó sehe mũno to namono mehne ti cahma cohãerachũ mari sehere mari namo tierachũ noaboca —nii sã.

<sup>11</sup> Jesu õ sehe ni yũhtire:

—Mũsa nino sehetã jira. ã jiro cãinare namo ti dutierara Cohamacũ. <sup>12</sup> Mũare namo ti dutieraa cãã jira. Cãina mũa numiare cahmaeraina masa bajuara. Paina mũa masa ti wapãri tũhoca ti warina sehe namo ti masierara. Paina mũa mũano macariro ti pũhtoro yare yoadoho duaa, namo tierara. ã jia ahriina namo ti duaeraina ãta tũhotunocaina, tó sehetã ti ji sohtori tichũ noana —nire Jesu sãre.

*Macanacã ya cjihtire Cohamacũre sini payoha Jesu*

*(Mr 10.13-16; Lc 18.15-17)*

<sup>13</sup> ã yoa masa macanacãre Jesu cahapũ na wihire. ã na wihia, tina Jesure to wamomacare tinacã bui ña payo duti duamare. ã yoa tinacãre Cohamacũre sini payo duti duamare Jesure. Ti ã yoachũ ñũna sã to buheina tinare tuhtimahi. <sup>14</sup> Sã ã tuhtichũ ñũno, sãre Jesu õ sehe nire:

—Macanacã yũ cahapũ tajaro. “To cahai wahaena tjiga”, niena tjiga tinacãre. Tinacã Cohamacũre ti pũhtoro tũhotura. pũhtoro Cohamacũ to sũho jiina ahriinacã yoaro sehe tũhotuina baro dihta jira —nire Jesu sãre.

<sup>15</sup> ã ninota to wamomacare tinacã bui ña payo tuhsũ, waha wahare.

*Pache pũro Jesure sinitu ñũha*

*(Mr 10.17-31; Lc 18.18-30)*

<sup>16</sup> To ã yoari baharo cũiro masũno Jesu cahapũ wihi, siniture tirore:

—¿Ne, buheriro, jipihtia dachoripe Cohamacũ mehne ã jirucu duacũ, noaare yoa duacũ di baro sehere yoabocari yũhũ? —nire tiro.

<sup>17</sup> —¿Dohse jiro baro yũhũre noaa barore ni sinitujari mũhũ? Cohamacũ dihta noariro jira. Jipihtia dachoripe Cohamacũ mehne ã jirucu duacũ to dutiare yoaga —nire Jesu.

<sup>18</sup> —¿Di baro dutia sehere nii nijari? —ni sinitu namore tiro.

Jesu õ sehe ni yũhtire:

—Masare wajãecũ tjiga. Namu tiriro pũ paye numia manũ tia numia mehne jiecũ tjiga. Yacaecũ tjiga. Mahũno mehne painare yahusãecũ tjiga. <sup>19</sup> Mũ pũcũsumare ño payoga. Mũ basi mũ cahũno sehetã mũ cahai jiro cũhũre cahũga. Ahri dutiare yoaihca mũhũ —nire Jesu.

<sup>20</sup> —Ahri dutiare ne yũhdũrũcaera tihũ yũhũ. ¿Dohse yoa namoihcari yũhũ jipihtia dachoripe Cohamacũ mehne jirucu duacũ? —nire tiro Jesure.

<sup>21</sup> To ã nichũ tũhoro Jesu õ sehe ni yahu namore:

—Mũhũ ñaa buhiri marieriro ji duacũ mũ ya jipihtiare duai wahaga. ã duacũ jipihtia mũ wapatarĩ niñerure pũacũoinare waga. Mũ ã yoachũ payũ mũ wapataa mũanopũ, Cohamacũ cahapũ jiyuahca. Mũ ã yoari baharo yũhũ mehne macariro cjihto taga —ni yahure Jesu.

<sup>22</sup> To ã nichũ tũhoro tuaro cahyare. Tiro payũ pache cjuariro jiro, tíre pũacũoinare wa duaeraro, cahya, waha wahare.

<sup>23</sup> To ã wahari baharo Jesu sãre to buheinare õ sehe ni yahu namore:

—Potocã mũsare niita nija. Pache pũro pũhtoro Cohamacũ to sũho jiro pũre to waha duachũ mijobiara. <sup>24</sup> Mũsare yahu namoihtja: Camello sehe awicã copapũ to sãã nuhri wijaa duachũ basioerara tirore. To ã jiro yũhoro pache pũro pũhtoro Cohamacũ to sũho jihtopũ to waha duachũ mijobiara —nire tiro.

<sup>25</sup> To ã nichũ tuhona sã cũaa waha, sã basi õ sehe nii:

—Cue, to nino sehetã jichũ, ne cũiro masũno Cohamacũ cahapũ waha masieraboca —nii sã basi.

<sup>26</sup> Sã ã nichu Jesu sãre ñuroca õ, õ sehe ni yahure:

—Masa ti basi ti mu suro yuhdu masierara. Wiho mejeta Cohamacu sehe masare pichacapu wahaborinare yuhdo masina. Tiro jipihtiare noano yoa masi pahñoriro jira —nire tiro sãre.

<sup>27</sup> To ã nichu Pedro tirore õ sehe nire:

—Tuhosiniga. Sã sehe sã ya jipihtiare cunocaa tii muhu mehne wahana tana. ¿Sã õ sehe yoana, dohse jiare wapatanahcari sã? —nire tiro.

<sup>28</sup> To ã nichu tuhoro õ sehe nire Jesu:

—Musare niita nija: Pihtiri dacho jichu jipihitia wahma dihta cohtotaahca. Tí pjarure yuhu masano Cohamacu warocariro yuhu puhtoro yu dujiroi si siteroi dujiuhca yuhu. Tóí yu dujichu musa cuhu doce dujia pahtarihi puhtoa ti dujia pahtarihi dujinahca. Á jina Israe masare doce curuari macainare besenahca musa noaina, ñainare. <sup>29</sup> Á yoa yu yare yoana tana musa wuhusere, musa bahanare, musa pucsumare, musa pohinare, musa weserire cunocarina jina, pjíro wapatanahca. Tuhsu, jipihitia dachoripe Cohamacu mehne jirucunahca. <sup>30</sup> Wiho mejeta mipure payu puhtoa jirina cjiri tí pjarure wiho jiina tjuanocahca. Tuhsu, mipure payu wiho jiina jirina cjiri tí pjarure puhtoa cohtotaahca tjoa —ni yahure Jesu sãre to buheinare.

## 20

### *Se wesere dahraina quitire yahuha Jesu*

<sup>1</sup> Á yoa Jesu pari turi to tuhotua mehne piti dahre õ sehe ni yahu namore tjoa:

—Muanu macariro masa bui puhtoro jira. Wese puro quiti mehne puhtoro Cohamacu to suho jirore yahuihtja musare. Tiro wese puro bohrea paricaroi to wesere dahrahtinare pjíro wahaha. <sup>2</sup> “Cũ tu niñeru tu wapaihtja cũ dachore”, niha tinare. “Jai”, niha dahrahtina. Ti ã nichu wesepu dahra dutiro warocaha tiro tinare. <sup>3</sup> Á yoa dachoru nueve hora jichu pache duaroru wahaha tiro. Tóru suro, paina dahraerainare ñuha. <sup>4</sup> Á ñno tinare õ sehe niha: “Musa cuhu yu wesere dahrana wahaga. Noano wapaihtja”, niha tiro tinare. <sup>5</sup> To ã nichu tuhoa, tina cuhu wesepu dahraa wahaha. Á yoa wese puro cohari pja jichu, ñamichahapu tres hora jichu cuhure painare dahra dutiha. <sup>6</sup> Á yoa ñamichahapu cinco hora jichu pache duaroru tiro wahaha tjoa. Tóru su, paina dahraerainare ñno, tinare õ sehe niha: “¿Ne yaba barore yoaerapanahta cũ dacho ñurucu nahñoajari musa?” ni sinitu ñuha tinare. <sup>7</sup> “Ne, sãre dahraa mariahna”, ni yuhtihia tina. “Musa cuhu yu wesere dahrana wahaga”, niha tinare. Á jia to niriro seheta to wesere dahraa wahaha. <sup>8</sup> Á yoa ñamichahapu dahra duhuri pja jichu wese puro to yaina dahrainare cohtarirore õ sehe niha: “Dahrainare pjiga. Ti wihichu tinare wapaga. Ti baharoru yu dahra dutirinare wapa muhtaga. Tinare wapa tuhsu, paina cuhure wapa tuhsu, yu dahra duti muhtainare wapa batoaga juna”, niha tiro. <sup>9</sup> Á yoa cinco hora jichu dahra ducainare cũ tu niñeru tu wapaha. <sup>10</sup> To ã wapachu ñua, “Sãre bui curero waparohca”, ni tuhutumaha to duti muhtaina cjiri sehe. Tina cuhure cãno potori wapanocaha. <sup>11</sup> Á jia niñerure to wapachu ti puhtoro mehne susinia ti basi õ sehe cahma niha: <sup>12</sup> “Ahrina sã baharoru to dahra dutirina sehe cũ horata dahrahe. Sã sehe cũ dacho noano dahra nahñoamahi. Ñano sũ sihre sãre. Sã ã yoi pja dahrapachuta sã baharoru dahra ducaina cuhure cãno potoriga wapanocahre tiro”, ni suaha tina ti basi. <sup>13</sup> Cũiro tina mehne macariro to ã nichu tuhoro, wese puro yuhtihia tirore: “Ne coyeiro, ‘Cũ tu niñeru ture wapaihtja’, nimahicu musare. Yu ã nichu yuhtihre musa. Á jicu yu niriro seheta musare wapahi yuhu. Quihõno wapahi musare. Ne yacaerahi musare. <sup>14</sup> Á jicu yu waparire na, mu wuhuru tjuahga. Ahrirore baharo yu dahra dutiriro cuhure musare yu wapariro purota wapaihtja. <sup>15</sup> Yu ya niñeru jira ahri. Á jicu yu cahmano seheta ahri mehne wapaihtja. ¿Painare yu noano wapachu ñu tuhtijari muhu?” niha tiro wese puro —ni yahure tí quitire Jesu.

<sup>16</sup> Á nino, õ sehe ni yahu namore tiro:

—Ahri quiti ti nino seheta baharo macari curua wiho jiina yoaro sehe ya curua ji muhtari curua puhtoa ya curua jirohca manoru. Á yoa ji muhtari curua puhtoa ya

curua cjiro sehe ti baharopu macari curua wiho jiina ya curua tjuarohca munopu —ni yahure Jesu.

*Pari turi Jesu to variahtore, to masa wijaahtore yahuha*  
(Mr 10.32-34; Lc 18.31-34)

<sup>17</sup> Æ yoa Jerusalēpu wahana cūnoihta waharucuma, sāre doce to buheinare pjiroca tuhsu, pa sehepu sā dihtare naahre Jesu. Sā sahsero sā jichu sāre õ sehe ni yahure:

<sup>18</sup> —Tuhoga yuhure. Mipure Jerusalēpu wahana nija mari. Tõpu yuhure masunore Cohamacu warocaritore ñaha, painapure yuhure waahca. Sacerdotea puhtoare, mari coyea judio masare buheina cūhure yuhure waahca. Æ jia yuhure wajã dutiahca tina. <sup>19</sup> Æ wajã dutia, judio masa jieraina sehere yuhure waahca. Ti ã wari baharo tina sehe yuhure bujupre, tjana, crusapu cã puhaahca yuhure. Æ jii yu yariari baharo tia nupu wahaboroi masa wijaaahca —ni yahure Jesu sāre.

*Santiago, João mehne ti pocoro tinare sinibasaha Jesure*  
(Mr 10.35-45)

<sup>20</sup> Æ yoa Zebedeo namono puaro to pohna mehne Jesu cahapu su, na tuhcuca caha suha tirore sinino taro:

<sup>21</sup> —¿Dohse yu yoachu cahmajari muhu? —niha Jesu ticorore.

—Muhu puhtoro sāacu yu pohnare dutiina sõga. Æ yoacu mu pu buhuseheri batoï dapoga tinare —ni siniha ticoro.

<sup>22</sup> Jesu õ sehe ni yuhtiha:

—Musa ñano yuhduhtore masierapanahta ã sinina musa. ¿Mipure yu ñano yuhduhto seheta musa cūhu ñano yuhduna cūno pjabocari musa? —niha Jesu ticoro pohnare.

—Cūno pjanahca —ni yuhtiha Santiago, João mehne.

<sup>23</sup> —Potocã tjira. Yu ñano yuhduhto seheta ñano yuhdunahca musa cūhu. Wiho mejeta yuhu mehne dutihtinare, yuhu mehne dujhtinare bese masieraja yuhu. Yu Pucu sehe cahno tuhsure tíre. Æ jia to besehtina dihta yu poto buhusehei yu cõ buhusehei dujiahca —niha Jesu tinare.

<sup>24</sup> Æ jina sā paina diez to buheina sehe Santiago, João ahrina puaro mehne susinii sā. Jesure ti pocoro to sinibasarire tuhona susinii tina mehne. <sup>25</sup> Sã ã susinichu ñuno, Jesu sāre jipihtina to buheinare pji cahmachu, õ sehe ni yahure sāre:

—Cohamacure masieraina puhtoa sehe ti masare dutia, purino mehne dutira. <sup>26</sup> Musa sehe ne ã yoasi musa basi. Musa mehne macariro puhtoro ji duaro, jipihtina tiro mehne macaina cahamacuno jiro cahmana tirore. <sup>27</sup> Æ yoa jipihtinare dutiro ji duariro paina cahamacuno jiro cahmana tirore. <sup>28</sup> Tõ seheta jiro jija yuhu cūhu. Yuhu masuno Cohamacu warocariro ahri yahpapure masare yoadohocu tacu tai. Tuhsu, payu masa ya buhirire yariai tai nii. Æ yoa masare pichacapu wahaborinare yuhduchu yoai tai nii —nire Jesu sāre.

*Puaro capari bajuerainare ñuchu yoaha Jesu*  
(Mr 10.46-52; Lc 18.35-43)

<sup>29</sup> Æ yoa Jericópu jirina sā wahachu payu masa Jesure nunu tire. <sup>30</sup> Ti ã nunu tichu Jesu to yuhduachu puaro capari ñueraina maha duhtu cahai dujiina tuhore. Æ tuhoa, õ sehe ni sañurucure:

—Sã puhtoro, Davi cjiro panamino masare yuhdohtiro, sāre pja ñuga —ni sañurucure.

<sup>31</sup> Ti ã ni sañurucuchu masa sehe tinare tuhtire:

—Dihta mariaha —nire masa tinare.

Ti ã tuhtichu tuhoa, ti pano sañurucuro yuhdo curero sañurucu namore tjoa:

—Sã puhtoro, Davi cjiro panamino, sāre pja ñuga —ni sañurucure.

<sup>32</sup> Ti ã nichu tuhoro Jesu suruca, tinare pjiroca, õ sehe ni sinitu ñure:

—¿Dohse musare yu yoachu cahmajari musa? —ni sinitu ñure.

<sup>33</sup> —Sã puhtoro, sāre ñuchu yoaga —ni yuhtire tina.

<sup>34</sup> Ti ã nichu Jesu tinare pja ñure. Ñ pja ñuno ti caparire ña payore. To ã ña payochuta tina sehe ñua wahare. Ñ ñua, tirore nunu ti wahcäre.

## 21

*Jerusalëpu sãha Jesu*

*(Mr 11.1-11; Lc 19.28-40; Jn 12.12-19)*

<sup>1</sup> Ñ yoa Jerusalëpu sã suhto pano Betfagé wama tiri macapu su muhtasinii sã Jesu mehne. Betfagé tucu Olivo wama tidu cahai jire. Tõpu sãro, sã mehne macainare puaro to buheinare Jesu to pano waroca muhtare. <sup>2</sup> Õ sehe ni yahure tinare:

—Sı macapu burroare nana wahaga. Tõpu sãna, dóihta burrore to macunocã mehne ti duhte daporicorore boca sunahca. Tinare boca, yuta dare pjã, na tabasaga yuhure.

<sup>3</sup> Musa pjãchu ñuno, cãiro dohse jiro, “¿Dohseana tana burroare pjãjari musa?” to nichu tuhona õ sehe ni yuhtiga: “Mari puhtoro burroare cahmarocasinire. Michapucacã tinare wiarohca tiro”, ni yuhtiga tirore —ni duti warocare Jesu to buheina puarore.

<sup>4</sup> Ñ yoare Cohamacu yare yahu muhtariro cjiro to ni joariro seheta. Õ seheta ni joaa tiha panoru:

<sup>5</sup> “Jerusalë macainare õ sehe ni yahuga: ‘Ñuga musa.

Musa puhtoro musa cahapu tara.

Tiro masa noariro jira.

Burro macunocã bui pisariro tarohca’, ni yahuga Jerusalë macainare”,

ni joaa tiha panoru.

<sup>6</sup> Jesu to dutirocaina puaro tí macapu su, to dutiriro seheta yoaha tina. <sup>7</sup> Burrore, to macunocã cuhure na ta, ti bui sãa suhtire tjuwe na, burrocã bui pjupaha payore tina. Ti ã yoari baharo Jesu tirocã bui mija pjare waharo taro. <sup>8</sup> Mija pja tuhsu, tirocã bui Jerusalëpu wahare. To tachu ñua masa payu ti bui maca suhtire tjuwe na, saño cã muhtare to wahahti mahai, Jesure ño payoa. Paina sehe pãri tia dupurire mahai duhu cã muhta wahcäre tirore ño payoa. <sup>9</sup> Ñ yoa to pano wahaina, to baharo nunu tiina mehne õ sehe ni sañurucure:

—Davi cjiro panaminore marine yuhdohtirore wahche payojihna. Ahriro Cohamacu to warocariro noano jijaro. Mũano macarirore “Tuariro jira”, ni wahche payojihna —ni sañurucure masa.

<sup>10</sup> Ñ jia Jerusalëpu ti sachu tó macaina sehe ñu cãaa wahare.

—¿Cue, diro baro jijari ahriro? —ni cahma siniture tina.

<sup>11</sup> Paina masa õ sehe ni yuhtire:

—Ahriro Cohamacu yare yahu muhtariro Nazare Galilea yahpai jiri maca macariro Jesu wama tiroiro jira —ni yahure tina masare.

*Cohamacu wuhuru sãha Jesu*

*(Mr 11.15-19; Lc 19.45-48; Jn 2.13-22)*

<sup>12</sup> Baharo Cohamacu wuhuru sure Jesu. Tí wuhuru su, sãa wahare. Tí wuhuru duainare, nuchina cuhure cohã wiore tiro. Ñ yoaro niñeru cohtotaa mesarire na majareroca doca cã mujare. Bujaare duaina ti dujia pahtari cuhure ãta yoare. <sup>13</sup> Ñ yoaro tinare õ sehe nire:

—Cohamacu yare ti joari pui õ sehe nina: “Yu wuhu Cohamacu mehne durucuri wuhu wama tirohca”, nimare to joari pui. Musa sehe ahri wuhui duana musa basi cahma yacara musa —nire tiro tinare.

<sup>14</sup> To ã yoari baharo capari ñueraina, tini masieraina cuhu Cohamacu wuhuru tiro cahapu wihire. Ti ã wihichu tinare noaina wahachu yoare tiro. <sup>15</sup> Ñ noare to yoachu ñua, sacerdotea puhto, marine judio masare buheina cuhu suare tiro mehne. Ñ yoa macanacã Jesure “Davi cjiro panamino masare yuhdohtiro, tuariro jira muhu”, ti ni ño payochu tuhona tó cuhure tina suare. <sup>16</sup> Ñ suaa õ sehe nire Jesure:

—¿Ti ã nichu tuhoerajari muhu? Ñ niea tjiaro —ni tuhtire tina Jesure.

Ti ã tuhtichu tuhoru Jesu tinare õ sehe ni yuhtire:

—Tina ti ã nichu tũhoja. ¿Cohamacu yare ti joari pũi ahrire ne buherari mũsa? “Macanaçãre, wihãinacãre Cohamacure noano ño payochu yoare mũhu”, nina Cohamacu yare ti joari pũi —nire Jesu (“Macanacã yũhure ti ño payochu noana”, nino).

<sup>17</sup> Æ ni tuhsu tinare cohã wahcã, Betania wama tiri macapu su, tí ñamine tói jire.

*Jesu higueraçure yaria dutiha*

*(Mr 11.12-14, 20-26)*

<sup>18</sup> Pa dachoi bohrearopu Jerusalẽpu tjuaaro, jũca baare Jesu. <sup>19</sup> Æ jũca baaro, maha dũhtu cahai jidu higueraçu wama tidũre ñũno, tu dichare macano wahamare. Dicha mariahre tu sehe. Pũri dihta jire. Tu ã jichu ñũno Jesu tũre õ sehe nire:

—Ahdũ ne pari turi dicha tisi —nire tiro.

To ã nichuta dóihta tu sehe ñaia wahare. <sup>20</sup> Tu ã wahachu ñũna sã to buheina ñu cũ wahai.

—Cue, ¿dohsearo ahdũ dóihta ñaia wahajari? —ni sinitui sã.

<sup>21</sup> Jesu õ sehe ni yũhtire:

—Potocã nii nija mũsare. Cohamacure noano wacũ tuaga. “Potocã ã yoarohca tiro”, nina ahdũre yu yoariro seheta yoa masinahca mũsa cũhu. Tuhsu, ahdũre yu yaria dutiriro yũhoro yoa masinahca mũsa. Ahdũ tũcũre “Duha na, pjiri mapu cohãdu jijaro”, mũsa nichu duha cohãdu jirohca. <sup>22</sup> Cohamacure mũsa wacũ tuachu, “Yu siniriro seheta ã waharohca”, mũsa ni wacũchu mũsa siniriro seheta ã waharohca —nire Jesu sãre.

*Jesure dutirirore sinituha paina*

*(Mr 11.27-33; Lc 20.1-8)*

<sup>23</sup> Æ yoa Cohamacu wũhũpu tju su, buhere tiro. To ã buhechu sacerdotia puhto, mari coyea judio masa bũcũna mehne tiro cahapu wihi, õ sehe ni siniture:

—¿Dohseacu canũre ã yoari mũhu? ¿Noa mũhure tíre ã yoa dutiri? —ni siniture tina.

<sup>24</sup> Ti ã nichu Jesu õ sehe ni yũhtire:

—Mũsa sehere sinitu mũhtaihtja. Noano yũhure mũsa quihũno yũhtichu mũsare yahuihtja yũhu cũhu. <sup>25</sup> ¿João masare to bautisachu diro baro sehe tirore bautisa dutia tiari, mũsa tũhotuchu? ¿O Cohamacu dutiera tiari? ¿O masa sehe dutia tiari, mũsa tũhotuchu? —ni siniture Jesu tinare.

To ã nichu tina sehe ti basi õ sehe nire:

—¿Dohse ni yũhtinahcari mari? “Cohamacu Joãore dutia tiri jire”, mari nichu, “¿Dohseana Cohamacu Joãore to dutipachuta tirore tũho duaerari mũsa?” niboca Jesu marine. Æ jina “Cohamacu Joãore dutia tiri jire”, ni yũhti masieraja mari. <sup>26</sup> Ahriina masa sehe “Potocãta João Cohamacu yare yahu mũhtariro jire”, ni tũhotura tina. Æ ni tũhotua “João to bautisachu Cohamacu sehe tirore dutierari jire”, mari nichu tũhoa masa suaboca mari mehne. Æ jina tí cũhure yahu masieraja mari —nire tina ti basi.

<sup>27</sup> Ti ã niri baharo Jesure õ sehe ni yũhtire tina:

—Joãore bautisa dutirirore sã masieraja —nire tina.

Ti ã nichu tũhoro õ sehe nire Jesu:

—Tí pja pinihta yũhu cũhu mũsa sinitu mũhtarire yahueraja mũsare. Yu yoarige dutirirore yahueraja mũsare —nire tiro tinare.

*Pũaro pũcũro quitire yahuha Jesu*

<sup>28</sup> To ã niri baharo Jesu to tũhotua mehne paye quiti mehne piti dahre buhe namore tinare:

—¿Ne, dohse ni tũhotujari mũsa ahri quitire? Pũaro pũcũro jiha. Wahmino sehere õ sehe niha to pũcũro: “Macu, wesepu dahrai wahaga”, niha. <sup>29</sup> “Wahaeraja”, ni yũhtimaha to macũno wahmanore. Æ nĩparota baharopũre wesepu waha duaro jiha tirore. Æ jiro wahaha tiro. <sup>30</sup> Tuhsu, ti pũcũro to macũno dũsariro cahapu su, to wahminore to dutiriro seheta wesepu waha dutimaha. “Jai”, nimaha dũsariro sehe. Æ nĩparota wahaeraha tiro. <sup>31</sup> ¿Diro sehe to pũcũro to dutiriro seheta yoari? —ni siniture Jesu.

—To wahmino sehe yoaha —ni yuhtire tina.

Ti ã nichu Jesu õ sehe ni yahure:

—Músare niita nija. Wapa na cohtaina, mua mehne ñano yoarucua numia ti buipũ waro musa sehe ñabiaina jira. Æ jia puhtoro Cohamacu to suho jiropure musa sũborirote tina sehe músare mu cõ su muhtaahca. <sup>32</sup> João bautisariro buhero músare “Noano yoaga”, ni yahumare. Æ to yahuchũ dũsariro to pũcũrore to yuhtierariro seheta tirote tuhoerare musa. Æ yoa tirote yuhtierare. Wapa na cohtaina sehe, mua mehne ñano yoarucua numia cũhu tirote tuhore. Ti Æ tuhochũ ñũre musa. Musa Æ ñũpanahta tirote ne tuho duaerare musa. Tuhsũ, tuhoerare musa —nire Jesu sacerdotea puhtoare, mari coyea judio masa bũcũna cũhũre.

*Ñaina dahra cohtaina quitire yahuha Jesu*  
(Mr 12.1-12; Lc 20.9-19)

<sup>33</sup> Æ yoa Jesu pari turi to tuhotua mehne õ sehe ni piti dahre tinare buhe namore:

—Ahri quitire tuhoga musa. Yahpa pũro jiha. Tiro to ya yahpai se dari cjihtire toaha. Toa tuhsũ, sahrĩnore dapo, sere ti tu mũtohti copare saha, mũari wũhũcã dahreha.

’Æ jiro tí wesere painare cũ bũhũsehe coa pahma cũha. Æ pahma cũno tí wesere tinare ñũ wihbo duti, pa yahparũ wahaha tiro. <sup>34</sup> Æ yoa se ñiri pja jichũ wese pũro tirote dahra cohtainare wesere ñũ wihboina cahapũ warocaha. Wese macaa to toaa dichare to ya coa macaa dichare na dutiro warocamaha. <sup>35</sup> To Æ warocachũ wesere ñũ wihboina sehe tirote dahra cohtainare ñano yoaha. Cũirore tuaro cjã, pairote wajã, pairote tãa mehne docaha. <sup>36</sup> Baharo wese pũro pari turi tirote dahra cohtainare to waroca mũhtarina bui curero puhtoa jiri curuare warocaha tjoa. To Æ warocachũ wesere ñũ wihboina tina cũhũre mũnanota yoaha tjoa.

<sup>37</sup> ’Æ yoa to waroca batoariro to macũno jiha. “Yũ macũ sehere ño payoahca”, nino tirote warocamaha. <sup>38</sup> To Æ ni tuhotupachũta wesere ñũ wihboina to macũno to tachũ ñũa, õ sehe niha: “Wese pũro macũno jira ahriro. Tirote wajãjihna mari. Mari Æ wajãchũ ahri wese mari ya wese tjuarohca”, nimaha tina ti basi. <sup>39</sup> Æ niata tirote ñaha, wese dũhtũ cahai na wahcã, wajãha tina tirote.

<sup>40</sup> ’¿Ne, wese pũro taro dohse yoarohcari tiro wesere ñũ wihboinare, musa tuhotuchũ? —ni siniture Jesu sacerdote puhtoare, bũcũna cũhũre.

<sup>41</sup> To Æ nichũ tina õ sehe ni yuhtire:

—Tiro painare wesere ñũ wihbohtinare cohtotarohca ji mũhtainare ñabiainare wajãno taro. Tirote quihõno dichare tju wahtina sehere ñũ wihbo dutirohca —ni yuhtire tina.

<sup>42</sup> Ti Æ nichũta Jesu yahu namore tinare:

—¿Cohamacũ yare ti joari pũi ahrire yũhũre to ni joari cjiire ne buherari musa? “Ahriro Cristo tãca yoaro seheta jira.

Tãcare wũhũ dahreina ti cohãno seheta masa tirote cohãahca.

Ti Æ yoapachũta mipũre wũhũ dahreina wũhũre yoaa ti cũ mũhtari tãcare ti cũno seheta Cohamacũ tirote puhto sõre.

Cohamacũ sehe ahrire yoare.

To Æ yoachũ ñũna, ‘Noa yũhũara’, ni tuhotuja mari”,

ni joaa tiha panopũ. ¿Tĩre ne buherari musa? <sup>43</sup> Músare niita nija yũhũ. puhtoro Cohamacũ to suho jiro musa jihto cjihto jiboa. To puhtoro jirore paina sehere musa jiborirote warohca Cohamacũ. Paina masa sehe to dutiro seheta yoaahca. <sup>44</sup> [Jipihtina tia tãca bui bora pjainare payũ dihicã peri yihsorohca tia tãca. Tuhsũ, tia tãca sehe masũno bui bora pjaro tahãnocanohca tirote. To pjacũ cjiore daa manaricã wahachũ yoarohca. (Tó seheta yũhũre cahmaeraina yũ buhiri dahrehtina ñano yũhũahca) —nire Jesu sacerdotea puhtoare, mari coyea judio masa bũcũna cũhũre.]

<sup>45</sup> Tí quitire to Æ nichũ tuhoa, “Sohõ to yahu mũhtari quiti wesere ñũ wihboina quiti mehne marine nino nica tiro”, ni tuhoture tina. <sup>46</sup> Æ ni tuhotua, tirote ñaha duamare.

Masa sehe Jesure ño payo “Cohamacu yare yahu mahtariro jira tiro”, niina jia tiha tina. Tíre masia, sacerdotia puhto, bucuna mehne masare cuia, Jesure ñahaerare.

## 22

*Pjiri bosa nũmũ macaa quitire yahuha Jesu*

<sup>1</sup> Ñ yoa pari turi to tuhotua mehne paye quitu mehne tinare buhe dũcare Jesu:

<sup>2</sup> —Mũano macariro puhtoro to suho jiro ahri quitu yoaro sehe jira. Cũ yahpa macaina bui puhtoro jiha. Ñ yoa to macũno ya nũmũ bosa nũmũ yoaha. To wamomaca dũhteri bosa nũmũ jiha. <sup>3</sup> Ñ yoa puhtoro tirore dahra cohtainare bosa nũmũre ñũa tahtinare pji dutiro warocamaha. Tina sehe ta duaeraha. <sup>4</sup> Ñ jiro painare pji dutiro warocamaha tjoa tirore dahra cohtainare. “Yũ pjirocainare õ sehe ni yahuga. ‘Mari chũhtire dahre tuhsũhre. Wachũare, wachũacã dihi tiinacã cũhũre wajã tuhsũhre. Ñ yoa jipihtiro bosa nũmũ macaa cjihtire cahno tuhsũhre. Ñ jina bosa nũmũ macaare chũna taga’, ni yahuga tinare”, ni warocamaha puhtoro tirore dahra cohtainare. <sup>5</sup> Dahra cohtaina ti ñ yahuri baharo to pjirocarina cjiri ñ tuhotunocaha. Bosa nũmũre ñũa wahaeraha. Cũiro to wesepũ waha wahaha. Pairo to dahraare ñũno wahaha. <sup>6</sup> Paina sehe tirore dahra cohtainare ñaha, tinare ñano yoa, wajãnocaha jũna. <sup>7</sup> Ti ñ yoachũ tuhoro, puhtoro sehe suaha. Sua, ti ñ wajãri buhiri buhiri dahre dutiro to surarare warocaha. Ñ jia surara tinare wajã pahũo, ti ya macare jũnocaha. <sup>8</sup> Ti ñ yoari baharo, puhtoro tirore dahra cohtainare õ sehe niha: “Bosa nũmũ macaa cjihtire cahno tuhsũmahre. Wiho mejeta yũ pjiroca mahtarina cjiri yũ bosa nũmũre ñũborina jierara. Ñaina jira tina. <sup>9</sup> Ñ jina macare jia maharipũ dohse jiina mũsa boca sũinare bosa nũmũre ñũhtinare pjiga”, niha tirore dahra cohtainare. <sup>10</sup> To ñ nichũ tirore dahra cohtaina maharipũ waha, jipihtinare ti boca sũinare, ñaina, noaina cũhũre yahuha. Ti ñ pjiri baharo to cahapũ sũha tina peri. Noano tí bosa nũmũ ti yoari tahtiare masa wahpata yũhdũa wahaha.

<sup>11</sup> Tói ti dujichũ puhtoro sehe cũirore wamomaca dũhteri nũmũ macari suhtirore sãaeraritore ñũha. <sup>12</sup> “¿Ne coyero, dohse yoacu wamomaca dũhteri nũmũ macari suhtirore sãaerapahita sã tari mũhũ?” ni sinituha puhtoro. To ñ sinituchũ masũno sehe yũhtieraha. <sup>13</sup> To ñ yũhtierachũ ñũno tirore dahra cohtainare õ sehe niha: “Ahriroro to wamomacarine dũhtega. To dahpori cũhũre dũhtega. Dũhte tuhsũ na wijaa, sopacapũ cohãga tirore nahitianopũ. Tópũ tiro tuaro tii, cahyaro mehne bahca dihorohca”, niha puhtoro —ni yahure Jesu.

<sup>14</sup> To ñ niri baharo õ sehe ni batoare tiro:

—Ahri quitu jiro seheta Cohamacu payũ masa to pjirocarina ti jipachũta mahainacã tiro mehne tjuahca —ni yahu batoare Jesu.

*Puhtoa ya wapare paina sinituha Jesure*

*(Mr 12.13-17; Lc 20.20-26)*

<sup>15</sup> To ñ niri baharo fariseo curua macaina waha, Jesure ti yahusãhtore ti basi durucuha tina. To ñano yũhtichũ tuho duaa nimaha tirore yahusãa taa. <sup>16</sup> Ñ durucua tina mehne macainare, Herode ya curua macaina cũhũre Jesure sinitu dutia warocaha. Tina sehe Jesu cahapũ wihũ, tirore mahũo cũ sinitu ñũmare:

—Buheriro, potocã durucuriro mahũoa marieriro mũ jichũ masija sã. Cohamacu yare quihũno mũ yahuchũ cũhũre sã masija. Ñ jicũ cũiro puhtoro waro to jipachũta tiro cũhũre dórero marieno potota yahura mũhũ. <sup>17</sup> Ñ jicũ sãre yahuga. ¿Roma macariro jipihtina bui puhtoro jirirore gobierno macaare marine waparo cahmajari, mũ tuhotuchũ? ¿Mari dutia tirore wapa dutijari? —ni siniture tina Jesure.

<sup>18</sup> Ti ñ nichũ tuhoro tirore ti yahusã duaare masino õ sehe nire:

—Mahũopeina jira mũsa. ¿Dohseana yũ ñano durucuchũ tuho duajari mũsa? <sup>19</sup> Mipũre niñeru tũre puhtoare wapahti tũre na tahga. Tí tũre ñũjihna —nire tiro.

To ñ nichũ tuho niñeru tũre na tare tina.

<sup>20</sup> Ti ñ na tachũ õ sehe ni siniture tiro tinare:

—¿Diro baro masu wahājari ahri ture? ¿Diro baro wama wahājari? —ni siniture.

<sup>21</sup> —César, masa bui puhtoro masu, to wama cūhu wahāna —ni yuhtire tina.

Ti ā nichu tūhoro Jesu ō sehe ni yahure:

—Tí pja pini masa bui puhtoro yare tiro sehere waga. Cohamacu yare Cohamacu sehere waga —nire Jesu.

<sup>22</sup> To ā nichu tūhoa, tūho cūaa waha, waha wahare Herode ya curua macaina.

*Saduceo curua macaina Cohamacu to masoare sinituha Jesure*

*(Mr 12.18-27; Lc 20.27-40)*

<sup>23</sup> Ā yoa tí dachoihta cāina saduceo curua macaina Jesu cahapu wihire. Saduceo curua macaina sehe “Cohamacu yariainare masosi”, ni tūhotuina jire. Ā jia ō sehe nire tirore tina:

<sup>24</sup> —Buheriro, ō sehe ni buhea tiha Moise cjiro: “Cūiro to wahmino namo tirore pohna mariaparota to yariachu to bahurore to wahmino namono cjirore nūoano cahmana. Ā yoaro to wahmino mūnano to pohna tiboro seheta pohna tiro cahmana to bahurore. Ā jia to pohna to wahmino mūnano pohna yoaro sehe jahca”, ni joaa tiha Moise cjiro —nire tina saduceo curua macaina.

<sup>25</sup> Tíre ā ni yahu tuhsu ahri quitire yahu namore tina Jesure:

—Cūiro masuno jiha. Seis to bahana jiha. Ti wahmino sehe namo ti, pohna marieriro yariaa wahaha. Tuhsu, paio to bahuro cūhu to wahmino namono cjirore nūoaha. <sup>26</sup> To ā nūoari baharo to wahmino yoaro seheta pohna mariaparota yariaa wahaha tjoa. Ā yoa ahriro bahuro to wahmino mūnano yoaro seheta pohna mariaparota yariaa wahaha. Ā dihta wahaha cūiro pohna waro. Ne pohna mariapahta yaria pihtia wahaha tina.

<sup>27</sup> Ti namono cjiro cūhu ti baharota yariaa wahaha juna. <sup>28</sup> ¿Ne, Cohamacu jipihtinare yariaina cjirire to masochu diro baro namono jibocari ticoro? Tina jipihtina ticorore namo tirina cjiri jiha. ¿Ā yoa diro namono sehe jibocari ticoro pototi? —ni siniture tina.

<sup>29</sup> Jesu ō sehe ni yuhtire tinare:

—Cohamacu yare ti joari pūre, to masia cūhure ne masierara mūsa. Ā yoa mūsa tūhotua sehe ne potocā jierara. <sup>30</sup> Yariarina cjiri ti masa mūjari baharo tina anjoa yoaro sehe jira. Tina namo marieina, manū mariea numia jira tóprere. <sup>31</sup> Yariarina cjiri ti masa wijaahto sehere mūsare yahuihtja. ¿Cohamacu mūsare to niri cjirire ne buherari mūsa? Ō sehe niha tiro: <sup>32</sup> “ ‘Yūhu Abrahā, Isaa, Jacobo ti puhtoro tjija’, nina Cohamacu”, ni joaa tiha panopere. Ti yariari baharo “Ti puhtoro tjija”, ni yahuha Cohamacu. Ā nīparota yariarina cjiri puhtoro jierara Cohamacu. “Ti puhtoro tjija”, to nia mehne catiina ti jichu masija mari. Tiro catiina puhtoro jira —ni yahure Jesu tinare.

<sup>33</sup> To ā ni buhechu tūhoa payu masa tūho cūaa wahare.

*Cūno noa yūhdaro to dutiare yahuha Jesu*

*(Mr 12.28-34)*

<sup>34</sup> Ā yoa saduceo curua macaina Jesure ti yuhti masierachu tūhoa, fariseo curua macaina sehe tiro cahapu cahmachure. <sup>35</sup> Cahmachu, tina mehne macariro marine judio masare buheriro sehe Jesu to űano nichu tūho duaro mahño cū sinitu űumare tirore.

<sup>36</sup> —¿Buheriro Cohamacu ya dutia noa yūhdaro di baro sehe jijari, mū tūhotuchu? —ni siniture tiro.

<sup>37</sup> Jesu tirore ō sehe ni yuhtire:

—“Tuaro mūsa yajeripohna mehne, mūsa tuua mehne, noano mūsa wacūa mehne Cohamacure cahīga”, nina Cohamacu. <sup>38</sup> Ahri dutiata paye dutia yūhdoro noa yūhdara.

<sup>39</sup> Ahri dutia baharo paye dutia noa yūhdara: “Mū basi mū cahīno seheta mū cahai jiina cūhure cahīga”, nina Cohamacu. <sup>40</sup> Ahri pūaro dutiare yoana, jipihtia paye dutiare yoa pahñona nija mari. Cohamacu yare yahu mūhtaina cjiri panopu ti joari cūhure yoa pahñona nija mari —ni yahure Jesu.

*¿Diro baro coyero jijari Cristo?*

*(Mr 12.35-37; Lc 20.41-44)*



<sup>41</sup> Ñ yoa fariseo curua macaina tói cahmachuina ti jichu <sup>42</sup> Jesu tinare ò sehe ni siniture: —“Cristo, Mesia mari ni pisuriro Cohamacu to warocahtiro jira”, nina musa. ¿Diro baro jijari Cristo ñuchuno cjiro panopu macariro, musa tuhhotuchu? —nire tiro.

—Cristo Davi cjiro panamino jirohca —ni yuhtire tina.

<sup>43</sup> Jesu ò sehe ni yahure tinare:

—¿Cristo Davi cjiro panamino to jichu dohsearo Davi sehe puhtoro tiari Cristore? ¿Dohsearo ã puhtoro ti dutiri Espiritu Santo tirore? Ò sehe niha Davi cjiro:

<sup>44</sup> “Cohamacu yu puhtorore ò sehe nire:

‘Õi yu poto buhusehei dujiga.

Ñ jicu mahure ñu tuhtiinare mahure yuhdurucabasaihca yuhu’, nire Cohamacu yu puhtorore”,

ni joaha Davi cjiro. <sup>45</sup> Ñ ni joarota Davi cjiro puhtoro tiha Cristore. ¿Davi cjiro Cristo ñuchuno cjiro jiro dohsearo tiro puhtoro tiari Cristore? (Cristo Davi cjiro puhtoro tjira) —ni yahure Jesu.

<sup>46</sup> To ã ni yahuchu tina tirore ne yuhti masierare. Ñ jia tó purota sinitu duhunocare tina tirore. Tuhsu tirore cuia pari turi sinitu ñerare tirore juna.

## 23

*Judio masare buheina, fariseo curua macaina cūhu ti ñano yoaare yahuha Jesu*  
(Mr 12.38-40; Lc 11.37-54; 20.45-47)

<sup>1</sup> Ñ yoa payu masare sã cūhure Jesu ò sehe ni yahure tjoa:

<sup>2</sup> —Marine judio masare buheina fariseo curua macaina cūhu Cohamacu dutia Moise cjirore to cūri cjirore yahuina jira tina. <sup>3</sup> Ti ã yahuina jichu musare ti yahuriro seheta tíre yoa pahñoga musa. Ñ yoapanahata tinare ñu cūena tjiga musa. Ti buheriro seheta yoerara tina. <sup>4</sup> Masare payu dutira tina. Ñ dutipahta ti dutiro sehe masa ti yoerachu ñua tinare yoadohoerara. <sup>5</sup> Masa ti ñurocaro dihta noano yoa ñomana tina. Cohamacu yare ti joari pūre ti duhu sãa caa pocacāre, buju curea caa pocacāre ti wuhduca poca bui duhte yohre tina masare ñu dutia. Ti yachuri cūhure duhte yohre. Ñ yoa ti suhtipu ti duhu yoaa bocari bujubia bocari jira. Cohamacure ti ño payorire masa sehere yoa ñoa nimana tina. <sup>6</sup> Tuhsu, bose namuri jichu puhtoa ti dujiaru duji duara. Judio masa mari buhea wuhusepu cūhure noaa dujia pahtari dihtare jicoara tina. <sup>7</sup> Ñ yoa maharu ño payoa mehne paina tinare ti noano piti bocasinichu cahmana tina. Tinare “Buheriro”, masa ti ni pisuchu cahmana.

<sup>8</sup> Paina musare pisua “Buheriro”, niea tjiaro. Musa jipiltina cūno potori jina nina. Ñ yoa musare buheriro cūirota jija yuhu Cristo. <sup>9</sup> Ahri yahpa macainare “Mari pucu”, nina tinare ño payona nica. Ne ã niena tjiga. Mũano macariro dihta mari Pucu jira. Tiro dihtare ño payoro cahmana marine. <sup>10</sup> Ñ yoa masunore “Puhtoro”, niena tjiga. Musa puhtoro yuhu Cristo sehe cūirota jija. <sup>11</sup> Cahamacuno yoaro sehe musare yoadohoriro tiro tjica musa puhtoro jihtiro. <sup>12</sup> Cūiro puhtoro ji duaro tirore wiho jirore yoaro sehe jiro cahmana. “Wiho jirore jija yuhu”, ni tuhoturiro painare yuhduruca duaerariro tiro sehe puhtoro jirohca —ni yahure Jesu.

*Judio masare buheina, fariseo curua macaina mehne ti mahñopeare yahuha Jesu*

<sup>13</sup> To ã niri baharo tinare ò sehe ni yahu namore:

—Musa judio masare buheina, fariseo curua macaina cūhu ñano yuhduhahca. Mahñopeina jira musa. Soro musa buhechu tūhoa musare tuhhorina sehe puhtoro Cohamacu to sūho jiropūre wahasi. Musa cūhu tópurē wahasi. Ñ buhena tópurē waha duainare ducātana nina musa.

<sup>14</sup> [’Musa judio masare buheina, fariseo curua macaina cūhu ñano yuhduhahca. Mahñopeina jira musa. Wapewahya numia ya wuhusere manocahna musa tí numiare. Tuhsu, yoari pja masa ti ñurocaroi Cohamacure sini ñomana musa masare. Musa ã yoari buhiri paina bui curero Cohamacu pjíro buhiri dahrerohca musare.]

<sup>15</sup> 'Musa judio masare buheina, fariseo curua macaina cūhū ñano yūhdūnahca. Mahñopeina jira musa. Pjiri mapu pahã, yoaro macaa yahparipū wahara musa, musa dutiare yoah tirore macana tana. Musa dutiare yoah tirore boca, tirore buhera. Musa ã yoachū tiro sehe musa yūhgoro pichacapū wahahtiro jirohca.

<sup>16</sup> 'Musa ñano yūhdūnahca. Capari ñueraina ti ñū masieraro sehetā masieraina jira musa. ã jipanahta painare buhemana musa. Õ sehe ni buhemana musa: “ ‘Cohamacū wūhū mehne yū nino sehetā yoaihtja’, niriro to niriro sehe to yoaerapachūta noanohca”, ni buhemana musa. “ ‘Cohamacū ya wūhū macaa uru mehne yū nino sehetā yoaihtja’, niriro tiro sehere to niriro sehetā yoa sohtori tiro cahmana” ni, tí cūhūre buhemana musa. <sup>17</sup> Capari ñueraina ti ñū masieraro sehetā masieraina jira musa. Tūho masieraina jira. ¿Di baro sehere ño payoro cahmajari? Urure ño payoeraro cahmana. Cohamacū sehe tí uru to wūhūi jichū noaa jichū yoara tíre. ã jina to wūhū sehere ño payoro cahmana musare. ã jia musa buhea sehe tó wahaerara. <sup>18</sup> Ahri cūhūre buhemana musa: “ ‘Cohamacū wūhū macari mesa mehne yū nino sehetā yoaihtja’, niriro to niriro sehetā to yoaerachū noanohca”, ni buhemana musa. “ ‘Tí mesa bui jia mehne Cohamacūre ño payoa ti wari mehne yū nino sehetā yoaihtja’, niriro tiro sehere to niriro sehetā yoa sohtori tiro cahmana”, ni buhemana musa. <sup>19</sup> Capari ñueraina ti ñū masieraro sehetā masieraina jira musa. ¿Di sehe tí waro jijari, musa tūhotuchū? Cohamacūre masūno to ño payoro to wari cjiri tí waro jiera curera. Tí mesa bui Cohamacūre to wachū, noaa wahara tí mesa bui jia. ã jiro tí mesa sehe wiho jiri mesa jierara. Cohamacūre ño payoa ti wari bui curero noari mesa jira. <sup>20</sup> ã jiro “Cohamacū wūhū macari mesa mehne yū nino sehetā yoaihtja”, cūiro nino, tí mesa bui macaa to wari mehne tiro ã nino nica. ã jia musa buhea sehe tó wahaerara. <sup>21</sup> “Cohamacū wūhū mehne yū nino sehetā yoaihtja”, cūiro nino, potocāta Cohamacū mehnetā ã ninota nica. Cohamacū tí wūhū macariro jira. <sup>22</sup> ã jiro “Mūano mehne yū nino sehetā yoaihtja”, cūiro nino, Cohamacū to jiropū mehnetā ã nino nica. ã jiro Cohamacū mehnetā ã nino nica. Tiro sehe tó macariro jira. ã jia musa buhea sehe tó wahaerara.

<sup>23</sup> 'Musa judio masare buheina, fariseo curua macaina cūhū ñano yūhdūnahca. Mahñopeina jira musa. Moa yoaro sehe jiare chūare coachū yoare cūana mahanocā wamana musa. Cohamacūre ño payona tana sacerdotiare wamana musa. Mahanocā wamana musa. Menta, anis, comina wama tia coachū yoare wamana musa. ã wapanahtja noare yoaerara musa. Tuhsū, masare pja ñuerara musa. ã yoa Cohamacūre wacū tuaerara musa. Toaa dichare musa narire mahanocā sacerdotiare musa wachū noa nina. ã wana ð sehe yoa namoga: Noare yoaga. ã yoa pja ñuga masare. Tuhsū, Cohamacūre wacū tuaga. <sup>24</sup> Capari ñueraina ti capari ñueraro sehetā masieraina jira musa. Õ sehe yoara musa: Musa ya dutiare yoa dutina, wiho jia waro dutiare yoara musa. ã yoapanahta Cohamacū to pototi to dutia warore yoaerara musa.

<sup>25</sup> 'Musa judio masare buheina, fariseo curua macaina cūhū ñano yūhdūnahca musa. Mahñopeina jira musa. Musa waparire, musa sihnia wahwarire bui musa cosaro sehetā noare yoa ñomana musa buicā warohna. ã yoapanahta Cohamacū yare quihōno yoaerara musa. Paina yare maina, musa basi dihta bujūare na duaina jina, ã dihta tūhotura musa. <sup>26</sup> Capari ñueraina ti ñū masieraro sehetā masieraina jira musa fariseo curua macaina. Ñaare musa tūhotuare cohtotaga. Musa ã yoana masa ti ñurocaroi noaina jinahca musa.

<sup>27</sup> 'Musa judio masare buheina, fariseo curua macaina cūhū ñano yūhdūnahca. Mahñopeina jira musa. Masa copa, yehsea mehne ti wisōri copa yoaro sehe jira musa. Masa tí copare ti ñuchū noari copa bajura. To ã bajupachūta, puhicha macariro baarirore, to cohārine, ñaare ñuerara tina. <sup>28</sup> Tó sehetā musa cūhū masa ti ñurocaroi noaina sehe bajumana musa. ã noaina sehe bajuina musa jipachūta musa tūhotuapū ñaa, mahñoa ji yūhdūara yariaina yoaro sehetā —ni yahure Jesu.

*Judio masare buheina, fariseo curua macaina cūhūre to buhiri dahrehtore yahuha Jesu*

<sup>29</sup> ã ni tuhsu õ sehe ni namore tinare:

—Musa judio masare buheina, fariseo curua macaina cõhu ñano yuhdunahca. Mahñopeina jira musa. Cohamacu yare yahu muhtaina cjiri panopu macaina ti masa coparire noano cahnomana musa. Tuhsu, noano yoaina cjiri ti masa coparire noano cahnomana musa. <sup>30</sup> ã yoana õ sehe nirucumana musa: “Panopure sã ñuchusuma cjiri ti yoariro sehe sã sehe yoeraboa. Tí pjaru jijnare Cohamacu yare yahu muhtaina cjirire sã wajãeraboa”, nirucumana musa. <sup>31</sup> ã nina musa ñuchusuma cjiri Cohamacu yare yahu muhtainare wajãrina cjiri ti jiri cjirire bajuro wana nica. Tinare wajãrina cjiri panamana ji turiaina musa jia cõhure bajuro wana nica musa. <sup>32</sup> Musa ñuchusuma cjiri ti yoariro seheta yoa sohtori tiwahnoga.

<sup>33</sup> 'Agãa ñima tiina yoaro sehe ñabiaina jira musa. Musa ñaa tuhutumari cjirire cohtota duaerana Cohamacu musa ñaa buhirire pichacapu musare to cohãhto pano duhti masierara musa. <sup>34</sup> ã jii musare niita nija. Cohamacu yare yahu muhtainare, paina noano masinare, paina musare buhehtinare musa cahai warocaitja. Yu ã warocachu musa sehe cãina tinare wajãnahca. Painare crusapu cã puhanahca. Painare musa buhea wuhusepu tjananahca. ã yoana macaripepu tinare ñano yoa, muroca nenu tinahca musa. <sup>35</sup> Musa ã yoana jipihtina ñaa marieinare musa wajãri buhiri buhiri tinahca. Noariro Abe cjirore Caï to wajãri buhiri jipihtina musa cõhu buhiri tinahca. Jipihtina to baharo jijnare noinare ti wajãri buhiri cõhure buhiri tinahca musa cõhu. ã yoa Cohamacu wuhu cahai wahiquinare ti wari mesa cahai Zacariare wajãre tina. Tiro sehe Berequias macuno jire. ã jina Zacaria cõhure ti wajãri buhiri buhiri tinahca musa cõhu. <sup>36</sup> Potocã musare yahuita nija. Tina jipihtinare ti wajãri buhiri mipu macaina cõhu musa buhiri tinahca —ni yahure Jesu.

*Jerusalẽ macainare tuaro cahãha Jesu  
(Lc 13.34-35)*

<sup>37</sup> ã ni tuhsu õ sehe ni namore:

—Cue, Jerusalẽ macaina, Cohamacu yare yahu muhtaina cjirire wajãrina jira musa. Musa coyera panopu macaina cjiri cõhu ãta yoarina cjiri jiha. ã yoa musa cahai to warocaina cjirire tãa mehne doca wajãrina jira musa. Caracacoro to pohñare to cã maa dupuri mehne to moha coãno seheta payu tahari cahirucumahi musare. Musare cahmamahi. Musa sehe yuhure ne cahmaerare. <sup>38</sup> Mipure musa ya maca cohãri maca cjiro jirohca. <sup>39</sup> Potocã musare niita nija. Baharopu taihtja yuhu. ã yu tachu ñuna musa yuhure “Cohamacu tuua mehne tariro noano tajaro”, ninahca. Yuhure musa tãre nihto pano yu tjuu tahto pano pari turi yuhure ñusi musa —nire Jesu tinare.

## 24

*“Cohamacu wuhu cohãri wuhu jirohca”, niha Jesu  
(Mr 13.1-2; Lc 21.5-6)*

<sup>1</sup> ã yoa Cohamacu wuhui jiro Jesu to wijaa wihichu sã to buheina tí wuhure tí wuhu cahai jia wuhuse cõhure ñuna:

—Ahri wuhuse jira. Ñuga mahu cõhu —nii sã tirore.

<sup>2</sup> Jesu õ sehe ni yuhtire:

—Ahri wuhusere mipure ñumana musa. Musare yahuita nija. Ahri wuhusere jipihtia musa ñuri cjiri ahri wuhuse macaa tãa cõhu cohõ pihtia wahaahca. Ne cãria tãca tjuasi —nire tiro sãre.

*Pihtiri dacho cjihtore yahuha Jesu  
(Mr 13.3-23; Lc 21.7-24; 17.22-24)*

<sup>3</sup> Baharo Olivo wama tidu tucuru su, tóru dujire Jesu. Tói to dujichu sã to buheina sã sahsero tiro cahapu su, õ sehe ni sinitu ñahi:

—Yahuga sãre. ¿Dohse jichu ã waharohcari mu niriro sehe waharo? ¿Pihtiri dacho panocãre to jichu cũhure, mu tjua tahto cũhure dohse to waha dũcachu ñnahcari sã? —ni sinitu ñui sã.

<sup>4</sup>Jesu õ sehe ni yũhtire:

—Noano yoaga musa. Musare paina ti mahñoare tũhoena tjiga. <sup>5</sup>Payu masa “Cristo jija yũhu”, ni mahñoina taahca. Ti ã mahñochu tũhoa payu masa Cohamacu yare duhuahca. <sup>6</sup>Musa cahacãi masa paina ti cahma wajãchu tũhonahca musa. Tuhsu, yoaropu cũhure ti cahma wajãchu tũhorocanahca musa. ã tũhopanahta ne tíre pjíro tũhotuena tjiga. ã waharohca. Ti ã yoachu pihtiri dacho cjihto dũhsasininohca mini. <sup>7</sup>Tí pjare cũ yahpa macaina pa yahpa macaina mehne cahma wajãahca. ã yoa cũiro pũhtoro yaina pairo pũhtoro yaina mehne cahma wajãahca. Tuhsu, payu masa jũca mehne yariaahca. ã yoa dohatia payu jahca. Tuhsu, pjaró yahpa ñuhminohca. <sup>8</sup>To ã wahachu ahri yahpa macainare ti ñano yũhdũ namohto dũhsasinina mini. Ñano yũhdũsiniahca.

<sup>9</sup>Tí pjare paina musare ñaha, ñano yoa dutia waahcu musare paina pũhtoapũre. Ti ã wachu musare wajãahca. Yu yaina musa jiri buhiri jipihtina musare ñu tuhtiahca. <sup>10</sup>Tí pjare payu yu yaina jimarina cjiri yũhure cohãahca. ã jia tina mehne macainare tina ñu tuhtiahca. ã yoaa tina mehne macaina ti jipachũta tinare ñano yoahntinare waahca tina. <sup>11</sup>Tí pjare payu “Cohamacu yare yahu mũhtaina jija”, ni mahñoina jahca. ã jia payu masa ti mahñoare tũhoahca. <sup>12</sup>Tí pjare ñabiaro yoaahca masa. ã yoaa tina mehne macainare cahĩ namosi. <sup>13</sup>ã jina musa tuaina jina, ahri yahpai musa catisinino puro cũno pjarucuna, yũhdũnahca musa. <sup>14</sup>Tuhsu, ahri noaa buhea jipihtiropu ahri yahpũre ti yahua buhea jahca. Pũhtoro Cohamacu to sũho jiare yahuri buheare ti yahu siteri jahca, jipihtina tí buheare ti masihto sehe. Ti ã yahuri baharo pihtiri dacho dũcarohca.

<sup>15</sup>’Cohamacu yare yahu mũhtariro Daniel cjiro panopu macariro ñabiarore Cohamacu yare ñano yoarore yahua tiha panopũre. Tí pjare tiro ñariro sehe Cohamacu wũhũru to ducuchũ ñnahca musa. Ahri yu nirire noano masiga musa. <sup>16</sup>Tóí to ducuchũ ñua, Judea yahpũru jiina sehe tũyucũ cahapũ mũroca duhtijaro. <sup>17</sup>Soaro mehne mũroca duhtijaro. Tí pjare ti wũhũseri bui macaa waparipũ jiina wũhu puhichapũ jiare ti yare na wahaeha tjjaro ti waha bahrañohto sehe. <sup>18</sup>Tuhsu, tí pjare paina ti weseripũ jiina ti bui macaa suhti wũhũru jia suhtire na wahaeha tjjaro ti waha bahrañohto sehe. <sup>19</sup>Tí pjare nijipocosanumia, ti pohnare pũa numia cũhu pjacũoro wahaahca. <sup>20</sup>ã jina Cohamacũre õ sehe ni siniga: “Puhiro jichũ judio masa sã soa mũmũri jichũ cũhure sã mũroca duhtihti dacho jiero tjjaro”, ni siniga musa Cohamacũre. <sup>21</sup>Tí dachorire masa nu ñano wahaahca. Ahri yahpare to bajuamehneri baharo masa ñano ti yũhdũa jisinia tiha. Ti ã jipachũta jipihtia tí purĩa yũhdoro pihtiri dacho panocã ñabiaro yũhdũahca masa. ã ñano ti yũhdũri baharo pari turi tó sehe ñabiaro yũhdũsi ahri yahpai jũna. <sup>22</sup>Cohamacu tí dachorire mahaa dachoricã jisinchũ yoarohca. To ã yoerachũ ne cũiro masũno yũhdũeraboca. ã jiro to beserina ti yũhdũhti cjihtire mahaa dachoricã ã cũsininohca Cohamacu.

<sup>23</sup>’Tí pjare paina musare “Ñũga. Õi jira Cristo”, ti nichũ tinare tũhoena tjiga. “Tóí jira Cristo”, ti nichũ tinare tũhoena tjiga. <sup>24</sup>“Cristo jija”, ni mahñoina, “Cohamacu yare yahu mũhtaina jija”, ni mahñoina jahca tí pjare. ã jia Cohamacu to beserinare mahñoa, tina bajuamehneare yoa ñoahca. Ti ã yoa ñochũ ñua, Cohamacu yaina cãina tinare tũhoa “Potocã tjira” nia, Cohamacu yare pa tehe nia duhuboca. <sup>25</sup>Ahri jipihtiare musare yahuyuja musare to ã wahahto pano. ã jina tũhoga musa. <sup>26</sup>Paina masa musare “Ñũga. Masa marienopũ jira Cristo”, ti nichũ tópare ñũna wahaena tjiga. ã yoa tina “Õi ahri tahti pocai jira tiro”, ti nichũ tinare tũhoena tjiga. <sup>27</sup>Yũhu masũno Cohamacu warocariro wacũenoca tjua taihtja. Oroca sitero mũanore sũ mũja taropũ, sũ sãnopũ wacũenoca to oroca siterocaró seheta wacũenoca tjua taihtja yũhu. <sup>28</sup>Yucaare mari ñũna, yariariro to pjacũ cjiro jichũ mari noano masinahca. (Tó seheta ahri musare yu yahuyurire musa

ñuna noano masinahca ahri yahpapu yu tjua tahto mahanocã to dũhsachu cũhure) —ni yahure Jesu.

*Cristo ahri yahpapu to tjua tahtore yahuha tiro*

*(Mr 13.24-37; Lc 21.25-33; 17.26-30, 34-36)*

<sup>29</sup> ã yahu tuhsuro tinare õ sehe ni yahu namore:

—Tí dachori masa ti ñano yũhdũa dachori baharo sũ dacho macariro, ñami macariro cũhu buhria duhua wahaahca. Ti ã wahachu ñahpichoha poca mũanopũ jia poca bora wahaahca. Tuhsũ, mũano macaa yahpari tuaro ñuhmiahca. <sup>30</sup> Tí pjata yũhu masũno Cohamacũ warocariro mũanopũ yu bajuamehnenore yu ñochũ ñahca masa. ã ñua jipihia curuari macaina tiiahca. Tuhsũ, yu tuaa mehne, yu si sitea mehne mũano macaa me bui ahri yahpapũre yu tjua tachũ ñahca tina. <sup>31</sup> Corneta bisiro coa tarohca. To ã coa tachũ yu yaina anjoare jipihtiorũ ahri yahpapũ warocaihtja. Tuhsũ, jipihtiorũ yu yaina yu beserinare tina naahca.

<sup>32</sup> Mĩpũre higueraçure tũhotuga mũsa. Tũ quiti mehne mũsare piti dahre buheihitja. Tũ yucũcũ pũri tichũ ñuna, cũhma mahanocã to dũhsachu masina mũsa. <sup>33</sup> Tó seheta ahri jipihia yu niri cjrĩre ti ã wahachu ñuna, yu tjua tahto mahanocã to dũhsachu masinahca mũsa. <sup>34</sup> Potocã niita nija mũsare. Tí pja macaina ti yariahto pano jipihia yu niriro seheta ã waharohca. Mũano, ahri yahpa cũhu pihtia wahaahca. <sup>35</sup> Mũano cũhu ahri yahpa cũhu pihtia wahaahca. Yu durucua sehe ne cohtotasi. Jipihia yu niriro seheta ã waha sohtori tiarohca.

<sup>36</sup> Tí dachore yu tjua tahti dachore, tí ora cũhure masieraja yũhu. Anjoa cũhu tíre masierara. Masa cũhu masierara. Yu Pũcũ dihta tíre masina.

<sup>37</sup> Noé to jiri pja macaina ti jiriro seheta ahri yahpapũ yu tjua tahto panocãre tó seheta jahca masa. <sup>38</sup> Yahpa to minihto pano masa chũ, sihni, yoaha. Tuhsũ, mũa, numiare namo tiha. Noé cũhu ti dohorĩapũ ti samuhto pano ã yoaa timaha masa. <sup>39</sup> Dóihita tuaro coro ta, wacũenoca yahpa minia wahaha. Masa cũhu mini pihtia wahaha. Wacũenoca to miniriro seheta yũhu masũno Cohamacũ warocariro ahri yahpapũre wacũenoca tjua taihtja. <sup>40</sup> Tí pjare wesepũ pũaro dahrainã ti jichũ cãiro yũhure cahmarĩrore naaihca. ã yoa yũhure cahmaerarĩro tóĩ tjuarohca. <sup>41</sup> Tí pjare pũaro numia cãnoi ti yore arẽa numia jichũ cũcoro yũhure cahmarĩcoro naaihca. ã yoa yũhure cahmaerarĩcoro tóihita tjuarohca.

<sup>42</sup> Noano wacũ masi cohtaga. Yũhu mũsa pũhtoro, yu tjua tahti dachore ne masierara mũsa. <sup>43</sup> Ahrire wacũga mũsa. Yacariro to wũhũpũ to sãa yacahto panore wũhũ pũro masino, tí ñamine tiro carĩeraboa, yacarĩrore cohtaro taro. ã yoa yacarĩrore to wũhũpũ sãa dutieraboa. Yũhu yacariro to wacũenoca to tariro seheta wacũenoca taihtja. <sup>44</sup> ã jina yu yare ã yoarucuna yũhure cohtaga. Yũhu masũno Cohamacũ warocariro ahri yahpapũ tjua tai wacũenoca taihtja —nire Jesu.

*Dahra cohtarĩro to pũhtoro ño payorĩrore, ño payoerarĩro cũhure yahuha*

*(Lc 12.41-48)*

<sup>45</sup> ã yoa Jesu to tũhotua mehne õ sehe ni piti dahre buhe namore tjoa:

—Dahra cohtarĩro to pũhtoro ño payorĩro tũho masiriro jira. To ã jichũ ñuno paina dahra cohtaina bui cũna tirore to pũhtoro sehe waharo taro. ã tirore cũ tuhsũ wahaa wahara pũhtoro. To ã wahachu ñuno, chũri pja jichũ dahra cohtarĩro painare chũare witira. <sup>46</sup> Baharo pũhtoro to ya wũhũi tju wihira. To tju wihichũ ñuno dahra cohtarĩro sehe to pũhtoro to dutiriro seheta yoa pahñoriro jiro, wahcheriro jirohca. <sup>47</sup> Potocã mũsare niita nija. To ã noano dahrachũ ñuno to pũhtoro jipihia to yare ñu wihbohtiro cũnohca tirore. <sup>48-49</sup> Wiho mejeta ñarĩro dahra cohtarĩro sehe “Yu pũhtoro so bajuerara” nino, paina dahra cohtainare cãpẽ, pjĩro chũ, sihni, cahaina mehne caharohca. <sup>50</sup> Baharo to pũhtoro wacũenoca tjua tarohca. Tí dachore ne masierara dahra cohtarĩro. <sup>51</sup> Pũhtoro sehe tjua taro ñarĩro to yoirẽ tũhoro, tirore tuaro buhiri dahrerohca. ã buhiri dahrero,

masa ti baharo buhusehei ñano yoa cohtaina ti waharopu cohãnohca tirore. Tópure tiro tuaro tii, cahyaro mehne bahca dihorohca —ni yahure Jesu.

## 25

*Diez nuhmia quiti mehne buheha Jesu*

<sup>1</sup> Ñ yoa Jesu pari turi to tãhotua mehne õ sehe ni piti dahre buhe namore tjoa:

—Mũano macariro masa bui puhtoro to sũho jia ahri quiti yoaro sehe jira: Diez nuhmia jiha. Cũ ñami tina ti sihãa poca mehne wamomaca dũhtehtirore piti bocaã wahaha. <sup>2</sup> Tina mehne macaa numia cinco numia tũho masiera numia jiha. Paye numia sehe cinco numia tũho masia numia jiha. <sup>3</sup> Tũho masiera numia sehe ti sihãa pocare, posa tia pocare naamaha. Paye pocare se posa tia pocare ti pihtichũ ti pioborire naaeraha. <sup>4</sup> Tũho masia numia sehe ti sihãa poca se posa tia pocare naaha. Paye se poca cũhũre naaha. <sup>5</sup> Ñ jia wamomaca dũhtehtiro to bajuerachũ tí numiare wũjo purĩchũ carĩa wahaha. <sup>6</sup> Ñ ti carĩni baharo ñami dacho macai sañurucuro coa taha: “Tũhoga. Wamomaca dũhtehtiro taro coa tara. Tirore piti bocana taga”, ni sañurucuro coa taha. <sup>7</sup> To ã nino coa tachũ tũhoã tí numia wahcã, ti sihãa pocare cahnoha. <sup>8</sup> Ñ yoaã tũho masiera numia sehe paye numia tũho masia numiare õ sehe niha: “Sã sihãa poca yatia nina. Ñ jina mahanocã mũsa ya sere waga sãre”, ni sinimaha tí numia. <sup>9</sup> Ti ã sinipachũta tũho masia numia õ sehe ni yũhtiha: “Sã ya se mari jipihtinare mũ sũeraboca. Ñ jina se cjuainare mũsa basi nuchũna wahaga”, ni yũhtiha tũho masia numia sehe. <sup>10</sup> Ti ã nichũ tũhoã, tũho masiera numia sere nuchũna wahaha. Ti ã wahari baharo wamomaca dũhtehtiro wihaha. Ñ to wihichũ ñũa ti yare cahno tuhsũri numia tũho masia numia tirore piti bocaã. Piti boca, to wamomaca dũhteri bese numũre tiro mehne ñũa wahaha. Tuhsũ, bese numũre ti yoari wũhũru paina mehne tí numia ti sãari baharo, sopacare bihanocaha. <sup>11</sup> Baharopũ tũho masiera numia sehe wihimaha. “Puhtoro, sãre pjõohga”, nimaha tí numia. <sup>12</sup> “Potocã mũsare niita nija. Mũsare masieraja yũhũ”, niha tiro tí numiare.

<sup>13</sup> Ñ jina tũho masia numia ti yare ti noano cahno tuhsũ ti cohtariro seheta yũ tahtore noano cohtaga mũsa cũhũ. Yũ tjua tahti dachore tí hora cũhũre ne masierara mũsa —ni yahure Jesu.

*Niñeru turi uru turi quitire yahuha Jesu*

<sup>14</sup> Ñ ni yahu tuhsũ to tãhotua mehne õ sehe ni piti dahre buhe namore tjoa:

—Tí pja yũ tjua tahti pja ahri quiti yoaro sehe jirohca. Wũhũ pũro jiha. Tiro pa sehẽpu tinino waharo taro, tirore dahra cohtainare pjirocaha. Ñ yoaro tinare to yare cohta dutiha.

<sup>15</sup> Ñ cohta dutiro ti wihbo masino puro tinare niñeru turire waha. Cũirore cinco turi wapa bujua turi uru turire waha. Pairore pũa tũ waha. Pairore cũ tũ waha. Tinare wa tuhsũ, wahaa wahaha. <sup>16</sup> Ñ yoa cinco turi to wariro dóihta to wahari baharota tí turi mehne paye barore nuchũha. To nuchũrire painare duaha. To duari wapa diez turi waro wapataha tiro. Ñ jiro diez turi cjuaha. <sup>17</sup> Ñ yoa pũa tũ to wariro dóihta to wahari baharota tí turi mehne paye barore nuchũha. To nuchũrire painare duaha. To duari wapa pititia turi waro wapataha tiro. Ñ jiro pititia turi cjuaha. <sup>18</sup> Cũ tũre to wariro sehe copa saha, tí tũre yaha, tí copapũ nũono.

<sup>19</sup> Yoari pja baharo ti puhtoro wihaha. Ñ wihiro to niñeru turi mehne ti ñaha namorire quihõno taro tirore dahra cohtainare pjirocaha. <sup>20</sup> Ñ to pirocachũ cinco turi to wariro cjiro to puhtoro cahapũ sũ, diez turi wiaha tirore. “Cinco turi yũhũre ware mũhũ. Ñũjũta. Tí turi mehne paye cinco turire ñaha namohi”, niha tirore. <sup>21</sup> “Noano yoari jire mũhũ. Mũhũ noariro, yũ dutiriro seheta yoariro jira. Mahanocã mehne noano yoare mũhũ. Ñ jicũ mipũre mũhũre pjĩro mũ dahrahtore cũihtja. Ñ jicũ yũhũ mehne wahchega mũhũ”, niha to puhtoro. <sup>22</sup> Ñ yoa pũa tũre nariro cjiro to puhtoro cahapũ sũ, yahuha tirore: “Pũa tũ yũhũre ware mũhũ. Ñũjũta. Tí turi mehne paye turi pũa tũ ñaha namohi”, niha tiro. <sup>23</sup> “Noano yoari jire mũhũ. Mũhũ noariro, yũ dutiriro sehe yoariro jira. Mahanocãre

noano yoare m̄h̄u. Ā jic̄u mip̄are pj̄iro m̄u dahrahtore c̄uiltja. Ā jic̄u ȳh̄u mehne wahchega m̄h̄u”, niha to p̄htoro. <sup>24</sup> Ā yoa c̄u t̄are nariro c̄jiro to p̄htoro cahap̄u s̄u, yahuha tirore: “P̄htoro, m̄h̄u paina sehere tuaro dahra dutiriro jira. Ā tuaro dahra dutiriro jic̄u toaa maerariro jipaihta t̄i dichare m̄h̄u nana. <sup>25</sup> M̄u ā jiriro jich̄u m̄h̄ure cuihi. Ā cuic̄u copa saha, t̄i copap̄u m̄u niñeru t̄are n̄ohi. N̄uj̄ta. Ōi jira m̄u niñeru t̄u”, niha tiro. <sup>26</sup> To p̄htoro to ā nich̄u t̄uhoro tirore ō sehe niha: “M̄h̄u ñariro, capa b̄uj̄ariro jira. Ȳu toaa maerariro jipaihta t̄i dichare ȳu nariro jich̄u masina m̄h̄u. <sup>27</sup> Ȳu ā jiriro jich̄u ñ̄uc̄u ya t̄are niñeru wihbori w̄h̄up̄u wihboba m̄h̄u. M̄u ā wihboch̄u tina t̄i t̄are wiaap̄u paye niñeru wa namoboa tina”, niha p̄htoro tirore. <sup>28</sup> Ā nino paina tirore dahra cohtainare dutiha tiro: “Niñeru t̄are maga tirore. Diez t̄urire c̄j̄uariro sehere waga. <sup>29</sup> C̄j̄uainare wa namoihtja. Ā jia pj̄iro c̄j̄uaahca. C̄j̄uaeraina sehere mahanoc̄a ti c̄j̄uapach̄uta t̄ire maihtja. <sup>30</sup> Ahriro dahra cohtariro yaba c̄jihti jierara. Nahitianop̄u ñanop̄u cohānocahga tirore. T̄op̄u tiro tuaro tii, cahyaro mehne bahca dihorohca”, niha p̄htoro —ni yahure Jesu.

### *Buhiri dahrehtore yahuha Jesu*

<sup>31</sup> Ā yoa Jesu ō sehe ni yahu namore:

—Ȳh̄u mas̄no Cohamac̄u warocariro jipihtina anjoa mehne p̄htoro jic̄u tac̄u, ȳu p̄htoro dujirop̄u ȳu si sitea mehne dujihtca. <sup>32</sup> Ā ȳu dujich̄u, ahri yahpa macaina jipihtina ȳu cahai cahmachuahca. Ti ā cahmachuri baharo p̄ua curua tinare t̄ju waithtja. Ovejare ñ̄u wihboriro to ovejare, to cabra c̄uh̄ure to t̄ju wariro seheta masare t̄ju wa dapoihtja. <sup>33</sup> Ā t̄ju wac̄u oveja yoaro sehe jiina noainare ȳu poto b̄uh̄usehei bese dapoihtja. Ā yoa cabra yoaro sehe jiinare ñ̄ainare ȳu c̄o b̄uh̄usehei bese dapoihtja. <sup>34</sup> Ȳu ā yoari baharo ȳh̄u jipihtina bui p̄htoro sehe ȳu poto b̄uh̄usehei ȳu bese dapoinare ō sehe ni yahuihtja: “Ȳu P̄uc̄u m̄sare noano yoare. Ahri yahpare bajuamehnenop̄u m̄sa ya c̄jihtire p̄htoro to s̄uho jirore cahno basayu tuhs̄ure Cohamac̄u. Ā jina mip̄are to cahnorirop̄are jina taga. <sup>35</sup> Ȳu j̄uca baach̄u m̄sa sehe ȳh̄ure ch̄uare ware. Ȳu ñ̄ahma yapioch̄u ȳh̄ure m̄sa sih̄ore. M̄sa cahai ȳu tinich̄u ȳh̄ure ñ̄u masierapanahta ȳh̄ure noano piti bocare m̄sa. <sup>36</sup> Suhti maerariro ȳu jich̄u ñ̄una m̄sa sehe ȳh̄ure suhti s̄aare. Dohatiriro ȳu jich̄u m̄sa ȳh̄ure ñ̄una tare. Peresui ȳu jich̄u c̄uh̄ure ȳh̄ure ñ̄una tare m̄sa”, nihtja noainare. <sup>37</sup> Ȳu ā nich̄u t̄uh̄oa tina ȳh̄ure sinituahca: “¿P̄htoro dohse jich̄u m̄u j̄uca baach̄u m̄h̄ure ch̄uare wari s̄a? ¿Dohse jich̄u m̄u ñ̄ahma yapioch̄u m̄h̄ure sih̄ori s̄a? <sup>38</sup> ¿Dohse jich̄u m̄h̄ure ñ̄u masierapanahta m̄h̄ure noano piti bocari s̄a? ¿Dohse jich̄u suhti maerariro m̄u jich̄u m̄h̄ure suhti s̄ari s̄a? <sup>39</sup> ¿Dohse jich̄u m̄u dohatich̄u o peresui m̄u jich̄u c̄uh̄ure m̄h̄ure ñ̄una s̄ari s̄a?” niahca ȳh̄ure. <sup>40</sup> Ti ā ni sinituch̄u t̄uh̄oc̄u ȳh̄u p̄htoro tinare yahuihtja. “Potoc̄a m̄sare niita nija. Ahrina ȳu yaina mehne macariro wiho jiriro to jipach̄uta, tirore m̄sa t̄o seheta yoare. Ā jirirore ā yoana, ȳh̄ure yoaro seheta yoana nire m̄sa tinare”, ni yahuihtja.

<sup>41</sup> Noainare ȳu ā ni yahuri baharo ȳu c̄o b̄uh̄usehei ducuinare ȳh̄u jipihtina bui p̄htoro ō sehe ni yahuihtja: “Cohamac̄u to buhiri dahrehtina jira m̄sa. Ȳh̄u mehne t̄juaena t̄jiga. Pichacap̄u wahaga m̄sa. T̄i pichaca ne yatierara. Wat̄ino, to yaina anjoa c̄uh̄u ti jih̄tore t̄i pichacare yoare Cohamac̄u. <sup>42</sup> Ȳu j̄uca baach̄u m̄sa sehe ȳh̄ure ch̄uare waerare. Ȳu ñ̄ahma yapioch̄u m̄sa ȳh̄ure sih̄erare. <sup>43</sup> Ȳh̄ure masierana m̄sa ȳh̄ure piti bocaerare. Ā ñ̄unocaboare. Suhti maerariro ȳu jipach̄uta, ȳh̄ure suhti s̄aerare m̄sa. Dohatiriro ȳu jich̄u peresui ȳu jich̄u c̄uh̄ure ā ñ̄unocare m̄sa ȳh̄ure”, ni yahuihtja tinare ñ̄ainare. <sup>44</sup> Ȳu ā nich̄u t̄uh̄oa tina ȳh̄ure sinituahca: “¿P̄htoro, m̄u j̄uca baach̄u, m̄u ñ̄ahma yapioch̄u, s̄a masierariro m̄u jich̄u, suhti maerariro m̄u jich̄u, dohatiriro m̄u jich̄u, peresup̄u m̄u jich̄u dohse jich̄u s̄a sehe m̄h̄ure yoadohoerari?” ni sinituahca ȳh̄ure. <sup>45</sup> Ti ā ni sinituch̄u ȳh̄u tinare ō sehe ni yahuihtja: “Potoc̄a m̄sare niita nija. Ahrina ȳu yaina mehne macariro wiho jirirore m̄sa ne yoadohoerare. Ā jirirore m̄sa yoadohoerana, ȳh̄ureta ā yoana nire m̄sa”, ni yahuihtja tinare. <sup>46</sup> Ā jiro

tinare ã buhiri dahrerucurohca Cohamacu. Tí buhiri dahrea ne pihtisi. Æ yoa, noaina sehe jipihtia dachoripe noano jirucuahca —ni yahure Jesu.

## 26

*Sacerdotea puhto, judio masa bucuna mehne Jesure wajã duaha*

*(Mr 14.1-2; Lc 22.1-2; Jn 11.45-53)*

<sup>1</sup> Tí jipihtiare to buheri baharo Jesu sãre to buheinare õ sehe ni yahure:

<sup>2</sup> —Pua dacho baharo pascua jirohca. Tíre masa masina. Tí pjare yuh masunore Cohamacu warocaritore ñahaahca. Ñaha tuhsu, yuhure crusapu wajãahca —nire tiro sãre.

<sup>3</sup> Æ yoa sacerdotea puhto, judio masa bucuna cūhu cahmachuha. Caifa sacerdotea bui puhtoro ya wuhui cahmachuha tina. <sup>4</sup> Tóí cahmachu, ti mahñoa mehne Jesure ñaha ti wajãhtore cahma sūhūdua niha:

<sup>5</sup> —Bose numu jichu tirore ñahaena tjijihna, “Masa suari”, nina —niha tina ti basi.

*Numino me sitia se mehne Jesure pio payoha*

*(Mr 14.3-9; Jn 12.1-8)*

<sup>6</sup> Tí pjare Simo cami bucu baariro cjiro ya wuhui jire Jesu. To jiri maca Betania wama tiri maca jire. <sup>7</sup> Tí wuhui to churo watoi cūcoro numino me sitia na ta, Jesu dapu bui pio payore. Tí me sitia alabastro wama tiriai posa tire. Wapa bujua co jire. <sup>8</sup> To ã pio payochu ñuna sã Jesu buheina suahi.

—¿Dohsearo ahricoro ahri me sitia co wapa bujua ã yoa sitejari? <sup>9</sup> Tí me sitiare duabo. Æ duaro pjíro wapa nabo. Æ nano tí niñerure pjacuinare wabo ahricoro —nii sã to buheina.

<sup>10</sup> Sã ã ni suachu ñuno, Jesu õ sehe ni yahure sãre:

— Æ niena tjiga ticorore. Yuhure noano yoaro nina. <sup>11</sup> Pjacuina sehe masa mehne ã jirucuahca. Æ jina tina sehere masa wa masina. Yuhu sehe ahri yahpare masa mehne ã jirucusi. <sup>12</sup> Yuhure ti yahto pano yu pjacure cahnoyuro, ticoro yuhure pio payore. <sup>13</sup> Potocã musare niita nija. Jipihtiro ahri yahparu noa buheare ti yahuropu ahricoro mipure to yoarire yahuahca. Ti ã yahuchu tuhoa ticorore masa payu wacūahca —ni yahure Jesu sãre.

*Juda Iscariote Jesure ñu tuhtiinare to ñohtore yahuha sacerdotea puhtoare*

*(Mr 14.10-11; Lc 22.3-6)*

<sup>14</sup> Tí pjare cūiro sã mehne macariro Juda Iscariote sacerdotea puhto cahapu sūha. <sup>15</sup> Su, tinare õ sehe ni sinituha:

—¿Jesure musare yu ñochu noho puro wapanahcari masa? —ni sinituha tinare.

To ã nichu tina tirore treinta tūri plata tūrire waha. <sup>16</sup> Ti ã wari baharo Juda sehe Jesure to ñohti ñamine cohtasiniha.

*Jesu to buheina mehne to chu batoari numu jiha*

*(Mr 14.12-25; Lc 22.7-23; Jn 13.21-30; 1Co 11.23-26)*

<sup>17</sup> Bucuaerari pãore ti chu numari ducari numui sã to buheina sehe õ sehe ni sinitu ñuhi Jesure:

—¿Mari pascua maca chũhtire noho baroi cahnoyu dutirocaijari mūhu sãre? —ni sinitu ñuhi tirore.

<sup>18</sup> Sã ã nichu tiro õ sehe ni yahure sãre:

—Jerusalēpu wahaga. Tóí jirirore õ sehe ni yahuga: “Marine buheriro to ñano yuhũhti pja mahanocã dũhsatjiãyuhti. Pascua jichu mu ya wuhui Jesu sãre to buheinare sūho chũhto jiyuhti”, ni yahuga tí wuhu pũrore —ni warocare Jesu sãre.

<sup>19</sup> To ã ni warocachu sãre to dutiriro seheta yoana, pascua jichu sã chũhtore cahnoyui sã.

<sup>20</sup> Æ yoa tí ñamine sã mehne doce to buheina mehne churo nire Jesu. <sup>21</sup> Sã churo watoi tiro sãre õ sehe ni yahure:



—Potocã m̄sare niita nija. Cãiro m̄sa mehne macariro ȳhure ñu tuhtiinare ñonohca ȳhure —ni yahure tiro sãre.

<sup>22</sup> To ã nichu tuhona tuaro cahyana, tirore sinitu ñu duc̄ai sã cãina jipih̄tina:

—¿P̄h̄toro, ȳhuta jijari m̄hure ñohtiro? —ni sinitui.

<sup>23</sup> Sã ã ni sinituchu tiro õ sehe ni ȳhtire:

—Yu ch̄ari wap̄ai ȳhu mehne soha ch̄arirota jira ȳhure ñu tuhtiinare ñohtiro.

<sup>24</sup> Panop̄u ȳhure ti joariro seheta ȳhu mas̄no Cohamac̄u warocariro yariaihca. ã jiro ȳhure ñu tuhtiinare ñoriro ñano ȳhd̄rohca. Tiro sehe to masa bajuerach̄u noa ȳhd̄rabo. Ñano ȳhd̄erabo —nire Jesu.

<sup>25</sup> To ã nichuta tirore ñohtiro Juda õ sehe ni siniture:

—Buheriro, ¿m̄hure ñohtiro tjijari ȳhu? —ni siniture tiro.

Jesu õ sehe ni ȳhtire:

—Ûju. M̄huta jira —nire.

<sup>26</sup> ã ni yahu tuhsu sã to buheina mehne ch̄uro taro nire. ã yoa Jesu pãore na, Cohamac̄ure “Noana”, nire. ã ni tuhsu tíre nuha, sãre to buheinare witire.

—Ahr̄ire na, ch̄uga. Ahri yu p̄jac̄u jira —nire tiro.

<sup>27</sup> ã ni tuhsu tiro sihniri wahware na, Cohamac̄ure “Noana” ni, sãre ware.

—M̄sa jipih̄tina ahri sihniga. <sup>28</sup> Ahri yu di jira. Payu masa ti ñaa yoari buhirire coh̄acu tac̄u yariaihca. ã yariacu yu dire coh̄aihca. Cohamac̄u “M̄sare ȳhdoihtja”, to ni c̄uro m̄ suchu yu ã yu yariaro mehne to niriro sohtori tihca. <sup>29</sup> M̄sare niita nija. Yu P̄acu p̄h̄toro to s̄ho jiorop̄u m̄anop̄u m̄sa mehne wahma co vinore sihnihtja. Mari ã sihnihto pano ahri co vinore sihni namosi ȳhu —nire Jesu sãre.

<sup>30</sup> ã jina Cohamac̄ure ño payo basana c̄nore basa tuhsuna t̄acu Olivo wama tid̄apu sui sã.

*Pedro Jesure to coh̄htore yahuha Jesu*

*(Mr 14.26-31; Lc 22.31-34; Jn 13.36-38)*

<sup>31</sup> Tóp̄u sã suchu Jesu sehe sãre õ sehe ni yahure:

—Micha ñami ȳhure coh̄a wahc̄anahca m̄sa. Õ seheta nina Cohamac̄u to yare ti joari p̄ui ȳhure yahuro: “Ovejare ñu wihboriro yoaro sehe jirirore ȳhu Cohamac̄u coh̄ihtja. Yu ã coh̄ach̄u to yaina oveja yoaro sehe jiina duhti site wahc̄a wahaahca”, nina Cohamac̄u to yare ti joari p̄ui. <sup>32</sup> ã yoa Cohamac̄u ȳhure to masori baharo m̄sa pano Galileap̄u wahayuihca ȳhu —nire tiro.

<sup>33</sup> To ã nichu tuhoro õ sehe nimare Pedro:

—Ȳhu mehne macaina jipih̄tina m̄hure ti coh̄a wahc̄apach̄uta ȳhu sehe m̄hure ne coh̄asi —nimare Pedro tirore.

<sup>34</sup> Jesu õ sehe ni ȳhtire:

—Potocã niita nija m̄hure. Micha ñami caraca to duhto pano “Ȳhu Jesure masieraja”, niihca m̄hu. Tia taha ã niihca m̄hu —nire tiro Pedore.

<sup>35</sup> To ã nipach̄uta Pedro õ sehe ni ȳhtire:

—M̄hu mehne ȳhure ti wajã duapach̄uta “Jesure masieraja”, ne nisi ȳhu —ni ȳhtimare Pedro.

ã jina sã c̄hu paina to buheina Pedro to niriro seheta nimai sã Jesure.

*Getsemaní wama tirop̄u Cohamac̄ure sinia Jesu*

*(Mr 14.32-42; Lc 22.39-46)*

<sup>36</sup> ã yoa Getsemaní wama tirop̄u Jesu sã to buheina mehne waha, tóp̄u su, sãre õ sehe nire:

—Õi dujiyusiniga. M̄sa õi dujiro wato soh̄o curerop̄u Cohamac̄ure sinii wahai nija —nire tiro sãre.

<sup>37</sup> ã ni tuhsu, Pedore, p̄aro Zebedeo poh̄nare tina tiarore p̄ji wahc̄are. P̄ji wahc̄a tuhsu, tiro tuaro cahya, ñano yajeripoh̄na tiha. <sup>38</sup> ã cahyaro tó mehne macainare to p̄ji wahc̄arinare õ sehe niha:

—Tuaro ñano yajeripohna tija yũhũ. Yũhũre tuaro purĩno seheta tũhotui nija michapucacã yũ yariaboro seheta. Sohõ curero wahasinii nija. Ōi tjuasiniga. ã yoa yũ cũno potori catiga mũsa cũhũ —niha tiro tinare.

<sup>39</sup> ã ni tuhsũ mahanocã waha namo, yahpai na tuhcuca caha sũ, Cohamacũre õ sehe niha:

—Mai, yũ ñano yũhdũhtire yoa duaeracũ yoai tjia. Yũ ã nipachũta yũ cahmano sehe yoai tjia. Mũhũ sehe masina. Mũ cahmano seheta yoaga yũhũre —ni siniha tiro Cohamacũre.

<sup>40</sup> ã ni tuhsũ, tiaro to buheina cahapũ wihimahno, carĩinare boca wihaha tiro. ã boca wihiro Pedrore õ sehe niha:

—¿Cũ hora waro yũ cũno potori cati masierari mũhũ? <sup>41</sup> Noano yoaga mũsa. Mũsa mũ sũro quihõno yoa duamana mũsa. Wiho mejeta mũsa basi tíre bihoerara. ã jina Cohamacũre siniga ñano mũsa yoerahto sehe —ni yahuha Jesu.

<sup>42</sup> ã ni yahu tuhsũ, pari turi waha, Cohamacũre õ sehe ni siniha:

—Mai, yũ ñano yũhdũhtire yoa duacũ yoaga yũhũre. Mũ cahmano seheta yoaga —ni siniha tiro.

<sup>43</sup> ã ni tuhsũ, to buheina tiaro buheina cahapũ pari turi wihaha tjoa. ã wihiro carĩinaretã boca wihaha tjoa. Wũjo caha yũhdũaha tina. <sup>44</sup> ã jiro tinare cũnoca, pari turi waha, Cohamacũre siniha. Tó pano to niriro seheta niha tjoa. <sup>45</sup> ã ni tuhsũ to buheina cahapũ wihi, tinare õ sehe niha:

—¿Carĩ, sosinina nijari mũsa? Tó purota carĩga mũsa —niha tiro.

ã ni tuhsũ, õ sehe ni namoha Jesu:

—Tũhosiniga. Michapucacã yũhũ masũnore Cohamacũ warocarirore ñainare waahca yũhũre. <sup>46</sup> Wahcãga. Basa wahana. Ñũga. Yũhũre ñũ tuhtiinare ñohtiro õi tara —niha tiro.

*Jesure ñũ tuhtiina tirore peresu yoaha*

*(Mr 14.43-50; Lc 22.47-53; Jn 18.2-11)*

<sup>47</sup> To ã nino watoi sã mehne macariro cjiro Juda sehe wihire. Tiro mehne masa payũ wihire. Tina sacerdotẽa pũhũa, judio masa bũcũna cũhũ ti warocarina jire. Ñosaa pĩĩine, yucũ siri cũhũre cũare. <sup>48</sup> Wahmanore Jesure ñũ tuhtiinare ñohtiro masare õ sehe ni yahu quihõ tuhsũha:

—Yũ wahsupu wihmirirota jirohca mũsa ñahahtiro. Tirore yũ wihmiri baharo ñahaga tirore —niha Juda tinare.

<sup>49</sup> To ã ni tuhsũri baharo wihiro, Jesu cahapũ dói waha bahrañore.

—Buheriro, ¿jimajari mũhũ? —ni tirore wahsupu wihmire.

<sup>50</sup> To ã wihmichũ Jesu õ sehe nire:

—Coyeiro, ¿michapucacã mũ yoa duarire yoaga? —nire tiro.

To ã ni tuhsũchũ tina Jesure ñahare.

<sup>51</sup> Ti ã yoachũ ñũno Jesu mehne macariro to ñosari pĩĩine tũãwe na, sacerdotẽa bui pũhũto cahamacũnore to cahmonore dũte pahrẽnocare. <sup>52</sup> To ã yoachũ ñũno Jesu tirore õ sehe ni yahure:

—Mũ ñosari pĩĩine wihboga. Painare mũ ñosachũ ti ñosa cahmachũ yariaihca mũhũ.

<sup>53</sup> Yũ Pũcũre yũhũre yũ yoadoho dutichũ tiro sehe payũ anjoare doce curuarire yũ cahai warocaboa tiro. ¿Tíre masierajari mũhũ? <sup>54</sup> ã yoadohoboriro to jipachũta tirore yũhũre yoadoho dutisi yũhũ. Yũ ã dutierachũ Cohamacũ yare ti joari pũ to niriro seheta ã waharohca —nire tiro.

<sup>55</sup> ã ni tuhsũ masare õ sehe ni yahure tiro:

—¿Dohse jiro baro mũsa ñosaa pĩĩine mehne, yucũ tiri mehne yacarirore ti yoariro seheta mũsa yũhũre ñahana tajari? Dachoripe Cohamacũ wũhũpũ mũsare yũ buhe dujichũ, mũsa yũhũre ne ñahaerare. <sup>56</sup> ã jipachũta ahri jipihtia ã waharo cahmana Cohamacũ yare yahu mũhtaina cjiri ti ni joariro seheta —nire Jesu.

Tirore ti ã ñahachũ ñũna sã to buheina tirore cohã mũroca wahcãa wahai sã.

*Judio masa puhto* Jesure sinituha

(Mr 14.53-65; Lc 22.54-55, 63-71; Jn 18.12-14, 19-24)

<sup>57</sup> Ñ yoa tirore ñaharina cjiri sacerdotea bui puhtoro Caifa wama tirore ya wuhuru na suha tirore. Tí wuhuihta marine judio masare buheina, bucuna cūhu cahmachuha. <sup>58</sup> Tópu Jesure ti naachu Pedro yoaropu tinare ñu nunu tiha. Ñ nunu tiro Caifa ya wuhure ducataru sahrinore su, tí sahrino puhichapu sãa wahaha. Sãa su, tí wuhure cohtaina surara mehne dujiha. Jesure ti dohse yoachu ñuno taro niha.

<sup>59</sup> Ñ jia sacerdotea puhto, mari coyera judio masa bucuna, paina puhto mehne Jesure wajã duti duaa, tiro to quihono yoerarire ti yahusãhtire wacū macamaha. <sup>60</sup> Wiho mejeta tíre bocaeraha. To quihono yoerari mariapachuta, payu masa tirore ti cahmano yahusãmacanocaha. Ñ jia puaro ti baharo macaina tirore <sup>61</sup> ñ sehe ni yahusãha tjoa:

—Ahriri ñ sehe nire: “Cohamacu wuhure cohã masija. Ñ cohãcu tia numu wahaboroi tí wuhure pari turi yoaihtja”, to nichu tuhohi sã —ni yahusãmacanocaha Jesure.

<sup>62</sup> Ti ñ niri baharo sacerdotea bui puhtoro wahcãrucu su, Jesure ñ sehe ni sinituha:

—¿Ahrina muhure ti yahusãpachuta tinare yuhti cahmaerajari muhu? ¿Muhure ti yahusãrire dohse ni yuhti cahmajari muhu? —niha puhtoro.

<sup>63</sup> To ñ nichu tuhparota Jesu ãta tuhhotunocaha. To ñ yuhtierachu ñuno sacerdotea bui puhtoro pari turi sinituha tjoa:

—Cohamacu catiro wama mehne potocã niga muhu. Mu ñ nierachu tiro muhure buhiri dahrerohca. Yahuga sãre. ¿Cristo Cohamacu macunota jijari muhu? —ni sinituha tjoa.

<sup>64</sup> To ñ nichuruta Jesu ñ sehe ni yuhtiha:

—Tirota jija. Musare potocã yahuita nija. Baharo yuhu masuno Cohamacu warocariro yu Pacu jipihitina bui tuariro cahapu to poto buhuseheru yu dujichu ñunahca musa. Ñ yoa muano macaa me bui yu tachu cūhure ñunahca musa —ni yuhtiha Jesu.

<sup>65</sup> To ñ nichu tuhoro sacerdotea bui puhtoro, to basi to sãari suhtirore tuhrēnocaha painare “Sua yuhduara”, ni ñu masi dutiro. Ñ tuhrēnocahno ñ sehe niha:

—Cohamacure pjiro ñano durucuro nina ahriri. Ñ jina to ñano durucure tuho tuhsuja mari. Ñ jia tó peinata yahusãjaro ahriroro. Ōihta to ñano durucuchu tuhoja mari.

<sup>66</sup> ¿Dohse yoanahcari mari mipure ahriroro? —ni sinituha tiro paina puhtoare.

—To ñari buhiri wajānocano cahmana tirore —ni yuhtiha tina.

<sup>67</sup> Ti ñ niri baharo to wuhduare chahcho puti sihō mija, tirore cjãpe, dota mujaha tina.

<sup>68</sup> Tirore cjãpe tuhsu, ñ sehe nipeha tirore:

—¿Diro sehe muhure cjãjari? Cristo jicu ñuerapaihta yahuga sãre —ni cjãpe dota mujaha tina.

*“Tirore masieraja”, niha Pedro Jesure*

(Mr 14.66-72; Lc 22.56-62; Jn 18.15-18, 25-27)

<sup>69</sup> Ñ yoa tí wuhu cahai jiri wapai noari wapai Pedro sehe dujiha. To ñ dujichu ñuno sacerdotea bui puhtoro cahamacono tiro cahapu sũro, ñ sehe niha:

—Muhu cūhu Jesu Galilea macariro mehne jire —niha ticoro.

<sup>70</sup> To ñ nichu tuhoro, Pedro ñ sehe niha:

—¿Dohse nimacanocaco nijari muhu? Mu niriore ne masieraja yuhu —niha Pedro ticorore jipihitina ti tuhocaroi.

<sup>71</sup> To ñ niri baharo tí wapa macari sahrino sopaca cahapu wahaha Pedro. Tói to jichu pacoro cahamacono tirore ñuno, tói jinare ñ sehe niha:

—Jesu Nazare macariro mehne jire ahriri cūhu —niha ticoro Pedroro tjoa.

<sup>72</sup> To ñ nichu tuhoro Pedro ñ sehe ni yuhtiha:

—Cohamacu mehne potocã nii nija. Tiro mu niriore ne masieraja yuhu —ni yuhtiha Pedro.

<sup>73</sup> Ñ yoa mahanocã baharota tói ducuina Pedro cahapu waha, tirore ñ sehe niha tjoa:

—Potocã tjira. Jesu yaina mehne macariro jira mũhũ cũhũ. Tina yoaro seheta durucura mũhũ —niha tina Pedrorre.

<sup>74</sup> Ti ã nichũ Pedro õ sehe ni yũhtiha:

—Potocã Cohamacũ mehne nii nija mũsare. Yũhũ potocã yũ nierachũ Cohamacũ yũhũre buhiri dahrejaro. Tirore mũsa nirirore ne masieraja yũhũ —ni yũhtiha tiro tinare.

To ã nichũta caraca duha. <sup>75</sup> To duchũ tũhoro Jesu tirore to nirire wacũha. “Caraca to duhto pano ‘Jesure masieraja’, niilha mũhũ. Tia taha ã niilha mũhũ”, Jesu to niri cjiire wacũha Pedro. ã wacũno, tí sahrĩno sopacare wijaa, tuaro tiha.

## 27

*Pilato cahapũ Jesure naaha*

(Mr 15.1; Lc 23.1-2; Jn 18.28-32)

<sup>1</sup> ã yoa bohrearopũ sacerdotea pũhũa, mari judio masa bũcũna cũhũ Jesure ti wajã dutihtore cahma sũhũduha. <sup>2</sup> Ti ã yoari baharo tirore dũhte, Pilato cahapũ naa, tirore waha Pilatore. Pilato sehe tí yahpa macaina pũhũtoro jire.

*Juda Iscariote yariaa wahaha*

<sup>3</sup> ã yoa Jesure ti wajã dutichũ ñũno Juda sehe Jesure ñoriro tirore to ñori cjiire tuaro wacũ cahyaha. ã cahyaro treinta tũri to ñahari niñeru tũrire wiaro waharo, sacerdotea pũhũa cahapũ, bũcũna cahapũ sũ, õ sehe niha:

<sup>4</sup> —Jesu mũsare yũ ñoriro ñaa marieriro to jipachũta tina wajã dutire tirore. ã jicu mũsare tirore ñocũ ñano yoai nihti yũhũ —ni yahuha Juda tinare.

To ã ni yahuri baharo tina õ sehe ni yũhtiha:

—ãta yoawahnojaro. Sãre yaba cjihti jierara tí mũ ã nia. Mũhũ dihta ã ni tũhotura tíre —ni yũhtiha tina tirore.

<sup>5</sup> Ti ã ni yũhtiri baharo Cohamacũ ya wũhũi Juda to niñeru tũrire doca site cũnocaha. Doca site cũnoca, wahaa wahaha. Waha, yuta dare dũhte yo, to basi wamũai tju suha, puroca yoja sũ, yariaa wahaha jũna.

<sup>6</sup> ã jia sacerdotea pũhũa niñeru tũrire naa, õ sehe niha:

—Ahri niñerure Cohamacũ wũhũ macari caropũ niñeru wihbori caropũ mari cũ masieraja. Ahri niñeru mehnetã masũnore wajã dutire. ã jia mari dutia marine tó sehe jia niñerure wihbo dutierara —niha tina ti basi.

<sup>7</sup> Ti ã niri baharo “õ sehe yoajihna”, ti ni sũhũduri baharo dihi biatorire yoariro ya yahpare nuchũha. Tí tũri mehne nuchũha. Pa sehe macaina ti wihi ti yariachũ ti yahti yahpa cjihtore tí yahpare nuchũha. <sup>8</sup> ã jia tí yahpare “Di yahpa” wamoare masa. Mipũ cũhũre ãta wama tira. <sup>9</sup> Ahri jipihtia ã wahari jire Jeremía cjiro panopũ “ã waharohca”, to ni joariro seheta. Tiro Cohamacũ yare yahu mũhtariro cjiro jiha. õ sehe ni joaa tiha tiro: “Treinta niñeru tũrire plata tũrire ‘Tó purota wapanahca tirore sã ñahahtore’, niahca Israe masa. <sup>10</sup> ã jia tí tũri mehne dihi biatorire yoariro ya yahpare nuchũahca tina. õ seheta yũhũre yoa dutire Cohamacũ”, ni joaa tiha Jeremía panopũ.

*Pilato Jesure sinituha*

(Mr 15.2-5; Lc 23.3-5; Jn 18.33-38)

<sup>11</sup> ã yoa Pilatore ti wari baharo tiro sehe Jesure õ sehe ni sinituha:

—¿Potocãta judio masa ti pũhũtoro jijiari mũhũ? —ni sinituha Jesure.

—Mũ nino seheta tiro tjija —ni yũhtiha Jesu.

<sup>12</sup> ã ni yũhtiparota, sacerdotea pũhũa, bũcũna cũhũ ti yahusãchũ yũhtieraha tiro.

<sup>13</sup> To ã yũhtierachũ ñũno Pilato õ sehe ni sinituha:

—¿Ahri jipihtia mũhũre ti yahusãrĩre tũhoerajari mũhũ? —ni sinituha tiro Jesure.

<sup>14</sup> To ã ni sinitupachũta Jesu ne cũ dũsero yũhtieraha. To ã yũhtierachũ ñũno Pilato cũaa wahaha.

*Jesure wajã dutiha**(Mr 15.6-20; Lc 23.13-25; Jn 18.38-19.16)*

<sup>15</sup> Cũhmaripe pascuaripe masa yairo cjihtore cũiro peresupũ jirirore Pilato ã wiobasa mũjaa tiha. Masa ti wio dutirirore wiobasa mũjaa tiha. <sup>16</sup> Tí pjare Barrabá wama tiriro peresupũ jiha. Tirore masia tiha payũ masa. <sup>17</sup> Æ yoa ti ã cahmachuchũ Pilato sehe õ sehe ni sinituha tinare:

—¿Diro sehere mũsare wiobasabocari yũhũ? ¿O Barrabá sehere o Jesure Cristo ti nirirore wiobasabocari yũhũ? —ni sinituha tiro.

<sup>18</sup> Jesure masa ti cahĩchũ ñũa judio masa mari pũhtoa tirore ñũ tuhtiha. Æ ñũ tuhtia tirore waha Pilatore. Æ jiro masa ti cahĩri buhiri judio masa mari pũhtoa ti ñũ tuhtirire masino Pilato Jesure wio duamaha.

<sup>19</sup> Æ yoa Pilato masare soro sehe yoainare to beseri pahtai to dujichũ to namono tirore quti warocaha: “Mĩcha ñamine Jesure cahãco, tuaro ñano yũhdũhi. Æ jicũ tirore ñaa marierirore ne jiape yoai tjiga mũhũ”, ni yahurocaha to namono Pilatore.

<sup>20</sup> Æ jia wahmanopũre sacerdotea pũhtoa, bũcũna cũhũ masare õ sehe ni duti tuhsũha. “Barrabá sehere wio duti, Jesu sehere wajã dutiga”, ni dutiha masare. <sup>21</sup> Æ yoa Pilato masare õ sehe ni sinituha:

—¿Ahrina pũarore diro sehere mũsare wiobasabocari yũhũ? —ni sinituha.

—Barrabá sehere wiobasaga sãre —ni yũhtiha.

<sup>22</sup> —¿Ahriro Jesu Cristo ti niriro sehere dohse yoahcari yũhũ mũsa ã ni saũurucuchũ? —ni sinituha tiro.

—Crusapũ cjã puha wajãga tirore —ni yũhtiha masa jipihtina.

<sup>23</sup> —¿Yaba barore ñaare yoari ahriro mũsa ã nichũ? —ni sinitu namoha tiro. To ã nichũ tũhoa tina tuaro mehne saũurucuha:

—Crusapũ cjã puha wajãga tirore —ni saũurucuha masa tirore.

<sup>24</sup> Ti ã ni saũurucuchũ tũhoro, tirore ti tũho duaerachũ ñũno “Masa sua, cahmacheboca” nino, yũhtirota õ sehe yoaha Pilato. Masa ti ñũrocaroi tiro wamo cosaha. Æ wamo cosaro õ sehe niha:

—Ahrirore ñaa marierirore wajãri buhiri ya buhiri jierara. Mũsa ya buhiri jira —nino wamo cosaha.

<sup>25</sup> To ã nichũ tũhoa jipihtina masa õ sehe niha:

—Ahrirore wajãri buhiri sã, sã pohna cũhũ sã ya buhiri jijaro —niha masa.

<sup>26</sup> Ti ã nichũ tũhoro Pilato Barrabáre peresupũ jirirore wio dutiha masa ti cahmarirore. Æ yoa tuhsũ Jesu sehere yuta dari mehne tjana duti, tirore crusapũ wajã dutiro wiaha surarare.

<sup>27</sup> To ã wiachũ Pilato ya wũhũpũ to surara Jesure na sũha. Æ yoaa tina surara jipihtina Jesu cahapũ cahmachuha. <sup>28</sup> Æ cahmachua to suhtire tjuwe na, pũhtoro ya suhtiro sehe bajuri suhtirore tirore sãaha. <sup>29</sup> Æ sãa tuhsũ, pota sorore yoa tuhsũ, to dapu bui duhu payoha. Æ duhu payo tuhsũ, wũjũcũre pota bũhũsehe sehe dahra suhaha. Dahra suha tuhsũ, na tuhcuca caha sũ, bũjũpeha tirore:

—Noano tagã. Judio masa pũhtoro noano tagã —ni bũjũpeha tirore.

<sup>30</sup> Æ niata tirore chahcho puti sihõ mũja, ti dahra suhadũ cjirore tirore tuãwe na, to dapure cjãha tũ mehneti. <sup>31</sup> Ti ã bũjũperi baharo ti sãari suhtirore tjuwe na, to ya suhti sehere sãaha tjoa. Sãa tuhsũ, crusapũ wajãa taa tirore na wijaaha.

*Tina Jesure crusapũ cjã puha, wajãha**(Mr 15.21-32; Lc 23.26-43; Jn 19.17-27)*

<sup>32</sup> Tirore na wahcã, Simo wama tirirore Cirene macarirore piti boca, tirore Jesu to wũari crusare wũa wahcã dutire.

<sup>33</sup> Wũa wahcã, Gólgota wama tiropũ sũre. Gólgota nino, “Dapu cohã”, nino nina. <sup>34</sup> Tuhsũ, vinore sũẽa co ñimaca macaa co mehne ti morea core Jesure wamare tina. Tí core sihni ñũ, sihnierare tiro.

<sup>35</sup> Æ yoa to suhtire ti tjuwe nari baharo tirore crusapæ cjã puhare tina. Æ cjã puha tuhsua, to sãa suhti cjirore ti basi cahma witia taa, “¿Noa yaro jirohcari õ?” ni masia taa, docapea poca mehne docape mæjaha tina. [Æ yoa Cohamacu yare yahu mæhtariro cjiro to ni joariro seheta yoa nire tina. Õ sehe ni joa tiha tiro: “Yæ suhtire ti basi naa taa, ¿Noa yaro jirohcari õ?” ni, docapea poca mehne docape mæjaha tina”, ni joa tiha panorpæ.]

<sup>36</sup> Docape tuhsu tirore ñu dujirucure tina. <sup>37</sup> Æ yoa Jesure “¿Yaba buhiri mehne yariabocari tiro?” ti ni masihto sehe, õ sehe ni ti joa õri pjine crusapæ duhu õha tina. “Ahriro Jesu judio masa bui pæhtoro jiriro jira”, ni joa õre tina tí pjirpæ. <sup>38</sup> Baharo pæaro yaca bæcuna cæhure Jesu cahai paye crusari pjiripæ cjã puha dapore tina. Cæiro to potu bæhusehei, paio to cõ bæhusehei cjã puha dapore tina. <sup>39</sup> Crusari cahai yæhdæ wahcæina Jesure ñu, ti dapu pocare yureroca, tirore ñano durucure:

<sup>40</sup> —¿Cohamacu wæhure cohã, tia dacho wahaboroi pari turi tí wæhure dahrehtiro jijari mæhu? Cohamacu macæno jicæ mæ basi dujia taga. Æ yoa mæ basi yoadohoga. Æ jii yæhdæ witiilha mæhu —nire masa.

<sup>41</sup> Æta ni bæjupere tirore. Sacerdotea pæhto cæhu, marine judio masare buheina cæhu bæcuna cæhu tirore Æ ni bæjupere:

<sup>42</sup> —Tiro painare yæhdoriro jiparota to basi yæhdo masierara. “Israe masa pæhtoro jija”, nimana tiro. Æ jina to basi to duji tachæ ñæna tirore wacû tuamahca. <sup>43</sup> Tiro sehe Cohamacure wacû tuamana. Tuhsu, “Cohamacu macæno jija”, nimana tiro. To Æ jiriro jichæ Cohamacu sehe tirore yoadohojaro —ni bæjupere tina.

<sup>44</sup> Yaca bæcuna tiro cahai ti cjã puharina cjiri cæhu tó seheta tirore bæjupere, ñano ni durucure tina cæhu.

#### *Jesu yariaa wahaha*

*(Mr 15.33-41; Lc 23.44-49; Jn 19.28-30)*

<sup>45</sup> Æ yoa cohari pja jichæ tia hora waro jipihtiropæ nahitiano jire. <sup>46</sup> To nahitia duhuchæ waro Jesu tuaro sañurucure:

—Elí, Elí ¿lama sabactani? —nire tiro. Æ nino õ sehe nino nire: “Yæ Cohamacu, yæ Cohamacu, ¿dohseacu yæhure cohãri mæhu?” nino nire.

<sup>47</sup> To Æ nichæ tuhoa cæina tói ducuina õ sehe nimare:

—Cohamacu yare yahu mæhtariro Elia cjirore pjirocaro niboca —nimare tina.

<sup>48</sup> Ti Æ ni tuhsuchæ cæiro tina mehne macariro wihmi nari suhteræ vino sææ core soha tuhsu, na mæroca, yucæcu sohtoai dæhte õ, Jesure wihmi dutimare. <sup>49</sup> To Æ yoachæ ñæ paina wihmi dutirirore õ sehe nimare:

—Depæsinia. Elia wihi, ahrirore to na borochæ ñæsinijihna mari —nimare paina.

<sup>50</sup> Ti Æ niri baharo pari turi sañurucu, Jesu sehe yariaa wahare. <sup>51</sup> To Æ yariachæta Cohamacu wæhu macari suhtiro, ti dæcatari suhtiro dacho macai bui sehe tuhnæ bora ta, tuhnæroca yoja sæa wahaha. Tuhsu, yahpa cæhu ñuhmire. To Æ ñuhmichæ tæa bæjæa poca wahtia wahare. <sup>52</sup> Æ yoa masa coparire pjõochæ, payæ Cohamacu yaina cjiri panorpæ yariarina cjiri masa wijaa. <sup>53</sup> Masa wijaa, Jesu sehe to masa wijaa baharo tí coparire cohænoca, noari macaræ Jerusalæpæ wahare tina. Tõrpæ ti wahachæ payæ masa ñæ tiha tinare.

<sup>54</sup> Æ jia yahpa to ñuhmichæ ñæa, payæ paye ti Æ wahachæ ñæa surara pæhtoro to surara mehne sæa wahare. Tina Jesure crusapæ jirirore cohtaina jire. Sæa waha, õ sehe nire:

—Potocã tjiri jimana. Ahriro Cohamacu macænota jiri jimana —nire tina.

<sup>55</sup> Æ yoa Galileapæ Jesu mehne tari numia cjiri tirore yoadohori numia cjiri yoarorpæ tirore crusapæ jirirore ñærocarucua nire. <sup>56</sup> Tí numia mehne María Magdalena jire. Pacoro María wama tiricoro cæhu jire. Ticoro sehe Santiago, José cæhu pocoro jire. Pacoro Zebedeo namono jire.

#### *Jesu pjacure masa copapæ cæha José*

*(Mr 15.42-47; Lc 23.50-56; Jn 19.38-42)*

<sup>57</sup> Æ yoa ñamichahapũ José Arimatea macariro pache pũro tói sua tiha. Tiro Jesu buheriro jire. <sup>58</sup> Æ yoa Pilato cahapũ sũ, Jesu pjacũre siniha. To ã sinichũ tũhoro Jesu pjacũre tirore wa dutiha Pilato. <sup>59</sup> To ã dutiri baharo José sehe Jesu pjacũre na boro, noari suhtiro wete marieni suhtiro mehne to pjacũre wahmaha. <sup>60</sup> Wahma tuhsũ, José to ya masa copapũ siõ payoha to pjacũre. Tí copa ti tãcai sahari copa wahma copa jire. Tí copapũ yo sãa duhu payo tuhsũ, pjiria tãcare tju turẽ wahcãha tia mehne biharo taro. Biha tuhsũ, wahaa wahaha. <sup>61</sup> Æ jia María Magdalena, pacoro María mehne tí copare ñũ dujirucuha.

*Jesure ti cũri copare surara cohtaha*

<sup>62</sup> Æ yoa pa dachoi, Pascua cjihtore ti cahnoru dacho baharo, sabado jichũ sacerdotea pũhtoa fariseo curua macaina cũhũ Pilato cahai cahmachuha. <sup>63</sup> Cahmachu tuhsũ õ sehe niha tina Pilatore:

—Pũhtoro, tiro mahñoriro Jesu catisinino õ sehe niha tiro: “Tia dacho wahaboroi masa wijaaĩhca yũhũ”, niha tiro. <sup>64</sup> To ã niriro jichũ to buheina sehe to pjacũre yacaboca. Æ yacaa masare õ sehe niboca: “Jesu masa wijaaire”, niboca tina. Tiro Jesu sehe masare mahñono nire. Wiho mejeta to buheina sehe “Tiro masa wijaaire” nia, mahñoina jiahca tina. Æ jiro Jesu to mahñoriro yũhgoro ti ya mahñoa sehe ñaa yũhduarohca. “Æ yacari” nicũ, tia dacho waro to masa copare mũ surarare cohta dutiga —niha tina Pilatore.

<sup>65</sup> Pilato õ sehe ni yũhtiha:

—Jai. Yũ yaina surara cohtajaro. Æ yoa mũsa cũhũ mũsa bihoro puro tí copare noano cohtaga —niha tiro tinare.

<sup>66</sup> To ã nichũ tina waha, tí copapũ bihari tãca mehnepũta ñahachũpũta wihtã ñahaha masa ti sãachũ ñũ masia taa. Æ yoa tuhsũ, surarare tí copare cohta dutiha.

## 28

*Jesu masa wijaaaha*

(Mr 16.1-8; Lc 24.1-12; Jn 20.1-10)

<sup>1</sup> Æ yoa judio masa mari sori dacho sabado dacho sehe to yũhdũri baharo domingo jichũ ñami curero jichũ María Magdalena, pacoro María mehne Jesu masa copare ñũa wahaha. <sup>2</sup> Tí pjare dóihta yahpa tuaro ñuhmi bahrañoa. To ã ñuhmichũ mari pũhtoro to yairo anjo mũanopũ jiriro duji ta, masa copare bihari tãcare tju turẽroca, tia bui dujiha. <sup>3</sup> Tiro anjo orocasitero yoaro sehe noano si siteriro, to suhti yaja pjoa yoaro sehe noano yehsea suhti jiha. <sup>4</sup> To ã bajuachũ tí copare cohtaina surara cui yũhdũa, tetere, bui warohna yaria yũhdũa wahaha. <sup>5</sup> Æ yoa tuhsũ anjo sehe tí numiare õ sehe niha:

—Yũhũre cuiena tjiga. Crusapũ ti cãa puhariro, Jesure mũsa macachũ masija yũhũ.

<sup>6</sup> Wiho mejeta tiro sehe mipũre õre mariahna. To niriro seheta tiro masa wijaa wahare. To pjacũre ti duhu payoriro cjirore ñũna taga. <sup>7</sup> Æ ñũ tuhsũna to buheina cahapũ ño duaro waha, õ sehe ni yahuna wahaga: “Jesu masa wijaaire. Æ jiro mũsa pano Galileapũ tiro wahayurohca. Tõpũ tirore ñũnahca mũsa”, ni yahuna wahaga mũsa. Ahri yũ nirire wacũga mũsa —niha anjo tí numiare.

<sup>8</sup> To ã niri baharo tí numia masa copapũ jia numia soaro mehne wijaa, tirore cuipahta wahche yũhdũa mehne Jesu buheinare yahua wahaa, mũrocacha. <sup>9</sup> Æ wahaa numiare Jesu piti boca, õ sehe niha:

—¿Noano jimajari mũsa? —niha tiro.

To ã niri baharo, tina sehe tiro cahapũ sũ, to dahporire ñaha, tirore ño payoha.

<sup>10</sup> —Cuiena tjiga mũsa. Yũ buheinare “Galileapũ wahaga”, ni yahuna wahaga. Tõpũ yũhũre ñũahca tina —niha Jesu tinare.

*Masa copare cohtaina surara ti ñũrĩre yahua*

<sup>11</sup> To ã niri baharo tí numia ti waharo watoi cãina masa copare cohtaina mehne macaina surara, Jerusalẽpũ sacerdotea pũhtoare yahu pahñoa wahaha. Jesu to masa copapũ wijaaire yahu pahñonocaha. <sup>12</sup> Ti ã ni yahuchũ sacerdotea pũhtoa, judio masa

mari b̄c̄na mehne cahmachuha. Cahmachu, s̄h̄duha. Ā jia surarare mah̄no dutia paȳ niñerure wapaha.

<sup>13</sup>—Ō sehe niga m̄sa masare: “Ñami s̄a car̄no watoi to buheina sehe masa copap̄ wihi, to p̄jac̄re nanocari jire”, ni yahuga masare. <sup>14</sup> M̄sa ā ni yahuch̄ Pilato sehe m̄sa car̄i ȳh̄uarire t̄horocaboca. To ā t̄hoch̄, “M̄sare tuhtiri”, nina m̄sare yahubasanahca s̄a tirore —niha tina surarare.

<sup>15</sup> Ti ā niri baharo surara sehe niñerure ñaha, tinare ti mah̄no dutiro sehetā masare yahua wahaha tina. Ā jia tó sehe Jesu to masa copare wijaarire yahurucura judio masa. M̄p̄ c̄h̄re āta ni yahura tina.

*Jesu buhe dutiro to c̄rinare dutiha*  
(Mr 16.14-18; Lc 24.36-49; Jn 20.19-23)

<sup>16</sup> Ā yoa s̄a Jesu buheina once buheina t̄c̄p̄ Galileai jid̄p̄ Jesu to waha dutid̄p̄ wahi s̄a. <sup>17</sup> Tó p̄ s̄, Jesure ñ̄na, ño payoi tirore. Ā ño payoina jipanahta, s̄a c̄ina “Ahriro Cohamac̄ mac̄no jieraboca”, ni t̄hotumai. <sup>18</sup> S̄a ā ño payoch̄ tiro sehe s̄a cahap̄ wihi, ō sehe nire:

—Ahri yahrap̄re, m̄ano c̄h̄re Cohamac̄ jipih̄tinare dutiro waro jich̄ yoare ȳh̄re. <sup>19</sup> To ā yoach̄ ō sehe dutija m̄sare: Jipih̄tiro mac̄inare ȳ yare buhena wahaga. Ȳ yaina ti wahahto sehe buhena wahaga. Ā yoana ȳ P̄c̄ to wama mehne, ȳ wama mehne, Esp̄ritu Santo to wama mehne tinare bautisaga. <sup>20</sup> Ā jina m̄sare ȳ dutirire ti yoa pah̄ohti cjih̄tire buhega tinare m̄sa. Ā yoana ahrire ȳ nihtire wac̄ga: Jipih̄tia dachoripe ahri yahpa to jiro puro m̄sa mehne ā jirucuihca. M̄sa mehne ȳ ā jirucuh̄tore wac̄ga m̄sa —ni yahure s̄are Jesu.



## San Marcos

*João masare bautisariro buhe dɔcaha*

(Mt 3.1-12; Lc 3.1-9, 15-17; Jn 1.19-28)

<sup>1</sup> Ahri tjui Jesucristo Cohamacu macuno to yoaare noaa buheare yahu dɔcaja.

<sup>2</sup> Cohamacu yare yahu mɔhtariro cjiro Isaia to joariro seheta ahri yahua jira. Õ sehe ni joaha tiro:

“Cohamacu to macunore ò sehe niha:

‘Mɔ pano mɔhure yahuyuhtirore warocai nija.

<sup>3</sup> ã jiro tiro masa marienopu waharohca.

Tirote tɔhoinare yahuro sañurucurohca: “Mari pɔhtoro to tahto pano mɔsa ñaa tɔhotuare cohtota, cahno mɔhtaga mɔsa”, ni sañurucurohca’, niha Cohamacu”, ni joaa tiha Isaia cjiro João cjihtore.

<sup>4</sup> João masare bautisariro masa marienopu masare buhea tiha:

—“Sã noaina jija”, ni mɔsa tɔhotumari cjirire duhu, mɔsa ñaa buhirire cahya, Cohamacu sehere cahmaga mɔsa. ã jina bautisarina jiga. Mɔsa ã yoachɔ ñɔno Cohamacu mɔsa ñaa buhirire borohca —ni buhea tiha tiro.

<sup>5</sup> ã yoa jipihtina Judea yahpa macari macaina, Jerusalẽ macaina mehne tiro cahapu ti sɔchɔ ñɔno João sehe Jordão wama tiri mapu bautisaha tinare. Tinare to bautisahto pano tina sehe ti ñaa yoarire yahu yɔhdɔha Cohacure.

<sup>6</sup> Tiro João sehe camello pjoari suhtirore sãariro wahiquire cahsaroreta tuã dihoriro jiha. Poreroare, macaroca macaina miquina mi cɔhure chɔa tiha. <sup>7</sup> ã yoa ò sehe ni buhea tiha:

—Yɔ baharo yɔ yɔhdoro tuariro tarohca. Noa yɔhdɔariro jira tiro. Tiro yoaro sehe jieraja yɔhɔ sehe. ã jicɔ tirote tɔhotucɔ, “Wiho jiriro jija yɔhɔ”, ni tɔhotuja yɔhɔ.

<sup>8</sup> Mɔsare bautisacu co mehne yoamahi. Tiro sehe yɔ yɔhdoro yorohca. Espiritu Santore mɔsa mehne jirucuchɔ yorohca —ni buhea tiha João.

*João Jesure bautisaha*

(Mt 3.13-17; Lc 3.21-22)

<sup>9</sup> ã yoa tí pjare Jesu Nazarepu Galilea yahpai jiri macapu jiriro Jordão wama tiri mapu sɔha. Tópu to sɔchɔ João bautisaha tirote. <sup>10</sup> To ã bautisa tuhsɔchɔ Jesu diapu ducuriro sɔrucɔ sɔro mɔano to parí mɔaa wahachɔ ñɔha tiro. To parí mɔachɔta Espiritu Santo buja yoaro sehe Jesu bui duji pja sɔha.

<sup>11</sup> To ã duji pja sɔchɔ mɔanopu durucuro coa taha:

—Mɔhɔ yɔ macɔ yɔ cahĩriro jira. Mɔhɔ mehne tuaro wahcheja —nino coa taha mɔanopu.

*Satana ñaare yoa dutimaha Jesure*

(Mt 4.1-11; Lc 4.1-13)

<sup>12</sup> Tí pjare Jesure masa marienopu Espiritu Santo naaha. <sup>13</sup> Tópu sɔro cuarenta dachori waro jiha. Watino sehe Jesu to ñaare yoachɔ ñɔ duaro, ñaare yoa dutimaha tirote. Tuhsɔ, Jesu wahiquina nɔcɔ macaina mehne jiha. Tóto to jichɔ ñɔa anjoa sehe tirote yoadohoa, chɔare waha.

*Jesu Galilea yahpai buhe dɔcaha*

(Mt 4.12-17; Lc 4.14-15)

<sup>14</sup> ã yoa Joãoore peresupu ti biha dapori baharo Jesu sehe Galilea yahparu noaa buheare pɔhtoro Cohamacu to sɔho jiare yahuro wahaha. <sup>15</sup> Õ sehe ni yahua:

—Mipure ò sehe jira. Pɔhtoro Cohamacu mɔsare to noano sɔho jihto mahanocã dɔhsara. ã jina “Sã noaina jija”, mɔsa ni tɔhotumari cjirire duhuga. Mɔsa ñaa buhirire

cahya, Cohamacu sehere cahmaga. Ahri noa buheare “Quihõnota jira”, ni tãhoga musa —ni buhea tiha Jesu tinare.

*Jesu pititiarore wahi wajãinare “Yũhu mehne macaina cjihti taga”, niha*  
(Mt 4.18-22; Lc 5.1-11)

<sup>16</sup> Tíre yahu tuhsu, Galilea wama tiri bucũpariropũ dũhtũ cahapũ sito wahcãmahno ñũha Simore, to bahũro Andre mehne. Tina wahi wajãina jiha. ã jia ti wañũyucũre bucũpariropũ doca ñoa niha. <sup>17</sup> ã yoa Jesu tinare õ sehe niha:

—Yũhu mehne macaina cjihti taga musa. Yũhu mehne musa tachũ musa wahire ñaha cahmachuina musa jiro seheta, Cohamacu yaina cjihtire masare pji cahmachuina cjihtire musare wahachũ yoaihtja. Yũhu mehne musa tachũ ã yoahina cjihtire cũihtja musare —niha Jesu tinare.

<sup>18</sup> To ã nichũ tũhoa ti wañũyucũre cũnoaa, tiro mehne wahaa wahaha.

<sup>19</sup> ã yoa tina mahanocã yũhdũ wahcã, Santiagore, to bahũro João mehne boca sũha tjoa. Tina sehe Zebedeo pohna jiha. Ti yaria dohoriapũ wañũyucũre cahnoa niha. <sup>20</sup> ã yoa tiro to pjirocachũ tina sehe ti pũcũrore, tiro mehne dahra cohtaina mehne dohoriapũ cũnoaa, Jesu mehne wahaa wahaha.

*Watĩa ti cohtotariro Jesure piti bocaha*  
(Lc 4.31-37)

<sup>21</sup> ã yoa tina Capernau wama tiri macapũ sũha. Tõpũ sũro Sabado jichũ judio masa sã buheri wũhũpũ buhero sãaha tiro. <sup>22</sup> Sã judio masare buheina yoaro sehe jieraha tiro. Noano masi pahũriro ji, noano waro buheha. To ã buhechũ tí maca macaina tũho cũaa wahaha. <sup>23</sup> Tí pjare cũiro tí wũhũi jiro watĩa ti cohtotariro jiha. Tõi jiro õ sehe niha Jesure:

<sup>24</sup> —Mũhũ Jesu Nazare macariro cariboi tjiga sãre. ¿Dohse yoai tai nijari sãre? ¿Mũhũ sãre butichũ yoai tai nijari? Cohamacu macũno buhiri tia marieriro mũ jichũ masija yũhu —ni sañurucuha tiro Jesure.

<sup>25</sup> To ã nichũ tũhoro Jesu tuhtiha watĩare:

—Dihta mariahga. Wijaahga tirore —niha Jesu.

<sup>26</sup> ã jia watĩa tirore yahrapũ doca caha sũ tunuchũ yoa, to tuaro sañurucuro watoihita wijaaha tirore. <sup>27</sup> ã jia jipihtina tí wũhũi dujiina ñũ cũaa yũhdũa wahaha.

—Cue, ¿wahma buhea jijari ahri? Tiro pũhoro yoaro seheta dutira watĩare. To dutichũ tina watĩa sehe yũhdũrũcaerara tirore —ni durucuha tí wũhũi dujiina ti basi.

<sup>28</sup> ã jia mahaa dachoricã baharoihta dõihita jipihtina Galilea yahpa macaina tíre to yoirire tũho sahsea wahaha.

*Jesu Simo Pedro marechonore noaricoro wahachũ yoaha*  
(Mt 8.14-15; Lc 4.38-39)

<sup>29</sup> ã yoa Jesu cũhũ judio masa mari buheri wũhũpũ jiina wijaaha. Ti ã wijaari baharo Jesu, Santiago, João, paina tina mehne macaina cũhũre Simo to bahũro Andre mehne ti ya wũhũpũ sũho sãa sũha. <sup>30</sup> Tí pjare Simo marechono juaro mehne to dohatichũ cama bui to coãchũ yahuha Jesure. <sup>31</sup> Ti ã yahuchũ tũhoro tiro sehe ticoro cahapũ sũro, to wamomacare ñaha, ticorore waja wahcõ dapoha. To ã waja wahcõ dapochũta ticorore juaro surua wahaha. To ã sururi baharo ticorota tinare chũare payoha.

*Jesu payũ dohatiinare noaina wahachũ yoaha*  
(Mt 8.16-17; Lc 4.40-41)

<sup>32</sup> ã yoa sũ sãari baharo nahi borachũpũ masa payũ dohatiinare, watĩa ti cohtotarinare Jesu cahapũ na sũha. <sup>33</sup> ã jia jipihtina tí maca macaina cahmachurũcũ sũha tí wũhũ sopacai. <sup>34</sup> ã jiro Jesu payũ dohatiinare, payũ soro jia dohatia cjuainare noaina wahachũ yoaha. Watĩa cũhũre, masare sãamarinare payũ cohã wioha. ã jiro watĩa Jesure ti masichũ ñũno Jesu sehe tinare durucu dutieraha.

*Jesu buhe tinino wahaha**(Lc 4.42-44)*

<sup>35</sup> Æ yoa ñami curerocã wahcã, nahitia curechuta masa marienopu Cohamacure sinino wahaha Jesu. <sup>36</sup> To Æ wahari baharo Simo cūhu tirore macaa wahaha. <sup>37</sup> Tina tirore boca su, ò sehe niha:

—Masa jipihtina mūhure macaa nihre —niha tina.

<sup>38</sup> Ti Æ nichu tūhoro ò sehe niha Jesu tinare:

—Tinare buhe tuhsūhi. Pa seheru ò cahacã macaa macaripu wahajihna mari. Ahri yahpa macainare yahu site pahñoi tahi. Æ jicu yūhu paye macari macaina cūhure buheihija —niha Jesu.

<sup>39</sup> Æ ni tuhsu, jipihtia Galileai jia macaripu judio masa mari buhea wūhusepu buhero, watīare masare sāmaringare cohã wioha.

*Jesu cami barirore noariro wahachu yoaha**(Mt 8.1-4; Lc 5.12-16)*

<sup>40</sup> Æ yoa paio dohatiro cami bariro Jesure piti bocaro, na tuhcuca caha su ò sehe ni siniha:

—Mūhu yūhure noariro wahachu yoa duacu yoaga —niha cami bariro.

<sup>41</sup> To Æ nichu tūhoro Jesu tirore pja ñaha. Æ jiro to wamomacare siōroca, tirore ña payoha. Æ ña payoro ò sehe niha:

—Tīre yoa duaja. Noariro jiga mūhu —ni yahuha Jesu.

<sup>42</sup> To Æ nichuta dohatiro to cami bari cjiri yati mūaa wahaha. Noariro wahaha tiro.

<sup>43</sup> To Æ wahachu ñano Jesu tirore tuaro mehne ò sehe ni yahuha:

<sup>44</sup> —Painare ahrire yahuecu tjiga. Æ yahuerapaihta mū pjacure sacerdotere ñoga. Cohamacu dutia Moise cjirore to cūriro seheta yoaga. Æ yoacu minichahcare waga sacerdotere noariro mū waharire mū ñohti cjihtire —niha Jesu. Æ ni tuhsu “Wahaga”, niha tirore.

<sup>45</sup> To Æ yahu dutierapachuta tiro waha, jipihtia macari macainare Jesu to yoirire yahuha. To Æ yahuri baharo Jesu masa payu ti jiropure waha masieraha. Æ jiro tiro mahainacã ti jiropu jia. Tópu to jichu payu macari macaina tiro cahapu sūha.

## 2

*Jesu pjacu buharirore ducuchu yoaha**(Mt 9.1-8; Lc 5.17-26)*

<sup>1</sup> Mahaa dachori baharo Jesu Capernaupu tjuaa wahaha. Wūhūi to jichu masa tūhoha.

<sup>2</sup> Æ jia tói masa payu cahmachu tí wūhure wahpata wijaa surucaha. Æ jiro Jesu tinare noaa buheare yahuha. <sup>3</sup> To Æ yahuro wato, pititiro mūa jipihtiri pjacu buharirore na wihiha. <sup>4</sup> Ti masa payu jichu ñua Jesu cahapu sãa masieraha. Æ jia tina wūhu buipū Jesu bui waroi mahanocã muji pahmare nawe, pjacu buharirore to coāri cahsaro mehne duhu boroha Jesu cahai. “Jesu ahrirore to dohatiare yūhdūchu yoarohca”, ni tūhotuha tina.

<sup>5</sup> Ti Æ ni tūhotuchū masino Jesu sehe dohatirore ò sehe ni yahuha:

—Macu, mū ñaa yoari buhiri tiare cohã tuhsūja —niha Jesu pjacu buharirore.

<sup>6</sup> To Æ nichu tūhoa sã coyea judio masare buheina tópure dujiina ti basi ò sehe ni tūhotumaha: <sup>7</sup> “Ahriro Æ ni durucuero tjijaro. Cohamacure ñano durucuro nina tiro. Tiro masuno mari yoaro seheta jiro jira tiro cūhu. Æ jiro to ñaa yoari buhiri tiare cohã masierara. Cohamacu dihta masa ti ñaa yoari buhiri tiare cohã masina”, ni tūhotumaha tina. <sup>8</sup> Ti Æ ni tūhotuchū ñano Jesu ti tūhotuare masino ò sehe niha:

—¿Dohse yoana mūsa Æ ni tūhotujari? <sup>9</sup> “Mū ñaa yoari buhiri tiare cohã tuhsūja”, yu nichu “Mahñoriro jira”, yūhure nina mūsa masierapanahta. “Wahcāruca, wahaga”, yu nichu to tinichu ñana yu niri potocã jia jichu dóihta masinahca mūsa. <sup>10</sup> Yūhu masuno Cohamacu warocariro ahri yahrapure masa ti ñaa yoari buhiri tiare cohã masija yūhu. Ahrire mūsa masihto sehe ò seheta to wahachu yoaihtja —niha Jesu judio masare buheinare.

Tinare ã ninota pjacu buharirore õ sehe niha:

<sup>11</sup> —Mũhũre niita nija. Wahcãrucaga. Mũ coãri cahsarore na wahcãga mũ ya wũhũru —niha Jesu tirore.

<sup>12</sup> To ã nichũta pjacu buhariro cjiro wahcãrucu sũ to coãri cahsarore na, jipihtina ti ñũrocaroi wijaa wahaha. To ã yoachũ ñũa tina jipihtina ñũ cũa wahaha. “Cohamacũ tuariro jira” ni, “Ne, mari õ sehe yoaaare ñũera tihĩ”, niha tina ti basi.

*Jesu Levĩre Mateo ti ni pisurĩrore “Yũhũ mehne macariro cjihto taga”*, niha  
(Mt 9.9-13; Lc 5.27-32)

<sup>13</sup> ã yoa pari turi Jesu bucupariro duhtũ caharu wahaha tjoa. Tõpu sũro masa payũ tiro cahai ti cahmachuchũ ñũno tiro buheha tinare. <sup>14</sup> ã yoa tuhsũ tõpu jiro wahamahno Levĩre Alfeo macũnore to dahrari tahtiarũ boca sũha. Paina mehne puhto ya cjihtire wapa na cohtaina jiha Levĩ cũhũ. Tirore boca sũro õ sehe niha:

—Yũhũ mehne macariro cjihto taga mũhũ —niha Jesu Levĩre.

To ã nichũta Levĩ sehe wahcã sũrucũ, Jesu mehne wahaa wahaha.

<sup>15</sup> ã yoa baharo Jesu sehe to buheina mehne Levĩ ya wũhũru chũro niha. Jesu mehne wahaina sehe payũ jiha. Cãina puhto ya cjihtire wapa na cohtaina, ã jichũ paina masa “Ñaa dihtare yoara”, ti niina mehne payũ mesa cahai duji, tina cũhũ tiro mehne cũnoi sũho chũa niha. <sup>16</sup> Tõpu ti dujiri baharo paina sã coyẽa judio masare buheina, fariseo masa ya curua macaina mehne Jesu to chũ dujichũ ñũha tina. ã ñũa õ sehe ni sinituha:

—¿Dohsearo ñano yoaina, puhto ya cjihtire wapa na cohtaina mehne chũjari Jesu? —ni sinituha judio masare buheina Jesu buheinare.

<sup>17</sup> Ti ã nichũ tuhorõ piti dahre buheha mehne õ sehe ni yũhtiha Jesu:

—Dohatieraina duhturure macaerara. Dohatiina dihta duhturure macana. Ñano yoaina dohatiina yoaro sehe jira. ã jicũ ñano yoainare yahui tai nihi yũhũ. Ti basi “Noaina jija sã”, ni tuhotuinare yahui tai nierahi yũhũ —niha tiro tinare.

*Chũ duhuare Jesure sinituha paina*  
(Mt 9.14-17; Lc 5.33-39)

<sup>18</sup> Tĩ pjare João buheina, fariseo curua macaina cũhũ Cohamacũre ño payõa taa, chũera tiha. ã jia masa Jesure õ sehe ni sinituha:

—João buheina, fariseo buheina cũhũ Cohamacũre ño payõa taa chũerara. ¿Dohse yoa mũ buheina sehe chũ duhuerajari? —niha tina Jesure.

<sup>19</sup> Jesu to tuhotua mehne quiti dahre buhero tinare õ sehe ni yũhtiha:

—Õ sehe jira tí: Wamomaca duhteriro bõse mũmũ to jichũ tiro mehne macaina cahyaro mehne jierara. Tuhsũ, chũeraina jierara. Tõ sehetã yũ buheina cũhũ yũhũ mehne jia, chũ duhu masierara. <sup>20</sup> Yũ Pũcu Cohamacũ yũhũre to naari baharo pinihtare yũ buheina mehne jisi yũhũ. ã jia tí pjarũta yũ buheina cũhũ chũ duhuahca —niha Jesu.

<sup>21</sup> Panõpu macaa buheha wahma buheha mehne ti buhe more duachũ ñũno õ sehe ni namõha Jesu tinare piti dahre buhero:

—Ne, wahma cahsaro suhtiro cahsaro mehne mũnõno suhtirore sere õno cahmaerara. Mari ã yoachũ wahma cahsaro mari cosari baharo mũnõno suhtirore waja cahmachu, pjibiarõ tuhnũchũ yoara. <sup>22</sup> ã yoa ne se co bisia core wahiquiro cahsaro wajuru mehne mũna wajuru mehne posaeraro cahmana. Mari ã yoachũ se co bisia pahmoarũ mũna wajurure tuhrõnocahna. To tuhnũchũ se co cũhũ, wajuru cũhũ cohõa wahara. ã yoa se co wahma core wahma wajurũposarõ cahmana. Mari ã yoachũ se co cohõera, wajuru cũhũ cohõerara. (Tõ sehetã wahma buheha mũna buheha mehne buhe moreraro cahmana) —ni buheha Jesu tinare.

*Sabado jichũ Jesu buheina trigo parõre pahaha*  
(Mt 12.1-8; Lc 6.1-5)

<sup>23</sup> Pa dacho Sabado jichũ Jesu cũhũ trigo wesepũ wahaha. To buheina sehe trigo parõre paha yũhdũ wahcãha. <sup>24</sup> Ti ã yoachũ ñũa õ sehe ni tuhtiha fariseo curua macaina Jesure:

—Tuhosiniga sãre. ¿Dohse yoa tina Sabado mari sori nũmũ to jipachũta dahrajari? Marine dutiare yũhdũrũcaa nina —niha tina Jesure.

<sup>25-26</sup> Ti ã nichũ tuhoro Jesu tinare yũhtiha. “Yũ buheina yũhdũrũcaa nierara”, nino taro õ sehe niha:

—Davi cjiro tiro mehne macaina mehne jũca baaro, Cohamacũ wũhũpũ sãa, Cohamacũ ya pãore chũha. ã chũro tiro mehne macaina cũhũre tí pãore waha. Tí pãore sacerdotia dihtare chũ dutira. Cohamacũ dutia ti joari tjuí painare tí pãore chũ dutierara. Tí pjare Abiata wama tiro sacerdotia pũhtoro jiha. ¿Davi cũhũ tíre ti yoari cjiro Cohamacũ yare ti joari tjuí buherari mũsa? (Tí pãore chũro Cohamacũre yũhdũrũcaro nieraha. Michare ahri yaparire chũa yũ buheina cũhũ Cohamacũre yũhdũrũcaa nierara) —niha Jesu tinare.

<sup>27</sup> ã ni tuhsũ õ sehe ni namoha:

—ã yoa Cohamacũ Sabado dachore ti sori nũmũ cũno masa ya dacho cjihto cũno nire dahra wahyarinare so dutiro. Tí dachore ño payohtina cjihtire cũno nierare masare Cohamacũ. <sup>28</sup> ã jicũ yũhũ masũno Cohamacũ warocariro ahri dacho Sabado dachore masa ti yoahire yahurirota jicũ pũhtorota jija —niha Jesu tinare.

### 3

*Wamomaca bũhariro qiti jira*

*(Mt 12.9-14; Lc 6.6-11)*

<sup>1</sup> ã yoa Jesu sã judio masa buheri wũhũpũ sũro sãaha tjoa. Tí wũhũ cũiro wamomaca bũhariro dujiha. <sup>2</sup> Sabado jichũ Jesu wamomaca bũharirore to noariro yoachũ ñũ duaha cãina tí wũhũ dujiina. To ã yoachũ ñũa tirore yahusã duamaha. “Mari sori nũmũ Jesu dahraro nina”, ni yahusã duamaha tina. ã jia Jesu to sãa tachũ ñũa, tirore yahusã duaina sehe tiro dihtare ñũroca õha. <sup>3</sup> Tirore ti ã ñũroca õpachũta Jesu sehe wamomaca bũharirore õ sehe niha:

—Wahcã sũrũcaga jipihtina ti ñũrocaroi —niha.

<sup>4</sup> ã ni tuhsũ tí wũhũ dujiinare õ sehe ni yahuha:

—¿Sabado jichũ noaare yoachũ noajerari? ¿O ñaare yoachũ sehere noajari, mũsa tuhũtuchũ? Sabado jichũ masũnore masochũ noa nina. Masũnore wajãchũ sehere noajerara —ni yahuha Jesu tinare.

To ã nipachũta tina yũhtieraha. <sup>5</sup> Ti ã yũhtierachũ ñũno Jesu tina mehne suaha. Ti tuhũ duaerachũ ñũno Jesu cahyaha.

—Mũ wamomacare siõrocaga —niha tiro wamomaca bũharirore.

To ã nichũ tuhoro tiro to wamomacare siõrocaha. To ã yoachũta noari wamomaca wahaha. <sup>6</sup> To ã noari wamomaca wahachũ ñũa, fariseo curua macaina wijaa wahaha. Wijaa, Herode mehne macaina mehne cahmachu, “¿Dohse yoa Jesure wajãnahcari mari?” niha tina ti basi.

*Masa payũ bũcũpariro dũhtũ cahapũ jiha*

<sup>7-8</sup> ã yoa pari turi Jesu to buheina mehne bũcũpariro cahapũ wahaha tjoa. Ti ã wahachũ ñũa Galilea macaina masa payũ to baharo sũha. ã jia Judea yahpa macaina, Jerusalẽ macaina, Idumea yahpa macaina, Jordão wama tiri ma sie coa macaina, Tiro wama tiri maca macaina, tó cahai jiina, Sidõ wama tiri maca macaina, tó cahai jiina mehne masa payũ jipihtina to yoarire tuhõa, tiro cahapũ sũha. <sup>9-10</sup> Tõpũ sũa, payũ masa jiha. Payũ dohatiinare noaina to yoachũ tuhõa, paina dohatiina cũhũ Jesure piha dua, tju bihsarũcũ sũha. Ti ã tju bihsarũcũ sũchũ ñũno, Jesu bũsocare cahnopohobasa dutiha to buheinare. <sup>11</sup> ã yoa paina watĩa ti cohtotarina sehe Jesure ñũa tiro cahai na tuhũca caha sũha.

—Mũhũ Cohamacũ macũno jira —ni sañurucuha tina tirore.

<sup>12</sup> Ti ã sañurucuchũ tuhoro tinare Cohamacũ macũno to jiare tuaro mehne ni dutieraha Jesu.

*Jesu to buheinare doce to warocahtinare bese dapoha*  
(Mt 10.1-4; Lc 6.12-16)

<sup>13</sup> ã yoa Jesu tãcyrũ mũja, to cahmainare pjirocaha. To pjirocachũ tũhoa, tiro cahapũ mũja sũha tina. <sup>14</sup> Ti mũja sũri baharo doce mũare tiro mehne macaina cjihtire, paye macaripũre to yare buhe duti to warocahtinare, bese dapoha Jesu. <sup>15</sup> ã yoaro dohatiinare ti yũhdohti cjihtire, watĩare ti cohã wiohti cjihti cũhũre cũha tinare. <sup>16-19</sup> Ahrinare doce mũare Jesu bese dapoha: Simo, Santiago Zebedeo macũno, João to bahũro, Andre, Felipe, Bartolomé, Mateo, Toma, Santiago Alfeo macũno, Tadeo, Simo cananista ya curua macariro cjiro, Juda Iscariote, tina jiha to bese daporina. Jesu Simore Pedro ni wama pisuha. Santiagore, João mehne Boanerges ni wama pisuha. Boanerges “Wũpo yoaro sehe jiina tuaro bisiina jira”, nino nina. Juda Iscariote Jesure ñũ tuhtiinare ñohtiro jiha. Tinare bese dapo tuhsũ, dujiaa, Jesu to buheina mehne wũhũpũ sãa wahaha.

*“Jesu watĩno tuaare cjuara”, ni yahusãha masa*  
(Mt 12.22-32; Lc 11.14-23; 12.10)

<sup>20</sup> ã yoa tói pari turi masa payũ cahmachua bihsa niha. Ti ã bihsachũ ñũno Jesu chũ masieraha. Tuhsũ, to buheina cũhũ chũ masieraha. <sup>21</sup> ã jia paina Jesu coyea tíre tũhoa, tiro cahapũ sũa, tirore ñahamaha.

—Tiro tũho masierariro waharo nina —nimaha tina.

<sup>22</sup> Paina õ sehe niha:

—Beelzebú tirore ã wahachũ yoaro nica. Tiro watĩare cohãno Beelzebú watĩa pũhtoro to tuaa mehne tinare cohãna —niha Jerusalẽpũ tarina sã judio masare buheina.

<sup>23</sup> Ti ã nichũ tũhoro Jesu sehe tinare pjiroca, to tũhotua quiti mehne piti dahre yahuha tinare:

<sup>24</sup> —Watĩno ya tuaa mehne watĩare cohãi nieraja. Watĩa ti basi cohã masierara. Cũ yahpa macaina ti basi cahma wajãa, tí yahpa macaina yaria pihtia wahaboa. <sup>25</sup> Cũ wũhũ macaina ti basi cahmachea tí wũhũ macaina waha pihtia wahaboa. <sup>26</sup> Tuhsũ, Satana watĩa pũhtoro sehe watĩare cohãno ti basita cahmachea niboa. ã jia tina waha pihtia wahaboa.

<sup>27</sup> Õ sehetã jira mari piti dahre buhechũ. Tuariro ya wũhũpũ paio sãa sũ yaca masierara. Tuariroro dũhteraro to ya wũhũpũ sãa sũ yaca masierara. Tuariroro to dũhteri baharo sãa sũ yaca masina —ni yahuha Jesu. (Õ sehe ni yahuha watĩnore to yũhdũrcarire yahuro. Watĩno tuariro to jipachũta Jesu tirore yũhdũrcara watĩare cohãno.)

<sup>28</sup> ã ni tuhsũ õ sehe ni yahu namoha Jesu:

—Potocã niita nija mũsare. Jipihtia ñaare masa ti yoachũ ti durucuchũ cũhũre Cohamacũ bo masina. <sup>29</sup> ã boparota Espĩritu Santore ti ñano durucuchũ tí pinine ne bosĩ. Ti ã niri buhiri ã buhiri tirucuina jahca —niha Jesu tinare.

<sup>30</sup> Jesu Espĩritu Santo to tuaa mehne watĩare to cohãpachũta “Tiro watĩno to tuaa mehne watĩare cohãno nina”, nimaha masa. Ti ã nichũ tũhoro tí quitire Espĩritu Santo quitire yahuha Jesu tinare.

*Jesu coyea tirore pjiha*  
(Mt 12.46-50; Lc 8.19-21)

<sup>31</sup> ã yoa Jesu bahana to pocoro mehne wihiha. ã wihia sopacapũ jia, painare pji dutiha tirore. <sup>32</sup> ã jia masa tiro cahapũ dujiina yahuha tirore:

—Mũ poco, mũ bahana mehne sopacapũ pjiã nina mũhũre —niha tina.

<sup>33</sup> Ti ã nichũ tũhoro õ sehe niha Jesu tinare buhero taro:

—¿Noa jijari yũ poco, yũ bahana cũhũ, mũsa ñũchũ? —niha tiro tinare buhero taro.

<sup>34</sup> ã nino to cahai dujiinare ñũno õ sehe niha:

—Ahrina jira yũ poco yũ bahana yoaro sehe jiina. Cohamacũ cahmaare yoara ahrina.

<sup>35</sup> Tó sehetã yoaina yũ bahũ, yũ bahũ, yũ poco yoaro sehetã jira —ni buheha Jesu tinare.

## 4

*Jesu wesere toari masuno* quitire buheha

(Mt 13.1-9; Lc 8.4-8)

<sup>1</sup> Ā yoa pari turi bucupariro duhtu cahapu Jesu masare buhe ducaha tjoa. Ā tópure buhe ducaro masa payu tiro cahapu ti cahmachuchu ñuno Jesu sehe dohoriapu samu wijaa, pahsaha. Ā jia masa sehe bucupariro duhtu cahai ducuha. <sup>2</sup> Ā jiro Jesu payu to tuhotua mehne quti dahre yahuha tinare buhero taro:

<sup>3</sup> —Ahri quitire tuhoga musa —niha tiro tinare.

—Toari masuno toaro, to toaa yaparire doca site cūno wahara. <sup>4</sup> To ā doca site cū wahcāchu paye yapari mahai bora caha sūha. Ā bora caha sware tí yaparire minichahca duji ta, chūnocaha. <sup>5</sup> Ā yoa paye yapari sehe taa wapa bui dihta se mininocā bui bora caha sūha. Tāa wapa buicā dihta mariea cureroi bora caha sū, dói dumaha. <sup>6</sup> Ā dói duri jipahta, nūhcori mariaa, sū to tuaro sichu, ñaia wahaha. <sup>7</sup> Paye yapari sehe tja watoi bora caha sūha. Tja sehe dia yūhdūa waha, toaa sehere wajānocaha. Ā jia tja watoi jiare dicha mariachu yoaha. <sup>8</sup> Paye yapari sehe noari yahpai bora caha sūha. Noano du, noano dicha tiha. Paye yucu treinta yapari, paye yucu sesenta yapari, paye yucu cien yapari dicha tiha. <sup>9</sup> Ahrire tuho duaina noano tuhoga musa —niha Jesu.

*Jesu quti mehne to buherire yahuha*

(Mt 13.10-17; Lc 8.9-10)

<sup>10</sup> Ā yoa ti sahsero jia doce to buheina, paina Jesu mehne jiina cūhu tí quitire masi duaa, Jesure sinitu ñūha. <sup>11</sup> Ti ā sinitu ñūri baharo Jesu ō sehe ni yahuha:

—Cohamacu masa bui puhtoro masare to noano sūho jiare, panopu paina ti masierari cjirire musare masichu yoara Cohamacu. Paina sehere ā yoerara tiro. Ā jicu tinare quti mehne dihta buheihitja. <sup>12</sup> Ā jia tina ñupahta ñueraina cjiri yoaro sehe tjuara. Ā jia tuhopahta tuho ñaha masisi. Tina tuho ñahaina jia, ti ñaa yoarire cahya, Cohamacure macaboa. Ti ā macachu ñuno, tiro sehe ti ñaa yoari buhirire bonocaboa. Ā jipachuta tina sehe ne tuho duaerara —niha Jesu.

*Jesu wesere toari masuno* quitire yahu pahñoha

(Mt 13.18-23; Lc 8.11-15)

<sup>13</sup> To ā niri baharo ō sehe ni yahu namoha tinare:

—¿Ahri quitire tuhoerasinijari musa? ¿Musa ahri quitire tuhoerana, dohse paye quitire tuhonahcari musa? —niha Jesu tinare.

Ā ni tuhsu tiro ō sehe ni yahuha tinare:

<sup>14</sup> —Toari masuno toaro, to doca site cūa yapari noaa buhea yoaro sehe jira. <sup>15</sup> Ā yoa mahai bora yapari noaa buhea yoaro sehe jira. Cāina noaa buheare ti tuhochu ñuno Satana sehe ta, tí buhea noaa buheare ti tuho ñahamarire bochu yoara tinare, minichahca tí yaparire ti churo seheta yoaro. <sup>16</sup> Ā yoa taa wapa bui dihta se mininocā bui bora yapari noaa buhea yoaro sehe jira. Ā jia paina noaa buheare tuho, wahchea mehne dóihita tíre tuho nūnu wahcāna. <sup>17</sup> Ā tuho nūnu wahcāpahta taa wapa buicā jia yucu nūhcori mariea yucu yoaro sehe ahri na masa cūhu yoari pja cūno pjaerara. Ā cūno pjaeraa, yu yare ti cahmari buhiri paina tinare ti ñano yoachū, ñano yūhdūa, yu yare duhunocahna. Paina tinare ti ñano yoachū tíre cūno pjaeraa, yu yare duhunocahna. <sup>18</sup> Ā yoa tja watoi bora yapari noaa buhea yoaro sehe jira. <sup>19</sup> Ā jia paina sehe noaa buheare tuhoa, ahri yahpa macaare wacū nūnu yūhdūara. Niñerure bujua cahma, paye baro cūhure payu cahma, tíre goa pja yūhdūara tina. Ti ā tuhutuchū tí sehe noaa buheare ducatarā. Ti ā ducatachu masa noaa sehere yoerara. Dicha maria yucu yoaro seheta jira. <sup>20</sup> Ā yoa noari yahpai bora yapari noaa buhea yoaro sehe jira. Ā jia paina sehe noaa buheare tuhoa tíre cahmana. Tíre masiina jia, Cohamacu to cahmano seheta noare yoara tina. Cāina mahanocā noare yoara treinta yapari dicha tiro seheta. Paina bui

curero noaare yoara sesenta yapari dicha tiro seheta. Paina pjíro noaare yoara cien yapari dicha tiro seheta —ni yahuha Jesu tinare.

*Jesu sihãria quitire buheha*

(Lc 8.16-18)

<sup>21</sup> ã ni tuhsu õ sehe ni yahu namoha Jesu:

—Ne, sihãriare ti sihãri baharo tiare dihi biato docapu cüerara. ã jia tiare coãri casario docapu cüerara. Muanopu duhu payora noano buhria dutia. <sup>22</sup> Jipihti ti masierari cjirire baharo masa masiahca. Sihãria to buhriachu mari ñu masino seheta panopure ti masierari cjirire masiahca masa. <sup>23</sup> Ahrire noano tuhoga musa. <sup>24</sup> Mahanocã masi duana mahanocã masinahca. Pjíro masi duana pjíro masinahca. ã jina musa tuhona noano tuho nunuga. <sup>25</sup> Noano tuho nunuriro noano masinohca. Tuho nunuerariro “Mahanocã tuhoja”, to nipachuta tí sehe butia waharohca —niha Jesu tinare.

*Jesu trigore toariro quitire buheha*

<sup>26</sup> ã ni tuhsu õ sehe ni yahu namoha:

—Cohamacu masa bui puhtoro to suho jia trigore toariro yoaro sehe jira. <sup>27</sup> Toa tuhsu bohrearo to toari duare ñuna tiro. “¿Dohse du wijaa ta bucujari tí?” ni ñu masierara toariro to basi. <sup>28</sup> Tí toari ti basi dicha tira. Pari püca ji muhtana. Baharo pari paro wijaa bucüara. <sup>29</sup> Tí parori bucua tuhsuchu ñuno pahara. Pahari pja jira. (To toaa ti bucuarire to masieraro seheta Cohamacu yaina masa ti wahachu cühure yahu pahño masierara masa) —ni buheha Jesu.

*Mostaza yapa quitire yahuha Jesu*

(Mt 13.31-32; Lc 13.18-19)

<sup>30</sup> ã ni tuhsu õ sehe ni buhe namoha Jesu piti dahre buhero:

—¿Ne Cohamacu masa bui puhtoro to suho jia yaba baro yoaro sehe jijari, musa tuhotuchu? ¿Di quiti mehne tíre yahunahcari? <sup>31</sup> Mostaza yapacã yoaro sehe jira puhtoro Cohamacu to suho jia. Tí yapacã to toachu mahabiari yapacã jira. <sup>32</sup> ã jiparota tí yapacã noano dura. ã jiro pjibiadu wahara. ã jia tu duperi bujua duperi bucüachu ñua minichahca peri tu duperipu suhti suhara. (Pjibiadu to wahariro seheta muanu macarirore mari puhtoro masiina mahainacã ti ji muhtapachuta baharopu tina payu wahaahca) —niha Jesu.

*Quiti mehne to buherire yahuha Jesu*

(Mt 13.34-35)

<sup>33</sup> ã ni tuhsu, tí quiti ti niriro seheta payu quitire tuho ti cüno pjaro puro noaa buheare buheha tinare. <sup>34</sup> Quiti marieno yahueraha tinare. Tuhsu, ti sahsero jiinare Jesu noano yahu pahñoa to buheinare.

*Jesu wihnonore yusu dutiha*

(Mt 8.23-27; Lc 8.22-25)

<sup>35</sup> ã yoa tí dachoreta nahi borachupu Jesu to buheinare õ sehe niha:

—Basa, sie coapu pahãjihna —niha tinare.

<sup>36</sup> To ã nichu tuhoa Jesu to jiriapu dohoriapu samu, masare yahrapu ducuinare tóihca cü, to buheina dihta Jesure na pahãa wahaha. ã yoa paye buso mehne paina cühü tinare piti ti pahãa wahaha. <sup>37</sup> Ti ã pahachu wihnono tuaro taha. ã taro dohoriare pahcöri tuaro cjã säaha. Mahanocã duhsamaha ti miniboro. <sup>38</sup> To ã waharo watoi Jesu sehe dohori oturopu suhti puti mehne to dapu ño tu tjiãhno carino niha. ã jia tina tirore wahcöha.

—Buheriro, mari mini yariana tana nija. ¿ã jica niera putiajari mahu? —niha tina tirore.

<sup>39</sup> Ti ã nichuta Jesu sehe wahcã, wihnonore:

—Tó purota wã duhuga —niha. ã ninota pahcöri cühure:

—Yusua wahaga —niha bucuparirore.

To ã nichuta wihnono yuhdua wahaha. ã jia pahcöri cühü yusu boraahaha.



<sup>40</sup>—¿Dohse ni cuimacanocana nijari mūsa? ¿Mūsa yūhure wacū tuaerasinijari? —niha Jesu.

<sup>41</sup>To ã yoachū ñua tina cua yūhdūa wahaha.

—Cue, ¿dohse jiri ro baro masūno jijari ahriro? Ahri wihnono, pahcōri cūhū to dutichū yūhdūrucaerara tirore —niha tina ti basi.

## 5

*Watīa ti cohtotarirore noariro wahachū* yoaha Jesu

(Mt 8.28-34; Lc 8.26-39)

<sup>1-2</sup> Æ yoa tina sie coarū Gerasa macaina ya yahparū pahā sūha. Pahā sū, Jesu sehe dohoriarū sāariro maja sūrucaha. To ã maja sūrucari baharocāta, watīa ti cohtotariro tāa copari, masa copari watoi jiri ro wija ta, tiro caharū taha. <sup>3</sup>Tiro watīa ti cohtotariro masa copari watoi jiri ro jia tiha. Tirore ne cūiro coma da pjiri da mehne ñaha dūhte cūno bihoeraha. <sup>4</sup>Payū tahari masa tirore dahpori wūpōa sorori mehne comaa dari mehne dūhtea timaha. To wamomacari cūhure dūhtea timaha. Wiho mejeta tiro sehe comaa darire nuha, dahpori wūpōa sorori cūhure nuha site mūjaha. Æ jia tiro tuariro to jichū ñua masa sehe tirore cjūaa bihoeraa tiha. <sup>5</sup>Ñamine, dachore tū yucūripū jia copari tāa copari watoi ã sañurucua tiha tiro. Æ yoa tāa mehne to basi to pjacūre cjāye mūjaa tiha tiro. <sup>6</sup> Æ yoa Jesu to maja sūrucachū yoaropū Jesure ñuroca, tiro caharū mūroca ta, na tuhcuca caha sūha, tirore ño payoro taro.

<sup>7-8</sup>—Watīa wijaahga tirore —niha Jesu.

To ã nichū tuhoro watīa ti cohtotariro ò sehe ni sañurucua:

—Jesu, Cohamacū Jipihtina Bui Jiri ro macūno, ¿yabare yoai tai nijari mūhū yūhure? Cohamacū to ñurocaroi sinija yūhū mūhure. Yūhure ñano yoai tjiga —ni sañurucua watīa ti cohtotariro Jesure.

<sup>9</sup>—¿Yabari ro wama tijari mūhū? —niha Jesu tirore.

—Sā payū jija. Æ jina “Payū watīa”, wama tija. <sup>10</sup>Ahri dihtapū jiiinare sāre pa yahparū waha dutiecu tjiga —ni payū tahari siniha watīa ti cohtotariro.

<sup>11</sup>Tí pjare ti cahacāi tūcu dahpotoi yesea nuina payū chūa niha. <sup>12</sup>Tóti ti chūrucuchū ñua ò sehe ni siniha watīa:

—Sina yesea caharū warocaga sāre ti pjacūripū sā sāahto sehe —ni siniha watīa tirore.

<sup>13</sup>Ti ã nichū tuhoro “Jai. Wahaga”, niha Jesu. To ã dutichū, watīa masūnopū jirina cjiri sehe wijaa, yesea pjacūripū sāaha. Tina yesea sehe payū waro jiha, dos mil. Æ yoa tinare ti sāari baharo, yesea jipihtina būcupariro dūhtū caharū pari cūnūpū mūroca buha, tí taropū bora ñoja, mini yaria pihtia wahaha.

<sup>14</sup>Ti ã mini yariachū ñua yeseare ñū wihboina sehe mūroca wahcā, pjiri macarū cūhure, daa macaricāpū cūhure tíre yahu sitea wahaha. Ti ã yahuchū tuhōa, masa sehe payū ti ã waharire ñua wahaha. <sup>15</sup> Æ jia Jesu caharū wihia, payū watīa ti cohtotariro cjiro to suhti tiri ro, tuhō masiri ro to dujichū ñua, cui niha. <sup>16</sup> Watīa ti cohtotariro cjirore, yesea cūhure ti ã waharire ñūina sehe paina masa ti cahai wihiinare noano yahu pahñōha. <sup>17</sup>Ti ã yahu pahñochū tuhōa, Jesure tuaro mehne pa seherū waha dutiha.

<sup>18</sup> Æ yoa dohoriarū Jesu to samuchū ñūno, “Mūhū mehne waha duaja” ni, tuaro sinimaha watīa ti cohtotariro cjiro sehe Jesure. <sup>19</sup>To ã nichūta Jesu tirore ò sehe ni yahuha:

—Yūhū mehne taecu tjiga. Mū ya wūhūpū mū coyea caharū yūhū mū puhtoro mūhure yū yoarire yahui wahaga. Mūhure yū pja ñūrire yahuga tinare —niha tirore.

<sup>20</sup>To ã nichū watīa ti sāanoriro cjiro sehe Decapoli wama tioropū jia macaripū Jesu tirore to yoari cjiri re yahu dūcaha. To ã ni yahuchū tuhōa jipihtina masa cuaa wahaha.

*Jairo maconore* yūhdūchū yoa, cahā ñūricoro cūhure yūhdūchū yoaha Jesu

(Mt 9.18-26; Lc 8.40-56)

<sup>21</sup> Æ yoa pari turi Jesu to majare pahã sũchũ masa payũ tiro cahapũ bucũpariro dũhtũ cahapũ cahmachuha. <sup>22</sup> Ti Æ cahmachuchũ sã judio masa buheri wũhũre ñũ wihboriro Jairo wama tiro wihũ, Jesure ñũ, to dahpori cahapũ na tuhcuca caha sũro, <sup>23</sup> õ sehe niha: —Yũ macocã yariaro nihre. Æ jicũ ticorore mũ wamomaca mehne ña payo, noaricoro yoai taga. Mũ Æ yoachũ ticoro masanohca —niha tiro Jesure.

<sup>24</sup> To Æ nichũ Jesu cũhũ sehe tiro mehne wahaha. Mahai to wahachũ payũ masa tirore nũnũ ti wahcã bihsaro sũrucũ sũha tirore. <sup>25</sup> To Æ bihsaro wahachũ numino doce cũhmari waro dachoripe cahã ñũrucuricoro tõi jiha. Tõi pano payũ duhturu ticorore ñano yũhdũchũ yoaha. <sup>26</sup> Æ yoa duhturuare jipihũtia to niñeru mehne wapamaha ticoro co tiro. Ti Æ yoapachũta ticoro mũnanota jirucuha. Æ jiro ticoro tõi pano to jiro yũhdoro ñano wahaha. <sup>27</sup> To Æ ñano yũhdũricoro to jichũ masia Jesu to yoirere tũhoa paina tíre yahuha ticorore. Æ ti yahuchũ tũhoru ticoro Jesu baharo masa payũ watoi wihũ, Jesu suhtirore ñaha ñũha. <sup>28</sup> “Yũhũ to suhtiro dihtare ñaha ñũco noaricoro wahacohca”, ni tũhotuha. <sup>29</sup> Æ jiro ticoro to ñaha ñũri baharo to cahã ñũare duhuro to pjacũre noari pjacũ tũhotuha. <sup>30</sup> Æ jiro Jesu to tuua mehne dohatiare to cohãire masino, masa watoi majare ñũha.

—¿Noa yũ suhtirore ñaha ñũri? —niha tiro.

<sup>31</sup> To Æ nichũ tũhoa to buheina õ sehe niha:

—Bihsa nina. Æ jia masa payũ mũhũre pihanocahna. “¿Noa yũhũre ñaha ñũri?” nicũ, ¿dohseacũ Æ nijari mũhũ? —niha tina sehe tirore.

<sup>32</sup> Æ jiro Jesu tirore ñaha ñũricorore macaha. <sup>33</sup> To Æ macano watoi ticoro sehe to pjacũ noano wahachũ tũhoturo cui, tetere na tuhcuca caha sũha to panoi tirore ño payoro. <sup>34</sup> Æ jiro ticoro poto yahu pahũoha tirore. To Æ ni yahuri baharo Jesu ticorore õ sehe ni yahuha:

—Maco, yũhũre mũ wacũ tuua mehne noaricoro tjuara mipũre. Wahchea mehne wahaga. Dohatia marienicoro jiga —niha Jesu ticorore.

<sup>35</sup> To Æ ni durucuro watoi judio masare buheri wũhũre ñũ wihboriro ya wũhũ macaina yahua wihaha:

—Mũ maco yariaa wahahre. Æ jicũ buherirore pji tai tjiga —niha tina.

<sup>36</sup> Ti Æ nipachũta Æ tũhotunocahno, Jesu ñũ wihborirore õ sehe ni yahuha:

—Cahya tũhotui tjiga. Yũhũre wacũ tuaga. Tí dihtare yoaga —niha ñũ wihborirore.

<sup>37</sup> Æ ni tuhsũ Santiago, to bahũro João, Pedro tina dihtare “Yũhũ mehne taga”, niha Jesu. <sup>38</sup> Æ pji wahcãno sã judio masa buheri wũhũre ñũ wihboriro ya wũhũre sũha tina. Tí wũhũre masa payũ ñano bisi, ñahacaha tiia ti sañurucuchũ ñũha Jesu.

<sup>39</sup> —Ñano ni, ñahacaha tiiena tjiga mũsa. Maharicorocã mũsa Æ ni tiichũ yariaerara. Carĩno nina —niha Jesu tinare.

<sup>40</sup> To Æ nichũ tũhoa “Æ nimacanocano nina ahriro”, ni bujũha tina sehe tirore. Ti Æ yoachũ tiro tinare sopacapũ wio pahũonocaha. Æ wio tuhsũro maharicorocã pũcũsumare, tiro mehne macaina cũhũre ticorocã cahapũ naaha Jesu.

<sup>41</sup> Æ naa tuhsũro Jesu ticorocãre to wamomacare ñaha:

—Talita cumi —niha tiro. (“Talita cumi” nino, “‘Maharicorocã wahcãga’, nija yũhũ”, nino nina.)

<sup>42</sup> To Æ nichũta ticorocã wahcãrucũ sũ, tiniha. Doce cũhmari cjuaricoro jiha ticoro. Ticorore to Æ yoachũ ñũha tina cũa yũhdũa wahaha. <sup>43</sup> Ti Æ yoachũ ñũno, Jesu tuaro mehne tíre to yoirere yahu site dutieraha. Æ yoa tuhsũ ticorore chũa wa dutiha.

## 6

*Nazare macaina Jesure cahmaeraha*  
(Mt 13.53-58; Lc 4.16-30)

<sup>1</sup> Æ yoa tũpũ jiro waha, Jesu to buheina mehne to ya dihtapũ tju sũha. <sup>2</sup> Æ tju sũro Sabado jichũ sã judio masa buheri wũhũre buhe dũcaha Jesu. To Æ buhechũ masa payũ tirore tũhoa, cũaa wahaha.

—Cue, ¿ahriro nohopu tũhoari ahri buheare? ¿Dohsearo noano masi pahñonocajari ahriro? Cohamacu tuua mehne yoa ñona tiro to basi. <sup>3</sup> Ahriro taboa dahrari masũno María macũno, Santiago, José, Juda, Simo ti wahmino jimanaro. Ñ yoa to bahana numia mari ya macai jisanimanabu. Ñ jiro tiro mari yoaro sehe jiro tjira —niha tina Jesure tũhमारिना.

Ñ jia Jesure ñu tuhtia, tirore cahmaeraha. <sup>4</sup> Ti ñ cahmaerachu ñũno õ sehe niha Jesu:

—Cohamacu yare yahu mũhtarire paina ño payora. Ti ñ ño payopachuta to ya maca macaina, to coyera, to ya wũhũi jiina ño payoerara tirore. Ñ jina yũhũre ño payoerara mũsa õi yũ bũcũariro jichũ —niha Jesu tinare.

<sup>5</sup> Ñ jiro tí macai jiro Jesu Cohamacu tuua mehne yoa ño masieraha. Ñ yoeraparota cãina dohatiina bui to wamomacare duhu payo, noaina wahachu yoaha tiro. <sup>6</sup> Ñ jiro tó macaina Jesure ti quihõno tũhoerachu ñũno cũaa wahaha tiro. Ñ jiro Jesu tó cahai jia macaripu buhero wahaha.

*Jesu doce buheinare buhe dutiro warocaha*

*(Mt 10.5-15; Lc 9.1-6)*

<sup>7</sup> Ñ yoa Jesu doce to buheinare pjiroca, pũaro dihta warocaha tinare macaripure buhe dutiro. Ñ jiro to tuaare waha tinare watĩare ti cohã wiohto sehe. <sup>8</sup> Ñ warocaro pãore, wajure, niñerure tiro naa dutieraha tinare. Ti tjuayucu dihtare naa dutiha. <sup>9</sup> Ñ ni tuhsũ, dahpori tũ cũa cahsarire sãa dutiha tinare. Cãnota suhtirore sãa dutiha tinare. Pũaro sãa dutieraha. <sup>10</sup> Ñ jiro õ sehe ni yahuha tinare:

—Jipiltia macaripu mũsare ti carĩno wachu tí wũhũihta tjuasiniga. Coã wahanapu wijaahga tí wũhũre. <sup>11</sup> Ñ jina pa maca macaina mũsare ti cahmaerachu, ti tũho duaerachu tí macare yũhũana dahpori macaa dihta pohcari mene wajã site cũga mũsa tinare ti ya buhirire masichũ yoana —ni yahuha Jesu tinare.

<sup>12</sup> Ñ jia tina doce buheina masare ti ñaa tũhotumari cjirire tũhotu cohtota duti, Cohamacure maca duti, buhea wahaha. <sup>13</sup> Ñ wahaa payu watĩare cohã wio, dohatiinare se mehne wisõa, noaina wahachu yoaha.

*João masare bautisarire paina wajãha*

*(Mt 14.1-12; Lc 9.7-9)*

<sup>14</sup> Ñ yoa Jesure masa payu masiha. Ñ jiro to yoarire pũhoro Herode tũhorocaha. Ñ tũhorocarõ õ sehe ni tũhotumaha tiro paina mehne:

—João masare bautisariro yariariro cjiro pari turi bajuaro nica. Ñ bajuariro jiro to tuua mehne tíre yoaro nica —ni durucumaha Herode paina mehne. (“Jesu Joãota jira”, ni tũhotumaha.) <sup>15</sup> Paina sehe õ sehe ni tũhotumaha:

—Elia jira —ni tũhotumaha.

Paina sehe:

—Cohamacu yare yahu mũhtariro panopu macaina cjiri yoaro sehe jira tiro —ni tũhotumaha Jesure.

<sup>16</sup> Ti ñ ni tũhotupachuta Herode sehe Jesu to yoarire tũhoro õ sehe ni tũhotumaha:

—João dapure yũ cjã ta dutiriro cjiro bajuaro nica —ni tũhotumaha.

<sup>17-18</sup> Joãore ti wajãhto pano Herode tirore ñaha duti, peresu yoa dutiha. Tó pano Herode to bahũro Felipe namonore Herodiare namo tiha.

—Mũ bahũ namonore namo ticũ Cohamacu dutiare yũhũrucai nica mũhũ —ni yahumaha João Herodere.

To ñ niri buhiri to namono Herodia Joãore peresu ti yoachu cahmaha. <sup>19</sup> Ñ jiro ticoro sehe Joãore ñu tuhtiro, tirore wajã duti duamaha. Ñ yoa duaparota ticoro tirore wajã duti masieraha. <sup>20</sup> Herode Joãore cuiro, “João noaare yoariro, ñaa buhiri marieriro jira”, ni tũhotuha. Ñ jiro Herodere cariboro yoaha João sehe tirore yahuro. Ñ to caribopachuta tiro wahchea mehne tũhomaha Joãore. <sup>21</sup> To ñ wahchea mehne tũhopachuta Herodia tirore to wajã dutihti dacho mũ sũha. Tí pjare Herode to masa bajuari dacho jichũ tiro bose nũmũ dahreha. Ñ jia to gobierno macaina, to surara pũhtoa, Galilea macaina pũhtoa

cũhũ to ya bose nũmũre ñũa wihia. <sup>22</sup> Ti ã wihiri baharo Herodia macono bose nũmũ ñũno wihiro ti ñũrocaroi basa ñoha. To ã basa ñochũ ñũa Herode to pjirocaina mehne wahcheha. ã jiro õ sehe niha Herode ticorore:

—Mũ cahmaare siniga yũhũre. ã jicũ waihtja mũhũre mũ cahmaare. <sup>23</sup> Cohamacũ mehne potocã nii nija mũhũre. Mũ sinino puro yũ yare dacho macai waihtja mũhũre —niha tiro ticorore.

<sup>24</sup> To ã nichũ tũhoro ticoro Herodia macono sehe to pocoro cahapũ waha, õ sehe ni sinituha:

—¿Yabare sinicohcari yũhũ? —ni sinituha ticoro to pocorore.

—João masare bautisariro dapure siniga —niha to pocoro.

<sup>25</sup> To ã nichũta ticoro Herodia macono ño duaro mehne pũhtoro Herode cahapũ waha, siniha:

—João masare bautisariro dapure waparo mehne waga yũhũre —niha ticoro.

<sup>26</sup> To ã nichũ tũhoro pũhtoro Herode sehe tuaro cahyaha. Masa ti ñũrocaroi “Waihtja mũhũre”, ni tuhsũha tiro. ã jiro buo tiro “Mũhũre waeraja”, ni masieraha ticorore. <sup>27</sup> ã jiro dóihta surarare peresupũ jiinare cohtaritore João dapure cjã ta, na ta dutiha. <sup>28</sup> To ã dutichũ tũhoro surara sehe waha, to dapure cjã ta, waparo mehne na taha. Na ta tuhsũ, nuhminore Herodia maconore waha. To ã wachũ ticoro to dapure ñaha, to pocorore yũhdoha.

<sup>29</sup> ã jia João buheina sehe tíre tũhoa tópurẽ waha, to pjacũ cjirore na wahcã, tãcapũ ti sahari copapũ na sãa duhu payoha.

*Jesu cinco mil bui masare chũa waha*  
(Mt 14.13-21; Lc 9.10-17; Jn 6.1-14)

<sup>30</sup> ã yoa Jesu to warocarina to cahapũ tju sua, ti yoirire ti buherire yahuha tirore. <sup>31</sup> Tí pjare masa payũ ã majarerucua, tinare chũro waeraha. ã jiro õ sehe niha Jesu tinare:

—Masa marienopũ mari sahsero sosinina wahajihna —niha tinare.

<sup>32</sup> ã jia tina ti sahsero dohoria mehne masa marienopũ wahaha. <sup>33</sup> Ti ã wahachũ ñũa masa payũ tinare masiha. ã masia payũ macari macaina mahapũ waha, Jesu to sũhtopũ tina masa sehe mũroca wahcã sũ mũhtaha. <sup>34</sup> Ti ã sũchũ Jesu wahã sũ, bũsocapũ sãariro majano, tiro masa payũ jiinare ñũha. Oveja pũa marieina yoaro sehe jiha tina masa, to ñũchũ. ã jiro Jesu tinare pja ñũno, payũ noaare buhea tiha tinare. <sup>35</sup> Ñamichahapũ doce buheina Jesu cahapũ sũ õ sehe niha:

—Õ masa marienopũ jira. Ñamichahapũ jira. <sup>36</sup> Õ cahacã jia macaripũ daa macaricãpũ, bũjũa macaripũ ti chũhtire nuchũ dutiga masare ti puhi tihti cjihtire —niha tina Jesure.

<sup>37</sup> —Chũare waga tinare —nimaha Jesu to buheinare.

To ã nichũ õ sehe ni yũhtiha:

—¿Dos cientos dachori dahrari wapa niñeru mehne ti chũhti pãore nuchũbocari sã? —niha tina Jesure.

<sup>38</sup> —¿Nohope curiri pão curiri jijari? Ñũna wahaga —niha tiro.

To ã nichũ tina sehe chũare boca õ sehe niha:

—Cũ wamomaca pihtia curiri pão curiri, pũaro wahi jira —niha tina.

<sup>39</sup> Ti ã nichũ tũhoro Jesu sehe pja curuari tja bui duji dutiha masare. <sup>40</sup> To ã duji dutiri baharo tina pja curuari dujiha. Cãa curuari cincuenta masa jiha. Paye curuari sehe cien masa jiha. <sup>41</sup> Ti ã duji tuhsũchũ ñũno Jesu sehe cũ wamomaca pihtia curiri pão curirire, pũaro wahi mehne na, mũanopũ ñũha. ã ñũno Cohamacũre “Noana”, niha. To ã niri baharo pão curirire nuha, to buheinare masare witi dutiro waha. ã yoa tuhsũ, pũaro wahire witi dutiha jipihtinare. <sup>42</sup> ã jia jipihtina chũ, yapi yũhdũa wahaha. <sup>43</sup> Ti yapi wahyorire doce pũhũse waro pãore, wahi cũhũre na cahmachu wahpo dapoha tina. <sup>44</sup> ã yoa pãore chũina mũa dihtare ti quihõchũ cinco mil mũa jiha. (Numia cũhũ, macanacã cũhũ tói chũina jiha.)

*Jesu co bui ducu wahcãha*  
(Mt 14.22-27; Jn 6.16-21)

<sup>45</sup> Tí pjata Jesu to buheinare dohoriapũ samu duti, sie coapũ Betsaidapũ to pano pahãyu dutiha. ã jiro ti pahãri baharo Jesu sehe masare coha sitiha. <sup>46</sup> Coha siti tuhsũ tũcupũ Cohamacũre sinino wahaha. <sup>47</sup> Baharo ñamipũ dohoriai bucũpariro dacho macai ti pahãrucuchũ Jesu cãirota ti pahã tariropũ jiha. <sup>48</sup> Tópũ jiro, tina ñano yũhdu ti wajachũ ti panoi wihnono tachũ ñũrocaha tiro. ã jiro bohrea mũja tahto pano tina cahapũ waharo co bui ducu wahcãha. Tinare tiro yũhdu wahcã duamaha. <sup>49</sup> To yũhdu wahcã duapachũta tirore co bui to tachũ ñũa, “Yariariro cjiro jiboca”, ni tũhotumaha tina. ã ni tũhotua tina sañurucuha. <sup>50</sup> Jipihina tirore ñũa, ñũ cũa waha, sañurucuha. Ti ã ñũ cũachũ ñũno Jesu tinare õ sehe ni yahuha:

—Ne, yũhũre cuiena tjiga. Yũhũta jija —niha tinare.

<sup>51</sup> ã ni tuhsũ tiro tina mehne dohoriapũ samua wahaha. To samuri baharocãta wihnono yũhdũa wahaha. To ã wahachũ tina sehe cũa yũhdũa wahaha. <sup>52</sup> To pão payũ yoarire wacũeraha tina. Tua yũhdũariro to jiare noano tũho ñahaeraha.

*Jesu Genesare macainare, dohatiinare noaina wahachũ yoaha*  
(Mt 14.34-36)

<sup>53</sup> ã yoa tina pahã sũ, Genesare dihtapũ wahã sũ, tia dohoriare dũhte poho, dũhtu cahapũ pahsaha. <sup>54</sup> ã yoa tina dohoriapũ jiina ti majachũta masa sehe Jesure ñũ masiha. <sup>55</sup> ã ñũ masia jipihitiro ti ya yahpapũ mũroca maja, dohatiinare ti coãa cahsari mehne yo wahcã, sũha Jesu cahapũ. “Jesu tópũ jihre”, masa ti nichũ tũhoa to cahapũ sũha tina. <sup>56</sup> ã jia jipihitia macari to sũa macaripũ, bujũa macaripũ, daa macaricãpũ, pache duaina cahapũ, masa dohatiinare ti cũnopũ Jesure to suhtiro dũhtũ cahare ñaha ñũ dua tuaro siniha tina:

—Mũ suhtiro dũhtũ caha dihtare sãre ñaha ñũ dutiga —ni siniha.

ã jia to suhtirore ñaha ñũinape tópeinata noaina wahaa tiha.

## 7

*Masa ñaina wahachũ yoaae yahuha Jesu*  
(Mt 15.1-20)

<sup>1</sup> ã yoa Jerusalẽpũ tarina sã coyera judio masare buheina, fariseo curua macaina cũhũ Jesu cahapũ cahmachuha. <sup>2-4</sup> Fariseo curua macaina jipihitina paina judio masa cũhũ ti ñũchũsuma cjiropũ ti yoa dutiriro seheta wamo cosaro marieno chũera tiha. ã jia pache duaina cahapũ waha, sũ, majare tju wihina cũhũ ti yoa dutiriro seheta wamo cosaro marieno chũera tiha. Payũ paye dutia cũhũre ti ñũchũsuma cjiropũ ti yoa dutiare yoaa tiha. Tasa waparire cosaa, dihi biatorire cosaa, comaa biatorire cosaa, yoaa tiha tina judio masa, “Cohamacũ ã cahmana”, nia. ã jia sã coyera judio masare buheina, fariseo curua macaina cũhũ Jesu cahapũ cahmachua, Jesu buheina wamo cosaro marieno ti chũchũ ñũha. <sup>5</sup> ã ñũ tuhsũa Jesure õ sehe ni sinituha:

—Mũ buheina chũa, mari ñũchũsuma cjiro ti yoa dutiriro cjiro seheta ti wamomacarine wamo cosaerara. ¿Dohse yoa mari dutiare yoajerari? —niha tina Jesure.

<sup>6</sup> Ti ã nichũ tũhoro Jesu õ sehe ni yahuha tinare:

—Masa ti baharo buhũsehei ñano yoa cohtaina jira mũsa. Panopũre Cohamacũ yare yahu mũhtariro cjiro Isaia potocãta yahuro niri jira mũsa yoaro sehe tũhoerainare. Õ sehe ni yahu, joaa tiha tiro:

“Ahrina masa yũhũre noano durucupahta ti tũhotuapũ yũhũre ne ño payoerara.

<sup>7</sup> ã jia yũhũre ti ño payoa yaba cjihti jierara. ‘Cohamacũ ya dutia jira ahri’, ni mahũo buhera ti ya buhea sehere”,

ni joaha Isaia cjiro. <sup>8</sup> Tí potocã tjira. Cohamacũ ya dutia sehere duhu, masa ti yoa dutia sehere cohtota yoa yũhdũrucũ sũa tira mũsa. <sup>9</sup> Cohamacũ ya dutiare cohãna, mũsa coyera ya dutia sehere yoara mũsa. <sup>10</sup> Õ sehe yoana Cohamacũ ya sehere yũhdũrucũcana nina

musa: Panopure ò sehe niha Cohamacu Moise cjiro to joariro seheta: “Musa pucusumare ño payoga. Cãiro to pucusumare ñano quitu dahreriro jiro tí buhiri ti wajãhtiro cjihto jirohca”, niha Cohamacu Moise cjirore to cãri dutiai. <sup>11</sup> To ã nipachuta ò sehe yoa dutira musa ti pucusumare yoadoho dutierana: Ti pucusumare ti waborire Cohamacu sehere wa dutira musa. Æ ni buhemana musa. <sup>12</sup> Æ buhena ti pucusumare ño payochu yoerara musa tinare. <sup>13</sup> Æ yoana Cohamacu dutiare yãhdurucana nina musa mari ñuchsuma cjiri ya dutia sehere yoana. Painare musa buhea dihtare tuho dutira musa. Payu tó sehe jiare yoara musa —niha Jesu tinare.

<sup>14</sup> Æ ni tuhsuro paina cãhure pjirocaha tiro. Ò sehe niha tinare:

—Musa jipiltina yãhure tuhona taga. Tuhsu yu niare noano tuho ñahaga musa.

<sup>15</sup> Musa duserire sãa sehe musa chua sehe musare buhiri tichu yoerara. Ñaare musa tuhota sehe musare ñaina jichu yoara. <sup>16</sup> [Yãhure noano tuhoga musa] —niha Jesu.

<sup>17</sup> Tinare ã ni yahu tuhsu Jesu masa cahapu jiro waha, wãhuru sãa wahaha. Æ to sãa suchu ñua to buheina sehe to buherire sinitu ñua. Ti ã sinitu ñuchu tuhoro ò sehe niha tiro:

<sup>18</sup> —¿Musa cãhu ne tuho ñahaerasinijari tíre? Musa duserire sãa sehe musa chua sehe musare ñaina jichu yoerara, Cohamacu to ñuchu. <sup>19</sup> Tí musa tuhotaure sãerara. Musa pjaropu sãa su, yãhdu wijaa wahara —niha Jesu.

Æ nino “Jipiltia chua noaa jira”, nino niha. <sup>20</sup> Æ yoa ò sehe ni namoha tjoa:

—Musa ñaa durucua sehe musa duseri wijaa sehe musare ñaina jichu yoara, Cohamacu to ñuchu. <sup>21-22</sup> Ñano tuhota, numia mehne ñano yoarucua, yaca, masare wajã, namo tiroropu jiparota pacorore manu tiricorore wãana tia, paio yare tuaro cjoa, ñano yoaa, mahãoa, buo tiro marieno ñaa yoaa, paina ti cãaare ñu yabia, ñano quitu dahrea, “Painare yãhdurucaja”, ni tuhota, tuho masieraina jia, tí jipiltia musare musa tuhotaure tara. <sup>23</sup> Jipiltia ahri ñaa musa tuhotaure taa, musare ñaina jichu yoara, Cohamacu to ñuchu —niha Jesu.

#### *Judio masono jieraricoro Jesure wacã tuaha*

(Mt 15.21-28)

<sup>24</sup> Æ ni tuhsuro Tiro wama tiri maca cahapu, Sidõ wama tiri maca cahapu sãro tó macari wãhuru sãa wahaha. Æ sãahno painare to jiri wãhure yahu dutieraha. Æ yahu dutieraparota tinare tiro duhti masieraha. <sup>25</sup> Tí pjareta numino to macono watino to cohtotaricoro to cahai jiha. Æ jia Jesu yoarire ñua paina to pocorore yahuha. Ti ã yahuri baharo to pocoro sehe waha, Jesu dahpori cahapu na tuhcuca caha sãha tirore ño payoro. <sup>26</sup> Ticoro Sirofenicia wama tiri yahpa macaricoro jiha.

—Watĩnore cohã wiosiniga yu macore —ni siniha ticoro Jesure.

<sup>27</sup> To ã sinichu tuhoro ò sehe niha Jesu:

—Wahmanore wãhu puro pohna ya chãre dieyacãre yu wa mũhtachu tó wahaerara. Israe masa yare pa yahpa macainare yu wa mũhtachu tó wahaerara —niha Jesu ticorore piti dahre yahuro.

<sup>28</sup> —Æ tjira puhoro. Æ jipachuta dieyacã cãhu mesa docai ti pohna ti chu site boroare chu cohtara tinacã cãhu. (Pa yahpa macaricoro yu jipachuta yãhu cãhure yoadoho masina mũhu) —ni yãhtia ticoro.

<sup>29</sup> —Mu ã ni yãhtichu mu macore watino wijaa tuhsãhre. Ñuco wahaga —niha Jesu ticorore.

<sup>30</sup> To ã nichu tuhoro majare tjuaa, to wãhuru tju sãro, to maconore watino marieniorore camapu jiricorore ñua.

#### *Cahmono tuhoerariorore, durucu masierariorore noariro wahachu yoaha Jesu*

<sup>31</sup> Tí pjare Jesu Tiro wama tiri maca cahapu jiro waha, Sidõ wama tiri macare su yãhdu wahcã, Decapoli wama tiropu jia macarine su yãhdu wahcã, Galilea wama tiri bucparioropu sãha juna. <sup>32</sup> Æ jia cahmono tuhoerariorore, noano durucu masierariorore Jesu cahapu na wihia paina.

—M̄u wamomaca mehne ña payoga tirore —ni siniha tina tirore.

<sup>33</sup> Ti ã nich̄ta Jesu sehe t̄hoerarirore na wahcã, masa marienop̄u s̄ho s̄ha. Ti sahsero jiha. Tuhs̄u, Jesu to wamo picari mehne t̄hoerariro cahmo coparire be s̄ha. ã yoa tuhs̄u, chahcho puti, to ñahmanore ña payoha.

<sup>34</sup> ã yoa tuhs̄u m̄uanop̄u ñ̄u m̄uo, yajeri na, õ sehe niha:

—Efata —niha Jesu. (“Efata” nino, “P̄jõohga”, nino nina. ã nino tirore t̄ho dutiro niha. ã nino noano durucu dutiro niha.)

<sup>35</sup> To ã nich̄ta tiro sehe t̄ho boca, to ñahmano bidaro wahach̄u t̄hoturo noano durucuha. <sup>36</sup> ã jiro Jesu tinare t̄re painare yahu site dutieraha. To ã yahu site dutierach̄u t̄hopahta tina sehe painare yahu site namoha. <sup>37</sup> ã jia masa t̄ho c̄ua ȳhd̄ua waha, õ sehe niha:

—Jipiltiare tiro noano yoara. T̄hoerainare noano t̄hoch̄u yoara. Durucu masieraina c̄h̄ure noano durucuch̄u yoara Jesu —niha masa.

## 8

*Cuatro mil bui masare ch̄uare waha Jesu*

(Mt 15.32-39)

<sup>1</sup> Tí pjare pari turi masa payu ti cahmachuri baharo ch̄ua maeraina ti jich̄u ñ̄no Jesu to buheinare pjirocaha:

<sup>2</sup> —Ahrina masa tia dacho waro ȳh̄u mehne ji tuhs̄ura. ã yoa tinare puh̄i mariahna. Ti puh̄i maerach̄u ñ̄uc̄u tinare p̄ja ñ̄ja ȳh̄u. <sup>3</sup> Paina tina mehne macaina yoarop̄u tahre. “Tinap̄u j̄uca baaina mahai borari”, nic̄u tinare ch̄ua marieno ti w̄h̄usep̄u waha duti duaeraja. ã jic̄u tinare puh̄i wa duaja —niha Jesu to buheinare.

<sup>4</sup> —¿Dohse yoa mari õre masa marienop̄ure p̄õre boca wabocari mari? —niha to buheina sehe Jesure.

<sup>5</sup> —¿Nohope curiri p̄õ curirire c̄j̄ajari m̄usa? —ni sinituha Jesu.

—Siete curiri jira —niha tina.

<sup>6</sup> Ti ã ni ȳhtich̄u t̄horo, tiro masare yahpai duji duti, siete curirire p̄õ curirire na, Cohamac̄ure “Noana”, niha. ã ni tuhs̄u, tí curirire nuha, to buheinare wa, masare witi dutiha. To ã dutiri baharo to buheina sehe p̄õre masare witiha. <sup>7</sup> ã jia wahi c̄h̄ure mahainacã c̄j̄aha tina. ã jiro tinare Cohamac̄ure “Noana” ni, wahi c̄h̄ure witi dutiha. <sup>8</sup> Ti witi tuhs̄uch̄u tina ch̄ua, yapi ȳhd̄ua wahaha. Ti yapi wahyorire siete p̄h̄use waro wahpo dapoha tina. Tina cuatro mil bui masa jiha. <sup>9-10</sup> ã yoa tuhs̄u Jesu masare coha sitiha. Coha siti tuhs̄u to buheina mehne dohoriap̄u samuha. Samu tuhs̄u Dalmanuta wama tiro cahap̄u wahaha.

*Fariseo curua macaina Jesure Cohamac̄u tuaa mehne yoa ño dutiha*

(Mt 16.1-4; Lc 12.54-56)

<sup>11</sup> ã yoa fariseo curua macaina wihi, Jesu mehne cahma sayoha. Tina Jesure Cohamac̄u tuaa mehne yoa ño dutia, to yoa ño masierach̄u ñ̄u duamaha. <sup>12</sup> Ti ã dutich̄u t̄horo Jesu cahyaro mehne yajeri s̄ãno, õ sehe niha:

—¿M̄usa mip̄u macaina dohse yoana m̄usa Cohamac̄u tuaa mehne yoa ñoare ñ̄u duajari? Potocã niita nija m̄sare. Mip̄u macainare m̄sare Cohamac̄u tuaa mehne ne yoa ñosi ȳh̄u —niha Jesu.

<sup>13</sup> ã ni tuhs̄u waha, pari turi dohoriap̄u samu, sie coap̄u pahãa wahaha.

*Fariseo curua macaina, Herode mehne macaina c̄h̄ure ñaare ti buheare yahuha Jesu*

(Mt 16.5-12)

<sup>14</sup> ã wahaa, p̄õre boa waha, dohoriai c̄u curita p̄õre c̄j̄aha tina. <sup>15</sup> ã yoa Jesu cuaro mehne yahuha tinare:

—Noano yoanohb̄u. Fariseo curua macaina, Herode mehne macaina c̄h̄u ti p̄õ b̄uc̄arore ñ̄na noano yoaga. Cua nina tí —ni yahuha.

<sup>16</sup> To ã nich̄u t̄hoa tina to buheina sehe t̄re ti basi õ sehe ni durucuha:

—Mari pãore mari na taerachũ ñũno ã nino nica ahriro —nimaha tina ti basi.

<sup>17</sup> Ti ã nirire masino tinare õ sehe ni sinituha Jesu:

—¿Dohse yoana mũa pão borire wacũjari mũa? ¿Mũa masierasinihari? ¿Tũho ñahaerasinihari? ¿Tũho duaerajari mũa? <sup>18</sup> ¿Capari tiina jipanahta ñuerajari mũa? ¿Ã jina cahmori tiina jipanahta tuhoerajari mũa? ¿Mũa ahrire wacũerajari? <sup>19</sup> ¿Yũhũ cũ wamomaca piltia pão curirire nuha, cinco mil bui masare yũ warire wacũerajari mũa? ¿Ti yapi wahyorire nohope pũhũsere pão curirire wahpo dapori mũa? —niha Jesu tinare.

—Doce pũhũse —ni yũhtiha tina tirore.

<sup>20</sup> —¿Ã yoa yũhũ siete curirire pão curirire cuatro mil bui masare yũ wari baharo nohope pũhũsere pão curiri wahpo dapori mũa? —niha Jesu.

—Siete pũhũse —ni yũhtiha tina tirore.

<sup>21</sup> —¿Ã ñũpanahta noano tuho ñahaerasinihari mũa? —niha Jesu tinare.

*Jesu capari ñuerarirore ñũchũ yoaha*

<sup>22</sup> ã yoa tina Betsaidapũ ti sũchũ ñũa, masa sehe capari ñuerarirore na wihiha.

—Tirore ña payoga —ni, tuaro siniha tina Jesure.

<sup>23</sup> Ti ã sinichũ tuhoro, Jesu capari ñuerarirore wamomacare ñaha, tí maca dũhtũ cahapũ tirore tuã wahcãha. Tórpũ na sũ, to caparire chahcho puti, to wamomacari mehne tirore ña payoha.

—¿Mũ ñũchũ bajujari? —ni sinituha Jesu.

<sup>24</sup> To ã nichũ tiro sehe ñũno, õ sehe niha:

—Mũare ñũja. Yũ ã ñũpachũta tina yucũ yoaro sehe bajura —niha capari ñuerarirore cjiro.

<sup>25</sup> To ã nichũ tuhoro Jesu sehe to wamomacari mehne to caparire ña payoha tjoa. To ã ña payori baharo capari ñuerarirore cjiro tuaro to ñũchũ to capari noano bajuha. ã yoaro jipihtiare noano ñũha tiro. <sup>26</sup> To ã ñũ masichũ ñũno, Jesu tirore to wũhũpũ warocaha.

—Macapũ pinihtare wahai tjiga —niha Jesu tirore.

*“Jesu potocã Cristo, Cohamacũ to warocariro jira”, ni yahuha Pedro*

*(Mt 16.13-20; Lc 9.18-21)*

<sup>27</sup> ã yoa Jesu to buheina mehne Cesarea Filipino wama tiri maca cahai jia macaripũ waha namoha. Tórpũ ti waharo wato, Jesu õ sehe ni sinitu ñũha to buheinare:

—¿Diro baro jicari yũhũ masa yũhũre ti tuhotuchũ? —ni sinitu ñũha tiro tinare.

<sup>28</sup> To ã sinitu ñũchũ tuhoa õ sehe ni yũhtiha tina:

—“João masare bautisariro cjiro jira”, nina paina. Paina “Elia jira”, nina. Paina “Cohamacũ yare yahu mũhtaina cjiri mehne macariro jira”, nina mũhũre —ni yũhtiha to buheina tirore.

<sup>29</sup> Ti ã ni yũhtiri baharo Jesu õ sehe ni sinitu namoha tinare:

—¿Mũa sehe mũa tuhotuchũ diro baro jicari yũhũ? —ni sinitu ñũha tjoa.

—Mũhũ Cristo Cohamacũ masare yũhdo duti to warocariro jira —ni yũhtiha Pedro.

<sup>30</sup> To ã nichũ tuhoro Jesu õ sehe niha:

—Yũhũre “Cristo jira tiro”, ni yahu sitesiniena tjiga painare —niha tinare.

*Jesu to yariahtore, to masa wijaahto cũhũre yahuha*

*(Mt 16.21-28; Lc 9.22-27)*

<sup>31</sup> Tinare to ã ni sinitu ñũri baharo, õ sehe ni buhe dũcaha tiro:

—Yũhũ masũno Cohamacũ warocariro jija. ã jicũ tuaro ñano yũhdũcũhca. ãta waharo cahmana yũhũre. Mari coyea judio masa, bũcũna, sacerdotea pũhto, mari judio masare buheina yũhũre cahmaeraa, yũhũre wajã dutiahca. Ti ã wajãchũ tia dacho wahaboro masa wijaaihca —niha Jesu tinare.

<sup>32</sup> ã nino ne tuho wisiachũ yoaro marieno yahuro niha tinare. To ã nichũ tuhoro Pedro sehe pa sehe curerocã Jesure narũcũ sũ, tirore ã ni dutieraha. <sup>33</sup> To ã ni dutierachũ tuhoro Jesu to buheinare majare ñũ, tuhtiha Pedore:



—Satana yoaro sehe durucui nina mũhũ. ã nii tjiga. Mũ tũhotua masa ya jira. Cohamacũ ya jierara —niha tiro Pedrore.

<sup>34</sup> ã ni tuhsũ masare to buheina mehne tiro cahapũ pjiroca, õ sehe niha:

—Cũiro yũ yairo ji duaro, to cahmano yoa duamarire duhunocanoahca. ã jiro crusapũ yũ ñano yũhdũhtiro seheta tiro yũ yairo to jiri buhiri ñano yũhdũparota yũhũre duhusi. ã jiro yũ yare yoarucuro jirohca. <sup>35</sup> Masũno to mũ sũro to cahmano seheta yoariro pichacapũ tiro waharohca. ã yoa masũno yũ yare ã yoarucuro, noaa buheare ã yoarucuro, jipihtia dachoripe yũhũ mehne mũanopũ jirucurohca. <sup>36</sup> ¿Cũiro masũno ahri yahpa macaare jipihtiare cjuariro pichacapũ waharo yabare wapatajari tiro? ã jiro ne wapataerara. <sup>37</sup> Pichacapũ to wahachũ ne dohse wapa wiohto basioerara. Masũno to jia tia wiho waro jierara. <sup>38</sup> Mipũre ñaina, Cohamacũre cahmaeraina ti mũ sũro ti yoari dacho jiro nina. Cãina yũ wamare, yũ buheare ni dua bũo tiboca. Ti ã yoachũ ñũcu yũhũ masũno Cohamacũ warocariro noaina anjoa mehne yũ Pũcu to si sitero mehne tjua tacũ yũ wamare ni duapahta bũo tiinare bũo tisãaihca yũhũ cũhũ —ni yahuha Jesu.

## 9

<sup>1</sup> ã ni tuhsũ õ sehe ni namoha Jesu:

—Potocãta niita nija mũsare. Cãina mũsa õpũre jiina mũsa yariahto pano pũhtoro Cohamacũ to sũho jiropũre yũ sãachũ yũhũre ñũnahca —niha Jesu tinare.

*Jesu to pjacũre cohtotaha*

*(Mt 17.1-13; Lc 9.28-36)*

<sup>2</sup> ã yoa seis dachori baharo Jesu Pedrore, Santiagore, ã yoa Santiago bahũro Joã cũhũre mũadu tũcupũ tina dihtare pji mũjaha. Mũanopũ ti mũja sũri baharo ti ñũrocaroi to pjacũre cohtotaha. <sup>3</sup> To suhtiro noano si sitero, noano yehseri suhtiro wahaha. Ahri yahpa macaa numia suhti cosaa numia ã yehsechũ yoa masierara. <sup>4</sup> ã jia Elia cjiro, ã jichũ Moise cjiro mehne Jesu mehne ti sũhũdũchũ ñũha tina tiaro Jesu buheina. <sup>5-6</sup> ã jia tina tuaro cuiha. ã cuiro dohse ni masieramahno õ sehe nimaha Pedro:

—Pũhtoro, mari õi jichũ noa duara. Tia wũhũcã yoanahtja sã. Mũ ya wũhũcã, Moise ya wũhũcã, Elia ya wũhũcã yoanahtja —nimaha tiro Jesure.

<sup>7</sup> To ã niri baharocãta, me curua ti bui duji pja sũha. To ã duji pja sũchũta, me curua watoi õ sehe nino coa taha:

—Ahrĩro yũ macũ yũ cahĩiro jira. Tũhoga tirore —nino coa taha.

<sup>8</sup> ã nino coa tachũta Pedro cũhũ ñũrocamaha. Jesu dihtare ñũha. Ti ñũrina cjiri sehe mariaha jũna. <sup>9</sup> ã jiro tũcupũ ti duji tachũ Jesu tinare õ sehe ni yahuha:

—Mĩchapucacã yũhũre ã waharire painare yahuena tjiga. Yũhũ masũno Cohamacũ warocariro yũ yaria masa wijaari baharo tíre painare yahuga mũsa —ni yahuha tiro.

<sup>10</sup> ã jia to dutiriro seheta tina ti ñũrire yahueraha painare. ã jia tina ti basi õ sehe ni sinitu durucuha:

—“Yũ yaria masa wijaari baharo” nino, ¿dohsearo ã niri tiro? —ni durucuha tina.

ã jia Jesure õ sehe ni sinituha:

<sup>11</sup> —“Cristo to tahto pano Eliare ta mũhtano cahmana”, nina mari coyera judio masare buheina. ¿Dohse jiro baro ã nijari tina? —ni sinituha tina tirore.

<sup>12-13</sup> Jesu õ sehe ni yũhtiha:

—Potocã tjira. Eliare ta mũhta dutire Cohamacũ, jipihtiare cahno mũhtahtiro cjihtore. Yũhũ masũno Cohamacũ warocariro payũ tahari ñano yũhdũihca. Paina yũhũre cahmaeraa, ñano yoahca. ¿Tí cũhũre masijari mũsa? ã jicu ahrire nihtja mũsare: Elia wihi tuhsũre. To ã wihipachũta tina ti cahmariro seheta tirore ñano yoaha. ãta ni joaha tirore —niha Jesu tinare.

*Jesu wahma wahmũa tarĩrore noariro wahachũ yoaha*

*(Mt 17.14-21; Lc 9.37-43)*

<sup>14</sup> Ñ yoa duji ta, paina buheina cahapũ sũ, payũ masare ñũha Jesu. To buheina sehe judio masare buheina mehne cahma sayoa niha. <sup>15</sup> Ñ jia Jesu cũhũ ti duji tachũ ñũa, jipihtina masa cũaa waha, tiro cahapũ mũrocaa wahaha. Tiro cahapũ sũa:

—¿Tamajari? —niha tirore.

<sup>16</sup> —Tamaja —ni tuhsũ—, ¿dohse ni cahma sayona niri mũsa tina mehne? —ni sinituha Jesu to buheinare.

<sup>17</sup> To ã ni sinituchũ tũhoro, masa watoi ducuriro ò sehe ni yahuha tirore:

—Buheriro, yũ macũre watĩno to cohtotarirore mũhũre na tamahi. Watĩno sehe tirore durucu dutierara. <sup>18</sup> Yũ macũre to ñahachũ yahpapũ bora, bahca diho, bũhaa wahaa tire tiro. Ñ waharo sahpo tua tire. Ñ jicũ mũ buheinare watĩnore cohã wio dutimahi. Yũ ã dutipachũta tina sehe cohã wio masierare watĩnore —ni yahuha Jesure.

<sup>19</sup> To ã nichũ tũhoro Jesu ò sehe niha tinare:

—Ne, yũhũre wacũ tuaerara mũsa. Yoabiari pja mũsare buhemaja yũhũ. ¿Noho puro yoari pja yũhũre mũsa caribobocari? Tirore na tahga yũhũre —niha Jesu.

<sup>20</sup> To ã nichũ tũhoa watĩno to cohtotarirore Jesu cahai na taha. Ti na wihichũ ñũno watĩno sehe wahma wahmũa tarirore yahpapũ doca caha sũ, tunu teterechũ yoaha. Ñ yoa sahpo tua wahaha.

<sup>21</sup> —¿Noho puro yoari pja watĩno to cohtotariro jijari ahriro? —ni sinituha Jesu sehe to pũcũrore.

—Wihãrirocã jiropũta tiro watĩno to cohtotariro jira. <sup>22</sup> Ñ cohtotaro payũ tahari watĩno sehe tirore pichacapũ, copũ cũhũre cohã wajãmaha. Ñ jicũ mũhũ yoa masicũ sãre pja ñũ, yoadohoga —niha to pũcũro Jesure.

<sup>23</sup> To ã nichũ tũhoro ò sehe niha Jesu:

—¿Dohsea jiro baro “Mũhũ yoa masicũ”, nijari mũhũ yũhũre? Yũhũre mũ wacũ tuachũ ñũno, Cohamacũ jipihtiare yoa pahũno masina mũhũre yoadohobasaro —niha Jesu.

<sup>24</sup> To ã nichũta wahma wahmũa tariro pũcũro ò sehe ni saũurucuha:

—Mũhũre wacũ tuaja. Yũ wacũ tuaerachũ ñũcũ yũhũre yoadohoga mũhũre yũ noano wacũ tuahto sehe —niha tiro.

<sup>25</sup> Ñ jiro masa payũ tina cahapũ mũroca ta, ti cahmachuchũ ñũno, Jesu watĩnore ò sehe ni tuhtiha:

—Mũhũ durucu dutierariro, tũho dutierariro ahrirore cohtotariro wijaahga. Ñ wijaacũ tirore pari turi cariboi tjiga —niha Jesu.

<sup>26</sup> To ã nichũ tũhoro watĩno saũurucu, wahma wahmũa tarirore yahpapũ doca caha sũ tunu teterechũ yoa, wijaaha. To ã wijaachũ wahma wahmũa tariro yariariro yoaro sehe wahaha.

<sup>27</sup> —Tiro yariaa wahara —nimaha masa payũ.

Ti ã nipachũta Jesu sehe to wamomacare ñaha, tirore wahcõha. To ã wahcõchũ wahcãha tiro sehe. <sup>28</sup> Baharo Jesu cũhũ wũhũpũ ti sãa sũchũ to buheina tirore ò sehe ni sinitu ñũha:

—¿Dohseana sã sehe watĩnore cohã wio masierari, mũ tũhotuchũ? —ni sinitu ñũha tina.

<sup>29</sup> —Ahriro baro watĩnore cohã wio duana Cohamacũre tuaro sinino cahmana mũsare. [Ñ yoa duana chũ duhuro cahmana mũsare Cohamacũre sinina tana] —ni yũhtiha Jesu tinare.

*Pari turi Jesu to yariahtore, to masa wijaahga yahuha*

*(Mt 17.22-23; Lc 9.43-45)*

<sup>30</sup> Ñ yoa tũpũ jiina waha, Galilea yahpapũ sũ, yũhũdũaha. Tũpũ ti waharire paina ti masichũ cahmaeraha Jesu to buheinare buhe duaro. <sup>31</sup> Tũpũ sũro to buheinare buhe taha. Ñ sehe ni buheha:

—Yũhũ masũno Cohamacũ warocariro jija. Masa yũhũre ñaha, painapũre yũhũre waahca. Ti ã wari baharo yũhũre wajãahca tina. Ti ã wajãricũ tia dacho wahaboroi masa wijaaihca —niha tinare.

<sup>32</sup> To ã nichũ tũhoa tina noano tũhoeraha. Ñ jia cuia tirore tíre sinitu ñũ namoeraha.

*Jesu buheina tina mehne macarirore* pũhoro sũ duaa nimaha  
(Mt 18.1-5; Lc 9.46-48)

<sup>33</sup> ã yoa tina Capernaupũ ti sũri baharo wũhũpũ ti jichũ Jesu sehe õ sehe ni sinituha tinare:

—¿Mahapũre tana, dohse ni durucu tana niri mũsa? —ni sinituha tinare.

<sup>34</sup> To ã nichũ tina yũhtieraha. Mahapũre taa, cahma õ sehe ni durucu taa niha:

—¿Mari mehne macarirore diro sehere mari pũhoro sũnahcari mari? —ni durucua niha mahai tarucua.

<sup>35</sup> ã jia ti ã nirire buo tia Jesure yũhtieraha. Ti ã yũhtierachũ ñũno Jesu nuju sũ, to buheinare doce buheinare pjiroca õ sehe niha:

—Mũsa pũhoro ji duana jipihitina masa ti cahamaca jiro cahmana mũsare. Tuhsũ, wiho jiina jipihitina docai jinahca mũsa —niha Jesu tinare.

<sup>36</sup> ã nino nijinocãre tina watoi duhu dapoha. Duhu dapu tuhsũ tirocãre na wũa, õ sehe ni yahuha:

<sup>37</sup> —Yũ yare yoa duana ahrirocãre mũsa cahmana, yũhũ cũhũre cahmana mũsa. ã yoa yũhũre cahmana, yũhũre warocariro mari Pũcũ cũhũre cahmana mũsa —niha Jesu tinare.

*Marine ñũ* tuhtiriro jieraro, mari mehne macariro jira  
(Mt 10.42; Lc 9.49-50)

<sup>38</sup> Baharo João õ sehe niha Jesure:

—Buheriro, mũ wama mehne mũ tuaa mehne watĩare cohã wiorirore sã ñũhi. Tiro mari mehne macariro to jierachũ ñũna tíre tirore yoa dutiera tihĩ sã —niha tina.

<sup>39</sup> Ti ã nichũ tũhoro Jesu tinare õ sehe ni yahuha:

—ã niena tjiiga mũsa tirore. Cũiro yũ wama mehne Cohamacũ tuaa mehne yoaro, baharo yũhũre ñano ni durucu masierara. <sup>40</sup> Marine ñũ tuhtiriro jieraro, tiro mari mehne macariro jira. <sup>41</sup> Mũsare potocãta nii nija. Yũ yaina mũsa jichũ ñũa paina mũsare ti yoadohochũ ñũno Cohamacũ tinare noano yoarohca. Core mũsare ti sihõchũ mahanocã ti wapachũta tinare noano yoarohca Cohamacũ ti ã yoari wapa —niha Jesu tinare.

*Ñaaare yoachũ* cua nina  
(Mt 18.6-9; Lc 17.1-2)

<sup>42</sup> ã yoa Jesu õ sehe ni yahu namoha:

—Ahrirocã sehe jirirore yũhũre wacũ tua dũcarirore yahuihtja mũsare. Pairo ahrirocã sehe jirirore ñaaare yoa dutiro tiro ñabiario yũhdũrohca. Cũirore to wamũapũ pjiira tãcare dũhte yo, pjiri mapũ tirore ti cohãchũ ñano wahaboa tiro. ã jiro ahrirocã sehe jirirore ñaaare yoa dutiriro tiro sehe pjiri mapũ ti cohãriro yũhũro ñano yũhdũrohca.

<sup>43-44</sup> 'Mũ wamomaca mehne ñano yoacũ tí wamomacare mũ dũte cohãboro seheta tí mũ ñaa yoaa sehere duhuga. Tíre duhueracũ pichacapũ wahaihca. Tópũre ne pichaca yatierara. [ã yoa dachoa ne yarierara.] Mũ wamomacare mũ cohãchũ tí si dihta butiboa. Tuhsũ, mũhũ sehe ã si jipaihta baharo Cohamacũ mehne jiihca. Pũa wamomaca mehne pichacapũ wahacũ mũ ã wahachũ ñaa yũhdũaboa mũhũre. ã jicũ tí mũ ñaa yoaa sehere duhuga.

<sup>45-46</sup> 'Mũ dahporo mehne ñano yoacũ tí dahporo cũhũre mũ dũte cohãboro seheta tí mũ ñaa yoaa sehere duhuga. Tíre duhueracũ pichacapũ wahaihca. [Tópũre ne pichaca yatierara. ã yoa dachoa ne yarierara.] Mũ dahporore mũ cohãchũ tí si dihta butiboa. Tuhsũ, ã si jipaihta baharo Cohamacũ mehne jiihca. Pũa dahporo mehne pichacapũ wahacũ mũ ã wahachũ ñaa yũhdũaboa mũhũre. ã jicũ tí mũ ñaa yoaa sehere duhuga.

<sup>47-48</sup> 'Mũ capariaca mehne ñano yoacũ tiare orewe mũ cohãboro seheta tí mũ ñaa yoaa sehere duhuga. Tíre duhueracũ pichacapũ wahaihca. Tópũre ne pichaca yatierara. ã yoa dachoa ne yarierara. Tiare mũ cohãchũ tia dihta butiboa. Cũ bũhũsehe capariaca mariapaihta baharo Cohamacũ mehne jiihca. Pũa capariaca mehne pichacapũ wahacũ mũ ã wahachũ ñaa yũhdũaboa mũhũre. ã jicũ tí mũ ñaa yoaa sehere duhuga.

<sup>49</sup> 'Ahri yahpai jina ñano yũhdũnahca m̄sa. Pichacap̄ mari jũch̄ marine purĩno seheta ñano yũhdũnahca m̄sa. <sup>50</sup> Moa noano coara. Moa coerach̄, coa yoahto basioerara. Moa coeraro tí moa ne noerara. Tí moare dohseah̄to basioerara. Moa noano to coaro seheta m̄sa cũh̄ ji coaina jiga. Tuhs̄, paina mehne noano mehne jiga —ni yahuha Jesu tinare.

## 10

*Ti namosãnumiare cohãare yahuha Jesu*  
(Mt 19.1-12; Lc 16.18)

<sup>1</sup> ã yoa tiro tórp̄ jiriro waha, Judea yahpa cahap̄ s̄, Jordão wama tiri ma pa bũh̄sehe coap̄ s̄ha. Tórp̄ to sũch̄ ñna masa paȳ tiro cahap̄ cahmachuha tjoa. Ti ã cahmachuch̄ ñno tó pano to buheriro seheta pari turi buheha tjoa. <sup>2</sup> To ã buhero watoi fariseo curua macaina wih̄iha. Jesure ñano to durucuch̄ tũho duamaha tina tirore yahusã duaa. ã tũho duaa tina Jesure õ sehe ni sinitu ñna:

—¿Mari namore cohãch̄ noabocari? ¿Mari dutia sehe tó seheta yoa dutijari, m̄ tũhotuch̄? —ni sinitu ñna tina.

<sup>3</sup> —¿Dohse yoa dutiri Moise cjiro m̄sare? —ni yũhtiha Jesu.

<sup>4</sup> —“M̄ namore cohã duacu papera p̄i tíre joaga. ã joacu tí p̄re m̄ namore m̄ wari baharo ticorore cohã masina m̄h̄”, ni joa tiha Moise cjiro —ni yũhtiha fariseo curua macaina sehe.

<sup>5</sup> Ti ã nich̄ tũhoro õ sehe ni yahuha Jesu:

—Cohamac̄ dutiare m̄sa yoa duaerach̄ ñno ã ni joa tiha Moise cjiro. <sup>6</sup> To ã ni joariro jipach̄ta ahri yahpare bajuamehneriro m̄no, numino cũh̄re yoaha. <sup>7</sup> ã jiro m̄no to p̄c̄sumare cohã wijaa, to namono mehne jirohca. <sup>8</sup> ã jia tina p̄aro jipahta c̄ p̄jac̄ yoaro sehe jira. Tina p̄aro yoaro seheta jierara. C̄ p̄jac̄ yoaro sehe jia nina. <sup>9</sup> Cohamac̄ to wamomaca dũhte dutiina jira. ã jia tinare duhueraro cahmana —niha Jesu tinare.

<sup>10</sup> ã ni tuhs̄ tiro to buheina mehne wũh̄p̄ s̄a wahaha. Wũh̄p̄ s̄a s̄a, ti namosãnumiare cohãare to buheina sinitu ñna tjoa tirore. <sup>11</sup> Ti ã sinitu ñch̄ tiro õ sehe ni yũhtiha:

—To namonore cohãriro pacorore namo tiro, pacoro mehne ñano yoariro jira. ã jiro to cohãricorore ñano wahach̄ yoaro nina. <sup>12</sup> ã yoa numino sehe to man̄nore cohãno, pairore man̄ tiro, tiro mehne ñano yoaricoro jira —niha Jesu tinare.

*Macanacã ya cjihtire Cohamac̄re sini payoha Jesu*  
(Mt 19.13-15; Lc 18.15-17)

<sup>13</sup> ã yoa macanacãre Jesure ña payo dutia taa tinacãre Jesu cahap̄ na taa tiha. Ti ã na tach̄ ñna to buheina sehe tinacãre na tainare tuhtiha. <sup>14</sup> Ti ã tuhtich̄ ñno Jesu suaha tina mehne. ã suaro õ sehe niha tinare:

—Macanacã yũ cahap̄ tajaro. “To cahai wahaena tjiga”, niena tjiga tinacãre. Tinacã Cohamac̄re ti p̄htoro tũhotura. P̄htoro Cohamac̄ to sũho jiina ahrinacã yoaro sehe tũhotuina baro dihta jira. <sup>15</sup> Potocã niita nija m̄sare. Ahrinacã Cohamac̄ ti p̄htoro cjihtore cahmana. Ti yoaro seheta m̄sa cũh̄ Cohamac̄ m̄sa p̄htoro cjihtore cahmaerana, p̄htoro Cohamac̄ to sũho jihtina ne jisi m̄sa —niha Jesu.

<sup>16</sup> ã ni tuhs̄ Jesu macanacãre na w̄a tjiãhno, tinacãre ña payoro, õ sehe niha:

—Ahrinacã noainacã wahajaro —ni sini payoha Cohamac̄re.

*Pache p̄ro Jesure sinitu ñna*  
(Mt 19.16-30; Lc 18.18-30)

<sup>17</sup> ã yoa Jesu mahai to waharucuch̄ paio sehe m̄roca wihi, to dahpori cahap̄ na tuh̄cua caha s̄ha tirore ño payoro.

—¿Ne, noariro buheriro, yũh̄ jipihtia dachoripe Cohamac̄ mehne ã jirucu duacu dohse yoac̄h̄cari yũh̄? —niha tiro Jesure.

<sup>18</sup> To ã nichu Jesu õ sehe ni yuhtiha:

—¿‘Noariro’ ni pisujari mahu yuhure? Noariro sehe Cohamacu dihta jira. <sup>19</sup> Ahri Cohamacu dutiare masina mahu: Masare wajäena tjiga. Namo tiriropu paye numia mehne jiena tjiga. Yacaena tjiga. Mahñoa mehne paioire yahusäena tjiga. Paina yare mahño naena tjiga. Musa pucusumare ño payoga. Ahri dutiare yoaihca mahu —ni yahuha Jesu tirore.

<sup>20</sup> —Buheriro, yuhu tí jipihtiare wahma wahmua tariro jiputa yuhduracaera tihí yuhu —niha tiro Jesure.

<sup>21</sup> To ã nichu tuhoro Jesu sehe tirore cahña mehne ñuroca õre. Ñ ñuroca õno, õ sehe niha:

—Mahanocã dhusara mähure mu yoa pahñohto. Jipihtiare mu yare duai wahaga. Ñ yocasú jipihitia mu wapatarí niñerure pjasuoinare waga. Mu ã yochu payu mu ya noaa manopu, Cohamacu caharu jiyuahca. Mu ã yolari baharo yuhu mehne macariro cjihto taga —niha Jesu tirore.

<sup>22</sup> To ã nichu tuhoro tiro sehe payu pache cjariro jiro tíre pjasuoinare wa duaeraro, cahya, jicoaeraa, wahaa wahaha.

<sup>23</sup> To ã cahyachu ñno Jesu majarerucu suro, to buheinare ñuroca õ, õ sehe niha:

—Pache puá puhtoro Cohamacu to sũho jiropure ti waha duachu mijobiara —niha tinare.

<sup>24</sup> To ã nichu tuhoa tina sehe tíre tuho cuaa wahaha. Ñ ni tuhsu Jesu pari turi õ sehe ni yahu namoha tinare:

—Coyea, jipihitia [Cohamacure wacũno marieno “Mari mu sũro mari cjuaa mehneta noano yuhdunahca”, ni tuhotuina pache puá] puhtoro Cohamacu to sũho jiropure ti waha duachu mijobiara. <sup>25</sup> Camello sehe awicã copacãre to sãa nuhri wijaa duachu basioerara. To ã jiro yuhdoro pache puero puhtoro Cohamacu to sũho jiropure to waha duachu nu mijobiara —ni yahuha Jesu tinare.

<sup>26</sup> To ã nichu tuhoa tina sehe tuho cua yuhdua waha, ti basi õ sehe niha:

—Cue, to nino seheta potocã jichu ne cũiro masunore yuhdoeraboca Cohamacu —niha tina ti basi.

<sup>27</sup> Ti ã nichu tuhoro Jesu tinare ñuroca õ, õ sehe niha:

—Masa ti basi ti mu sũro yuhdu masierara. Wiho mejeta Cohamacu sehe masare pichacaru wahaborinare yuhdo masina. Tiro jipihtiare noano yoa masi pahñoriro jira —niha Jesu tinare.

<sup>28</sup> To ã nichu Pedro tirore õ sehe niha:

—Tuhosiniga. Sã sehe jipihitia sã yare cũnoaca tii mahu mehne tana —niha tiro Jesure.

<sup>29</sup> To ã nichuta Jesu õ sehe niha:

—Potocã niita nija musare. Noaa buheare, yu yare yoana tana yuhure ño payona tana musa wuhusere, musa bahanare, musa pocosanumiare, musa pohñare, musa weserire cũnocarina jina, pjíro wapatanahca musa mipure. <sup>30</sup> Ñ yoana musa wuhuserire, musa bahanare, musa pocosanumiare, musa pohñare, musa weserire, tó pano musa cjariro yuhdoro mipure payu cjuannahca musa. Ñ yoa paina musare ñano yoaahca. Ñ jina baharopure pa turupu jipihitia dachoripe Cohamacu mehne jinahca. <sup>31</sup> Mipure payu puhtoa jirina cjiri tí pjarure wiho jiina tjuanocaahca. Ñ yoa mipure payu wiho jiina jirina cjiri tí pjarure puhtoa cohtotaahca tjoa —ni yahuha Jesu tinare.

*Pari turi Jesu to yariahtore, to masa wijaahtore yahuha*

*(Mt 20.17-19; Lc 18.31-34)*

<sup>32</sup> Ñ yoa tina maharu maja, Jerusalėpu mujaa niha. Jesu ti panocã mu tãha. Ñ to mu tãchu ñua to buheina ñu cuaa wahaha. Ñ yoa ti baharo nunu tiina sehe cuiro mehne nunu tiha. Ñ yoa Jesu doce to buheinare ti sahsero naaha tjoa. Ñ naa tuhsu, masa tirore ti dohse yoahire Jesu yahu dũcaha tinare:

<sup>33</sup> —Tuhoga yuhure. Mipure Jerusalēpu wahana nija mari. Tópu masa yuhure masunore Cohamacu warocaritore ñaha, painapure yuhure waahca. Sacerdotea puh-toare, mari coyea judio masare buheina cūhure yuhure waahca. Ñ jia yuhure wajā dutiahca tina. Ñ wajā dutia judio masa jieraina sehere yuhure waahca. <sup>34</sup> Ti ñ wari baharo tina sehe yuhure bujipe, chahcho puti sihō, tjana, wajāahca. Ñ yoa yu yariari baharo tia nūmu wahaboroi masa wijaaihca —ni yahuha Jesu tinare.

*Santiago João mehne Jesure siniha*

*(Mt 20.20-28)*

<sup>35</sup> Ñ yoa Santiago, João mehne Jesu cahapu sūa, siniha tirore. Tina Zebedeo pohna jiha. Ñ jia ñ sehe ni siniha:

—Buhero, sã sinino seheta sãre yoaga mūhu —niha tina Jesure.

<sup>36</sup> —¿Dohse yu yoachū cahmajari mūsa? —niha Jesu tinare.

<sup>37</sup> —Jipihtina bui puhoro jicu sãre mūhu mehne duji dutiga. Cūiro mu poto buhusehei paio mu cō buhusehei duji dutiga sãre, mūhu mehne puhtoa sã jihito sehe —niha tina Jesure.

<sup>38</sup> Ti ñ nichū tuhoro ñ sehe ni yahuha Jesu tinare:

—Mūsa ñano yuhduhtore masierapanahta ñ sinina yuhure. ¿Mipure yu ñano yuhduhto seheta ñano yuhduna cūno pjabocari mūsa cūhu? —ni sinituha tinare.

<sup>39</sup> To ñ sinituchū tuhōa tina ñ sehe ni yuhtihā:

—Cūno pjanahca —ni yuhtihā tina.

Ti ñ nichū Jesu ñ sehe ni yahuha:

—Yu ñano yuhduhto seheta ñano yuhdunahca mūsa cūhu. <sup>40</sup> Mūsa ñ yuhduhtina mūsa jipachūta, yuhū mehne dutihtinare, yuhū mehne dujihtinare bese masieraja yuhū. Ahrire yu Pucu sehe cahno tuhsure. Ñ jia to besehtina dihta yu poto buhusehei yu cō buhusehei dujiahca —niha Jesu tinare.

<sup>41</sup> Ñ jia paina diez buheina Santiago, João ahriina puaro mehne susiniha ti ñ sinirire tuhōa. <sup>42</sup> Ti ñ susinichū ñno Jesu to buheinare pjiroca, ñ sehe niha:

—Cohamacure masieraina puhtoa sehe ti masare dutia, purino mehne dutira. <sup>43</sup> Mūsa sehe ne ñ yoasi mūsa basi. Diro mūsa mehne macariro mūsa bui puhoro ji duaro, jipihtina tiro mehne macaina cahamacūno yoaro sehe jia tiro cahmana tirore. <sup>44</sup> Ñ yoa diro mūsa mehne macariro mūsa dutiriro ji duariro mūsa cahamacūno yoaro sehe jia tiro cahmana tirore. <sup>45</sup> Tó seheta jiri jia yuhū cūhu. Yuhū masūno Cohamacu warocariro jipacūta ahri yahrapure yuhure mūsa yoadohotire mūsa sinii tai nierahi. Mūsa sehere yoadohoi tai nii. Ñ yoacu payu masa ya buhirire yaria, wapabasai tai nii. Yu ñ yariari mehne payu masare pichacapu wahaborinare yuhduchū yoai tai nii —niha Jesu tinare.

*Bartimeore, capari ñueraritore ñuchū yoaha Jesu*

*(Mt 20.29-34; Lc 18.35-43)*

<sup>46</sup> Ñ yoa baharo tina Jericópu sūha. Jesu to buheina mehne, ñ jichū paina masa payu mehne tí macai jiina ti wahachū tí macare ti yuhdu wahcāchū waro, Bartimeo sehe ti wahari maha duhtū cahai dujiha. Tiro Timeo macūno capari ñuerariro jiro, masare niñerucāre ñ sinirucuriro jiha. <sup>47</sup> Ti wahari maha duhtū cahai dujiro, “Jesu Nazare macariro tara”, ti nichū tuhoro, Bartimeo sehe ñ sehe ni sañurucuha:

—Jesu, Davi cjiro panamino masare yuhdohtiro, pja ñuga yuhure —ni sañurucuha Jesure.

<sup>48</sup> To ñ nichū tuhōa masa payu Bartimeore “Dihta mariaha”, ni tuhtihā tina tirore. Ti ñ ni tuhtichū tuhoro Bartimeo tó pano to sañurucuriro yuhdo curero sañurucu namoha tjoa:

—Jesu, Davi cjiro panamino masare yuhdohtiro, pja ñuga yuhure —ni sañurucuha tiro.

<sup>49</sup> To ñ ni sañurucuchū tuhoro Jesu sehe tjuarucu sū, “Pjirocaga tirore”, niha. To ñ nichū tuhōa tina sehe capari ñueraritore ñ sehe ni yahuha:

—Wahchega. Wahcārucaga. Tiro mūhure pjira —niha tina Bartimeore.

<sup>50</sup> Ti ã nichu tuhoro to bui macari suhtirore tjuwe cū, pu wahcārucū sū, Jesu cahapū sūrucū sūha. <sup>51</sup> ã jiro, Jesu sehe õ sehe ni sinituha tirore:

—¿Dohse yu yoachū cahmajari mūhū? —niha Jesu tirore.

—Yu puhtoro, yuhure ñuchū yoaga —niha capari ñuerariro Jesure.

<sup>52</sup> —Wahaga mūhū. Mūhū yuhure wacū tuacu noariro wahara —niha Jesu tirore.

To ã nichuta capari ñuerariro ñua wahaha. ã noariro waharo Jesu mehne mahapū wahaa wahaha.

## 11

*Jerusalēpū sūha Jesu*

*(Mt 21.1-11; Lc 19.28-40; Jn 12.12-19)*

<sup>1</sup> ã yoa tina Jerusalēpū ti suhto panocā tūcū Olivo wama tidū duhtū cahai jiri maca Betfagé wama tiri maca cahai, ã jichū Betania wama tiri maca cahai sū mūhtaha. Tí macari pua maca cahai Jesu sūro, to buheina puarore warocarō taro, õ sehe ni yahu quihōha:

<sup>2</sup> —Sí macapū wahaga. Tópū sūna dóihta burrocāre ti duhte daporirocāre boca sunahca. Tiro ne cūiro ti pisamahnoerarirocā jica. Tirocāre bocana, yuta dare pjā, na tabasaga yuhure. <sup>3</sup> Mūsa tirocāre pjāchū ñūno cūiro dohse jiro, “¿Dohse yoana tana burrocāre duhte daporī dare pjājari mūsa?”, to nichū tuhona, õ sehe ni yuhtiga tirore: “Mari puhtoro burrocāre cahmarocasinire. Michapucacāta wiarohca tiro”, ni yahuga tirore —ni yahu duti warocaha to buheina puarore.

<sup>4</sup> To ã nichū waha, tí wūhū sopaca cahai burrocāre ti duhte daporirocāre bocaha. Boca, tirocāre pjāha. <sup>5</sup> Tirocāre yuta dare ti pjāchū ñua tói ducuina õ sehe ni sinituha tinare:

—¿Dohse yoana tana burrocāre duhte daporī dare pjājari mūsa? —ni sinituha tina.

<sup>6</sup> Ti ã nichū tuhoa, tina sehe Jesu to niriro seheta yahuha tói ducuinare. Ti ã ni yahuchū tuhoa tói ducuina sehe “Naahga”, niha tinare. <sup>7</sup> ã jia tina burrocāre Jesu cahapū na sūha. Ti na sūri baharo tirocā bui ti bui sūa suhtire ti pjūpaha payo tuhsuchū ñūno, Jesu sehe tirocā bui mūja pja, wahaha. <sup>8</sup> Tirocā bui to wahachū ñua, masa payū ti bui sūa suhtire tjuwe na, to wahahti mahai saño cū mūhtaha, Jesure ño payoa. Paina sehe campopū pūri tia dūpurire yucū dūpurire dūte na ta, to wahahti mahai duhu cūha.

<sup>9</sup> ã jia to pano wahaina, to baharo nūnū tiina mehne õ sehe ni sañurucuha:

—Ahrirore wahche payojihna. Ahriro Cohamacū to warocariro noano jijaro. <sup>10</sup> Mari ñuchū Davi cjiro puhtoro to noano sūho jiro sehetā, ahriro marine to sūho jihto cūhū noano jijaro. Mūano macariro Cohamacū, mūhū tuariro waro jira —ni sañurucuha tina.

<sup>11</sup> Ti ã yoari baharo Jesu sehe Jerusalēpū sūha. Sū, Cohamacū ya wūhūpū sūa sūro, tí wūhūi jiare jipihtiare ñū pahñonocaha. Ñū tuhsū “Ñamichahapū waro jira marine” nia, Jesu to buheina doce buheina mehne Betaniapū wahaa wahaha.

*Jesu higueraçūre yaria dutiha*

*(Mt 21.18-19)*

<sup>12</sup> ã yoa pa dachoi tina Betaniapū jiina wahaa wahaha. ã jiro Jesu sehe jūca baa, yoaropū higuera wama tidūre noano pūri tidūre ñūno tū dichare macano wahamaha.

<sup>13</sup> Dicha mariaha. Dicha tiri pja jieraro pūri dihta jiha. <sup>14</sup> ã jiro dicha mariachū ñūno õ sehe niha:

—Ahdu dichare masa ne pari turi chūea tjijaro. Ne dicha tiero tjijaro —niha Jesu.

To ã nichū to buheina sehe tuhoaha.

*Jesu Cohamacū wūhūre Cohamacū mehne durucuri wūhūre yoa dutiha*

*(Mt 21.12-17; Lc 19.45-48; Jn 2.13-22)*

<sup>15</sup> To ã yoari baharo tina Jerusalēpū sūha. Tópū sūro, Jesu Cohamacū ya wūhūpū sūa sūro pache duainare, nuchūina cūhūre cohā wioha. ã yoaro niñeru cohtotaa mesarire yo wahcō na majare cū mūjaa tiha. Bujaare duaina ti dujia pahtari cūhūre āta yoaha. <sup>16</sup> ã

yoaro paye barore na sãa dutieraha masare. <sup>17</sup> Tó sehe yoa tuhsu, Jesu õ sehe ni buheha tinare:

—Õ sehe nina Cohamacu yare ti joari pui: “Yu wahu Cohamacu mehne durucuri wahu wama tirohca. ã jiro jipihtiro macaina ya wahu cjihto jirohca”, ni joaa tiha Cohamacu yare ti joari pui. To ã nipachuta musa sehe ahri wahu duana, musa basi cahma yacara musa —ni buheha tinare.

<sup>18</sup> To ã ni buhechu jipihtina masa sehe tuho cuua wahaha. ã jia sacerdotea puhtoa, sã judio masare buheina mehne tirore cui niha. ã jia tina tirore ti wãhti cjihtire wacu macamaha. <sup>19</sup> Ti ã yoachu ñamichapã Jesu to buheina mehne tí macapã jirina cjiri wahaa wahaha.

*Higueracu* ñaia wahaha

(Mt 21.20-22)

<sup>20</sup> ã jia bohrearo mahapã maja taa, higueracure ñuha. Tu nuhcoripã ñai dca, ñaia wahaha tu. <sup>21</sup> Ture ñuno Pedro sehe wacuõ õ sehe niha:

—Buheriro, ñuga. Higueracu mã yaria dutidu yaria wahari jira —niha Pedro.

<sup>22</sup> To ã nichuta Jesu õ sehe ni yahuha tinare:

—Cohamacure wacu tuaga musa. <sup>23</sup> Potocã niita nija musare. Ahdu tucure pjiri mapã musa cohã dutichu musa niriro seheta ã waharohca. Cohamacure noano musa wacu tuachu “Yu siniriro seheta ã waharohca”, musa ni tuhotechu musa niriro seheta ã waharohca. <sup>24</sup> ã jicu ahrire yahuitja musare. Cohamacu mehne durucuna, tirore sinina, “Yu siniriro seheta warohca yuhure”, ni tuhotuga. Musã ã ni tuhotechu ñuno Cohamacu musa siniare warohca. <sup>25</sup> ã yoana Cohamacu mehne musa durucuhto pano musare paina ti ñano yoachu musa suari cjirire duhuga. Musã ã yoachu ñuno Cohamacu mãano macariro musa ñaa buhirire tiro cuhu sua duhurohca. <sup>26</sup> [Musare ñano yoainare musa sua duhuerachu mari Pacu cuhu mãano macariro musa ñaa buhiri sehere bosu tiro cuhu] —niha Jesu.

*Sacerdotea puhto*a, judio masare buheina, bucuna mehne Jesu mehne cahma sayoha

(Mt 21.23-27; Lc 20.1-8)

<sup>27</sup> To ã niri baharo tina Jerusalẽpã wahaha tjoa. ã jia Jesu Cohamacu wahu to tinichu ñua sacerdotea puhto, sã judio masare buheina, bucuna mehne tiro cahapã sua tirore õ sehe ni sinitu ñuha:

<sup>28</sup> —¿Dohseacu canure ã yoari mahu? ¿Noa mähure tíre ã yoa dutiri? —ni sinitu ñuha tina Jesure.

<sup>29</sup> Ti ã nichu Jesu õ sehe ni yuhtiha:

—Musa sehere sinitu muhtaihtja. Noano yuhure musa yuhtichu musare yahuitja yuhu cuhu. <sup>30</sup> ¿João masare to bautisachu diro baro sehe tirore bautisa dutia tiari, musa tuhotechu? ¿O Cohamacu dutiera tiari? ¿O masa sehe tirore dutia tiari, musa tuhotechu? —ni sinituha tinare.

<sup>31</sup> To ã nichu tina sehe ti basi õ sehe niha: “¿Dohse ni yuhtinahcari mari? ‘Cohamacu Joãoire dutia tiri jire’, mari nichu, ‘¿Dohseana Cohamacu Joãoire to dutipachuta tirore tuhoerari musa?’ niboca Jesu marine. <sup>32</sup> ã yoa, ‘João to bautisachu Cohamacu sehe tirore dutierari jire’, mari nichu masa sehe suaahca mari mehne”, niha tina ti basi. “Potocãta João Cohamacu yare yahu muhtariro jira”, ni tuhotua tiha masa sehe. Ti ã ni tuhotechu masia, Joãoire doca dahre duaeraha sacerdotea puhto cuhu, “Masa suari”, nia. <sup>33</sup> ã jia tina Jesure õ sehe ni yuhtiha:

—Joãoire bautisa dutirirore sã masieraja —niha tina Jesure.

—Tí pja pinihta yuhu cuhu ahrire yu yoare dutirirore yaueraja musare —niha Jesu tinare.



<sup>1</sup> Ñ yoa Jesu to tũhotua mehne ò sehe ni piti dahre buhe dũcaha tinare:

—Wese pũro se dari cjihtire toaha. Toa tuhsũ, sahrĩnore dapo, sere ti tũ mũtohti copare saha, mũari wũhũcã dahreha tiro. Tuhsũ, tí wesere painare cũ bũhũsehe coa pahma cũno, tí wesere ñũ wihbo dutiha. Ñũ wihbo duti tuhsũ, pa yahpũpũ wahaha tiro. <sup>2</sup> Baharo se ñiri pja jichũ wese pũro tirore dahra cohtaritore wese macaa to ya coa macaa dichare na dutiro warocamaha. <sup>3</sup> Ñ jia tí wesere ñũ wihboina sehe tirore dahra cohtaritore ñaha, cjãha. Ñ yoa tuhsũ tirore dahra cohtaritore se tũhorine waerapahta tjuua dutiha tirore. <sup>4</sup> Ñ jiro wese pũro paio tirore dahra cohtaritore warocamaha tjoa. Ñ jia wesere ñũ wihboina sehe tirore dahra cohtariro dapure cami dahre, ñano yoaha tina tirore. <sup>5</sup> Tuhsũ, paio sehere to warocachũ ñũ wihboina tirore wajãha. Payũ paina cũhũre ã dihta yoa mũjaha. Paina sehere cjã, paina sehere wajãha tina.

<sup>6</sup> Ñ jiro wese pũro macũno dihta dũhsaha. Tiro to cahĩro jia. Ñ jiro to macũnore warocaha jũna, “Yũ macũ sehere ño payoahca”, nino. <sup>7</sup> To ã ni tũhotupachũta tina ñũ wihboina ti basi ò sehe ni durucuha: “Wese pũro macũno baharo ahri wesere cjuahitiro jira ahriro. Tirore wajãjihna mari. Ñ jiro ahri wese mari ya wese tjuarohca”, nimaha tina ti basi. <sup>8</sup> Ñ nia tirore ñaha, wajã, wese dũhtũ cahapũ na wahcã, cohãnocahna tina tirore.

<sup>9</sup> ¿Ne wese pũro taro dohse yoarohcari tiro wesere ñũ wihboinare? Ò sehe yoarohca tinare: Tiro tinare wajãno, paina sehere wesere ñũ wihbo dutirohca. <sup>10-11</sup> ¿Cohamacũ yare ti joari pũre ahrire buherari mũsa? Ò sehe ni joaa tiha: “Ahriro Cristo tãca yoaro seheta jira.

Tãcare wũhũ dahreina ti cohãno seheta masa tirore cohãahca.

Ti ã yoapachũta mipũre wũhũ dahreina wũhũre yoaa ti cũ mũhtari tãcare ti cũno seheta Cohamacũ tirore pũhto sũre.

Cohamacũ sehe ahrire yoare.

To ã yoachũ ñũna, ‘Noa yũhũdũara’, ni tũhotuja mari”,

ni joaa tiha panopũ. ¿Tĩre ne buherari mũsa? —niha Jesu tinare.

<sup>12</sup> To ã nichũ tũhoa sacerdotea pũhũa, sã coyera judio masare buheina, bũcũna mehne ò sehe ni tũhotuha: “Jesu wesere ñũ wihboina quiti mehne marine tuhtiro nina”, ni tũhotuha. Ñ ni tũhotua Jesure ñaha duamaha. Ñ ñaha duapahta masare cui niha. Ñ cuia tirore cohã wahcãa wahaha.

*Fariseo curua macaina, Herode ya curua macaina mehne gobierno macaa wapare sinituha Jesure*

(Mt 22.15-22; Lc 20.20-26)

<sup>13</sup> Waha, tina fariseo curua macainare, Herode ya curua macaina cũhũre Jesure sinitu dutia warocaha tjoa. Jesu ñano to yũhtichũ yoa duamaha tina, tirore yahusãa taa. <sup>14</sup> Ñ jia Jesu cahapũ sũa, tirore mahũno cũ sinitu ñũmaha:

—Buheriro, potocã durucuriro, mahũno marieriro mũ jichũ masija sã. Cohamacũ yare quihũno mũ yahuchũ cũhũre masija sã. Ñ yoa cãiro pũhtoro waro to jipachũta tiro cũhũre dũroero marieno potota yahura mũhũ. Ñ jicũ sãre yahuga. ¿Roma macariro jipihũna bui pũhtoro jirirore gobierno macaare marine waparo cahmajari, mũ tũhotuchũ? ¿Mari dutia tirore wapa dutijari, mũ tũhotuchũ? —ni sinitumaha tina Jesure.

<sup>15</sup> Ti ã sinituchũ tũhoro ti yahusã duaare masino ò sehe ni sinituha tinare:

—¿Dohseana yũ ñano durucuchũ tũho duajari mũsa? Mipũre niũneru tũre na tahga. Tĩ tũre ñũjihna —niha Jesu tinare.

<sup>16</sup> To ã nichũ tũhoa tina sehe cũ tũre na taha. Ti na wihichũ Jesu ò sehe ni sinituha tinare:

—¿Diro baro masũ wahãjari ahri tũre? ¿Diro baro wama wahãjari? —ni sinituha tiro.

—César, masa bui pũhtoro masũ, to wama cũhũ wahãna —ni yũhtiha tina.

<sup>17</sup> Ti ã nichũ Jesu ò sehe ni yahuha tinare:

—Tĩ pja pinihta masa bui pũhtoro yare tiro sehere waga. Cohamacũ yare Cohamacũ sehere waga —ni yahuha Jesu.

To ã nichu tuhoa, tuho cuaa wahaha.

*Saduceo curua macaina Cohamacu* to masoare sinituha Jesure  
(Mt 22.23-33; Lc 20.27-40)

<sup>18</sup> Æ yoa cãina Saduceo curua macaina Jesu cahapũ wihaha. Saduceo curua macaina sehe “Cohamacu yariainare masosi”, ni tuhutuina jimaha. <sup>19</sup> Æ jia tina õ sehe niha tirore:

—Buheriro, õ sehe ni buhea tiha Moise cjiro: “Cũiro to wahmino namo tiroro pohna mariaparota to yariachu ñũno to bahũrore to wahmino namono cjirore nũoano cahmana. Æ yoaro to wahmino mũnano to pohna tiboro seheta pohna tiro cahmana to bahũrore. Æ jia to pohna to wahmino mũnano pohna yoaro sehe jahca”, ni joaa tiha Moise cjiro —niha tina Jesure.

<sup>20</sup> Tĩre ni tuhsũ, ahri quitireta yahu namoha Jesure:

—Cũiro masũno jiha. Seis to bahana jiha. Ti wahmino sehe namo ti, pohna mariaparota yariaa wahaha. <sup>21</sup> Tuhsũ, paio to bahũro cũhu to wahmino namono cjirore cjuamaha. To ã nũoari baharo to wahmino yoaro seheta pohna mariaparota yariaa wahaha tjoa. Æ jiro ahriro bahũro to wahmino mũnano yoaro seheta pohna mariaparota yariaa wahaha tjoa. <sup>22</sup> Æ dihta wahaha cũiro pohna waro. Ne pohna mariapahta yaria pihtia wahaha tina. Ti namono cjiro cũhu ti baharota yariaa wahaha. <sup>23</sup> ¿Ne, Cohamacu jipihtinare yariaina cjirore to masochu diro namono sehe jirohcari ticoro? Tina jipihtina ticoro namo tirina cjiri jiha. ¿Æ jiro diro namono sehe jibocari ticoro pototi? —ni sinituha tina.

<sup>24</sup> Jesu õ sehe ni yũhtiha tinare:

—Cohamacu yare ti joari pũre, to masia cũhũre ne masierara mũsa. Æ jia mũsa tuhutua sehe ne quihũno jierara. <sup>25</sup> Yariarina cjiri ti masa mũjari baharo tina anjoa yoaro sehe jira. Tina mũa namo tierara tũpũre. <sup>26</sup> Yariarina cjiri ti masa wijaahto sehere mũsare yahuihtja: Tĩre Moise cjiro noano yahu pahũoha. To mahadũcã jũri quitire õ sehe ni yahuha tiro: “Yũhu Abrahã, Isaa, Jacobo ti pũhtoro tjija’, ni yahure Cohamacu yũhũre”, ni joaa tiha Moise cjiro to joari tjui. <sup>27</sup> Ti yariari baharo “Ti pũhtoro tjija”, ni yahuha Cohamacu. Æ niparota yariarina cjiri pũhtoro jierara Cohamacu. “Ti pũhtoro tjija”, to nia mehne catiina ti jichu masija mari. Tiro catiina pũhtoro jira. Æ jina “Yariaina masasi”, ni tuhutuna quihũno tuhutuerara mũsa —niha Jesu tinare.

Cũno noa yũhdũro to dutiare yahuha Jesu

(Mt 22.34-40)

<sup>28</sup> Æ yoa cũiro sã coyera judio masare buheina mehne macariro tina cahapũ wihi, ti cahma durucuchũ tuhoha. Jesu to noano yũhtiare tuhoro õ sehe ni sinituha tirore:

—¿Cohamacu ya dutia noa yũhdũro di baro sehe jijari, mũ tuhutuchũ? —ni sinituha tiro Jesure.

<sup>29</sup> Jesu tirore õ sehe ni yahuha:

—Ahri dutiata paye dutia yũhdoro noa yũhdũara: “Israe masa tuhoga. Cohamacu mũsa pũhtoro yũhu cũirota jija. <sup>30</sup> Tuaro mũsa yajeripohnari mehne, noano mũsa wacũa mehne, mũsa tuua mehne yũhũre cahĩga”, nina Cohamacu. <sup>31</sup> Ahri dutia baharo paye dutia noa yũhdũara: “Mũ basi mũ cahĩno seheta mũ cahai jiina cũhũre cahĩga”, nina Cohamacu. Ahri pũaro dutia jipihtia paye dutia yũhdoro jira —ni yahuha Jesu tirore.

<sup>32</sup> To ã nichu tuhoro judio masare buheriro õ sehe niha:

—Æ tjira. Buheriro, potocã nina mũhu. Cohamacu cũirota jira. Pairo tiro yoaro sehe jiroro mariaha. Mũ nia potocã tjira. <sup>33</sup> Cohamacure tuaro mari yajeripohnari mehne, mari wacũa mehne, mari tuua mehne tirore cahĩno cahmana marine. Yũ cahai jĩnare yũ basi yũ cahĩno seheta tina cũhũre cahĩno cahmana yũhũre. Wahiquinare wajã jũ mũo mari wari mehne mari ño payochũ noa nimana. Ahri yũhdoro Cohamacure masa cũhũre mari cahĩa noa yũhdũara. Mũ ã nia potocã tjira —niha judio masare buheriro Jesure.

<sup>34</sup> To ã noano yũhtichũ tuhoro Jesu õ sehe ni yahuha tirore:

—Mahanocã dũsara mũhũre Cohamacure mũ noano masihto —niha tirore.

To ã nichu tuhoa paina cuia, ne sinitu ñueraha tirore.

*¿Diro baro coyeiro jijari Cristo?*

*(Mt 22.41-46; Lc 20.41-44)*

<sup>35</sup> ã yoa Cohamacu wuhui buhero õ sehe niha Jesu:

—“Cristo Davi cjiro panamino jira”, ni buhera mari coyea judio masare buheina. ¿Dohse yoa ã ni buhejari tina? <sup>36</sup> Davi cjiro to basi Espíritu Santo to dutiriro seheta õ sehe ni yahua tiha:

“Cohamacu yu puhtorore õ sehe nire: ‘Õi yu poto buhusehei dujiga.

ã jicu mähure ñu tuhtiinare mähure yuhdunucabasaihca yuhü’, nire Cohamacu yu puhtorore”,

ni joaa tiha Davi cjiro. <sup>37</sup> ã ni joaro Davi cjiro puhtoro tia tiha Cristore. ¿Davi cjiro Cristo ñuchano cjiro jiparota dohsearo Davi sehe puhtoro tiari Cristore? Cristo Davi cjiro puhtoro jira —ni yahuha Jesu.

To ã ni buhechu payu masa wahchea mehne tuhoha tirore.

*Jesu judio masare buheina ti ñaare yahuha*

*(Mt 23.1-36; Lc 11.37-54; 20.45-47)*

<sup>38</sup> ã yoa tiro buhe namono õ sehe niha:

—Mari coyea judio masare buheina ti ñaa yoaare noano ñuga. ã jina ti yoaro sehe yoaena tjiga. Tina yoaa suhti sãa, masa ti ñurocaroi majarea, pache duaropu paina puhtoare noano ño payo ti sinino sehe ti piti bocasinichu cahmana tina. <sup>39</sup> ã cahmaina jia, mari judio masa buhea wuhusei noaa dujia dihtare duji duara. Tuhsu, bose numu jichu tó cühure noaa dujia dihtare cahmana tina. <sup>40</sup> Tina wapewahya numia ya wuhusere ti ya cühure mana tí numiare. ã yoaina jia, tina masa ti ñurocaroi yoari pja Cohamacu mehne durucumana masare ñu dutia. Ti ã yoari buhiri paina bui curero tinare Cohamacu pjíro buhiri dahrerohca —niha Jesu tinare.

*Wapewahyoro to warire yahuha Jesu*

*(Lc 21.1-4)*

<sup>41</sup> ã yoa Jesu niñeru wihbori caro cahapu dujiha. Tí caropu masa ti niñeru duhu sãachu ñu dujiro niha. (Tí niñeru Cohamacu wuhure ti cahnochü ti wapahti jiha.) ã jia pache puu tí caropu pjíro duhu sãaha. <sup>42</sup> ã yoa wapewahyoro pjacuricoro tí caropu ta, puu tucãre duhu sãaha. Puu tu cã centavo posa jira. <sup>43</sup> Tí turire to duhu sãachu ñuno to buheinare pjirocaha:

—Potocã niita nija musare. Ahricoro wapewahyoro pjacuricoro sehe niñeru wihbori caropu duhu sãano paina jipihtina ti wari yuhdoro wahre ticoro sehe. <sup>44</sup> Paina pache puu pjíro ti wapachuta ti ya pjíro dũhsara. Ahricoro sehe pjacuricoro jiparota jipihtia to chũtire to nuchũboacãre wa pahñohre —ni yahuha Jesu.

## 13

*“Cohamacu wuhu cohãri wuhu jirohca”, niha Jesu*

*(Mt 24.1-2; Lc 21.5-6)*

<sup>1</sup> ã yoa Cohamacu wuhupure ti wijaachu cãiro buheina mehne macariro õ sehe niha: —Buheriro, ñuga. Ahri wuhuse noaa tãa mehne ti yoaa wuhuse noaca wuhuse jijari —niha tiro.

<sup>2</sup> To ã nichu Jesu õ sehe ni yahuha tinare:

—Ahri jipihtia mari ñuri wuhuse cjiri, ahri tãa cühü cohõ pihtia wahaahca. Ne cãria tãca tjuasi —niha Jesu tinare.

*Pihtiri dacho cjihtore yahuha Jesu*

*(Mt 24.3-28; Lc 21.7-24; 17.22-24)*

<sup>3</sup> ã yoa Jesu Olivo wama tidu tũcãpu Cohamacu wuhu potoi jidũpu sũha. Tu bui dujiha. Tóí Pedro, Santiago, João, Andre mehne ti sahsero jia, tina tirore õ sehe ni sinituha:

<sup>4</sup> —Yahuga sãre. ¿Dohse jichu ã waharohcari mu niriro sehe waharo? ¿Pihtiri dacho panocã to jichu dohse to waha ducachu ñunahcari sã? —ni sinituha tina Jesure.

<sup>5</sup> Jesu õ sehe ni yuhtiha:

—Noano yoaga musa. Tuhsu, paina ti mahñoare tuhoena tjiga musa. <sup>6</sup> Payu masa “Cristo jija yuhu”, ni mahñoina taahca. Ti ã mahñochu tuhoa payu masa Cohamacu yare duhuahca.

<sup>7</sup> Musa cahacãi masa paina ti cahma wajachu tuhonahca musa. Tuhsu, yoaropu cãhure ti cahma wajachu tuhorocanahca musa. ã tuhorocapanahca ne tãre pjãro tuhutuena tjiga. ã waharohca. Ti ã yoachu pihtiri dacho cjihto dũhsasininohca mini. <sup>8</sup> Tã pjare cã yahpa macaina pa yahpa macaina mehne cahma wajãahca. ã yoa cãiro puhtoro yaina paio puhtoro yaina mehne cahma wajãahca. Tuhsu, pjaró yahpa ñuhminohca. ã yoa payu masa jũca mehne yariaahca. To ã wahachu ahri yahpa macainare ti ñano yuhdu namohto dũhsasinina mini. Ñano yuhdũsiniahca.

<sup>9</sup> To ã wahachu ñuna musa basi noano yoaga. Paina musare ñaha, ñano yoa dutia waahca paina puhtoapure. ã yoa judio masa mari buhea wãhusei musare cãahca. Ti ã yoachu bujua macari macaina puhtoa, ti bui puhtoa cãhu musare buhiri dahrea taa sinituahca musare. Yu yaina musa jiri buhirire paina musare yahusãhca. ã jina yare yahunahca musa tinare. <sup>10</sup> ã jia pihtiri dacho pano noaa buheare jipihtiro yahpari macainare yahua buhea jahca. <sup>11</sup> ã jina musare buhiri dahre dutia, buhiri dahre dutiriro cahapu ti naachu tirore musa nihtire “Yahu masieraboca”, ni tuhutuena tjiga musa. Tã pjare musa nihtire musare Espãritu Santo yahurohca. To ã yahurire yahuga musa. Musa mu sũro durucusi musa. Espãritu Santo sehe musare durucubasarohca. <sup>12</sup> Tã pjare cãiro to bahũrore wajã dutiro warohca. Pairo sehe to wahminore wajã dutiro warohca. Ti pũcũro to pohñare wajã dutiro warohca. ã yoa ti pohña sehe ti pũcũsumare wajã dutia waahca. <sup>13</sup> Yu yaina musa jiri buhiri musare masa jipihtina ñu tuhtiahca. ã ñano yuhdũpanahca yu yare musa ne cohãerachu pihtiri dacho jichu musare yuhdoihca.

<sup>14</sup> ã yoa ñabiarire Cohamacu yare ñano yoarire ñunahca musa. Cohamacu ya wãhũi to ducuchu ñunahca. Tã tirore jieraro cahmana. [Panopu Cohamacu yare yahu muhtariro Daniel cjiro tirore yahuro joaa tiha.] Tã to ducuchu ñua Judea yahpau jiina tãyucũpu duhti mũroca mũjaa wahajaro. Ahri yu nirire noano masiga musa. <sup>15</sup> Soaro mehne mũroca duhtijaro. Tã pjare ti wãhũseri bui macaa waparipu jiina wãhu puhichapu jiare ti yare na wahaea tjijaro ti waha bahrañohto sehe. <sup>16</sup> ã jia tã pjare paina ti weseripu jiina ti bui macaa suhtire wãhũpu jia suhtire na wahaea tjijaro ti waha bahrañohto sehe. <sup>17</sup> Tã pjare niji pocosanumia, ti pohñare pã numia cãhu pjacũoro wahaahca. <sup>18</sup> ã jina õ sehe ni siniga Cohamacure: “Puhiro jichu ã wahaero tjijaro”, ni siniga tirore. <sup>19</sup> Tã dachorire masa nu ñano wahaahca. Ahri yahpare to bajuamehneri baharo masa ñano ti yuhduã jia tiha. Ti ã jipachũta jipihtia tã purã yuhdoro pihtiri dacho jichu masa ñabiaro yuhduãhca. ã ñano ti yuhdũri baharo pari turi tã sehe ñabiaro yuhdũsi ahri yahpai juna. <sup>20</sup> ã jiro Cohamacu tã dachorire mahaa dachoricã ti jichu yoarohca. To ã yoerachu ne cãiro masũno yuhdũeraboa. ã jiro to beserina ti yuhdũhti cjihtire mahaa dachoricã ã cũsininohca Cohamacu.

<sup>21</sup> Tã pjare paina musare “Ñuga. Õi jira Cristo”, ti nichu tinare tuhoena tjiga. “Tã jira Cristo”, ti nichu cãhure tuhoena tjiga. <sup>22</sup> “Cristo jija”, ni mahñoina, “Cohamacu yare yahu muhtaina jija”, ni mahñoina jahca tã pjareta. ã jia Cohamacu to beserinare mahñoa, tina bajuamehneare yoa ñoahca. Ti ã yoa ñochu ñua, Cohamacu yaina cãina tinare tuhoa “Potocã tjira” nia, Cohamacu yare pa tehe nia duhuboca. <sup>23</sup> Ahrire yahuyuja musare to ã wahahto pano. ã jina noano yoaga musa —ni yahua Jesu.

*Jesu yahpũre to tjua tahtore yahua  
(Mt 24.29-35, 42-44; Lc 21.25-36)*

<sup>24</sup> ã ni tuhsu õ sehe ni yahu namoha Jesu:

—Tí dachori ti ñano yũhduri baharo sũ dacho macariro, ñami macariro cũhũ buhria duhua wahaahca. <sup>25</sup> Ti ã wahachuta ñahpichoha poca mũanopũ jia poca boraa wahaahca. Æ jia mũano macaa yahpari tuaro ñuhmiahca. <sup>26</sup> Tí pjata yũhũ masũno Cohamacũ warocariro taihtja. Yũ ã tachũ mũanopũ yũ tuaa mehne yũ si sitea mehne mũano macaa me bui ahri yahparũre yũ tjua tachũ ñũahca masa. <sup>27</sup> Æ jicũ yũ yaina anjoare jipihtiorũ ahri yahparũ warocaihtja. Æ jia jipihtiorũ yũ yaina yũ beserinare tina naahca.

<sup>28</sup> Mĩpũre higueraçũre tuhotuga mũsa. Tũ quiti mehne mũsare piti dahre buheihitja. Tũ yucũcũ pũri tichũ ñũna, cũhma mahanocã duhsachũ masina mũsa. <sup>29</sup> Tó seheta ahri jipihtia yũ niri cjirore ti ã wahachũ ñũna, yũ tjua tahto mahanocã duhsachũ masinahca mũsa. <sup>30</sup> Potocã niita nija mũsare. Tí pja macaina ti yariahto panore jipihtia yũ niriro seheta ã waharohca. <sup>31</sup> Mũano, ahri yahpa cũhũ pihtia wahaahca. Yũ durucua sehe ne cohtotasi. Jipihtia yũ niriro seheta ã waha sohtori tiarohca.

<sup>32</sup> Tí dachore yũ tjua tahti dachore, tí hora cũhũre masieraja yũhũ. Anjoa cũhũ tíre masierara. Masa cũhũ ne masierara. Yũ Pũcũ dihta tíre masina.

<sup>33</sup> Mũsa cũhũ tí dachore masierara. Æ jina noano yoaga. Noano cohtaga. (Cohamacũre siniga mũsa.) <sup>34</sup> Õ sehe cohtaga mũsa. Ahri quiti mehne mũsare piti dahre buheihitja. Wũhũ pũro yoaropũ to tinino seheta jira ahri. Tiro to wahahto pano to cahamacare wũhũre cohta dutiha. Cãinare ti dahrahtire cũha. Æ jiro wũhũre ñũ wihborirote tirore to tjua tahtore cohta dutiha. <sup>35</sup> Æ jina mũsa cũhũ noano wacũ masi cohtaga. Wũhũ pũro to tjua tahtore tina ti masieraro seheta yũhũ mũsa pũhtoro yũ tjua tahti dachore masierara mũsa cũhũ. Ñamichahapũ, ñami dacho macapũ, caraca to duri pja jichũ, bohrearopũ taboca. <sup>36</sup> Yũ ã wacũenoca yũ wihiltore masina, yũ yare ã yoarucuina jiga mũsa. Æ yoa yũhũre noano cohtaga. <sup>37</sup> Æ jicũ mũsare yũ nino seheta jipihtinare ã nija mũsare: Noano wacũ masi cohtaga —niha Jesu tinare.

## 14

*Sacerdotea pũhtoa, judio masare buheina mehne Jesure wajã duaha*  
(Mt 26.1-5; Lc 22.1-2; Jn 11.45-53)

<sup>1</sup> Æ yoa tí pjare pascua wama tiri bõse nũmũ cjihto bũcũaerari pãore ti chũhti nũmũri cjihto pũa dacho duhsasiniha. Tí pjare sacerdotea pũhtoa, ã jichũ sã coyera judio masare buheina mehne dohse yoa ti mahũoa mehne Jesure ñaha ti wajãhtore cahma sũhũdua niha:

<sup>2</sup> —Mari bõse nũmũri yũhũdoro puro tirore ñahasiniena tjiijihna, “Masa sua saũuru-curi”, nina —niha tina ti basi.

*Numino me sitia se mehne Jesure pio payoha*  
(Mt 26.6-13; Jn 12.1-8)

<sup>3</sup> Æ yoa Jesu cũhũ Betaniapũ, Simo camĩ bũcũ baariro cjiro ya wũhũpũ jiha. Tõpũ ti chũro watoi numino sehe alabastro mehne ti yoariare me sitia nardo wama tia sere posa tiriare na wihia. Tí se sehe wapa bũjũ niha. Æ na wihiro, ticoro tiare poharoca, Jesu dapu bui pio payoha. <sup>4</sup> To ã yoachũ ñũna paina suaa waha, ti basi õ sehe niha:

—¿Dohse yoaro ahricoro ahri me sitia co wapa bũjũare ã yoa sitejari? <sup>5</sup> Tíre ticoro duaboa. Tíre duaro tres cientos niũneru pũrine wapataboa. Æ wapataro, tí niũnerure pjacũoinare waboa ticoro —ni cohtaha paina sehe ticoro to ã yoachũ ñũna.

Æ jia tina ticorore tuhtia.

<sup>6</sup> Tí ã nichũ tuhoro Jesu tinare õ sehe ni yahuha:

—Æ niena tjiaga ticorore. Yũhũre ticoro noano yoaro nina. <sup>7</sup> Pjacũoina sehe mũsa mehne ã jirucuahca. Æ jina mũsa cahmari pja tinare wa masina. Yũhũ sehe ahri yahpare mũsa mehne ã jirucusi. <sup>8</sup> To cjuaro puro mehne ticoro yũhũre ã yoahre. Yũhũre ti yahto pano yũ pjacũre cahnoyuro, me sitiare pio payohre ticoro. <sup>9</sup> Æ jicũ potocã niita nija mũsare. Jipihtiro ahri yahparũ noaa buheare ti yahuropũ ahricoro mĩpũre to yoarire yahuahca. Tí ã yahuchũ tuhoa ticorore masa payũ wacũahca —ni yahuha Jesu.

*Juda Iscariote Jesure ñu tuhtiinare to ñohtore yahuha sacerdotea puhtoare*  
(Mt 26.14-16; Lc 22.3-6)

<sup>10</sup> Tí pjareta Juda Iscariote wama tiro doce to buheina mehne macariro Jesure to ñohtire yahuro wahaha tirore ñu tuhtiinare, sacerdotea puhtoare. <sup>11</sup> To ã ni yahuchu tuhoa, sacerdotea puhto tîre tuhoa wahcheha.

—Muhure niñerure wanahtja —niha tina Judare.

Ti ã nichu tuhoru, tiro Jesure ñu tuhtiinare to dohse yoa ñohto cjihtore wacû macaha.

*Jesu to buheina mehne to chu batoari numu jiha*  
(Mt 26.17-29; Lc 22.7-23; Jn 13.21-30; 1Co 11.23-26)

<sup>12</sup> Bucuaerari paore ti chu numuri ducari numu sehe oveja pascua macaina cjihtire ti wajãhti numu jiha. Tí numu to buheina sehe õ sehe ni sinitu ñuha Jesure:

—¿Mari pascua macaa chũhtire noho baroi cahnoyu dutirocaijari muhu sãre? —niha tina tirore.

<sup>13</sup> Ti ã nichuta Jesu sehe puaro to buheinare õ sehe ni yahu warocaha:

—Jerusalẽpu wahaga. Tõpu musa suchu co situ wuaro musare piti bocarohca. To piti bocachu tiro mehne wahaga. <sup>14</sup> ã wahana tiro to suho sãari wuhuru suna, tí wuhu purore õ sehe niga: “¿Dí tahtiai yuhu yu buheina mehne pascua macaa chũare chũnahcari?” ni sinitu dutirocahre buheriro”, niga tí wuhu purore. <sup>15</sup> Musa ã nichu tuhoru, tõpu muano macari tahtiare pjiri tahtiare, noano ti cahnoyuri tahtiarẽre musare ñonohca wuhu puaro. Tõ mari chũhti cjihtire dahrega musa —niha Jesu tinare.

<sup>16</sup> To ã nichu tuhoa tina to buheina tí macapu wahaha. Tõpu ti suchu tinare to niriro seheta ã wahaha. ã jia tina pascua macaa chũare dahreha.

<sup>17</sup> ã yoa nahitia bora tachu Jesu doce to buheina mehne tí wuhurẽre suha. <sup>18</sup> Tí wuhuru ti suri baharo, tina mehne mesapu churo Jesu tinare õ sehe ni yahuha:

—Potocã niita nija musare. Cũiro musa mehne macariro yuhu mehne chũrirota yuhure ñu tuhtiinare ñonohca yuhure —ni yahuha Jesu tinare.

<sup>19</sup> To ã nichu tuhoa tina sehe cahyaha.

—¿Yuhuta jijari muhure ñohtiro? —ni sinitu pihtiaha tina cãina jipihtina Jesure.

<sup>20</sup> —Musa mehne macarirota jira tiro. Yu churi wapai yuhu mehne soha chũriro tjira yuhure ñu tuhtiinare ñohtiro. <sup>21</sup> Panoru yuhure ti yahu joariro seheta yuhu masuno Cohamacu warocariro yariaihca. Yuhure ñu tuhtiinare ñoriro pjacuro yuhdurõhca. Tiro to masa bajuerachu noaboa —niha Jesu tinare.

<sup>22</sup> ã ni yahu tuhsu, to buheinare suho churo, Jesu paore na, Cohamacure “Noana”, niha. ã ninota, tí curire nuha, witiha tinare.

—Ahrire na chuga. Ahri yu pjacu jira —niha tiro tinare.

<sup>23</sup> ã ni tuhsu tiro sihnia posa tiri wahware na, Cohamacure “Noana” ni tuhsu, waha tinare. To wachu tina jipihtina tîre sihni pihtiaha.

<sup>24</sup> —Ahri yu di jira. Payu masa ti ñaa yoari buhirire cohãcu tacu yariaihca. ã yariacu yu dire cohãihca. Cohamacu “Musare yuhdoihtja”, to ni cũiro mu suchu yu ã yariaro mehne to niriro sohtori tirohca. <sup>25</sup> Potocã niita nija musare. Mipure ahri co, se core ne sihni namosi yuhu. Pu puhtoro Cohamacu musare to suho jichuru ahrire coã pari turi sihniihca tjoa —niha Jesu tinare.

*Pedro Jesure to cohãhtore yahuha Jesu*  
(Mt 26.30-35; Lc 22.31-34; Jn 13.36-38)

<sup>26</sup> To ã ni tuhsuchu tina Cohamacure ño payoa cãno basaare basaha. Ti basa pahõori baharo, tãcu Olivo wama tiduru tina waha wahaha. <sup>27</sup> Tõpu suho suru Jesu tinare õ sehe ni yahuha:

—Mipure musa jipihtina yuhure cohãnahca. Õ seheta nina Cohamacu yare ti joari pui yuhure yahuro: “Ovejare ñu wihboriro yoaro sehe jirirore Cohamacu cohãnohca. ã to cohãchu to yaina oveja yoaro sehe jiina duhti site wahcãa wahaahca”, nina Cohamacu

yare ti joari p̄i. <sup>28</sup> Ñ yoa Cohamacu yuhure to masori baharo m̄sa pano Galileapu wahayuihca yuh̄u —niha Jesu tinare.

<sup>29</sup> To ã nichu Pedro sehe õ sehe niha:

—Yuh̄u mehne macaina jipihtina ti cohã wahcãpachuta yuh̄u sehe m̄hure ne cohãsi —nimaha Pedro tirore.

<sup>30</sup> Jesu õ sehe ni yuhtih̄a:

—Potocã niita nija m̄hure. Micha ñami pinihtare caraca p̄a taha to duhto pano “Yuh̄u Jesure masieraja”, niihca m̄h̄u. Tia taha ã niihca m̄h̄u —niha Jesu Pedore.

<sup>31</sup> To ã nipachuta Pedro õ sehe ni tuaro bisiro yuhtih̄a:

—M̄h̄u mehne yuh̄ure ti wajã duapachuta “Jesure masieraja”, ne nisi yuh̄u —ni yuhtimaha tiro Jesure.

Pedro to ã nichu tuh̄oa tiro mehne macaina c̄hu ã dihta ni yuhtih̄a.

*Getsemaní wama tiropu Jesu Cohamacure siniha*

*(Mt 26.36-46; Lc 22.39-46)*

<sup>32</sup> Ñ yoa tina Getsemaní wama tiropu wahaha. Tóru s̄ro, õ sehe niha Jesu:

—Cohamacure yu sinino watoi õi dujiyusiniga m̄sa —niha to buheinare.

<sup>33</sup> Ñ ni tuhsu Pedore, Santiagore, Joãore tina tiarore p̄i wahcãha. Tinare ã p̄i wahcãno, p̄jro tuh̄otu d̄caha tiro. Ñ yoa ñano yajeripohna tiha.

<sup>34</sup> Ñ cahyaro tó mehne macainare to p̄i wahcãinare õ sehe niha:

—Yuh̄u ñano yajeripohna tii nija. Ñano pur̄nore tuh̄otui nija. Tí mehne variahto cua yuh̄duaro coa taca yuh̄ure. Õi tjuaga. Yu c̄no potorita catiga m̄sa c̄hu —niha Jesu tinare.

<sup>35-36</sup> Ñ ni tuhsu tiro tóru mahanocã waha namo, yahpai caha s̄ro, Cohamacure õ sehe niha:

—Mai, m̄h̄u jipihtiare yoa masina. Ñ jicu yu ñano yuh̄duhtire yoa duaeracu yoai tjia. Yu ã nipachuta yu cahmano sehe yoai tjia. M̄h̄u sehe masina. M̄ cahmano seheta yoaga yuh̄ure —ni siniha tiro Cohamacure.

<sup>37</sup> Ñ ni tuhsu, tiaro to buheina cahapu wihiro, car̄inare boca wihiha tiro. Tinare ñno Pedore õ sehe niha:

—Simo, ¿car̄i nijari m̄h̄u? ¿C̄u hora waro yu c̄no potori cati masierari m̄h̄u?

<sup>38</sup> Noano yoaga m̄sa. M̄sa m̄ s̄ro quih̄no yoa duamana m̄sa. Wiho mejeta m̄sa basi tíre bihoerara. Ñ jina Cohamacure siniga ñano m̄sa yoerahto sehe —niha Jesu Pedore.

<sup>39</sup> Ñ ni yahu tuhsu pari turi waha, Cohamacure siniha. Tó pano to siniriho seheta siniha tjoa. <sup>40</sup> Ñ sini tuhsuro pari turi tina cahapu wihiha tjoa. Ñ wihiro car̄inare boca wihiha tjoa. W̄jo caha yuh̄duaha tina. Ñ jia tina Jesure dohse ni masieraha. <sup>41</sup> Ñ yoa pari turi Cohamacu mehne to durucuro s̄ri baharo tina cahapu wihi, tinare õ sehe niha:

—¿Car̄i, sosinina nijari m̄sa? Tó puro car̄iga m̄sa. Michapucacã yuh̄ure Cohamacu warocarirore ñano yoainare ti wahti p̄a m̄ s̄ tuhsura. <sup>42</sup> Wahcãga. Basa wahana. Ñnga. Yuh̄ure ñu tuhtiinare ñohtiro õi tara —niha Jesu tinare.

*Jesure ñu tuhtiina tirore peresu yoaha*

*(Mt 26.47-56; Lc 22.47-53; Jn 18.2-11)*

<sup>43</sup> To ã nino watoihta Juda, doce buheina mehne macariro c̄jro wihiha. Tiro mehne masa payu ñosaa p̄j̄ni, yucu siri c̄uaina c̄hu wihiha. Sacerdotea p̄h̄toa, sã judio masare buheina, ã jichu bucuna, ti warocarina jiha masa sehe. <sup>44</sup> Wahmanore Jesure ñu tuhtiinare ñohtiro sehe tiro mehne tahtinare õ sehe ni yahu quih̄o tuhsuha:

—Yu wahsupu wihtimiro tirota jirohca m̄sa ñahahtiro. Tirore yu wihtimiro baharo ñahaga tirore. Ñ yoana tirore noano ñahaga to duhtierahto sehe —ni yahu quih̄o tuhsuha Juda sehe.

<sup>45</sup> Ñ yahu quih̄o tuhsuro wihirota Jesu cahapu dóihta waha bahrañoa.

—Yu p̄h̄toro —ninota wahsupu wihtimiro tirore.

<sup>46</sup> To ã yoach̄u ñna tina Jesure ñahaha.

<sup>47</sup> Ti ã yoachũ ñũno cãiro Jesu cahapũ ducuina mehne macariro to ñosari pjĩne tuãwe naroca, sacerdotea bui pũhtoro cahamacũnore to cahmonore dũte pahrẽnocaha.

<sup>48</sup> To ã yoachũ Jesu õ sehe niha:

—¿Dohse jiro baro mũsa ñosaa pjini mehne, yucũ tiri mehne tajari? ¿Yaca bũcũrore mũsa ñahano seheta yũhũ cũhũre ñahana tana nijari? <sup>49</sup> Dachoripe Cohamacũ wũhũpũ mũsare yũ buhe dujichũ, mũsa yũhũre ne ñahaerare. Mũsa ã ñahachũ ahri jipihtia ã waharo nina Cohamacũ yare ti ni joariro seheta —niha Jesu masare.

<sup>50</sup> To ã ni tuhsũchũ, Jesu buheina tirore cohã wahcã, jipihtina mũroca site wahcãa wahaha.

<sup>51</sup> Æ yoa cãiro wahmũno suhti marieriro cãno coma yosaro dihta comariro Jesu baharo ñũ nũnũ timaha. To ã ñũ nũnũ tichũ ñũa tirore ñahamaha. <sup>52</sup> Tirore ti ñahachũ ñũno to coma yosarore cohãnocã, suhti marieriro mũrocaa wahaha.

Pũhtoa cahapũ naaha Jesure

(Mt 26.57-68; Lc 22.54-55, 63-71; Jn 18.12-14, 19-24)

<sup>53</sup> Æ yoa sacerdotea bui pũhtoro cahapũ Jesure na wahcãha. Ti na sũri baharo sacerdotea pũhtoa, bũcũna, sã coyee judio masare buheina cũhũ jipihtina cahmachuha.

<sup>54</sup> Tiro Pedro sehe Jesu baharo yoaropũ nũnũ tiha. Æ nũnũ tiro sacerdotea bui pũhtoa ya wũhũ cahapũ sũha. Æ sũro tiro tí wũhũre cohtaina surara mehne pichaca dũhtũ cahai sohma dujiha.

<sup>55</sup> Sacerdotea pũhtoa, jipihtina paina pũhtoa cũhũ Jesure wajã dutia taa, Jesu to quihõno yoerarire ti yahusãhtire wacũ macamaha. Wiho mejeta tíre bocaeraha.

<sup>56</sup> Æ wacũ bocaerapahta payũ masa tirore ã yahusãmacanocaha. Ti ã yahusãa potocã jieraha. Pairo soro ni, pairo soro niha. <sup>57</sup> Æ yoa paina wahcãrũcũ sũ, Jesure õ sehe ni yahusãha tjoa:

<sup>58</sup> —Ahrĩro õ sehe nire: “Yũhũ ahri wũhũre Cohamacũ wũhũre masa ti dahreri wũhũre cohãihtja. Æ cohãcũ tia nũmũ wahaboroi tí wũhũre pari turi yoaihtja. Tí wũhũ masa ti dahreri wũhũ jisi”, to nichũ sã tũhohi —niha tirore yahusãina.

<sup>59</sup> Ti ã ni yahusãpachũta ti yahusãa cũhũ potocã jieraha. Pairo soro ni, pairo soro niha tjoa.

<sup>60</sup> Ti ã nichũ tũhoro sacerdotea pũhtoro ti watoi ducuriro wahcãrũcũ sũ, Jesure õ sehe ni sinituha:

—¿Ahrĩna mũhũre ti yahusãpachũta tinare yũhti cahmaerajari mũhũ? ¿Mũhũre ti yahusãrĩre dohse ni yũhti cahmajari mũhũ? —niha tiro Jesure.

<sup>61</sup> To ã nichũ tũhõparota Jesu ãta tũhotunocaha. To ã yũhtierachũ ñũno sacerdotea bui pũhtoro tirore sinituha tjoa:

—Cristo, ¿Cohamacũ warocarirota jijari mũhũ? ¿Noariro Cohamacũ macũno warota jijari mũhũ? —niha tiro Jesure.

<sup>62</sup> —Tiro tjija. Æ jina yũhũre masũnore Cohamacũ warocarirore yũ Pũcũ jipihtina bui Jĩriro to poto bũhũsehei yũ dujichũ ñũnahca mũsa. Æ yoa mũano macaa me watoi yũ tachũ cũhũre ñũnahca mũsa —niha Jesu tirore.

<sup>63-64</sup> To ã nichũta sacerdotea bui pũhtoro sehe to sãari suhtirore to basi tũhrẽnocaha painare “Sua yũhdũara”, ni ñũ masĩ dutiro.

—Cohamacũre ñano durucuro nina ahriro. To ñano durucuarẽ tũho tuhsũja mari. Æ jia tũpeinata yahusãjaro ahrirore. ¿Æ jina dohse yoanahcari mari mipũre ahrirore? —niha sacerdotea bui pũhtoro paina pũhtoare.

—Cohamacũre to ñano durucuri buhiri wajãnocano cahmana tirore —ni yũhtiha paina pũhtoa.

<sup>65</sup> Æ ni yũhti tuhsũ, cãaina tina mehne macaina Jesure chahcho puti sihõ mũja, to caparire dũhte dũcata, tirore cjã, dota mũjaha. Cjã tuhsũ õ sehe ni bũjũpeha:

—¿Noa jijari mũhũre dotaro? Ñũerapaihta yahuga sãre —ni bũjũpeha tina.

Ti ã cjã dotari baharo pũhtoro yaina surara sehe tirore na wahcã, tina cũhũ tirore ti wamomacari mehne ñano cjã namoha.



*“Tirore masieraja”, niha Pedro Jesure  
(Mt 26.69-75; Lc 22.56-62; Jn 18.15-18, 25-29)*

<sup>66</sup> ã yoa wũhũ cahai jiri wapai noari wapai Pedro to jichũ sacerdotēa bui pũhtoro cahamacono wihaha. <sup>67</sup> Ticoro Pedro to sohmachũ ñũno tiro dihtare ñũrucuħa.

—Nazare macariro mehne, Jesu mehne mũhũ cũhũ jihre —niha ticoro Pedrore.

<sup>68</sup> To ã nichũ tũhoro tiro õ sehe niha:

—¿Dohse nimacanocaco nijari mũhũ? Mũ nirirore ne masieraja yũhũ —niha Pedro ticorore.

To ã niri baharo Pedro sahrĩno sopaca macari mahapũ wahaha. Tói to ducuchũ caraca duħa. <sup>69</sup> Tói to jichũ ñũno cahamacono sehe ticoro cahapũ ducuinare yahurocaħa tjoa.

—Ahriri cũhũ Jesu buheina mehne macariro jira —niha ticoro.

<sup>70</sup> To ã nichũ tũhoro Pedro pari turi õ sehe niha tjoa:

—Tirore masieraja yũhũ —niha tjoa.

Baharo curero tói ducuína Pedrore õ sehe niha:

—Potocã tjira. Mũhũ Galilea macariro jira. ã jicũ tina mehne macarirota jira mũhũ —niha tina tirore.

<sup>71</sup> Ti ã nichũ tũhoro tiro õ sehe ni yũhtiħa:

—Potocãta Cohamacũ mehne nii nija mũsare. Potocãta yũ nierachũ Cohamacũ yũhũre buhiri dahrejaro. Tirore mũsa nirirore ne masieraja yũhũ —ni yũhtiħa Pedro tinare.

<sup>72</sup> To ã nichũta caraca duħa tjoa. To ã duchũ tũhoro Jesu tirore to nirire wacũħa: “Caraca pũa taha to duħto pano mũhũ yũhũre ‘Jesure masieraja’, niħca mũhũ. Tia taha ã niħca mũhũ”, Jesu to nirire wacũħa Pedro sehe. To ã nirire wacũno, tuaro tiirucuħa Pedro.

## 15

*Pilato Jesure sinituħa  
(Mt 27.1-2, 11-14; Lc 23.1-5; Jn 18.28-38)*

<sup>1</sup> ã yoa bohrearopũ sacerdotēa pũħtoa, bũcũna, sã judio masare buheina, jipiħtina paina pũħtoa mehne cahmachũ, durucuħa Jesure ti yoachtire masia taa. Tirore ti wajãħtore durucu cahno tuħsũ, Jesure duħte, na wahcã, Pilatore waha tirore. <sup>2</sup> Tirore ti na sũ wachũ ñũno Pilato tirore õ sehe ni sinituħa Jesure:

—¿Potocãta judio masa ti pũhtoro tjijari mũhũ? —ni sinitu ñũħa tiro Jesure.

—Ája. Mũ nino seheta tirota jija —ni yũhtiħa Jesu.

<sup>3</sup> ã yoa sacerdotēa pũħtoa payũ ni yahusãħa tirore. <sup>4</sup> Ti ã ni yahusãchũ tũhoro Pilato tirore õ sehe ni sinituħa tjoa:

—Ahrina mũhũre payũ yahusãa nina. ¿Ti ã yahusãpachũta doħse yoacũ ne yũhtierajari mũhũ tinare? —niha tiro.

<sup>5</sup> To ã nipachũta Jesu ne pari turi yũhti namoeraha. ã jiro Pilato cũaa wahaha.

*Jesure wajã dutiħa  
(Mt 27.15-31; Lc 23.13-25; Jn 18.38-19.16)*

<sup>6</sup> Cũħmaripe pascuaripe masa yairo cjiħtore cãiro peresupũ jirirore, masa ti wio dutirirore Pilato ã wiobasa mũjaa tiħa. <sup>7</sup> Tí pjare Barrabá wama tiriro peresupũ jiħa. Tiro pũħtoare cohã duaina, masare wajãina mehne macariro jiħa. <sup>8</sup> ã jia masa payũ Pilato cahapũ sũa, tirore õ sehe ni siniħa:

—Cũħmaripe sãre mũ yoarucuriro seheta yoaga sãre. Cãiro peresupũ jirirore sãre wiobasaga —niħa tina.

<sup>9</sup> Ti ã nichũta Pilato tinare õ sehe ni sinitu ñũħa:

—¿Ahriri Jesure mũsa judio masa pũhtoro yũ wiobasachũ cahmajari mũsa? —ni sinitu ñũħa masare Jesure wio duaro.

<sup>10</sup> Jesure masa ti cahĩchũ ñũa sacerdotēa pũħtoa cũhũ tirore ñũ tuħtiħa. ã ñũ tuħtiħa tirore waha Pilatorũre. ã jiro masa ti cahĩri buhiri sacerdotēa pũħtoa ti ñũ tuħtirire ti peresu yoa dutichũ masino Jesure wio duamaha Pilato. <sup>11</sup> To ã wio duapachũta

sacerdotea puhto masare Jesu mehne suachu yoaha. Õ sehe ni dutiha tinare: “Jesu wijaachu cahmaeraja. Barrabá sehere wioga”, ni dutiha masare. <sup>12</sup> Æ jiro Pilatore Barrabáre ti wio dutiri baharo Pilato sehe tinare ò sehe ni sinituha tjoa:

—¿Ahriro judio masa ti puhtoro masa niriro sehere dohse yoahcari yahu masa ã nichu? —ni sinituha tiro.

<sup>13</sup> —Crusapu cã puha wajãga tirore —ni sañurucuha masa.

<sup>14</sup> —¿Yaba barore ñaare yoari ahriro masa ã ni sañurucuchu? —ni sinitu namoha tinare.

To ã nichu tuhoa tina sañurucu namoha tjoa:

—Crusapu cã puha wajãga tirore —ni sañurucuha tina.

<sup>15</sup> Ti ã ni sañurucuchu tuhoro Pilato sehe masare wahchechu yoa duaro Barrabáre peresupu jirirore wio dutiha masa ti wio dutirirore. Tirore to wio dutiri baharo, Jesu sehere ñano tjanaye dutiha. Tirore ti tjanayeri baharo, tirore surarare wiaha, crusapu cã puha wajã dutiro.

<sup>16</sup> Æ yoa surara Pilato ya wahu puhichapu pretorio wama tiri wahu puhichapu tirore na sãa suha. Na sãa su tuhsu, tina mehne macaina surarare pjiroca, cūnoi cahmachu dutiha. <sup>17</sup> Cahmachu tuhsu, tina puhtoro ya suhtiro yoaro sehe bajuri suhtirore Jesure sãa, pota sorore yoa, tí sorore to dapu bui duhu payoha. <sup>18</sup> Æ yoa tuhsu ò sehe ni bujupaha tina tirore:

—Noano tagã. Judio masa puhtoro noano tagã —ni bujupaha.

<sup>19</sup> Æ niata yucacu mehne to dapure cã maja, tirore chahcho puti sihõ mujaha tina. Tuhsu, cua pisaro yoaina yoaro sehetu tirore na tuhcuca caha su, ño payoro sehe yoaa, bujupaha tirore. <sup>20</sup> Æ yoa bujupaha tuhsu ti sãari suhtirore tjuwe naroca, to ya suhti sehere tirore sãa, tirore crusapu cã puha wajãa waha, naa wahaha tina.

*Tina Jesure crusapu cã puha, wajãha*

*(Mt 27.32-44; Lc 23.26-43; Jn 19.17-27)*

<sup>21</sup> Jesure ti ã naano watoi, tõi wahariro Simo Cirene macariro campopu suriro, tina cahapu to wihichu ñua surara sehe tirore Jesu to wuari crusare wua wahcã dutiha. Alejandro, Rufo puaro puaro jiha Simo sehe.

<sup>22</sup> Baharo, Gólgota wama tiropu Jesure na suha. Gólgota nino, “Dapu cohã”, nino nina. <sup>23</sup> Tõpu tirore ti na suri baharo, se core, mirra wama tidu co mehne ti morea core Jesure wamaha. Wiho mejeta tiro sehe tí core sihni duaeraha. <sup>24</sup> Baharo tina Jesure crusapu cã puha dapoha. Cã puha dapu tuhsu, to sãa suhti cjirire ti basi cahma witia taa, “¿Noa yaro jirohcari õ?” ni masia taa, docapea poca mehne docape mujaha tina.

<sup>25</sup> Jesure crusapu ti cã puhachu tia hora waro duhsasiniha cohari pja to suhto. <sup>26</sup> Æ yoa crusapu ò sehe ni joari pjine duhu õha tina tirore ti yahusãrire yahu duaa. “Ahriro judio masa bui puhtoro jirore jira”, ni joaha tina tí pjine. <sup>27</sup> Æ yoa puaro yaca bucuna Jesu cahai paye pjiripu crusaripu ti cã puha daporina jiha tina. Cãiro to potu buhusehei, paio to cõ buhusehei cã puha dapoha tina cūhure. <sup>28</sup> [Ti ã yoachu panopu Cohamacu yare ti yahu joariro sehetu ã waharo niha. Õ sehe ni joaa tiha: “ ‘Dutiare yuhdurucaina mehne macariro jira’, ni tuhoture masa tirore”, ni joaa tiha panopu.]

<sup>29</sup> Æ yoa crusari cahai yuhdu wahcãina Jesure ñu, ti dapu pocare yureruca, tirore ñano ni durucuha:

—Noana. Noana. ¿Cohamacu wuhure cohã, tia dacho wahaboroi pari turi tí wuhure dahrehtiro jijari muhu? <sup>30</sup> Æ jirore jicu, mu basi dujiaga. Æ jicu mu basi yoadohoga. Æ jii yuhdu witiuhca muhu —ni bujupaha tina.

<sup>31</sup> Ti yoaro sehetu sacerdotea puhto cūhu sã judio masare buheina cūhu tirore ã ni bujupaha. Æ ni bujupaha ò sehe niha ti basi:

—Tiro painare yuhdoriro jiparota to basi yuhdo masierara: <sup>32</sup> “Cristo, Cohamacu warocariro Israe masa puhtoro jija”, nimana tiro. Æ jina to basi to duji tachu ñuna tirore wacū tuanhca —ni bujupaha tina.

Ã yoa yaca bucuna tiro cahai ti cjã puha õrina cjiri cãhu tó sehetã tire ñano ni bujupaha tina cãhu.

*Jesu yariaa wahaha*

(Mt 27.45-56; Lc 23.44-49; Jn 19.28-30)

<sup>33</sup> Ã yoa cohari pja jichu tia hora waro jipihtiropu nahitiano wahaha. <sup>34</sup> To nahitia duhuchu waro Jesu tuaro sañurucuha:

—Eloi, Eloi, ¿lama sabactani? —niha tiro.

Ã nino õ sehe nino niha. “Yuh Cohamacu, yuh Cohamacu, ¿dohseacu yuhure cohãri mahu?”, nino niha.

<sup>35</sup> To ã nichu tuhoa cãina tói ducuina õ sehe nimaha:

—Tuhoga musa. Cohamacu yare yahu mautaritore Elia cjirore pjirocaro nina —nimaha tina.

<sup>36</sup> Ã jiro cãiro tina mehne macariro wihmi nari suhtere vino suẽa core to sohãri suhtere na muroca, yucucu sohtoapu duhte õ, Jesure wihmi dutiha. Ã wihmi dutiro, õ sehe nimaha:

—Depusinia. Elia cjiro wihmi ahrirore to na bororo tachu ñusinijihna mari —nimaha tiro painare.

<sup>37</sup> To ã niri baharo Jesu sehe tuaro sañurucu, yariaa wahaha. <sup>38</sup> To yariachuta Cohamacu wuhu macari suhtiro tóre to jiri tahtia waropu ti ducataro suhtiro dacho macai bui sehe tuhnu bora ta, puca cahsaro tuhnuuroca yoja sua wahaha. <sup>39</sup> To ã yariachu ñno surara puhtoro Jesu to wahãno potoi ducuriro õ sehe niha:

—Potocã tjiri jimana. Ahriro Cohamacu macunota jiri jira —niha tiro.

<sup>40</sup> Ã yoa yoaropu ducua numia cãhu Jesure ñurocarucua niha. Tí numia mehne María Magdalena jiha. Pacoro María wama tiricoro cãhu jiha. Ticoro sehe José, to bahuro Santiago ti pocoro jiha. Pacoro Salomé jiha. <sup>41</sup> Tí numia Jesu yahuare quihõno tuhoa numia jia, Galilea yahpai to jisinichu tire piti ti, yoadohoa tiha. Tí numia mehne payu paye numia cãhu Jerusalẽpu Jesu to suho tarina numia jiha.

*Jesu pjacure masa copapu cãha*

(Mt 27.57-61; Lc 23.50-56; Jn 19.38-42)

<sup>42-43</sup> Ã yoa tí dacho to yariari dacho Sabado pano judio masa sã sori numu pano jiri dacho jiha. Ã yoa Pascua macaa cjihtire ti cahnoru dacho jiha. Tí ñamiihta José Arimatea macariro cuiro marieno Pilato cahapu suha Jesu pjacure sinino sũro. José judio masa sã puhtoã mehne macariro, puhtoã ti cua pisaro ñũriro waro jiha. Tiro puhtoro Cohamacu masare to suho jihtore cohtaro niha. <sup>44</sup> Ã yoa José Pilatore to ã sinichu tuhoru, tuho caaa wahaha Pilato sehe. “¿Jesu yaria tuhsuari?” ni tuhoturo, caaa wahaha. Ã jiro surara puhtoro pjiroca õ sehe niha tire:

—¿Potocãta Jesu yariaa wahari? —ni sinituha tire.

<sup>45</sup> To ã nichu surara puhtoro õ sehe ni yuhtia:

—Ãja. Yariaa wahahre —niha.

To ã nichu tuhoru, Pilato Jesu pjacure wa dutiha José. <sup>46</sup> To ã wa dutiri baharo José noari suhtirore nuchubasaha. Nuchubasa tuhsu, Jesu pjacu cjirore na boro, suhtiro mehne wahma, masa copapu tãcai ti sahãri copapu to pjacure siõ sãa payoha. Siõ sãa payo tuhsu, tí copa cahai jiria tãcare pjiria tãcare tju turẽ wahcã, tí copare biha dapoha.

<sup>47</sup> María Magdalena, ã jichu María José pocoro Jesure ti na sãa duhu payorirore ñuha.

*Jesu masa wijaaha*

(Mt 28.1-10; Lc 24.1-12; Jn 20.1-10)

<sup>1</sup> Ã yoa Sabado dacho yuhdãri baharo, sũ sãari baharo, María Magdalena, Salomé, ã jichu María Santiago pocoro, tina tiaro numia wisõa me sitia core nuchuha Jesu pjacure

wisõa taa. <sup>2</sup> ã jia domingo bohrea mũja tachũ Jesure ti duhu payori copapũ ñũa wahaha tina. <sup>3</sup> Tí copa cahapũ waharucua, õ sehe niha tina ti basi:

—¿Tí copare bihari tãcare noa marine pjõobasarohcari na? —niha tí numia ti basi.

<sup>4</sup> Baharo tí copa cahapũ sua, tí copare bihari tãcare, pjiria tãcare ti nawe cũriare ñũa tina. <sup>5</sup> ã ñũa tí copapũ sãa wahaha. Tópũ sua, cũiro wahmũnore ti poto buhusehei dujirirore, yehseri suhtiro sãarirore ñũa, sua wahaha tina. <sup>6</sup> Ti ã cũachũ ñũno, tiro sehe õ sehe niha tí numiare:

—Yũhũre ñũ cũaena tjiga. Jesu Nazare macariro, crusapũ ti cjã puha wajãriro cjirore mũsa macana nimana. Wiho mejeta tiro sehe masa wijaa tuhsũhre. Ore mariahna. Tirore ti duhu payoro cjirore ñũa. <sup>7</sup> “Tiro mũsa pano Galileapũ wahayuhto jiyuhti. Tó to niriro seheta mũsa tirore ñũhtina jiyuhti”, ni yahuna wahaga to buheinare, Pedro cũhũre —ni yahu dutiha wahmũno tí numiare.

<sup>8</sup> To ã nichũ tũhoa tina cui, tetere, masa copa cahai jirina mũrocaa wahaha. ã cuja painare yahueraha.

*Jesu María Magdalenare bajuaha*

*(Jn 20.11-18)*

<sup>9</sup> [ã yoa Jesu sehe domingo ñamicunucã to masa wijaari baharo, María Magdalenare to siete watã to cohãnohricorore tiro bajua mũhtaha. <sup>10</sup> Jesu mehne macaina cjiri sehe to yariachũ ñũa, tuaro cahya, tiia niha. ã ti tiiro watoi, María Magdalena sehe Jesure to ñũrire tinare yahuro sũmaha. <sup>11</sup> “Jesu catihre. Ñũhi yũhũ”, ni yahumaha ticoro. To ã ni yahupachũta, tina sehe ticorore ne tũho duaeraha.

*Jesu to buheinare bajuaha*

*(Lc 24.13-35)*

<sup>12</sup> Baharo pũaro tina mehne macaina masa marienopũ ti tinichũ Jesu soro bajuriro tina cũhũre bajuaha tjoa. <sup>13</sup> To ã bajuachũ ñũa tina tjua waha, paina Jesu yainare tíre yahuha. Ti ã ni yahupachũta tina cũhũre tũho duaeraha.

*Jesu to yare buhe dutiro warocaha to buheinare*

*(Mt 28.16-20; Lc 24.36-49; Jn 20.19-23)*

<sup>14</sup> Baharo to buheina oncere mesa cahapũ ti chũ dujiro wato, tinare bajuaha tjoa Jesu. Tirore ñũrinare ti yahuchũ ti tũho duaerari buhiri, tirore ti noano wacũ tuaerari buhirire masino, tiro tuhtiha tinare. <sup>15</sup> ã tuhti tuhsũ, tinare õ sehe niha:

—Ahri yahpa jipihtiropũre ahri yũ ya quiti noaa buheare jipihina ahri dacho macainare noano yahu site pahõona wahaga. <sup>16</sup> Yũhũre wacũ tuainare ti bautisarinare pichacapũ wahaborinare yũhdorohca Cohamacũ. Tuhsũ, yũhũre wacũ tuaeraina Cohamacũ to buhiri dahrehtina pichacapũ wahahtina jahca. <sup>17</sup> ã jia yũhũre wacũ tuaina yũ tuaa mehne õ sehe yoaahca: Yũ tuaa mehne, yũ wama mehne watãare cohã wioahca. Tuhsũ, wahmaa dũserire durucuahca. <sup>18</sup> ã yoa agãare ti ñahachũ, jipihina ñima dohse jia ñimare ti sihnichũ, tinare ne purĩsi. ã yoa dohatiina bui ti wamomacarine ti ña payochũ tina noaina wahaahca —ni yahuha Jesu to buheinare.

*Jesu mũanopũ mũjaa wahaha*

*(Lc 24.50-53)*

<sup>19</sup> ã ni yahu tuhsũ mari pũhtoro Jesu mũanopũ mũjaa wahaha. Tópũ sũro Cohamacũ poto buhusehei dujiha tiro mehne pũhtoro jiro. <sup>20</sup> ã jia tina jipihtiropũ noaa buheare Cohamacũ masare to yũhdũchũ yoahiti buheare buhea wahaha. Ti ã buhechũ mari pũhtoro tinare yoadohoha. To tuua mehne yoa ño masichũ yoaha tinare, masare to ya buheare tũho dutiro. Tó puro tjira.]

## San Lucas

<sup>1-3</sup> Pũhtoro Teófilo, ahrire mũ buhehti cjihtire mũhũre joarocai nija. Jesu sã mehne jisinino to yoari cjirire payũ paina joa dũca tuhsũre. Wahmanopũre Jesure ñũina cjiri, to yare buheina cjiri ti ni yahuriro seheta paina tíre joa dũca tuhsũre. Ā jicũ ahri jipihtiare noano masi pahũno duacũ buhei. Ā jicũ yũhũ cũhũ tíre noano joa duaja mũ buhehti cjihtire yoacũ tacũ. <sup>4</sup> Jesu yare yahuina mũhũre buhe tuhsũre. Tíre noano mũ masi namohto sehe ahri tjure mũhũre joarocai nija.

### *João masare bautisahtiro to masa bajuahĩre anjo yahuha*

<sup>5</sup> Herode Judea yahpa macaina pũhtoro to jichũ cãiro sacerdote Zacaria wama tiriho jia tiha. Ā jiro Zacaria to ya curua macaina sehe sacerdotea curua Abías cjiro ya curua jiha. Zacaria namono cũhũ sacerdote Aarõ cjiro panamañono ji turiaricoropũ jiha. Ticoro Elisabe wama tiricoro jiha. <sup>6</sup> Tina pũaro Cohamacũ dutiare noano yoa pahũoina ti jichũ ñũno, “Ahrina yũ cahmano seheta ã jia tirucura”, ni ñũha Cohamacũ tinare. <sup>7</sup> Ticoro Elisabe ne pohna marienicoro jiha. Ā jia tina pũaro ne pohna marieina ji, bũcũna waro jiha.

<sup>8</sup> Ā yoa sacerdotea ti dahraare dahraa taa, õ sehe yoaa tiha: Dahra mũhtari curua cjiro pa curua mehne cahma cohtota mũjaa tiha. Ā jia Zacaria ya curua macaina dahrahti dachori jichũ, tina dachoripe sacerdotea ti dahraa tirucuriro seheta Cohamacũ ya wũhũpũ dahraa taa niha. <sup>9</sup> Sacerdotea Cohamacũre ti ño payori mesapũ inciensore me sitia pohcare jũhtiro cjihtore besea taa, docapea mehne besea tiha. Ā yoa ti quihõri dacho jichũ Zacaria ya curua macaina me sitiare jũhtirore besea taa docapeha. Ā docapea Zacariare beseha. Ā jiro tiro pũhtoro Cohamacũ ya wũhũpũ sãa wahaha me sitiare jũno waharo. <sup>10</sup> Tí wũhũpũ tíre to jũno watoi jipihtina masa sehe sopacapũ Cohamacũre sinia tiha. <sup>11</sup> Tí pjare Cohamacũ yairo anjo Cohamacũre ño payori mesa poto bũhũsehei bajuaruũcũ sũha Zacariare. <sup>12</sup> To ã bajuachũ ñũno Zacaria tirore ñũ cũa yũhdũa wahaha. <sup>13</sup> To ã cũachũ ñũno anjo tirore õ sehe ni yahuha:

—Zacaria, cuii tjiga. Cohamacũ mũ sinirire tũhore. Ā jina mipũre mũsa pohna tinahca. Mũsa macũ cjihto masa bajuaro hca. To bajuachũ “João” ni wama pisuga tirocãre. <sup>14-17</sup> “Tiro yũ tuua mehne payũ noaare yoarucuriro jira”, ni ñũnohca Cohamacũ mũ macũre. Tiro to masa bajuari baharo vinore, sihbiori cũhũre sihnisi. Ā jiro tiro to masa bajuahito pano Espiritu Santo to niriro sehe yoariro jirohca tiro. Espiritu Santo tiropũre sãaruũcũ sũ tuhsũ ã baju yoarucurohca tiro mehne. Ā yoa payũ Israe masare Cohamacũ mari pũhtoro cahmaeraina cjirire noano cahmachũ yoarohca mũ macũ. Mari pũhtoro to tahto pano Elia cjiro Cohamacũ yare yahu mũhtariro to buheriro seheta Espiritu Santo to yoadohoro mehne Cohamacũ to tuua mehne mũ macũ cũhũ buherohca. Ā buhero ti pũcũsuma ti pohna mehne ñano jimarinare ti noano cahma cahĩ jichũ yoarohca. Ā yoa Cohamacũre yũhdũaruũcũna cjiri cũhũre noano ño payoa mehne yũhtichũ yoarohca. Ā buhero mari pũhtoro Cohamacũ yaina cjihtire yoarohca tiro. Ā jicũ to masa bajuari baharo mũhũ wahcheihca. Payũ paina cũhũ wahcheahca —niha anjo Zacariare.

<sup>18</sup> To ã nichũ tũhoro Zacaria sehe õ sehe ni sinituha anjore:

—Sã bũcũna jija. Ā jicũ mũ niri potocã jichũ dohse masicũhcari yũhũ? —niha tiro.

<sup>19</sup> To ã nichũ anjo sehe tirore õ sehe ni yahuha:

—Yũhũ Gabrie wama tiriho jija. Cohamacũ cahamacũno to cahai ducuriro jija yũhũ. Cohamacũ ahri noaa quitire yahu dutiro, mũ cahai yũhũre warocare. <sup>20</sup> Yũ yahuriro seheta potocãta waharohca. Yũ ã nipachũta yũhũre mũhũ potocã tũhoerare. Ā jicũ mipũre mũhũ durucu masierariro wahaihca. Mũ macũ to bajuari baharo durucuihca tjoa —niha anjo Zacariare.

<sup>21</sup> Sopacapurũ jiina masa Zacariare cohtaa niha. “¿Dohse jiro baro tiro Cohamacũ wũhũrũ jiro, so wijaa taerajari?” ni, cohtaa niha masa tirore. <sup>22</sup> Tuhsũ, tiro wũhũrũ jiriro wijaa wihi, tina mehne durucu masieraha. “Tiro Cohamacũ wũhũi bajuare ñũno niboca”, ni tũhotu masiha tina. ã jiro tiro durucu masierariro jiro to wamomacari mehne yoa cayoha masa ti masihtõ sehe.

<sup>23</sup> Cohamacũ wũhũi to dahraa pihtichũ, tiro to namono mehne tjuaa wahaha ti wũhũrũ. <sup>24</sup> Ti ã tju sũri baharo to namono Elisabe niji pocoro jiha. ã jiro ticoro cinco sũri waro masa cahai wahaeraha. <sup>25</sup> Õ sehe ni tũhotuha ticoro: “Mipũre yũhũre Cohamacũ yoadohore jũna. Pohna marienicoro jico bũobiario yũhdũhi yũhũ. Cohamacũ to yoadohoro mehne mipũre nijinocãre boca ja yũhũ”, ni tũhotuha ticoro.

### *Jesu to masa bajuahore yahuha anjo*

<sup>26-27</sup> Elisabe cinco sũri niji pocoro to ji wahcãchũ waro Cohamacũ sehe anjore Gabrie wama tirirore nuhmino, ne mũa mehne jieraricoro caharũ warocaha. Ticoro María wama tiricoro Nazarei Galilea yahpai jiri macai jia tiha. José wama tiriro jiha to manũno cjihto. Tiro panorũ macariro Davi cjiro panamino ji turiarirorũ jiha. <sup>28</sup> ã to warocachũ María caharũ sũro, anjo õ sehe ni yahuha:

—María, ¿jimajari mũhũ? Cohamacũ mũhũre yoadohoro nina. Mũhũre noano yoaro nina —niha anjo ticorore.

<sup>29</sup> To ã nichũ tũhoro, ticoro tuaro wacũ tũhotuha. Anjo to yahurire tũhoturo “¿Dohse nino baro yũhũre ã nicari?” ni wacũha ticoro. <sup>30</sup> To ã ni tũhotuchũ masino anjo õ sehe ni yahu namoha ticorore:

—María, Cohamacũ mũhũre tuaro cahĩna. ã jico mũhũre yũ yahuhtire tũho cũaeco tjiga. <sup>31</sup> Noano tũhoga. Cũiro nijinocãre pohna ticohca mũhũ. Tirocã to masa bajuari baharo, “Jesu” ni wama pisuohca mũhũ tirocãre. <sup>32-33</sup> Tiro tua yũhdũariro jirohca. ã jia tirore “Cohamacũ Jipihtina Bui Jiriro macũnota jira”, ni masiahca masa. Mũ macũ ñũchũno mũnanorũ Davi cjiro Israe masa ti pũhtoro to jia tiriro cjiro seheta mũ macũ cjihto cũhũre cũnohca Cohamacũ. ã jiro jipihtia dachoripe tiro Israe masare dutirohca. Pũhtoro to jihto ne pihtisi —niha anjo.

<sup>34</sup> To ã nichũ tũhoro María sehe õ sehe ni sinituha:

—¿Dohse yũhũ manũ mariapacohta pohna tibocari yũhũ? —niha ticoro.

<sup>35</sup> To ã nichũ tũhoro anjo õ sehe ni yũhtiha:

—Espíritu Santo to tuua mehne mũhũre nijinocãre bocachũ yoarohca. ã jiro Cohamacũ Jipihtina Bui Jiriro to tuua mũhũre to masũrũca caharo seheta bajuaeraparota tarohca mũhũre. ã jia “Cohamacũ macũno, ñaa buhiri tia marieriro jira”, niahca masa mũ macũre. <sup>36-37</sup> Cohamacũ jipihtiare yoa masina. ã jiro mũ coyecoro Elisabe cũhũ bũcoro waro jiparota mipũre niji pocoro jira ticoro. Ticoro pohna tirohca mũnocãre. Masa ticorore “Nijinocã boca masienicoro jira”, ti nirocõro cjiro mipũre nijinocãre to bocari baharo seis sũri waro wahara —niha anjo Marĩare.

<sup>38</sup> To ã nichũ María õ sehe ni yũhtiha:

—Yũhũre tũhoga. Mari pũhtoro to cahamacono jija yũhũ. Mũ niriro seheta yũhũre ã wahajaro —niha ticoro.

To ã niri baharo anjo wahaa wahaha.

### *María Elisabere ñũno wahaha*

<sup>39</sup> To ã niri baharo María tũyucũri jiri yahparũ Judea yahpai jiri macarũ ñõ duaro wahaa wahaha. <sup>40</sup> Tõrũ sũro, Zacaria ya wũhũrũ sãano, “¿Jimajari?”, niha ticoro Elisabere. <sup>41</sup> To ã nichũ Elisabe to tũhochũta, to macũno sehe niji suhtiorũ jirirocã ñũhmiha. Elisabe Espiritu Santo to dutiriro seheta yoa pahñoricoro jiro, to tuaare cjuaricoro jiha. <sup>42</sup> ã jiro tuaro wahchea mehne ticoro bisiro durucuha:

—Jipihtia numia yũhdoro mũhũre noano yoahre Cohamacũ. Mũ macũ cũhũre noano yoahre Cohamacũ. <sup>43</sup> Cũe, yũ pũhtoro pocoro yũ cahai mũ tachũ noano yoara yũhũre Cohamacũ. <sup>44</sup> Mũ yũhũre “¿Jimajari?” mũ nichũ yũ macũ sehe niji suhtiorũ jirirocã

wahchea mehne ñuhmihti yũhũre. <sup>45</sup> Cohamacũ to niriro seheta yoarohca. ã jico to yahurire tũhoricoro jico wahchericoro jira mũhũ —niha Elisabe Maríare.

<sup>46</sup> To ã nichũ María õ sehe ni yũhtiha:

“ ‘Cohamacũ noariro, tuariro jira’, nija. Yũhũ noano yajeripohna tija.

<sup>47</sup> Cohamacũ yũhũre pichacapũ wahaboricorore yoadohoriro jira.

ã jiro mipũre yũhũre noano wahchea mehne jichũ yoara.

<sup>48-49</sup> Tiro yũhũre to cahamaconore wacũri jira. Cohamacũ tua yũhdũariro noaa dihtare yũhũre yoadohohre.

ã jia mipũre ‘Ticorore Cohamacũ noano yoahre’, jipihtina masa ã ni, durucuahca yũhũre. Cohamacũ ñaa marieriro jira.

<sup>50</sup> Jipihtia dachoripe jipihtina tirore ño payoinare tiro pja ñũriro jira.

<sup>51</sup> Cohamacũ to tuaa mehne yoaha. ‘Painare yũhdũrucaja’, niinare yũhdũrucaha tiro.

<sup>52</sup> Pũhtoare cohãha tiro. ã jiro cahamaca sehere tiro pũhtoa yoaro seheta cũha tinare.

<sup>53</sup> Jũca baaina cjirire tiro noaa chũare waha. Tuhsũ, payũ cjũaina cjirire paye baro cjũaeraina yoaha tiro.

<sup>54-55</sup> Mari ñũchũsuma cjirire to yahu cũriro seheta yoa pahũoha Cohamacũ.

To cahamaca Israe masare tiro yoadohoha.

Abrahã cjirire mari ñũchũsuma cjirire jipihtina to coyea to baharo jiina cũhũre Cohamacũ jipihtia dachoripe ã pja ñũrucuro jia tiha.

Tinare to yahu cũrire boeraha Cohamacũ”,

niha María.

<sup>56</sup> Tia sũ waro Elisabe mehne jiha ticoro. Tó puro to jiri baharo to ya macapũ tjuaa wahaha María.

#### *João masa bajuaha*

<sup>57</sup> Elisabe to niji wahcõri baharo to macũno masa bajuaha. <sup>58</sup> ã jia Cohamacũ ticorore to ã noano yoachũ to ya maca macaina to coyea cũhũ ticoro mehne wahcheha. <sup>59</sup> Ocho dachori to masa bajuari baharo, to pũcũsuma tirocãre mahanocã to pjacũ cahsarocãre yihso dutia taa niha. ã jia tina mehne macaina ti cahapũ sũha ti yihsochũ ñũa taa. Tina mehne macaina Zacaria to pũcũro wamare tirocãre wamoa duamaha. <sup>60</sup> Ti ã wamoa duapachũta to pocoro õ sehe niha:

—To pũcũro wamare wamoeraja. João wamoanahca tirocãre —niha ticoro.

<sup>61</sup> —Mũ coyea ne cũiro João wama tiriro mariahna —niha tina ticorore.

<sup>62</sup> ã jia ti wamomacari mehne yoa ño, Zacariare õ sehe ni sinitu ñũha tina:

—¿Mũhũ waro dohse wamoa duajari mũ macũre? —ni sinitu ñũha tirore.

<sup>63</sup> Ti ã nichũ tiro sehe joahti pjĩne siniroca, ñaha, joaha: “Yũ macũ João wama tirohca”, ni joaha Zacaria. To ã ni joachũ tina sehe cũaa wahaha. <sup>64</sup> To ã ni joari baharo tirore durucuchũ yoaha Cohamacũ. ã jiro tiro durucua wahaha jũna:

—Cohamacũ tuariro, noariro jira —niha tiro.

<sup>65</sup> To ã ni durucuchũ tũhoa tó macaina cũaa wahaha. ã jia ahri jipihtiare Judea yahpa macainare tũyucũ watoi jiinare masa yahu siteha. ã jia masa tó macaina noano masi pihtia wahaha. <sup>66</sup> Jipihtina tíre tũhoa wacũha. “Cohamacũ tuaare ahrirocã cjũara. ã jiro wiho jiriro jierara ahrirocã”, ni tũhotuha masa.

#### *Zacaria Cohamacũre ño payoha*

<sup>67</sup> ã yoa to pũcũro Zacaria sehe Espĩritu Santo to dutiriro seheta yoa pahũoriro jiro to tuaare cjũariro jiro Cohamacũ yare õ sehe ni yahuha:

<sup>68</sup> “Mari Israe masa Cohamacũre, mari pũhtorore wahche payojihna mari. To yaina jija mari.

ã jiro tiro mari cahapũ wihiro, marine yoadoho, noano yũhdũchũ yoaro taro nina.

<sup>69</sup> Cohamacũ marine, pichacapũ wahaborinare yũhdũchũ yoahrtirore, tua yũhdũarirore warocara.

Ahriro marine yũhdũchũ yoahrtiro cjihto sehe Cohamacũre dahra cohtariro Davi cjiro panamino ji turiariro jira.

<sup>70</sup> Panopure to yaina waro, to yare yahu muintaina cjirire ahri ð sehe wahahto cjihtore yahu cū muinta tuhsua tiha.

<sup>71</sup> ‘Mūsare ñu tuhtiinare, jipihtina mūsare ñano yoainare ducataihtja’, ni cūha Cohamacu marine.

<sup>72</sup> Mari ñuchusuma cjiripure ‘Mūsare pja ñui, yoadohoihtja.

Mūsare yu yahu cūrire wacūihtja’, niha Cohamacu.

Tí pjarure to ni cūriro sehetā mipure marine sohtori tiro taro nina.

<sup>73-75</sup> Panopure ð sehe ni cūa tiha Cohamacu Abrahāre: ‘Potocā niita nija mūhare.

Mu coyea baharopu ji nūnūhtinare paina tinare ti ñu tuhtichu, yūhu sehe tinare ducataihtja.

Ñ jia mu coyea sehe ne cuiro marieno yu dutiare yoa, yūhare ño payoahca.

Tina ti catiro puro yu ñurocaroi buhiri marieno, quihōno jia tiina jirucuahca’, ni yahu cūa tiha Cohamacu mari coyeiro Abrahā cjirore”,

niha Zacaria. Ñ ni tuhsu tiro to macūno cūhare ð sehe niha tjoa:

<sup>76-77</sup> “Macu, mūhare ð sehe niahca masa: ‘Cohamacu Jipihtina Bui Jiro yare yahu mūhtarirota jira’, ni masiahca mūhare.

Mūhu mari pūhtoro Cristo to tahto panore masare yahuyui wahaihca.

Ñ yahuyui wahacu, ð sehe ni yahuyuihca tinare: ‘Mari pūhtoro tarohca.

Tiro mūsa ñaa yoari buhiri tiare cohā, pichacapu wahaborinare yūhdorohca mūsare’, ni yahuihca mūhu.

Ñ ni yahucu, mari pūhtoro to tahtore cahnoyu dutii niihca mūhu tinare.

<sup>78</sup> Cohamacu sehe marine tuaro pja ñūriro ji, marine noano yoariro jitjiāno, tiro marine pichacapu wahaborinare yūhdūchu yoa duara.

Ñ jiro tiro Cristore buhriaro yoaro sehe jirirore mari cahapu warocara.

<sup>79</sup> Tiro mari cahai wihiro marine pichacapu wahaborinare nahitiano waropu jimarinare buhriaro marine to noano ñu bocachu yoaro sehetā Cohamacu ya potocā ni yahuaire masichu yoarohca tiro.

Ñ yoa mari tiro mehne cūno mehne mari noano ji masihto cjihto cūhare yahurohca marine”,

niha Zacaria.

<sup>80</sup> Ñ yoa Zacaria macūno noano pjacu tiriro būcuaha. Ñ būcuaro, Cohamacure tuaro ño payoriro jiha. Tuhsu, yoari pja masa marienopu jia tiha. Israe masare buhe ducaro tóputa to jirore cjiroi jia tiha.

## 2

### *Jesu masa bajuaha*

(Mt 1.18-25)

<sup>1</sup> Tí pjare jipihtia yahpari macaina bui pūhtoro Augusto jia tiha. Ñ jiro jipihtinare quihō dutiha. <sup>2</sup> Ahriina masare ti coā quihō dūcachu Siria yahpa macaina pūhtoro Cirenio wama tiriro jiha. <sup>3</sup> Ñ jia jipihtina ti ñuchusuma panopu macaina ya macaripu ti wamare joa ða wahaha. <sup>4</sup> José cūhu Nazarepu Galilea yahpai jiri macapu jiina waha, Judea yahparu Belē wama tiri macapu sūha. Pūhtoro Davi cjiro panopu macariro to masa bajuariro jiha Belē. José Davi cjiro panamino ji turariro jiro pūhtoa masare to quihō dutichu tūhoro Belēpu to wamare joa ð dutiro wahaha. <sup>5</sup> Ñ jiro tiro María to namono cjihto mehne tópu to wamare joa ð dutiro sūha. Ticoro sehe wihārirocāre cjuaro caharicoro jiha. <sup>6</sup> Ñ jiro Belēpu sūro ticoro niji wahcōha. <sup>7</sup> Tópure masa ti cariri wūhu ne mu sūeraha tinare. Ñ jiro ticoro pohna ti tuhsu, tirocāre suhtiro mehne coma, wachua ti chūri wahwai, tja bui tirocāre duhu payoha. Tirocā wahma to pohna ti mūhtarirocā jiha.

### *Anjoa ovejare ñu wihboinare bajuaha*

<sup>8</sup> Tí ñamine campopu ovejare ñu wihboina ti yaina ovejare ñu wihboa niha. <sup>9</sup> Tópu ti jichu Cohamacu warocariro anjo tinare bajuaha. To ñ bajuachu Cohamacu to si sitea



tinare buhria. To ã si sitechũ ñũa, ovejare ñũ wihboina cuia wahaha. <sup>10</sup> Ti ã wahachũ anjo tinare õ sehe ni yahuha:

—Noaa quitire m̄sare yahui taja. Jipihtinare masare wahchechũ yoarohca ahri quiti. ã jina yũhũre cuiena tjiga m̄sa. <sup>11</sup> Micha ñamine pũhtoro cjiro Davi ya macapũ m̄sare pichacapũ wahaborinare yũhdohtiro, Cristo Cohamacũ warocariro mari pũhtoro masa bajua tuhsũhre. <sup>12</sup> Suhtiro mehne comariro wachũa chũri wahwa bui ti duhu payoriro m̄sa ñũhtiro tiro tjirohca —ni yahuha anjo tinare.

<sup>13</sup> To ã nichũta payũ m̄ano macaina ji m̄htariro anjo mehne Cohamacũre wahche payoha. Õ sehe ni wahche payoha tina:

<sup>14</sup> “Cohamacũre m̄ano macarirore ño payojihna.

ã jia Cohamacũ to cahĩina cuiro marieno cahmacheno marieno noano jijaro”, ni wahche payoha anjoa peri.

<sup>15</sup> ã ni wahche payo tuhsũ m̄anopũ ti m̄jari baharo ovejare ñũ wihboina sehe ti basi cahma durucuha:

—Ahrire Cohamacũ marine to yahurire Belẽpũ basa ñũjihna —niha tina ti basi.

<sup>16</sup> ã nia ño duaro waha wahaha tina. Marĩare, Josere boca sũ, wihãrirocãre wachũa chũri wahwai ti duhu payorirocãre ñũa tina. <sup>17</sup> Ovejare ñũ wihboina tirocãre ñũ tuhsũ anjo wihãrirocãre to yahurire yahu turiaha painare. <sup>18</sup> Ti ã ni yahu turiachũ jipihtina tinare tũho sũaa wahaha. <sup>19</sup> Ahri jipihtiare Marĩa wacũ tũhoturucuha. <sup>20</sup> ã yoa ovejare ñũ wihboina sehe anjo to yahuriro seheta jichũ ñũa, “Cohamacũ tuariro jira”, ni wahcheha. ã ni wahche, majare tjuaa wahaha.

*Cohamacũ wũhũpũ Jesu pũcũsũma tirocãre naaha*

<sup>21</sup> Cũ somana baharo wihãrirocã to pjacũre mahanocã cahsarocãre yihso na tuhsũ tirocãre tina Jesu wamoaha. Jesure wahma to bocahto pano anjo sehe “Jesu’ ni wama pisuga tirocãre”, ni yahu tuhsũha. ã jia tirocãre “Jesu” ni wama pisuha.

<sup>22</sup> Cohamacũ dutia Moise to yahuriro seheta yoaa taa Josẽ, Marĩa mehne Jerusalẽpũ wahaha. Tõpũ wahaha Marĩa to pohna tiri baharo to noaricoro to wahari baharo to ã waharire ñono taro. ã waha, tina Jesucãre naa wahaha. Tirocãre Cohamacũre “Ahrirocã m̄ yairo cjihto jira”, ni ñoa wahaha. <sup>23</sup> Õ sehe yoaha Cohamacũ yare ti joari pũi to yoa dutiriro seheta. “Jipihtina m̄sa pohna wahma bajua m̄htainacãre Cohamacũre ñoga. ‘Ahrirocã m̄ yairo cjihto jira’, ni ñoga”, ni dutia tiha Cohamacũ. <sup>24</sup> ã ño tuhsũ Cohamacũ to yoa dutiriro seheta tina minichahcare waa wahaha Cohamacũre ño payoa. Õ sehe dutia tiha Cohamacũ: “Bujaa p̄aro waga yũhũre. O tina mariachũ urĩtua wihãinacã p̄aro waga yũhũre ño payona”, ni dutia tiha Cohamacũ. To yoa dutiriro seheta yoaha tina ticoro pjacũ noari pjacũ to waharire ñoa taa.

<sup>25</sup> Jerusalẽi Simeo wama tiri jia. Tiro quihõno yoariro, Cohamacũre ño payoriro jiro, Cohamacũ Israe masare to yoadohtire cohtariro jia. Tiro Espĩritu Santo to nino sehe yoariro jia. <sup>26</sup> ã jiro tiro to yariahto pano Cohamacũ to warohtirore Cristore to ñũhti cjihtire tõ pano yahu tuhsũha Espĩritu Santo tirore Simeore. <sup>27</sup> ã jiro Espĩritu Santo tirore to dutichũ Cohamacũ wũhũpũ sãa wahaha. To sãa sũri baharo Jesu pũcũsũma ti macũnocãre na sãaha. Cohamacũ to dutiriro seheta yoaa niha. <sup>28</sup> Simeo sehe tirocãre wũa na, Cohamacũre ño payo, “Noana” ni, tiro mehne durucuha.

Õ sehe niha tiro Cohamacũre:

<sup>29-32</sup> “Mipũ pinihtare pũhtoro, m̄ niriro seheta jipihtina masare pichacapũ wahaborinare yũhdũchũ yohtiro cjihtore warocahre m̄hũ.

Tiro judio masa jierainare buhero m̄hũre noano masichũ yoarohca tinare.

Masare yũhdohtiro Israe masũnore m̄hũ cũha.

Sã coyero Israe masũnore m̄ cũchũ jipihtina masia, ‘Israe masare noano yoara Cohamacũ’, niahca masa.

Ahrirocã sãre yũhdũchũ yohtiro jira.

ã jicũ ahrirocãre ñũ tuhsũcũ, mipũre noano wahcheriro yariahca”,

niha Simeo.

<sup>33</sup> Simeo tirocäre to ã nichu Jesu pucusuma sehe tuho caaa wahaha. <sup>34</sup> ã jiro Simeo tinare “Noano jiga musa” nino, tiro María Jesu pocorore õ sehe ni yahuha:

—Cohamacu ahrirocäre beseha. To ã beseriro to jipachuta judio masa payu tirore yuhdurucaahca. ã yoaa tina pichacapu wahaahca. Judio masare payu yuhdohtirore Cohamacu beseha tirocäre. Tiro Cohamacu yare yahuriro to jipachuta masa payu tirore ñano ni yahu wajaahca. <sup>35</sup> Ti ã yoachu paina ti ñano wacũare masiahca. ã jico mũhu tuaro cahyacohca —niha Simeo Maríare.

<sup>36</sup> Tói Cohamacu yare yahu mũhtaricoro Ana wama tiricoro jiha. Ticoro Fanuel macono jiro, Aser cjiro ya curua macaricoro jiha. Bũcoro waro jiha. Ticoro nuhmino jiro manũ tiha. ã yoa siete cũhari to manũno mehne jiha. Tó puro to jiri baharo to manũno yariaha. <sup>37</sup> ã jiro ochenta y cuatro cũhari waro wapewahyoro jia tiha ticoro. ã jiro ticoro dachoru cũhure ñamiru cũhure Cohamacu yare yoaro taro chũaeraro, Cohamacu mehne durucu, Cohamacu wũhure ne wijaaera tiha. <sup>38</sup> Simeo to durucuro watoi ticoro tina cahai wihiro, wahchero Cohamacure “Noana”, niha. ã jiro Jerusalẽ macainare pichacapu wahaborinare yuhdohtirore cohtinare ticoro Jesucäre yahuha tina jipihtinare.

*José, María, Jesu mehne Nazarepu* tjuaa wahaha tjoa

<sup>39</sup> Cohamacu to dutiriro seheta yoa tuhsua, tina ti ya macapu Nazarepu tjuaa wahaha. Galilea yahpai jiha tí maca Nazare. <sup>40</sup> Jesu sehe noano bũca, tuariro wahaha. ã jiro tiro noano tuho masiriro bũcaha. Cohamacu tirore noano yoaha.

*Jesu wahma wahma* tariro jiro, Cohamacu ya wũhu judio masare buheina mehne sũhũduro niha

<sup>41</sup> Cũharipe Jesu pucusuma Jerusalẽpu pascua nũmũrine bese nũmũrine yuhdoah waha tiha. <sup>42</sup> ã jia Jesu doce cũhari to cjuachũ waro ti yoarucuriro seheta tina jipihtina Jerusalẽpu bese nũmũrine yuhdoah wahaha tjoa. <sup>43</sup> Tí macapu sũ, tí bese nũmũrine yuhdo tuhsũ tina ti ya macapu majare tjuaa wahaha tjoa. Wiho mejeta Jesu sehe ti ã majare tjuapachuta, Jerusalẽpu tjuanocaha. To pucusuma sehe tíre to tjuarire masieraha. <sup>44</sup> “Paina mari mehne macaina mehne taca mari macu”, ni tũhotumaha tina. ã jia tina cũ dacho waro noano Jesu marieno waharucumaha. Tí dacho pihtichũ waro tina Jesure ti coyey watoi ã jichũ ti ñũ masiina watoi cũhure macamaha. <sup>45</sup> Wiho mejeta ne bocaeraha. ã jia tina pari turi Jerusalẽpu majare tjuaa wahaha tjoa, tirore macaa waha.

<sup>46</sup> Tia dacho baharo Cohamacu wũhu wijaroi tirore boca sũha. Tói Jesu judio masare buheina watorũ duji, tinare tuho, tinare sinituro niha. <sup>47</sup> Tina jipihtina Jesure to quihõno yũhtichũ tuhoa noano masirirocã to jichũ ñũ, tina caaa wahaha. <sup>48</sup> Jesu pucusuma cũhu tirore ñũ, tina cũhu caaa wahaha. ã jiro to pocoro tirore õ sehe niha:

—Macu, ¿dohseacu ã yoari mũhu sãre? Sã mũ pucusuma pjíro tũhotu, cahya, macana nihi mũhure —niha ticoro to macũnore.

<sup>49</sup> To ã nichũ tũhoro tiro to pucusumare õ sehe ni yũhtiha:

—¿Dohseana yũhure macari musa? Yũ Pũcu waro ya wũhu ji to dutiriro seheta yoai nija. ¿Tíre masierajari musa? —niha tiro tinare to pucusumare.

<sup>50</sup> To ã ni yahupachuta tina to yahuarẽ tuho ñahaeraha.

<sup>51</sup> ã yoari baharo, Jesu to pucusuma mehne Nazarepu tjuaa wahaha. Tju sũ, to pucusumare ne yuhdurucaerariro jia tiha tiro. Ahri jipihtia to yoarire ñũno María noano tũhotu, wacũrucua tiha. <sup>52</sup> ã yoa Jesu bũca, noano tũho masiriro wahaha. Tó sehe jiriro to ji bũcũachũ ñũno, Cohamacu sehe tirore noano ñũ ji coa, tuaro cahĩa tiha. Masa cũhu tirore tó seheta noano ñũ ji coa, tuaro cahĩa tiha.

### 3

*João masare bautisariro masare Cohamacu* yare yahuha  
(Mt 3.1-12; Mr 1.1-8; Jn 1.19-28)

<sup>1</sup> Tí pjare ti bui pũtoro jiro Tiberio wama tiro to pũtoro jiri baharo quince cũhari wahaha. Tuhsũ, Poncio Pilato wama tiro sehe Judea yahpa macaina pũtoro jiha. ã yoa Herode wama tiro sehe Galilea yahpa macaina pũtoro jiha. To baharo Felipe sehe Iturea yahpa macaina, Traconite yahpa macaina cũhũ ti pũtoro jiha. Tuhsũ, Lisaniã wama tiro Abilinia yahpa macaina pũtoro jiha. <sup>2</sup> Tí pjare Ana, Caifa mehne jipihtina sacerdotia bui pũtoa jiha. Ahrina jipihtina ti jiri pjare João Zacaria macũno masa marienopũ jirirore Cohamacũ sehe tirore to yare buhe dutiha. <sup>3</sup> ã jiro Jordão wama tiri ma dũhtũ cahai jiri yahpai jipihtiropũ João buhero wahaha:

—“Noaina jija sã”, ni mũa tũhotumari cjirire tũhotu cohtota, Cohamacũre cahmaga mũa. ã yoana tíre mũa yoirire ñona tana, bautisaina jiga. Mũa ã cohtotachũ ñũno Cohamacũ mũa ñaa buhirire borohca —ni buhea tiha tiro.

<sup>4</sup> Isaia cjiro panopũ macariro Cohamacũ yare yahu mũhtariro to joariro seheta ahriro Joã yaro niha. Õ sehe ni joaa tiha Isaia cjiro João to buhehtore:

“Masa marienopũ durucu sañurucuriro ò sehe ni buherohca: ‘Mari pũtoro to tahto pano “Noaina jija sã”, ni mũa tũhotumari cjirire tũhotu cohtota, Cohamacũre cahmaga mũa.

<sup>5</sup> Pja wũhtũri, pja buri cũhũre noari wapa mari yoiriro seheta, tuhcuã maharine potoã mahari mari yoiriro seheta, ñaa maharine noaa maharine mari yoiriro seheta, wetere mũa cosariro seheta mũa ñaa tũhotuare cohtota, cahno mũhtaga mũa.

<sup>6</sup> Mũa ã yoachũ Cohamacũ mũsare pichacapũ wahaborinare to yũhdũchũ yoachũ ñũahca jipihti ahri yahpa macaina’, ninohca tiro sañurucu yahuriro sehe”, ni joaa tiha Isaia cjiro panopũre.

<sup>7</sup> Masa payũ João cahai wihia tiro tinare bautisachũ cahmaha tina. ã jiro tiro tinare ò sehe ni yahuha:

—Agãã ñima tiina yaro seheta masare dojomehneina, cui duhti duaina jira mũa. Mũa ñaa yoirire mũa cahya, duhu duaerari buhiri Cohamacũ to buhiri dahrehto pano duhti masierara mũa. <sup>8</sup> Potocãta mũa ñaa tũhotumarine cohtotaina jina, Cohamacũre cahmaina jina, tíre mũa yoaa mehne ñoga. Õ sehe ni tũhotu wisiena tjiga. “Panopũ macariro Abrahã mari ñũchũ cjiro jia tiha. ã jina to panamana jina mari Cohamacũ yaina jija”, ni tũhotu wisiena tjiga mũa. Mũsare niita nija. Abrahã panamana mũa jiina jimana mũa. Mũa ã jipachũta tí mũa ã jia yaba cjihti jierara. Cohamacũ sehe ahri tãa mehne Abrahã coyeare dahre masina. ã jiro Abrahã coyea mũa jia wiho waro jira tãa ti wiho waro jiro seheta. <sup>9</sup> Õ sehe jira: Masa yucũri yaro seheta jira. Cohamacũ sehe coma mehne yucũrre cã cohãriro yaro sehe jira. ã jiro noaa dicha maria yucũre nũhcõri mehnepũta cã cohãnohca tiro. Tíre to cã cohãri baharo, pichacapũ jũ cohãnohca tiro. (ãta yaro taro nina masa cũhũre tirore cahmaerainare) —ni yahuha João masare.

<sup>10</sup> To ã nichũ tũhoa masa sehe tirore ò sehe ni sinitu ñũha:

—¿Dohse yoanahcari sã? —niha tina Joãore.

<sup>11</sup> —Pũa suhtiro cjuariro suhti marierirore cũno waga. ã yoa mũa chũã cjuana paina cũhũre waga —niha João.

<sup>12</sup> Mahainacã pũtoa ya cjihtire wapa na cohtaina cũhũ tinare to bautisachũ cahmaha. ã jia João cahai wihia, tirore ò sehe ni sinituha:

—¿Buheriro, sã sehe dohse yoanahcari sã? —niha tina tirore.

<sup>13</sup> —Mũa pũtoa ti wapa na dutiro purota masare wapa naga. Mahũo na namoena tjiga —ni yahuha João tinare.

<sup>14</sup> Paina surara tirore ò sehe ni sinituha tjoa:

—¿Sã sehe dohse yoanahcari? —niha tina tirore tjoa.

—Masa ti niñerure maena tjiga. ã yoana mahũoa mehne ti niñerure naena tjiga. Mũsare ti waparo purota wahchega —ni yahuha João.

<sup>15</sup> Masa Cristore Cohamacu to warocahtirore cohtaa niha. ã jia õ sehe ni tūhotu dūcaha tina Joãore. “Ahriri João sehe Cristo jiboca”, ni tūhotumaha tina. <sup>16</sup> Ti ã nichu tūhoro João jipihtinare õ sehe ni yahuha:

—Yu baharo yu yūhoro tuariro tarohca. Noa yūhduariro jira tiro. Tiro yoaro sehe jieraja yūhu sehe. ã jicu tirore tūhotucu, “Wiho jiriro jija yūhu”, ni tūhotuja yūhu. Yūhu sehe musare bautisacu co mehne yoamahi. Tiro sehe yu yūhoro yoarohca. Espiritu Santore masa mehne ã jirucuchū yoarohca. Wiho mejeta paina sehere ti ñaare tūhotumari cjirire tūhotu cohtota duaeraina sehere tiro pichaca mehne buhiri dahrerohca. <sup>17</sup> Yu baharo tariro cahsarire cohāriro yoaro sehe jira. Cahsarire cohāriro to batiro mehne jipihtia to trigo yapari cahsarire putiwera. ã yoa tuhsu trigo sehere to wihbōri wūhūi cūnohca. Tó seheta yoarohca ti tirore cahmainare yu baharo tariro. To putiwea cahsari sehere tiro jūnohca. Tí cahsarire to jūri pichaca ne yatisi. (ãta yoarohca tiro yu baharo tariro tirore cahmaerainare) —ni yahuha João.

<sup>18</sup> Payu to ã ni yahua mehne masare noaa buheare yahuha João. <sup>19</sup> Tuhsu, pūhtoro Herode sehe to bahuro Felipe namonore to namo tiri buhiri, pjíro ñaare to yōari buhiri cūhure João tirore yahumaha. <sup>20</sup> To ã ni yahuri buhiri Herode sehe ñaare yoa namoha, Joãore peresu yoaro.

*João Jesure bautisaha*  
(Mt 3.13-17; Mr 1.9-11)

<sup>21</sup> Joãore ti peresu yoahōto pano paina masare João sehe bautisaro niha. Tinare bautisaro Jesu cūhure bautisaha. To ã bautisachu, Jesu diapū ducuriro Cohamacure to sinino watoī mūano parī mūa wahaha. <sup>22</sup> To parī mūari baharo Espiritu Santo buja yoaro sehe Jesu buipū duji taha. To ã duji tachū mūanopū durucuro coa taha:

—Mūhū yu macū yu cahīriro jira. Mūhū mehne wahcheja —nino coa taha mūanopū.

*Jesu coyea panopū macainare yahua jira ahri*  
(Mt 1.1-17)

<sup>23</sup> Jesu to buhe dūcari cūhmare treinta cūhmari cjuaha tiro. “Tiro José macūno jira”, ni tūhotumaha masa. José sehe Elí macūno jiha. <sup>24</sup> Elí Matat macūno jiha. Matat Leví macūno jiha. Leví Melqui macūno jiha. Melqui Jana macūno jiha. Jana José macūno jiha. <sup>25</sup> José Matatías macūno jiha. Matatías Amós macūno jiha. Amós Nahum macūno jiha. Nahum Esli macūno jiha. Esli Nagai macūno jiha. <sup>26</sup> Nagai Maat macūno jiha. Maat Matatías macūno jiha. Matatías Semei macūno jiha. Semei Josec macūno jiha. Josec Joiadá macūno jiha. <sup>27</sup> Joiadá Johanán macūno jiha. Johanán Resa macūno jiha. Resa Zorobabe macūno jiha. Zorobabe Salatie macūno jiha. Salatie Neri macūno jiha. <sup>28</sup> Neri Melqui macūno jiha. Melqui Adi macūno jiha. Adi Cosam macūno jiha. Cosam Elmodam macūno jiha. Elmodam Er macūno jiha. <sup>29</sup> Er Josué macūno jiha. Josué Eliezer macūno jiha. Eliezer Jorim macūno jiha. Jorim Matat macūno jiha. <sup>30</sup> Matat Leví macūno jiha. Leví Simeo macūno jiha. Simeo Juda macūno jiha. Juda José macūno jiha. José Jonan macūno jiha. Jonan Eliaquim macūno jiha. <sup>31</sup> Eliaquim Melea macūno jiha. Melea Mená macūno jiha. Mená Matatá macūno jiha. Matatá Natán macūno jiha. <sup>32</sup> Natán Davi macūno jiha. Davi Jesé macūno jiha. Jesé Obed macūno jiha. Obed Booz macūno jiha. Booz Sélah macūno jiha. Sélah Nahasón macūno jiha. <sup>33</sup> Nahasón Aminadab macūno jiha. Aminadab Admín macūno jiha. Admín Arní macūno jiha. Arní Esrom macūno jiha. Esrom Fares macūno jiha. Fares Juda macūno jiha. <sup>34</sup> Juda Jacobo macūno jiha. Jacobo Isaa macūno jiha. Isaa Abrahā macūno jiha. Abrahā Taré macūno jiha. Taré Nahor macūno jiha. <sup>35</sup> Nahor Serug macūno jiha. Serug Ragau macūno jiha. Ragau Péleg macūno jiha. Péleg Éber macūno jiha. Éber Sélah macūno jiha. <sup>36</sup> Sélah Cainán macūno jiha. Cainán Arfaxad macūno jiha. Arfaxad Sē macūno jiha. Sē Noé macūno jiha. Noé Lame macūno jiha. <sup>37</sup> Lame Matusalē macūno jiha. Matusalē Enoco macūno jiha. Enoco Jared macūno jiha. Jared Mahalaleel macūno jiha. Mahalaleel Caina macūno

jiha. <sup>38</sup> Caina Eno macuno jiha. Eno Sete macuno jiha. Sete Adão macuno jiha. Adão Cohamacu to yoariro jiha.

## 4

*Watino ñaare yoa dutimaha Jesure*

(Mt 4.1-11; Mr 1.12-13)

<sup>1</sup> Jesu Espiritu Santo to dutiriro seheta yoa pahñoriro jiro, tiro Jordão wama tiri mapu jiriro tjuaa wahaha. To ã tjuaa wahachu Espiritu Santo sehe tirore masa marienopu naaha. <sup>2</sup> Tópu sũro cuarenta dachori waro jiha. Tópu to jiro wato watino sehe Jesure ñaare yoachu cahmamaha. ã jiro ñaare yoa dutimaha tirore. Tí dachorire Jesu chũeraha. ã jiro tí dachori pihtichu waro tiro jũca baaha.

<sup>3</sup> To ã jũca baachu ñũno watino õ sehe nimaha Jesure:

—Mũhu Cohamacu macuno jicu, ahria tãcare chũa dojomehnega —nimaha Jesure.

<sup>4</sup> Jesu õ sehe ni yũhtiha:

—Yoaeraja. Cohamacu yare ti joari pũi õ sehe nina: “Masare chũa mehne dihta catieraro cahmana. [Jipihtia Cohamacu ya yahua mehne jiro cahmana]”, nina Cohamacu —ni yũhtiha Jesu watĩnore.

<sup>5</sup> To ã niri baharo watino sehe tirore tũcu mũadu buipũ na mũja sũrota jipihtia macari perire ño bahrañoaha Jesure. <sup>6</sup> ã ñono Jesure õ sehe ni yahua:

—Jipihtia ahri macari yũhũre to wari cjiri jira. ã jicu yũ cahmarirore wa masija. ã jicu ahri macarine, ti cjuaa mehne mũhũre waihtja. (Yũ ã wachu ahri macari macainare mũhu dutiuhca.) <sup>7</sup> Yũhũre mũ ño payochu ahri macari jipihtia macarine mũhũre waihtja —niha watino Jesure.

<sup>8</sup> Jesu õ sehe ni yũhtiha tirore:

—Mũhũre ño payoeraja. Õ sehe nina Cohamacu yare ti joari pũi: “Mũ pũtoro Cohamacu dihtare ño payoga. To ya dutia dihtare yoaga”, ni joaa tiha Cohamacu yare —niha Jesu watĩnore.

<sup>9-11</sup> To ã niri baharo Jerusalẽpu watino sehe tirore na wahcã, Cohamacu wũhu bui na sũha tirore. Na sũ tuhsũ tirore õ sehe nimaha:

—Cohamacu yare ti joari pũ õ sehe nina:

“Cohamacu yaina anjoare mũhũre ñũ wihbo dutirohca. ã jia tina sehe mũhũre ñũ wihboahca, ‘Mũhũpu tãcapũ pũha tu mũari’ nia”, ni joaa tiha Cohamacu yare ti joari pũi. To ã niri quihõno jichu mũhu Cohamacu macuno jicu, yahrapũ pju bora ño ñũjũta yũhũre. Mũhũre yoadohochu ño ñũjũta yũhũre —niha watino Jesure.

<sup>12</sup> Jesu pju bora ño duaeraro õ sehe ni yũhtiha tirore:

—Cohamacu yare ti joari pũi õ sehe nina: “Mũsa pũtoro Cohamacu to niri cjirire ‘¿Potocã tjijari?’ ni masi duana, Cohamacure yoa ño duti macaena tjiga”, nina Cohamacu yare ti joari pũi —niha Jesu watĩnore.

<sup>13</sup> ã jiro watino jipihtia ñaare Jesure yoa dutimaha. ã duti tuhsũro mahanocã duhu wahcãsinia.

*Galilea yahpai Jesu buhe dũcaha*

(Mt 4.12-17; Mr 1.14-15)

<sup>14</sup> Baharo Jesu Galileapu tjuaa wahaha. ã jiro, tiro Espiritu Santo tuua mehne yoaha. Tói jipihtiorpu masa tirore quiti tiha. <sup>15</sup> Judio masa buhea wũhũsei tiro buhea tiha. ã jia jipihtina masa tirore noano durucuha.

*Nazare macaina Jesure ne cahmaeraha*

(Mt 13.53-58; Mr 6.1-6)

<sup>16-17</sup> Baharo Nazarepu Jesu to bũcũariropũta tju sũha. Tópu tju sũro, Sabado jichu to ã yoarucuriro seheta tiro judio masa ti buheri wũhũpu sãa sũha. Tói tiro Cohamacu yare ti

joari püre buhero taro ducuha. To ã ducuchũ ñũa tó macaina sehe Cohamacũ yare yahu mũhtariro Isaia cjiro to joari püre tirore waha. Tí pũi Jesu ahri yahuare bocaro buheha:

<sup>18</sup> “Cohamacũ to Espiritu yũhũ mehne jiro, yũhũre dutira.

Tiro pjacũoinare noaa buheare yahu dutiro warocare yũhũre.

Ã yoa peresupũ jiina cũhũre tinare to yũhdohtore yahu dutiro warocare yũhũre.

Capari ñũeraina ti noano ñũhto cjihtore, painare ti ñano ti yoapeinare wiohtiro cjihtore yũhũre warocare.

<sup>19</sup> Mari pũhtoro Cohamacũ to yainare pichacapũ wahaborinare to yũhdohtore yũhũre yahu dutiro warocare”,

ni buheha Jesu.

<sup>20</sup> Ã ni buhe tuhsũ Jesu ti püre noari tia turēnoca, wũhũ macarirore wia tuhsũ, dujiha. To dujichũ ñũa tó jiina jipihtina tiro dihtare ñũha. <sup>21</sup> Tí ã yoachũ tiro tinare õ sehe ni yahu dũcaha:

—Ahri michapucacã yũ buheriro seheta Cohamacũ to niriro mũ sũro nina —niha Jesu.

<sup>22</sup> To ã nichũ tũhoa “Ahriro noariro jira”, ni tũhotuha tina. Ã jia tina to noano buhechũ tũhoa, cũaa wahaha. Ã cũaa waha, õ sehe niha tina ti basi:

—Cuenah, ¿José macũno jierajari ahriro? —niha tina ti basi.

<sup>23</sup> Tí ã nichũ masino Jesu õ sehe ni yahuha tinare:

—Yũ buheare tũho duaerana, õ sehe ni tũhotura mũsa yũhũre: “Duhturu dohatiro to basi co ti masina duhturu waro to jiare ñono. Mũhũ cũhũ duhturu to yoa ñono seheta mũ niriro sehe jiro jicũ Cohamacũ tuaa mehne yoa ñoga sãre. Capernaupũre Cohamacũ tuaa mehne yoa ñoyuhti mũhũ. Sã cũhũre ã yoa ñoga, mũ buheare ‘Potocã tjira’, sã ni masihto sehe”, ni duara mũsa yũhũre.

<sup>24</sup> ‘Ahrire yahuihtja mũsare. Cohamacũ yare yahu mũhtarirore to ya maca macaina cahmaerara. Ã jina yũhũre cahmaerara mũsa õi yũ bũcũariro jichũ. <sup>25</sup> Yũhũre tũhoga mipũre. Panopũ Elia to jiri pjarũre tia cũhma noano pa cũhma dacho maca waroi ne coro taeraha. Ã jiro jipihtiroputa ne chũa mariaha. Tí pjare payũ wapewahya Israe yahpũ ti jipachũta Cohamacũ Elia cjirore tinare yoadoho dutiro warocaeraha. (Eliare, Cohamacũ ya cũhũre ti cahmaerachũ ñũno tinare yoadoho dutiro warocaeraha.) <sup>26</sup> To ya macare ã yoa dutieraparota pa yahpai Sidõ cahai jiri macai Sarepta wama tiri maca macaricoro wapewahyorore yoadoho dutiro Elia cjirore warocaha Cohamacũ.

<sup>27</sup> Baharo Cohamacũ yare yahu mũhtariro Eliseo cjiro to jiri pjarũre Israe yahpũ payũ cami baina ti jipachũta cũiro Israe masũnore ne noariro wahachũ yoaeraha Eliseo cjiro. To ya yahpa macainare yoeraparota Naaman wama tirirore Siria yahpa macariro dihtare noariro wahachũ yoaha tiro. Ã yoaro Israe masare yoadohoeraro, Israe masũno jierariro sehere yoadohoha Cohamacũ —niha Jesu tinare.

<sup>28</sup> To ã nichũ tũhoa jipihtina tí wũhũi jiina sua yũhdũa wahaha. <sup>29</sup> Ã jia tina wahcãrũca, Jesure na wijaa, tí maca dũhtũ cahai jiri cũnũpũ tirore tjuroca boro duamaha. <sup>30</sup> Tí ã yoa duapachũta Jesu ti watoihata wahaa wahaha.

#### *Watĩno to cohtotariro Jesure piti bocaha*

*(Mr 1.21-28)*

<sup>31</sup> Baharo Jesu Galilea yahpai jiri macapũ Capernau wama tiri macapũ sũ, Sabado jichũ masare buheha. <sup>32</sup> Tiro noano masi pahũoriro to buhechũ tũhoa masa tũho cũaa wahaha.

<sup>33</sup> Tí wũhũi watĩno to cohtotariro jiro, õ sehe ni tuaro sañurucuha:

<sup>34</sup> —Mũhũ Jesu Nazare macariro sãre cariboi tjia mũhũ. ¿Dohse yoai tai nijari sãre? ¿Mũhũ sãre butichũ yoai tai nijari? Yũhũ masija Cohamacũ macũno, ñaa marieriro mũ jiare —ni sañurucuha Jesure.

<sup>35</sup> To ã nichũ tũhoro Jesu tuhtihata watĩnore:

—Dihta mariaha. Wijaaahga tirore —niha Jesu.

To ã niri baharo masunore watino sehe yahparu doca caha su tunuchu yoaro, tirore wijaaha. To ã yoari baharo tiro sehe noariro tjuaha. <sup>36</sup> Tói jiina jipihtina to ã wahachu ñu caaa wahaha. Ñ jia ti basi õ sehe ni durucuha:

—¿Yaba baro buhea jijari ahri ã wahachu yoaa? Cuenah. Tuaro mehne puhtoro yoaro seheta ahriro watiare dutira. Ñ jia to dutiro seheta tina masare wijaara —ni durucuha tina ti basi.

<sup>37</sup> To ã yoachu ñua tí yahparu jipihtioru masa Jesu yoarire yahu siteha.

*Jesu Simo Pedro marechonore noaricoro wahachu yoaha*

(Mt 8.14-15; Mr 1.29-31)

<sup>38</sup> Judio masa ti buheri wuhure wijaa, Simo ya wuhuru saã saha Jesu. Tói Simo marechono dohati, tuaro juaro tiha. Ñ jia tina ticoro to dohatichu yahuha Jesure. <sup>39</sup> Ti ã yahuri baharo tiro ticoro cahai su, juarore suru dutiha. To ã suru dutiri baharo ticorore juaro surua waha, dóihta noaricoro wahaha. Ticoro ã waharo wahcã nuju su, tinare chure payoha.

*Payu dohatiinare noaina wahachu yoaha Jesu*

(Mt 8.16-17; Mr 1.32-34)

<sup>40</sup> Sã sãari baharo jipihtina masa tó cahai jiina dohatiinare Jesu caharu na saha. Dohatiina payu soro jia dohatiare cjuaha. Ñ jiro Jesu to wamomacari mehne tina bui ña payo, jipihtinare ti dohatiare noano yuhduchu yoaha. <sup>41</sup> Watia cuhure Jesu to wijaa dutichu tina wijaa wahaa, õ sehe ni sañurucuha:

—Muhu potocãta Cohamacu macuno jira —niha tina Jesure.

Jesu Cohamacu warocariro to Cristo to jichu watia masiha. Ñ jiro Jesu tinare durucu dutieraha, “ ‘Cristo jira’, ni yahu siteri”, nino.

*Galilea yahpai buheha Jesu*

(Mr 1.35-39)

<sup>42</sup> Bohrea maja tachu Jesu tí macai jiro waha, masa marienoru saha. To ã sari baharo masa tirore maca, boca saã õ sehe niha:

—Sã ya macai tjuaga. Wahai tjiga —nimaha tina Jesure.

<sup>43</sup> Ti ã nipachuta tiro sehe õ sehe ni yuhtiha:

—Cohamacu masare puhtoro to noano suho jiare noaa buheare paye macariru cuhure buhero cahmana yuhure. Cohamacu yuhure warocare ture yahuhtirore —niha Jesu tinare.

<sup>44</sup> Ñ ni tuhsuro judio masa ya yahpa macaa wuhusei, judio masa ti buhea wuhusei tiro buhe tiniha.

## 5

*Jesu to buheinare payu wahire bocachu yoaha*

(Mt 4.18-22; Mr 1.16-20)

<sup>1</sup> Pa numu Jesu Genesare wama tiri bucupariro duhtu caharu saha. Tói to jichu ñua payu masa Cohamacu yare tuho duaa tirore nunu ti saha. Noano wahpa tarucu saha masa peri. <sup>2</sup> Puaría buso paduroi pahsa busore Jesu ñua. Tí buso macaina wahi wajaina maja suruca, ti wañuyucure cosaa niha. <sup>3</sup> Ñ jiro Jesu Simo yariaru samua wahaha. Samu tuhsu tia dohoriare dia duhtu cahai coãriare siõ buhu dutiha. Tuhsu, dohoriaru duji, masare buheha. <sup>4</sup> Buhe tuhsu, Jesu Simore õ sehe niha:

—Dacho maca cureroi siõ wioga. Ñ jina muhu mehne macaina mehne musa wañuyucure doca ñoga wahi ñahana —niha Jesu.

<sup>5</sup> To ã nichu tuhoru Simo Jesure õ sehe ni yuhtiha:

—Puhtoro, wahi maca bohreamahi saã micha ñamine. Bohreapanahta ne cãirocã wajãerahti saã. Ñ wajãerapanahta mu dutiro seheta doca ño ñuhtja —ni yuhtiha Simo.

<sup>6</sup> Ñ ni tuhsu tina doca ñoha. Ñ ti doca ñochu ti wañuyucure payu wahi sãaha. Payu ti sãachu wañuyucu tuhna wahamaha. <sup>7</sup> Ñ wahachu ñua tina paria macainare tina mehne macainare pjirocaha:

—Musa cūhu yoadohona tagã sare —ni pjirocaha Simo cūhu.

Tina ti ã yoadohori baharo pãria bũso noano minipahro bocaaha wahire. <sup>8</sup> Simo Pedro ã wahi payu ti sãachu ñũno, Jesu panoi na tuhcuca caha su, tirore õ sehe ni yahuha:

—Yu pũtoro, mũhu mehne jiboriro jieraja yũhu. Ñariro jija yũhu. Ñ jicu mũ cahai ji masieraja —niha Simo Pedro Jesure.

<sup>9</sup> Tiro, jipihtina tiro mehne macaina cūhu payu wahi sãachu ñua, cãaa wahaha tina cūhu. <sup>10</sup> Pũaro Simo Pedro mehne macaina Zebedeo pohna Santiago to bahũro João mehne, tina cūhu ñu cãaa wahaha. Ti ã cũachu ñũno Jesu Pedore õ sehe ni yahuha:

—Cũacũ tjiga. Mipũre mũhu wahire ñaha cahmachuriro mũ jiro seheta Cohamacũ yaina cjihtire pji cahmachuriro jiihca mũhu —niha Jesu Simo Pedore.

<sup>11</sup> To ã niri baharo tina ti bũsore bũcũpariro dũhtũ cahapũ waja mo cũnoca, ti ya jipihtiare tõihta cũnoca, Jesu mehne wahaa wahaha.

*Jesu cami barirore noariro wahachu yoaha*

(Mt 8.1-4; Mr 1.40-45)

<sup>12</sup> Ñ yoa Jesu pa macai to jichu cami bariro tirore piti bocaaha. Ñ piti bocaro tiro Jesure ñu, na tuhcuca caha su, õ sehe ni tuaro siniha:

—Pũtoro, mũhu yoa duacu yũhũre noariro yoa masina mũhu —ni siniha.

<sup>13</sup> To ã niri baharo Jesu tirore ña payoro õ sehe niha:

—Tĩre yoa duaja. Mipũre noariro jiga mũhu —niha.

To ã nichũta to cami bari cjiiri yati mũa wahaha. <sup>14</sup> Ñ jiro Jesu tirore õ sehe ni dutiha:

—Ahri yũ õ sehe yoirere painare yahui tjiga. Sacerdote cahai wahaga mipũre. Ñ jicu mũ pjacũre noari pjacũ to waharire ñoga tirore. Cohamacũ dutia Moiserere to cũri to niriro seheta yoaga. Ñ yoacu sacerdotere pũaro minichahcare waga noariro mũ waharire sacerdotere ñoi tai —niha cami bariro cjirore.

<sup>15</sup> “Yahui tjia”, to nipachũta jipihtiorũ masa tirore yahu site namoha. Ti ã yahu sitechu tũhoa masa payu tiro cahapũ sũha. Dohatiina noaina waha duaa, tina cūhu tiro cahapũ sũha. <sup>16</sup> Ti ã supachũta Jesu masa marienorũ Cohamacũre sinino wahaha.

*Jesu pjacu bũharirore noariro wahachu yoaha*

(Mt 9.1-8; Mr 2.1-12)

<sup>17</sup> Pa dachoi Jesu to buhechu fariseo curua macaina, judio masare buheina cūhu tõi dujiha. Tina jipihtina Galilea yahpai jia macari macaina, Judea yahpai jia macari macaina, Jerusalẽ macaina jiha. Ti ã jichu ñũno Jesu Cohamacũ tuua mehne dohatiinare noaina wahachu yoaha. <sup>18</sup> Mahainacã mũa pjacũ bũharirore to coãri cahsaro mehne yo wũa wihiha. Ñ jia tirore Jesu cahai cũ duaa, wũhũrũ yo sãa duamaha tina tirore. <sup>19</sup> Ñ sãa duapahta masa payu jichu tina tirore yo sãa masieraha. Ñ jia tirore wũhu buipũ yo mũjaha. Yo mũja su, mahanocã muji pahmare nawe, tí copai pjacũ bũharirore to coãri cahsaro mehnetã duhu boroha Jesu cahai jiina watoi. <sup>20</sup> “Jesu ahrirore to dohatiare yũhdũchu yoarohca”, ni tũhotuha tina. Ti ã ni tũhotuchũ masino Jesu pjacũ bũharirore õ sehe ni yahuha:

—Coyeiro, mũ ñaare yoari buhiri tiare yũhu cohã tuhsũja —niha Jesu tirore.

<sup>21</sup> To ã nichũ tũhoa fariseo curua macaina, judio masare buheina cūhu ti basi õ sehe ni tũhotumaha: “Ahriro ã ni durucuero tjiaro. Tiro masũno mari yoaro sehe jiro, ñaare to yoari buhiri tiare cohã masierara. Cohamacũ dihta masa ti ñaare yoari buhiri tiare cohã masina”, ni tũhotumaha tina.

<sup>22</sup> Jesu ti ã ni tũhotuare masino, õ sehe niha:

—¿Dohse yoana ã ni tũhotujari mũsa? <sup>23</sup> “Mũ ñaa yoari buhiri tiare yũhu cohã tuhsũja”, yũ nichũ, “Mahũnoriro jira”, yũhũre nina mũsa noano masierapanahca. “Wahcãrũca wahaga”, yũ nichũ yũ niri potocã jia jichũ dõihta masinahca. <sup>24</sup> Yũhũ



masuno Cohamacu warocariro ahri yahpai ti ñaare yoari buhiri tiare cohã masija yuhu. Masa ti ñaare yoari buhiri tiare cohãhtiro cjihtore cüre Cohamacu yuhure. Yu ã cohãrine musa masihto sehe õ sehetã yoa ñoihtja masa ñuhti cjihtire —niha Jesu.

Ã ni tuhsu pjacu buharitore õ sehe niha:

—Muhure niita nija. Wahcãrucaga. Mu coãri cahsarore na wahcãga mu ya wuhuru —niha tirore.

<sup>25</sup> To ã nichu tuhõrota jipihtina ti ñurocaroi wahcãruca, to coãri cahsarore na, to ya wuhuru tjuaa wahaha. Ã waharo tiro Cohamacure ño payoro, wahchea mehne noano durucuha. <sup>26</sup> To ã yoachu ñua masa sehe jipihtina cuãa wahaha. Tina cuãa waha, Cohamacure ño payoa, wahchea mehne noano durucuha:

—Michare soro jiare ñuhi sã —niha tina.

### *Jesu Levire piha*

(Mt 9.9-13; Mr 2.13-17)

<sup>27</sup> Ã yoa tuhsu waha, Leví wama tirirore to dahrari tahtiapu jirirore boca suha Jesu. Leví sehe puhtoã ya cjihtire masare wapa na cohtariro jiha. Ã boca saro tirore õ sehe niha:

—Yuhu mehne macariro cjihto taga muhu —niha tiro Levíre.

<sup>28</sup> To ã nichu Leví sehe jipihtia to dahraare duhunoca, Jesu mehne wahaa wahaha.

<sup>29</sup> Baharo Leví ya wuhuri bõse numu Jesure yoa payoro niha. Tõi payu wapa na cohtaina, paina cuhu Leví mehne dujiha. <sup>30</sup> Tina mehne Jesu cuhu ti dujichu ñua mahainacã fariseo curua macaina, judio masare buheina mehne sua, Jesu buheinare õ sehe ni sinitu ñua:

—¿Dohseana ñano yoaina, wapa na cohtaina mehne chujari musa? —ni tuhtiha tina.

<sup>31</sup> Ti ã nichu tuhõro Jesu yuhtiha tinare. Õ sehe ni piti dahre buheha:

—Dohatieraina duhturure macaerara. Dohatiina dihta duhturure macana. Ñaare yoaina dohatiina yoaro sehe jira. <sup>32</sup> Ã jicu ñaare yoainare yahui tai nihi yuhu Cohamacure cahma duticu. Ti basi “Noaina jija sã”, ni tuhõtuinare yahui tai nierahi yuhu —niha Jesu.

### *Chu duhuare Jesure sinituha paina*

(Mt 9.14-17; Mr 2.18-22)

<sup>33</sup> Ã yoa mahainacã masa Jesure õ sehe ni sinitu ñua:

—Joã buheina payu tahari Cohamacure ño payoa taa chu duhura. Ã yoaa, tina payu tahari Cohamacure sinina. Fariseo buheina cuhu ti yoaro sehetã yoara. Ti ã yoapachuta mu buheina sehe Cohamacure ño payoa taa chu duhuerara. ¿Dohse yoa ã yoajerari tina? —niha tina Jesure.

<sup>34</sup> Ti ã nichu Jesu to tuhõtua mehne quti dahre buhero taro tinare õ sehe ni yuhtiha:

—Õ sehe jira ti: Wamomaca duhterõpu ti pjirocaina wamomaca duhteriro mehne jia, chu duhu masierara. Tõ sehetã yu buheina cuhu yuhu mehne jia, chu duhu masierara. Yuhu wamomaca duhteriro yoaro sehe jija. Wamomaca duhteriro bõse numu to yoachu tiro mehne macaina chueraina jierara. <sup>35</sup> Yu Pucu Cohamacu yuhure to naari baharo pinihtare yu buheina mehne jisi yuhu. Ã jia tí pjarõta yu buheina cuhu chu duhuahca —niha Jesu.

<sup>36</sup> Panõpu macaa buhea wahma buhea mehne ti buhe more duachu ñuno õ sehe ni namõha Jesu tinare piti dahre buhero:

—Ne wahma suhtirore mahari cahsarocã tuhrẽ na, munano suhtirore sere õno cahmaerara. Mari ã sere õna wahma cahsarore tuhrẽ cohãna nija. Ã yoa wahma cahsaro munano suhtiro mehne cãno potori bajuerara. (Tõ sehetã muna buhea wahma buhea mehne piti dahre buheraro cahmana.)

<sup>37</sup> Ã yoa ne se co bisia core wahiquiro cahsaro wajuru mehne muna wajuru mehne posaeraro cahmana. Mari ã yoachu se co bisia pahmoõpu muna wajurure tuhrẽnocahna. To tuhõnõchu se co cuhu, wajuru cuhu cohõa wahara. <sup>38</sup> Ã yoa se co wahma core wahma wajurõpu posaro cahmana. Mari ã yoachu se co cohõera, wajuru cuhu cohõerara. (Tõ sehetã wahma buhea muna buhea mehne buhe moreraro cahmana.) <sup>39</sup> Muna core masa

ti sihniri baharo, wahma core cahmaerara tina. Õ sehe nia tire masa: “Muna co wahma co bui curero noaa jira”, nia tire masa —niha Jesu tinare.

## 6

*Sabado jichu* Jesu buheina trigo parorire paha yuhdu wahcãha

(Mt 12.1-8; Mr 2.23-28)

<sup>1</sup> Pa dacho Sabado jichu Jesu cãhu trigo wesepu sãha. Tõpu su, to buheina sehe trigo parorire paha, tí pohcarire sahca site boro, tí yaparire chu wahcãa niha. <sup>2</sup> Ti ã yoachu ñua mahainacã fariseo curua macaina tinare õ sehe ni sinituha:

—¿Dohse yoana musa Sabado mari sori numu to jipachuta dahrajari? Marine dutiare yuhdurucana nina musa —niha fariseo curua macaina Jesure.

<sup>3-4</sup> Ti ã nichu tuhoro Jesu tinare yuhtiha, (“Yu buheina yuhdurucãa nierara”), nino taro:

—Davi cjiro tiro mehne macaina mehne juca baaro, Cohamacu wuhuru sãa, Cohamacu ya pãore chãha. ã churo tó mehne macaina cãhure tí pãore chu dutiro waha. Tí pãore sacerdotea dihtare chu dutira. Cohamacu dutia tí pãore painare chu dutierara. ¿Davi cjiro tíre to yoari cjirore buherari musa? (Tí pãore churo Cohamacure yuhdurucaro nieraha. Michare ahri yaparire chãa yu buheina cãhu Cohamacure yuhdurucãa nierara.)

<sup>5</sup> Yuhu masuno Cohamacu warocariro ahri dacho Sabado dachore masa ti yoahntire yahurirota jicu puhtorota jija —niha Jesu.

*Wamomaca* buhariro quiti jira

(Mt 12.9-14; Mr 3.1-6)

<sup>6</sup> Pa dacho Sabado jichu Jesu judio masa ti buheri wuhuru sãa sãro, buheha masare. Tói wamomaca poto buhusehe buhariro jiha. <sup>7</sup> Mahainacã judio masare buheina, fariseo curua macaina cãhu Jesure yahusã duamaha. “Sabado dachoi masunore noariro wahachu yoaboca Jesu” ni, ñu nunu yahusã duamaha tina Jesure. <sup>8</sup> Jesu ti tuhutuare masino, buharirore õ sehe niha:

—Wahcã sarucaga jipihtina ti ñurocaroi —niha tire.

To ã niri baharo buhariro sehe wahcãrucu su, tói ducuha. <sup>9</sup> ã jiro Jesu tinare õ sehe ni sinituha:

—Mũsare sinituhtja: ¿Sabado jichu yabare yoa dutijari Cohamacu dutia? ¿Noaare yoachu noajerari? ¿O ñaare yoachu sehere noajari, musa tuhutuchu? Sabado jichu masunore masochu noa nina. Sabado jichu masunore wajãchu sehere noarara —niha Jesu tinare.

<sup>10</sup> ã nino Jesu tinare ñuroca õ pahño, buharirore õ sehe niha tjoa:

—Mũ wamomacare siõrocaha —niha tiro.

To ã nichuta buhariro sehe siõroca, noari wamomaca wahaha. <sup>11</sup> To ã yoachu ñua tina Jesu mehne tuaro suaha. ã suaa õ sehe niha:

—¿Dohse yoanahcari mari ahrirore? —niha tina ti basi.

*Jesu to buheinare doce to warocahtinare bese dapoha*

(Mt 10.1-4; Mr 3.13-19)

<sup>12</sup> Tí dachorire Jesu tũcupu Cohamacure sinino mũjaa wahaha. Tõpu jiro, ñamine Cohamacu mehne durucu bohreaha. <sup>13</sup> Bohrearopu to buheinare to cahapu pjirocaha. Pjiroca tuhsu, tina mehne macainare doce waro to warocahtinare bese dapoha. <sup>14-15</sup> Ahrina jiha Jesu to bese daporina: Simo jiha. Simore Pedro ni pisuha Jesu sehe. Simo bahuro Andre, Santiago, João, Felipe, Bartolomé, Mateo, Toma, Santiago jiha. Santiago sehe Alfeo macuno jiha. ã jia Simo cananista ya curua macariro cjiro, <sup>16</sup> Juda Santiago macuno, Juda Iscariote tina jiha to bese daporina. Juda Iscariote sehe Jesure ñu tuhtiinare ñohtiro jiha.

*Jesu payu* masare buheha

(Mt 4.23-25)

<sup>17</sup> ã yoa Jesu to buheina mehne tũcu buipũ jirina duji taa, payũ paina to buheina mehne duji wihirũca, noari wapai ducuha tina. Jipihtiro Judea yahpa macari macaina, Jerusalẽ macaina, Tiro wama tiri maca macaina, Sidõ wama tiri maca macaina, pjiri ma dũhtũ cahai jia macari macaina masa payũ tiro cahapũ wihia. <sup>18</sup> Tina Jesu buheare tũhoa taa, ti dohatiare cohãchũ cahmaha tina. Watĩa ti cohtotarina cũhũ tiro cahapũ wihĩ, noaina wahaha. <sup>19</sup> Jesu to tuaa mehne noaina wahachũ yoaha tinare. ã jia tina jipihtina tirore dahra ñũa taha.

*Jesu wahcheare, cahyaa cũhũre buheha*

*(Mt 5.1-12)*

<sup>20</sup> Baharo Jesu to buheinare ñũ, õ sehe ni yahuha:

—Mũsa pjacũoina, pũhtoro Cohamacũ to sũho jiropũ wahanahca mũsa. ã jina mũsa wahchenahca.

<sup>21</sup> 'Mĩpũre mũsa jũca baaina yapiina jinahca. ã jina wahchenahca.

'Mĩpũ tiina jina, baharo mũsa bũjũnahca. ã yoa mũsa wahchenahca.

<sup>22</sup> 'Yũhũ masũno Cohamacũ to warocariro jija. ã jina yũ yare yoina mũsa jiri buhiri paina mũsare ti ñũ tuhtipachũta wahcheina jira mũsa. Mũsare ti cohãpachũta wahchenahca. Mũsare ti ñano durucupachũta “Ñaina jira”, mũsare ti nipachũta mũsa sehe wahchenahca. <sup>23</sup> Mũsare ti ã yoachũ ñũno mũanopũ mũsa sũchũ pjĩro noano yoarohca Cohamacũ mũsare. ã jina tuaro wahcheina jiga. Noano yajeripohna tiina jiga. Mũsare ñũ tuhtiina ti coyera panopũ macaina tó sehetã ñano yoaha Cohamacũ yare yahu mũhtaina cjiri cũhũre.

<sup>24</sup> ã yoa mũsa mĩpũ payũ cjũaina ahri yahrapũ mũsa noano jinoca tuhsũre. ã jina ñano yũhdũina jinahca mũsa.

<sup>25</sup> 'Mĩpũ yapiina mũsa jũca banahca. Mũsa ã jina ñano yũhdũnahca.

'Mĩpũre mũsa bũjũina jina baharopũ mũsa cahya, tiinahca. ã jina mũsa ñano yũhdũnahca.

<sup>26</sup> “Cohamacũ yare yahu mũhtaina jija”, ni mahñoinare “Noaina jira”, nimaha payũ panopũ macaina. ã nimarina ti coyera mĩpũ macaina cũhũ ãta “Noaina jira”, niboca cãina mũsa mehne macainare. Ti ã nimarina mũsa jina ñano yũhdũnahca mũsa cũhũ —ni buheha Jesu.

*Mũsare ñũ tuhtiina ti jipachũta tina cũhũre cahĩga*

*(Mt 5.38-48; 7.12)*

<sup>27</sup> ã yoa õ sehe ni buhe namoha Jesu:

—Yũhũre tũho duainare, mũsareta nii nija. Mũsare ñũ tuhtiina ti jipachũta tina cũhũre cahĩga. Mũsare ñũ tuhtiinare noano yoaga. <sup>28</sup> Mũsare “Ñano yũhdũjaro”, niina ti jipachũta noa dutiga tinare. Mũsare ñano yoina ti jipachũta “Tina cũhũ noano jijaro”, ni sini payoga Cohamacũre. <sup>29</sup> Cũiro mũsa wahsupure to cjãchũ, pa bũhũsehe cũhũre cjã dutiga tirore. Mũsa bui macari suhtirore to machũ mũsa camisa cũhũre ã wanocahga tirore. <sup>30</sup> Mũsare sinirirore to sinino purota waga tirore. Mũsa yare to nachũ tirore sinituena tjia pari turi tíre. <sup>31</sup> Paina mũsare ti noano yoachũ cahmana mũsa. Tinare mũsa noano yoachũ cahmano sehetã mũsa cũhũ noano yoaga tinare. Mũsare ti noano yoerapachũta mũsa sehe tinare noano yoaga.

<sup>32</sup> 'Mũsare cahĩina dihtare mũsa cahĩchũ tí ne yaba cjihti jierara paina sehere mũsa cahĩerachũ. Ñaina cũhũ tinare cahĩina dihtare cahĩna. <sup>33</sup> ã jina mũsare noano yoina dihtare mũsa noano yoachũ tí cũhũ ne yaba cjihti jierara paina sehere mũsa noano yoerachũ. Tíre ñaina cũhũ yoaa tire. <sup>34</sup> ã yoa “Yũhũre wiaa tire”, mũsa niina dihtare mũsa wasochũ ne tí yaba cjihti jierara. Ñaina cũhũ painare “Yũhũre wiaa tire”, ti niinare wasoa tire. <sup>35</sup> ã jina mũsa sehe mũsare ñũ tuhtiina cũhũre cahĩga. ã yoa, tinare noano yoaga. Pairore wasona “Yũhũre ne wiasi ahriro”, ni tũhotuenata tirore wasoga. Cohamacũ sehe tirore ji coaeraina cũhũre, ñaina cũhũre noano yoara. To yoaro sehetã yoaga mũsa cũhũ. Mũsa ã yoachũ Cohamacũ pjĩro noano yoarohca mũsare. Mũsa ã yoana

Cohamacu tua yuhduariro muanano macariro pohna jinahca. <sup>36</sup> Mari Pucuc muanano macariro to pja ñuriro seheta musa cūhure masare pja ñuga —ni yahuha Jesu.

*Paina cūhure “Ñaina jira”, niena tjiga  
(Mt 7.1-5)*

<sup>37</sup> Ñ yoa tinare õ sehe ni yahu namoha:

—Painare “Ñaina jira”, niena tjiga musa. Musa ã nierachū Cohamacu musa cūhure “Ñaina jira”, nisi. Paina musare ti ñano yoarire ti ñano niri cūhure boga musa. Musa ã bochu ñuno Cohamacu musa cūhure musa ñaa yoari buhirire borohca. <sup>38</sup> Paye barore cjuana painare waga. Musa ã wachu Cohamacu musare warohca. Ñ waro noano quihõno musare pjíro warohca. Wahpa yuhduaro warohca. Painare musa wariro purota Cohamacu musa cūhure warohca —niha Jesu tinare.

<sup>39</sup> Ñ ni tuhsu Jesu quiti mehne piti dahre buhero õ sehe ni yahu namoha:

—Capari ñueraina sahsero ti basi noano tuã wahcã masierara. Ñ tuã wahcã, tina puaro doca wahã su bora sãa wahaahca coparū. (Tó seheta Cohamacu yare masieraina painare buhe masierara. Ñ jia tina jipihtina pichacapū wahaahca.) <sup>40</sup> Buheina tinare buherirore masi yuhdurucaerara. Ñ jipahta jipihtina buheina ti noano buhe pahñori baharo tinare buheriro yoaro seheta jahca —niha Jesu.

<sup>41</sup> Ñ ni tuhsu paye quiti mehne yahu namoha:

—Mari piti dahre buhechū õ sehe yoaina jira musa: Musa coyeiro to capariacapū mahari pohcarocã to sãachū tí pohcarocãre noano ñuna musa. Musa ya capariacare pjiri pjí to jipachuta tí pjíne ne ñuerara musa. (Mahari pohcarocãre musa ñuno seheta musa coyeiro to ñano yoaa sehere noano ñuna musa. Musa basi musa ñaare tuaro yoapanahita tíre masierara musa pjiri pjíne musa ñueraro seheta.) ¿Dohse jiro baro ã jijari musa? <sup>42</sup> Ñ sehe niina yoaro sehe jira musa: “Coyeiro, muhū ñaare yoai nica muhū. Ñ jicu tíre duhuga”, niina yoaro sehe jira musa. Ñ niina jipanahta pjíro ñaare yoara musa sehe. ¿Dohseana musa ñaare yoapanahita tíre masierajari musa? Masa ti baharo buhusehei ñano yoaa cohtaina jira musa ã yoaina. Pjiri pjíne musa capariacai jiri pjíne musa na muhtaboriro seheta musa ñaa yoaa sehere duhu muhtaga. Musa ã yoari baharo musa coyeiro to ñano yoaa duhuchū yoaa masiboca mahari pohcarocãre musa naboro seheta —ni buheha Jesu.

*Masa ti durucuaru tuhona ti jia tiare masija mari  
(Mt 7.17-20; 12.34-35)*

<sup>43</sup> Ñ yoa piti dahre buhero õ sehe ni yahu namoha tinare:

—Noadu yucucu ñaare dicha tierara. Ñ yoa ñadu noaare dicha tierara. <sup>44</sup> Yucucu dichare masina ture masina. Pota tidu higuera pocare dicha tierara. Ñ yoa agã potacu se tōhorine dicha tierara. <sup>45</sup> Tó seheta jira masa cūhū. Noariro to tuhotuapū noaa jira. Ñ jiro tiro noaare yoara noadu to noano dicha tiro seheta. Ñariro to tuhotuapū ñaa jira. Ñ jiro tiro ñaare yoara ñadu ñaare to dicha tiro seheta. Mari tuhotuapū marine ti jiro seheta durucuja mari —ni yahuha Jesu.

*Pua wuhū yoaina quitire yahuha Jesu  
(Mt 7.24-27)*

<sup>46</sup> Ñ yoa tinare õ sehe ni yahu namoha:

—Musa yuhure “Puhtoro”, nina. Ñ nipanahta yu dutia sehere yoarara musa. ¿Dohse jiro baro ã yoajari? <sup>47</sup> Jipihtina yuhure cahmaina yu yahuare tuhora. Ñ jia yu dutiare yuhdurucaerara. Ñ seheta jira yuhure yuhdurucarina: <sup>48</sup> Wuhū dahreriro yoaro sehe jira tina. Tiro cūãa coparire tãa wapai to suchupū saha, wuhure noano dapu ducaha. Tí wuhū noano to yoari wuhū jiro dia to minichū tuaro to cotiãpachuta tí wuhū noano tjuaha. <sup>49</sup> Ñ jia yu dutiare tuhopahta yuhdurucaina sehe wuhure noano yoareriro yoaro sehe jira. Tí wuhure buicã dapu, noano dahre duceraha. To ã cūri wuhū jiro dia minino

to cotiächu dóihta tí wuhu burua wahaha. ã jiro tí wuhu tuaro bora su cahaa wahaha —niha Jesu.

## 7

*Surara puhtoro cahamacunore to dohatichu Jesu noariro wahachu yoaha tirore (Mt 8.5-13)*

<sup>1</sup> Tí quitire masare yahu tuhsu Jesu cūhu Capernaupū sūha. <sup>2</sup> Tóí jiroro cien surara puhtoro to cahamacunore tuaro cahīna. To cahamacuno sehe dohatiriro jiro, yariaro cahariro jimaha. <sup>3</sup> ã jiro Jesu to yoaare tūhoro, judio masa bucunare Jesu cahapu warocaha puhtoro sehe.

—Dohatirirore noariro wahachū yoai taga —ni yahu dutiro warocaha puhtoro bucunare.

<sup>4</sup> Tina Jesu cahapu sua, ò sehe ni tuaro mehne yahuha tirore:

—Surara puhtoro sāre warocahre. To cahamacunore dohatirirore to yūhdūchū cahmahre tiro. Tiro puhtoro sehe noariro jira. To ã jichū yoadohoga tirore. <sup>5</sup> Mari ya maca macainare tiro cahīna. ã jiro tiro sā buheri wūhure ti yoari wapa wapare —niha bucuna Jesure.

<sup>6</sup> Ti ã ni yahuchū tūhoro Jesu sehe tina mehne wahaha. Surara puhtoro ya wuhū cahacāi to sūro cahachū puhtoro sehe tiro mehne macainare Jesure ò sehe ni yahu dutiro warocaha:

—Puhtoro, noanohca. Tai tjiga. Noariro jieraja yūhū. Ya wūhūi mūhure sāa ta dutiboriro jieraja yūhū. <sup>7</sup> ã jicu mū cahai wahaeraja. Yū ã jipachūta mū masia mehne noariro wahachū yoaga mūhū tirore. Mū ã yoachū yū cahamacuno noariro waharohca. <sup>8</sup> Yūhure yū bui jiina paina puhto dutira. ã jicu yūhū cūhū surarare dutija. Cāirore “Wahaga”, yū nichū tiro wahara. Pairore “Taga”, yū nichū tiro tara. Yū cahamacunore “Ahrire yoaga”, yū nichū tíre tiro yoara. (Mūhū cūhū dutirirota jira. ã jiro mū dutiriro seheta tiro dohatiriro yūhdūrohca) —ni yahu dutiha surara puhtoro.

<sup>9</sup> To ã nichū tūho cūaa waharo, payū masa tiro mehne jinare majaregucū sū, ò sehe ni yahuha:

—Mūsare niita nija. Tiro surara puhtoro Israe masūno jierariro Cohamacure tuaro wacū tuara. To cahamacunore yū noariro wahachū yoahire masi tuhsūra. Israe masare ne ahriro yoaro sehe jinare űærasinija —niha Jesu.

<sup>10</sup> To ã niri baharo surara puhtoro Jesu cahai to warocarina sehe ti puhtoro ya wūhūpu tjuaa wahaha. Tju sū dohatiriro to noariro jichū űūha tina.

*Jesu wapewahyoro macunore masoha*

<sup>11</sup> To ã yoari baharocā Nai wama tiri macapū Jesu to buheina mehne payū masa mehne wahaha. <sup>12</sup> Tí macare sārari sopaca cahai tō sūchū yariarirore masa na wijaa taa niha. Yariariro pocoro wapewahyoro jiha. Cāirota jiro yariaha. ã jia tó macaina masa payū ticoro mehne wahaha. <sup>13</sup> To ã wahachū űūno Jesu ticorore pja űūha.

—Tiieco tjiga —niha Jesu ticorore.

<sup>14</sup> ã nino yariariro to masa putihi űa payoha. To ã űa payochū űūa tí putire wūaina sehe sūrucaha.

—Macū, yūhū mūhure ò sehe nija. Wahcā nuju sūga —niha Jesu.

<sup>15</sup> To ã niri baharo yariariro cjiro wahcā nuju sū, durucuha. ã jiro Jesu tirore to pocorore waha. <sup>16</sup> To ã yoachū űūa tina jipihtina cuia wahaha. ã jia tina Cohamacure űo payoa, ò sehe niha:

—Cohamacū yare yahu mūhtariro masi yūhdūariro mipū pinihtare mari watoi jira —niha tina.

—Cohamacū marine to yainare yoadohoro wihi tuhsūhre —niha paina.

<sup>17</sup> ã jia jipihtina Judea yahpa macainare tó dūhtū cahai jia macari macainare Jesu to yoarire masa yahu site pahūoha.

*João masare bautisariro to buheinare Jesure sinitu dutiha  
(Mt 11.2-19)*

<sup>18-19</sup> ã yoa Jesu to yoarire ñña Joãore yahuha to buheina. ã ti yahuchũ tũhoro pũarore tiro cahai pjiroca, Jesure sinitu dutiro warocaha João. Õ sehe ni sinitu dutiha:

—¿João “Yũ baharo paio tarohca”, to niriro tjijari mũhũ? ¿To niriro mũ jierachũ paioire cohtanahcari sã? —ni sinitu dutiha João pũaro to buheinare.

<sup>20</sup> ã yoa tina Jesu cahai sũ, sinituha tireore:

—João masare bautisariro mũhũre sinitu dutiro warocahre sãre. ¿João “Yũ baharo paio tarohca”, to niriro tjijari mũhũ? ¿To niriro mũ jierachũ paioire cohtanahcari sã? —ni sinituha tina Jesure.

<sup>21</sup> Tí pjata payũ dohatiinare, watĩa ti cohtotainare, capari ñũerainare noaina wahachũ yoaha Jesu. <sup>22</sup> ã jiro João warocainare Jesu ò sehe ni yũhtiha:

—Mĩpũre mũsa ñũgĩre mũsa tũhorire Joãore yahuna wahaga: Õ sehe niga: “Capari ñũeraina ñña. Tini masieraina tinina. Cami bũcũ baaina noaina wahara. Tũho bocaeraina tũhoa wahara. Yariaina masaa wahara. Tina jipihtinare noaina wahachũ yoahi yũhũ. ã yoa pjacũoinare noaa buheare yahuja. <sup>23</sup> Yũhũre tũhoro ‘Potocã tjira’, niriro tiro wahcheriro jira”, Joãore ni yahuna wahaga —niha Jesu.

<sup>24</sup> João buheina ti wahari baharo Jesu sehe João to jia tiare yahu dũcaha payũ masare:

—Masa marienopũ sũna tjare wĩhnono to wãroca cohtotachũ yoarire sehetã to buheare cohtota mũjarĩrore ñña sũerare mũsa. ã yoariro jierare João. <sup>25</sup> “Noa suhti tirĩrore ñña wahajĩhna”, nierare mũsa masa marienopũ wahana. Noaa suhti tiina wapa bũjũare cjuaina pũhũa ya wũhũsepũ jira. Masa marienopũ jierara. <sup>26</sup> Masa marienopũ sũna Cohamacũ yare yahu mũhtarĩrore ñña sũhre mũsa. Potocã tjira. João Cohamacũ yare yahu mũhtarĩrore jira. Paina Cohamacũ yare yahu mũhtaina yũhũro jĩrore jira tiro. <sup>27</sup> Panopũ Cohamacũ yare ti joari pũi Joãore ò sehe ni yahu joaa tiha:

“Mari Pũcũ to macũnore ò sehe niha: ‘Mũ pano mũhũre yahuyũhtĩrore warocai nija’, niha Cohamacũ”,

ni yahu joaa tiha panopũre Joãore. <sup>28</sup> Mũsare potocã niita nija. Paina jipihtina bui jira João. Ahri turupũre to ã jipachũta mũanopũre Cohamacũ masare pũhũro to noano sũho jĩropũre jipihtina docapũ jĩrore pinihta João bui jira —niha Jesu masare.

<sup>29</sup> To ã nichũ tũhoa jipihtina masa, pũhũa ya cjihtire wapa na cohtaina mehne João to bautisarina jia ò sehe ni tũhotuha Cohamacũre. “Cohamacũ quĩhũno yoariro jira”, ni tũhotuha tina. <sup>30</sup> Fariseo curua macaina sehe judio masare buheina cũhũ João to bautisanohrina ji duaeraha. ã jia tĩnare Cohamacũ to yaina to yoa duachũ cahmaeraha.

<sup>31</sup> ã yoa Jesu pari turi ò sehe ni yahuha:

—¿Mĩpũ macaina masa yabaina yoaro sehe jĩjari tina, mũsa tũhotuchũ? <sup>32</sup> Tina macanacã yoaro sehe jira. Paina ti cahmano sehe ti yoerachũ tó wahaerara tinacãre. Pache duaropũ pape dujia, ò sehe ni pisurucura tinacã ti basi: “Mũsa basahti cjihtire sã putipemahi. ¿Dohseana mũsa basaerari sã tĩre putipechũ? Sã tuaro ñahacaha tiipe, sañurucumahĩ. ¿Mũsa sehe dohseana sã mehne tiiperari?” nirucuina yoaro sehetã jira mĩpũ macaina cũhũ. (Mĩpũ macaina ti cahmano sehetã sã yoerachũ ñña tó wahaerara tina cũhũre.) <sup>33</sup> João bautisariro Cohamacũre ño payoro taro ne chũeraro, vinore sihnierare. To ã sihnierachũ ñña “Watĩno to cohtotarĩrore jira”, nimahre mũsa tireore. <sup>34</sup> Yũhũ masũno Cohamacũ warocarĩrore jicũ, yũhũ chũ sihnija. Yũ ã yoachũ ñña ò sehe nina mũsa yũhũ sehere. “Ñũga. Ahriro pjĩro chũriro, cahariro jira. Pũhũa ya cjihtire wapa na cohtaina, ñano yoaina cũhũ ti piti tirĩrore jira ahriro”, nina mũsa yũhũre. ã nina macanacã yoaro sehe durucuina jira mũsa. (Mũsa cahmano sehe sã yoerachũ tó wahaerara mũsare. Ne wahcherara mũsa.) <sup>35</sup> ã masierapanahta sã yoa ñĩrore ñña, Cohamacũ yare sã masichũ masinahca mũsa —ni yahuha Jesu.

*Simo wama tirĩro fariseo curua macarĩrore ya wũhũni jiha Jesu*

<sup>36</sup> Fariseo curua macariro to wuhupũ chũ dutiro pjihã Jesure. To ã pjichũ Jesu to ya wuhupũ sũ, ti chũri mesa cahai nuju sũha. <sup>37-38</sup> Tĩ macapũre ñaare ñaare yoarucuricoro cjiro jiha. Jesu fariseo curua macariro ya wuhupũ to dujichũ ticoro tũhoha. ã tũho tuhsũ alabastro mehne yoariare me sitia posa tiriare na ta, Jesu baharo bũhũsehei wihi tarũca, tiiha. ã tiiro Jesu dahporire to yahco co mehne wayo, to pjoari mehne pahã cohãha. To dahpori wũachũ ñũ ticoro to dahporire wihmi, me sitia mehne pio payoha. <sup>39</sup> To ã yoachũ ñũno fariseo curua macariro Jesure pjiriro to basi õ sehe ni tũhotumaha: “Ahricoro tirore ñaha ñaricoro ñaare yoarucuricoro jira. Ahriro Jesu Cohamacũ yare yahu mũhtariro jiro tíre masiboa”, ni tũhotumaha. <sup>40</sup> To ã ni tũhotuare masino Jesu õ sehe ni yahuha tirore:

—Simo mipũ pinihtare mũhũre yahu duaja —niha Jesu.

—Buheriro, ¿yũhũre dohse ni yahu duajari mũhũ? —ni yũhtiha Simo.

<sup>41</sup> To ã nichũ Jesu õ sehe ni piti dahre buhe yũhtiha:

—Pũhtoro pũaro wapamoina jiha. Cũiro wapamoro quinientos niñeru tũrire wapamoha. Pairo sehe cincuenta niñeru tũrire wapamoha. <sup>42</sup> ã jia tina ti wapamoare ti wapa bihoerachũ ñũno pũhtoro ti wapamoare wapa dutieraha. ¿Mipũ pinihtare diro sehe wapamoro sehe to pũhtoro cahĩ yũhdũrohcarĩ? —ni sinituha Jesu.

<sup>43</sup> Simo õ sehe ni yũhtiha:

—Bũah, pjĩro wapamoro mahanocã wapamoro yũhdoro to pũhtoro cahĩ yũhdũboca —niha Simo.

—Potocã ni yũhtihre mũhũ yũhũre —niha Jesu.

<sup>44</sup> ã ni tuhsũ tirore pio payoricoro majare ñũ, Jesu Simore õ sehe ni yahu namoha:

—Ahricoro ñũga mũhũ. Mũ ya wuhupũ yũ sãa wihiri baharo yũ dahporire cosahti core yũhũre waerare mũhũ. Ahricoro sehe to yahco co mehne yũ dahporire wayo, to pjoari mehne pahã cohãhre yũhũre. <sup>45</sup> Mũhũ sehe yũhũre piti boca wihmierare. Ahricoro sehe õi yũ dujiro puro yũ dahporire wihmihre. <sup>46</sup> Mũhũ sehe yũ dapure se mehne pio payoerare. Ticoro sehe yũ dahporire me sitia mehne pio payohre. <sup>47</sup> ã nicũ mũhũreta yahui nija. Ahricoro to ñaa yoari cjiri payũbia jira. ã jiricoro jiparota ticoro tuaro cahĩhre yũhũre. ã jicũ ñaare to yoari buhirire cohãhi. ã jia ñaare ti yoari buhirire mahanocã yũ cohãnohrina mahanocã cahĩna yũhũre —niha Jesu Simore.

<sup>48</sup> ã ni tuhsũ tiro ticoro õ sehe ni yahuha:

—Mipũ pinihtare ñaare mũ yoari buhirire boja —niha Jesu.

<sup>49</sup> To ã nichũ tũhoa Jesu mehne dujiina ti basi õ sehe ni durucuha:

—¿Dohse jiriro baro jijari ahriro ñaa buhirire boriro? —niha tina ti basi.

<sup>50</sup> ã ni tuhsũ, Jesu numinore õ sehe ni yahuha:

—Yũhũre mũ wacũ tuachũ mũhũre pichacapũ wahaboricoro yũhdoja. Cuiro marieno mũ wuhupũ tjuaa wahaga —niha Jesu ticoro.

## 8

### *Numia Jesure yoadohoha*

<sup>1</sup> Baharo bũjũa macaripũ daa macaricãpũ cũhũre sũ, Cohamacũ masare pũhtoro to noano sũho jiare noaa buheare yahuha Jesu. Doce to buheina sehe tiro mehne jiha. <sup>2</sup> ã yoa numia cũhũ watĩa ti cohtotari numia cjiri, dohatia numia cjiri Jesu noaa numia to yoari numia tiro mehne tiniha. “María”, ti nimaricoro “Magdalena”, ni pisua tiha ticoro. Ticoro siete watĩare Jesu cohã wioha tó pano. ã jiro ticoro cũhũ Jesu mehne tiniha. <sup>3</sup> Cuza wama tiriro Herodere dahra cohtaina pũhtoro cjiro namono Juana cũhũ Jesu mehne tiniha. Susana wama tiricoro cũhũ paye numia mehne payũ ti cjũaa mehne tirore yoadohoha.

*Jesu wesere toari masũno* quitire yahuha

(Mt 13.1-9; Mr 4.1-9)

<sup>4</sup> ã yoa payũ macari macaina Jesu cahapũ cahmachuha. Ti ã cahmachuri baharo Jesu to tũhotua mehne qiti dahre tinare õ sehe ni yahuha buhero taro:

<sup>5</sup> —Toari masuno toaro, to toaa yaparire doca site cūno wahaha. To ã doca site cū wahcāchū paye yapari mahai bora caha sūha. Ti ã bora caha sūchū paye yaparire masa tū diho cūha. ã jia paye yaparire minichahca duji ta, chūnocaha. <sup>6</sup> ã yoa paye yapari sehe tãa wapa bui dihta se mininocã bui bora caha sūha. Tí yahpapū co mariaha. ã jia tí yapari du wija tarucuma ñaia wahaha. <sup>7</sup> Paye yapari sehe tja watoi bora caha sūha. Tja sehe tí toaa mehne duha. Tja sehe dia yūhdūa waha, toaare wajānocaha. <sup>8</sup> Paye yapari noari yahpai bora caha sūha. Noano dua jia noano dichā tiha. ã jia payū dichā tiha —niha Jesu.

ã ni tuhsū ò sehe tuaro ni namoha:

—Ahrire tūho duaina noano tūhoga mūsa —niha tiro.

*Jesu quti mehne to buherire yahuha*

(Mt 13.10-17; Mr 4.10-12)

<sup>9</sup> Baharo to buheina tí quitire masi duaa, Jesure ò sehe ni sinituha:

—¿Ahri quti mehne dohse ni yahui nijari mūhū? —ni sinituha tina.

<sup>10</sup> Ti ã nichū Jesu ò sehe ni yūhtiha:

—Cohamacū masa bui pūhtoro to noano sūho jiare panopū paina ti masierari cjirire mūsare masichū yoarohca Cohamacū. Paina sehere ã yoaerara tiro. Tinare quti mehnetā buheihtja. Yū ã yoachū tina yū buheare tūhopahta masisi —niha Jesu to buheinare.

*Jesu wesere toari masuno quitire yahu pahñoha*

(Mt 13.18-23; Mr 4.13-20)

<sup>11</sup> ã ni tuhsū tinare ò sehe ni yahu namoha:

—õ sehe ni yahura ahri quti: Toaa yapari noaa buhea yoaro sehe jira. <sup>12</sup> ã yoa maha dūhtū cahai boraā yapari sehe noaa buhea yoaro sehe jira. Cāina masa noaa buheare ti tūhochū ñūno watīno sehe ta, tí buheare masi dutierara masare, minichahca tí yaparire ti chū cohāno seheta yoaro. To ã yoaerachū tina Cohamacūre wacū tuaboa. Ti ã wacū tuachū ñūno Cohamacū sehe tinare pichacapū wahaborinare yūhdoboa. <sup>13</sup> ã yoa tãa wapa bui dihta se mininocã bui boraā yapari noaa buhea yoaro sehe jira. ã jia masa noaa buheare tūho, wahchea mehne tíre tūho nūnū wahcāna. ã tūho nūnūpahta tãa wapa buicã jia yucū nūhcori mariea yucū yoaro seheta ahrina masa cūhū yoari pja cūno pjaerara. ã cūno pjaeraa yū yare ti cahmari buhiri paina tinare ti ñāno yoachū ñūa yū yare duhunocahna. <sup>14</sup> ã yoa tja watoi boraā yapari noaa buhea yoaro sehe jira. ã jia masa noaa buheare tūhopahta, ahri yahpa macaare wacū nūnū yūhdūara. Niñerure būjūa cahma, paye baro cūhūre payū cahma, tíre goa pja yūhdūara tina. Ti ã yoachū tí sehe noaa buheare dūcatara. Ti ã dūcatachū masa noaa sehere yoaerara. Dichā maria yucū yoaro seheta jira. <sup>15</sup> ã yoa noari yahpai boraā yapari noaa buhea yoaro sehe jira. ã jia masa noaa buheare tūhoa, noano mehne tí buheare yūhdūrcāerara. ã jia yucūcū dichā tiro seheta noaa buheare tūhoina sehe Cohamacū to cahmano seheta noaare yoara —niha Jesu.

*Jesu sihāria quitire buheha*

(Mr 4.21-25)

<sup>16</sup> ã ni tuhsū paye quti mehne piti dahre buheha tiro:

—Ne sihāriare ti sihāri baharo tiare dihi biato docai cūerara masa. ã yoa tiare coāri casario docai cūerara. Mūanopū tiare duhu payora wūhūpū sã taina ti noano ñū sãhto sehe. <sup>17</sup> Jipihti ti masierari cjirire baharo masa masiahca. Sihāria to buhriachū mari ñū masino seheta panopū ti masierari cjirire masiahca masa.

<sup>18</sup> ã jina mūsa tūhona noano tūho nūnūga. Noano tūho nūnūriro, noano masinohca. Tūho nūnūerariro “Mahanocã tūhoja”, to nipachūta tí sehere boa waharohca —niha Jesu.

*Jesu coyea tirore pjiha*

(Mt 12.46-50; Mr 3.31-35)



<sup>19</sup> Baharo Jesu bahana ti pocoro mehne tiro caharꝰ waha nimaha. Masa payꝰ jichꝰ to caharꝰ sꝰeraha. <sup>20</sup> ã jiro cãiro Jesure õ sehe ni yahuha:

—Mꝰ poco mꝰ bahana mehne sopacarꝰ ducuhre. Mꝰhꝰre ñꝰa taa niyuhti —niha tiro Jesure.

<sup>21</sup> To ã nichꝰ Jesu õ sehe ni yahuha jipihtinare:

—Cohamacꝰ ya buheare tũhoina, tíre yũhdũrũcaeraina tinata yꝰ poco yꝰ bahana yoaro sehe jira —niha Jesu tinare.

*Jesu wihnonore yꝰsꝰ dutiha*

*(Mt 8.23-27; Mr 4.35-41)*

<sup>22</sup> Pa dachoi Jesu to buheina mehne dohoriarꝰ samu:

—Basa, pahãjihna —ni, tina jipihtina tia mehne bꝰcupariorꝰ pahãa wahaha.

<sup>23</sup> ã pahãno carĩa wahaha Jesu. Ti ã pahãrucuchꝰ waro tuaro wihnono taha. Wihnono to tachꝰ bꝰjua pahcõri wahcã, tinare mionocamaha. ã to wahachꝰ minihto cua yũhdũaha tinare. <sup>24</sup> ã wahachꝰ ñꝰa Jesu cahai waha, tirore wahcõha.

—Buheriro, mari mini yariana tana nijã —niha tina.

Ti ã nichꝰ Jesu sehe wahcã, wihnonore “Tó purota wã duhuga”, niha. ã ninota pahcõri cũhure “Yꝰsꝰa wahaga”, niha. To ã nichꝰta wihnono yũhdũa wahaha. ã yoa pahcõri cũhꝰ yꝰsꝰ boraahaha. <sup>25</sup> ã wahari baharo Jesu tinare õ sehe niha:

—¿Mꝰsa yũhure wacũ tuaerasinijari? —niha tiro.

To ã nichꝰ tina sehe cui, cuaa waha, ti basi õ sehe ni durucuha:

—Cue, ¿dohse jiriro baro masũno jijari ahriro? Ahri wihnono, pahcõri cũhꝰ to dutichꝰ yũhdũrũcaerara tirore —niha tina ti basi.

*Watĩa ti cohtotariore noariro wahachꝰ yoaha Jesu*

*(Mt 8.28-34; Mr 5.1-20)*

<sup>26</sup> ã yoa tina sie coarꝰ Gerasa macaina ya yahparꝰ pahã sũha. Tí yahpa Galilea yahpa potoihta jiha. <sup>27</sup> Tóí Jesu to maja sꝰrũcũ sũchꝰ waro tó macariro watĩa ti cohtotariro tiro caharꝰ taha. Tiro yoari pja suhti marieriro jiro, to wũhũpũre ne jieraha. ã yoa masa copari tãa copari watoi jia tiha tiro. <sup>28-29</sup> ã jia payꝰ tahari watĩa tirore ñahaha. ã jiro tiro peresui to jichꝰ to wamomacarine dahporire comaa dari mehne dũhteriro jiparota, tiro tí darire nuha mũjaha. ã yoa watĩa sehe tirore masa marienopꝰ na wahcãa tiha. ã yoa tiro Jesure ñũroca õ tuaro sañurucu, Jesu panoi na tuhcuca caha sũha. To ã yoachꝰ ñũno Jesu sehe tirore õ sehe ni dutiha:

—Watĩa, duhuga ahrirore —niha Jesu.

To ã nichꝰ tũhoro watĩa ti cohtotariro tuaro sañurucu, õ sehe ni sinituha Jesure:

—Jesu, ¿Cohamacꝰ Jipihtina Bui Jiriro macũno yabare yoai tai nijari mũhꝰ yũhure? Yũhure, ñano yoai tjiga —niha watĩa ti cohtotariro.

<sup>30</sup> To ã nichꝰ Jesu sehe õ sehe ni sinituha tirore:

—¿Yabariro wama tijari mũhꝰ? —niha.

Payꝰ watĩa tiro mehne jiha. ã jiro õ sehe niha watĩa ti cohtotariro:

—Watĩa payꝰ wama tija sã —ni yũhtiha watĩa ti cohtotariro tiro.

<sup>31</sup> —Cũãri coparꝰ sãre waha dutiecũ tjiga —ni, tuaro siniha watĩa sehe.

<sup>32</sup> Tí pjare tóí tũcũ dahpotoi yesea payꝰ chũa niha. Ti tóí chũchꝰ ñꝰa watĩa õ sehe ni siniha Jesure:

—Sina yesea caharꝰ warocaga sãre ti pjacũripꝰ sã sãahto sehe —ni siniha watĩa.

Ti ã sinichꝰ tũhoro “Jai. Wahaga”, niha Jesu. <sup>33</sup> To ã dutichꝰ, watĩa masũno mehne jirina cjiri sehe waha, yesea pjacũripꝰ sãa wahaha. ã yoa tinare ti sãari baharo, yesea jipihtina bꝰcupariro dũhtũ caharꝰ pari cũnũpũ mũroca buha, tí taropꝰ bora ñoja, mini yaria pihtia wahaha.

<sup>34</sup> Yeseare ñũ wihboina yesea ti ã minichꝰ ñũa, cui, mũrocaa wahaha. ã mũroca wahcã pjiri macarꝰ cũhure, daa macaricãpꝰ cũhure tíre ti ñũrire yahu sitea wahaha. <sup>35</sup> Ti ã yahuchꝰ tũhoa, masa sehe payꝰ ti ã waharire ñũa wahaha. ã jia Jesu cahai sũ, watĩa ti

cohtotariro cjirore to suhti tiri, tũho masiri to dujichũ ñũha tina. Tí jipihtiare ñũa, tina cui niha. <sup>36</sup> Watĩa ti cohtotariro cjiro noariro to waharire ñũina, ti ñũire painare noano yahu pahũoha. <sup>37</sup> Tí pjata Gerasa yahpa macaina payũ Jesure tuaro cuia, tirore pa seherũ waha dutiha. Ti ã waha dutichũ Jesu dohoriapũ samu, waharo taro niha. <sup>38</sup> Watĩa ti cohtotariro cjiro Jesu to wahahto pano tuaro siniha tirore:

—Mũhũ mehne waha duaja —ni sinimaha.

<sup>39</sup> To ã nichũta Jesu tirore õ sehe ni yũhtiha:

—Mũ ya macapũ wahaga. ã wahacũ Cohamacũ mũhũre to yoarire yahuga painare —niha Jesu.

To ã niri baharo waha to ya macapũ sũro watĩa ti cohtotariro cjiro sehe Jesu tirore to yoarire jipihtina to ya maca macainare yahuha.

*Jairo maconore yũhdũchũ yoa, cahã ñũricoro cũhũre yũhdũchũ yoaha Jesu*

*(Mt 9.18-26; Mr 5.21-43)*

<sup>40</sup> Pari turi Jesu tí bũcupariropũ pahãa wahaha tjoa. To pahã tariropũta masa payũ tirore cohtaa niha. ã cohtaa, tirore piti bocasiniha wahchea mehne. <sup>41-42</sup> Tói judio masa buheri wũhũ pũhtoro Jairo wama tiri Jesu cahai sũ, to dahpori cahai na tuhcuca caha sũha tirore ño payoro. To macono yariaro niha. Ticoro cũcorota jiricoro doce cũhmari cjuaricoro jiha. ã jiro tiro to ya wũhũpũ Jesure pji wahcãha. “Jai” ni, tiro mehne wahaha Jesu cũhũ.

Mahai ti ã wahachũ payũbia masa tirore nũnũ ti wahcã, bihsaro sũrũcũ sũha tirore. <sup>43</sup> To ã bihsaro wahachũ numino doce cũhmari waro ã cahã ñũrucuricoro tói jiha. Tó pano duhturuare jipihtia to niñeru mehne wapamaha ticoro co wa dutiro. Ti ã co wapachũta mũnanota jirucunocaha ticoro. <sup>44</sup> ã jiro ticoro Jesu baharo masa payũ watoi wihi, Jesu suhtirore to ñaha ñũchũta to cahã ñũa pihtia wahaha. <sup>45</sup> To ã ñaha ñũchũ tũhoturo Jesu õ sehe ni sinituha:

—¿Noa yũ suhtirore ñaha ñũri? —niha tiro.

Jipihtina “Yoaerahi”, niha. ã jia Pedro cũhũ õ sehe niha:

—Buheriro, bihsa nina. ã jia masa payũ mũhũre pihanocahna. ¿Dohseacũ ã ni sinitujari mũhũ? —niha tina Jesure.

<sup>46</sup> Ti ã nichũ Jesu õ sehe ni yũhtiha:

—Michapucacã yũhũ noaricoro wahachũ yoahi cũcorore. ã jicũ yũhũre to ñaha ñũchũ masija —niha tiro.

<sup>47</sup> To ã nichũ tũhoro ticoro duhti masieraro, teterericoro Jesu cahai na tuhcuca caha sũha tirore ño payoro. ã jiro jipihtina masa ti tũhoro to dohatiare, Jesure to ñaha ñũire to noaricoro to waharire yahuha ticoro. <sup>48</sup> To ã ni yahu tuhsũchũ Jesu ticorore õ sehe ni yahuha:

—Maco, yũhũre mũ wacũ tuua mehne noaricoro tjuara mipũre. Wahchea mehne wahaga —niha ticorore.

<sup>49</sup> To ã nino watoi Jairo ya wũhũ jiro yahu wihaha:

—Mũ macocã yariaa wahahre. ã jicũ buherirore pji tai tjiga —niha tiro.

<sup>50</sup> To ã nichũ tũhoro, Jairore õ sehe ni yahuha Jesu:

—Cahya tũhotui tjiga. Yũhũre wacũ tuaga. Tí dihtare yoaga. Mũ ã yoachũ ticorocã masaa waharohca —niha Jesu.

<sup>51</sup> ã ni tuhsũ to wũhũpũ sũ, Pedro, João, Santiago, dohatiricoro pũcũsũma tópeinata na sãaha. Paina sehere Jesu sãa dutieraha. <sup>52</sup> Tói jipihtina masa ti ñahacaha tiro watoi sãa sũha Jesu.

—Tiiena tjiga. Ticorocã yariaerare. Carĩno nica —niha tiro.

<sup>53</sup> To ã nichũ tũhoa tina sehe ticoro yariaricoro to jichũ masia, Jesure bũjũha. “ã nimacanocano nina”, ni bũjũha. <sup>54</sup> ã yoa Jesu ticorocã wamomacare ñaha, õ sehe ni pisuha:

—Maharicorocã wahcãga —niha.

<sup>55</sup> To ã nichuṭa yariaricoro masaa waha, tí pjata wahcârucu sũha ticorocã. To wahcãri baharo Jesu ticorore chuare wa dutiha. <sup>56</sup> To ã masachu ñua to pucusuma ñu caaa wahaha. ã jiro Jesu tíre painare yahu dutieraha.

## 9

*Jesu doce to buheinare buhe dutiro warocaha*  
(Mt 10.5-15; Mr 6.7-13)

<sup>1</sup> ã yoa Jesu doce to buheinare pjiroca, to tuaare waha tinare. Watĩare ti cohãhti cjihtire, dohatiinare noaina ti yoahiti cjihtire to tuaare waha tinare. <sup>2</sup> ã yoa tuhsu tinare Cohamacu masare puhtoro to noano sũho jiare buhe dutiro, dohatiinare noaina wahachu yoa dutiro warocaha tinare. <sup>3</sup> Õ sehe ni dutiha Jesu tinare:

—Musa wahana paye barore naaena tjiga. Tjuadure, wajure, chuare, niñerure naaena tjiga. Musa sãano dihtare sãa wahcãga. Paye suhtire naaena tjiga. <sup>4</sup> Jipihtia macaripu musare ti carĩno wachu tí wũhũhta jinocasiniga. Coã wahanapu wijaahga tí wũhũre. <sup>5</sup> Paye macari macaina musare ti cahmaerachu ñuna tí macarine yũhdu wahcãa wahaga. ã wahana musa dahpori macaa dihta pohcari mene wajã site cũga musa tinare ti ya buhirire masichu yoana —niha Jesu.

<sup>6</sup> To ã niri baharo to buheina sehe waha, jipihtia macaripepu noaa buheare yahu tinia tiha. ã yoa dohatiinare noaina wahachu yoaa tiha.

*Jesu to yoirire Herode tũhoha*  
(Mt 14.1-12; Mr 6.14-29)

<sup>7</sup> ã yoa Herode Galilea yahpa macaina puhtoro Jesu yoirire tũhorocaha. “¿Diro baro jijari tiro Jesu?” niparota ne masieraha. Cãina õ sehe nimaha Jesure: “João masare bautisariro cjiro pari turi bajuaro nica. ã jiro ‘Jesu’, ti niriro tiro tjira”, nimaha cãina. Ti ã nichu tũhoro Herode Jesure dohse ni masieraha. <sup>8</sup> Paina “Tiro Elia cjiro mipu bajuaro nina”, nimaha. Paina sehe “Cohamacu yare yahu mũhtaina panopu macaina mehne macariro cjiro mipu bajuaro nica”, nimaha Jesure. <sup>9</sup> Ti ã ni durucupachũta õ sehe ni tũhotuha Herode sehe: “João dapure dũte ta duti tuhsũhi yũhũ. ¿Mipure jiro masa ti yahiruro diro baro jibocari tiro sehe?” ni tũhoturo tiro Jesure ñu duamaha.

*Jesu cinco mil bui masare chũa waha*  
(Mt 14.13-21; Mr 6.30-44; Jn 6.1-14)

<sup>10</sup> ã yoa Jesu to warocarina tiro cahapu tju sũa, ti yoirire yahuha Jesure. Ti yahu tuhsũchu Jesu tina dihtare Betsaida wama tiri macapu sũho wahamaha. <sup>11</sup> Ti waharire masia, masa payu tinare nũnu ti wahcãha. Jesure ti mu sũchu ñũno piti bocasiniha Jesu tinare. ã jiro tiro Cohamacu masare puhtoro to noano sũho jiare tinare yahu, dohatiinare noaina wahachu yoaha.

<sup>12</sup> Ñamichahapu doce to buheina tiro cahapu sũ, Jesure õ sehe ni yahuha:

—Õ masa marienopu jira. Õ majano macaa macaripu, daa macaricãpu cũhũre ahrina masare warocaga. Carĩa ti chuhti cjihtire maca dutiga tinare —niha tina Jesure.

<sup>13-14</sup> Ti ã nichu Jesu õ sehe ni yũhtiha tinare:

—ã nienata chuare waga tinare —niha.

To ã nichu tũhoa tina õ sehe ni yũhtiha:

—Cũ wamomaca pihtia pão curiri, puaro wahi tó purocãta cjuaja mari. ¿Ahrina payu masa ti chuhti cjihtire nuchubocari sã? —niha to buheina.

Payu masa ti jichu ñua ã niha to buheina. Tõpũre cinco mil mũa jiha. (Numia, macanacã cũhũ jiha.) ã jiro Jesu õ sehe ni yahuha to buheinare:

—Cincuenta masare cũ curuai duji dutiga. Paye curuari cũhũre tópeinata duji dutiga —niha Jesu to buheinare.

<sup>15</sup> To ã nichu to buheina to dutiriro seheta yoa, jipihtina masare duji dutiha. <sup>16</sup> Duji duti tuhsu Jesu cũ wamomaca pihtia pão curirire puaro wahi mehne na, mũanopu ñũha.

Ã ñuno Cohamacure “Noana”, niha. To ã niri baharo pão curirire nuha, to buheinare masare witi dutiro waha. <sup>17</sup> Ti ã witi tuhsuchu, tina jipihtina masa chu, yapi yuhdua wahaha. Ti yapi wahyorire doce puhuse waro wahpo dapoha to buheina.

*Jesu potocã Cristo to jiare Cohamacu warocariro to jiare yahuha Pedro*  
(Mt 16.13-19; Mr 8.27-29)

<sup>18</sup> Cã dacho Jesu cãirota jiro, Cohamacure sinino niha. To ã sinino watoi to buheina tiro cahapu sãha. ã jiro Jesu õ sehe ni sinitu ñuha tinare:

—¿Diro baro jicari yuhu masa yuhure ti tuhotuchu? —ni sinitu ñuha.

<sup>19</sup> To ã sinituchu tuhoa to buheina õ sehe ni yuhtiha:

—“João masare bautisariro jira”, nina mähure. Paina “Elia cjiro jira”, nina. Paina “Panopu macariro Cohamacu yare yahu mähтары cjiro masa wijariro cjiro jira”, nina mähure —ni yuhtiha to buheina sehe tire.

<sup>20</sup> Ti ã niri baharo Jesu tinare õ sehe ni sinitu ñuha tjoa:

—¿Musa sehe musa tuhotuchu diro baro jicari yuhu? —ni sinitu ñuha tjoa.

—Muhu Cristo Cohamacu warocariro jira —ni yuhtiha Pedro.

*Jesu to yariahto cjihtore yahuha*  
(Mt 16.20-28; Mr 8.30-9.1)

<sup>21</sup> ã yoa Pedro “Cristo jira mäh”, to nirire painare Jesu yahu site dutieraha to buheinare. <sup>22</sup> ã ni yahu site dutiera tuhsu õ sehe ni namoha:

—Yuhu masuno Cohamacu warocariro tuaro ñano yuhduihca. ãta yuhduro cahmana yuhure. ã jia mari coyea judio masare buheina, bucuna, sacerdotea puhto mehne yuhure cahmaeraa, yuhure wajãhca. Ti ã wajãri baharo tia dacho wahaboroi masa mujaihca —niha Jesu tinare.

<sup>23</sup> Baharo jipihtinare õ sehe ni yahuha Jesu:

—Cãiro yu yairo ji duaro, to cahmano yoa duamarine duhunocanhca. ã yoa crusapu yu ñano yuhduhtiro seheta yu yairo to jiri buhiri ñano yuhduparota yuhure duhusi. ã jiro yu yare yoarucuriro jirohca. <sup>24</sup> Masuno yuhure wacuno marieno to mu sũro to cahmano seheta yoariro pichacapu tiro waharohca. ã jiro yu yare ã yoarucuriro jipihtia dachoripe yuhu mehne manopu jirucurohca. <sup>25</sup> ¿Cãiro masuno ahri yahpa macaare jipihtiare cjuariro Cohamacure cahmaeraro pichacapu waharo yabare wapatajari tiro? ã jiro ne wapataerara. <sup>26</sup> Cãina yuhure, yu buheare buo tiboca. Ti ã yoachu ñucu yuhu cãhu yuhure ã yoainare buo tisãaihca. Yuhu masuno Cohamacu warocariro noaina anjoo ti si sitea mehne, yu si sitea mehne, yu Pucu to si sitea mehne tjua tacu tinare buo tisãaihca. <sup>27</sup> Potocã niita nija musare. Mipure cãina musa õpũre jiina musa yariahto pano Cohamacu jipihtina bui puhtoro noano to sũho ji dũcachu ñunahca —niha Jesu tinare.

*Jesu pjacu cohtotaha*  
(Mt 17.1-8; Mr 9.2-8)

<sup>28</sup> ã yoa ocho dachori tíre to yahuri baharo Jesu Pedore, João, Santiagore tina dihtare pjiha. ã yoa waha, Cohamacure sinia waha, tũcũpu mujaa wahaha tina.

<sup>29</sup> Cohamacure to sinino watoi Jesu wuhdua cohtotaha. To ã cohtotachu to suhtiro minoari suhtiro noano yehseri suhtiro wahaha. <sup>30</sup> To ã waharo watoi puaro mua tiro mehne durucua niha. Durucuina sehe Elia cjiro, Moise cjiro jiha. <sup>31</sup> Tina manano macaa si sitea mehne bajuaha. Jesu baharocãta Jerusalẽpu to yariahtore tina Jesu mehne durucua niha. <sup>32</sup> Pedro cãhu wũjo caha yuhduaha. ã carĩpahta cãa wahcã wihi Jesu to si siteare ñua, puaro tiro mehne ducuina cãhure ñuha. <sup>33</sup> Moise cjiro cãhu ti wahahto panocã Pedro Jesure õ sehe nimaha:

—Puhtoro, mari õre jichu noa duara. Tia wuhcã yoanahtja. Mu ya wuhcã, Moise ya wuhcã, Elia ya wuhcã yoanahtja —nimaha Pedro.

Ã nīparota to nīrire ne masieraha. <sup>34</sup> To ã ni durucuro watoi tinare me curua duji boro pja sũha. To ã duji boro pja sũchũ ñũa tina cuia wahaha. <sup>35</sup> Tuhsũ, me curua puhichapũ õ sehe ni durucuro coa taha:

—Ahrīro yũ macũ, yũ beserīro jira. Noano tũhoga tirore —nino coa taha me curua puhichapũ.

<sup>36</sup> To ã nino coa tari baharo Jesu dihtare ñũha tina. Baharo ti ñũgire painare yahueraha. Ne cũirore yahueraha.

*Jesu watĩno to cohtotarirocãre noarīro wahachũ* yoaha

(Mt 17.14-21; Mr 9.14-29)

<sup>37</sup> Pa dachoi tina tũcũpũ ti duji tachũ payũ masa Jesure piti bocaħa. <sup>38</sup> ã jiro tina mehne macarīro Jesure õ sehe ni pisuha:

—Buherīro, mũhũre tuaro ahrīre sini duaĵa yũhũ. Yũ macũ cũirota jira. ã jicũ tirore ñũbasaga mũhũ. <sup>39</sup> Watĩno tirore ñaha, sañurucuchũ yoa, tunu teterechũ yoa, sahpo tua wahachũ yoaa tihre. ã yoaro watĩno yũ macũre ñano yũhdũchũ yoa, ne duhu duaerara.

<sup>40</sup> Mũ buheinare watĩnore cohã wio duticũ tuaro sinimahi. Yũ ã sinipachũta tina sehe tirore cohã wio masierare —niha tiro Jesure.

<sup>41</sup> To ã nichũ Jesu sehe õ sehe niha:

—Mīpũ macaina mũsa ñaina jira. ĵYũhũre ne wacũ tuaeraputīajari? Yoabiari pja mũsare buhemaja yũhũ. ĵNoho puro yoari pja yũhũre mũsa caribobocari? —ni tuhtiħa Jesu.

ã ni tuhsũ watĩno ti cohtotarīro pũcũrore õ sehe niha:

—Mũ macũre na tahga —niha.

<sup>42</sup> To ã niri baharo to macũno Jesu cahapũ to taro watoi watĩno sehe tirore yahpapũ doca caħa sũ, tunu teterechũ yoaha. To ã yoachũ Jesu watĩnore wijaa dutiħa. To ã wijaa dutichũ watĩno sãarīrocã noarīro wahaha. ã jiro Jesu sehe tirocãre wīaha to pũcũrore.

<sup>43</sup> Cohamacũ tuaa mehne noarīro to wahachũ ñũa, ĵipihtina masa cũaa wahaha.

*Pari turi Jesu to yariahtore, to masahtore yahuha*

(Mt 17.22-23; Mr 9.30-32)

Masa Jesu to yoarīre ti ñũ, cũaa wahachũ Jesu sehe to buheinare õ sehe ni yahuha:

<sup>44</sup> —Michapucacã yũ yahuhĩre boena tĵiga mũsa. Yũhũre Cohamacũ to warocarīrore paio yũhũre ñaha dutiro warohca masare —niha Jesu.

<sup>45</sup> To ã nipachũta tina sehe to yahuaire noano tũho ñahaeraha. To yahurīre tinare masiħto basioeraha. Tī pjata Cohamacũ tinare tīre tũho ñaha dutierasiniħa. ã ĵia tina cuia, tīre tirore sinitu ñũeraha.

*Jesu buheina tina mehne macarīrore pũħtoro sũ duamaha*

(Mt 18.1-5; Mr 9.33-37)

<sup>46</sup> Baharo Jesu buheina durucu sayoa niha:

—ĵMari mehne macarīro diro sehe pũħtoro ti cohtotacari? —ni sayoa niħa tina ti basi.

<sup>47</sup> Ti ã nichũ Jesu sehe ti tũhotuare masino, nijinocãre to cahai duhu dapu, to buheinare õ sehe ni yahuha:

<sup>48</sup> —Yũ yare yoana tana aħrirocãre cahmana yũhũ cũhũre cahmana mũsa. ã yoa yũhũre cahmana, yũhũre warocarīro cũhũre cahmana mũsa. Mũsa mehne macarīro mũsa cahamacũno jiro tiro cũhũ pũħtoro tĵirohca —niħa Jesu.

*Marīne ñũ tuhtirīro ĵieraro, mari mehne macarīro jira*

(Mr 9.38-40)

<sup>49</sup> Baharo Joã Jesure õ sehe ni yahuha:

—Buherīro, mũ wama mehne watīare cohãrīrore sã ñũhi. Tiro mari mehne macarīro to ĵierachũ ñũna tīre tirore yoa dutiera tiħi sã —niħa Joã Jesure.

<sup>50</sup> To ã nichũ Jesu Joãore paina buheina cũhũre õ sehe ni yahuha:

—ã niena tĵiga mũsa tirore. Marīne ñũ tuhtirīro ĵieraro, tiro mari mehne macarīro jira —niħa Jesu to buheinare.

*Jesu Santiagore, João cūhure tuhtiha*

<sup>51</sup> Tí pjare Jesu mũanopu to wahahto panocã, “Jerusalēpu wahahtja”, niha tiro. ã nino tópu waharo niha. <sup>52</sup> ã jia Jesu to panoi warocaina waha, Samaria yahpa macari macapu su, tói Jesu to jiltore cahno duamaha. <sup>53</sup> Jesu Jerusalēpu waharo taro niha. Tópu wahahtiro to jichu tūhoa, tó macaina tirore cahmaeraha. <sup>54</sup> Tíre tūhoa Santiago, João mehne õ sehe ni yahuha Jesure:

—Pũhoro, mũ cahmachu mũano macari pichaca mehne tinare wajã dutinahca —niha tina tirore.

<sup>55</sup> Ti ã nichu Jesu majare ñu, tuhtiha tina pũarore.

[—Espíritu Santo yaina jira mũsa. Mipu mũsa tũhoturo seheta tiro sehe tũhotuerara. Yũhu masũno Cohamacu warocariro ahri yahpapu tacu pichacapu wahaborinare yoad-ohohtiro tai. Masare butichu yoacu tacu nierahi —ni yahuha Jesu.]

<sup>56</sup> ã tuhti tuhsu, pa macapu Jesu cūhu wahaa wahaha.

*Paina Jesu mehne wahamaha*

(Mt 8.19-22)

<sup>57</sup> Tina mahai ti wahachu, masũno Jesure õ sehe ni yahuha:

—Mũhu mehne waha duaja nohoi mũ waharoi —niha tiro.

<sup>58</sup> To ã ni tuhsuchu Jesu õ sehe ni yũhtiha:

—Cãina macaroca macaina wahiquina ti copari cjuara. Minichahca cūhu ti suhti cjuara. Yũhu masũno Cohamacu warocariro sehe yu carĩri wũhu maeraja —niha Jesu.

<sup>59</sup> Baharo pairore Jesu pjiha:

—Yũhu mehne macariro cjihto taga —niha.

To ã nichu tiro õ sehe ni yũhtiha Jesure:

—Pũhoro, yu pũcu to yariachu yasinii wahahtja. ã ya tuhsucu pinihta mũhu mehne wahahtja —niha tiro.

<sup>60</sup> To ã nichu Jesu õ sehe ni yahuha:

—Yũhure cahmaeraina yariaina yoaro seheta jira. Tina sehe yariainare yajaro. ã jicu mũhu sehe Cohamacu masare pũhoro to noano sũho jiare noaa buheare buhei taga —niha Jesu tirore.

<sup>61</sup> ã yoa paio Jesure õ sehe niha:

—Pũhoro, mũhu mehne wahahtja. Wahmanore yu coyeare coha sitisiiii wahahtja —niha tiro Jesure.

<sup>62</sup> To ã nichu Jesu õ sehe ni yahuha tirore:

—Wachu sahari pjĩne tuã puriro mehne dahrariro noari dare saha duara. ã dahrariro to baharo buhusehere majare ñũno, noano potori da saha masierara. (Tó seheta Cohamacu yare yoaro taro, dahrariro tó pano to jia tiare tuaro wacũboca tíre duhu duaeraro, dahrariro to majare ñũno seheta.) ã wacũriro Cohamacu mari pũhoro yare dahraboriro jierara —niha Jesu.

## 10

*Jesu setenta y dos buheinare buhe dutiro warocaha*

<sup>1</sup> Baharo Jesu paina buheinare setenta y dos buheinare bese, macaripepu to wahahto pano warocayuha. Cãa macaripure pũaro dihta warocaha tiro. <sup>2</sup> ã warocarõ õ sehe ni yahuha tinare piti dahre buhero:

—Trigo payu ti bũcu tuhsuchu payu jichu dahraa pjĩro jira. Wiho mejeta dahrainã sehe mahainacã jira. Tó seheta noaa buheare tũhohtina payu jichu pjĩro jira mari dahraa. To ã jipachuta mahainacã dahrari masa yoaro seheta noaa buheare buhehtina cūhu mahainacã jira. ã jina noaa buheare buhehtinare painare to warocahtore siniga Cohamacure mũsa. <sup>3</sup> Wahaga mũsa. Mũsare yu warocachu mũsa oveja pohna watoi ti jiro seheta mũsa cūhu ñaina suaina watoi jinahca. <sup>4</sup> Niñeru wajure, bujuawacũa waju cūhure, dahpo suhtire naaena tjiga. Mũsa mahai tinina painare boca su durucuena tjiga.

Poto wahaga. <sup>5</sup> Jipihtia m̄sa s̄a w̄h̄usep̄u s̄ahna “Ahri w̄h̄u macaina noano jijaro”, ni m̄h̄taga. <sup>6</sup> Tí w̄h̄u macaina noano mehne jiina cahmachea marieina ti jich̄u, tíre niga tinare. Noano mehne ti jierach̄u ñ̄na tí w̄h̄u macainare ã niena tjiga. <sup>7</sup> C̄ũ w̄h̄u s̄a s̄ur̄cana ti noaina jich̄u tí w̄h̄uhta tjuaga. Tó ti duhu payorire ch̄u, sihnituga. Dahrainare ti wapataare nano cahmana. ã jina ti wapataare ti nano seheta ti duhu payorire naga m̄sa c̄ũh̄u. ã jina c̄ũ w̄h̄uhta m̄sa s̄uri w̄h̄uhta jina, tí maca macaa w̄h̄usep̄u ji tiniena tjiga. <sup>8</sup> Macap̄ure m̄sa s̄una tó macaina sehe m̄sare ti cahmaina jich̄u ti ch̄u ti duhu payorire ch̄uga. <sup>9</sup> Tó macaina dohatiinare noaina wahach̄u yoaga. ã jina ò sehe niga tinare: “Cohamac̄u mip̄ure mari p̄h̄toro noano to s̄ho jihtore yahuna nija m̄sare”, niga tinare. <sup>10</sup> Pa macap̄u m̄sa s̄uch̄u tina sehe m̄sare cahmaeraboca. Ti ã cahmaerach̄u ñ̄na tí maca dacho macap̄u waha, ò sehe niga tinare. <sup>11</sup> “Ahri maca macaa dihta pohcari mene wajã site c̄ũna nija s̄are m̄sa cahmaerari buhiri ñ̄ona. ã jina ahrire wac̄uga. Cohamac̄u mari p̄h̄toro mip̄ure to noano s̄ho jihtore yahuna nija m̄sare”, niga tinare. <sup>12</sup> M̄sare potocã niita nija. Sodoma macaina ñ̄abiaina jiha. Ti ã jipach̄uta pihtiri dacho jich̄u Cohamac̄u to buhiri dahreri dacho jich̄u Sodoma macaina ȳhdoro m̄sare cahmaeraina sehere buhiri dahrerohca —niha Jesu.

*Paye macari macaina Cohamac̄ure ȳhdur̄caina jira*  
(Mt 11.20-24)

<sup>13</sup> Baharo Jesu ò sehe niha macari macainare:

—Coraz̄i macaina, m̄sa ñ̄ano ȳhd̄nahca. Betsaida macaina, m̄sa c̄ũh̄u ñ̄ano ȳhd̄nahca. M̄sa ya macarip̄ure Cohamac̄u tuaa mehne yoa ñ̄omahi. Tiro wama tiri macare, Sid̄o wama tiri maca c̄ũh̄ure to tuaa mehne ȳ yoa ñ̄och̄u ñ̄na tó macaina sehe ti ñ̄aare cahyaboa. ã yoa “Noaina jija”, ni ti t̄hotumari cjirire t̄hotu cohtotaboa. Dóih̄ta tina duji, cahyaa suhtire s̄a, ti basi niti pohcare ti bui dahra site payoboa ti ñ̄aare cahyaare ñ̄oa. <sup>14</sup> Cohamac̄u to buhiri dahreri dacho jich̄u Tiro macaina, Sid̄o macaina ȳhdoro ñ̄a buhiri tiina m̄sa jiri buhiri m̄sare ñ̄ano waro buhiri dahrerohca tiro. <sup>15</sup> Capernau macaina, m̄sa m̄ s̄uro m̄anop̄u waha duamana. M̄sa ã waha duapach̄uta m̄sa ñ̄a buhiri tiina m̄sa jiri buhiri m̄sare Cohamac̄u pichacap̄u coh̄nohca —niha Jesu.

<sup>16</sup> ã ni tuhs̄u Jesu to buheinare ò sehe ni yahuha:

—M̄sare t̄hoina ȳh̄u c̄ũh̄ure t̄hora. M̄sare cahmaeraina, ȳh̄u c̄ũh̄ure cahmaerara. ã jia ȳh̄ure cahmaeraina, tina ȳh̄ure warocariro c̄ũh̄ure cahmaerara —niha Jesu tinare.

*Setenta y dos buheina tju wih̄iha*

<sup>17</sup> Baharo setenta y dos buheina wahchea mehne tju wih̄iha:

—P̄h̄toro, m̄ wama mehne m̄ tuaa mehne wat̄iare s̄a dutich̄u tina sehe s̄are ȳhd̄ur̄caerare —niha tina Jesure.

<sup>18</sup> Ti ã nich̄u Jesu ò sehe ni ȳh̄tiha tinare:

—M̄anop̄u to oroca site bora taro seheta, wat̄ino to bora tach̄u ñ̄hi. <sup>19</sup> Noano t̄hoga. M̄sare ȳ tuaare wahi ȳh̄u. ã jina aḡare, pich̄õno soroare, wat̄inore marine ñ̄ tuhtirirore m̄sa ȳhd̄ur̄cahtire wahi ȳh̄u. ã jia tina m̄sare ñ̄ano yoa masierara. <sup>20</sup> Ȳ ã wapach̄uta wat̄ia m̄sare ti ȳhd̄ur̄caerach̄u ñ̄na tí dihtare wahchena tjiga. Ahri sehere wahchega. M̄anop̄u Cohamac̄u yaina ti wamare to joa õri tju m̄sa wamare to joa õch̄u ñ̄na, tí sehere wahchega m̄sa —niha Jesu tinare.

*Jesu wahcheha*

(Mt 11.25-27; 13.16-17)

<sup>21</sup> Tí pjare Esp̄ritu Santo Jesure tuaro wahchech̄u yoaha. ã jiro Jesu ò sehe niha:

—Mai, m̄h̄u m̄anop̄u c̄ũh̄ure yahp̄u c̄ũh̄ure p̄h̄toro jira. Masi ȳhd̄ur̄cu s̄uinare m̄ yahuerari cjirire wiho jiina sehere yahure m̄h̄u. M̄ ã yoach̄u ñ̄cu “Noa ȳhd̄ura”, nija. ã tjira, Mai. M̄ yoa duariro seheta, m̄ cahmariro seheta tinare m̄ yare yahure —niha Jesu.

Ã ni tuhsu painare õ sehe niha:

<sup>22</sup> —Yu Pucu jipihtiare yuhure ware. Yu Pucu dihta yuhure masina. Yuhu cãhu tirore masija. Yu beserina cãhu tirore masina, yu masi dutiina jia. Tópeinata yu Pucure masija sã —niha Jesu.

<sup>23</sup> To ã niri baharo ti sahsero ti jichu Jesu to buheinare õ sehe niha:

—Ahri jipihtiare musa ñuna wahcheina jira. <sup>24</sup> Potocã tjira. Payu Cohamacu yare yahu muhtaina cjiri, yahpari macaina puhtoa cãhu mipu musa ñurire ñu duamaha tina cãhu. ã jia musa tuhori cãhure taho duamaha —niha Jesu.

*Noariro Samaria macariro quitire yahuha Jesu*

<sup>25</sup> Tí pjata judio masare buheriro Jesu cahai wihi, Jesure ñano to durucuchu yoa duamaha tirore yahusã duaro:

—¿Buheriro, yuhu jiphtia dachoripe Cohamacu mehne ji duacu dohse yoahcari yuhu? —ni sinituha tiro Jesure.

<sup>26</sup> To ã nichu Jesu õ sehe ni yuhtia tirore:

—¿Dohse ni yahujari Cohamacu yare ti joari pui? ¿Cohamacu to ni joari cjirire dohse ni tuhoutjarita mahu? —niha Jesu tirore.

<sup>27</sup> To ã nichu tiro õ sehe ni yuhtia:

—Õ sehe niha Cohamacu: “Tuaru musa yajeripohnari mehne, noano musa tuua mehne, musa wacua mehne Cohamacure cahiga. ã yoa mu basi mu cahino sehetu mu cahai jiina cãhure cahiga” —niha tiro Jesure.

<sup>28</sup> To ã nichu Jesu õ sehe ni yahuha:

—Quihõno nire mahu. Tíre yoaga. ã yoacu jiphtia dachoripe Cohamacu mehne jiihca mahu —niha tirore.

<sup>29</sup> “Ahriro Cohamacu dutiare yoa pahñoriro jira”, masa tirore ti ni tuhoutuchu cahmaha judio masare buheriro. ã cahmano tiro Jesure õ sehe ni sinituha:

—¿Yabariro baro jicari yuhure mu cahí dutiriro? —niha tiro.

<sup>30</sup> To ã nichu Jesu õ sehe ni piti dahre quitu mehne yuhtia:

—Cũ dacho Jerusalẽpu tariro Jericõpu wahariro mahai to tinichu yacaina tirore ñahaha. ã ñahaa, to suhtirore tjuwe na, tirore tuaro cjãha. ã tuaro cjãa, mahano to yariaro cahachu waro duhuha tina tirore. <sup>31</sup> Tí pjata sacerdote tí mahapu taha. ã taro ti cjãriro cjirire ñuparota maha pa buhusehe duhtu cahai do yuhdu wahcã, yuhdua wahaha. <sup>32</sup> ã yoa Cohamacu wãhu dahrariro cãhu pjacõriro cahai su, tirore ñu, maha pa buhusehe coai do yuhdu wahcã wahaha. <sup>33</sup> ã yoa Samaria macariro sehe tói waha, yoa curerõpu pjacõrirore ñu, tirore pja ñuha. <sup>34</sup> ã pja ñuno, tiro pjacõriro cahai su, se, vino mehne morea core to camine pio sihõha. Pio sihõ tuhsu suhtiro cahsaro mehne duhteha to camine. Tuhsu, pjacõrirore to burro bui duhu payo, carini wuhuru na suha tirore. Tói jiro, Samaria macariro noano ñu wihboha tirore. <sup>35</sup> Pa dachoi tiro carini wuhu pũrore pua tu niñeru turire wa, õ sehe niha: “Ahrirore ñu wihboga. Ahri mu sũerachũ pari turi tjua tacu wapa pahñoihtja”, niha Samaria macariro wuhu pũrore —niha Jesu.

<sup>36</sup> ã ni tuhsu judio masare buherirore õ sehe ni sinituha Jesu:

—¿Ahrina tiaro mua diro sehe jijari pjacõrirore cahiro? —niha Jesu.

<sup>37</sup> To ã nichu tuhoro buheriro sehe Jesure õ sehe ni yuhtia:

—Pjacõrirore yoadohoriro jica tirore cahiro —niha tiro Jesure.

—Wahaga. Muhu cãhu masare tó sehetu yoai wahaga —niha Jesu buherirore.

*Marta, María cãhu cahai Jesu tiniha*

<sup>38</sup> ã yoa Jesu to buheina mehne ti wahachu, pa macapu ti tinichu, Marta wama tiricoro tinare to wãhu sãa ta dutiha. <sup>39</sup> To bahoro María to dahpori cahai duji, to buheare tuhoha. <sup>40</sup> To ã yoachu ñuno Marta to dahraa pjõro jichu suaha. ã jiro ticoro Jesure õ sehe ni sinituha:

—Pũhoro, ¿yuhu cãcoro yu dahrachu yuhure yu baho to yoadohoerachu mũhure noajari, mu ñuchu? Ticorore yuhure yoadoho dutiga —niha Marta Jesure.



<sup>41</sup> To ã nichu Jesu õ sehe ni yuhtiha:

—Marta, dahraa pjíro cjuaco pjíro tũhotura mũhu. <sup>42</sup> Cohamacu to yare tũho dutira. María noaare yoaro taro tíre cahmahre. ã jicu yũhũre to tũhochu “Dahradohoco wahaga”, nieraja ticorore —niha Jesu Martare.

## 11

*Jesu Cohamacũre siniare buheha*

(Mt 6.9-15; 7.7-11)

<sup>1</sup> Cũ dacho Jesu Cohamacũre sinino niha. To sini tuhsũchũ, cũiro to buheina mehne macariro tirore õ sehe niha:

—Pũhtoro, João to buheinare to buheriro seheta Cohamacũre siniare sã cũhũre buhega mũhu —niha tiro Jesure.

<sup>2</sup> To ã nichu tũhoro Jesu tinare õ sehe ni yahuha:

—Õ sehe ni Cohamacũre siniga:

“Sã Pũcu, mũhu ñaa marieriro ã jirucura.

Mĩpũre jipihtina bui pũhtoro jiga.

<sup>3</sup> ã yoa dachoripe sã chũhtire warucuga sãre.

<sup>4</sup> Paina sãre ti ñano yoarire sã boja.

ã jicu mũhu cũhũ sã ñaa yoarire boga.

Tuhsũ, sã ñaare yoa duana sã goa pjachũ ñũcu tíre sãre yoa duaerachũ yoaga”, ni siniga Cohamacũre —niha Jesu tinare.

<sup>5</sup> Baharo Jesu quitu mehne to buheinare õ sehe ni buheha:

—Cũiro ñami dacho macai to coyeyiro ya wũhũpũ waha, tirore õ sehe ni siniha: “Coyeyiro tia curi pã curi waga yũhũre. <sup>6</sup> Pairo yũ coyeyiro tinino tariro michapucacãta ya wũhũ wihihre. ã yoa tirore yũ chũa waboa mariaha”, niha tiro to coyeyiro. <sup>7</sup> To ã nichu to coyeyiro wũhũ puhichapũ jiro yuhtiha: “Yũhũre cariboi tjiga. Sopa pahma bihariro jira. Yũhũ yũ pohna mehne carĩna nija. Wahcãno pjaeraca yũhũre. Mũhũre chũare waboricũ jieraja”, niha to coyeyiro. <sup>8</sup> ¿Dohse waharohcari sinirirore? Potocã niita nija mũsare. To coyeyiro jiparota, chũa waboriro wahcã duaeraha. Wahcã duaeraparota chũa siniriro sehe buo tiro marieno to yoari pja sinirucuchũ tũhoro jipihtia to siniriro seheta warohca. <sup>9</sup> ã jicu ahrire mũsare ni yahui nija: Cohamacũre siniga. ã sinina mũsa sinirire ñahanahca. Mũsa sinirire bocanahca. Tirore ã sinirucuga. Mũsa ã yoachũ tiro mũsare warohca. <sup>10</sup> Jipihtina Cohamacũre siniina ti sinirire naahca. ã yoa ti sinirire bocaahca. ã jiro jipihtina Cohamacũre ã sinirucuinare tiro tinare warohca.

<sup>11</sup> ¿Mũsa pohna mũsare wahire ti sinichũ agã sehere wabocari mũsa tinare? <sup>12</sup> ¿Mũsa pohna caraca diecare ti sinichũ pichõno soro sehere wabocari mũsa tinare? Ne wasi. <sup>13</sup> Mũsa ñaina jipanahta mũsa pohmare noaare wa masina mũsa. ã yoa Cohamacũ sehe mũsa wari yũhdoro noaare wara mũsare. Tiro mari Pũcu mũano macariro to Espĩritu Santore warohca tirore siniinare —niha Jesu to buheinare.

*“Jesu watĩno tuaare cjuara”, ni yahusãha masa*

(Mt 12.22-30; Mr 3.19-27)

<sup>14</sup> Tĩ pjare Jesu watĩnore cohã wioro niha. Watĩno sehe durucu masierariro jichũ yoaha masũnore. ã jiro watĩno masũnore to duhuri baharo masũno sehe durucu dũcaha. To durucuchũ tũhoa masa payũ cũaa wahaha. <sup>15</sup> Ti ã cũapachũta paina sehe õ sehe niha:

—Ahriro Jesu watĩare to cohã wiochũ Beelzebũ wama tiriro watĩa pũhtoro sehe tirore yoadohora —niha paina.

<sup>16</sup> Paina “¿Jesu Cohamacũ to warocariro jijari?” ni masi dua tirore Cohamacũ tuaa mehne yoa ño dutimaha. <sup>17</sup> Ti ã dutichũ tũhoro “Watĩno tuaa mehne watĩare cohã wiora”, ni ti tũhotuare masino, tinare õ sehe ni yahuha Jesu:

—Watĩno ya tuaa mehne watĩare cohã wioi nieraja. Cũ maca macaina ti basi cahma wajãa, tí maca macaina yaria pihtia wahara. ã jia cũ wũhũ macaina ti basi cahmachea,

tí wuhũ macaina waha pihtia wahara. <sup>18</sup> Æ yoa watĩno yaina watĩa ti basi cahmachea, tina watĩa cũhũ waha pihtia wahaboa. Cũ curua ji masieraboa. Mũsa yũhũre ò sehe nina. “Tiro watĩno tuaa mehne watĩare cohã wiora”, mũsa yũhũre nina nica. <sup>19</sup> ;Yũhũre mũsa niri potocã jichũ mũsa mehne macaina watĩare cohã wioa, watĩno tuaa mehneta cohã wiojari tina cũhũ, mũsa ñũchũ? Mũsa mehne macaina watĩare cohã wioa, watĩno tuaa mehne cohã wioa nierara. Ahrire masina watĩno to tuaa mehne watĩare yũ cohã wioerachũ masinahca mũsa. <sup>20</sup> Æ jicũ yũhũ sehe watĩare cohã wioeũ Cohamacũ tuaa mehne cohã wioja. Ahrire masina, Cohamacũ mũsa pũhtoro to noano sũho ji dũcaare masinahca mũsa.

<sup>21</sup> Tuariro to wamoa mehne to wũhũre to ñũ wihbochũ to yare paina na masierara. <sup>22</sup> To ã ñũ wihbopachũta paio tua yũhdũriro tiro mehne cahmache, tirore yũhdũrũca, to wamoare manoca, to yare manocahna. (Õ sehetã yoa yũhdũrũcaro cahmana watĩare.) <sup>23</sup> Cũiro yũhũre cahmaeraro, yũhũre ñũ tuhtiriro jira. Cũiro yũhũre yoadohoeraro yũhũre ñano yoaro nina —ni buheha Jesu.

*Watĩno pari turi masũnore to sãari quitire yahuha Jesu*

*(Mt 12.43-45)*

<sup>24</sup> Æ yoa to tũhotua mehne ò sehe ni piti dahre buheha tinare:

—Watĩno masũnore duhuro tiro co marieni yahpai tinino, to sohto cjihtore macamaha. Bocaeraro, ò sehe ni tũhotuha: “Masũno yũ duhuriro mehne pari turi jii wahaihtja”, ni tũhotuha tiro. <sup>25</sup> Æ nino tiro tjua waha, masũnore bocaha. Æ to bocachũ masũno sehe noariro jimaha. <sup>26</sup> Tuhsũ, watĩno paina siete watĩare tiro bui ñaa yũhdũinare nano wahaha. Na wihi, tina jipihtina watĩa masũno mehne jiha. Æ jiro masũno sehe tó pano cũiro watĩnore cjuaro, ñariro jimaha. Mipũ sehere payũ watĩa ti cohtotariro jiro, tó pano to jiriro yũhdoro ña yũhdũariro jiha —niha Jesu.

*Jesu wahcheare yahuha*

<sup>27</sup> Tĩre to ã nichũ masa watoi jiricoro numino Jesure ò sehe ni yahuha:

—Mũhũre pohna tiricoro, mũhũre pũricoro wahchericoro jira —niha Jesure.

<sup>28</sup> To ã ni tuhsũchũ tũhoro Jesu ticorore ò sehe ni yũhtihã:

—Cohamacũ durucuaire tũhoina to dutiare yoaina tina tjica wahcheina —niha Jesu ticorore.

*Masa ñaina Jesure Cohamacũ tuaa mehne yoa ño dutihã*

*(Mt 12.38-42; Mr 8.12)*

<sup>29</sup> Æ yoa payũ masa Jesu cahai ti wihichũ, tiro tinare ò sehe ni yahu namoha:

—Mipũ macaina nu ñaina jira. Cohamacũ tuaa mehne yũ yoa ñochũ ñũ duamana. Ti ã ñũ duapachũta Jona panopũ macariro Cohamacũ tuaa mehne to yoari dihtare ñonohca Cohamacũ tinare. <sup>30</sup> Jona Cohamacũ yare yahu mũhtariro jiro, tiro Nĩnive macainare Cohamacũ yare to masichũ yoariro sehetã yũhũ masũno Cohamacũ warocariro masichũ yoaja mipũ macainare. <sup>31</sup> Buhiri dahrehti dacho jichũ pũhtorocoro sur macaricoro panopũ macaricoro ducu, mipũ macainare “Ñaina jira”, ni yahusãnohca ticoro. Ticoro Salomo panopũ macariro to masiare tũho duaro yoaropũ ahri yahpa pa seherũ jiricoro Salomoro tũhoro taha. Æ yoaro noano yoaro niha mipũ macaina yũhdoro. Æ jiro ticoro yahusãnohca mipũ macainare. Æ nicũ mũsare potocã niita nija. Mipũ mũsare yũ buhea Salomo to buheri yũhdoro jira. <sup>32</sup> Buhiri dahrehti dacho jichũ Nĩnive macaina cũhũ ducu, mipũ macainare “Ñaina jira”, ni yahusãahca tina. Jona tinare Cohamacũ yare to yahuchũ tũhoã, ti ñaare tũhotumarire tũhotu cohtota Cohamacũre cahmaha tina sehe. Æ cahmaa noano yoaa niha mipũ macaina yũhdoro. Æ jia tina cũhũ mipũ macainare “Ñaina jira”, ni yahusãahca. Mũsare potocã niita nija. Mipũ mũsare yũ buhea Jona to buheri yũhdoro jira —ni yahuha Jesu.

*Masa ti tũhoturo sehetã yoara*

*(Mt 5.15; 6.22-23)*

<sup>33</sup> Ñ ni yahu tuhsu, piti dahre buhero ð sehe ni yahu namoha tinare:

—Masa sihãriare sihãa nuoerara. Tiare sihãa dihi biato docapu duhu dapoerara. Tiare muanoi duhu payora wãhuru sãa taina ti noano ñu sãahto sehe. <sup>34</sup> Sihãria to noano buhriachu mari noano ñu masino seheta noaare tuhutua mehne noaare yoa masinahca musa. Musa tuhuturo seheta yoara musa. Noaare tuhutuna noaare yoara musa. Noaare tuhutuerana ñaare yoara musa. <sup>35</sup> Ñ jina noano yoaga. Musa tuhutuapu ñaa jiero tjijaro. Ñaare goa pjaena tjiga. <sup>36</sup> Tuhsu musa tuhutuapu noaa jichu, ñaa ne mariachu noaa dihtare tuhutunahca —ni buheha Jesu.

*Fariseo curua macaina, judio masare buheina cãhure Jesu tuhtiha*  
(Mt 23.1-36; Mr 12.38-40; Lc 20.45-47)

<sup>37</sup> Jesu to buhe tuhsuchu ñu fariseo curua macariro tirore to ya wãhuru chu dutiro pjiha. Ñ jiro Jesu tiro ya wãhuru sãa su, ti churoi tina mehne nuju suha. <sup>38</sup> To ã nuju suchu fariseo curua macariro sehe Jesure ñu nuñno judio masa ti wamo cosarucuro seheta to wamo cosaerachu ñno ð sehe ni tuhutuha: “Cuenah. ¿Ahriro dohsearo wamo cosaerajari mari yoaro sehe?” ni tuhutuha. <sup>39</sup> To ã ni tuhutuchu masino Jesu tirore ð sehe ni yahuha:

—Musa fariseo curua macaina sihnia wahwarire, wapari cãhure bui sehe dihtare musa cosaro seheta noaare yoa ñona musa buicã warohna. Ñ yoapanahta Cohamacu yare quihõno yoerara. Paina yare maina jina, ñaa dihtare tuhutura musa. <sup>40</sup> Tũho masieraina jira musa. Cohamacu musa pjacurire yoariro musa tuhutuhti cãhure yoaha. ¿Tĩre masierajari musa? <sup>41</sup> Ñ jina musa yare pjacuinare waga musa. Musa ã yoana noaare tuhutuina jinahca.

<sup>42</sup> Musa fariseo curua macaina ñano yãhdunahca. Moa yoaro sehe jiare chũare coachu yoare cjuana mahanocã wamana musa. Cohamacure ño payona tana sacerdoteara wamana musa. Ñ wapanahta noaare yoerara musa. Ñ jina masare pja ñuerara musa. Ñ yoa Cohamacure ño payoerara musa. Toaa dichacãre musa narire mahanocã Cohamacure musa wachu noa nina. Ñ wana ð sehe yoa namoga: Noaare yoaga. Ñ yoa pja ñuga musa masare. Tuhsu, Cohamacure ño payoga musa.

<sup>43</sup> Musa fariseo curua macaina ñano yãhdunahca. Buheri wãhuru jina, noaa dujia dihtare duji duara musa. Pache duaroru masa musare puhtoare noano ño payo ti sinino sehe ti piti bocasinichu cahmana musa.

<sup>44</sup> Ñano yãhdunahca musa. Masa copa nuori copa yoaro seheta jira musa. Tĩ copa cahai masa jia, puhicha macariro baarirore ñuerara tina. Tó seheta masa musa cahai jia, musa tuhutuapu ñaa jiare masierara tina —niha Jesu tinare.

<sup>45</sup> To ã nichu tuhoro judio masare buheina mehne macariro Jesure ð sehe ni yahuha:

—Buheriro, tĩre nicu sã cãhure ñano nii nica mũhu —niha tiro Jesure.

<sup>46</sup> To ã nichu Jesu ð sehe ni yãhtiha:

—Potocã tjira. Judio masare buheina musa cãhu ñano yãhdunahca. Musa painare ti bihoeraare yoa dutira tinare. Ñ dutipanahta musa sehe tinare ne mahanocã yoadohoerara tí dutiare ti yoahito sehe.

<sup>47</sup> Ñ jina musa ñano yãhdunahca. Cohamacu yare yahu mũhtaina panoru macaina ti masa coparire noano cahnomana musa tinare ño payoro sehe yoana. Musa ã yoapachuta panoru macaina musa coyera sehe tinare wajãha. <sup>48</sup> Tina sehe Cohamacu yare yahu mũhtaina cjirire ti wajãriro seheta musa cãhu yoaboa. Ñ jina mipure ti masa coparire cahnomana musa. Ñ cahnona musa coyera tinare ti wajãri cjirire wacũ bajuro wana nica musa. Ñ ti wajãrire wacũna “Noa nina”, nina nica musa.

<sup>49</sup> Cohamacu to masia mehne ð sehe ni yahuha: “Yũ yare yahu mũhtaina cãhure yũ buhe duti cũrina cãhure warocaihtja tinare. Ñ jia tina yũ warocainare painare wajã, painare ñano yoahca”, niha Cohamacu. <sup>50-51</sup> Ahri yahpare Cohamacu to bajuamehneri baharo Caĩ sehe Abere wajãha. Tuhsu, Cohamacu yare yahu mũhtaina cjirire Abe baharo jiina cãhure ñaina wajãha. Baharo Zacariare Cohamacu wãhu Cohamacure ño payori

mesa cahai m̄sa coyeata wajāha. Jipihtina tinare ti wajāri buhiri mip̄ macainare Cohamac̄ buhiri dahrerohca. Ā tjira. M̄sareta nii nija. Jipihtina tinare ti wajāri buhirire mip̄ macainare Cohamac̄ buhiri dahrerohca.

<sup>52</sup> M̄sa judio masare buheina, ñano ȳhd̄nahca. Cohamac̄ masiare ti joaa p̄rine c̄japanah̄ta painare yahuerara m̄sa. M̄sa basi Cohamac̄ yare t̄hoerara. Tuhs̄, paina to yare ti t̄ho duapach̄ta tíre m̄sa tinare t̄ho dutierara —niha Jesu tinare.

<sup>53-54</sup> To ā nich̄ t̄ho judio masare buheina fariseo curua macaina c̄h̄ tiro mehne sua tirore ñano ni durucuha. Ā jia Jesu to ñano ni ȳhtich̄ t̄ho duaa, tina paȳ mah̄no c̄u sinitu ñ̄maha tirore, tirore yahus̄ duaa.

## 12

### *Fariseo curua macaina ti ā mah̄norucurire Jesu yahuha*

<sup>1</sup> Ā yoa Jesu cahai masa paȳ cahmachua, bihsa ȳhd̄aha. Tóí Jesu to buheinare ò sehe ni yahu d̄caha:

—Noano wac̄ masiga m̄sa. Fariseo curua macaina ti p̄o b̄c̄arore ñ̄na noano wac̄ masiga. Ti mah̄norucurire nii nija “P̄o b̄c̄aro”, nic̄. <sup>2</sup> Jipihtia ñ̄aare paina ti masierari c̄jirire baharo masiahca. <sup>3</sup> Ā yoa ñ̄amip̄re ti p̄jroca durucuri c̄jirire buhriaroi to bajuro waro sehetā masiahca jipihtina. Bihari tahtiap̄ pairore yaroca ti nimari c̄jirire masa paȳ masiahca —ni yahuha Jesu.

### *Masa ti cuihtirore yahuha Jesu (Mt 10.28-31)*

<sup>4</sup> Ā ni tuhs̄ Jesu ò sehe ni yahu namoha tinare:

—Potoc̄ niita nija m̄sare. Masa wajāina wajā tuhs̄ pari turi ti wajārina c̄jirire ñ̄ano yoa namo masierara. Ā jina m̄sare wajā duainare cuiena tjiga. <sup>5</sup> Mip̄re m̄sa cuihtirore m̄sa ño payohtirore yahuihtja. Cohamac̄ sehere cui, ño payoga. Tiro m̄sa yariari baharo pichacap̄ coh̄ masina m̄sare. Ā tjira. Potoc̄ nii nija. Cohamac̄ sehere cui, ño payoga.

<sup>6</sup> C̄inco siripia wapa mariahna. Ti ā wapa mariapach̄ta c̄iroc̄re Cohamac̄ ne boerara. <sup>7</sup> Ā yoa m̄sa p̄oarire ne c̄ p̄oa da d̄hsaro marieno masi pah̄ona Cohamac̄. Tó sehetā m̄sa jia tia c̄h̄re masi pah̄ona Cohamac̄. Ā masino m̄sare ñ̄ wihborucura. Siripiare to cah̄no ȳhdoro m̄sa sehere cah̄na Cohamac̄. Ā jina tirore ño payona cuiena tjiga m̄sa —niha Jesu.

### *Jesu yaina m̄sa jiare yahuga masare (Mt 10.32-33; 12.32; 10.19-20)*

<sup>8</sup> Ā yoa Jesu ò sehe ni yahu namoha:

—M̄sare niita nija. C̄iuro “Jesu yairo jija”, masare to nich̄ ñ̄c̄, ȳh̄ mas̄no Cohamac̄ warocariro “Tiro ȳ yairo jira”, ni yahuihtja Cohamac̄ yaina anjoare. <sup>9</sup> C̄iuro “Jesu yairo jija”, masare nierariro sehere ȳh̄ “Tiro ȳ yairo jierara”, ni yahuihtja Cohamac̄ yaina anjoare.

<sup>10</sup> C̄iuro ȳh̄re ñ̄ano to ni durucuch̄ tí ñ̄a buhirire Cohamac̄ bo masina. Ā boparota c̄iuro Esp̄ritu Santo sehere to ñ̄ano ni durucuch̄ tí ñ̄a buhirire ne Cohamac̄ bosi.

<sup>11</sup> Mari judio masa buheri w̄h̄p̄ p̄h̄toa cahai paina m̄sare na s̄a yahus̄ahca. Ti ā yahus̄ch̄ m̄sa ni d̄catahti c̄jhtire “Cue, masieraboca”, ni t̄hotuena tjiga. <sup>12</sup> Tí p̄aihta Esp̄ritu Santo m̄sa yahuhti c̄jhtire yahurohca —niha Jesu.

### *Pache p̄uro quitire yahuha Jesu*

<sup>13</sup> Ā yoa masa mehne macariro Jesure ò sehe ni yahuha:

—Buheriro, s̄ p̄c̄ to yariari baharo to ya cjiri s̄re tjuara. Ā jic̄ ȳ wahmine tíre ȳh̄ c̄h̄re quih̄no tju wa dutiga —niha tiro Jesure.

<sup>14</sup> To ā nich̄ Jesu ò sehe ni ȳhtia:

—Ne tí barore tju waboricü jieraja yũhũ —niha Jesu tireore.

<sup>15</sup> ã ni tuhsü Jesu jipihtinare õ sehe ni yahuha:

—Noano yoaga mûsa. Pachere, paye baro cũhure cahĩena tjiga. Payü cjuapanahata tí mehneta wahche tuhsüeraja mari —niha Jesu.

<sup>16</sup> ã ni tuhsü Jesu quiti mehne õ sehe ni yahuha tinare:

—Pache pũro noari yahpare cjuaha. ã jia tí yahparü to toaa noano dicha tiha. <sup>17</sup> ã jiro tiro to basi õ sehe ni tũhotumaha: “Dicha wihboa wũhuse ne mü sũerara. <sup>18</sup> Mipũre õ sehe yoaihtja: Mipũ yũ wihboa wũhũsere cohãnocã, mũna wũhuse cjiri yũhdoro wahma wũhuse yoaihtja. Tí wũhũsei yũ toaa dichare, jipihtiare yũ yare wihboihtja. <sup>19</sup> Yũ ã yoari baharo, õ sehe ni tũhotuihtja yũ basi: ‘Yũhũ jiape cjuariro jija. Noano soihtja. ã jicũ chũ, sihni, wahcheihtja’, ni tũhotuihtja yũ basi”, ni tũhotumaha tiro. <sup>20</sup> To ã ni tũhotuchũ Cohamacũ tireore õ sehe ni yahuha: “Mũhũ ne tũho masierariro jira. Micha ñamiihata mũhũ yariaihca. Mü ã wahachũ mü ya mü cahĩri butia wahaahca”, niha Cohamacũ tireore —niha Jesu masare.

<sup>21</sup> Tíre nino, masare õ sehe ni yahuha Jesu:

—Ãta wahaahca pache pũa Cohamacũre wacũeraina. Payü pachere, niñerure to ya cjihti dihtare wihboriro, Cohamacũre wacũeraro tiro pjacũoriro jirohca, Cohamacũ to ñũchũ. ã jiro Cohamacũ tireore ñũ jicoaerara —niha Jesu.

*Cohamacũ to pohñare ñũ wihbora*

*(Mt 6.25-34)*

<sup>22</sup> ã yoa Jesu to buheinare õ sehe ni yahuha:

—Ahrire mũsare nii nija: Mũsa chũhti cjihtire, mũsa suhti sãahtire pjíro cahya tũhotuena tjiga. <sup>23</sup> Cohamacũ mũsare bajuamehñeno, chũhtina cjihti dihtare yoaeraha mũsare. Tuhsü, suhti sãahtina cjihti dihtare yoaeraha tiro mũsare. <sup>24</sup> Minichahca perire Cohamacũ to ñũ wihboare masiga. Tina weseri maeraina jira. ã jia chũare ti wihboa wũhuse tinare mariahna. Ti ã jiina jichũ ñũno tinare Cohamacũ ti chũhtire wara. Minichahca yũhdoro mũsa sehere cahĩna Cohamacũ. <sup>25</sup> Pjíro mũsa tũhotua mehne cũ hora waro mũsare cati namochũ yoa masierara mũsa. ã jiro mũsa pjíro tũhotua yaba cjihti jierara. <sup>26</sup> ¿ã yoa pjíro mũsa tũhotua ti yaba cjihti jierapachũta dohse yoana mũsa chũhtire, mũsa sihnihtire, mũsa sãahtire pjíro cahya tũhotujari?

<sup>27</sup> Macaroca macaa cohore tũhotuga. Tí cohoiri ti basi suhtire yoaerara. ã yoaerapahta noaa suhti tiina yoaro sehe noaa bajura tí cohoiri. Salomo cjiro noaa suhtire sãariro to jipachũta tí cohoiri sehe tiro yũhdoro noabiaa cohoiri waro jira. <sup>28</sup> Cohore noaa cohoiri yoara Cohamacũ sehe. To ã yoapachũta cohoiri sehe mahaa dachoricã jirucuma ñai boraahara. Mahanocã ji, pa dachoi pichacarpũ jũa wahara. Ti ã jipachũta cohore noaa cohoiri jichũ yoara Cohamacũ. ã jiro Cohamacũ cohore to noaa cohoiri to yoariro yũhdoro mũsa cũhure noano yoarohca. Suhtire warohca. Mahanocã Cohamacũre wacũ tuara mũsa. <sup>29</sup> ã jina mũsa chũhtire, mũsa sihnihtire pjíro cahya tũhotuena tjiga. <sup>30</sup> Cohamacũre cahmaeraina sehe ahri yahpa macaina sehe tíre ã macarucua nina. Mari Pũcũ mũano macariro jipihtia mũsa cahmaare masina. To ã masichũ pjíro cahya tũhotuena tjiga. <sup>31</sup> Cohamacũ mũsa pũhtoro to jihto cjihtore cahma mũhtaga. Jipihtia paye baro yũhdoro tireore cahmaga mũsa. Mũsa ã yoari baharo Cohamacũ sehe mũsa cahmaa dũhsachũ warohca —ni yahu namoha Jesu.

*Mũanopũ mari payü cjuã masija*

*(Mt 6.19-21)*

<sup>32</sup> ã ni tuhsü, tinare õ sehe ni yahu namoha:

—Yũ cahĩina, mahainacã jipanahta, cuiena tjiga mũsa. Cohamacũ mũsa pũhtoro to noano sũho jiropũre tiro mehne mũsa jichũ cahmana tiro. <sup>33</sup> ã jina mũsa yare dua pahñoga. Tíre duanoca tí niñerure na, pjacũoinare waga. Tó sehe mũsa yoachũ mũano macaa mũsa wapataa ne pihtisi. Mũanopũ mũsa ya jia ne pihtierara. Tórpũre mũsa yare

na masierara yacariro. Ñ yoa machu cūhu tíre tua masierara. <sup>34</sup> Muanopu musa ya jichu muano macaa dihtare tuhotunahca musa —niha Jesu.

*Jesu to tjua tahtore cohta dutiha to yainare*

<sup>35-36</sup> Ñ ni tuhsu tinare õ sehe ni yahu namoha:

—Musa yare cahnoyu tuhsuina yoaro sehe yu yare ã yoarucuina jina cohtaga yuhure. Dahra cohtaina ti puhtoro wamomaca dahteri bose numupu to wahachu to tjua tahtore tina cohtara. Tina ti ã cohtariro sehetu yu tjua tahtore cohtaga musa cūhu. Puhtoro to wuhupu wihi, sopacare to dotachu tuhoa tina dóihta pjõ sõhna tirore. <sup>37</sup> Dahra cohtaina ti puhtoro to wihihu to cahmano sehetu yoarucuina jia, wahcheina jahca. Ti ã yoachu ñno puhtoro sehe dahra cohtariro yoaro sehe cohtotarohca. Ñ yoaro dahra cohtainare duji dutiro, tiro ti chure duhu payorohca. <sup>38</sup> Tiro to wihihti pja ñami dacho macapu, o bohrearopu to jipachuta dahra cohtaina sehe to wihihti pjare tirore noano cohtaina jia, wahcheina jahca tina. <sup>39</sup> Ahrire wacuga musa. Yacariro wuhupu to wihihto pano tí wuhu puero masierara. Wuhu puero yacariro to wihihtore masino, tiro yacarirore sãa dutieraboa. Ñ jiro wacuenoca tara yacariro. <sup>40</sup> Ñ jina musa cūhu cohtaga. Yuhu masuno Cohamacu warocariro wacuenoca taihca. Ñ jina yu yare ã yoarucuina jina cohtaga musa —niha Jesu tinare.

*Dahra cohtariro to puhtorore ño payorirore, ño payoerariro cūhure yahuha (Mt 24.45-51)*

<sup>41</sup> To ã nichu Pedro sehe õ sehe ni sinituha Jesure:

—¿Ahri quitire yahucu sãre nii nijari? ¿O jipihtinare ã nii nijari? —niha Pedro.

<sup>42</sup> To ã nichu Jesu to tuhotua mehne õ sehe ni piti dahre buheha tinare:

—Dahra cohtariro to puhtorore ño payoriro tuho masiriro õ sehetu jira. Puhtoro tinino waharo, dahra cohtarirore to wuhure cūna. To cūriro sehe dutiriro jirohca. Ñ jiro tiro churi pja jichu paina dahra cohtainare chure witira. <sup>43</sup> Baharo puhtoro to wihihu dahra cohtariro sehe to puhtoro to dutiriro sehetu yoa pahnoriro jiro, tiro wahcheriro jirohca. <sup>44</sup> Potocã niita nija musare. To ã yoachu to puhtoro jipihtia to yare ñu wihiboriro cūnohca tirore. <sup>45</sup> To ã cūpachuta dahra cohtariro “Yu puhtoro yoari pja bajuerara”, niboca. Ñ nino paina dahra cohtainare mure, numia cūhure cjãpe, payu chu, sihni, cahaboca. <sup>46</sup> To ã yoari baharo wacuenoca to puhtoro wihirohca. Ñ wihiro tirore ñano buhiri dahrerohca. Ñ jiro Cohamacure yuhdurucainare to cohãriropu tirore cohãnohca.

<sup>47</sup> Ñ yoa dahra cohtariro to puhtoro cahmaare masiriro jiparota tíre to yoerachu, tiro to noano dahraerachu to puhtoro sehe tirore yuta da mehne tuaro tjananohca. <sup>48</sup> Pairo sehe dahra cohtariro to puhtoro cahmaare masierariro jiro to noano yoerachu ñno to puhtoro sehe pjiroca dero tirore tjananohca. Cohamacu to cahmaare masichu yoara masare. Ñ jiro masirirore yuhtiro cahmana. Tuhsu, noano masirirore noano yuhtiro cahmana —niha Jesu.

*Jesu masare cahma tju wachu yoara (Mt 10.34-36)*

<sup>49</sup> Ñ ni tuhsu Jesu tinare õ sehe ni yahuha tjoa:

—Pichaca to jūwero sehetu yuhu ahri yahpãre Cohamacu tirore cahmaerainare to buhiri dahretore tinare masichu yoai tai nii. Mipu pinihta tíre ti masichu tuaro cahmaja yuhu. <sup>50</sup> Yuhu ñno yuhduihca. Yu ã ñno yuhduhtire cohtacu, ñno yajeripohna tija yuhu. <sup>51</sup> ¿Dohse ni tuhotujari musa yuhure? “Tiro masare to buheri baharo paina tinare ñu tuhtisi”, ¿ni tuhotujari musa yuhure? Ñ jierara. Masare yu buheri baharo cãina yu yare tuhoahca. Paina sehe tinare ñu tuhtiahca. Cūno potori waro jisi masa. Musare nii nija. Masa yu buheare tuhoa, pu curua cahma tju waahca. <sup>52</sup> Mipure cū wuhu macaina cinco masa yu buheare tuhoa, pu curua ti basi cahma tju waahca. Cū curua tiaro, pa curua puaro jahca. <sup>53</sup> To puero to macunore ñu tuhtirohca yu yairo to jiri buhiri. Tuhsu, pairo macuno cūhu to puero ñu tuhtirohca to puero yu yairo to jiri buhiri. Ñ

yoa to pocoro to maconore ñu tuhtirohca yu yacoro to jiri buhiri. Tuhsu, pacoro macono cñhu to pocorore ñu tuhtirohca to pocoro yu yacoro to jiri buhiri. Ñ yoa to marechono to macu namonore ñu tuhtirohca yu yacoro to jiri buhiri. Tuhsu, pacoro macu namono cñhu to marechonore ñu tuhtirohca yu yacoro to jiri buhiri. Ñta waharohca, yu buheare ti tuhochu —niha Jesu.

*Noari dacho cjihtore, ñari dacho cjihtore masa ti masiare yahuha Jesu*  
(Mt 16.1-4; Mr 8.11-13)

<sup>54</sup> Ñ yoa Jesu masare õ sehe ni yahuha tjoa:

—Ahrie seheru coro siterire ñuna, dóihta “Coro tarohca”, nina msa. Msa ã niri baharo coro tara. <sup>55</sup> Ñ yoa surpu wihnono tachu “Siri dacho jirohca”, nina msa ahri yahpai jiina. Msa ã niri baharo dacho sira. <sup>56</sup> Msa mahñoperucuina jira. Msa ahri yahpare mmano cñhure ñuna, noari dacho cjihtore, ñari dacho cjihto cñhure masina msa. ¿Ñ jina mipu maca dachorire masipanahta dohseana ahri yahpa macaina mipure msa dohse wahahtore masierajari msa? —niha Jesu.

*Musare ñu tuhtiro mehne msa cahmacherire cahma pjāga*  
(Mt 5.25-26)

<sup>57</sup> Ñ ni tuhsu õ sehe ni yahu namoha:

—¿Mñhu quihõno mu yohtire masierajari mñhu mipu? <sup>58</sup> Pairo mñhure yahusãno waharo buhiri dahre dutiri wñhuru waha dutiboca. Tõpu wahana “Pari turi mñhure ã yoasi”, nicu cahma pjāga. Mu ã cahma pjāerachu tiro buhiri dahre dutiro caharu naaboca mñhure. Tuhsu, buhiri dahre dutiro sehe mñhure surarare to wachu, mñhure surara peresu yoahca. <sup>59</sup> Mñhure nii nija. Tõpu jisinihca mñhu. Pu ti wapa dutirire mu wapa pahñoiru wijaaihca mñhu —niha Jesu.

## 13

*“Noaina jija”, ni msa tuhutumarine tuhutu cohtota, Cohamacure cahmaga*

<sup>1</sup> Tí pjare mahainacã masa Jesure õ sehe ni yahua tiha:

—Galilea macaina wahiquirore wajã jñ muo Cohamacure ti ño payoro watoi Pilato sehe tinare wajaha. To ã wajachu wahiquiro di mehne masa di moreha —ni yahuha tina Jesure.

<sup>2</sup> Ti ã ni yahu tuhsuchu Jesu õ sehe ni yahuha:

—¿Galilea macaina Pilato to wajarina cjirire dohse ni tuhutujari msa? ¿Ti ã yariachu paina Galilea macaina yñdoro ñaina ti jiri buhiri ã yoa dutiri Cohamacu tinare, msa tuhutuchu? <sup>3</sup> Jierara. Musare niita nija. Msa sehe “Noaina jija” ni, msa tuhutumari cjirire tuhutu cohtotaerana, Cohamacure cahmaerana, msa cñhu yariana pichacaru wahanahca. <sup>4</sup> Ñ yoa sohõ jirina diez y ocho masa Siloé wama tiri wñhu mñari wñhu ti bui bora pja wajã pahñoha. ¿Ñ waha yariaa, paina Jerusalẽ macaina yñdoro ñaina jiri tina, msa tuhutuchu? <sup>5</sup> Jierara. Musare niita nija. Msa ñaa tuhutumari cjirire tuhutu cohtotaerana, Cohamacure macaerana, msa cñhu yarianahca. Ñ jina pichacaru wahanahca —niha Jesu tinare.

*Higueracu dica mariedu quitire yahuha Jesu*

<sup>6</sup> Ñ ni tuhsu qiti mehne piti dahre yahuha tinare:

—Wese puro to weseru higueracure cñaha. Ñ jiro tiro tu dichare macano wahamaha. Bocaeraha. <sup>7</sup> Bocaeraro tiro wese dahrarirore yahuha. “Tuhoga yñhure. Tia cñhma waro higueracu dichare macamaja. Dicha mariaha. Tu dica mariachu ture cã cohãnocahga. Tu yu wesei jichu padure yñhu toa masieraja. Yu wesei jiri yahpa macaare wiho waro nana tu”, niha wese puro tirore dahra cohtarirore. <sup>8</sup> To ã nichu tuhoro dahra cohtariro õ sehe niha: “Pñtoro, ahdu cñ cñhma waro ducusinijaro. Tu dahpotoi yñhu sahaitja. Tuhsu, wahiquiro tu mehne tí copare yayihtja. <sup>9</sup> Yu ã yoari baharo tu pa cñhmai dica tiboca. Tu dica tierachu mñhu cã cohã dutiuhca”, niha dahra cohtariro wese purore —ni yahuha Jesu.

*Sabado dachoi Jesu dohatiricorore noaricoro wahachu yoaha*

<sup>10</sup> Tí pjare Sabado dachoi Jesu judio masa buheri wuhui buhero niha. <sup>11</sup> Tói watino to cohtotaricoro jiha. Watino sehe diez y ocho cuhmari waro dohatichu yoaha ticorore. Á jiro pari muti ducuricoro jiro, poto ducu masieraha. <sup>12</sup> To á jichu ñano Jesu ticorore ñu, õ sehe ni pisuha:

—Numino, mu dohatia pihtia wahahre —ni pisuha Jesu.

<sup>13</sup> To á pisuri baharo ticorore to ña payochu dóihita ticoro noano poto ducuricoro wahaha. Á waharo “Cohamacu tuariro, noariro jira”, ni ño payoha ticoro. <sup>14</sup> Jesu ticorore Sabado dachoi to noaricoro yoachu ñano judio masa buheri wuhu puhtoro sehe tiro mehne suaha. Á suaro tiro masare õ sehe niha:

—Seis dachori jira mari dahraa dachori. Á jina musa dohatiinare noaina wahachu yoa duana, tí dachorire tíre yoaga. Sabado dachore mari sori dachore tíre yoaena tjiga —niha wuhu puhtoro.

<sup>15</sup> To á nichu Jesu õ sehe ni yuhtia:

—Musa á mahñorucuina jira. Musa wachure, burro cuhure cjuana Sabado dachoi ti duhteri dare pjá, tinare na buha, sihni dutiboa. <sup>16</sup> Mipu ahricorore Abrahá cjiro coyeacorore watino diez y ocho cuhmari waro ticorore dohatichu yoahre. ¿Sabado dachoi ticorore noaricoro wahachu yoa dutierajari musa? —niha Jesu.

<sup>17</sup> To á nichu tuhoa, tina buoro wahaha. Á jia paina sehe jipihtina Jesu yoarire ñua, wahcheha.

*Mostaza yapa quitire yahuha Jesu*

(Mt 13.31-32; Mr 4.30-32)

<sup>18</sup> Á yoa Jesu quiti mehne piti dahre buheha masare:

—¿Ne Cohamacu masa bui puhtoro to noano suho jia yaba baro yoaro sehe jijari, musa tuhotuchu? Ahri quiti mehne tíre puhtoro to suho jiare yahuihtja yuhu. <sup>19</sup> Mostaza yapacá yoaro sehe jira. Tí yapacáre toari masuno to wesei toaha. To toari baharo tí yapacá duha. Á jia tu bucuchu minichahca peri tu dupuripu suhti suhaha. (Tó seheta muano macarirore mari puhtorore masiina mahainacá ti ji muhtapachuta baharopu tina payu wahaahca) —niha Jesu.

*Pão bucuaro quitire yahuha Jesu*

(Mt 13.33)

<sup>20</sup> Á ni tuhsu, pari turi Jesu õ sehe ni piti dahre buheha:

—¿Ne Cohamacu masa bui puhtoro to noano suho jia yaba baro yoaro sehe jijari, musa tuhotuchu? <sup>21</sup> Pão bucuaro yoaro sehe jira. Tíre numino cū wajuru trigore co mehne noano tíre dahra morena pão bucuahore. To á yoachu pão bucuaro sehe trigore noano sahserucu sura. (To sahserucu suro seheta muano macarirore mari puhtorore payu masa masiahca) —niha Jesu.

*Mahari sopacacá quitire yahuha Jesu*

(Mt 7.13-14, 21-23)

<sup>22</sup> Á yoa Jesu bujua macaripu, daa macaricāpu cuhure buhe wahcā, Jerusalēpu suro taro niha. <sup>23</sup> To á waharo watoi cūiro Jesure õ sehe ni sinituha:

—Puhtoro, ¿mahainacá masare pichacapu wahaborinare yuhdorohcari Cohamacu? —ni sinituha tiro Jesure.

To á nichu Jesu piti dahre buhero õ sehe ni yahuha:

<sup>24</sup> —Payu masa Cohamacu cahapu waha duaa, sãa duamana. Mahari sopacacāre musa sãa duachu mijo curera. Tó seheta Cohamacu cahapu musa waha duachu mijo nina. Masa á sãa duapahta sãa masierara. Á jina musa sehe mahari sopacacāre musa tuaro sãa duaboro seheta Cohamacu sehere tuaro masiga. <sup>25</sup> Ó sehe yoarohca Cohamacu payu masare. Tiro wuhu puero yoaro sehe jira. Wuhu puero wahcā, sopacacāre biharohca. To á yoachu sopacacāpu ducuna, sopa pahmare dotanahca. Á dotana õ sehe ninahca: “Puhtoro, sopa pahmare pjõohga”, musa nichu wuhu puero sehe õ sehe ni yuhtirohca.



“Mūsare ne masieraja yuhū. Nohoi mūsa tariro cūhure masieraja”, ni yūhtirohca. <sup>26</sup> To ā nichū mūsa ō sehe ni yūhtinahca: “Mūhū mehne sã chū, sihnihi. Sã ya macai buhere mūhū”, ninahca mūsa. <sup>27</sup> Mūsa ā nichū tiro sehe ō sehe ni yūhtirohca: “Mūsare ne masieraja. Nohoi mūsa tariro cūhure masieraja. Jipihtina mūsa ñaa buhiri tiina yū cahai taena tjiga”, ninohca wūhū pūro. <sup>28</sup> Ā yoa Abrahā cjirore, Isaa cjirore, Jacobo cjirore, jipihtina Cohamacū yare yahu mūhtaina cjirore Cohamacū masare pūhtoro to noano sūho jirore ti jichū ñūna, mūsa sehe sopacapū cohārina jina tuaro tiinahca. Ā tiina jina, mūsa tuaro cahyaro mehne piri bahca dihonahca. <sup>29</sup> Tí pjare jipihtiro macaina pūhtoro Cohamacū to noano sūho jirore sū, tiro mehne chū dujiahca. <sup>30</sup> Mipūre wiho jiina jirina cjiri tí pjare pūhtoa jahca. Ā jia mipūre pūhtoa jirina cjiri tí pjare wiho jiina jahca —niha Jesu.

*Jerusalē* macainare tuaro cahīha Jesu  
(Mt 23.37-39)

<sup>31</sup> Tí pjare mahainacā fariseo curua macaina Jesu cahapū sūa, tirore ō sehe ni yahuha: —Herode mūhure wajā duara. Ā jicū pa seherū wahaga mūhū —niha tina tirore.

<sup>32</sup> Ti ā nichū Jesu sehe ō sehe ni yūhtiha:

—Herode mahñoa payūriro jira tiro. Ō sehe ni yahuga tirore: “Jesu watīare cohā wioro nina. Tuhsū, dohatiinare noaina wahachū yoaro nina. Tíre michare, ñamichaca cūhure yoarohca. Ñamichaca bohrearo dahra batoarohca”, ni yahuga Herodere. <sup>33</sup> Ā jicū michare waha, ñamichaca cūhure waha, ñamichaca bohrearo cūhure waha, Jerusalēpū sūihca. Cohamacū yare yahu mūhtarirore yūhure wajāhca masa. Cohamacū yare yahu mūhtainare ti wajāchū Jerusalēpū jiro cahmana tinare. Ā jicū yūhū cūhure Jerusalēpū jiro cahmana.

<sup>34</sup> Cue Jerusalē macaina. Mūsa Cohamacū yare yahu mūhtaina cjirore wajā, mūsa cahai to warocainare tãa mehne doca wajāre mūsa. Mūsa coyea panopū macaina cūhū āta yoarina cjiri jiha. Caracacoro to pohñare to cjāpū dūpūri mehne to moha coāno seheta payū tahari mūsare cahīrucumahi. Mūsare cahmamahi. Mūsa sehe yūhure ne cahmaerare. <sup>35</sup> Mipūre mūsa jiro cohāri maca jirohca. Potocā niita nija mūsare. Cohamacū mari pūhtoro to tuaa mehne taihca yūhū. Yū ā tachū ñūna mūsa yūhure “Cohamacū tuaa mehne tariro noajaro”, ninahca. Yūhure mūsa tíre nihto pano pari turi yūhure ñūsi mūsa —niha Jesu tinare.

## 14

*Dohatirore noariro wahachū* yoaha Jesu

<sup>1</sup> Pa dacho Sabado dacho jichū fariseo curua macaina pūhtoa mehne macariro ya wūhūpū Jesu chūro wahaha. Tí wūhū jiina tiro dihtare ñūroca ōha. <sup>2</sup> Ti ā ñūroca ōno wato yachūri wipiriro, ñūchūa wipiriro tiro cahapū sūha. <sup>3</sup> Ā jiro Jesu judio masare buheinare, fariseo curua macaina cūhure ō sehe ni sinituha:

—¿Sabado dachore dohatirore noariro wahachū yoa dutijari Cohamacū yare ti joari pūi? —ni sinituha Jesu.

<sup>4</sup> To ā ni sinitupachūta tina yūhtieraha. Ti yūhtierachū ñūno Jesu dohatirore noariro wahachū yoa, “Wahaga”, niha tirore. <sup>5</sup> Ā yoa tuhsūro, tinare ō sehe ni sinituha tjoa:

—“¿Cūiro mūsa mehne macariro to macūno Sabado dachoi mari sori dachoi copapū to bora sãachū na wioerabocari?” mūsa ā nina. “¿To wachū cūhure na wioerabocari?” mūsa ā nina —niha Jesu.

<sup>6</sup> To ā nipachūta tina to sinituare yūhti masieraha tjoa.

*Wamomaca* dūhteropū pjirocainare yahuha Jesu

<sup>7</sup> Fariseo curua macariro ya wūhū jiro tí wūhū macariro to pjirocaina noaa dujiare ti besechū ñūha Jesu. Ā ñū tuhsū ō sehe ni yahuha jipihtinare:

<sup>8</sup> —Wamomaca dūhteri bose nūmūi mūsare to pjirocachū, noaa dujiare bese dujiena tjiga. Mūsa yūhoro cua pisainare pjirocaboca ahri wūhū pūro. <sup>9</sup> To ā yoachū mūsa

noaa dujiai dujichu, “Ahrina cua pisainare musa dujiare waga”, niboca wahu puro musare. To a nichu musa sehe buo tina, naa dujiai dujiboca. <sup>10</sup> A jina wahu puro musare to pjirocachu, naa dujiai duji mughtaga. Musa a yoachu wahu puro musare “Noaa dujia sehere dujina taga”, ninohca musare tiro. Musa a wahachu paina to pjirocaina sehe musare no payoa mehne nahca. <sup>11</sup> Curo to basi “Pughtoro tjija”, ni tughturiro cahamacno jirohca. Pairo “Cahamacno jija”, ni tughturiro painare yuhdurca duaerariro tiro sehe pughtoro jirohca —niha Jesu tinare.

<sup>12</sup> A ni tuhsu Jesu wahu purore o sehe ni yahuha:

—Muhu bose numu dahrecu mu cahai jinare, mu bahanare, mu coyeare, pache pure pjiesu tjiga. Mu tinare pjichu muhu cuhure tina cuhu pji cahmaahca tjoa. A pji cahmaa muhure ti waramoare waraahca. <sup>13</sup> Muhu bose numu dahrecu pjacuinare, tini masierainare, cu buhusehe dahporo dojori tiinare, capari nerainare pjirocaga. <sup>14</sup> Mu a yoachu nuno Cohamacu muhure noano yoarohca. Tina sehe muhure ti waramoare wara masierara. A jiro noaina yariaina ti masa mujari pja jichu Cohamacu sehe noare mu yari wara muhure noano yoarohca —niha Jesu wahu purore.

*Pjiri bose numu* quitire yahuha Jesu

<sup>15</sup> To a nichu turo pairo churi mesa cahai dujiriro, Jesure o sehe ni yahuha:

—Cohamacu masare pughtoro to noano suho jiroi to churi mesa cahai dujiina tuaro wahcheina jahca —niha tiro Jesure.

<sup>16</sup> To a nichu Jesu ahri quitire yahuha tire:

—Pjiri bose numu dahreriro payu masare pjirocaga. <sup>17</sup> To pjirocari baharo bose numu dachoi to cahamacunore to pjirocainare yahu dutiro warocaha. “Ma, jipihtiare bose numu macaa cjihtire cahno tuhsuhre. A jiro musare pjirocahre”, ni yahu dutiha to cahamacunore. <sup>18</sup> To cahamacno to a ni yahupachuta, to pjirocaina sehe “Waha masieraja”, niha tina. To pjiroca mughtariro o sehe ni yahuha to cahamacunore: “Michapucaca yahpare nuchahi. A jicu ti yahpare nuhi wahi tai nija. A yoacu waha masieraja. No payo curea yuhure. Yuhure basioerahca”, niha to pjiroca mughtariro sehe to cahamacunore. <sup>19</sup> Pairo sehe o sehe niha: “Wachure pu wamomaca pihtinare michapucacata nuchahi. A jicu wachure buhe cayo nuhi wahi tai nija ti waja wahcature. A yoai wahaeraja. Yuhure basioerahca”, niha tiro cuhu. <sup>20</sup> Pairo sehe o sehe niha: “Yuhu michapucaca wamomaca dughtehi. A jicu bose numuru waha masieraja”, niha tiro to cahamacunore. <sup>21</sup> To a nichu to cahamacno sehe tjua waha, to pughtorore ti niri cjirire yahu pahnoha. To a ni yahuchu to pughtoro tuaro susini, o sehe niha to cahamacunore. “Macari macaa maharipu pjacuinare ti ducua maharipu wahaga. A jicu pjacuinare, tini masierainare, capari nerainare, cu buhusehe dahporo dojori tiinare cjero na tahga tinare”, niha pughtoro. <sup>22</sup> Baharo curero to cahamacno yahuha to pughtoro: “Pughtoro, mu dutiriro sehetu yoahi. Yu a yoapachuta paina cuhu mu saahca”, niha to cahamacno. <sup>23</sup> To a nichu pughtoro tire o sehe ni dutiha: “Camoru wahaga. Toti bujua maharipu jinare, daa maharicaru jina cuhure masare yu wuhuru ta dutiga, ya wahu to noano wahpahto cjihto sehe. <sup>24</sup> Potoca nii nija muhure. Ahrina yu pjiroca mughtarina yu chure ne mahanoca chusi”, niha pughtoro —ni yahuha Jesu.

*Jesu mehne wahachu* mijo nina

<sup>25</sup> Ti pjare payu masa Jesu mehne wahaha. A jiro Jesu tinare majare nu, o sehe ni yahuha:

<sup>26</sup> —Curo yu buheriro ji duaro painare to cahiro yuhdoro yuhu sehere cahno cahmana. To pucure, to pocore, to namonore, to pohnare, to bahanare, to pjacu cuhure to cahiro yuhdoro yuhu sehere cahno cahmana. A yoeraro yu buheriro ji masierara. <sup>27</sup> Curo yu buheriro ji duaro yu yare a yoarucuriro jirohca. A yoa crusaru yu nano yuhdurtiro sehetu yu yairo to jiri buhiri nano yuhdu duaeraro yu buheriro ji masierara. <sup>28</sup> Ahrire masiyuro cahmana musare. O sehe jira ti: Wuhu dahreriro to

muari wuhure yoahito pano wuhu wapa tihtire quihō cū muhtana. Ā yoaro to wuhure to pahñohtore masina tiro. <sup>29</sup> Wapa tihtire quihōeraro to wuhure yoaro pahñoeraboa. Ā jia tirore ñina bujūpeboa. <sup>30</sup> “Ahriro to wuhure yoaro bihoerare”, ni bujūpeboa. <sup>31</sup> Pūhtoro paio pūhtoro yaina mehne ti cahma wajāhto pano, to yaina surarare to cahma wajā dutihtō pano, to surarare quihōnohca. “¿Yuhū diez mil surara mehne paio veinte mil surara cjuariro mehne cahma wajācū bihobocari yuhū?” ni tūhoturo quihōnohca tiro. <sup>32</sup> Ā quihōno, to bihoeratore masinohca. Ā masino paio pūhtoro to surara mehne cahma wajāno tariro yoropū to jichūta, bihoerariro sehe “Cahma wajāena tjijihna”, ni dutiro warocaboa dahra cohtarirore. <sup>33</sup> Ā jina yū buheina ji duana, mūsa yoahitire mūsare masino cahmana. Mūsa yoa duari sehere cohā duaerana, yū buheina ji masierara —ni yahuha Jesu.

*Moa coaeratore yahuha Jesu*

(Mt 5.13; Mr 9.50)

<sup>34</sup> Ā ni tuhsū tinare ō sehe ni yahu namoha:

—Moa noano coara. To coaerachū coa yoahito basioerara. <sup>35</sup> Moa coaerachū tí moa ne noaerara. Tí moare dohseahito basioerara. Tí ā jichū tí moare cohāno cahmana. Ne yaba cjihti jierara ti cohōa. (Ti yaba cjihti jieraro seheta jiena tjiga mūsa. Moa noano to coaro seheta mūsa cūhū ji coaina jiga. Tuhsū, paina mehne noano mehne jiga.) Ahriro noano tūhoga mūsa —niha Jesu.

## 15

*Oveja butiro quitire yahuha Jesu*

(Mt 18.10-14)

<sup>1</sup> Ā yoa pa dachoi payū pūhtoa yare wapa na cohtaina paina “Ñaaare yoaina”, ti niina mehne Jesure tūhoa taha. <sup>2</sup> Ti ā yoachū ñna fariseo curua macaina, judio masare buheina cūhū Jesure ñna tuhtia, ō sehe niha ti basi:

—Ahriro ñainare piti tira. Ā jiro jirota tina mehne chūra —ni durucuha tina ti basi.

<sup>3</sup> Ti ā ni durucuchū Jesu to tūhotua mehne ō sehe ni piti dahre buheha tinare:

<sup>4</sup> —¿Cien oveja pūro cūiro oveja butichū ñno dohse yorohcari tiro? Ō sehe yorohca. Tiro noventa y nueve ovejare ti chūri campopū cū, butirore macano waharohca. Ovejare bocaropū duhurohca. <sup>5</sup> Tirore bocaro wahcherohca. Ā jiro to comapariaca buipū tirore cǵā payo, to wuhūpū na tjuaa waharohca. <sup>6</sup> Na tju sū, to cahai jiiinare, to coyeare pji cahmachunohca. “Yū oveja butirore boca tuhsūhi. Ā jina yuhū mehne wahchega”, ninohca tiro tinare. <sup>7</sup> Potocā niita nija mūsare. Noventa y nueve oveja payū ti jiro seheta, payū masa ō sehe ni tūhotura: “Ñano yoeraja. Ā jicū yū ñaaare cahya, yū tūhotumari cjirire tūhotu cohtotasi yuhū”, ni tūhotura payū masa. Ti ā ni tūhotuchū ñna mūano macaina Cohamacū cahai jiina wahcherara. Pairo sehere wahchera. Butirore oveja cūiroto to butirore seheta to pūro tirore to bocariro seheta cūiro ñariro to ñaaare cahyachū, “Ñano yoeraja”, ni to tūhotumari cjirire tūhotu to cohtotachū, Cohamacūre to cahmachū ñna, Cohamacū cahai jiina tuaro wahchera —niha Jesu.

*Niñeru tū butiro quitire yahuha Jesu*

<sup>8</sup> Ā ni yahu tuhsū, paye quiti mehne piti dahre yahu namoha tjoa:

—¿Diez niñeru tūri cjuaricoro cū tū butichū ñno dohse yorohcari ticoro? Ō sehe yorohca ticoro. Sihāriare sihā, wuhure coha, noano maca pahñonohca. Tí tūre bocaropū duhurohca. <sup>9</sup> Tí tūre boca tuhsū, to cahai jiiinare, to coyeare pji cahmachunohca. “Niñeru tū ya tū yuhure butiro tūre bocahi. Ā jina yuhū mehne wahchega”, ninohca ticoro. <sup>10</sup> Potocā niita nija mūsare. Tó seheta cūiro ñariro to ñaaare cahyachū, “Ñano yoeraja”, ni to tūhotumari cjirire tūhotu to cohtotachū Cohamacūre to cahmachū Cohamacū yaina anjoa sehe tuaro wahcheahca —niha Jesu.

*To macūno butiro quitire yahuha Jesu*

<sup>11</sup> Æ ni yahu tuhsu Jesu paye quiti mehne piti dahre yahu namoha tjoa:

—Bucuro pohna p̄aro m̄a jiha. <sup>12</sup> D̄hsariro sehe ð sehe niha to p̄ucurore: “Mai, m̄a yariari baharo yuh̄ure m̄a wahtire yuh̄ure wa bahrañoga”, niha tiro to p̄ucurore. To ã nichu ti p̄ucuro p̄arop̄ureta to poh̄nare witira to c̄uari c̄jirire. <sup>13</sup> Mahaa dachoricã baharo d̄hsariro to yare jipihtiare na, yoarop̄u pa yahpap̄u wahaa wahaha. Tópu s̄uro t̄ho masierariro seheta yoa, to niñerure to yare yoa site pah̄ñonocaha. <sup>14</sup> To yoa site pah̄ñori baharo tí yahpap̄ure ne chuã marieni p̄ja ji d̄ucaha. Æ jiro tiro j̄uca baaha. <sup>15</sup> Æ jiro tí yahpa macaa dahraare macaha. To bocachu to p̄htoro yesea cohtariro s̄oha tirore. <sup>16</sup> Æ jiro tiro yeseare nu, ti chuãre chuã duamaha. To ã chuã duapach̄ta tí chuãre tó macaina waeraha tirore. <sup>17</sup> Æ yoa tirore tóí wac̄ua taha j̄una. “Yu p̄ucure dahra cohtaina sehe buj̄ua chuãre chuãca. Ti chuã d̄uhaa c̄uh̄u buj̄ua d̄hsaca. Ti ã noano yuh̄d̄uro watoi yuh̄u sehe ði jic̄u, j̄uca yariai nija. <sup>18</sup> Mip̄ure yu p̄ucu cahap̄u t̄juaiht̄ja. Yu p̄ucu cahap̄u s̄ucu ð sehe niht̄ja tirore: ‘Mai, Cohamac̄ure ñano yoahi. M̄uh̄u c̄uh̄ure ñano yohti. <sup>19</sup> Ñariro jija. M̄u mac̄u jiboriro jieraja yuh̄u. M̄uh̄ure dahra cohtaina seheta yoaga yuh̄ure’, niht̄ja yu p̄ucure”, ni t̄hotuha tiro. <sup>20</sup> Æ ni t̄hoturota wahc̄ar̄uca, to p̄ucuro cahap̄u t̄juaa wahaha. Tópu to s̄uriro t̄jua tach̄u to p̄ucuro sehe yoarop̄uta to mac̄unore ñ̄uha.

’To ã wihichu ñ̄ano to mac̄unore p̄ja ñ̄uha. Æ p̄ja ñ̄ano to cahai m̄uroca wahc̄a tirore c̄jã suhsu m̄a, to wahsupui wihmiha to p̄ucuro to mac̄unore. <sup>21</sup> “Mai, Cohamac̄ure ñano yoahi. M̄uh̄u c̄uh̄ure ñano yohti. Ñariro jija yuh̄u. M̄u mac̄u jiboriro jieraja yuh̄u”, niha tiro to p̄ucurore. <sup>22</sup> To ã nichu t̄horo to p̄ucuro sehe dahra cohtainare p̄jiha: “Cjero, noa yuh̄d̄uri suhtirore na tahga. Æ jina yu mac̄ure s̄aaga. S̄aa tuhsu, to wamomaca s̄ari sorore s̄aa, to dahporire dahpo suhti c̄uh̄ure s̄aaga. <sup>23</sup> S̄aa tuhsu, dihi t̄irocã wach̄uc̄are waj̄aga. Bose n̄m̄u yoajihna. <sup>24</sup> Ahriro yu mac̄u yariariro seheta wahare. Æ wahaparota mip̄ure catira tiro. To butiboriro seheta jirirore mip̄ure bocahi. Æ jina bose n̄m̄u yoajihna”, niha to p̄ucuro. To ã niri baharo bose n̄m̄u dahre d̄ucaha tina.

<sup>25</sup> ’Tí p̄jare to wahmino sehe wesep̄u jiha. Wesep̄u jiriro coha t̄jua taro wuh̄u cahai s̄uro, ti basaare t̄horocaha tiro. <sup>26</sup> Æ t̄horocar̄o, c̄airo dahra cohtarirore p̄jiroca, tirore sinitu ñ̄uha tiro: “¿Dohse yoa basaa niri?” ni sinitu ñ̄uha tiro dahra cohtarirore. <sup>27</sup> “M̄u bah̄u t̄ju wihihre. Tiro noariro, catiriro to t̄ju wihichu m̄u p̄ucu dihi t̄irocãre wach̄uc̄are waj̄ã dutihre”, ni yuh̄tiha dahra cohtariro. <sup>28</sup> To ã ni yahuch̄u to wahmino sehe tuaro suaro, wuh̄up̄u s̄aa taeraha. To s̄aa taerach̄u ñ̄ano to p̄ucuro sopacap̄u wijaa ta, “S̄aa taga” ni, tuaro p̄jimaha to mac̄unore. <sup>29</sup> “T̄hoga, Mai. Yoari p̄ja m̄uh̄ure dahra cohtariro seheta m̄uh̄ure yoadohomahi. Æ jic̄u m̄u dutiare ne c̄u taha yuh̄d̄ur̄ucaera t̄ihi. Yu m̄uh̄ure dahra cohtapach̄ta yuh̄ure ne waerare m̄uh̄u. Ne c̄airo wahiquroc̄are ne waera tire m̄uh̄u yuh̄ure yu piti tiina mehne yu bose n̄m̄u dahrehti c̄jht̄ire. <sup>30</sup> Wiho mejeta ahriro m̄u mac̄u sehe ñ̄aina numia mehne m̄u yare yoa site pah̄ñoyuhti. Tíre yoa site pah̄ño tuhsu, tiro wuh̄up̄u to t̄ju wihichu dihi t̄irocãre wach̄uc̄are waj̄ã dutiyuhti m̄uh̄u to ch̄ht̄iro c̄jht̄ore”, niha to wahmino to p̄ucurore. <sup>31</sup> “Mac̄u, yuh̄u mehne jipiht̄ia dachoripe m̄u jich̄u jipiht̄ia ya m̄u ya c̄uh̄u jira. <sup>32</sup> M̄u bah̄u sehe yariariro seheta wahare marine. Æ yoa mip̄ure tiro catiriro jira. Tiro butiboriro seheta jire. To ã wahari baharo mip̄ure tirore bocahi. Æ jina to t̄ju wihichu mari bose n̄m̄u yoa wahchech̄u noana”, niha tiro to mac̄unore —niha Jesu tinare.

## 16

*Niñeru ñ̄u* wihbo cohtariro t̄ho masiriro quitire Jesu yahuha

<sup>1</sup> Æ yoa ahri quitire to buheinare ð sehe ni yahuha Jesu:

—Pache p̄uro ya niñerure ñ̄u wihbo cohtariro niñerure noano to ñ̄u wihboerach̄u ñ̄ano paio sehe yahusãha pache p̄urore: “Tiro m̄u niñerure yoa sitero nina”, ni yahusãha tirore. <sup>2</sup> To yahusã tuhsari baharo niñeru ñ̄u wihbo cohtarirore p̄jirocaha. Æ p̄ji tuhsu, to wihichu ñ̄ano, tirore p̄htoro ð sehe niha: “Pairo yu niñerure m̄u yoa siterire yuh̄ure yahure. Æ jic̄u mip̄ure yu yare ñ̄u wihboriro jisi m̄uh̄u. Æ jic̄u yu yare m̄u yoari c̄jirire

yahu pahño joaga. Mũhũre cohãi nija”, niha to pũhtoro tirore. <sup>3</sup> To ã niri baharo õ sehe ni tũhotuha ñũ wihboriro to basi: “Yũ pũhtoro yũhũre cohãno taro nica. Yũhũ tuaeraja. ã jicũ tuaro dahraare bihoeraja. Tuhsũ, painare yũhũ niñerure sinicũ bũobiario yũhdũboca yũhũ. ¿Dohse yoaihcarĩ yũhũ? <sup>4</sup> Mipũ pinihtare yũ yohtire masija yũhũ jũna. Õ sehe yũ yoachũ yũ dahraa maerachũ yũ pũhtoro wapamoina yũhũre cahĩahca. ã jia ti wũhũsepũ sãa dutiahca yũhũre”, ni tũhotuha tiro. <sup>5</sup> ã ni tũhoturo tiro jipihtina to pũhtoro wapamoinare pjirocaha. Pjiroca tuhsũ, cohtaha. ã cohtaro wihi mũhtarirore õ sehe ni sinituha tiro: “¿Yũ pũhtoro noho puro wapamojari mũhũ?” niha tiro. <sup>6</sup> To ã nichũ wapamoro sehe õ sehe ni yũhtiha: “Cien tambores sere olivo dicha mehne ti yoari sere wapamoja tirore”, ni yũhtiha tiro. To ã ni yahuchũ niñeru ñũ wihboriro sehe õ sehe ni yahuha: “Õi jira mũ wapamonore joa õri pũ. Dujiga. ã jicũ mũ wapamonore dacho macai na, dacho macai joa cahnoga”, niha ñũ wihboriro wapamoroire. <sup>7</sup> ã ni tuhsũ paio wapamoroire sinituha tiro: “¿Mũhũ waro, noho puro wapamojari?” niha tjoa. “Cien waju trigo yapari wajure wapamoja yũhũ”, niha wapamoroire niñerure ñũ wihborirore. “Õi jira mũ wapamonore joa õri pũ. Mũ wapamonore ochenta joa cahnoga”, niha ñũ wihboriro. <sup>8</sup> To ã noano mahño mihnichũ ñũno “Ahriro mahñoriro noano masiriro jica”, ni tũhotuha to pũhtoro niñerure ñũ wihborirore. Ahri dacho macaina, Cohamacũre cahmaeraina ti yare cahnorire ti niñeru ti ñũ wihborire Cohamacũ yaina yũhdoro masica tina —niha Jesu.

<sup>9</sup> ã ni tuhsũ Jesu õ sehe ni yahu namoha:

—Ahri quitire ã ni yahucũ, mũsare õ sehe niita nija. Mũsa cjuãare, pjacũoinare mũsa wachũ, tina sehe mũsare cahĩahca. Mũsa ã yoachũ mũsa cjuãa pihtiarĩ baharo mũsa mũanopũ suchũ mũsare cahĩahca tópũre.

<sup>10</sup> Wiho jiina ya dahraare quihõno yoana, pũhtoa ya dahraa cũhũre quihõno yoanahca. Wiho jiina ya dahraare quihõno yoerana, pũhtoa ya dahraa cũhũre quihõno yoasi mũsa. <sup>11</sup> ã jina ahri yahpai mũsa cjuãa mehne mũsa noano yoerana Cohamacũ mũsare to yoa dutia cũhũre noano yoasi mũsa. <sup>12</sup> ã jiro paio yare mũsa noano yoabasaerachũ ñũno mũsa ya cjihtire wasi mũsare.

<sup>13</sup> Cũiro Cohamacũ sehere wacũno, tuabiaro niñeru sehere wacũerara. Niñeru sehere tuabiaro wacũno Cohamacũ sehere wacũerara. Niñeru dihtare cahmariro jiro Cohamacũre wahchechũ yoerara. Cohamacũ cũhũre, niñeru cũhũre pũarore cahma yũhdũrũcahto basioerara mũsare. Niñerure cahma yũhdũariro Cohamacũre noano ño payo masierara —niha Jesu.

<sup>14</sup> To ã nichũ tũhoa fariseo curua macaina sehe tirore bũjũpeha. Tina sehe niñerure cahĩha. ã jia bũjũpeha. <sup>15</sup> Ti bũjũpechũ tũhoru Jesu tinare õ sehe ni yahuha:

—Masa ti ñũrocaroĩ mũsa noano yoamana. Mũsa ã yoachũ “Noaina, quihõno yoina jira”, nimana masa mũsare. Cohamacũ sehe mũsa tũhotuare masina. Masa “Noa yũhdũara”, ti nirire Cohamacũ sehe soro ni tũhotu, tíre ñũ yabira —niha Jesu.

*Cohamacũ* to dutiare, pũhtoro to sũho jiare yahuha Jesu

<sup>16</sup> ã ni tuhsũ õ sehe ni namoha Jesu:

—João masare bautisariro to jihto pano Moisere to cũri dutia mehne Cohamacũ marine dutire. Cohamacũ yare yahu mũhtaina cjiri ti joari cjiri mehne cũhũre marine dutire. Mipũ sehere João to buhe dũcari baharo noaa buheare, Cohamacũ masare pũhtoro to noano sũho jia cũhũre masi dũcara masa. ã masia masa ti mũ sũro ti tuua mehne Cohamacũ masare pũhtoro to noano sũho jirore sãa duamana.

<sup>17</sup> Moisere to cũri dutiai Cohamacũ to niriro seheta yoa pahñonohca tiro. Cohamacũ yare yahu mũhtaina cjiri ti joari cjiripũ cũhũre to niriro seheta yoa pahñonohca tiro. Mũano cũhũ ahri yahpa cũhũ ti pihtia wahapachũta Cohamacũ to niriro seheta yoa pahñonohca —niha Jesu.

*Namonore cohãare yahuha Jesu*  
(Mt 19.1-12; Mr 10.1-12)

<sup>18</sup> ã ni tuhsu õ sehe ni namoha Jesu:

—Masuno to namonore cohãno, pacorore namo tiro, tiro ticoro mehne ñano yoaro nina. Tuhsu, masuno paio to cohãricorore namo tiro, tiro cãhu ticoro mehne ñano yoaro nina —niha Jesu.

*Pache* pũro cãhure, Lázaro cãhure to yahuri quitire buheha Jesu

<sup>19</sup> ã yoa paye quiti mehne piti dahre yahuha Jesu:

—Tí pjarũre pache pũro jiha. To suhti sehe wapa bujũbiaha. Tuhsu, dachoripe tiro noaa dihtare chũro, payu cjuaha tiro. <sup>20</sup> ã yoa tí pjare paio pjacũoriro, Lázaro wama tiriro jia tiha. Tiro to pjacu payu cami tiriro jiha. To ã jiriro jichũ paina sehe tireore pache pũro ya wũhũpũ na sũha. <sup>21</sup> ã jiro pjacũoriro sehe pache pũro to chũri mesa docai yahpai dujiro to chũ site boroare chũmaha. “To chũ site boroare chũcu yapicũhca yũhũ”, ni tũhotumaha tiro. ã jia dieya to camine nehnea taa tiha. <sup>22</sup> Baharo pjacũoriro to yariaa wahachũ, Abrahã cahapũ paraíso wama tiropũ anjoa tireore naa mũjaha. Pache pũro cãhu to baharocãta yariaa wahaha. To yariachũ tireore yaha. <sup>23</sup> ã yoa pache pũrore tuaro pichaca jũha. To ã tuaro jũchũ, pichacapũ jiro mũanopũ jirirore Abrahãre ñũha. Lázaro cãhure ñũha. <sup>24</sup> Ñũ tuhsu, tiro Abrahãre pisurocaha: “Coyeiro Abrahã, pja ñũga yũhũre. Pichacapũ yũhũ ñano yũhdũi nica. Yu ã wahachũ Lázarore yũhũre warocaga. Tiro core to wamo picapũ soha, yũ ñahmanore co mehne nehõjaro. Tóre yũũõjaro tiro”, niha pache pũro. <sup>25</sup> To ã nichũ Abrahã tireore õ sehe ni yahuha: “Coyeiro, catiriro jicu jipihitiare mũhũ noaare cjuahre. Lázaro sehe dachoripe ñano yũhdũhre. Mipũ sehere mũhũ ñano yũhdũchũ tiro sehe õpũre wahchea mehne jinocahno nina. <sup>26</sup> ã yoa mari watoĩ cũãri copa jira. ã jia õre jiina tópũre waha masierara. Tuhsu tóre jiina õpũ ta duaina ta masierara”, niha Abrahã pache pũrore. <sup>27</sup> To ã nichũ pache pũro õ sehe ni namoha: “Coyeiro, tuaro sinija mũhũre. Lázarore yũ pũcu ya wũhũpũ warocaga. <sup>28</sup> Yũhũ cũ wamomaca pihtiina bahana tija. Lázaro tinare yahuõjaro. Tina õre ñano yũhdũropũre taea tjijaro”, niha tiro. <sup>29</sup> To ã nichũ Abrahã sehe õ sehe ni yũhtiha: “Cohamacũ dutiare Moise marine to cũri cjirire, Cohamacũ yare yahu mũhtaina ti joari cjirire cjuara mũ bahana. ã jia mũ bahana tíreta tũhoõjaro”, niha Abrahã. <sup>30</sup> To ã nichũ pache pũro sehe yũhtiha: “Coyeiro Abrahã, tíre cjuapahta noano tũhosi. Lázaro yariariro masariro tina cahapũ to sũchũ ñũa tina sehe ti ñaare cahya, noaare cohtotaahca. ã jia noaare yoaahca yũ bahana sehe”, niha pache pũro cjiro. <sup>31</sup> To ã nichũ Abrahã sehe õ sehe ni yahuha: “Mũ bahana Moise to cũri pũ to yahua, Cohamacũ yare yahu mũhtaina cjiri ti yahua tũhoeraina jira. ã jia Lázaro yariariro cjiro masariro to jipachũta tina Cohamacũre tũho duasi”, niha Abrahã —ni yahuha Jesu.

## 17

*Ñaare yoachũ* cua nina

(Mt 18.6-7, 21-22; Mr 9.42)

<sup>1</sup> ã yoa Jesu õ sehe ni yahuha to buheinare:

—Masare ñano yoachũ yoaa payu jira. ã jia masa ñaare yoara. Ti ã jipachũta masũnore ñaare yoachũ yoariro sehe ñabiaro yũhdũrohca. <sup>2</sup> Masũnore to wamũai pjiria tãca dũhte yo, pjiri mapũ tireore ti cohãchũ ñano wahaboa tiro. Pairo sehe ahrinacã mehne macarirocãre ñaare yoachũ yoaro pjiri mapũ ti cohãriro yũhõro ñano yũhdũrohca. Tireore tuaro buhiri dahrero cahmana. <sup>3</sup> Noano yoaga mũsa. Mũsa coyeiro ñano to yoachũ ñũna “Yoai tjiga”, niga tireore. ã jina tiro to ñaare cahyachũ, noaare to cohtotachũ mũsa sehe to ñaa yoaare boga. <sup>4</sup> ã yoa mũsa coyeiro cũ dachoihta siete tahari mũsare ñano to yoachũ tópe tahari mũsare, “Yu ñaare cahyaja. Pari turi ã yoasi”, to nichũ tópe taharita to ñaa yoaare boga —niha Jesu.

*Cohamacũre* wacũ tuaare yahuha Jesu

<sup>5</sup> ã yoa Jesu buhe duti to cũina tireore õ sehe niha:

—Cohamacure sãre noano wacũ tua namochu yoaga —niha tina Jesure.

<sup>6</sup> Ti ã nichu Jesu õ sehe ni yũhtiha:

—Mostaza yapacã mahari yapacã jiparota duropu pjidũ wahara. To ã wahariro seheta Cohamacure pjiro wacũ tuana, õ sehe wahachu yoa masinahca m̄sa. Ahdũ sicómore wama tidũre õ sehe ni masina: “Mũhu yucucu m̄ basu duhtu wahcã, pjiri mapu bora ñojaga”, ni masina m̄sa. M̄sa ã nichu tu yucucu sehe m̄sa dutiro seheta waharohca —niha Jesu.

*Dahra cohtariro to dahraare yahuha Jesu*

<sup>7</sup> Baharo õ sehe ni buheha Jesu:

—M̄sare dahra cohtariro jiro wesepu tjana, ovejare ñũ wihbora. ¿Dahra cohtariro to tju wihichu dohse nibocari m̄sa tirore? “Cjero taga. M̄ chuã õi jira”, ¿nibocari m̄sa? <sup>8</sup> ã nierara m̄sa. Tirore õ sehe nina m̄sa: “Yu chũare doha cahnoga. ã jicu yũ chu sihnichu yũhũre cohtaga. Yu baharo mũhu cũhu chu sihniga”, nina m̄sa dahra cohtarirore. <sup>9</sup> Dahra cohtariro m̄sa dutiare to yoachu tirore “Noana”, nierara m̄sa. To dahraa dihtare yoaro nica tiro. <sup>10</sup> M̄sa cũhu tiro yoaro sehe tjira. Cohamacu to dutiro seheta yoa pahõna õ sehe ni tũhotuga m̄sa: “Sã cũhu dahra cohtaina dihta jija. Wiho jiina jija sã. Sã dahraa dihtare yoaja sã”, ni tũhotuga m̄sa —niha Jesu to buheinare.

*Diez cami baainare noaina wahachu yoaha Jesu*

<sup>11</sup> Pa dacho Jerusalẽpu Jesu waharo niha. Tõpu waharo Samaria yahpa, Galilea yahpa dacho macai yũhdũ wahcãha. <sup>12-13</sup> Pa macapu wahari mahapu to tinichu diez cami baaina sehe tirore piti boca. ã jia tina yoa curerõpu ducuata pisuha:

—Jesu, puhtoro, sãre pja ñũga —niha tina.

<sup>14</sup> Ti ã nichu tinare ñũ, õ sehe ni yahuha Jesu:

—Sacerdotere m̄sa pjacũre noaa pjacũri ti waharire ñona wahaga —niha tinare.

To ã niri baharo ti waharo watoi tina ti pjacũri noaina wahaha. <sup>15</sup> ã jiro cãiro tina mehne macariro noano to pjacu wahachu ñũno, Jesu cahapu majare tjuaha. ã tjuaro tuaro mehne Cohamacure ño payoha. “Cohamacu tuariro, noariro jira”, tuaro ni, ño payoha tiro. <sup>16</sup> ã nino tiro Jesu dahpori cahai na tuhcuca caha sũ, “Noana”, niha tiro. Tiro sehe Samaria macariro jiha. <sup>17</sup> To ã yoari baharo Jesu õ sehe ni yahuha:

—Diez jihre masa noaina wahaina. ¿Paina nueve dũhsaina sehe nohopu jicari tina?

<sup>18</sup> Ahriro pa yahpa macariro dihta Cohamacure “Noana”, nino taro tjua tahre. ¿Dohse yoa paina taerari? —niha Jesu.

<sup>19</sup> ã ni tuhsu Jesu õ sehe ni yahuha na tuhcuca caha sũrirore:

—Wahcãrucaga. Wahaga. Mũhu Cohamacure wacũ tuacu, noariro wahahre mũhu —niha Jesu tirore.

*Cohamacu masare puhtoro to noano sũho jihtore yahuha Jesu*

*(Mt 24.23-28, 36-41)*

<sup>20</sup> Tí pjare mahainacã fariseo curua macaina Jesure õ sehe ni sinituha:

—¿Dohse jichu puhtoro Cohamacu masare sũho ji dũcarõcari? —niha tina.

Ti ã nichu Jesu õ sehe ni yũhtiha:

—Cohamacu masare puhtoro to noano sũho ji dũcachu masa ñũ masierara.

<sup>21</sup> “Cohamacu masare puhtoro to noano sũho jia õi jira”, ni masierara. “Sohõpu jira”, ni masierara. Cohamacu masare puhtoro to noano sũho jia masa ti tũhotuapu jira —niha Jesu fariseo curua macainare.

<sup>22</sup> ã ni tuhsu Jesu to buheinare õ sehe ni yahuha:

—Baharo yũhu masũno Cohamacu warocariro ahri yahpupu yũ tjua tahtore tuaro cahmanahca m̄sa. Cũ dachoihta yũhũre ñũ duapanahta yũhũre ñũsi m̄sa. M̄sa yũhũre ã ñũ duapachũta tí pjare tasi yũhu. <sup>23</sup> Paina m̄sare õ sehe niahca: “Tirore ñũga. Tiro Cristo jira. Ahrirore ñũga. Ahriro Cristo jira”, niahca m̄sare. Ti ã nipachũta tinare tũhoena tjiga. <sup>24</sup> Oroca sitero wacũenoca to oroca sitero seheta yũhu cũhu masũno

Cohamacu warocariro wacūenoca tjua taihca. <sup>25</sup> Ā yu tjua tahto pano yuhū tuaro ñano yuhdūihca. Ā jia yuhūre mipu macaina cahmasi. <sup>26</sup> Noé to jiri pja macaina ti jiro seheta yuhū masno Cohamacu warocariro yu tjua tachū tó seheta jahca masa. <sup>27</sup> Noé to jiri pjare jipihtina masa ā churucua tiha. Ā yoa sihnirucua tiha. Ā jia mūa numiare namo tia tiha. Noé pjiria dohoriapu to samuhto pano Cohamacu tinare to miohto pano tí jipihtiare masa yoarucua tiha. Tó seheta jirohca pari turi yu tjua tachū cūhūre. <sup>28</sup> Lote to jia tiri pja macaina ti jiro seheta yu tjua tachū jahca masa. Lote to jia tiri pjare masa chu, sihni, nuchū, dua, weserire toaa, wuhūse yoaha. <sup>29</sup> Ti ā yoaro watoi Sodoma wama tiri macai jiro Lote to wahari dachoi mūano macaa pichaca, picha sohāa poca tāa peri cūhū coro taro seheta tina bui bora ta, tinare wajā pahñonocaa tiha. <sup>30</sup> Yuhū masno Cohamacu warocariro wacūenoca yu tjua tachū tina yoaro seheta yoaina jahca masa tí pjare.

<sup>31</sup> 'Tí pjare cūiro to wuhū bui macari wapapu jiro wuhū puhichapu to ya jichū tíre nano sāaeno tjijaro to waha bahrañohto sehe. Tuhsu, wesepu jiro cūhū tí pjare to wuhūru piha taero tjijaro to waha bahrañohto sehe. <sup>32</sup> Lote namono to waharire wacūga mūsa. <sup>33</sup> Masno yuhūre wacūno marieno to mū sūro to cahmano seheta yoaro pichacapu waharohca. Yu yare ā yoarucuriro sehe jipihtia dachoripe yuhū mehne mūanoru jirucurohca.

<sup>34</sup> 'Tí ñamine puaro cū casario bui carīinare cūiro yuhūre cahmarirore naaihca. Tuhsu, yuhūre cahmaerariro tó tjuarohca. <sup>35</sup> Tí pjare puaro numia cūnoi ti trigore arēa numiare cūcoro yuhūre cahmaricorore naaihca. Tuhsu, yuhūre cahmaeraricoro tóihca tjuarohca. <sup>36</sup> [Ā yoa wesepu puaro dahraina ti jichū cūirota naihca. Cūiro tó tjuarohca] —niha Jesu.

<sup>37</sup> To ā nichū to buheina sehe ō sehe ni sinituha tirore:

—¿Nohoru ā waharohcari? —ni sinituha tina.

Ti ā nichū Jesu ō sehe ni yūhtihca:

—Yucaare mari ñūna, yariariro to pjacu cjiro jichū mari noano masinahca. (Tó seheta ahri mū sare yu yahuyurire mūsa ñūna noano masinahca ahri yahrapu yu tjua tahto mahanocā to dūhsachū cūhūre) —niha Jesu.

## 18

### *Wapewahyoro to buhiri dahre dutia quitire yahuha Jesu*

<sup>1</sup> Ā yoa Jesu tinare Cohamacure siniare yahuro ō sehe niha:

—Mūsa Cohamacure sinina, cohtaga to yūhtihore. Yoari pja cohtapanahca cahyaena tjiga. Tirore sinina duhuena tjiga —niha Jesu.

<sup>2</sup> To ā nire buhero taro ahri quiti mehne piti dahre yahuha tinare:

—Pa macapu ti buhiri dahre dutiro jia. Tiro Cohamacure ño payoeraha. Ā yoa masa cūhūre ño payoeraha. <sup>3</sup> Wapewahyoro cūhū tópu jia. Ticoro tiro cahapu sūroca majareno ō sehe niha: “Yuhūre ñu tuhtirore buhiri dahre dutiga mūhū. Yuhūre ni dūcataga”, ni sinirucua ticoro tirore. <sup>4</sup> To ā nichū payu tahari tiro “Yoasi yuhū”, nimaha ticoro. To ā nipachūta ticoro payu tahari ā sinirucuro tirore caribobiaro yoaha. To ā caribochū, tiro ō sehe niha to basi: “Yuhū Cohamacure, masa cūhūre ño payoeraja. <sup>5</sup> Yu ā ño payoerariro yu jipachūta ahricoro sehe yuhūre caribobiara. Yuhūre ā cariboro yuhūre pomea wahachū yorohca ticoro. To ā ni yahusārucuchū ticoro ñu tuhtirore buhiri dahre dutihtja”, niha buhiri dahre dutiro —niha Jesu.

<sup>6</sup> Ā nino Jesu tinare ō sehe ni yahu namoha:

—Ā niha tiro ñariro buhiri dahre dutiro. To niri cjirire wacūga mūsa. <sup>7</sup> Tiro yūhdoro Cohamacu sehe to yainare to beseinare ñamipū cūhūre, dachoru cūhūre tirore sinirucuarine yūhtiro, yoadohorohca. <sup>8</sup> Mū sare niita nija. Cohamacure ti siniro seheta dóicāta tinare yoadohorohca. ¿To ā yūhtiro to jipachūta yuhū masno Cohamacu warocariro ahri yahrapu tjua tacu Cohamacure wacū tuinare bocabocari yuhū? —niha Jesu.

*Puaro Cohamacure ti sinia quitire yahuha Jesu*



<sup>9</sup> Ñ yoa pari turi piti dahre buhero ò sehe ni yahuha Jesu: “Sã sehe noaina jija. Paina sehe ñano yoaina jira”, ni tãhotuina barore Jesu ò sehe ni yahuha:

<sup>10</sup> —Cohamacu ya wãhupũ pũaro mũa Cohamacure sinia wahaha. Cũiro fariseo curua macariro jiha. Pairo pũtoa yare wapa na cohtariro jiha. <sup>11</sup> Ñ yoa fariseo curua macariro sehe wahcãrucu sũ, ò sehe ni yahuha Cohamacure: “Cohamacu, yũhũ paina yare mahñoopa mehne nariro, ñano yoariro, paina namosãnumia mehne wũana tiriro ne jieraja. Paina yoaro sehe ñariro jieraja. Ahriro wapa na cohtariro yoaro sehe ñariro ne jieraja yũhũ. Ñ jicũ mũhũre ‘Noana’, nija Cohamacu. <sup>12</sup> Yũhũ somanaripe pũa dachore ne chũeraja, mũ yare yoacũ tacũ. Tuhsũ jipihtia dohse jiape yũ wapataa cũhũre mahano (diezmo) wa mũjaja yũhũ mũhũre ño payocũ”, niha fariseo curua macariro Cohamacure. <sup>13</sup> Ñ yoa wapa na cohtariro sehe yoa cureropũ muhri yo dũcu sũ, mũanopũre ñũ mũoeraha. Ñ ñũ mũoeraro, to pẽbuhui cããroca ò, ò sehe ni siniha Cohamacure: “Cohamacu, yũhũ ñaare yoariro jija. Ñ jicũ mũhũ pja ñũga yũhũre”, niha tiro Cohamacure. <sup>14</sup> Mũsare niita nija. Ahriro wapa na cohtariro sehe Cohamacu to ñũchũ buhiri marieriro to ya wãhupũ tjuaa wahaha. Wiho mejeta pairo fariseo curua macarirore “Mũ ñaa buhirire cohãhi”, nieraha Cohamacu. “Yũhũ noariro waro jija”, ni tãhoturirore Cohamacu buoro dahrerohca. Wiho mejeta “Yũhũ ñaare yoariro jija. Ñ jicũ tíre tuaro cahyaja” nirirore Cohamacu wahchechũ yoarohca tiro sehere —niha Jesu.

*Macanacã ya cjihtire Cohamacure sini payoha Jesu*

*(Mt 19.13-15; Mr 10.13-16)*

<sup>15</sup> Ñ yoa masa ti pohnare wihãinacãre Jesure ña payo dutia ta, to cahapũ na wihimaha. Ti ã yoachũ ñũa Jesu buheina tinacãre na wihiinare tuhtia. <sup>16</sup> Ti ã tuhtichũ ñũno Jesu wihãinacãre pjirocã to cahapũ. Pjiroca tuhsũ ò sehe niha tiro to buheinare:

—Macanacã yũ cahapũ tajaro. “To cahai wahaena tjiga”, niena tjiga tinacãre. Tinacã Cohamacure ti pũhoro tãhotura. Pũhoro Cohamacu to sũho jiina ahrinacã yoaro sehe tãhotuina baro dihta jira. <sup>17</sup> Potocã niita nija mũsare. Ahrinacã Cohamacu ti pũhoro cjihtore cahmana. Ti yoaro seheta mũsa cũhũ Cohamacu mũsa pũhoro cjihtore cahmaerana, pũhoro Cohamacu to noano sũho jiltina ne jisi mũsa —niha Jesu.

*Pache pũro Jesure sinitu ñũha*

*(Mt 19.16-30; Mr 10.17-31)*

<sup>18</sup> To ã niri baharo judio masa pũtoa mehne macariro Jesure ò sehe ni sinitu ñũha:

—¿Ne noariro, buheriro, jipihtia dachoripe Cohamacu mehne ji duacu, dohse yoaih-cari yũhũ? —niha tiro.

<sup>19</sup> To ã nichũ Jesu ò sehe ni yũhtia:

—¿“Noariro”, ni pisujari mũhũ yũhũre? Noariro sehe Cohamacu dihta jira. <sup>20</sup> Ahri Cohamacu dutiare masina mũhũ. “Numia mehne ñano yoacũ tjiga. Masare wajãecu tjiga. Yacaecu tjiga. Mahñoa mehne pairore yahusãecu tjiga. Mũ pũcusũmare ño payoga”, ni dutira Cohamacu —niha Jesu.

<sup>21</sup> To ã nichũ tiro Jesure ò sehe ni yũhtia:

—Tíre jipihtiare yũ wahma wahmũa tariro jiipta yũhdũrucaera tihi yũhũ —niha tiro.

<sup>22</sup> To ã nichũ tũhoro, Jesu tirore ò sehe ni yahuha:

—Mahanocã dũhsara mũhũre mũ yoa pahñohto. Jipihtiare mũ yare duai wahaga. Ñ yoacũ jipihtia mũ wapatare niñerure pãcũoinare waga. Mũ ã yoachũ pjiro mũ wapataa mũanopũ, Cohamacu cahapũ jiyuahca. Mũ ã yoari baharo yũhũ mehne macariro cjihto taga —niha Jesu tirore.

<sup>23</sup> To ã nichũ tũhoro tiro sehe payũ pache cãariro jiro tíre pãcũoinare wa duaeraro, tuaro cahya, waha wahaha. <sup>24</sup> To ã cahyachũ ñũno Jesu ò sehe ni yahuha painare:

—Pache pũa Cohamacu masare pũhoro to noano sũho jiropũre ti wahachũ basioera curera. <sup>25</sup> Camello sehe awicã copacãre to sãa nuhri wijaa duachũ basioerara. To ã jiro yũhdoro pache pũro pũhoro Cohamacu noano to sũho jiropũre to waha duachũ nu mijobiara —niha Jesu.

<sup>26</sup> To ã nichu tirore tũhoina õ sehe niha:

—Cue, mu nino sehetã potocã jichu, ne cũiro masũno Cohamacu caharu waha masieraboca —niha tina Jesure.

<sup>27</sup> Ti ã nichu Jesu õ sehe ni yũhtiha:

—Masa ti basi ti mu sũro yũhdu masierara. Wiho mejeta Cohamacu sehe masare pichacaru wahaborinare yũhdo masina. Tiro jipihitiare noano yoa masi pahũoriro jira —niha Jesu tinare.

<sup>28</sup> To ã nichu Pedro tirore õ sehe niha:

—Tũhosiniga. Sã sehe jipihitiã sã yare cũnocaa tii mũhu mehne wahana —niha tiro Jesure.

<sup>29</sup> To ã nichu Jesu õ sehe niha:

—Potocã musare niita nija. Mũsa Cohamacu yare yoana tana mũsa wũhusere, mũsa namosãnumiare, mũsa bahanare, mũsa pũcusũmare, mũsa pohinare cũnocarina jina, pjĩro wapatanahca mũsa mipũre. <sup>30</sup> Mũsa cũiro yũhdo wapatanahca. ã jina mũsa yariari baharo jipihitiã dachoripe Cohamacu mehne jirucunahca mũsa —niha Jesu tinare.

*Pari turi Jesu to yariahtore, to masa wijaahtore yahuha*

*(Mt 20.17-19; Mr 10.32-34)*

<sup>31</sup> ã yoa Jesu doce to buheinare ti sahsero naaha. ã naano tinare õ sehe ni yahuha:

—Tũhoga yũhũre. Mipũre mari Jerusalẽpu wahana nija. Tõpu yũhũre masũnore Cohamacu warocarirore Cohamacu yare yahu mũhtaina cjiri panõpu ti yahuriro cjiro sehetã paina ã yoaahca yũhũre. <sup>32</sup> Tõpu masa yũhũre ñahaa, judio masa jieraina sehere waahca yũhũre. Yũhũre ti wari baharo tina yũhũre bũjũpe, ñano ni, yũhũre chahcho puti sihõahca. <sup>33</sup> Tuhsũ, yuta dari mehne tjana tuhsũ wajãahca yũhũre. Ti ã wajãri baharo tia dacho wahaboroi masa wijaaihca yũhu —niha Jesu tinare.

<sup>34</sup> To ã nichu to buheina to yahuare noano tũho ñahaeraha. Cohamacu tíre tinare noano tũho ñahachũ yoerasiniha.

*Capari ñũerarirore ñũchũ yoaha Jesu*

*(Mt 20.29-34; Mr 10.46-52)*

<sup>35</sup> ã yoa Jesu cũhu Jericó wama tiri maca cahacãpu sũha. Tõci capari ñũerariro maha dũhtũ cahai duji, niñerure sinino niha. <sup>36</sup> ã jiro masa payũ to cahai ti yũhdũachũ tũhoro tiro sinituha tinare:

—¿Dohse yoaa payũ masa yũhdũjari? —ni sinituha tiro.

<sup>37</sup> —Jesu Nazare macariro waharo nina —ni yahuha paina tirore.

<sup>38</sup> Ti ã ni yahuchũ tũhoro tiro õ sehe ni sañurucuha:

—Jesu, Davi cjiro panamino masare yũhdohtiro, yũhũre pja ñũga —ni sañurucuha Jesure.

<sup>39</sup> To ã nichu to pano waha mũhtaina sehe, “Dihta mariaha”, ni tuhtiha tirore. Ti ã ni tuhtipachũta tó pano to sañurucuriro yũhdo curero sañurucu namoha tjoa:

—Davi cjiro panamino masare yũhdohtiro, yũhũre pja ñũga —ni sañurucuha tiro.

<sup>40</sup> To ã ni sañurucuchũ tũhoro, Jesu sehe tjuarũcu sũ, “Pjirocaga tirore”, niha. To ã nichu tina sehe capari ñũerarirore pji wahcãha. Ti ã pji wahcãchũ tiro Jesu caharu to sũchũ Jesu sehe tirore õ sehe ni sinituha:

<sup>41</sup> —¿Dohse yũ yoachũ cahmajari mũhu? —niha Jesu tirore.

—Yũ pũhoro, yũhũre ñũchũ yoaga —ni yũhtiha capari ñũerariro.

<sup>42</sup> —Ñũga. Yũhũre wacũ tuacu, noariro wahara mũhu —niha Jesu tirore.

<sup>43</sup> To ã nichũta capari ñũerariro ñũa wahaha. ã noariro waharo, tiro Jesu mehne waha, “Cohamacu tuariro jira”, niha tiro. ã jia masa payũ capari ñũerariro to ñũchũ ñũa “Cohamacu noariro, tuariro jira”, niha tina cũhu.

<sup>1</sup> ã yoa Jesu Jericóru sã, tí macaru yũdu wahcãno taro niha. <sup>2</sup> Pache pruro Zaqueo wama tiroto puhto ya cjihtire wapa na cohtaina puhtoro tói jiha. <sup>3</sup> ã jiro tiro Jesure “¿Diro baro jicari?” ni ñũ masino taro Jesure ñũ duamaha. ã to ñũ duapachũta yahparirocã to jichũ masa payũ tirocãre ducataha. <sup>4</sup> ã jiro tiro masare mũroca yũdũa waha, sicómoro wama tidũ yucũcũru mũjaha Jesure ñũno taro. Baharo curero tũ cahai Jesu yũdũaro taro niha. ã jiro Zaqueo tui cohtaro niha. <sup>5</sup> To ã cohta pisaro watoi Jesu sehe tũ dahpotoi sũrucã, Zaqueore ñũroca mũo, tirore õ sehe niha:

—Zaqueo mipũre mũ wũhũi tjuasinihtja yũhũ. ã jicũ cjero duji taga —niha Jesu tirore.

<sup>6</sup> To ã nichũ Zaqueo sehe soaro mehne duji ta, tuaro wahchea mehne to wũhũru pji wahcãha Jesure. <sup>7</sup> To ã ni piti bocachũ ñũa, jipihtina masa ti basi õ sehe ni durucuha:

—Ahriro Jesu ñaare yoariro ya wũhũru tinino waha duara —ni durucuha jipihtina ti basi.

<sup>8</sup> Zaqueo sehe piti boca tuhsũ tói ducu, Jesure õ sehe ni yahuha:

—Puhtoro tũhoga yũhũre. Jipihtia yũ yare dacho macai pjacũoinare waihtja. ã jicũ yũhũ pairore cien niñeru tũrire mahño mariro jicũ, cuatro cientos niñeru tũrire wapa bui payoihtja tirore —niha Zaqueo Jesure.

<sup>9</sup> To ã nichũ Jesu sehe õ sehe ni yahuha tirore:

—Michare mũhũre mũ wũhũi jiina cũhũre pichacaru wahaborinare Cohamacũ yũhdo tuhsũra. Mũhũ cũhũ Abrahã cjiro coyeiro jira. <sup>10</sup> Yũhũ masũno Cohamacũ warocariro pichacaru wahaborinare macai tai nii. Tóru wahaborinare noano yũhdoi tai nii —niha Jesu Zaqueore.

*Niñeru tũri uru tũri quitire yahuha Jesu  
(Mt 25.14-30)*

<sup>11</sup> ã yoa tirore tũhoinare Jesu paye quiti mehne piti dahre yahuha. Mahanocã dũhsaha Jerusalẽru to sũhto. ã jia tirore tũhoina õ sehe ni tũhotuha: “Puhtoro Cohamacũ mipũre sũho ji dũcaro taro nina”, ni tũhotuha tina. <sup>12</sup> Ti ã ni tũhotuchũ Jesu õ sehe ni yahuha tinare:

—Cũiro puhtoro sãhtiro to ya yahpa macaina bui puhtoro jihtiro yoaroru waharo taro niha. Tóru to sũchũ ñũno ti bui puhtoro tirore puhtoro sõno taro niha. Puhtoro sãhtiro ya maca macaina bui puhtoro sõno taro niha tirore. Baharo to ya wũhũru tju wihiro taro niha. <sup>13</sup> Wahmanore to wahahto pano puhtoro diez dahra cohtinare pjirocãha. ã pjirocaro, tiro tinare cãinare típe tũri niñeru tũri wapa bũjũa tũri uru tũrire waha. Wa tuhsũ, õ sehe ni yahuha tinare: “Yũhũ yũ mariachũ ahri niñeru mehne mũsa wapata namohtire macaga”, niha tiro dahra cohtinare. <sup>14</sup> Puhtoro sãhtiro to jipachũta to ya maca macainata tirore cahmaeraha. ã cahmaeraa, ti warohtinare tirore puhtoro sõhtirore yahu dutia warocãha. “Ahriro sã puhtoro jichũ cahmaeraja sã”, niha tina ti yahu duti warocãina sehe. <sup>15</sup> ã ti cahmaerapachũta baharo ti puhtoro sãaha tiro. ã puhtoro sãa tuhsũro tiro to wũhũru tju taha. ã tju wihiro tiro dahra cohtinare to niñeru mehne ti wapata namoare masino taro, tinare pjirocãha. <sup>16</sup> To pjirocaro baharo, wihi mũhtariro tirore yahuha: “Puhtoro mũ niñeru tũ, yũhũre mũ wari tũ mehne diez tũri wapata namohi yũhũ”, niha dahra cohtariro to puhtoro. <sup>17</sup> “Noano yoi jire mũhũ. Mũhũ noariro dahra cohtariro jira. Mũhũ mahanocã mehne yũ dutiro sehta yoa pahñoriro jicũ mipũ diez macari macaina ti puhtoro cjihto wahaihca mũhũ”, niha puhtoro dahra cohtariro. <sup>18</sup> To baharo wihiro tiro mehne macariro õ sehe niha: “Puhtoro, mũ niñeru tũ, yũhũre mũ wari tũ mehne cinco tũri wapata namohi yũhũ cũhũ”, ni yahuha to puhtoro. <sup>19</sup> “Cinco macari macaina puhtoro cjihto wahaihca mũhũ”, niha puhtoro tirore. <sup>20</sup> To ã niri baharo paio dahra cohtariro wihi, õ sehe ni yahuha: “Puhtoro, mũ niñeru tũ õi jira. Suhtiro cahsaro mehne coma, tí tũre wihbohi. <sup>21</sup> Mũhũ tuaro dahra dutiro jira. Paina yare mana mũhũ. Tuhsũ, tuaro dahra dutiro jicũ dahraeriro jipacũta mũhũ paina ya dahrari wapare nana. ã yoa toaeriro jipaihta dichare nariro jira mũhũ. ã jicũ mũhũre cui nihi”, niha to puhtoro “Wapataerahi

yũhũ”, ni yahuro. <sup>22</sup> “Mũhũ ã nicũ ñano yoariro jira mũhũ. Yũhũre mũ ã niri buhiri mũhũre buhiri dahrehtja yũhũ. Yũhũ mũhũre tuaro dahra dutiriro yũ jichũ masina mũhũ. Paina yare yũ nachũ toaerariro jipai dichare nariro yũ jichũ masina mũhũ. <sup>23</sup> Yũ ã jiriro jichũ ñũpacũta ya tũre niũeru wihbori wũhũpũ cũerare mũhũ. Tĩre ti wasori wapa wapata namoboa mũhũ. ¿Dohseacũ ã yoaerari mũhũ? Tĩre mũ yoachũ tju wihicũ wapata namoboa yũhũ”, niha ti pũhtoro. <sup>24</sup> Æ ni tuhsũ tiro cahai ducuinare dutiha: “Niũeru tũre maga tirore. Diez tũrire cjuarirore waga”, niha pũhtoro. <sup>25</sup> To ã nichũ tina sehe õ sehe ni yahuha tirore: “Pũhtoro, diez tũri cjuariro payũ cjuũ tuhsũra”, niha tina. <sup>26</sup> Ti ã nichũ pũhtoro õ sehe ni yũhtiha: “Mũsare niita nija. Jipihtina cjuainare wa namoihtja. Cjuærariro sehere mahanocã to cjuapachũta tĩre maihtja. <sup>27</sup> Mipũ pinihta yũhũre ñũ tuhtiinare yũhũre ti pũhtoro ji dutierinare yũ cahai na tahga. Æ yoana yũ ñũrocaro wajãga tinare”, niha pũhtoro dahra cohtainare —ni buheha Jesu.

*Jerusalẽpũ sũha Jesu*

*(Mt 21.1-11; Mr 11.1-11; Jn 12.12-19)*

<sup>28</sup> Æ ni tuhsũ Jesu paina pano Jerusalẽpũ wahaha. <sup>29</sup> Æ yoa tina Jerusalẽpũ ti sũhto panocã tũcũ Olivo wama tidũ dũhtũ cahai jiri maca Betfagẽ wama tiri maca cahai, ã jichũ Betania wama tiri maca cahai sũ mũhtaha. Tĩ macari pũũ maca cahai Jesu sũro, to buheina pũarore warocaro taro, õ sehe ni yahu quihõha:

<sup>30</sup> —Sĩ macapũ burrocãre nana wahaga. Tõpũ sũna, burrocãre ti dũhte daporiocãre boca sũnahca. Tiro ne cũiro ti pisamahnoerarirocã jica. Tirocãre bocana, yuta dare pjã, na tabasaga yũhũre. <sup>31</sup> Tirocãre mũsa pjãchũ ñũno, cũiro dohse jiriro “¿Dohse yoana tana burrocãre dũhte dapori dare pjãjari mũsa?” to nichũ tũhona õ sehe ni yũhtiga tirore: “Mari pũhtoro burrocãre cahmarocasiniire”, ni yahuga tirore —ni yahu duti warocaha to buheina pũarore.

<sup>32</sup> To ã nichũ tina pũaro sehe to niriropũ sũha. Ti ã sũchũ jipihtia Jesu to niriro seheta wahaha. <sup>33</sup> Æ jia tina tirocãre ti pjãchũ ñũũ tirocã pũũ tinare õ sehe ni sinituha:

—¿Dohse yoana tana burrocãre dũhte dapori dare pjãjari mũsa? —ni sinituha tina.

<sup>34</sup> —Mari pũhtoro burrocãre cahmarocasiniire —ni yũhtiha tina.

<sup>35</sup> Æ ni yahu tuhsũ tirocãre Jesu cahapũ na sũha. Na sũ tuhsũ ti bui sãa suhtire tirocã bui pjũpaha payo tuhsũchũ ñũ, Jesu sehe tirocã bui to mũja pjachũ yoadohoha tina. <sup>36</sup> Jesu tirocã bui to pisachũ to wahahto pano masa ti bui sãa suhtire tjuwe na, to wahahti mahai saño cũ mũhtaha, Jesure ño payoa. <sup>37</sup> Tina Jerusalẽ cahacãpũ sũ, Olivo wama tidũ dujiari mahapũ sũha. Tõpũ Jesu to buhechũ tũhoina payũ jipihtia Cohamacũ tuaa mehne to yoa ñorire, noaa to yoarire ti ñũri cjirire wacũũ, Cohamacũre “Noariro, tuariro jira”, ni saũurucuha. Æ yoa Cohamacũre ño payoa, õ sehe ni saũurucuha:

<sup>38</sup> —Ahriro Cohamacũ to warocariro, mari pũhtoro noano jijaro. Mũano macaina noano jijaro. Mũano macariro Cohamacũ, mũhũ tuariro waro jira —ni ño payoha tina.

<sup>39</sup> Ti ã nichũ tũhoa fariseo curua macaina mahainacã ti watoi jiina Jesure õ sehe ni yahuha:

—Buheriro, mũ buheinare dihta mariea dutiga —niha tina.

<sup>40</sup> —Mũsare niita nija. Tina ti saũurucuerachũ tãa peri sehe saũurucuboa —niha Jesu fariseo curua macainare.

<sup>41</sup> Æ ni tuhsũ Jesu Jerusalẽ cahacãpũ sũ, tí macare ñũrocaro, tiha. <sup>42</sup> Õ sehe niha tiro: —Jerusalẽ macaina mipũ pinihtare mũsare pichacãpũ wahaborinare Cohamacũ to yũhdohtore mũsa masichũ noa yũhduaboa. Æ jipachũta mipũre mũsa tĩre ne tũho duaerare. Æ jiro Cohamacũ tĩre mũsare masi dutierare. <sup>43</sup> Mũsare ñũ tuhtiina mũsa jiri macare soroahca. Æ yoaa mũsare tina wijaaro wasi. <sup>44</sup> Tĩ pjata tina mũsa ya macare cohã pahũoahca. Mũsa cũhũre wajãahca. Mũsare ñũ tuhtiina noano cohã pahũoahca mũsa ya macare. Cohamacũ pichacãpũ wahaborinare mũsare to yũhdohtore mũsa masi duaerare. Mũsa masi duaerari buhiri mũsare ñũ tuhtiinare Cohamacũ mũsare cohã dutirohca —niha Jesu Jerusalẽ macainare.

*Cohamacu wuhuru Jesu suha*  
(Mt 21.12-17; Mr 11.15-19; Jn 2.13-22)

<sup>45</sup> Ñ yoa Jerusalēru sūro, Jesu Cohamacu wuhuru sãa wahaha. Ñ yoaro pache duainare tí wuhuru jiiinare boca sūro, tinare cohã wionocaha. <sup>46</sup> Õ sehe niha tiro tinare:

—Õ sehe nina Cohamacu yare ti joari pūi: “Yū wuhū Cohamacu mehne durucuri wuhū wama tirohca”, niha to yare ti joari pūi. To ã nipachuta mūsa sehe ahri wuhūi duana, mūsa basi cahma yacara mūsa —niha Jesu.

<sup>47</sup> Ñ yoa dachoripe Cohamacu wuhuru Jesu buheha. Ñ jia sacerdotea puhto, judio masare buheina, masa puhto cūhu tirore ti wajāhti cjihtire wacū macaha. <sup>48</sup> Masa jipihtina tirore ã tūhorucua, to buheare noano tūho nūnūina jiha. Ti ã noano tūho nūnūchū ñna, Jesure wajā duaina sehe tirore ti wajāhtire bocaerasiniha.

## 20

*Sacerdotea puhto, judio masare buheina, bucuna mehne Jesure sinitu ñna*  
(Mt 21.23-27; Mr 11.27-33)

<sup>1</sup> Pa dachoi Cohamacu wuhūi Jesu masare noaa buheare buhero niha. To ã buhechū sacerdotea puhto, judio masare buheina, bucuna mehne tiro caharu wihia, tirore õ sehe ni sinitu ñna:

<sup>2</sup> —Yahuga sãre. ¿Dohseacu canure ã yoari mūhu? ¿Noa mūhure tíre ã yoa dutiri? —niha tina Jesure.

<sup>3</sup> Ti ã nichū Jesu õ sehe ni yūhtiha tinare:

—Mūsa sehere sinitu mūhtaihtja. Yahuga yūhure. <sup>4</sup> ¿João masare to bautisachū diro baro sehe tirore bautisa dutia tiari, mūsa tūhotuchū? ¿O Cohamacu dutiera tiari? ¿O masa sehe dutia tiari, mūsa tūhotuchū? —ni sinituha Jesu tinare.

<sup>5</sup> To ã nichū tina sehe ti basi õ sehe niha:

—¿Dohse ni yūhtinahcari mari? “Cohamacu Joãore dutia tiri jire”, mari nichū, “¿Dohseana Cohamacu Joãore to dutipachuta tirore tūho duaerari mūsa?” niboca Jesu marine. Ñ jina “Cohamacu Joãore dutia tiri jire”, ni yūhti masieraja mari. <sup>6</sup> Ahriina masa sehe “Potocãta João Cohamacu yare yahu mūhtariro jira”, ni tūhotua tina. Ñ ni tūhotua “João to bautisachū Cohamacu tirore dutierari jire”, mari nichū tūhoa marine tãa mehne docaboca masa. Ñ jina tí cūhure yahu masieraja mari —ni durucuha tina ti basi.

<sup>7</sup> Ñ ni durucu tuhsua tina Jesure õ sehe ni yūhtiha:

—Joãore bautisa dutirirore sã masieraja —niha tina.

<sup>8</sup> Ti ã nichū Jesu õ sehe ni yūhtiha:

—Tí pja pinihta yūhu cūhu mūsa sinitu mūhtarire yahueraja mūsare. Ahrire yū yoarire dutirirore yahueraja mūsare —niha tiro tinare.

*Ñaina dahra cohtaina quitire yahuha Jesu*  
(Mt 21.33-44; Mr 12.1-11)

<sup>9</sup> Ñ yoa Jesu to tūhotua mehne piti dahre õ sehe ni buhe dūcaha masare:

—Wese pūro se dari cjihtire toaha. Toa tuhsū, tí wesere painare cū buhusehe coa pahma cūha. Pahma cūno tí wesere tinare ñū wihbo dutiha. Ñ duti tuhsū pa yahpapū waha, yoari pja bajueraha. <sup>10</sup> Tuhsū, se ñiri pja jichū wese pūro to cahamacunore wesere ñū wihboina caharu warocaha. Wese macaa to toaa dichare to ya coa macaare na dutiro warocamaha. Ñ jia ñū wihboina sehe to cahamacunore wiho piti boca cjanocaha tirore. Ñ cjanocaa, tina tirore dichare waerapahta tjuaa dutiha tirore. <sup>11</sup> Ñ jiro wese pūro paio to cahamacunore tí wese macaa toaa dichare na dutiro warocamaha tjoa. Ñ jia wesere ñū wihboina tiro cūhure cjã, ñano yoaha. Ñ yoa tuhsū tirore tí dichare waerapahta tjuaa dutiha tjoa. <sup>12</sup> Tirore ti ã yoari baharo wese pūro paio cahamacunore warocamaha tjoa. To ã warocachū ñna, wesere ñū wihboina sehe tiro cūhure cami dahre, tí wese dūhtū cahai cohānocaha tirore.

<sup>13</sup> 'Ti ã yoari baharo wese pũro õ sehe ni tũhotumaha: “¿Dohse yoaihcarì yũhũ? Õ sehe yoaihtja. Yũhũ yũ macũre yũ cahĩrìrore warocaihtja. Tina tirore ño payoboca”, ni tũhotumaha wese pũro sehe. <sup>14</sup> ã jia to macũnore to warocarìrore to sachũ ñũa ñũa wihboina sehe ti basì õ sehe ni durucuha: “Ahrìro wese pũro macũno jira. Baharo ahri wesere cjuahitiro jira. Tìrore wajãjìhna. Mari ã yoachũ ahri wese mari ya wese tjuarohca”, nimaha tina ti basì. <sup>15</sup> ã ni tuhsũa wese pũro macũnore wese dũhtũ cahai cohã, wajãnocaha tirore. ¿Ti ã yoachũ ñũno dohse yoarohcarì wese pũro wesere ñũ wihboinare? —niha Jesu.

<sup>16</sup> —Tìro wesere ñũ wihboinare wajãno taro, paina sehere wesere ñũ wihbo dutìrohca —ni yũhtiha Jesu to basì.

To ã nichũ tũhoa masa sehe õ sehe niha:

—Marine ã wahaero tjjaro —niha tina.

<sup>17</sup> Ti ã nichũ Jesu sehe tinare õ sehe ni sinituha:

—¿Cohamacũ yare ti joarì pũre õ sehe ni durucua, dohse nino nijari, mũsa tũhotuchũ?: “Ahrìro Cristo tãca yoaro sehetã jira.

Tãcare wũhũ dahreina ti cohãno sehetã masa tirore cohãahca.

Ti ã yoapachũta mìpũre wũhũ dahreina wũhũre yoarã ti cũ mũhtari tãcare ti cũno sehetã Cohamacũ tirore pũhto sũhre”,

ni joaha. <sup>18</sup> Jìpihtina tia tãca bui bora pjainare payũ dihicã peri yìhsorohca tia tãca. Tuhsũ, tia tãca masũno bui bora pjaro, tahãnocanohca tirore. ã tahãno to pjacũ cjirore daa manaricã wahachũ yoarohca. (Tó sehetã yũhũre cahmaeraina, yũ buhiri dahrehtina ñãno yũhduahca) —niha Jesu.

Pũhtoã ya wapare paina sinituha Jesure

(Mt 21.45-46; 22.15-22; Mr 12.13-17)

<sup>19</sup> To ã nichũ tũhoa judio masare buheina sacerdotẽa pũhtoã cũhũ, “Jesu wesere ñũ wihboina quitì mehne marine tuhtiro nina”, ni tũhotuha tina. ã ni tũhotua tina Jesure ñãha duamaha. ã ñãha duapahta tina masare cui niha. <sup>20</sup> ã cuia, Jesure ti ñãhahtì pjare cohtasiniha tina. ã jia tina quihõno yoaina yoaro sehe jì mahũno dutìha painare. To ñãno ni yũhtichũ yoa duaã nimaha tirore yahusã duaã. ã jia Jesure sinitu dutia warocaha mahũoinare. Jesu ñãno to ni durucuchũ tũhoa tí yahpa macaina bui pũhtoro peresu yoa dutia taa nimaha. <sup>21</sup> ã jia tina Jesure mahũno cũ õ sehe ni sinitu ñũmaha:

—Buherìro, potocã durucurìro, mahũno marierìro mũ jichũ sã masija. ã jicũ wiho jìinare, pũhtoã cũhũre cũno potori yoara mũhũ. Mũhũ Cohamacũ yare potocã mũ buhechũ cũhũre sã masija. <sup>22</sup> Yahuga sãre. ¿Ne, Roma macarìrore jìpihtina bui pũhtoro gobierno macaare marine waparo cahmajari, mũ tũhotuchũ? ¿Mari dutia wapa dutijari, mũ tũhotuchũ? —ni sinituha tina Jesure.

<sup>23</sup> Ti ã nichũ tũhoru Jesu ti ñãno yoa duaare masino, tinare õ sehe ni yũhtiha:

<sup>24</sup> —Mìpũre niñeru tũre na tahga. Tí tũre ñũjìhna —niha.

Tí tũre ti na wihichũ ñũno õ sehe niha Jesu:

—¿Dìro baro masũ wahãjari ahri tũre? ¿Dìro baro wama wahãjari? —niha Jesu tinare.

—César, masa bui pũhtoro jìrore ya masũ, to wama cũhũ wahãna —ni yũhtiha tina.

<sup>25</sup> Ti ã nichũ Jesu õ sehe ni yãhuha:

—Tí pja pinihta masa bui pũhtoro yare tiro sehere waga. Cohamacũ yare Cohamacũ sehere waga —niha Jesu tinare.

<sup>26</sup> ã to noano yũhtichũ, masa ti ñũrocaroi Jesure ñãno ni durucuchũ yoa masieraha tina. ã jia Jesu yũhtiare tũhoa, tina cũaa waha, dihta mariea wahaha.

Saduceo curua macaina Cohamacũ to masoare sinituha Jesure

(Mt 22.23-33; Mr 12.18-27)

<sup>27</sup> ã yoa mahainacã saduceo curua macaina Jesu cahapũ wihìha. “Cohamacũ yariainare masosi”, ni tũhotuina jìha saduceo curua macaina. ã jia tina õ sehe niha tirore:

<sup>28</sup> —Buheriro, ò sehe ni buhea tiha Moise cjiro: “Cãiro to wahmino namo tiro pohna mariaparota to yariachũ ñano to bahũrore to wahmino namono cjirore nũoano cahmana. ã yoaro to wahmino mũnano to pohna tiboro seheta pohna tiro cahmana to bahũrore. ã jia to pohna to wahmino mũnano pohna yoaro sehe jahca”, ni joaa tiha Moise cjiro —niha tina.

<sup>29</sup> Tíre ni tuhsũ ahri quitire yahu namoha tjoa Jesure:

—Cãiro masũno jiha. Seis to bahana jiha. Ti wahmino sehe namo ti, pohna marieriro yariaa wahaha. <sup>30</sup> ã jiro paio to bahũro cũhũ to wahmino namono cjirore nũoaha. To ã nũoari baharo to wahmino yoaro seheta pohna mariaparota tiro cũhũ yariaa wahaha. <sup>31</sup> ã jiro ahriro bahũro cũhũ to wahmino mũnano yoaro seheta pohna mariaparota yariaa wahaha. ã dihta wahaha cãiro pohna waro. Ne pohna mariapahta yaria pihtia wahaha. <sup>32</sup> Ti namono cjiro cũhũ ti baharota yariaa wahaha. <sup>33</sup> ¿Ne Cohamacũ jipihtinare yariaina cjirore to masochũ diro namono sehe jibocari ticoro pototi? Tina jipihtina ticorore namo tirina cjiro jiha. ¿ã jiro diro baro namono jirohcarĩ? —ni sinituha tina.

<sup>34</sup> Ti ã nichũ Jesu ò sehe ni yũhtiha:

—Mipũ macaina wamomaca dũhtera. <sup>35</sup> Ti ã dũhtepachũta paina sehe pa turu macaina sehe ã jierara. Paina mũare, numia cũhũre to yainare Cohamacũ ñaa marieina jichũ yoarohca. Tina ti yariari baharo masa mũjaahca. ã yoa tina tópu wamomaca dũhterara. <sup>36</sup> ã jia tina anjoa yoaro seheta ne yariasi. Tina Cohamacũ to masorina jia, Cohamacũ pohna jira. <sup>37</sup> Mipũre yariarina cjiro ti masa wijaahto sehere mũsare yahuihtja. Tíre Moise cjiro noano yahu pahũoa tiha. To mahadũcã jũri quitire ò sehe ni yahua tiha tiro: “Yũhũ Abrahã, Isaa, Jacobo ti pũhtoro tjija”, ni yahure Cohamacũ yũhũre”, ni joaa tiha Moise cjiro. <sup>38</sup> Ti yariari baharo “Ti pũhtoro tjija”, ni yahua tiha Cohamacũ. ã nĩparota yariarina cjiro pũhtoro jierara Cohamacũ. “Ti pũhtoro tjija”, to nia mehne catiina ti jichũ masija mari. Tiro catiina pũhtoro jira. Jipihtina masa catira Cohamacũ to ñũchũ —niha Jesu tinare.

<sup>39-40</sup> To ã nichũ tina sehe pari turi Jesure sinitu duaeraha. ã jia mahainacã judio masare buheina ò sehe niha:

—Buheriro, mũhũ noano yũhtihre —niha tina Jesure.

*¿Diro baro coyero jijari Cristo?*

*(Mt 22.41-46; Mr 12.35-37)*

<sup>41</sup> Baharo Jesu ò sehe ni yahua tinare:

—“Cristo Davi cjiro panamino jirohca”, ni buhera paina. ¿Dohse yoa tina ã ni buhejari?

<sup>42</sup> Davi cjiro to basi Salmopũ to joari tjupe ò sehe ni joaa tiha:

“Cohamacũ yũ pũhtorore ò sehe nire: ‘Õi yũ poto bũhũsehei dujiga.

<sup>43</sup> ã jicũ mũhũre ñũ tuhtiinare mũhũre yũhdũrucabasaihca yũhũ’, nire Cohamacũ yũ pũhtorore”,

ni joaa tiha Davi cjiro. <sup>44</sup> ã ni joaro Davi cjiro pũhtoro tiha Cristore. Davi cjiro Cristo ñũchũno cjiro jiparota Cristore pũhtoro tiha. ¿Davi cjiro Cristo ñũchũno cjiro jiparota dohse jiro baro tiro pũhtoro tiari Cristore? —ni yahua Jesu. (Cristo sehe Davi cjiro pũhtoro jira.)

*Judio masare buheina ti ñaa yoare yahua Jesu*

*(Mt 23.1-36; Mr 12.38-40; Lc 11.37-54)*

<sup>45</sup> Masa payũ Jesure ti tũhoro watoi Jesu sehe to buheinare ò sehe ni yahua:

<sup>46</sup> —Mari judio masare buheina ti ñaa yoare ñũna noano wacũ masiga. ã jina ti yoaro sehe yoarena tjiga. Tina yoaa suhti sãa, masa ti ñũrocaroi majarea, pache duaropũ paina pũhtoare noano ño payo ti sinino sehe ti piti bocasinichũ cahmana tina. ã cahmaina jia, tina mari judio masa buhea wũhũsei noaa dujia dihtare bese duji duara. Tuhsũ, bose nũmũ jichũ tó cũhũre noaa dujia dihtare cahmana. <sup>47</sup> Tina wapewahya numia ya wũhũsere ti ya cũhũre mana tí numiare. ã yoina jia, tina masa ti ñũrocaroi yoari

pja Cohamacure sinimana masare ñu dutia. Ti ã yoachu tinare Cohamacu pjíro buhiri dahrerohca —niha Jesu tinare.

## 21

*Wapewahyoro Cohamacu wuhui to warire yahuha Jesu*

*(Mr 12.41-44)*

<sup>1</sup> Ñ ni yahu tuhsu niñeru wihbori caroi pache pua ti niñerure ti duhu sãachu ñu dujiro niha Jesu. Tí niñeru Cohamacu wuhure ti cahnochu ti wapahti jiha. <sup>2</sup> Ñ ñuno wapewahyoro pjacuricoro to pua tãcãre to duhu sãachu cãhure ñuha. <sup>3</sup> Tíre ñu tuhsu ò sehe ni yahuha:

—Potocã niita nija musare. Ahricoro wapewahyoro pjacuricoro sehe niñeru wihbori caropu duhu sãano paina jipihtina ti wari yuhdoro wahre ticoro sehe. <sup>4</sup> Paina pache pua pjíro ti wapachuta ti ya pjíro dũhsara. Ahricoro sehe pjacuricoro jiparota jipihtia to chũhtire to nuchũboacãre wa pahñohre —ni yahuha Jesu.

*“Cohamacu wuhu cohãri wuhu jirohca”, niha Jesu*

*(Mt 24.1-2; Mr 13.1-2)*

<sup>5</sup> Ñ yoa paina Cohamacu wuhure ò sehe ni ñua niha:

—Noaa tãa mehne yoari wuhu, noacari wuhu jijari. Masa Cohamacu ya wuhu cjihtire ti wari cjiri cãhu tí wuhupare noaca cãri jira —ni durucua niha.

Ti ã nichu Jesu ò sehe ni yahuha tinare:

<sup>6</sup> —Ahri jipihtia mari ñari cjiri wuhuse, ahri tãa cãhu cohõ pihtia wahaahca. Ne cãria tãca tjuasi —niha Jesu tinare.

*Pihtiri dacho cjihtore yahuha Jesu*

*(Mt 24.3-28; Mr 13.3-23)*

<sup>7</sup> To ã nichu tuhoa tina sehe ò sehe ni sinituha tire:

—Buheriro, ¿dohse jichu mu niriro sehe waharo ã waharohcari? ¿Pihtiri dacho panocã jichu dohse to waha ducachu ñunahcari sã? —ni sinituha tina Jesure.

<sup>8</sup> Jesu ò sehe ni yũhtiha tinare:

—Noano yoaga musa. Ñ jina musare paina ti mahñoare tuhoena tjiga. Payu masa “Cristo jija yuhu”, niina taahca. Ñ nia, “Mipure pihtiri dacho cjihto mahanocã dũhsara”, niahca. Ti ã nichu tinare tuhoena tjiga. <sup>9</sup> Ñ yoa paina “Cahma wajãa nina”, musare niahca. “Mipure puhtoare masa cohãa nina”, niahca. Musa tíre tuhona cuiena tjiga. Pihtiri dacho pano ò sehe waha mũhtanohca. To ã wahachu pihtiri dacho cjihto dũhsasinohca mini —niha Jesu.

<sup>10</sup> Ñ ni tuhsu ò sehe ni yahu namoha:

—Cũ yahpa macaina pa yahpa macaina mehne cahma wajãahca. <sup>11</sup> Tuhsu, tuaro yahpa ñuhmi, masa payu juca mehne yaria, jipihtiro macaina dohatiahca. Ñ yoa mũano macaa bajuamehneare masa ñua, ñu caaa wahaahca.

<sup>12</sup> Ahri jipihtia ti ã wahahto pano, paina musare ñaha, ñano yoahca. Tuhsu, mari judio masa buhea wuhusei tina musare yahusã, peresu yoahca musare. Ti ã yoachu yahpari macaina puhto panoi, macari macaina puhto panoi ducunahca musa ti yahusãhtina. Yu yaina musa jiri buhiri ã yoahca. <sup>13</sup> Ti ã yahusãchu musa sehe noaa buheare tinare yahunahca. <sup>14</sup> Tí pjare musare ti yahusãchu puhtorore musa yũhtihtore “Yahu masieraboca”, ni tuhoutuena tjiga musa. <sup>15</sup> Yuhu musare yahubasaihtja. Musare ã yoadohocu tuho masiare, noaa durucua cãhure musare yahuchu yoaihtja. Musa ã yoachu musare ñu tuhtiina sehe musa durucua tuho, “Tí potocã jierara”, ni yũhti masisi. <sup>16</sup> Tí pjare musa pũcũsuma, musa bahana, musa coyey, musa mehne macaina cãhu musare ñu tuhtiinare waahca musare yu yaina musa jiri buhiri. Ti ã yoachu musare ñu tuhtiina musa mehne macainare painare wajãahca. <sup>17</sup> Ñ yoa yu yaina musa jichu ñua, jipihtina musare ñu tuhtiahca. <sup>18</sup> Musare ã ñu tuhtipahta ne mahanocã musare ñano yoasi. <sup>19</sup> Ñ jina Cohamacure wacũ tuaina jiga musa. Musa ã yoana, Cohamacu mehne ã jirucunahca.



<sup>20</sup> Æ yoa payu surara Jerusalēpu ti soroachu ñuna, Jerusalēne ti cohãhto to mahanocã dũsachu masinahca m̄sa. <sup>21</sup> Ti ã yoachu ñua Judea yahpai jiina tãyucu cahapu m̄uroca duhtijaro. Æ yoa Jerusalēi jiina wahajaro. Æ yoa campoi jiina Jerusalēpu wahaeta tjjaro ti waha bahrañohto sehe. <sup>22</sup> Tí dachorihí buhiri dahrea dachorihí jipihtia Cohamacu yare ti joari pũ to niriro cjiro seheta ã waharohca. <sup>23</sup> Jipihtiropu ahri yahpai ñano yũhdũahca. To ã wahachu, niji wahcõa numia, ti pohñare pũina numia cũhu p̄jacuro wahaahca. <sup>24</sup> Paina ahri maca Jerusalē macaina mehne cahma wajãahca. Æ cahma wajãa, paina ahri maca macainare jipihtia yahparipu na wahcã, peresu yoaahca. Æ jia judio masa jieraina Jerusalēne ñano yoa, tinare yũhdũũcaahca. Judio masa jieraina ya dacho to pihtichũpu Jerusalē macainare ñano yoa duhuaahca —ni yahuha Jesu.

*Jesu yahpapu to tjua tahtore yahuha*

*(Mt 24.29-35, 42-44; Mr 13.24-37)*

<sup>25</sup> Æ ni yahu tuhsu, tinare õ sehe ni yahu namoha:

—Tí pjare sũ dacho macariro, ñami macariro, ñahpichoha cũhu cohtotaahca. Jipihtina ahri yahpa macaina “Cue, yarianahca”, ni tuhotuina pjiri ma macaa pahcõri cuaro choro ti bisiro coa tachũ tuhoa tuaro cuiahca. <sup>26</sup> Tí pjare m̄ano macaa yahpari, ñahpichoha cũhu tuaro ñuhmiahca. Ti ã wahachu ñua, masa sehe ahri yahpa to pihtihore cohtaa, tuaro cuiahca. <sup>27</sup> Tí pjata yũhu masano Cohamacu warocariro Cohamacu tuua mehne to si sitea mehne yũ tachũ ñuaahca masa. <sup>28</sup> Ahri ti ã waha dũcachũ ñuna, wacũ tuaina jiga. Æ jina m̄anopũ ñuga. Tí pjare Cohamacu m̄sare pichacapu wahaborinare to yũhdohto mahanocã dũsarohca —niha Jesu.

<sup>29</sup> Æ ni tuhsu ahri quiti mehne piti dahre buheha Jesu:

—Higueracũre, paye yucu cũhũre tuhotuga m̄sa. <sup>30</sup> Tí yucuri pũri tichũ ñuna, cũhma cjihto to mahanocã dũsachu masina m̄sa. <sup>31</sup> Tó seheta ahri jipihtia yũ niri cjirore ti ã wahachu ñuna, Cohamacu masare puhtoro to noano sũho jihti p̄ja mahanocã dũsachu masinahca m̄sa.

<sup>32</sup> M̄sare potocã niita nija. Tí p̄ja macaina ti yariahto pano jipihtia yũ niriro seheta ã waharohca. <sup>33</sup> M̄ano, ahri yahpa cũhu pihtia wahaahca. Yũ durucua sehe ne cohtotasi. Jipihtia yũ niriro seheta ã waha sohtori tiarohca.

<sup>34</sup> Yũ tjua tahti dachore ne masierara m̄sa. Æ jina noano yoaga. Bose n̄mũrine bujũna yoarucuenta tjiga. Æ jina cahaena tjiga. Ahri yahpa macaare pjiro tuhotuena tjiga. M̄sa yũ niriro seheta yoana, wacũenoca ahri yahpapu yũ tachũ m̄sa ne c̄asi. <sup>35</sup> Wahiquirore yurida wahiquirore wacũenoca to tuã suharo seheta wacũenoca taihca yũhu. Jipihtina ahri yahpa macaina ti masieraro watoi tí dachoi wacũenoca ã waharohca. <sup>36</sup> Noano wacũ masi cohtaga. Æ jina Cohamacũre ahrire ã sinirucuga: “Ahri pihtiri dachore ã wahachu yũhũre yoadohoga. Tuaare waga yũhũre ahrire noano yũ yũhdũhti cjihtire. Tuhsu, Cristore m̄ warocarirore cuiro marieno yũhũre piti bocachu yoaga”, ni siniga Cohamacũre —niha Jesu.

<sup>37</sup> Æ yoa tí dachorire Cohamacu wũhũ Jesu buheha tiha. Ñaminipe buhe tuhsuro Olivo wama tidũ tũcupũ waha, tórupũ ji bohrea tiha. <sup>38</sup> Bohrea taharipe jipihtina masa Cohamacu wũhũpu tirore tuhoa waha tiha.

## 22

*Sacerdotea puhto, judio masare buheina mehne wajã duaha Jesure*

*(Mt 26.1-5, 14-16; Mr 14.1-2, 10-11; Jn 11.45-53)*

<sup>1</sup> Æ yoa tí pjare bucaerari pãore ti chuhti bese n̄mũri mahanocã dũsaha. Tí bese n̄mũri pascua wama tiha. <sup>2</sup> Æ jia sacerdotea puhto, judio masare buheina mehne Jesure wajã duaa, ti wajãhtore wacũ macaha. Jesure wajã duapahta, masa sehere cuiha, “Suari”, nia.

<sup>3</sup> Æ yoa watĩno Juda Iscariotere ñano to yoa dutichũ Juda sehe yũhti tirore. Juda doce buheina mehne macariro jimaha. <sup>4</sup> Æ yoa tiro sacerdotea puhtoare, Cohamacu wũhũ

macaina surara pãhtoa mehne cãhure sũhũduro wahaha. Ti cahapũ sũ, tinare Jesure to ñohtore sũhũduha tina mehne. <sup>5</sup> To ã nichũ tũhoa, tina wahche, “Mũhure niñerure wapanahaja”, niha tina Judare. <sup>6</sup> Ti ã nichũ Juda “Jai, tirore mũsare ñohtja”, ni masa ti ñũeraro watoi Jesure ñũ tuhtiinare to ñohti ñamine cohtasiniha.

*Jesu buheina mehne to chũ batoari nũmũ jiha  
(Mt 26.17-29; Mr 14.12-25; Jn 13.21-30; 1Co 11.23-26)*

<sup>7</sup> Bũcaerari pão bese nũmũri ti ji dũcari dacho jiha. ã jiro pascua macaina cjihtire ovejare ti chũhtinare ti wajãhti nũmũ jiha. <sup>8</sup> Tĩ pjata Pedroro, João cãhure Jesu õ sehe ni yahuha:

—Bese nũmũri mari chũhtire cahnoyuna wahaga —niha Jesu tinare.

<sup>9</sup> —¿Mari pascua macaa chũhtire noho baroi cahnoyu dutirocaijari mũhũ sãre? —ni sinituha tina tirore.

<sup>10</sup> Ti ã nichũ Jesu õ sehe ni yũhtiha:

—Jerusalẽpũ mũsa sũchũ co situ wũariro mũsare piti bocarohca. To piti bocachũ tiro mehne wahaga. <sup>11</sup> ã wahana tiro to sũho sãari wũhũpũ sũna tí wũhũ pũrore õ sehe ni yahuga. “ ‘¿Dĩ tahtiai yũhũ yũ buheina mehne pascua macaa chũare chũnahcari?’ ni sinitu dutirocahure buheriro”, niga tí wũhũ pũrore. <sup>12</sup> Mũsa ã nichũ tũhoro, tũpũ mũano macari tahtiare pjiri tahtiare, noano ti cahnoyuri tahtiapũre mũsare ñonohca wũhũ pũro. Tũoi mari chũhti cjihtire dahrega mũsa —niha Jesu tinare.

<sup>13</sup> To ã nichũ tina tí macapũ wahaha. Tũpũ ti sũchũ tinare to niriro seheta wahaha. ã jia tina pascua macaa chũare dahreha.

<sup>14</sup> Ti chũri pja jichũ Jesu doce to buheina mehne chũ dujiha. <sup>15-16</sup> Tũpũ ti chũropũ dujiro Jesu tinare õ sehe ni yahuha:

—Mũsare niita nija. Ahri pascua bese nũmũrine mari dahreja Cohamacũ to yainare to yũhũdohtore wacũna. Baharo Cohamacũ masare pũhtoro to noano sũho jiropũ to yainare yũhũdo tuhsũrohca. To ã yũhũdohto pano ahri nũmũri baro macaare pari turi chũeraja yũhũ. ã jicũ mipũre ñano yũhũdũ, yũ yariahto pano ahri pascua macaa chũare mũsa mehne tuaro chũ duaã tihĩ —niha Jesu.

<sup>17-18</sup> ã ninota Jesu sihniri wahware na, Cohamacũre “Noana”, ni sini, tinare õ sehe ni yahuha:

—Mũsare niita nija. Cohamacũ jipihina bui pũhtoro to noano sũho jihto pano ahri vinore ne pari turi sihnisi yũhũ. ã jina ahri vinore na, mũsa basi witi, sihniga —niha Jesu.

<sup>19</sup> ã ni tuhsũ pão curire na, Cohamacũre “Noana”, niha. ã ninota, tí curire nuha, witiha tinare. Tĩ curire witirota, tinare õ sehe ni yahuha:

—Ahri yũ pjacũ jira. Yũ pjacũ yũhũre ñũ tuhtiinare ti wari pjacũ jirohca. Mũsa ñaa yoari buhirire cohãcũ tacũ yariaihca yũhũ. ã jina yũhũre mũsa wacũhti cjihtire ahrire chũga —niha Jesu.

<sup>20</sup> ã chũ tuhsũ tũ seheta tiro tinare sihniri wahwa cãhure waha. ã waro, tinare õ sehe ni yahuha:

—Mũsa ñaa buhirire cohãcũ tacũ yariaihca. ã yoacũ yũ dire cohãihca. Cohamacũ “Mũsare yũhũdohtja”, to niriro mũ sũchũ ã yũ yariaro mehne to niriro sohtori tirohca.

<sup>21</sup> Mipũre tũhoga mũsa. Yũhũre ñũ tuhtiinare yũhũre ñohtiro mipũre yũhũ mehne õi dujira. <sup>22</sup> Cohamacũ to dutiro seheta yũhũ masũno Cohamacũ warocariro yariaihca. To ã yaria dutipachũta yũhũre ñũ tuhtiinare ñoriro pinihta ñabiario yũhũdũrohca —niha Jesu tinare.

<sup>23</sup> To ã nichũ tina sehe ti basi õ sehe ni sinituha:

—¿Jesure ñũ tuhtiinare ñohtiro mari mehne macariro diro baro jicari na? —ni durucuha tina ti basi.

*“¿Mari mehne macariro diro sehe jicari na pũhtoro?” ni durucuha Jesu buheina ti basi*

<sup>24</sup> Baharo Jesu buheina õ sehe ni durucuha:

—¿Mari mehne macariro diro sehe jicari na pũhtoro? —ni durucuha ti basi.

<sup>25</sup> Ti ã ni durucuchũ tuhoro Jesu tinare õ sehe ni yahuha:

—Cohamacũre cahmaeraina puhto sehe ti masare dutia, purĩno mehne dutira. ã jia puhtoare “Tina masare yoadohoina jira”, nimana paina masa tinare. <sup>26</sup> Mũsa sehe tó sehe yoasi mũsa basi. Mũsa mehne macariro mũsa wahmi sehere to bahũro yoaro sehe jiro cahmana. Mũsa mehne macariro puhtoro ji duaro cahamacũno yoaro sehe jiro cahmana tirore. <sup>27</sup> ¿Diro jijari puhtoro? ¿Chũ dujiri sehe puhtoro jijari? ¿O chũre duhu payori sehe puhtoro jijari? Chũ dujiriota jica puhtoro. To ã jipachũta yũhu sehe cahamacũno yoaro seheta mũsare yoadohoi tai.

<sup>28</sup> Mũsa yũhũre ti ñano yoapachũta mũsa sehe yũhũre duhuerare. <sup>29</sup> ã jicũ yũ Pũcũ yũhũre to puhtoro sũriro seheta mũsa cũhũre puhto sũihtja yũhũ. <sup>30</sup> Yũhũ puhtoro yũ jichũ yũ chũri mesai mũsa cũhũ chũ, sihninahca. ã yoana mũsa puhto dujiare dujinahca. Mũsa tói dujina Israe masare doce curuari macainare besenahca mũsa ñaina, noainare —niha Jesu to buheinare.

*Pedro Jesure to cohãhtore yahuha Jesu*  
(Mt 26.31-35; Mr 14.27-31; Jn 13.36-38)

<sup>31</sup> ã ni tuhsũ Pedrore Jesu õ sehe ni yahuha:

—Simo Pedro yũhũre tuhoga. Mũsare jipihtinare yũhũre cohãchũ yoa duara watĩno. Trigo wese pũro to trigore to wã site cohãriro seheta mũsare jipihtinare watĩno ñano yoa duara “Ñaare yoajaro”, nino. ã yoa duaro, Cohamacũre sinihre. <sup>32</sup> To ã sinichũ ñũcũ yũhũ sehe Cohamacũre sini payohi mũhũre. Yũhũre mũ wacũ tua duhuerahũti cjihtire sini payohi mũhũre. ã jicũ mũhũ yũhũ mehne macariro pari turi jicũ mũ coyeare yũ yainare yoadohoga mũhũ —niha Jesu Pedrore.

<sup>33</sup> To ã nichũ Pedro õ sehe ni yũhtiha:

—Puhtoro, yũhũre ti peresu yoapachũta, yũhũre ti wajã duapachũta mũhũ mehne macariro jiihtja —nimaha Pedro.

<sup>34</sup> Jesu õ sehe ni yũhtiha:

—Pedro mũhũre niita nija. Micha ñami caraca to duhto pano “Jesure masieraja”, niihca mũhũ painare. Tia taha ã niihca mũhũ —niha Jesu Pedrore.

*Jesure ti ñano yoa dũcahto mahanocã dũhsaha*

<sup>35</sup> ã ni tuhsũ Jesu to buheinare õ sehe ni yahuha:

—¿Sohõ jiri pja mũsa niñeru wajuru marieina, pjiri wajuru marieina, dahpo suhti marieina mũsare yũ warocachũ paye baro dũhsari mũsare? —ni sinitu ñũha Jesu.

—Ne sãre yaba dũhsaerare —ni yũhtiha tina.

<sup>36</sup> —Tĩ pjare mũsare dũhsaerapachũta mipũ sehere niñeru wajurure cjuana tíre naga. Pjiri wajurure cjuana cũhũ naga. ã jina mũsare ñosari pjĩ mariachũ mũsa suhtire duana tí pjĩne nuchũga. <sup>37</sup> Ahrire mũsare nii nija. Cohamacũ yare ti joari pũi ti niriro seheta yũhũre ã waharo cahmana. Õ sehe niha tí pũi: “Tiro dutiare yũhdũrucaina mehne macariro jira’, niahca masa”, ni joaa taha —niha Jesu.

<sup>38</sup> —Ñũga puhtoro. Pũa pjĩ ñosaa pjĩnine cjuaja sã —niha to buheina.

—Tó puro tjica —ni yũhtiha Jesu.

*Getsemaní wama tiropũ Jesu Cohamacũre siniha*  
(Mt 26.36-46; Mr 14.32-42)

<sup>39</sup> ã yoa Jesu to ã yoarucuriro seheta Olivo wama tidũ tũcũpũ wahaha. To ã wahachũ to buheina tiro mehne wahaha. <sup>40</sup> Tópũ sũro tiro tinare õ sehe ni yahuha:

—Cohamacũre siniga ñano mũsa yoaerahũto sehe —niha Jesu tinare.

<sup>41</sup> ã ni tuhsũ tiro to sahsero mahanocã waha namo, na tuhcuca caha sũ, <sup>42</sup> Cohamacũre õ sehe ni siniha:

—Mai, yũ ñano yũhdũhtire yoa duaeracũ yoai tjia. Yũ ã nipachũta yũ cahmaa sehere yoai tjia. Mũhũ sehe masina. Mũ cahmano seheta yoaga yũhũre —ni siniha Jesu Cohamacũre.

<sup>43</sup> [To ã sinichu munopu duji tariro anjo Jesure bajua, yoadohoha tirore. <sup>44</sup> Tuhsu, Jesu ñano yajeripohna ti, tuaro mehne Cohamacure siniha. Ñ jia to so witia di yahpari yoaro sehe jia tirore wijaa, yahparu bora caha suha.]

<sup>45</sup> Cohamacure sini batoa wahcãrucu su, tiro to buheina cahapu wihia. Ñ to wihichu to buheina tuaro cahyaina jia, carã niha. <sup>46</sup> Ñ jiro Jesu tinare õ sehe ni yahuha:

—¿Dohseana carãna nijari musa? Wahcãga. Cohamacure siniga ñano musa yoerahto sehe —niha Jesu tinare.

*Jesure ñu tuhtiina tirore peresu yoaha*

*(Mt 26.47-56; Mr 14.43-50; Jn 18.2-11)*

<sup>47</sup> To ã ni durucuro watoi masa payu wihia. Juda doce buheina mehne macariro cjiro masare mu tã tariro jiha. Ñ jiro tiro Jesu cahai wihi, wahsupu wihmiha tirore. <sup>48</sup> To ã wihmichu Jesu tirore õ sehe ni sinituha:

—Judá, ¿yuhu masunore Cohamacu warocaritore yuhure ñu tuhtiinare ñocu yuhure wahsupu wihmijari muhu? —niha Jesu.

<sup>49</sup> To ã niri baharo Jesu buheina masa Jesure ti ñahahtire masia, tirore sinituha:

—Pũtoro, ¿sã ñosaa pjini mehne tina mehne cahmachema? —niha tina.

<sup>50</sup> Ti ã niri baharo cãiro Jesu buheina mehne macariro sehe sacerdotea bui pũtoro cahamacunore to ñosari pjí mehne to cahmonore pototo bũhusehei jiri cahmonore cjã pahrãnocaha. <sup>51</sup> To ã yoachu ñuno Jesu tirore õ sehe niha:

—Ñ yoai tjiga —niha.

Ni, cahamacuno cahmono jiro cjiro ña payoha. To ã ña payochuta cahmono munano seheta jiha tjoa. <sup>52</sup> Ñ yoa tuhsu sacerdotea pũtoare, Cohamacu wuhu macaina surara pũtoare, bucuna cũhure tirore ñaha tainare Jesu õ sehe ni sinituha:

—¿Dohse jiro baro musa ñosaa pjini, yucu tiri mehne yacaritore ti yoariro seheta musa yuhure ñahana tajari? <sup>53</sup> Dachoripe Cohamacu wuhuru musa mehne yu jichu, musa yuhure ne ñahaerare. Ñ jipachuta mipure musa ya dacho yuhure musa ñano yoahiti dacho jira. Mipu watino to ñano yoahiti dacho cũhu jira —niha Jesu.

*“Tirore masieraja”, niha Pedro Jesure*

*(Mt 26.57-58, 69-75; Mr 14.53-54, 66-72; Jn 18.12-18, 25-27)*

<sup>54</sup> Tina Jesure ñaha tuhsu sacerdotea bui pũtoro ya wuhuru naaha tina tirore. Ti tóru naachu Pedro yoaropu tinare ñu nunu tiha. <sup>55</sup> Pũtoro wuhuru su, tói wuhu cahai jiri wapai, noari wapa dacho macai pichaca wijãha paina. Ti ã wijãchu ñuno Pedro pichaca cahai dujiina mehne dujiha. <sup>56</sup> To ã dujiri baharo cũcoro cahamacono tirore noano ñu, painare õ sehe ni yahuha:

—Ahriri cũhu tiro mehne jihre —niha ticoro.

<sup>57</sup> To ã nichu tũhoru Pedro õ sehe ni yũhtiha:

—Numino, tirore ne masieraja yuhu —nimaha tiro.

<sup>58</sup> Ticoro to ã niri baharocãta paio Pedroro ñu, õ sehe niha tjoa:

—Muhu cũhu tina mehne macariro tjira —niha tiro.

—Ne jieraja —nimaha Pedro.

<sup>59</sup> Cũ hora baharo paio painare õ sehe ni yahuha:

—Potocã tjira. Ahriri Galilea macariro jira. Ñ jiro potocãta Jesu mehne jihre ahriri cũhu —ni yahuha tiro painare.

<sup>60</sup> To ã nichu Pedro õ sehe ni yũhtiha:

—Ne, mu nirirore masieraja yuhu —ni yũhtiha Pedro.

To ã ni durucuro watoi caraca duha. <sup>61</sup> To ã duchuta Jesu wuhu cahai jiro Pedroro majare ñurocaha. To ã yoachu Pedro sehe Jesu to yahurire wacũha. “Micha ñami caraca to duhto pano, ‘Yuhu Jesure masieraja’, niilha muhu. Tia taha ã niilha muhu”, Jesu to niri cjirire wacũha Pedro. <sup>62</sup> Ñ wacũno Pedro tóru jiro wijaa ta, tuaro tiirucuha.

*Jesure bujũpe, cjãha tina*  
(Mt 26.67-68; Mr 14.65)

<sup>63</sup> ã jia Jesure cohtaina surara tirore bujũpe, cjã mujaha. <sup>64</sup> ã cjã mujã, to caparire dũhte dũcata, tirore õ sehe ni sinituha:

—¿Diro mũhũre cjãjari? Ñũerapaihta yahuga sãre —ni sinitu, bujũpeha tina.

<sup>65</sup> ã jia payũ ñano ni durucuha tina tirore.

*Jesure pũhtoa sinituha*  
(Mt 26.59-66; Mr 14.55-64; Jn 18.19-24)

<sup>66</sup> Bohrearoj judio masa bũcũna, sacerdotea pũhtoa, judio masare buheina cũhũ cahmachuha. Ti ã cahmachunoi paina tina cahapũ Jesure na taha.

<sup>67</sup> —Yahuga sãre. ¿Cristota jijari mũhũ? —ni sinituha tina Jesure.

Ti ã nichũ Jesu õ sehe ni yũhtiha:

—Mũsare yũ yahuchũ, yũhũre tũhosi mũsa. <sup>68</sup> Mũsare yũ sinituchũ yũhũre yũhtisi mũsa. <sup>69</sup> Mũsa yũhtierapachũta baharo curero jipihtia dachoripe yũhũ masũno Cohamacũ warocariro Cohamacũ tua yũhũariro to poto bũhũsehei dujihtja —niha Jesu.

<sup>70</sup> To ã nichũ tina jipihtina sinituha tjoa pari turi:

—¿Ã nicũ Cohamacũ macũnota jijari mũhũ? —niha tina.

—Tirota jija mũsa nino seheta —ni yũhtiha Jesu tinare.

<sup>71</sup> To ã nichũ tũhoa, tina õ sehe ni durucuha ti basi:

—Ahriro Cohamacũre pjĩro to ñano durucuchũ mari basi tũhohi. ã yoa ahrirore yahusãina tũpeina tjijaro. (Tũpeina mehne tirore mari wajã duti masija) —niha tina ti basi.

## 23

*Pilato Jesure sinituha*  
(Mt 27.1-2, 11-14; Mr 15.1-5; Jn 18.28-38)

<sup>1</sup> ã ni tuhsũ tina jipihtina wahcãrũca, Jesure Pilato cahapũ naaha. <sup>2</sup> To cahapũ na sũa, Jesure yahusã dũcaha:

—Ahriro mari ya yahpa macainare to ñano yoa dutichũ sã tũhohi. Mari bui pũhtoro ahriro wapa dutierara. Tuhsũ, tiro “Pũhtoro jija. Cristo masare yũhũdohtiro jija yũhũ”, ni durucure to basi —ni yahusãha tina Jesure.

<sup>3</sup> Ti ã ni yahusãri baharo Pilato Jesure õ sehe ni sinituha:

—¿Judio masa pũhtorota jijari mũhũ? —niha tiro Jesure.

—Mũ nino seheta tiro tjija —ni yũhtiha Jesu.

<sup>4</sup> To ã nichũ Pilato sacerdotea pũhtoare, masa cũhũre õ sehe ni yahuha:

—Ahriro yaba buhiri mariahna —niha tiro.

<sup>5</sup> To ã nipachũta tina tuaro yahusã namoha:

—Tiro to buhea mehne masare cahmachechũ yoara. Galilea yahpai tiro tíre yoa dũcare. ã yoa dũca tuhsũ jipihtiro Judea yahpapũ tíre tiro yoare. Mĩpũ õpũ cũhũre tíre yoaro taro nina —ni yahusãha tina.

*Herode Jesure sinituha*

<sup>6</sup> Ti ã ni yahusãchũ tũhoro Pilato sehe õ sehe ni sinituha:

—¿Ahriro Galilea macariro jijari? —niha tiro.

<sup>7</sup> —Tó macariro tjira —ni yũhtiha paina.

Ti ã ni yũhtichũ tũhoro Pilato sehe Jesu to jiri yahpare masino pũhtoro Herode ya yahpa macariro Jesu to jichũ masiha. Tíre masino Jesure Herode cahai warocaha. Tí pjare Herode Jerusalẽi jia tiha. <sup>8</sup> Tó panopũ Herode Jesure tũhoa tiha. To ã tũhori baharo yoari pja baharo tirore ñũ duaha. Jesu Cohamacũ tuua mehne to yoa ñochũ ñũ duamaha tiro. ã jiro tiro Jesure ñũno, wahcheha. <sup>9</sup> ã jiro payũ tahari sinituha Jesure. To ã sinitupachũta Jesu ne yũhtieraha tirore. <sup>10</sup> Sacerdotea pũhtoa, judio masare buheina cũhũ Herode cahai wahcãrũca, tuaro Jesure yahusãha. <sup>11</sup> Ti yahusãri baharo, Herode to surara mehne

bujupe, Jesure ñano yoaha. Ñ bujupea, noari suhtirore puhtoro to sãari suhtiro yoaro sehe bajuri suhtirore sãaha tina Jesure. Ñ bujupe tuhsu, tirore Pilato cahapu warocaha tjoa. <sup>12</sup> Tí dachore Herode, Pilato mehne noano ti basi cahma yoaina ji dũcaha. Tó panore ti basi cahma ñu tuhtiina jisnimaha.

*Masa Jesure wajã dutiha*

(Mt 27.15-26; Mr 15.6-15; Jn 18.39-19.16)

<sup>13</sup> Ñ yoa Pilato sacerdotea puhtoare, paina puhtoare, masa cũhure to pjirocachu, cahmachuha. <sup>14</sup> Ti cahmachu pihtichu ñuno õ sehe niha Pilato tinare:

—Ahriroro yuhure na tana, “Tiro masare ñano yoa dutira”, nimahre m̄sa yuhure. Mip̄ m̄sa ñurocaroi ahriroro noano sinitu pahñohi tjoa. Yu ã sinituri baharo m̄sa tirore ã yahusãrucuchu tirore ñaa buhiri ne mariaha, yu ñuchu. <sup>15</sup> Herode cũhu tirore “Ne, ñaa buhiri mariaha”, nihre. Ñ nino ahriroro pari turi sãre wa majare tjuhre tjoa. Ñ jina ahriroro to ñaa buhiri mariachu tirore m̄sa wajã duti masierara. <sup>16</sup> Ñ jicu tirore yuta dari mehne tjana dutiuhca yuhu. Ñ ti tjanari baharo tirore wiohtja —nimaha Pilato masare.

<sup>17</sup> [Cũhmaripe pascua bose num̄rine masa yairo cjihtore cũiro peresup̄ jirirore Pilato wiobasa m̄jaa tiha.] <sup>18</sup> Ñ jia Pilato “Jesure wiohtja”, to nichu tũhoa jipihtina masa õ sehe ni sañurucuha:

—Tirore Jesure wajãga. Sã yairo cjihtore Barrabá sehere sãre wiobasaga —ni sañurucuha masa.

<sup>19</sup> Tí pjare Barrabá wama tiroro Jerusalẽpu puhtoare cohã duaina mehne macariro, masunore wajãriro peresup̄ jiha. Ñ jia tirore masa wio dutia niha. <sup>20</sup> Pilato Jesu sehere wio duamaha. Ñ jiro tiro masare sinitu ñuha tjoa. <sup>21</sup> To ã wio duapachuta tina tirore õ sehe ni sañurucuha tjoa:

—Crusap̄ cã puha wajãga tirore. Wajãga tirore —ni sañurucuha tina.

<sup>22</sup> Ti ã nichu Pilato tia taha waharoi õ sehe nimaha tinare:

—¿Yabare ñano yoari tiro m̄sa ã ni sañurucuchu? Ne tirore ñaa buhiri mariaha. Ñ jicu tirore wajã duti masieraja. Tirore yuta da mehne tjana dutiuhca. Tó purota yoa dutiuhca. Ñ yoacu wioihca tirore —niha Pilato.

<sup>23</sup> To ã nipachuta tina tuaro mehne sañurucu namo, Jesure crusap̄ wajã dutiha. Ti ã ni sañurucuchu tũhoro ti cahmariro seheta Pilato yoaha. <sup>24</sup> Tirore ti siniriro seheta Pilato Jesure wajã dutiha. <sup>25</sup> Ñ dutiro tiro peresup̄ jirirore masare cahmachechu yoariroro, masare wajãrirore masa ti siniriro seheta Pilato Barrabá sehere wioha. Tuhsu, Pilato Jesure crusap̄ wajã dutiha.

*Tina Jesure crusap̄ cã puha, wajãha*

(Mt 27.32-44; Mr 15.21-32; Jn 19.17-27)

<sup>26</sup> To ã wajã dutichu tina Jesure wajãa waha, naaha. Tí pja ti ã yoaro watoi Simo wama tiroro Cirene macariro campop̄ suriro wihiha. Jerusalẽpu to wihihu ñua Jesure naaina tirore piti boca, ñaha, Jesu to wuari crusare tirore wua wahcã dutiha Jesu baharo.

<sup>27</sup> Ñ yoa masa payu Jesure ñu nunu tiha. Ñ jia masa watoi jia numia tirore ti ã yoachu ñua tuaro tiha. <sup>28</sup> Ti ã tiichu tũhoro, tí numiare Jesu majare ñu, õ sehe niha:

—Jerusalẽ macaa numia, yuhure tiiena tjiga. M̄sa basi, m̄sa pohna m̄sa ñano yuhdũhtire masina, tiibasaga. <sup>29</sup> Paye dachori jichu ñabiaro yuhdũnahca m̄sa. Tí pjare masa õ sehe niahca: “Pohna mariea numia, pohna tierari numia, pũera numia mip̄ mari jichu noabiaboa”, niahca masa. <sup>30</sup> Tí pjare tũcure õ sehe ni durucuahca masa. “Mũhu tũcu sã buip̄ bora pjaga. Sãre dũcatahga”, niahca masa cuia. <sup>31</sup> Masa buhiri marieroro yuhure õ sehe ti yoachu, ñaa buhiri cjuaina sehe ñabiaro wahaahca —niha Jesu.

<sup>32</sup> Paina puaro, dutiare yuhdũrucaina ti jichu tina cũhure Jesu mehne ti wajãhtinare naaha tina. <sup>33</sup> Tinare naa, “Dapu cohã”, wama tirore su, crusap̄ Jesure cã puha õha. Puaro yuhdũrucaina cũhure pairoro to poto bũhusehei, pairoro to cõ bũhusehei cã puha õha. <sup>34</sup> [Ti ã yoachu Jesu õ sehe niha:

—Mai, ahrina mipu ti ñaa yoirire boga tinare. Tina ti dohse yoirire masierara. Ñ jicu ti ñaa yoari buhirire boga —niha Jesu.]

Ñ yoa Jesu suhtire cahma witia tina docapeha. To suhti cjrيره “Noa yaro jirohcari ò”, ni cahma docapeha tina. <sup>35</sup> Tuhsu, masa tói ducuina ti ñurucuro watoi judio masa puhto Jesure ò sehe ni bujupaha:

—Tiro paina masare yariaborinare yoadohoyumahtiro. Ñ jiro tiro Cristo Cohamacu to beseriro jiro, mipu yariaboriro jiro, to basi yoadohojaru —ni bujupaha tina.

<sup>36</sup> Surara cūhu tire bujupaha. Jesu cahai sua, tina tire ñaa co vinore wamaha. <sup>37</sup> Tíre waa, ò sehe niha tina:

—Mūhu judio masa ti puhtoro jicu mu basi yoadohoga. Ñ jii yūhdu witiihca mūhu —ni bujupaha tina.

<sup>38</sup> Ñ yoa tiro bui ti cǵa puha òri pǵine ò sehe ni joaha: “Ahriru judio masa bui puhtoro jiriro jira”, ni joaha. (Griego ya mehne, Roma macaina ya mehne, judio masa ya mehne ã ni joaha.)

<sup>39</sup> Pairo tiro mehne ti cǵa puha daporiro yūhdurucariro sehe ò sehe ni, ñano durucuha Jesure:

—¿Mūhu Cristo masare yūhdoriro jierajari? Mu basi, sã cūhure yoadohoga —niha tiro Jesure.

<sup>40</sup> To ã nichu tūhoro pairo yūhdurucariro Jesu poto būhusehei ti cǵa puha daporiro sehe tire ò sehe niha:

—Mari cūhure cūno potori buhiri dahrera tina. ¿Dohseacu Cohamacure ne ño payoerajari mūhu? <sup>41</sup> Marine ñaa buhirire yoaa, quihōno yoaa nina tina. Ñaare mari yoari buhiri marine buhiri dahrera tina. Ahriru sehe ñaare yoerare —niha tiro pairo yūhdurucariro.

<sup>42</sup> Ñ nino, tiro Jesure ò sehe niha:

—Jesu, mūhu puhtoro jicu, tjua tacu, yūhure wacūga —niha tiro Jesure.

<sup>43</sup> To ã nichu tūhoro, ò sehe niha Jesu:

—Mūhure ahrire nii nija. Michare paraíso wama tiropu mūhu yūhu mehne jiihca —niha Jesu tire.

### *Jesu yariaa wahaha*

(Mt 27.45-56; Mr 15.33-41; Jn 19.28-30)

<sup>44</sup> Ñ yoa cohari pja jichu sū si duhua wahaha. Ñ jiro jipihtiro tí dihtapure tia hora waro noano nahitiano jiha. <sup>45</sup> Nahitiano to jiro watoi, Cohamacu wūhu macari suhtiro, ducataro suhtiro dacho maca waroi bui sehe tūhnū bora ta, puca cahsaro tūhnūroca yoja sua wahaha. <sup>46</sup> Ñ jiro Jesu ò sehe ni tuaro sañurucuha:

—Mai, yu catiare mūhure wiaja mu ñu wihbohto cjihtore —ni sañurucuha Jesu.

Ñ ni tuhsu yariaa wahaha.

<sup>47</sup> To ã yariachu ñuno, surara puhtoro sehe “Cohamacu tuariro jira”, nino: “Ahriru Jesu cjiro potocāta noariro jiri jimana”, niha surara puhtoro.

<sup>48</sup> Ñ jia ti wajāchu ñua tarina Jesu to yariachu ñua, ti wūhusepu tjuaa wahaha. Tjuaa waha, ti ñaa yoirire cahyaa mehne ti pēbuhui cǵa ò wahcāha. <sup>49</sup> Jipihtina Jesu yaina tiro mehne macaina, Galileapu tiro mehne tari numia cūhu Jesure yoaropu ñurocarucia niha.

### *Jesu pjacure masa copapu na sãa duhu payoha*

(Mt 27.57-61; Mr 15.42-47; Jn 19.38-42)

<sup>50-51</sup> Tí pjare José wama tiro tói jiha. Judea yahpai jiri maca Arimatea wama tiri maca macariro jiha. Tiro noariro, quihōno yoariro jiro, Cohamacu to puhtoro ji ducatore cohtariro jiha. Ñ jiro tiro judio masa puhto mehne macariro jiparota Jesure ti wajā dutichu cahmaeramaha tiro. <sup>52</sup> Ñ jiro Pilato cahapu su, Jesu pjacure siniha. <sup>53</sup> Sini tuhsu, Jesu pjacure na boro, noari suhtiro mehne to pjacure wahmaha. Ñ wahma tuhsu, masa copapu tācai ti sahari copapu na sãa duhu payoha to pjacure. Tí copare

ne paina yariainare duhu payoerasiniha mini. <sup>54</sup> Tí dacho Sabado dacho macaa cjihtire ti cahnoyuri dacho jiha. Sabado judio masa ti sori numu cjihto mahanocã duhsaha.

<sup>55</sup> ã jia Galilearu Jesu mehne tari numia masa coparu José mehne wahaha. Masa coparu su, tí copare nu, Jesu pjacure ti duhu payorire nuha. <sup>56</sup> Baharo ti wuhusepu tjuaa waha, me sitia mehne wisõa co mehne cahnoha tina. Tuhsu, Sabado jichu Cohamacu to dutiare Moise cjirore to cûri to dutiriro seheta tina soha.

## 24

### *Jesu masa wijaaha*

(Mt 28.1-10; Mr 16.1-8; Jn 20.1-10)

<sup>1</sup> Domingo jichu bohrearopu tí numia ti me sitia ti cahnoyumarire Jesu masa coparu na wahcãmaha. <sup>2</sup> Tí coparu sua, tí copare bihari tâca pjõo ti duhu cûri tâcare nuha. <sup>3</sup> ã nuha tina tí coparu sãa wahaha. Jesu pjacure bocaeraha tina. <sup>4</sup> To pjacure bocaeraa, “¿Dohse wahapju?” ni tuhoutuha tina. Ti ã ni tuhoutu durucu coãno watoi puaro mua si sitea suhti tiina tina cahai ducuha. <sup>5</sup> Tóti ti ducuchu nu, numia cuia na tuhcuca caha suha. Tuhsu, mua sehe tí numiare õ sehe ni yahuha:

—¿Dohseana yariariro to jiriro cjirore tirore macajari musa? Mipure tiro catiriro jira. <sup>6</sup> Tiro õre mariaha. Masa wijaa tuhsuhre. ¿Sohõ jiri pjare Galilearu musa mehne jiro musare to niri cjirire wacujari musa? <sup>7</sup> “Yuhure Cohamacu warocarirore paio warohca ñainare. To ã wari baharo yuhure crusaru cã puha wajãahca tina. ã jicu yu yariari baharo tia dacho wahaboroi masa wijaahca yuhu”, ¿musare to nirire wacujari musa? —niha mua sehe.

<sup>8</sup> Ti ã nichu tuhoa, numia sehe Jesu to nirire wacuha. <sup>9</sup> Ti ã niri baharo tina tjuaa waha, once buheinare paina cûhure tíre yahu pahnoha. <sup>10</sup> Tí numia sehe María Magdalena, Juana, María Santiago pocoro jiha. Tí numia mehne paye numia cûhu jiha Jesu buheinare yahua numia. <sup>11</sup> Ti ã ni yahupachata Jesu buheina sehe “Potocã nia nieraca. Mahnopea nica ahri numia”, ni tuhoutumaha. ã jia tí numiare tuho duaeraha.

<sup>12</sup> Ti ã nichu tuho, Pedro sehe masa coparu meroa wahcã, nuho wahaha. Tí coparu su, tiro muhri caha, nueroa sõha. Jesure ti wahmari suhtiro dihtare nuha. “¿Dohse wahari na?” ni tuhoutu, tiro wuharu tjuaa wahaha.

### *Emau wama tiri macaru wahari maharu Jesu bajuaha*

(Mr 16.12-13)

<sup>13</sup> Tí dachoihta puaro Jesu buheina mehne macaina Emau wama tiri macaru wahaa niha. Jerusalẽ once kilómetro yoaro jira Emauru suhto. <sup>14</sup> Emauru wahaa, jipiehtia Jerusalẽi tí pjare to ã waharire Jesure ti ñano yoarire durucu wahcãa niha. <sup>15</sup> Ti ã ni durucuro watoi Jesu sehe ti caharu su, tina mehne wahaha. <sup>16</sup> Tirore nuhahta tina tirore “Jesu jira”, ni nu masieraha.

<sup>17</sup> —¿Dohse ni cahya durucu wahcãna nijari musa? —ni sinituha Jesu.

<sup>18</sup> To ã nichu tuhoa tina cahyaro mehne suruca, Cleofa wama tiriro sehe Jesure õ sehe ni yuhtiha:

—¿Mipure Jerusalẽi tiniriro jipaihta muhu dihta ti yoari cjirire masierajari? —ni sinituha tiro.

<sup>19</sup> —¿Dohse wahari Jerusalẽi? —niha Jesu.

To ã nichu tina õ sehe ni yuhtiha:

—Jesure Nazare macarirore ti yoarire nina nija. Tiro Cohamacu yare yahu muhtariro jimahre. ã jia to durucurire tuhoa to yoari cûhure nuha, “Tuariro jira”, ni tuhoutuha masa. Cohamacu cûhu ãta ni tuhoutuca. <sup>20</sup> Mari sacerdotia puhto, paina puhto mehne tirore wajã dutia, painare wahre. Ti ã wachu paina sehe tirore crusaru cã puha wajãhre. <sup>21</sup> “Roma macainare cohãhtiro Israe masa puhtoro cjihto jira”, ni tuhoutumahi sã tirore. Micha mehne tia dacho wahara tiro to yariari baharo. <sup>22-23</sup> Mahainacã numia sã mehne macaa numia sãre cuachu yoahre. Bohrearopu Jesu to masa coparu tí numia su, to



pjacure bocaerayuhti. To pjacure bocaeraa, tina tju wihi yahuhre. “Säre anjoa bajuahre. Jesu catiyuhti”, ni yahuhre numia sehe. <sup>24</sup> Ti ã nichu paina sã mehne macaina tí copapu su, numia ti niriro seheta ñnyuhti. Tina cñhu Jesure ñnerayuhti —niha tina Jesure.

<sup>25</sup> Ti ã niri baharo Jesu õ sehe ni yahuha tinare:

—Musa ne tuho masiera cureina jira. ¿Cohamacu yare yahu muhtaina cjiri ti nirire noano tuhoerari musa? <sup>26</sup> Cristore to puhtoro jightho pano manopu to mñjacto pano tirore ñano yuhduro cahmare. ¿Tíre masierasinjari musa? —niha Jesu tinare.

<sup>27</sup> Æ nino Cohamacu Cristore to ni yahu ti joari cjirire Jesu yahu pahñonocaha tinare. Moise cjiro to joari cjirire Jesu yahu ducaha. Tuhsu, jipihtina Cohamacu yare yahu muhtaina cjiri Cristore ti joari cñhure yahu pahñonocaha tiro.

<sup>28</sup> Tina ti wahari macapu ti sua cahachu, Jesu sehe tinare yuhdu wahcãno sehe yoaro nimaha. <sup>29</sup> To ã yoapachuta tina tirore waha dutieraha:

—Sã mehne tjuaga. Ñamichahapu jira. Nahinopu nina —niha tina tirore.

Æ jiro Jesu tina mehne wuhupu sã wahaha. <sup>30</sup> Wuhupu sã su, tiro tina mehne ti churi mesapu nuju su, pãore na, Cohamacure “Noana”, niha. Æ nino tí pãore nuha na, tinare waha. <sup>31</sup> To ã yoachu ñna tina Jesure ñu masiha. Ti ñu masi mñari baharo tiro buti mña wahaha. <sup>32</sup> To ã buti mña wahachu ñna tina ti basi õ sehe ni durucuha:

—Mahai tiro marine to durucuro watoi Cohamacu to joari cjirire to yahuro watoi tuaro mari wacũ tuhotua mehne noano wahchea mehne tuhotuhi mari —niha tina ti basi.

<sup>33</sup> Æ ni tuhsu tina dóicãta Jerusalëpu majare tjuaa wahaha tjoa. Tõpu sua, once buheinare paina mehne cahmachuinare bocaaha. <sup>34</sup> Æ ti sachu, once buheina õ sehe niha: —Potocãta mari puhtoro masa wijaayuhti. Simo Pedro tirore ñnyuhti —niha once buheina.

<sup>35</sup> Ti ã nichu puaro Emau macaina mahai Jesure ti ñurire yahuha:

—Jesu to pãore to nuhachu sã ñu masihi tirore —ni yahu pahñoha tina painare.

### *Jesu to buheinare bajuaha*

*(Mt 28.16-20; Mr 16.14-18; Jn 20.19-23)*

<sup>36</sup> Ti ã ni yahuro watoi ti cahai ji tuhsuha Jesu sehe.

—¿Jimajari musa? Noano jiga musa —niha tiro tinare.

<sup>37</sup> To ã nichu tuhoa tina “Mari yariariro cjirore ñna nija”, ni tuhotua, tuaro cuiha.

<sup>38</sup> Ti ã cuichu ñno tiro tinare õ sehe ni yahuha:

—¿Dohseana cuijari musa? ¿Dohseana “Ahri potocã jierara”, nijari musa? <sup>39</sup> Yu wamomacarine, yu dahpori cñhure ñnga. Musa yuhure ñna, ñu masinahca. Yuhure ñaha ñnga. Ñaha ñna, masinahca musa. Yariariro cjiropu pjacu mariaha. Yuhu sehe pjacu tija —niha Jesu.

<sup>40</sup> Æ nino to wamomacari cñhure, to dahpori cñhure ñoha tinare. <sup>41</sup> To ã ñopachuta tina tuaro wahche, sua waha, “Ahri potocã jieraca”, ni tuhotusinimaha. Ti ã tuhotuchu masino Jesu tinare sinitu ñna:

—¿Õi chua jijari? —niha tiro.

<sup>42</sup> To ã nichu tuhoa wahi doharirore mi cñhure waha tirore. <sup>43</sup> Tíre na, ti ñurocaroi Jesu chuha. <sup>44</sup> Chu tuhsu, Jesu yahuha tinare:

—Sohõ jiri pja musa mehne jicu musare yu yahuriro seheta mipu yuh ã wahahi. Cohamacu dutia Moise cjiro marine to cñri cjiri to ã ni joariro seheta yuhure ã wahahre. Cohamacu yare yahu muhtaina cjiri, Salmo joari tjure joaina cñhu panopu yuhure ti ni yahuriro seheta mipure yuhure ã wahahre. Æta waharo cahmahre —niha Jesu.

<sup>45</sup> Æ ni tuhsu Cohamacu yare ti yahu joari cjirire to buheinare masichu yoaha Jesu:

<sup>46</sup> —Cohamacu yare ti joari cjiri õ sehe niha: “Cristore ñano yuhduro cahmana. Æ jiro tia dacho wahaboroi to yariari baharo tiro masa wijaarohca. <sup>47</sup> To masa wijaari baharo jipihtia yahparipu to yaina Cristo yare yahuahca. Masa ti ñna yoarire ti cahyahti cjihtire, “Ñano yoeraja” ni, ti tuhotumarire ti cohtotahti cjihtire, Cohamacure ti cahmahti

cjihtire, ti ñaa buhiri tiare to cohãhti cjihtire yahuahca to yaina. Ñ yahua taa, Jerusalẽpũ yahu dũcaahca”, niha Cohamacũ yare ti joari pũi —niha Jesu.

<sup>48</sup> Ñ ni tuhsũ õ sehe ni yahu namoha:

—Mũsa sehe ahri jipihtiare ñũrina jira. Ñ jina painare yahunahca. <sup>49</sup> Cohamacũ “Tirore mũsare warocaihtja”, to nirirore yũhũ sehe mũsare warocaihtja. Ñ jina Jerusalẽpũ ahri mũano macaa tuua mũsare to wihitore cohtaga mũsa —niha Jesu to buheinare.

*Jesu mũanopũ mũjaa wahaha*

*(Mr 16.19-20)*

<sup>50</sup> Ñ ni tuhsũ Jesu tinare Jerusalẽi jinare Betania cahapũ naaha. Tópũ sũ, Jesu to wamomacari mehne ñui mũo, “Noano jiga”, niha tinare. <sup>51</sup> Ñ ni tuhsũ, tinare cũ, mũanopũ mũjaa wahaha. <sup>52</sup> To mũjari baharo tina tirore ño payo, Jerusalẽpũ tuaro wahchea mehne tjuaa wahaha. <sup>53</sup> Tói jia, dachoripe tina Cohamacũ wũhũ Cohamacũ mehne durucu, “Noana”, ni ño payoha tina tirore.

## San Juan

*Cohamacu* ya duserore yahuriro masunota ji ducaha

<sup>1</sup> Dóiputa ahri yahpa to jihto panoputa Cohamacu ya duserore yahuriro Cristo masare yuhdunchu yoah tiro dóihta ji tuhsua tiha. Tiro Cohamacu mehne jiha. <sup>2</sup> ã yoa tirota Cohamacuta jinocahno niha. <sup>3</sup> Dóiputa wahmanoputa Cristo Cohamacu mehne jiha. <sup>3</sup> ã yoa wahmanopure ne mariahri cjrيره bajuamehneha. Ahri yahpare, muanore, jipihtiare, jipihntina cūhure bajuamehne dutiha Cohamacu tirore. ã jiro ahrire bajuamehne pahñoha tiro. Ahrire mipure mari ñuare, mari ñuera cūhure to bajuamehnerachu ne mariaboa. <sup>4</sup> Cristo catiare wariro jiro nina. Buhriaro marine to noano ñu masichu yoaro seheta tiro to Pucuro muanano macarimore noano masichu yoara. ã yoaro to Pucuro muanano macarimore masichu yoara masare. <sup>5</sup> Ahri yahpa macaina ñaare ti wacū ti goa pjaa nahitiano yoaro sehe jia nina. Cohamacu ya duserore yahuriro buhriaro noano marine to ñu masichu yoaro seheta masare masichu yoara. ã yoa nahitiano buhriarore to yuhdurucaeraro seheta Cristore ñaa ne yuhdurucaerara.

<sup>6-7</sup> Cohamacu João wama tiriro sehere warocaha, Cristore buhriaro yoaro sehe jirirore masare yahu mūhta dutiro. To ã warocachu João sehe masare yahuro tare to yahurirore Cristore jipihntina ti wacū tuahti cjihtire. <sup>8</sup> João sehe Cristo jierare. ã jieraro tiro Cristo sehere masare yahu mūhtano tare. <sup>9</sup> Cristo buhriaro yoaro sehe jiriro jipihntina masare Cohamacure masichu yoah tiro sehe ahri yahpau tari jire. Potocã tjira ahri. Tiro buhriaro yoaro sehe jiriro waro tjira.

<sup>10</sup> Cristo ahri yahpai jia timare. Ahri yahpare bajuamehneriro jiri jimare. To ã jipachuta ahri yahpa macaina sehe tirore ne masierare. <sup>11</sup> To ya yahpai tiro masa bajuari jimare. To ya yahpai masa bajuariro to jipachuta to ya yahpa macaina sehe ne tirore cahmaerare. <sup>12</sup> Ti ã cahmaerapachuta, tirore cahmaina sehere, tirore wacū tuaina sehere Cohamacu to pohna jichu yoari jire. <sup>13</sup> Tina Cohamacu pohnta jia nina. ã jia masa ti masa bajuariro seheta jierara, Cohamacu pohna ti wahachu. Tuhsu, masa ti cahmariro seheta jierara, Cohamacu pohna ti wahachu.

<sup>14</sup> ã jiro Cristo masuno to ji ducari baharo mari mehneta jire tiro. To ã jichu ñuna masare cahñiro, potocã jiare yahuriro to jichu sã masii. Tiro dihta Cohamacu macuno jiro tuariro noariro jire. To ã jiriro jichu sã masii. <sup>15</sup> João Cristore yahu mūhtano ò sehe ni sañurucure masare yahuro:

—Siro tara yu ò sehe ni yahuriro: “Tiro yu baharo tariro jira. ã jiparota tiro yu yuhdoro tuariro jira. Tiro yu masa bajuahro panoputa ji tuhsua. ã jiro tiro yu yuhdoro tuariro jira”, musare yu ni yahuriro ahriro tjira —nire João Cristore masare yahuro.

<sup>16</sup> Tiro Cristo sehe noariro tuaro masare cahñiro jiro marine jipihntinare noano yoarucure. <sup>17</sup> Cohamacu dutiare Moise cjiro sehe cūbasa mūhtaa tiha marine. Jesucristo sehe Cohamacu masare to cahñare buhero tare. Cohamacu to potocã durucua cūhure buhero tare tiro. <sup>18</sup> Masa ne Cohamacure ñuerara. Tirore mari ñuerapachuta to macuno to tuaro cahñiro cūirota jiriro sehe to Pucurore marine masichu yoare.

*Paina João masare bautisarimore sinituha*  
(Mt 3.11-12; Mr 1.7-8; Lc 3.15-17)

<sup>19</sup> Sã coyey judio masa puhto Jerusalēi jinare sacerdotiare, Cohamacu wūhni dahraina cūhure João cahpau warocari jire. “¿Diro baro jijari mūh?” ni sinitu dutia warocari jire tinare. Ti ã ni sinituchu ò sehe ni yahure João sehe. <sup>20</sup> Ne yaro marieno yahure. Potota yahure:

—Yūhu Cristo Cohamacu masare yuhdunchu yoa dutiro to warocariro jieraja —nire tiro.

<sup>21</sup> To ã nichu tina sehe tirore pari turi siniture tjoa:

—¿Mūh Cristo jieracu, Elia sehe jijari mūh? —nire tina.

—Jieraja yũhũ —nire tiro.

—¿Sã cohtariro Cohamacũ yare yahu mũhtariro sehe jijari mũhũ? —nire tina.

—Tiro jieraja yũhũ —nire João sehe.

<sup>22</sup> To ã nichũ tina tirore pari turi õ sehe ni siniture tjoa:

—Sãre sinitu dutiinare sã noano yahuhto sehe poto sãre yahu bahrañoga. ¿Diro baro sehe jijari mũhũ? ¿Mũ basi mũhũ sehe dohse jiriro baro “Jija yũhũ”, nijari mũhũ? —nire tina João.

<sup>23</sup> Ti ã nichũ õ sehe ni yũhtire tiro:

—Masa marienopũ õ sehe ni sañurucuriro jija yũhũ Cohamacũ yare yahu mũhtariro Isaia cjiro to ni yahuriro seheta: “Mari pũhtoro to tahto pano mũsa ñaa tũhotuare cohtota, cahno mũhtaga mũsa”, ni masare yahu sañurucuriro jija yũhũ —nire João tinare.

<sup>24</sup> João sinituina fariseo curua macaina ti warocarina jire. <sup>25</sup> ã jia tina João õ sehe ni siniture tjoa:

—¿Mũhũ Cristo, Elia, Cohamacũ yare yahu mũhtariro sã cohtariro jierapacũta dohseacũ masare bautisajari mũhũ? —nire tina.

<sup>26</sup> Ti ã nichũ tũhoro õ sehe ni yũhtire tiro:

—Yũhũ co mehne masare bautisaja. Pairo sehe mũsa masierariro mũsa watoi ji tuhsũra. <sup>27</sup> Tiro sehe yũ baharo tariro yũ yũhdoro tuariro jira. Noa yũhdũariro jira. Tiro yoaro sehe jieraja yũhũ sehe. ã jicũ tirore tũhotucũ, “Wiho jiriro jija yũhũ”, ni tũhotuja yũhũ —nire João tinare.

<sup>28</sup> ã ni durucure tina, Betaniapũ Jordão wama tiri ma pa bũhũsehe coapũ, João masare to bautisariopũ.

*Jesu Cohamacũ* to warocariro to oveja yoaro sehe jiriro jira

<sup>29</sup> Pa dachoi Jesu João cahai cahacã curero to tachũ João tirore ñũno õ sehe nire:

—Ñũga. Ahriro Cohamacũ to warocariro to oveja yoaro sehe jiriro jira. Ovejare mari wajãriro seheta masa ahriro cũhũre wajãahca. ã yariaro ahri yahpa macainare ti buhiri tiare cohãnohca tiro. <sup>30</sup> Ahrirota jira yũ õ sehe niriro: “Yũ baharo tariro yũ yũhdoro tuariro jira. Yũ masa bajuahto pano tiro ji tuhsũha. ã jiro tiro yũ yũhdoro tuara”, yũ niriro ahrirota jira. <sup>31</sup> Yũhũ sehe ahrirore noano waro masiera tihi. ã masierapailta co mehne bautisai tai nii yũ coyea Israe masa ahrirore ti masihtõ sehe —nire João.

<sup>32</sup> ã ni tuhsũ João to ñũri cjirire õ sehe ni yahu namore tjoa:

—Espiritu Santo mũanopũ buja yoaro sehe duji ta, Cristo mehne to tjuachũ ñũhi. <sup>33</sup> Cohamacũ yũhũre to yahuerachũ tirore ne masieraboa yũhũ. Wiho mejeta tiro yũhũre masare co mehne diapũ bautisa duti warocariro Cohamacũ sehe õ sehe ni yahu mũhta tuhsũre yũhũre: “Espiritu Santo duji ta to bui to tjuarucũ sũriro tirota jirohca. Tiro sehe Espiritu Santore to yaina mehne ã jirucuchũ yoarohca”, nire Cohamacũ yũhũre. <sup>34</sup> Mipũ pinihtare to ã ni yahurirore ñũ tuhsũhi yũhũ. ã ñũcũ “Ahriro potocãta Cohamacũ macũno jira”, ni yahuja yũhũ mũsare —ni yahure João sãre.

*Jesu buheina to pji mũhtaina jira*

<sup>35-36</sup> Pa dachoi João mehne sã pũaro to buheina sã ducuchũ, Jesu sã cahai yũhdũ wahcãno nire. To ã yũhdũ wahcãchũ João tirore ñũno, pari turi õ sehe nire sãre:

—Ñũga. Ahriro Cohamacũ to oveja yoaro sehe jiriro jira —nire João.

<sup>37</sup> To ã nichũ sã pũaro to buheina sehe tíre tũhona Jesu baharo wahahi. <sup>38</sup> Sã ã wahachũ ñũno Jesu sãre majare ñũ, õsehe ni siniture:

—¿Nohopũ wahajari mũsa? —nire tiro.

To ã nichũ sã cũhũ õ sehe ni sinitu ñũ tirore:

—Rabi, ¿nohopũ jijari mũhũ? —nihi sã tirore. (Rabi sã ya mehne nina “buheriro”, nina nija.)

<sup>39</sup> —Yũhũ mehne tatjiãhna ñũna taga —nire Jesu sãre.

To ã nichũ sã sehe to jiropũ ñũna wahai. Tí pjare ñamichapũ cuatro hora jire. ã jina tí dachore tiro mehne tjuai sã.

<sup>40</sup> Sã puaro Joãore tuhoina, Jesure nunu ti wahcãina yu piti Andre mehne jii. Andre sehe Simo bahuro jire. <sup>41</sup> ã jiro tiro dõihata to wahminore Simore maca, boca, tirore õ sehe ni yahuha:

—Mesiare Cohamacu marine yuhdachu yoa dutiro to warocaritore sã bocahi —niha Andre Simore. (Mesia sã ya mehne nina “Cristo”, nina nija.)

<sup>42</sup> ã ni tuhsu tiro Simore Jesu cahai naahre. To cahai ti sachu ñuno Jesu sehe Simore õ sehe nire:

—Muhu Simo wama tiriro, Jona macuno jira. Mipure mähure Cefa ni wama pisuihtja —nire Jesu Simore. (Cefa sã judio masa ya mehne nina “Pedro”, nina nija.)

*Felipere, Natanae* cühure pjihã Jesu

<sup>43</sup> Pa dachoi Jesu Galilea yahpau waha duare. ã jiro to wahahto pano tiro Felipere piti boca, õ sehe nire:

—Yuhu mehne macariro cjihto taga —nire Jesu.

<sup>44</sup> Felipe sehe Betsaida macariro jire. Tiro, Andre, Pedro mehne cã maca macaina jire tina. <sup>45</sup> ã yoa Felipe Natanaene maca, tirore bocaro õ sehe ni yahure:

—Cohamacu dutiare Moise cjiro to joari pũpu to yahuritore paina Cohamacu yare yahu muhtaina cjiri cãhu ti yahuritore sã bocahi. Jesu Nazare macariro, José macuno tjira —nire tiro Natanaene.

<sup>46</sup> —Nazarepore ne cãiro noariro mariahna —nire Natanae.

—Ñui taga muhu —nire Felipe.

<sup>47</sup> ã yoa Jesu cahai to sachu ñuno Jesu sehe õ sehe nire Natanaene:

—Ahriro mipu tariro potocãta noariro judio masuno waro jira. Tirore mahñoa ne mariahna —nire Jesu Natanae sehere.

<sup>48</sup> To ã nichu tuhoro Natanae sehe tirore õ sehe ni siniture:

—¿Dohseacu yuhure noano masijari muhu? —nire.

—Felipe mähure to pjihito pano, higueraçu docai mu jichu ñahi yuhu mähure —nire Jesu.

<sup>49</sup> To ã nichu Natanae sehe tirore õ sehe nire tjoa:

—Buheriro, potocãta muhu Cohamacu macuno jira. Muhu Israe masa sã Puhtoro cjihto jira —nire Natanae.

<sup>50</sup> To ã nichu tuhoro õ sehe ni yuhtire Jesu:

—Higueraçu docai mähure yu ñurire masicu yuhure “Cohamacu macuno jira”, ni wacũ tuara muhu. ¿Tita mähure ã masichu yoajari? Ahri mähure yu ñuri yuhdoro Cohamacu tuaa mehne yoa ñoihca yuhu. Yu ã yoa ñochu ñuĩhca muhu —nire Jesu Natanaene.

<sup>51</sup> ã ninota õ sehe ni yahu namore:

—Potocãta mähure niita nija. Yuhu masuno Cohamacu warocariro tjija. Muanopu parĩ muachu Cohamacu to yaina anjoa yu bui ti duji tachu, ti mujachu cühure ñuĩhca muhu —nire Jesu tirore.

## 2

*Caná wama tiri macapu* ti wamomaca duhteropu Jesu wahaha

<sup>1</sup> Tia dacho baharo Canái Galilea yahpai jiri macai wamomaca duhteri bose numu jire. ã jiro Jesu pocoro tí wuhupu jire. <sup>2</sup> Jesu mehne sãre to buheina cühure wamomaca duhteropu pjirocare tina. <sup>3</sup> Ti bose numu macaa vino pihtichu Jesu pocoro tirore õ sehe ni yahure:

—Mipure vino pihtia wahare —nire ticoro Jesure.

<sup>4</sup> To ã nichu tuhoro Jesu õ sehe nire:

—Iñõ, ¿dohseaco taco tíre yuhure yahujari muhu? Masa yuhure ti masihtu duhsasinina mini —nire Jesu to pocorore.

<sup>5</sup> To ã niri baharo to pocoro sehe ti cahamacare õ sehe ni dutire:

—Yu macu to dutiriro seheta yoaga —nire ticoro.

<sup>6</sup> Tí pjarure sã coyera judio masa Cohamacu yare yoaa taa masare ti pjarure ã cosarucunoca dutia tire. Æ yoa tí wuhui seis situ pari tãa mehne ti yoaa situ pari co posa tia situ pari jire. Tí situ pari Cohamacu yare yoaa taa ti cosaa co posa tia pari cjiri jire. Tí situ parire cincuenta a setenta litro posa mu sure. <sup>7</sup> Tóti ti jichu ñano tí wuhu macaina cahamacare õ sehe ni dutire Jesu:

—Ahri situ parire co mehne pio sãa namoga wahpaa pari ti wahahto sehe —nire Jesu. To ã nichu tina sehe noano wahpo dapo pahñonocare ti parire.

<sup>8</sup> Ti ã yoari baharo Jesu tinare õ sehe ni dutire tjoa:

—Mipure tí core wa na, wuhu macarimore waga —nire.

To ã nichu tuhoa tí core wa na, wuhu macarimore ware.

<sup>9</sup> Ti ã wachu tiro sehe tí core vino to wahachu yoaa core sihni ñure. Tí core nohoi to tarimore masierare tiro. To ã masierapachuta to cahamaca tí core waina sehe masire. Wuhu macarimo ã masieraro wamomaca duhterimore pjiroca, <sup>10</sup> õ sehe ni yahure:

—Paina masa noaa core vinore wa muhtana. Masa ti noano sihniri baharo ña curea core wara tina. Muhu sehe noaa core wihbo, baharo curero tí core ware sare —nire wuhu macarimo wamomaca duhterimore.

<sup>11</sup> Canái Galileai jiri macai Jesu core vino to wahachu yoari cjiri coã to bajuamehne ducari jire. Æ yoaro painare to tuaare ñore Jesu. To ã ñori baharo sã to buheina tirore wacũ tuai.

<sup>12</sup> Baharo Jesu to pocorore, to bahanare, sare to buheina cãhure Capernaupu sãho sure. Tõpu suna, mahaa dachoricã tjuasinii sã.

*Jesu Cohamacu wuhupure sãha*

*(Mt 21.12-13; Mr 11.15-18; Lc 19.45-46)*

<sup>13</sup> Pascua jichu judio masa sã bose numuri cjihti mahanocã duhsatjiãhre. Æ jiro Jesu Jerusalẽpu sure. <sup>14</sup> Tõpu sãro tiro Cohamacu wuhupu sãa sãro, wachure, ovejare, bujaare duainare boca sure. Tuhsu, niñerure cohtotaina ti mesaripu ti dujichu tina cãhure boca sure. <sup>15</sup> Æ boca sãro yuta dari mehne tjanari da yoa, tinare jipiltinare sopacapu tjana nunu wionocare. Oveja, wachuã cãhure tjana nunu wionocare tiro. Æ yoa niñeru cohtotaina ti mesarire na majarerooca doca cunocare. Ti niñeru tãri cãhure doca sitenocare. <sup>16</sup> Æ yoa tuhsu bujaare duainare õ sehe nire:

—Musa bujaare na wijaahga. Yu Pucy ya wuhure pache duari wuhu yoena tjiga —nire Jesu tinare.

<sup>17</sup> To ã yoachu ñuna sã to buheina sehe Cohamacu yare ti joari pui to niri cjirire wacũ: “ ‘Cohamacu, mu wuhure tuaro cahija. Æ cahicu mu wuhure ñano ti yoachu ñacu tuaro cahyaja yuhu’, ni joaa tiha Cohamacu yare ti joari pui”, ni wacũ sã Jesu buheina.

<sup>18</sup> Jesu to ã yoari baharo sã coyera judio masa pahtoa tirore õ sehe ni siniture:

—¿Dohseacu muhu ahrinare Cohamacu wuhupure jinare cohã wiori? Cohamacu muhure tíre yoa dutiriro to jichu Cohamacu tuaa mehne yoa ñoga muhu sã ñuhti cjihtire —nire tina Jesure.

<sup>19</sup> Ti ã nichu Jesu õ sehe ni yuhtire:

—Ahri wuhure musa cohãchu tia dacho wahaboroi tuhsuhtja yuhu —nire Jesu tinare.

<sup>20</sup> —Tia dacho mehne ahri wuhure tuhsusi muhu. Cuarenta y seis cãhmari waro ti yoari wuhu jira ahri wuhu —nire tina Jesure.

<sup>21</sup> To ã nichu tina tirore noano tuhoerare. Jesu “Ahri wuhure” nino, to pjarure nino niri jimare.

<sup>22</sup> Æ yoa to yariari baharo, to masa wijaari baharo sã to buheina sehe to niri cjirire wacũna, Cohamacu yare ti joari pũre Jesu to yahuri cãhure “Tí potocã tjira”, ni wacũ sã.

*Jipiltina ti wacũare Jesu masina*

<sup>23</sup> Pascua bose numuri jichu Jesu Jerusalẽpu jire. Tóti to jichu masa payu Cohamacu tuaa mehne to yoa ñochu ñua tirore wacũ tuare. <sup>24</sup> Ti ã wacũ tuapachuta Jesu masa ti wacũare noano masino, “Yuhure ã wacũ tuarucuahca”, ni tuhotueraha. <sup>25</sup> Tiro masa ti tuhotuare noano masire. Æ masino masa ti tuhotuare painare ne sinitu ñuerare.

## 3

*Jesu Nicodemore yahuha*

<sup>1</sup> Tí macai Nicodemo wama tiro, judio masa pũtoa mehne macariro jire. Tiro fariseo curua macariro jire. <sup>2</sup> Cã ñami tiro Jesu cahai ta, tiro mehne õ sehe ni sũhũduri jire:

—Buheriro, mũhũ Cohamacũ to buhe dutiro to warocariro mũ jichũ sã masija. Mũhũ payũ tahari Cohamacũ tuua mehne yoa ñona. Cohamacũ mũhũre to yoadoherachũ, mũhũ sehe to tuua mehne ne ã yoa ñoeraboa —niri jire Nicodemo Jesure.

<sup>3</sup> To ã nichũ tũhoro Jesu sehe õ sehe ni yahuri jire:

—Potocã mũhũre niita nija. Pari turi masa bajuariro yoaro sehe wahariro dihta mari pũhtoro Cohamacũ mehne ji masina —niha Jesu.

<sup>4</sup> —Cuenah. ¿Bũcũro sehe dohse yoa pari turi masa bajuabocari tiro? To pocoro niji suhtiropũ majare sãa, pari turi bajua masieraboca tiro —niri jire Nicodemo.

To ã nichũ tũhoro Jesu õ sehe ni yũhtiri jire tjõa:

<sup>5</sup> —Potocã niita nija mũhũre. Co mehne, Espĩritu Santo to tuua mehne pari turi masa bajuariro dihta mari pũhtoro Cohamacũ mehne ji masina. <sup>6</sup> Numia nijipocosanumia jia, macanacãre masa bajuachũ yoara. Espĩritu Santo sehe masare Cohamacũ pohna jichũ yoara. <sup>7</sup> “Pari turi masa bajuariro yoaro sehe wahariro dihta mari pũhtoro Cohamacũ mehne ji masina”, yũ nichũ, tũho wisiecũ tjiga. <sup>8</sup> Espĩritu Santo masare Cohamacũ pohna to yoachũ wihnono yoaro sehe jira. Wihnono to tariropũ tara. To taro coa tachũ mari tũhoja. ã tũhopanahta to tarirore, to waharirore ne masieraja. Tõ sehta yoara Espĩritu Santo masare Cohamacũ pohna jichũ yoaro —niri jire Jesu Nicodemore.

<sup>9</sup> —Mũ niare noano masieraja —niri jire Nicodemo.

<sup>10</sup> To ã nichũ tũhoro õ sehe niri jire Jesu:

—Mũhũ judio masare buheriro jipaihta, ¿dohseacũ yũ niare tũhoerajari? <sup>11</sup> Potocã mũhũre niita nija. Sã masirire, sã ñũrĩre sã yahuja. Sã ã yahupachũta ne mũsa sã coyea judio masa ne tũho duaerare. <sup>12</sup> Ahri yahpa macaa mehne masa ti masa bajuari mehne mũhũre piti dahre yũ buhe mũhtarire “Potocã tjira”, nierara mũsa. ã nierana piti dahre buhero marieno Cohamacũ yare yũ yahuchũ cũhũre “Potocã tjira”, nisi mũsa.

<sup>13</sup> Ne cũiro mũanopũ Cohamacũ cahapũ wahariro ne pari turi tjua tasi. Yũhũ masũno Cohamacũ warocariro yũhũ dihta mũanopũ jiriro ahri yahrapũ tahi. (ã jicũ yũhũ dihta Cohamacũ yare mũsare yahu masija.) <sup>14</sup> Panopũre masa marienopũ Moise cjiro bronze wama tiri comaa mehne ti yoarirore agãre yucũcũ ti dapodũ sohtoapũ duhu õ dapoha. Yũhũ cũhũre masũno Cohamacũ warocarirore tiro agãre to duhu õ daporiro sehta yũhũ cũhũre duhu õ dapohca. <sup>15</sup> Yũhũre ti ã yoari baharo jipihtina yũhũre wacũ tuaina jipihtia dachoripe Cohamacũ mehne ã jirucuahca —niri jire Jesu.

*Cohamacũ jipihtinare cahĩna*

<sup>16</sup> ã ni tuhsũ õ sehe ni namori jire Jesu:

—Cohamacũ jipihtina ahri yahpa macainare tuaro cahĩna. ã jiro yũhũre to macũnore cũirota jirirore Cohamacũ warocare jipihtina yũhũre wacũ tuaina pichacapũ ti wahaer-ahto cjihtore. ã jia Cohamacũ ya catia mehne ã catirucuahca tina. <sup>17</sup> Cohamacũ yũhũre to macũnore masare buhiri dahre dutiro warocaerare ahri yahrapũre. Masare pichacapũ wahaborinare yũhdũchũ yoahitiro cjihto sehere yũhũre warocare.

<sup>18</sup> Yũhũre Cohamacũ macũnore wacũ tuainare ne buhiri dahresi Cohamacũ. Yũhũre wacũ tuaeraina pinihtare Cohamacũ buhiri dahre duti tuhsũre. Masa yũhũre Cohamacũ macũnore cũirota jirirore ti wacũ tuaerari buhiri buhiri dahrerohca tinare. <sup>19</sup> Yũhũ Cohamacũ macũno ahri yahrapũ tacũ buhriaro to noano marine to ñũ masichũ yoaro sehta Cohamacũ yare noano masichũ yoaja. Yũ ã masichũ yoapachũta, yũhũre wacũ tuaeraina sehe yũhũre cahmaerara. Ti ñaa yoaa sehere noano cahmana. Ti ã cahmari buhiri tinare buhiri dahre duti tuhsũre. <sup>20</sup> Jipihtina ñaare ã yoarucuina baro ti ñaa yoaaere duhu duaerara. ã jia buhriaro to bajuro dahrero sehta ti ñaa yoarire “Bajuro dahreri” nia, yũhũre cahmaerara tina. <sup>21</sup> Quihõno yoina sehe yũhũre, yũ buhea cũhũre cahmana.

Cohamacu yoadohoro mehne to yare ti yoaare yu noano bajuro dahrechu buo tierara tina. ã jia yuhure buhriaro yoaro sehe jirirore cahmana —ni yahuri jire Jesu.

*Pari turi João masare bautisariro Jesure yahuha*

<sup>22</sup> Baharo Jesu sare to buheinare Judea yahpapu suho wahare. Tõpu sũro tõ macaina mehne mahaa dachoricã tjua, tinare bautisare. <sup>23</sup> João cũhu masare bautisaro niha Enõn wama tiri macai. Enõn Salim wama tiri maca cahai jire. Tõi dia jire. Tõi dia jichu João bautisaro niha masare. <sup>24</sup> Tirore ti peresu yoalto pano Enõni masare bautisaro niha João.

<sup>25</sup> Tõ pjare João buheina mehne macaina mahainacã judio masũno mehne bautisaa macaare durucua niha. <sup>26</sup> ã jia tina João cahapu sua, tirore õ sehe ni yahuha:

—Buhiriro, Jordão sie coapu mũhu mehne jiriro “Tiro tjica”, mũ niriro sehe mipure masare bautisaro nina. To ã yoachũ jipihtina tiro cahapu dihta wahara —niha tina João.

<sup>27</sup> Ti ã nichu tũhoro João õ sehe ni yũhtiha:

—Tiro tuariro to jichu Cohamacu sehe tirore ã jichu yoariro jira. <sup>28</sup> “Cristo jieraja”, yu nichu tũhore mũsa. ã jierapaihta to pano to waroca mũhtariro jia yũhu. <sup>29</sup> Cristo mehne masa ti wahachu mũcu tuaro wahcheja. Õ sehe jira tí: Wamomaca dũhtericoro to manũno mehne jiro wahara. Wamomaca dũhtehtirore cohtariro sehe dũhtehtiro to namo tichu mũno to durucuchu tũhoro tuaro wahchera. ã jicu yũhu wamomaca dũhtehtirore cohtariro to wahcheriro sehetã Cristo mehne masa ti wahachu mũcu tuaro wahcheja. <sup>30</sup> Cristo sehere wacũ tuaro cahmana masare. Yũhu sehere wacũ tuaeraro cahmana masare —ni yũhtiha João.

*Cohamacu macũno mũanõpu tariro jira*

<sup>31</sup> ã ni tuhsũro õ sehe ni namoha João:

—Mũanõpu tariro jipihtina yũdoro tuariro jira. Ahri yahpapu jiina jina ahri yahpa macaina jia mari. ã jina ahri yahpa macaare durucuja mari. Mũanõpu tariro sehe jipihtina yũdoro tuariro jira. <sup>32</sup> To mũri cjirire, to tũhori cjirire tiro yahura. To ã yahupachũta to yahuare masa sehe ne tũho duaerara. <sup>33</sup> Mũanõpu tariro to yahuare masa tũhoã, tíre cahmaa, “Cohamacu potocã niriro jira”, nia nina tina. <sup>34</sup> Ahriro Cristore Cohamacu warocarirore Espõritu Santo ya tuaare cũ pahõna Cohamacu. ã jiro tiro Cohamacu ya durucuaare yahura. <sup>35</sup> Cohamacu to macũnore tuaro cahĩna. ã jiro jipihtina bui ti pũhtoro ji dutire to macũnore. Jipihtia pũro ji dutire tirore. <sup>36</sup> Cohamacu macũnore wacũ tuaina sehe Cohamacu catia mehne ã catirucuahca. To macũnore cahmaeraina sehe Cohamacu catia mehne jisi. ã jiro Cohamacu tinare tuaro buhiri dahrerõhca —niha João.

## 4

*Jesu Samaria macaricoro mehne durucuha*

<sup>1</sup> Jesu João yũdoro payu buheinare to cjuachũ João yũdoro masare to bautisachu fariseo curua macaina tũhorocaha. <sup>2</sup> Ti ã tũhorocapachũta Jesu sehe to basi masare bautisaerare. Sã to buheina sehe masare bautisahi. <sup>3</sup> Fariseo curua macaina ti ã masichu tũhoro Jesu sehe Judea yahpai jiriro Galilea yahpapu sare suho tjuaa wahare.

<sup>4</sup> Tõpu wahana Samaria yahpare su yũhdu wahcãna tana nihi sã. <sup>5</sup> ã yũhdu wahcãna Samaria yahpai jiri macapu Sica wama tiri macapu sũhi. Tõ maca cahai panõpu macariro Jacobo cjiro to macũno José cjirore to wari yahpa jire. <sup>6</sup> Tõi Jacobo cjiro co to naari copa jire. ã yoa Jesu sehe yoarõpu tariro cjiro jiro, tiro wahya yũhduaro tí copa dũhtũ cahai nuju sũre. Tõ pja tõi to so nuju sũri pja cohari pja waro jire. <sup>7-8</sup> Sã to buheina sehe macapu chũare sã nuchũna wahari baharo cũirota tiro tõi tjua nuju sũre. ã so nuju sũro Samaria macaricoro tí copapu co waro to wihichu Jesu ticorore core siniha:

—Core waga yuhure —niha.

<sup>9</sup> —Mũhu judio masũno jira. Yũhu sehe Samaria macaricoro jia. ¿Dõhseacu yuhure core sinijari mũhu? —niha ticoro Jesure. Judio masa Samaria macainare mũ tuhtiina jira. ã jiro ticoro ã niha.



<sup>10</sup> To ã niri baharo Jesu ticorore ò sehe ni yahuha:

—Mũhũre Cohamacũ to yoadoho duarire masico, mũhũre core sinirirore masico, mũhũ yũhũ sehere siniboa. Mũ ã sinichũ paye co sehere waboa yũhũ. Tí co sehe catichũ yoara —niha Jesu ticorore.

<sup>11</sup> To ã nichũ tũhoro ticoro ò sehe ni yũhtiha tirore:

—Ne mũhũre situ mariahna. Wiho mejeta ahri copa cũãri copa jira. ¿Ã jicu ahri catichũ yoaa core nohorũ wabocari mũhũ? <sup>12</sup> Mari ñũchũ cjiro Jacobo panorũ macariro ahri copare marine cũa tiha. Tiro, to pohna, to nuina cũhũ ahri core sihniã tiha. “Paye core waboa yũhũ” nicũ, ¿Jacobu yũhoro masiriro jijari mũhũ, ã ni tũhotucũ? —niha ticoro.

<sup>13</sup> To ã nichũ Jesu ò sehe ni yũhtiha:

—Jipihtina ahri core sihniina, pari turi ñahma yapioahca. <sup>14</sup> Ya co sehere sihniina ne pari turi ñahma yapiosi. ã jia ya core sihniina Cohamacũ mehne ã jirucuahca. Ma pohtarũ co to ã wijaarucuro seheta ya co ne pihtisi —niha Jesu.

<sup>15</sup> To ã nichũ tũhoro numino sehe ò sehe niha:

—Ne pari turi yũ ñahma yapioerahto sehe tí core waga yũhũre. ã jico pari turi ne òpũre co wasi —niha ticoro.

<sup>16</sup> To ã nichũ Jesu ticorore ò sehe ni yahuha:

—Tí pja pinihta mũ manũre pjico wahaga. Pji tuhsũ òpũ taga tiro mehne —niha Jesu ticorore.

<sup>17-18</sup> —Manũ marienicooro jija yũhũ —niha ticoro.

—Potocãta nimana mũhũ. Mũhũ cinco tahari manũ ti tuhsũmare. Tuhsũ, mipũre mũhũ mehne jiriro mũ manũ jierara. ã yoa “Manũ marienicooro jija” nico, potocãta nimana mũhũ —niha Jesu ticorore.

<sup>19</sup> To ã nichũ tũhoro ò sehe niha ticoro:

—Ne, Cohamacũ yare yahu mũhtariro jira mũhũ, yũ tũhotuchũ. <sup>20</sup> Sã ñũchũsuma cjiri ahũũ tũcũpũ Cohamacũre ño payoa tiha. ã jina mũsa sehe judio masa “Jerusalẽi Cohamacũre ño payoro cahmana masare”, nia tire mũsa judio masa —niha ticoro.

To ã nichũ Jesu ò sehe ni yũhtiha:

<sup>21</sup> —Numino yũhũre tũhosiniga. Baharorũ ahũũ tũcũi, Jerusalẽpũ cũhũre mari Pũcũre ño payosi mũsa. <sup>22</sup> Mũsa sehe mũsa ño payorirore masierara. Masare yũhdũchũ yoahrtiro judio masũnota jira. ã jina sã judio masa sehe sã ño payorirore masija. <sup>23</sup> Mipũre baharorũ cũhũre Cohamacũre potocã ño payoina ti noano tũhotua mehne tirore ño payoahca. Tó sehe mari ño payochũ cahmana Cohamacũ. <sup>24</sup> Cohamacũ pjacũ marieriro to jichũ masa tirore ñũerara. ã jia tirore ño payoa, ti noano tũhotua mehne tirore noano potocã ño payoro cahmana masare —niha Jesu.

<sup>25</sup> To ã nichũta ticoro ò sehe ni yũhtiha:

—Mesia, “Cristo” ti niriro sehe masare yũhdũchũ yoahrtiro, to tahti cjihtire masija yũhũ. Tiro taro, marine jipihtiare buhe pahũonohca —niha ticoro.

<sup>26</sup> —Yũhũta jija Cristo —niha Jesu ticorore.

<sup>27</sup> To ã ni yahuchũ waro wihina sã to buheina sehe Jesu numino mehne to durucuchũ ñũna, cũaa waha. ã cũapanahca “¿Dohse cahmajari mũhũ? ¿Dohse nii nijari mũhũ ticorore?” ni sinitu ñũerahi. <sup>28</sup> ã jiro numino to siture tó duhu daponoca, macapũ waha, masare yahuro, ò sehe niha:

<sup>29</sup> —Yũ yoari cjirire yahu pahũorirore ñũna taga mũsa. Tiro potocãta Cristo jiboca pa tehe nino —niha ticoro.

<sup>30</sup> To ã nichũ tũhoa tí maca macaina sehe Jesure ñũna taa nire. <sup>31</sup> Tí pjare sã Jesu buheina sehe tirore tuaro chũ dutimai:

—Buheriro, chũga —nimai sã.

<sup>32</sup> —Soro jia chũare cjuaja yũhũ. Tíre mũsa masierara —nire tiro.

<sup>33</sup> To ã nichũ tũhona sã basi ò sehe ni durucui:

—¿Paina tirore chũare wa tuhsũari? —nii sã basi.

Sã ã nichũ Jesu ò sehe ni yahure:

<sup>34</sup>—Masa sehe chu ji coara. Yuhure warocariro to cahmaare yoacu ji coaja yuhu sehe to yoa dutiriro seheta yoa pahnocu tacu. <sup>35</sup>“Cuatro sãri dũhsara dicha naahto”, wese puro to niriro seheta masa sehe ni tuhoutuena tjiga. “Cohamacu yare sã yahuhto dũhsasinina”, ni tuhoutuena tjiga. Potocã niita nija musare. Mipũ pinihtare masare ñuga. Dicha tichũ masa naari pja to jiro seheta, mipũ pinihta masa yũ buheare ti tuhohi pja jiro nina. <sup>36</sup>Toaa dichare naainare ti wapariro seheta yũ yaina cjihti naainare yũ yare buheinare ti ã yoi wapa tinare noano yoaihtja yuhu. Ti ã buhechu tuhõa yũ buheare tuhõina yũ yaina sehe Cohamacu mehne jipihtia dachoripe jirucuahca. ã jia tinare buhe mũhtaina, baharo yũ yaina jichũ yoaina cũhũ cũno potori wahcherucuahca. <sup>37</sup>“Cũiro toa mũhtariro jira. Pairo sehe toaa dichare nariro jira”, nia tiha panopũ. Tí potocã tjira. Ti ã niriro seheta cãina yũ yare yahu mũhtaina jira. Paina sehe yũ yare buhea yũ yaina jichũ yoaina jira. <sup>38</sup>Wese puro to yaina dahraina toaeraina ti jipachũta to toaa dichare tinare naa dutiro warocara. Tó seheta masare buhe mũhtaeraina masa jipachũta yũ yaina cjihti yoa duticu warocaja musare. Paina sehe tinare buhe mũhta tuhsure. Ti buherinapure pari turi buhe namona, yũ yaina jichũ yoanahca masa sehe. ã jina buhe mũhtaina sehe ti yoadohoro mehne painare yũ yaina jichũ yoanahca masa —nire Jesu.

<sup>39</sup>Tí pjare Samaria macaricoro “Yũ yoi cjiire tiro yahu pahõore”, to ã nichũ tuhõa Samaria macaina payũ Jesure wacũ tua, tirore cahmaha. <sup>40</sup>ã jia Samaria macaina Jesu cahai sũa, “Sã mehne tjuasiniga”, nire tirore. Ti ã nichũ sã cũhũ tiro mehne pũa dacho tõi tjuasinii. <sup>41</sup>Paina cũhũ payũ Jesure tuhõa cahmare tirore. <sup>42</sup>Õ sehe nire masa numinore:  
—Wahmanopure mũ yahurire tuhõna, Jesure cahmahi. Mipũ pinihtare Jesu to durucuare tuhõna tirore wacũ tuana, tirore cahmaja. ã jina tiro sehere tuhõna ahri yahpa macainare pichacapũ wahaborinare yũhdũchũ yoiro potocã to jichũ mipũ sã masija —nire masa Samaria macaricore.

Pũhtoro macunore dohatirirore noariro wahachũ yoaha Jesu

<sup>43</sup>Pũa dacho baharo Jesu sãre Galilea yahpũ sũho wahare. <sup>44</sup>Wahmanopure õ sehe nia tire tiro: “Cohamacu yare yahu mũhtarirore to ya yahpa macaina tirore ño payoerara. ã jia yuhure ño payoerara õ macaina õi yũ bucariro jichũ”, nia tire Jesu. <sup>45</sup>ã jia Galileapũ to sũchũ tó macaina tirore noano piti bocare. Tó pano Jerusalẽi bõse nũmũi Jesu Cohamacu tuua mehne to yoachũ ñũrina jire tina.

<sup>46</sup>ã yoa Canãpũ Galileai jiri macapũ core vino to wahachũ yoi macapũ wahaa wahai sã tiro mehne. Canã cahai jiri macai Capernau wama tiri macai jipihtina bui pũhtoro docai jiro pũhtoro macũno dohatiro niha. <sup>47</sup>Tuhsũ, Jesu Judeapũ jiro Galileapũ to sũchũ pũhtoro tuhõa. Tíre tuhõro Jesu cahapũ wihire:

—Yũ macũ yoiro nihre. ã yoa tirore noariro wahachũ yoi taga —ni tuaro mehne pjire tirore.

<sup>48</sup>To ã nichũ tuhõro Jesu õ sehe ni yũhtire:

—Cohamacu tuua mehne yũ yoachũ ñũerana, ne yuhure wacũ tuaerara masa —nire Jesu tirore.

<sup>49</sup>To ã nichũ pũhtoro sehe õ sehe nire:

—Pũhtoro, yũ macũ to yariahto pano taga —nire tiro Jesure.

<sup>50</sup>—Tjuaahga. Mũ macũ catica —nire Jesu.

To ã nichũ tuhõro, “To niriro seheta catirohca yũ macũ” nino, pũhtoro tjuaa wahare.

<sup>51</sup>ã tjuaarucurirore to cahamaca tirore piti boca, õ sehe ni yahuha:

—Mũ macũ catihre —ni yahuha tina tirore.

<sup>52</sup>—¿Noho waroi sũ jichũ noariro wahari tiro? —ni sinituha tiro to cahamacare.

—Canũre cohari pja baharocã juaro suruhre tirore —niha tina.

<sup>53</sup>Ti ã nichũ tuhõro õ sehe ni tuhõtuha tiro: “Jesu yuhure to ã ni yahuri pjaihta juaro surua wahari jire”, ni tuhõtuha pũhtoro sehe. “Potocãta nino niri jira yuhure” nino, tiro jipihtina to coyea mehne Jesure wacũ tuaha.

<sup>54</sup>Jesu Judea yahpapu jiriro Galilea yahpapu to suri baharo puhtoro macunore noariro to waharire mari quihochu puu taha Cohamacu to tuua mehne yoa ño tuhsure Jesu.

## 5

*Tini masieraritore noariro wahachu* yoaha Jesu

<sup>1</sup>Baharo judio masa Cohamacure sa ño payori bose numuri jichu Jesu Jerusalepu sure tjoa. <sup>2</sup>Tói oveja wama tiri sopaca cahai cuhsuri copa jihre. Sa judio masa ya mehne nia Betesda wama tiri copa jihre. Tí copa cahai cinco tihamahnoera tahti poca jihre. <sup>3</sup>Tí tahti pocaí payu dohatiina coäre. Capari ñueraina, cü buhusehe dahporo ñaina, pjacu buhaina tina tí copa cahai jia, [co ñuhmi mua mujanore cohtaa nire. <sup>4</sup>Tópu buharo tí copa macaa core caa tahari ñuhmichu yoa mujare anjo. Tí copa macaa co ñuhmiri baharo ña mio muhtariro sehe dohse jiare dohatiare cjuariro noariro wahare.] <sup>5</sup>Ñ yoa tói treinta y ocho cuhmari waro dohatiriro jire. <sup>6</sup>Tói to coächu ñuno to ñ yuari pja dohatiriro jichu masire Jesu tirore. Ñ masino tirore o sehe ni siniture:

—¿Pjacu dohatia marieriro ji duajari muhu? —nire Jesu.

<sup>7</sup>To ñ nichuta dohatiriro o sehe ni yuhtire:

—Tí co to ñuhmichu yuhure co jiri copapu naboriro mariahna. Tí copapu yu ña mio duapachuta paina sehe yu pano ña ña mio muhtarucura —nire tiro Jesure.

<sup>8</sup>—Wahcãrucaga. Mu coãri cahsarore naa, wahaga —nire Jesu tirore.

<sup>9</sup>To ñ nichuta dohatiriro sehe to coãri cahsarore naa, ducu ducare. Tí dacho Sabado judio masa sa sori numu jire. <sup>10</sup>Tí dachoi Jesu to ñ yochu ñua judio masa sa puhtoa sehe dohatiriro cjirore o sehe ni yahuha:

—Michare Sabado dacho mari sori numu jipachuta mu coãri cahsarore naahna muhu. Ñ yocau mari dutiare yuhdurucai nina muhu —niha tina tirore.

<sup>11</sup>—Yuhure yu dohatiare cohãriro sehe o sehe nire yuhure: “Mu coãri cahsarore na, wahaga”, nire tiro yuhure —ni yuhtiha dohatiriro cjiro.

<sup>12</sup>—¿Tíre muhure ña niriro sehe diro baro jijari tiro? —ni sinituha tina.

<sup>13</sup>Tói masa payu ti jichu ñuno Jesu sehe waha tuhsuha. Ñ jiro dohatiriro cjiro sehe tirore noariro wahachu yoirirore to wamare masieraha. <sup>14</sup>Baharo Cohamacu wuhui Jesu tirore piti boca, o sehe ni yahure:

—Tuhosiniga muhu yuhure. Mipure noano pjacu tira muhu. Ñaare yoa namoi tjiga. Pari turi ñaare yoa namocu mu dohatiriro yuhdoro wahaihca muhu —nire Jesu tirore.

<sup>15</sup>To ñ niri baharo dohatiriro cjiro sehe sa judio masa puhtoa tirore sinituina cjiro cahapu suro, o sehe ni yahuha tinare:

—Jesu wama tiriro yuhure noariro wahachu yohre —ni yahuha tiro.

<sup>16</sup>Ñ yoa Sabado jichu Jesu dohatirirore to dohatiare to cohãchu masia judio masa sa puhtoa sehe tirore ñu tuhtia, yahusãa dua ducare.

<sup>17</sup>Ñ tirore ti yahusãa duachu masino Jesu sehe o sehe ni yahure tinare:

—Yu Pucu mipure dahrasinina. Yuhu cuhu dahrasinii nija —ni yahure tirore yahusãa duainare.

<sup>18</sup>To ñ nichu judio masa sa puhtoa sehe tiro mehne tuaro suaa, tó pano ti niriro yuhdoro tirore wajã duare. Sabado dachore sa sori numure cüirore to noariro yochu ñua tina suare. Ñ suaa tiro Cohamacure “Yu Pucu” to nichu tuhoa, tina sehe tó pano ti niriro yuhdoro sua namoha tjoa. “‘Yuhu Pucu’ nino, Jesu to basi ‘Cohamacu mehne cüno potori jija’, ni wacuca tiro”, ni tuhoture judio masa sa puhtoa.

*Jesu Cohamacu* to warocariro jira

<sup>19</sup>Ñ yoa Jesu tinare o sehe ni yahure:

—Potocã musare niita nija. Yuhu, Cohamacu macuno, yu mu suro yoeraja. Yu Pucu to yoirire ñucu, tíre yoaja. <sup>20</sup>Yu Pucu yuhure, to macunore, cahina. Ñ jiro to yoirire yuhure ño pahõona. Ahri mipu to tuua mehne yu yuari yuhdoro tiro payere yoa dutirohca yuhure. To ñ yoa dutichu to tuua mehne yoa ñoihca yuhu. Ñ jina ñu cuanahca musa.

<sup>21</sup> Yŭ Pŭcŭ yariarinare to masoriro seheta yŭhŭ cŭhŭ yŭ cahmainare masoihtja. <sup>22-23</sup> Ne yŭ Pŭcŭ sehe masa ti ñaa buhirire buhiri dahreriro jierara. Yŭhŭ sehere tíre ti ñaa buhirire buhiri dahrehtirore cŭre yŭ Pŭcŭ. Jipihtina masa tirore ti ño payoriro seheta yŭhŭ cŭhŭre ti ño payohti cjihtire buhiri dahrehtirore cŭre yŭhŭre. Yŭhŭre to macŭnore ño payoerana yŭ Pŭcŭ cŭhŭre ño payoerara mŭsa. Tiro jira yŭhŭre warocariro —nire Jesu.

<sup>24</sup> ã ni tuhsŭ õ sehe ni yahu namore:

—Potocãta mŭsare nii nija. Yŭ durucuare tŭhoina yŭhŭre warocarirore wacŭ tuaina jipihtia dachoripe mŭanopŭ ã jirucuahca. ã jicŭ tinare buhiri dahresi yŭhŭ. ã jia tina pichacapŭ wahaborina yŭhdŭahca. <sup>25</sup> Potocã mŭsare niita nija. Pichacapŭ wahahtina yŭhŭre Cohamacŭ macŭnore ti tŭhohti pja mipŭ jira. Baharopŭ cŭhŭre yŭhŭre tina tŭhoahca tjoa. ã tŭhoa tŭho nŭnŭina sehe Cohamacŭ mehne ã jirucuahca. <sup>26</sup> Cohamacŭ yŭ Pŭcŭ sehe ã jirucuchŭ yoariro jira. ã jiro yŭhŭre to macŭnore ã jirucuchŭ yoah tiro ji dutire tiro yŭhŭre. <sup>27</sup> ã jicŭ yŭhŭ masŭno Cohamacŭ to warocariro yŭ jichŭ tiro masare buhiri dahrehtirore cŭre yŭhŭre. <sup>28</sup> Ahrire tŭhona, tŭho cŭaena tjiga mŭsa. Pa dachopŭre jipihtina yariaina masa coparipŭ jiina yŭ durucuchŭ tŭhoahca. <sup>29</sup> ã tŭhoa, noaare yoaina cjiri jipihtia dachoripe Cohamacŭ mehne jihtina cjihti masa mŭjaahca. Ñaare yoaina cjiri sehe ñaare ti yoari buhiri pichacapŭ wahaahca —ni yahure Jesu.

<sup>30</sup> ã ni tuhsŭ õ sehe ni yahu namore:

—Yŭhŭ yŭ mŭ sŭro ne yoaeraja. Ne yŭ basi yŭ cahmano yoa duaeraja. Yŭhŭre warocariro to dutiriro seheta yoa duaaja. ã jicŭ to niriro seheta buhiri dahreja. Tuhsŭ yŭhŭ masare buhiri dahrecŭ quihŭnota yoaja. <sup>31</sup> “Yŭhŭ tuariro jija”, yŭ ni yahuchŭ “Mŭ yahua ne quihŭno jierara”, ni masiboca mŭsa. <sup>32</sup> Pairo jira yŭhŭre yahuriro. Tiro João sehe masare yahure yŭhŭre. Masare yŭhŭre to yahuri cjiri quihŭno tjira. Tíre yŭhŭ noano masija. <sup>33</sup> Mŭsa paina sehene Joãoŭre yŭhŭre sinitu dutina warocare. ã jiro potocãta yahure tiro mŭsare. <sup>34</sup> “Cohamacŭ macŭno jira ahriro”, yŭhŭre ni yahuhtinare macaeraja. ã macaerapacŭta João masŭno to jipachŭta yŭhŭre “Cohamacŭ macŭno jira”, to ni yahurire yahui nija. Mŭsa yŭhŭre wacŭ tuahti cjihtire, mŭsa pichacapŭ wahaborina mŭsa yŭhdŭhti cjihtire yŭhŭre João to yahurire yahui nija. <sup>35</sup> Sihãria mahaa dachoricã to ñŭ masichŭ yoaro seheta João mŭsare buhe mŭhtano mahanocã to catiro puro mŭsare masichŭ yoare. To ã buhechŭ tŭhona mahaa dachoricã wahchere mŭsa. <sup>36</sup> Yŭ jia tiare to ã buhepachŭta Cohamacŭ sehe yŭ jiare noano yahura. To ã yahuchŭ João yŭ jiare to yahua yŭhdoro jira Cohamacŭ ya yahua. ã jicŭ Cohamacŭ to tuaa mehne yŭhŭre to yoa dutiri cjirire mipŭ yoai nija. Ahrire yŭ yoachŭ ñŭna potocãta Cohamacŭ to warocariro yŭ jiare masina mŭsa. <sup>37</sup> ã yoa yŭ Pŭcŭ yŭhŭre warocariro to basi “Tiro yŭ warocariro jira”, ni yahura mŭsare. To ã ni yahupachŭta to durucuare ne tŭhoerare mŭsa. ã jina mŭsa tirore ne masierare. <sup>38</sup> Yŭhŭre Cohamacŭ warocarirore mŭsa ne tŭho duaerare. ã jina mŭsa Cohamacŭ yare ne cahmaerare. <sup>39</sup> Cohamacŭ yare ti joari pŭre mŭsa buhena, “Mari ahri pŭre buhena jipihtia dachoripe Cohamacŭ mehne ã jirucunahca”, nina mŭsa. Tí pŭita yŭhŭre yahura. <sup>40</sup> Tí pŭ yŭhŭre to yahupachŭta mŭsa sehe yŭhŭre cahmaerara. Jipihtia dachoripe Cohamacŭ mehne mŭsa ã jirucuhti cjihtire yŭhŭre sini duaerara mŭsa —ni yahure Jesu.

<sup>41</sup> ã ni tuhsŭ õ sehe ni namore:

—Yŭhŭre mŭsa ño payoerachŭ ñŭcŭ suaeraja yŭhŭ sehe. <sup>42</sup> Mŭsa sehe Cohamacŭre mŭsa cahierachŭ masija yŭhŭ. <sup>43</sup> Cohamacŭ yŭ Pŭcŭ yŭhŭre to dutiriro seheta yŭ tapachŭta mŭsa yŭhŭre cahmaerare. Pairo sehene Cohamacŭ tirore warocaerario to jipachŭta to mŭ sŭro to tapachŭta tiro sehene cahmanahca mŭsa. <sup>44</sup> Paina masa mŭsare ti ño payochŭ cahmana mŭsa. Cohamacŭ mŭsa mehne to ji coachŭ cahmaerara mŭsa. Tiro dihta Cohamacŭ waro jira. ã cahmaerana yŭhŭre tŭhoerara mŭsa. Yŭhŭre wacŭ tuaerara. <sup>45</sup> Mŭsare yŭ Pŭcŭŭre ne yahusãsi yŭhŭ. Tíre masiga mŭsa. Moise cjiro to joari pŭ sehe mŭsare yahusãnohca. “Tí pŭ macaa dutiare mari yoa pahŭona, Cohamacŭ cahai wahanahca”, mŭsa niri pŭ sehe mŭsare yahusãnohca. <sup>46</sup> Moise cjiro to joari pŭi

yũhũ sehere yahuha. ã jina tí pũre “Potocã tjira” nina, yũ yahua cũhũre “Potocã tjira”, niboa mũsa. <sup>47</sup> Moise cjiro to joari pũre “Potocã tjira” nierana, yũ ya durucua cũhũre “Potocã tjira”, nisi mũsa —nire Jesu tinare.

## 6

*Cinco mil bui masare chũa waha Jesu*  
(Mt 14.13-21; Mr 6.30-44; Lc 9.10-17)

<sup>1</sup> ã to buheri baharo yoa cureri pja baharo Galilea wama tiri bũcũpariro pa bũhũsehe coarũ sã to buheinare Jesu sũho pahãa wahare. Tí taro pjiri taro pa wama Tiberia wama tire. <sup>2</sup> Tó pano Galilea yahpai Jesu Cohamacũ tuua mehne yoa ño, dohatiinare ti dohatiare to cohãchũ masa ñũa tire. ã jia Jesu to pahãchũ ñũa, masa payũ tirore nũnũ ti pahãre. <sup>3</sup> ã yoa baharo tí taro dũhtũ caharũ Jesu sãre sũho pahã sũ, tũcũrũ mũja, tũ buipũ sãre sũho dujire. <sup>4</sup> Tí dachore Pascua wama tiri bose nũmũ cjihto, sã judio masa ya bose nũmũ sũhti dacho cjihto mahaa dachoricã dũhsare. <sup>5-6</sup> Tórpũ dujiro, Jesu payũ masa to caharũ ti tarucuchũ ñũre. ã ñũno Felipere õ sehe ni sinitu ñũre:

—¿Ahrina masa ti chũhti cjihtire nohopũ nuchũnahcari mari? —nire Felipere.

Jesu to basi to yoahũtũre masiparota Felipere ã sinitu ñũre “¿Dohse ni yũhtirohcari?” nino. <sup>7</sup> To ã sinitu ñũchũ tũhorõ Felipe sehe õ sehe ni yũhtire:

—Ocho sũri posa dahra wapataa niñeru mehne chũare mari nuchũpachũta masare cãinare daacã chũare mari witipachũta ne mũ sũsi —nire Felipe Jesure.

<sup>8</sup> ã yoa paio, sã mehne macariro Andre, Simo Pedro bahũro sehe Jesure õ sehe ni yahure:

<sup>9</sup> —Ahrũro wahma wahmũa tariro cinco pão curirire, ã jichũ wahi pũarocã cũhũre cjuara. Wiho mejeta masa sehe payũbia jira. ã jiro ahri mahanocã chũa ne mũ sũsi —nire Andre.

<sup>10</sup> To ã niri baharo:

—Masare duji dutiga mũsa —nire Jesu sã to buheinare.

Tóí daacã tja jiro jire. Sã duji dutichũ masa nuju sũ pihtiare tja bui. Tina mũa dihtare sã quihõchũ cinco mil wahtarõ jire. <sup>11</sup> Tí ã nuju sũchũ ñũno Jesu sehe pãore na, Cohamacũre “Noana”, nire. ã ni tuhsũrota sãre to buheinare witi dutire. To ã dutichũ sã sehe tóí dujiinare witi wahcãí. Tuhsũ, pũaro wahi cũhũre witihi tinare. Jipihtinare noano ti chũ duaro puro chũare tinare witihi. <sup>12</sup> Baharo masa sehe yapi yũhdũa wahare. Tí ã yapi yũhdũachũ ñũno Jesu sãre õ sehe ni yahure:

—Tí chũ dũharire noano saa cahmachu pahũoga. ã yoana ti chũ dũhaare ne bosí —nire.

<sup>13</sup> To ã nichũ tũhona sã sehe cinco pão curiri dũhsarire sã saa cahmachuchũ doce pũhũse warõ wijare. <sup>14</sup> ã jia Jesu tíre to tuua mehne to yoa ñochũ ñũa, masa sehe õ sehe nire:

—Potocãta jira. Ahrũro Cohamacũ yare yahu mũhtariro ahri yahparũ “Tarohca”, ti niriro mari cohtariro tjira —nire tina.

<sup>15</sup> ã jia tina Jesure ti pũhtoro jihtiro cjihtore ñaha sõ duamare. Jesu tí ã ni tũhotuare masino pari turi cũirota tũcũrũ wahaa wahare.

*Jesu co bui ducu wahcãha*  
(Mt 14.22-27; Mr 6.45-52)

<sup>16</sup> Ñamicharũ sã to buheina bũcũpariropũ buhai. <sup>17</sup> Tórpũre buhu sũ, dohoriarũ samu, Capernau wama tiri macarũ majare pahãí. Tí pjare sã majare pahãri pjare ñamipũ jire. Jesu sehe sã caharũ tju wihierasĩnĩre mini. <sup>18</sup> Sã ã majare pahãno watoĩ wihnono tuaro sãre tachũ, pahcõri bũjũa pahcõri wahcãre. <sup>19</sup> Sã cinco kilõmetro sũboro warõ sã sũchũ warõ Jesu sãre mũ sũre. Co buipũ to tachũ ñũĩ sã. ã sã cahai to tachũ ñũna, sã sehe cua yũhdũa wahacũrũ. <sup>20</sup> Sã ã cua yũhdũachũ ñũno tiro sãre õ sehe ni yahure:

—Cuiena tjiga. Yũhũta jija —nire Jesu.

<sup>21</sup> To ã nichu tũhona sã wahchea mehne tirore piti boca samu dutihi. To samuri baharocãta wacũenoca sã wahari yahpapure pahã su tuhsũhi.

*Masa sehe Jesure macaha*

<sup>22</sup> ã yoa tí ñamine masa bũcũpariro pa bũhũsehe coapu tjuaina sehe sã yaria bũsoca, sã pahãntia cũria to jichu ñure. Tia mehne sã sahsero sã pahã wahachu cũhure ñure tina. Tuhsu Jesu sã mehne to pahãerachu ñure tina. ã jia pa dachoi tirore tói cohtaa niri jimare tina. <sup>23</sup> Ti ã cohtaro watoi, paye bũso, Tiberia wama tiri macapu taa bũso Jesu Cohamacure “Noana”, to niriro cahacã cureroru, masare to chũa witiro cahacã cureroru wahã sũri jire tí bũso. <sup>24</sup> ã yoa sãre Jesu to sũho jimarirore to mariachu ñña, masa tí bũsoru samu, Capernaupu sãre nũnũ ti pahã tari jire, Jesure maca taa.

*Jesu catichu yoa chũa yoaro sehe jiriro jira*

<sup>25</sup> Ti pahã wihiri baharo, Jesure boca wihi, tina masa õ sehe ni sinitu ñure tirore:  
—Buheriro, ¿dohse jichu tari mũhũ õpũre? —ni sinitu ñure tina.

<sup>26</sup> Ti ã ni sinitu ñũchu, Jesu tinare õ sehe ni yahure:

—Potocã niita nija mũsare. Yũhu mũsare Cohamacu tuua mehne yũ yoa ñopachũta yũhũre sehere wacũ tuaerara mũsa. Yũhũre wacũ tuaerapanahta yũhũre macana mũsa. Yũhũ mehne bũjũa chu, mũsa yapirina cjiri jina yũhũre maca tari jira mũsa. <sup>27</sup> Wiho mejeta chũa ne ã jirucuerara. Baharoru pihtia wahara. ã jina tíre ã macarucuenta tjiga mũsa. Paye baro chũa soro jia chũare macaga mũsa. Tí soro jia chũare bocana jipihtia dachoripe Cohamacu mehne jirucunahca. ã jia tí chũa pinihta ne pihtisi. Tí chũare yũhu masũno Cohamacu warocariro mũsare waitjta. Cohamacu yũ Pũcu yũhũre tí baro chũare wa dutiriro jira. Tirota to warocariro yũ jiare ño tuhsũre mũsare —nire Jesu.

<sup>28</sup> To ã nichu tũhoa tina õ sehe ni sinitu ñure tirore:

—¿Cohamacu to yoa dutiare yoana tana dohse yoanahcari sã? —ni sinitu ñure tina.

Jesu sehe ti ã nichu tũhoro, õ sehe ni yũhtire tinare:

<sup>29</sup> —Cohamacu mũsare õ sehe dutira. To warocarirore mũsa noano tũho, wacũ tuachu cahmana tiro —ni yũhtire Jesu.

<sup>30</sup> To ã nichu tũhoa tina õ sehe nire tjoa:

—Cohamacu warocariro jicu tiro to tuua mehne yoa ñoga sãre mũhũre sã noano wacũ tuahto cjihtore. ¿Yaba barore yoa ñobocari mũhũ? <sup>31</sup> Mari ñũchũsũma cjiripu ranoru macaina masa marienoru maná wama wama tiare chũa tiha. Cohamacu yare ti joari pũpu õ sehe ni yahura: “Tiro tinare mũano macaa chũare waa tiha ti chũhti cjihtire”, ni joaa tiha Cohamacu yare ti joari pũpu. ¿To ã yoariro seheta yoaihcare mũhũ cũhũ? —nire tina.

<sup>32</sup> Ti ã nichu tũhoro õ sehe ni yahure Jesu tinare:

—Potocã mũsare niita nija: Moise cjiro mũano macaa chũare waera tire mũsare. Yũ Pũcu sehe mũano macaa chũare potocã jia chũare mũsare wariro jira. <sup>33</sup> Cohamacu to chũa mũanoru duji ta, jipihtiro yahpa macainare catichu yoa masina —nire Jesu tinare.

<sup>34</sup> —Pũhtoro, dachoripe tí baro chũare ã warucuga sãre —nire tina.

<sup>35</sup> Ti ã nichu tũhoro, Jesu sehe õ sehe ni yahure tinare tjoa:

—Yũhu sehe catichu yoa chũa yoaro sehe jiriro jija. Mari ya chũare mari chũri baharocãta dóicãta jũca baa wahaja mari tjoa. Sihnia cũhũre mari sihniri baharocãta ñahma yapioa wahaja tjoa. Wiho mejeta diro yũhũre cahmariro, yũhũre wacũ tuariro, ne jũca baaerario yoaro seheta to wahchea sehe tirore ne pihtisi. <sup>36</sup> Mũsa sehe yũhũre ñũpanahta yũhũre wacũ tuaerasinina mini. Tíreta mũsare yahumahi yũhũ. <sup>37</sup> Jipihtina yũ Pũcu yũ yaina cjihtire yũhũre to cũrina sehe yũhũre cahmaahca. ã jii yũhũre cahmainare ne cohãsi yũhũ. <sup>38</sup> Mũanoru tacu yũ cahmano yoai tai nierahi. Yũhũre warocariro to cahmariro seheta yoai tai nii yũhũ. <sup>39</sup> Ahrita jira yũhũre warocariro to cahmaa waro: Jipihtina yũ yaina cjihti yũhũre to warina cjirire yũ boerachu cahmana

yǎhure warocariro pihtiri dachoi ti masa mǎjahto cjihtore. <sup>40</sup> Jipihtina yǎhure Cohamacu macunore ñina, yǎhure wacũ tuaina jipihtia dachoripe tiro mehne ti jirucuchũ cahmana yũ Pũcu. ã jicu pihtiri dachoi tinare masoihtja —nire Jesu.

<sup>41</sup> “Yũhũ mũanorũ taa chũa yoaro sehe jiro jija”, to nichũ tũhoa judio masa sã pũhto sehe tiro mehne sua, <sup>42</sup> ti basi Jesure ñano ni durucure:

—¿Ahriro Jesu José macuno jierajari? To pũcuro, to pocoro cũhure mari masija. Tuhsu mari yoaro sehe pjacũ tiriota jira. ¿ã jiparota dohsearo “Mũanorũ tahi”, nijari tiro? —ni suare tina.

<sup>43</sup> Ti ã nichũ tũhoro Jesu õ sehe ni yahure tinare:

—Mũsa yǎhure ñano ni durucuena tjiga. <sup>44</sup> Yũ Pũcu yǎhure warocariro sehe masare yũhũ sehere cahmachũ yoara. To ã yoerachũ masa sehe yũ yaina ji masieraboa. Pihtiri dachoi yũ yainare masoihca yũhũ. <sup>45</sup> Cohamacu yare yahu mũhtaina cjiri sehe õ sehe ni joaa tiha: “Cohamacu tinare buherohca”, ni joaa tiha Cohamacu yare yahu mũhtaina cjiripũ. Jipihtina yũ Pũcu to buheare tũhoina, tirore yũhtiina yǎhure cahmana. ã jia yũ yaina jira.

<sup>46</sup> Yũ Pũcure ne cãiro masuno ñerare. Yũhũ Cohamacu warocariro dihta yũ Pũcure ñũhi. <sup>47</sup> Potocã niita nija mũsare. Yũhure wacũ tuariro jipihtia dachoripe yũ Pũcu mehne ã jirucurohca. <sup>48</sup> Yũhũ catichũ yoaa chũa yoaro sehe jiro jija. <sup>49</sup> Mũsa ñũchũsuma cjiri masa marienorũ manãre chũa tiha. ã tíre chũpahta yariaa wahaa tiha. <sup>50</sup> Mũanorũ taa chũare yũ nia chũare masuno chũro, ne pichacaru wahasi. <sup>51</sup> Yũhũ mũanorũ taa chũa catichũ yoaa chũa yoaro sehe jiro jija. Ahri chũare chũriro jipihtia dachoripe yũ Pũcu mehne ã jirucurohca. Ahri chũa catichũ yoaa chũa yoaro sehe jia yũ pjacũta jira. Jipihtiri yahpa macaina Cohamacu mehne ti ã jirucuhti cjihtire yũ pjacure waihtja. ã wacu yariailhca —nire Jesu.

<sup>52</sup> To ã nichũ tũhoa sã coyera judio masa sehe tíre õ sehe ni durucure ti basi:

—¿Ahriro dohse yoa to pjacure chũhti cjihtire warohcari? —nire tina ti basi.

<sup>53</sup> Ti ã nichũ tũhoro Jesu õ sehe ni yahure:

—Potocã niita nija mũsare. Yũhũ masuno Cohamacu warocariro jija. Yũ pjacure chũerariro, yũ dire sihnierariro Cohamacu ya catia mehne ã jirucusi. <sup>54</sup> Yũ pjacure chũriro, yũ dire sihniriro yũ ya catia mehne ã jirucurohca. ã jicu pihtiri dachoi tirore masoihtja. <sup>55</sup> Yũ pjacũ potocãta chũa waro yoaro sehe jira. Yũ di potocãta sihnia waro yoaro sehe jira. <sup>56</sup> Yũ pjacure chũriro yũ dire sihniriro yũhũ mehne wahchea mehne jirucura. Yũhũ cũhũ tiro mehne wahchea mehne jirucuja. <sup>57</sup> Yũ Pũcu yǎhure warocariro ã jirucura. ã jirucuro, yũhũ cũhure ã jirucuchũ yoara. ã jia yǎhure ã jirucurirore masa chũa, Cohamacu mehne mũanorũ ã jirucuahca tina cũhũ. <sup>58</sup> Ahrita jira mũanorũ taa chũa. Mari ñũchũsuma cjiri maná wama tia ti chũri cjiri yoaro sehe jierara ahri chũa. Tina sehe tí chũare chũpahta yariaa wahaa tiha. Ahri chũa sehere chũriro mũanorũ ã jirucurohca —nire Jesu.

<sup>59</sup> Capernaupũ judio masa sã buheri wũhũ Jesu buhero, ãta ni yahure.

*Jesu buheare tũhona mũanorũ ã jirucunahca mari*

<sup>60</sup> Payũ Jesure cahmaina to ã ni buheare tũhoa, õ sehe ni durucure:

—Ahri buhea nucu mijona. ã jina mari tũho duaera cureja —ni durucure tina ti basi.

<sup>61</sup> Ti ã nichũ Jesu sehe ti durucure masire. ã masino tiro õ sehe ni siniture tinare:

—¿Ahri buheare tũhona suajari mũsa? <sup>62</sup> ¿Yũhũ masuno Cohamacu warocariro mũanorũ yũ tjuaa wahachũ ñũna dohse ni tũhotubocari mũsa? <sup>63</sup> Espiritu Santo masunore catichũ yoara. Masa sehe ti basi catichũ yoerara. Espiritu Santo masare to catichũ yoariro seheta yũ buhea sehe mũsare Cohamacu mehne ã jirucuchũ yoara. <sup>64</sup> Cãina mũsa mehne macaina ne yũhure wacũ tuaerara —nire Jesu.

Wahmanorũre Jesu tirore wacũ tuaerainare masire. Tirore ñũ tuhtiinare ñohtiro cũhure masi tuhsure. ã tirore wacũ tuaerainare masino “Cãina mũsa mehne macaina yũhure wacũ tuaerara”, nire Jesu.

<sup>65</sup> Ñ ni tuhsu õ sehe ni namore:

—Õ sehe ni yahumahi musare: “Yũ Pũcu sehe masare yũhu sehere cahmachu yoara. To ã yoerachũ masa sehe yũ yaina ji masieraboa”, musare nii nimahi —nire Jesu.

<sup>66</sup> To ã ni buhechu tũhoa payũ Jesure cahmamarina cjiri tirore cohã, tiro mehne pari turi wahaerare. <sup>67</sup> Ti ã yoachũ ñũno Jesu sãre doce to buheinare õ sehe ni siniture:

—¿Mũsa cũhu yũhũre cohãnahcari? —ni siniture sãre.

<sup>68</sup> To ã nichũ Simo Pedro õ sehe ni yũhtire tirore:

—Pũhtoro, sãre paio buheriro mariahna. Mũ ya buheare tũhona Cohamacũ mehne ã jirucunahca sã. Mũ ya buhea dihta tíre yahura sãre. <sup>69</sup> Ñ jina sã mũhũre wacũ tuaja. Ñ yoa mũhu noariro, Cohamacũ macũno to warocariro mũ jichũ sã masija. Ñ jina mũhũre cohãsi sã —nire Simo Pedro Jesure.

<sup>70</sup> To ã nichũ tũhoro Jesu õ sehe ni yahure sãre:

—Yũhu sehe musare doce besehi. Wiho mejeta cũiro mũsa mehne macariro watĩno yairo cjihto jira —nire sãre to buheinare.

<sup>71</sup> Ñ nino Judare Simo Iscariote macũnore nino niri jire. Juda sehe doce buheina sã mehne macariro Jesure ñũ tuhtiinare ñohtiro jire.

## 7

*Jesu bahana tirore “Cohamacũ macũno jira”, ni masieraha*

<sup>1</sup> Baharo Jesu Galilea yahpai tinino wahare. Judea yahpai judio masa tirore wajã duare. Ti ã wajã duachu masino tiro tí yahpũ wahaerare. <sup>2</sup> Judio masa daa wũhũsecã sã yoahiti nũmũri bese nũmũri mahanocã dũhsatjiãhre. <sup>3</sup> Ñ jia Jesu bahana tirore õ sehe ni yahure:

—Judeapũ wahaga. Tói mũ yainare Cohamacũ tuaa mehne mũ ñohtiro cjihto wahaga mũhu. <sup>4</sup> Masare yoa ño duacu yaeraro cahmana mũhũre. Yoa ñono cahmana. Potocãta Cohamacũ tuaa mehne yoariro jicu tíre masare ñoga —nimare tina.

<sup>5</sup> To bahana jipahta Jesure “Cohamacũ macũno jira”, nierare. Ñ jia, ã nire tina tirore.

<sup>6</sup> Ti ã niri baharo Jesu õ sehe ni yahure tinare:

—Masa yũhũre ti noano masihti pja dũhsasinina mini. Mũsa sehe ñũ duana bese nũmũri jichũ waha masina. <sup>7</sup> Ahri yahpa macaina musare ñũ tuhtierara. Yũhu ti ñaa buhirire yũ yahuchũ tina yũhu sehere ñũ tuhtira. <sup>8</sup> Bese nũmũ jichũ wahaga mũsa sahsero. Yũhũre yũ wahahto dũhsasinina mini. Ñ jicu yũhu sehe bese nũmũrine ñũ wahaerasinija —nire Jesu tinare.

<sup>9</sup> Ñ nino tiro Galileai tjuare.

*Jesu daa wũhũsericã ti yoari nũmũri bese nũmũri jichũ wahaha*

<sup>10</sup> Bese nũmũripũ Jesu bahana ti ñũa wahari baharo Jesu cũhu ti baharo wahare. Ñ waharo masa ti ñũeraro watoi wahare. <sup>11</sup> Bese nũmũrihi jiina judio masa sã pũhtoa tirore macare:

—¿Nohopũ jicari tiro? —ni sinituha tina.

<sup>12</sup> Ñ jia masa cũhu Jesure payũ yahuwajaha. Paina “Tiro noariro jira”, niha. Paina sehe “Tiro ñariro jira. Masare mahñoriro jira”, ni yahuwajaha tina.

<sup>13</sup> Ñ nipahta judio masa sã pũhtoare cuia, masa ti ñũeraropũ Jesure yahuwajaha.

<sup>14</sup> Bese nũmũri dacho macai Cohamacũ wũhũpũ Jesu sãa sũro, buhere. <sup>15</sup> To ã buhechu sã coyeyã judio masa tũho cũaa waha, õ sehe nire:

—¿Ahriro buheropũ buhemahnoerariro jiparota dohsearo noano masi pahñonocajari? —nire tina tirore.

<sup>16</sup> Ti ã nichũ Jesu õ sehe ni yahure tinare:

—Yũ buheri cjiri yũ ya durucua jierara. Yũhũre warocariro ya durucua sehe jira ahri buhea. <sup>17</sup> Cohamacũ cahmaare yoa duaina yũ buhea sehere Cohamacũ ya durucua ti jichũ masiahca. Yũ mũ sũro yũ buherachũ cũhũre masiahca tina. <sup>18</sup> Cũiro to mũ sũro to masia mehne buheriro jiro “Yũhu dihtare ño payoga”, niriro jira tiro. Wiho mejeta yũhũre warocariro sehere mũsa ño payochũ cahmaja yũhu sehe. Yũ ã nichũ tũhona “Potocã durucuriro jira tiro. Ne mahñoerara”, ni masinahca mũsa.



<sup>19</sup> Cohamacu dutiare Moise cjiro sehe cūa tiha māsare. To ã cūpachuta mūsa jipihtina tí dutia sehere ne yūhtierare. ¿Dohseana yūhure wajā duajari mūsa? —nire Jesu sã coyee judio masare.

<sup>20</sup> —Mūhū tūho masierariro, watīno to cohtotariro jira. Mūhure wajā duaina mariahna —ni yūhtire tina Jesure.

Ti ã nichū Jesu õ sehe ni yūhtire:

<sup>21</sup> —Sori nūmū Sabado jichū cū tahata Cohamacu tuaa mehne dohatiriro to dohatiare yū cohāchū mūsa ñū cūaa wahare. <sup>22</sup> Mari ñūchūsūma cjiri panopū macaina sehe ti pjacure mahanocā cahsarocāre yihsoina ti yoariro seheta Moise cjiro yihso dutiha. To ã dutichū Sabado mari sori nūmū jipachuta masūnore to pjacure mahanocā cahsarocāre yihSORA mūsa. <sup>23</sup> Sabado jichū masūnore to pjacure mahanocā cahsarocāre yihSORA mūsa, Moise cjiro dutiri cjirire yoana tana. ¿Mūsa cūhū Sabado dachoi tíre yoapanahta tí dachoi dohatirirore jipihtia to pjacure noariro yū yoachū ñūna dohseana yūhū mehne suari mūsa? <sup>24</sup> Yū yoarire mūsa noano masierapanahta, yūhure ñano tūhotuena tjiga. Mūsa noano masiri baharo yūhure mūsa tūhotua potocā tjiahca —nire Jesu.

*Jesu wahmanopū to tarirore yahuha*

<sup>25</sup> To ã ni yahuri baharo mahainacā Jerusalē macaina tirore õ sehe ni yahuwajare:

—¿Ahriro judio masa pūhtoa ti wajā duariro jierajari? <sup>26</sup> ã tirore ti wajā duapachuta jipihtina panoi masare buhero nina tiro. Wiho mejeta tirore wajā duaina jipahta ã ñūnocahna. “Tiro potocāta Cristo jira”, ¿ni tūhotubocari pūhtoa sehe? <sup>27</sup> Wiho mejeta ahriro Jesu to tarirore sã masija. Cristo sehe masare yūhdūchū yoahrtiro to tachū to tariro sehere masimahnoerara. ã jiro masare yūhdūchū yoahrtiro Cristo waro jierara Jesu —ni yahuwajare tina Jerusalē macaina.

<sup>28</sup> Ti ã niare masino, Jesu õ sehe ni tuaro sañurucu buhere Cohamacu wūhūi:

—Yūhure õ sehe ni tūhotura mūsa: “Tirore masija. ã jina to tariro cūhure masija”, ni tūhotumana mūsa. Mūsa ã ni tūhotupanahta yūhure warocarirore ne masierara mūsa. Yūhure warocariro potocā niriro, potocā yoariro jira. Tirore ne masierara mūsa. <sup>29</sup> Tirota yūhure warocare. ã jicū tiro cahapūta tahi. ã jicū yūhū sehe tirore masija —nire Jesu judio masare.

<sup>30</sup> To ã nichū tūhoa tirore ñaha duamare. Ti ã ñaha duapachuta Jesu to ñano yūhdūhti pja dūhsasinire. ã jia tina tirore ñaha masierare. <sup>31</sup> Paina masa sehe payū tirore wacū tua, õ sehe nire:

—Ahriro Jesu sehe payū tahari Cohamacu to tuaa mehne yoa ño tuhsure. Jipihtina paina yūhoro Cohamacu tuaa mehne yoa ñohna tiro. ã yoarota Cristo Cohamacu to warocariro tjira ahriro Jesu —nire Jesure wahma wacū tua dūcaina.

*Fariseo curua macaina Jesure peresu yoa dutiha*

<sup>32</sup> Masa Jesure ti ã ni durucuchū tūhoa sacerdotēa pūhtoa, fariseo curua macaina mehne Jesure ñaha dutia warocaha surarare.

<sup>33</sup> ã jiro Jesu judio masare õ sehe nire:

—Maha dachoricā mūsa mehne jisinihca. ã jicū baharocāta yūhure warocariro cahapū wahaihca. <sup>34</sup> Yū jihtopū mūsa waha masierara. ã jina yūhure macapanahta ne bocasi mūsa —nire Jesu judio masare.

<sup>35</sup> To ã nichū tūhoa tina ti basi õ sehe ni durucure:

—¿Ahriro ã nino nohopū wahabocari, mūsa tūhotuchū? ¿Griego masa cahai judio masa waha siteina ti jia macari cjiripū griego masapūre buhero wahabocari ahriro? <sup>36</sup> “Yū jihtopū mūsa waha masierara. ã jina mūsa yūhure macapanahta ne bocasi”, to nichū ¿dohse nino baro ahriro ã nijari? —ni durucure judio masa ti basi.

*Catichū yoaa mārīne yahuha Jesu*

<sup>37</sup> Bose nūmūri pihtiri dacho tí dacho waro jiro nire. Tí dachoi Jesu tói ducuro, tuaro mehne sañurucu õ sehe ni yahure:

—Ñahma yapioina core ti tuaro cahmano seheta jipiltia dachoripe Cohamacu mehne musa jiltire tuaro cahmaina yuhure siniga. Musa ã sinichu Cohamacu yaina musare ji dutiiltja. <sup>38</sup> Yuhure wacu tuainare õ sehe ni joaa tiha Cohamacu yare ti joari tju: “Mári poharipã catichu yoaa co to ã wijaarucuro seheta Cohamacu yaina mehne catichu yoariro ã jirucurohca”, ni joaa tiha Cohamacu yare ti joari tju —ni yahure Jesu judio masare.

<sup>39</sup> ã catichu yoarirore wama payo yahuro “Yuhure wacu tuainare Espiritu Santo sãarucã sã mña waharohca”, nino nire Jesu. Tiro mñanopã to mñaerasinichu Espiritu Santo sehe wihierasiniha.

*Judio masa pãa curua tju waha*

<sup>40</sup> Jesu to ã nichu tuhõa, masa payu õ sehe ni durucure:

—Ahiro potocãta Cohamacu yare yahu mñhtariro mari cohtariro jira —nire masa.

<sup>41</sup> Õ sehe nire paina sehe:

—Ahiro Cristo marine yuhdũchu yoah tiro jira —nire.

Paina sehe õ sehe nire tjoa:

—Cristo taro, Galilea yahpa macariro jisi tiro. Ahiro Jesu sehe tó macariro tjira.

<sup>42</sup> Cristo Davi cjiro panamino ji turiariro jirohca. ã jiro Davi ya maca cjiroi Belẽi Cristo masa bajuarohca. Õ seheta ni yahura Cohamacu yare ti joari pũi. Ahiro Jesu sehe Belẽi masa bajueraha. ã jiro tiro Cohamacu to warocariro Cristo waro jierara —nire tina.

<sup>43</sup> ã jia Jesure tuhomarina cjiri tju ware ti basi pãa curua. <sup>44</sup> Mahainacã masa sehe Jesure ñaha duamare. ã ñaha duapahta tirore ñahaerare.

*Judio masa pũtoa Jesure ne wacu tuaeraha*

<sup>45</sup> ã yoa surara sacerdotia pũtoa cahapã fariseo curua macaina cahapã tjuaa wahaha. Ti tju sũchu ñãa tina surarare sinituha:

—¿Dohseana Jesure ñahaerari musa? —ni sinituha tina sehe.

<sup>46</sup> —Tiro noaputiaro durucuriro jihre. Paina tiro yoaro sehe durucuina ne mariahna —ni yũtiha surara tinare.

<sup>47</sup> Ti ã nichu fariseo curua macaina sehe õ sehe ni yahuha:

—¿Musare to mahõochu “Potocã nino nica”, niri musa cũhu? <sup>48</sup> Mari pũtoa Jesure wacu tuaeraina jia ne tirore cahmaerare. Sã cũhu ã jina tirore cahmaeraja. <sup>49</sup> Ahrina masa sehe Cohamacu dutiare Moise cjirore to cũire masierara. ã masieraina jia Jesure wacu tuaina jia tirore cahmana. Ti ã cahmari buhiri tinare Cohamacu buhiri dahrerohca —niha fariseo curua macaina.

<sup>50</sup> Fariseo curua macariro Nicodemo Jesure sũhũduro sũriro cjiro tói jiha tina mehne. Ti ã nichu tuhoro õ sehe niha tiro cũhu tinare:

<sup>51</sup> —Jesu to ñano yoarire masieraja mari. ã masierana tiro marine to yahuhto pano tirore buhiri dahre masieraja mari. ã masierapanahta tirore buhiri dahrena, mari ya dutiare yuhdũrucana nija mari —niha Nicodemo tinare.

<sup>52</sup> To ã nichu tuhõa õ sehe ni yũtiha tina:

—¿Mũhu cũhu tiro yoaro seheta Galilea macariro tjiari? Cohamacu yare ti joari tjure buhe pahõoga. ã buhesũ, “Cohamacu yare yahu mũhtaina ne cũiro mariahna Galileare”, ni buhe masiõhca mũhu. ã jiro ã nimacanocano nina Jesu —ni yũtiha tina Nicodemore.

<sup>53</sup> [Ti ã niri baharo ti ya wũhũsepã tjuaa wahaha.

## 8

Mũno mehne ñano yoaricorore judio masa pũtoa wacũenoca sũ pãaha

<sup>1</sup> Jesu tũcupã Olivo wama tidũpã wahare. <sup>2</sup> ã yoa pa dachoi bohrearo jichu Cohamacu wũhũpũ tiro sure tjoa. To ã sũchu ñãa masa payu tiro cahai cahmachure. Ti ã cahmachuchũ ñũno tiro sehe dũjitjiãhno tinare buhe dũcare. <sup>3</sup> To ã buhero watoi sã coyeya judio masa buheina, fariseo curua macaina mehne tí wũhũpũ numinore na tare. Ticoro mũno mehne to ñano yoachũ waro wacũenoca sũ pãa sũha tina ticorore. ã sũ pãa

sua ticatorore Cohamacu wuhuru na saare tina. Na saa su tuhsu jipihtina panoi ticatorore duhu dapo, <sup>4</sup> ò sehe nire:

—Buheriro, ahricoro muno mehne ñano to yoachu waro wacuenoca ticatorore su pja suhi. <sup>5</sup> Cohamacu dutiare Moise cjiropu marine to cūri ò sehe nina: “Muno mehne ñano yoaricorore taa mehne doca, wajāga”, nia tiha Cohamacu dutia. Muhu waro, ¿dohse ni tuhutujari ahrire? —ni siniture tina Jesure.

<sup>6</sup> Jesu to ñano nichu tuho duaa nimare tina tirore yahusā duaa. Ti ā sinitupachuta Jesu sehe puhsa nuju su, yahpau to wamo pica mehne joare. <sup>7</sup> Ā jiro ā ti ni siniturucuhu Jesu sehe wahcāruca, tinare ò sehe ni yahure:

—Musa mehne macariro ñano yoareriro sehe ticatorore taa mehne doca mahtajaro — nire Jesu.

<sup>8</sup> Ā ni tuhsu pari turi tiro puhsa nuju, yahpau joare tjoa. <sup>9</sup> Tíre tuhoa ti ñaa yoarire wacūa, ti wahmisuma sehe wijaa mahtare. Ti baharo tina mehne macaina cūhu wijaa pihtia wahare. Ā ti wijaa pihtiaro baharo numino tói ducuricoro Jesu mehne tjuare. <sup>10</sup> Ā jiro Jesu wahcā nuju su, ticatorore ò sehe ni sinitu ñure:

—¿Nohoru wahari tina? ¿Muhure buhiri dahre duamarina mariajari mipure? —nire ticatorore.

<sup>11</sup> —Mariahna, puhtoro —ni yuhtire ticoro.

—Yuhu cūhu buhiri dahreraja muhure. Wahaga. Ā jico ñaare yoa namoeco tjiga —nire Jesu ticatorore.]

*Buhriaro marine to ñu* masichu yoaro seheta Jesu ahri yahpa macainare Cohamacure masichu yoara

<sup>12</sup> Pari turi Jesu tí wuhuru jiiinare ò sehe ni yahure:

—Buhriaro marine to ñu masichu yoaro seheta yuhu ahri yahpa macainare Cohamacure masichu yoaja. Yuhure wacū tuariro jipihtia dachoripe Cohamacu mehne ā jirucurohca. Ā jiro tiro noaare wacūnohca. Ā yoa tiro ñaare wacū duasi —ni yahure Jesu.

<sup>13</sup> To ā nichu tirore fariseo curua macaina ò sehe nire:

—Muhu mu basi mu jia tiare ā ni durucui nina. Ā jia mu ò sehe ni, mu mu sūro mu nimacanocachu tí yaba cjihti jierara —nire tina Jesure.

<sup>14</sup> Ti ā nichu Jesu ò sehe ni yuhtire:

—Yu tariore masija yuhu. Yu wahahto cūhure masija yuhu. Musa sehe ne tíre masierara. Musa ò sehe nipachuta yu jia tiare musare yu yahuri potocā tjira. <sup>15</sup> Musa mu sūro musa ñuri dihtare masina musa. Ā jina noano masierara musa. Ā masierapanahta yuhure ñano ni durucura musa. Yuhu sehe yu mu sūro masare ne ā nieraja. <sup>16</sup> Ā jicu masa ti jia tiare ñu masicu yu mu sūro ñu masieraja. Yuhu pini yu Pucu yuhure warocariro mehne ñu masija. Ā jicu masa ti jia tiare yu ñu masia tí potocā tjira. <sup>17</sup> Musare dutia ti joari pūi ò sehe ni yahura: “Puaru masa cūno potori ti yahuchu ti yahua potocā tjira”, ni yahu joari jira. <sup>18</sup> Yuhure yahuriro mehne sā puaro tjija. Yuhu yu jia tiare yahuja. Tuhsu, yu Pucu cūhu yahura yuhu sehere. Tirota jira yuhure warocariro —nire Jesu.

<sup>19</sup> —¿Nohoru jicari mu Pucu? —ni siniture tina.

—Yuhure musa masierara. Yu Pucu cūhure masierara musa. Yuhure masina, yu Pucu cūhure masiboa musa —ni yuhtire Jesu tinare.

<sup>20</sup> Jesu tinare buhero ā ni durucure Cohamacu wuhuri ti niñeru duhu saa caa poca cahai. To ñano yuhduhti pja dūhsasinire. Ā jia tina mehne to jipachuta tina tirore ñahaerare.

“Yu wahahtopure musa sehe waha masisi”, niha Jesu

<sup>21</sup> Pari turi Jesu tinare ò sehe ni yahure tjoa:

—Yu tariropu wahaihca. Yu wahari baharo yuhure macanahca musa. Ā jina musa ñaa buhiri tiina yarianahca. Yu wahahtopure musa sehe waha masisi —ni yahure Jesu.

<sup>22</sup> —“Yu wahahtopure musa sehe waha masisi”, ¿to nichu tuhoa ahriro to basi wajā yariarohcari ā nino? —nire sā coyca judio masa ti basi.

<sup>23</sup> Ti basi ti ā nichu masino ò sehe ni yahure Jesu tinare:

—Musa sehe ahri yahpa macaina jira. Yuhũ sehe mũano macariro jija. Ahri yahpai bajuarina jira musa sehe. Mũanopũ tariro jija yuhũ sehe. <sup>24</sup> Musa yũ jia tiare yũ nirire “Potocã jierara” nina, musa ñaa buhiri tiina yarianahca musa. ã jicũ “Musa ñaa buhiri tiina yarianahca musa”, nimahi mũsare —nire Jesu tinare.

<sup>25</sup> —¿Noa baro jijari mũhũ? —ni siniture tina.

—Wahmanopũre yũ nirucuriro seheta jija yuhũ. <sup>26</sup> Mũsare yũ yahuhti pjĩro dũhsasinina. Tuhsũ, musa ñano yoari buhirire mũsare yũ yahuhto cjihto pjĩro dũhsasinina mini. ã jicũ yuhũre warocariro to yahuri cjirire ahri yahpa macainare yahuja. To yahuri potocã tjira —nire Jesu tinare.

<sup>27</sup> “Yuhũre warocariro”, to nichũ tũhoa “Mari Rũcũ jica”, ni tũhotuerare tina. <sup>28</sup> Ti ã ni tũhotuerachũ ñũno Jesu õ sehe ni yahure tinare:

—Yuhũre masũnore Cohamacũ warocarirore musa yucũcũ taño mehne wahcõ daponahca. Musa ã yoana, “Tiro Cohamacũ warocariro tjira”, ni masinahca. ã jina yũ mũ sũro yũ yoerariro yũ jia tiare masinahca musa. ã jina yũ Rũcũ yuhũre to buheri dihtare yahuriro yũ jia cũhũre masinahca musa. <sup>29</sup> Yuhũre warocariro sehe yuhũ mehne jira. To cahmaare jipihtia dachoripe yoarucuja. ã jiro yuhũre tiro ne cohãerara —nire Jesu tinare.

<sup>30</sup> To ã nichũ tũhoa, tirore masa payũ wacũ tuare.

*Cohamacũ* pohñare, ñaare yoaina cũhũre yahuha Jesu

<sup>31</sup> ã jia paina judio masa Jesure wacũ tuare. ã jiro Jesu tinare õ sehe ni yahure:

—Yũ dutiare yoa pahñoina jina, potocãta yũ buheina jira musa. <sup>32</sup> ã jina potocã masinahca musa. Potocã jiare masina, ñaa yoare duhu masinahca. ã jina cahamaca yoaro sehe ji namosi musa —nire Jesu tinare.

<sup>33</sup> To ã nichũ tũhoa tina õ sehe ni yũhtire:

—Sã sehe panopũ macariro Abrahã cjiro panamana ji turiaina jija. ã jina ne paina ti cahamaca jieraja sã. ã jicũ “Cahamaca yoaro sehe ji namosi” nicũ, ¿dohse jiro baro sãre ã nijari mũhũ? —ni siniture tina Jesure.

<sup>34</sup> Ti ã nichũ tũhoro õ sehe nire tiro:

—Potocã mũsare niita nija. Jipihtina ñaare yoaina sehe ti ñaa yoare duhu masierara. ã jia tí ñaa sehe ti pũhtoro yoaro sehe jira. ã jiina jia cahamaca yoaro sehe jira tina. <sup>35</sup> Cahamacũno sehe to pũhtoro ya curua macariro jipihtia dachoripe jirucuerara. ã jiro painare dutiriro jierara. Tí wũhũ macariro sehe to macũno sehe jipihtia dachoripe potocãta tí curua macariro jira tiro. (Yuhũ sehe Cohamacũ macũno jija. ã jicũ dutiriro jija. Musa ñaa yoare duhu dutihtja.) <sup>36</sup> ã jina yuhũ Cohamacũ macũno ñaare yũ duhuchũ yoarina jina potocãta ñaare duhurina jira musa. (ã jina tí ñaa cahamaca yoaro sehe ji namoerara musa.) <sup>37</sup> Abrahã cjiro panamana ji turiaina musa jichũ masija. ã jipanahta yũ yahua sehene tũho duaerara musa. ã jina yuhũre wajã duara musa. <sup>38</sup> Yũ Rũcũ yuhũre to masichũ yoari cjirire yahuja mũsare. Yũ ã yahupachũta musa rũcũ watĩno mũsare to dutiare yoara musa cũhũ —nire Jesu tinare.

<sup>39</sup> —Abrahã cjiro panopũ macariro sã ñũchũ cjiro jia tiha. ã jiro watĩno sã rũcũ jierara —ni yũhtire tina.

Ti ã nichũ Jesu õ sehe ni yũhtire:

—Abrahã panamana jina, to yoariro seheta yoaboa musa. <sup>40</sup> Cohamacũ yuhũre potocã to yahure mũsare yũ yahupachũta yuhũre wajã duara musa. Abrahã cjiro sehe ne ã yoera tiha. <sup>41</sup> Musa rũcũ to yoariro seheta yoara musa —nire Jesu tinare.

To ã nichũ tina õ sehe ni yũhtire:

—Wamomaca dũhtemahnoeraina pohña jieraja sã. Cũirota jira sã Rũcũ. Tirota jira Cohamacũ —nire tina.

<sup>42</sup> Ti ã nichũ Jesu õ sehe ni yũhtire:

—Cohamacũ mehne macariro jicũ, õpũre tahi. ã jina Cohamacũ musa Rũcũ to jichũ yuhũre cahĩboa musa. Yũ mũ sũro taerahi yuhũ pinihta. Cohamacũ to warocachũ tahi

õpũre. <sup>43</sup> ¿Dohseana yũ durucua tũhoerajari mũsa? Yũ yahuare tũhona bihoerara mũsa. ã jina tũho duaerara mũsa. <sup>44</sup> Mũsa pũcũ sehe watĩno jira. ã jina watĩno cahmaa sehere yoa duara mũsa. Ahri yahpa wahmanopũ to ji dũcachũpũ, mipũ cũhũre tiro masare wajũrucuro jira. Tirore potocã durucua mariaha. ã jiro tiro potocã ne durucuerara. Tiro wahmanopũre mahũno mũhta dũcaro jia tiha. ã jiro tiro ã mahũnucuro jiro, mahũnoare yahura. <sup>45</sup> Yũhũ sehe mũsare potocã yahuja. ã yũ yahuchũ yũhũre tũhoerara mũsa. <sup>46</sup> “Mũhũ ñano yoarero jira”, yũhũre ni masierara mũsa. ¿Potocã mũsare yũ yahupachũta dohseana tũhoerajari mũsa? <sup>47</sup> Cohamacũ pohna sehe to durucua tũhora. To pohna jierana, to durucua tũho duaerara mũsa —nire Jesu tinare.

*Abrahã cjiro to jihto pano Cristo sehe ji mũhta tuhsua tiha*

<sup>48</sup> To ã nichũ tũho judio masa tirore õ sehe nire:

—“Mũhũ Samaria macarero jira. ã jicũ tũho masierarero watĩno to cohtotarero jira mũhũ”, sã niri potocã tjira —nire tina Jesure.

<sup>49</sup> Ti ã nichũ tũho õ sehe ni yũhtire Jesu:

—Tũho masierarero, watĩno to cohtotarero jieraja yũhũ. Yũ Pũcũre ño payoja. Mũsa sehe yũhũre ño payoerara. <sup>50</sup> Yũhũre masa ti ño payohtire macaeraja yũhũ. Yũ Pũcũ sehe masare yũhũre ño payo dutira. Tiro pinihta yũ jia tiare noano ñũ masino, ãta ño payo dutira. Tuhsũ, yũhũre ti cahmaerari buhiri buhiri dahrerero jirohca tiro. <sup>51</sup> Potocãta mũsare nii nija. Yũ dutiare yoarero jipihtia dachoripe Cohamacũ mehne ã jirucurohca —nire Jesu.

<sup>52</sup> To ã nichũ tũho õ sehe nire tina:

—Mipũ pinihtare tũho masierarero, watĩno to cohtotarero mũ jichũ sã noano masija. Abrahã cjiro yariaa wahaha. Cohamacũ yare yahu mũhtaina cjiri cũhũ yaria pihtia wahaha. ã jicũ “Yũ dutiare yoarero jipihtia dachoripe Cohamacũ mehne ã jirucurohca” nicũ, ¿dohse nicũ ã nijari mũhũ? <sup>53</sup> ¿Sã ñũchũ cjiro Abrahã yũhũdo tuajari mũhũ? Tiro cjiro, Cohamacũ yare yahu mũhtaina cjiri cũhũ yariaa wahaha. ¿Mũhũ sehe diro baro jijari mũhũ ã ni durucuro? Mũhũ ã niborero jierara —nire tina.

<sup>54</sup> Ti ã nichũ tũho Jesu õ sehe ni yahu namore:

—Yũhũ yũ basi “Tuarero jija yũhũ” nicũ, tuarero jieraboca yũhũ. Yũ Pũcũ sehe “Tiro tuarero jira”, nina yũhũre. “Sã yairo Cohamacũ”, mũsa niro sehe yũ Pũcũ tjira. <sup>55</sup> Mũsa sehe yũ Pũcũre ne masierara. Yũhũ sehe tirore masija. “Tirore masieraja” nicũ, mũsa yoaro seheta mahũnoa payũro jiboa yũhũ. Potocãta tirore masija. ã jicũ to dutiare yoaja. <sup>56</sup> Ahri yahpũ yũ tahtore mari ñũchũ cjiro Abrahã cjiro masia tiha. ã masino tiro wahchea tiha —nire Jesu.

<sup>57</sup> To ã nichũ tina õ sehe ni yũhtire:

—Mũhũ cincuenta cũhmari cjuaserasica. Abrahã cjiro panopũ macarero jira. ¿Mipũre tiro cjirore mũhũ dohsea masiboari? —nire judio masa Jesure.

<sup>58</sup> —Potocã mũsare niita nija. Abrahã to jihto pano yũhũ sehe ji mũhta tuhsua tii —nire Jesu tinare.

<sup>59</sup> To ã nichũ tũho tina sehe tãare na, tirore doca duamare. Ti ã doca duapachũta Jesu sehe Cohamacũ wũhũ jiro duhti wijaa wahare.

## 9

*Capari ñũerarero ñũchũ yoaha Jesu*

<sup>1</sup> ã yoa Jesu sã to buheina mehne mahai wahana pairero capari ñũerarero boca sui. Tiro wahma masa bajaropũta capari ñũerarero jia tiha. <sup>2</sup> Sã cũhũ tirore ñũna, õ sehe ni sinitu ñũhi Jesure:

—¿Buherero, ahriro dohsearo capari ñũerarero masa bajua tiari? ¿Ñaaare yoaa tiari ã waharo? ¿O to pũcũsũma sehe ñaaare yoaa tiari to ã wahachũ? —ni sinitu ñũhi sã sehe Jesure.

<sup>3</sup> Sã ã nichũ tũho õ sehe ni yũhtire tiro:

—Ahriro to ñaare yoari buhiri capari ñuerariro wahaerare. To p̄c̄s̄m̄a c̄h̄u ñaare ti yoari buhiri capari ñuerariro wahaerare. Cohamac̄u sehe tirore capari ñuerach̄u yoare tirore ñuch̄u yoaro taro masare to ñohtire. <sup>4</sup> Yuh̄ure warocariro to c̄urire mip̄are yoaro cahmana yuh̄ure. Ñamip̄a mari dahra masieraro seheta baharop̄a yuh̄ure warocariro to c̄urire yoa masieraja yuh̄u. <sup>5</sup> Ahri yahpap̄u buhriaro marine to ñu masich̄u yoariro seheta jiriro jic̄u ahri yahpa macainare Cohamac̄u yare masich̄u yoaja yuh̄u —nire Jesu.

<sup>6</sup> Ñ ni tuhs̄urota yahpap̄u chahcho puti c̄ure. To ñ chahcho puti c̄urire dahra more, capari ñuerarirore to caparire wis̄ore. <sup>7</sup> Ñ wis̄ono ð sehe nire Jesu:

—Siloé wama tiri copai cuhs̄uri copai m̄a caparire cosai wahaga —nire Jesu. (Siloé s̄a ya d̄usero mehne nia “Warocari copa”, nia nire.)

Jesu to caparire cosa dutiriro sehe waha, cosa, capari ñurirop̄u tju wihire. <sup>8</sup> To tju wihich̄u tiro cahai jiina tirore ñure. Tó pano niñeru siniriro cjiro to jich̄u ñurina tirore ð sehe nire ti basi:

—¿Ahriro soh̄o jiriro niñeru siniriro cjiro jierajari? —nire tina.

<sup>9</sup> —Tirota jira wiho —nire paina sehe.

—Tiro jierara. Ñ jieraparota tiro yoaro sehe bajuriro jira —nire paina.

Ti ñ nich̄u tuhoro capari ñuerariro cjiro sehe ð sehe nire:

—Tiro tjija yuh̄u —nire tinare.

<sup>10</sup> To ñ nich̄u masa tirore ð sehe ni siniture:

—¿Capari ñuerariro cjiro jic̄u dohse waha ñuri m̄uh̄u? —ni siniture tina tirore.

<sup>11</sup> —Jesu wama tiriro dihta soh̄are dahra more, ȳa caparire wis̄ore. Yuh̄ure wis̄o tuhs̄u “Siloé wama tiri copap̄u m̄a caparire cosai wahaga”, to nich̄u cosai s̄uhi yuh̄u. Ȳu ñ cosari baharo ȳa capari noano bajure yuh̄ure —ni yahure tiro masare.

<sup>12</sup> —¿M̄uh̄ure ñ yoariro nohop̄u jicari tiro? —nire tina.

—B̄uah. Nohoi jiro jica —nire tiro.

#### *Capari ñuerariro cjirore fariseo curua macaina sinituha*

<sup>13</sup> Ñ ni durucu tuhs̄u tina capari ñuerariro cjirore fariseo curua macaina cahap̄u naahre. <sup>14</sup> Tí dacho Jesu dihta soh̄are dahra more capari ñuerarirore noariro to yoari dacho Sabado dacho jire. Tí dacho s̄a sori n̄um̄u jire. <sup>15</sup> Ñ jia fariseo curua macaina sehe tirore ð sehe ni sinituha tjoa:

—¿Dohse yoa m̄uh̄u ñuri? —ni sinituha tina.

—Dihta soh̄a mehne ȳa caparire wis̄oh̄re. Ñ jic̄u ȳa caparire ȳa cosari baharo ñu d̄acahi yuh̄u —ni yahuha tiro tinare.

<sup>16</sup> —Tiro Sabado dacho mari sori n̄um̄u mari dahra dutierari n̄um̄u dahrahe. Ñ jiro tiro Cohamac̄u yairo jierara —niha paina fariseo curua macaina sehe.

Paina sehe ð sehe niha:

—Ñaare yoariro ð sehe noariro wahach̄u yoa masierara. Ñ jiro tiro noariro jiboca —niha paina.

Ñ jia tina p̄a curua ti basi tju waha. <sup>17</sup> Ñ jia pari turi tina capari ñuerariro cjirore ð sehe ni sinituha tjoa:

—¿M̄uh̄ure m̄a caparire noano yoarirore m̄uh̄u waro dohse ni tuh̄otujari Jesure? —niha tina tirore.

—Tiro potoc̄ata Cohamac̄u yare yahu m̄uh̄ariro jira —niha capari ñuerariro cjiro.

<sup>18</sup> Wahmanop̄are judio masa ð sehe ni tuh̄otumaha: “Ahriro capari ñuerariro cjiro jierara”, ni tuh̄otumaha tina. Ñ ni tuh̄otua capari ñuerariro cjiro p̄c̄s̄m̄are p̄jirocaha tina. <sup>19</sup> P̄jiroca tuhs̄u, to p̄c̄s̄m̄are ð sehe ni sinituha fariseo curua macaina p̄h̄toa:

—¿Ahriro potoc̄ata m̄usa mac̄u jijari? ¿Dóih̄ta tiro capari ñuerariro masa bajuari? ¿Potoc̄ata capari ñuerariro cjiro jiparota dohsearo ñujari mip̄are? —ni sinituha tina to p̄c̄s̄m̄are.

<sup>20</sup> —Ahriro sã macũta jira. ã yoa dóihta capari ñũerariro masa bajua tire tiro. <sup>21</sup> Tíre masipanahta to ñũrire, tirore ñũchũ yoiro cũhũre masieraja sã. Sã macũre sinituga. Bũcũro jira tiro. Tiro to basi yahu masina —niha to pũcũsuma.

<sup>22</sup> Judio masa sã pũhtoa wahmanopũre õ sehe nia tiha:

—“Jesuta Cristo Cohamacũ warocariro jira”, niinare mari buhea wũhũsepũ sãa dutisi sã —nia tiha judio masa pũhtoa.

Ti ã nichũ tũhoa capari ñũerariro cjiro pũcũsuma sehe judio masa pũhtoare cui niha.

<sup>23</sup> ã cuiã, “Bũcũro jira tiro. Tiroreta sinituga”, niha tina judio masa pũhtoare.

<sup>24</sup> Baharo judio masa sã pũhtoa pari turi capari ñũerariro cjirore pjirocaha tjoa. Pjiroca tuhsũ, õ sehe niha tirore:

—Cohamacũ mehne poto yahuga mũhũ. Jesure mahñoriro to ñaa yoiro jichũ sã masija. ã jicũ poto yahuga sãre —niha judio masa capari ñũerariro cjirore.

<sup>25</sup> Ti ã nichũ tũhoro õ sehe ni yũhtiha tiro:

—Jesure to ñaa yoiro to jichũ masieraja yũhũ. Cũnota masija yũhũ. Panopũre capari ñũerariro jia ticũrũ yũhũ. Mipũ sehere ñũja yũhũ. Tí dihtare masija yũhũ —ni yũhtiha capari ñũerariro cjiro tinare.

<sup>26</sup> —¿Dohse yoiro mũhũre tiro? ¿Mũ capari ñũhto cjihtore dohse yoiro tiro mũhũre? —ni sinituha tina tjoa.

<sup>27</sup> —Tíreta mũsare yahu tuhsũmahicũ yũhũ. Yũ ã ni yahupachũta mũsa ne tũho duaerare yũhũre. ¿Dohse yoa duana pari turi yũ yahuchũ tũho duajari mũsa? ¿Mũsa cũhũ to buheina ji duajari? —niha tiro tinare.

<sup>28</sup> To ã nichũ tũhoa tina tuhtiha tirore:

—Mũhũ Jesu buheriro jira. Sã sehe Moise cjiro buheina jija. <sup>29</sup> Potocãta Cohamacũ Moise cjirore durucua tiha. Jesu to tarirore sã masieraja —niha tina capari ñũerariro cjirore.

<sup>30</sup> Ti ã nichũ õ sehe ni yũhtiha tiro:

—¿Tiro to tarirore mũsa masierachũ yũhũre ñũchũ yoiro jiro Cohamacũ warocariro jierabocari tiro? <sup>31</sup> Cohamacũ ñaa yoinare ti siniare tũhoerara. Tí pinihtare mari masija. Tinare tũhoeraparota Cohamacũre ño payorirore, to dutiare yoirore to siniare tũhoro Cohamacũ. <sup>32</sup> Wahmanopũre ahri yahpa to ji dũcachũpũre ne coã masa bajuaropũ capari ñũerarirore ne cãiro baro ñũchũ yoiro mariea tiha. <sup>33</sup> ã jiro Jesu Cohamacũ warocariro jieraro yũhũre ñũchũ yoeraboa tiro —niha tiro tinare.

<sup>34</sup> —Mũhũ dóihta ñariro jia tiha. ¿ã jipacũta sãre buhe duajari mũhũ? —niha judio masa sã pũhtoa tirore.

ã ni tuhsũata tina tirore cohã wionocaha.

*Jesu yare cahmaeraina capari ñũeraina ti ñũ masieraro seheta Cohamacũre masierara*

<sup>35</sup> ã yoa capari ñũerariro cjirore ti cohã wiorire Jesu tũhore. ã tũhoro capari ñũerariro cjirore boca sũro, tirore õ sehe ni siniture:

—¿Masũnore Cohamacũ warocarirore wacũ tuajari mũhũ? —nire Jesu.

<sup>36</sup> —¿Pũhoro, noa jijari tiro? Tirore masicũ wacũ tuaihtja tirore —nire capari ñũerariro cjiro Jesure.

<sup>37</sup> —Tirore ñũ tuhsũre mũhũ. Mipũre mũhũ mehne durucuriro tiro tjija yũhũ —nire Jesu capari ñũerariro cjirore.

<sup>38</sup> —Pũhoro, mũhũre wacũ tuaja —nire capari ñũerariro cjiro.

ã ninota tiro Jesu panoi na tuhcuã caha sũ, tirore ño payore.

<sup>39</sup> To ã ño payochũ ñũno õ sehe nire Jesu:

—Noaina, ñaina cũhũ ti yoirore masichũ yoai tai ahri yahpũre tahi. Capari ñũeraina ti ñũ masieraro seheta tina yoaro sehe jiina yũ Pũcũre masierara. ã masierainare yũ Pũcũre masichũ yoai tai tahi yũhũ. “Sã noano masija”, ni tũhotumarina noano ti masieraire masichũ yoai tai tahi yũhũ —nire Jesu.

<sup>40</sup> To ã nichũ tũhoa mahainacã fariseo curua macaina tirore õ sehe nire:

—“Capari ñueraina ti ñu masieraro seheta noano masierara musa cñhu”, ¿nii nijari mñhu sãre? —nire fariseo curua macaina Jesure.

<sup>41</sup> Ti ã nichu Jesu õ sehe nire:

—Capari ñueraina ti ñu masieraro seheta potocã musa noano masierachu, musare buhiri mariaboa. “Sã noano masiina jija”, musa niri buhiri buhiri tiina jisina musa mipure —nire Jesu tinare.

## 10

*Ovejare ñu* wihboriro quitire yahuha Jesu

<sup>1</sup> Baharo quti mehne piti dahre buhero taro õ sehe nire Jesu:

—Potocãta nii nija musare. Ovejare wihbori sahrño sopacai sãaerariro, sopaca marienopu sãariro sehe yaca bucuro jira. <sup>2</sup> Sopacai sãariro sehe ovejare ñu wihboriro jira. <sup>3</sup> Sopacare cohtariro sopacare pjõohna ovejare ñu wihboriro to sãahto sehe. Ovejare ñu wihboriro to durucuchu tũho tara to nuina oveja peri. Tinare pjirocaro, ti wama mehne pisurocarucura tiro. ã yoaro tinare sahrñopu jiiinare pji wiorucura sopacaru. <sup>4</sup> To yainare jipihtinare pji wio tinare mu tãrucura. Oveja sehe to durucuare masia, to baharo nunu tirucura. <sup>5</sup> Pairore ti masierarirore nunu tierara tina. ã jia paina ti durucuare tũhoa, cui murocaa wahara —nire Jesu tinare.

<sup>6</sup> Ahri quitire to ã yahupachuta to yahuare tũho ñahaerare tina.

*Jesu ovejare noano ñu* wihboriro yoaro seheta to yainare noano ñu wihbora

<sup>7</sup> Pari turi Jesu tinare õ sehe ni yahure tjoa:

—Potocãta musare nii nija. Ovejare wihbori sahrño sãari sopaca yoaro sehe jija yũhu. <sup>8</sup> Jipihtina yu pano tarina quihõno yu durucuare buheraina, ovejare ñu wihbo mahñoina yacaina yoaro sehe jira. Ti ã jipachuta yu yaina sehe oveja yoaro sehe jiina painare ne tũho wahcãerara. <sup>9</sup> Yũhu ovejare wihbori sahrño sãari sopaca yoaro sehe jija. Tí sopacai sãaina yoaro sehe tjira yũhure wacũ tuaina. ã jicu yũhu tinare pichacaru wahaborinare yũhdachu yoaihtja. Oveja sehe tinare ñu wihboriro mehne ti cahmaare bocaro yoaro seheta yu yũhdachu yoaina cñhu yũhu mehne ti cahmaare bocaahca. Yũhu tinare noano ducata, noano ñu wihboihca —nire Jesu.

<sup>10</sup> ã ni tuhsu õ sehe ni namore:

—Musare mahñoare buheina, ovejare ñu wihbo mahñoina sehe ovejare yacaina yoaro sehe jira. Yacaa taa, wajãa taa, dojomehnea taa tara tina. Wiho mejeta yũhu sehe yu yainare, oveja yoaro sehe jiiinare, tuaro waro ti wahchea mehne ã catirucuchu yoai tahi.

<sup>11</sup> Ovejare noano ñu wihboriro yoaro sehe jija yũhu. Ovejare noano ñu wihboriro tinare noano ducata, to yariahtore ne cuierara. Tó yoaro seheta yũhu cñhu yainare noano ducata, yariahca, tinare ne soro wahaerahto sehe. <sup>12</sup> Oveja puro cahamacno sehe potocã ovejare ñu wihboriro jierara. ã jia oveja to yaina jierara. ã jiro yairo ovejare to churo tachu ñuno to cahamacno sehe ovejare cohã cñoca, murocaa wahara. To ã cohã cñiri baharo, yairo ovejare to ñahachu ñua oveja peri muroca site wahcãa wahara. <sup>13</sup> To cahamacno sehe to wapataa dihtare cahmana. ã jiro tiro ovejare noano ñu wihbo ji coaerara —nire Jesu.

<sup>14</sup> ã ni tuhsu õ sehe ni namore:

—Ovejare noano ñu wihboriro yoaro sehe jija yũhu. ã jicu yu yainare masija yũhu. ã jia yu yaina sehe yũhure masina. <sup>15</sup> Tó seheta yu Pucu cñhu yũhure masina. ã jicu yũhu cñhu yu Pucure masija. Oveja yoaro sehe jiina yu yaina Cohamacu mehne ti ã jirucuhti cjihtire yariaihca yũhu. <sup>16</sup> Paina oveja pa sahrño macaina yoaro sehe jiina paina masa cñhu yu yaina jahca. Tina cñhure naaihca. ã jia yu durucuchu tũho wahcãahca tina cñhu. ã jia yu yaina jipihtina cñu curuata jahca. ã jicu yũhu dihta yu yainare ñu wihboihca —nire Jesu.

<sup>17</sup> ã ni tuhsu õ sehe ni namore:

—Yu yaina Cohamacu mehne ti ã jirucuhti cjihtire yariaihca. Yu yariari baharo masa mujaihca. Yu ã yoah tiro jichu yu Pucu yũhure cahina. <sup>18</sup> Yu wajã dutierachu yũhure



wajã masieraboa tina. Yũ cahmano seheta yũhũre wajãahca. Ā jicũ yũ yaina Cohamacũ mehne ti Ā jirucũhti cjihũtũre yariaihca. Yaria masija yũhũ. Ā yoa masa mũja masija. Yũ Rũcũ yũhũre tíreta yoa dutire —nire Jesu.

<sup>19</sup> To Ā nichũ tũhoa judio masa pũa curua tju ware. Paina soro tũhotu, paina cũhũ soro tũhoture:

<sup>20</sup> —Tiro watĩno to cohtotariro jira. Ā jiro tũho masierariro jira. ¿Dohseana tirore pari turi tũhojari mũsa? —nire paina payũ judio masa.

<sup>21</sup> Paina sehe õ sehe nire:

—Watĩno to cohtotariro jiro Ā ni durucueraboa. Capari ñũerarirore ñũchũ yoa masierara watĩno to cohtotariro. Ā jiriro jiro tiro watĩno to cohtotariro jierara —nire paina judio masa.

### *Judio masa Jesure cahmaeraha*

<sup>22</sup> Pa dachoi sã coyeya judio masa Jerusalẽi bõse nũmũri yoaa nire pari turi. Cohamacũ wũhũre panopũ tirore ti wari cjirire ti wacũhti dachori jire. Tí pjare puhũro jire. <sup>23</sup> Tí dachoi Salomo wama tiri tahtiapũ Cohamacũ wũhũi jiri tahtiapũ Jesu ñũ tinino nire. <sup>24</sup> Tí tahtiapũ to jichũ ñũa sã coyeya judio masa tiro cahapũ cahmachu, tirore õ sehe ni siniture:

—Yoaputiari pja sãre noano yahueraca mũhũ. Poto sãre noano yahu bahrañoga mũhũ. ¿Cristo Cohamacũ to warocariro tjijari mũhũ? —nire tina Jesure.

<sup>25</sup> Ti Ā nichũ tũhoro õ sehe ni yũhtire Jesu:

—Mũsare yahu tuhsũmajacũ yũhũ. Yũ Ā yahupachũta yũhũre tũho duaerare mũsa. Yũ Rũcũ yũhũre to dutiriro seheta to tuua mehne yoa ñoja. Ā yoacũ yũ Cristo jiareta mũsare ñoi nija. <sup>26</sup> Yũ Ā ñopachũta yũhũre tũho duaerara mũsa. Mũsa sehe yũ yaina jierara. Ā jina paio yaina oveja yoaro sehe jiina jina, yũhũ sehẽre tũhoerara mũsa. <sup>27</sup> Ovejare ñũ wihborirore to yaina ti tũhoriro seheta yũhũ cũhũre yũ yaina tũhora. Ā jicũ yũ yainare masija yũhũ. Ā jia tina yũhũ mehne wahara. <sup>28</sup> Ā jicũ jipihũtia dachoripe Cohamacũ mehne Ā catirucuchũ yoaja tinare. Ā jia tina sehe pichacapũ ne wahasi. Ā jia yũ yainare yũ ñũ wihbochũ paina sehe ne cũirore yũhũre ma masierara tinare. <sup>29</sup> Ā yoa yũ Rũcũ yũ yainare yũhũre wariro jipihũtina yũhũdoro tuariro jira. Ā jiro yũ Rũcũ sehe yũ yainare to ñũ wihbochũ, ne cũiro tiro cũhũre ma masierara tinare. <sup>30</sup> Yũhũ yũ Rũcũ mehne cũirota jija —nire Jesu judio masare.

<sup>31</sup> To Ā nichũ tũhoa judio masa sehe tirore ti doca wajãhũti tãare pari turi namare tjoa.

<sup>32</sup> Ti Ā yoachũ ñũno Jesu õ sehe ni siniture tinare:

—Yũ Rũcũ ya tuua mehne payũ tahari yoa ñomahi mũsare. ¿Di baro sehẽre yũ yoari buhiri yũhũre tãa mehne doca wajã duajari mũsa? —ni siniture Jesu.

<sup>33</sup> To Ā nichũ tũhoa õ sehe nire tina:

—Cohamacũ tuua mehne mũ yoa ñori buhiri mũhũre tãa mehne doca wajã duaeraja sã. Cohamacũre mũ ñano durucuri buhiri mũhũre tãa mehne doca wajã duaaja sã. Masũno jipaihũta “Cohamacũ jija yũhũ”, mũ nia buhiri mehne mũhũre tãa mehne doca wajã duaaja sã —ni yũhtire tina.

<sup>34</sup> Ti Ā ni yũhtichũ tũhoro Jesu tinare õ sehe ni yahure:

—Mũsa cũhũre “Cohamana”, ni pisure Cohamacũ. Āta ni joaa tiha to dutiare ti joari pũi. <sup>35</sup> Cohamacũ yare ti joari pũ quihõno to jichũ mari masija. “Mahñõa jira”, tí pũre ni masieraja mari. Ā jiro to yare masiinare potocãta tiro “Cohamana”, ni pisura. <sup>36</sup> Cohamacũ yũhũre besetjĩahũno, ahri yahpapũre warocare. Ā jicũ yũhũ “Cohamacũ macũno jija”, yũ niri buhiri “Cohamacũre ñano durucuro nina Jesu”, nina mũsa yũhũre. ¿Dohseana yũhũre Ā nijari mũsa? <sup>37</sup> Yũ Rũcũ to cahmariro seheta to tuua mehne yũ yoa ñoerachũ pinihũtare yũ buherire “Potocã tjira”, nieraboca mũsa. <sup>38</sup> Yũ Rũcũ to tuua mehne yũ yoa ñopachũta yũhũ sehẽre tũho duaeraboca mũsa. Ā tũho duaerapanahta to tuua mehne yũ yoa ñochũ ñũna yũ yoarire “Potocã tjira”, niga mũsa. Mũsa Ā nina, yũ

Puc̄u mehne sã cūno potori sã jich̄u masinahca m̄usa. Ā jina yuh̄u yu Puc̄u mehne cūno potori yu jich̄u masinahca m̄usa. Ā jina tũho ñahanahca m̄usa —nire Jesu tinare.

<sup>39</sup> To ã nich̄u tina pari turi tirore ñaha duamare. Ti ã ñaha duach̄u ñũno tiro duhti wijaa wahare.

<sup>40</sup> Ā wijaarirop̄ta João masare to bautisa m̄uhtariorp̄ Jordão sie sehẽp̄u pari turi wahare tjoa. Tóp̄u sũro tjuanocare tiro. <sup>41</sup> Ā jia masa payu tirore ñua sũre. Ō sehe nire tina ti basi:

—João sehe Cohamac̄u tuaa mehne yoa ñoerare. Ā to yoa ñoerapach̄uta jipihtia Jesure to yahuri cjiri sehe potocãta jira —nire masa ti basi.

<sup>42</sup> Ā jia tópr̄e masa payu wac̄u tua dũcare Jesure.

## 11

### *Lázaro wama tiriro yariaa wahaha*

<sup>1</sup> Ā yoa cūiro Lázaro wama tiriro to wahmiosãnumia María, Marta cūh̄u mehne Betania wama tiri macai jia tire. Tiro cū n̄um̄u dohatia wahari jire. <sup>2</sup> Tiro wahmiono María sehe baharo Jesu to dahporire me sitia wisõ, to pjoari mehne tirore pahã cohãhticoro jiri jire. <sup>3</sup> Ā yoa to dohatia wahach̄u ñua, to wahmiosãnumia sehe painare Jesure yahu dutirocari jire:

—Pũh̄toro, m̄u cahĩriro dohatiro nina —ni yahu dutirocari jire Lázaro wahmiosãnumia.

<sup>4</sup> Tí quitire tũhorõ õ sehe nire Jesu:

—Mip̄ure Lázaro to dohatia to yariahti cjihti jierara. Cohamac̄u tuaare masare ñohti cjihtire mip̄ure tiro dohatira. Ā jia yuh̄u to mac̄no tuariro yu jia cūh̄ure ñuahca masa —nire Jesu.

<sup>5</sup> Jesu Martare, to bahoro cūh̄ure, Lázaro cūh̄ure tuaro cahã tire. <sup>6</sup> Ā nino Lázaro dohatiriro to jich̄u tũhoparota tói Jesu sehe p̄ua dacho tjuasinire. <sup>7</sup> P̄ua dacho baharo Jesu õ sehe nire sãre to buheinare:

—Pari turi Judea yahpap̄u tjuaa wahajihna tjoa —nire sãre.

<sup>8</sup> —Buheriro, can̄up̄cãta judio masa tó macaina m̄uh̄ure tãa mehne doca wajã duamare. ¿Dohseacu tópr̄u pari turi tjuaa waha duajari m̄uh̄u? —nihi sã to buheina.

<sup>9</sup> Sã ã nich̄u tũhorõ, tirore ti wajã masierasininore yahuro, piti dahre buhero sãre õ sehe nire:

—Pjĩro tũhotuena tjiga. Cũ dachore doce horari waro jira. Sũ dacho macariro to jisnich̄u, noano ñũja mari. Ā jina dachore tinina ne p̄uha tu m̄ua boraeraja mari. <sup>10</sup> Wiho mejeta nahitianoi tiniina sehe p̄uha tu m̄ua boraahaca wahara. Sũ dacho macariro mariach̄u noano ñũerara tina —nire Jesu. (Ā nino õ sehe nino niri jimare: “Mip̄ure yu Puc̄u yare yu yahu pahũohto dũhsasinina. Ā jia yuh̄ure wajã masierasininina”, nino niri jimare.)

<sup>11</sup> Ā nino sãre õ sehe ni yahu namore tjoa:

—Mari mehne macariro Lázaro, carĩno nica. To ã carĩpach̄uta yuh̄u tirore wahcõi wahaihtja —nire sãre.

<sup>12</sup> —Pũh̄toro, Lázaro carĩriro jiro, yũhdũrohca —nimahi sã.

<sup>13</sup> Sã ã nipach̄uta Jesu “Carĩno nica” nino, “Yariaa wahaca”, nino niri jimare. To ã nich̄u tũhona “Lázaro soro nica”, ni tũhotumai sã sehe. <sup>14</sup> Sã ã ni tũhotuch̄u masino Jesu potõ yahure sãre:

—Lázaro yariaa wahaca. <sup>15</sup> Yu marieno to yariach̄u, noa nina. Ā jina m̄usa yuh̄ure wac̄u tua namonahca. M̄usa yu jia tiare masi namo, m̄usa yuh̄ure wac̄u tua namohti cjihti jahca ahri. Ā yoana basata. Mari ñũna wahajihna to cahap̄u —nire Jesu.

<sup>16</sup> Toma sũh̄udũariro wama tiriro õ sehe nire sãre:

—Mari cūh̄u Jesu mehne wahajihna. Tirore wajãa, mari cūh̄ure wajãjaro —nire Toma.

### *Jesu ã jirucuch̄u yoariro masare masoriro jira*

<sup>17</sup> Ā yoa sã tópr̄e sã sũna cahach̄u waro tó macaina õ sehe ni yahure Jesure:

—Pititia dachori wahara Lázaro cjirore masa copap̄u ti siõ sãari baharo —ni yahuha tirore.

<sup>18</sup> Betania wama tiri maca sehe Jerusalē cahacāi tia kilómetro yoaro jire. <sup>19</sup> ã jia Lázaro to yariari baharo, payu Jerualē macaina sã coyea judio masa Martare, María cūhure ñahacaha tiia taa tari jire. <sup>20</sup> Tópure sã suna cahachu tūhoro, Marta sehe sãre piti bocaro wihire. Wiho mejeta to bahoro María sehe to ya wūhupū tjuari jire. <sup>21</sup> Marta sehe Jesure piti boca wihi, ò sehe nire tirore:

—Pūhtoro, yu bahu to yariahto pano mu òi jichu, tiro yariaeraboa. <sup>22</sup> Mipū cūhure Cohamacure mu sini payochu, tiro mu sinino seheta yoarohca —nire Marta Jesure.

<sup>23</sup> —Mu bahu masa wijaarohca —nire Jesu ticorore.

<sup>24</sup> —Āja. Ahri yahpa to pihitiri dachoi yariarina cjiri ti masa wijaahiti dachoi to masa wijaahitore masija yūhū —nire ticoro sehe.

<sup>25</sup> To ã nichu Jesu ò sehe ni yahure tjoa:

—Yūhū masa wijaachu yoariro jija. Yūhū ã jirucuchū yoariro jija. Yūhure wacū tuariro yariaparota ã catirucurohca. <sup>26</sup> ã jia jipihtina Cohamacu mehne ã catirucuina, yūhure wacū tuaina pichacapū ne wahasi. ¿Ahrire masijari mūhū? —nire Jesu ticorore.

<sup>27</sup> —Pūhtoro, masija yūhū. Cristo Cohamacu macūno, masare yūhdūchū yoariro “Ahri yahpapū tarohca”, ti niriro mu jichu masija yūhū —nire Marta Jesure.

#### *Lázaro to masa copa cahai Jesu tiia*

<sup>28</sup> Marta ã ni tuhsu to bahoro Maríare pjiro wahare:

—Marine buheriro mari ya macai taro nina. Mūhure pjihre —ni yaroca yahuri jire Maríare.

<sup>29</sup> To ã nichu tūhoro María ño duaro wahcārūca, sã cahapū tari jire Jesure ñūno taro.

<sup>30</sup> Ti ya macapū sūerasinihi sã. Marta sãre to piti bocaroihita jisinihi sã. <sup>31</sup> Judio masa tí wūhūi Maríare ñahacaha tiia niha. ã jia ticoro to wahachu ñūa, tina ticorore nūnū ti tari jire. “To wahmino cjiroro ti siō sãari copapū tiro waharo nina ticoro”, ni tūhoturi jimare tina. ã ni tūhotua ticorore nūnū ti tari jire.

<sup>32</sup> ã yoa María sã cahapū wihiro, Jesure ñū, to dahpori cahai na tuhcuca caha sūre.

—Pūhtoro, yu bahu to yariahto pano mu òi jichu tiro yariaeraboa —nire ticoro Jesure.

<sup>33</sup> ã jiro ticoro judio masa ticoro mehne tarina cūhū ti tiichū ñūno Jesu sehe tuaro cahya ñano yajeripohna tire.

<sup>34</sup> —¿Lázaro cjiroro nohopū siō sãari mūsa? —ni siniture Jesu.

—Ñūi taga —ni pji wahcāre tina.

<sup>35</sup> Ti ã nichu tūhoro Jesu tiia wahare.

<sup>36</sup> —Lázaro cjiroro Jesu tuaro cahīri jira —nire judio masa ti basi.

<sup>37</sup> Wiho mejeta paina tina mehne macaina sehe ò sehe nire:

—Capari ñūerariroro ñūchū yoariro jira ahriro Jesu. ¿Ā jiro Lázaro cūhure to yariaborore yūhdūchū yoaeraboari ahriro? —nire tina ti basi.

#### *Lázaro masa wijaaha*

<sup>38</sup> ã jiro pari turi Jesu tuaro cahya namore. ã jina sã jipihtina to masa copapū sūhi. Tí copa tācapū ti sahari copa jire. Tí copapū to pjacu cjiroro siō sãa, tāca pjiria mehne tju biha cūri jire tina.

<sup>39</sup> —Tācare na pjōohga —nire Jesu.

To ã nichu tūhoro Marta yariariro cjiro wahmiono ò sehe nire:

—Pūhtoro mipū pititia dachori waha tuhsūra to yariari baharo. ã jiro to pjacu cjiro urībiahca —nire Jesure.

<sup>40</sup> —“Yūhure wacū tuaco Cohamacu tuaare ñūcohca”, mūhure nimahi —nire Jesu Martare.

<sup>41</sup> To ã niri baharo tina tācare na pjōohre. ã ti na pjōori baharo Jesu sehe mūanopū ñū, Cohamacure ò sehe nire:

—Mai, yūhure mūhū tūho tuhsūhre. Tíre mu yoachū masicū wahcheja mūhure.

<sup>42</sup> ã yoa yūhure mūhū dachoripe ã tūhorucura. Tíre masija. ã masipaihta yūhū mū

warocariro yu jiare òre ducuina ti masihti cjihtire mähure ã nii nija. Tíre “Potocã tjira”, ti nihti cjihti cühure ã nii nija —nire Jesu to Pucurore.

<sup>43</sup> Æ ni tuhsu Jesu tuaro sañurucure:

—Lázaro, wijaa tagá —ni sañurucure tiro.

<sup>44</sup> To ã nichu yariariro cjiro to wamomacarine to dahpori cühure suhti cahsari mehne ti wahmariro cjiro, to dapure suhtiro mehne ti wahmariro cjiro, masa copapu wijaa tare juna.

—Ti wahmari cjirire pjãga —nire Jesu.

*Judio masa pũtoa sehe Jesure ñaha duamaha*

*(Mt 26.1-5; Mr 14.1-2; Lc 22.1-2)*

<sup>45</sup> To ã masochu ñua, payu judio masa Maríare ñua tarina mehne macaina Jesure wacũ tuare. <sup>46</sup> Wiho mejeta paina sehe, tina mehne macaina sehe fariseo curua macaina cahapu waha, su, Jesu to yoirire yahuri jire tinare. <sup>47-48</sup> Æ jia sacerdotea pũtoa, fariseo curua macaina pũtoa cühu cahmachu, ti basi ò sehe ni durucuha:

—Jesu payu tahari Cohamacu tuaa mehne yoa ño mujana. To ã yoa ñoare mari tirore ã ñunoca mari dũcataerachu, jipihtina masa tirore wacũ tua, tiro mehne waha pihtiaboca. Æ yoa tiro Jesure ti pũtoro cjihto ti sũchu ñua, Roma macaina pũtoa sehe “Marine cohãa nina”, ni sua, ñano yoaahca marine. Tuhsu, Cohamacu wühure cohã duti warocaahca ti yaina surarare. Mari ya dihta cühure maahca tina. ¿Æ jina dohse yoanahcari mipure? —ni durucuha tina ti basi.

<sup>49</sup> Ti ã nipachuta paio Caifa wama tirore, tí cühmare sacerdotea bui pũtoro jiriro tinare ò sehe ni yahuha:

—Musa sehe ne masierara. <sup>50</sup> Judio masa jipihtina mari ya cjihtire cũiro masũno to yariachu noana. To yariaerachu mari jipihtina judio masare cohã pahñocaboa. Tíre musa masierara —niha Caifa tinare.

<sup>51</sup> Æ nino to mu sũro ã nino nieraha. Sacerdotea bui pũtoro to jichu judio masa ya cjihtire Jesu to yariahtore Cohamacu sehe Caifare ã ni yahu dutiha. <sup>52</sup> Jesu yariaro judio masa dihtare yũdũchu yoaro taro nierare. Æ yariaro jipihtina Cohamacu pohna ahri yahpapu ji siteina cühu cũ curuata ti jikti cjihtire yariahtiro jire Jesu. <sup>53</sup> Æ jia tí dachoihta tina “¿Jesure dohse yoa wajãnahcari mari?” ni durucua, tirore wajã taa nimaha.

<sup>54</sup> Tirore ti ã wajã duachu masino Jesu payu judio masa watoi pari turi tinino wahaerare. Æ jiro masa marieno cahacãi Efraĩ wama tiri macapu sãre sũho wahare. Sãre tí macai sũho tjuasinire Jesu.

<sup>55</sup> Tí pjare pascua bose nũmũri sã judio masa sã bose nũmũri cjihto mahanocã dũhsatjiãhre. Æ jia bose nũmũri panocã masa payu paye macari macaina Jerusalẽpu cahmachure. Pascua macaare ti chũhto pano Cohamacu yare yoaa taa ti ñaa buhiri cosaa taa nire. <sup>56</sup> Tí pjare tina Jesure macaa niri jire. Æ jia Cohamacu wũhũpu jiina ò sehe ni durucuha:

—¿Bose nũmũrine ñũno taerabocari Jesu, musa tũhotuchu? —ni durucuha tina ti basi.

<sup>57</sup> Æ jia sacerdotea pũtoa, fariseo curua macaina cühu ò sehe ni yahu dutiha masare:

—Jesu to jirore musa masina, yahuga sãre. Tirore ñahana tana nija —niha pũtoa masare.

## 12

*María Jesu dahporire me sitia mehne pio payore*

*(Mt 26.6-13; Mr 14.3-9)*

<sup>1</sup> Jesu sã to buheina mehne Betaniapu sã sũri baharo pascua dachori seis dachori waro dũhsasinire. Lázaro Jesu to masoriro cjiro tí maca macariro jire. <sup>2</sup> Sã sũri baharo Jesu cühu ya chũa cjihtire yoare paina. Æ yoa Lázaro, Jesu, sã mehne mesai nuju sũhi. Sã ã nuju sũri baharo Marta chũare payore sãre. <sup>3</sup> Tuhsu, María me sitia sere nardo wama tidũ macaa sere cũ kilo dacho macai na ta, Jesu dahporire pio payore. Pio payo tuhsu to

pjoari mehne tju cosare. To ã pio payori baharo tí wuhũ noano me siti sahsea wahare.  
<sup>4</sup> Sã mehne macariro, Jesure ñũ tuhtiinare ñohtiro Juda Iscariote sehe õ sehe nire:

<sup>5</sup> —¿Dohse yoaro ahricoro ã yoa sitejari? Tíre ticoro duaboa. Æ duaro tres cientos dachori posa dahrari wapa wapataboa. Æ jiro ticoro tí niñerure pjacuoinare waboa — nire tiro.

<sup>6</sup> Juda sehe pjacuoinare yoadoho duaerare. Tiro sã niñerure wihbobasariro jiparota yacariro jire. Tuhsũ, tiro sã niñerure cãa tahari na mũjare. Æ jiro “Tí niñerure naihtja” nino, ã nire Maríare tiro.

<sup>7</sup> To ã nichũ tũhoro õ sehe nire Jesu:

—Æ niecũ tjiga ticorore. To me sitiare yũhũre to dũharire yũhũre pio payore, yũhũre masa copapũ ti siõ sãahto pano yũ pjacure cahnoyuro. Pjacuoina sehe mũasa mehne ã jirucuahca. Æ jina tinare wa masina mũasa. <sup>8</sup> Yũhũ sehe ahri yahrapũre mũasa mehne ã jirucusi —nire Jesu.

*Sacerdotea pũhtoa Lázaro wajã duaha*

<sup>9</sup> Æ yoa Jesu Betaniapũ to jichũ tũhoa sã coyera judio masa payũ tirore ñũa tare. Tiro dihtare ñũa taa nierare. Lázaro yariariro cjirore Jesu to masorirore tiro cũhũre ñũa taa nire. <sup>10</sup> Ti ñũa sũrire masia sacerdotea pũhtoa Lázaro cũhũre wajã duare. <sup>11</sup> Lázaro yariariro cjiro Jesu to masoriro jichũ ñũa payũ masa Jesure wacũ tuare. To ã masochũ ñũa payũ judio masa ti sacerdotea ya buhea sehere duhunocari jire. Æ ti duhuchũ ñũa sacerdotea pũhtoa sehe sua yũhdũa Lázaro wajã duare.

*Jerusalẽpũ sũha Jesu*

*(Mt 21.1-11; Mr 11.1-11; Lc 19.28-40)*

<sup>12</sup> Pascua bose nũmũrine ti yoachũ payũ masa Jerusalẽpũ ñũa wahari jire. Pa dachoi Jerusalẽpũ Jesu to tahto cjihtore masa tũhori jire. <sup>13</sup> Æ jia pja pũ sahnarine na wahcã, tirore piti bocaa wahare. Æ piti bocaa õ sehe ni sañurucure tina:

—Ahrirore wahche payojihna. Ahriro Cohamacũ to warocariro noano yũhdũjaro. Ahriro Israe yahpa macaina mari pũhoro tjira —ni sañurucure tina.

<sup>14</sup> Jesu burrocã to bocariro bui pisare. “Õ seheta yoarohca”, ni joaa tiha Cohamacũ yare ti joari tjuí:

<sup>15</sup> “Jerusalẽ wama tiri maca macaina, cuiena tjiga mũasa.

Ñũga. Mũasa pũhoro burrocã bui pisa tara”, ni yahuha Cohamacũ yare ti joari tjuí.

<sup>16</sup> “To ã ni joari Jesure nino nica” ni, sã to buheina noano masierasinihi. Æ masierasinihanahta mũanopũ Jesu to mũjari baharo sã ti joari cjirire wacũ boca tũho ñaha masihi. Õ sehe ni tũhotuhi: “Cohamacũ yare ti joari tju sehe Jesure yahuro nimaha. Æ jia Cohamacũ yare ti joari tju to niriro seheta yoare masa Jesure”, ni tũhotu, sã masihi.

<sup>17</sup> Lázaro ti siõ sãari copapũ jirirore Jesu to pisuchũ tirore to masochũ ñũrina cjiro yahure masare. <sup>18</sup> Æ jia Lázaro Jesu masorire ti tũhori baharo masa payũ Jesure ñũa tare. <sup>19</sup> Ti ã tachũ ñũa fariseo curua macaina ti basi õ sehe niri jire:

—Jipihtina Jesu yaina dihta wahaa nina mipũre. Æ jina mari dohse yoa masieraja tinare —niri jire fariseo curua macaina ti basi.

*Mahainacã griego masa Jesure maca taha*

<sup>20</sup> Æ yoa bose nũmũri Cohamacũre ño payoa taina mehne macaina mahainacã griego masa jire. <sup>21</sup> Æ jia tina Felipe cahapũ wihiri jire. Felipe sehe Betsaida wama tiri maca Galilea yahpai jiri maca macariro jire. Æ jia tiro cahapũ wihirina õ sehe niri jire tirore:

—Jesure ñũ duaja sã —niri jire tina.

<sup>22</sup> Ti ã nichũ tũhoro Felipe Andrepũre tíre yahuro wahari jire. Æ jia tina pũaro Jesure yahure. <sup>23</sup> Ti ã yahuri baharo Jesu tinare õ sehe ni yahure:

—Yũhũ masũno Cohamacũ warocariro jija. Yũhũre jipihtina ti ño payohti pja mipũre jirota nina. Mipũre yũ yariahti pja jirota nina. <sup>24</sup> Potocãta mũsare yahui nija. Toari yapare yahrapũ mari yaerachũ, tí yapare mari toerachũ cũ yapata tjuarohca. Æ jiro tí

yapare mari yari baharo dicha tirohca. (Tó seheta yu yariari baharo yuhure masa copapu ti sió sãari baharo payu masare Cohamacu mehne ã jirucuhtina jichu yoaihca yuhu.)

<sup>25</sup> Ahri yahpai musa jiare pjíro tãhotuboca musa. ã tãhotuna Cohamacure wacũerana, pichacapu wahanahca musa. Ahri yahpai musa jiare ã tãhotunocahna, Cohamacu mehne ã jirucunahca. <sup>26</sup> Yu yare yoa duana, yu buheare noano tãhoga musa. Musa ã yoana musa cũhu yu jhtopure jinahca. Yu yare yoarirore yu Pucũ sehe wahchea mehne ñunohca — nire Jesu.

#### *Jesu to yariahtore yahuha*

<sup>27</sup> ã ni tuhsu õ sehe ni namore:

—Mipure yuhu ñano yajeripohna tija. ¿Yu Pucure dohse niihcari yuhu? “Mai, yu ñano yuhũhtore yoai tjia yuhure”, ¿nibocari yuhu? Tíre nieraja yuhu. Ñano yuhũhtiro cjihtota ahri yahrapure tahi. ã yoa yu ñano yuhũhtu pja mipure jiro nina —ni yahure Jesu sãre to buheinare.

<sup>28</sup> ã yoa õ sehe nire to Pucurore:

—Mai, mu tuariro jiare mipure ñoga masare —nire Jesu to Pucurore.

To ã nichu mũanopu durucuro coa tare:

—Tuariro yu jiare masare ño tuhsuhi. Mipure ã jicu pari turi ñoihca masare —nino coa tare.

<sup>29</sup> To ã nino coa tachu tũhoa tói ducuina masa payu õ sehe nire:

—Wupo jica ã coa taro —nire masa.

—Anjo Jesure yahuro nire —nire paina masa.

<sup>30</sup> Õ sehe nire Jesu sehe:

—Mũanopu yuhure tũho dutiro ã nino coa taerare. Musa sehere tũho dutiro ã nino coa tare. <sup>31</sup> Mipure ahri yahpa macaina ti ñano yoari buhirire buhiri dahrerohca tinare. Ahri yahpa macaina ti puhtorore watĩnore cohãnohca Cohamacu. <sup>32</sup> ã jicu yuhure crusapu ti wahcõ dapochu payu masare yuhu mehne macaina ti wahachu yoaihca yuhu —nire Jesu.

<sup>33</sup> ã nino “Crusapu to yariahtore”, yahuro nire Jesu masare. <sup>34</sup> To ã nichu tũhoa masa sehe tiore õ sehe nire:

—Cohamacu yare ti joari tjui õ sehe nina: “Cristo jipihtia dachoripe jirohca”, ni joaa tiha. ¿To ã ni joachu mũhure masũnore Cohamacu warocarirore dohse jiro baro mũhure crusapu wahcõ dapoahcari masa? ¿Masũno Cohamacu warocariro noa jijari tiro? —ni siniture tina.

<sup>35</sup> Ti ã nichu õ sehe ni yũhtire Jesu:

—Buhriaro to ñu masichu yoaro seheta jicu masare Cohamacu yare noano masichu yoaja yuhu. Baharo curerocã musa mehne jisi yuhu. Musare yu buhechu mipure tũhoga ñaare musa yoaerãhtu cjihtire Cohamacu mehne musa ã jirucuhtu cjihtire. Yu buheare tũhoeraina nahitianoĩ tiniina yoaro seheta ti wahahtore masierara. <sup>36</sup> Yuhu buhriaro yoaro sehe jiro tjija. ã jicu musare buhecũ Cohamacu yare noano masichu yoaja musare. Mipure yu wahahto pano yuhure wacũ tuaga. ã wacũ tuana yu yaina jinahca musa —nire Jesu.

ã ni yahu tuhsu duhtu wahcãa wahare.

#### *Judio masa Jesure cahmaeraha*

<sup>37</sup> Payu tahari Cohamacu tuua mehne tinare Jesu to yoa ñopachũta judio masa payu tiore ne tũho duaerare. <sup>38</sup> Cohamacu yare ti joari tjui Isaia cjiro to joariro seheta ã yoaa nire tina. Õ sehe ni joaa tiha Isaia cjiro:

“Cohamacu, mu buheare sã yahuchu masa tũho duaerare.

Mu tuaare tinare mu yoa ñopachũta, tíre ‘Potocã jierara’, nire tina”, ni joaa tiha Isaia cjiro.

<sup>39</sup> Ti ã tũho duaerachu ñuno Cohamacu tinare masierachu yoare. Tí cãhure Isaia cjiro õ sehe ni joaa tiha tjoo:

<sup>40</sup> “Capari ñueraina yoaro sehe jiina jichu yoaa tiha Cohamacu tinare.

ã yoa to yare masierachu yoaa tiha tinare.

Ã jia to tuaare ñupahta tina ti ñurire tũho ñahaerara.

Ã jia to buheare tũhopahta tíre tũho ñahaerara tina.

Cohamacu ya buheare masia, ti ñaa yoari buhirire cohã dutiboa.

Ã jiro tinare yũhdũchũ yoaboa tiro”,

ni joaa tiha Isaia cjiro Cohamacu yare ti joari tjui. <sup>41</sup> Ã ni joaro Isaia cjiro Cristo tuaare masino to niriro seheta Cristore yahu joaa tiha tjoa.

<sup>42</sup> Paina Jesure ti cahmaerapachũta judio masa, sã pũhtoa mehne macaina cũhũ payũ Jesure wacũ tuua, tirore cahmare. Ã cahmapahta tina fariseo curua macainare cuja painare “Jesu mehne sãahi”, ni yahu duaerare. Tíre ti yahuchũ tũhoa Jesure ti cahmari buhiri judio masa sã buheri wũhũpũ tinare sãa dutieraboa fariseo curua macaina sehe.

<sup>43</sup> Cohamacure wahchechũ yoa duapahta tí yũhgoro fariseo curua macaina sehere wahchechũ yoa duare Jesure cahma dũcaina. Ã jia tina “Jesu yaina wahahi”, ni painare yahu duaerare.

*Jesu yahuare ti tũho duaerari buhiri masa buhiri tiaha*

<sup>44</sup> Ã yoa Jesu tuaro sañurucu, õ sehe ni yahure:

—Yũhũre wacũ tuariro, yũhũ dihtare wacũ tuaerara. Yũhũre warocariro cũhũre wacũ tuara tiro. <sup>45</sup> Tuhsũ, yũhũre masiina yũhũre warocariro cũhũre masina. <sup>46</sup> Buhriaro to ñũ masichũ yoaro seheta ahri yahpũ Cohamacu yare masichũ yoai tai nihi yũhũ. Ã jicũ Cohamacu yare masare masichũ yoaja. Nahitianoĩ wahariro yoaro sehe jiriro ñaare yoarucura. Yũhũre wacũ tuariro tiro yoaro sehe yoasi. Yũhũre wacũ tuariro quihõno tũhorohca. <sup>47</sup> Paina yũ yahuare tũhopahta yũ niriro seheta yoerara. Ti ã yoerapachũta yũ yahuare ti yoerari buhirire buhiri dahresi yũhũ sehe tinare. Ahri yahpũre buhiri dahrei tai nierahi yũhũ. Ahri yahpa macainare pichacũpũ wahaborinare yũhdũchũ yoahitiro cjihto tai nihi yũhũ. <sup>48</sup> Yũhũre cahmaerainare, yũ yahua cũhũre cahmaerainare buhiri dahrea jiaha. Tina yũ yahuare ti tũhoerari buhiri ahri yahpa pihtiri dachoi buhiri tiaha. <sup>49</sup> Yũhũ yũ mũ sũro yahueraja. Yũ Pũcũ yũhũre warocariro sehe yũhũre yahu dutire. Ã jia yũ yahua sehe to ya durucua jira. <sup>50</sup> To ya durucua “Quihõno jira” nina, Cohamacu mehne ã jirucunahca mũsa. Ã jicũ yũ Pũcũ to yahu dutiriro seheta yahuja mũsare —nire Jesu.

## 13

*Jesu to buheina dahporire cosaha*

<sup>1</sup> Ã yoa pascua bõse nũmũri panocã ahri yahpare to cohã wahcãhto cjihtore to Pũcũro cahũpũ to wahahto cjihtore masire Jesu. Tuhsũ, ahri yahpa macainare to yainare tiro tuaro cahĩre tina mehne to jiro puro. Ã cahĩrucura to yainare.

<sup>2</sup> Tí ñamine Jesu sã to buheina mehne sã chũchũ Juda Iscariotere Simo macũnore Jesure ñũ tuhtiinare ño duti tuhsũri jire watĩno sehe. <sup>3</sup> Tuhsũ, to Pũcũro Cohamacu Jesure jipihtina bui to pũhgoro sũrire masire Jesu. Ã yoa Cohamacu cahũpũ to tari cjiire, baharo mũanopũ to mũjahti cũhũre masire. <sup>4</sup> Ã masino wahcãrũca, to suhtiro bui macanore tjuwe na, tũre cũ tuhsũ, suhtiro cahsaro mehne to pjaro yũjũi dũhtere. <sup>5</sup> Dũhte tuhsũ, waparoi core pio sãa, sã to buheinare sã dahporire cosa dũcare. Sãre cosa tuhsũ to dũhteri cahsaro mehne pahã cohãre sã dahporire.

<sup>6</sup> Paina buheinare cosa wahcã, Simo Pedropũre sũre. To dahporire to cosahto pano Pedro sehe tirore õ sehe nire:

—Pũhgoro, ¿yũ dahporire cosai tai nijari mũhũ? —nire Jesure Pedro.

<sup>7</sup> —Michapucacã mũhũre yũ yoahitire masierara mũhũ. Ã masierapacũta baharo masiilhca mũhũ —nire Jesu.

<sup>8</sup> —Yũ dahporire ne cosasi mũhũ —nire Pedro.

—Mũhũre yũ cosaerachũ yũ yairo jisi mũhũ —nire Jesu.

<sup>9</sup> —Pũhgoro, yũ dahpori dihtare cosai tjiga. Yũ dahporire, yũ wamomacarine, yũ dapũ cũhũre cosaga —nire Pedro.

<sup>10</sup> To ã nichu Jesu piti dahre buhero õ sehe nire:

—Cũiro masuno cuhsuro to pjacure noano tju cosa pahõona. ã jiro pari turi tirore tju cosaro cahmaerara. To dahpori dihtare cosaro cahmana. Jipihina msa ñaa yoari buhirire cosarina cjiri msa jipachuta cũiro msa mehne macariro to ñaa yoari buhirire cosamahnoerariro jira —nire Jesu.

<sup>11</sup> Jesu tirore ñu tuhtiinare ñohtirore masire. ã masino “Cũiro msa mehne macariro to ñaa yoari buhirire cosamahnoerariro jira”, nire.

<sup>12</sup> Sã dahporire cosa tuhsu, to suhtirore sã tuhsu, nuju sare to dujirroihta.

—¿Michapucacã msare yu yoarire tuho ñahajari msa? <sup>13</sup> Msa yuhure “Buheriro”, ni pisuna, “Pũtoro”, ni pisuna potocãta nina nica yuhure. Msare buheriro, msa pũtoro potocãta jija yuhu. <sup>14</sup> ã jina yuhu msare buheriro, msa pũtoro jipaihta msa dahporire cosariro yu jichu ñna msa cũhu msa mehne macaina dahporire cosaga. <sup>15</sup> Michapucacã msare cosacu, baharo msa yohti cjihtire msare ñoi nija. Msa mehne macainare msa yoadohohtire ñoi nija. Msare yu yoariro seheta msa cũhu yoaga. <sup>16</sup> Potocã msare niita nija. Msa yu cahamaca yoaro sehe jiina yu bui jierara. Msare buhe duti yu warocarina jira msa. ã jina yu bui jierara msa. ã jicuta “Yu yoariro seheta yoaga”, nihi msare. <sup>17</sup> Ahrire masina, yu dutiare yoana, wahcheina jinahca msa.

<sup>18</sup> Msare jipihinare ã nieraja. Yu beserinare masija yuhu. Cohamacu to yare ti joari tju to ni joariro seheta ã waharohca. “Yuhu mehne chũrirota yuhure wajã duare”, ni joa tiha Cohamacu yare ti joari tju. <sup>19</sup> To ã yohto pano ahrire yahuyui nija msare. Yuhure to ã yoari baharo “Jesuta Cristo Cohamacu warocarirota jira”, msa nihti cjihtire ahrire msare yahuyui nija yuhu. <sup>20</sup> Potocã msare niita nija. Yu warocainare cahmariro yuhu cũhure cahmana tiro. Tuhsu, yuhure cahmariro yuhure warocariro cũhure cahmana tiro —nire Jesu sare to buheinare.

*Juda Jesure ñu tuhtiinare to ñohtore yahuha Jesu*

*(Mt 26.20-25; Mr 14.17-21; Lc 22.21-23)*

<sup>21</sup> ã ni yahu tuhsu Jesu tuaro cahyare. ã cahyaro õ sehe ni yahure tiro sare:

—Potocãta msare nii nija. Cũiro msa mehne macariro yuhure ñu tuhtiinare yuhure ñonohca —nire Jesu.

<sup>22</sup> To ã nichu tuhona Jesure ñohtirore masierana, sã basi cahma ñuroca õi. <sup>23</sup> Cũiro Jesu to buheina mehne macariro yuhu, Jesu to cahũiro sehe to pari wahpa dujihu. <sup>24</sup> Yu ã dujichu ñno Simo Pedro yuhure to wamomaca mehne yoa ño, siniture:

—¿Jesure ñohtirore diro sehene nino nibocari Jesu? Yahuga sare —ni to wamomaca mehne yoa ño, sinitu ñure Pedro.

<sup>25</sup> To ã nichu yuhu sehe Jesu cahacã dujiriro jicu sinitu ñhi tirore:

—Pũtoro, ¿dirore nii nijari mahu? —ni sinitu ñhi yuhu.

<sup>26</sup> —Ahri pãore dahra waha na, soha yu wahtiro sehe tirota jira yuhure ñohtiro —nire Jesu.

ã ni tuhsu ti pão to dahra waha narirore soha tuhsu tíre Judare Simo Iscariote macunore ware. <sup>27</sup> ã yoa pãore to ñahari baharo watino sehe Judare ñano yoa dutiri jire. ã jiro Jesu tirore õ sehe nire:

—Mu yohto cjihtore cjero yoa bahraõoga mahu —nire Jesu Judare.

<sup>28</sup> To ã nichu tuhona sã mesapu dujiina, Jesu Judare to nirire noano tuho ñahaerahi. <sup>29</sup> Cãina õ sehe ni tuhutumahi: “Judã sã niñerure wihboriro jira. ã jiro bose numui sã chũhti cjihtire nuchu dutiro warocare Jesu Judare. O pjacuinare niñerure wa dutiro niboca Jesu”, ni tuhutumahi sã cãina. <sup>30</sup> ã yoa Juda tí pãore ñaha tuhsu, wijaa wahare. To wijaaari pja ñami jire.

*Wahma dutiare yahuha Jesu*

<sup>31</sup> To ã wijaaari baharo õ sehe nire Jesu:



—Mipɩ pinihtare yɩhɩ masɩno Cohamacɩ warocariro yɩ tuariro yɩ jia tiare ñonohca Cohamacɩ masare. ã jicɩ Cohamacɩ to tuariro to jiare ñoihca yɩhɩ sehe. <sup>32</sup> ã jiro Cohamacɩ to tuaare yɩ ñochɩ tiro sehe yɩ ya tuaa cɩhɩre mipɩ pinihtare ñono taro nina. <sup>33</sup> Yɩ pohna yɩ cahĩna, yɩhɩre tɩhoga. Maha dachoricã mɩsa mehne jisinihca. Yɩ wahari baharo yɩhɩre macanahca mɩsa. ã jicɩ mari coyea judio masare yɩ niriro seheta mɩsa cɩhɩre nija. “Yɩ wahahtore mɩsa sehe waha masierara”, tinare yɩ niriro seheta mɩsa cɩhɩre ã ni yahuja. <sup>34</sup> Wahma dutiare mɩsare yahuihtja. Mɩsa mehne macainare cahĩga mɩsa. Mɩsare yɩ cahĩriro seheta, mɩsa mehne macainare cahĩga. <sup>35</sup> ã jina mɩsa mehne macainare mɩsa cahĩchɩ ñɩa yɩ yaina mɩsa jiare masiahca paina —nire Jesu sãre.

*“Jesure masieraja”, Pedro to nihto cjihtore yahuha Jesu*

*(Mt 26.31-35; Mr 14.27-31; Lc 22.31-34)*

<sup>36</sup> To ã nichɩ Simo Pedro Jesure õ sehe ni sinitu ñɩre:

—Pɩhtoro, ¿nohorɩ wahaihcari mɩhɩ? —nire Pedro.

—Yɩ wahahtopɩre mipɩre yɩhɩ mehne waha masierara mɩhɩ. Mipɩre waha masierapaihta baharo yɩ cahai wahacɩhca —nire Jesu Pedore.

<sup>37</sup> —Pɩhtoro, ¿dohseacɩ mipɩre mɩhɩ mehne waha masierabocari yɩhɩ? Yɩhɩre ti wajã duapachɩta mɩhɩre ne duhusi yɩhɩ —nire Pedro Jesure.

<sup>38</sup> —¿ã tjijari? ¿Mɩhɩre ti wajã duapachɩta, mɩhɩ yɩhɩre duhueraihcarari? Potocãta mɩhɩre nii nija. Caraca to duhto pano “Jesure masieraja”, niihca mɩhɩ painare. Tia taha ã niihca mɩhɩ —nire Jesu Pedore.

## 14

*Jesu Cohamacɩ caharɩ wahari maha yoaro sehe jira*

<sup>1</sup> Baharo Jesu sãre õ sehe ni yahure:

—Ne cahya pjiro tɩhotuena tjiga. Cohamacɩre wacɩ tuaga. ã jina yɩhɩ cɩhɩre wacɩ tuaga. “Cohamacɩ mehne yɩhdɩnahca”, ni tɩhotuga tirore. Yɩhɩ cɩhɩre ãta ni tɩhotuga mɩsa. <sup>2</sup> Yɩ Pɩcɩ to jiroperɩ payɩ wɩhɩse jira. Mɩsa jihto cjihtore cahnoyui wahai nija. Tí potocã tjira. ã jicɩ mɩsare tíre yahuja. <sup>3</sup> ã jicɩ mɩsa jihto cjihtore cahno tuhsɩ, õpɩta pari turi majare tjua taihtja yɩhɩ. ã jina tói yɩ jiroita mɩsa cɩhɩ jinahca tjoa. <sup>4</sup> Mipɩre yɩ sɩhtopɩre wahari mahare masi tuhsɩra mɩsa —nire Jesu sãre to buheinare.

<sup>5</sup> —Pɩhtoro, mɩ sɩhtore masieraja sã. ¿ã jina dohse yoa mɩ wahari mahare masinahcarari sã? —ni sinitu ñɩre Toma Jesure.

<sup>6</sup> To ã ni sinituchɩ tɩhoro Jesu sehe õ sehe ni yɩhtire:

—Yɩhɩ Cohamacɩ caharɩ wahari maha yoaro sehe jiro jija. Cohamacɩ caharɩ wahachɩ yoariro, potocã yahuriro, ã catirucuchɩ yoariro jinocaita nija yɩhɩ. ã jia yɩ yaina dihta yɩ Pɩcɩ caharɩ wahaahca. <sup>7</sup> Panopɩ yɩhɩre masina, yɩ Pɩcɩ cɩhɩre masiboaa mɩsa. Mipɩre tirore ñɩre mɩsa. ã jina tirore masi tuhsɩra mɩsa —nire Jesu sãre.

<sup>8</sup> To ã nichɩ Felipe sehe õ sehe nire:

—Pɩhtoro, mari Pɩcɩre ñoga sãre. Tó purota ñɩ duaja sã —nire tiro.

<sup>9</sup> To ã nichɩ Jesu õ sehe ni yahure:

—Felipe, ¿yoari pja yɩhɩ mehne jipaihta, mɩhɩ masierasinihari yɩhɩre? Yɩhɩre ñɩriro yɩ Pɩcɩ cɩhɩre ñɩ tuhsɩre. ã jicɩ “Mari Pɩcɩre ñoga sãre” nicɩ, ¿dohseacɩ ã nijari mɩhɩ yɩhɩre? <sup>10</sup> Yɩhɩ yɩ Pɩcɩ mehne pɩaro jipanahta cɩirota jija. ¿Tíre “Potocã jierara”, niimeje nijari mɩhɩ? Mɩsare yahucɩ yɩ mɩ sɩro yahui nieraja. Yɩ Pɩcɩre yahubasai nija. ã jiro tiro yɩhɩ mehne jiro to tuaa mehne yoa ñona. <sup>11</sup> Yɩhɩ yɩ Pɩcɩ mehne pɩaro jipanahta cɩirota jija. Tíre “Potocã tjira”, ni wacɩga mɩsa. Tíre “Potocã tjira” nierana, Cohamacɩ tuaa mehne yɩ yoa ñoare wacɩna, yɩ Pɩcɩ mehne yɩ cɩirota jiare “Potocã tjira”, ni wacɩga mɩsa. <sup>12</sup> Potocãta mɩsare nii nija. Yɩhɩre wacɩ tuariro yɩ yoariro seheta yoarohca. ã yoa tiro yɩ yɩhdoro yoarohca. Yɩ Pɩcɩ caharɩ tjuaai tai nija mipɩre. ã jiro yɩhɩre wacɩ tuariro yɩ yɩhdoro Cohamacɩ tuaa mehne yoa ñonohca.

<sup>13</sup> Ñ jicũ yũhũre wacũ tuaina ti sinino purota yoaihca. Ñ yoacũ yũ Pũcũ to tuariro jiare ñoihca. <sup>14</sup> Yũhũre wacũ tuaina mũsa jichũ mũsa sinino purota yoaihtja —nire Jesu.

“*Espíritu Santore mũsare warocaihtja*”, ni yahuha Jesu

<sup>15</sup> Ñ ni tuhsũ ò sehe ni namore:

—Yũhũre mũsa cahĩna, yũ dutiare noano yoanahca. <sup>16</sup> Yũ Pũcũre sinibasaihtja. Yũ ã sinibasachũ yũ Pũcũ sehe pairore mũsare yoadohohtirore mũsare warocarohca. Ñ jiro tiro mũsare yoadohohtiro sehe jipihtia dachoripe mũsa mehne ã jirucurohca. <sup>17</sup> Tiro potocãta yahuriro Espiritu Santo tjira. Ahri yahpa macaina yũhũre cahmaeraina sehe tirore masierara. Ñ jia tirore cjũa masierara. Tirota mũsa mehne ã jirucurohca. Ñ jina tirore masina mũsa.

<sup>18</sup> Mũsare cohãsi yũhũ. Mũsa mehne jihtiro cjihto tjua taihca yũhũ tjoa. <sup>19</sup> Wiho mejeta mahanocã dahsara yũ wahahto cjihto. Yũ wahari baharo ahri yahpa macaina yũhũre wacũ tuaeraina yũhũre pari turi ñũsi. Mũsa sehe yũhũre ñũnahca. Yũ catiriro jichũ mũsa cũhũ jipihtia dachoripe Cohamacũ mehne catirucunahca. <sup>20</sup> Tĩ dachoi yũ tjua tahti dachoi yũhũ yũ Pũcũ mehne cũirota sã jichũ masinahca mũsa. Ñ jina yũhũ mehne macaina mũsa jichũ mũsa mehne macariro yũ jichũ cũhũre masinahca mũsa. <sup>21</sup> Yũ dutiare yoariro yũhũre cahĩrirota jira. Ñ jiro yũhũre cahĩrirore yũ Pũcũ sehe cahĩnohca. Ñ jicũ yũhũ cũhũ yũ dutiare yoarirore cahĩihca. Ñ yoa yũ jia tiare noano masichũ yoaihca tirore —nire Jesu sãre to buheinare.

<sup>22</sup> Sã mehne macariro paio Juda wama tirore jire. Juda Iscariote Jesure ñũ tuhtiinare ñohtiro jierare tiro. Pairo Juda jire. Ñ jiro tiro Jesure ò sehe ni siniture:

—Pũhtoro, ¿dohse yoajari mũhũ tinare ã nicũ? ¿Ahri yahpa macainare mũhũre masichũ yoaeracũ, dohse yoacũ sã dihtare mũhũre masichũ yoaihcari mũhũ? —ni siniture Juda.

<sup>23</sup> To ã nichũ tuhoro Jesu tirore ò sehe ni yahure:

—Yũhũre cahĩina, yũ dutiare noano yoaa nina. Ti ã yoachũ yũ Pũcũ sehe tinare cahĩnohca. Ñ jina tina mehne jina tanahca sã. <sup>24</sup> Yũhũre cahĩerariro yũ dutiare yoaerara. Tuhsũ, yũ yahua mũsa tuhori cjiri sehe yũ ya yahua jierara. Yũhũre warocariro ya yahua sehe jira. Tiro yũ Pũcũ tjira.

<sup>25</sup> Mũsa mehne jisinicũ ahrire mũsare yahusinii nija. <sup>26</sup> Baharo yũ sinibasachũ yũ Pũcũ Espiritu Santore warocarohca mũsare. Tiro Espiritu Santo sehe mũsare yoadohohtiro jiro, mũsare buhe pahĩnohca tiro. Ñ yoa mũsare yũ yahuri cjirire mũsare wacũchũ yoarohca tiro.

<sup>27</sup> Mũsare noano jichũ yoaihca yũhũ. Yũhũ yũ noano jiro sehetã noano jichũ yoaihca mũsare. Ahri yahpa macaina ti mahĩoperiro sehetã yoasi yũhũ mũsare. Yũhũ pinihta potocãta noano jichũ yoaihca mũsare. Cahya pjĩro wacũena tjiga mũsa. Ñ jina cuiena tjiga mũsa. <sup>28</sup> “Yũhũ wahaihca. Ñ jicũ mũsa mehne jihtiro cjihto tjua taihtja tjoa”, mũsare yũ ã ni yahuchũ tuhũ tuhsũre mũsa. Tĩre tuhona, wahcheboa mũsa. Yũhũre mũsa potocã cahĩrina jina, wahcheboa mũsa. Yũ Pũcũ sehe yũ yũhũdoro tuara. Ñ jina tiro caharũ yũ wahahto cjihtore mũsa masiri baharo yũhũre cahĩna, wahcheboa mũsa. <sup>29</sup> Yũhũre mũsa wacũ tuahti cjihtire yũ wahahtore yahuyui nija mũsare.

<sup>30</sup> Ahri yahpa macaina pũhtoro watĩno sehe tara mipũre. To ã tachũ yũhũ mũsa mehne yũ durucu batoahti pja mahanocã dahsara. Tiro sehe yũhũre yũhũdũrũca masierara. <sup>31</sup> Wiho mejeta yũhũre yũ Pũcũ to dutiriro sehetã yoaja yũhũ. Ñta yoaja yũhũ yũ Pũcũre yũ cahĩare ahri yahpa macaina ti masihtĩ cjihtire. Wahcãrũcaga. Basa wahana —nire Jesu sãre to buheinare.

## 15

*Jesu secũ* yoaro sehe jiro jira

<sup>1</sup> Baharo piti dahre buhero sãre ò sehe nire Jesu:

—Yũhũ potocãta secũ yoaro sehe jiriõ jija. Yũ Rũcũ sehe secũre ñũ wihboriro yoaro sehe jiriõ jira. <sup>2</sup> Yũ yaina secũ dũpũri yoaro sehe jiina yũhũ mehne macainata jira. Dicha mariea dũpũriõ secũre ñũ wihboriro to paha cohãriõ sehetã yũ Rũcũ to cahmaare yoerainare cohãna. Dicha tia dũpũriõ secũre ñũ wihboriro to cahnoriro sehetã yũ Rũcũ to cahmaare yoainare yoadohorohca tiro “Yũ cahmaare yoa namojaro”, nino. <sup>3</sup> Yũ yahuare tũhona, “Potocã tjira”, nire mũsa. ã jiro yũ Rũcũ mũsa ñaa yoari buhirire cohã tuhsũre. <sup>4</sup> Yũhũ mehne macaina jiga mũsa. ã jii mũsa mehne jiihca. Secũ dũpũri secũ mehne wahã sũera dũpũri jia, tí dũpũri sehe dicha mariahna. Tó sehetã yũhũ mehne macaina jierana yũ Rũcũ cahmaare yoa masierara mũsa.

<sup>5</sup> Yũhũ secũ yoaro sehe jiriõ jija. Mũsa sehe tũ dũpũri yoaro sehe jiina jira. Yũhũ mehne macariro mehne yũ jichũ dicha tia dũpũri yoaro sehe tiro yũ Rũcũ cahmaare yoara. Yũhũ mehne macaina jierana yũ Rũcũ cahmaare yoa masierara mũsa. <sup>6</sup> Ñaa dũpũriõ to cohãboriro sehetã yũhũ mehne macaina jierainare yũ Rũcũ cohãnohca. Tí dũpũri ñaia wahachũ secũre ñũ wihboriro tí dũpũriõ na cahmachu pichacaru jũ cohãnohca. ãta yoadohca Cohamacũ yũhũ mehne macaina jierainare.

<sup>7</sup> Yũhũ mehne macaina jina, yũ buheare boeraboca mũsa. ã boerana, mũsa cahmano purota siniga. ã jicũ mũsa sinino purota yoabasaihtja. <sup>8</sup> Yũ Rũcũ cahmaare yoaina mũsa jichũ ñũa “Jesu yaina jira ahrina”, ni masiahca masa. ã jia mũsare ñũa yũ Rũcũre ño payoahca. <sup>9</sup> Yũ Rũcũ yũhũre to cahĩriõ sehetã mũsare yũhũ cũhũ cahĩa tihi. Yũ cahĩina jirucuga mũsa. <sup>10</sup> Yũ cahĩina jirucuina yũ dutiare yoara. Yũ Rũcũ to dutiare yoaja yũhũ. ã yoacu to cahĩriõ jirucuja yũhũ. Tó sehetã mũsa cũhũ yũ dutiare yoana yũ cahĩina jirucunahca mũsa.

<sup>11</sup> Ahrire mũsare yahuhi yũhũ mehne mũsa noano wahchehto cjihtore. ã jina tuaro wahchenahca mũsa. <sup>12</sup> Õ sehe dutija mũsare: Mũsare yũ cahĩriõ sehetã mũsa mehne macaina cũhũre cahĩga. <sup>13</sup> Cũiro masũno tiro mehne macariro yaro jiborirore yariaro tiro mehne macarirore tuaro cahĩna, paina ti cahĩriõ yũhdoro. <sup>14</sup> ã jina yũ dutiare yoana yũhũ mehne macaina jira mũsa. <sup>15</sup> Potocãta yũhũ mehne macaina waro jira mũsa. Mũsa ã jiina jichũ jipihtia yũ yoarire yahuja mũsare. Cahamacũno to pũhtoro yoarire masierara tiro. ã jicũ “Yũ cahamaca wiho jiina jira mũsa”, mũsare nieraja. Yũ Rũcũ yũhũre to yahurire mũsare yahu pahĩohi. ã yahucũ “Yũhũ mehne macaina jira mũsa”, mũsare nija mipũre. <sup>16</sup> Mũsa sehe yũhũre ne beserare. Yũhũ sehe mũsare besei yũ Rũcũ cahmaare mũsa yoahina cjihtire. Mũsa ã yoachũ mũsa yoaa ne wiho waro jisi. ã jia mũsa yoaa ã jirucuahca. Mũsa ã yoachũ yũhũre mũsa wacũ tuachũ yũ Rũcũre mũsa sinino purota tiro mũsare warohca. <sup>17</sup> Ahrire mũsare dutija yũhũ: Mũsa mehne macainare cahĩga mũsa —ni yahure Jesu.

*Jesure to yaina* cũhũre ahri yahpa macaina ñũ tuhtira

<sup>18</sup> ã yoa tiro õ sehe ni yahu namore:

—Ahri yahpa macaina mũsare ti ñũ tuhtichũ ñũna ahrire wacũga mũsa: Mũsare ti ñũ tuhtihto pano yũhũ sehere ñũ tuhti dũcare tina. <sup>19</sup> Cohamacũre cahmaeraina mũsa jisnichũ, tina mehne macainare ti cahĩriõ sehetã mũsa cũhũre cahĩboa tina. Ahri yahpa macaina mũsa jisnichũ mũsare besei. ã jina mipũre ahri yahpa macaina waro jierara mũsa. Mũsa ã jierachũ ñũa ahri yahpa macaina mũsare ñũ tuhtira. <sup>20</sup> “Yũ yaina jina mũsa yũ bui jierara”, mũsare yũ niri cjiõre wacũga mũsa. ã yũ docai jiina jina yũ ñano yũhdũriõ sehetã ñano yũhdũnahca mũsa cũhũ. Yũhũre ñano yoadinata mũsa cũhũre ñano yoaahca. Yũ buhechũ yũhtirinata mũsa buhechũ cũhũre yũhtiahca tina. <sup>21</sup> Ahri yahpa macaina yũhũre warocarirore masierara. ã jia yũhũre wacũ tuaina mũsa jichũ ñũa tina ñano yoaahca mũsa cũhũre.

<sup>22</sup> Tinare yũ buhei taerachũ yũhũre ti cahmaerari buhiri buhiri mariaboa. Mipũre tinare yũ buheri baharo “Ñaa buhiri mariahna sãre”, ni masierara tina. <sup>23</sup> Yũhũre ñũ tuhtiriõ yũ Rũcũ cũhũre ñũ tuhtira. <sup>24</sup> Cohamacũ to tuua mehne paina ti ne yoerariõ

yoa ñohi. Ñ yoa tinare tíre yu yoa ñoerachu tinare ñaa buhiri mariaboa. Cohamacu tuaa mehne yu yoa ñoare ti ñuri baharo yuhure yu Pucu cūhure ñu tuhtira tina. <sup>25</sup> Ñ ñu tuhtia Cohamacu yare ti joari tjuí dóiputa to ni joariro seheta yoaa nire tina. Ñ sehe ni joaa tiha: “Tinare yu ñano yoerapachuta yuhure ñu tuhtire tina”, ni joaa tiha dóiputa Cohamacu yare ti joari tjuí.

<sup>26</sup> Yu baharopu musare yoadohohtiro, yu Pucu mehne jiro musare yu warochahtiro Espiritu Santo tjira. Tiro potocāta yahurohca jira. Ñ jiro tiro taro yu jia tiare yahurohca musare. <sup>27</sup> Masare yu buhe ducachuputa musa cūhu dachoripe yuhu mehne ñ jirucure. Ñ jina musa cūhu yu jia tiare yahunahca painare —ni yahure Jesu.

## 16

<sup>1</sup> Ñ ni tuhsu sāre ñ sehe ni yahu namore:

—Baharo yu buheare yuhu cūhure musa cohāerahti cjihtire ahrire jipihtiare yahuhí musare. <sup>2</sup> Judio masa mari buhea wuhusepu musa sāa duachu sāa dutisi musare yu yaina musa jiri buhiri. Ñ jia pa tehepu musare wajāa, “Cohamacu cahmaare yoana nija”, ni tuhotuahca paina. <sup>3</sup> Yu Pucure, yuhu cūhure tina masierara. Ñ masieraa musare ñano yoahca tina. <sup>4</sup> Ñ jina musare ñano ti yoachu ñuna, “Ti ñ sehe yoahito panota Jesu yahu tuhsure sāre”, ni wacūnahca musa. Musa ñ ni wacūhti cjihtire mipure ahrire yahu mūhtai nija musare —ni yahure Jesu.

*Espiritu Santo to yoahitire yahuha Jesu*

Ñ ni tuhsu ñ sehe ni yahu namore Jesu:

—Wahmanopure musa mehne jicu ahrire musare yahuerahi. <sup>5</sup> Mipu sehene yuhure warocariro cahapu wahaihca wahai tai nija. “¿Nohopu wahaihcari mūhu?” yuhure ni, ne cūiro barota sinitu ñuerara musa. <sup>6</sup> Ñ sinitu ñuerapanahca yu wahahtore musare yu yahu mūjachu musa ñano yajeripohna tira. <sup>7</sup> Musare potocāta yahui nija. Yu wahari baharo musare noanocanohca. Yu muanopu wahaerachu musare yoadohohtiro sehe taeraboa. Wahacu musare tirore warocaihtja yuhu. <sup>8</sup> Yu ñ warocachu tiro tarohca. Ñ wihiro ahri yahpa macaina ñaa yoaina ti ñaa buhiri tiare tinare masichu yoarohca tiro. Noano jia tia cūhure buherohca tiro masare. Tuhsu, Cohamacu masare to buhiri dahrehto cūhure masichu yoarohca masare yoadohohtiro sehe. <sup>9</sup> Yuhure wacū tuaeraina jira ahri yahpa macaina. Ñ jiro yoadohohtiro sehe masa ñaa yoaina ti ñaa buhiri tiare tinare masichu yoarohca. <sup>10</sup> Yu Pucu cahapu wahaihca. Yu ñ wahari baharo musa yuhure ne ñusini. Ñ jiro noano jia tia cūhure masichu yoarohca yoadohohtiro sehe. <sup>11</sup> Ahri yahpa macaina pūhtoro watīnore Cohamacu buhiri dahre duti tuhsure. Ñ jiro Cohamacu masare, watīno mehne macainare to buhiri dahrehti cūhure masichu yoarohca yoadohohtiro sehe.

<sup>12</sup> Pjuro jira musare yu yahuhti cjihti. Wiho mejeta musa sehe yu yahu pahñochu, tūho ñaha pahñeraboa. <sup>13</sup> Ñ jiro potocā jiare yahurohca Espiritu Santo sehe musare quihōno jiare yahu pahñono tarohca. Tiro to mu sūro musare yahusi. Yu Pucu tirore to yahu dutirire tiro yahurohca musare. Ñ yoa “Baharopu ñ sehe waharohca”, ni yahuyurohca tiro sehe musare. <sup>14</sup> Ñ yoa yu yare musare tiro yahurohca. Ñ yahuro yuhure ño payochu yoarohca musare. <sup>15</sup> Jipihtia yu Pucu ya yu ya cūhu jira. Ñ jicu “Espiritu Santo sehe yu yare yahurohca musare”, nihi musare —ni yahure Jesu.

*“Cahyaina jipanahta baharo wahchenahca musa”, ni yahuha Jesu*

<sup>16</sup> Ñ ni tuhsu ñ sehe ni yahu namore:

—Mahanocā baharo yuhure ñusi musa. Ñ jina baharocāta musa yuhure ñunahca tjoa —nire Jesu sāre to buheinare.

<sup>17</sup> To ñ nichu tūhona, sā sehe mahainacā ñ sehe ni durucui sā basi:

—“Mahanocā baharo yuhure ñusi musa. Ñ jina baharocāta musa yuhure ñunahca tjoa” nino, ¿dohse nino ñ niri marine? Ñ yoa “Yu Pucu cahapu wahaihca” nino, ¿dohse jiro baro marine ñ niri tiro? <sup>18</sup> “Mahanocā” nino, ¿dohse nino ñ niri tiro? To yahurire noano tūho ñahaeraja mari —ni durucui sā basi.

<sup>19</sup> Sã ã ni durucuchũ Jesu tirore sã sinitu duarire masino, sãre õ sehe ni yahure:

—“Mahanocã baharo yũhũre ñusi mũa. ã jina baharocãta yũhũre ñũnahca tjõa”, ¿yũ niri cjiřire sinitu duajari mũa? ¿Tĩre yũ niri tũho ñahaerajari mũa? <sup>20</sup> Potocãta mũsare nii nija. Yũ yariachũ ñũna mũa tiinahca. Tuhsũ, tuaro cahyanahca. ã jia yũhũre ño payoeraina sehe wahcheahca. Mũa sehe cahyaina cjiři jipanahta, baharo wahchenahca mũa. <sup>21</sup> Õ sehe jira tí: Numino niji wahcõno, to ñano yũhdũhto pano jira. ã jiro ticoro tuaro cahyara. ã cahyaparota to pohna tiri baharo ticorore purĩřire wacũerara ticoro. Wihãřirocã ahri yahpũ to masa bajuachũ ticoro wahchera. ã jiro ticorore purĩřire wacũerara ticoro. <sup>22</sup> Tõ sehetã mũa mipũre cahyanahca. Baharo mũsare ñũihca tjõa. Yũhũre ã ñũna mũa tuaro wahchenahca. Mũa ã wahchechũ paina mũsare cahyachũ yõa masisi.

<sup>23</sup> Tĩ dachõ yũhũre mũa ñũri dachõ yũhũre sinitu ñusi mũa. Masi tuhsũřinapũ jinahca. Potocãta mũsare nii nija. Yũhũre mũa wacũ tuachũ ñũno yũ Pũcũre mũa siniare tiro mũa warohca. <sup>24</sup> Yũhũre wacũ tuaina jina, Cohamacũre sini masina mũa. Ahri dachõ panoi tirore ã sinierasinire mũa. Yũhũre wacũ tuatjĩãhna Cohamacũre siniga. Mũa ã sinichũ mũa sinirire mũa warohca, mũa wahche pahũõhti cjiřtĩre —nire Jesu sãre.

*Ñainare Jesu yũhdũřucaha*

<sup>25</sup> ã ni tuhsũ õ sehe ni namore:

—Quitĩ mehne mũa yahua tihĩ. ã yahupaihta baharo mũa quitĩ mehne yahusi yũhũ. ã yahueracũ yũ Pũcũ sehere noano poto yahuihtja mũa. <sup>26</sup> Tĩ dachõre mũa ya cjiřtĩre yũ Pũcũre sini payosi yũhũ. Yũhũre wacũ tuana, mũa basi tirore sininahca. <sup>27</sup> Mũa yũhũre cahĩna. ã jina yũ Pũcũ cahapũ yũ tariro jichũ “Potocã tjira”, nina mũa. ã niina mũa jichũ ñũno, yũhũre cahĩina mũa jichũ ñũno yũ Pũcũ sehe mũa cahĩna. To ã cahĩchũ tirore mũa sininahca. <sup>28</sup> Yũ Pũcũ cahai jiro jicũ ahri yahpũre tai yũhũ. ã jicũ mipũre ahri yahpũ jiro jisinicũ yũ Pũcũ cahapũ wahaihca —nire Jesu.

<sup>29</sup> To ã nichũ sã to buheina õ sehe nii:

—Mipũ pinihta quitĩ marieno durucũ noano poto yahui nina mũhũ sãre. <sup>30</sup> Mũhũ noano masi pahũõro mũ jichũ mipũ pinihtare sã masija. ã jia paina mũhũre buhe masierara. Tĩre mipũre sã noano masija. Sã noano masiina jina, Cohamacũ cahapũ tariro mũ jichũ “Potocã tjira”, nija sã —nii sã Jesure.

<sup>31</sup> Sã ã nichũ Jesu õ sehe ni yũhtĩre sãre:

—¿Mipũre “Potocã tjira”, nijari mũa jũna? <sup>32</sup> Baharo curero jipihtina mũa wũhũsepũ waha siteina jina, yũhũre cohãnahca mũa. Mũa ã cohãpachũta yũ Pũcũ sehe yũhũ mehne jira. ã jicũ yũhũ cũirota jieraja. <sup>33</sup> Ahřire mũa yahu mũhtahi, yũhũre mũa wacũ tuã mehne mũa noano jĩhto sehe. Cohamacũre cahmaeraina cahapũ mũa jichũ ñano yõahca mũa tina. Ti ã yõapachũta wahchega mũa. Ahri yahpa macaina ñaa buhĩři tiinare, ti pũhtoro watĩno cũhũre yũhdũřucarĩro jija yũhũ. ã jina yũhũre wacũ tuana wahchega mũa —nire Jesu sãre to buheinare.

## 17

*Jesu to buheina ya cjiřtĩre Cohamacũre sini payõha*

<sup>1</sup> ã ni yahu tuhsũ Jesu mũanõpũ ñũroca mũõ, Cohamacũre õ sehe ni durucure:

—Mai, mipũre mũ yahu quihõřiro sehetã yũhũre ñano ti yõahti pja mũ sũrota nina. Yũhũre mũ macũre masare ño payochũ yõaga. Mũ ã yõachũ mũhũre masare ño payochũ yõaihca yũhũ cũhũ. <sup>2</sup> Jipihtina bui pũhtoro yũhũre cũre mũhũ. ã jicũ yũhũre mũ warinare mũhũ mehne ã jirucuchũ yõaihca yũhũ. Tuhsũ, mũhũre masare ño payochũ yõaihca yũhũ. <sup>3</sup> Mũhũ dihta Cohamacũ warõ jira. Yũhũ Jesucristo mũ warõcarĩro jija. ã jia jipihtina mũhũre masiina, yũhũ cũhũre masiina mũanõpũ mari mehne ã jirucuahca —nire Jesu.

<sup>4</sup> ã ninõta õ sehe ni namore Cohamacũre:

—Ahri yahpapure mu yoa dutiri cjirire yoa pahñoja yuhu. Ñ yoacu mähure masare ño payochu yoaja yuhu. <sup>5</sup> Ahri yahpa to jihto pano mähü mehne yu jichu jipihtina yähure ti ño payo muhtariro seheta mipure yähure ti ño payochu yoaga tjoa.

<sup>6</sup> 'Ahri yahpai jiinare yähure mu warinare mähure masichu yoahi. Mu warina mu yaina jira. Ñ jicu tinare ware mähü yähure. Ñ jia mu dutiare yoare tina. <sup>7-8</sup> Yähure mu yahurire tinare buhehi. Yu ñ buhechu tühöa yu buheare cahmare tina. Ñ jia potocãta mu cahai tariro yu jichu masina tina. Tuhsu, mu warocariro yu jichu "Potocã tjira", ni tühötura tina. Ñ yoa jipihtia yu ya mu ya ti jichu masina tina.

<sup>9</sup> 'Ti ya cjihtire mähure sini payoi nija. Paina ya cjihti sehene sini payoi nieraja yuhu. Yähure mu warina mu yaina jira. Ñ jicu ti ya cjihtire sini payoi nija mähure. <sup>10</sup> Tina jipihtina mu yaina jira. Ñ jia mu yaina sehe yu yaina jira. Yähure wacü tuaa yu tuariro jiare masichu yoara tina masare.

<sup>11</sup> 'Mipure ahri yahpapure tjuasi yuhu. Mu cahapu wahai tai nija. Yu ñ wahapachuta mipure yähure mu warina ahri yahpare tjuaahca. Mai, mähü noariro jira. Yähure mu warinare mu tuaa mehne ñu wihbobasaga. Mu ñ ñu wihbochu mari cãirota mari jiro seheta tina cãhu cã curuata jiahca. <sup>12</sup> Tina mehne jicu mu tuaa mehne tinare noano ñu wihbohi. Cãiro pinihta pichacapu waharohca mu yare ti joari tjui to yahuriro seheta.

<sup>13</sup> 'Mipure mu cahai wahai tai nija. Ñ jicu ahri yahpai ahri jipihtiare yu yainare yahuja yuhu mehne ti noano wahchehto cjihtore. <sup>14</sup> Mu yare yahui tinare. Tina yu yoaro seheta ahri yahpai ji dojahtina jierara. Ñ jia ahri yahpa macaina sehe tinare ñu tuhtira. <sup>15</sup> "Ahri yahpai jiinare, yu yainare naaga", nieraja. Ñ nierapaihta tinare noano ñu wihboga "Watino ñaare yoa dutiri", tinare nicu. <sup>16</sup> Ahri yahpa macariro jieraja. Tina cãhu yu yoaro seheta ahri yahpai ji dojahtina jierara. <sup>17</sup> Yu yainare mu buhea mehne noaina wahachu yoaga tinare. Mu yahua sehe potocã tjira. <sup>18</sup> Ahri yahpapure yähure mu warocariro seheta yuhu sehe yu yaina cãhure mu yare buhe duticu warocahi. <sup>19</sup> Mu cahmaare yoahiro cjihtore yariahtiro jicu yu pjacure waja. Ñ waja yuhu yu yaina cãhu mu cahmaare potocã ti noano yoahiti cjihtire.

<sup>20-21</sup> "Yu yaina mipure jiina dihtare yoadohoga", ni sini payoeraja yuhu. Yu yaina painare yu yare ti buheri baharo paina cãhu yähure wacü tuaahca. Tina cãhure yoadohoga, yu yaina jipihtina cã curuai ti jihto cjihto sehe. Yuhu mähü mehne mari pãaro jipanahta cãiro tjija. Mari cãirota mari jiro seheta tina cãhu mari mehne cã curuaihta jijaro. Cã curuaita jijaro mu warocariro yu jiare jipihtina masa "Potocã tjira" ti nihto sehe. <sup>22</sup> Yähure mu masichu yoariro seheta yu yainare yu jia tiare masichu yoai. Tinare yu ñ masichu yoachu cãirota mari jiro seheta tina cãhu cã curuaita jiahca. <sup>23</sup> Yuhu tina mehne jija. Tuhsu, mähü yuhu mehne jira. Mari ñ jiina jichu yu yaina potocãta cã curuaita noano jiahca. Cã curuaita ti jichu ñua mu warocariro yu jiare ahri yahpa macaina masiahca. Tuhsu, yähure mu cahiro seheta yu yaina cãhure mu cahire masiahca masa.

<sup>24</sup> 'Mai, ahri yahpa to ji dũcahto pano yähure cahia tire mähü. Ñ cahicu yu masi pahñoriro, si siteriro yu jichu ñore mähü. Ñ jicu yähure mu warina yuhu mehne ti jichu cahmaja masi pahñoriro, si siteriro yu jichu ti masihtu cjihtire. <sup>25</sup> Mai, mähü noariro jira. Ahri yahpa macaina ñaina mähure masierara. Yuhu sehe mähure masija. Ñ jia mu warocariro yu jichu masina yu yaina. <sup>26</sup> Mähure tinare masichu yoai. Baharopu cãhure mähure tinare masichu yoahitja yähure mu cahiro seheta painare ti cahihtu cjihtire. Ñ jicu yu yaina mehne jiihca —nire Jesu Cohamacure.

## 18

### *Jesure peresu yoaha*

(Mt 26.47-56; Mr 14.43-50; Lc 22.47-53)

<sup>1</sup> To ñ niri baharo Jesu sã cãhu to buheina Cedrõ wama tiri mare pahã, olivo wama tia yucuri ti toari wesepu sui. <sup>2</sup> Payu tahari tí wesei, tí yucu docai sã Jesu mehne cahmachua

tii. <sup>3</sup> Æ jiro Juda Jesure ñu tuhtiinare ñohtiro tí wesere masire. <sup>3</sup> Æ masino pua curua surarare mu tá tare tí wesepu Jesure ñono taro. Cũ curua surara waro jire. Pa curua surara Cohamacu wuhure cohtaina jire. Tina sacerdotia puhto, fariseo curua macaina ti warocaina jire surara, Cohamacu wuhure cohtaina mehne. Æ taa sihãa pocare, sihãa yucari cũhure sihãa tare. Ti wamoã cũhure cjuare tina. <sup>4</sup> Tí wesepu ti wihiri baharo Jesu to ñano wahahtore masino, tinare piti boca, õ sehe ni siniture:

—¿Noare macana nijari musa? —nire Jesu.

<sup>5</sup> —Jesu Nazare macaritore macaja sã —ni yuhtire tina.

—Tiro tjija yuhu —nire Jesu.

Juda sehe, Jesure ñaha dutiro ñoriro tina mehne jire. <sup>6</sup> Æ jia “Tiro tjija yuhu”, Jesu to nichuta tina sehe caaa waha, yahpau du siti muã bora caha sure. <sup>7</sup> Ti Æ wahachu ñuno tinare pari turi õ sehe ni siniture Jesu:

—¿Noare macana nijari musa? —nire.

—Jesu Nazare macaritore macana nija sã —ni yuhtire tina tjia.

<sup>8</sup> —“Tiro tjija”, ni tuhsamahicu yuhu musare. Æ jina yuhure ñahana, ahrinare yuhu mehne macainare peresu yoena tjiga musa —nire Jesu.

<sup>9</sup> Æ sãre cahino ne cãirore butichu yoerare. Æ yoaro tó pano Cohamacure to niriro sehetã yoaro nire tiro. “Yuhure mu warinare ne cãirore boerahi”, to niriro sehetã yoaro nire Jesu. <sup>10</sup> Æ yoa Simo Pedro ñosari pjine cjuaro, tí pjine tuã we naroca, sacerdotia bui puhtoro cahamacuno Malco wama tiriro cahmonore cã pahrẽnocare. To potu buhusehe macari cahmonore cã pahrẽnocare. <sup>11</sup> Æ to cã pahrẽchu ñuno Jesu tire õ sehe nire:

—Mu ñosari pjine wihboga. Yu Pacu yuhure to ñano yuhdu dutiriro sehetã ñano yuhduihtja yuhu —nire Jesu Pedore.

*Sacerdotia bui puhtoro cahapu Jesure naaha tina*

(Mt 26.57-58; Mr 14.53-54; Lc 22.54)

<sup>12</sup> To Æ ni tuhsuchuta surara, ti puhtoro mehne, Cohamacu wuhure cohtaina surara cũhu Jesure ñaha, tire dũhtere. <sup>13</sup> Dũhte tuhsu Ana cahapu naa muhtare tina. Ana sehe Caifa marechuno jire. Caifa sehe tí cũmare sacerdotia bui puhtoro jire. <sup>14</sup> “Judio masa ya cjihtire cãiro masuno yariachu noana”, niriro cjiro jire Caifa sehe.

*“Jesure masieraja”, niha Pedro*

(Mt 26.69-70; Mr 14.66-68; Lc 22.55-57)

<sup>15</sup> Æ jina yuhu Simo Pedro mehne Jesure yoa cureroru ñu nũnu tii. Yuhu sehe sacerdotia bui puhtoro to ñu masiriro jicu Jesu baharo puhtoro wuhui jiri sahrĩnoru sãa wahi. <sup>16</sup> Yu Æ sãachu Pedro sehe sahrĩno sopacai tjuarucu sure. Æ jicu majare wijaa ta, sopacare cohtaricore sinitu ñui “Ahriro Pedro sãa ta masijari”, nicu. Yu Æ sinitu tuhsuchu ticoro Pedore sãa ta dutire. To sãa ta dutiri baharo yuhu Pedore na sãa wahi. <sup>17</sup> Yu Æ na sãachu ñuno sopacare cohtaricoro sehe Pedore õ sehe ni siniture:

—¿Jesu buheina mehne macariro jierajari muhu? —nire ticoro Pedore.

—Jieraja yuhu —ni yuhtire Pedro sehe.

<sup>18</sup> Sã suhto pano tó macaina cahamaca, surara mehne ti sohmahti pichacare wijã tuhsuri jire. Yusa nire. Æ jia tina tí pichaca dũhtu cahai ducua, sohmaa nire. Ti Æ sohmachu ñuno, Pedro cũhu waha, sohmare.

*Sacerdotia puhtoro Jesure sinituha*

(Mt 26.59-66; Mr 14.55-64; Lc 22.66-71)

<sup>19</sup> Æ yoa sacerdotia bui puhtoro Jesu buherire, sãre to buheina cũhure sinitu ñuri jire Jesure. <sup>20</sup> To Æ sinituchu Jesu sehe õ sehe ni yuhtiri jire tire:

—Jipiltinare buhecu ti panoi ducui. Æ buhecu judio masa mari buhea wuhusei Cohamacu wuhu cũhure Æ buherucui. Musa ñuenoi buherahi yuhu. <sup>21</sup> ¿Dohseacu yuhure sinitujari muhu? Sinitu duacu yu buheinare sinitu ñuga. Yu buherire tina masina —ni yuhtiri jire Jesu.

<sup>22</sup> To ã nichu tuhoro tói ducuriro surara sehe to wamomaca mehne Jesure cjãri jire.  
— Ñ nii tjiga sacerdotea bui puhtorore —niri jire surara sehe Jesure.

<sup>23</sup> To ã nichuta Jesu õ sehe niri jire:

—Ñano yu ni durucurire yahuga yuhure. ¿Potocãta musare yu yahupachuta, dohseacu yuhure cjãjari mahu? —niri jire Jesu surarare.

<sup>24</sup> Baharo Ana Jesure paina ti duhterirore Caifa sacerdotea bui puhtoro cahapu warocari jire.

*“Jesure masieraja”, pari turi niha Pedro*

*(Mt 26.71-75; Mr 14.69-72; Lc 22.58-62)*

<sup>25</sup> Ñ yoa Simo Pedro pichaca duhtu cahai ducuro, sohmano nire. Ñ to sohmarucuchu ñna, tó macaina tirore õ sehe ni siniture:

—¿Mahu cãhu Jesu buheina mehne macariro jierajari mahu? —nire tina Pedore.

—Jieraja yuhu —ni yuhtire Pedro.

<sup>26</sup> Tuhsu, sacerdotea bui puhtoro cahamaca mehne macariro, Pedro to cahmono cjã pahreiro coyeiro sehe Pedore õ sehe ni siniture:

—¿Jesure ti ñahari wesei yu jichu mahu cãhu tiro mehne jierapahte? —ni siniture tiro Pedore.

<sup>27</sup> —Yuhu tiro mehne jierahi —nire Pedro. To ã nichuta caraca dure.

*Jesure Pilato sinituha*

*(Mt 27.1-2, 11-14; Mr 15.1-5; Lc 23.1-5)*

<sup>28</sup> Ñamiwacũnu jichu Caifa ya wuhuru jirina Jesure naa wijaa, tí maca macaina puhtoro Pilato ya wuhuru naa wahare tina. Ñ wahapahta to ya wuhuru sãaerare. Pascua dachori jichu tina tí bose numuri macaare chuhtina jia õ sehe nire: “Judio masuno jierara Pilato. To ã jiriro jichu to ya wuhure sãana, mari dutiare yuhdurucana niboca. Ñ jina mari sãachu marine bose numuri maca chũare chu dutierahca”, nire tina. Ñ nia puhtoro Pilato ya wuhure sãaerare Jesure naahrina sehe. <sup>29</sup> Ti ã sãa taerachu ñno Pilato tina cahapu, wuhu sopacapu surucu sũro, tinare õ sehe ni siniture:

—¿Yaba buhirire ahrirore yahusã duajari musa? —nire Pilato tinare.

<sup>30</sup> —Ahriro to noariro jichu wuhure sã waeraboa. Ñariro jira tiro —ni yuhtire tina.

<sup>31</sup> Ti ã nichu Pilato õ sehe nire:

—Musa sehe tirore naahga. Ñ jina musa ya dutia ti niriro seheta tirore buhiri dahrega —nire Pilato tinare.

—Musa Roma macaina ya dutia sehe sãre masunore wajã dutierara —nire tina Pilatore.

<sup>32</sup> Ñ nia Jesure judio masa ti wajã duarire masichu yoaa nire. Jesu sehe crusapu to yariahtore tó pano to yahuriro seheta ã waharo nire. <sup>33</sup> Ti ã ni durucuri baharo Pilato sehe wuhuru majare sãa, Jesure pjirocari jire. Pjiroca tuhsu, tirore õ sehe ni sinituri jire:

—¿Judio masa ti puhtoro tjijari mahu? —ni sinituri jire Pilato.

<sup>34</sup> —¿Mu mu sũrota ã sinitui nijari mahu yuhure? ¿O paina sehe yuhure ti yahusãri baharo tíre sinitu ñujari mahu? —niri jire Jesu Pilatore.

<sup>35</sup> —Judio masuno jieraja yuhu. Mu ya yahpa macaina, sacerdotea puhtoa cãhu wuhure ware sãre. ¿Yabare ñano yoari mahu ti ã buhiri dahre duachu? —niri jire Pilato.

<sup>36</sup> —Ahri yahpa macariro puhtoro jieraja yuhu. Ahri yahpa macariro puhtoro yu jichu yu buheina yuhure yoadohoboa. Judio masare yuhure ñaha dutieraboa. Yu puhtoro jia ahri yahpa maca jierara —niri jire Jesu Pilatore.

<sup>37</sup> —¿Á jicu puhtoro jijari mahu ã nicu? —niri jire Pilato.

—Mu nino seheta puhtoro tjija. Masa ti puhtoro jihtiro cjihto masa bajuai yuhu. Ñ jicu ahri yahpapu tai ti puhtoro jicu tacu, potocã jiare yahucu tacu. Jipihtina potocã jiare tuho duaina, yu yahware tuhora —niri jire Jesu.

<sup>38</sup> —¿Yaba baro jijari potocã jia? Potocã jiare masihto basioerara —niri jire Pilato.

*Judio masa Jesure wajã dutiha*

*(Mt 27.15-31; Mr 15.6-20; Lc 23.13-25)*



Ã ni tuhsu Pilato judio masa cahai majare tjua waha, tinare õ sehe ni yahure:  
—Ahroro Jesure yaba buhiri mariahna. <sup>39</sup> Cuhmaripe pascua jichu cãiro peresui jirirore msa wio dutirucura. ¿Ã jicu ahroro Jesureta msa puhtoro cjihto msare wiobasabocari yuhu? —nire Pilato judio masare.

<sup>40</sup> To ã nichu tuhoa judio masa õ sehe ni sañurucure:

—Tirore wioi tjiga. Barrabá sehere sãre wiobasaga —ni sañurucure judio masa Pilatore.

Barraba sehe yaca bucuro jire.

## 19

<sup>1</sup> Ti ã ni sañurucuri baharo Pilato Jesure tjana dutiri jire. To ã dutichu to mua sehe tirore tjanari jire. <sup>2</sup> Tjana tuhsu tina pota soro dahre tuhsu, Jesu dapu bui duhu payori jire. Duhu payo tuhsu, puhto ya suhti barore tirore sãa, payu tahari tiro cahacã sũca, õ sehe ni bujuperi jire tina:

<sup>3</sup> —Noano tagã. Judio masa puhtoro noano tagã —ni bujupere, Jesu wuhduahi cã mujari jire.

<sup>4</sup> Æ yoa pari turi Pilato judio masa cahapu waha, tinare õ sehe ni yahure:

—Tuhoga msa. Ahroro ñaa buhiri mariahna. Æ jicu tíre msa masihtu cjihtire msa cahai tirore na tai tai nihi —nire tiro.

<sup>5</sup> To ã ni tuhsuchuta Jesu pota soro pisaroro, puhto ya suhti barore sãaroro, wuhui jirore wijaa tare. To ã wijaa tachu Pilato tinare õ sehe nire:

—Ñuga. Ahroro tjira tiro —nire Pilato.

<sup>6</sup> To ã ni tuhsuchu tuhoa, sacerdotia puhto, Cohamacu wuhu cohtaina surara cãhu Jesure ñaa, sañurucure:

—Crusapu cã puha wajãga tirore. Crusapu cã puha wajãga tirore —ni sañurucure tina.

—Tirore ne ñaa buhiri mariahna. Æ jina msa basita tirore naaga. Æ jina msata tirore crusapu cã puha wajãga —nire Pilato tinare.

<sup>7</sup> —Tiro to basi “Cohamacu macno jija”, nia tire. Tíre to ã nichu sã dutia sehe tirore wajã dutira —nire tina Pilatore.

<sup>8</sup> Ti ã nichu tuhoro tó pano to cuiroro yuhdoro cuia wahare Pilato sehe. <sup>9</sup> Æ jiro pari turi to wuhupere majare sãa, Jesure õ sehe ni sinituri jire tjoa:

—¿Noho macaroro jijari muhu? —niri jire Pilato Jesure.

To ã ni sinitupachuta Jesu tirore yuhtierari jire.

<sup>10</sup> To ã yuhtierachu ñano Pilato tirore õ sehe ni sinitu namori jire:

—¿Yuhure yuhtierajari muhu? Yuhu muhure peresui jirirore wio masija. Æ yoa muhure crusapu cã puha wajã duti masija yuhu. ¿Tíre masierajari muhu? —niri jire Pilato Jesure.

<sup>11</sup> —Cohamacu muhure to dutierachu yuhure ñano yoape dutieraboa muhu. Yuhure ñu tuhtiinare ñororo sehe mu yuhdoro ñano buhiri tira —niri jire Jesu Pilatore.

<sup>12</sup> To ã nichu tuhoro Pilato sehe tirore wio duari jimare. To ã wio duapachuta pari turi judio masa õ sehe ni sañurucure:

—Jesu “Puhtoro jija” nino, mari jiphtina bui puhtoro jirirore Roma macaroro ñu tuhtirore jira tiro. Æ jicu tirore wocu muhu cãhu mari bui puhtoro jirirore ñu tuhtirore jiihca —ni sañurucure judio masa Pilatore.

<sup>13</sup> Ti ã nichu tuhoro Jesure wuhui jirirore na wijaa ta, buhiri dahre dutiro taro to dujiri pahtai nuju sure Pilato sehe. Tó to buhiri dahre dutiro wapa, tãa mehne ti yoari wapa judio masa sã ya mehne Gabatá wama tire. <sup>14</sup> Tí dacho pascua dacho bose numu sã chuhti cjihtire sã cahnororo dacho jire. Tí pjare cohari pja waro jire. Nuju su tuhsu Pilato masare õ sehe ni yahure:

—Ahroro tjira msa puhtoro —nire tiro.

<sup>15</sup> To ã nichu tuhoa judio masa õ sehe ni sañurucure:

—Yariajaro tiro. Yariajaro tiro. Crusapu cã puha wajãga tirore —ni sañurucure tina.

—¿Musa pũhtoro to jipachũta tirore crusapũ cjã puha wajã dutijari mũsa? —nire Pilato.

To ã nichũ tuhoa õ sehe ni yũhtire sacerdotea pũhtoa:

—Mari jipihtina bui pũhtoro Roma macarirota sã pũhtoro jira. Pairo pũhtoro sãre mariahna —ni yũhtire sacerdotea pũhtoa.

<sup>16</sup> Ti ã ni durucuri baharo Pilato Jesure crusapũ cjã puha wajã dutiro, tirore ware tinare, tirore wajãhtinare.

*Jesure cjã puha wajãha tina*

(Mt 27.32-44; Mr 15.21-32; Lc 23.26-43)

<sup>17</sup> Æ jia tina Jesure naa wijaare. Ti naa wijaachũ Jesu sehe to crusare to basi wũa naa, dapu cohã wama tiropũ sure. Sã judio masa ya mehne dapu cohã Gólgota wama tire.

<sup>18</sup> Tópũ sũa tina Jesure cjã puha õre. Tuhsũ, paina pũarore cãiro to poto bũhũsehei, pairo to cõ bũhũsehei cjã puha dapore tina. Æ jiro Jesu ti dacho macai jire. <sup>19</sup> Ti cjã puha tuhsũchũ, Pilato taboa pjĩne joa, Jesure ti cjã puha õri crusai cjã puha õ dutire tí pjĩne. Õ sehe ni joare tiro: “Ahriri Jesu Nazare macariro, judio masa bui pũhtoro jira”, ni joare Pilato tí pjĩne. <sup>20</sup> Tí pjĩne joaro judio masa ya dũsero mehne, Roma macaina ya dũsero mehne, griego masa ya dũsero mehne joare tiro. Æ yoa Jesure crusapũ ti cjã puha daporiro maca cahacã jire. Tó cahacã jiina payũ judio masa Pilato joarire ñũ, buhere.

<sup>21</sup> Æ buhe tuhsũ judio masa sã sacerdotea pũhtoa õ sehe nire Pilatore:

—“Ahriri judio masa pũhtoro jira”, ni joai tjiga. Sã pũhtoro jierara ahriri. Æ jicũ õ sehe ni joa cahnoga mũhũ. “Ahriri ‘Judio masa pũhtoro jija’, ni cãirota to basita ã ni tũhoturiro jira”, ni joa cahnoga —nire sacerdotea pũhtoa.

<sup>22</sup> —Yũ joa mũhtariro seheta jirohca —nire Pilato tinare.

<sup>23</sup> Jesure ti cjã puhari baharo pititiaro surara sehe Jesu suhtire ti basi witire. Ti ã witi duapachũta cũ suhtirota yoari suhtiro dohori marieni suhtiro jire. Tí suhtiro suhari suhtiro jire. <sup>24</sup> Tí suhtiro to ã jichũ õ sehe nire tina ti basi:

—Ahri suhtirore tũhrẽna tjijihna. Ahri suhtirore nahtiro cjihtore masi duana, docapejihna mari —nire tina ti basi.

Æ docapea, Cohamacũ yare ti joari tjui ti ni joariro seheta yoaa nire tina. “Yũ suhtire tina ti basi witire. Æ jia yũ suhtire nahtiro cjihtore masi duaa, docapere tina”, ni joaa tiha Cohamacũ yare ti joari tjui. To ã ni joariro seheta ã yoaa nire tina.

<sup>25</sup> Surara ti ã yoachũ Jesu pocoro, Jesu mũono, María Cleofa namono, María Magdalena mehne Jesu crusa cahacã ñũrucure tina. <sup>26</sup> Æ jiro to pocoro yũhũ to cahĩriro cũhũ to cahacã sã ducuchũ ñũno to pocorore õ sehe ni yahure Jesu:

—Mipũre ahriri mũ macũ cjihto jira —nire Jesu to pocorore.

<sup>27</sup> Æ ni tuhsũ, yũhũre õ sehe ni yahure tiro:

—Mipũre ahricoro mũ poco cjihto jira —nire Jesu yũhũre.

To ã niri baharo Jesu pocorore yũ ya wũhũpũ ji dutii.

*Jesu yariaa wahaha*

(Mt 27.45-56; Mr 15.33-41; Lc 23.44-49)

<sup>28</sup> To ã ni yahuri baharo õ sehe ni tũhotu masiri jire Jesu: “Jipihtia Cohamacũ yũhũre dahra dutiro to cũrire yoa pahũohi”, ni tũhotu masiri jire Jesu. Æ masino Cohamacũ yare ti joari tjui to ni yahuriro seheta õ sehe nire Jesu:

—Ñahma yapioca yũhũre —nire Jesu.

<sup>29</sup> Æ yoa tói vino sũẽa core posa tiri situ dujire. Æ jiro tói jiro wihmi nari sũhtere sũẽa co mehne ti sohari sũhtere yucũcũ hisopo wama tidũ sohtoai dũhte õre. Dũhte õ tuhsũ, Jesu dũseroi siõ mũo, siõ õre. <sup>30</sup> Tí core Jesu wihmi tuhsũ õ sehe nire:

—Tó puro tjica —ninota to dapure muhrirũca, yoja sũ, yariaa wahare.

*Surara Jesu patipahma batoĩ ñosaha ñosadũ mehne*

<sup>31</sup> Tí dacho pascua bose n̄m̄m̄ pano jire. Tí bose n̄m̄m̄ macaare sã chuhti cjihtire sã cahnorí n̄m̄m̄ jire. ã jia pa dacho Sabado jichu tí bose n̄m̄m̄ jichu crusarip̄u ti wajãrinare cū duaerare judio masa. Tí dacho Cohamac̄ure ti ño payori dacho bose n̄m̄m̄ jire. ã jia tí dachoi ti cã puharina c̄jirire crusap̄u ti jichu cahmaerare tina. ã jia ti cã puharina c̄jirire ti ñuch̄ua cohãrine cã nuha dutia taa judio masa sinilha Pilatore, ti yaria m̄urocahto c̄jihto sehe. Ti ã yoari baharo ti p̄jac̄uri c̄jirire na boro bahrañoa taa nire. <sup>32</sup> Ti ã dutich̄u surara sehe crusari cahap̄u s̄u, c̄ũiro yacariro c̄jiro ñuch̄ua cohãrine cã nuhare. Pairo c̄ũh̄ure ãta yoare tina. <sup>33</sup> ã jia Jesu ñuch̄ua cohãrine cã nuha tamaa, to yariariro jich̄u ñ̄ua, cã nuhaerare.

<sup>34</sup> ã cã nuhaeraa c̄ũiro surara to patipahma batoí ñosad̄u mehne ñosare. To ã ñosach̄u dóihta to di, co mehne wijaare. <sup>35</sup> To ã wahach̄u ñ̄ui yuh̄u. Yuh̄u ahri tjure joariro m̄usare potocã yahuja. Potocã yu yahua jichu masija yuh̄u. M̄usare yahuja m̄usa c̄ũh̄u Jesure m̄usa wac̄u tuahto sehe. <sup>36</sup> Cohamac̄u yare ti joari tju to niriro seheta ã wahare: “To cohãrine ne c̄ũ cohãre cã nuhaerare”, to ni joariro seheta Jesu ñuch̄ua cohãrine ne c̄ũ cohãre cã nuhaerare. <sup>37</sup> ã yoa pa tju Cohamac̄u yare ti joari t̄jui õ sehe nina: “Tirore ti ñosariro c̄jirore ñ̄uahca tina”, ni joa tiha Cohamac̄u yare ti joari t̄jui.

*Jesu p̄jac̄ure masa copap̄u c̄ũha*

*(Mt 27.57-61; Mr 15.42-47; Lc 23.50-56)*

<sup>38</sup> To yariari baharo José Arimatea macariro Jesu p̄jac̄u c̄jirore na bororo taro, Pilatore siniri jire. José sehe paina judio masare cuiro, Jesure wac̄u tuariro to jiare yahu duaerari jire. To p̄jac̄u c̄jirore to siniri baharo Pilato sehe to p̄jac̄ure naa dutiri jire. To ã na dutich̄u José crusa cahai s̄u, Jesu p̄jac̄u c̄jirore naa wahari jire. <sup>39</sup> Nicodemo c̄ũh̄u me sitiare yuc̄s̄u di pohca, mirra wama tia me sitia yuc̄s̄u pohca mehne dahra moreare na tari jire. Jesu p̄jac̄u c̄jirore masa copap̄u ti siõ sãahto pano ti cahnohti jiri jire tí me sitia. Ti na tari c̄jiri treinta kilo n̄c̄uri jire. Nicodemo sohõ jiri p̄ja Jesu mehne to coã durucuri p̄ja ñ̄amip̄u Jesu cahai s̄uriro jiri jire. <sup>40</sup> ã jia tina p̄aro Jesu p̄jac̄u c̄jirore naa, judio masa sã yariainare sã yoarucuriro seheta to p̄jac̄u c̄jirore me sitia mehne suhtiro cahsaro mehne wahmari jire. <sup>41</sup> Crusap̄u Jesure ti wajãno cahai wese jire. Tí wesep̄u masa copa tãcap̄u wahma ti sahari copa jire. Tí copai ne yariariro c̄jirore siõ sãaerasinire. <sup>42</sup> Pascua dacho bose n̄m̄m̄i judio masa sã bose n̄m̄m̄i sã chuhti cjihtire sã cahnorí dacho jire. To ã jiri dacho jichu tí copa cahacãi to crusa jichu, tõi siõ sãari jire tina Jesu p̄jac̄u c̄jirore.

## 20

*Jesu masa wijaaha*

*(Mt 28.1-10; Mr 16.1-8; Lc 24.1-12)*

<sup>1</sup> Domingo ñ̄ami curero jichu, bohreahto panocã María Magdalena Jesu masa copap̄u s̄uri jire. Tóp̄u s̄uro tí copare ti tju bihari tãcare ti p̄jõ c̄uria tãcare ñ̄uri jire ticoro. <sup>2</sup> ã ñ̄uricoro jiro sã cahap̄u m̄urocaa tare ticoro. Simo Pedro mehne yuh̄u sã p̄aro jii. Wihi, õ sehe ni yahure sãre ticoro:

—Mari p̄htoro p̄jac̄u c̄jirore naanocari jihre. ã jina tiro c̄jirore ti c̄ũr̄ire mari masieraja —nire ticoro sãre.

<sup>3</sup> To ã nichu t̄uhona, Pedro mehne masa copap̄u ñ̄ua wahai sã. <sup>4</sup> ã ñ̄ua wahana sã p̄aro m̄uroca wahcãi. ã m̄urocana, yuh̄u Pedrore m̄uroca yuh̄u wahcãc̄u masa copap̄u s̄u m̄htai. <sup>5</sup> Tóp̄u s̄uc̄u muhri caha ñ̄uroca sõi tí copap̄ure. Muhri caha ñ̄uroca sõc̄u tirore ti wahmari suhtiro c̄jiro dihtare ñ̄ui. ã jii tí copare sãaerahi. <sup>6</sup> Yu ã ñ̄uri baharop̄u Simo Pedro yu baharo wihire. Wihi, masa copap̄u sãa, to p̄jac̄u c̄jirore ti wahmari suhtiro c̄jirore ñ̄ure tiro. <sup>7</sup> Jesu dapure ti wahmari cahsaro c̄ũh̄ure ñ̄ure t̄joa. Tí cahsaro soro coãno to tur̄eri cahsaro jire. <sup>8</sup> ã jicu yuh̄u c̄ũh̄u masa copap̄u s̄u m̄htariro tí copap̄u sãai. Jesure to ã mariach̄u ñ̄uc̄u “Potocãta Jesu masa wijaari jira”, ni t̄hotui yuh̄u. <sup>9</sup> Tí copap̄u sã wahahto pano Cohamac̄u yare ti joari t̄jui Cristo to yariahtore yahurire, to masa wijahtore yahuri c̄ũh̄ure sã noano t̄ho ñ̄ahaerasinimai. Tí copare yu ñ̄uri baharo,

“Potocãta Jesu masa wijaari jira”, ni tãhotui yũhũ. <sup>10</sup> ã ñũ tuhsũna sã wũhũsepũ tjuaa wahai.

*Jesu María Magdalenare bajuaha*  
(Mr 16.9-11)

<sup>11</sup> ã yoa masa copapũ María majare tjua ta tí copa sopacapũ wihi, ducuro, tiiro niri jire. ã tiiparota ticoro muhri caha ñũroca sõri jire masa copapũre. <sup>12</sup> ã ñũroca sõno pũaro anjoare, yehsea suhti tiinare Jesu cjiro to coãriro cjiropũ ti dujichũ ñũri jire ticoro. Cãiro to dapu coãriro cjiroi dujiri jire. Pairo to dahpori coãriro cjiroi dujiri jire. <sup>13</sup> Tinare to ñũchũ tina sehe ticorore õ sehe ni sinituri jire:

—Numino, ¿dohse jiro baro tiico nijari mũhũ? —niri jire tina.

—Yũ pũhtoro pjacũ cjirore naanocari jihre. ã jico to pjacũ cjirore ti cũrire masieraja yũhũ —niri jire ticoro.

<sup>14</sup> ã ni tuhsũ, majarerũcũ sũmahno Jesure tõi ducuriroro ñũri jire ticoro. ã ñũparota Jesure ñũ masierari jire ticoro.

<sup>15</sup> —Numino, ¿dohse jiro baro tiico nijari mũhũ? ¿Noare macaco nijari? —niri jire Jesu ticorore.

“Ahriro ahri wesere ñũ wihboriro jira”, ni tãhotumari jire ticoro Jesure. ã ni tãhoturo, õ sehe niri jire ticoro:

—Mũhũta to pjacũ cjirore naariro jicũ to pjacũre mũ cũrirore yahuga yũhũre. Mũ yahuri baharo to pjacũ cjirore naaco wahacohtja —niri jire ticoro tirore.

<sup>16</sup> To ã niri baharo Jesu õ sehe niri jire:

—María —niri jire.

To ã ni pisuchũ tũhoro majare ñũroca, ticoro hebreo ya mehne sã judio masa ya mehne õ sehe niri jire:

—Raboni —niri jire ticoro Jesure. (Raboni nino “Buheriro”, nino nina.)

<sup>17</sup> —Yũ Pũcũ cahapũ mũjaerasinija yũhũ. Yũ ã mũjaerasinichũ yũhũre ñahaeco tjiga. Tuhsũ, paina yũ yaina cahapũ wahaga. Ti cahapũ sũco õ sehe ni yahuga tinare: “Yũ Pũcũ cahapũ wahai tai nija. Mũsa Pũcũ cũhũ jira tiro. Yũ yairo Cohamacũ cahapũ wahai tai nija. Mũsa yairo Cohamacũ cũhũ jira tiro’, nihre Jesu”, ni yahuga tinare —niri jire Jesu Marĩare.

<sup>18</sup> To ã niri baharo María Magdalena sã Jesu buheina cahapũ wihi, yahure sãre:

—Mari pũhtorore ñũhi yũhũ —ni, Jesu ticorore to yahu dutirire yahure sãre ticoro.

*Jesu to buheinare bajuaha*  
(Mt 28.16-20; Mr 16.14-18; Lc 24.36-49)

<sup>19</sup> Tí dacho domingoi ñamichahai sã Jesu buheina sã coyea judio masare cuina, wũhũpũ biha sãa, dujii sã. Sã ã dujichũ Jesu sã watoi bajuarũcũ sũro, sãre õ sehe nire:

—¿Jimajari mũsa? Noano jiga mũsa —nire.

<sup>20</sup> ã ni tuhsũ, to wamomacarine, to patipahma bato cũhũre sãre ñore. ã jina sã tirore sã pũhtorore ñũna, wahchei. <sup>21</sup> Pari turi Jesu sãre õ sehe nire:

—Noano jiga mũsa. Yũ Pũcũ yũhũre to warocariro seheta, mũsa cũhũre yũ ya buheare buhehtinare warocaja —nire Jesu sãre.

<sup>22</sup> ã ni tuhsũ tiro sãre puti sãare. ã puti sãano Espĩritu Santo sãre to sãarũcũ sũ mũa wahahtore ñono nire sãre. Ño tuhsũ õ sehe nire:

—Mĩpũ Espĩritu Santore ñahaga mũsa, mũsa mehne jihtirore. <sup>23</sup> Paina ti ñaa yoarire mũsa bochũ, ãta jahca. ã jia paina ti ñaa yoarire mũsa boerachũ tí bori jisi —nire Jesu sãre to buheinare.

*Jesure masa wijaarirore Toma ñũha*

<sup>24</sup> Jesu sã watoi to bajuachũ Toma sũhũariro ti ni pisuriro sã mehne mariahare.

<sup>25</sup> To ã mariachũ sã mehne macaina tirore yahumare:

—Mari pũhtorore sã ñũhi —ni yahumai sã Tomare.

Sã ã ni yahupachũta õ sehe nire Toma:

—To wamomacarine ti cjã puhaa coparire ñueracu tí coparire yu wamo pica mehne be ñueracu, “Potocãta masa wijaari jira”, nisi yũhũ. Ñ yoa to patipahma batojiri copare yu wamomaca mehne siõ sõeracu, “Potocãta masa wijaari jira”, nisi yũhũ tirore —nire Toma.

<sup>26</sup> Ocho dachori baharo pari turi sã to buheina sã wũhũpũ jii. Tí pjare Toma sã mehne jire jũna. Tí wũhũ bihari wũhũ jire. Bihari wũhũ to jipachũta Jesu wũhũpũ sãa taro, sã watojiri bajuarũcu sũro õ sehe nire:

—¿Jimajari mũsa? Noano jiga —nire.

<sup>27</sup> Ñ ni tuhsũ, tiro Tomare õ sehe ni yahure:

—Ñũga yu wamomacarine. Ñ yoa mũ wamo pica mehne yu wamomacarine ti cjã puhaa coparire be ñũga. Tuhsũ, mũ wamomaca mehne yu patipahma batojiri copare siõ sõ ñũga. “Potocã jierara”, nii tjiga. “Potocã tjira”, niga mũhũ, —nire Jesu Tomare.

<sup>28</sup> To ã niri baharo Toma õ sehe ni yũhtire:

—Mũhũ yu pũhtoro jira. Mũhũ yu yairo Cohamacũ jira —nire Toma Jesure jũna.

<sup>29</sup> —Yũhũre mũ ñũri baharo yũhũre wacũ tuara mũhũ. Paina sehe yũhũre ñũerapahta yũhũre wacũ tuaahca. Ñ jia tina mũ yũhdoro wahcheahca —nire Jesu Tomare.

### *Jesure masa ti masihtĩ cjihtire ahri tjure joaha Joã*

<sup>30</sup> Ñ yoa payũ paye cũhũre Cohamacũ to tuaa mehne yoa ñore Jesu sã mehne jiro. Tíre to yoarire ahri tjujiri joa pahũoerati yũhũ. <sup>31</sup> Ñ joa pahũoerapahta ahri tjujiri yu yahuare joahi “Jesuta Cristo Cohamacũ to warocariro jira. Tiro potocãta Cohamacũ macũno jira”, mũsa ni masihtĩ cjihtire. Ñ jina mũsa tirore wacũ tuaina Cohamacũ mehne mũsa ã jirucuhti cjihtire joahi ahri tjure.

## 21

### *Jesu siete to buheinare bajuaha*

<sup>1</sup> Baharo Tiberia wama tiri bũcũpariro dũhtũ cahai sãre to buheinare Jesu pari turi bajuare tjoa. Sãre bajuaro õ sehe yoare tiro tjoa. <sup>2</sup> Simo Pedro, Toma sũhdũariro ti niriro, Natanae Galilea yahpai jiri maca Canã wama tiri maca macariro, Zebedeo pohna sã pũaro, paina pũaro buheina sã õpeinata cahmachui.

<sup>3</sup> Sã ã cahmachuri baharo Simo Pedro sãre õ sehe nire:

—Wahi wajãi wahi nija —nire tiro.

—Sã cũhũ mũhũ mehne wahanahũta —nii sã tirore.

Ñ ni tuhsũ buhaa wahi. Ñ jina dohoria mehne wahi. Wiho mejeta tí ñamine sã noano maca bohreapanahta ne cũiro wahi wajãerahi. <sup>4</sup> Bohrea parĩ cahachũ Jesu padũroi to ducuchũ tirore ñũmai sã. Ñ ñũpanahta tirore “Jesu jira”, ni ñũ masierahi sã. <sup>5</sup> Ñ jiro sãre tiro õ sehe ni siniture:

—¿Ne, wahi wajãri mũsa? —nire Jesu.

—Ne wajãeraputiati sã —ni yũhtii sã.

<sup>6</sup> —Dohoria poto bũhũsehe sehe doca ñoga. Tie sehe doca ñona wahi wajãnahca mũsa —nire sãre.

To ã nichũ tũhona sã to niriroihta doca ñoi. Sã doca ño tuhsũchũ payũ wahi sãre. Payũ wahi sãachũ wañũnõre dohoriapũ waja sãana bihoerahi sã. <sup>7</sup> Ñ jicũ yũhũ Jesu cahĩriro Pedrõre õ sehe ni yahui:

—Mari pũhtorota jira siro padũroi ducuriro —nii Pedrõre.

Yu ã nichũ tũhoro Jesuta to jichũ masino, Simo Pedro to suhtirore sãre. Wahi wajãno taro to suhtirore tjuweriro jisnire. To suhtirore sãa tuhsũ, diapũ pjuroca ñõjare. <sup>8</sup> Sã paina buheina dohoriai jina, cien metro yoaro diapũre pahsai sã. Ñ jina wañũnõre wahi payũ sãadũre dohoria mehne waja nũjai sã. <sup>9</sup> Dũhtũ cahai wahã sũna pichaca niti dihta si coãri pichaca bui Jesu to pũhõ cũrirore wahire ñũi sã. Pãõ cũhũre ñũi sã.

<sup>10</sup> Sã ã ñũchũ ñũno Jesu sãre õ sehe nire:

—Michapucacã mũsa wajãrinare mahainacã na tahga —nire sãre.

<sup>11</sup> To ã nichu Simo Pedro sehe Jesu mehne jiro dohoriapu samu, wahunore, bujuina wahi ciento cincuenta y tres wahi saadure waja majare. Payu wahi saapahta wahunore tuhreare.

<sup>12</sup> —Chusinina taga —nire Jesu sare.

“¿Noa baro jijari mahu?” ni sinitu nuerahi sa tirore. Sa puhtoro to jichu masii sa. <sup>13</sup> Ñ yoa Jesu pichaca cahapu saro, paore na, sare witire. Wahi cahure witire.

<sup>14</sup> Ñ jiro Jesu to masa wijaari baharo paduroi bajuaro tia taha sare to buheinare bajuaro nire.

*Jesu Simo Pedro mehne sahu*

<sup>15</sup> Sa churi baharo Jesu Simo Pedore o sehe ni siniture:

—Simo Jona macno, ¿ahrinare ma cahiro yuhoro yuhure cahijari mahu? —nire Simo Pedore.

—Puhtoro, mahu cahija yahu. Mahu ya cahichu masina mahu —ni yuhtire Simo Pedro.

—A jicu ovejacare ti nuriro sehta ya yainare buhega mahu —nire Jesu.

<sup>16</sup> Ñ ni tuhsu pari turi tiro Simo Pedore o sehe ni siniture:

—Simo Jona macno, ¿yuhure cahijari mahu? —nire Jesu.

—Puhtoro, mahu cahija yahu. Mahu ya cahichu masina mahu —ni yuhtire Simo Pedro.

—Ovejare nu wihboriro ovejare to noano nu wihboriro sehta, ya yainare noano buhe nu wihboga —nire Jesu Pedore.

<sup>17</sup> Ñ ni tuhsu pari turi tiro Simo Pedore o sehe ni siniture:

—Simo Jona macno, ¿potocata yuhure cahijari mahu? —nire Jesu tjoa.

Tia taha ñ ni to sinituchu thoro Simo Pedro tuaro cahyare.

—Puhtoro, mahu masi pahona. Mahu ya cahichu masina mahu —ni yuhtire Simo Pedro.

—Ovejare ti nuriro sehta ya yainare buhega mahu. <sup>18</sup> Potocã mahu niita nija. Mahu wamano jicu ma suhtire sa, ma cahmariporu tinia tiri jire mahu. Ñ jiricu ma jipachuta baharo ma bucuro jichu, ma wamomacarine ma siorocachu paio mahu suhtire saanohca. Tuhsu, ma waha duaeraroru mahu naanohca —nire Jesu Simo Pedore.

<sup>19</sup> Ñ nino Simo Pedore dohse waha to yariahtore yahuro nire. Ñ jiro Simo Pedro yariaro Cohamacure “Noariro, masi pahiro jira”, masa ti nichu to yoahore yahuro nire Jesu. Ñ Pedro mehne sahu tuhsuro o sehe ni namore Jesu tirore:

—Quihono ya buheriro sehta yoaga mahu —nire Jesu Pedore.

*Jesu to cahiro buheriro ahri tjure joariro jira*

<sup>20</sup> To ñ nichuta Pedro sehe majare nuoca, yuhure Joore Jesu to cahiro buherirore tinare ya nuu tichu nu Pedro Jesure siniture. Yuhu sehe to nuhiro to pano o sehe niriro jii: “Puhtoro, ¿mahu nu tuhtinare nohtiro sehe diro baro jicari tiro?” ni, Jesure sinitu nuhiro jii yuhu. Ti pjare Jesu to pari wahpa chu dujii yuhu sehe. <sup>21</sup> Ñ jiro yuhure nu Pedro Jesure o sehe ni siniture:

—Puhtoro, ¿ahriro sehe dohse waharohcari? —ni siniture.

<sup>22</sup> —Tire mahu yahueraja. Ahri yahapu ya tjua tahto pano ahrirore jirucuchu ya yoachu tire masierara mahu. Ñ jicu mahu yahueraja. Quihono ya buheriro sehta yoaga mahu —nire Jesu Pedore.

<sup>23</sup> Tire to yahurire jipihtina Jesu yaina ti basi yahu sitemare. Tire yahu sitea o sehe nimare tina sehe: “Jesu to cahiro buheriro yariasi”, ni yahu sitemare yuhure Jesu yaina ti basi. Ti ñ nipachuta “Tiro yariasi”, nino nierari jimare Jesu. “Ahri yahapu ya tjua tahto pano ahrirore jirucuchu ya yoachu tire masierara mahu. Ñ jicu mahu yahueraja”, nire Jesu Pedore.

<sup>24</sup> Jesu buheriro ahrire yahuro, ahri tjure joariro jira yuhu. Ñ jina ahri ya yahua quihono jichu masija mari.

<sup>25</sup> Payu paye cãhure Jesu yoare. To yoare mari joa pahñochn tĩ tjuri joaa tjuri payubia wahaboa. Á jia tí tjure mari wihbochn mũ sãeraboa ahri yahpa. Wahpaa yũhdũa wahaboa, yũ tũhotuchũ. Tó puro tjira.

## Hechos

### *“Espíritu Santo tarohca”, niha ahri tjure joariro*

<sup>1-2</sup> Teofilo, ahri quitire mähäre joarocai nija. Pano yu joa mühtari püre Jesu to yoaaere, to buheare mähäre yahu tuhsui. Pü müanopü to müjarire yahu batoai. To müjahto pano Jesu Espiritu Santo mehne dutiha to bese cürinare. <sup>3</sup> Ä yoa Jesu crusapü to yariari baharo payü tahari pjacü tiroto bajua müjaha to cürinare, tina “Potocäta tiro catira”, ti ni masihtosehe. Cuarenta dachori waro tiro bajua müjaha tinare. Ä bajuaro tiro to basi to catiriro jiare ñono niha tinare. Ä bajuaro pühtoro Cohamacü to süho jiare yahuha tinare.

<sup>4</sup> Jesu to cürina mehne jisninino tinare ö sehe ni yahuha:

—Jerusalëita jisniga mipüre. “Espiritu Santore müsare warocaihtja”, yu Pücu to nirirore cohtasiniga. Tíre to nirire müsare yahui yühü. <sup>5</sup> João müsare bautisaro co mehne yoamare. Yühü sehe tí yühodoro yoaihtja müsare. Maha dachoricä baharo yühü sehe Espiritu Santore müsä mehne jirucuchü yoaihtja müsare —niha Jesu.

### *Jesu müanopü müjaa wahaha*

<sup>6</sup> Ä yoa tina tücü Olivo wama tidüpu Jesu mehne cahmachuina sehe ö sehe ni sinitu ñüha tirore:

—Pühtoro, ¿mipüre säre Israe yahpare pari turi cü, mari coyeyä warore pühto söihcari mühü? —ni sinitu ñüha to yaina.

<sup>7</sup> Ti ä nichü tuhoro Jesu ö sehe niha:

—Müsä pühto säahti pjare yahu quihöriro, ä wahachü yoariro yu Pücu dihta jira. Müsä sehere tíre ne masihtobasioerara. <sup>8</sup> Wiho mejeta müsare Espiritu Santo to wihichü Cohamacü ya masiare cjuanahca müsä. Tí masiare müsä cjuana Jerusalë macainare, jipihtina Judea yahpa macainare, Samaria yahpa macainare, ä yoa jipihtina ahri dacho mü süro macainare noaa buheare buhenahca müsä. Yu yariarire, yu masa müjarire tinare buhenahca müsä —ni yahuha Jesu tinare.

<sup>9</sup> To ä ni tuhsüri baharota, Cohamacü Jesure müanopü müjachü yoaha juna. Tina tirore ti ñü münu müochüta me curua watorü säa, buti müjaa wahaha. <sup>10</sup> To ä buti müjari baharota tina Jesu to müjarirore ti ñü müono watoi püaro anjoa yehsea suhti tiina Jesu to cürina watoi bajuarücu süha. <sup>11</sup> Ä bajuarücu sü, tinare ö sehe niha:

—Müsä Galilea macaina, ¿dohse jiro baro ñü müorucuna nijari müsä? Ahriro Jesu, müsä mehne jiriroti, Cohamacü müanopü to müjachü yoarirota, mipüre to müjachü müsä ñüriro seheta, pari turi duji tarohca tjoa —ni yahuha anjoa tinare.

### *Jesu to cürina Juda cjirore cohtotahtirore beseha*

<sup>12</sup> Ä yoa Jesu yaina tücü Olivo wama tidüpu jiina duji taa, Jerusalëpü tju süha. Tü tücü cü kilómetro bui curero yoaro jira Jerusalë dühtü cahapüre. <sup>13</sup> Tju sü, tina müanopü ti jiri tahtiapü müjaa wahaha. Ahrina jiha: Pedro, João, Santiago, Andre, Felipe, Toma, Bartolomé, Mateo, Santiago, Simo, Juda jiha. Santiago sehe Alfeo macüno jiha. Simo sehe cananista wama tiri curua macariro jimaha. Juda sehe Santiago macüno jiha. <sup>14</sup> Payü tahari ahrina jipihtina, to cürina, ä jichü numia, María Jesu pocoro, ä yoa Jesu bahana mehne cähü noano cahmachu, Cohamacüre ä sinirucua tiha.

<sup>15</sup> Ä yoa tí dachorire masa payü cahmachuha. Ciento y veinte jia jiboa. Ä jiro Pedro sehe tiro mehne macaina Cristo yaina watoi ducu, ö sehe ni yahuha tinare:

<sup>16</sup> —Yu coyeyä, Cohamacü panopü to niriro seheta ä waharo nihre. Tíre Espiritu Santo Davi cjirore yahu dutiha Juda cjirore. Juda cjiro Jesure ñahahtinare ñoriro jihre. <sup>17</sup> Ä yoahitiro jiparota mari mehne Jesu yare yoariro jimahre. Ä jiro sä mehne macarirota jimahre —niha Pedro.



<sup>18</sup> Juda cjiro sehe Jesure ño dutia ti waparire to wiari baharo to basita wajã yariaha. Ñ yoaro boraa waha, to tũ misida tũhnũa waha, yariaa wahaha. To wiari cjiri mehne paina mahanocã yahpare nuchũha. <sup>19</sup> Jipihtina Jerusalẽ macaina masi pihtinocari jire Juda cjiro to ñano yoarire. Ñ masia ti ya dũsero mehne to niñeru mehne ti nuchũri yahpa cjirore Acéldama wamoari jire. Acéldama nia, “Di yahpa”, nia nina. <sup>20</sup> Baharo õ sehe ni namoha Pedro:

—Panopũ to joariro seheta ã wahahre Juda cjiro. Salmo to joari tjui õ sehe ni joaa tiha: “Tiro to jiri wũhũ masa marieni wũhũ tjuarohca.

Ne noa jisi tí wũhũre”,

ni joaa tiha. Õ cũhũre õ sehe ni joaa tiha:

“Pairo to dahraa cjirire cohtotariro jirohca”,

ni joaa tiha Salmopũ.

<sup>21-22</sup> Ñ jina mari cũiro besejihna. João masare bautisariro cjiro masare to buhero watoi cãina Jesu yaina mari mehne wahare. Tina mehne macarirore cũiro bese nano cahmana mari mehne macariro cjihto. Jesu mehne mari jichũ mari mehne ã jirucurirore besero cahmana. Ñ mari beseri baharo Jesu to masa mũjarire mari mehne buherohca —ni yahuha Pedro to coyeeare Cristo yainare.

<sup>23</sup> To ã nichũ tũhoa pũarore bese dapoha tina. Cũiro José Justo wama tirirore beseha. Tiro Barsaba ti ni pisuriro jiha. Bese tuhsũ, pairore Matia wama tirirore beseha.

<sup>24-25</sup> Tinare bese dapo tuhsũ, tina Cohamacũre õ sehe ni siniha:

—Mũhũ sã pũhtoro jipihtina masa ti tũhotuare masina. Ahrina pũaro sã beseina jira. Juda cjirore cohtotahtirore diro mũ cahmarirore besega. Jesure cohãtjiãhno Juda cjiro sehe pichacapũ wahaha. Tirore cohtotahtiro Jesu to cũriro jirohca. Ñ jiro sã mehne noaa buheare buherohca —ni siniha tina Cohamacũre.

<sup>26</sup> Ñ niata tãa mehne doca mũjaha besea taa. Matia yaro to noano quihõno wijachũ, tiro sehe Jesu to cũrina once cũrina mehne macariro tjuaha.

## 2

### *Espíritu Santo Jesu yaina mehne ji dũcaha*

<sup>1</sup> Ñ yoa Pentecoste wama tiri dacho jichũ tina jipihtina cũ wũhũi cahmachuha. <sup>2</sup> Tí pjareta wihnono to tuaro taro seheta mũanopũ bisiro coa taha. To ã bisiro coa tachũ tũhoha jipihtina tí wũhũpũ jiina. <sup>3</sup> Ñ yoa picha pohna yoaro sehe jia tina jipihtina dapu poca bui bajuaha. Tí picha pohnaricã ñahmanoricã yoaro sehe bajuha. <sup>4</sup> Ñ yoa Espiritu Santo tinapũre sãarũcũ sua wahaha. Tinapũre to sãarũcũ sua wahachũ, paina ya durucua to durucuchũ yoaa mehne tina sehe paina ya durucua noano durucua.

<sup>5</sup> Tí dachorire Jerusalẽpũ payũ judio masa, cũ curua macaina masa jipahta, paró paye yahpari macaina jiha. Cohamacũre ño payoina jiha. <sup>6</sup> Ñ yoa mũanopũ coa tachũ tũhoa tina Jesu buheina cahapũ payũ cahmachu wahcãha. Cahmachuina masape ya durucua Jesu buheina ti durucu pahũochũ tũhoa, tina tũho cũaa wahaha.

<sup>7-8</sup> —Cuenah. ¿Dohse yoaa ahrina Galilea macaina jipahta mari ya durucua noano durucujari? Tina mari ya yahparũ taina yoaro seheta durucua nina —niha tina sehe.

<sup>9-10</sup> —Jipihtina mari durucua mipũre durucua nina: Õpe yahpari macaina mari õre cahmachuina jija: Partia macaina, Media macaina, Elam macaina, Mesopotamia macaina, Judea macaina, Capadocia macaina, Ponto macaina, Asia macaina, Frigia macaina, Panfilia macaina, Egipto macaina, Libia yahpai Cirene cahapũ jiina, Romapũ taina jija mari. Cãina judio masa waro jija mari. Paina judio masa dojoina jija mari.

<sup>11</sup> Creta macaina cũhũ, Arabia macaina cũhũ jira mari mehne. Mari payũ paró macaina soro durucua tiina mari jipanata ahrina sehe mari masape curuari macaina durucua ti durucuchũ tũhoja mari. Tina mari ya durucua mehne Cohamacũ tuaa mehne to yoarire yahua nina —ni durucua masa ti basi.

<sup>12</sup> Ñ niata tina cũaa waha, ti ñũri cũhũre ti tũhori cũhũre noano tũho ñahaeraha.

—¿Ahrina dohse jiro baro paina ya mehne Cohamacu yare ã noano durucujari, musa tũhotuchũ? —ni cahma sinitu ñũha tina ti basi.

<sup>13</sup> Wiho mejeta paina Jesu yaina ti durucuchũ tũhoina mehne macaina sehe tinare õ sehe ni bujũpeha:

—¿Dohse ahrina sihbiõri sihni cahaa nijari? —ni bujũpeha paina tinare Jesu yainare.

*Pedro masare yahuha*

<sup>14</sup> ã jiro Pedro once Jesu to cũrina mehne wahcãrucu sũ, tuaro durucutjiãhno masare õ sehe ni yahuha:

—Musa Judea yahpa macaina, jipihtina Jerusalẽru jiina, ahrire masiga musa. Yu yahuchũ tũhoga musa. <sup>15</sup> Musa tũhotua quihõno jierara. Nueve hora jira mipũta. Mari chũ sihni hora jierasina. ã jia ahrina cahaina jierara. <sup>16</sup> Ahrina Cohamacu panoru to niriro seheta yoaa nina. Tĩ pjarũre Joere Cohamacu yare yahu mũhtariro cjiõre, ahrire yahu dutia tiha Cohamacu sehe:

<sup>17</sup> “Sohtori tia dachori jichũ õ sehe jirohca: ‘Yu yairo Espĩrĩture masare jipihtinare warocaihtja.

ã jia musa pohnarũ yu yare yahuahca.

ã yoa musa mehne macaina wahma yapia bajuamehneare ñuahca.

ã jia musa mehne macaina bucũna cahãnorũ cahãahca.

<sup>18</sup> ã jicũ yu cahamacare, mũare, numia cũhũre yu yairo Espĩrĩture warocaihtja.

ã jia tina yu yare yahuahca.

<sup>19</sup> Tuhsũ, yu tuaa mehne bajuamehneare yoa ñoihca mũanoru.

Yahrapũ cũhũre yu bajuamehneare ñoihca: Dire, pichacare, mene ñoihca.

<sup>20</sup> Tuhsũ, sũ dacho macariro nahitianore cohtotarohca.

Ñami macariro di yoaro sehe sohãriro cohtotarohca.

Õ sehe waharohca Cristo musa pũhtoro to tahti dacho, yu niri dacho panoi.

Tĩ dachoi ñũ cãaa wahaahca masa.

ã jiro wiho jiri dacho jisi.

Tĩ dacho noari dacho jirohca.

<sup>21</sup> ã jiro õ sehe jirohca.

Jipihtina masa Cristore ti ñaa buhirire cohã duti siniinare tiro tinare pichacaru wahaborinare yũhdorohca’, nina Cohamacu”,  
ni joaha Joe.

<sup>22</sup> ’Musa Israe masa yu yahuchũ tũhoga: Jesu Nazare macariro sehe Cohamacu to warocariro jihre. Jesure to warocarire masa ti masihto sehe Jesu to Rucũro ya tuaa mehne yoa ñohre musare. Musa tĩre masina. <sup>23</sup> Jesure wajã dutina judio masa jierainare wahre musa. Cohamacu panoru to cahmariro seheta, “ã waharohca”, to niriro seheta ã yoahre. ã jina musa Jesure crusaru wajã dutihre Cohamacu dutiare cjuerainare. <sup>24</sup> Musa ã yoapachũta Cohamacu sehe Jesure yariariro cjiõre masohre. Pari turi ne yariasi tiro. Tiro yaria dojoerara. ã catirucũhtiro jira. <sup>25</sup> Õ sehe nia tiha Davi cjiõre panoru macariro Cristo to ni durucuboriro seheta:

“Yu pũhtoro yũhũ mehne jira mũhũ.

Jipihtia dachoripe Cohamacu yu pũhtoro yu cahai mũ jichũ ñũa tihĩ yu cuierahto sehe.

<sup>26-27</sup> Mũhũ Cohamacu yũhũre yariaina ti jiorũre ne cohãsi.

Yũhũre mũ cahĩriõre ñanoru cohãsi mũhũ.

Yũhũ mũ cahamacũno mũhũre ño payoriro jija.

Yu pjacũre baa dutisi mũhũ.

ã jicũ tuaro wahcheja.

Wahchea mehne durucuja.

ã jicũ mũhũre Cohamacũre noano wacũ tuariro jicũ ñaa buhiri marieriro jicũ cuiro marieno noano jinocaja.

<sup>28</sup> Yũhũre pari turi catichũ yoaihca mũhũ.

Yuhū mehne mū jichū tuaro wahcheja”,  
ni joaa tiha Davi cjiro Cristo to ni durucuboriro seheta.

<sup>29</sup> 'Coyea, ò sehe noano yahuihtja mūsare Davi cjirore mari coyeiro, panopū macarirore. Tiro yariaa wahaha. Ā jiro tiro to masa copa mipūre jisina. (Ā jiro “Yū pjacūre baa dutisi mūhū”, ni joaro to basi wama payo yahuro nieraha.) <sup>30-31</sup> Panopū Cohamacū Davi cjirore ò sehe niha: “Potocā nii nija. Mū panamana ji turaina mehne macariro mū yoaro seheta ahri yahpa macaina bui pūhtoro jirohca”, nia tiha Cohamacū Davi cjirore. Davi Cohamacū yare yahu mūhtariro cjiro jiha. Ā jiro Cristore Cohamacū to pūhto sōhtore masino, Cristo to masa mūjahtore yahu mūhta tuhsūha Davi sehe. Ò sehe niha: “Tiro yariaina ti jiropūre ji dojoasi. To pjacū tói baasi”, nia tiha Davi cjiro. <sup>32</sup> Ahriro Jesureta Cohamacū masohre. Sā jipihtina tirore ñūhi. <sup>33</sup> Mipūre Cohamacū poto būhūsehēpū jira dutiriro jiro. Tó panopū to Pūcūro “Espíritu Santore mū yainare warocaihtja”, to ni cūriro seheta wari jire Jesure. Ā jiro Jesu sehe ahriinare Espiritu Santore warocari jira. Ā jina mipūre Espiritu to yoare mūsa ñū, tūhona nina. <sup>34</sup> Davi cjiro sehe Jesu to mūjariro seheta mūanopū mūjaeraa tiha. Ā jiro tiro to basi ò sehe nia tiha:

“Cohamacū ò sehe nire yū pūhtoro: ‘Yū poto būhūsehēi dujiga mūhū.

<sup>35</sup> Mūhūre ñū tuhtiinare mūhūre cūihtja mū cahamaca yoaro sehe jihtinare’, nire Cohamacū yū pūhtoro”,  
nia tiha Davi cjiro.

<sup>36</sup> Ā jina jipihtina Israe masa ahrire noano masiga mūsa: Ahriro Jesure mūsa crusapū wajāriro cjirore mūsa pūhtoro sōhre Cohamacū sehe. Tirore mūsare yūhdohtirore Cristore cūre Cohamacū —ni yahuha masare Pedro.

<sup>37</sup> To ā nichū tūhoa tuaro cahya, pjīro tūhotua, masa sehe Pedro cūhūre ò sehe ni sinitu ñūha:

—¿Sā coyea, dohse yoanahcari sā? —ni sinitu ñūha tina.

<sup>38</sup> Ti ā ni sinitu ñūchū ò sehe ni yūhtihā Pedro:

—Mūsa ñaa yoari buhirire cahyaga. Mūsa ñaa tūhotumari cjirire tūhotu cohtota, “Ā tjiri jira” ni, Cohamacūreta maca, tūhoga. Ā yoa Jesu yaina jina, bautisarina jiga mūsa jipihtina. Jesure mūsa wacū tuachū ñūno, mūsa ñaa yoari buhirire borohca Cohamacū. Tó sehe mūsa yoachū Espiritu Santore warohca mūsare. <sup>39</sup> Mūsare, mūsa pohinare, mūsa panamana ji turainare, yoaro macainare, ā yoa jipihtina Cohamacū mari pūhtoro to beserinare, “Potocāta yūhdoihtja mūsare”, ni cūha Cohamacū —niha Pedro.

<sup>40</sup> Tuhsū, tuaro mehne ò sehe ni yahu quihōha tinare:

—Ahri yahpa macaina, Cohamacūre ji coerainare buhiri dahrerohca Cohamacū. Wiho mejeta mūsa sehe, tina watoi jiina, Cohamacū yahurire, “Ā tjira”, ni bahrañoga mūsa yūhduhtō sehe —yahu quihōha Pedro masare.

<sup>41</sup> To ā nichū tūhoa tina payū to yahuare noano tūhoha. Ā jiro tinare tiro bautisa dutiha. Tí dachore Cohamacū yaina mehne macaina tres mil masa waha namoha. <sup>42</sup> Ā yoa tina masa Cristo to cūrina mehne dachoripe cahmachu, tí buheare tūho nūnū, tíre yūhti mūjaa tiha. Tina pāore nuha, cahma witi, Cohamacūre sini, Cristo to cūrina mehne noano jinocaa tiha.

*Jesu yaina wahma ji dūcaina ti jia tiare yahuha*

<sup>43</sup> Ā yoa Cohamacū to tuaa mehne yoa ño mūjaha to cūrina. Ti ā yoachū ñūa masa jipihtina ñū cūaa wahaa tiha. <sup>44</sup> Jipihtina Jesure wacū tuaina cahmachu, noano jinocaa tiha. Ā jia ti yare cahma witia tiha. <sup>45</sup> Ti yare dua, jipihtinare paye baro maerainare cāina ti cahmaare waa tiha tina. <sup>46</sup> Ā jia dachoripe tina Cohamacū wūhū wijaaroi cahmachua tiha. Ā yoa cāa wūhūse, ti ya wūhūsepū cūhūre nohopeina cahmachu, pāore nuha, wahchea mehne tina cūnoi chūa tiha. <sup>47</sup> Ti ā cahmachuno watoi “Cohamacū noariro jira”, ni ño payoa tiha. Paina masa tinare ji coa yūhdūa tiha. Ā yoaro dachoripe Cohamacū painare to yaina to yūhdohtina wahachū yoaa tiha.

## 3

*Tini masieraritore noariro wahachu* yoaha Cohamacu

<sup>1</sup> Cũ nũmu ñamichapurũ tres jichũ Cohamacu mehne durucuri pja jichũ Pedro, João mehne Cohamacu wũhũpũ waha niha. <sup>2</sup> Dachoripe tí wũhũre ti sahrĩ sãari sahrĩno tãa mehne ti yoari sahrĩno macari sopaca cahai paina cũiro masũnore na ta duhu dapoa tiha. Tí sopaca noari sopaca wama tiha. Tiro masũno sehe wahma masa bajuaropũta dojori wahiro jiro tini masierariro jiha. ã jiro tiro tí sopaca cahai niñerure sini dujia tiha tí sopacai sãainare. <sup>3</sup> ã yoa Pedro, João mehne tí sopacare ti sãa cahachu tini masierariro sehe tinare ñũ, niñerure siniha. <sup>4</sup> ã jia tina pũaropũta tirore ñũ, Pedro sehe õ sehe niha: —Sãre ñũga mũhũ —niha Pedro tirore.

<sup>5</sup> To ã nichũ tũhoro “Ahrina mahanocã yũhũre niñerure waahca”, ni tũhoturo ñũroca õ tũhoha tinare. <sup>6</sup> To ã ni tũhotupachũta Pedro tirore õ sehe ni yahuha:

—Niñerure cjueraja yũhũ. Cjueraapaihta, ahrire yoaihtja mũhũre. Jesucristo Nazare macariro to tuaa mehne wahcãrũca, tiniga mũhũ —niha Pedro tini masieraritore.

<sup>7</sup> ã ninota to wamomacare poto bũhũsehe macari wamomacare ñaha, tirore waja wahcõ dapoha. To ã yoachũta tini masieraritore to ñũchũa tuaa wahaha. <sup>8</sup> To ã wahachũta tiro wahcãrũca purũcu sũ, tini dũcaha. ã tini dũcaro tiro waha, pu tini “Cohamacu noariro jira”, to ni wahcheriro mehne tina mehne Cohamacu wũhũ macari sahrĩno puhichapurũ sãa wahaha. <sup>9</sup> To ã tinichũ “Cohamacu noariro jira”, to nichũ masa jipihtina tirore ñũha. <sup>10</sup> ã jia masa tirore ñũ masiha. Tiro Cohamacu wũhũ macari sahrĩno tãa mehne to yoari sahrĩno macari sopaca noari sopaca cahai niñerure to sini dujirire masiha masa. ã jia tiro to tinichũ ñũha, ñũ cũaa wahaha.

*Cohamacu wũhũi Pedro masare buheha*

<sup>11</sup> ã yoa tini masierariro cjiro Pedro cũhũre to siõ suha mũjano watoi, masa jipihtina ñũ cũaa waha, noari wapapũ Salomo wama tiri wapapũ mũroca wahcã, cahmachuha.

<sup>12</sup> Ti ã cahmachurũcu sũchũ ñũno, Pedro sehe õ sehe ni yahuha tinare:

—Mũsa Israe masa, ¿dohseana ahrirore ñũ cũajari? ¿Dohseana sãre mũsa ñũ nũnũjari? Sã sehe sã ya tuaa mehne noaina sã jia tia mehne sã mũ sũro ahrirore tinichũ yoaerahi sã. Jesu sehe tíre yoahre. <sup>13</sup> Abrahã, Isaa, Jacobo mari ñũchũsuma, panopũ macaina ti yairo Cohamacu sehe to cahamacũno Jesure Jipihtina Bui Jiro cũhre. Wiho mejeta mũsa sehe tó sehe jirirore tirore ñũ tuhtiinare wahre. Baharo pũhtoro Pilato tirore to wio duapachũta, mũsa sehe tirore to wiochũ cahmaerare. <sup>14</sup> Pilato tirore wio duamahre. Wiho mejeta mũsa Jesure ñaa buhiri marierirore, quihõno yoarirore cahmaerana, pairore masa wajãriro sehere wio dutihre mũsa. <sup>15</sup> ã yoana Jesure marine catichũ yoarirore wajãchũ yoare mũsa sã coyera judio masa. To yariachũ Cohamacu tirore masohre. Tíre sã ñũhi. <sup>16</sup> ã jina Jesu pjiriro to jia tiare wacũ tuaina jija. Tirore sã ã wacũ tuachũ ñũno ahrirore mũsa mipũ ñũrirore mũsa ñũ masirirore Jesu sehe to tuaa mehne tinichũ yoahre.

<sup>17</sup> Yũ coyera, mũsa pũhũa mehne Jesure noano masierapanahta tirore wajãchũ yoare mũsa. Tíre masija yũhũ. <sup>18</sup> Wiho mejeta panopũ macaina Cohamacu yare yahu mũhtaina cjiri Cohamacu tinare to yahu dutiriro seheta, yahua tiha tina. “Cristo ñano yũhdũ, yarirohca”, ni yahua tiha tina. Ti ã ni yahuro seheta ã wahahre mipũre. <sup>19</sup> ã jina mũsa ñaare yoari buhirire cahyaga. Mũsa tũhotumari cjirire tũhotu cohtota, ñaare mũsa goa pjarire duhu, Cohamacureta majarerũca, to ya sehere quihõno tũhoga. Mũsa tirore majarerũca, quihõno tũhochũ ñũno, Cohamacu mũsa ñaare yoari buhirire borohca. ã boro, mũsare wahchehti dachorire cũ, mũsare noano yajeri sãachũ yorohca tiro. <sup>20</sup> ã yoa tiro mũsa pũhtoro cjihtore to beseriro Cristore mũsare warocarohca tjoa. Tiro Cristo sehe Jesuta jira. <sup>21</sup> Cohamacu cahapũ jisininohca Jesu, pũ Cohamacu ahri yahpapũ jipihtiare wahma to cohtota pahũochũpũ. To ã cohtota pahũohtore Cohamacu yare yahu mũhtaina cjiri, to yaina waro panopũ yahu quihõ tuhsũa tiha. <sup>22</sup> Moise cjiro tíre yahuro õ sehe ni mũhtaha: “Cũiro mari mehne macarirore mari coyeroreta Cohamacu

yare yahu m̄htahtiro cjihtore Cohamacu mari p̄htoro warocarohca m̄sare. Ȳhure to warocariro seheta warocarohca tiro c̄hure. Ā jina m̄sare to yahuchu tuhona, ‘Jai’, ni ȳhti pihtinocaga m̄sa. <sup>23</sup> Ō sehe jirohca. Jipihtina tirore ȳhtieraina to cohāhtina jiahca. Cohamacu yaina mehne macaina jisi tina”, ni m̄htaa tiha Moise cjiro.

<sup>24</sup> Jipihtina Cohamacu yare yahu m̄htainape Samue, ā yoa to baharo jiina c̄hu mipu jia dachori cjihtire yahu m̄htaa tiha. <sup>25</sup> Mari ñchusuma cjirore, Cohamacu yare yahu m̄htaina cjiro c̄hure panopu macainare yahua tiha Cohamacu. Mari c̄hure ā ni yahuro nia tiha. Abrahāre to niriro seheta mari c̄hure ni yahuro nia tiha. Ō sehe ni yahua tiha Cohamacu Abrahāre: “Jipihtiro ahri yahpa macainare noano yoaihtja. Ō sehe tíre yoaihtja: M̄ coyero baharo jiriro sehe masare noano yoabasarohca ȳhure”, nia tiha Cohamacu Abrahāre. <sup>26</sup> Cohamacu to macunore masa wijachu yoaro mari cahapu waroca m̄htare mari ñaa yoare duhuchu yoahitirore. Ā yoaro marine tiro noano yoare —niha Pedro tinare.

#### 4

*Pedro, João mehne p̄htoa mehne s̄huduha*

<sup>1-3</sup> Pedro, João c̄hu masa mehne ti durucuro watoi sacerdotia, Cohamacu w̄hure cohtaina surara p̄htoro, saduceo curua macaina c̄hu tinare tuhoha. Ō sehe ni buheha Pedro João mehne masare:

—Jesu to yariari baharo masa m̄jaa wahahre. To ā masa m̄jarire ñna mari c̄hu baharo to yaina mari masa m̄jatore masija mari —ni yahuha Pedro c̄hu.

Ti ā nichu tuhoha p̄htoa sehe tina mehne suaha. Ā suaa nahi cahachu ñna tina Pedre, João c̄hure ñaha, peresu yoaha. <sup>4</sup> Ā tinare peresu ti yoapachuta payu ti yahua tuhoina sehe “Potocāta jira”, ni tuhoutuha. Ā jia Jesu yaina payu waha, tí dachoi wahma to yaina ji ducaina, ā yoa tó panopu Jesure wacu tua tuhsurina mehne m̄a sahserore mari quihochu, cinco mil masa s̄ro cahai jiha.

<sup>5</sup> Ā yoa pa dachoi tí maca macaina p̄htoa, b̄cuna, ā yoa judio masa buheina c̄hu Jerusalēpu cahmachuha. <sup>6</sup> Ti ā cahmachunoi sacerdotia bui p̄htoro, Ana wama tiriro c̄hu tó jiha. Ā yoa to coyee c̄hu jiha. Caifa, João, Alejandro, paina mehne Ana coyee c̄hu jiha. To coyee to dahraare dahraina jiha tina c̄hu. <sup>7</sup> Ā jia tina Pedro c̄hure ti cahmarocachu, surara sehe p̄htoa watoru tinare naa wihi dapoha. Ti ā na wihi dapochu, tina p̄htoa ō sehe ni sinitu ñna Pedro c̄hure:

—¿Noa ya tuua mehne m̄sa tirore noariro yoari? ¿Noa jijari m̄sare tíre yoa dutiriro? —ni sinitu ñna tina.

<sup>8</sup> Ti ā nichu tuhoro Espíritu Santo to yoa dutiriro seheta to tuua mehne yahuha Pedro tinare:

<sup>9</sup> —M̄sa p̄htoa, ¿m̄sa b̄cuna, s̄a dohse yoa ahriro tini masierarirore s̄a tinichu yoarire masi duana, s̄are sinitu ñna nijari m̄sa? <sup>10</sup> Tí pja pini ahrire masiga m̄sa jipihtina, Israe masa. Jesucristo Nazare macariro, m̄sa crusapu wajāriro, Cohamacu to masoriro tiro sehe ahriro tini masierarirore noariro wahachu yoahre. Ā jina ahrirore mipure m̄sa ñrocaroi to tinichu ñna m̄sa. Ō sehe nina Cohamacu yare ti joari p̄i Jesu cjihtore yahuro: <sup>11</sup> “Ahriro tāca yoaro sehe jiriro jira. Tācare w̄hu dahreina wiho jiriare ti cohāriro seheta m̄sa judio masa tirore cohāre. M̄sa ā yoapachuta mipure w̄hu dahreina w̄hure yoaa ti cū m̄htari tācare ti cūriro seheta Cohamacu tirore p̄htoro s̄hre. Tiro Cristo mariachu Cohamacu yaina wahaeraboa masa. (To ā wiho jiriro jierapachuta m̄sa mari p̄htoa mehne tirore cahmaerare. M̄sa ā cahmaerapachuta Cohamacu sehe tirore mari p̄htoro s̄hre)”, ni joaha panopu. <sup>12</sup> Ne, paio masare pichacapu wahaborinare ȳhdoriro ne mariaha. Ahri yahp̄ure Jesu dihta masare ȳhdoriro jira. Ne paina tiro yoaro sehe jiina mariaha —ni yahuha Pedro tinare.

<sup>13</sup> To ā ni yahuri baharo Pedro, João mehne buhemahnoeraina jipahta cuiro marieno ti buhechu ñna, p̄htoa, b̄cuna, judio masa buheina mehne ñna suaa wahaha. Ā jia

Jesu yoaro sehe ti buhechũ ñua, õ sehe masiha tina: “Potocã Jesu mehne macaina tjira ahrina”, ni masiha tina. <sup>14</sup> ã yoa tini masierariro cjiro Pedro cũhũ mehne jiha. Tiro to noariro jichũ ñũha pũhtoa, bũcũna, judio masa buheina mehne. ã jia tina Pedro cũhũre “Ñano yoaa nina”, ni yahusã masieraha. <sup>15</sup> ã yahusã masieraa pũhtoa ti cahmachuri tahtiapũ jĩinare Pedro cũhũre wijaa dutiha. <sup>16</sup> Ti wijaari baharo pũhtoa sehe ti basi õ sehe ni sũhũduha:

—¿Ahrinare dohse yoanahcari mari? —ni durucuha tina ti basi.

Õ sehe ni durucu namoha:

—Pedro, João Cohamacũ tuua mehne tini masierarirore tinichũ yoari jire. ã jia Jerusalẽ macaina jipihitina ti ã yoarire masica. ã jina mari sehe “ã yoaerare tina” ni masieraja mari. <sup>17</sup> ã jina Jesu to buheri cjirire painare buhe dutiena tjijihna tinare, “Paina tí buheare cahmari”, nina —ni durucuha tina ti basi.

<sup>18</sup> ã ni durucu tuhsua Pedro cũhũre pjiroca, õ sehe niha:

—Jesu to buheri cjirire ne buhena tjiga painare. Tíre ne durucu namoena tjiga —ni yahumaha tinare.

<sup>19</sup> Ti ã ni yahuchũ tũhoa tina Pedro João mehne õ sehe ni yũhtiha tinare:

—Mũsa õ sehe ni dutichũ mũsare yũhtina, Cohamacũ sehere yũhdũrucana niboca sã. ¿Diro ya sehere sã yoachũ quihõno jijari Cohamacũ to ñũrocarore? ¿Mũsa ya sehere sã yoachũ quihõno jijari? ¿Cohamacũ ya sehere sã yoachũ quihõno jierajari, mũsa tũhotuchũ? <sup>20</sup> Sã sehere sã ñũrire, sã tũhorire sãre yahto basioerara —ni yũhtiha Pedro, João mehne.

<sup>21</sup> Ti ã nichũ tũhoa pũhtoa sehe pari turi dutimaha tjoa tinare:

—Jesu to buherire mũsa buheri buhiri ñano yũhdũnahca mũsa —niri jimare pũhtoa tinare.

“João, Pedro mehne ñano yoaa nina”, ni masierari jire tina. ã jia masa sehe tini masierariro to noariro wahachũ ñua, “Cohamacũ potocãta noariro jira”, niha masa. Ti ã nichũ tũhoa pũhtoa sehe Pedro cũhũre ti dohse yoa buhiri dahreboare bocaeraa, tinare wioha. <sup>22</sup> Tini masierariro, noariro ti yoariro cuarenta cãmari bui cjuariro jiha.

#### *Jesu yaina ti cuierahto cjihtore siniha Cohamacũre*

<sup>23</sup> ã yoa, Pedro João mehne ti wiori baharo tina mehne macaina cahapũ sũ, sacerdotea pũhtoa, bũcũna jipihitia tinare ti niri cjirire yahuha. <sup>24</sup> Ti ã ni yahuchũ tũhoa tina jipihitina cũno potori Cohamacũre siniha:

—Sã pũhtoro mũhũ mũanore, yahpare, mári cũhũre yoariro jipihitina catiinare ba-juamehneriro jira mũhũ. <sup>25</sup> Mũ Espíritu Santo sã ñũchũ cjirore Davire mũ cahamacũnore ahrire yahu dutia tiha mũ niriro seheta:

“¿Dohse yoa Israe masa jieraina suajari?

¿Dohse yoa Cohamacũre ti yũhdũrucãhtire wiho waro durucujari tina?

<sup>26</sup> Payũ yahpari macaina pũhtoa cahmachu, mari pũhtoro Cohamacũre, to pũhtoro sõriro Cristo cũhũre ñũ tuhti, ñano yoa duara tinare”, ni yahua tiha Davi cjiro mũ ni dutiriro seheta.

<sup>27</sup> ã tjira. Ahri macai Herode, Poncio Pilato, judio masa jieraina, ã yoa judio masa cũhũ cahmachuhre, mũ beserirore Jesure noariro mũ cahamacũnore wajãa taa. <sup>28</sup> Tí pja mũ cahmariro seheta “ã waharohca”, mũ niriro seheta yoahre tina. Mũ masia mehne ã ni yahuha mũhũ. <sup>29</sup> ã jicũ mipũre sã pũhtoro, tina sãre purĩno mehne mũ jia tiare ti yahu namo dutierachũ wacũ payoga mũhũ. Sãre mũ cahamacare cuiro marieno mũ buheare yahuchũ yoaga sãre. <sup>30</sup> Mũhũ mũ tuua mehne dohatiinare noaina yoaga. ã jicũ mũ buheare cuiro marieno yahu dutiga sãre. ã yoa Jesu noariro mũ cahamacũno to tuua mehne yoa ño masichũ yoaga sãre. ã jicũ dohatiinare noaina sã waha dutichũ to tuua mehne yoadohoga sãre —ni siniha tina Cohamacũre.

<sup>31</sup> Ti ã ni siniri baharo, ti cahmachuri wũhũ ñũhmi mũaa wahaha. To ã ñũhmichũta Espíritu Santo to tuua mehne wacũ tua namoينا wahachũ yoaha tinare. Tinare ã

wahachũ Espíritu Santo to dutiriro seheta yoaa, cuiro marieno Cohamacũ yare yahu namoha tjoa tina.

*Jesu yaina ti yare tju waa tiha*

<sup>32-33</sup> ã jia Cohamacũ to tuaa mehne tina Jesu to cūrina õ sehe ni yahua tiha masare: “Jesu yariariro to masarire sã ñũhi”, ni yahua tiha tina masare. ã jiro tinare jipihtinare Cohamacũ noano yoadohorucua tiha. ã yoa Jesure wacũ tuaina payũ jia, tina cũno potori tũhotuina jia tiha. ã jia tina ti yare ti cjũaare “Yũ ya dihta jira”, ne niera tiha. Tina jipihtina ti yare paye baro maerainare tina mehne macainare tju waa tiha. <sup>34</sup> ã jia tina mehne macaina pjacũoina mariea tiha. Tina mehne macaina yahpari cjũaina, wũhũse cjũaina ti yare duaa tiha. <sup>35</sup> ã duaa ti wapa narire tina na ta, Jesu to cūrinare waa tiha. ã jia tina sehe tíre tina mehne macainare tju waa tiha. Jipihtina cjũaerainare tju waa tiha. <sup>36</sup> Tí pjare cũiro tina mehne macariro José wama tiro jia. Jesu to cūrina Josére Bernabé ni wama pisuha. To wama Bernabé “Masare wahchechũ yoariro jira”, nia nina. Tiro Leví ya curua macariro Chipre nũco macariro jia. <sup>37</sup> ã jiro tiro yahpare cjũariro jiro tíre duaha. ã duaro to wapa narire Jesu to cūrinare waha tiro painare witi dutiro.

5

*Anania to namono Safira mehne mahñoha*

<sup>1</sup> Paina cũhũ Bernabé yoaro sehe yoaa timaha. Tina Anania wama tiro, to namono Safira wama tiricoro jia. Ti ya yahpare duaha tiro. <sup>2</sup> ã duaparota tiro to wapatarire to basi naha. To namono cũhũ to ã yoarire masiha. ã jiro ti wapataa ti dũharire na ta, Jesu to cūrinare waha Anania sehe. ã waro “Wa pahñoi nija”, nimaha tiro. <sup>3</sup> To ã yoachũ ñũno Pedro tire õ sehe ni yahuha:

—Anania, watĩno mũhũre mahño dutiri jire Espíritu Santore. ã jicu mũ ya yahpare dua, mũ wapatarire mũ basi nari jire mũhũ. <sup>4</sup> Mũ duahto pano mũ ya yahpa jihre. ã jiro mũ duari baharo mũ ya wapataa jihre. ¿ã yoacũ dohse jiro baro ã mahñori mũhũ? Mũhũ sã dihtare mahñorerare. Cohamacũ cũhũre mahñohre mũhũ —niha Pedro tire.

<sup>5</sup> To ã nichũ tũhorota, Anania sehe doca caha sũ, yariaa wahaha. ã jia jipihtina tiro to ã wahachũ masia, tuaro cuiha. <sup>6</sup> To yariari baharo wahma yapia ta, to pjacũre suhtiro cahsaro mehne wahma, sopacapũ na wijaa, masa copapũ cohãnocaha tire.

<sup>7</sup> ã yoa tia hora baharo Anania mũnano namono, to yariarire masieraro Pedro cahapũ sãaha. <sup>8</sup> ã jiro Pedro ticorore õ sehe niha:

—¿Mũsa ya yahpare duatjiãhna noho puro wapatarĩ mũsa? —niha tiro.

ã jiro ticoro to manũno mũnano to niriro purota, “Tó purota wapatahi sã”, ni yũhtimaha ticoro.

<sup>9</sup> To ã ni yũhtichũ tũhorõ Pedro õ sehe ni yahuha ticorore:

—¿Dohse yoana mũsa cũno potori Cohamacũ Espíriture mahño duajari? “¿Potocãta marine buhiri dahrebocari?” nina. Tũhoga mipũre. Mũ manũ cjirore yarina tara. Mũhũ cũhũre mũ pjacũre naa taa nina —niha Pedro.

<sup>10</sup> To ã ni yahuchũta ticoro doca caha sũ, yariaa wahaha. ã jia wahma yapia tí wũhũre sãa wihi, ticoro pjacũre na wijaa wahaha. Na wijaa, to manũno mũnano pari wahpa ticoro pjacũre masa copapũ cohãha. <sup>11</sup> ã jia Jesu yaina jipihtina paina tíre tũhoa cui yũhdũa wahaha.

*Jesu to cūrina Cohamacũ tuaa mehne yoa ñoha*

<sup>12</sup> ã yoa masa watoi Jesu to cūrina payũ tahari Cohamacũ tuaa mehne yoa ñoa tiha. ã yoa tina Salomo wama tiri tahtiapũ tihamahnoeni tahtiapũ cahmachua tiha. <sup>13</sup> ã jia paina Jesu yaina jieraina sehe cui curea, tina cahapũ wahaera tiha. ã cuiпахта tinare Jesu yaina warore “Noaina jira ahrina”, nia tiha masa. <sup>14</sup> ã jia mũa, numia payũ Jesure wacũ tua dũca tiha. <sup>15</sup> ã jia tina dohatiinare na ta, coma yosaa mehne pjũpaha duhu cũa tiha mahapũ tinare. ã yoaa Pedro tinare to ña payochũ cahmaha tinare na taina sehe

dohatiina ti noaina wahachũ cahmaa. Tinare to ña payoerachũ Pedro ti bui masurũca cũchũ cahmaha tina. Tí dihtare cahmaa tiha ti noaina wahahto sehe. <sup>16</sup> ã jia Jerusalẽ cahai jia macari macaina cũhũ dohatiinare, watĩa ti sãaina cũhũre na taa tiha. Ti ã na tachũ tina jipihtina ti pjacũri noaina wahaha.

*Jesu to cũrinare paina ñano yoaa tiha*

<sup>17</sup> Ti ã yoachũ ñũa sacerdotea bui pũhtoro, tiro mehne macaina mehne Pedro cũhũre ñũ tuhtiha. Sacerdotea pũhtoro mehne macaina saduceo curua macaina jiha. <sup>18</sup> ã ñũ tuhtia tina sua yũhdũa Jesu to cũrinare ñaha, peresu yoaha. <sup>19</sup> ã jiro ñamirũ Cohamacũ yairo anjo pjõoha tinare peresui dujiinare. ã yoa tinare wijaa ta dutiro õ sehe ni yahuha anjo:

<sup>20</sup> —Cohamacũ wũhũrũ wahaga. Tí wũhũrũ jina Cohamacũ to masorire ahri noaa buheare yahuga masare —niha anjo tinare.

<sup>21</sup> To ã nichũ tũhoa, ñamiwacũnu jichũ Cohamacũ wũhũrũ sãa, masare buhea tiha tina. Tí dachoihta sacerdotea pũhtoro, tiro mehne macaina, Israe masa pũhtoa mehne cahmachu, Jesu to cũrinare peresurũ jinare na ta dutimaha surara pũhtoare. <sup>22</sup> Wiho mejeta surara pũhtoa peresu ti yoari wũhũrũ waha, ñũmaha. Tinare bocaeraha. Bocaeraa tjuaa wahaha. Tju sũ õ sehe ni yahuha ti pũhtoare:

<sup>23</sup> —Peresurũ jia pahmari bihaa pahmari jihre. ã jia tí pahmari cahai ti peresu yoarinare cohtaina ti ducuchũ ñũhi sã. Wiho mejeta pjõo sãa, sã ñũchũ, ti peresu yoarina mariahre —ni yahuha tina.

<sup>24</sup> Ti ã nichũ tũhoa, surara Cohamacũ wũhũre cohtaina pũhtoro, sacerdotea pũhtoa mehne tíre tũho, cũaa waha, “¿Dohse waha sohtori tiahcũ tina ã yoaa?” ni tũhotuha tina. <sup>25</sup> ã jiro tina caharũ paio sũ, tinare õ sehe ni yahuha:

—Mũsa peresu yoarina Cohamacũ wũhũrũ jihre. Ñũna waha wiho. Tí wũhũrũ masare buhea nihre tina —ni yahuha.

<sup>26</sup> To ã nichũ tũhoro, surara pũhtoro, to surara mehne waha, Jesu to cũrinare pari turi ñaha taha tjoa. Wiho mejeta tinare surara tuhtieraha. ã jia tinare cjãborina jipahta, masare cuia cjãeraha tinare. “Ahrinare mari cjãchũ paina masa sehe tãa mehne docaahca marine”, ni tũhotuha tina surara sehe. <sup>27</sup> ã jia tinare na ta, pũhtoa panoi duhu dapoha tina. Ti ã na wihũ dapochũ sacerdotea pũhtoro tinare õ sehe ni tuhtiha:

<sup>28</sup> —Mũsare sã tuaro dutimahi. “Jesu yare buhena tjiga”, nimahi sã mũsare. Sã ã nipachũta mũsa sehe jipihtina Jerusalẽ macainare buhehre mũsa. Jesu to yariari buhiri, sãre buhiri tichũ yoa duana nica mũsa —niha pũhtoro sehe.

<sup>29</sup> To ã nichũ tũhoro Pedro sehe paina Jesu to cũrina mehne õ sehe ni yũhtiha:

—Cohamacũ to dutiri sehẽre yoa mũhtanahtja. ã jina baharo Cohamacũ cahmachũ masa ti dutiare yoanahtja. <sup>30</sup> Cohamacũ, mari coyẽa panorũ macaina pũhtoro, Jesure masori jire. Tirota jira mũsa crusarũ cjã puha wajã dutiriro. <sup>31</sup> Jesure “Noariro jira” ni, to poto bũhũsehei duji dutihre Jesure Cohamacũ sehe. ã jiro Jesu masa pũhtoro, masare masoriro jiro, Israe masare ti ñaa yoarire cahyaina ji dutiro, ti ñaa yoari buhirire cohã duara Jesu. <sup>32</sup> ã jina sã sehe Jesu to yoarire ñũrina jina tíre yahuja sã. Espĩritu Santo tíre ñũriro jiro yahura tiro cũhũ. Tirore Espĩritu Santore Cohamacũ warocahre. Jipihtina Cohamacũ dutiare yoainare tiro Espĩritu Santore wahre —ni yahuha tinare.

<sup>33</sup> To ã nichũ tũhoa pũhtoa sehe sua yũhdũaha. ã suaa, tina Jesu to cũrinare wajã duamaha. <sup>34</sup> Wiho mejeta Gamalie, fariseo curua macariro tói jiro tinare wajã dutiro taro nieraha. Tiro pũhtoa mehne macariro, dutiare buheriro to jichũ, masa tirore ño payoa tiha. Tiro Jesu to cũrinare mahanocã cohta dutiro pa sehẽrũ tinare naa wahcã dutiha surarare. <sup>35</sup> Ti ã naari baharo tiro õ sehe ni yahuha masare:

—Mũsa Israe masa, ahrinare mũsa yoahũre noano tũhotuga “Mũsarũ wajãri”, nina. <sup>36</sup> Wacũga Teuda cjirore. Tiro to basi “Masare yũhdũrũcariro jija yũhũ”, nire masare. To ã yoachũ ñũa, masa payũ cuatro cientos masa tiro mehne macaina tjuare. Baharo paina sehe tirore wajãri jire. To buheare buherina cjiri sehe waha sitea wahari jire. ã jia tina



cjiri mipure mariahna. <sup>37</sup> Baharo masare ti quihōri pja jichu Galilea macariro Juda wama tiro cjiro masare to buhechu tiro mehne masa payu tjuare. Tiro cūhu yariaa wahari jire. Ā yoa to yaina jipihtina waha sitea wahari jire. <sup>38</sup> Ā nicu musare mipu ahrire nii nija. Ā ñnocahga ahrinare Jesu yare yahuinare. Ā yoa ahri buhea, ahrina ti ya buhea Cohamacu ya buhea jieraa, pihtia wahaahca Teuda cūhu ti ya buhea ti pihtiro seheta. <sup>39</sup> Wiho mejeta ahri Cohamacu ya buhea jia, ne pihtisi. Ahri buhea Cohamacu ya jichu ne ahrire butichu yoa masierara musa. Musa ahrire butichu yoa duana Cohamacu mehne cahmachena niboca musa —niha Gamalie tinare.

<sup>40</sup> To ā ni yahuchu tūhoa, “Potocā tjira”, ni tūhotuha masa. Ā jia tina Jesu to cūrinare pjiroca, ti wihichu ñua, tinare tjanaha. “Jesu yare buhe namoena tjiga musa”, ni tuhsu, tinare waha dutiha. <sup>41</sup> Ti ā waha dutichu tūhoa tina pūhtoa cahapu jirina cjiri wahaa wahaha. Jesu yare ti yoari buhiri ñano yūhdūa tuaro wahcheha Jesu to cūrina. <sup>42</sup> Ā jia dachoripe Cohamacu wūhu cahai jia waparihi, ti ya wūhusei Cristo yare buhea, yahua tiha tina.

## 6

### *Siete yoadohoinare beseha Jesu yaina*

<sup>1</sup> Tí dachorire Jesu yaina payu wahaha. Wiho mejeta ti ā waharo wato, cū curua macaina judio masa jipahta, pa sehēpu masa bajuaina griego ya durucuina jiha. Ā jia tina tóita masa bajuaina hebreo ya durucuinare ō sehe ni tūhotu, nureha: “Dachoripe masare yoadohoare ti witichu, mari griego ya durucuina wapewahya numia sehere daacā waro wara”, ni tūhotu, nure cohtaha. <sup>2</sup> Ti ā nurechu masia, Jesu cūrina, doce jiina sehe jipihtina Jesu yainare ti cahapu pjiroca, ō sehe ni yahua tinare:

—Sā Cohamacu yare buheina jija. Tíre duhu, masare yoadohoare witiborina sā jirucuchu tó wahaerara. <sup>3</sup> Musa sā coyēa, siete mūare, paina noaina ti niinare Espiritu Santo to dutirire yoainare, noano tūho masiinare macaga. Tinare ahri dahraare cūga musa. <sup>4</sup> Wiho mejeta sā sehe dachoripe Cohamacu sine mūja, Cohamacu yare painare buhenahca —ni yahua tina Jesu to cūrina.

<sup>5</sup> Ti ā nichu tūhoa, “Jai. Āta yoajihna”, niha tina jipihtina Jesu yaina. Baharo Estebāre Cristore wacū tuarirore, Espiritu Santo to dutiare yoarirore beseha tina. Ā jichu Felipere, Prócorore, Nicanore, Timore, Parmenare, Nicola cūhure Jesu yainare yoadohoinare beseha tina. Nicola sehe Antioquía macariro, judio masuno jierariro, judio masa ya buheare cahmano, tina mehne sāariro jiha. <sup>6</sup> Tinare bese tuhsu, ti beserinare Jesu cūrina cahai na wihiha tina. Ti ā na wihichu ñua, tina Jesu cūrina sehe tinare Cohamacu sine payo tuhsu, ti dapu poca bui ti wamomacarine duhu payoha.

<sup>7</sup> Ā yoa Jesu yaina painapure Cohamacu yare yahu site pahñoa wahaha. Ā jia Jerusalēpu jiina paina Jesu yaina payu waha namoha. Sacerdotea cūhu payu Jesu yaina wahaha.

### *Paina Estebāre ñahaha*

<sup>8</sup> Ā yoa cūiro masare yoadohoare witi cohtariro Estebā sehe Cohamacu to noano yoariro ji, Cohamacu tuaare cjuariro jiha. Ā jiro tiro Cohamacu tuaa mehne yoa ño mūjaha masa ti ñurocaroi. <sup>9</sup> Wiho mejeta judio masa buheri wūhu macaina tirore ñu tuhti, to yahuchu, tirore soro ni cohtaha. Tina soro ni cohtaina “Cahamaca ji, wijarina cjiri”, wama tiri curua macaina sehe jiha. Ā jia Cirene macaina, Alejandría macaina, Cilicia macaina, ā jichu Asia macaina cūhu jiha tina. <sup>10</sup> Tirore soro ni cohtapahta, Espiritu Santo to masia mehne Estebā to durucu mihnichu, tina to buheare ti dohse soro ni yūhtiboare wacū bocaeraha. <sup>11</sup> Ti soro ni yūhtiboare wacū bocaeraa, tina painare mahño dutia, wapaha tinare. Ti ā mahño dutichu ō sehe ni yahusāmaha tina:

—Ahiro Cohamacu, ā jichu Moise cjirore Cohamacu to cūri dutia cūhure to ñano durucuchu sā tūhohi —ni yahusāmaha tina mahñoina Estebāre.

<sup>12</sup> Ti ā nichu tūhoa masa, judio masa buheina, bucuna cūhu tiro mehne suaha. Ā jia tina Estebāre ñaha, ti pūhtoa cahapu naaha tirore. <sup>13-14</sup> Ā yoa tina painare mahño dutiha:

—Ahriro dachoripe Cohamacu wuhure, to dutia cuhure ñano durucuro jira. Tuhohi sã tirore to õ sehe nichu: “Jesu Nazare macariro Cohamacu wuhure cohã, ã yoa Moise dutiri cjiri, marine to yahu cãri cjirire cohtotarihca”, nihre Estebã sã tuhochu —ni mahño yahusãmaha tina.

<sup>15</sup> ã jia jipihtina tói dujiina Estebãre noano ñuroca õ, to wuhduare ñuha tina. Anjo yoaro sehe bajuha to wuhduã.

## 7

*Estebã Jesu yare yahuha*

<sup>1</sup> ã yoa sacerdotia bui puhtoro õ sehe ni sinitu ñuha Estebãre:

—¿Ahri ti nia potocã tjijari? —ni sinitu ñuha tiro Estebãre.

<sup>2</sup> To ã nichu tuhoro, Estebã sehe tinare õ sehe ni yuhtiha:

—Coyea, bucuna sã pucsuma tuhoga. Abrahã mari ñuchu cjiro panopu macariro Mesopotamiapu to jisinichu, Harãpu to jihto pano, Cohamacu tuariro si siteriro sehe tirore Abrahãre bajuua tiha. <sup>3</sup> ã bajuaro, Cohamacu õ sehe ni yahua tiha tirore: “Mu ya yahpare, ã jichu mu coyea poto cuhure duhunoca, wahaga. Pa yahpa, yu mähure ñohti yahpare wahaga”, nia tiha Cohamacu Abrahãre. <sup>4</sup> To ã nichu tuhoro Abrahã cãhu Caldea yahpai jiina wijaa, Harãpu su, jisia tiha. Abrahã pucuro to yariari baharo, tiro cãhu tí macai wijaa, ahri yahpa, mipu musa jiri yahpare Cohamacu yoadohoro mehne taa tiha. <sup>5</sup> Cohamacu Abrahãre õpu sũho na taparota, tirore dói “Ahri yahpa puero jiga”, ni cãerasinia tiha. Ne mahanocã ahri yahpare, “Pu tiga mähũ”, ni dutierasinia tiha tiro. Wiho mejeta Abrahã pohna marieriro to jipachuta, Cohamacu sehe tirore õ sehe ni yahu mähũ tiha. “Mähũre ã jichu mu panamana, pa tjuru macainapu cuhure ahri yahpare waihtja”, nia tiha Cohamacu Abrahãre. <sup>6</sup> ã ninota õ sehe ni yahu namoa tiha Cohamacu. “Mu panamana pa tjuru macaina pa yahpare waha, tãpu paina cahapu jia, ti cahamaca jahca tina. Tuhsu, cuatro cientos cãmari waro tã macaina ñano yoapeahca mu panamanare. <sup>7</sup> ã jicu tã macainare ti ã yoari buhiri buhiri dahrehtja yuhũ. Yu ã yoari baharo mu panamana ji turiaina ahri yahpare wihi, yuhũre ño payohtina jahca tina”, nia tiha Cohamacu Abrahãre. <sup>8</sup> To ã ni yahu cãare ti noano wacũrucuhto sehe, õ sehe yoa turia wahcã dutiha tirore. Mũno pjacure mahanocã cahsarocãre yihso na dutia tiha tirore. ã jiro ocho dachori to macũno Isaare to pohna tiri baharo, mahanocã cahsarocãre yihso naa tiha tiro Isaa pjacure. Baharo Isaa Jacobore pohna ti, to pjacu cuhure mahanocã cahsarocãre yihso naa tiha. Baharo Jacobo cãhu doce to pohna ã dihta yoaa tiha ti pjacure. Tina doce mũa sehe tãpe curuari, mari masa curuari dahpoto macaina cjihti jia tiha.

<sup>9</sup> ã yoa baharo, tina Jacobo pohna, mari ñuchusuma cjiri, ti bahuro Josere pahsu tia, paina ti cahamacũno cjihtore duanocaa tiha Egiptopu wahainare. Ti ã yoapachuta, Cohamacu Josere yoadohoa tiha. <sup>10</sup> Jipihti tí to ñano yuhduare Cohamacu tirore noano yuhduchu yoaa tiha. Cohamacu tirore noano tuho masichu yoaa tiha. ã yoa faraõ Egipto macaina puhtoro sehere Josere ñu ji coachu yoaa tiha. ã jiro faraõ sehe Josere puhto sãa tiha, tiro mehne masare dutihtiro cjihtore. Tirore faraõ ya wuhũ cuhure puhtoro cãa tiha.

<sup>11</sup> ã yoa tí pjacure Egiptopu, Canaapu cuhure paró ne coro taeraa, yahpa sehe wũaa sãa wahaa tiha. To ã wũa sãa wahachu, masa ti toamari cãhu ñai pihtia wahaa tiha. ã jia mari ñuchusuma cjiri ñano yuhduã, ti chũboare ne bocaeraa tiha. <sup>12</sup> Wiho mejeta Egiptopu “Trigo jiyuhca”, ti nichu tuhoro, Jacobo sehe to pohna, mari ñuchusuma cjirire tãpu coã warocaa tiha. <sup>13</sup> Baharo pari turi to warocarina cjiri Egiptopu ti suchu tjoa, José to wahmisũmare “Musa bahuta jija yuhũ”, ni yahu, tinare masichu yoaa tiha. Tí pja puhtoro faraõ sehe José coyeare coã ñũno nia tiha. <sup>14</sup> Baharo José to wahmisũmare, ti pucuro Jacobore, ã jichu jipihtina ti coyea cuhure cahmarocaa tiha. To coyea setenta y cinco masa jia tiha. <sup>15</sup> To macũno to pjirocachu tuhoro Jacobo cjiro wahaa tiha Egiptopu

to macuno cahapu. To macuno cahapu jiro, tiro yariaa wahaa tiha. Æ yoa to pohna, mari ñuchusuma cjiri cūhu tópu yaria pihtia wahaa tiha. <sup>16</sup> Tina ti yariari baharo, ti coyea ti pjacuri cjirire Siquē wama tiropu naa tiha. Tópu na su, tãa coparipu Abrahã Hamor pohmare niñeru mehne to nuchuri yahpapu tina ti pjacuri cjirire cūa tiha.

<sup>17</sup> Æ yoa Cohamacu Abrahãre “Canaa yahpare waihtja mūhure”, to ni cūiro cjiro mu sūro cahachu, Abrahã panamana, Israe masa, Egipto i jisia payu wahaa tiha. <sup>18</sup> Ti ã payu wahari baharo, paio faraō, Egipto masa puhtoro José cjirore masierariro sãa tiha. <sup>19</sup> Tiro mari coyeare mahño, ñano yoa, ti pohmare mua pohmare wajã dua, cohãnoca dutia tiha tinacãre. Wahma bajuainacãre cohã dutia tiha “Tinacã yariajaro”, nino. <sup>20</sup> To ã yoaro watoi Moise cjihto sehe masa bajuua tiha. Tirocã noariro, Cohamacu to noano ñu jicoariro jia tiha. Tia sū waro to pucūsuma tirocãre noano ñu wihboa tiha. <sup>21</sup> Æ jiro Moisere nūo namo masieraa, diapū tirocãre puñuroi comape mehne ti bihari puñuroi poho būroha. Ti ã yoachu faraō macono tirocãre ñu boca, na maja, to macunore yoaro seheta cjuua tiha tirocãre. <sup>22</sup> Æ jia tina Egipto macaina, noano masiina ya jipihtiare Moisere buhe bucūoa tiha. Baharo, ne cuiro marieno durucuriro, puhtoia jia tia cūhure mihni yūhdurucu sūiro wahaa tiha Moise.

<sup>23</sup> Æ yoa tiro cuarenta cūhmari cjuaro to coyea Israe masare ñu duaro ti cahapu ñuno wahaa tiha. <sup>24</sup> Tópu ñuno sūro, Egipto macariro cūiro Moise coyeirore to ñano yoachu ñua tiha. Tiro to ñano yoaborirore ducata duaro, Egipto macariro sehere wajã cohãnoca tiha. <sup>25</sup> Æ wajã cohãno, Moise õ sehe ni tūhotua timaha. “Yū coyea ti coyeirore yū yoadohochu ñua ‘Cohamacu marine noano yūhdūchu yoa dutiro warocare ahriroro’, ni tūhotuahca yū coyea”, ni tūhotua timaha Moise. Wiho mejeta tina sehe ne ã ni tūhotueraa tiha. <sup>26</sup> Pa dachoi Moise to coyeare puaro ti basi cahmacheinare boca sua tiha. Æ boca sūro, tinare yahu duaro tinare õ sehe ni yahua timaha: “¿Musa basi jipanahta cahmachejari musa?” ni yahua timaha Moise tinare. <sup>27</sup> To ã ni yahuchū tūhoro, cūiro to coyeirore ñano yoariro sehe Moisere tjurocaa tiha. “Mūhu sã puhtoro jierara. Sãre yahuboriro jierara mūhu. <sup>28</sup> ¿Canure Egipto macarirore mu wajãriro seheta yūhu cūhure wajã duacu nijari mūhu?” nia tiha tiro Moisere. <sup>29</sup> To ã nichū Moise tūho cūaa waha, mūrocaa duhti wahcã, Madiã yahpapu wahaa wahaa tiha. Tópure pa sehe macariro jiparota, numino boca, puaro pohna tia tiha.

<sup>30</sup> Æ yoa Moise cuarenta cūhmari waro tói to jiri baharo, Sinaí wama tidū tūcu cahai masa marienopu to jichū anjo tirore bajuua tiha. Anjo sehe mahaducã jūri picha pohnai bajuua tiha. <sup>31</sup> Tū yucūcūcāpu to jūrucuchū ñuno, Moise ñu cūaa wahaa tiha. Tí pichacare cahacã noano to ñu wahcāchu waroi Cohamacu to durucuchū tūhoa tiha. <sup>32</sup> “Cohamacu jija yūhu. Mu ñuchusuma cjiri, Abrahã cjiro, Isaa cjiro, Jacobo cjiro ti ño payoriro jija”, nia tiha Cohamacu Moisere. To ã nichū tūhoro Moise sehe tetere, ne ñu wahcōeraa tiha. <sup>33</sup> Cohamacu õ sehe ni durucu namoa tiha tirore. “Yūhu ñaa marieriro yū õi jiro wato, mu ducuri yahpa sehe wiho jiri yahpa jierara. Æ jicu mu dahpo suhtire tjuwe cūga. <sup>34</sup> Æ yoa yū yaina masa Egiptopu ti ñano yūhdūchu ñuja. Ti tiichū tūhoja. Æ jicu õpure wihija yūhu, tinare yūhdu witichū yoai tai. Ti ã wahachū, ñucū wahaga mūhu cūhu. Egiptopu mūhure warocaihtja. Tinare na wioi wahaga”, nia tiha Cohamacu Moisere.

<sup>35</sup> Tó panopu tina sehe mari coyea, Israe masa Moisere cahmaeraa tiha. “Mūhu sã puhtoro jierara. Mūhu sãre yoadohoboriro jierara”, ni tuhtia tiha tina tirore. Wiho mejeta baharo, Cohamacu ti ã niriro cjirore Egiptopu warocaa tiha, mari coyea Israe masare yūhdu witichū yoah tiro, ã jichū ti puhtoro jihtiro cjihtore. Æ yoa anjo, tirore jūdūpu bajuariro sehe to ã yoah tirore yahua tiha tirore. <sup>36</sup> Moise jia tiha mari coyea, Israe masare Egiptopu jinare na wioriro. Tinare na wioro, Egiptopu Cohamacu tuua mehne tiro sehe yoa ño dūcaa tiha tópu jinare. Pjiri ma sohãri mapu āta yoa ñoa tiha tjoa. Baharopu masa marienopu cūhure cuarenta cūhmari waro Cohamacu tuua mehne yoa ño mūjaa tiha tiro to masare. <sup>37</sup> Æ yoa Moise cjiro jia tiha mari coyea, Israe masare õ sehe ni yahuriro: “Cohamacu cūiro musa coyeiro, to yare yahu mūhtahtiro, yū yoaro sehe jirirore warocarohca musare”, nia tiha Moise tinare. <sup>38</sup> Moise masa marienopu mari

coyea Israe masa mehne jia tiha. Tuhsu, Sinaí wama tidu tūcupu ti cahmachuchu tirore yahuriro anjo mehne jia tiha. ã yoa mari ñuchusuma panopu macaina cjiri mehne jia tiha tiro. Cohamacu to dutiare cūriro jia tiha Moise.

<sup>39-40</sup> ã jia tí dutiare tūcui Moisere to cūno watoi mari ñuchusuma cjiri Egiptopu tjua duaa Moisere yūhdurūca tiha. Tina tirore cahmaeraa tiha. ã cahmaeraa tina Moise cjiro wahminore Aarō wama tiriro cjire ò sehe nia tiha: “Paina cohamanare yoaga mari yaina cjihti. Tina mari wahahti mahare marine sūho naahca. ¿Wiho mejeta marine Egiptopu jiiinare na tariro Moise dohse wahari tiro? Masieraja sã”, nia tiha tina. <sup>41</sup> ã jia tí dachorire tina wachu masure uru mehne yoaa tiha. ã yoa tuhsu, tina wahiquinare wajã, ti yoariro cjiro cahai na ta, ño payoa tiha tirore. ã jia tina ti yoariro cjire wachure ñu, wahche, bose numu yoaa tiha. <sup>42</sup> Wachure ti ño payochu ñuno, Cohamacu tinare cohã wahcãa wahaa timaha. “Yūhure cohã, muanopu bajuaa, sū dacho macariro, sū ñami macariro, ã yoa ñahpichoha poca cūhure ño payowahnojaro”, nino cohã wahcãa wahaa timaha. Cohamacu yare yahu mūhtaina cjiri ã ni joaa tiha:

“Musa Israe masa, yūhure nu ñano yoare.

Masa marienopu cuarenta cūhmari waro jina wahiquinare musa wajāinare musa wajã, jū wa mūopanahta, yūhure musa ño payoboriro sehetā yoamare musa.

Wiho mejeta yūhu sehere musa ño payoerare.

<sup>43</sup> ã jina musa Molo wama tiri masure ño payoina jiina, tí masure ño payori wūhure cjuare musa.

ã yoa paio cohamacu ñahpichohaca Refã wama tiria to masure musa yoariare musa cjuare tjoa.

Tí masurine musa yoarire musa ño payore.

Musa ã yoari buhiri musare Babilonia sie sehepu cohārocāihtja yūhu”,

ni yahu joaa tiha Cohamacu yare yahu mūhtaina cjiri.

<sup>44</sup> ã jia masa marienopu Cohamacu masa mehne to jiri wūhure wahiquina cahsari mehne ti yoari wūhure cjuaa tiha mari ñuchusuma cjiri panopu macaina. Tí wūhu Cohamacu masa mehne to durucuri wūhu jia tiha. Tí wūhuru Cohamacu dutia to joaa pjīni tãa pjīni jia tiha. Tí wūhure Cohamacu Moisere to ñoriro sehetā, “Õ sehe yoaga”, to ni yoa dutiro sehetā yoaa, tí wūhure cjuaa tiha tina. <sup>45</sup> ã yoa ti panamanapu cūhu cjuaturia nunu tia tiha tí wūhure, wahiquina cahsari mehne ti yoari wūhure. Baharo mari ñuchusuma cjiri Josué mehne Cohamacu mari coyea Israe masare to cūhti yahrapure, ahri yahrapure pu tia taha. Ti pu tia tachu ahri yahpai ji mūhtaina cjirire Cohamacu cohānocaa tiha. Tí pjare Cohacure ti ño payori wūhure na taa, cjuaa tiha tina ahri yahrapu, mipure mari jiri yahrapu. Pu Davi cjiro to jiri tjurupu cjuā batoa tiha tí wūhure. <sup>46</sup> Tiro Davi cjiro sehe Cohacure wahchechu yoariro jia tiha. Cohamacu ya wūhu cjihtore pa wūhu tiro yoa duaro, sinia timaha Cohacure. <sup>47</sup> To ã sinipachuta Salomopu Cohamacu ya wūhu sehere yoaa tiha. <sup>48</sup> To ã yoapachuta Cohamacu Jipihtina Bui Jiriro sehe masa ti yoari wūhure jierara. Õ sehe nia tiha Cohamacu yare yahu mūhtariro cjiro:

<sup>49</sup> “ Mūano yu dujiro jira.

Tóí dujicu dutija yūhu.

ã jiro yahpa sehe yu dahporire duhu payoro yoaro sehe jira.

Yūhu tua yūhdurūro jija.

Yu ya wūhu cjihtore yoa masierara musa.

Cohamacu yu jichu yu jihti wūhure musa yoa masierara.

<sup>50</sup> Yu basi ahri yahpare jipihtiro yoahi yūhu”, ni durucua tiha Cohamacu”,

ni joaa tiha Cohamacu yare yahu mūhtariro cjiro.

<sup>51</sup> Musa Cohamacu yare tūhopanahta, tirore yūhti duaerara. Cohacure masieraina yoaro sehe tūhotuina baro jira musa. Espiritu Santore yūhdurūca yūhdurūca musa. Musa ñuchusuma cjiri ti yoariro cjire sehetā yoara musa cūhu. <sup>52</sup> Musa ñuchusuma cjiri jipihtina Cohamacu yare yahu mūhtaina cjirire ñano yoaa tiha. Tina Cohamacu

yare yahu mũhtaina cjiri “Baharo cūiro ñaa buhiri Marieriro tarohca”, ti ni yahu quihõ mũhtachũ tuhoa, mũsa ñũchũsuma cjiri sehe tinare wajãa tiha. ã yoa mipũ cũhũre tiro “Ñaa buhiri Marieriro”, tó panopũ ti niyuriro sehe õpũ to wihichũ, “Mũhũ mehne macaina jija”, ni ji mahño, tirore wajãhre. <sup>53</sup> Cohamacũ dutiare anjoa sehe yahu turia timaha mũsare. Ti ã yahu turiachũ mũsa tí dutiare cjũamaha. Wiho mejeta tí dutiare yũhdũrucara mũsa —niha Estebã.

#### *Tina Estebãre tãa poca mehne doca wajãha*

<sup>54</sup> To ã nichũ tuhoa tina sehe tuaro suaha. ã tuaro suaa, cuaina wahaha. <sup>55</sup> Ti ã suapachũta Estebã sehe Espĩritu Santo mehne wacũ tuariro to tuaa mehne mũanopũ ñũroca mũo, Cohamacũ si siteare ñũha. ã yoaro Cohamacũ poto bũhũsehei Jesu to ducuchũ cũhũre ñũha tiro. <sup>56</sup> ã ñũroca mũono, õ sehe niha:

—Ñũ mũoga mũsa. Mũanopũ mahanocã to tjuwe mũachũ, Jesu Cohamacũ to warocariro Cohamacũ poto bũhũsehei to ducuchũ ñũja yũhũ —niha Estebã tinare.

<sup>57</sup> To ã nichũ tuhoata tina tuaro sañurucu, ti cahmo coparire bihanoca, cãno potori tiro cahapũ mũroca wahcã, tirore ñahaha. <sup>58</sup> Ñaha tuhsũ, tirore na wahcã, tí maca dũhtũ cahapũ cohãha tirore. ã jia tãa poca mehne doca wajãha tirore. Ti ã wajãhto pano tirore yahusãrina tirore tãa poca mehne docahtina ti bui sãa suhtire tjuwe na, wahmũnore Saulo wama tirirore ti suhtire cjũabasa dutiha. <sup>59</sup> Estebãre ti tãa docaro watoi, sinino sehe õ sehe niha tiro:

—Jesu, yũ pũhtoro yũ catiare naga —niha tiro.

<sup>60</sup> Ni tuhsũ, tiro na tuhcuca caha sũ, õ sehe ni tuaro sañurucuha:

—Pũhtoro Jesu, ahrina mipũ yũhũre ti wajãri buhiri tinare buhiri dahrei tjia —ni sañurucuha Estebã.

ã ni sañurucu batoarota, yariaa wahaha tiro.

## 8

#### *Saulo Jesu yainare ñano yoaha*

<sup>1</sup> Estebã to ã yariachũ ñũno, “Noana”, niha Saulo sehe.

Tí dachoreta Jesu yainare Jerusalẽ macainare ñano yoa dũcaha Saulo mehne macaina sehe. Ti ã yoa dũcachũ Jesu yaina Judea yahpapũ, Samaria yahpapũ yoaropũ duhti site wahcãa wahaha. Ti pũhtoa, Jesu to cũrina dihta wahaeraha. <sup>2</sup> ã yoa paina Cohamacũre ño payoina Estebã pjacũ cjirore tãca copapũ, duhu sãa, tiro cjirore tuaro tii payoha tiro cjirore tina. <sup>3</sup> Wiho mejeta Saulo sehe Jesu yainare ñabiario yoaa timaha. Tiro ti wũhũsepũ sãa, mũare, numiare ñaha wahcã, peresupũ biha dapoa tiha.

#### *Samariai Jesu yare buheha Felipe*

<sup>4</sup> ã yoa yoaropũ waha siteina cjiri nohoi ti waharoi Jesu yare buhea tiha. <sup>5</sup> Cũiro tina mehne macariro Felipe cũ maca, Samaria wama tiri yahpai jiri macapũ sũ, Cristo masare yũhdoriro ya quitire buheha tí maca macainare. <sup>6</sup> To ã buhechũ, tó macaina sehe tirore tuho cahmachu, Cohamacũ to tuaa mehne to yoa ñochũ ñũha tina. ã jia tina jipihtina cũno potori to yahuare noano tuho nũnũha tiha. <sup>7</sup> Payũ masa watĩa sãanohrina tiro cahai ti wihichũ ñũno, watĩa sehere tiro wijaa dutia tiha masapũ jirinare. To wijaa dutichũ, tina watĩa sehe tuaro sañurucu, wijaa wahaha. Tuhsũ payũ pjacũ bũhainare, pari yuri tiniina cũhũre pjacũ noaina wahachũ yoaa tiha.

<sup>8</sup> To ã yoa ñochũ ñũa tí maca macaina payũ masa wahchea tiha.

<sup>9</sup> Tí pjare Simo wama tiriro tí maca macariro yairo jiha. ã jiro yaya ti yoarire yoa ñoa tiha Samaria macainare. To ã yoa ñochũ ñũa, tó macaina ñũ cũaa waha, tirore cua pisaro ñũina jiha.

—Yũhũ masi pahñoriro jija —nimaha Simo sehe tinare.

<sup>10</sup> To ã yoachũ ñũa masa sehe õ sehe nia timaha:

—Ahriro Cohamacũ ya tuaare cjũariro jira. Cohamacũ yoaro sehe tuariro jira —nia timaha tirore masa, pũhtoa mehne. Tina jipihtina noano tuho nũnũha tirore.

<sup>11</sup> Tiro yaya ti yoaa mehne yoari pja yoa ñoa tiha tinare. To ã yoa ñochu ñua tina cúa wahaha. Æ cúa waha, tina tirore ño payoa tiha. <sup>12</sup> Wiho mejeta ti ã ño payopachuta Felipe sehe pũhoro Cohamacu to sũho jiare, Jesucristo yare noaa buheare yahuha. To ã yahuchu tina tirore noano tũhoha. Ti ã noano tũhochu ñuno mũare, numia cũhure bautisaha Felipe. <sup>13</sup> Æ jiro Simo cũhu Felipere noano tũhoa tiha. Æ jiro tiro cũhure bautisaha. To ã yoari baharo Felipe mehne tjuaa tiha tiro. Felipe sehe Cohamacu tuaa mehne to yoa ñochu ñuno Simo ñu cúa wahaa tiha.

<sup>14</sup> Æ yoa Samaria yahpa macaina Cohamacu yare ti tuaro cahmachu tũhoa Jerusalẽpu jiina tũhorocaa tiha tinare. Æ ti cahmachu tũhoa Pedrore, João cũhure warocaa tiha Samaria yahparu. <sup>15</sup> Tõpu sua Pedro cũhu Cohamacure siniha: “Ahrina Samaria yahpa macaina mũhure ño payoinare mu Espõritu Santo sãajaro”, ni sini payoha tina Cohamacure. <sup>16</sup> Tina Samaria yahpa macaina Jesucristo yaina jia to bautisarina jiha. Tí dihtare masiha tina. Æ jiro Espõritu Santo tinare sãerasiniha. <sup>17</sup> Æ jia Pedro, João mehne Samaria yahpa macainare ti wamomacarine ti dapupoca bui ti duhu payori baharo Espõritu Santo tinare sãari jire.

<sup>18</sup> Æ yoa Pedro cũhu ti wamomacari mehne ti duhu payochu ñuha Simo. Espõritu Santo tinare to sãachu cũhure ñuha tiro. Æ ñũriro jiro, tí tuaare cahmano niñeru mehne wapa duamaha. <sup>19</sup> Õ sehe nimaha Simo:

—Yũhu cũhure waga ahri tuaare. Yũhu cũhu yũ wamomacari mehne masa dapupoca bui duhu payoi tai nija Espõritu Santo tinare to sãahto sehe. Æ jicu ahri yũ yoahiti wapare wapa duaja —nimaha Simo tinare.

<sup>20</sup> To ã nichu tũhoro Pedro õ sehe niha:

—Mũhu niñeru mehne Cohamacu ya tuaare mu nuchu duari buhiri mu niñeru mehneta pichacaru wahaga mũhu. Cohamacu mu tũhotuare masina. Mũhu ñariro jisina. <sup>21</sup> Æ jicu ahrire sã yoaa yoa masierara mũhu. Ahri mu yoaa baro jierara. <sup>22-23</sup> Paina ti cjuare ñucu suariro jira mũhu. Æ jicu ñaa yoaa ne duhu masierara mũhu. Æ jicu ahrire mu ñaa yoaire cahyaga mũhu. Cohamacure mu ñaa tũhotuare to bohto sehe siniga mũhu. Mu ã yoachu ñuno tiro mu ñaa buhirire boboca, pa tehe nino —ni yahuha Pedro tirore.

<sup>24</sup> To ã nichu tũhoro Simo õ sehe ni yũhtiha tirore:

—Yũhure sini payoga musa Cohamacure mu niriro sehe yũ wahaerahto sehe. Tí buhiri pichacaru waha duaeraja yũhu —niha Simo tirore.

<sup>25</sup> Baharo Pedro João mehne Cohamacu yare yahuha: “Jesu to masa mũjachu ñuhi sã”, ni payu Samaria yahpai jia macari macainare noaa buheare buheha. Tinare Cohamacu yare buhe tuhsu, Jerusalẽpu tjuaa wahaha.

#### *Felipe Etiopía yahpa macarirore buheha*

<sup>26</sup> Æ yoa Cohamacu yairo anjo Felipere õ sehe ni yahuha:

—Mipure sur sehepu wahaga. Jerusalẽ cahai jiri maharu Gazaru wahari maharu, masa marienopu jiri maharu wahaga —ni yahuha anjo Felipere.

<sup>27</sup> To ã nichu tũhoro tiro sehe tí maharu wahaa tiha. Baharo tí maharu cũiro masunore piti bocaro taro niha. To piti bocahtiro jiha Etiopía yahpa macariro pũhoro. Tiro numiare cahmaerariro eunuco masno jiha. Æ jiro Candace wama tiricoro Etiopía macaricoro pũhorocoro yare niñerure jipihtiare ñu wihboriro jiha. Wiho jiriro jieraha. Tiro Jerusalẽpu Cohamacure ño payoro waha tuhsu. <sup>28</sup> To ya macaru tunuria mehne tjua taro tiapũ wahaparota buhero niha. Cohamacu yare yahu mũhtariro Isaia cjiro to joari pũre buhero niha. <sup>29</sup> Æ jiro Espõritu sehe Felipere õ sehe ni yahua tiha:

—Siro tunuriaru wahariro caharu wahaga —niha Espõritu tirore.

<sup>30</sup> To ã nichu tũhoro Felipe sehe tunuria caharu mũroca wahcã, Isaia cjiro to joarire Etiopía macariro to buhechu tũhoha. Æ tũhoro Felipe õ sehe ni sinituha tirore:

—¿Mu buheare tũho ñahajari mũhu? —niha tiro.

<sup>31</sup> To ã nichu tũhoro Etiopía macariro õ sehe ni yũhtiha:

—Pairo yũhũre yahu yũhdoriro mariachũ noano masieraja yũhũ. Ōi yũhũre yahu dujii taga yũ pari wahpa —ni yũhtiha tiro Felipere.

—Jai —ni nuju sũha to cahai.

<sup>32</sup> ã yoa Cohamacũ yare Etiopía macariro to buheri pũ ò sehe niha: “Ovejare ti ñaha wajãriro seheta tiro cũhũre ñaha wajãahca masa.

ã jiro ovejacã to pjoare ti sachũ to sañurucueraro seheta tiro masũno cũhũ dihta marieriro jirohca.

<sup>33</sup> Tirore tina bũjũpeahca.

ã jia tiro to ñano yoerapachũta tina sehe ñano yoahca tirore.

Tiro ahri yahpapũ to jichũ tina tirore wajãahca.

ã jiro tiro pohna marieriro yariaa waharohca”,

ni joaha tí pũpũre.

<sup>34</sup> Tí pũ to ã ni yahuchũ ñũno, Etiopía macariro ò sehe ni sinituha:

—Yahuga yũhũre. ¿Ō sehe Isaia cjiro to niriro diro baro jicari ahriro? ¿Isaia cjiro to basi yahuro nicari? ¿Ō pairore yahuro nicari? —ni sinituha Etiopía macariro.

<sup>35</sup> To ã ni sinitu ñũchũ tũhoro Felipe sehe tí pũre ñũ, Jesu yare yahuha Etiopía macarirore. <sup>36</sup> ã yoa tina tia mehne waha, mácapũ sũha.

—Ñũga, ōi máca jira. Ahri mácapũ yũhũre bautisaga —niha Etiopía macariro.

<sup>37</sup> [—Jesure mũ noano wacũ tuachũ ñũcũ mũhũre bautisaihtja —niha Felipe tirore.

—Jesure wacũ tuaja yũhũ. Tiro Cristo Cohamacũ macũno jira. Tíre noano masija yũhũ —niha Etiopía macariro.]

<sup>38</sup> ã ninota tiro tunuria uturirore yũsũo dutiha. Tia to yũsũ caha sũri baharo wijaaha tina. Wijaa, tí mácapũ sũ, ñũmurũcũ sũha tina. Tói ñũmurũcũ sũ, Felipe sehe tirore bautisaha. <sup>39</sup> Bautisa tuhsũ ti maja sũrũcũ sũchũ Cohamacũ to Espíritu Felipere naa wahaha. To ã wahari baharo Etiopía macariro noano wahcheriro to ya yahpapũ tjuaa wahaha. To ã yoari bato tichũ ne pari turi Felipere ñũeraha. <sup>40</sup> ã yoa tuhsũ Azotopũ sũha Felipe sehe. Tuhsũ, payũ macarine noaa buheare buheha masare. Pũ Cesareapũ buhe batoa tiha.

## 9

*Saulo Jesucristore ñũno tirore wacũ tua dũcaha*  
(Hch 22.6-16; 26.12-18)

<sup>1</sup> Wiho mejeta tí pjare Saulo Jesu yainare ã ñũ tuhtirucusinino, “Tinare wajãihtja” nino, tiro sacerdotea pũhtoro cahapũ wahaha. <sup>2</sup> Tópũ sũro tiro joaa pũrine ò sehe ni siniha sacerdotea pũhtoro:

—Joaa pũrine waga yũhũre yũ tuahti pũri cjihtire. Tí pũripũ mũ wama mũ joa payochũ, yũhũ sehe tí pũri mehne, mũ dutiro mehne Damascopũ wahihtja. Tópũ sũ, judio masa mari buhea wũhũsepũ Jesu yaina mũa, numia cũhũre boca sũcũ, tinare ñaha dũhte, òpũ Jerusalēpũ na majare tjuaa taihtja —ni siniha Saulo sacerdotea pũhtoare.

<sup>3</sup> Ti pũrine na tuhsũ, tiro waha, Damasco cahai to sũro cahachũ waro mũanopũ wacũenoca si siteroca boroha tirore. <sup>4</sup> Wacũenoca to ã si siteroca borochũta tiro yahpapũ bora caha sũro, ò sehe ni durucuchũ tũhoha:

—Saulo, Saulo, ¿dohseacũ mũhũ yũhũre ñano yoajari? Mũhũ yũhũ mehne suacũ yũhũre yũhtieracũ, mũ basita ñano yũhdũra —nino coa taha.

<sup>5</sup> —Pũhtoro, ¿diro baro jijari mũhũ? —ni sinitu ñũha Saulo sehe.

—Yũhũta jija Jesu, mũ ñano yoarucuriro —niha Jesu Saulore. <sup>6</sup> [To ã nichũ ò sehe ni sinituha Saulo:

—Pũhtoro, ¿dohse yũ yoachũ cahmajari mũhũ? —niha Saulo.]

—Wahcãrũcaga mũhũ. Macapũ wahaga. Tí macapũ mũ sũchũ tó macariro mũ yoahire yahurohca mũhũre —niha Jesu Saulore.

<sup>7</sup> To ã nichũ Saulo mehne macaina sehe to durucua dihtare tũhoha. Wiho mejeta Jesu sehere ñũeraha. To ã wahachũ ñũa, cuia, tina durucu masieraha. <sup>8</sup> ã jiro Saulo

yahparu coãiro wahcãruca, to ñuchu to capari bajueraha. ã jia tina to wamomacare ñaha, Damascopu tuã wahcãa wahaha tirore. <sup>9</sup> Tõpu sũro, tiro tia dacho waro ne ñuera, chũera, ne sihniera tiha.

<sup>10</sup> ã yoa cãiro Jesu to buheriro Anania wama tiriro Damascoi jiha. ã jiro Jesu bajua tiha Ananiare. ã bajuaro õ sehe ni pisuha tirore:

—Anania, ¿jimajari muhu? —niha Jesu.

—Jimajã —ni yuhtiha Anania tirore.

<sup>11</sup> To ã nichu Jesu sehe õ sehe ni yahuha tirore:

—Potori Maha wama tiri maharu wahaga. ã wahacu Juda ya wuhuru cãiro Tarso macariro Saulo wama tirirore macaga. Tiro Cohamacure sinino nica. <sup>12</sup> Tiro cahãnopure tirore mu yohtire ño tuhsuhi yuhu. Õ sehe jiare ñuhre tiro: Muhu mu wamomacarine tiro bui duhu payo, to capari noaa wahachu ñuhre tiro to cahãnopure —niha Jesu Ananiare.

<sup>13</sup> To ã nichu tuhoru Anania sehe õ sehe ni yuhtiha:

—Puhtoro, tiro mu yainare, noinare Jerusalẽ macainare nu ñano yoa mujayuhti. Payu masa yuhure ã ni yahure. <sup>14</sup> ã yoa õ cũhure tiro jipihtina muhure cahmainare peresu yoaro taro niyuhti. Sacerdotea puhtoa tirore ã yoa dutiyuhti —ni yuhtiha Anania Jesure.

<sup>15</sup> To ã nichu Jesu sehe õ sehe ni yahuha tirore:

—Tiro Saulo sehe yu beseriro jira. Tiro yu ya buheare judio masa jierainare, ti puhtoare, ã jichu Israe masa cũhure buherohca. ã jicu wahaga muhu. <sup>16</sup> Payu tahari yu yare yoaro tiro ñano yuhdurohca. Tiro tirore masichu yoaihtja —niha Jesu Ananiare.

<sup>17</sup> To ã niri baharo Anania sehe waha, su, Saulo to jiri wuhuru sãaha. Sãa su, to wamomacarine Saulo bui duhu payo, õ sehe ni yahuha tirore:

—Coyeiro Saulo, mu capari mu ñuhto sehe, Espiritu Santo muhu mehne to jihto sehe, to dutiriro seheta mu yohto sehe, mari puhtoro Jesu sehe maharu muhure bajuariro yuhure warocahre —ni yahuha Anania Saulore.

<sup>18</sup> To ã nichuta to caparire wahi nuturi yoaro sehe bajua to caparipu wahãa pahna borachu ñaha Saulo. To ã ñu tuhsuri baharo to wahcãrucu sũchu paio sehe tirore bautisaha. <sup>19</sup> Tirore to bautisa tuhsũchu, tiro sehe chu, tuariro wahaha.

#### *Saulo Damascoi Jesu yare buhe dũcaha*

ã yoa Saulo mahaa dachoricã Damasco macaina Jesu yaina mehne jiha.

<sup>20</sup> Dõi tí dachorita tiro judio masa buhea wuhusepu su, Jesu Cohamacu maceno to jiare yahu dũcaha masare. <sup>21</sup> To ã yahuchu ñua jipihtina tirore tuhoina cãaa wahaha.

—Cho, ahriro Jerusalẽpure Cohamacu yainare Jesure cahmainare ñano yoariro cjiro jira. ã yoa tirota jimana õ macaina Jesure cahmaina cũhure ñaha, duhte, sacerdotea puhtoare wiaboriro. ã yoa duaro õpure tari jimahre tiro —niha masa tirore tuhoina.

<sup>22</sup> Wiho mejeta Saulo sehe cui tuhoturo marieno buhe mihni wahcãa tiha. “Ahriro Jesu potocãta Cristo, marine yuhdohtiro jira”, to ni yahu mihnichu, tó macaina judio masa ti ni yuhti yuhdurocaborirore bocaeraha.

<sup>23</sup> ã jia payu dachori baharo judio masa tirore wajã duaa, ti basi durucua tiha. <sup>24</sup> Wiho mejeta Saulo tirore ti wajã duachu masiha to basi. Tina tí macare sahrino tãa mehne ti yoari sahrino macaa sopacarire dachopure ñamipu cũhure cohtaa tiha tirore wajã duaa.

<sup>25</sup> Ti ã wajã duachu ñua ñamipu Saulo buheina tirore puhuro pjiri puhu na sãa, tí maca macari sahrino baharo buhusehei duhu boroha tirore. Tó sehe ti yoachu yuhduha tiro.

#### *Saulo Jerusalẽi jiha*

<sup>26</sup> ã yoa Saulo Jerusalẽpu sũro, tõpu Jesu yaina mehne tiro ji duamaha. Wiho mejeta tina tirore “Jesu buheriro jierara ahriro” nia, tirore cui niha. <sup>27</sup> Ti ã cuipachuta Bernabẽ sehe tirore na wahcãha Jesu to cũrina caharu. ã jiro Saulo mahai Jesure to ñurire, Jesu Saulore to durucurire, ã jichu Damascopu cuiro marieno Jesu yare to buhe dũcarire yahuha Bernabẽ sehe. <sup>28</sup> To ã ni yahuri baharo Saulo sehe tina mehne sãano, Jerusalẽpu tina mehne jia tiha. <sup>29</sup> Tiro cuiro marieno judio masare Jesu yare yahu yuhdurocaro niha.



Tina judio masa griego masa yare durucuina jiha. Ñ yoa Saulo to ã yahu yũdũrũcachu, tina tirore wajã duamaha. <sup>30</sup> Ti ã wajã duachu ñũa, Saulo mehne macaina Jesu yaina sehe tirore Cesareapũ na duhti wahcãa wahaha. Tópũ tirore sũho jirucuma Tarsopũ warocaha tirore.

<sup>31</sup> Ñ yoa jipihtiropũ, Judea yahrapũ, Galilea yahrapũ, Samaria yahrapũ cũhũre Cohamacũ yaina noano jia tiha. Tí pjare ne masa ñano yoaera tiha tinare. Ñ jia noano buheha tina. Tina Cohamacũ yare buhe, tirore masi namo, noano yũhtia tiha. Ñ yoa Cohamacũre cua pisaro ñũa tiha. Espiritu Santo tinare to yoadohochũ tina sehe payũ wahaa tiha.

*Pedro Eneare noariro wahachu yoaha*

<sup>32</sup> Ñ yoa Pedro jipihtia macaripũ waharo, Jesu yaina Lida macaina cahapũ cũhũre sũha tiro. <sup>33</sup> Tópũ sũro Enea wama tirirore boca sũha. Enea pjacu bũhariro jiro, ocho cũhmari waro ti pũpaha cũriro coãa tiha. <sup>34</sup> Ñ jiro Pedro sehe tirore õ sehe niha:

—Enea, Jesucristo mũhũre noariro wahachu yoara. Wahcãrũcaga. Mũ pũpaha coãri cahsarore cahnoga —niha Pedro tirore.

To ã nichũta tiro wahcãrũcaha. <sup>35</sup> Ñ jia jipihtina Lida macaina, Sarón macaina tirore ñũa, tina ti ñaa yoaare duhu, Jesure wacũ tuaa tiha.

*Dorca wama tiricorore masoha Pedro Jesu to tuaa mehne*

<sup>36</sup> Ñ yoa Jope wama tiri macai Jesure ño payoricoro Tabita wama tiricoro jiha. To wama Tabita griego ya dũsero mehne Dorca jira. Ticoro noare yoaro payũ waa tiha pjacũoinare. <sup>37</sup> Ñ jiro tí pjare ticoro dohati wahcõ, yariaa wahaa tiha. To yariachu ñũa, tina ticorore noano cosa, mũano macari tahtiapũ cũa tiha ticorore. <sup>38</sup> Lida wama tiri maca Jope cahai jire. To ã jichũ Jesu buheina Jope macaina Pedro Lidapũ to jichũ tũhorocaa tiha. Ñ tũhorocaa, pũaro warocaha Pedro cahapũ. Tiro cahapũ sũa Pedore õ sehe ni yahuha tina:

—Soaro mehne sã jiropũ wahaga —ni yahuha tina.

<sup>39</sup> Ti ã nichũ tũhoro tina mehne wahaa wahaha tiro. Tópũ tirore ti na sũri baharo mũano macari tahtiapũ na mũjaa wahaha tirore. Ñ jia jipihtina wapewahya tiro cahai sũrũca, tiia tiha. Tabita tina mehne jisininopũ payũ suhtire yoaa tiha. Ñ jia tina to yoari suhti cjirire ñoha Pedore. <sup>40</sup> Wiho mejeta Pedro tinare tí tahtiapũ jiinare wijaa dutiha. Ti wijaari baharo tiro na tuhcuca caha sũ, Cohamacũre ticorore sini payoha. Ñ jiro to pjacu cjirire majare ñũ:

—Tabita wahcãga —niha tiro.

To ã nichũta ticoro sehe ñũ wahcõ, Pedore ñũ, wahcã nuju sũha. <sup>41</sup> To wahcã nuju sũchu ñũ, tiro to wamomacare ñaha, tũã wahcõ dapoha ticorore. Ñ jiro tiro tó macainare Jesu yainare, wapewahyare pjiroca, ticorore catiricorore wiaha tinare. <sup>42</sup> To ã yoari baharo jipihtina Jope macaina tíre masia, payũ masa Jesure wacũ tua dũcaa tiha. <sup>43</sup> Baharo Jopepũ Simo wahiquina cahsarire cahnoriro mehne payũ dachori Pedro tiro mehne jia tiha.

## 10

*Pedro Corneliore Jesu yare yahu dũcaha*

<sup>1</sup> Ti pjare Cesareapũ cũiro Cornelio wama tiriro jiha. Tiro cien surara pũhtoro jiha. Tina surara sehe ti ya curua Italiano wama tiha. <sup>2</sup> Cornelio to ya wũhũ macaina mehne judio masa jieraina jipahta, Cohamacũre ño payoina, cua pisaro ñũina jiha. Tiro judio masa pjacũoinare yoadohoro payũ waha. Ñ yoa dachoripe tiro Cohamacũre siniha. <sup>3</sup> Cũ nũmũ ñamichahapũ tres jichũ Cohamacũ yairo anjo tirore bajuaha. Ñ bajuaro Cornelio cahapũ sãaha.

—Cornelio —niha anjo tirore.

<sup>4</sup> To ã nichũ tũhoro Cornelio tirore ñũ, cuiro õ sehe niha:

—Pũhtoro, ¿yabare cahmajari mũhũ? —niha tiro.

—Masa pjacuoinare mu warire, Cohamacure mu sinirire Cohamacu noano ñuno nina. <sup>5</sup> Ñ jicu Joperu mu muare warocaga. Tópu Simo Pedro wama tiroiro jira. Tirore na ta dutiga mu muare. <sup>6</sup> Tiro paio Simo wahiquina cahsari cahnoriro cahai, pjiri ma daktu cahai jiri wuhai jira —niha anjo Cornelio.

<sup>7</sup> Anjo ñ ni tuhsu, wijaa wahaha. To wijaari baharo Cornelio puaro tirore dahra cohtainare, ñ yoa cūiro to surara mehne macarirore pjirocaha. Surara sehe Cohamacure ño payoriro jiro, dachoripe Cornelio yoadohoa tiha. <sup>8</sup> Ñ jiro Cornelio tinare anjo to yahuri cjirire yahu pahño, Joperu warocaha tinare.

<sup>9</sup> Ñ yoa pa dachoi Joperu ti waharo watoi cohari pja jichu Pedro sehe wuhu buiru Cohamacure sinino wahaha. <sup>10</sup> To muja suri baharocā tirore juca purichu chu duaha. Wiho mejeta paina to chure ti dahrero watoi, tiro sehe ñ sehe bajuachu ñuha. <sup>11</sup> Muanore pari muachu, pjiri cahsaro pititia sohtoarire dakteri cahsaro to duji tachu ñuha. <sup>12</sup> Tí cahsaro puhichapure payu wahiquina bua tiniina, chihchōina, waina peri cūhu jiha. <sup>13</sup> Tíre to ñari baharo, Pedro durucuro coa tachu tuhoha:

—Pedro, wahcārucaga. Ahrinare wajā chuga —nino coa taha tirore.

<sup>14</sup> To ñ nipachata Pedro ñ sehe niha:

—Puhtoro, ne tina barore chueraja yuhu. Ñainare, Cohamacu to chu dutierinare ne chuera tih yuhu —niha Pedro.

<sup>15</sup> To ñ niri baharo Pedro pari turi durucuro coa tachu tuhoha:

—Cohamacu “Noaina jira”, to nirinare “Ñaina jira”, nii tjia muhu tinare —nino coa taha Pedore.

<sup>16</sup> Ñ yoa tia taha ti ñ ni durucuri baharo tí cahsaro muanoru mujaa wahaha tjoo. <sup>17</sup> To ñ mujaa wahari baharo, Pedro tuaro wacū “¿Dohse ni duaro nijari ñ bajuaro?” ni tuhoutuha tiro to basi. To ñ ni tuhoutu watoi Cornelio mu to warocaina sehe Simo ya wuhuru suha. “¿Simo ya wuhu nohoru jijari?” ni, ti sinituri baharo to ya wuhuru suha tina. <sup>18</sup> Su, tina sinitu ñ bahraño. “¿Simo Pedro wama tiroiro ahri wuhai jijari?” ni sinitu ñuha tina. <sup>19</sup> Ñ jiro Pedro to tuhoutu watoi Espiritu Santo tirore ñ sehe ni yahuha:

—Ñuga. Tiaro mu mure macaa nina. <sup>20</sup> Wahcārucaga. Dujiaga. Tina mehne wahaga. Jiape ni tuhoutuca wahaga noano mehne. Yuhu sehe tinare ñpore warocahi —niha Espiritu Santo Pedore.

<sup>21</sup> To ñ nichu tuhoro Pedro ti caharu dujia wahaha.

—Ñuga. Ñi jija yuhu musa maca tariro. ¿Dohse yoana tana niri musa yu cahai? —niha Pedro tinare.

<sup>22</sup> To ñ nichata tina sehe ñ sehe niha:

—Cornelio cien surara puhtoro, noare yoariro, Cohamacure cua pisaro ñuriro, jipihitina judio masa “Noariro”, ti niriro mure pji ta dutiro warocahre sare. Cohamacu yairo anjo Cornelio mure pji dutiyuhti. Ñ sehe niyuhti: “Pedore mu wuhuru na ta dutiga mu muare. Ñ yoa tiro mure to yahuchu, noano tuhoga tirore”, ni pji dutiyuhti anjo Cornelio —ni yahuha Cornelio Pedore to pji dutirina sehe.

<sup>23</sup> Ti ñ nichu Pedro sehe tinare sā ta duti, chua wa, to jiri wuhuru carī dutiha tinare. Pa dachoi Pedro wahcā, tina mehne wahaa wahaha. Ñ yoa paina Cristo yaina Jope macaina Pedore piti ti wahcāha.

<sup>24</sup> Pa dachoi tina Cesarearu suha. Ti suhto panocā Cornelio sehe to coyeare, tiro mehne macaina cūhure pji cahmachu, Pedore cohtaa niha. <sup>25</sup> Ñ jiro Pedro Cornelio ya wuhu caharu to tachu ñuno Cornelio sehe tirore piti boca wijaa, to dahpori cahai caha suha. <sup>26</sup> Wiho mejeta Pedro tirore na wahcō ñ sehe niha:

—Ducuga muhu. Yuhu cūhu mu yoaro seheta jiriro jija —niha Pedro tirore.

<sup>27</sup> To ñ ni tuhsuri baharo Cornelio tirore na sā wahaha to ya wuhuru. Tópu sā suru masa peri tí wuhuru cahmachu tirore cohtainare ñuha Pedro. <sup>28</sup> Tinare ñuno ñ sehe ni yahuha tinare:

—Judio masuno jipaihta pa curua macaina musa mehne jicu, musa wuhuseru sāacu, judio masa sā dutiare yuhdurucāi nija yuhu. Tíre noano masina musa. Wiho mejeta pa

curua macainare “Ñaina jira”, yuhure ni dutierare Cohamacu. Tíre ni yahuhre yuhure tiro. <sup>29</sup> To ã nichu tuhocu õpurre musa cahapure tahi. Musa yuhure pjirocachu “Ne wahaeraja”, nierahi. ¿Dohse jiro baro yu õpu tachu cahmari musa? —niha Pedro tinare.

<sup>30</sup> To ã nichu tuhoro Cornelio sehe õ sehe niha:

—Pititia dachori wahara, Cohamacu yairo anjo yuhure to bajuari baharo. Tí dachore tres jichu, ahri hora waroihta Cohamacure yu sinino watoi anjo minoa suhti tiriyo yu cahai ducuhre. <sup>31</sup> ã ducuro tiro yuhure õ sehe nihre: “Cornelio, mahu Cohamacure mu sinichu tiro tuhohre. ã yoa pjacuinare ti cahmaare mu wachu noano masino, Cohamacu mahure yoadohorohca. <sup>32</sup> ã jicu Joperu mu mare warocaga, Simore, Pedro wama tiriore mu cahapu ti na tahto sehe. Tiro pairo Simo wahiquina cahsari cahnoriro ya wahu, pjiri ma duntu cahai jiri wahu jira tiro. Mu cahapu wihiro mahure yahurohca”, ni yahuhre yuhure tiro. <sup>33</sup> To ã nichu tuhocu dóicãta yu mare mahure na ta duticu warocahi yuh. ã jicu noano yoacu tari jira mahu sã cahapure. ã jina sã jipihtina õre Cohamacu to ñurocaroi jina nija sã. Jipihtiare Cohamacu mahure to yahu dutiire tuhõ duana, cohtahi sã —niha Cornelio Pedre.

### *Pedro Jesu yare yahuha*

<sup>34</sup> To ã nichu tuhoro, Pedro õ sehe ni yahuha:

—Mipu masija. Potocã tjira. Cohamacu cõno potori noano yoara marine. <sup>35</sup> ã jiro jipihtia macari macaina Cohamacure cua pisaro ti ñuchu, noare ti yoachu Cohamacu sehe tinare ñu wahchera. <sup>36</sup> Cohamacu sã judio masa cahai Jesucristore noaa buheare yahuhtiore warocare. Masa Cohamacu mehne noano ji masica Jesu to yaria masa mujano mehne. Tí buheare musa masina. Jesucristo sehe jipihtina masa puhtoro jira. <sup>37</sup> João bautisariro masare, “Musa ñaa yoari buhiri tiare masiga”, ni yahu, to bautisari baharo, Galileapu noaa buheare Jesu sehe yahu ducare. Baharo Judea yahpau cõhure tí buheare yahu pahõore. <sup>38</sup> Ahriro Jesu Nazare macariore Cohamacu sehe to tuaare Espiritu Santo mehne to yoa masihtire ware Jesure. ã jiro Jesu noano yoaro wahare. ã waharo watia sãanohrinare, ñano yuhduinare jipihtinare noaina wahachu yoare. Cohamacu Jesu mehne jiri jire. <sup>39</sup> Judea yahpai, Jerusalẽ cõhure jipihtia to yoarire sã ñuhi. Baharo tina crusapu cã puha wajahre tiore. <sup>40</sup> Wiho mejeta tia dacho wahaboroi Cohamacu tiore masori jire. Maso, Jesure sãre bajuachu yoari jire Cohamacu. <sup>41</sup> Tí pjare Jesure jipihtina ñerare. Sã dihtare bajuahre tiro. Cohamacu to cahmainare, Jesure ñu, painapure yahuhtinare panopu sãre beseha. Sã sehe Jesu to masari baharo tiro mehne chu, sihnih. <sup>42</sup> ã jiro tiro sãre õ sehe ni dutihre. “Masare õ sehe ni yahuga. Yuhu Jesu jipihtina catiinare, yariaina cjiri cõhure ti ñaa yoari buhiri tiare yahuhtiro buhiri dahrehtiro yu jichu yoare yuhure Cohamacu. ã jina tíre masare yahuga”, ni dutihre Jesu sãre. <sup>43</sup> Dohse jiina baro Jesure ti wacu tuachu ñano Cohamacu ti ñaa yoari buhiri tiare borohca. Tíre jipihtina Cohamacu yare yahu mahaina cjiri panopu macaina yahuyuha —ni yahuha Pedro.

### *Judio masa jierainapu cõhure Espiritu Santo sãaracu sua wahaha*

<sup>44</sup> Tí jipihtiare to ã ni yahuro watoi, jipihtina tíre tuhoinapure Espiritu Santo sãaracu sua wahaha. <sup>45-46</sup> Tinapure to sãaracu sua wahachu, tuhõ mahnoeraa duseri mehne wahchea mehne durucu ducaha tina. Tí duseri mehne Cohamacure “Tuariro, noariro jira mahu”, nia niha. Tí ã nichu tuhoha Pedro mehne tarina judio masa, Jesu yaina. ã tuhõa Espiritu Santo judio masa jierainapu cõhure to sãaracu su yoadohochu ñu, judio masa sehe cuaa wahaha. ã jiro Pedro õ sehe ni yahuha judio masare:

<sup>47</sup> —Mari yoaro sehetã Espiritu Santore cjuara ahriina cõhu. ã jina tina bautisa duaa ti sinichu, tinare, ducataena tjijihna —niha Pedro tinare.

<sup>48</sup> ã ni tuhsu judio masa jierinare Jesu yaina ti jiare ñohto sehe bautisa dutiha Pedro. Tí ã yoari baharo “Sã mehne mahaa dachoricã tjuasiniga”, niha tina Pedro cõhure.

## 11

*Pedro Jerusalē macainare Jesu yainare yahuha*

<sup>1</sup> Ā yoa judio masa jieraina cūhū Cohamacū yare ti noano cahmachū Jesu to cūrīna sehe ti coyēa Judeapū jiina mehne tūhorocaha. <sup>2</sup> Ā jia Pedro Jerusalēpū to tju sūchū ñhū judio masa Jesu yaina mahainacā tirore ō sehe ni tuhtiha:

<sup>3</sup> —¿Judio masa jierainare dohse jiro baro ñhū sūri mūhū? ¿Dohse jiro baro tina mehne chūri mūhū? —ni tuhtiha Pedrose tina.

<sup>4</sup> Ti ā nichū tūhoro Pedro to yoari cjirire yahu pahñoha tinare. Ō sehe ni yahuha:

<sup>5</sup> —Yūhū Jopēpū jicū Cohamacūre sinii nihi. Ā jiro yūhūre ō sehe bajuahre. Pjiri cahsaro pititia sohtoarire dūhteri cahsaro mūanopū yū cahai to duji tachū ñhū. <sup>6</sup> Ā jicū tí cahsarore noano ñhū “¿Yaba baro tí cahsaropūre jijari?” nicū. Ā jicū ñhū tí cahsaropūre jīinare: Tí cahsaro puhichapūre payū wahiquina, bua tiniina, chihchōina, wūina perī cūhū jire. <sup>7</sup> Ā jicū yūhūre to durucuchū tūhohi. “Pedro, wahcārcaga. Wajā chūga ahrinare”, nino coa tahre yūhūre. <sup>8</sup> To ā nichū tūhocū ō sehe nihi yūhū: “Pūhtoro, ne tina barore chūeraja yūhū. Ñainare, Cohamacū to chū dutierainare ne chūera tihī yūhū”, nihi yūhū. <sup>9</sup> Wiho mejeta mūanopū pari turi yūhūre durucuro coa tahre tjoa. “Cohamacū ‘Noaina jira’ to niinare, ‘Ñaina jira’, nii tjia mūhū”, nino coa tahre yūhūre. <sup>10</sup> Ā jiro tia taha sā ā ni durucuri baharo tí cahsaro mūanopū mūjahre tjoa. <sup>11</sup> Yū ā ñhūno watoi tiaro mūa sā jiri wūhūpū sūri jihre. Tina Cesarea macariro to warocarina jiri jihre. <sup>12</sup> Ā jiro Espīritu Santo sehe yūhūre tina mehne waha dutiro, “‘Tina ñaina jira’, nii tjia tinare”, ni yahuhre yūhūre tiro. Ā jia ahrina seis mehne yū coyēa Jesu yaina mehne Cesarea macariro ya wūhūpū sāahi sā. <sup>13</sup> Ā jiro tiro sāre ō sehe ni yahuhre: “Anjo yū wūhūi ducuchū ñhūi yūhū. Ō sehe ni yahuhre yūhūre: ‘Jopēpū Simore Pedro wama tirirore na ta dutiga. <sup>14</sup> Tiro mūhūre mū coyēa mehne mūsare jipihtinare pichacapū wahaborina mūsa yūhdūhtore yahurohca’, nihre anjo yūhūre”, ni yahuhre Cesarea macariro yūhūre. <sup>15</sup> Ā yoa yū durucuro watoi Espīritu Santo sehe tinapūre sāarūcū sūahre, marine to yoa mūhtariro seheta. <sup>16</sup> Ā jicū Jesu to yahurire wacūhi yūhū. Ō sehe ni yahuhre tiro: “João mūsare bautisaro, copū yoamahre. Yūhū sehe tí yūhdoro yoaihtja mūsare. Baharo Espīritu Santore mūsa mehne jirucuchū yoaihtja mūsare”, ni yahuha. <sup>17</sup> Ā jiro Jesucristo mari pūhtoro mari wacū tuachū ñhūno Cohamacū to Espīritu Santore wahre marine. Ā jiro Cohamacū marine to Espīritu Santore to wariro seheta judio masa jieraina cūhūre tiro wahre. Cohamacū to ā yoachū ñhūcū tirore yūhdūrcā masieraja yūhū —niha Pedro tinare, judio masare Jesu yainare.

<sup>18</sup> To ā nichū tūhoa, tina tirore ne ni namoeraha. Ā ni namoeraa, Cohamacūre wahche payo, tina ō sehe niha:

—Tí pja pini judio masa jieraina cūhūre Cohamacū cahīri jira. Ti ñaa yoari buhiri tiare masi, Cohamacūre cahma, tina cūhū Cohamacū mehne ā catirucuahca —niha tina.

*Antioquíai paina Jesu yaina jiha*

<sup>19</sup> Ā yoa Estebāre ti wajāri baharo masa Jesu yainare ñano yoaha. Ti ā yoachū ñhū Jesu yaina duhti sitea wahaha. Ā jia tina Feniciapū, Chiprepū, Antioquíapū cūhūre waha site, tōpūre judio masa dihtare Cohamacū yare yahua timaha tina. <sup>20</sup> Wiho mejeta paina Jesu yaina mehne macaina Chipre macaina, Cirene macaina, Antioquíapū sū, judio masa jierainare Jesu yare buheha Cohamacū tinare to yūhdohito sehe. <sup>21</sup> Ti ā buhechū, Cohamacū tinare yoadohoha. Ā jia masa payū Cohamacūre cahma dūca, mari pūhtoro Jesure wacū tuaha.

<sup>22</sup> Ā yoa “Antioquíai macainapū Jesure cahmacā”, ni tūhorocaha Jerusalē macaina Jesu yaina. Ti ā tūhorocari baharo Jerusalē macaina Bernabé wama tirirore Antioquíapū warocaha. <sup>23</sup> Tōpū sūro, Cohamacū yoadohoa mehne judio masa jieraina to yaina ti wahachū ñhūno, tuaro wahcheha. Tuaro wahche, tiro tó macainare ō sehe ni yahuha:

—Jesure ā wacū tuarucuga. To yare ne duhuena tjiga —ni yahuha tiro jipihtina tinare.

<sup>24</sup> Bernabé noariro jiro, Espiritu Santo dutiare yoariro Jesure noano wacū tuaha tiro. ã jia to buheri baharo Jesure wacū tuaina payu waha namoha tjoa.

<sup>25</sup> Baharo tiro Tarso wama tiri macapū Saulore macano wahaha. <sup>26</sup> Tóru tirore boca sūha. To boca sūri baharo Antioquíapū na majare tjuaaha Saulore. Tóru ti sūri baharo cū cūhma waro tina Cohamacū yaina mehne cahmachu, payu masare buheha tina. ã jia Antioquíapū Cristo yaina Cristiano wama ti dūcaha.

<sup>27</sup> Tí pjare Cohamacū yare yahu mūhtaina Jerusalēpū jiina cjiri waha, Antioquíapū sūha. <sup>28</sup> ã ti sūri baharo tina mehne macariro Agabo wama tirore Jesu yaina watoi ducuro, Espiritu Santo to tuua mehne yahuha tinare. “Jipihtiro yahrapūre tuaro jūcaro waharohca”, ni yahuyuha tiro. Tí pjare chūa marieni pja jichū jipihtina bui pūhtoro Claudio jiha. <sup>29</sup> ã jia Cristo buheina, jipihtina ti cjūaro puro ti coyeare wa duaa ti basi cahma dūrucuha. “Judea yahpa macaina Jesu yainare niñerure warocajihna”, niha tina ti basi. <sup>30</sup> Ti ã niri baharo Bernabé Saulo mehne tí niñerure na wahcābasaha. Tóru sūa Judea yahpa macainare Jesu yaina pūhtoare waha tí niñerure pja cūoinare tju wa dutia.

## 12

### *Pedrore peresu yoaha*

<sup>1</sup> Tí pjare pūhtoro Herode cāinare Jesu yainare ñano yoa dūcaha. <sup>2</sup> Tiro João wahminore Santiago sehere yoari pjī mehne to wajā dutichū paio sehe tirore wajāha. <sup>3</sup> Santiagore to wajāchū judio masa wahcheha. Ti wahcheare Herode masino, “ã dihta cahmana tina”, nino Pedro cūhūre peresu yoaha. Tí dachorire būcūaerari pāore ti chūhti bose nūmūri pascua jiha.

<sup>4</sup> ã jiro Herode Pedrore ñaha, peresu yoaha. Peresu yoa diez y seis surarare cohta dutilha tirore. Pititiaro surara cohtaha tirore. Baharo pititiaro ti cohtotaina tirore cohta mūjaa tiha. ãta yoaha tina diez y seis surara. Herode sehe pascua baharo Pedrore peresupū jiriore masa panoi duhu dapo duamaha tirore wajā dutiro taro. <sup>5</sup> ã jiro Pedro peresupū jiha. Tóru to jichū Jesu yaina sehe Cohamacūre tuaro sini payorucua niha tirore.

### *Cohamacū peresupū jiriore Pedrore wioha*

<sup>6</sup> ã yoa ñamine Pedro pūaro surara mehne comaa dari mehne ti dūhteriro jiha. ã ti dūhteriro jiro, ti watoi carīno niha. ã yoa paina surara sopacai cohtarucua niha tirore. Tí ñami bohrearo Herode Pedrore judio masa panoi duhu dapo duamaha tirore wajā dutiro taro. <sup>7</sup> Wacūenoca Cohamacū yairo anjo Pedro cahai to ducuchū to peresu jiri tahtia buhria piltia wahaha. ã jiro anjo Pedro cahai ducuro Pedro patipahmai be careha, tirore wahcōno.

—Cjero wahcārūcaga —niha tiro Pedrore.

To ã nichūta to wamomacarine ti dūhtea dari comaa dari parī site boraahaha. <sup>8</sup> ã yoa anjo tirore ò sehe ni yahuha:

—Tuā dihoga mū tuā dihori dare. Mū dahpo suhti cūhūre sāaga —niha tiro.

To ã nichū Pedro sehe to niriro seheta yoaha.

—Mū bui macari suhtirore sāa, yūhū mehne wahaga —niha anjo.

<sup>9</sup> To ã nichū tí tahtiapū jiriore wijaa, anjo baharo wahaa wahaha tiro. ã wahaparota ò sehe ni tūhotumaha tiro. “¿Ahri potocā jieracari? ¿Cahāi nicari yūhū?” ni tūhotumaha tiro. <sup>10</sup> ã yoa tina to jiri tahtia sopacai ducuína surarare yūhdū wahcā, paina yoawacūno ducuína cūhūre yūhdū wahcā, pjiri sopacapū sūha. Tí sopa pahma, comaa pahma macapū wahari mahare dūcatari pahma jiha. Tí sopa pahma to mū sūro parīchū tina wijaa wahaha. Wijaa waha, tina mahapū mahano wahachūta, anjo sehe buti mūa wahaha. ã jiro Pedro cūirota tjuaha. <sup>11</sup> ã tirore anjo to wahari baharo to yoarire Pedro masiha. Ò sehe ni tūhotuha tiro. “Potocā tjira. Anjo Cohamacū to warocariro peresupū jiriore yūhūre wioro wihihre. Mipū tíre masija to ã yoarire. Judio masa sehe yūhūre

ti ñano yoaborire Cohamacu sehe tinare yoa dutierare. ã jiro yuhure, Herode to peresu yoaritore wiohre”, ni tãhotuha Pedro.

<sup>12</sup> To ã ni tãhoturi baharo María João pocoro ya wuhuru sãha Pedro. João sehe pa wama Marco wama tira. Tí wuhuru masa payu cahmachu, Cohamacure sinia niha. <sup>13</sup> Tí wuhuru sãro, Pedro sopa pahmare dotaha. Cũcoro ti cahamacono Rode wama tiricoro to dotachu tũhoro, ñũno sãha ticoro. <sup>14</sup> ã yoaro Pedro ticorore to pisuchũ tũhoro to durucua tũho masi, tuaro wahche, sopa pahmare pjõoboricoro pjõeraha. Pedro tõi to ducuchũta ticoro majarerũca mũroca sãa wahaha painare yahuro waharo.

—Pedro sopacaru wihire —ni yahuro sãaha.

<sup>15</sup> To ã nichũ tũhoa, tí wuhũ jĩina sehe:

—ã ninocaco nica mũhu —niha tina ticorore.

—Potocã tjira. Potocã nicota nija —niha ticoro.

To ã nichũ tũhoa:

—Tiro jieraca. To yairo anjo wihiro nica —nimaha tina sehe.

<sup>16</sup> Ti ã nino watoi Pedro sopa pahmare ãta dotarucuro niha. To ã yoachu tũhoa, tina sopacare pjõo, tirore ñũ, cãaa wahaha. <sup>17</sup> ã jiro tiro Pedro to wamomaca mehne “Dihta mariaha” ni, Cohamacu peresupu tirore to wiorire yahuha tinare:

—Ahrire yahuga mũsa pũtoro Santiagore, paina Jesu yaina cũhure —niha tiro.

ã ni yahu tuhsũ tiro pa seherũ yũhdũ wahcãa wahaha.

<sup>18</sup> ã yoa bohrea bora tachũ surara Pedro to dohse yoa wijaarire ne masieraha. ã masieraa cãaa wahaha. <sup>19</sup> ã jiro Herode Pedroro maca dutimaha. ã dutiro tiro surarare peresu cohtainare to sinituri baharo tinare wajã dutiha Herode sehe. ã jiro Herode Judearu jiriro waha, Cesarearu jiro wahaha.

#### *Herode yariaa wahaha*

<sup>20</sup> ã yoa Tiro wama tiri maca macaina mehne, Sidõ macaina mehne Herode sehe suaha. To ã suachu ñũa tí macari macaina sehe Herode tina mehne to suarire cahnoa waha, tiro mehne durucua wahaha. ã jia to docai jiriro pũtorore Blasto wama tirirore piti tiha. ã jia tina Blasto to yoadohoro mehne Herode caharu sãha. Tiro caharu sãa, õ sehe niha:

—Mari noano jijihna. Mari basi ñũ tuhtiena tjijihna —ni siniha tina Herodere.

Tina ya yahpa macaina Herode ya yahpai chũare boca tiha. ã jia Herode tinare ñũ tuhtichũ cahmaeraha tina. <sup>21</sup> ã yoa Herode to quihõri dachoi, pũtoro to sãa suhti noaa suhtire sãa tiha tiro. ã sãano tiro to dujiroi dujitjiãhno, masare durucu ñoa tiha. <sup>22</sup> To ã durucu ñochũ tũhoa masa sehe õ sehe ni saũurucuha:

—Ahriro durucuriro masũno jierara. Cohamacu jira —ni saũurucu payomaha tina Herodere.

<sup>23</sup> Ti ã nichũta Cohamacu yairo anjo Herodere dohatichũ yoaha. Cohamacure ño payoeraro, “Cohamacu jieraja yũhũ”, ne nieraha Herode. To ã nierari buhiri anjo tirore dohatichũ yoaha. To ã dohatichũ tirore dachoa chũ wajãnocaha.

<sup>24</sup> ã yoa Jesu yaina payu masare Jesu ya buheare buhea tiha.

<sup>25</sup> ã jia Bernabé, Saulo mehne buhe tuhsũ, Jerusalẽpu tjuaa wahaha. ã jia João Marco wama tirirore tina na wahcãha tina mehne.

## 13

### *Jesu yaina Bernabé Saulo cũhure Cohamacu yare buhe dutia warocaha*

<sup>1</sup> Tí pjare Antioquiarũ Cohamacu yaina mehne macaina Cohamacu durucua yahu turiaina jiha. ã yoa Cohamacu to joa na dutiri cjirire, Jesu yaina ti yoaa tiare yahuina cũhũ jiha. Bernabé, Simo Negro wama tiro, Lucio Cirene macariro, Menahem, Saulo mehne tina jiha. Menahem sehe pũtoro Herode cjiro mehne tina pũaro cãno potori bũcũaina jimaha. <sup>2</sup> Cũ numũ tina Jesu yaina chũ duhu, Cohamacu yare ti buhero watoi Espĩritu Santo õ sehe ni yahuha tinare:

—Bernabé, Saulo mehne cũga yũ cahmano sehe yoahntinare. Tĩre yoahntinare bese cũi nija tinare —niha Espĩritu Santo.

<sup>3</sup> To ã nichu tina sehe chu duhu namo, Cohamacure sini, Bernabé dapu bui Saulo dapu bui ti wamomacarine duhu payoha. ã duhu payoa tinare buhe dutia warocaha.

*Chiprepu* Jesu to cürina buheha

<sup>4</sup> ã jia tina Espíritu Santo to warocaina jia, Seleuciapu su, tí macare dohoriapu samu, Chipre wama tiri nucopu pahãha tina. <sup>5</sup> ã pahãa, Salamina wama tiri pitamahapu wahã suha. Tí macai judio masa buhea wuhusepu, Cohamacu yare yahu ducaha tina. ã yoa João Marco cūhu tina mehne jiro, tinare yoadohoha. <sup>6</sup> Tuhsu, tina tí nūco sohtoai maja, tí nūco topai jiri macapu Pafu wama tiri macapu sua, yairore boca suha tina. Tiro judio masano, Barjesu wama tiroiro jiha. Barjesu griego ya mehne nia Elima ti ni pisuriro jiha. “Cohamacu yare yahu mūhtariro jija yūhu” ni, masare mahñoperucuriro jiha tiro. <sup>7</sup> ã yoa tiro Sergio Paulo wama tiroiro mehne macariro jiha. Sergio Paulo sehe tí nūco macaina puhtoro masi pahñoriro jiha. ã jiro Cohamacu yare tuho duaro tinare Bernabé, Paulo mehne pjirocaha tiro. <sup>8</sup> Wiho mejeta Elima yairo sehe tinare buhe dutieraha. Tiro Sergio Paulo Jesu yare to ño payochu cahmasãaeraha yairo sehe. ã jiro Sergio Paulore Cohamacu yare cohã dutiro nimaha. <sup>9-10</sup> To ã dutipachuta Saulo, Paulo ti niriro Espíritu Santo dutiare yoariro jiro yairore noano ñu diho cū tirore õ sehe ni yahuha:

—Mūhu mahñoa payuriro, ñariro, watino to dutiare yoariro, noaare ñu yabiriro jira mūhu. ¿Dohseacu Cohamacu yare “Ñaa jira. Mahñoa jira”, ã nirucujari mūhu? <sup>11</sup> Mūhu ã yoariro jicu Cohamacu mūhure to pihachu capari bajuerariro jiihca mūhu. ã jicu mahaa dachoricã mūhu ahri dachore ñusinisi —niha Paulo.

To ã nichuta tiro yairo sehe me yoaro sehe jiare ñu mūhtano, baharo nahitiano dihtare ñuha. ã jiro tirore tuãhtirore macaha tiro. <sup>12</sup> To ã wahachu ñuno, Sergio Paulo sehe Jesu yare “Potocã tjira”, ni masiha. Mari puhtoro yare tiro tuho, cuaa waha, Jesure wacū tua ducaha.

*Paulo Bernabé mehne Antioquái Pisidia yahpai jiri macai jiha*

<sup>13</sup> ã yoa Paulo cūhu Pafopu jiina dohoria mehne pahã turia waha namo, Pergepu suha. Perge Panfilia yahpapu jira. Tópu su, João Marco tinare cohã wahcã, Jerusalépu majare tjuaa wahaha. <sup>14</sup> To ã wahapachuta tina sehe Pergepu jiina waha namo, Antioquíapu suha. Antioquía Pisidia yahpapu jira. Tópu sua, Sabado dacho jichu tina judio masa buheri wuhupu sãa su, tópu dujiha. <sup>15</sup> Tí wūhu macaina puhto Cohamacu dutiare, Moise cjiro masare to cūrire, ã yoa Cohamacu yare yahu mūhtaina cjiri ti joari cjirire ti buhe ñori baharo tina pjirocaha Paulo cūhure:

—Coyea, ¿masare wahchachu yoahiti cjihti mūsa yahu duaa jijari? Tíre yahu duana, yahuga michapucacã —niha tí wūhu macaina puhto.

<sup>16</sup> Ti ã nichu tuhoro, Paulo wahcãrucu su, “Durucuena tjiga”, nino to wamomaca mehne cã tuha. Ti dihta mariachu ñu, tiro õ sehe niha:

—Israe masa, ã yoa mūsa Israe masa jieraina, Cohamacure ño payoina, tuhoga mūsa. <sup>17</sup> Mari ñuchusuma cjiri Cohamacure ño payoa tiha. Tina cjirire Cohamacu besea tiha. ã jia mari ñuchusuma cjiri yoari pja Egiptopu jia tiha paina jipahta. Tópu ti jichu Cohamacu noano yoaa tiha tinare. ã jia payu masaputia tiha tina. Õ sehe yoaa tiha tinare. Tinare Egiptopu jinare to tuua mehne wioa tiha Cohamacu. <sup>18</sup> To ã wiori baharo tina cuarenta cūhmari waro masa marienopu tinia tiha. Tópu tirore ti yūhdurucachu Cohamacu ãta tuhotunocaa tiha. <sup>19</sup> Tuhsu, Canaa wama tiri yahpare siete curuari macainare cohã tuhsu, Cohamacu tí yahpare waa tiha Israe masa sehere. <sup>20</sup> Israe masa Egiptoi ti ji ducachu, pu Cohamacu ahri yahpare to wachupu cuatrocientos cincuenta cūhmari waro yūhdna tiha. Baharo Israe masare dutihtinare cūa tiha Cohamacu tinare. Pu, Cohamacu to cürina Samue to jichupu ji batoa tiha. Samue sehe Cohamacu yare yahu mūhtariro cjiro jia tiha.

<sup>21</sup> Baharo Israe masa sehe ti puhtoro cjihtore macaa tiha. ã jia Cohamacure sinia tiha. Ti ã sinichu ñuno Cohamacu Saulo cjirore cūa tiha tinare. Saulo cjiro Cis macano jiro, Benjami ya curua macariro jia tiha. ã yoa cuarenta cūhmari waro ti puhtoro jihtiro

cjihstore cūa tiha Cohamacu tiro cjirore. <sup>22</sup> Cohamacu Saulo cjirore to cohāri baharo Davi cjirore cūa tiha tiro. Ō sehe nia tiha Cohamacu Davi cjirore: “Davi Jesé macunore bocahi yuhū. Tiro mehne wahcheja yuhū. Tiro yu cahmaare yoarohca”, nia tiha Cohamacu. <sup>23</sup> Ahriro Davi cjiro to panamino ji turiaro jira Jesu. Cohamacu Jesure cūri jire Israe masare yuhdohtiro cjihro. “Masare noano yoaihca”, niha Cohamacu. To niriro seheta yoare tiro. <sup>24</sup> To ā yoahro pano Jesu to tahto pano João cjiro ō sehe ni buheri jire: “Musa űaa tuhutumari cjirore tuhutu cohtota, Cohamacure macaga. Ā yoana bautisarina jiga”, ni buheri jire João cjiro jipihtina Israe masare. <sup>25</sup> João cjiro to buhe batoahro pano, to yariahro pano ō sehe ni yahua tiri jire: “¿Diro baro jijari yuhū, musa tuhutuchū? Cristo jieraja yuhū. Pairo jija. Ā jipachuta tuhoga yuhure. Yu baharo yu yuhdoro tuariro tarohca. Tiro noa yuhduariro jira. Tiro yoaro sehe jieraja yuhū”, ni yahuha João cjiro masare.

<sup>26</sup> ‘Coyea, Abrahā panamana, jipihtina Cohamacure cua pisaro űaina marine ahri to yuhdohtore yahua buheare warocari jire Cohamacu. <sup>27</sup> Jerusalē macaina ti puhto mehne Sabado dachori jichū Cohamacu yare yahu muhtaina cjiri ti joarire buhepahta noano tuho űahaerari jire. Ā tuho űahaera, Jesu tinare yuhdohtiro to jichū cūhure masierari jire. Tina ā masierapahta Jesure wajā dutiha. Ā yoaa Cohamacu yare yahu muhtaina cjiri ti joariro seheta yoaa niha. <sup>28</sup> Tire ti wajāhro pano tina Jesure yahusāmaha. Wiho mejeta to űaa yoerapachuta tina Pilatore Jesure wajā dutia taa, siniha. <sup>29</sup> Ā yoaa, panopu ti joariro seheta Jesure yoaa tuhsu, tire crusapu jirirore na boro, masa copapu tācai ti sahari copapu na sāa, duhu payoha tire. <sup>30</sup> Tire ti ā wajāpachuta tiro to yariari baharo Cohamacu masori jire tire. <sup>31</sup> Ā jia Galileapu taina Jerusalēpu tiro mehne suina payu dachori tire yaria masa bajuarirore űaa tiri jire. Ā jia mipure tire ti űurire masare yahuhre tina.

<sup>32-33</sup> ‘Ā jina noaa buheare yahuja sā musare. Cohamacu mari űuchusuma cjirore “Masare noano yoaihca”, panopu to niriro seheta mipure marine tinare ji nunu ti turianare yoahre. Tīre to yahuri cjirore ō sehe yoahre tiro. Cohamacu Jesure masori jire. Ā jina Jesure to masore yahuja musare. Salmo capítulo dosre panopu to joariro seheta ā wahari jire: “‘Muhū yu macu jira. Michare muhure yuhū mu Pucu jiare masichū yoahi’, nina Cohamacu to macunore”, ni joaa tiha panopu. <sup>34</sup> Ā jiro Cohamacu Jesure to masohire pari turi to yariaerahtore yahuyuro ō sehe ni yahu joaa tiha Salmo joariro. “‘Davire yu pja űariro seheta tire yu niriro seheta potocāta noano yoaihtja musa cūhure’, nire Cohamacu”, ni joaa tiha. <sup>35</sup> Tuhsu, pa Salmo cūhure ō seheta ni yahua tiha: “Cohamacu mu yairo űaa buhiri marieriro to pjacure baa dutierara muhū”, ni joaa tiha. <sup>36</sup> Ā jiro Davi Cohamacu to cahmariro seheta to jisiniri pja macainare yoadohoha. Baharo tiro yariaa wahaha. To yariari baharo to pucsumare ti yoariro seheta masa copapu siō sāaha tiro cūhure. Ā jiro tiro baa wahaha. <sup>37</sup> To ā baapachuta ahriro, Cohamacu to masoriro sehe ne baaerare. <sup>38</sup> Ā jina musa yu coyea ahrire masiga: Jesu to yariaro mehne Cohamacu mari űaa yoari buhiri tiare to cohāhtore musare yahuja sā. <sup>39</sup> Ā jiro Jesure wacū tuainare Cohamacu ti űaa űano yoaa, buhiri tiare bonocanohca. Wiho mejeta Moise cjiro to cūri dutiare musa yoari mehne musa űaa yoari buhiri tiare ne cohāsi Cohamacu. <sup>40</sup> Ā jina noano yoaga. Musa noano yoerachū Cohamacu yare yahu muhtaina cjiri ti joariro seheta musare wahaboca. Ō sehe ni joaa tiha:

<sup>41</sup> “Tuhoga musa.

Cayoaa payūina, yuhure űu tuhtiina jira musa.

Yu ō sehe yoachū cuiga musa.

Ā jina pichacapu wahaga.

Musa jia dachorire musare yoaa űoihtja.

Yu ā yoaa űochū űupanahta ‘Potocā tjira’, nisi musa.

Pairo tīre musare to noano yahupachuta ‘Potocā tjira’, nisi musa”,

ni joaa tiha Cohamacu yare yahu muhtariro cjiro —ni yahuha Paulo tinare.



<sup>42</sup> To ã ni yahuri baharo judio masa buheri wuhurp ti wijaari baharo, masa sehe tinare ò sehe ni siniha:

—Pa somanap Sabado jichu sãre ahrire buhega tjoa —ni siniha tina Paulore.

<sup>43</sup> ã yoa tí wuhurp jirina wijaa, judio masa payu, judio masa jieraina cũhu Paulo cũhu mehne wahaha. Judio masa jieraina sehe judio masa yare Cohamacu warore ti ño payoa tiare buheina jiha. Ti ã wahachu Paulo, Bernabé mehne noano yahuha tinare: “Cohamacu musare cahina. ã jina tirore ño payoina, wacũ tuaina ã jirucuga musa”, ni buheha tina.

<sup>44</sup> ã yoa pa somanare Sabado jichu jipihtina Jesu yare tũho duaina cahmachuha.

<sup>45</sup> Wiho mejeta judio masa sehe payu masare Jesu yare tũho duainare ñua pahsu tia wahaha. ã pahsu tia tina soro ni durucu, Paulore ñano quiti dojomehneha. “Musare to buhea potocã jierara”, niha tina. <sup>46</sup> Ti ã nichu tũhoa, Paulo, Bernabé mehne tinare quiti dojomehnerinare cuuro marieno ò sehe ni yahuha:

—Cohamacu to dutiriro seheta musare buhe mutamahi sã. Wiho mejeta musa sehe tíre cahmaera tuhsũhre. Cohamacu catia mehne ã catirucua cũhure cahmaera tuhsũhre musa. ã jina sã sehe judio masa jieraina sehere buhe ducanahca. <sup>47</sup> To joa dutiri cjiri mehne ò seheta dutiha Cohamacu sãre:

“Musa judio masa jierainare buhena tinare yu yare noano masichu yoanahca musa.

ã jicu ahri yahpa mu sũro macainare musa buhechu, noano yũhure wacũ tuaina sehere pichacapũ wahaborinare yũhdoihca yũhu”,

ni yahu dutiha sãre Cohamacu —ni yahuha Paulo, Bernabé mehne.

<sup>48</sup> Ti ã nichu tũhoa judio masa jieraina sehe wahcheha. “Cohamacu ya sehe noaa jira”, niha tina. Tópeina Cohamacu to cahmaina, to catia mehne ã catirucua to wa duarina Jesure wacũ tua dũcaha. <sup>49</sup> ã jia mari pũhoro Cristo yare tí yahpapũre yahu site pahũoha.

<sup>50</sup> Ti ã yahu site pahũochu ñua judio masa ji coaeraha. ã jia tina Paulo cũhure ñano durucuha. Tópu Cohamacure ño payoa numia, masa ti cua pisaro ñua numia jiha. ã jia judio masa Paulo cũhure ñano durucuha. Ti ã ni durucuchu tũhoa tí numia Paulo mehne, Bernabé mehne cũhure suaha. ã yoa tí maca macaina pũhtoa cũhu tina mehne suaha. ã suaa tó macaina ñano yoaha Paulo cũhure. Ti ã yoari baharo Paulo cũhure ti ya yahpai jinare cohã wioha. <sup>51</sup> Ti ã yoachu ñua Paulo, Bernabé mehne ti dahpori macaa dihta pohcarire cjã site boro cũha tí maca macaina ti ñaa yoari buhiri tiare ñoa. ã yoa tuhsu tina Iconiopũ wahaa wahaha. <sup>52</sup> ã yoa tina Jesu yaina pjíro wahchea, Espíritu Santo dutiare yoaina jiha.

## 14

### *Paulo, Bernabé mehne Iconioi jiha*

<sup>1</sup> ã yoa Iconiopũ su, Paulo Bernabé mehne judio masa buheri wuhurp sãa, Jesu yare noano durucu mihnia mehne yahuha. ã jia payu masa Jesure wacũ tua dũcaha, judio masa cũhu, judio masa jieraina cũhu. <sup>2</sup> Wiho mejeta judio masa Jesure cahmaeraina cũhu tina mehne jiha. Tina judio masa jierainare Jesu yaina mehne ti suachu yoaha tjoa. Ti ã yoachu judio masa jieraina ñano tũhotuha Jesu yainare. <sup>3</sup> Ti ã tũhotuchu ñua Paulo, Bernabé mehne tópu yoari pja jia, cuuro marieno mari pũhoro Jesu yare noano buheha. Cohamacu masare to cahiare buheha. ã buhea Cohamacu to tuua mehne yoa ñoha tina, “Ahri buhea potocã tjira”, nia. <sup>4</sup> Wiho mejeta tí maca macaina dacho macai judio masa ya buheare cahmaina tjuaha. Dacho macaihta Jesu ya buheare cahmaina cũhu tjuaha. Tina pua curua tjuaha. <sup>5</sup> ã jia judio masa jieraina, judio masa ti pũhtoa mehne Jesu to cũrinare ñano yoa duama, tãa mehne doca wajã duamaha tinare. <sup>6</sup> Ti ã yoa duarire masia, Paulo Bernabé mehne Licaonia yahpapũ duhti wahcãa wahaha. Tí yahpai jia macaripũ Listra, ã yoa Derbepũ suha. <sup>7</sup> Tópu sua, noaa buheare buheha tjoa tí macari macainare, tó cahai jiina cũhure.

### *Listrai Paulore tãa mehne docaha*

<sup>8</sup> ã yoa Lистраi tini masierariro jiha. Tiro wahma masa bajaroputa tini masierariro jiro ne tinieraa tiha. <sup>9-10</sup> ã jiro tiro Paulo to buhechu tuhoha. To tuhoro watoi Paulo sehe tiro dihtare ñuha.

—Ahriri Jesure wacũ tuara. ã jiro tiro noariro waha duara —ni tuhoutuha.

ã ni tuhoturo tuaro mehne durucutjiãhno õ sehe niha Paulo tirore:

—Wahcãrucaga —niha Paulo tirore.

To ã nichu tuhorota tini masierariro sehe pu surucu su, waha wahaha. <sup>11</sup> Paulo to ã yoachũ ñua masa ti ya mehne, Licaonia ya mehne õ sehe ni sañurucuha:

—Ahrina cohamana, mua yoaro sehe bajuina manopu jiina mari caharu duji tari jira —ni sañurucuha tina.

<sup>12</sup> ã jia tina cohamanare ti ni pisua wamari mehne tinare ni wama pisuha. Tina Bernabé “Zeus”, ni pisuha. ã yoa Paulo buhe muhtariro to jichu ñua, “Hermes”, ni pisuha tina tirore. <sup>13</sup> ã jiro Zeusre ño payoina ya wuhu tí maca duhtu cahai jiha. ã jiro Zeus yaina ti sacerdote sehe wachuare cohoru mehne macaru sãa tari sopaca caharu na taha. Zeusre ño payo duaro to wachuare ju mũono, Paulore, Bernabé wa duamaha tiro, to masa mehne. <sup>14</sup> Ti ã yoachũ ñua Paulo, Bernabé mehne ti basi ti ya suhtire tuhãrocaha ti cahyaare masare ñoa. Tuhãroca tuhsu masa watoi muroca, õ sehe ni sañurucu wahcãha tina:

<sup>15</sup> —Musa õ sehe yoaena tjiga. Sã cũhu musa yoaro sehetã masa jija. Õ sehe musa yoaa ne yaba cjihti jierara. ã jina musare buhena tahi musa õ sehe yoaa duhu dutina tana. Ahri cohamana musa niare, musa yoaa, wiho jia masuri jira. Tí masurine cohãga. ã jina Cohamacũre catiro sehere ño payoga. Cohamacũ sehe manore, yahpare, pjiri mare, jipihtiare yoariro jira. <sup>16</sup> Panopũre tiro jipihtia macari macaina ti yoarire ã ñnocaha. <sup>17</sup> Wiho mejeta tiro to jia tiare ñona masare. Tiro masare noaare yoa, coro tachũ yoa, dichare wa, masare chuare ã warucura. To ã wachũ masa wahchera. Tó sehetã tiro to jia tiare ñona masare —niha Paulo, Bernabé mehne.

<sup>18</sup> Wiho mejeta ti ã nichu tuhopahta masa wachuare wajã ju mũo tinare ño payo duamaha. Tó sehe ti ño payo duachu ñua tinare ã yoa dutieraha Paulo cũhu. Ti ã yoaa duhu duaerapahta duhuha tó macaina sehe.

<sup>19</sup> ã yoa paina judio masa Antioquía macaina, Iconio macaina cũhu Listraru suha. Tóru su, Paulore ñano durucuha tjoa judio masa. Ti ã ni durucuchũ tuhõa masa tiro mehne suaha. ã suaa tãa mehne docaha tirore. Tãa mehne tirore doca tuhsu “Ahriri yariaa wahara” nia, tí maca duhtu caharu tirore waja su cũnoca, waha wahaha. <sup>20</sup> Ti ã yoari baharo Jesu yaina Paulore ñua wahaha. Tiro cahai ti cahmachurucu sũchu waro Paulo wahcãrucã, tina mehne macaru waha wahaha. ã yoa pa dachoi tiro Bernabé mehne Derberu wahaha.

<sup>21</sup> Tóru su, tina noaa buheare tó macainare ti yahuri baharo, payu masa Jesure wacũ tuaina ji dũcaha. ã yoa baharo tina ti su macaripe Litra, Iconio, Antioquiaru majare tjuaa wahaha. <sup>22</sup> Tí macaripu suã tí macari macainare Jesu yainare noaa buheare yahua, tinare noano yajeripohna tichũ yoaha. ã Jesure wacũ tuarucu dutia õ sehe ni yahuha tinare:

—Cohamacũ to jiropũre mari suhto pano, tuaro marine ñano yũhũro cahmana —ni yahuha.

<sup>23</sup> ã jia macaripe macainare Jesu yainare ti puhtoã cjihtire cũha Paulo Bernabé mehne. Cũ tuhsu, ti chu duhuri baharo Cohamacũre õ sehe ni sini payoha:

—Puhtoro, ahrina mu yainare ñu wihboga —ni sini payoha tina Cohamacũre ti wacũ tuarirore.

*Paulo Bernabé mehne Antioquiaru* ti ji muhtari macaru tjuaa wahaha

<sup>24</sup> Ti ã yoari baharo tina Pisidia yahparu jirina cjiri waha wahaha Panfilia yahparu. <sup>25</sup> Tóru su, Pergẽpũre tina buhe tuhsu Atalia wama tiri macaru waha wahaha. <sup>26</sup> Tí macaru su, Antioquiaru tjuaa, dohorã mehne pahãa wahaha. Tí macaihta panopũ ti jisinchũ Jesu yaina Cohamacũ yare buhe dutia Paulo cũhũre warocaha. ã warocaa:

—Cohamacu mu cahia mehne ahrinare nu wihboga —ni warocaha tina.

Å tju sua tinare ti buhe dutirire buhe tuhsuha Paulo, Bernabé mehne. <sup>27</sup> Antioquiapu ti tju sari baharo Jesu yaina mehne cahmachu, Cohamacu to tuua mehne ti yoirire yahu pahioha tina. Judio masa jieraina cuhu Cohamacu yaina ti waharire yahuha tina. <sup>28</sup> Å jia Paulo cuhu topure Jesu yaina mehne yoari pja jiha.

## 15

*Jerusalēpu* Jesu yaina cahmachuha

<sup>1</sup> Å yoa Judea yahpa macaina mahainacã Antioquiapu sua, Jesu yainare o sehe ni buhe ducaha tina:

—Cohamacu to dutiare Moise cjirore cūno o sehe ni cūha. Jipihtina ti pjacure mahari cahsarocāre ti yihsotore yahu cūha Moise cjirore. Musa tíre yoerachu Cohamacu musare yuhdosi —ni buheha tina to macainare.

<sup>2</sup> Ti ā ni buhechu tuhoa Judea yahpa macaina sehe cahma sayoha Paulo cūhure Bernabé mehne. Ti ā cahma sayori baharo Jesu yaina sehe Paulore, Bernabére paina to macaina cūhure Jerusalēpu warocaha. Judea yahpa macaina ti buherire Jesu to cūrinare Jesu yaina puhto cūhure sinitu nu dutia warocaha Paulo cūhure.

<sup>3</sup> Å jia Jesu yaina tinare ti warocachu waha, Fenicia yahpare su, yuhdu wahcã, Samaria yahparu suha. Tí macaripu sua, judio masa jieraina Cohamacu yare ti cahma ducarire yahuha tina to macainare. Ti ā yahuchu tuhoa to macaina Jesu yaina tuaro wahcheha.

<sup>4</sup> Å yoa tina Jerusalēpu ti suchu nuha to macaina Jesu yaina, Jesu to cūrina, to yaina puhto mehne wahchea mehne noano piti bocaha tinare. Ti ā piti bocachu Paulo, Bernabé mehne Cohamacu to tuua mehne ti yoirire yahuha tina Jerusalē macainare.

<sup>5</sup> Wiho mejeta topu fariseo curua macaina Jesu yaina mahainacã jiha. Å jia tina topure wahcãruca, o sehe ni yahuha:

—Tinare judio masa jierainare ti pjacure mahari cahsarocāre yihsoro cahmana. “Cohamacu Moise cjirore to dutirire yoaga musa cuhu”, nino cahmana tinare —niha tina fariseo curua macaina cuhu.

<sup>6</sup> Ti ā nichu tuhoa Jesu to cūrina, to yaina puhto mehne ti ā nirire cahnoa taa, cahmachuha. <sup>7</sup> Å cahmachua tina payu ti durucuri baharo Pedro wahcãruca, o sehe ni yahuha tinare:

—Coyea, panopu yuhure musa mehne jirore Cohamacu o sehe yoa dutiro yuhure cūre. Tiro yuhure noaa buheare judio masa jierainare yahu dutiro cūre. Tinare Jesure wacū tua dutiro yuhure tinare buhe dutire. <sup>8</sup> Cohamacu masa ti tuhotuare masina. Å jiro tiro judio masa jierainare to yaina to yoirire ñono taro tiro Espiritu Santore ware tinare, marine to yoiriro seheta. <sup>9</sup> Å waro tiro marine tina cūhure cūno potori noano yoare. Tina tirore ti wacū tuachu ti ñaa buhirire bore tiro. <sup>10</sup> Mari sehe Cohamacu Moise cjirore to cūri dutiare cūno pjaeraja. Mari ñuchusuma cjiri cuhu cūno pjaeraha. ¿Å mari cūno pjaerapachuta dohse yoana Jesu yainare judio masa jierainare tíre yoa duti duajari musa? Å yoa dutina Cohamacu tinare to yoirire “Quihōno wahaerara”, nina nica musa. <sup>11</sup> Wiho mejeta o sehe sā tuhotuja. Mipure judio masa jieraina yoaro seheta mari cūhure mari puhtoro Jesu cahia mehne Cohamacu yuhdorohca. Dutiare mari yoaa mehne marine yuhdosi —niha Pedro tinare.

<sup>12</sup> To ā nichu tuhoa jipihtina dihta mariea wahaha. Ti ā dihta mariachu Paulo, Bernabé mehne judio masa jieraina watoi Cohamacu tuua mehne ti yoa ñorire yahuha tinare. <sup>13</sup> Å ti yahu tuhsuri baharo Santiago o sehe ni yahuha:

—Coyea, tuhoga yuhure. <sup>14</sup> Cohamacu judio masa jierainare to yaina cjihtire to coā yoirire yahu tuhsuhre Pedro. <sup>15</sup> Panopu macaina Cohamacu yare yahu muhtaina cjiri ti yahuro seheta ā wahahre judio masa jierainare. O sehe ni Cohamacu yare joaa tiha tina:

<sup>16</sup> “Panopu Davi cjiro ya curua macaina ti puhto jiri cjiri pihtia wahare. Baharo tjua taihca yuhu.

Ã jicũ pari turi to ya curua macarirore pũhtoro sũihca.

<sup>17</sup> Yũ ã yoari baharo jipihtina paina judio masa jieraina yũhũre pũhtoro tiahca tina.

‘Yũ yaina jiga’, yũ ni pjirocarina sehe yũhũre cahmaahca.

<sup>18</sup> Ãta nina mari pũhtoro.

Panopũ tiro ahrire masare yahua tiri jire”,

ni joaa tiha Cohamacũ yare yahu mũhtaina cjiri.

<sup>19</sup> ‘Ã jicũ õ sehe ni tũhotuja yũhũ. Judio masa jierainare Cohamacũ yare wahma cahma dũcainare payũ yoa dutiena tjijihna mari. <sup>20</sup> Wiho mejeta tinare joa, warocajihna mari. Õ sehe ni joarocajihna: “Ñaa chũare, ‘Cohamacũ jira’, ti nia masũrine ti waa chũare chũena tjiga. Tuhsũ, numia mehne ñano yoarena tjiga. Numia cũhũ mũa mehne ñano yoarena tjiga. ã yoa wamũa ti ñaha wajãinare wahiquinare chũena tjiga. Dire sihniena tjiga”, ni yahu joarocajihna. <sup>21</sup> Yoari pja judio masa buhea wũhũsepũ Sabado jichũ Cohamacũ Moise cjirore to cũri dutiare buhea tire masa. ã yoa jipihtia macaripũ Moise cjiro to yahua buhea tire. (ã jina yũ niriro sehetã judio masa jierainare Jesu yainare joarocajihna, judio masa sehe tina mehne “Suari”, nina) —niha Santiago.

<sup>22</sup> Tí pjare Jesu to cũrina, Jesu yaina pũhtoa, jipihtina Jesu yaina mehne pũaro tina mehne macainare beseha ti warocahtinare. Antioquãpũ Paulo, Bernabé mehne ti wahachũ wahahtinare tinare bese warocaha. ã jia tina Judare, Sila mehne warocaha. Juda sehe Barsaba pũaro wama wama tiha. Ti coyera Jesu yaina tinare ño payoha. <sup>23</sup> Tinare ti beseri baharo Jesu yaina joarocari pũre warocaha tina mehne. Õ sehe ni joaha tina:

“Jesu to cũrina, to yaina pũhtoa, mũsa coyera Jesu yaina mehne sã noa dutija mũsare. Jipihtina judio masa jierainare Antioquãpũ, Siriapũ, Ciliciapũ jĩinare mũsare Jesu yainare noa dutija sã. <sup>24</sup> Sã mehne macaina mũsa cahapũ sũa, mũsare payũ dutiare yoa dutiyuhti. ã yoaa mũsare cariboyuhti. Tina Cohamacũ dutiare Moise cjirore to cũri cjiropũre, mahari cahsarocãre yihsoa cũhũre yoa dutiyuhti. Wiho mejeta sã sehe tinare tũre buhe dutina warocaerahi. <sup>25-26</sup> ã jina sã jipihtina cũno potori mũsa cahapũ warocahtinare sã besehi. Mari cahĩinare Paulo, Bernabé mehne Cristo Jesu mari pũhtoro yare cuiro marieno ti buhechũ payũ tahari paina tinare wajãmoñoha. Ti ã wajãmoñochũ mahanocã mehne yũhdũha tina. Tina mehne sã beserinare mipũre warocaja. <sup>27</sup> ã jina Judare, Sila mehne mũsa cahapũ warocaja. Sã joarocarire tina sehe mũsare yahuahca. <sup>28</sup> Espĩritu Santo to wacũno sehetã sã cũhũ tũhotuja. Õ sehe jira tí: Paye dutiapũre cũeraja mũsare. Ahri dutia dihtare cũnahca mũsare: <sup>29</sup> Ñaa chũare, ‘Cohamacũ jira’, ti nia masũrine ño payo ti duhu payoha chũare chũena tjiga. Dire sihniena tjiga. Wamũare ti ñaha wajãinare wahiquinare chũena tjiga. ã jina numia mehne ñano yoarena tjiga. Numia cũhũ mũa mehne ñano yoarena tjiga. Ahri yũ yoa dutierare yoerana noaare yoana nica mũsa. Tó puro tjira mũsare sã yahu dua”, ni joarocaha Jesu yaina Jerusalẽpũ jiina.

<sup>30</sup> Tí pũre joa tuhsũ, waha Antioquãpũ wahainare. Ti wari baharo waha, Antioquãpũ sũha. Ti tópũ sũri baharo payũ masare cahmachu duti, ti joari pũre wiaha tinare.

<sup>31</sup> Tí pũre ti buheri baharo tina yajeri sãa, noano wahcheha. <sup>32</sup> ã jia Juda, Sila mehne Cohamacũ yare yahu mũhtaina jia, yoari pja Jesu yainare Cohamacũ yare yahuha. Ti ã yahuchũ tũhoa, Jesu yaina sehe wahche, noano tũhotuha. <sup>33</sup> ã jia Juda, Sila mehne tópũ mahaa dachoricã ti jiri baharo Jerusalẽpũ ti tjuaa wahachũ tó macainare ti coha sitichũ, “Noano wahaga mũsa”, niha Antioquã macaina. ã jia Juda cũhũre warocarinare noa dutirocaha. Ti ã niri baharo Juda sehe tjuaa wahaha. <sup>34</sup> [Wiho mejeta Sila sehe tópũta tjuanocaha Antioquãpũta.] <sup>35</sup> ã jia Paulo Bernabé cũhũ mahaa dachoricã tjuasiniha tí macai tjoa. Tó tina paina payũ mehne Jesu yare buheha.

*Pari turi Paulo noaa buheare buhe tinino wahaha*

<sup>36</sup> ã yoa mahaa dachoricã baharo Paulo õ sehe ni yahuha Bernabére:

—Jipihtinare mari buhe dũcarinare “¿Dohse jijari tina?” ni, ñũna wahajihna tjoa — niha Paulo cũhũ ti basi.

<sup>37</sup> Æ ni tuhsu, Bernabé sehe João Marcote tina mehne naa duamaha. <sup>38</sup> To Æ naa duapachuta tó pano tiro tina mehne Panfiliaru suro tina mehne tjuaeraha. Ti yoare cūno pjaeraro tjuaa wahaha. Æ jiro Paulo pari turi tirore naa duaeraha. <sup>39</sup> To naa duaerachu ñno Bernabé Paulo mehne puaro ti basi cahma durucu cahno masieraa, soro dihta wahaa wahaha. Bernabé sehe Chipre wama tiri nucoru Marcote na pahāa wahaha. <sup>40</sup> Paulo sehe Silare piti ti wahcāa wahaha. Ti buhea wahahto pano Jesu yaina tinare waroca, “Cohamacu musare noano ñu wihbojaro”, niha. Ti Æ niri baharo Paulo Sila mehne wahaa wahaha. <sup>41</sup> Æ wahaa, Siria yahparu, Cilicia yahparu cūhure sua, tóru Jesu yainare noano yajeripohna ti, Jesure wacū tua namochu yoaha tinare.

## 16

### *Timoteo Paulo mehne wahaha*

<sup>1</sup> Ti Æ yoari baharo Paulo cūhu Derberu, Listrapu sua, Timoteore boca suha. Timoteo Jesu yairo jiro, judio masono macuno jiha tiro. To pocoro cūhu Jesu yacorota jiha. To pucuro sehe griego masuno jiha. <sup>2</sup> Æ jia Listra macaina, Iconio macaina Jesu yaina, “Timoteo masa noariro jira”, ni yahua tiha. <sup>3</sup> Æ jiro Paulo Timoteore naa duaha. Wiho mejeta tí yahpa macaina judio masa sehe Timoteo pucuro griego masuno to jichu masiha. Æ jiro Paulo judio masare “Suari” nino, Timoteo pjacure mahari cahsarocā yihso naha. Judio masa ti dutia ti niriro seheta yoaha. <sup>4</sup> To Æ yoari baharo tina ti sua macari macainare ti joarocari pū macaare yahuha. Tí pū Jesu to cūrina, to yaina puhto mehne Jerusalēpu jiina ti joarocari pū jiha. Æ jia tí dutiare noano yahu turiaha tó macainare Jesu yainare. <sup>5</sup> Ti Æ yahuchu tuhōa Jesu yaina sehe Jesure wacū tua namoha. Æ yoa Jesure wahma wacū tua ducaina dachoripe payu waha namoha.

### *Paulo cahānorpū Macedonia macaritore ñuha*

<sup>6-7</sup> Æ yoa Asia yahparu sehere noaa buheare buhe dutieraha Espiritu Santo tinare. Æ jia tina Frigia yahpare yuhdua Galacia yahpare yuhdua, Misia yahpa duhtu cahai suha. Tóru su, Bitinia yahpa sehe waha duamaha tina. Wiho mejeta Espiritu Santo sehe tinare tópure waha dutieraha. <sup>8</sup> To Æ niri baharo tina sehe Misia yahpare yuhdua, Tróaderu buhtu wihire. <sup>9</sup> Tóru ti buhtu wihiri baharo, tí ñamine ō sehe cahāri jire Paulo. Macedonia yahpa macariro to cahai ducuchū ñuri jire tiro. “Sāre Macedonia yahpa macainare yoadohoi taga” ni, pjiri jire tiro Paulore. <sup>10</sup> To cahāri baharo wahcā wihi, sā yare cahno tuhsu, Macedoniaru wahaa waha sā. “Cohamacu tí yahpare noaa buheare buhe dutiro nina marine”, ni tuhōtui sā.

### *Paulo, Sila mehne Filiporu jiha*

<sup>11</sup> Æ jina sā Tróaderu jiina dohoria mehne Somatracia wama tiri nucoru pahā sui sā. Æ yoa pa dachoi Neapolipū pahāa waha sā. <sup>12</sup> Tí macare yuhduana, Filiporu Roma macaina ya macaru sui sā. Tí maca Macedonia yahpai jiri maca jire. Wiho jiri maca jierare. Tópure mahaa dachoricā sā jii. <sup>13</sup> Tóru jina Sabado jichu sā tí maca duhtu caharu, dia duhtu caharu sui. Tóí Cohamacu mehne ti durucuro jire. Tóí dujina tóí cahmachua numia mehne suhūdui sā. <sup>14</sup> Cūcoro sāre tuhōricoro Tiatira wama tiri maca macaricoro Lidia wama tiricoro jire. Ticoro noaa suhti wapa tia suhtire duaricoro, Cohamacure ño payoricoro jire. Æ jiro Paulo to yahua noano tuhōchu yoare Cohamacu ticore. <sup>15</sup> To quihōno tuhōchu ñno ticore to wuhū macaina mehne bautisare Paulo. To Æ bautisari baharo ō sehe nire ticoro:

—“Jesu yacoro tjira mūhu cūhu”, nina mūsa yuhure. Æ jina ya wuhūi sā tasinia mūsa. Yuhū mehne tjuasinia —nire ticoro sāre.

To Æ nichu tuhona to wuhūi tjuasinii sā.

<sup>16</sup> Pa dacho Cohamacu mehne ti durucuro sū wahachu watīno to cohtotaricoro piti bocare sāre. Ticoro paina cahamacono jire. Ticoro watīno yoadohoro mehne masare “Ō sehe waharohca musare”, ni yahuyuricoro jire. Æ yahuro pjiro wapatabasare to puhtoare. <sup>17</sup> Æ jiro Paulo mehne sā wahachu, sāre nūnu ti, sañurucure ticoro:

—Ahrina Cohamacu Jipiltina Bui Jiro to yoadohoina jira. Cohamacu marine to noano yuhdohtire yahura tina —ni sañurucure ticoro.

<sup>18</sup> Payu dachori ã ni cariborucure Paulore. To ã ni sañurucuchu Paulo majare ñu, õ sehe nire watñore:

—Jesucristo tuua mehne dutija mũhũre. Ticorore wijaahga. Waharisa mũhũ —nire Paulo.

To ã nichũta watño sehe wahaa wahare.

<sup>19</sup> To ã wahari baharo ticoro pũhũa sehe niñeru to wapataeraricoro to wahachu ñua, tina Paulore, Sila cũhũre ñahare. Ñaha tuhsũ, tinare naahre tí maca dacho macapũ jiina pũhũa cahapũ. <sup>20</sup> ã naa wahcã, buhiri tiare cahnoina cahapũ tinare cũre tina.

—Ahrina judio masa mari ya macare cariboa nina. <sup>21</sup> Tina mari dutiare cohã dutia, paye buheare buhea nina. Mari ya dutiare yuhdũrucachũ yoa duaa nina. Mari Roma macaina jina ahrina ti yahua sehere yoa masieraja mari. ã jina ti buheare mari cahmaeraja —nire ticoro pũhũa buhiri tiare cahnoinare.

<sup>22</sup> Ti ã nichũ tũhoa masa payu Paulo cũhũ mehne sua yuhdua wahare. ã jia buhiri tiare cahnoina sehe Paulo cũhũ suhtire ti tũhrẽ cohãri baharo, yucũri wasõri mehne tjana dutire tinare. <sup>23</sup> Tuarõ tjana tuhsũ peresu yoare tinare. Ti ã peresu yoari baharo peresure cohtarirore noano ñu wihbo dutiha tina. <sup>24</sup> Ti ã dutiri baharo tinare cohtariro sehe tí wũhũ puhicha macari tahtiapũ tinare cũ, taboa pahtari mehne ti dahporire biha dapoha.

<sup>25</sup> Ñami dacho macai Paulo, Sila mehne Cohamacũre sini, tirore basa payoha. Ti ã basachu tũhoha paina peresupũ jiina. <sup>26</sup> Ti ã ni basachũta tí wũhũ tuaro ñuhmiha. To ã ñuhmichũ cũno potori jipiltia sopa pahmari parĩ mũa, peresupũ jiinare ti dũhũa dari comaa dari nuhnu site boraahahaha. <sup>27</sup> To ã wahachu tí wũhũre cohtariro sehe wahcã wihi, “Peresu jiina duhti tuhsũri jire”, ni tũhotumaha. ã ni tũhoturo to ñosari pjĩne naroca, to basi ñosamaha. <sup>28</sup> To ã yoachũ ñũno Paulo tirore tuaro sañurucu õ sehe niha:

—Mũ basi ñano yoai tjiga. Jipiltina õre jija sã —niha tiro tinare cohtarirore.

<sup>29</sup> To ã nichũ tũhoro tinare cohtariro sehe sihã buhria duti, tina cahapũ mũroca wahcã Paulo, Sila ti dahpori cahapũ tetere, caha sũha tiro. <sup>30</sup> Tuhsũ, tiro tinare tí tahtiapũ jiinare na wijaa, sinituha tinare:

—¿Dohse yoaicari yũhũ Cohamacu yairo ji duacu, to yuhdohtiro ji duacu? —ni sinituha tiro.

<sup>31</sup> —Jesucristore wacũ tuaga mũhũ. Mũ coyea cũhũ tirore wacũ tuajaro. Mũsa ã yoachũ mũsare pichacapũ wahaborinare Cohamacu yuhdorohca —ni yahua tina.

<sup>32-33</sup> Ti ã niri hora ñami dacho maca baharocã jiha. Ti ã niri baharo tinare cohtariro to ya wũhũpũ naaha tinare. To ya wũhũpũ na sũ tí camine cosaha tiro. To ã cosa tuhsũri baharo to coyea mehne Cohamacu yare buheha Paulo cũhũ. Ti buheri baharo bautisaha tinare. <sup>34</sup> Ti bautisa tuhsũri baharo tinare cohtariro cjiro Paulo cũhũre chũare payoha. ã jia tiro to coyea mehne noaa buheare ti tũhori baharo tuaro wahcheha, Cohamacũre masi dũcaa.

<sup>35</sup> Bohrea parĩ cahachu ñua pũhũa sehe surarare peresupũ warocaha Paulo cũhũre wio dutia. <sup>36</sup> Ti ã wio dutiri baharo tí wũhũre cohtariro Paulo cũhũre yahua:

—Pũhũa mũsare wio dutire. ã jina cuienata wijaahga —niha tiro Paulo cũhũre.

<sup>37</sup> Ti ã wio duapachũta Paulo õ sehe ni yahua surarare:

—Sã ñano yoaerahi. ã jina sã ne buhiri cjueraja. Wiho warota tina pũhũa sehe masa ti ñũrocaroi yucũri wasõri mehne tjanahre sãre, Roma macaina sã jipachũta. Tjana tuhsũ peresu yoahre sãre. ã jia mipũ masa ti ñũeraroi wio duara sãre, sãre ñano ti yoarire “Bũoro yuhdũri”, nia. Pũhũa ti basita ta, wioa tajarõ sãre —niha Paulo surarare.

<sup>38</sup> To ã nichũ tũhoa surara sehe pũhũare yahua wahaha. Ti ã ni yahuri baharo Paulo, Sila mehne Roma macaina ti jichũ masia pũhũa sehe cui niha. <sup>39</sup> ã jia tina Paulo cũhũ cahai sũ, õ sehe niha:

—Ñano yoahũti sã mũsare. Ne pari turi ã yoasi —niha pũhũa Paulo cũhũre.

Ã ni tuhsu pũhtoa tinare peresupu jiinare wio, tinare pa sehepu waha dutiha. <sup>40</sup> Ti ã niri baharo Paulo, Sila mehne peresupu jiina wijaa, Lidia wama tiricoro ya wũhũpu wahaha. Tí wũhũpu ti sũri baharo Jesu yainare piti bocaha. ã jia tina Jesu yainare noano buhea, noano yajeripohna tichũ yoaha tinare. Ti ã yoari baharo Paulo, Sila mehne wahaa wahaha.

## 17

### *Tesalónica macaina suaha Jesu yaina mehne*

<sup>1</sup> ã yoa tina Anfipolipu sũ, yũhdũa, Apoloniapu sũ, yũhdũa, Tesalónicapu sũha tina. Tóti judio masa buheri wũhũ jiha. <sup>2</sup> Somanaripe to yoariro seheta Paulo buheri wũhũpu wahaa tiha. Tópu sũ, tia somana waro sabado dachoripe tiro panopu macaa ti joari cjirire Cohamacu yare masare buhe, tíre tina mehne sũhdũa tiha Paulo. <sup>3</sup> ã yoaro tiro Cohamacu yare õ sehe ni yahuha:

—Judio masa, mũsa pũhtoro mũsa cohtariro Cristo tari jire ñano yũhdũhtiro. Cohamacu to ni cũriro cjiro seheta tiro yariaa wahaha masa mũjano taro. ã jiro ahriro Jesu, yũ yahuriro, tiro Cristo warota jira marine yũhdũhtiro. Tirota jira mũsa cohtariro. Õ seheta nina Cohamacu yare ti joari pũ —ni yahuha Paulo.

<sup>4</sup> To ã nichũ tũhoa, cãina tóti jiina “Potocã tjira”, niha. ã jia tina Paulo cũhũ mehne wahaha. ã jia paina cũhũ griego masa payu Cohamacure ño payoina sehe Paulore quihõno tũhoa, ã yoa tina mehne macaa numia cũhũ payu pũhtoa numia masa ti cua pisaro ñna numia cũhũ tirore quihõno tũhoa Jesu yaina tjuaha. ã jia tina cũhũ Paulo cũhũ mehne wahaha. <sup>5</sup> Wiho mejeta judio masa sehe ti ã wahachũ ñna, pahsu tiha. ã jia tina ñaina dahraerainare payu pji cahmachu õ sehe ni dutiha: “Ahrina ñano yoaa nina”, ni saũurucu dutiha tinare. ã saũurucua jipihtina tí maca macainare suachũ yoaha Paulo cũhũ mehne. ã jia judio masa Jasõ ya wũhũpu sãa, Paulo cũhũre macamaha, tinare masapũre waa taa. <sup>6</sup> Wiho mejeta tinare bocaeraha. ã jia Jasõre, paina Jesu yaina cũhũre ñaha, waja wijaa wahaha tinare. Pũhtoa cahapu na sũ õ sehe ni yahusãha tina:

—Paulo cũhũ masare jipihtiroputure caribobiara. ã jia mipũre tina mari ya macare wihi tuhsũhre. <sup>7</sup> ã jiro ahriro Jasõ tinare to ya wũhũpu sãa ta dutihre. Tina jipihtina mari bui pũhtoro Roma macariro to dutiare yũhdũrũcara. “Pairo mũsa pũhtoro jira. Jesu tirota jira” nia, mari pũhtoro dutiare yũhdũrũcara tina —ni yahusãha judio masa sehe pũhtoare.

<sup>8</sup> Ti ã ni yahusãchũ tũhoa, jipihtina masa, pũhtoa cũhũ sua, tuaro saũurucuha. <sup>9</sup> Wiho mejeta pũhtoa Jasõre, tiro mehne macaina cũhũre, niñerure wapa duti, wioha.

### *Paulo Sila mehne Bereapu sũha*

<sup>10</sup> Tí pjata ñamipũ Paulo cũhũre Jesu yaina nũo warocaha Bereapu. Tópu sũha tina judio masa buheri wũhũpu sãa wahaha. <sup>11</sup> Berea macaina sehe Tesalónica macaina yũhdoro Jesu yare noano tũhoina jiha. ã jia tina Jesu yare ti tũhori baharo “¿Potocã tjijari?” ni masi duaa, dachoripe Cohamacu yare ti joari pũre ã buherucua tiha tina. <sup>12</sup> ã jia tina payu Jesure wacũ tua dũcaha. Griego masa cũhũ, mũa, pũhtoa numia mehne Jesure wacũ tuaina jiha. <sup>13</sup> Wiho mejeta Paulo Bereapu Cohamacu yare to buhechũ cũhũre tũhorocaa Tesalónica macaina judio masa tópu sũha. Tópu sũha, Berea macainare quiti dojomehnea, Paulo cũhũ mehne suachũ yoaha tina. <sup>14</sup> Ti ã yoachũ ñna Jesu yaina Paulore soaro mehne pjiri ma dũhtũ cahapu warocaha. Wiho mejeta Sila, Timoteo mehne Bereapu tjuaha. <sup>15</sup> Paina sehe Paulore Atenapu na wahcã soha. Tirore so tuhsu majare tjuaa wahaha Bereapu tjoa.

—Soaro mehne waha, piti tina wahaga Paulore —ni yahuha Silare, Timoteo cũhũre. ã ni yahu dutiha Paulo tinare.

### *Paulo Atenai jiha*

<sup>16</sup> Æ jiro Paulo Atenapɯ cohtaro niha Sila, Timoteo cūhure. Tinare cohtaro Atena macaina ti “Cohamana jira”, ti nia masurine payɯ ti cjuachɯ ñuno Paulo tuaro cahyaha tina mehne. <sup>17</sup> Æ cahyaro, judio masa buheri wəhɯpɯ judio masa mehne, ã yoa judio masa jieraina mehne cūhure durucuha tiro. Judio masa jieraina sehe Cohamacure ño payoina jiha. Æ yoa Paulo tí maca dacho macai dachoripe tiro cahapɯ ã tini majare sãaina mehne durucuha. <sup>18</sup> Paina Epicureo yare buheina, Estoico yare buheina cūhɯ Paulo mehne durucuha:

—¿Ahriro durucua pihtierariro dohse ni durucuro nijari tiro? —niha tina.

Paulo Jesu yare, to masa mɯjarire to yahuchɯ tɯhoa õ sehe ni tɯhotumaha masa: “Tiro paina cohamanare yahuro nica”, ni tɯhotumaha tina. <sup>19</sup> Ti tɯhori baharo tina Areópago wama tiropɯ Paulore naaha.

—Ahri buhea, wahma buheare mɯ mipɯ yahurire masi duaja sã. <sup>20</sup> Mɯ buhea soro sehe jira. Æ jina sã tíre masi duaja —niha tina Paulore.

<sup>21</sup> Jipihtina Atena macaina, ã yoa paye yahpari macaina cūhɯ Atenapɯ jiina dachoripe wahma buheare durucurucu duaha. Æ jia Paulo to yahuare tɯho duaha tina.

<sup>22</sup> Æ jiro Paulo Areópago wama tiroi wahcārɯca õ sehe ni yahuha:

—Atena macaina, payɯ mɯsa cohamanare mɯsa tuaro ño payoina mɯsa jichɯ masija yuhɯ. <sup>23</sup> Ahri maca mɯsa ya macare cohamanare mɯsa ño payoa altarire ñɯ tinihi yuhɯ. Æ ñɯ tinicɯ yuhɯ cū altarɯ, cohamanare ño payona mɯsa waare mɯsa cūnoi ahrire buhehi. “Cohamacɯ, mari masimahnoerariro ya altar jira”, ni joari jire mɯsa tíre mɯsa cūnoi. Mɯsa tirore masierapanahta tirore ño payori jire mɯsa. Tioreta mɯsa masieraritore yahu potoi nija yuhɯ mɯsare.

<sup>24</sup> ‘Cohamacɯ jipihtiri yahpare, jipihtiare bajuamehneriro jira. Tiro mɯanore, yahparɯre pɯhtoro jiro, tiro masa ti yoa wəhɯsei jierara. <sup>25</sup> Æ jiro tiro mari jiare, mari yajeri naare, jipihtia marine paye barore wariro jiro, mari yoadohoare cahmaerara. Tiro pɯacɯoriro jierara.

<sup>26</sup> ‘Tiro cãiro mɯnore yoa dɯcaha. Tiro mehneti jipihtia yahpari macaina cjihtire masare yoaha. Æ masare yoaro jipihtiro yahparɯre marine cūha tiro. “Õ puro yoari pja õpɯre jahca”, nino quihõ cūha marine. <sup>27</sup> “Tina yuhure maca, bocaboca”, ni tɯhotuha Cohamacɯ. Wiho mejeta Cohamacɯ yoaropɯ jierara. Mari mehneti jira. Õ sehe ni joaa tiha paina: <sup>28</sup> “Marine jichɯ yoara tiro. Mari masapere catiina, ñuhmiina jichɯ yoara tiro”, ni joaa tiha. Mɯsa mehne macaina panopɯ macaina basaare noano joaina quiti yahuina cjiri ti joariro seheta nii nija. “Mari cūhɯ Cohamacɯ pohna jija”, ni joaa tiha tina. <sup>29</sup> Æ jina mari to pohna jina õ sehe ni tɯhotuena tjiga mɯsa. Masurine, uru, plata, tãa mehne mɯsa mɯ sɯro mɯsa yoari masurine “Cohamana jira”, ni tɯhotuena tjiga mɯsa. <sup>30</sup> Panopɯ masa ti masieraina jisnichɯ ti ñaare yoapachɯta Cohamacɯ ã ñunocasihi. Wiho mejeta mipɯre jipihtiri yahpa macainare ti ñaa yoari buhiri tiare masi, cahya dutira Cohamacɯ. <sup>31</sup> Baharo Cohamacɯ to quihõri dachoi jipihtiri yahpa macainare potocã beserohca noaina, ñainare. Tiro to bese duti to cūriro Jesu sehe beserohca. Jesure yariaritore masoha tiro. Æ masono “Ahriro yɯ cūriro jira” ni, ñono niha Cohamacɯ masare —ni yahuha Paulo Atena macainare.

<sup>32</sup> To ã nichɯ masa mɯjarire to durucuchɯ tɯhoa paina tirore bɯjɯpeha. Wiho mejeta paina sehe õ sehe niha:

—Pari turi ahrire mɯ yahuchɯ sã tɯho duaja —niha tina Paulore.

<sup>33</sup> Ti ã niri baharo Paulo wahaa wahaha. <sup>34</sup> To ã wahachɯ, cãina tiro mehne waha, Jesure wacū tua dɯcaha. Dionisio Areópago macariro pɯhtoa mehne macariro Jesure wacū tua dɯcaha. Æ yoa Damari wama tiricoro cūhɯ, paina mehne Jesure ãta wacū tua dɯcaha.

*Paulo Corinto wama tiri macai jiha*

<sup>1</sup> Æ yoa, Paulo Atenapɯ jiro waha, Corinto wama tiri macapɯ sɯha. <sup>2</sup> Tópɯ sɯro, judio masɯno Aquila wama tirire boca sɯha tiro. Jipihtina bui pɯhtoro Claudio wama tiro



judio masare Romapɤ jiiinare to cohãchɤ Aquila sehe to namono Priscila mehne waha, Corintopɤ sɤha. Aquila sehe Ponto wama tiri yahpai masa bajuariro jiha. ã jia tina Corintoi ti jichɤ, Paulo tina cahapɤ sɤha. <sup>3</sup> Aquila cɤhɤ suhti wɤhɤsere yoaina jiha. Paulo cɤhɤ suhti wɤhɤsere yoarirota jiha. ã jiro tiro tina mehne dahra, tói tjuaha. <sup>4</sup> ã jiro Paulo sabado jichɤ somanaripe judio masa ti buheri wɤhɤpɤ judio masare, judio masa jieraina cɤhɤre Cohamacɤ yare yahuha. To ã ni yahuchɤ tɤho, “Potocã tjira”, niha tina cãina.

<sup>5</sup> ã yoa Sila, Timoteo mehne Macedoniarɤ jiiina, Paulo cahapɤ sɤha. Tópɤ ti sɤri baharo Paulo sehe jipihtia dachoripe judio masare noano buhea tiha.

—Jesu, Cristo masare yɤhdohtiro mari cohtariro jira —ni yahua tiha.

<sup>6</sup> To ã ni buhepachɤta, judio masa sehe tirore tɤho duaeraha. ã jia tina ñano ni quiti dojomehneha tirore. Ti ã yoachɤ Paulo tinare to tuhtiboriro seheta, to suhti macaa mene cjã siteroca cɤha.

—Mɤsa ya buhiri pichacapɤ wahanahca. Cohamacɤ to dutiriro seheta mɤsare buhemahi yɤhɤ. Wiho mejeta mɤsa yɤhɤre tɤho duaerare. Mipɤre judio masa jieraina sehene buhei wahaihtja —niha Paulo judio masare.

<sup>7</sup> To ã niri baharo tiro tópɤ jiriro waha, Ticio Justo wama tiriro ya wɤhɤpɤ sɤha. Justo Cohamacɤre ño payoriro jiha. To ya wɤhɤ sehe judio masa buheri wɤhɤ cahai jiha. <sup>8</sup> ã jia Crispo wama tiriro buheri wɤhɤ pɤhtoro, to namono, ti pohna cɤhɤ Jesure wacɤ tuaina jiha. ã yoa paina Corinto macaina payɤ Cohamacɤ yare tɤho, Jesure wacɤ tuaha. Ti ã wacɤ tuaina jichɤ tinare bautisaha. <sup>9-10</sup> Cɤ ñami Cohamacɤ cahãnopɤ ò sehe ni yahuha Paulore:

—Mɤhɤ mehne jija. Ahri maca macaina yɤ yaina masa payɤ jira. ã jia paina masa mɤhɤre ñano yoa masierara. ã jicɤ cuiecɤ tjiga mɤhɤ. Wiho mejeta yɤ yare tuaro yahu namoga mɤhɤ. Yahu duhucɤ tjiga —ni yahuha Cohamacɤ Paulore.

<sup>11</sup> ã yoa cɤ cɤhma noano, pa cɤhma dacho maca waroi Paulo Corintopɤ ji, tó macainare Cohamacɤ yare buhea tiha.

<sup>12</sup> To ã buhero watoi Galiõ wama tiriro Acaya yahpa macaina pɤhtoro to jichɤ, judio masa jipihtina cãno potori Paulore yahusãa taa, tirore buhiri tiare cahnoina cahapɤ naaha tina.

<sup>13</sup> —Ahriro Paulo masare Cohamacɤre ño payo dutiro ahri yahpa macaa dutia sehene cohã dutiro nina —ni yahusãha judio masa buhiri tiare cahnoinare.

<sup>14</sup> Ti ã ni yahusãchɤ tɤhoro Paulo sehe tinare yahu duamaha. Wiho mejeta Galiõ sehe judio masare ò sehe ni yahuha:

—Ahriro sã Roma macaina ya dutiare yɤhdɤrɤcariro to jichɤ, mɤsare yɤhtiboa yɤhɤ.

<sup>15</sup> Wiho mejeta mɤsa judio masa ya dutia sehene ahriro yɤhdɤrɤcariro to jichɤ mɤsa basi ahrire cahnoga. Ahrire masieraja yɤhɤ mɤsa mehne —ni yahuha tiro judio masare.

<sup>16</sup> ã ninota tinare judio masa Paulore yahusãmarina cjirire to ya tahtiapɤ jiiinare cohã wioha tiro. <sup>17</sup> To ã cohã wiori baharo jipihtina tí wɤhɤi jiiina Sostenere judio masa buheri wɤhɤ pɤhtorore Jesu yairore ñaha, buhiri tiare cahnoina cahapɤ cjãha tirore. Ti ã cjãchɤ ñano Galiõ ã ñnocaha.

#### *Paulo Antioquíapɤ tjuua wahaha*

<sup>18</sup> ã yoa Paulo Corintoi yoari pja jiriro cjiro “Wahai nija”, ni coha sitiha tiro Jesu yainare. To ã niri baharo tiro Priscila, Aquila mehne Siria yahpapɤ pahãa taa niha. Ti pahãhto pano Cencrea wama tiri macapɤ sɤ, tópɤ jisinino Paulo Cohamacɤre “Ò sehe mɤhɤre yoabasaihtja”, to nirire yoa tuhsɤriropɤ jiha. ã jiro tó sehe yoaina judio masa ti yoarucuriro seheta to pjoarire wɤha pahño dutiha. <sup>19</sup> Tíre to yoari baharo tina Efeso wama tiri macapɤ pahã sɤ, Priscilare, Aquila cɤhɤre cɤ, judio masa ti buheri wɤhɤpɤ wahaha Paulo. Tí wɤhɤpɤ sɤ, Cohamacɤ yare yahuha. ã yahuro judio masa mehne sɤhɤduha. <sup>20</sup> To ã sɤhɤduri baharo tirore tina mehne tjua dutimaha.

—Tjuajeraja mɤsa mehne. <sup>21</sup> Wiho mejeta Cohamacɤ cahmachɤ, pari turi tjuua taihtja —niha tinare Paulo.

Ã ni tuhsu, Efesopu jiro cjiro pahãa wahaha tiro.

<sup>22</sup> Pahãa, Cesareapu pahã su, yuhdu wahcã, Jerusalẽpu suha. Tõpu su, tó macaina Jesu yainare “¿Ne jimajari musa?” ni, tinare ñu yuhdu Antioquiapu suha. <sup>23</sup> Tói mahaa dachoricã jiha. Tói jiro cjiro yuhduha. Galacia yahpai jia macaripu, Frigia yahpai jia macaripu pari turi su, tí macari macainare Jesu yainare buhero, Jesure wacũ tua namo wahchechu yoaha tiro.

#### *Apolo wama tiro Efesoi buheha*

<sup>24</sup> Tí pjare, judio masuno Apolo wama tiro, Alejandría macariro Efesopu suha. Tiro noano yahu mihniro jiha. Ã jiro tiro Cohamacu to joari cjirire noano masiha. <sup>25</sup> Pairo tirore Cohamacu yare yahu tuhsua tiha. Ã jiro tiro João masare bautisariro to buhea dihtare masiha. Ã jiparota tiro tuaro wahchea mehne Cohamacu yare noano buheha. <sup>26</sup> Ã jiro judio masa ti buheri wuhupu tiro cuiro marieno tinare buhe ducaha. To ã buhechu ti tuhori baharo Priscila, Aquila mehne tirore tina mehne naaha. Cohamacu yare to quihõno yahu pahõerachu ñua quihõno yahu pahõoha tina tirore. <sup>27-28</sup> Ã jia tiro Apolo sehe Acaya yahpupu to waha duachu Jesu yaina tirore “Noano wahaga”, ni joaa pũrine waha tirore. Tí pũri Acayapu jiina Jesu yainare Apolore noano piti boca dutia pũri jiha. Ã jiro Apolo tõpu sũro, tó macainare noano yoadohoha. Tó macaina Cohamacu cahã mehne Jesure wacũ tuaina jiha. Judio masare tí macai jinare õ sehe ni yahuha:

—Cohamacu to warocariro musa cohtariro jira Jesu. Cristo waro jira tiro —ni yahuha Apolo judio masare paina masa ti ñurocaroi.

Cohamacu yare ti joari cjiri mehne to noano quihõno yahuchu tuhoha tina “Potocã jierara”, ni masieraha.

## 19

#### *Paulo Efesopu wahaha*

<sup>1</sup> Corintõpu Apolo to jiro watoi, Paulo sehe tũyucupu mija yuhdu, Efesopu suha. Tõpu sũro cãina Jesu yainare bocaha. <sup>2</sup> Tinare boca sũro tiro tinare õ sehe ni sinitu ñua:

—¿Musa Jesure wacũ tuari baharo musa sehe Espĩritu Santore cjuu ducari? —ni sinitu ñua Paulo.

To ã nichu tuhoha tirore õ sehe ni yahuha tina:

—“Espĩritu Santo jira”, ni yahuerare sãre —ni yahuha tina.

<sup>3</sup> Ti ã ni yahuri baharo Paulo tinare õ sehe ni sinitu ñua tjoa:

—¿Noa ya buheare musa tuhori baharo bautisari musare? —niha tiro tjoa.

—João ya buheare sã tuhori baharo bautisahre sãre —ni yahuha tina.

<sup>4</sup> Ti ã nichu tuhoro õ sehe niha Paulo:

—Masa ti ñaa yoirire cahya, tíre ti duhuchu ñuno bautisaha João. Ã jiro to bautisari cjiri sehe ti ñaa yoirire ti duhurire masare ti ñohti cjihti jira. Wiho mejeta paye baro cũhure yahu namoha João. “Yu baharo tariro sehere wacũ tuaga musa”, ni yahuha tiro. Ã nino Jesure yahuro niha —ni yahuha Paulo tinare.

<sup>5</sup> To ã nichu ti tuhori baharo, Jesu wama mehne to tuua mehne bautisaha tinare. <sup>6</sup> Ã to bautisachu, Paulo tina cãina bui to wamomaca to duhu payochu, Espĩritu Santo sehe wihiha tinapure. To ã wihiri baharo tina sehe tuhohanoera duseri mehne durucu, Cohamacu yare yahuha. <sup>7</sup> Tina jipihtina doce mua jia jiboa.

<sup>8</sup> Baharo Paulo judio masa ti buheri wuhupu sãa, tia sũ waro cuiro marieno pũhoro Cohamacu to sũho jiare yahu, durucuha tina mehne. Tirore ti ã tuhori baharo “Ahri potocã jira”, niha tina. <sup>9</sup> Wiho mejeta paina sehe tuhohano duaeraha. Ã jia tina masa ti tuhoro noaa buheare ñano ni ñoha. Ti ã nichu tuhoro Paulo sehe Jesu yainare pji wijaa, pa sehẽpu wahaha. Waha, Tirano wama tiroro to buheri wuhupu dachoripe masare Cohamacu yare yahuha Paulo. <sup>10</sup> Pua cũhma waro buhea tiha tinare. To ã buhechu jipihtina Asia yahpa macaina judio masa, judio masa jieraina mehne mari pũhoro Jesu yare tuhoha. <sup>11</sup> Ã yoa Cohamacu tuua mehne Paulo masare ñu cãa yuhduachu yoa

barore yoa ñoha. <sup>12</sup> Masa sehe suhti cahsari Paulo to pjacure pihaa cahsari cjirire, ã yoa tirore pihaa suhti cãhure naa, dohatiinare pihoha masa. Tí suhtire dohatiinare ti pihochu noaa wahaha. ã jichu watia tinapure jirina cjiri wijaa wahaha, tí suhtire ti pihori baharo.

<sup>13</sup> Wiho mejeta paina judio masa, ã tinirucuina, watiare cohaina jiha. ã yoa puhtoro Jesu wama pisuro mehne watiare cohã duamaha. ã jia watiare õ sehe ni dutimaha tina:

—Paulo to yahuriro Jesu to wama mehne dutija musare. Wijaahga. Ahriro mehne pari turi jiena tjiga —nimaha tina watiare warocaa.

<sup>14</sup> Esceva wama tirore siete to pohna sehe ãta yoamaha. Esceva sehe judio masuno sacerdotea puhtoro jiha. <sup>15</sup> To pohna watinore ti wijaa dutiri baharo, watino sehe õ sehe niha tinare:

—Jesure masija. Paulo cãhure masija. ã masipacuta musa sehere masieraja —niha watino tinare.

<sup>16</sup> To ã nichuta watino to cohtotariro sehe tuaro mehne tinare ñaha muua wahaha. Tinare ñaha, ñaabiario yoa, yuhdurucanocaha. To ã yoachu Esceva pohna sehe suhti marieina, cami tiina mucoca wijaa wahaha tina tí wãhure. <sup>17</sup> Ti ã yoari baharo jipihtina Efeso macaina, judio masa, judio masa jieraina mehne tíre tuhõa, cui yuhduaha tina. ã jia puhtoro Jesu yare bujupero marieno durucuha masa sehe.

<sup>18</sup> ã yoa masa payu Jesure wacũ tuaina ti ñano yoari buhirire yahu yuhduaha taha. <sup>19</sup> Tina mehne macaina payu yaya puti siteina jiha. ã jia tina ti joaa tjurire yaya ti yoare yahua tjurire tãpũ na ta, masa ti ñurocaroi tí tjurire jũ cohãnocaha tina. Tí tjuri ti wapa tirire tina ti quihõchu, jipihtia tjuri cincuenta mil turi plata mehne ti yoaa turi posa waro wapa timaha tí tjuri. <sup>20</sup> ã jia Cohamacu yare cahmaina payu wahaha. Cohamacu tuua mehne to yaina wahaha.

<sup>21</sup> Ti ã wahari baharo Paulo õ sehe ni tuhõtuha: “Macedonia yahpapu su muhta, tí yahpare yuhduaha Acaya yahpare suihtja. Tí yahpare yu suri baharo Jerusalẽpu wahaihtja. Tí macare yu suri baharo Romapu wahaihtja”, ni tuhõtuha Paulo. <sup>22</sup> Pũaro tirore yoadohinare to pano waroca muhtaha Macedonia yahpapu. Timoteo, Erasto cãhu jiha tina. ã jiro Paulo sehe cãirota tjua nãnu tisiniha Asia yahpapu.

#### *Efeso masa sua, sañurucuha*

<sup>23</sup> Tí pjare Efeso Jesu yare paina cahmaeraa, Paulo cãhure payu masa tuhti, sañurucuha. <sup>24</sup> Cũiro platata dahrariro Demetrio wama tirore plata mehne cohamaco Artemisa wama tiricoro ya wãhu masuri yoariro jiha. ã jiro tiro paina plata dahraina mehne tí masurine dua, pjũro wapataha tina. <sup>25</sup> ã jiro Demetrio paina plata dahrinare pji cahmachu õ sehe ni yahua tinare:

—Tuhõga musa. Ahri dahraa mehne pjũro mari wapatarire masina musa. <sup>26</sup> Ahriro Paulo to yoarire to buheri cãhure masina musa. Õ sehe ni buhera tiro: “Cohamana masuri masa ti yoari catiina jierara”, ni yahua tire tiro. To ã nichu tuhõa payu Efeso macaina, jipihtiroi paina Asia yahpa macaina cãhu tí buheare “Potocã tjira”, nia tire. <sup>27</sup> ã nia mari dahraare masa ñano durucuhto cua yuhduara. ã yoa masa mari cohamaco Artemisa ya wãhure “Wiho jiri wãhu jira”, ni cohãboca. Ti ã cohãchu ticoro jipihtina Asia yahpa macaina, jipihtiri yahpa macaina ti ño payoricoro to jipachuta to tuua butiarõhca. ã jia masa baharõpu jiina ticorore masieraboca —niha Demetrio tinare.

<sup>28</sup> To ã nichu tuhõa tina sehe tuaro sua, sañurucuha:

—Artemisa Efeso macaina mari yacoro cohamaco tuaricoro jira —ni sañurucuha tina.

<sup>29</sup> ã jia Efeso macaina jipihtina sañurucu yuhduaha, tuhõ masia pihõa wahaha. ã wahaa, Gayore, Aristarco cãhure ñaha, masa ti cahmachunõpu tinare waja wahcãha. Gayo, Aristarco mehne Macedonia macaina jia, Paulo mehne tiniina jia tiha. <sup>30</sup> ã jia Paulore masa cahai to waha duachu, Jesu yaina sehe tirore waha dutieraha. <sup>31</sup> ã jia paina tí yahpa macaina puhtõa, Paulo mehne macaina jia, ti cahamacare yahu dutiha Paulore:

—Masa ti cahmachunõpu wahai tjiga —ni yahu dutiha puhtõa Paulore.

<sup>32</sup> Æ jia tói cahmachuina mehne macaina sehe payu “¿Dohseana tana mari cahmachuna nijari?” ni masieraha. Æ jia tina sañurucu namoha. Ahrie seheru jiina soro ni, sañurucuha. Paina cãhu soro ni sañurucuha. <sup>33</sup> Æ jia judio masa sehe Alejandro wama tiriore masare yahu dutimaha. Æ jiro Alejandro “Dihta mariaha”, nino to wamomaca mehne cjãtuha. “Ahrina sãre judio masare tuhtia nina”, ni tuhoturo judio masare ducata duaro, durucumaha. <sup>34</sup> Wiho mejeta tiro judio masano to jichu ñua masa jipihtina cãno potori puã hora waro sañurucuha:

—Artemisa, Efeso macaina mari yacoro cohamaco tuaricoro jira —ni sañurucuha tina.

<sup>35</sup> Ti ã ni sañurucuhu ñuno, Efeso macaina puhtoare yoadohoriro masare, “Dihta mariaha”, ni yahuha tinare.

—Musa Efeso macaina tuhoga. Efeso macaina tuaricoro cohamaco Artemisa ya wuhu cohtaina mari jichu jipihtia yahpari macaina masina. Æ jia manopu bora tari masare ñu wihboina mari jichu cãhure masina masa. <sup>36</sup> Æ jia paina “Ahri potocã jierara”, ni masierara. Æ jina suaena tjiga musa. Noano tuhotuga musa. <sup>37</sup> Ahrina musa ñaha taina mari cohamacore ñano ni durucuerare. Æ yoa tina cohamana wuhusepũre sãa, yacaerare. Æ jina noano yoaga musa. <sup>38</sup> Æ jia Demetrio, plata dahraina mehne ahrinare musa ñahainare yahusã duaa, buhiri tiare cahnoina sehere yahusãjaro tina. <sup>39</sup> Pari turi cahmachuna noano mehne cahmachuga. Musa yoariro sehe yoena tjiga. <sup>40</sup> Michare musa sua, sañurucurire mari puhtoã tuhoa, “Marine cohãa nica”, ni tuhotuahca tina. Æ jina musa ni sañurucurire tinare noano poto yahu masieraja mari —niha puhtoare yoadohoriro masare.

<sup>41</sup> Æ ni yahu tuhsu, “Tó puro tjira. Wahaga”, niha tiro masare.

## 20

*Macedonia yahparu* cãhure, Grecia yahparu cãhure Paulo suha

<sup>1</sup> Ti ã wahari baharo, Paulo sehe Jesu yainare pji cahmachu yahu quihõha. Yahu quihõ tuhsu, tinare wahchechu yoa, tinare coha sitiha. Coha siti tuhsu, Macedonia yahparu wahaa wahaha. <sup>2</sup> Tõpu su buhe, tí yahpai jia macari macainare Jesu yainare wahchechu yoaha tiro. Tinare buhe tuhsu, Grecia yahparu suha tiro. <sup>3</sup> Tói tiro tia sũ waro jiha. Tói jirucuma, Siria yahparu pahãa waha duamaha. Wiho mejeta judio masa cohtamaha tiriore ñaha duaa. Æ jiro Paulo pa maharu, Macedoniaru wahari maharu mananoputa majare tjuaa wahaha tjoa.

<sup>4</sup> Æ waharo Asiaputa suha. Tói Berea macariro Sõpatro wama tiriore Pirro macano Paulore piti ti wahcãha. Æ yoa Tesalõnica macaina Aristarco, Segundo cãhu tiriore piti ti wahcãha. Tuhsu, Derbe macariro Gayo wama tiriore Timoteo cãhu tiro mehne wahaha. Asia macaina Tiquico, Trõfimo cãhu Asiaputa tiriore piti ti wahcãha. <sup>5</sup> Tiro mehne macaina to pano waha, Trõade wama tiri macaru tiriore cohtari jire. <sup>6</sup> Ti ã cohtachu bucuaerari pãore ti chuã bõse numari baharo sã sehe Filipoi jiina dohoria mehne waha, cinco dachori pahã, Trõadepu sã tinare mu sui. Siete dachori waro jii tõpũre.

*Trõadepu* Paulo tinino wahaha

<sup>7</sup> Domingo jichu Jesu yaina cahmachu pãore duhu payore Santa Cena yoaa taa. Ti ã yoahito pano Paulo tinare buhere. Æ yoaro Paulo pa dachoi wahahtiro jiro yoari pja tiro buhere. Ñami dacho macaru buhe duhuro taro nimare. <sup>8</sup> Æ jina manano macari tahtiai payu poca sihãa poca jiri tahtiai cahmachui sã. <sup>9</sup> Paulore to tuhoru watoi, cãiro wahmano Eutico wama tiriore mahari sopaca चाहai muja pja dujire. Duji, Paulo tinare yoari pja to buhe namochu wahmanore wujo tare. Wujo ta, tiro carĩ muã, tia casario buipũ dujiriore majare bõraa wahare. Bõraa waha, yaria yuhduã wahare. To yariari baharo tina tiriore yariariore cjiropũre na wahcõ dapore. <sup>10</sup> Ti ã yoachu ñuno Paulo dujia, wahmanore cjã suhsure. To ã yoari baharo Jesu yainare õ sehe ni yahure tiro:

—Yajeripohna ñaena tjiga. Yariarara ahriro. Catira —nire Paulo sehe.

<sup>11-12</sup> To ã nichu wahmuno yariariro cjiro masaa wahare. To ã masachu ñua tina wahche yuhduare. Æ wahchea muno macari tahtiaru mija, paore duhu payore Santa Cena yoaa taa. Ti ã yoari baharo yoari pja Paulo tinare buhe namore tjoa. Pu bohreahto panocaru tinare buhe duhure. To buhe tuhsuchu waha wahai sa.

*Paulo Tróadepu* jiro waha, Miletoru suha

<sup>13</sup> Paulo pano dohoria mehne Asoru sa sehe su muhtai. Paulo sehe maharu waha duare. Paulo to niriro seheta Asoru tirore sa piti bocai. <sup>14</sup> Tirore sa piti bocachu, sa mehne tiro samure dohoriaru. Tia mehne waha, Mitileneru sa sui. <sup>15</sup> Torure su yuhdua pa dachoi Quio wama tiri nurore yuhduai sa. Pa dachoi Samoru sui sa. Pa numu sehere Miletoru sui sa. <sup>16</sup> Paulo Pentecoste dacho waroi Jerusaleru su duare. Æ jiro Asia yahparu yoari pja ji duaerare. Æ jiro Efesore poto yuhdua, Miletoru wahai sui sa.

*Paulo Efeso macainare Jesu yainare puhtoare* yahuha

<sup>17</sup> Æ jiro Paulo Miletoru jiro, Efeso macainare Jesu yaina puhtoare pjirocare tiro. <sup>18</sup> Æ to pjirocari baharo tina Paulo caharu wihire. Ti wihichu ñno tinare Paulo o sehe ni yahure:

—Asiaru coa wihicu musa mehne yu yoarire masina musa. <sup>19</sup> Musa mehne jicu ne soro nino marieno Jesu, mari puhtoro yare yoaa tii yuhu. Æ yoacu musare pja ñui. “Musare yuhdurucaja”, nierahi yuhu. Judio masa yuhure ñano ti yoapachuta Cohamacu yare yoaa tii yuhu. <sup>20</sup> Musa noano wahahtore cahmacu musare buhe pahonocai yuhu. Masa ti ñurocaroi, ã yoa musa wuhuseru cuhure buhei yuhu. <sup>21</sup> Æ yoa judio masare, judio masa jieraina cuhure cno potori buhei yuhu. “Musa ñaa yoari buhiri tiare masi, Cohamacu mehne tjuaahga. Æ yoa Jesu mari puhtoro wacu tuaga”, ni yahui yuhu. <sup>22</sup> Æ yoa mipure Espiritu Santo to dutiriro seheta Jerusaleru wahai nija. Yuhu toru wahacu yu dohse wahahtore masieraja yuhu. <sup>23</sup> Espiritu Santo to yahuri dihtare masija. O sehe nihre Espiritu Santo yuhure: “Nohoi mu sua macariperu mhu ñano yuhduihca. Æ jia mhu peresu yoaaahca”, nihre Espiritu Santo yuhure. <sup>24</sup> To ã nipachuta noaa buheare, Cohamacu masare to cahia buheare yahuhtiro cjihto jija. Jesu mari puhtoro to yoa dutirire yoa pahno duaja. Ahrire yoariro jicu, yu yariahtore cuieraja yuhu.

<sup>25</sup> Musa mehne jicu puhtoro Cohamacu to suho jiare yahua tii yuhu musare. Mipure ne musare pari turi ñusi yuhu. Ahrire masija yuhu. <sup>26-27</sup> Æ masicu michare ahrire yahui musare. Jipihtia Cohamacu yare yahui yuhu musare. Æ jiro jipihtina musa mehne macaina Cohamacu yare cahmaeraina ti jichu ya buhiri jierara. <sup>28-29</sup> Musa basi noano yoaga. Æ jina Jesu yainare Espiritu Santo musare to ñu wihbo dutiinare ñu wihboga. Ovejare ñu wihboga ovejare ti ñu wihboro seheta Jesu yaina cuhure ñu wihboga musa. Cohamacu macno to yariaro to di cohano mehne Cohamacu tinare to yaina cjihti yoare. Yu ore wahari baharo paina ñaina sehe yairo ovejare to chu cohano seheta Jesu yare musa yoaborire dojomehneahca. Æ jina Jesu yainare noano ñu wihboga. <sup>30</sup> Baharopure paina musa mehne macaina sehe Jesu yainare mahno, paye buheare tuho dutiahca. Ti ã dutichu tina tuhohto cua yuhduara. <sup>31</sup> Æ jina noano yoaga musa. Tia cuhma waro dachoripe, ñaminipe pja ñua mehne buhei yuhu musa jipihtinare. Tíre noano wacuga musa.

<sup>32</sup> Mipure yu wahari baharo, Cohamacu musare ñu wihborohca. Masare to cahia buheare musa basi cahma buhena, noano jinahca musa. Cohamacu to buhea mehne musare wacu tua namochu yoarohca. Baharopure to yainare “Noano yoaitja”, to niriro seheta musa cuhure noano yoarohca. <sup>33</sup> Musa niñerure, musa suhti cuhure “Yuhure waga”, nierahi musare. <sup>34</sup> Yu basi dahra wapatai yu ya cjihtire. Æ yoa yu cahmaare, yuhu mehne macaina ti cahma cuhure yu dahraa wapatai mehne nahi. Yu ã yoarire masina musa. <sup>35</sup> Mari o sehe tuaro dahrana paye baro cjaerainare yoadohoro cahmana marine. Ahrire musare yoa ñoi yuhu. Jesu mari puhtoro to niri cjiire wacuga musa. “To wachu ñahariro yuhdoro wariro sehe wahchera”, niri jire Jesu to basi —ni yahure Paulo Jesu yainare.

<sup>36</sup> Æ ni batoa Paulo tina mehne na tuhcuca caha sũ, Cohamacure sinire. <sup>37</sup> To Æ sini batoachũ tina jipihtina Paulore cjã suhsu, wahsupu wihmi, tiihre. <sup>38</sup> “Mũsare pari turi ñũsi yũhũ”, pano to nichũ tũhoa tuaro cahyare tina. Æ jia tirore tju nũnũ ti buhare pu pitamaharũ. Tópu sãre ñũ nũnũ tire sã wahachũ.

## 21

### *Paulo Jerusalẽpu pari turi wahaha*

<sup>1</sup> Jesu yainare “Wahana nija” ni, dohoria mehne Cos wama tiri nũcorũ poto waha, pahã sũi sã. Pa dachorũ Roda wama tiri nũcorũ pahã sũ, yũhdũa, Pátara wama tiri macarũ sũi sã. <sup>2</sup> Pátarai jina, Feniciarũ wahahtiare, dohoriare bocai sã. Æ jina tia mehne wahai sã. <sup>3</sup> Æ wahana Chipre wama tiri nũcore poto ñũ yũhdũai sã. Cõ bũhũsehe sehe jire tí nũco. Tí nũcore yũhdũa, Siria wama tiri yahparũ sũi sã. Æ jina dohoria macaa pachere dohoria macariro Tiro wama tiri macai to dure mochũ, tói pahsasini. <sup>4</sup> Tói Jesu yainare ñũna, siete dachori waro tjuasinii sã tí macai. Æ jia tó macaina Jesu yainare Espíritu Santo to yahuriro seheta tina Paulore Jerusalẽpu waha dutieramare. <sup>5</sup> Ti Æ nipachũta tí macare siete dachori sã jiri baharo, wahai sã. Sã wahahto panocã jipihtina Jesu yaina, ti namosãnumia mehne, ti pohna mehne, tí maca dũhtũ cahai sãre ñũ tjuua wahare. Æ jina jipihtina sã padũroi sũ, na tuhcuca caha sũ Cohamacure sinii. <sup>6</sup> Sã Æ siniri baharo, “Wahana nija” ni, tinare cjã suhsu batoa, wahai sã. Sã wahachũ ñũ nũnũ ti, tina sehe majare majaa wahare ti ya wũhũsepũ.

<sup>7</sup> Tiro wama tiri macai jiina wahana Tolemaidarũ wahã sũi sã. Tóihã pjiri mare waha batoai sã. Tí macai sũ, Jesu yainare “Coyea, ¿jimajari?” ni, cũ dacho sã tina mehne jisini. <sup>8</sup> Æ yoa pa dachoi tjoa Cesarea wama tiri macarũ sũi sã. Tópu sũ, noaa buheare yahuriro Felipe wama tiriro ya wũhũpũ sũi. Æ jina tiro mehne tjuai sã. Felipe Jesu yaina ti siete beseina mehne macariro jire. <sup>9</sup> Tuhsũ, tiro pititiaro numia pũcũro jire. Tí numia sehe Cohamacũ yare yahua numia jire. Nuhmia jire. <sup>10</sup> Tópu sã mahaa dachoricã sã jiri baharo, Agabo wama tiriro Cohamacũ yare yahu turiariro Judearũ jiriro sãre ñũno wihire. <sup>11</sup> Æ wihiro tiro Paulo ya dare tũã dihari dare na, to basi to dahporire, to wamomacarine dũhte cayõ õ sehe ni yahure:

—Õ sehe nire Espíritu Santo: “Ahri dare cjũariro Jerusalẽpu to sũchũ, judio masa ãta dũhteahca tirore. Dũhte tuhsũ, judio masa jierainare waahca tina tirore”, nire Espíritu Santo —ni yahure Agabo.

<sup>12</sup> To Æ nichũ tũhona, sã Cesarea macaina mehne Paulore tuaro cahĩi sã. Tirore Jerusalẽpu waha dutieramai. <sup>13</sup> Sã Æ nichũ Paulo sehe õ sehe ni yũhtire:

—¿Dohse ni tiina nijari mũsa? Yũhũ sehẽ cahyachũ yoaca mũsa. Tina yũhũre peresu ti yoachũ noanohca. Yũhũ Jerusalẽpu Jesu mari pũhtoro yare yũ yoari buhiri yũ yariachũ noanohca —nire Paulo sãre.

<sup>14</sup> “Wahaeraja”, to nichũ tũho duana nimai sã. To “Wahaihtja” to nichũ, Æ tũhotunoc-ahi sã. Õ sehe nii:

—Mari pũhtoro to cahmano seheta yoajaro —nii sã.

<sup>15</sup> Tíre sũhũdu batoa, sã yare cahno, wahaa wahai sã Jerusalẽpu wahana. <sup>16</sup> Tópu sã wahachũ mahainacã Cesarea macaina Jesu yaina sehe sã mehne wahare. Æ yoa tina mehne macariro Chipre macariro Mnasõ wama tiriro ya wũhũpũ sũi sã. Tiro yoari pja Jesu buheriro jire. Æ jiro to ya wũhũ sã carĩhti wũhũ jire. Tí wũhũi sã carĩni baharo, Jerusalẽpu sũi sã.

### *Paulo Santiagore ñũno wahaha*

<sup>17</sup> Jerusalẽpu sã sũchũ, tó macaina Jesu yaina sehe “¿Wihimajari?” ni, wahchea mehne piti bocare sãre. <sup>18</sup> Pa nũmũi Paulo sã mehne Santiagore ñũno sũre. Sã tópu sũchũ tói jipihtina Jesu yaina pũhtoã jire. <sup>19</sup> Tói ti jichũ ñũno Paulo tinare to wamomaca ñahari baharo judio masa jierainare to buherire yahu pahñore Jesu yainare. Cohamacũ to

yoadohoa mehne to yoirire yahu pahñore. <sup>20</sup>To ã ni yahuchũ tũhoa, “Cohamacũ noariro, tuariro jira”, ni ño payore tina sehe. ã ni tuhsũ tina Paulore ò sehe ni yahure:

—Coyeiro, mipũre payũ judio masa Jesure wacũ tuaina jira. Tíre masina mũhũ. ã jia tina ò sehe ni tũhotura: “Cohamacũ to dutiare, Moise cjiropũ marine to cũrire marine yoa pahñono cahmana”, nia nina. <sup>21</sup>Ò sehe ni namona tina. “Pa sehepũ jiinare judio masa jieraina watoi jiinare judio masare Cohamacũ Moise cjirore to cũri cjiire cohã dutiha Paulo”, nimare ò macaina judio masa mũhũre. “Paulo judio masa pohmare mahari cahsarocãre yihso na dutierara”, nimare mũhũre tina. “Judio masa ti yoa tiare Paulo duhu dutira”, ni ahri cũhũre ni yahuwajara mũhũre. <sup>22</sup>ã jia mũ òre wihichũ tũhoa tina cahmachuahca mũhũre tuhtia taa. ã jicũ ò sehe yoaro cahmana mũhũre. <sup>23</sup>Mũhũre sã dutiro seheta yoaga. Mipũre òre pititiaro mũa Cohamacũre wacũina “Ò sehe yoanahtja”, niina jira. <sup>24</sup>Tina mehne wahaga. ã jia Cohamacũ Moise cjirore to dutiriro seheta ti basi Cohamacũ yare yoa taa ti dutiare yũhdũrucaare cosaa nina. Mũhũ cũhũ ãta yoaga. ã yoacũ ti ã yoahiti wapare wapaga mũhũ sehe. Mũ ã wapari baharo ti pjoarire wũha duti masina tina. Mũ ã yoachũ ñũa masa mũhũre ti nia mahñori jichũ masiahca jipihtina. Cohamacũ Moise cjirore to cũri dutiare yoiriro mũ jichũ masiahca tina. <sup>25</sup>Wiho mejeta judio masa jieraina Jesu yaina sehere sã joari pũre waroca tuhsũi. Ò sehe ni, joai sã. “Cohamacũ jira”, ti nia masũrine ño payo ti duhu payoa chũare, dire, wamũa ti ñaha wajãinare wahiquinare chũena tjiga mũsa. ã jina numia mehne ñano yoaena tjiga. Numia cũhũ mũa mehne ñano yoaena tjiga”, ni yahu joahi sã joari pũpũre —nire tina Paulore.

*Cohamacũ wũhũpũ judio masa Paulore ñahaha*

<sup>26</sup>Ti ã ni durucuri baharo pa dacho Paulo sehe pititiaro mũa mehne ti basi Cohamacũ yare yoa taa ti dutiare yũhdũrucaare cosaa taa, Cohamacũ wũhũpũ sãa wahaha. Tí wũhũpũ sãa sũro, tinare yahuha Paulo: “Òpe dachori dũhsara mũsa cosahto”, ni yahuha tiro pititiarore. ã jia ti cosa batoari dachoi tina cãina Cohamacũre wahiquinare ti wahti dacho jire.

<sup>27</sup>ã yoa ti cosa pahñoboriro mahanocã dũhsachũ waro Cohamacũ wũhũpũ Paulo to jichũ Asia yahpa macaina judio masa sehe ñũha tirore. ã ñũa Paulore quiti dojomehne, tí wũhũpũ jiina jipihtinare tiro mehne suachũ yoaha tina. ã suaa judio masa Paulore ñaha, <sup>28</sup>ò sehe ni sañurucuha:

—Mũsa sã coyera Israe masa sãre yoadohona taga. Ahriro jira marine dojomehneriro. Ahriro Cohamacũ Moise cjirore to cũri dutiare ahri wũhũ cũhũre “Wiho jia jira”, ni buhe sito tara jipihtinare. ã yoa tiro Cohamacũ wũhũpũre judio masa jieraina cũhũre na sãare. ã yoaro ahri wũhũre ñaa marieni wũhũre tiro dojomehnere —ni sañurucuha judio masa Asia yahpa macaina tó macainare.

<sup>29</sup>Tó pano Jerusalēi Paulo Tróximo wama tiro mehne to jichũ judio masa ñũa tiha. Tróximo sehe Efeso macariro judio masũno jierariro jire. To ã jichũ masia ò sehe ni tũhotuha tina: “Paulo Tróximore Cohamacũ wũhũre na sãano nica”, ni tũhotumaha judio masa.

<sup>30</sup>Masare ã ni yahu ti sañurucuri baharo tí maca macaina payũ tuaro suaha. Payũ mũroca ta, Cohamacũ wũhũi jirirore Paulore ñaha waja wijaa wahaha. ã wijaa tuhsũ, tí wũhũ sopacarire bihaha tina. <sup>31</sup>ã yoa tina tirore wajãa taa nimaha. Ti ã yoachũ ñũa paina sehe “Jipihtina Jerusalē macaina sua, sañurucua nire”, ni yahua wahaha surara pũhtoro. <sup>32</sup>Ti ã nichũ tũhoro surara pũhtoro sehe to surarare, ti dutiina cũhũre cahmachuroca, tina mehne Paulore wajã duaina cahapũ mũroca wahcã, sũha. Surara ti sũchũ ñũa Paulore cjãmaina cjã duhunocaha. <sup>33</sup>ã jiro surara pũhtoro Paulo cahapũ sũ, tirore ñaha, pũa da comaa dari mehne tirore dũhte dutiha. Ti dũhte tuhsũchũ ñũ, surara pũhtoro Paulore cjãmainare sinitu ñũha:

—¿Diro baro jijari ahriro? ¿Yaba buhiri tirore ã yoari mũsa? —ni sinitu ñũha tiro tinare.

<sup>34</sup> To ã sinituchu tuhoa masa sehe “Õ sehe yoare tiro” ni, paina cûhu soro ni sañurucu, yahuha surara puhtore. ã ni ti sañurucuchu surara puhtoro noano tuhoeraha. ã jiro tiro surara ya wuhuru Paulore naa dutiha. <sup>35</sup> Tí wuhuru su, Paulo mujari escadai to mujano cahachu masa sehe tirore cã dua nimaha. Ti ã yoachu surara sehe tirore na wua, na mujaa wahaha. <sup>36</sup> Masa tinare payu nunu ti, sañu nunu tihaa:

—Tirore wajãnocahga —ni sañurucuha tina Paulore.

*Paulo “Ne masare ñano yoeraja yuhu”, ni yahuha*

<sup>37</sup> ã yoa Paulore tí wuhuru ti peresu yoalto pano, Paulo sehe surara puhtore õ sehe ni siniha:

—Yuhu muhu mehne sũdu dua —ni siniha Paulo.

—¿Muhu griego masa yare durucujari? <sup>38</sup> ¿Sohõ jiro, Egipto macariro jierajari muhu? Tiro masare ti puhtoare cohã dutiro, cuatro mil puhtoare cohã duaina sehere masa marienoru naari jire. ¿Tiro jierajari muhu? —niha surara puhtoro Paulore.

<sup>39</sup> To ã nichu tuhoro Paulo õ sehe ni yuhtiha:

—Tiro jieraja yuhu. Judio masũno jija. Tarsoi Cilicia yahpai jiri macai masa bajuai yuhu. Wiho jiri maca macariro jieraja yuhu. Yuhu ahriha masa mehne durucu dua yuhu —niha Paulo tirore.

<sup>40</sup> To ã nichu tuhoro surara puhtoro sehe tirore durucu dutiha masa mehne. ã jiro Paulo mujari escadai ducuro to wamomacari mehne “Dihta mariaha”, niha masare. To ã yoachu ñua, dihta mariea pihtia wahaha. Ti dihta marieachu ñu, Paulo judio masa ya mehne yahuha tinare.

## 22

<sup>1</sup> —Yu coyea, yu yoarire yahuitja musare. Yu yahuchu tuhoga musa —niha Paulo.

<sup>2</sup> To ã nichu Paulo judio masa ya mehne to durucuchu tuhoa masa sehe dihta marieina tjuaha. ã jiro Paulo tinare õ sehe ni yahuha:

<sup>3</sup> —Yuhu judio masũnota jija. Tarso wama tiri macai, Cilicia yahpai jiri macai masa bajuai yuhu. Wiho mejeta ahri maca Jerusalũhta bucua yuhu. Tuhsu, yuhure Gamalie wama tiri buhea tire. ã jicu yuhu mari ñuchusuma cjiri dutiare noano buhei. Mipure Cohamacure musa yoaro sehetu yuhu cûhu ño payoa timai. <sup>4</sup> ã jicu Jesu yainare ñano yoaa ticuru yuhu. Cãina tinare wajãa ticuru yuhu. Mũare, numia cûhure ñaha, peresu yoaa tii yuhu. <sup>5</sup> Sacerdotea bui puhtoro, judio masa bucuna mehne yu tuahti pũri cjihtire Jesu yainare ñaha dutia pũrine yuhure joabasare. Mari coyeare Damasco macainare tí pũrine ñoi tai nimai Jesu yainare ñahai tai. Tinare ñaha, na ta peresu yoai tai nimai. Jerusalũru tinare na ta duamai buhiri dahrei tai. Õ sehe yu nichu sacerdotea bui puhtoro, judio masa bucuna cûhu noano masina —ni yahuha Paulo.

*Paulo Jesu yairo to waha dũcarire yahuha*

*(Hch 9.1-19; 26.12-18)*

<sup>6</sup> ã ni tuhsu õ sehe ni yahu namoha:

—ã yoa cohari pja jichu, Damascoru yu sui cahachu waro mũanoru wacũenoca si siteroca boroa tire yuhure. <sup>7</sup> To ã si siteroca borochuta yuhu yahrapu bora caha sui yuhu. Yu bora caha sũri baharo durucuro coa tare yuhure. “Saulo, Saulo ¿dohseacu yuhure ñano yoajari?” ni durucuro coa tare yuhure. <sup>8</sup> “Puhtoro, ¿diro baro jijari muhu?” ni sinitui yuhu. “Yuhu Jesu Nazare macariro, mũ ñano yoariro jija yuhu”, ni yuhtire yuhure tiro. <sup>9</sup> Yu ã wahachu yuhu mehne macaina buhriarore ñure. Wiho mejeta yuhu mehne to durucuchu tuhoerare tina. <sup>10</sup> “Puhtoro, ¿dohse yoahcari yuhu?” ni sinitui Jesure. “Wahcãrucaga. Damascoru wahaga. Tói mũ wahachu, mũhure jipihtia yu yoa dutihtire paio yahurohca mũhure”, nire tiro yuhure. <sup>11</sup> Tuaro to minoa siterocachu, yu capari waroa wahare yuhure. ã jia, yuhu mehne macaina yu wamomacare ñaha, Damascoru tuã wahcãre yuhure.



<sup>12</sup> 'Tóí Anania wama tiro, Cohamacure ño payoriro, marine Cohamacu dutiare yoa pahñoriro jire. Tó macaina judio masa jipihtina ti ño payoriro jire. <sup>13</sup> Ñ jiro tiro yu cahai wihi taruca yuhure yahure. "Coyeiro Saulo, ñuga pari turi tjoa", nire tiro. To ñ niri baharo pari turi ñui yuhu. Ñ ñu ducacu tirore ñui yuhu. <sup>14</sup> Yu ñ ñuchu tiro Anania yuhure yahure: "Cohamacu to cahmaare noano masihtirore panopu bese tuhsuyuhti muhure. Ñ jiro 'Yu macu noaritore ñu, tuhohca', ni yahuyuhti muhure Cohamacu panopu. Tiro jira mari ñuchusuma muna ti ño payoriro. <sup>15</sup> Ñ jicu muhu mu ñurire, mu tuhore yahuihca muhu jipihtinare. <sup>16</sup> Ñ jina mipure yoari pja jiena tjijihna. Wahcārucaga. Ñ jicu bautisariro jiga. Jesure mu sinichu mu ñaare yoari buhirire cohānohca", nire yuhure tiro —niha Paulo.

*Paulo judio masa jierainare to buherire yahuha*

<sup>17</sup> Ñ ni tuhsu Paulo ñ sehe ni yahu namoha:

—Ñ yoa tuhsu yuhu Jerusalēpu tjua ta, Cohamacu wuhupu Cohamacure sinii sui. <sup>18</sup> Yu tóí jichu Jesu yuhure bajua tire. Ñ bajuaro yuhure yahure. "Jerusalē macaina yu yare mu yahuchu tuho duaerara. Ñ jicu cjero pa seheru wahaga", nire Jesu yuhure. <sup>19</sup> To ñ nichu tuhocu yahui tirore: "Puhtoro, mu yainare judio masa buhea wuhusei jinare yu ñaha, cjāri cjirire masina Jerusalē macaina. <sup>20</sup> Ñ jicu muhure yahurire Estebā sehere ti wajāchu ñacu 'Noano yoa wajāna', nimai. Tirore ti wajāchu ti suhtire cjuabasai yuhu. Tí cūhure masina ahri maca macaina. Ñ jia yu yahuchu tuhoboca yuhure", ni yahui yuhu Jesure. <sup>21</sup> Yu ñ nichu tuhoro Jesu yuhure ñ sehe ni yahure: "Yoaropu judio masa jierainare buhehtirore warocaihtja muhure. Ñ jicu wahaga muhu", nire yuhure yu puhtoro —niha Paulo masare.

*Surara puhtoro Paulo mehne durucuha*

<sup>22</sup> To yahu muhtari dihtare noano tuhomaha masa. Wiho mejeta judio masa jieraina cahai Jesu Paulore to warocaitire to yahuchu tuhoa tina sañurucu ducaha tjoa:

—Ahriro mipu pinihtare yariawahnojaro —ni sañurucuha tina.

<sup>23</sup> Ñ jia tina sañurucu namo, sua mehne ti suhtire wahba siteruca, dihta mehne docaha. <sup>24</sup> Surara puhtoro surara ya wuhupu Paulore na sãa dutiha to surarare. Ñ jiro surara puhtoro "¿Dohse yoa Paulo mehne sua ñ ñaca sañurucua nijari masa?" ni sinitu duamaha. Paulore tíre sinituro taro, yuta dari mehne tjana dutimaha tirore. <sup>25</sup> Wiho mejeta tirore ti dūhteri baharo, tiro cahai jirirore surara puhtoro ñ sehe ni yahuha Paulo:

—Yuhu Roma macariro jija. Ñ jina "Ñnano yoariro jira ahriro", yuhure ni yahusã masierara musa. Ñ yahusã masierana yuta dari mehne yuhure tjana masierara musa —niha Paulo tirore.

<sup>26</sup> To ñ nichu tuhoro surara puhtoro, to bui puhtoro ñ sehe ni yahuro wahaha:

—Ahriro Roma macariro jira. Ñ jicu noano yoaga tirore —ni yahuha tiro to puhtoro.

<sup>27</sup> To ñ niri baharo surara bui puhtoro sehe Paulore sinituro wahaha:

—¿Potocāta muhu Roma macariro jijari? Yahuga yuhure tíre —niha tiro.

—Tiro tjija yuhu —ni yuhtiha Paulo.

<sup>28</sup> To ñ nichu tuhoro surara bui puhtoro sehe tirore ñ sehe ni yahuha:

—Yuhu Roma macariro ji duacu niñeru pjíro wapai —niha tiro.

—Yuhu Roma yahpa macari macapu masa bajuai. Ñ jicu Roma macariro jija —niha Paulo.

<sup>29</sup> To ñ nichu tuhoa tirore tjanaborina wahaa wahaha.

Ñ jiro Paulo Roma macariro to jiriro jichu masino, tirore comaa dari mehne ti dūhteri cjirire wacūno, cui niha surara puhtoro sehe.

*Paulo judio masa puhtoro yahuha*

<sup>30</sup> Ñ yoa surara puhtoro judio masa Paulore ti yahusãire noano masi duaha. Ñ masi duaro pa dachopu comaa darire tirore to pjā dutiri baharo, sacerdotea puhtoare, judio

masa bꝛcꝛna mehne cahmachu dutiha surara pꝛhtoro. To ã cahmachu dutiri baharo tiro tóꝛꝛ Paulore na wahcã, ti pano duhu dapoha tireore.

## 23

<sup>1</sup> ã jiro Paulo judio masa bꝛcꝛnare ñꝛ piti boca, õ sehe ni yahuha:

—Coyea, Cohamacꝛ to ñꝛrocaroi jipihtia dachoripe noano yoarucuja yꝛꝛꝛ —niha Paulo.

<sup>2</sup> To ã nichꝛ tꝛhoro jipihtina sacerdotea bui pꝛhtoro jiro Anania sehe Paulo dꝛserore cjã dutiha. <sup>3</sup> To cahai ducuinare cjã dutiha. Tireore ti cjãri baharo Paulo Ananiare tuhtia:

—Masa ti ñꝛrocaro dihtare noano yoiro jira mꝛꝛꝛ. Masa ti baharo bꝛꝛꝛsehei ñano yoa cohtariro jira mꝛꝛꝛ. “Cohamacꝛ dutiare yꝛꝛdꝛꝛꝛcaí nina”, yꝛꝛꝛe nipaihta yꝛꝛꝛe cjã dutira mꝛꝛꝛ. ã cjã duticꝛ mꝛꝛꝛ sehe dutiare yꝛꝛdꝛꝛꝛcaí nica —niha Paulo tireore.

<sup>4</sup> To ã nichꝛ tꝛhoá Paulo cahai ducuína õ sehe niha tireore:

—Cohamacꝛ to beseriro sacerdotea bui pꝛhtoro ñano durucuí tjiga mꝛꝛꝛ —niha tina Paulore.

<sup>5</sup> Ti ã nichꝛ tꝛhoro Paulo õ sehe ni namoha tjoa:

—Coyea, tiro to sacerdotea bui pꝛhtoro to jiare masierahi yꝛꝛꝛ. ã jii ã nimacanocati yꝛꝛꝛ. Cohamacꝛ yare ti joari cjiri õ sehe ni yahura tireore: “Mꝛꝛ ya maca macaina pꝛhtoro ñano ni, durucuí tjiga”, ni joaa tiha —niha Paulo tinare pjãno.

<sup>6</sup> ã yoa tóí ꝛꝛa curua macaina jiha. Cꝛ curua saduceo curua macaina jiha. Pa curua sehe fariseo curua macaina jiha. ꝛꝛa curua ti jichꝛ masino, Paulo judio masa bꝛcꝛnare tuaro sañurucu õ sehe ni yahuha:

—Coyea, yꝛꝛꝛ fariseo curua macariro jija. Fariseo curua macariro macꝛno tjija yꝛꝛꝛ cꝛꝛꝛ. “Yariaina masa mꝛꝛꝛaahca”, yꝛꝛ ã niri buhiri yꝛꝛꝛe ñano yoa duara mꝛꝛa —niha Paulo.

<sup>7</sup> To ã nichꝛ tꝛhoá fariseo curua macaina, saduceo curua macaina ti basi cahma tuhtia. ã jia ti basi ꝛꝛa curua tju waha. <sup>8</sup> Saduceo curua macaina õ sehe niina jiha: “Yariaina masa mꝛꝛꝛasi. Espiritua, anjoa cꝛꝛꝛ ne mariahna”, niina jiha. Wiho mejeta fariseo curua macaina sehe tina yoaro sehe nieraha. ã jia Paulo “Yariaina masa mꝛꝛꝛaahca” to nichꝛ tina ti basi cahma tuhtia. <sup>9</sup> ã cahma tuhtia, tuaro sañurucuha. ã yoa fariseo curua mehne macaina judio masa buheina wahcãꝛꝛca, tuhti, õ sehe ni yahuha:

—Ahroro Paulo ñano yoerare. ã jiro espíritu o anjo, potocã tiro mehne durucuroro jiboca. [ã jina ahroro buhiri dahrena, Cohamacꝛe ñꝛ tuhtiina jiboca mari. ã yoina jiena tjiga mꝛꝛa] —niha tina.

<sup>10</sup> Ti ã niri baharo, tina jipihtina cahma tuhti, tuaro suaha. “Ti basi cahma sua sayo, tireore wajãboca”, ni cuisãaha surara pꝛhtoro sehe. ã jiro Paulore, masa watoi ducuroro na wio, to ya wꝛꝛꝛꝛ na ta dutiro warocaha to surarare.

<sup>11</sup> Pa ñamili pꝛhtoro Jesu Paulo cahai ducuro, õ sehe ni yahuha tireore:

—Wacꝛ tuaga. Mipꝛe õre Jerusalẽi yꝛꝛ ya buheare yahure mꝛꝛꝛ. Tó seheta Romapꝛ cꝛꝛꝛe yahui wahaihca mꝛꝛꝛ —niha pꝛhtoro Jesu Paulore.

### *Judio masa Paulore wajã duamaha*

<sup>12-13</sup> Pa dacho bohreoro judio masa cahmachu, ti basi õ sehe ni cahma durucuha:

—Õ sehe yoajihna. Paulore wajãjihna. Cohamacꝛe õ sehe ni yahu cꝛꝛjihna. Ne mari sihnisi. Ne chꝛsi, ꝛꝛ tireore mari wajãri baharopꝛ. Tireore mari wajãerachꝛ, mari sehere Cohamacꝛ buhiri dahrearo —niha tina ti basi.

Tina cuarenta bui curero judio masa jiha. <sup>14</sup> Ti ã niri baharo tina sacerdotea pꝛhtoare, bꝛcꝛna cꝛꝛꝛe yahua wahaha:

—Paulore sã wajãhto pano chuare sã chueraja. “Tireore sã wajãerachꝛ Cohamacꝛ sã sehere buhiri dahrearo”, nihi sã. <sup>15</sup> ã jina mꝛꝛa, bꝛcꝛna mehne õ sehe ni pjirocaga. “Paulore pari turi sinitu duaja”, niga surara bui pꝛhtoro. Mꝛꝛa ã niri baharo surara bui pꝛhtoro na ta dutiga Paulore. Wiho mejeta Paulo to õre to wihiro cahachꝛ waro tireore wajãnahca sã —niha tina sacerdotea pꝛhtoare.

<sup>16</sup> Wiho mejeta Paulo pjacamacuno ti ã ni durucuchũ tũhoha. Ti ã nichũ tũhoro waha, surara ya wũhũpũ Paulore yahuro sãaha. <sup>17</sup> To ã yahuri baharo Paulo sehe cũiro surarare pjiroca, õ sehe ni yahuha tirore:

—Ahriri wahmũnore pũhtoro cahapũ naahga. Ahriri mũ pũhtoro yahu duaro nina —niha Paulo.

<sup>18</sup> To ã nichũ tũhoro surara sehe Paulo pjacamacunore to pũhtoro cahapũ na sũ, õ sehe ni yahuha:

—Peresupũ jiri Paulo sehe yũhũre pjiroca, ahriri wahmũnore mũ cahapũ naa dutihre. Ahriri mũhũre yahuro taro nihre —niha surara to pũhtoro.

<sup>19</sup> To ã nichũ tũhoro pũhtoro sehe wahmũno to wamomacare ñaha tuã wahcã, masa marienopũ tirore sinitu ñũha:

—¿Dohse nii tai niri mũhũ yũhũre? —niha tiro Paulo pjacamacunore.

<sup>20</sup> To ã sinituchũ tũhoro õ sehe ni yahuha:

—Judio masa cũno potori, “Õ sehe yoajihna” ni, ñamichacapũ judio masa bũcũna cahapũ mũhũre Paulore naa dutiahca. “Bũcũna Paulore pari turi sinitu duara”, ni mahũoahca. <sup>21</sup> Wiho mejeta cuarenta bui curero mũa tirore wajã duaina bũcũna caha duara. Tina tirore ti wajãhto pano chũare chũsi. ã yoa sihnisi. “Tirore mari wajãerachũ, Cohamacũ mari sehere buhiri dahrejaro”, nire tina ti basi. ã jia mipũ mũhũre Paulore na ta dutia tina sehe duhti cohta tuhsũhũre, Paulore wajãa taa. ã jicũ ti yahua wihichũ tinare yũhtii tjiga mũhũ —ni yahuha wahmũno surara pũhtoro.

<sup>22</sup> To ã nichũ tũhoro surara pũhtoro õ sehe niha:

—Yũhũre mũ yahurire painare yahui tjiga —ni yahuha wahmũnore.

ã ni tuhsũ wahmũnore “Wahaga”, niha tiro.

*Paulore pũhtoro Feli wama tiriro cahapũ warocaha*

<sup>23</sup> ã ni tuhsũ, surara pũhtoro pũaro to surarare pji wahcã, tinare õ sehe ni dutiha:

—Dos cientos surarare, setenta cawaloa bui pisainare, dos cientos doca yucũ cjuaina mehne ti yare cahno dutina wahaga. Micha ñami nueve jichũ Cesareapũ wahanahca mũsa. <sup>24</sup> Paulore cawaloare to pisahtinare cahnobasaga. Cesareapũ pũhtoro Feli cahapũ, noano ñũ nũnũ sogã tirore —niha surara pũhtoro.

<sup>25</sup> ã ni tuhsũ papera joaro, õ sehe ni joaha tiro:

<sup>26</sup> “Yũhũ Claudio Lisia mũhũre tuariro pũhtoro Felire noa dutija. <sup>27</sup> Judio masa ahriri Paulore ñaha, wajãmare. ã jicũ tiro Roma macariro to jichũ masicũ, yũ surara mehne tirore yoadohoi sũhi. <sup>28</sup> ã jicũ tirore ti yahusãrire masi duacũ judio masa bũcũna cahai nahi tirore. <sup>29</sup> ã jicũ tiro judio masa ya dutia dihtare to yũhdũrucachũ mari ya dutiare to yũhdũrucãerachũ ñũcũ, tirore peresupũ cũ duaerahi. Yaba buhiri yariaro mariahna tirore. <sup>30</sup> ã jiro judio masa tirore wajã dua, ti bũcũna cahachũ tũhoro paio yahure yũhũre. To ã yahuri baharo Paulore mipũre mũ cahapũ warocai nija. ã jicũ tirore yahusãrinare to ñaa yoirire mũhũre yahu duti tuhsũhi yũhũ”, ni joaha surara pũhtoro.

<sup>31</sup> ã yoa surara ti pũhtoro to dutiriro seheta yoaha. Tí ñamine Antipatri wama tiri macapũ Paulore na sũha. <sup>32</sup> Pa dachoi paina surara cawaloa bui pisaeraina tí macai tjua taha ti ya macapũ. Paina surara cawaloa bui pisaina dihta tirore na yũhdũ wahcãha. <sup>33</sup> Pũ Cesareapũ na sũha Paulore. ã jia surara pũhtoro to warocari pũre pũhtoro Felire waha. ã jia Paulore na sũha pũhtoro cahapũ. <sup>34</sup> Ti ã wari baharo pũhtoro tí pũre to ñũri baharo tiro painare sinitu ñũha:

—¿Di yahpa macariro jijari ahriri Paulo? —ni sinitu ñũha tiro.

—Cilicia yahpa macariro jira —ni yahuha tirore.

<sup>35</sup> Tinare sinitu tuhsũ, Feli Paulore õ sehe ni yahuha:

—Mũhũre yahusãrina õre ti wihichũ mũ yahuchũ tũhoihtja —niha Feli Paulore.

To ã niri baharo Herode ya wũhũpũ tirore cũha. ã jiro to mũare tirore cohta dutiha pũhtoro.

## 24

Paulo “Ñano yoerahi yuhũ”, ni yahuha Felire

<sup>1</sup> Cinco dachori baharo, Anania sacerdotea bui pũhtoro, paina judio masa bũcũna, dutiare mihniriro Tértulo wama tirore mehne Cesareapũ sũha. ã jia tina Paulore yahusã dua, pũhtoro Feli cahapũ sũha. <sup>2</sup> ã jiro Paulore tóprẽ ti na sũri baharo Tértulo tirore yahusã dũcaha. ã yahusã dũcaro õ sehe ni yahusãha Felire:

—Mũhũ noano masiriro, sã pũhtoro mũ noano dutichũ sã ahri yahpa macaina noano jinocaja sã cahmacheno marieno. Mũ dutia mehne noaa sehere cohtotaro nina ahri yahpa. <sup>3</sup> ã jina sã noano jinocahna wahcheja. ã jina mũhũ mehne noano wahcheja. <sup>4</sup> Mĩpũre mahanocã mũhũre cariboĩhtja yuhũ. Mahanocã mũhũ mehne sũhũdu duaja. Sãre tũhorocasinia mũhũ. <sup>5</sup> Ahriro sãre caribobiara. Jĩpihtia yahpari macainare judio masare ti sua saũurucuchũ yoara ahriro. ã jiro masa ti basi cahma tuhtichũ yoara ahriro. ã jiro nazareno wama tiri curua pũhtoro jira. <sup>6</sup> ã jina Cohamacũ wũhũre ñano to yoa duachũ ñũna sã ñahahi ahrirore. [Sã ñahari baharo sã ya dutiare to yũhdũrũcariro jichũ tirore buhiri dahre duamahi sã. <sup>7</sup> Wiho mejeta surara pũhtoro Lisia wama tirore tirore sãre tuaro mehne manocahre. <sup>8</sup> Baharo tirore yahusãrinare mũ cahapũ waha dutihre Lisia. To ã nichũ tũhona tahi sã.] Mũhũ pinihta ahrirore sinitucũ, jĩpihtiare to ya buhirire masicũhca mũhũ —niha Tértulo Felire.

<sup>9</sup> To ã niri baharo paina judio masa “Tértulo to niriro seheta potocã tjira”, niha tina cũhũ. <sup>10</sup> Ti ã ni yahusãri baharo pũhtoro Feli Paulore yahu dutiha. Õ sehe ni yahuha Paulo:

—Payũ cũhmari ahri yahpa macainare mũ dutirire masija yuhũ. ã jicũ yũ yoarire mũhũre yahucũ wahcheja. <sup>11</sup> Doce dachorita wahara Jerusalẽpũ Cohamacũre yũ ño payori baharo. Mũhũ ahri potocã ti jichũ masi duacũ painare sinitu ñũga. <sup>12</sup> Judio masa yũhũre Cohamacũ wũhũpũre boca ti ñahachũ masare ñano ni saũurucui nierahi. ã yoa masare sua saũurucuchũ yoai nierahi. ã yoacũ judio masa buhea wũhũsere, ti ya maca cũhũre ne ti nino sehe ñano yoerahi. <sup>13</sup> ã jia yũhũre yahusãrina sehe ti yahusãri cjirire “Õ sehe yoare ahriro”, ni yahu masierara mũhũre. <sup>14</sup> Mĩpũ yũ yoarire yahuihtja mũhũre. Dóihã sã ñũchũsuma ti ño payorirore Cohamacũre ño payoja yuhũ cũhũ. ã jicũ to yare yoaja Jesu ya noaa buhea ti nino seheta. Ahriina “Jesu ya mahũnopea jira”, ni durucura ahriina judio masa. Wiho mejeta Cohamacũ dutia, Moise cjiropũre to cũri cjirire tí cũhũre ño payoja yuhũ. Cohamacũ yare yahu mũhtaina cjiri ti joari cũhũre ño payoja yuhũ. <sup>15</sup> Ahriina paina judio masa ti tũhoturo seheta Cohamacũ jĩpihtina masare yariainare noaina, ñaina mehne ti masa mũjachũ yorohca. Yuhũ cũhũ ãta ni tũhotuja. <sup>16</sup> ã jicũ buhiri mariaja yuhũ. Cohamacũ yũhũre tíre masina. ã yoa masa cũhũ tíre masina. ã jii potocãta yahuja yuhũ mũhũre. ã jicũ noano tũhotunocaja.

<sup>17-18</sup> Paye cũhmarine pa sehepũ tiniriro jicũ Jerusalẽne tju wihi, yũ coyeare judio masa pĩacũoinare niũerure wai tai nihi. Tju wihi Cohamacũre ño payoi tai to ya wũhũpũ sũmahĩ. ã jicũ Cohamacũ to cosa dutiriro seheta yũ basi yũ yũhdũrũcarire yũ cosari baharo wahiquirore wa duamahi tirore ño payoi tai. Tóprẽ yũ jichũ ahriina judio masa yũhũre bocahre. Ti bocachũ paina yuhũ mehne mariahare. Sua, saũurucuina mariahare. <sup>19</sup> Wiho mejeta paina judio masa Asia yahpa macaina tói jihre. Tina yũ ñano yochũ ñũrina jia yahusãa tajaro. <sup>20</sup> Ahriina õpũ jiina sehe judio masa bũcũna mehne yũ jichũ ñũina yũ ñano yoarire masia, tina cũhũ yahusãjaro. <sup>21</sup> Cũnocã pinihtare yũhũre tina yahusã masina: Pano tina mehne jicũ õ sehe ni tuaro saũurucui yuhũ: “Yariaina masa mũjaahca’, yũ niri buhiri, buhiri dahrera mũsa”, nihi tinare —ni yahuha Paulo Felire.

<sup>22</sup> To ã ni yahuri baharo Feli õ sehe ni yahuha Paulore:

—Mĩpũ tó puro tjira. Surara pũhtoro Lisia to wihiri baharo mũhũre yũ yoahore masiĩhca yuhũ —niha Feli Paulore.

Feli sehe Jesu yaina ti yoarire noano masi pahũoriro jiha.

<sup>23</sup> Æ ni tuhsu, Paulore cohtariro surarare Feli noano ñu nunu dutiha “Peresupu jiriro duhtiri”, nino. Wiho mejeta mahanocã ware to tinihtore. Paulo mehne macainare tirore peresupu jirirore yoadoho dutiro ã dutiha Feli.

<sup>24</sup> Mahaa dachoricã baharo Feli to namono Drusila wama tiricoro mehne ta, Paulore pjiha. Feli namono sehe judio masono jiha. Paulore ti pjiri baharo, Jesucristore to wacũ tuaare Paulo sehe yahuha tinare. <sup>25</sup> Æ yahuro quihõno yoare, ñaare yoa duaparota yoeraare, pihtiri dacho jichu Cohamacu masare to buhiri dahrehtore yahuha Paulo. To ã ni yahuchu tuhoro Feli cuiro, Paulore õ sehe ni yahuha:

—Mipure waharisa. Baharo yuhure dahraa mariachu mure pjihtja tjoa —niha Paulore.

<sup>26</sup> Æ nino Paulo to niñeru wachu cahmamaha Feli. Æ jiro tiro niñerure cahmano, payu tahari Paulore pji, tiro mehne durucua timaha Feli. <sup>27</sup> Pua cõhma baharo Porcio Festo wama tirore puhtoro Felire cohtotariro jiha. Wiho mejeta Feli sehe judio masare tiro mehne wahchechu yoa duaha. Æ jiro puhtoro Feli to puhtoro wijaahito pano, tiro Paulore peresui ji dutisiniha.

## 25

### *Paulo Festore to yoirire yahuha*

<sup>1</sup> Æ yoa Festo tí yahpau tia dacho to jiri baharo, Cesareapu jiriro waha, Jerusalõpu suha. <sup>2</sup> Tõi to jichu sacerdotea puhtoa, judio masa puhtoa mehne Paulore ti yahusãre yahuha Festore. <sup>3</sup> Paulo to mahapu wahachu tirore bucua caha, wajã duaa nimaha tina. Æ jia tina Festore tuaro sinimaha:

—Paulore Jerusalõpu warocaga —ni sinimaha tina Festore.

<sup>4</sup> Ti ã nichu tuhoro, Festo õ sehe ni yahuha tinare:

—Mipure Paulo Cesareapu peresu jira. Yuhu tõpu wahai tai nija. <sup>5</sup> Paulo to ñano yoiriro jichu, masa puhtoa Cesareapu yuhu mehne waha, tirore yahusãga —niha Festo.

<sup>6</sup> Æ jiro Festo ocho o diez dachori tina mehne to jiri baharo Cesareapu tjuaa waha. Pa dachoi tiro buhiri tiare cahnoru wuhui dujiro, Paulore na ta dutiha. <sup>7</sup> Æ jia Paulo Festo cahapu to wihichu, judio masa Jerusalõpu tarina sehe Paulo cahai ducu, tirore tuaro mehne yahusã ducaha. Æ yahusãpahta “Ahrirõ to ñano yoachu ñuhi”, ni yahu masieraha.

<sup>8</sup> Ti ã ni yahusãri baharo Paulo to yoirire yahuha:

—Judio masa ti dutiare, Cohamacu wuhu macaa dutiare, Roma puhtoro to dutiare yuhdurucaerahi —niha Paulo.

<sup>9</sup> Festo sehe judio masare wahchechu yoa duaro, Paulore õ sehe ni sinituha:

—¿Jerusalõpu waha duajari muhu? Mu yoirire yuhure tõpu yahuhca muhu —niha Festo Paulore.

<sup>10</sup> To ã nichu tuhoro Paulo õ sehe ni yahuha:

—Jiphtina bui puhtoro Cõsar to ya wuhui buhiri tiare cahnoru wuhui jia mipure. Ahri wuhu baroi yu yoirire tuhoga. Judio masare yu ñano yoerarire noano masina muhu. <sup>11</sup> Dutiare yuhdurucariro yu jichu, yuhure wajãchu noaboa. Wiho mejeta ahri ti yahusãri sehe mahõoa ti jichu yuhure yahusãrinare yuhure wiho waro wia masierara muhu. Yu yoirire jiphtina bui puhtoro Cõsare yahu duaja. Tiro sehe yu buhiri tiare to cahnochuh cahmaja —niha Paulo.

<sup>12</sup> To ã nichu tuhoro Festo sehe noano masi yahuinare sinitu tuhsu, õ sehe ni yahuha Paulore:

—Muhu jiphtina bui puhtoro mu yoirire mu yahu duachu, tiro cahapu warocanahitja sã mure —niha Festo Paulore.

### *Paulo puhtoro Agripare to yoirire yahuha*

<sup>13</sup> Baharõpu puhtoro Agripa, Berenice wama tiricoro mehne Cesareapu Festore ñua suha.

—¿Ne, wihimari muhu cõhu? —niha tina Festore piti bocasinia.

<sup>14</sup> Tõi payu dachori ti jiri baharo Festo õ sehe ni yahuha Agripare Paulore:

—Ōre Feli to peresu yoariro jira. <sup>15</sup> Ā jia Jerusalēpū yū wahachū judio masa ti sacerdotēa pūhtoā, ti bācūna mehne ahrirore yahusāhre. “To ya buhirire wajāga tirore”, ni sinihre tina yūhūre. <sup>16</sup> Ti ā nichū tūhocū yūhū tinare ō sehe ni yahuhī: “Roma macaina sehe peresu ti yoainare masare waerara. Ā jicū tirore waeraja mūsare. Sā űaharirore tirore yahusārinare to űūhto pano tirore buhiri dahre masieraja sā. To basi to yoarire to yahuerasinichū tirore buhiri dahre masieraja sā”, nihi tinare. <sup>17</sup> Ā jicū tina ōre ti wihihū űūcū yoari pja yoaerahi yūhū. Wiho mejeta pa dachoi buhiri tiare cahnorī wūhūi dujicū, ti yahusārirore pjirocāhi. <sup>18</sup> Ā jia tī wūhūi to wihihū űūa tirore űū tuhtiina wahcārūcare. Ti ā wahcārūcachū űūcū “űabiaro ni yahusāhca”, ni tūhotumahī yūhū tinare. Tirore yahusā duapahta yahusā masierare tina. <sup>19</sup> Wiho mejeta ahrirore Cohamacū yare to yahuri buhiri judio masa tirore tuhtihre. Jesu wama tirore yariariro cjiro to masa mūjarire to yahuri buhiri yahusāhre ahrirore. Ahri dihtare yahusāhre. <sup>20</sup> Ahrirore masieracū tirore noano sinitu űūhi. “ĴJerusalēpū waha duajari yūhū mehne? Tōpū yahuga mū yoarire yūhūre”, nimahi tirore. <sup>21</sup> Wiho mejeta tiro waha duaerare. “Yū yoarire jipihtina bui pūhtoro Cēsare yahu duaja”, nire tiro yūhūre. To ā niri baharo ōihta tirore cohta dutihi jipihtina bui pūhtoro cahai tirore yū warocahto pano —niha Festo Agripare.

<sup>22</sup> —Yū basi tūho duaja tirore —niha Agripa Festore.

—űamichacapū tirore tūhoga mūhū —ni yūhtiha Festo.

<sup>23</sup> Pa dachoi Agripa, Berenice mehne ti buhiri tiare cahnorī wūhūpū sū, “Pūhtoā jia sā”, nia cua pisaro yoa űoha tina, surara pūhtoā, tī maca macaina pūhtoā mehne. Tō sehe yoa sāa tiha tī wūhūpū sāa. Ti sāa sūri baharo Paulore pjirocāha Festo. <sup>24</sup> Ā jiro Festo ō sehe ni yahuha:

—Pūhtoro Agripa, mūsa jipihtina ahri wūhūre cahmachuina tūhoga. Ōre ahriro payū judio masa ti yahusāriro jira. Jerusalēpū, Cesareapū cūhūre tina tirore yahusāhre. “Tirore wajāga”, ā nirucua nina tina. <sup>25</sup> Ti ā nipachūta ō sehe tūhotuja yūhū. Ahriro ne űano yoariro jierara. ĴYaba buhiri wajābocari mari tirore? Ā jicū jipihtina bui pūhtoro Cēsar Augustore ahriro to yoarire to yahu duachū jipihtina bui pūhtoro cahapū warocaihtja tirore. <sup>26-27</sup> Ā jicū ahriro to yoarire noano masierasiniya yūhū. Ā masierasinicū mari pūhtoro yahu joa masieraja. Ā jicū mūsare to yahuchū tūho duti nija mipūre. Pūhtoro Agripa mipū pinihtare ahriro jira mū sinitu űūhtiro. Mū sinitu űū tuhsūchū mari masiri baharo ahrirore ti yahusārire noano yahu joaihtja. Ahriro to űano yoarire yū masierapachūta mari pūhtoro cahapū tirore yū warocachū noaerara. Ā jicū mipūre ti yahusārire noano masi duai nija —niha Festo tinare.

## 26

### *Paulo Agripare to yoarire yahuha*

<sup>1</sup> To ā niri baharo Agripa Paulore ō sehe ni yahuha:

—Mū basita yahuga —niha tiro Paulore.

To ā niri baharo Paulo sehe, “Dihta mariaha”, nino to wamomacarine wahcārūca, to yoarire yahuha:

<sup>2</sup> —Pūhtoro Agripa, yūhūre judio masa ti yahusārire, yū yoarire mūhūre yahucū, mipūre noano yajeripohna tija. <sup>3</sup> Mūhū judio masa sā yoaa tiare, sā buhea cūhūre mū noano masichū pinine wahcheja yūhū. Ā jicū mūhū yūhūre noano tūhoga —ni dūcaha Paulo.

### *Paulo Jesu yairo to jihto pano to jia tirire yahuha*

<sup>4</sup> Ā ni tuhsūro ō sehe ni namoha tiro:

—Wahmūno yū jia tia cjirire jipihtina judio masa masina. Jipihtia dachoripe yū masa bajuari baharo yū ya dihtapūre, Jerusalēpū cūhūre yū jiri cjirire masina tina. <sup>5</sup> Fariseo curua macaina paina yūhdoro sā dutiare yūhdūrcā dutieraina jira. Wahmanopūre fariseo curua macariro jimai. Ā jicū fariseo curua macaina ti dutiare, ti yoaa barore

yoa pahñoriro yu jichu tina masina. Tina mähure yahu duaa, tíre yahu masina tina.  
<sup>6</sup> Ahri buhirita yühure yahusã mujana. Sã ñuchusuma cjiire “Yariainare masoihtja”, Cohamacu to ni cürire “Potocã tjira”, yu niri buhiri ahrina yühure yahusã mujana.  
<sup>7</sup> Yu coyea judio masa jipihtina doce curuari macaina Cohamacu masare to masohtore wahche cohtarucura. Ñ yoa Cohamacure ño payorucura. Ñ cohtarucuina jia sã yoaro sehetã yoara tina. Puhoro Agripa, ñ cüno potori yoaina sã jipachuta tina sehe to masohtore yu cohtari buhiri yühure yahusã mujana judio masa. <sup>8</sup> ¿Dohse yoana Cohamacu to masorire sã yahuchu tãho duaerajari msa judio masa? —ni yahuha Paulo.

*Paulo Jesu yainare to ñano yoari cjiire yahuha*

<sup>9</sup> Ñ ni tuhsu õ sehe ni yahu namoha:

—Jesure Nazare macaritore ñerasinicu, ñaa dihtare yoa duamai to yainare. <sup>10</sup> Ñ jicu Jerusalẽpu ñ yoaa timai yuhu. Sacerdotea puhõtoa yühure ti dutiri baharo payu Jesu yainare peresu yoaa tii. Ñ jicu puhõtoa tinare ti wajã dutichu, wajã dutii yuhu cühu.  
<sup>11</sup> Payu tahari jipihãtia judio masa buhea wuhusei Jesu yainare ñano yoa dutia tii. Ñ yoacu Jesu yaina Jesure ti cohãchu yoa duai nimai. Tina mehne tuaro suai yuhu. Ñ jicu paina masa ya macaripu cühure tinare ñano yoai sua tihi yuhu —ni yahuha Paulo.

*Paulo Jesu yairo to waharire yahuha*

<sup>12</sup> Ñ ni tuhsu õ sehe ni yahu namoha:

—Damasopu Jesu yainare ñano yoa duacu sumai. Tinare ñano yu yoa duachu ñaa sacerdotea puhõtoa yühure waha dutire. <sup>13</sup> Ñ sehe jire puhõto Agripa: Cohari pja jichu waroi mahai yu wahachu mñano macaa si sitea, sũ dacho macariro yuhdoro, yühure yuhu mehne wahaina cühure si sitere. <sup>14</sup> Sã jipihãtia yahrapu bora caha su, judio masa ya mehne yühure to durucuchu tãhoi. “Saulo, Saulo, ¿dohseacu mñu yühure ñano yoajari? Mñu yuhu mehne suacu yühure yuhtieracu, mñu basi ñano yuhdura”, nire yühure. <sup>15</sup> “Puhõto, ¿diro baro jijari mñu?” ni sinitui. “Yuhu Jesu, mñu ñano yoariro jija. <sup>16</sup> Wahcãrucaga mñu. Mñure yu cahamacuno cjihto yoai tai mipu bajuaja yuhu. Michare yühure mñu ñurire, baharo mñure yu ñohti cühure painare yahuihca mñu. <sup>17</sup> Judio masare judio masa jieraina cühure mñure buhe duticu, warocaihtja. Ti cahai mñu jichu, mñure ti ñu tuhtichu mñure yoadohoihtja. <sup>18</sup> Yu yare tinare masichu yoaga mñu. Ñ jicu nahitianopu tiniina yoaro sehe jiinare ti ñaare duhuchu yoaga. Buhriaropu tiniina yoaro sehe noaa sehere cohtotachu yoaga tinare. Watĩnore cahmaerachu yoaga mñu. Ñ yoacu Cohamacu ya sehere yuhtichu yoaga mñu tinare. Mñu ñ yoachu tina yühure wacũ tuaahca. Ti ñ wacũ tuachu ñacu ti ñaa yoari buhirire boihca. Ñ jia tina Cohamacu to beserina mehne macaina jahca. To wahtire cjuãhtina jahca tina”, nire Jesu yühure —ni yahuha Paulo.

*Paulo to yoarire to dahraare yahuha*

<sup>19</sup> Ñ ni tuhsu õ sehe ni yahu namoha:

—Puhõto Agripa, mñano macaa yu tãhoare yuhdurucaerahi. <sup>20</sup> Damasoi buhe muhtai. Baharo Jerusalẽi buhei tjoa. Baharo Judea yahpai, judio masa jieraina cahapu cühure masare “Ñaano yoeraja sã”, ni ti tãhotumari cjiire tãhotu cohtota duti, Cohamacu yare cahma dutii. “Noaare msa yoachu ñaa ‘Noaina jija sã’ ni, msa tãhotumari cjiire msa tãhotu cohtotarire paina masiahca” nicu, tinare noaare yoa duticu buhei. <sup>21</sup> Cohamacu ya wuhui yu jichu yu ñ ni yahuri buhiri judio masa yühure ñaha, wajã duamare. <sup>22</sup> Wiho mejeta dachoripe Cohamacu to yoadohoro mehne ñ buherucuja. Ñ jicu mipure msa jipihãtia puhõtoare wiho jiina cühure to yare yahui nija. Panopu macaina Cohamacu yare yahu muhtaina cjiri, Moise cjiro mehne ti yahu muhtariro sehetã yahuja yuhu cühu. Ñ sehe ni yahu muhtaa tiha tina: <sup>23</sup> “Cristo Cohamacu warocariro sehe ñano yuhdurohca. Ñ jiro yariaro masa mña muhtariro waharohca tiro. Ñ jiro masare to yuhdohtore judio masare, judio masa jieraina cühure

masichu yoarohca”, ni yahu mughta joaa tiha panopu macaina cjiri. Yuhu cuhu ti yoaro seheta yahuja —ni yahuha Paulo Agripare.

*Paulo Agripare Jesu yairo cjihto yoa duamaha*

<sup>24</sup> To a ni yahuri baharo Festo tirore tuaro sañurucu o sehe ni durucuha:

—Paulo, muhu tuho masierariro jira. Muhu payu buhecú tuho masierariro wahara —ni sañurucuha tiro Paulore.

<sup>25</sup> To a nichu tuhoro Paulo o sehe ni yuhtihia Festore:

—Puhtoro tuho masierariro jieraja yuhu. Yu yahua potocá tjira. A jicu yuhu ahrire cua pisaro mehne nija. <sup>26</sup> Puhtoro Agripa sehe, ahri yu yahurire noano masina. A jicu yuhu tirore cuiro marieno yahuja. Ahri yahua jipihitina masa masina. A jicu jipihitia ahrire yu nirire puhtoro Agripa to masichu masija yuhu —niha Paulo Festore.

A ni tuhsu o sehe niha Agripare:

<sup>27</sup> —Puhtoro Agripa, Cohamacu yare yahu mughtaina cjiri ti yahuri cjirire tuhora muhu. Ti yahua m u tuhochu masija yuhu —niha Paulo Agripare.

<sup>28</sup> —¿Ahrire yuhure yahucu mahanocá mu yahua mehne Jesu yairo yu wahachu yoa duai nijari muhu? —niha Agripa Paulore.

To a nichu Paulo o sehe ni yuhtihia:

<sup>29</sup> —Mahanocá durucucu o yoari pja durucucu musa, jipihinare “Yu jiro seheta Jesu yaina jijaro”, ni sini payoja Cohamacure. Wiho mejeta yu yoaro sehe peresupu musa jichu cahmaeraja yuhu —niha Paulo Agripare.

<sup>30-31</sup> To a niri baharo Agripa, Festo, Berenice jipihitina paina mehne wahcáruca, wijaa, ti basi o sehe ni durucuha:

—Ahriro to yoari buhiri ne peresu yoa masieraja mari. ¿A jina mari yaba buhiri tirore wajábocari? —ni durucuha tina ti basi.

<sup>32</sup> —Ahriro “Jipihitina bui puhtorore César yu yoarire yahu duaja”, to nierachu mari wioboa tirore peresupu jirirore —niha Agripa Festore.

## 27

*Paulo tirore ti yahusáire Romapu yahuro wahaha*

<sup>1</sup> Paulore Italiapu dohoria mehne warocaa taa, tirore paina mehne ti peresu yoarina mehne Julio wama tiriore cüre tina. Julio cien surara puhtoro jiro, to ya curua “César yaina surara”, wama tire. <sup>2</sup> A jina Adramitio wama tiro macaria dohoriai samui sã. Tia Asiapu wahahtia jire. Samu tuhsu, tia mehne wahi. Aristarco Tesalónica wama tiri maca macariro sã mehne wahare. Tesalónica Macedonia yahpai jira. <sup>3</sup> Pa dachoi sã Sidõpu sui. Tõpu sãro Julio Paulore noano yoare. A yoaro Paulore tó mehne macaina cahapu ñno waha dutire. A jiro Paulo mehne macaina tirore to cahmaare ti wachu “Noanohca”, nire Julio. <sup>4</sup> Dohoria mehne sã pahachu tuaro wihnono sãre pa sehepu wãroca pjohõre. A jina Chipre wama tiri nũco dũcataroi poto buhusehei wahi sã. <sup>5</sup> Pu Ciliciare yuhduu, Panfilia cũhure yuhduu, Mira wama tiri macapu Licia yahpai jiri macapu wahã sui.

<sup>6</sup> Tõpu sũna, Alejandriapu tariare, Italiapu wahahtiare dohoriare bocai. A jiro sãre tiapu surara puhtoro naare. <sup>7</sup> Payu dachori pjiro dero waha, “Nu waruoca” ni, waha, Gnido wama tiri maca potoi sui sã. Tõpu su yuhduu, wihnono tuaro wã, sã waha duaroi sãre wãrocaerare. A jina sã cõ buhusehepu majare paa wahi. A jina Creta wama tiri nũco to dũcatari pahre sehe sã pahãa waha, Salmo wama tiri ñoacare yuhduai sã. <sup>8</sup> Tõpu yuhduu, tí nũco dũhtu cahai waha, “Nu waruoca” ni, waha, Noari Pitamaha wama tiropu wahã sui. Pitamaha Lasea wama tiri maca cahapu jira.

<sup>9</sup> Tõpu yoari pja sã jiri baharo, sã wahahto sehe cuabiare. A jiro ti chu duhuri dacho bose nũmu yuhduri baharo, Paulo tinare o sehe ni yahure:

<sup>10</sup> —Tuhoga musa. Chu duhuri dacho bose nũmu baharo mari wahachu marine minihto cuabiara. Ahria dohoria, dohoria macaa, musa pache cũhu mari mehne macaina cũhu mari butiboca wahana —nire Paulo.



<sup>11</sup> Wiho mejeta surara pũtoro dohoria pũrore tũhoro, oturiro cũhũre tũhoro, Paulo to yahua sehere tũho duaerare waha duaro. <sup>12</sup> Ti pahsari pitamaha noari pitamaha puhiro jichũ ti pahsari pitamaha jierare. To ã jiri pitamaha jichũ dohoria macaina payũ waha dua, Fenicepũ yoja duamare. Fenice Creta wama tiri nũco macari pitamaha jiro, wihnono to tariropũ sũ mũja taro sehepũ cõ bũhusehepũ, poto bũhusehepũ cũhũre ñũroca, wihnono tachũ noano dũcatari maca jire. To ã jiri pitamaha jichũ masia tina tõpũ cã puhiro ji duamare.

*Pjiri mapũ* wihnono, coro pjĩro taha

<sup>13</sup> ã yoa sur sehe pjĩroca wihnono ta dũcare. “Michare noari dacho mari wahahti dacho jira”, ni tũhotumaha tina. ã ni tũhotua tina comaa tañore tũã wahcõ, Creta nũco dũhtũ caha cahai yojai sã. <sup>14</sup> Wiho mejeta baharo curero wihnono noreste wama tiri wihnono tuaro wãre. <sup>15</sup> ã jiro dohoriare wihnono tuaro wahã wihire. Wihnono to wãrũcarore waha masierana, majare paha, wihnono mehne waha sã. <sup>16</sup> Cauda wama tiri nũcocã cahapũ sur sehepũ waha, tí nũcocã sãre mahanocã dũcatare. “Marine nu warũoro wahara”, nina tóre pjĩria dohoria macaria mahariacã bũsocare noano waja payo dũhtei sã. <sup>17</sup> Tiare dohoriã sã waja payo dũhteri baharo pjĩria dohoriapũ pjĩri da mehne tina wahma ñaha payore. Sirte wama tiri padũre “Dohoria doca wahã sũri”, nia cui nire tina. ã jia tina co tũrũre ti duhu miori baharo dohoria dihtare wihnono wãrocare. <sup>18</sup> Wihnono, coro mehne tuaro tare. Pa dacho cũhũre wihnono mũnanota tjoa to tachũ ñũa tina ti pachere diapũ dureroca ño tuhsũ pahãa waha sã. <sup>19</sup> Pa dacho dohoria macaare diapũ cohãre tina ti basi. <sup>20</sup> Payũ dachori ñichua dachori jichũ, sũ dacho macariro ñahpichoha poca cũhũ ne bajuerare. ã jiro tuaro wihnono tare. ã jina “Minia wahaja mari. ã jina yariaa wahanahca”, ni tũhotumai sã.

<sup>21</sup> ã jia tina yoari pja ti chũ duhuri baharo Paulo ti pano ducu, õ sehe ni yahure tinare: —Pano mũsare yũ yahuchũ tũhoerare mũsa. “Cretapũ jiina mari wahachũ cua nica”, yũ nichũ tũhoerare mũsa. Yũhũre tũhona, ahria macaa jipiltiare boeraboa mũsa. <sup>22</sup> Wiho mejeta mipũ mũsare yahuja. Cuiena tjiga. Jipiltina mari yũhdũnahca. Ahria dohoria dihta marine wahtibasaroahca. <sup>23</sup> Micha ñamine Cohamacũ yairo anjo yũhũre bajuahre. Cohamacũ yairo jija yũhũ. ã jicũ tirore dahra cohtariro jija yũhũ. Anjo sehe yũ cahai taro, õ sehe ni yahure: <sup>24</sup> “Paulo, cuiecu tjiga. Jipiltina bui pũhtorore mũ yoari cjĩrũre mũhũre yahuro cahmana. Cohamacũ noariro jira. ã jiro tirore mũ sinĩrũro seheta mipũre mũhũ mehne macaina cũhũre yoadohorohca”, nihre yũhũre anjo. <sup>25</sup> ã jina cuiena tjiga mũsa. Anjo yũhũre to nirũro seheta waharohca. Cohamacũre wacũ tuaja yũhũ. ã jicũ to yahũro seheta “Potocã tjira”, ni tũhotuja yũhũ. <sup>26</sup> Wiho mejeta marine nũcorũ wihnono wãroca, cohãnohca —ni yahure Paulo tinare.

<sup>27</sup> Cũ ñami pũa somana baharo pjĩri ma Adriático wama tiri mai wihnono sãre tuaro wãre. Tí pjare ñami dacho macai dohoria macaina mũa sehe “Dũhtũ cahapũ jija mari”, ni tũhoture tina. <sup>28</sup> ã ni tũhotua nũcũri taño comaa tañore yuta da mehne dũhte, duhuroca mio, quihõre. Treinta y seis metro waro cũãre. Mahanocã waha, quihõre tjoa. Tí pjare veintisiete metro waro cũãre. <sup>29</sup> ã jia tãare “Doca wahã sũri”, nia dohoria oturopũ pititia tañori comaa tañorine yuta dari mehne dũhte, duhuroca miore diapũ. ã jia “Cjero bohreajaro” ni, tuaro sinire tina. <sup>30</sup> Dohoria macaina mũa sehe duhtimare. Tina mahariacãre dohoria macariare diapũ waja boro, dohoria quenoĩ comaa tañorine ti boroboriro seheta yoare tina mahariacãre “Marine ñũri”, nia. <sup>31</sup> Wiho mejeta Paulo surara pũhtorore, to surara mehne yahure:

—Ahrina mũa mahariacã bũsocai ti wahachũ mũsa yarianahca —nire Paulo.

<sup>32</sup> To ã nichũ tũhoa surara sehe mahariacãre dũhtea darire yihso ta, tiare cohãre.

<sup>33</sup> Bohreahto panocã Paulo tinare tuaro chũ dutire.

—Pũa somana waro ne chũerare mũsa. <sup>34</sup> ã jina mipũre chũna taga. Tuaro mũsare chũ dutija. Mũsa cati duana chũga. Jipiltina mũsa yũhdũnahca —nire Paulo tinare.

<sup>35</sup> To ã niri baharo Paulo pãore na, jipihtina ti pano Cohamacure “Noana” ni, duhu payo, tíre chu ducare tiro. <sup>36</sup> To ã chuchũ ñua tina cuiro marieina waha, jipihtina tina cũhu chũre. <sup>37</sup> Sã jipihtina doscientos setenta y seis masa dohoriapũ jii sã. <sup>38</sup> Tina jipihtina yapia waha “Ahria dohoria nũcu nica” ni, payũ trigo chũare diapũ cohãre.

*Dohoria padũropũ doca pja sũha*

<sup>39</sup> Bohreachũ dohoria macaina mũa nũcore ñua, “Õ sehe wama tiri nũco jira ahri nũco”, ni ñu masierare. Wiho mejeta tina pari tucũ padũro jichũ ñua, “Mari tí tucũpũ wahana, tóprẽ doca pja sũboca padũroi”, nire tina. <sup>40</sup> ã nia, comaa tañorine dũhtea darire yihso taroca mioha. Oturi pjĩ dũhtea dari cũhũre yihso tanocare tina. Ti ã yoari baharo dohoria queno macari suhtirore wahcõ dapore poto wihnono wãrocachũ cahmaa. <sup>41</sup> Wiho mejeta dohoria queno sehe pa padũropũ caha sũ, nũja masierare. ã jiro oturore tuaro pahcõri cjã wahcõchũ tia oturo wahtia wahare. <sup>42</sup> To ã wahachũ ñua õ sehe nire surara:

—Ahria minichũ mari peresu yoaina dũhtũ cahapũ ba wahã sũ duhtinocaahca. ã jina tinare wajã pahñonocajihna —nire surara.

<sup>43</sup> Wiho mejeta surara pũhtoro sehe Paulore wajã duaeraro, jipihtina peresu jiiinare wajã dutierare. ã jiro jipihtina ba masiinare surara pũhtoro poto dũhtũ cahapũ ba wahã sũ dutire. <sup>44</sup> ã jia paina dohoria macaa pjĩni wahti sitea pjĩni mehne bora ñoja, tí pjĩni bui pisa ba nũjare. Sã tó sehe yoana sã jipihtina dũhtũ cahai wahã sũi.

## 28

*Paulo Malta wama tiri nũcoi jiha*

<sup>1</sup> ã yoa tí nũcopũ sã jipihtina maja sũrucũ sũna tí nũco wamare masii. Malta wama tiri nũco jire. <sup>2</sup> Tí nũco macaina masa sãre noano yoare. ã jina sã coro waari baharo yũsũa yũhdũare sãre. ã jia tó macaina sehe pichaca wijã tuhsũ, sãre sohma dutire. <sup>3</sup> Paulo pichare na ta, na tiãre. To na tiãri baharo tí picha puhichapũ sãariro agã tuaro sichũ tũhoturo wijaa taro, Paulo wamomacai bahca wãha sũre yahawero marieno. <sup>4</sup> To bahca wahã sũchũ ñua tí nũco macaina ti basi õ sehe ni durucure:

—Ahriro masa wajãriro jiboca. ã yoaro tuaricoro buhiri dahrericooro mũano macaricoro tirore buhiri dahrero, cati dutierara. Tiro pjiri mapũ minino yũhdũ tuhsũri jimare. Mipũre ticoro sehe tirore cati dutierara —nimare tina ti basi.

<sup>5</sup> Wiho mejeta Paulo agãre pichacapũ wajã siterocare. Tirore agã purierare. <sup>6</sup> “Wipirohca” nia, cohtamare tina. Ne wipierare tirore. “Tiro yariaa waharohca” nia, tina cohtamare. Tirore purierare. Yoari pja baharo to wipierachũ ñua, to purierachũ ñua, soro tũhoture tina. “Ahriro cohamana mehne macariro jiboca”, nimare tina.

<sup>7</sup> Ti ba wahã sũriro cahacãi Publio wama tiriyo ya weseri jire. Tiro tí nũco macariro pũhtoro jire. ã jina tiro sãre to noano yoachũ, tia dacho waro to ya wũhũi jii sã. <sup>8</sup> Publio pũcũro yojaro ti, juaro tiriyo jire. ã jiro tiro camai coãre. ã jiro Paulo dohatiriyo ya tahtiapũ sãa, Cohamacure sini, to wamomacarine tiro bui duhu payo, noariro wahachũ yoare tirore. <sup>9</sup> To noariro wahachũ ñua jipihtina paina tí nũco macaina dohatiinare Paulo cahapũ na tare. Ti ã na tachũ ñũno Paulo noaina wahachũ yoare tina cũhũre. <sup>10</sup> Baharo tina payũ sãre wapa marieno ware. Sã wahahto panocã jipihtia sã cahmaare, sã wahana sã chũhtire dohoriapũ dure sãre tina.

*Paulo Romapũ sũha*

<sup>11</sup> Tia sũ tí nũcopũ sã jiri baharo dohoria mehne wahi sã. Tia dohoria queno pũaro cohamana Cástor, Pólux wama tiina ti masũ ducure. Alejandriapũ taria jire tia. Puhiro puro tí nũcopũ tia dohoria pahsare. <sup>12</sup> Waha, Siracusa wama tiri macapũ sũna, tia dacho waro tí macare jii sã. <sup>13</sup> Tí macare wijaa, waha, Regio wama tiri macapũ sã sũi. Pa dachoi surpũ wihnono ta, sãre wãrocare. Pũa dacho baharo Puteoli wama tiri macapũ sũi. <sup>14</sup> Tórpũ Jesu yaina mahainacã sãre piti bocare.

—Cũ somana waro sã mehne tjuaga —nire tina sãre.

Ti ã nichu tũhona cũ somana waro tina mehne tjuasinii. Baharo mahai maja, Romapu sũi sã. <sup>15</sup> Tó macaina Jesu yaina sehe Romapu sã sũhtire tũhoa, Apio wama tiropu pache duaropu sãre piti bocare. Paina Jesu yaina Tia Wũhu wama tiropu sãre piti bocare. Ti ã piti bocachu ñano Paulo wahchea mehne Cohamacũre “Noana” ni, noano yajeri sãa wahare. <sup>16</sup> Romapu sã sũri baharo ti peresu ti yoarinare tó macaritore peresu cohtaina pũhtore yahure. Wiho mejeta Paulo sehere cũirota cũre tó macaina pũtoa. ã jiro tirore cũirota surara cohtare.

*Paulo Romai buheha*

<sup>17</sup> Tia dacho baharo Paulo judio masa pũtoa mehne cahmachuno taro, tinare pjire. Ti cahmachuri baharo tiro tinare õ sehe ni yahure:

—Coyea, mari coyeare soro yoaerahi yũhu. ã yoa mari ñuchũsuma cjiri ti yoa tirire, marine ti buheri cũhũre yũhdũrucũaerahi yũhu. ã yũ yũhdũrucũaerapachũta Jerusalẽpu yũhũre ñahahre judio masa. Ti ñahari baharo Roma macainare yũhũre peresu yoa dutihre tina. <sup>18</sup> Ti ã yoachu Roma macaina yũhũre sinitu, yũ ñano yoaerariro yũ jichũ yũhũre “Buhiri tiro jira”, ni masierare. “¿Ne yaba buhiri wajãbocari mari tirore?” nihre yũhũre tina. ã jia yũhũre sinituina sehe yũhũre wio duamahre. <sup>19</sup> Wiho mejeta judio masa sehe yũhũre wiochu cahmaerare. Yũ coyeare judio masare yũhũre ti yoarire yahusã duaeraja. Wiho mejeta yũhũre ti wio duaerachu ñũcu, “Jipihtina bui pũhtoro Cẽsare yũ yoarire poto yahu duaja yũhu”, ni sinihi. <sup>20</sup> ã jicu mũsare ahrire yahu duacu pjihĩ. Cristo marine yũhdohtiro judio masa mari cohtariro to yare yũ yahuri buhiri yũhu peresupu jija. ã jicu tíre mũsare yahui tai pjihĩ —nire Paulo judio masa pũtoare.

<sup>21</sup> To ã nichu tũhoa tina sehe tirore õ sehe ni yahure:

—Judea yahpa macaina Judio masa mũhũre quiti yahua pũrine sãre ne warocaerare. ã yoa tũpu tarina cũhũ mari coyea sãre mũ ã waharire yahuera tire. Tina “Tiro ñano yoariro jira” ni, mũhũre yahuera tire. <sup>22</sup> Wiho mejeta Jesu yare mũ yahuri curua macainare jipihtiropu masa ñano ti durucuchũ sã masija. ã masina mũ buheare mũ yahuchũ tũho duaja sã —nire tina tirore.

<sup>23</sup> ã ni tuhsũ, “Pa dachopũ jijihna”, nire tina. Pa dachopũ Paulo mehne cahmachu mũhtaina yũhdo ro masa payũ to jiropu wihire. Ñami curerocã pũhtoro Cohamacũ to sũho jiare noaa buheare tiro buhe dũca, pũ, ñamipũ Moise cjire Cohamacũ to cũri dutiare, ã yoa Cohamacũ yare yahu mũhtaina cjiri ti joari cjiri cũhũre buhere. ã buhero, tinare Jesure “Tiro tjica mari cohtariro”, ni masichũ yoa duaro nimare Paulo. <sup>24</sup> Cãina to buherire noano mehne tũhore. Wiho mejeta paina sehe tũho duaerare. <sup>25</sup> ã jia tina ti basi pũ curua tju wa, wahaa taa nire. Ti wahahto pano Paulo Isaia cjiro to durucuri cjirire tinare yahure. Õ sehe nire tinare:

—Isaia Cohamacũ yare yahu mũhtariro cjiro to yahuri potocãta jira. Mari ñuchũsuma cjirire yahuro taro Espĩritu Santo Isaia cjire õ sehe ni yahu joa dutiha:

<sup>26-27</sup> “Ahrire ahrire yahui wahaga:

‘Dapu bũtiina jira mũsa.

Yũ yare tũho duaerara mũsa.

Cahmo copari susueraina yoaro seheta tũho duaerara mũsa.

ã jina yũ yare tũhõpanahta tũho ñahasi mũsa.

Mũsa ã jieraina jina, noano tũho ñahaboa mũsa.

ã jina yũhũre cahmaboa mũsa.

ã jicu mũsare pichacaru wahaborinare yũhdo bo yũhu’, niha Cohamacũ Isaia cjiro to joari tjupũ”

—nire Paulo tinare. <sup>28</sup> ã ni tuhsũ, Paulo õ sehe ni yahu namore:

—Ahrire masiga mũsa. Cohamacũ ya buheare masare to noano yũhdoare judio masa jierinare buhenahca sã. Tina sehe tũhoahca —nire Paulo judio masare.

<sup>29</sup> [To ã nichu tũhoa judio masa tíre ti basi tuaro cahma sayo, wijaare.]

<sup>30</sup> Pua cãh̄ma waro Paulo to ã waparucuri wãh̄urã jire. Tóí jiro, jipihtina to wãh̄urã wih̄inare wahchea mehne piti bocare tiro. <sup>31</sup> ã jiro tiro cuiro marieno pãhtoro Cohamacã to sũho jiare, pãhtoro Jesucristo ya cãh̄ure buhea tire. To ã buhechã ne paina tirore “Buhei tjiga”, nierare.

## Romanos

### *Paulo Roma macainare Jesu yainare joarocaha*

<sup>1</sup> Yũhũ Paulo mʉsare Roma macainare joarocaja. Yũhũ jija Jesucristo cahamacũno. Tiro yũhũre beseri jire. To ya noaa buheare buhe duti warocahtiro cjihtore yũhũre cũri jire tiro.

<sup>2</sup> Tí buheare noaa buheare panopũ Cohamacũ “Yahui tai nija”, nia tiha. To ă ni yahuriro seheta to yare yahu mũhtaina cjiri panopũ macainare to yahuhtire to ya pũi joa dutiha. <sup>3</sup> Tí buheata to macũnore yahua jira. Tiro masũno waro jiro taro, Davi cjiro panamino ji turiariro jiha tiro. <sup>4</sup> Jesucristo mari pũhtoro Cohamacũ macũno ñaa buhiri marieriro to jiare ẽ sehe ñori jire Cohamacũ. To yariari baharo Cohamacũ to tuaa mehne tirore masa wijaachũ yoari jire. ă yoaro Jesucristo potocăta Cohamacũ macũno to jiare ñori jire Cohamacũ masare. <sup>5</sup> Tirota sãre pja ñũno sãre to yare buhe dutiro warocare jipihtina Jesucristore wacũ tua ti ño payohti cjihtire. <sup>6</sup> ă jiro mʉsa cũhũre Jesucristo yaina cjihtire beseha tiro.

<sup>7</sup> Mʉsare, Cohamacũ to cahĩinare, Roma macainare, to yaina cjihti yoare mʉsare tiro. Mʉsare jipihtinare ahri pũre joarocaja. ă jicũ Cohamacũ mari Pũcũ, mari pũhtoro Jesucristo mehne mʉsare noa dutija. Tina ti yoadohoa mehne noano jiga mʉsa.

### *Paulo Romapũre ñũno waha duaro nimaha*

<sup>8</sup> Ahrire yahu mũhtaihtja mʉsare: Jipihtia macari macaina Jesucristore mʉsa wacũ tuarire masa yahuhre yũhũre. Ti ă ni yahuchũ tũhocũ “Noana”, nija Cohamacũre. Jesucristo to yoadohoro mehne ă nija tirore. Cohamacũre sini payocũ mʉsa ya cjihti cũhũre ă sini payorucuja. <sup>9</sup> Tiro yũhũre to dutichũ to macũno ya buheare noaa buheare tuaro buhecũ to cahamacũnota jija yũhũ. ă jiro mʉsa ya cjihtire Cohamacũre yũ ă sini payorucuchũ tiro masina. <sup>10</sup> ă sini payocũ Cohamacũ cahmachũ mipũ pinihtare mʉsa cahapũ yũ ñũi wahahto cjihto cũhũre sinija. Yoari pja mʉsare ñũ duacũ yũ wahahtore cohtai yoanocamaja yũhũ. <sup>11</sup> Espĩritu Santo yũhũre to buheri cjirire mʉsare buhe turia duaja Jesure mʉsa wacũ tua namohto cjihto sehe. ă jicũ mʉsare tuaro ñũ duaja yũhũ. <sup>12</sup> Jesure wacũ tuaja mari. ă jicũ mʉsare ñũ duaja Jesure mari wacũ tuaa mehne pũ bũhũseheri mari cahma wahchechũ yoahto cjihto sehe.

<sup>13</sup> Yũ coyey, ahrire mʉsa masichũ cahmaja. Noaa buheare yũ buheri baharo paye macari macaina mʉsa coyey judio masa jieraina cũhũ Jesure wacũ tuare. ă jicũ payũ tahari mʉsa cahapũ waha duamahi tina, Jesure ti wacũ tuariro seheta mʉsa mehne macaina cũhũ ti wacũ tuahto cjihto sehe. ă waha duapaihta waha masiera tihĩ yũhũ. <sup>14</sup> Jipihtinare noaa buheare buhero jiro nina yũhũre. Buheinare, buhemahnoeraina cũhũre, masiinare, masieraina cũhũre buhehtiro cjihto jii nija yũhũ. <sup>15</sup> ă jiro jicũ mʉsare Roma macainare noaa buheare tuaro buhe duaja.

### *Noa buheare masa tũhoa Jesure wacũ tua dũcara*

<sup>16</sup> Noaa buheare tũhoa Jesure wacũ tua dũcara masa. ă jiro jipihtinare Jesure wacũ tuainare Cohamacũ to tuaa mehne pichacapũ wahaborinare yũhdora. Ti ă yũhdũchũ masicũ ahri buheare noaa buheare bũo tiro marieno yahuja. Ahri buheare judio masa tũho mũhtari jire. Ti baharo, judio masa jieraina cũhũ tũho turiari jire. <sup>17</sup> Ahri buhea ẽ sehe ni yahura: Jesure wacũ tuainare “Ñaa buhiri marieina, noaina jira”, ni ñũna Cohamacũ. Tirore wacũ tuaina dihtare ă ni ñũna Cohamacũ. Ahri panopũ ti ni joariro seheta jira: “ ‘Noaina jira’, to ni ñũina Cohamacũre wacũ tuaina dihta jira. ă wacũ tuaa, to ya catia mehne ă catirucuahca tina”, ni joa tiha.

### *Masa ti ñaa yoari buhirire yahuha Paulo*

<sup>18</sup> Cohamacu muanopu jirirore masa ti yuhdurucarire, ti ñaa yoari cūhure ñuno, ti ã yoari buhiri tina mehne suara. Tó sehe jiina barore to buhiri dahrehtore masichu yoara tiro. Masa ti ñaa yoaa mehne painare noaa buheare tūhoerachu yoara tina sehe. <sup>19</sup> Cohamacu to basi to jia tiare masichu yoaha. To ã yoachu Cohamacure masichu mijoerara masare. <sup>20</sup> Cohamacure mari ñuerapachuta muanano macariro to jia tiare, tuariro to jia cūhure to basi masichu yoara tiro. Ahri yahpare to bajuamehneri baharo jipihtia to bajuamehnerire ñua “Cohamacu to yoari cjiri jira ahri” nia, Cohamacu to jia tiare masina masa. ã jia masa Cohamacure masipahta ã ñaare yoarucua, buhiri tira. “Mūhure masierahi. ã jicu ñaare yoahi”, ni masisi Cohamacure. <sup>21</sup> ã jia Cohamacu to jia tiare masipahta tina tirore ño payoerara. ã jia tiro tinare to noano yoapachuta tina sehe “Noana”, nierara tirore. ã tūho masieraina jia, wiho jia macaare, ñaa dihtare tūhoturucuina baro jira tina. <sup>22</sup> “Tūho masiina jija”, nipahta tūho masieraina wahara tina. <sup>23</sup> ã wahaa Cohamacure ã jirucurirore tina ño payoerara. ã ño payoeraa, ti ño payoboriro sehere cohtota, wiho jia masuri sehere “Cohamacu jira”, ti nia masuri sehere ño payora. Wiho jia masuri sehere yariahtina masa masurine, ã yoa minichahca masurine, chihchōina masurine, wahiquina masuri cūhure “Cohamacu jira”, ni ño payora tina.

<sup>24</sup> Ti ã yoachu ñuno “Ti mū sūro ñaare goa pja, yoawahnojaro”, nino Cohamacu cohānocare tinare. To ã cohāri baharo tina ñabiaro, pjíro būoro wahachu yoare cahma yoarucura ti basi. <sup>25</sup> ã jia Cohamacu ya sehere cahmaeraa, mahñoa sehere noano tūhora tina. Cohamacu ya sehere mahñoa yoaro sehe jichu yoara tina. Potocāta Cohamacu warore jipihtiare bajuamehnerirore jipihtia dachoripe noano ño payoro cahmana. Wiho mejeta tina sehe tirore ño payoerara. ã tirore ño payoeraa, Cohamacu to bajuamehneri cjiri, wiho jia sehere ño payora tina.

<sup>26</sup> Ti ã ño payochu ñuno “Ti mū sūro goa pja, yoawahnojaro”, nino Cohamacu cohānocare tinare. ã jia tina numia mūa mehne manū tiboina cohtota, ti basi numia dihta ñano yoara ti pjacuri mehne. <sup>27</sup> Ti yoaro seheta jiina mūa cūhu numia mehne namo tiboina jipahta, tíre cohtota, mūa ti basita ti pjacuri mehne ñabiaro yoara. ã yoaa, ti basita ti ñano yoari buhiri ti pjacuri sehe ñano yuhdura.

<sup>28</sup> ã Cohamacure ti cahmaerari buhiri Cohamacu tinare cohāre. To ã cohāchu tina sehe ñano wacūrucu, ñano yoarucura. <sup>29</sup> ã jia tina tuaro ñano yoarucura. Numia mehne ñano yoarucuina, mūa mehne ñano yoarucua numia, ñaare goa pjarucuina, paina yare tuaro cahmaina, painare ñano yoarucuina, paina paye baro ti cjūachu ñua goa pjaina, masare wajāina, cahma sayoina, mahñoina, masare ñu tuhtiina, ñaa quití dahreina, <sup>30</sup> paina ti yoerapachuta ñano ni yahuwajaina, Cohamacure ñu tuhtiina, painare purīno yūhtiina, “Sā sehe masi yuhdurucu sūja”, ni tūhotuina, painare ã ni yahuina, paye ñaare yoa dūcaina, ti pūcūsumare yūhtieraina, <sup>31</sup> tūho masieraina, ti nino seheta yoeraina, masare ne cahieraina, ti basi cahma susini duhueraina, ne pja ñueraina jira tina. <sup>32</sup> ã ñano yoarucuinare Cohamacu pichacapū cohānohca. To ã cohāhtire masipahta tina tí ñaare ã yoarucura. ã jia paina tinare ñu cū ti yoaro seheta ñano ti yoachu ñua, “Mari yoaro seheta ñano yoara”, ni wahchera tina.

## 2

### *Masare buhiri dahre dutiro tíre quihōno yoarohca Cohamacu*

<sup>1</sup> “Tina ñabiaina jira”, ni yahuwajaena tjiga painare. Mūsa cūhu ti yoaro seheta yoara. “Ñaare yoeraja sā. ã jina buhiri maeraja”, ni masierara mūsa. Mūsa yahu wajaina yoaro seheta ñaare yoana, mūsa cūhu mūsa basita buhiri dahre dutina nica. <sup>2</sup> Tó sehe yoainare Cohamacu to buhiri dahrechū potocāta quihōno to buhiri dahrechū masija mari. <sup>3</sup> Painare “Buhiri tiahca”, ni yahu waja ti yoaro seheta mūsa yoachu, mūsa cūhure buhiri dahrerohca. ã jina “Sāre buhiri dahresi”, ni tūhotuboca mūsa. Jierara. Mūsa cūhure buhiri dahrerohca tiro. <sup>4</sup> Mūsa ñano yoapachuta Cohamacu mūsaare pja ñuno,

dóí waro buhiri dahrerara. Æ jina “Cohamacu yuhu mehne suasi”, ni tuhótuboca musa. Jierara. Cohamacu musare pja ñño, dóí waro buhiri dahrerara musa ñaa buhiri tiare cahyachu ñu duaro, tirore musa yuhtichu cahmano. <sup>5</sup> Æ buhiri dahre duaeraparota, musa Cohamacure yuhti duaerachu, musa ñaa buhiri tiare musa cahyaerachu, buhiri dahrerohca musare. Tó pano musare to buhiri dahreboriro yuhdoro tí to buhiri dahrehti dacho waropure ñano, tuaro waro musare buhiri dahrerohca Cohamacu. Quihõno buhiri dahrerohca. <sup>6</sup> Cãinare ti yoa wapataro seheta yorohca Cohamacu. <sup>7</sup> Cãina noaare yorucuina jira. Tina Cohamacure noano wahchechu yoa duaina, jipihtia dachoripe Cohamacu mehne ji duaina jira. Tina pinihtare dachoripe tiro mehne jirucuchu yorohca Cohamacu. <sup>8</sup> Wiho mejeta paina sehe tina yoaro sehe jierara. Tina ti mu sũro jia ti, ñaare goa pja yorucuina baro jira. Cohamacu ya warore cahmaerara. Tina mehne Cohamacu tuaro sua, buhiri dahrerohca. <sup>9</sup> Jipihtina ñano yoaina ñano yuhduahca. Judio masare ãta waha muhtanohca. Tuhsu, judio masa jieraina cũhure ãta waharohca. <sup>10</sup> Jipihtina noaare yoaina sehere Cohamacu “Noana”, ninohca. Æ jia masa tinare ño payoahca. Æ jiro tinare noano jichu yorohca Cohamacu. Judio masare ãta waha muhtanohca. Tuhsu, judio masa jieraina cũhure ãta waharohca.

<sup>11</sup> Cohamacu judio masare, ã jichu judio masa jieraina cũhure jipihtinare cũno sehe ñña. Mari yorire ñño, quihõno besera jipihtinare, ñaina, noaina cũhure. <sup>12</sup> Paina Cohamacu Moise cjirore to dutia cjirore masieraina sehe buhiri tiare ti yoachu, to dutiare ti masierapachuta tinare buhiri dahrerohca Cohamacu. Æ yoa tí dutiare masiina cũhure buhiri tiare ti yoachu, tí dutiare ti yuhdurucari buhiri buhiri dahrerohca Cohamacu. <sup>13</sup> Cohamacu dutiare tuhopahta yuhtierainare “Buhiri marieina, noaina jira ahrina”, ni ñuerara Cohamacu. To dutiare yoaina sehere “Noaina jira”, ni ñña tinare Cohamacu. <sup>14</sup> Judio masa jieraina Cohamacu Moise cjirore to cũri dutia maerapahta, ti mu sũro noaare yoaa, Cohamacu dutiare yoaa nina. Æ yoaa Moise cjirore to dutiare joari pũre cjuerapahta tina ti mu sũro to dutiare masina. <sup>15</sup> Æ jia to dutiare ti tuhotuapũ potocãta cjuara tina. Æ cjuaa ñaare yoaa dóicãta ti ñaa yorire masina tina. Æ jiro ñaare yoriro “¿Dohse jiro baro ñaare yoari yuhũ?” ni tuhótura tiro. Æ jiro noaare to basi to yoari cũhure masina tiro. <sup>16</sup> Æ jiro Cohamacu Jesucristore to warocahti dachoi masa ti yorire ti yahu duaerarire Jesucristo masi pahõono, tiro tinare beserohca noaina, ñaina cũhure. Tó sehe yorohca tiro noaa buhea to nino seheta. Ahrita jira masare yu buhea.

#### *Cohamacu* Moise cjirore to dutirire yahuha Paulo

<sup>17</sup> Musa sehe judio masa jina, Cohamacu Moise cjirore to dutiare ño payoia jina, “Cohamacu to yaina jija”, ni tuhótumana musa. <sup>18</sup> Æ jina Cohamacu dutiare masiina jina, to cahmaare masina musa. Æ masiina jina, “Noaare sã yoahore bese masija sã”, ni tuhótumana musa. <sup>19</sup> Æ ni tuhótuna õ sehe ni tuhótu namona musa: “Painare ne masierainare noano masichu yoaja sã. Tinare sã buherachu ne Cohamacure masieraboa tina. Æ jia ñaare duheraboa”, ni tuhótumana musa. <sup>20</sup> Æ jina “Tũho masierainare noaare yoa dutiina, macanacã cũhure buheina jija sã”, ni tuhótumana musa. Æ jina “Cohamacu dutiare cjuana, potocã jiare masi pahõoja sã”, ni tuhótumana musa. <sup>21</sup> ¿Æ jina painare buheina jipanahta, dohse yoana musa sehe musa buheriro sehe yoajerari? ¿Painare yaca dutieraina jipanahta dohseana musa sehe yacajari? <sup>22</sup> ¿Pairo namono mehne ñano yoa dutieraina jipanahta dohseana musa sehe pairo namono mehne ñano yoajari? “Cohamacu jira”, ti nia masurine ñu yabiina jira musa. ¿Æ ñu yabiina jipanahta dohseana tí masurine ti ño payoa wuhusepu sãa yacajari musa? <sup>23</sup> “Cohamacu Moise cjirore to dutiare cjuaja sã”, niina jipanahta to dutiare yuhdurucara musa. Æ yuhdurucana Cohamacure ño payoerachu yoana nica musa painare. <sup>24</sup> Æta nina Cohamacu yare ti joari pũ: “Cohamacu dutiare musa yuhdurucari buhiri judio masa jieraina sehere Cohamacure ti ñano durucuchu yoara musa judio masa”, ni joaa tiha Cohamacu yare ti joari pũ.

<sup>25</sup> “Cohamacu yaina jija”, ni tūhotura cāina judio masa mahanocā cahsarocāre yihsoina. Cohamacu yare ti yoachū judio masa ti jichū noa nina. To yare ti yoerachū judio masa ti jia tia yaba cjihti jierara. Yihsoina ti jia tia cūhū yaba cjihti jierara. <sup>26</sup> Ā jiro judio masa jieraina mahanocā cahsarocāre yihsoeraina ti jipachūta, Cohamacu dutiare ti yoachū ñño “Yū yaina masata jira”, ni ñña Cohamacu tinare. Judio masa sehere to ā ni ññboriro seheta judio masa jieraina sehere ā ni ñña. <sup>27</sup> Payū judio masa Cohamacu Moise cjirore to dutiare cjuapahta tíre yoerara tina. Ā jia paina judio masa jieraina sehe mahanocā cahsarocāre yihsoeraina jipahta to dutiare yoara. Ā yoaina jia judio masa ti ñano yoarire masichū yoaa nina. <sup>28</sup> Mipūre judio masūno waro to jiare yahuiltja mūsure. To pjacūre mahanocā cahsarocāre yihsoeraina jiparota Cohamacūre ño payoeraro potocāta judio masūno waro jierara. <sup>29</sup> Cohamacu yairo Espírítu cjuariro tirore yūhtiriro tiro tjira judio masūno waro. Ā yoa to pjacūre mahanocā cahsarocāre to yihso cohāriro seheta to ñaa yoare duhura tiro. To mū sūro dutiare yoariro jieraparota Espírítu Santo to yoadohoa mehne to ñaa yoare duhura. Tó sehe yoarirore “Noariro jira”, ni ñña Cohamacu sehe. Masa sehe tirore ti ā nierapachūta, ā nina Cohamacu sehe.

### 3

<sup>1</sup> ¿Yū ā nichū judio masa ti jia tia wiho waro jijari, mūsa tūhotuchū? Ne wiho waro jia nierara. ¿Cohamacu judio masare to dutiriro seheta ti pjacūre mahanocā cahsarocāre ti yihso cohāa wiho waro jijari, mūsa tūhotuchū? Ne wiho waro jia nierara. <sup>2</sup> Judio masa ti jia tia wiho waro jierara. Cohamacu yare ti joari pūre judio masare cū mūhtaha. Ā jia judio masa ti jichū noa nina tinare. <sup>3</sup> Ā jia cāina judio masa Cohamacūre ti tūhoerapachūta to niri cjiri potocāta jira. Ā jiro to ni cūriro seheta yoarohca tiro. <sup>4</sup> Āta jira. Jipihtina masa mahñoina ti jipachūta Cohamacu sehe ne mahñeerara. Panopū to yare yahu mūhtariro cjiro to ni joariro seheta ne mahñeerara Cohamacu. Ō sehe ni joaa tiha:

“Potocā niriro jira mūhū Cohamacu.

Mūhūre ā jia masa ‘Cohamacu quihōno yoerara’, ni masierara mūhūre”,  
ni joaa tiha panopū.

<sup>5</sup> Ō sehe ni tūhotuboca masa: “Mari ñaare yoana Cohamacu noaare to yoariro jichū masichū yoaja. Ā jiro ñaare mari yoachū noa nina. ¿To ā noaa jipachūta dohsearo tiro mari ñaare yoari buhiri buhiri dahremacanocajari?” ni tūhotuboca masa. Masa ti tūhotuboriro seheta ā nii nija. <sup>6</sup> Tó jierara ti ā ni tūhotuchū. Mari ñaa yoari sehe noaa jichū Cohamacu mari ñaare yoari buhiri buhiri dahre masieraboa.

<sup>7</sup> Masa sehe mahñoina jira. Cohamacu sehe ne mahñeerara. Ā jina masa ti mahñochū ñña Cohamacu sehe ne mahñeerariro to jichū noano ññ masija mari. Ā jia masa mahñoa, Cohamacu to mahñeerariro to jiare ñoa niboca tina. Āta ni tūhotumana cāina. Ā ni tūhotua ō sehe ni tūhotu namomana tina: “Sā mahñoa mehne Cohamacu to mahñeerariro jiare ñona nija. Ā ñona noano yoana nija. Ā jia sā mahñoa noa nina. ¿Sā mahñoa noaa nichū dohse jiro baro sā mahñori buhiri sāre buhiri dahremacanocabocari Cohamacu?” ni tūhotumana cāina masa. <sup>8</sup> Ā jia ō sehe ni mahñona cāina sāre: “Ñano yoana Cohamacu to noariro jichū ñona nica. Ā jina ñano yoajihna’, nihre Paulo cūhū”, ni mahño yahusāna sāre cāina. Ti ā niri buhiri tinare Cohamacu buhiri dahrerohca. Āta yoaro cahmana tinare.

#### *Jipihtina buhiri tiina jija mari*

<sup>9</sup> ¿Ā yoa dohse ni tūhotujari mūsa? ¿Mari judio masa paina yūhdoro noaina jijari mari? Jieraja mari. Judio masa, judio masa jieraina cūhū ñaa buhiri tia cjuaina dihta jija mari. Ā jina jipihtina buhiri tiina jija mari. Āta jira. Jipihtinare yū buheriro seheta jira. <sup>10</sup> Panopū to ni joariro seheta jira ahri: Ō sehe ni joaa tiha:

“Ne cūiro masūno noariro mariahna, Cohamacu to ñuchū.

<sup>11</sup> Jipihtina masa tūho ñahaeraina dihta jira.



Tuhsu, jipihntina masa ne Cohamacure macaeraina jia, tirore wacũ payoerara.

<sup>12</sup> Tina Cohamacu yare cohãa jipihntina ñaare yoaina wahare.

Ne cãiro noaare yoariro pinihta mariahna.

<sup>13</sup> Ti duseri masa copari ti pjõo dapori yoaro sehe jira.

Ti durucuchu, masa copari urĩa wijaaro sehe mahñoa dihta ti duserire wijaara.

Å durucua agã duseroi to ñima purĩa wijaaro seheta purĩno ti durucua wijaara ti duserire.

<sup>14</sup> Tina painare ñano durucuina, purĩno durucuina jira.

<sup>15</sup> Å jia sua ñaina dóicãta masare wajãina jira.

<sup>16</sup> Nohoi ti waharoi tina masare ñano yoa, ñano yũhdũchu yoara tinare.

<sup>17</sup> Tó sehe jia paina masa mehne tina noano jierara.

<sup>18</sup> Å yoa Cohamacure ne ño payoerara”,

ni joaa tiha panopure.

<sup>19-20</sup> Cohamacu jipihntiare to joa na dutiri cjirire sãre judio masare cũha. Å jiro tó sehe to ni joariro cjiro mari cũhure dutisinina. “Buhiri mariahna sãre”, ni masieraja mari. Å jina mari jipihntiro macaina judio masa, ã jichu judio masa jieraina cũhu to buhiri dahrehtina mari jia tiare masija mari. Å jina buhiri tiina mari jiare masina, “Noaina jija sã”, ni masieraja Cohamacure. Cohamacu to yoa dutia sehere ne mari yoeraja. Å jiro to dutia sehe buhiri tiina mari jia tiare masichu yoara marine. Å masina, õ sehe ni masieraja mari: “Cohamacu dutiare yoa pahñoi. Å jiro Cohamacu marine ‘Noaina jira’, ni ñũna”, ne ni masieraja mari jipihntiro macaina.

*Cohamacure* noano mari wacũ tuana to yaina wahaja mari

<sup>21</sup> Wiho mejeta mipure Moise cjirire to dutiri cjirire yoa pahñoono marieno masare ti ñaa buhirire to cohãire masichu yoara marine Cohamacu. Moise cjiro to joari cjiri mehne, Cohamacu yare yahu mũhtaina cjiri ti joari cjiri mehne yahu cũ mũhta tuhsuha ahrire. <sup>22</sup> Jipihntina Jesucristore wacũ tuainare, tirore tũhoinare “Noaina jira”, ni ñũna Cohamacu. Tó sehe cũno potori ñũna tiro jipihntina dohse jiina Jesucristore wacũ tuainare. <sup>23</sup> Mari jipihntina ñaare yoaina buhiri tiina dihta jija. Å jina Cohamacu to cahmano sehe mari jiboriro dũhsa yũhdũara. <sup>24</sup> Mari ã jiina jipachũta Cohamacu marine pja ñũna. Å jiro Jesucristo sehe mari ñaa buhirire wapabasari jire. To ã wapabasaro mehne “Buhiri marieina noaina jira”, ni ñũna Cohamacu marine. <sup>25</sup> Panopu macaina cjiri buhiri tiina ti jipachũta Cohamacu dóicãta buhiri dahreraha tinare. Å buhiri dahreraro ti buhiri tiare wiho waro ã tũhotunocano nieraha. Baharo tiro Jesucristore warocari jire mari ñaa buhiri yariahtiro cjihtore, to di mehne mari ñaa yoarire wapabasahtiro cjihtore. Jesucristore mari wacũ tuachu Cohamacu sehe mari ñaa yoari buhirire borohca. Ahrire yoaro, quihõno yoariro to jia tiare masichu yoaro niha. <sup>26</sup> Å yoa mipu cũhure quihõno yoariro to jia tiare masa ti masichu cahmana tiro. Quihõno yoariro jira tiro. Å jiro Jesure warocari jire masa ti ñaa buhiri yariahtiro cjihtore. Å jiro Jesure wacũ tuainare, “Buhiri marieina, noaina jira”, ni ñũno, quihõno yoaro nica.

<sup>27</sup> ¿Mipure “Noaina jija mari”, ni masicari mari mũsa tũhotuchu? Tíre ne ni masieraja mari. ¿Dohseana ã ni masieracari mari? ¿Cohamacu to dutiare yoana, “Noaina jija”, ni masibocari mari? Jierara. Tí cũhure ni masieraja mari. Mari ã ni masierapachũta Jesure mari wacũ tuachu “Noaina jira”, ni ñũnohca marine Cohamacu. <sup>28</sup> Õ sehe masija mari: Jesure mari wacũ tuachu ñũno marine ñũ jicoara Cohamacu. Å jiro marine “Buhiri marieina, noaina jira”, ni ñũna tiro. To dutiare mari yoari wapa ã ni ñũerara. Tirore mari wacũ tuachu ã ni ñũna.

<sup>29</sup> Tuhsu, Cohamacu judio masa pũhtoro dihta jierara. Judio masa jieraina pũhtoro cũhu jira tiro. <sup>30</sup> Å jiro Cohamacu cãirota jiriro jiro, jipihntina bui pũhtoro jira. Å jiriro jiro judio masare, ã jichu judio masa jieraina cũhure Jesure ti wacũ tuachu, tinare cũno potori “Buhiri marieina, noaina jira”, ni ñũnohca Cohamacu. <sup>31</sup> ¿Å jina Jesure wacũ tuana Cohamacu Moise cjirire to dutiare cohãna nibocari mari? Cohãeraja mari tíre. Jesure wacũ tuaina jina, Cohamacu dutiare yoa pahñoa nija mari.

## 4

*Abrahã Cohamacu*re to wacũ tuarire yahuha Paulo

<sup>1</sup> Mari ñuchũ cjiro panopũ macariro Abrahã cjirore Cohamacu õ sehe yoaha: <sup>2</sup> Abrahã cjiro noaare to yoapachũta “Noariro jira”, ni ñueraha Cohamacu tirore. Æ jiro noaare yoaparota ñariro jisninino “Yũhũ pini noariro jija”, ni masieraha Abrahã, Cohamacu to ñuchũ. <sup>3</sup> Cohamacu yare ti joari pũ õ sehe nina: “Abrahã Cohamacu to nirire to quihõno tũho ñaha, tirore to wacũ tuachũ ñũno Cohamacu tirore ‘Potocãta noariro jira’, ni ñũha”, ni yahura Cohamacu yare ti joari pũi. <sup>4</sup> Pũhtoro dahrainare waparo, wiho waro to pja ñũa mehne waparo nierara. Ti dahrari wapa tinare waparo nina. <sup>5</sup> Wiho mejeta Cohamacure wacũ tuainare dahrainare ti waparo sehe yoerara Cohamacu. Cohamacure wacũ tuarire “Noariro jira”, ni ñũna Cohamacu. To ã ni ñuchũ tí noaa to yoari wapa jierara. Cohamacu sehe tirore cahmaeraina cjirore ti cahmachũ ñũno buhiri marieina, noaina wahachũ yoara. Æ jiro masũno Cohamacure to wacũ tuachũ ñũno “Noariro jira”, ni ñũna Cohamacu tirore. <sup>6</sup> Æta niha panopũ macariro Davi cjiro. Masũno noaare to yoapachũta Cohamacu tirore “Noariro jira”, ni ñueraca. Tirore to wacũ tuachũ ñũno pini Cohamacu tirore “Noariro jira”, ni ñũna. Cohamacu to ã ni ñũriro wahcheare yahuha Davi cjiro. Õ sehe niha:

<sup>7</sup> “Cohamacu ti ñaa yoarire to cohãchũ masiina sehe tuaro wahchera.

<sup>8</sup> ‘Noaina jira. Mũsa buhiri tiare wacũsi yũhũ’, to nichũ tũhoina tuaro wahchera”, niha Davi cjiro.

<sup>9</sup> ¿Judio masa ti pjacure mahanocã cahsarocãre yihsorina dihtare ti ñaa yoarire boari Cohamacu? Jierara. Judio masa jieraina yihsoeraina cũhũre ti ñaa yoarire bora tiro. Pari turi Abrahãre wacũga mũsa. Tiro Cohamacure to wacũ tuachũ ñũno “Noariro jira”, ni ñũha Cohamacu. <sup>10</sup> ¿Dohse jichũ ã yoari Abrahã, mũsa tũhotuchũ? To pjacure mahanocã cahsarocãre to yihsohto panopũta tirore “Noariro jira”, ni ñũha Cohamacu. Æ jiro yihso, to ñaa yoarire cohã tuhsũriropũ yihsoha. <sup>11</sup> Æ jiro dóihta Cohamacure wacũ tua mũhtaha Abrahã. To ã wacũ tuachũ ñũno “Noariro jira”, ni ñũha Cohamacu tirore. Æ to wacũ tuaare, to yairo to jiare to ñohto cjihtore Cohamacu tirore to pjacure mahanocã cahsarocãre yihso dutiha. Æ jiro Abrahã to yihsohto pano Cohamacu sehe “Noariro jira”, ni ñũ tuhsũha tirore. Tiro to yihsohto pano to ã ni ñũriro seheta jipihtina Cohamacure wacũ tuainare judio masa jieraina yihsoerainare “Noaina jira”, ni ñũna Cohamacu. To ã ni ñũina ti jichũ Abrahã ti ñuchũno cjiro waro yoaro sehe wahara. <sup>12</sup> Tí yoaro seheta masa, yihsoina Cohamacure ti wacũ tuachũ ti ñuchũno cjiro waro jia tiha Abrahã. Tiro to yihsohto pano Cohamacure wacũ tuaha. Æ jia tiro yoaro seheta wacũ tuaina judio masa Abrahã panamana ji turiaina jira.

*Cohamacu* Abrahãre to ni cũrire “Potocã tjira”, niha Abrahã

<sup>13</sup> Panopũ õ sehe niha Cohamacu Abrahãre: “Ahri yahpare mũhũre, mũ panamana ji turiainapũ cũhũre waihtja”, ni yahu cũha Cohamacu Abrahãre. To dutiare to noano yoari wapa ã nieraha Cohamacu tirore. Abrahã Cohamacure to wacũ tuari wapa sehẽre ã niha Cohamacu tirore, “Noariro jira”, tirore to ni ñũri baharo. <sup>14</sup> “Cohamacu Moise cjirore to cũri dutia dihtare yoaro cahmana”, nina judio masa. Tó sehe niina Cohamacure wacũ tuaro marieno ahri yahpa jipihtirore na duara. Wacũ tuaro marieno ti nachũ mari sehẽ Cohamacure mari wacũ tuua yaba cjihti jieraboa. Æ jiro Cohamacu marine to ni cũri cjiri yaba cjihti jieraboa. <sup>15</sup> Moise cjirore to cũri dutia sehẽre yoerara masa. Æ jiro to dutiare ti yũhdũrũcari buhiri masare buhiri dahrerohca Cohamacu. Wiho mejeta to dutia mariachũ to dutiare yũhdũrũcaro cũhũ mariaboa.

<sup>16</sup> Æ yoa Cohamacure wacũ tuaina dihta to wahtore naahca. Abrahã cjiro Cohamacure wacũ tuaha. Æ jiro jipihtina tiro yoaro sehe Cohamacure wacũ tuaina ti ñuchũno waro yoaro sehe tjuara Abrahã cjiro. Æ jiro “Ahrire mũsare waihtja”, Cohamacu nino jipihtinare tirore wacũ tuaina pinihtare nino niha. Æ jia Cohamacu Moise cjirore to

dutiri cjirore yoaina Cohamacure wacū tuaina Cohamacu to wahtore naahca. Tina dihta nasi. Jipihtina Abrahã cjiro yoaro sehe Cohamacure wacū tuaina cūhū tinare to wahtore naahca. <sup>17</sup> Tíre Abrahã cjirore to niriro seheta joaa tiha panopure: “ ‘Payu macari macaina ti ñuchno cjihto cūhi mūhure’, ni cūa tiha Cohamacu Abrahã cjirore”, ni joaa tiha panopu. Æ jiro tiro Cohamacure wacū tuaa tiha. Æ to wacū tuachū mari ñuchū cjiro yoaa tiha Cohamacu tiro cjirore. Cohamacu sehe yariainare masoriro, jipihtinare, jipihtia cūhure bajuamehneriro jira.

<sup>18</sup> “Payu yahpari macaina mu panamana ji turiaina jiahca”, Cohamacu to ã ni cūchū Abrahã cjiro sehe pohna marieriro jiparota, “Potocāta jira”, ni tūhotua tiha. Æ ni tūhoturo payu yahpari macaina mari ñuchū cjiro yoaro sehe wahaha tiro Cohamacu tirore to ni cūriro seheta.

<sup>19</sup> Æ jiro cien cūhmari cjuariro jiparota “Bucuro waro jija”, ni tūhotuparota, Sara to namono ne pohna marienico to jipachūta “Pohna ti masieraja sã”, ni tūhotueraa tiha Abrahã cjiro. Æ jiro Cohamacu to ni cūriro “Potocāta jira”, nia tiha Abrahã cjiro. <sup>20</sup> “To niriro seheta yoeraboca”, ne ni tūhotueraa tiha Abrahã cjiro. Æ jiro tiro Cohamacu to ni cūriro noano tūhoa tiha. To ã niare tūhotjāhno “Cohamacu tuariro jira”, ni ño payoro nia tiha. Æ jiro Cohamacure wacū tua namoa tiha tiro. <sup>21</sup> “Cohamacu to niriro seheta noano bihorohca”, ni tūhotu noano masia tiha Abrahã cjiro. <sup>22</sup> To ã masichū Cohamacure to wacū tuachū Cohamacu sehe “Noariro jira”, ni ñua tiha Abrahã cjirore. Æta ni joaa tiha Cohamacu yare ti joari pūi.

<sup>23</sup> Æ yoa Abrahã cjiro dihtare ã ni joaeraa tiha. <sup>24</sup> Tíre mari masihti cjihtire mari cūhure ã ni joaa tiha. Æ jiro Cohamacure mari wacū tuachū “Noaina jira”, ni ñunohca mari cūhure Cohamacu. Tiro pini mari pūhtoro Jesu to yariachū masori jire tirore. <sup>25</sup> Jesu sehe mari ñaa buhiri yariari jire. To yariari baharo masa wijaari jire tiro Cohamacu marine “Noaina jira”, to ni ñuhto cjihtore.

## 5

“Noaina jira”, Cohamacu to ni ñuchū ò sehe waharohca marine

<sup>1</sup> Jesucristore mari wacū tuachū ñuno “Buhiri marieina, noina jira”, ni ñuna marine Cohamacu. To ã ni ñuchū Cohamacu mehne macaina marine jichū yoara mari pūhtoro Jesucristo. <sup>2</sup> Æ jina mari tirore wacū tuachū ñuno Cohamacu marine cahino, pichacapu wahaborinare yūhdore tiro mehne mari jihto sehe. Cohamacu pinihta noa yūhdūariro jira. Æ jiro tiro yoaro seheta jiina wahachū yoarohca marine tiro. To ã yoacti cjihtire noano masi, wahcheja. <sup>3</sup> Æ yoa ñano yūhdūna cūhū wahcheja mari. Ñano yūhdūna, tíre cūno pja masija mari. Æ cūno pjana, ñano yūhdūpanahta noano Cohamacure wacū tuaina waha namoja mari. Æ jina Cohamacu yare duhueraja mari. <sup>4</sup> Mari ã yoachū ñuno “Noana”, ni ñunohca Cohamacu marine. Æ jina marine to yūhdohtore noano masi, wacū cohtana nija mari. <sup>5</sup> Ne wiho waro wacū cohtana nieraja. Cohamacu marine to Espíritu Santore warocare mari mehne jihtirore. Æ jiro Espíritu Santo sehe mari mehne jiro Cohamacu marine to ã cahírucuar masichū yoara. To ã masichū yoachū marine to yūhdohto noano waro jiro nina. Potocāta yūhdūnahca mari.

<sup>6</sup> Tó pano mari ñaa yoarire mari basi mari yūhdū masierachū ñuno, to quihōriro mu sūchū, Cohamacure cahmaeraina mari jipachūta, Cristo sehe mari ñaa buhirire yariabasaha. <sup>7</sup> Cūiro masuno noariro jiparota yariahtiro to jichū paio sehe to yariaborirore cohtota, to yariabasa duachū mijo yūhdūara. Noaa dihtare yoariro yaro jiborirore paio yariabasaboca pa tehe nino. <sup>8</sup> Wiho mejeta Cohamacu sehe ò sehe yoara. Buhiri tiina mari jisipachūta mari yaro jiborirore Cristo yariaha. To ã yoachū Cohamacu marine to tuaro cahiare masija mari. <sup>9</sup> Mari yaro jiborirore to ñano di wijaa, yariachū Cohamacu sehe marine “Buhiri marieina, noaina jira”, ni ñuna. To ã ni ñuri baharo mipu pinihtare marine pichacapu wahaborinare yūhdorohca Jesu. Marine to yaina wahachū to yoari baharo marine buhiri dahresi pichacapu Cohamacu. <sup>10</sup> Cohamacure ñu tuhtiina mari

jipachuta, to macuno sehe yariaro, mari ñaa buhiri tiare cohãno, Cohamacure mari ñu tuhtirire duhuchu yoare. To ã yoaro mehne Cohamacu mari buhiri tiare bora. Tuhsu marine to yaina wahachu yoara. Mipũ pinihtare tí yũdo curero yorohca marine. To yaina mari jichu Jesu to masa mujari mehne marine pichacapũ wahaborinare noano yũdorohca tiro. <sup>11</sup> ã jina baharopũ mari yũduhtore masina wahcheja mari. Mipũre ahri cũhũre wahcheja. Mari pũhtoro Jesucristo mari ñaa yoari buhirire to yariari baharo Cohamacu yaina jija mari. ã jina wahcheja.

*Adãore, Cristore yahuha Paulo Roma macainare*

<sup>12</sup> Adão cjiro Cohamacure to yũhdũrucari baharo ahri yahpare ñaa buhiri tia ji dũcaha. Ñaa buhiri tia ji dũcaro mehne masa yaria dũcaha. Jipihtina mari ñaare buhiri tiare yoaja. ã jina jipihtina ñaina mari jiri buhiri yariaja. <sup>13</sup> Cohamacu to dutiare Moise cjirore to cũhto pano potocãta ahri yahpa macaina ñaa buhiri tiare yoaa tiha. Ti ã yoapachuta to dutia mariachu to dutiare ti yũhdũrucari buhiri buhiri dahre masieraha. <sup>14</sup> To ã buhiri dahre masierapachuta Adão cjiro cũhu to baharo jiina cũhu tí dutia mariasinipachuta yariaa tiha. Moise cjiro to jihto pano tí dutia mariasinipachuta masa yariaa tiha. Paina ñano yoaa Adão cjiro ñano to yoariro sehe waro yoaera timaha. ã jipahta tina cũhu yariaa tiha. ã jiro Adão cjiro ñaare to yoa dũcaro seheta yoari pja baharopũ ahri yahpapũ tariro noaare yoa dũcari jire.

<sup>15</sup> Adão cjiro to yũhdũrucari Cohamacu masare to pja ñua yoaro sehe jierara. Cohamacu to pja ñua sehe noa yũhdũara. Adão cjiro cũirota jiparota ñaare to yoa dũcari buhiri payũ masa yariaa tiha. Cohamacu sehe marine pja ñuno, Jesucristore warocari jire. To ã warocachu tiro cũirota jiro pichacapũ wahaborinare masare payũ yũhdora.

<sup>16</sup> ã jiro Cohamacu masare to pja ñua Adão cjiro to yũhdũrucari yoaro seheta jierara. Adão cjiro sehe cũirota jiro ñaare to yoari buhiri jipihtina masa ñaa buhiri tiina jira. ã ti buhiri tiina jipachuta masa pjiro ti ñaare yoapachuta mipũre masare pja ñuno Cohamacu ti ñaare bora. ã boro “Noaina jira”, ni ñua tiro tinare. <sup>17</sup> Adão cjiro cũirota jiro ñaare to yoa dũcachũ jipihtina masa yariarucura. Tí potocã tjira. To ã jipachuta ahri sehere wahchenahca mari. Mipũre Cohamacu masare pja ñuno Jesucristo cũirota jiro to yariaro mehne ti ñaare boro, tinare “Noaina jira”, ni ñua. ã jia jipihtina to ã ni ñua manopũ Cristo mehne pũhtoa jahca.

<sup>18</sup> Adão cjiro cũirota to jipachuta to yũhdũrucari buhiri jipihtinapũ buhiri tiina waha dũcaha. ã jia Cohamacu to buhiri dahrehtinapũ tjuaha tina. Tó yoaro seheta Jesu cũhu cũirota jiparota noano yoaro jipihtina ti buhiri tiare cohã masina. Ti buhiri tiare to cohãchũ, “Buhiri marieina, noaina jira”, ni ñua tinare Cohamacu. ã jia to ya catiare cjuaa, ã catirucuahca tina.

<sup>19</sup> Adão cjiro cũirota Cohamacure yũhdũrucaha. To ã yũhdũrucachu, payũ masa ñaa buhiri tiina wahaha. Tó yoaro seheta Jesu cũhu cũirota Cohamacure yũhtiha. ã yũhti, payũ masa ti buhiri tiare cohã masina tiro. To ã cohãchũ “Ñaare ti yoari buhiri tia mariena, noaina jira”, ni ñua Cohamacu tinare.

<sup>20</sup> Cohamacu to dutiare Moise cjirore cãa tiha tí mehne jipihtina masa ti ñaa buhiri tiare ti noano masihtore. ã jia masa ti ñaa buhiri tiare masia tí yũdoro Cohamacu tinare tuaro to cahã tia cũhũre masiahca. Tiro marine cahĩ yũhdũara. <sup>21</sup> Buhiri tiina ti jiri buhiri masa yariahtina jira. Ti yariari baharo, pichacapũ wahaahca. Wiho mejeta Cohamacu masare cahĩ yũhdũara. ã tuaro cahĩno, mari pũhtoro Jesucristo masare to yariabasaro mehne masare “Buhiri marieina, noaina jira”, ni ñua. To ã ni ñua sehe to ya catia mehne ã catirucuahca.

## 6

*Yariaina cjiri ti ñaare yoareraro seheta Cristo yaina cũhu ñaare yoarucuerara*

<sup>1</sup> ¿Dohse yoanahcari mari mipũre, mũsa tuhotuchũ? Cãina õ sehe niboca: Ñaare mari yoachũ ñuno Cohamacu mari ñaa buhirire borohca. ¿Cohamacu marire to cahĩ namochũ

ñu duana ñaare yoa namobocari mari? <sup>2</sup> Jierara. Ñaare yoaena tjijihna mari. Yariaina cjiri ñaare ti yoaeraro seheta Cristo yaina jina mari cūhu ñaare yoarucu masieraja mari. <sup>3</sup> Jesu yaina mari jia tiare masa ti ñu masihtu cjihtore copu bautisare marine paina. Ñ jina mari puhtoro Jesucristo to yariachu, mari cūhu tiro mehne yariaina seheta wahahi. ¿Tíre masierajari musa? <sup>4</sup> Ñ bautisarina wahana Cristo pjacure masa copapu ti siõ sãa payo cohãriro seheta pano mari ñaa yoarire duhuja. Ñ jina Cohamacu to tuua mehne Cristo to masa mujariro seheta mari cūhu to tuua mehne mari jia tia cūhure, mari tuhutua cūhure cohtotaja. Ñ cohtotana to yare wahma yoarucaina wahaja mari.

<sup>5</sup> Cristo yaina jina, tiro mari puhtoro mehne yariaina seheta jina, to masa mujariro seheta mari cūhu masa mujanahca. Tí potocãta jira. <sup>6</sup> Cristo yaina ji ducana crusapu tiro mehne yariaina seheta wahai pari turi mari ñaare yoarucuerahto sehe. Ñ waharina jina ñaare yoarucuina ji namo duasi mari. Tíre mari masija. <sup>7</sup> Yariariro cjiropure ñaare goa pjaa mariahna. Ñ jiro tiro cjiro ñaare to yoa duhuriro seheta tí ñaa sehe tirore to dutipe namoeraboro seheta tí ñaare duhura tiro. <sup>8</sup> Cristo mehne yariaina yoaro sehe jina, to masa mujariro seheta mari cūhu masa mujanahca. “Tí potocã tjira”, ni tuhutuja mari. Ñ jina tíre mari masa mujahitire wacū cohtaja mari. <sup>9</sup> Cristo to yaria masa mujari baharo ne pari turi yariasi. Ñ catirucuriro jira tiro. Tíre mari masija. <sup>10</sup> Ñ jiro Cristo cū tahata yariaro, masa ti ñaa yoari buhirire cohãno taro yariaha. To masa mujari baharo Cohamacu to cahmano seheta yoarucutiro jira tiro. <sup>11</sup> Tiro yoaro seheta musa cūhu õ sehe ni tuhutuga: “Yariaina cjiri ti yoaeraro seheta mari cūhu ñaare yoa duaeraja. Jesu yaina jina Cohamacu to cahmano seheta yoahitina cjihtita jina nija mari cūhu”, ni tuhutuga musa.

<sup>12</sup> Ñ jina musa yariahtina jina ñaare yoarucuina jiena tjiga. Ñ jina musa ñaa yoare goa pjapanahca tíre ñ tuhutonocahga. <sup>13</sup> Ñaare yoaina jiena tjiga. Musare pichacapu wahaborinare Jesu to yuhdorina jira musa. To ñ yorina jina Cohamacu cahmaa dihtare yoaina jiga musa. Ñ jina noare yoaina jiga musa. <sup>14</sup> Mipure Cohamacu Moise cjirore to dutia mehne marine dutierara. Cohamacu marine cahño tiro sehe marine dutira. Ñ jina to yoadohoro mehne ñaare yoa duasi mari.

Musa ñaare yoarucuchu tí ñaa musa puhtoro yoaro sehe jira

<sup>15</sup> ¿Yū ñ nichu dohse ni tuhutuajari musa? ¿Cohamacu sehere yuhtihitina jina Moise cjirore to dutiare yuhtihitina jierana, ñaare yoarucubocari mari? Jierara. <sup>16</sup> ¿Ahrire masierajari musa? Musa noano yuhtiriro musa puhtoro jira. Ñ jina to cahamaca jira musa. Musa ñ yuhti musa puhtoro tirore seheta ñaare yoarucuina musa jichu tí ñaa yoaa musa puhtoro yoaro sehe jira. Ñ jina ñaare duhu masierara musa. Ñ jiina jina pichacapu wahahtina jira musa. Cohamacure noano ño payoina jina pinihta, to cahamaca jira musa. Ñ jina to yaina noaina jira musa. ¿Tíre masierajari musa? <sup>17</sup> Panopu ñaare yoarucuina musa jichu tí ñaa yoaa musa puhtoro yoaro sehe jimare. Mipu sehere noaa buheare tuhona Jesure wacū tuana Cohamacure noano ño payoina wahare musa. Musa ñ wahachu ñuna Cohamacure “Noana”, nija. <sup>18</sup> Ñ wahana mipure ñaa ti dutiriro cjiro seheta yoaerara musa. Ñ jina Cohamacu cahamaca jina noaa sehere yoara musa. <sup>19</sup> Cahamaca ti puhtoare ti noano ño payoare masi pahñona musa. Ñ jicu tí musa masiri mehne tí mehne piti dahre buhehi musare ahri buheare noano masieraina musa jichu ñucū. Panopu ñaare yoarucuina jimare musa. Musa ñ yoarucuriro seheta mipu sehere noare yoarucuina jiga musa. Ñ jina Cohamacu cahmaa dihtare yoanahca musa.

<sup>20</sup> Panopu ñaa dihtare yoaina jina, noaa sehere yoera tire musa. <sup>21</sup> ¿Tí pjarure ñaa dihtare yoana dohse jirore wapataru musa? Tí musa ñaa yoarire wacūna mipure buo tica musa. Tí ñaare musa yoari buhiri pichacapu wahaboa musa. Ñ jina ñaare yoana ne wapataerara. <sup>22</sup> Mipu sehere musa ñaa yoarire duhuna Cohamacu cahamaca wahare musa. Ñ jina Cohamacu cahmaa dihtare yoaina jinahca. Ñ jina jipihtia dachoripe Cohamacu mehne jirucunahca. <sup>23</sup> Ñaare mari yoari buhiri pichacapu wahahtina jija

jipihtina mari. Mari ã jipachuta mari puhtoro Jesucristore mari wacũ tuachũ ñuno, jipihtia dachoripe tiro mehne marine jirucuchũ yoarohca. Mari ã jirucuhutore ã wanocanhca.

## 7

*Cohamacu* Moise cjirore to dutiare yahu namoha Paulo tjoa

<sup>1</sup> Yũ coyea, *Cohamacu* Moise cjirore to dutirire noano masina mũa. Masuno to catisinichũ tí dutiare yũhdũruca dutierara. To yariari baharo pinihtare tí dutiare yoaro mariahna. Tí cũhũre masina mũa. <sup>2</sup> Õ sehe jira: Numinore to manũno to catiro puro tiro mehne dihta ji dutira *Cohamacu* Moise cjirore to dutiri sehe. To ã dutipachuta to manũno to yariari baharo ticoro sehe pairere manũ ti masina. Ticoro tí dutia mehne ji namoerara. <sup>3</sup> ã jiro to manũno to jipachuta ticoro pairere manũ tiro, ñano yoaricoro jira. Wiho mejeta to manũno to yariari baharopũ pairere manũ tiro, *Cohamacu* dutiare yũhdũrucaerara ticoro ã yoaricoro. Æ yoaro ñano yoaricoro jierara ticoro.

<sup>4</sup> Mũa cũhũ yũ coyea Jesu yaina wahana, Jesu to yariachũ, mũa cũhũ tiro mehne yariaina seheta wahare. Æ jina yariaina cjirire dutia ti marieno seheta Moise cjirore to dutia to cũri cjiri mũa cũhũre mariahna. Tí dutia mũsare dutierara. To manũno to yariari baharo, pairere manũ tiricoro yoaro seheta mũa cũhũ panopũ mũsare dutimarire duhu, Cristo mehne jira, ticoro paio mehne to jiro seheta. Æ jina mipũre to yaina jira mũa. Tiro sehe to yariari baharo masa mũjari jire *Cohamacu* cahmaare mari yoahito cjihtore. <sup>5</sup> Panopũ ñaare mari mũ sũro yoaa timai. Æ jina *Cohamacu* Moise cjirore to dutirire mari masiri baharo tí dutiare yũhdũruca duamai. Tí dutia mariachũ yũhdũruca duaeraboa. Æ jina tí dutiare mari masiri baharo ñaare tuaro yoamai mari. Æ mari ñaare yoana mari pichacapũ wahahtinata jia timai. <sup>6</sup> Æ wahaborina jipanahta Cristo yaina jina mipũre tí dutia mehne jieraja mari. Æ jiro Espĩritu Santo mari mehne jiro marine noaa sehere cohtotachũ yoara. To ã yoachũ panopũ macaa dutia mũa dutia to joari cjiri tí mehne jieraja mari mipũre.

*To ñaa yoari cjirire yahuha Paulo*

<sup>7</sup> ¿Æ jina *Cohamacu* Moise cjirore to dutirire dohse nibocari mari? ¿Tí to dutia ñaa jicari, mũa tũhotuchũ? Jierara. Tí yũhũre to dutiri mehne ñaare masii. Æ jicũ to dutia mariachũ ñaare masieraboa yũhũ. To dutia õ sehe jira. “Paina yapũre tuaro cahmaena tjiga”, niha to dutia. Ti ã nierachũ paina yapũre tuaro ti cahmari ti ñaa jichũ masieraboa yũhũ. <sup>8</sup> Æ jicũ tí dutiare yũ masiri baharo paina yapũre tuaro cahmaa tii yũhũ. Tí dutiare masierasinicũ paina yapũre tuaro yũ cahmari ti ñaa jichũ masieraboa yũhũ. <sup>9</sup> To dutiare yũ noano masihtõ pano ã tũhotunocai. To dutiare yũ masiri baharo pinihta tuaro ñaare yoa duamai. Æ jicũ pichacapũ yũ wahahtore masia tii. <sup>10</sup> Æ jia *Cohamacu* dutiare yũhdũrucaeraa masa tiro mehne noano jirucuboa. Æ jia tí dutia sehe noano jirucuchũ yoabori dutia jipahta yũ yũhdũrucari buhiri yũhũre pichacapũ waha dutimare. <sup>11</sup> Æ jicũ ñaare yoacũ *Cohamacu* Moise cjirore to dutiare yũhdũruca duamai. Ñaare goa pjariro jicũ noaare masierahi. Tí ñaa yũhũre dojomehnere. Æ jicũ noano masierahi. Æ masieracũ *Cohamacu* dutiare yũhdũrucai. Æ jicũ to dutiare yũ masiri baharo yũ ñaa buhirire pichacapũ yũ wahaborirore masii. To dutia mehne ã masii.

<sup>12</sup> Æ jia Moise cjirore *Cohamacu* to cũri dutia noaata jira. Æ jia quihõno jiata nina tí dutia. <sup>13</sup> ¿Æ jipahta marine tí noaa dutia sehe pichacapũ wahachũ yoajari? Jierara. Tõpũ wahachũ yoarera. Mari ñaa yoaa sehe marine pichacapũ wahachũ yoara. To dutiare mari masiri baharo tí dutiare yũhdũrucana ñaare yoana masija mari. Æ jina mari ñaina mari jiare masina mari pichacapũ wahahto cũhũre masija mari. Æ jina to dutiare masina mari yũhdũrucarire ti ñaa yũhdũa jichũ masija mari.

<sup>14</sup> *Cohamacu* to dutiare Moise cjirore cũha. Tí to cũa noaa ti jichũ masija mari. Wiho mejeta yũhũ sehe paina yoaro seheta ñariro jija. Æ jicũta ñaare yoarucua yũhũ.

<sup>15</sup> ¿Dohse waharo nijari yũhũre? Ne noano masieraja yũ yoaare. Yũ yoa duaa sehere

ne yoaera, yu tuaro yoa duaeraa sehere yoaja yuhũ. <sup>16</sup> Ñaare yoa duaerapaihta ñaare yoaja yuhũ. Tíre yoacu Cohamacu dutia noaa dutia ti jichu masija yuhũ. <sup>17</sup> Ña jicu mipure yuhũ waro tí ñaare yoeramaja. Wiho mejeta yu tuhoutuapũ jia ñaa tí sehe yuhũre ñaare yoachũ yoara. <sup>18</sup> Noaare tuaro yoa duapaihta ne bihoeraja. Ahri yahpa macariro jicu yu tuhoutuapũ ñaa dihta jira. Ne noaa mariaputiara. Ña jicu noaare tuaro yoa duapaihta ne bihoeraja. Ñaa sehe yuhũre dojomehne mujana. <sup>19</sup> Noaa yu yoa duaa sehere yoeraja yuhũ. Ñaare yu yoa duaeraa sehere yoaja. <sup>20</sup> Yu yoa duaeraare yoacu mipure yuhũ waro tíre yoeramaja. Yu tuhoutuapũ jia ñaa tí sehe yuhũre ñaare yoachũ yoara.

<sup>21</sup> Ña jiro yuhũre õ sehe wahara: Noaare yu yoa duapachuta yu tuhoutuapũ ñaa jira. Ña jicu noaa sehere ne yoa masieraca. <sup>22</sup> Cohamacu Moise cjirore to dutirire yu tuhoutua mehne tuaro cahma, quihõno yoa duamaja. <sup>23</sup> Ña jicu yuhũ ahrire yu basi masija: Yu tuhoutua mehne noaare Cohamacu dutiare yoa duaja. Ña yoa duapaihta yu basi ñaare tuaro yoa duaca. Yu mũ sũro ñaare duhu masieraja yuhũ.

<sup>24</sup> Ña ñaare duhu masieracu pjacũoriro jija yuhũ. Ñaare yoacu pichacapũ wahaihca yuhũ. Cuenah. ¿Yuhũre pichacapũ waha dutia ñaare noa yuhũre yuhdobasabocari? <sup>25</sup> Jesucristore yu wacũ tuachũ tiro sehe ñaa yu yoari buhirire yuhdobasarohca. To ña yoachũ Cohamacure “Noana”, nija yuhũ. Ña jicu mipure yuhũ yu basi yu tuhoutua mehne Cohamacu dutiare quihõno yoa duamaja. Ña yoa duariro jipacuta yu pjacu mehne yu mũ sũro ñaare duhu masieraja.

## 8

*Espíritu Santore* cjuaina ti jia tiare yahuha Paulo

<sup>1</sup> Mipure Jesucristo yainare ti buhiri tiboro mariahna. <sup>2</sup> Ña jiro Jesucristo yairo yu jichu Espiritu Santo ña catirucuchũ yoariro ñaare yuhdurucachũ yoara yuhũre. Ñaare yuhũre yuhdurucachũ yoaro yuhũre pichacapũ wahaborirore yuhdore tiro. <sup>3</sup> Cohamacu Moise cjirore to dutiare mari mũ sũro ne yoa pahõosi. Ña yoa pahõoerana yuhdurucaina jija mari. Ña jina tí dutia yoaa mehne ne yuhdusi mari. Mari ña jiina jipachuta õ sehe Cohamacu marine yuhdorohca. To macunore mari yoaro seheta pjacu tihtirore warocaha, mari buhiri tiare buhiri tihtirore, marine yariabasahtirore. Ña jiro mari tuhoutuapũ jia ñaare tiro duhuchũ yoari jire. <sup>4</sup> Ña yoare Cohamacu dutiare to tuua mehne mari bihohto cjihtore. To dutiare bihoina jina mari mũ sũro jieraja. Espiritu Santo to yoadohoa mehne to dutiro seheta yoaja mari.

<sup>5</sup> Ñaare yoa duaina, tí dihtare goa pjara. Espiritu Santo to dutiro seheta yoarucina sehe tí to dutia dihtare wacũ nunũ, yoa duara tina. <sup>6</sup> Ñaa dihtare goa pja, wacũ nunũina pichacapũ wahaahca. Espiritu Santo to cahmano seheta tuaro yoa duaina sehe jipihtia dachoripe Cohamacu mehne ña catirucuahca. Ña jia tina Cohamacu mehne noano jinocahca. <sup>7</sup> Ñaa dihtare goa pja, wacũ nunũina Cohamacure ñũ tuhtira. Tina Cohamacu dutiare ne yuhtierara. To dutiare yuhti duaerara. Yuhtia cũhũ bihoeraboa tina. <sup>8</sup> Ña jia ti mũ sũro yoaina Cohamacure wahchechũ yoa masierara.

<sup>9</sup> Wiho mejeta mũsa sehe mũsa tuhoutuapũ jia ñaare yoerara. Espiritu Santo mũsa mehne to jichũ to cahmano seheta yoara mũsa. Ña jia Espiritu Santore cjuainera sehe Cristo yaina jierara. <sup>10</sup> Mũsa sehe to yaina jira. Mũsa ñaa buhirita mũsa pjacũri yariara. Ña mũsa pjacũri yariahtina jipanahta Cristo mũsa mehne to jichũ tiro mehne to ya catia mehne ña catirucunahca mũsa. Cohamacu mũsare “Buhiri marieina, noaina jira”, to ni ñũchũ mũsa tiro mehne ña jirucunahca. <sup>11</sup> Cohamacuta Jesure masori jire. Ña masoriro jiro Espiritu Santo mari mehne to jirucuchũ mari yariari baharo Cohamacu mari cũhũre masonohca. Ña masono wahmaa pjacũri wahachũ yoarohca marine. Jesure to masoriro seheta masonohca mari cũhũre.

<sup>12</sup> Yu coyea, to ña yoachũ ñũna ñaa mari goa pjarire yoarena tjijihna. <sup>13</sup> Mari ñaare yoaina jina, pichacapũ wahahtinata jinocanata nija. Espiritu Santo to yoadohoa mehne ñaa yoare duhuna, jipihtia dachoripe Cohamacu mehne jirucunahca.

<sup>14</sup> Jipihtina Espíritu Santore yuhtiina Cohamacu pohna jira. <sup>15</sup> Espíritu Santo mari mehne to ji ducachuta Cohamacu pohna ji ducai. Wiho mejeta tiro marine dutipe, dahrachu yoachtiro jierara. ã jina panopu mari cuiriro sehe mipu sehere mari cuieraja. To pohna jina, Espíritu Santo to yoadohoa mehne mipure “Yn Pucu”, nija mari Cohamacure. <sup>16</sup> ã jiro Espíritu Santo mari wacupu marine õ sehe ni masichu yoara: “Potocãta Cohamacu pohna jija mari”, ni masichu yoara. <sup>17</sup> ã jina to pohna jina, Cohamacu jipihitiare to pohnare “Waihtja”, to nirire mari sehe cjuanahca. Jesucristo cõhu cjuã, mari cõhu cjuanahca tíre. Cristo yare mari yoari buhiri ñano yuhdõina jina mari tiro mehne muanopu noano wahchea mehne jinocanahca. ã jina Cohamacu to pohnare to “Waihtja”, to nirire cjuanahca mari Cristo mehne.

<sup>18</sup> Mipure ahri yahpai ñano yuhdõsinija mari. Baharopure mari muanopu noano jinocanahca. ã jina mipure ñano yuhdõna, pjro cahya tuhotuena tjijihna. Ahri mari ñano yuhdõna wiho waro jira. Baharo noano jinocanahca Cohamacu mehne. ã jina tuaro wahchenahca. Ahri pini wiho waro jierara. <sup>19</sup> Cõ nãmu Cohamacu to pohnare cohtotarohca. Buhiri marieina, yariaerahtina, noaina waro jichu yoarohca marine. Mari ã wahachu jipihitia Cohamacu to bajuamehneri cjiri cõhu wahma dihta cohtota pihtia wahaahca. <sup>20</sup> Jipihitiropure to bajuamehneri noa ti jiborire dojomehneha masõno ñano yoa ducaro. Ti mu sũro ã wahaeraha. Masõno Cohamacure to yuhdurucaro mehne to bajuamehneri ã wahaha. ã jiro Cohamacu to bajuamehneri cjirire ãta ñano ji dutisiniha. Baharo to bajuamehneri cjirire noaa wahachu yoarohca tjoa tiro. <sup>21</sup> ã jiro Cohamacu to bajuamehneri cjirire baa pihtiborire noaa wahachu yoarohca tjoa. Cohamacu pohnare noaina to wahachu yoariro seheta, tinare noano to yuhdoriro seheta noaa wahachu yoarohca Cohamacu to bajuamehneri cjirire cõhure. <sup>22</sup> Jipihitia Cohamacu to bajuamehneri cjiri ñano ti ji ducari baharo ñano yuhdõna tiha. Numino niji wahcõno to ñano yuhdõro seheta to bajuamehneri cõhu dachoripe ñano yuhdurucura. Tíre mari masija. <sup>23</sup> ã yoa mari cõhu to bajuamehneri cjiri yoaro seheta ñano yuhdõja. To yaina mari wahachu, Cohamacu to yairo Espíritu Santore dóihta ware marine. ã jina “ ‘Waihtja’, to niriro seheta sohtori tirohca”, ni masija mari. ã jina noaa sehere marine to cohtotahtore tuaro waro cohtaja. ã yoa to pohna mari tiro mehne mari noano jihto cõhure tuaro cohtaja mari. Tuhsu, wahma pjacure marine to wahto cõhure tuaro cohtaja. <sup>24</sup> Mari ã cohtaina jichu, tirota marine pichacapu wahaborinare yuhdore. Tiro cahapu jirina jina tiro cahapure mari wahahtore cohtaeraboa mari. Marine to yuhdo tuhsuri baharo tíre cohta namoeraboa. <sup>25</sup> ã jina to wahtire ñuerapanahca Cohamacu marine to yuhdohtore cohtana, noano mehne ã cohtarucuja.

<sup>26</sup> ã yoa Cohamacure wacũ tuaera cureina to cahmaare noano masieraina jija mari ã jina tirore quihõno siniina cõhu jieraja mari. Wiho mejeta mari ã jiina jipachuta, Espíritu Santo sehe marine yoadohora. Marine tuaro pja ñõno mari ya cjihtire durucuro marieno to tuhota mehne tiro Cohamacure tuaro sini payobasara. <sup>27</sup> Cohamacu to cahmano seheta mari Jesu yaina ya cjihtire sini payobasara tiro Espíritu Santo. To ã sini payobasachu Cohamacu mari tuhotaure masi pahõoriro jiro, Espíritu Santo to sini payobasaare masina.

### *Cristo to tuaa mehne ñaa yoare yuhdurucanahca mari*

<sup>28</sup> Ahrire yu yahuhtire masija mari: Jipihtina Jesure cahõina mari jichu to cahmaare yoahinare besere marine tiro. ã jiina mari jichu ñõno Cohamacu ã yoadohorucura marine. ã jina mari ñano yuhdõpanahca ñano yuhdurucu dojoeraja. ã jina Cohamacu yoadohoro mehne noano jinahca mari. <sup>29</sup> Cohamacu marine to yaina cjihtire dóiputa masi, bese tuhsu. ã besero to macõno Jesu to yoaro seheta jihtina cjihtire marine cõha, payu masa to macõnore mari wahmi tihto cjihtore. <sup>30</sup> Panopu to yaina to ji dutirina mari jichu, to pohna mari jihtina cjihti cõhure beseha marine. ã jiro marine to beserinare tiro



“Buhiri marieina, noaina jira”, ni ñure. Marine to ã niinare tiro yoaro sehe jihtina cjihtire tiro mehne muanopu noano jichu yoarohca Cohamacu.

<sup>31</sup> Tíre masina õ sehe tuhutuja mari: Cohamacu marine to cahĩinare ne paina ñu tuhtia bihosi. <sup>32</sup> Cohamacu mari ya buhirire yariahtirore to macunore warocaha. “Yu macure cahija. ã jicu tirore warocaeraja”, nieraha tiro. Marine ã tuaro yoadohoriro jiro, jipihtia marine duhsarire wa pahnonohca. <sup>33</sup> Cohamacu to beseina mari jichu, tiro marine “Ñaa buhiri marieina, noaina jira”, ni ñure. Mari ã jiina jichu paina marine “Ñaina jira”, ne ni yahusa masierara. <sup>34</sup> Cristo mari ya buhirire yaria masa mujaha. Mipure Cohamacu poto buhusehe sehei jira puhtoro jiro. ã jiro tiro mari ya cjihtire potocata sini payoro nina Cohamacure. ã jia paina sehe marine ne buhiri dahre duti masierara Cohamacure. <sup>35</sup> Cristo marine to tuaro cahichu paina tirore “Cahii tjia”, ne ni masierara. Cahĩ duhusi tiro. Mari ñano yuhdupachuta, mari cuipachuta, paina marine ti ñano yoapachuta, mari jaca baapachuta, suhti marieina mari jipachuta, nu cuaroi mari jipachuta, marine ti wajapachuta Cristo marine ã cahirucurohca. <sup>36</sup> Cohamacu yare ti joari pui mari ñano yuhduhtore yahuro, õ sehe nina:

“Mu yaina sa jichu masa ñu jicoaeraa, ti wajahntina ã jirucunata nija.

Oveja ti wajahntina ti jiro sehetã sa chure ã wahara”,

ni joaa tiha Cohamacu yare ti joari pui.

<sup>37</sup> ã jina mari ñano yuhdupanahta Cristo marine cahiro to yoadohoro mehne ti jipihtiare yuhdu witinahca. ã yuhduna to yare ne duhusi mari. <sup>38-39</sup> Jesucristo yaina mari jichu ñano Cohamacu sehe marine tuaro cahina. ã jiro tiro marine ne cahĩ duhusi. Mari yariachu chure, mari catichu chure, mipure, baharopu chure, tiro marine cahĩ duhusi. ã yoa anjoa, watia puhtoã, ahri yahpa macaina puhtoã, muano macaina, ahri yahpa macaina chu marine Cohamacure “Mu yainare cahii tjia”, nia bihosi tina. Cohamacu to bajuamehneri cjiropure tirore marine ne cahĩ duhuchu yoaa mariahna. Marine ne tiro cahĩ duhusi.

## 9

*Israe masa Cohamacu to beserina jira*

<sup>1-2</sup> Yu coyea Israe masare wacucu tuaro cahyaja. Cristore cahmaerara tina. ã jicu ñano cahya yajeripohna tija yuhu. Tí yu ã ni yahua potocata jira. Yuhu Cristo yairo tjija. ã jicu masare “Cahyaja”, yu nia sehe potocata jira. Masare ã nicu mahnoi nieraja. Espiritu Santo yu ã mahnoerachu masino, yuhure “Quihono mu cahyarire yahure muhu” ni, yuhure masichu yoare. <sup>3</sup> Israe masa yu coyea yu ya yahpa macaina pichacaru wahaahca. Cohamacure tinare yuhdo duti duacu õ sehe ni duamaca yuhu sehe: “Ti ya buhirire yuhu sehe pichacaru wahahtja. ã jiro ti yaro jiborirore yuhu sehere buhiri dahrejaro Cristo”, ni duamaca yuhu. <sup>4</sup> Tina yu coyea Israe cjiro panamana ji turiaina jira. Tinare to pohna cjihtire chu Cohamacu. Tuhsu, to si sitea mehne ti watoi jia tiha. Tinare jipihtinare to noano wahachu yoaa chure yahu cu muhtaa tiha. Tuhsu, Moise cjirore to dutiri chure doiputa tinare Israe masareta cu muhtaa tiha. Tirore ti ño payohti macaa chure tinareta cu muhtaa tiha. Tuhsu, masare to yuhdohto chure yahu cuã tiha tinare Cohamacu. <sup>5</sup> Sa ya curuari waro doce curuari waro jira. Sa ñuchusuma ji muhtarina cjiropu ti panamana jia tiha. Ti panamana ji turiainaru jija sa Israe masa. ã jiro mari yoaro sehe pjacu tiri taro, sa coyeiro Israe masuno waro jire Cristo. Tiro Cohamacuta jira. ã jiro tiro jipihtina bui puhtoro jira. Jipihtia dachoripe tirore noano ño payojihna mari. ã ño payorucujihna.

<sup>6</sup> Paina Israe cjiro panamana ji turiaina jipahta Cohamacu yaina waro jierara. ã jina tina to yaina ti jierachu ñuna õ sehe ni tuhutuboca musa: “‘Israe masare yu yaina jichu yoahntja’, niparota cainare Cohamacu to niriro sehetã yoaerara”, ni tuhutuboca musa. ã ni tuhutuena tjiga. <sup>7</sup> Õ sehe jira: Paina Abrahã panamana ji turiaina ti jipachuta “Abrahã panamana ji turiaina waro jira”, ni ñerara Cohamacu tinare. ã jiro õ sehe nia tiha Cohamacu: “Mu macu Isaa panamana ji turiaina tina pinihta potocata mu panamana

ji turiaina waro jiahca”, ni yahu cūa tiha Cohamacu Abrahāre. <sup>8</sup> To ā ni yahu cūchu ahrire masinahca mari: Abrahā cjiro panamana jipihtina waro Cohamacu pohna jieraca. Cohamacu to ni cūrire noano tūhoina tirore wacū tuaina sehe tinata jica Cohamacu pohna. Ā jia tinata jira Abrahā cjiro panamana ji turiaina waro.

<sup>9</sup> Ō sehe niha Cohamacu Abrahā cjirore: “Pa cūhma ahri pja baroihta yu tjua tachū mu namo Sara wihārirocāre cjuarohca mu macure”, nia tiha Cohamacu Abrahā cjirore. Ā nino Cohamacu Abrahā cjiro macuno to masa bajuahtore yahu cūyuro nia tiha.

<sup>10</sup> Baharo Isaa cjiro namono Rebeca wama tiricoro puaro pohna tia tiha. Ti puaro Isaa sā űuchū cjiro jia tiha. <sup>11-12</sup> Ā jia ti pohna ti masa bajuerasinipachuta, noaare, űaa cūhure ti yoerasinipachuta Cohamacu ti pocoro cjihtore ō sehe nia tiha: “To bahuro sehe to wahminore dutirohca. Ā jiro to puhtoro jirohca”, nia tiha ticorore. Cohamacu to cahmano seheta besera tiro. Ā jiro jiro cūirocāre besero ticorore āta ni yahua tiha. Ā jiro masa ti yoare űeraparota to cahmano seheta tiro to yaina cjihtire besera. <sup>13</sup> Āta ni joaa tiha to yare ti joari pūi: “ ‘Jacobó sehere cahīa tihi. Esaú sehere cahīera tihi’, niha Cohamacu”, ni joaa tiha panopu.

<sup>14</sup> ĶTíre wacūna dohse ni tūhotubocari mari? ĶTi yoahure űeraparota cūirore ā besero Cohamacu quihōno yoaro nierabocari, mūsa tūhotuchū? Jierara. <sup>15</sup> Ō sehe nia tiha Cohamacu Moise cjirore: “Diro yu pja űu duarirore pja űuhtja”, nia tiha tiro Moise cjirore. Ā jiro cūirore ā besero quihōno yoaro niha Cohamacu. <sup>16</sup> Ā jina mari mu sūro mari cahmano sehe Cohamacure marine pja űuchū yoeraja mari. Tuhsū, ne mari noaare mari yoari wapa cūhure marine pja űerara tiro. To mu sūro to pja űu duaina sehere pja űūna. <sup>17</sup> Egipto macaina puhtoro faraō cūhure to cahmano seheta yoaa tiha tiro. Ō sehe nia tiha Cohamacu faraōre: “Egipto macaina puhtoro cjihtore cūi nii mūhure yu tuare jipihtinare yu űohto cjihtore. Tuhsū, jipihtia yahpari macaina yūhure ti masihto cjihtore puhtoro sōi nii yūhū mūhure”, nia tiha Cohamacu faraōre. Tó seheta nina Cohamacu yare ti joari pūi. <sup>18</sup> Ā jiro to pja űu duainare to mu sūro pja űūna tiro. Tuhsū, paina sehere to mu sūro yūhtierachū yoara tiro. To cahmano seheta yoara tiro.

<sup>19</sup> To ā yoariro jichū űūna yūhū sehere ō sehe niboca mūsa: “Cohamacu marine to cahmano seheta to yoachū mari sehe tirore yūhdurucana bihosi. ĶMari ā yūhdurucana bihoerapachuta dohse jiro baro marine buhiri dahre duajari tiro?” ni susini sinituboca mūsa yūhure. <sup>20</sup> Tíre ō sehe ni yūhtija mūsa: ĶMasa wiho jiina jipanahta Cohamacure tuhtijari mūsa? Dihi biato dahrerirore “ĶDohseacu yūhure ō sehe jiri biato yoari mūhū?” tí biato to ni sinituboriro seheta nina nica mūsa Cohamacure. Tó sehe ni masierara mūsa. <sup>21</sup> Dihi biato dahreriro dihi mehne to yoa duaro seheta yoara. Ā yoaro cūria dihica mehne noaare cūhti biatore yoa masina tiro. Tia dihica mehnetā wiho jiare cūhti biato cūhure yoa masina tiro. Tiro yoaro seheta Cohamacu cūhū to yoa duaro seheta yoara.

<sup>22</sup> Ā jiro Cohamacu pichacapū to cohāhtinare ti űaa yoarire to űu yabiare, to tuaa cūhure űono taro, tinare dói buhiri dahre duamaha. Ā dói buhiri dahre duaparota, yoari pja ti űaa yoare ā űūnocasiniha. Ā jiro tinare buhiri dahrerasiniha. <sup>23</sup> Āta yoaha Cohamacu noabiaro to jiare, to tuaa cūhure mari masihto cjihtore. Panopu marine to pja űūina cjihtire tiro beseri jire jipihtia to tuaare to noaa cūhure mari cjuahūto cjihto sehe. <sup>24</sup> Ā jina mari sehe to beserina jinata nija. Ā jia to beserina sehe cāina judio masa dihta jierara. Cāina judio masa jieraina cūhū jira to beserina. <sup>25</sup> Āta nina judio masa jierainare Cohamacu yare Osea cjiro to joariro seheta:

“Pano yu yaina jieraina cjiri cūhure baharopu tinare ‘Yu yaina jira’, nihtja.

Ā yoa pano yu cahīeraina cjiri cūhure baharopu tinare ‘Yu cahīina jira mūsa’, nihtja”, nia tiha Cohamacu.

<sup>26</sup> “ ‘Yu yaina jierara mūsa’, Cohamacu to nia yahpari macaina tina Cohamacu catiriro pohnata jiahca”,

ni joaa tiha Osea cjiro panopure. <sup>27</sup> Tuhsū, panopu macariro Isaia cjiro cūhū Israe masare ō sehe ni yahua tiha: “Pjiri ma macaa padū yaparicāre mari quihōna bihoeraja.

Israe masa tí yaparicã peri payu ti jiro sehe jiina ti jipachuta mahainacã Cohamacu yuhdorohca tinare. <sup>28</sup> Cohamacu ahri yahpa macainare payu masare to nino seheta cjero mehne potocãta buhiri dahre bahrañonohca”, nia tiha Isaia cjiro. <sup>29</sup> ã yoa pari turita Isaia cjiro õ sehe ni joaa tiha tjoo:

“Mari puhtoro jipihtina bui puhtoro mahainacã mari mehne macainare yuhdoeraro, marine judio masare jipihtinare butichu yoaboa tiro.

Sodoma macainare, Gomorra macaina cãhure to butichu yoariro seheta mari cãhure butichu yoaboa tiro”,

ni joaa tiha Isaia cjiro yu coyea Israe masare.

#### *Judio masa noaa buheare cahmaeraha*

<sup>30</sup> ã tjira. ã jina ahrire masi namoga musa: Judio masa jieraina Cohamacure macaerapahta tirore bocare. Jesucristore ti wacũ tuachũ ñũno, “Buhiri marieina, noaina jira”, ni ñũre tinare Cohamacu. <sup>31</sup> Wiho mejeta judio masa sehe “Cohamacu dutiare mari yoachũ tiro marine yuhdorohca”, nia Cohamacu Moise cjirore to dutiare yoapahta, bihoerare. Ti ã bihoerachũ ñũno, Cohamacu “Noaina jira”, ni ñũerare tinare. ã jia noaina ji duapahta bihoerare. <sup>32</sup> Õ sehe yoa, tina bihoerare: Tina Cohamacure wacũ tuaro marieno ti mũ sũro Moise cjirore to dutirire yoa duamare, to yaina ji dua. Mari piti dahre buhechũ Cristo tãca yoaro sehe jiriro jira. Ti mũ sũro yoainare Cristo puha tu borachũ yoari tãca yoaro sehe jiriro jira. Mũroca wahcãriro sehe tãcapũ puha tu, bora sũ caharo to wacũ wahcãnopũre ne sũerara. (Puha tu borariro yoaro seheta tina Cristore tãca yoaro sehe jirirore cahmaeraina Cohamacu cahapũ ne sũsi.) <sup>33</sup> ãta ni joaa tiha Cohamacu yare ti joari pũi:

“Jerusalẽ wama tiri macai puha tu borachũ yoari tãca yoaro sehe jirirore cũja.

Mari piti dahre buhechũ õ sehe jira: Mũroca wahcãriro tãcapũ doca wahã sũ bora sũ caharo to wacũ wahcãnore sũerara.

Tãca yoaro sehe jirirore cahmaeraina sehe tiare puha tu bora, ti wacũ wahcãnopũre ti sũeraro seheta Cohamacu cahapũ sũsi.

Wiho mejeta tirore wacũ tuaina sehe tiro mehne ã wahcherucuahca”, ni joaa tiha.

## 10

<sup>1</sup> Yu coyea, Israe masare pichacapũ wahaborinare Cohamacu to yuhdohtore, tuaro yu yajeripohna mehne cahmasãamaja yuhũ. ã jicũ Cohamacu tinare to yuhdohto cjihtore sini payoja yuhũ. <sup>2</sup> Potocãta tina Cohamacu cahmaare tuaro yoa duamana. ã yoa duapahta to cahmaa warore masierara. <sup>3</sup> Tuhsũ, tinare Cohamacu to noaina wahachũ yoaborire tina tũho ñahaerare. ã tũho ñahaeraa, ti mũ sũro noaare yoa duapahta bihoerare. Ti ã yoachũ tinare Cohamacu to wacũ tua dutiriro seheta ti yoaerachũ ñũno, tiro sehe tinare “Noaina jira”, ni ñũerare. <sup>4</sup> Wiho mejeta Cristore wacũ tuaina sehere “Noaina jira”, ni ñũna Cohamacu. ã jina dutia yoa mehne yuhdueraja mari. Cristo mehne yuhduja.

<sup>5</sup> Moise cjiro panopũ macariro õ sehe ni joaa tiha: “Cohamacu to dutirire ne cãno dũhsaro marieno mari yoa pahũochũ Cohamacu yuhdorohca marine”, ni joaa tiha tiro. <sup>6-7</sup> To ã ni joapachuta mipũre masa Cristore ti wacũ tuachũ ñũno Cohamacu tinare “Noaina jira”, ni ñũna. Tí buhea noaina ti wahachũ yoari buhea õ sehe ni yahura: Cristo to basi ahri yahpapũ wihi tuhsũri jire. Tuhsũ, masa mũja tuhsũri jire. ã jina õ sehe ni tũhotuena tjiga musa: “¿Diro sehe mũanopũ Cristore na tabasaro wahabocari marine to yuhdohto sehe? ¿Diro sehe yariaina cahapũ Cristore masobasa na tabocari? Tirore na taboriro mariaha”, ni tũhotuena tjiga musa. <sup>8</sup> Õ sehe ni yahura Cohamacu yare ti joari pũi: “Cohamacu ya buheare mari macachũ to buhea õi jira. To buheare masi tuhsũra musa. ã yoa to buheareta durucua tire musa”, ni joaa tiha. Tí buheare Cristore wacũ tuaa buheare masare yahuja sã. <sup>9</sup> Tí buhea õ sehe ni yahura: “Jesu mari puhtoro

jira”, ni mari yahuchũ, “Cohamacũ Jesure yariariro cjirore potocãta masore”, ni mari wacũ tuachũ, Cohamacũ marine pichacapũ wahaborinare yũhdorohca. <sup>10</sup> Jesure mari wacũ tuachũ Cohamacũ sehe marine “Noaina jira”, ni ñũnohca. Jesure mari wacũ tuaare painare mari yahuchũ tiro marine pichacapũ wahaborinare yũhdorohca.

<sup>11</sup> Õ sehe nina Cohamacũ yare ti joari pũi: “Cohamacũre wacũ tuaina tirore ti wacũ tuaa mehne ne cahyasi”, niha Cohamacũ yare ti joari pũi. <sup>12</sup> Judio masare, judio masa jieraina cũhũre Cohamacũ cũno potorita yoadohora. Mari pũtoro jipihtina bui pũtoro jira tiro. ã jiro tirore to yoadohoare siniinare jipihtinare noano waro yoadohorohca tiro tinare. <sup>13</sup> Õ sehe ni joaa tiha panopũre: “ ‘Yũ buhiri tiare cohãbasa, yũhũre yũhdoga’, ni mari pũtorore masa ti sinichũ tinare pichacapũ wahaborinare mari pũtoro yũhdorohca”, ni joaa tiha Cohamacũ yare. <sup>14</sup> Wiho mejeta masa sehe Cristore wacũ tuaeraa, tirore ã ni sini masierara tina. Tuhsũ, to buhea cũhũre tũhoeraa, tirore wacũ tua masierara. ã yoa to buheare yahuriro mariachũ cũhũre tíre tina masisi. <sup>15</sup> Tuhsũ, to buheare yahuhtinare Cohamacũ sehe to warocaerachũ to buheare yahu masierara. ã ni joaa tiha Cohamacũ yare ti joari pũi: “Noa buheare yahuhtina ti tachũ noano wahcheja mari”, ni joaa tiha panopũre.

<sup>16</sup> Tí ã ni joari jipachũta masa payũ noaa buheare tũho duaerara. ãta ni joaa tiha Isaia cjiro: “Yũ pũtoro, tinare mari yahurire tina ne tũho duaerare”, ni yahua tiha Isaia cjiro Cohamacũre. <sup>17</sup> ã jia masa noaa buheare tũhoa Cristore wacũ tuare. Ti tũhoa sehe noaa buhea sehe Cristo ya buhea waro jira.

<sup>18</sup> ã jicũ ahrire õ sehe ni sinitu ñũ duaja mũsare: ¿Israe masa Cohamacũ yare tũhoerari, mũsa tũhotuchũ? Potocãta tina tũhoa waro tũhomare. ãta nina Cohamacũ yare ti joari pũ cũhũ:

“Cohamacũ noa putiariro to jia tiare yahuina jipihtiorũ yahu sitea wahare.

ã jia jipihtiro macainapũ to yare tũho sahseare”,

ni joaa tiha panopũre. <sup>19</sup> Pari turi mũsare õ sehe ni sinitu ñũ duaja tjoa: ¿Israe masa tũhopahta noano masierari tina, mũsa tũhotuchũ? Masia timaha tina. Ahrire yahu namocũ Moise cjiro to nirire yahu mũhtaihtja. Õ sehe ni joaa tiha tiro:

“Õ sehe ni yahura Cohamacũ Israe masare: “Tũho masieraina, ñaina jira”, ni mũsa ñũina sehẽre yũ yaina cjihti wahachũ yoihtja.

Yũ ã yoachũ mũsa sehe tina mehne sua, tinare ñũ tuhtinahca.

ã yoacũ mũsare suachũ yoihtja yũhũ’, ni yahure Cohamacũ Israe masare Israe masa jierainare to yaina jichũ yoaro taro”,

ni joaa tiha Moise cjiro. <sup>20</sup> Tuhsũ, Isaia cjiro cũhũ cuiro marieno õ sehe nia tiha:

“Õ sehe nina Cohamacũ: ‘Yũhũre macaeraina sehe yũhũre bocahre.

ã jicũ yũhũre cahmaerainare tinare yũhũre masichũ yoahi yũhũ’, nire Cohamacũ”,

ni joaa tiha Isaia cjiro judio masa jierainare. <sup>21</sup> Tuhsũ, Israe masa sehẽre õ sehe ni joaa tiha Isaia cjiro: “Õ sehe nina Cohamacũ: ‘Tina yũhũre yũhdũrucaina, yũhũre cahmaeraina jira. ã jicũ tinare ti ñaare cahya duticũ “Yũ yaina wahaga”, ã nirucumai tinare. Wiho mejeta tina sehe yũhũre ne yũhti duaerare’, nire Cohamacũ”, ni joaa tiha Isaia cjiro.

## 11

*Mahainacã Israe masare pichacapũ* wahaborinare yũhdorohca Cohamacũ

<sup>1</sup> ¿ã jiro Israe masare Cohamacũ to beseina cjirore cohãno niri tiro, mũsa tũhotuchũ? Jierara. Tinare cohãerare tiro. Yũhũ cũhũ Israe masũno, Abrahã panamino ji turiariorũ jija. Benjami ya curua macariro jija yũhũ. <sup>2</sup> Panopũre Israe masare to ya curua macaina cjihtire Cohamacũ besea tiha. To ã beserinare cohãerare. Cohamacũ yare ti joari pũi Elia cjiro ya quitire yahura. ¿Elia cjiro Cohamacũre sinino, Israe masare to yahusãrire masierajari mũsa? Õ sehe ni yahusãha tiro: <sup>3</sup> “Yũ pũtoro Cohamacũ, tina Israe masa mũ yare yahu mũhtainare wajãre. Tuhsũ, tinata paina mũhũre ño payoa taa, wahiquinare

wajã jũ m̄oa tuhuri c̄hure cohãre. ã jicũ yũhũ dihta m̄ yairo d̄hsaja mip̄ure. Yũ ã jichũ tũhoa yũhũ c̄hure wajã duara tjoa, mip̄ure”, niha Elia cjiro Cohamac̄ure. <sup>4</sup> To ã nichũ tũhoro Cohamac̄u sehe õ sehe ni yũhtiha Elia cjirore: “Siete mil waro m̄ua yũ yaina jira mip̄ure. Tinare wihboi yũhũ. Tina yũ yaina sehe Baal wama tiri mas̄ure ne ño payoera tire tina. ã jicũ cuii tjiga m̄hũ”, nia tiha Cohamac̄u Elia cjirore panop̄ure. <sup>5</sup> Tí pjare Elia cjiro to jia tiri pjap̄ure to yaina masare to beseriro seheta mip̄u c̄hure mahainacã Israe masare to yaina cjihtire besere Cohamac̄u. Cohamac̄u tinare cahmano tinare pja ñũno besere. <sup>6</sup> Noaare ti yoari wapa tinare besero nierare. Tinare ã cahmano, pja ñũno besere. “Noaare m̄sa yoari wapa m̄sare besehtja” nino, tiro tinare potocãta pja ñũno nieraboa.

<sup>7</sup> ã yoa õ sehe jira: Israe masa Cohamac̄u tinare “Noaina jira”, to ni ñũchũ yoa duapahta tina c̄ũno pjaerare. Wiho mejeta Cohamac̄u to basi to beserina sehe noaina to yaina wahare. Tirore c̄ũno pjaeraina sehe to yare tũho duaerare. <sup>8</sup> ãta nia tiha Cohamac̄u yare ti joari p̄ui:

“Cohamac̄u tirore cahmaerainare to yare tũho ñahaerachũ yoare.

ã jiro potocã jiare ti tũhopachũta tinare ne noano tũho ñahaerachũ yoare Cohamac̄u.

ãta jirucura tina mip̄u c̄hure”,

ni joaa tiha panop̄ure. <sup>9</sup> ã yoa panop̄u macariro Davi cjiro Israe masa Cohamac̄ure ti cahmaerari buhiri õ sehe nia tiha Cohamac̄ure:

“Tina Israe masa ti bose n̄m̄uri, ti wahchea n̄m̄uri ti yũh̄oro wato, yurica ñah̄õriro to ñano yũh̄oro seheta tina c̄hure ñano yũh̄ochũ yoaga.

Tó sehe yoainare tinare ñano buhiri dahrega m̄hũ.

<sup>10</sup> Tuhsũ, m̄ yahuare tinare ne tũho ñahaerachũ yoaga m̄hũ.

ã buhiri tirucuina ji, ã cahyarucuina jijaro tina”,

nia tiha Davi cjiro Cohamac̄ure.

*Judio masa jierainare pichac̄apũ* wahaborinare yũhdorohca Cohamac̄u

<sup>11</sup> ¿Judio masa Cristore ti cahmaerachũ ñũno, Cohamac̄u tinare cohãno warota nibocari, m̄sa tũhotuchũ? Cohãsi tinare. ã cohãeraparota tina Cristore ti cahmaerachũ mip̄ure judio masa jieraina sehere Cohamac̄u yũhdorohca. Mip̄ure tinare to yaina jichũ yoare Cohamac̄u. To ã yoachũ ñua cãina judio masa sehe tina mehne sua sayo, Cohamac̄u yainata ji duaahca. <sup>12</sup> Judio masa ti yũh̄uracachũ ti noano yoerachũ paina sehere ahri yahpa macainare cãinare Cohamac̄u yũhdore. To ã yũh̄ochũ tina sehere noano wahare. To ã yoariro yũh̄oro, baharo judio masa sehe Cristore ti noano wacũ tua d̄acachũ pinihtare ahri yahpa macainare jipihtip̄ure noaputiaro waharohca.

<sup>13</sup> Mip̄ure m̄sare judio masa jierainare yahui tai nija. Cristo c̄ure yũh̄ure judio masa jierainare buhehtiro cjihtore. ã jia yũ dahraa sehe wiho jia jierara. <sup>14</sup> To c̄ũriro seheta yũhũ m̄sare buheja, yũ coyeya judio masa sehere m̄sare ti ñũ c̄uchũ yoa duacũ. Cohamac̄u yũhdorina m̄sa jichũ ñua tina c̄hũ Cristore cahmaa, to yũhdoina wahaboca.

<sup>15</sup> Judio masare cohãbo curero, judio masa jieraina sehere noaa buheare Cohamac̄u yahu dutire. Tí buheare ti tũhori baharo Jesure ti wacũ tuari baharo cãina judio masa jieraina, jipihtiro ahri dacho macaina Cohamac̄u yaina wahare. ã jiro judio masare to cohãbo curechũ noano wahare paye yahpari macaina sehere. To ã yoariro yũh̄oro judio masa to cohãbo cureina cjirore pari turi to yaina cjihti to yoachũ pinihtare jipihtinap̄ure ahri yahpa macainare noaputiaro waharohca. To yaina cjihti pari turi ti wahachũ, jipihtinap̄u to yaina yariaina cjiro sehe pari turi ti masaboro seheta jirohca.

<sup>16</sup> Õ sehe jira: Trigo yũbũ mehne wahma pãoca ti yoaria Cohamac̄u yaria cjihto Cohamac̄ure ti wachũ, tiare ti yoa d̄hari yũbũ c̄hũ to yariata jira. Tuhsũ, yuc̄cũ n̄h̄cori c̄hũ Cohamac̄u ya n̄h̄cori cjihti jia, tũ d̄p̄uri c̄hũ Cohamac̄u yata jira. Õ sehe mari ni piti dahre buhechũ Abrahã sã ñũchũ cjiro Cohamac̄u yairo to jiro sehetã to panamana ji turiainap̄u c̄hũ Cohamac̄u yaina jahca Cristore wacũ tuaina jia. Yoa d̄hari yũbũ c̄hũ to yariata jica. Tuhsũ yuc̄cũ n̄h̄cori c̄hũ Cohamac̄u ya n̄h̄cori

cjihti jia, tu dʌpuri cūhu Cohamacu yata jica. Ō sehe mari ni piti dahre buhechu, Abrahā sā ñuchu cjiro Cohamacu yairo to jiro sehetā to panamana ji turianapu cūhu Cohamacu yaina jira, Cristore wacū tuaina jia.

<sup>17</sup> Ti ā jiltina jipachuta cāinare ti coyea sehere judio masare Cohamacu cohāre. Olivo wama tidu dʌpurire cāa dʌpurire to dute cohāboro sehetā cāina judio masa sehere Cohamacu cohāre. Ā yucucu dʌpurire cohāno to cohāri dʌpuri jiro cjiroi paye dʌpurire nucu macadu olivocu dʌpurire cohtota duhu ōhre. Tó yoaro sehetā Cohamacu mʌsare judio masa jierainare Abrahā panamana ji turiana cohtotare mʌsare, mʌsa cūhure yūhdoro taro. <sup>18</sup> Mʌsare to ā cūchu “Judio masa yūhdoro noaina jija sā”, ni tūhotuena tʌjiga. Ahrire yu yahuhtire wacūga mʌsa: Judio masa sehere bese mūhtaha Cohamacu. Ā besero ti coyero cjihtore cūha Cristore, mʌsare yūhdoro taro. Ā jina “Judio masa yūhdoro noaina jija”, ni tūhotuena tʌjiga mʌsa.

<sup>19</sup> Mʌsa judio masa jieraina sehe ō sehe niboca: “Cāa ñaa dʌpurire to cohāboro sehetā Cohamacu cāina judio masare cohāre. Paye dʌpurire cohtota to ōno sehetā to yaina marine cūno taro ā cohāre tinare”, niboca mʌsa judio masare yūhduraca duana. <sup>20</sup> Tí mʌsa nia potocāta jira. To ā jipachuta tina Jesure ti wacū tuaerari buhiri Cohamacu cohāre tinare. Ā jiro mʌsa cūhure Jesure mʌsa wacū tuaerachu to yaina cjihti mʌsare cūeraboā. Ā jina “Judio masa yūhdoro noaina jija sā”, niena tʌjiga mʌsa. Ā nieranata “Cohamacu cua pisariro jira”, ni tūhotuga mʌsa. <sup>21</sup> Olivocu ji mūhtaa dʌpuri waro yoaro sehe judio masa sehe Cohamacu yaina ji mūhtaha. To cohtotaa dʌpurire to ōboro sehetā Cohamacu to yaina mʌsa sehere cohtota cūha. Wiho mejeta to yaina ji mūhtaina judio masa tirore ti wacū tuaerachu, cāinare cohāre. Tinare to cohāriro sehetā mʌsa cūhure cohānohca, tirore mʌsa wacū tuaerachu. <sup>22</sup> Cohamacu mʌsare noano yoariro to jichu masiga mʌsa. Tuhsu, cua pisaro mehne buhiri dahreriro to jichu cūhure masiga mʌsa. Tirore ño payoerainare tiro buhiri dahrerohca. Ā jiro tirore mʌsa ño payoerachu olivocu dʌpuri warore to cohāriro cjiro sehetā mʌsa cūhure cohānohca Cohamacu. <sup>23</sup> Ā yoa judio masa to cohābo curerina cjiro Cristore ti wacū tua ducachu ñano, olivocu dʌpuri warore pari turi to duhu ōno sehetā Cohamacu to yaina cjihti yoarohca tinare. Cohamacu to ā yoa masihti cjihtireta tuaare cʌara tiro. Ā jiro tiro tinare cāinare to yaina cjihti yoarohca. <sup>24</sup> Mʌsa judio masa jieraina jina, nucu macadu olivocu dʌpuri yoaro sehe jira mʌsa. Ā jiina mʌsa jipachu olivocu toadui nucu macaa dʌpurire to na ta ōboro sehetā, Cohamacu mʌsare to yaina cjihti yoahre. To ā yoachū, ne mijoerare tirore. Judio masa Cohamacu to bese mūhtarina jira. Olivocu toadu dʌpuri waro yoaro sehe jira tina. Ā jiro ti jidu waro cjiropure pari turi to duhu ōboro sehetā to yaina cjihti pari turi judio masare to yoachū, ne mijoerara tirore.

*Baharo judio masare pichacapu* wahaborinare yūhdorohca Cohamacu

<sup>25</sup> Yu coyea, ahrire masa ti masieraare mʌsare yahuhtja. “Mipure sā dihtare besere Cohamacu. Cohamacu sā masi yūhduracu sachu ñano, tiro sare besere”, mʌsa ni tūhotuerahto sehe ahrire yahuhtja mʌsare. Ō sehe jira: Mipure payu judio masa Cohamacure tūho duasi. Wiho mejeta payu judio masa jierainare Cohamacu to quihōriro puro to yaina to yoari baharo judio masa cūhu tirore cahma dūcaahca. <sup>26</sup> Ti ā cahmachu judio masa payu warore pichacapu wahaborinare Cohamacu yūhdorohca. Cohamacu yare ti joari pūi āta ni yahu joaa tiha:

“Jerusalē wama tiri macai judio masa ya macai tinare yūhdohtiro tarohca.

Jacobo panamana ji turianare ti ñaa yoari buhirire tiro cohānohca.

<sup>27</sup> Tinare yūhdocu panopu tinare yu ni cūriro sehetā yoai nija’, nire Cohamacu”, ni joaa tiha Cohamacu yare ti joari pūi.

<sup>28</sup> Mipure tina judio masa Cristo yare ño payoeraina Cohamacure ñu tuhtira. Ti ā yoachū mipure mʌsa sehe judio masa jieraina Cristore wacū tua ducare. Judio masa sehere Cohamacu bese mūhtari jire. Judio masa ñuchusuma cjiro to beserina ti jichu mipu jiina judio masa cūhure tiro cahina. <sup>29</sup> Cohamacu to ni cūriro sehetā tinare to

beseriro seheta quihõno yoarohca tiro. To nirire ne bosiro tiro. <sup>30</sup> Panopure mûsa cûhû Cohamacure yûhdurucari jire. Mipure judio masa Cohamacure ti yûhdurucachû ñuno tiro mûsa sehere pja ñuno yûhdore. <sup>31</sup> Mipure judio masa tirore yûhdurucare. Ti ã yoapachuta Cohamacû mûsare to pja ñuriro seheta tina cûhûre baharopure pja ñunohca. <sup>32</sup> Õ sehe jira: Jipihtina masare “Yûhûre yûhdurucaina jira”, nina Cohamacû. ã jiro jipihtina tirore yûhdurucaina ti jichû ñuno jipihtinare pja ñû masina tiro.

<sup>33</sup> Cohamacû tua yûhdurucû sûriro jira. Noano masi pahñoriro jira tiro. ã jiro to tûhotuare, to yoarire marine noano masihtio basioerara. <sup>34</sup> Õ sehe ni joaa tiha Cohamacû yare: “Cohamacû mari pûhtoro to tûhotuare ne masa noano masierara. ã jia masa tirore ‘Õ sehe yoaga’, ni masierara. <sup>35</sup> ã jia masa Cohamacure paye barore ti wari baharo ‘Tiro marine wapamona’, ni masierara masa”, ni joaa tiha panopure. <sup>36</sup> Cohamacû jipihtiare yoaa tiha. Tuhsû, to tuua mehne jipihtiare jisinchû yoara tiro. ã jia jipihtia to ya jira. To ã jiriro jichû jipihtia dachoripe tirore ño payojihna mari. ãta yoarucujihna.

## 12

*Cohamacû cahmaare marine yoarucu dutiha Paulo*

<sup>1</sup> Cohamacû marine tuaro pja ñure. To ã pja ñuriro to jichû ñuna, yû coyea, mûsa sehe oveja noarirore ti jû wa mûoriro seheta Cohamacure ti ño payoriro seheta mûsa cûhû tirore ño payorucuga, to yare mûsa noano yoarucuhto sehe. Mûsa ã yoachû, tiro wahcherohca. ãta yoaro cahmana marine, Cohamacure quihõno ño payona tana. ã jicû mûsare tíre tuaro yoa dutija. <sup>2</sup> Ahri yahpa macaina ñaare yoaina yoaro sehe yoaina tjiga mûsa. ã yoa mûsa tûhotuapure Cohamacû noaa tûhotua sehere to cohtota, cûchû, yûhtiga mûsa. ã yûhtina, noaa sehere tûho cohtotarina jinahca mûsa. ã yoana noaare, Cohamacû cahmaare, ñaa mariare, potocã jiare masinahca mûsa.

<sup>3</sup> Cohamacû yûhûre to yare yoa masichû yoariro buhe dutiro beseri jire yûhûre. ã jicû jipihtina mûsare ò sehe ni tûhotu dutieraja yûhû. “Noabiaina ji yûhdurucaja sã”, ni tûhotuena tjiga. ã tûhotunocahga. Jesure mûsa wacû tuari baharo, Cohamacû mûsa cãinare noaare yoa masihtire to cûchû, “To yoadohoro mehne ahri noaare yoaja”, ni tûhotuina jiga mûsa.

<sup>4</sup> Õ sehe ni yahu namoihtja yûhû mûsare. Mari wamomacari, mari dahpori, mari capari jipihtiro mari pjacûi jia payû jira. Mari pjacûi jia cû pjacû jiparota soro jia dahraa cjûara. <sup>5</sup> Tí jiro seheta soro sehe jia dahraare cûna Cohamacû marine. ã jina payû masa jipanahta Cristore wacû tuaina jina, to pjacû cû pjacû yoaro seheta cû curuata jia mari.

<sup>6</sup> Cohamacû marine to yoadohoro purota to tuua mehne yoa dutira. ã yoaro marine cãinare soro jia mari yoahtere cûna tiro. To ã yoachû marine to cûrîre mari sehe noano yoajihna. ã jia Jesu yaina ò sehe yoajaro. Cãinare Cohamacû to yare yahuhtinare cûna. ã jia tina Cristore ti wacû tuaro puro to yare noano yahujaro. <sup>7</sup> Cãinare Cohamacû mûsare yoadohohtinare cûna. ã jia tina mûsare noano mehne yoadohojaro. Cãinare Cohamacû mûsare buhehtinare cûna. ã jia tina mûsare noano buhejaro. <sup>8</sup> ã yoa paina cûhû mûsare sûho wahchechû yoahtere jia, mûsare noano sûho wahchechû yoajaro. Tuhsû, paye barore wahtina jia, ti wahtire noano mehne yajeripohna ti, wajaro. ã yoa paina cûhû mûsare sûho ji mûhtahtina jia, noano mehne sûho jijaro. ã yoa pjacûoinare yoadohohtina jia, wahchea mehne yoadohojaro.

*Jesu yaina jina ò sehe yoaina jiga*

<sup>9</sup> “Sã basi cahma cahija”, ni mahñono marieno mûsa basi cahma cahiga. ã yoana ñaare ñû yabiina jiga mûsa. Tuhsû, noaa sehere ã cahmarucuga. <sup>10</sup> Tuhsû mûsa bahana warore mûsa cahino seheta Jesu yainare mûsa mehne macainare cahiga. ã yoana mûsa basi noano cahma ño payoga mûsa.

<sup>11</sup> Cohamacû cahmaare yoana, ne caparo marieno yoaga. ã yoana mari pûhtoro to dutiro seheta noano wahchea mehne yoaga.

<sup>12</sup> Cohamacu musare pichacapu wahaborinare to yuhdorinapu jira musa. A jiro musa wahahto noaputiaro jira. Tíre masina wahchega musa. A yoa nãno yuhdana, cãno pjaga “Cristo yare duhuri”, nina. Tuhsu, Cohamacure a sinirucuga.

<sup>13</sup> Paye baro Jesu yainare dũhsachu waga tinare. A yoa musa ya wuhusepu cũhure masa ti sachu noano yajeripohna tiro mehne tinare piti bocaga.

<sup>14</sup> Musare nãno yoainare “Noano wahajaro tinare”, ni sini payoga. Tinare a sini payona, “Tina nãno yuhduwahnojaro”, niena tjiga.

<sup>15</sup> A yoa paina wahcheina mehne jina, musa cũhu tina mehne wahchega. Tuhsu paina nãno cahyaro mehne tiina mehne jina, musa cũhu cahya, tiidohoga tinare.

<sup>16</sup> Musa mehne macaina mehne noano jiga musa. A jina “Paina yuhdoro noaina jija”, ni tuhutuena tjiga. O sehe ni tuhutuga: “Wiho jiina jija”, ni tuhutuga. A jina “Masi yuhdurucaina jija sa”, ni tuhutuena tjiga.

<sup>17</sup> Paina musare ti nãno yoapachuta, tinare nãno yoa cahmaena tjiga. Noaa sehere yoaga, noaina musa jia tiare jipihtina masa ti masihtu cjihtire. <sup>18</sup> Musa bihoro puro jipihtina mehne noano jinocahga musa. <sup>19</sup> Musa yu cahina, yu coyega paina musare ti nãno yoapachuta tina yoaro sehe nãno yoa cahmaena tjiga. Cohamacu sehe musare ti nãno yoari buhiri buhiri dahrejaro tinare. Cohamacu yare ti joari pui ata ni joaa tiha: “Yuhu sehe musare ti nãno yoari buhiri buhiri dahreriro jija. A jicu potocata buhiri dahreitja”, nina mari puhtoro”, ni joaa tiha panopare. <sup>20</sup> A jina o sehe yoaga musa: Musare nu tuhtiriro to jaca baachu nuna nuga tirore. To nahma yapiochu cũhure nuna tirore sihoga. Musa a yoachu nuno musare to nãno yoari buhiri buo tirohca. <sup>21</sup> A jina paina musare ti nãno yoapachuta musa sehe tinare nãno yoa cahmaena tjiga. Tinare noaa sehere yoaga musa. A yoana nãaa sehere cahmaerana nica musa.

### 13

<sup>1</sup> Jipihtina musa bui puhtoa cjihtire Cohamacu dihta bese cuna. Ne curo puhtoro Cohamacu to bese curariro mariaha. To a curina ti jichu nuna jipihtina musa tinare noano yuhtiga. <sup>2</sup> Mari puhtoare noano yuhtierana Cohamacu to bese curinare yuhdurucana nija mari. A yuhdurucainare Cohamacu sehe buhiri dahrerohca. <sup>3</sup> Noainare cuichu yoahntina jierara puhtoa. Naare yoaina sehere cuichu yoahntina jira tina. Noaare yoaga musa puhtoare musa cuierahto cjihto sehe. A yoana cuisu musa. Noaare musa yoachu puhtoro sehe “Noaare yoare musa”, musare ni nunohca. <sup>4</sup> Musa puhtoa Cohamacu to curo sehetu musare yoadohohtinata jira musa noano jinocahga cjihto sehe. Wiho mejeta musa naare yoana pini tinare cuiga. Tina musare buhiri dahrehtina cjihtita jira. Jipihtina naare yoainare buhiri dahre dutiro Cohamacu tinare besere. <sup>5</sup> Ti a buhiri dahrehtina ti jichu naare yoana musa puhtoare cuiga. A jina no payoga mehne “Noaare yoaro cahmana yuhure”, ni tuhuturo mehne noano yuhtijihna. <sup>6</sup> Musa puhtoa ti dahrahti cjihtire Cohamacu cure. A jina ti dahraare ti yoachu nuna musa puhtoare wapa nabasainare wapara musa.

<sup>7</sup> Jipihtinare musa puhtoare noano yuhtiga. Tuhsu, puhtoare wapa nabasaina cũhure wapaga musa. A yoa puhtoa sehe payere ti wapa dutichu cũhure wapaga. A jina jipihtina puhtoare noano no payoga. <sup>8</sup> Tuhsu, paina masare wapamoena tjiga. Tinare cahino cahmana. To cahai jinare cahiro Cohamacu dutiare yoa pahno tuhsuro jira. A jina musa cahai jiina cũhure cahiga. <sup>9</sup> O sehe nina Cohamacu dutia: “Pairo namonore wana tiena tjiga. Numia cũhu pacoro mannore wana tiena tjiga. Masare wajena tjiga. Yacena tjiga. Paina yare goa pjaena tjiga”, ni yahura to dutia. Paye dutia cũhu jira. Ti a jipachuta curo dutiare musare yahui tai nija. Ti dutia curo dutia to jipachuta ti dutiare yoana Cohamacu dutiare yoa pahnoa nija mari. Ti dutia o sehe nina: “Mu basi mu cahino sehetu mu cahai jiina cũhure cahiga”, nina. Ti dutiare yoana Cohamacu dutiare yoa pahnoa jina nina. <sup>10</sup> Musa cahai jinare cahina, tinare nãno yoasi. A jina tinare cahina, Cohamacu dutiare yoa pahnoinata jira musa.



<sup>11</sup> Æ jina carĩina yoaro sehe jiena tjiga m̄sa. Noano wacũ masiga. Jesure noano wacũ cohtaga. Jesu marine to tjua ta naahto mahanocã d̄hsatjiãna. Tirore mari coã wacũ tua d̄cachũ Jesu marine to yũdoro tahto mahanocã d̄hsamare. Mip̄u pinihtare cahacã waro jira to tahto. Ahri yũ nirire masina m̄sa. <sup>12</sup> Mip̄ure ñaina ya dacho jira. To tahto mahanocã d̄hsara. Tíre masina, buhiri tichũ yoare, nahitiano yoaro sehe jiare duhu pahñojihna mari. Æ jina Cohamacũ cahmaa sehere yoajihna mari. Æ Cohamacũ yare yoana, ñaare duhu pahñonahca mari. Ahri dachore payũ ñaa baro jichũ, ñami yoaro sehe jira. Wiho mejeta Cristo to tachũ, ñami yoaro sehe jiro pihtia waha, pa dacho, buhria m̄ja taro yoaro sehe waharohca. Surara coma suhtiro to sãa d̄cataro seheta Cohamacũ ñaare to d̄cataare noano cj̄ua pahñojihna mari. Æ tíre cj̄uana ñaare duhu, Cohamacũ cahmaa sehere mari yoajihna. <sup>13</sup> Æ jina Jesu to tahtore wacũ cohtaina jina, noaa sehere yoajihna. Bose n̄m̄urine yoana ñano yoaena tjijihna. Tuhsũ, cahaena tjijihna. Æ jina numia mehne ñano yoina, paina mehne ñano yoina, cahma sayoina jiena tjijihna. M̄sa numia c̄hũ m̄ua mehne ñano yoaena tjiga. <sup>14</sup> Wiho mejeta Jesucristore p̄htoro tina, tirore yũhtiga m̄sa. Æ yũhtina to jiro seheta jiga m̄sa. Æ jina ñaare m̄sa goa p̄ja sehere yoaena tjiga.

## 14

M̄sa coyeare Jesu yainare “Ñano yoaa nina”, ni yahuwajaena tjiga

<sup>1</sup> Jesure wacũ tuaritore to noano wacũ tuaro d̄hsasinichũ ñuna tirore ji coaro mehne cahmaga. To ã jiro jichũ ñuna “Ne masierara m̄hũ” ni, tiro mehne cahmasayoena tjiga. <sup>2</sup> “Jipihtiare chũ masija yũhũ”, ni tũhotura paina. Paina sehe Jesu yare noano masierasina wahiquinare ch̄eraina, toaa dicha dihtare ch̄ra. <sup>3</sup> Jipihtiare ch̄ina sehe toaa dicha dihtare ch̄inare ñũ tuhtiea tjijaro. Æ yoa toaa dicha dihtare ch̄ina c̄hũ jipihtiare ch̄inare “Ñano yoaa nina”, ni cahma yahuwajaea tjijaro. Jipihtiare ch̄ina sehe Jesure wacũ tuaina ti jichũ Cohamacũ tinare to yaina yoa tuhsure. To yaina ti jichũ ñua wahiquinare ch̄eraina sehe tinare yahuwajaea tjijaro. <sup>4</sup> Jesure wacũ tuaina Cohamacure dahra cohtaina dihta jira. Ti ã jichũ ñuna m̄sa tinare yahuwaja masierara. Jesure wacũ tuaina to cahmano sehe ti quihõno yoerachũ ñuno tiro dihta ti p̄htoro jiro, tíre yahu poto masina. To cahmaare quihõno ti yoachũ c̄hũre tíre yahu masina tiro. Æ jiro tiro sehe to yainare “Ñano yoare m̄hũ”, ni yahuhtiro jirohca. Æ jiro tirore dahra cohtinare noaa dihtare yorarucu masichũ yoiro jira Cohamacũ.

<sup>5</sup> Cãina cãa dachori cua pisaro mehne Cohamacure ti ño payohti dachori cjihtire cj̄uara. Paina sehe, “Dohse jiri dachore Cohamacure ño payochũ, noana”, ni tũhotu, ño payoina jira. Tina c̄no potori ã yoeraina jipahta jipiltina õ sehe ni tũhotujaro: “Jesu to cahmano seheta noano yoana nija”, ni tũhotu masijaro. <sup>6</sup> C̄iro cãa dachori cua pisaro mehne Cohamacure ti ño payoa dachori Cohamacure ño payoro, tiro c̄hũ quihõno ño payoro nina. Tuhsũ jipihtiare ch̄iro ch̄rota, Cohamacure “Noana”, ni wahche payora tiro. Æ jiro tiro c̄hũ Cohamacure ño payorota nina. Æ yoa paio sehe cãa ch̄are ch̄erara, Cohamacure ño payoro. Tiro c̄hũ Cohamacure “Noana”, ni wahche payora.

<sup>7</sup> Tuhsũ, mari cahmaa dihtare yoina ne ji masieraja mari. Cristo jira mari p̄htoro. Æ jiro mari catichũ mari yariachũ c̄hũre mari p̄htorota jira. <sup>8</sup> Mip̄ure mari catisinino puro Cristo yare yohtina jija mari. To yaina jija. Mari yariari baharopũ c̄hũre to yainata jinahca. Æ jiro mari catichũ mari yariachũ c̄hũre Cristo mari p̄htoro jira. <sup>9</sup> Æta jira. Cristo yaria masa m̄jaha catiinare, ã jichũ yariaina c̄hũre ti p̄htoro jiro taro.

<sup>10</sup> ¿Dohseana tana m̄sa coyeirore Jesu yairore “Ñano yoaro nina”, ni yahuwaja duajari m̄sa? ¿Dohseana tana m̄sa coyeirore tũ diho c̄ duajari m̄sa? Mari jipiltina Cristo panoi mari ducuchũ tiro sehe mari yoirore masi pahñonoriro jiro, marine beserohca noainare, ñainare. To ã besehtiro to jichũ m̄sa coyeirore “Ñariro jira”, ni yahuwajaena tjiga. <sup>11</sup> Cohamacũ yare ti joari p̄i õ sehe ni joaa tiha:

“Õ sehe nire mari p̄htoro: ‘Yũhũ catiro jija.

Ã jicũ õ sehe ni quihõno warota yahuja m̄sare.

Jipihtina yũ panoi na tuhcuca caha s̄ahca.

Ã na tuhcuca caha s̄ũ, “Noariro, tuariro jira m̄hũ” ni, yũhũre ño payoahca’, nire mari p̄htoro”,

ni joaa tiha. <sup>12</sup> Ã jiro jipihtina mari yoarire Cohamacũ siniturohca marine. “¿Dohse yoana ã yoari?” ni siniturohca. To ã sinituchũ yũhtiro jica marine.

*M̄sa coyeirore ñano yoachũ yoaena tjiga m̄sa*

<sup>13</sup> Ã jina mari mehne macainare “Ñaina jira m̄sa”, ni cahma yahuwajaena tjijihna. Ã yoana mari coyeirore Jesu yairore dojomehnena tjijihna “Jesure wacũ tua duhuri”, nina. <sup>14</sup> Yũhũ Jesucristo yairo jicũ, ahri yũ nihtire noano masija yũhũ. Yũhũ sehe jipihtia chũare yũ chũchũ yũ chũri buhiri, buhiri mariahna. Wiho mejeta paio sehe “Ahri chũare chũcũ buhiri tii nica yũhũ”, ni tũhoturiro sehe chũro, potocãta buhiri tiriro jira. <sup>15</sup> Tí potocã tjira. Paina ti sio, chũera barore m̄sa chũchũ ñũno, m̄sa coyeiro ñũ cũ chũro, “Cue, ñano yoai nica yũhũ”, ni pjíro tũhotuboca tiro. Tirore ã ñũ cũ chũchũ yoana, tirore cahĩna nieraca m̄sa. To sio, chũera barore m̄sa chũchũ, tiro cũhũ ñũ cũ chũboca. Ã chũro “Ñano yoai nija”, ni tũhoturo Cristore duhuboca. M̄sa coyeiro yaro jiboriro cũhũre yariari jire Cristo. Ã jina “Cristore duhuri”, nina tirore ñũ cũ chũchũ yoaena tjiga. <sup>16</sup> Ã jia “Ahri sã yoari noa nica”, m̄sa ni tũhotuchũ paina m̄sare yahuwajaboca. Ti ã yahuwajachũ ñũna m̄sa ã yoarire yoa namoena tjiga, “Yahuwaja namori”, nina. <sup>17</sup> Cohamacũ sehe mari p̄htoro jira. To ã jichũ mari chũa, mari sihnĩa cũhũ ã jinocaa nina. Wiho warota jira. Ã jia mari p̄htoro to dutiare, noaa cũhũre mari yoachũ tí waro jia nina. Paina mehne mari noano jinocachũ cũhũre noaa waro jia nina. Tuhsũ, Espíritu Santo yoadohoa mehne mari wahchechũ noaa waro jia nina. <sup>18</sup> Tó seheta Cristo yare yoiroro ñũa Cohamacũ, masa cũhũ “Noano yoare m̄hũ”, niahca.

<sup>19</sup> Tó seheta yoajihna mari pinihta noano mari jinocahto cjihtore, mari basi mari cahma yoadohohto cjihtore. Ã yoana Jesure wacũ tua namonahca. <sup>20</sup> Pairo Jesu yairo to chũ dutierari cjirire m̄sa chũchũ ñũno tiro sehe ñũ ji coeraro Cohamacũ yare cohãboca. Ã jina tíre chũena tjiga. Potocãta jipihtia chũa noaa chũata jira. Tí ã jipachũta paye barore mari chũchũ paio “Ñaa chũa jica ahri”, niriro jiparota ñũ cũ chũboca. Ã chũro ñano yoaro nica tiro. Ã jina marine to ñũ cũ chũchũ, mari cũhũ ñano yoana nija. <sup>21</sup> Wahiquina dihire m̄sa chũchũ ñũno, vinore m̄sa sihnichũ ñũno, paio Jesu yairo “Tíre chũcũ ñano yoai nica yũhũ”, ni tũhoturiro jiparota tiro cũhũ ñũ cũ, chũ sihniboca. Ã ni tũhoturiro pinihta chũ sihnino ñano yoaro nina. Ã jina tiro to ñano yoerahto sehe Jesure to wacũ tua duhuerahcto sehe wahiquina dihire, vino cũhũre m̄sa sehe m̄sa duhuchũ noa nina. <sup>22</sup> “Jipihtiare chũ masija”, ni tũhotuna, tíre Cohamacũ dihtare yahuga. Ñaare yoerariro, “Noano yoai nica yũhũ”, ni tũhoturiro wahcheriro jira. <sup>23</sup> Pairo sehe “Ahri chũare chũcũ ñano yoai niboca yũhũ”, ni tũhoturiro jiparota tí chũare chũro, buhiri tiriro jira tiro. “Ahrire chũcũ potocãta noaare yoai nija”, ni tũhotuerara tiro. Ã ni tũhotueraro tíre chũro, to chũri buhiri buhiri tira tiro. “Noaare yoai nija”, ni tũhotueraro tíre yoaro, buhiri tira tiro.

## 15

*Mari cahai jĩnare noano yoajihna*

<sup>1</sup> Mari Cohamacũre noano wacũ tuaina sehe wacũ tuaera cureinare yoadohojihna. Ã yoana mari ya cjihti dihtare yoaena tjijihna. <sup>2</sup> Ã jina mari cahai jĩnare Jesu yainare noano yoajihna ti noano jinocahto cjihtore, Cohamacũre ti noano wacũ tua namohto cjihtore. <sup>3</sup> Cristo sehe to ya dihtare yoeraha. Ãta nina Cohamacũ yare ti joari pũi. Õ sehe ni joaa tiha: “Cristo õ sehe nire Cohamacũre: ‘M̄hũ sehene ñano durucuborina yũhũ sehene ñano durucure’, nire Cristo Cohamacũre”, ni joaa tiha panopũre. Ã ñano ti durucuriro jiro Cristo to Pũcũro ya sehene yoaro niha. <sup>4</sup> Panopũ Cohamacũ yare ti joari pũi tina joaa tiha mari noano buhehto cjihtore. Ã jina tí pũre buhena wahcheja. Ã buhena mari ñano

yuhduna cūno pjana, noano mari yuhduhtore cohtanahca. <sup>5</sup> Cohamacu musare tuachu yoariro wahchechu yoariro musare jipihtinare cūno potori noano jichu yoajaro, Cristo to cahmano seheta. <sup>6</sup> Āta yoajaro tiro musa jipihtina cūno potori Cohamacure mari puhtoro Jesucristo Pucurore “Noariro, tuariro jira”, ni musa ño payohto cjihtore.

*Judio masa jierainare noaa buheare yahu ducaha*

<sup>7</sup> Cristo marine to yoariro seheta musa mehne macainare noano cahma piti bocaga. Musa ã yoachu ñua “Potocãta Cohamacu noariro jira”, ni ñuahca masa sehe. <sup>8</sup> Musare ahrire niita nija: Judio masare yoadohtiro cjihto taha Cristo. Cohamacu tirore warocaro judio masa sã ñuchusuma cjihipure to ni yahuriro cjiro seheta yoaro niha. Tíre to yoari cjiire masare masichu yohtiro cjihto taha Cristo. <sup>9</sup> Masare Cristo to yoadohochu Cohamacu pja ñuno nire tinare. To ã pja ñuchu judio masa jieraina cãhu Cohamacure “Noariro, tuariro jira” ni, ño payora mipure. Tina cãhure to yaina jichu yoaro taha Cristo. Cohamacu yare ti joari pui ãta ni joaa tiha: “Cristo õ sehe niha Cohamacure: ‘Judio masa jieraina cahai mũhure “Cohamacu noariro, tuariro jira”, ni ño payohtja.

Ã jicu tina cahai basacu mu ya cjihtire basaihtja’, niha Cristo Cohamacure”, ni joaa tiha panopure. <sup>10</sup> Tuhsu, õ sehe ni joaa tiha tjoa:

“Cohamacu to beserina judio masa mehne cahma wahchega musa cãhu judio masa jieraina”,

ni joaa tiha panopure. <sup>11</sup> Tuhsu, õ sehe ni joaa tiha tjoa:

“Judio masa jieraina jipihtina Cohamacure ño payojaro.

Ã jia jipihtiro macaina tirore ‘Noariro, tuariro jira’, ni ño payojaro”,

ni joaa tiha. <sup>12</sup> Ā yoa Isaia cjiro cãhu õ sehe ni joaa tiha:

“Jesé panamino ji turiariro tarohca.

Ã taro judio masa jieraina bui puhtoro jirohca tiro.

Ã jia tina sehe tirore wacũ tuaa, tinare pichacapu wahaborinare to yuhdohtore masiahca tina”,

ni joaa tiha panopure.

<sup>13</sup> Cohamacu marine baharopu to yuhdohtore wacũ cohtachu yoariro noano musare wahchechu yoajaro. Tuhsu, musare Jesure wacũ tuainare noano jinocachu yoajaro tiro. Musare to ã yoachu musare to yuhdohtore Espiritu Santo to tuaa mehne wahchea mehne wacũ cohta namochu yoajaro.

<sup>14</sup> Ahrire musare yu yahuhtire noano masija. Musa sehe noaina jira. Tuhsu, Jesu yare noano masina musa. Ā masina musa basi noano cahma yahu, buhe masina musa. <sup>15</sup> Musa ã masiina musa jipachuta cãa tahari ahri pũpũre musare cuiro marieno noano yahu pahño joahi tíre musa boerahto sehe. Cohamacu yũhure cahño musare buhe dutiro cũre yũhure. Ā jicu to cũriro seheta yoaja, musa tíre boerahto sehe. <sup>16</sup> Yũhure to ã cũchu, sacerdote to yoaro sehe yoaja yũhu. Ā yoacu, Jesucristo yare noaa buheare judio masa jierainare buheja yũhu. Yu ã buhechu tuhoa, tina Jesure wacũ tuara. Tina Jesure wacũ tuainare yũhu sehe sacerdote wahiquinare wajã jũ muo Cohamacure yu waboriro seheta, tinare “Mu yaina jira”, nija Cohamacure. Yu ã niinare Espiritu Santo sehe tinare Cohamacu yaina cjihti jichu yoara. Ti ã jiina jichu ñuno, Cohamacu sehe ji coaro mehne tinare ñahanohca.

<sup>17</sup> Cohamacu to buhe duti cũriro jicu Jesucristo to yoadohoa mehne yu yoari cjiire wahchea mehne yahuja musare. <sup>18-19</sup> Tuhsu, ahri pinihtare musare pototi yahu duahi. Yu yahua yu mu sũro yu yahua ne jierara. Paina judio masa jierainare Cristo to yoadohoa mehne tinare yu buhechu tuhoa, yu yoarire ñua, ã jia Jesu tuaa mehne yu yoa ñorire ñua, Espiritu Santo to tuaa mehne tina Cristore wacũ tuare. Jerusalẽpu wahma yu buhe ducari baharo jipihtia macaripepu buhe wahcãhi. Pu Ilirico yahrapu cãhure Cristo ya buhea noaa buheare buhei sui. <sup>20</sup> Cristo yare masieraina dihtare noaa buheare tuaro

buhe duahi, yǎhǎ mehne macaina ti buherinapǎre buhe duaeracǎ. <sup>21</sup> Āta ni joaa tiha Cohamacǎ yare ti joari pǔi:

“Panopǎ tirore ne tǎhoeraina cjiri tirore masiahca.

Ā yoa tirore ne tǎhoeraina cjiri to yare noano tǎhoahca”,  
ni joaa tiha Cohamacǎ yare ti joari pǔi.

*Paulo Romapǎ* to wahahtore yahuha

<sup>22</sup> Ā jicǎ jipihitiro macainare buheriro jicǎ payǎ tahari mǎsa cahai waha duapaihta waha masiera tihǐ. <sup>23</sup> Mipǎ pinihtare ahri yahparipǎre yǎ dahraa pihtia wahahre. Ā jicǎ payǎ cǎhmari mǎsa cahapǎ waha duariro jicǎ mǎsa cahapǎ wahahtja. <sup>24</sup> Espaǎapǎ wahacǎ, mǎsare tói ñǎ yǎhdǎihtja. Ā yoacǎ mǎsa mehne wahcheihtja. Tuhsǎ, mǎsa mehne mahanocǎ yǎ jiri baharo yǎhǎre mǎsa yoadohoa mehne Espaǎapǎ yǎhdǎ wahcǎihtja. <sup>25</sup> Mipǎre Jerusalǎpǎ wahasinii tai nija. Tó macainare Jesu yainare yǎ coyeare niñerure naasinii wahi nija. <sup>26</sup> Macedonia yahpa macaina, Acaya yahpa macaina cǎhǎ noano mehne Jesu yainare Jerusalǎpǎ jiinare pjacǎoinare niñerure warocahre tinare yoadohoa. Ā jicǎ tinare tíre wai wahi nija. <sup>27</sup> Tí niñerure waa, noano mehne wahre tina. Ti Ā yoachǎ noa nina, yǎ tǎhotuchǎ. Tinare judio masa jierainare judio masa sehe Cohamacǎ yare buhe mǎhtare. Ā jia tinare to yǎhdohto cǎhǎre buhe mǎhtare judio masa. Ti Ā buhechǎ ñǎcǎ Macedonia macaina Acaya macaina mehne judio masare ti yoadohochǎ noa nina yǎhǎre. Tinare ti buheri wapa yoaro sehe jira tí, yǎ tǎhotuchǎ. <sup>28</sup> Ā jicǎ Jerusalǎ macainare tí niñerure wa tuhsǎcǎ Espaǎapǎ wahahtja. Tópǎ wahacǎ mǎsare ñǎ yǎhdǎihtja. <sup>29</sup> Ā yoa mǎsa cahapǎ yǎ wahachǎ Cristo yare mǎsare yǎ buhechǎ tiro mǎsare noano yajeripohna tichǎ yoarohca.

<sup>30</sup> Yǎ coyea, mari pǎhtoro Jesucristore wacǎ tuara mǎsa. Ā yoa Espírĭtu Santo to tuaa mehne painare cahǎna mǎsa. Ā jiina jina yǎhǎ cǎhǎre tuaro sini payoga Cohamacǎre. <sup>31</sup> Ō sehe ni sini payoga: Judea yahpa macaina Jesure ño payoeraina yǎhǎre ti ñano yoa duachǎ Cohamacǎ yǎhǎre to ñǎ wihbohto sehe sini payoga. Tuhsǎ, Jerusalǎ macaina Jesu yainare niñerure yǎ wabasachǎ tina tíre wahchea mehne ti ñahahto sehe sini payoga. <sup>32</sup> Mǎsa Ā sinichǎ Cohamacǎ cahmachǎ wahchea mehne mǎsa cahapǎ wahahtja. Ā jicǎ mǎsa mehne jicǎ wahchea mehne soihtja. <sup>33</sup> Cohamacǎ marine noano jinocachǎ yoariro mǎsa mehne jirucujaro.

## 16

*Paulo noa dutiha*

<sup>1</sup> Mari coyeacoro Febe wama tiricoro mǎsa cahapǎ waharo taro nina. Ticoro Cencrea wama tiri macai Jesu yainare cahmachuinare yoadohoricoro jira. <sup>2</sup> Ā jiro payǎre yoadohoricoro yǎhǎ cǎhǎre yoadohoricoro jihre ticoro. Tuhsǎ, mari pǎhtoro Jesu yacoro jira. Ā jina ticorore noano mehne mǎsa mehne ji dutiga. Tó seheta yoaro cahmana marine Jesu yainare. Ā yoana ticorore paye baro to maerachǎ ñǎna ticorore waga mǎsa.

<sup>3</sup> Aquila, to namono Priscila cǎhǎ noajaro. Jesucristo yare yǎ buhechǎ tina cǎhǎ yǎhǎ mehne dahrare. <sup>4</sup> Tinare mahano wajǎmoñore paina yǎhǎre ti wajǎ duachǎ ti yoadohori buhiri. Ā jicǎ tina mehne wahcheja yǎhǎ. Tuhsǎ, judio masa jieraina Jesu yaina jipihitina tina cǎhǎ tina mehne wahchera. <sup>5</sup> Aquila ya wǎhǎi cahmachuina cǎhǎ Jesu yaina noajaro. Yǎ cahǎriro Epeneto cǎhǎ noajaro. Tiro Asia yahpa macariro tói jiro Cristore wacǎ tua mǎhtariro jire. <sup>6</sup> María cǎhǎ noajaro. Ticoro mǎsa mehne tuaro dahrahe. <sup>7</sup> Yǎ coyea Andrónico, Junia cǎhǎ noajaro. Peresui yǎ jichǎ tinata yǎhǎre piti tiina jihre. Ā jia yǎ pano Cristore wacǎ tua mǎhtare tina sehe. Paina Jesu to cǎrina sehe tinare “Potocǎta noaina jira”, ni durucura.

<sup>8</sup> Ampliato cǎhǎ yǎ cahǎriro Jesu yairo jira. Tiro noajaro. <sup>9</sup> Urbano cǎhǎ noajaro. Tiro cǎhǎ mari mehne Cristo yare dahrahe. Ā yoa yǎ cahǎriro Estaqui noajaro. <sup>10</sup> Apele cǎhǎ noajaro. Tiro potocǎta noano Jesure wacǎ tuara. To yoarire ñǎna tíre masija mari.

Tuhsu, Aristóbulo ya wuhu macaina jipihina to namono to pohna cuhu noajaro. <sup>11</sup> Yu coyeiro Herodiō noajaro. ã yoa Narciso ya wuhu macaina Jesu yaina noa pihtinocajaro. <sup>12</sup> ã yoa Trifena, Trifosa cuhu noajaro. Tí numia mari puhtoro Jesu ya dahraare yoara. Mari cahricoro Pérside cuhu noajaro. Ticoro mari puhtoro yare tuaro yoara. <sup>13</sup> Rufo mari puhtoro Jesure noano wacū tuariro, to yare noano yoariro noajaro. To pocoro cuhu noajaro. Ticoro yu poco yoaro sehe jiricoro jira. <sup>14</sup> Asíncrito, Flegonte, Herme, Patroba, Herma, paina Jesu yaina tina mehne macaina cuhu noajaro. <sup>15</sup> Tuhsu, Filólogo, Julia, Nereo, to bahoro cuhu, Olimpa, paina tina mehne macaina cuhu Jesu yaina noajaro.

<sup>16</sup> ã yoa msa mehne macainare piti bocana, noano mehne piti bocaga. Jipihina Jesu yaina jipihiro macaina msare noa dutira.

<sup>17</sup> Yu coyea, msa mehne macaina caina msare cahma nu tuhti, cahma tju wachu yoaina jira. ã jia msare Jesu ya buheare dojomehnena. ã jina tó sehe yoainare nuna noano yoanohu, “Dojomehneri”, nina. ã yoainare piti tiena tjiga. <sup>18</sup> Tó sehe yoaina mari puhtoro Jesucristo yare yoerara. Naare ti goa pja dihtare yoara. Tuhsu, noano tuho ji coaro dero mahño buhera noano masierainare. Ti ã mahnochuh tinare noano tuhora. ã jina ã yoainare piti tiena tjiga msa. <sup>19</sup> Msa sehe Jesure noano yuhtiina jira. Tíre jipihina masina. ã noano yuhtiina msa jichu wahcheja yuhu. ã jicu noano msa yoahore msa masichu cahmaja yuhu. ã yoa ne naare yoeraina msa jichu cuhure cahmaja yuhu. <sup>20</sup> ã jiro Cohamacu marine noano jinocachu yoariro mahanocā baharo watino Satanare yuhdurucachu yoarohca msare. ã yoa mari puhtoro Jesucristo msare noano wahachu yoajaro.

<sup>21</sup> Timoteo yu piti msare noa dutira. Yu coyea judio masa cuhu, Lucio, Jasō, Sosípatro msare noa dutira.

<sup>22</sup> Yuhu Tercio ahri püre Paulore joabasariro jija. Yuhu Jesu yairo jicu msare Jesu yainare noa dutija.

<sup>23</sup> Gayo ya wuhui jinocai nija yuhu Paulo. To ya wuhui Jesu yaina cahmachuna. Tiro cuhu msare noa dutira. ã yoa Erasto ahri maca macaina puhtoare niñerure nu wihbobasariro msare noa dutira. Mari coyeiro Jesu yairo Cuarto cuhu msare noa dutira.

<sup>24</sup> [Yu coyea mari puhtoro Jesucristo msare jipihinare to cahia mehne noano yoajaro. ãta yoajaro.]

*Paulo Cohamacure* ño payoro joa batoara

<sup>25-27</sup> Mari puhtoro Jesucristo ya buhea mehne noa buhea mehne Cohamacu msare tirore wacū tua namochu yoa masina. Panopure tí buhea noa buhea ne masare yahuerari buhea jimaha. Mipure Cohamacu yare yahu muhtaina cjiri ti joari cjiri mehne tí buheare yahua jira. Yuhu cuhu tíreta buheja. Tí buheare Cohamacu ã jirucuriro to yahu site dutiro seheta jipihiro macainapu mipure masina. Tí buheare tirota yahu dutiha masa tirore yuhti, ti wacū tuahto cijhto sehe. ã jina tirore “Potocāta noariro, tuariro jira mahu”, ni wahche payojihna. Tiro cūirota Cohamacu dihta noano masi pahñoriro jira. Jesucristo to yoadohoa mehne Cohamacure ã ño payorucujihna mari. ãta yoarucujihna.

## 1 Corintios

*Paulo Cohamacu yainare Corinto macainare joarocaha*

<sup>1-2</sup> Yuhu Paulo, Jesucristo yare buhe duti to cūriro jija. Cohamacu to cahmano seheta Jesu to cūhtiro cjihtore beseri jire yuhure tiro. Sostene wama tiriro mehne musare Cohamacu yainare Corinto macainare joarocaja sã. Ahriro cūhu mari coyeiro Jesu yairo jira. Jesucristo mehne macaina musa jichu Cohamacu yaina cjihti beseri jire Jesu musare. ã yoa jipihtina paina mari pūhtoro Jesucristore siniina jia, tina cūhu Cohamacu yainata jira. Ti ã jichu Jesucristo sehe mari jipihtina pūhtoro jira. ã jina musare jipihtinare joarocaja sã. <sup>3</sup> ã yoa Cohamacu mari Pucu mehne, mari pūhtoro Jesucristo mehne musare noa dutija. Cohamacu to yoadohoa mehne noano jiga musa.

*Jesucristo sehe musare noano yoabasaha Cohamacure*

<sup>4</sup> Jesucristo yaina musa jiri baharo tiro sehe musare noano yoabasari jire Cohamacure. To ã yoabasachu ñucu, Cohamacure “Noana”, nirucuja yuhu dachoripe. <sup>5</sup> Cristo yaina musa jichu ñano Cohamacu sehe musare noano jichu yoari jire. Tuhsu, to yare musare painare noano yahuhtina cjihtire yoari jire tiro. ã jiro tiro to yare noano masichu yoari jire musare. <sup>6</sup> Cristo yare musare sã buheriro seheta ã yoari jire musare, Cristo yaina musa wahachu. <sup>7</sup> ã yoa Cohamacu musare noano yoadoho pahñonocanohca. Mari pūhtoro Jesucristo ahri yahpapu to tjua tahtore musa cohtaro watoi Cohamacu musare ã yoadohorucurohca. <sup>8</sup> Cohamacu musare yoadohorohca to yare musa ne duhuerahito sehe. To ã yoachu musa sehe dachoripe, ahri dacho pihtichupu cūhure ñaa buhiri marieina jirucunahca, Cohamacu to ñuchu. ã jina Jesucristo mari pūhtoro to tjua tachupure ñaa buhiri marieina jinahca musa. <sup>9</sup> Tíre Cohamacu to niriro seheta tiro yoara. Tiro to macuno mari pūhtoro Jesucristo yaina cjihtire marine beseri jire. To ã beserinare Jesu yaina jichu yoare marine.

*Jesu yaina Corinto macaina cahmachua cahma sayoha ti basi*

<sup>10</sup> Yu coyea, mari pūhtoro Jesucristo to dutiro mehne musare tuaro mehne yahui tai nija ahrire: Musa basi cahma sayoena tjiga. ã yoa musa basi cahma tju wa dapo jiena tjiga. Cū curuaihta jiga musa. ã jina jiape ni durucuena tjiga musa basi. ã yoana musa yoahito cjihtore tuhutuna, cūno poterita yoaga musa. <sup>11</sup> Yu coyea, musa basi cahma sayona niyuhca musa. ã ni yahure cāina Cloé ya wuhu macaina yuhure.

<sup>12</sup> Cāina musa mehne macaina õ sehe ni cahma sayoyuhca: “Paulo ya curua macaina jija sã”, ni cahma sayoyuhca cāina musa. ã yoa paina “Apolo ya curua macaina jija sã”, niyuhca tina cūhu. Paina sehe tjoa “Pedro ya curua macaina jija sã”, niyuhca tina cūhu. Paina sehe tjoa “Cristo ya curua macaina jija sã”, niyuhca tina cūhu. <sup>13</sup> Musa ã nipachuta Cristo yaina cū curuaihta jija mari. Mari basi cahma tju wa dapo masieraja mari. Cū curuaihta jija mari. Yuhu Cristo jieraja. Tiro yoaro sehe musa ya buhirire crusapu yariariro cjiro jieraja. Tuua maeraja. ã jicu wiho jiriro jija. ã yoa musare paio bautisaro, Cristo yaina musa jichu musare bautisari jire. Yu yaina musa jichu sehere musare bautisaerari jire. (ã jina yuhu sehere ñu wahāena tjiga musa.)

<sup>14</sup> Musare, musa mehne macaina cūhure bautisaerahi yuhu. Crispore, Gayo cūhure tina dihtare bautisahi. Paina sehere bautisaerariro yu jichu noana, yu tuhutuchu. <sup>15</sup> Payu masare bautisariro yu jichu “Paul yaina sã jichu bautisare sare”, ni ñu wahāboa musa yuhure. ã jicu tíre musa yoachu cahmaeraja. <sup>16</sup> Estéfana ya wuhu macaina cūhure bautisahi yuhu. Tópeinata bautisahi yuhu. Yu bautisarinare painare wacūeraja yuhu. <sup>17</sup> Cristo yuhure warocaro, masare bautisahtirore cūerare yuhure tiro. Noaa buheare buhehtiro sehere yuhure cūre. Cristo crusapu to yariarire mari buhechu tí buhea marine noaina wahachu yoara. To ã yoapachuta noaa buheare yu mu sūro yu buhechu yuhu sehere ñu wahāboa musa. Musa ã ñu wahāna noaa buhea sehere ño payoeraboa musa.

Tuhsu noaina wahaeraboa. Ā jicu Jesu ya buheare buhecū yu mū sūro yu masia mehne buheraja yūhū.

*Cohamacū* to tuaa cūhūre to masia cūhūre cjuariro jira Cristo

<sup>18</sup> Pichacapū butihtina sehe Cristo crusapū to yariarire mari yahuri buheare “Tūho masieraina ya buhea jira tí”, nimana butihtina sehe. Mari sehe Cristo to yūhdūchū yoahntina cjihti jina ō sehe nija: “Crusapū to yariarire mari yahuri buhea tí waro jia nina. Tí buhea Cohamacū to tuaare yahura marine”, nija mari. <sup>19</sup> Cohamacū sehe to yare ti joari pūi ō sehe nina:

“Ahri yahpa macainare ‘Noano masiina jira’, ti niinare ti masia yaba cjihti jierachū yoaihca yūhū”,  
nia tiha Cohamacū to yare ti joari pūi.

<sup>20</sup> Ā jia ahri yahpa macaina noano masiina ti masia yaba cjihti jierara. Sā coyea judio masare buheina cūhū ti masia yaba cjihti jierara. Mipūre ahri yahpa macaare durucu sayo mihniina cūhū ti masia yaba cjihti jierara. Ahri yahpa macaina noano masiina ti jipachūta quihōno masieraina ti jirire masichū yoare Cohamacū. <sup>21</sup> Cohamacū pinihta noano masiriro jira. To ā jichū ahri yahpa macaina ti ya masia mehne Cohamacūre ne masierara tina. Cohamacū to masi dutieraro seheta ā wahare tinare. Cohamacūre cahmaeraina sehe ō sehe nina noaa buhea warore: “Tūho masieraina ya buhea jira”, nimana. Ā jia noaa buheare “Tūho masieraa buhea”, ti nia buheare tūhoa Cristore masi dūcara masa. Ti ā masi dūcachū Cristore ti wacū tuachū ñūno tinare pichacapū wahaborinare yūhdūchū yoara Cohamacū.

<sup>22</sup> Judio masa Cohamacū to tuaa mehne to yoa ñorire ñū duaa nina. Ā yoa griego masa judio masa jieraina sehe noano ti masihti cjihtire macaa nina. <sup>23</sup> Mari sehe Cristo crusapū to yariarire yahuri buheare buheja mari. Tí buheare judio masa sehe ñū yabira. Ā yoa tí buheare judio masa jieraina sehe “Tūho masieraina ya buhea jira”, ni tūhotura. <sup>24</sup> Ti ā ni tūhotupachūta Cohamacū to yaina cjihti to beserina sehe tí buheare ō sehe nina. “Cristo ya buhea Cohamacū to tuaare, to noano masiare masichū yoara marine”, nina tina ahri buheare. Tina judio masa, judio masa jieraina jipahta, ā nina Jesu yaina. <sup>25</sup> Cohamacū masi pahñoriro jira. “Tiro tūho masierariro jira”, masa ti ni tūhotupachūta ahri yahpa macaina yūhdoro noano masi pahñoriro jira tiro. Tuhsū Cohamacūre “Tuaerariro jira”, masa ti ni tūhotupachūta ti bui tua yūhdūrucū sūriro jira tiro.

<sup>26</sup> Yū coyea, Cohamacū mūsare to yaina yoachū mūsa payū wiho jiina mūsa jirire wacūga mūsa. Ahri yahpa macainare “Noano masiina”, ti niinare mahainacā Jesu yaina cjihtire beseri jire Cohamacū. Tuhsū pūhtoa cūhūre mahainacā Jesu yaina cjihtire beseri jire tiro. Ā yoa pūhtoa pohna cūhūre pache pūa pohna cūhūre mahainacā Jesu yaina cjihtire beseri jire tiro. <sup>27</sup> “Tūho masieraina jira”, ti niinare Cohamacū beseri jire “Noano masiina jira”, ti niina ti būoro wahahto cjihto sehe. Tuhsū “Yaba cjihti jierara”, ti niinare Cohamacū beseri jire, “Wiho jiina jierara”, ti niina ti būoro wahahto cjihto sehe. <sup>28</sup> Masa ti ñū yabiinare “Yaba cjihti jierara”, nina masa. Ti ā nirinare Cohamacū to yaina cjihtire beseri jire tinare. Ā besero “Pūhtoa waro jira”, ti niinare wiho jiina ti jiare masichū yoari jire Cohamacū tinare. <sup>29</sup> To ā yoachū ñūa ahri yahpa macaina ne cūiro “Tuariro, noano masiriro jija”, ne ni yūhdūrucā masierara, Cohamacū to ñūchū.

<sup>30</sup> Cohamacū sehe marine Jesu yaina jichū yoare. To yaina jina marine to yūhdūchū yoari baharo jipihntia dachoripe Cohamacū mehne jirucunahca mari. Jesucristo sehe Cohamacū yare noano masichū yoara marine. Tuhsū mari ñaa buhirire cohāna. Ā yoaro mari ñaa yoari buhirire cosaro, marine “Noaina jira”, to ni ñūchū yoara Cristo Cohamacūre. Ā yoaro marine pichacapū wahaborinare yūhdūchū yoara. <sup>31</sup> To ā yoachū Cohamacū yare ti joari pūi to ni joariro seheta ā wahara: “ ‘Yū mū sūro masi pahñoriro jija’, niriro tíre nieno tjijaro. Ō sehe nijaro: ‘Mari pūhtoro Cristo sehe marine yūhdūchū yoariro jira’, nijaro tiro”, nina Cohamacū yare ti joari pūi.

## 2

*Cristo crusapɔ* to yariarire sã yahuri buhea jira ahri

<sup>1</sup> Yɛ coyea, mɛsa cahapɔ sɛcɛ “Noano masi pahñoja”, mɛsare ni buherahi. Cohamacɛ yare mɛsare buhecɛ, tó sehe ni buhecɛ nierahi. <sup>2</sup> “Õ sehe ni buheihitja”, nicɛ mɛsa mehne jicɛ Jesucristo ya dihtare crusapɔ to yariari dihtare wacũcɛ, tí buheare buhei yũhɛ. <sup>3</sup> Tuhsɛ, mɛsa mehne jicɛ wiho jiriyo yoaro sehe jii yũhɛ. ã jicɛ Cohamacɛ yare quihõno buhe duariro jicɛ cuiriro teteteriro yoaro sehe jii yũhɛ. <sup>4</sup> ã jicɛ Cohamacɛ yare buhecɛ, “Masi pahñoja”, ni buherahi. Mijoa durucua mehne yɛ mɛ sɛro buherahi. To yare yɛ buhechɛ Espiritu Santo to tuaa mehne yɛ buhechɛ ñure mɛsa. <sup>5</sup> Õ sehetã ni buhei yũhɛ mɛsare masa ti mɛ sɛro ti buhea sehere mɛsa cahmaerahto sehe. Cohamacɛ sehere mɛsa wacũ tuahtore ã ni buhei yũhɛ.

*Espiritu Santo sehe Cohamacɛ* to jia tiare buhera marine

<sup>6</sup> ã jina Cohamacɛ ya buheare mɛsare Jesure noano masiinare yahuja sã. Masa ti mɛ sɛro ti buhea yoaro sehe jierara ahri mɛsare sã buhea. Ti pũhtoã ya buhea cũhɛ jierara. Tina sehe pihtia wahaahca. <sup>7</sup> Paina ti masierari cjirire Cohamacɛ ya durucua cjirire yahuja sã sehe. Panopure ahri buheare Cohamacɛ yaina cjiri noano masi pahñoerari jire. Ahri yahpa to jihto pano ahri buhea ti niriro sehetã “Ãta wahajaro”, ni tuhsɛã tiri jire Cohamacɛ. Marine pichacapɔ wahaborinare to yũhdũchɛ yoahito cjihtore, tiro mehne mari jirucuhto cjihtore, tiro yoaro sehetã mari wahahto cjihto cũhɛ. “Ãta wahajaro”, nia tiri jire tiro. <sup>8</sup> To ã nichɛ Cohamacɛre cahmaeraina pũhtoã ne to buheare tũho duaeraa, masierari jire. Tíre noano masia, mari pũhtoro Cohamacɛ macũno warore crusapɔ cã puha wajãeraboa tina. <sup>9</sup> Cohamacɛ yare ti joari tjui õ sehe nina: “Jipihtina Cohamacɛre cahĩina ya cjihtire Cohamacɛ noano cahnobasa tuhsɛã. Noa yũhduara tí to cahnobasari.

Tí to cahnobasari mari ne ñuerana, tũhoerahi.

ã jina ‘Õ sehe yoarohca Cohamacɛ’ ni, dohse masiyu pahñohto basioerara marine”, nina Cohamacɛ yare ti joari pũi. <sup>10</sup> To ã nipachũta Espiritu Santo Cohamacɛ yare masichɛ yoare marine. Jipihtia Cohamacɛ yare Espiritu Santo masi pahñoã. ã masino tiro marine tíre masichɛ yoara.

<sup>11</sup> Ne paina sehe masũno to masiare masierara. Wiho mejeta masũno sehe to basi to wacũapɔ to tũhotuare masina. Tó sehetã paina Cohamacɛ to masiare ne masierara. Cohamacɛ to Espiritu Santo dihta to masiare masina, masũno to basi to tũhotuare to masino sehetã. <sup>12</sup> ã yoa mari sehe Jesu yaina jina masa ti mɛ sɛro ti buheare cjueraja. Cohamacɛ to Espiriture ware marine masichɛ yoaro taro. Tiro marine to noano yoahitore masichɛ yoara Espiritu Santo sehe. <sup>13</sup> Cohamacɛ yare mɛsare buhena, masa ya masia mehne sã mɛ sɛro buheraja sã. Espiritu Santo to buhea sehere mɛsare buheja. ã buhena Espiritu Santore cjuainare Cohamacɛ yare noano buheja sã.

<sup>14</sup> Espiritu Santore cjueraina sehe Espiritu Santo yare ne cahmaerara. “To ya wiho warota jira”, nimana tina. Espiritu Santo to yoadohoro marieno ne to yare masihto basioerara masare. ã jia tina to yare ne masierara. <sup>15</sup> Espiritu Santore cjuaina sehe Cohamacɛ yare noano masina. ã jia jipihtiare noano bese masina. Paina sehe tinare “Noaina jira. Ñaina jira”, ni bese masierara Espiritu Santore cjuainare. <sup>16</sup> Õ sehe nina Cohamacɛ yare ti joari pũi: “Mari pũhtoro Cristo to tũhotuare masiina ne mariahna. ã yoa tirore masa ne ‘Õ sehe yoaga’, ni masierara”, nina to yare ti joari pũi. Mari sehe Cristo yaina jina, Cristo yoaro sehetã masija mari.

## 3

*Jesu yaina cũno* potori Cohamacɛre dahra cohtaina jira

<sup>1-2</sup> Yɛ coyea, mɛsare buhecɛ Espiritu Santore noano yũhtiinare yɛ buheriro sehetã buhe masierahi mɛsa sehere. Cristo yaina jipanahta, wihãinacã ti wahiquiro dihirore



ti chũ masierariro seheta Cohamacũ yare noano masierare mũsa. Mipũ cũhũre noano masierasiniyuhca mũsa. ã jina wihãinacã pẽchore ti pũno seheta mijoera curea buhea dihtare tũhoyuhca mũsa. ã jicũ tó sehe jia buhea dihtare buhei mũsare. Cristo yaina jipanahta wihãinacã ti chũ masierariro seheta Cristo yare noano masierayuhca mũsa. <sup>3</sup> Mũsa sehe mũsa mehne macainare ti noano wahachũ ñũna ñũ tuhtina, cahmachena, mũsa basi cãa curuari tju warũcu sũna, Espĩritu Santore cjuæraina yoaro sehe yoana niyuhca mũsa. ã yoana ahri yahpa macaina Cristore cahmaeraina yoaro sehe yoayuhca mũsa. <sup>4</sup> Õ sehe niyuhca mũsa: “Paulo mehne macaina jija sã”, niyuhca cãina mũsa. ã jia paina mũsa mehne macaina sehe “Apolo mehne macaina jija sã”, niyuhca. Mũsa ã ni durucuna Espĩritu Santore cjuæraina yoaro sehe ni durucuna nica mũsa.

<sup>5</sup> ¿Yũhũ Paulo, Apolo mehne dohse yoahntina cijhti jijari sã, mũsa tũhotuchũ? Õ sehe yoahntina jina nija sã: Cohamacũ to dutiriro seheta tirore dahra cohtaina wiho jiina jija sã. ã jina mũsare sã buhechũ tũhona Jesucristore wacũ tua dũcare mũsa. <sup>6</sup> Noaa buheare buheina wesepũ dahrainã yoaro sehe jira mari piti dahre buhechũ. Wese pũro to toa mũhtariro seheta yũhũ cũhũ mũsare buhe mũhtahi. Tuhsũ, paio wesere to cure nũnũ tiriro seheta Apolo sehe yũ baharo mũsare buhe namo nũnũ tire. Sã ã buhepachũta wese macaa toaare bũcũa namochũ to yoariro seheta Cohamacũ sehe mũsare to yare masi namochũ yoahre. <sup>7</sup> ã jicũ yũhũ buhe mũhtariro jipaihta wiho jiro jija. ã jiro Apolo yũ baharo buhe nũnũ tiriro cũhũ wiho jirota jira. Cohamacũ pinihũta toaare to bũcũa namochũ yoariro seheta to yainare tirore masi namochũ yoara. ã jiro Cohamacũ sehe wiho jiro jierara. <sup>8</sup> Toa mũhtariro, baharo cure nũnũ tiriro cũno potori dahra cohtaina wiho jirinãta jimana tina. ã jia ti dahrariro purota wapata tina. Tó seheta jija sã, Apolo mehne. <sup>9</sup> ã jina sã Cohamacũ yare dahra cohtaina jija. ã yoa Apolo yũ piti jira. Sã ã jichũ mũsa sehe Cohamacũ ya wese yoaro seheta jira. Mũsa ã jichũ Cohamacũ wese macaa toaare to bũcũa namochũ yoariro seheta mũsare to yare masi namochũ yoarohca tiro.

ã yoa Cohamacũ mũsare to yainare noari curua yoaro nina. ã jina tãa mehne ti yoari wũhũ yoaro sehe jira mũsa to ya curua macaina mari piti dahre buhechũ. <sup>10</sup> Mũsa ã jichũ Cohamacũ yũhũre to dutiriro seheta yũhũ sehe wũhũ dahre mihnririro tãare to cũ mũhtariro seheta Jesucristo yare mũsare buhe mũhtai. ã jiro tí tãa bui paio to yoa namo mũjariro seheta paio yũ baharo buhe namo nũnũ tiro nina. ã buhe namono noano yoaro cahmana. Ne papero marieno noano buhejaro tiro. Cristo ya dihtare buhejaro tiro. <sup>11</sup> Wũhũre ti dahre dũca ti cũ mũhtari tãa yoaro sehe Cristo jira. ã jina tí tãare sã noano cũ mũhtariro seheta Cristo yare buhe tuhsũ. Paio ya buhea sehere mari buhechũ tó wahaerara. <sup>12-15</sup> Uru mehne, plata mehne, wapa bũjũa tãa mehne mari yoari wũhũre mari jũ ñũchũ jũerara. Tó seheta Jesucristo yare mari noano yoari baharo pihtiri dacho jichũ Cohamacũ mari yoarire to jũ ñũno seheta yoarohca mari yoarire masino taro. Tó sehe to yoachũ noari wũhũ to jũerariro seheta mari yoarire ti noaa jichũ masinohca. ã yoaro mari noano yoarina mari jichũ masichũ yoarohca tiro. Noaare mari yoari wapa noano yoarohca marine. Yucũri mehne, tja mehne, ñaia pũri mehne mari yoari wũhũre mari jũ ñũchũ jũa waharohca. Tó seheta Jesucristo yare mari noano yoareri baharo pihtiri dacho jichũ, Cohamacũ mari yoarire jũ ñũno sehe yoarohca mari yoarire masino taro. Tó sehe to yoachũ ñari wũhũ to jũa wahariro seheta mari yoarire ñaa ti jichũ tiro masinohca. ã yoaro mari noano yoaraina mari jichũ marine masichũ yoarohca tiro. Noano yoaraina mari jichũ ñũno noaare mari yoamari wapare noano yoasi. Tó sehe jĩinare Cohamacũ yũhdũchũ yoarohca. To ã yũhdũchũ yoapachũta tó sehe noano yoaraina mahanocã cohõbo cure yũhdũahca.

<sup>16</sup> Mũsa sehe Jesu yaina Cohamacũ ya wũhũ yoaro sehe jira. Mũsa ã jichũ ñũno tí wũhũ to jiboro seheta Espĩritu Santo sehe mũsa mehne jira. ¿Tĩre masierajari mũsa?

<sup>17</sup> Cohamacũ ya wũhũ ñaa marieni wũhũ jira. ã jina mũsa cũhũ tí wũhũ yoaro sehe jina to yaina warota jira. ã jiro to yainare cũiro to dojomehnechũ Cohamacũ pichacaru cohãnohca tiro sehere.

<sup>18</sup> Mahñoare tūhotuena tjiga mūsa. “Mipū macaina ya masiare noano masija”, ni tūhoturiro mūsa mehne macariro jiro Jesu ya sehere noano masijaro. To ā masichū ñua paina tirore “Tūho masierariro jira”, niahca. Ā jiro Jesu yare masino, potocāta noano masiro waharohca. <sup>19</sup> Masa ti mū sūro ti basi ti masiare “Wiho warota jira”, ni tūhotura Cohamacū. Āta nina Cohamacū yare ti joari pūi: “Ti mū sūro masiina ti masia yaba cjihti jierara Cohamacū to ñuchū. Ā jiro ti yoa duaare dūcatara tinare”, nina Cohamacū yare ti joari pūi. <sup>20</sup> Ā yoa pa pūpū ō sehe nina: “Masa ti mū sūro masi pahñoina ti tūhotua yaba cjihti ti jierachū masina mari pūhtoro Cohamacū sehe”, nina Cohamacū yare ti joari pūi. <sup>21-22</sup> Ā jina “Sā mū sūro yoahi”, ni masieraja mari masa jina. Ā jina yūhū Paulo, Apolo, Pedro mehne sā jipihtina Cohamacū mūsare to yoadoho dutiina jina, mūsare dahra cohtaina jija sā. Jipihtia mūsa ya jira. Cohamacū to bajuamehnerire, catia cūhūre ware mūsare. Tuhsū, pichacapū wahaerachū yorohca mūsare. Mipū jiare baharopū jikti cūhūre mūsare warohca. Ā jia jipihtia mūsa ya jira. <sup>23</sup> Ā yoa mūsa sehe Cristo yaina jira. Cristo sehe Cohamacū yairo jira.

## 4

*Cristo to yare buhe duti to cūrina ti dahraare yahuha Paulo*

<sup>1</sup> Ō sehe ni tūhotuga mūsa yūhūre Apolo cūhūre: “Tina sehe Cristore dahra cohtaina jira. Ā jia masa ti masierari cjiire Cohamacū yare buheina jira”, ni tūhotuga mūsa sāre. <sup>2</sup> Dahra cohtaina ti pūhtoro to dutiro sehetā yoa cohtara. <sup>3</sup> Wiho mejeta yūhūre mūsa yahuwajapachūta ā tūhotunocaja yūhū. Paina pūhtoa yūhūre ti yahuwajachū cūhūre ā tūhotunocaja yūhū. Yū yoare ñua “Ahri noaa jira. Ahri ñaa jira”, ni masierara mūsa. Yūhū cūhū masūnota jija. Ā jicū yū yoare noano masi pahñoeraja yūhū cūhū. <sup>4</sup> “Cristo yare yū yūhdūrcari yūhūre mariahna”, ni tūhotumaja yūhū. Yū ō sehe ni tūhotupachūta buhiri tia jisiboca yūhūre. Mari pūhtoro Cristo dihta yū yoare ñūno, noano masina. <sup>5</sup> Ā jina mari pūhtoro to tjua tahto pano masare ñano ni yahuwajaena tjiga mūsa. Tiro tjua taro masa ti yoirire, panopū paina ti masierari cjiire Cristo masichū yorohca. Ā jiro mari yoa duarire, mari tūhotuare tiro masichū yorohca. Ā yoaro to yare yoinare Cohamacū “Noano yoare mūsa”, ninohca.

<sup>6</sup> Yū coyea, yūhū Apolo mehne sā buheri cjiire yahuhū yūhū mūsare buhecū tacū, sāre mūsa ñū cūhto sehe. Ā yahuhū yūhū Cohamacū to yare ti joari pūi to niriro sehetā quihōno mūsa yorucuhto sehe. Ā yoana mūsa mehne macainare cūno potori ño payoga. Cūiroreta ño payoena tjiga. <sup>7</sup> Mūsa sehe paina yūhūdo noaina jierara. Masi yūhdūrcaina jierara mūsa. Cohamacū mūsare to wari cjiire dihtare cjuara mūsa. Ā cjuana mūsare to yahuri cjiire dihtare masina mūsa. ĶMūsa mū sūro cjuaina, mūsa mū sūro masiina jierapanahta, dohse yoana “Masi pahñoina jija”, nijari mūsa? Ā nina “Sā mū sūro masija sā”, niborina sehetā yoara mūsa.

<sup>8</sup> Mūsa sehe “Cohamacū yare masi pahñoja sā. Sāre yaba waro dūhsaerara”, nimana mūsa. Tuhsū, mūsa cahai sā jierachū mūsa ō sehe ni tūhotumana: “Pūhtoa yoaro sehe masiina jija sā”, ni tūhotumana mūsa. Potocāta Cohamacūre masi pahñoina pūhtoa yoaro sehe masiina mūsa jichū mūsare noabiaboa. Mūsa ā jichū mūsa mehne sā cūhū pūhtoa yoaro sehe masiina jiboa.

<sup>9</sup> Ō sehe ni tūhotuja yūhū pinihta: Sāre Jesu to yare buhe dutiro cūno, masape doca macari curua cūre sāre. Paina ti wajāhtina yoaro sehe ñua masa sāre. Ahri yahpa macaina masa, anjoa cūhū wapanañoina yoaro sehe ñua sāre. <sup>10</sup> Cristo yare sā buhechū ñua “Tūho masieraina jira”, ni ñua masa sāre. Ā jia Cristo yare sā yoachū ñua, sāre ñū tuhtira. Mūsa sehere ñua, “Noano masiina jira”, ni tūhotumana masa. “Cohamacūre wacū tuaeraina jira”, ni tūhotumana masa sāre. Mūsa sehere ñua, “Noano wacū tuaina jira”, ni tūhotumana tina. Mūsa sehere masa ño payora. Sā sehere tina ne ño payoerara. <sup>11</sup> Sā sehe mipūre ñano yūhdūina, jūca baaina, ñahma yapioina, ñano suhti maeraina, wūhūse maeraina jija. Tuhsū, paina sāre ño payoeraa, sāre ñano yoara. <sup>12</sup> Ā yoa sā tuaro

dahraja. Tuhsu, paina säre ñano ni ti durucupachuta sã sehe tinare “Noano jiga”, nija sã. Ñ yoana paina säre ñano ti yoapachuta ã tãhotunocaja sã. <sup>13</sup> “Ñano yoana jira”, säre ti nipachuta sã sehe noano mehne tinare yoaja. Паноръ, миръ сũhũre ñaa weti tiina yoaro sehe masape curuari doca macari curua yoaro sehe ñãna masa säre.

<sup>14-15</sup> Mũsare noaa buheare buhe mũhtacu mũsa pũcu yoaro sehetã wahai yũhũ. Payũ mũsare Cristo yare buheina ti jipachuta mũsare buhe mũhtariro cũirota jija yũhũ. Ñ jiriro jicu mũsare bũo tichũ yoai tai ahrire joai nieraja yũhũ. Yũ pohna warore, yũ cahĩinare yũ dutiboriro sehetã mũsare noano mehne duticu tacũ ahrire joaja yũhũ. <sup>16</sup> Ñ jicu ahrire mũsare tuaro mehne dutii tai nija yũhũ. Yũhũre ñũ cũga mũsa.

<sup>17</sup> Ahrire yoa duticu tacũ mũsa cahai Timoteore warocahi. Tiro yũ cahĩiro mari pũhoro Jesu yairo jira. Ñ jiro Cristo yare yoarucura tiro. Cristo yare mari yoahire jipihina Jesu yaina cahapũ buhei yũhũ. Timoteo tíre mũsare wacũrucuchũ yoarohca. Ñ jicu Cristo yare yũ yoariro sehetã mũsa ñũ cũhto sehe Timoteore warocahi yũhũ. <sup>18</sup> Timoteore yũ warocachũ cãina mũsa mehne macaina pũhota ji duaina õ sehe nimana: “Paulo marine cuiro, mari cahapũ tasi”, ni tãhotumana tina. <sup>19</sup> Cohamacũ cahmachũ mũsa cahapũ michapucacãta sũihca. Ñ sũcu pũhota ji duinare mũsa mehne macainare ti durucua quihõno jichũ masiĩhtja yũhũ. Ñ yoa Cohamacũ tuaare potocãta ti cjuachũ cũhũre masiĩhtja yũhũ. <sup>20</sup> “Cohamacũ sã pũhoro jira”, mari ni yahupachuta to yare mari yoaerachũ tí mari ã nimari cjiri yaba cjihti jierara. Cohamacũ to tuaa mehne to cahmano sehe yoa masija. Tí pinihta wiho waro jierara. <sup>21</sup> ¿Mũsa cahapũ mũsare buhiri dahrehtiro mũsare tuhtihitiro yũ wahachũ cahmajari mũsa yũhũre? ¿O mũsare cahĩiro mũsare wahchehtiro yũ wahachũ cahmajari mũsa yũhũre? ¿Dohse jiriro yũ wahachũ cahmajari mũsa?

## 5

### *Corinto macaina ti wũana tirire yahuha Paulo*

<sup>1</sup> Potocãta õ sehe quti tira säre paina: Cũiro mũsa mehne macariro to pũcũro namonore wũana tiyuhca. Ñta ni yahura masa säre. Paina Cohamacũre cahmaeraina jipahta tina sehe tó sehe yoana jierara. <sup>2</sup> Mũsa mehne macariro to ã yoapachuta mũsa sehe “Quihõno yoana nija sã”, ni tãhotumana. ¿Dohse yoana to ñaa yoarire masipanahta cahyaerajari mũsa? Ñ jina ã ñano yoarirore mũsa mehne Jesu yaina mehne jirirore cohã wioboa mũsa. <sup>3</sup> Yũhũ mũsa mehne jierapaihta yũ wacũapũ mũsa mehnetã jija yũhũ. Ñ jicu mũsa mehne jicu yũ niboriro sehetã ñano yoarirore to ã ñano yoari buhiri buhiri dahre duti tuhsũja yũhũ. <sup>4</sup> Jesu to dutiro mehnetã ã yoa dutija. Ñ jina mũsa cahmachuna yũ wacũa mehnepũ mũsa mehne yũ jichũ to pũcũro namono mehne ñano yoarirore cohã wiona, mari pũhoro Jesu to tuaa mehne õ sehe niga ñano yoarirore: <sup>5</sup> “Watĩno to cahmano sehetã mũhũre yoawahnojaro”, niga tirore. Ñta niga tirore ñaare to goa pjari cjirire to duhuhto sehe. Mũsa ã cohãchũ tiro ñano yũhdũrohca. Mari pũhoro Jesu to tjua tari dachoi ñano yoariro cjiro Jesu mehne to noano yũhdũhto sehe mipũre tirore ã niga.

<sup>6</sup> “Quihõno yoana nija sã”, nipanahta ñano yoana nica mũsa. Ñano yoarirore mũsa ã ñũnocahna, tí ñaare mũsa jipihina piha pihtia wahanahca. Pão bũcũaro trigore to noano sãarũcu sũriro sehetã tí ñaa mũsare piha, noano sãarũcu sũa waharohca. ¿Tíre masierajari mũsa? <sup>7</sup> Yũ coyera judio masa pascua jichũ ovejare wajã, jũ mũo, Cohamacũre ño payora. Tó sehetã oveja to yariariro sehetã Cristo mari ñaa buhirire yariari jire. To ã waharire masina, mũsa sehe ñano yoarirore mũsa mehne macarirore cohã wioga tí ñaa mũsare to pihaerahto sehe. Mũsa ñaa yoari buhirire cohã tuhsũre Cristo. Ñ jina ñano yoarirore cohã wioga “Tí ñaare pihari”, nina. <sup>8</sup> Pão bũcũaro trigore to sãarũcu sũriro sehetã panorpũ ñaare ñũ cũ yoa pihtina jimai mari. Ñ jina pascua bose nũmũrihi pão bũcũaro marieno pãore ti chũriro sehetã mari cũhũ ñaare goa pjaro marieno ñano yoaro

marieno jijihna. Panopu mari ñaare mari yoaa tiriro sehe yoaena tjijihna. Ñ yoana potocã noano tuhotua mehne, noano yoaina jijihna.

<sup>9</sup> Músare yu joarocari pũpũre Jesu yairo jiparota ã wũana tirucurirore ne piti ti dutieramahi. <sup>10</sup> Ñ nicũ numia mehne ñano yoainare, mũa mehne ñano yoaa numiare, paina yare goa pjainare, yacainare, “Cohamacu jira”, ti nia masurine ño payoinare Jesu yaina ti jierachu “Tina mehne jiena tjiga”, nieraja. Ahri yahpai tó sehe jiina marieno Jesure cahmaeraina marieno mari dihta ji masieraja. Jipihtiropu jira tina sehe. <sup>11</sup> Ñ jicu músare joarocacu õ sehe yoaa dutimahí: Mũsa mehne macariro “Jesu yairo”, ti niriro to jipachuta numino mehne ñano yoariro, paye barore goa pjariro, “Cohamacu jira”, ti nia masurine ño payoriro, ñano quti dahrerucuriro, cahariro, yacariro to jichũ tirore piti tiena tjiga. Ñ jina tó sehe yoariro mehne pinihtare chuena tjiga. <sup>12</sup> Jesu yaina jierainare ti ñaa yoari buhirire ne buhiri dahre dutiriro jieraja yũhũ. Tó sehe buhiri dahre dutiriro jira Cohamacu sehe. Yu ã nipachuta mũsa mehne cahmachuina Jesu yaina mũsa basi mũsa yoarire ñũna masino cahmana mũsa sehere. Ñ tuhotunocaeraro cahmana. Ñ jina mũsa sehe tina ti ñano yoachũ ñũna buhiri dahrega tinare. <sup>13</sup> Jesu yaina jieraina sehere Cohamacu sehe buhiri dahrerohca. Ñ jina mũsa sehe mũsa mehne macarirore ñano yoarirore cohã wioga.

## 6

### *Jesu yainare ti basi ti yahusaãrire yahuha Paulo*

<sup>1</sup> ¿Mũsa basi cahma ñũ tuhti yahusã duana dohse jiro baro Jesu yaina jieraina cahapu mũsa coyeare Jesu yainare yahusãna wahajari? Jesu yainare mũsa mehne macainare yahusã duana paina Jesu yaina sehere tíre yahuro cahmana músare. Ñ jia Jesu yainapu besejaro. <sup>2</sup> Pihitiri dacho jichũ mari Jesu yaina sehe masa jipihtina ti yoarire ñũna “Ahri ñaa jira. Ahri noaa jira”, besenahca mari tinare. ¿Tíre masierajari mũsa? Ñ jina pihitiri dacho jichũ masa jipihtinare besehtina jina, mipũ cũhũre bese masija mari. Ñ jina mipũre wiho jiacã buhiri cũhũre bese masija mari. <sup>3</sup> Anjoa ti yoarire ñũna tina cũhũre besenahca mari. ¿Tíre masierajari mũsa? Mari ã besehtina jina potocãta tí yũdoro mipũ cũhũre Jesu yaina ti yoarire ñũna bese masija mari. <sup>4</sup> ¿Ñ jina dohse yoana mũsa mehne macainare yahusã duana mari mehne jieraina cahapu Jesu yainare yahusãna wahajari mũsa? <sup>5</sup> Ahrire nii nija mũsa quihõno yoarerire mũsa cahyahto cjihtore. ¿Mũsa mehne macainare mũsa cahma sayochũ músare yahuhtiro mũsa mehne macariro noano masiriro mariajari? Jira. <sup>6</sup> To ã jipachuta mũsa mehne macariro Jesu yairo paio Jesu yairore yahusã duaro Jesure cahmaerainare yahusãno wahara.

<sup>7</sup> Masare beseina puhtoare mũsa mehne macainare yahusãna Jesu yaina jipanahta quihõno yoerara mũsa. Pairo mũsa mehne macariro músare ñano to yoachũ ã ñũnocaboa mũsa. Jesure cahmaerainare mũsa yahusãhto pano mũsa coyeirore mũsa ã ñũnocachũ noabiaboa. Jesu yairo músare to yacachũ tirore mũsa yahusãhto pano tiro to yacarire mũsa ã ñũnocachũ noabiaboa. <sup>8</sup> Ñ yoaborina jipanahta paina mũsa mehne macaina Jesu yaina ti jipachuta tinare ñano yoaina, yacaina jira mũsa.

<sup>9-10</sup> Tó sehe yoaina puhtoro Cohamacu to suho jiropure mũanopũre waha masierara. ¿Tíre masierajari mũsa? Mahñoare tuhotuena tjiga mũsa: Wũana tiina, “Cohamacu jira”, ti nia masurine ño payoina, numia mehne ñano yoaina, mũa mehne ñano yoaa numia, mũa sahsero ti pjacũri mehne ñano yoaina, numia sahsero ti pjacũri mehne ñano yoaa numia, yacaina, paina yare goa pjaina, cahaina, masare ñano tuhtipeina, masa ti cjuare maina baro ne Puhtoro Cohamacu to suho jiropure mũanopũre waha masierara. <sup>11</sup> Panopũre mũsa cũhũ tó sehe yoaina tjimahre. Ñ yoamarina mũsa jipachuta mipũre mũsa ñano yoari buhirire cosa tuhsuri jire Jesucristo sehe. Ñ to cosarina mũsa jichũ to yaina cjihtire yoare Cohamacu músare. Ñ yoaro “Noaina jira”, ni ñũna músare tiro. Ña yoare músare mari puhtoro Jesucristo, Espĩritu Santo cũhũ ti tuua mehne.

*Mari pjacũri Cristo ya pjacũri jia nina*

<sup>12</sup> “Yũ cahmano sehe yoa masija yũhũ”, niyuhca cãina mũa. Tí potocã to jipachũta tíre yoacũ noano jieraboca yũhũ. Yũ cahmano sehe yoa masija. ã yoa masipaihta cãa tahari ã yoariro jicũ tíre duhu masieraboca yũhũ. ã jicũ tíre pari turi yoasi yũhũ, “Tíre duhu masieraboca”, nicũ. <sup>13</sup> Õ sehe nina mũa: “Jipihtia chũa mari pjarõ macaa cjihti jira. Tuhsũ mari pjarõ chũa posa tihti pjarõ jira”, nina mũa. Tí potocã tjira. ã jiparõta baharõ Cohamacũ sehe mari chũare mari pjarõ cũhũre ti pihtia wahachũ yoarõhca. ã jia mari chũa wiho warõta jia nina. Chũa mari pjarõ macaa cjihti jira. ã jiparõta mari pjacũri numino mehne ñano yoahiti pjacũri jierara. Mari pjacũri sehe mari pũhtõro Cristo ya pjacũri cjihti jia nina. ã jiro mari pũhtõro sehe mari pjacũrire noano yoahitõro cjihtõ jira. <sup>14</sup> Cohamacũ to tuua mehne mari pũhtõro Cristõre masõri jire. ã to yoariro seheta mari cũhũre masonõhca tiro.

<sup>15</sup> ¿ã jina mũa pjacũri Cristo ya pjacũri ti jichũ masierajari mũa? ¿Ti ã jichũ Cristo ya pjacũ mehne ñano yoaricõro mehne mari ñano yoachũ noajari, mũa tũhotuchũ? Noaerara. <sup>16</sup> Ñano yoaricõrore ñaharõro to pjacũ sehe ticõro ya pjacũ mehne jiro, cũ pjacũ yoarõ seheta jira. ¿Tíre masierajari mũa? ãta ni joaa tiri jire Cohamacũ yare ti joari tjui: “Tina pũarõ jipahta cũ pjacũ yoarõ sehe wahara”, ni joaa tiri jire. <sup>17</sup> Mari pũhtõro to yaina mehne jira. ã jiro Jesu yairo Jesu mehne pũarõ jipahta cũno potõri tũhotuina cũirota ti jibõro seheta jira.

<sup>18</sup> ã jina numia mehne ñano yoaaare, mũa mehne ñano yoaaare goa pjaena tjiga. Tíre mũa yabiro seheta tíre yoaena tjiga. Paye ñaare mari yoana mari pjacũre dojõmehneraja. Numino mehne ñano yoariro sehe to pjacũre ñano dojõmehnera. <sup>19</sup> Espõritu Santõre marõne ware Cohamacũ. ã jiro mari mehne jiro nina Espõritu Santo sehe. ¿Tíre masierajari mũa? ã jia mũa pjacũri mũa catia cũhũ mũa ya cjihti warõ jierara. Cohamacũ yaina cjihti warõ jira mũa. <sup>20</sup> Mũa ñaa buhirire buhiri dahre tuhsũre Cristõre. ã jina to yaina cjihti warõ jira mũa. To yaina jina mũa pjacũri mehne Cohamacũ to cahmano sehe yoaga. ã yoana Cohamacũre ñõ payõna nina mũa.

## 7

### *Namo tiare yahuha Paulo*

<sup>1</sup> Mipũre yũhũre mũa sinitu mũa joarõcari cjirire yũhũ cũhũ yũhti cahmai tai nija: Masũno namõ tierachũ cũhũre, noanõcahna, yũ tũhotuchũ. <sup>2</sup> Tí ã jipachũta mũa sehe namõ tijarõ paina numia mehne ti ñano yoaerahto sehe. ã jia numia cũhũ manũ tijarõ paina mũa mehne ti ñano yoaerahto sehe. <sup>3-4</sup> Manũ tiricõro to pjacũ to ya pjacũ dihta jierara. To manũno ya pjacũ cũhũ jira. To manũno cũhũ to pjacũ to ya pjacũ dihta jierara. To namõno ya pjacũ cũhũ jira. ã jina mũa mũa sehe mũa namõsãnumiare noano cjuaga. ã yoa mũa numia cũhũ mũa manũsumare “Yũ pjacũre pihaecũ tjiga”, niena tjiga. <sup>5</sup> Wiho mejeta Cohamacũre pũarõ mũa sini duana “Mahaa dachõricã mari basi jiena tjijihna. Cohamacũre sinijihna”, cũno potõri ã nina, mũa basi wahã duhu masina mũa. Mũa ã duhuri baharõ mũa jiriro seheta jirucuga tjoa, Satana ñano mũsare to yoa dutierahto sehe. “Paina mehne ñano yoaboca” nina, mũa basi piti ti duhuena tjiga. Mũa jiriro seheta jirucuga tjoa.

<sup>6</sup> Ahrire mũsare mipũ yũ niri cjirire yahucũ mũsare dutia warõ mehne nieraja. ã yahuta nija mũa yoahitõre mũa masihtõ sehe. <sup>7</sup> Jipihtina mũa yũ yoarõ seheta namõ tieraina mũa jichũ noabõa yũhũre. ã ji duapanahita mari jipihtina cũno potõri jieraja. Cãinare marõne namõ ti dutira Cohamacũ. Cãinare namõ ti dutierara.

<sup>8</sup> ã yoa namõ marieinare, manũ marieinare, wapewahya cũhũre õ sehe nija: Namõ marieina, manũ marieina ji masina, ãta jinõcahga mũa yũ yoarõ seheta. <sup>9</sup> ã ji masierana tuarõ ñaare goa pjana, potõta namõ tiga. ã yoa numia cũhũ manũ tiga. Ñaare mũa goa pjachũ noaeraputiara mũsare. Mũa ã goa pjana mũa namõ tichũ pinihta noa nina. ã yoa mũa manũ tichũ cũhũre noana.

<sup>10</sup> M̄sa namo tiinare, man̄ tia numiare õ sehe dutija. Ȳ ã nipach̄ta ya dutia waro jierara ahri. Mari p̄htoro Cristo ahrire dutira: M̄sa numia sehe m̄sa man̄sumare cohãena tjiga. <sup>11</sup> M̄sa man̄sumare cohãna, man̄ mariea numia sehe tjuaga. ã tjuerana pari turi tjoa m̄sa man̄suma mehne noano jiga tjoa. ã yoa m̄sa c̄h̄ m̄sa m̄sa namosãnumiare cohãena tjiga.

<sup>12</sup> ã yoa m̄sa c̄h̄ure painare õ sehe nija ȳh̄. Mari p̄htoro to dutia jierara ahri. Ȳh̄ sehe õ sehe nija m̄sare: Cãina m̄sa mehne macaina Jesu yaina sehe Jesure cahmaeraa numiare namo tiina jira. ã jina m̄sa namosãnumia m̄sa mehne ti tju duach̄ t̄i numiare cohãena tjiga m̄sa. <sup>13</sup> ã yoa cãina m̄sa mehne macaa numia Jesu yaina numia Jesure cahmaerainare man̄ tia numia jira. ã jina m̄sa man̄suma m̄sa mehne ti tju duach̄ tinare cohãena tjiga. <sup>14</sup> M̄sa man̄suma Jesure cahmaeraina jipahta Jesu yaina numiare ti namo tich̄, Cohamac̄ noaina yoaro sehe ñna tinare. ã yoa m̄sa m̄sa sehe Jesu yaina m̄sa jich̄ m̄sa namosãnumia Jesure cahmaera numia jiboca. Ti ã jipach̄ta m̄sa mehne t̄i numia man̄ tich̄ Cohamac̄ noaa numia yoaro sehe ñna t̄i numia c̄h̄ure. To ã ñerach̄ m̄sa pohna Jesure cahmaeraina pohna yoaro sehe ñboa Cohamac̄. Wiho mejeta ti pohna c̄h̄ure noaina yoaro sehe ñna Cohamac̄. <sup>15</sup> ã yoa m̄sa m̄sa sehere m̄sa namosãnumia Jesure cahmaeraa numia m̄sare cohã duaa, ãta yoajaro. M̄sa man̄suma c̄h̄ ã cohã duaa, ãta yoajaro. Noano mari jich̄ cahmana Cohamac̄. ã jiro t̄i numia m̄sare ti cohã duach̄ “T̄i numia mehne jisniga”, ni dutierara Cohamac̄. <sup>16</sup> Ti namosãnumia Jesu yaina numia sehe noano ti yoach̄ ñna baharop̄ ti man̄suma sehe Jesure cahmaboca. ã ti cahmach̄ Cohamac̄ tinare pichacap̄ wahaborinare ȳhd̄ch̄ yoarohca. ã yoa ti man̄suma Jesu yaina sehe noano ti yoach̄ ñna baharop̄ ti namosãnumia Jesure cahmaboca. Ti ã cahmach̄ Cohamac̄ t̄i numiare pichacap̄ wahabori numiare ȳhd̄ch̄ yoarohca. ã Jesure cahmaborina ti jipach̄ta potota Jesure ti cahmahtore masiyuhto basioerara m̄sare.

<sup>17</sup> ã jina jipiltina m̄sa mari p̄htoro Cristo m̄sare to ji dutiro sehetã yoaga. ã yoana Cohamac̄ m̄sare to c̄ri cjirire yoaga m̄sa. T̄ire jipiltina Jesu yainare ã yoa dutirucuja ȳh̄. <sup>18</sup> Jesu yaina m̄sa jihto pano circuncisiõre yoarina cjiri jina, ãta jirucuga. Tuhs̄, Jesu yaina m̄sa jihto pano circuncisiõre yoeraina cjiri jina mip̄ c̄h̄ure ãta jirucuga. <sup>19</sup> Mip̄re circuncisiõre yoarina m̄sa jich̄ yaba c̄jhti jierara. T̄ire yoeraina m̄sa jich̄ c̄h̄ure yaba c̄jhti jierara. Wiho mejeta Cohamac̄ dutiare mari yoach̄ t̄i pini wiho waro jierara. <sup>20</sup> ã yoana Cohamac̄ Jesu yaina m̄sare to c̄ri p̄ja m̄sa jiro sehetã tjuaga. <sup>21</sup> Jesu yairo m̄ ji d̄cahto pano mas̄nore dahra cohtariro m̄ jich̄ noanohca. ãta tjuasiniga. M̄ p̄htoro m̄h̄ure to wio duach̄ sehere wijaga m̄h̄. M̄ wijach̄ noanohca m̄h̄ure. <sup>22</sup> Mari p̄htoro Jesu yairo c̄iro jiro mas̄nore dahra cohtariro jiparota Jesu to ȳhd̄ch̄ yoariro jira. ãta paio mari p̄htoro Jesu yairo jiro, mas̄nore dahra cohtariro jieraparota Jesure dahra cohtariro jira tiro c̄h̄. <sup>23</sup> Mari ñaa buhirire buhiri ti tuhs̄ri jire Cristo. ã jina tiro dihtare “Ȳ p̄htoro waro jira”, ni t̄hotuga m̄sa. Paina m̄sare t̄ire ti ã ni t̄hotu dutierach̄ tinare t̄hoena tjiga. <sup>24</sup> ã jina ȳ coyã, Jesu yaina c̄jhti Cohamac̄ m̄sare to c̄ri p̄ja m̄sa jiro sehetã tjuaga. ã tjuana Cohamac̄ mehne macaina jiga.

<sup>25</sup> Mip̄re namo marieinare, man̄ maria numia c̄h̄ure yahu duaja m̄sare. Mari p̄htoro ahrire “Õ sehe niga”, nierare ȳh̄ure. Ȳh̄ure to p̄ja ñuch̄ ȳh̄ure to yoadohoch̄ to cahmano sehetã yoarucuro jija ȳh̄. ã jiro jic̄ ahrire noano yahuihtja m̄sare. <sup>26</sup> Mip̄re m̄sa ñano ȳhd̄na nica. ã jiomahch̄ m̄sa namo marieina c̄h̄ man̄ maria numia c̄h̄ m̄sa tjuach̄ noanohca, ȳ t̄hotuch̄. <sup>27</sup> Namõ tiina, man̄ tia numia m̄sa jina ãta tjuaga. ã yoa namo marieina, man̄ maria numia m̄sa jina ãta tjuaga. <sup>28</sup> Namõ tina ñano yoerara m̄sa. ã yoa m̄sa nuhmia man̄ tina ñano yoerara m̄sa c̄h̄. Wiho mejeta namõ tiina, man̄ tia numia m̄sare war̄oro tjuarohca ahri yahpahi masa ti ñano ȳhd̄ro sehetã m̄sa ñano ȳhd̄ch̄. ã jic̄ m̄sare “ã war̄ tiri” nic̄, “Namõ marieina, man̄ maria numia tjuaga”, nihi ȳh̄.

<sup>29</sup> Үч coyea, ahriре musare yahui nija. Cristo ahri yahpapу to tjua tahto mahanocã dũhsara. ã jia mipure namo marieina Cohamacу to cahmano sehe ti noano yoa masino seheta noano yoaro cahmana namo tiina cũhure. ã yoa manу tia numia cũhure ãta Cohamacу to cahmano sehe noano yoaro cahmana. <sup>30-31</sup> Ahri yahpa to mipу jiro seheta baharocãta pihtia waharohca. ã pihtihti yahpa to jichу mipure mari ñahacaha tiia, mari wahchea, mari cjuaa pihtia wahaahca. ã jia tí wiho waro jira. Cohamacу yare yoaa sehe wiho waro jierara. ã jia ahri yahpa macaare cjuaina, cjuaeraina yoaro sehe jijaro. Ahri yahpa macaare pjíro tuhoteua tjijaro. Ahri yahpa to mipу jiro seheta baharocãta pihtia waharohca.

<sup>32</sup> Mъsa ñano yũhduerachу cahmaja yũhу. Pjíro mъsa tuhoteuerachу cũhure cahmaja. Namо marieriro Jesu yairo jiro Jesu yare wacũrucura. ã wacũrucuro Jesu cahmaare tuaro yoa duara. <sup>33</sup> Namо tiriro sehe to namono cahmaa sehе tuaro yoa duara. ã jiro ahri yahpa macaare pjíro tuhoteua. <sup>34</sup> ã jiro tiro pъaro macaare yoa duara. Jesu cahmaa cũhure, to namono cahmaa cũhure tiro yoa duara. ã yoa bъcoro manу marienicoro jiro, ticoro mari pũhtoro Jesu cahmaare tuaro yoa duara. Nuhmino cũhу ãta yoa duara. ã yoa duaro to pjacу mehne, to wacũa mehne cũhure ticoro tuaro Cohamacу yacoro ji duara. Manу tiricoro sehe ahri yahpa maca sehere to manуno cahmaa sehе tuaro yoa duara. ã jiro ahri yahpa macaare pjíro tuhoteua.

<sup>35</sup> Ahriре musare nii nija musare yoadohocу tacу. Вapноа dutiare musare cũ duaeraja. ã cũ duaerapaihta noano mъsa yochу cahmaja. Jesu mari pũhtoro yare mъsa tuaro yoa duachу cahmaja yũhу.

<sup>36</sup> Mъsa mehne маçariro to sũhũduricoro to bъcoro curero to wahachу ñuno namo tijaro tiro ticorore. “Ata yoaro cahmana ticorore”, ni tuhoteuro to niriro seheta yoajaro tiro ticorore. Ticorore namo ti masina. ã yoaro tiro ñano yoaerara. <sup>37</sup> Pairo sehe to sũhũduricorore namo ti duaeraro, to cahmano seheta yoajaro tiro ticorore. “Ticorore namo tieraja yũhу”, ni tuhoteuro to cahmano seheta yoa duaro, tó seheta yoajaro. ã yoiriro noano yoara. <sup>38</sup> ã yoa to sũhũduricorore namo tiriro cũhу noano yoara. Tuhsу, to sũhũduricorore mipure namo tierariro sehe pairo yũhdoro noano yoaro nina.

<sup>39</sup> Manу tiricorore to manуnore cohã dutierara Cohamacу. To ã cohã dutierapachuta to manуno to yariari baharo ticoro pairo mehne to cahmariro mehne manу ti masina. Ticoro to manу tirirore Jesu yairo jiro cahmana tirore. <sup>40</sup> Ticoro manу marienicoro tjuaoro, manу tiricoro yũhdoro noano wahchericoro jirohca ticoro. ãta ni tuhoteuja yũhу sehe. Cohamacу to Espiritu Santore cjuariro jija. (Үч ã jiriro jichу masina ahri yу yahurire masiga mъsa.)

## 8

“Cohamacу jira”, ti nia masurine ño payo ti duhu payoa chъare yahuha Paulo

<sup>1</sup> Mipure “Cohamacу jira”, ti nia masurine ño payo ti duhu payoa chъare yahu duaja. Jipihtina mъsa tí barore “Masija”, ni tuhoteura mъsa. ã ni tuhoteuna “Painare masi yũhdurucaja”, ni tuhoteumana cãina. ã ni tuhoteua painare yoadohoerara tina. Painare cahña tinare yoadohora. ã yoa masia yũhdoro painare cahña sehe wiho waro jierara. <sup>2</sup> “Masi pahñonocaja”, ti mъ sъro niina jia, Cohamacу noaare to masi dutiare masierasínica tina. <sup>3</sup> Wiho mejeta Cohacure ti cahĩchу tinare masina tiro. (ã jia to yaina jira tina.)

<sup>4</sup> ã yoa “Cohamacу jira”, ti nia masurine ño payo ti duhu payoa chъare ahrireta yahuihtja: Tí masuri ne yaba cjihti jierara. Potocãta tí masuri yajeripohna mariahna. Cohamacу sehe cũirota jira. Paina cohamana mariahna. Ahriре mari masija. <sup>5-6</sup> “Payу cohamana jira. Tina mari pũhtoа jira”, ni tuhoteumana masa. ã yoa mъanopу, ahri yahpapу cũhure “Cohamana”, ti niina jipachuta mari sehе cũirota jira Cohamacу. Tiro mari Pъcу jipihtiare bajuamehneriro jira. ã yoaro to yaina cjihti yoari jire tiro marine.

Ã jiro mari pũtoro Jesucristo cũirota jira. Tiro jipihtiare mari Pũcũre yoabasariro jira. To yaina cjihtire yoari jire tiro marine. Ã jina tiro mehne ã jirucunahca mari.

<sup>7</sup> Yũ niriro sehe ã jipachũta paina Jesu yaina tíre masierara. Panopũ tina “Cohamacũ jira”, ti nia masũrine “Catiina jira”, ni tũhoturucumaha. Tí pjarũre ã yoarina jia mipũ cũhũre tí masũrine ño payo ti duhu payoa chũare “Cohamana ya chũa jira”, ni tũhotumana. ã yoaa tí chũare chũa, “Mari ñano yoana nija cohamana ya chũare chũna”, ni tũhotumana. Tíre ti yoarire noano masieraa, ã ni tũhotumana. ã jia tina ñano yoaa nina, ti tũhotuchũ. <sup>8</sup> Tí chũare mari chũchũ mari chũerachũ cũhũre Cohamacũ marine “Noaina jira”, ni ñũerara. ã yoa tí chũare mari chũchũ wiho warota jinocahno nina tí chũa. Mari tíre chũna ñano yoaeraja. Tí chũare mari chũerachũ cũhũre wiho warota jinocahno nina. Ti duhu payoa chũare mari chũerana paina yũdoro noaina jieraja mari cũhũ. <sup>9-10</sup> Wiho mejeta noano yoaga mũsa. Tí chũare chũrina cjiri mũsa jichũ paina mũsare, “Masija” niinare, ñũ cũ chũboca. ã ñũ cũ chũa ti yoarire noano masieraa, “Ñano yoana nija mari”, ni tũhotuahca tina cũhũ. Ti ã ni tũhotuchũ tina sehere ñano yoachũ yoana nica mũsa. ã jina noano yoaga mũsa. <sup>11</sup> “Mari tí chũare mari chũchũ noanohca marine”, mũsa ni tũhotuina jina paina noano masieraina cjirire ñano yoachũ yoaboca mũsa, mũsare ti ñũ cũchũ. Tina ya cjihti cũhũre yariari jire Cristo. ã yoana Cristo yainare mũsa coyeare ñano yoachũ yoana niboca mũsa. <sup>12</sup> Noano masierainare Cristo yainare mũsa ñano yoachũ yoana, Cristo cũhũre ñano yoana nica mũsa. <sup>13</sup> ã jicũ tí masũrine ño payo ti duhu payoa chũare yũhũ chũcũ Cristo yainare ñano yoachũ yoai niboca yũhũ. Cristo yaina ti ñano yoachũ cahmaeraja. ã jicũ “Yũhũ tinare ñano yoachũ yoari” nicũ, tí chũare ne pari turi chũsi yũhũ.

## 9

### *Paulo Jesu to cũiro to jia tiare yahuha*

<sup>1</sup> Jesu to yare buhe dutiro to cũiro jija. ã jicũ paina to cũrina ti yoaro sehetã yoa masija yũhũ cũhũ. Mari pũtoro Jesure ñũriro tjija yũhũ cũhũ. ã jina Jesu yare yũ buhechũ mũsa sehe tíre noano tũhorina jina to yaina wahare mũsa. ã to yaina waharina jina Jesu to cũiro yũ jichũ masi tuhsũra mũsa. <sup>2</sup> Paina yũhũre yahuwajaa “Tiro Jesu to cũiro jierara”, niboca. Ti ã nipachũta mũsare yũ buheri baharo Jesu yaina wahana, “Jesu to cũiro jira” ni, yũhũre masi tuhsũra mũsa. ã jina paina ti yahuwajapachũta mũsa sehe to cũiro yũ jia tiare masina.

<sup>3</sup> Yũhũre yahuwajainare õ sehetã ni yũhtihtja: <sup>4</sup> Mũsare yũ buheri baharo yũ chũhtire yũ sihnihti cũhũre yũhũre waboa mũsa yũ buheri wapa. <sup>5</sup> ã jicũ namo tiriro jicũ yũ namo Jesu yacoro to jichũ ticoro mehne tini masiboa yũhũ. Paina Jesu to cũrina, Jesu bahana, Pedro cũhũ ti namosãnumia mehne ti tiniriro sehetã yũhũ cũhũ tini masiboa. <sup>6</sup> Yũhũ Bernabé mehne mũsare noaa buheare sã buhepachũta sãre ne paye barocã waerare mũsa. ã jina sã basita sã chũhti cjihtire dahra wapatai sã. ¿Sã dihtare wapataro marieno buhero cahmajari, mũsa tũhotuchũ? <sup>7</sup> Ahrina yũ yahuhtina sehe ti dahrari wapa wapatarã. Cũiro surara to dahrachũ to pũhtoa tirore wapara. To basi wapaerara. Chũare toariro cũhũ to toari dicha tichũ tíreta chũ masina. ã yoa ovejare ñũ wiħboriro to nuina pẽchore sihni masina tiro. <sup>8</sup> “Ti dahrari wapare waparo cahamana”, nicũ masa ti dutia dihtare mũsare yahueraja. Cohamacũ to dutiapũ to niri cjiri cũhũre mũsare yahui nija. <sup>9</sup> Moise cjirore to cũri dutiare to yare ti joari pũi õ sehe ni yahura: “Wachũ trigo yaparire to dahpori mehne suhtiwirirore to chũ duachũ to dũserore dũcataena tjiga”, nia tiri jire Cohamacũ dutia. <sup>10</sup> ã dutiro wachũare nino nierari jire. ã dutiro marine nino niri jire marine buhero taro. Wesere sahariro cũhũ tí dichare narina cũhũ ti dahrari baharo dicha tiri pja jichũ ti wapatahtore cohtara tina. (ã jina dahrainare ti dahrari wapare waro cahmana marine.)

<sup>11</sup> Mũsare Cohamacũ yare noaa buheare buhei sã. ¿Sã ã buhechũ mũsa sehe sãre chũare waeraro cahmajari, mũsa tũhotuchũ? Waro cahmana. Mũsa wachũ noaboa sãre. <sup>12</sup> ã



waerarina jipanahta paina chuare musare ti sinichu musa tina sehere wara. Tina musare ti chuare sinichu sa sehe tina yuhdoro musare chuare siniborina jimaja.

Å wa dutiborina jipanahta sa sehe “Säre waga”, ne nierahi. “Cristo ya buheare musapu cahmaeraboca” nina, sare chu mariapachuta musare ne sinierahi. <sup>13</sup> Cohamacu wuhui dahraina ti wuhuihta ti chuare nana. Å yoa Cohamacure ti ño payori mesai cohtaina wahiquire ti jürirore mahanocã na chura tina cãhu. ¿Tíre masierari musa? <sup>14</sup> Tó seheta ti yoariro seheta noaa buheare buheinare ti buheri wapare ti chũhtire tinare waro cahmana musare. Åta yoa dutire mari puhtoro Jesu. <sup>15</sup> Å jicu musare siniboriro jipaihta yuhu ne paye barore sinierahi musare. Å jicu ahrire mipure joacu paye barore wapa cahmai tai joai nieraja. Musare ne wapa cahma duaeraja. Yariahtiro jipaihta ne wapa cahmasi yuhu musare. Wapa marieno buhecü ji coa yuhduaja. Å jicu musare yu buheri wapa ne wapata chusi.

<sup>16</sup> Noaa buheare buhe dutiro yuhure cüre Cohamacu. Tíre buheri masuno jinocaihta nija yuhu. Noaa buheare buheracu pjacuroro jiboa yuhu. Å jicu tí buheare buhecü “Painare masi yuhdurucaja”, niboriro jieraja yuhu. <sup>17</sup> Noaa buheare yu mu suro buhecü yu buheri wapa wapaa naboaa yuhu. Cohamacu yuhure to yare buhe dutiro cüre yuhure. Å jicu yu mu suro buheraja. <sup>18</sup> ¿To yare ã buhecü yaba barore wapatajari yuhu? Õ sehe jira yu wapataa: Noaa buheare buhecü musare ne paye barore sinieracu wapa marieno tí buheare buheja musare. Yu ã nirire masicu wahcheja. Yu wahcheata jira yu wapataa.

<sup>19</sup> Ne masare dahra cohtariro jierapaihta jipihtinare dahra cohtariro yoaro sehe jija yuhu payu paina masa Jesu yaina ti wahahto sehe. <sup>20</sup> Å jicu yu coyea judio masa mehne jicu, ti yoaro seheta yoaja yuhu Jesu yaina ti wahahto sehe. Cohamacu to dutia cjirire Moise cjirore to cüri cjirire ño payoriro jierapaihta, tí dutia dihtare ño payoina mehne jicu tí dutiare ño payoriro baro yoaro seheta jija yuhu. Åta yoaja yuhu tina Jesu yaina ti wahahto sehe. <sup>21</sup> Å jicu Cristo yairo jicu Cohamacu dutiare Moise cjirore to cüri cjirire yuhduruca duaeraja. Tí dutiare yuhduruca duaerapaihta tí dutia marieina mehne jicu tí dutia marieriro yoaro seheta jija. Åta yoaja yuhu tina cãhu Jesu yaina ti wahahto sehe. <sup>22</sup> Jesure noano masieraina mehne jicu ti yoaro seheta jija. “Masi pahñoriro jija”, nieraja yuhu. Åta yoaja yuhu tina cãhu Jesu yaina ti wahahto sehe. Å jicu jipihtina masa ti jirore seheta jija yuhu cãina tina Jesu yaina to yuhduchu yoaina ti wahahto sehe. <sup>23</sup> Ahrire yoaja noaa buheare jipihtina ti tuhõto cjihtore. Yu ã yoachu ñuno Jesu to buheriro seheta tiro yuhu cãhure noano yoara. (Å jicu masa ti jia tiro seheta jija.)

<sup>24</sup> Õ seheta jira mari piti dahre buhechu. Murocapeina murocaa tina jipihtina murocara. Ti ã muroca pihtipachuta muroca yuhdurucariro su muhtana. Å su muhtariro wapataa. Å jina ti murocariro seheta musa cãhu Cohamacu cahmaare yoaga musa wapatahto sehe. <sup>25</sup> Jipihtina murocaina ti pjacure dojomehneare duhunoca noano murocapora ti muroca tuahto sehe. Tuhsu, ti noano murocahto cjihtore quihõno chuã, quihõno carã, noano yoara tina. Åta yoara tina muroca su, ti wapatahto sehe. Å jia ti ã yoa wapataa püri mehne ti yoari soro jira. Tí soro ñaco baaerara. Mari sehe Cohamacu yare noano buheja to yare mari wapatahto sehe. Tí wapataa pinihta ne baaerara. <sup>26</sup> Å jicu yuhu pa sehe murocariro yoaro sehe yoeraja. Potori da murocariro yoaro sehe yoaja yuhu. Tuhsu, cahmacheperiro pa sehe dota moñoroca mujariro yoaro sehe yoeraja. Å yoa duaeracu Cristo yare quihõno yoa duaja. <sup>27</sup> Å jicu murocapeina, cahmachepeina cãhu ti pjacurire ti buheriro seheta ti noano quihõno ti yoariro seheta yuhu cãhu yu pjacu mehne noaa dihtare yoaraja. Å yoeracu painare buheriro jipaihta yaba cijhti jieraboa yuhu sehe.

## 10

“Cohamacu jira”, ti nia masurine ño payo dutieraha Paulo

<sup>1</sup> Å yoa yu coyea, ahrire masiga musa. Sã Israe masa ñuchusuma cjiri panorpu macaina jipihtina Cohamacu to me curuare ñu nunu ti wahcãa, wahaa tiri jire. Å wahaa sohãri

mare co watoi jiri mahai waa cahari mahai pahã tinia wahari jire. <sup>2</sup> ã wahaa tina jipihtina me curua mehne sohãri ma macaa co mehne bautisarina yoaro sehe wahari jire. Bautisarina wahana Cristo yaina mari jiare ñona nija. Tó seheta tina sohãri mare bautisarina yoaro sehe wahaa, Moise cjiro yaina ti jiare ñoa nia tiri jire. <sup>3</sup> ã yoa tina jipihtina m̄ano macaa ch̄are ch̄a tiri jire Cohamacu to waare. <sup>4</sup> ã ch̄a tina jipihtina Cohamacu to waa co c̄h̄ure sihnia tiri jire. Tí p̄ap̄ure tí core Cohamacu to c̄uri tãcai wijaa core sihnia tiri jire tina. Tia tãca yoaro sehe jiriro, tinare co wariro Cristo jiri jire. <sup>5</sup> Tina ã waharina ti jipach̄ta paina tina mehne macaina ñano ti yoach̄u ñ̄no Cohamacu sehe payu tina mehne macainare ñ̄u ji coareri jire. ã jiro tinare masa marienop̄u yariach̄u yoari jire Cohamacu. ã yoaro masa marienop̄u ti p̄jac̄urire cohã sitea wahari jire.

<sup>6</sup> ãta yoari jire Cohamacu tinare marine buhero taro. ã jiro tinare ñ̄u c̄u ñ̄aare mari goa p̄jaerhto c̄jihtore Cohamacu ã yoari jire tinare. <sup>7</sup> ã jina “Cohamacu jira”, ti nia masurine ti ño payoriro seheta yoena tjiga m̄sa sehe. Tí masurine ti ño payorire Cohamacu yare ti joari p̄ui yahuro ò sehe nina: “Tina ch̄u duji sihni tuhs̄u, wahc̄ar̄acu s̄u, bose num̄u yoa d̄ucari jire wach̄u masure ño payoa taa”, ni joaa tiri jire panop̄ure. <sup>8</sup> Baharo paina sehe Israe masa numia mehne ñ̄ano yoari jire. Ti yoariro seheta yoeraro cahmana marine. Tina ti ñ̄ano yoari baharo c̄u dachoihta tina veintitrés mil masa yariaa wahari jire. <sup>9</sup> Ti ã wahari baharo pari turi paina Israe masa sehe Cohamacure tina mehne suach̄u yoari jire. “Marine buhiri dahresi”, nia ñ̄aa warore yoari jire. ã yoaa tirore suach̄u yoari jire. Ti ã yoari buhiri Cohamacu agãa mehne bahca wajãri jire tinare tjoa. ã jina tina yoaro sehe Cristore yoena tjiga m̄sa “Marine buhiri dahresi”, nina. <sup>10</sup> Pa tehe tjoa paina ñ̄aa quiti dahre ti tuhtich̄u anjo masare wajãriro tinare wajãri jire. ã jina tina yoaro sehe yoena tjiga.

<sup>11</sup> ã wajã dutiri jire tinare Cohamacu marine buhero taro. Mari sehe pihtiri dacho panocã jiina jija. Mari ã jiina jich̄u panop̄u macaina ti ã waharire Cohamacu joa dutiri jire marine noano buhero taro. <sup>12</sup> ã jina “Noaina jija sã, Cohamacu to ñ̄uch̄u”, ni tuhutuina jina, noano yoaga m̄sa “Ñ̄aare yoari”, nina. <sup>13</sup> Mari jipihtina c̄uro d̄hsaro marieno cãa tahari ñ̄aare wac̄uja. ã wac̄una tí ñ̄aare yoa duaja. Mari ã yoa duapach̄ta Cohamacu marine yoadohorucuriro jira. ã jiro tí ñ̄aa wac̄ure m̄sa bo masierach̄u tiro sehe m̄sare yoadohorohca. ã jiro tí ñ̄aare m̄sa yoa duach̄u ñ̄no Cohamacu tí ñ̄aare m̄sare yoa duaerach̄u yorohca. To ã yoach̄u tí ñ̄aare yoa duasi m̄sa.

<sup>14</sup> ã jina yu cah̄iina ȳh̄ure tuhoga. “Cohamacu jira”, ti nia masurine ne ño payoena tjiga. <sup>15</sup> M̄sa noano masiina jich̄u m̄sare yahuja. ã jina yu nihti c̄jihtire quih̄ono ti jich̄u masiga m̄sa basi. <sup>16</sup> Cristore ti ñ̄ahari ñ̄amine vinore to sihnihto pano Cohamacure “Noana”, niri jire. To niriro seheta mari c̄h̄u tí core sihnina Cohamacure “Noana” nina, mari ya buhiri Cristo to yariarire masich̄u yoana nija. To di wijaarire masich̄u yoana nija. Tuhs̄u, to yaina mari jia tia c̄h̄ure masich̄u yoana nija mari. ã yoa p̄ãore mari Cristo yaina nuha, ch̄una, mari ya c̄jihtire to p̄jac̄u crusap̄u to yariarire masich̄u yoana nija. Tuhs̄u, to yaina mari jia tia c̄h̄ure masich̄u yoana nija. <sup>17</sup> ã jina payu masa jipanahta c̄u curi pão curire ch̄ana jipihtina mari Cristo yaina c̄u curuata jija.

<sup>18</sup> Israe masa ti yoarire wac̄uga m̄sa: Tina wahiquirore wajãa, j̄u m̄uo waa, Cohamacure ño payora. ã ti wari baharo c̄u curuaihta ti wariro cjirore ch̄ura. ã ch̄a Cohamacure ti ño payoare masich̄u yoara tina. <sup>19</sup> Cohamacure ti waa ch̄are yahucu “‘Cohamana jira’, ti nia masurine ti waa ch̄a sehe tí waro jira”, nii nieraja. Tí ch̄a pinihta wiho waro jia nina. Tí masuri c̄h̄u wiho waro jia nina. <sup>20</sup> Tí ch̄a ti yaba c̄jhti jierapach̄ta tí ch̄are ch̄eraro cahmana. Ò sehe jira tí. Cohamacure cahmaeraina wahiquirore wajã, j̄u m̄uo, Cohamacure ño payoa nierara. ã yoaa watia sehere ño payora tina. Ti ã ño payoia jich̄u tina mehne ch̄una watino yaina yoaro sehe yoana nica m̄sa c̄h̄u. M̄sa ã yoach̄u pinihtare ne cahmaeraja. <sup>21</sup> Santa Cenare mari yoari dachoi mari p̄h̄toro Jesure wac̄una tana sihnija. Mari ã sihniina jina, watia sehere ño

payo masieraja mari. Æ yoa Jesure wacūna tana pãore chũja. Mari ã chũina jina, watĩa sehere ño payo masieraja mari. <sup>22</sup> ¿Jesure m̄sa mehne suachũ yoa duajari m̄sa, p̄arore m̄sa ño payona? ¿Tiro yũhdoro tuaina jijari m̄sa? Jierara. (Æ jina noano yoaga m̄sa.)

*Cohamacũ* to cahmaa dihtare yoaga

<sup>23</sup> Õ sehe nina cãina: “Sã cahmano seheta yoa masija sã”, nina. M̄sa yoari cjiri ñaa ti jierapachũta tíre yoana painare yoadohoeraboca m̄sa. Tuhsũ, tíre yoana Jesure wacũ tua namochũ yoaeraboca m̄sa painare. <sup>24</sup> M̄sa cahmaa dihtare yoena tjiga. Paina sehere noano yoadohoga m̄sa.

<sup>25-26</sup> Chũa duaropũre chũare nuchũna “¿Ahri chũa masũrine ti duhu payoa chũa jijari?” ni sinitu ñũena tjiga. “Ñaaare yoari” nina, sinitu ñũboca m̄sa. Æ ni sinitu ñũena tjiga. Ahri yahpa, ahri yahpai jia cũhũ Cohamacũ ya jira. Æ jina tí chũare “¿Ñaa chũa jijari?” niena tjiga.

<sup>27</sup> Jesure cahmaerariro m̄sare chũ dutiro to pjirocachũ waha duana wahaga. Æ wahana m̄sare to duhu payoare chũga. “¿Ahri chũa masũrine ti duhu payoa chũa jijari?” ni sinitu ñũena tjiga. <sup>28</sup> Æ jina paio Jesu yairo “Ahri chũa masũrine ti duhu payoa chũa jira”, m̄sare to ni yahuchũ tí chũa pinihtare chũena tjiga. M̄sare ã ni yahuriro “Ñaa chũare chũra ahrina”, m̄sare to ni tũhotuerahito sehe chũena tjiga m̄sa. M̄sa cũhũ ã ni tũhoturi nina tí chũare chũena tjiga. <sup>29</sup> Æ chũ dutieracũ m̄sa ya cjihtire ã nierahi. M̄sare ahrire yahuriro ya cjihti sehere tí chũare chũ dutieraja. Tiropũ m̄sare “Ñaa chũare chũra ahrina”, niboca. “Æ niri” nina, tí chũare chũena tjiga.

“Chũena tjiga”, yũ nichũ ò sehe ni sinitu yũhtiboca m̄sa yũhũre: “¿Dohse jiro baro paioire ‘Soro tũhoturi’ nina, chũerabocari sã? <sup>30</sup> ¿Cohamacũre ‘Noana’, sã niri baharo sã chũchũ dohsearo tíre sã chũri buhiri paio sãre yahuwajabocari?” ni sinitu yũhtiboca m̄sa yũhũre. <sup>31</sup> Ahri jipihtiare yahucũ ò sehe nii nija m̄sare: Dachoripe Cohamacũ to dutiriro seheta wahchea mehne chũ, sihnija, Cohamacũre masa ti ño payohto sehe. Æ jina jipihtiare noano yoarucuga Cohamacũre masa ti ño payohto sehe. <sup>32</sup> Ne judio masare, judio masa jierainare, Cohamacũ yaina cũhũre ñano yoachũ yoena tjiga m̄sa tinare. <sup>33</sup> Õ seheta yoaja yũhũ sehe. Masa jipihtinare yoadoho duaja. Æ yoacũ ya cjihti waro sehere p̄jro tũhotueraja. Yũ ñano yũhdũchũ noanohca. Payũ masa sehere yoadohoja tinare pichacapũ wahaborinare Cohamacũ to yũhdũchũ yoahito sehe.

## 11

<sup>1</sup> Æ jina Cristore yũ ñũ cũrre yũ yoachũ m̄sa cũhũ yũhũre ñũ cũga.

*Corinto macaina ti cahmachunoi numia ti yoahitore yahuha*

<sup>2</sup> M̄sare yũ buhe turiari cjirire yũ yoari cũhũre wacũ pahñoyuhca m̄sa. Æ wacũna m̄sare yũ yoa dutiriro seheta yoayuhca m̄sa. Æ yoana noano yoara m̄sa. <sup>3</sup> Æ yoaina m̄sa jipachũta ahri cũhũre m̄sa masichũ cahmaja: Jipihtina m̄sa ti pũhtoro, Cristo jira. Tuhsũ, to namono pũhtoro to manũno jira. Æ jichũ, Cristo pũhtoro to Pũcũro jira. <sup>4</sup> Cohamacũre siniriro to dapure mohariro sinino, to pũhtoro Cristore ño payoeraro seheta yoaro nina. Cohamacũ yare yahuriro cũhũ to dapure mohano ãta yoaro nina tiro cũhũ. <sup>5</sup> Tuhsũ, to dapure mohaeraricoro Cohamacũre sinino, to manũnore ño payoeraro seheta yoaro nina. Cohamacũ yare yahuricoro cũhũ to dapure mohaeraro ãta yoaro nina ticoro cũhũ. Æ yoaro to pjoarire wũha pahñoricoro yoaro seheta yoara ticoro. <sup>6</sup> To dapure moha duaeraro ticoro to pjoarire saa pahñõ dutijaro. To ã yoari baharo to dapure bũo tiro, ticoro mohajaro to dapure. <sup>7</sup> M̄sa sehe Cohamacũ noariro, tuariro to jia tiare ñona tina sehe. Æ jia ti dapupure mohaeraro cahmana tinare. Numia sehe m̄sa ti pũhtoia jia tiare ñona. Æ jia tina numia sehe ti dapupure mohajaro. <sup>8</sup> Cohamacũ m̄nore yoaro, numino ya pjacũ macano mehne m̄nore yoerari jire. Numino sehere yoaro, m̄no ya pjacũ macano mehne ticorore yoari jire. <sup>9</sup> Tuhsũ, m̄nore yoaro, numino yairo cjihtore yoerari jire. Numino sehere yoaro m̄no yacoro cjihtore yoari jire Cohamacũ ticorore.

<sup>10</sup> Æ jia numia ti dapupure mohajaro anjoa cãhũ mũa ti pũhtoa ti jirire ti masihtõ sehe. <sup>11-12</sup> Cohamacũ numinore yoaro, mũno pjacũ macano mehne yoari jire. Æta mipũre mũno masa bajuaro, numino pjacũ masa bajuara. Tuhsũ, jipihtinare Cohamacũ sehe yoari jire. Æ jiro mũno to ji mũhtaerachũ numino mariaboa. Æ yoa numino to mariachũ mũno cãhũ mariaboa.

<sup>13</sup> ¿Mũa basi dohse tũhotujari? ¿Numino to dapu mohaeraricoro, Cohamacũre to sinichũ noajari, mũa tũhotuchũ? Noaeraputiara. <sup>14</sup> Tuhsũ, mũno pjoa nahmo mũriro to jichũ ñaa nica. Jipihtina masa ti mũ sũro tíre masina. <sup>15</sup> Æ yoa numino to pjoa nahmo to dapure mohari cahsaro yoaro sehe jira. Ticoro pjoa nahmo mũricoro jiro noaricoro bajura ticoro. Tí cãhũre jipihtina masina. <sup>16</sup> Mũa mehne macariro ahrire yũ yahurire to tũho duaerachũ, õ sehe ni yahuihtja tirore: “Yũ ni yahuriro seheta mari yoa tia jira. Paina Jesu yaina cãhũ Æta yoarucura tina cãhũ. Sã Æ yoarina jichũ ñũcũ yũ ni yahuriro seheta yoaga mũhũ cãhũ”, ni yahuihtja yũ yahurire tũho duaerarirore.

*Santa Cenare ti chũro watoi dojomehneha Corinto macaina*

<sup>17</sup> Mipũre mũsare ahrire yahui tai, “Noano yoaina jira”, nieraja yũhũ mũsare. Mũa cahmachuna noano yoerara. Ñano yoara mũa. <sup>18</sup> Õ sehe ni yahu mũhtaihtja mũsare: Mũa cahmachunopũ cahma sayona mũa basi cãa curuari tju wayuhca mũa. Paina tíre yũhũre ti yahuchũ “Potocã tjica”, ni tũhotu cureja yũhũ. <sup>19</sup> Æta yoayuhca mũa. Mũa Æ tju warina mũa jichũ ñũna baharo Jesu yaina waro jiina sehere masinahca mari. <sup>20</sup> Mũa basi Æ ñũ tuhtiina jina mũa cũnoi cahmachu chũchũ tó wahaerara. Potocãta Santa Cena waro yoana nierayuhca. <sup>21</sup> Mũa cahmachuna cãina mũa sahsero chũ mũhcona, paina sehere jũca baachũ yoana niyuhca mũa. Tuhsũ, sihni mũhtaina sehe cahaa wahayuhca. <sup>22</sup> ¿Mũsare mũa wũhũse mariajari? Mũa wũhũsepũta chũ, sihniga. Mipũre Cohamacũ yaina ti cahmachunore dojomehnena niyuhca mũa to yaba cjihti jieraboro seheta. Tuhsũ, paina Jesu yaina pjacũoinare chũa maeraina sehere mũa sehe bũoro yũhdũchũ yoayuhca. ¿Dohse ni yahuihcari yũhũ mũsare? “Noano yoana nina mũa”, nieraja yũhũ.

*Santa Cenare yoaa taa, ti chũre yahuha Paulo*

(Mt 26.26-29; Mr 14.22-25; Lc 22.14-20)

<sup>23</sup> Mari pũhtoro Jesu to chũ batoarire yahure yũhũre. Æ to yahuri baharo yũhũ sehe mũsare tíre yahu turiahi. Tí õ sehe jira: Tirore ñũ tuhtiinare Juda to ñohti ñamihi mari pũhtoro Jesucristo pãore na, Cohamacũre “Noana”, niyuhti. <sup>24</sup> To Æ niri baharo tí pãore nuha, to buheinare witiyuhti. Æ witiro õ sehe niyuhti: “Ahrire chũga. Ahri yũ pjacũ jira. Mũa yaro jiborirore yariaihca. Yũhũre mũa wacũhti cjihtire ahrire chũga”, niyuhti Jesu mari pũhtoro. <sup>25</sup> Æ ti chũri baharo tiro sihniri wahware na wahcãno õ sehe niyuhti: “Mũa ñaa yoari buhirire cohãcũ tacũ yariaihca. Æ yoacũ yũ dire cohãihca. Cohamacũ ‘Mũsare yũhdũchũ yoaihtja’, to niriro mũ sũchũ yũ yariaro mehne to niriro sohtori tiarohca. Ahri wahwai posa tiare sihnina, yũ di cohãrire wacũnahca. Ahrire sihnina, yũhũre mũa wacũhti cjihtire sihniga”, niyuhti Jesu. <sup>26</sup> Æ yoa Santa Cena macaa pãore mũa chũna, sihniare sihnina, Jesu mari pũhtoro mari ya buhirire to yariarire ñona nina mũa. Æ ñorucunahca mũa pũ ahri yahparũ to tju tachũpũ.

*“Santa Cenare chũ sihnina õ sehe yoaga”, ni yahuha Paulo*

<sup>27</sup> Santa Cenare chũ, sihnina, Jesure ño payoro marieno yoana, cua pisaro yoerana, to pjacũre to di cohãri cãhũre bũjũpero sehe yoana nija mari. Æ yoana Jesure bũjũpena nija mari. Tó sehe yoaina buhiri tiina jira. <sup>28</sup> Æ jina mari yoirire, mari jia tiare noano wacũjihna. Æ wacũna Santa Cenare chũ, sihni masija mari. <sup>29</sup> Mari pũhtoro mari ya cjihtire to pjacũ to yariarire wacũno marieno Santa Cenare chũ, sihnina mari buhiri tinahca. <sup>30</sup> Õ sehe dihta yoayuhca payũ mũa mehne macaina. Æ yoa tina cãina tuaeraina, dohatiina wahayuhti. Tuhsũ, paina ti Æ yoari buhiri yariaa wahayuhti. <sup>31</sup> Wiho mejeta Santa Cenare mari chũ, sihnina, mari yoirire, mari jia tiare noano wacũna, mari ñaa yoirire duhuna tí buhirire buhiri tisi mari. <sup>32</sup> Mari pũhtoro sehe marine tuhtira,

tí buhirire marine buhiri ti dutieraro. Paina ñaina Jesure ño payoeraina buhiri tihtina dihta jira. Tina yoaro sehe marine buhiri tichu cahmasãaerara mari puhtoro.

<sup>33</sup> Ñ jina yu coyea, Santa Cenare chuna tana cahmachuna, cohtasiniga musa coyeare. <sup>34</sup> Tuhsu, musa mehne macaina jaca baa, ti ya wuhusepu chusiniyaro. Ñ yoana Santa Cenare chuna tana cahmachuna, cua pisaro yoeraina ya buhiri buhiri tisi musa. Paye barore yahu duamahi musare. Baharo yu basi suipu musare yahuihtja tìre.

## 12

*Cohamacu* yare mari yoahore cūno marine yoa masichu yoara Espiritu Santo

<sup>1</sup> Yu coyea, ahrire yahu duaja musare. Cohamacu yare mari yoahore cūno marine jipihtinare yoa masichu yoara Espiritu Santo. Ñ jicu tìre musa noano masichu cahmaja.

<sup>2</sup> Jesu yaina jierasinina soro jia buheare tuho nunuina jina, musa sehe “Cohamacu jira”, ti nia masurine, durucuera masurine ño payosinimare. Tìre masina musa. <sup>3</sup> Ñ jiina musa jirina cjiri jichu mipure õ sehe ni yahuihtja musare: “Jesu ñano wahajaro”, niina Cohamacu yairo Espiritu to tuaa mehne ñ nia nierara. Espiritu Santo warore cjaerara tina. Tuhsu, “Jesu mari puhtoro jira”, niina Espiritu Santo to tuaa mehne ñ niina jira tina.

<sup>4</sup> Cohamacu yare yoa masia payu jira. Ti ñ jipachuta marine yoa masichu yoariro sehe cūirota jira. Tiro Espiritu Santo jira. <sup>5</sup> Ñ yoa Cohamacu yare yoahore payu jina, to yare soro sehe mari yoahore cūhu payu jira. Tí ñ jipachuta mari puhtoro Jesu sehe cūirota jira. <sup>6</sup> Ñ yoa Cohamacu yare yoaa cūhu payu jira. Ti ñ jipachuta Cohamacu marine yoa masichu yoariro sehe cūirota jira. <sup>7</sup> Marine Jesu yainare Espiritu Santo yoadohoro Cohamacu tuaare ñono nina. Ñ sehetu yoadohora tiro Jesu yainare jipihtinare mari noano yoadohohto sehe. <sup>8</sup> Cāinare noano masi, yahuchu yoara Espiritu Santo. Tuhsu, painare Cohamacu yare noano buhe masichu yoara tiro Espiritu Santo pinihta. <sup>9</sup> Ñ yoa painare Cohamacu noano wacū tuachu yoara tiro. Ñ yoaro painare Cohamacu tuaare wara tiro. Tí tuaa mehne tina sehe dohatiinare noaina wahachu yoara. Espiritu Santo cūirota jiriro tí tuaare wara. <sup>10</sup> Tuhsu, tiro painare Cohamacu tuaa mehne yoa masichu yoara tiro. Ñ yoaro painare Cohamacu yare noano yahu masichu yoara tiro tinare. Ñ yoaro paina Jesu yainare buheare noano bese masichu yoara tiro. Ñ masia watino ya buhea ti jichu masina tina. Espiritu Santo waro ya buhea cūhure ti jichu masina tina. Tuhsu, painare tuhomañoeraa duserire ti durucu masichu yoara tiro. Ñ yoa tuhomañoeraa duserire durucuina ti nino sehetu yahu yuhdo masichu yoara tiro painare. <sup>11</sup> Espiritu Santo cūirota jiriro to cahmano sehetu marine cāinare ahri jipihtiare yu yahuriro sehetu yoa masichu yoara. Cāinare soro yoa masichu yoara. Paina cūhure soro yoa masichu yoara.

*Cristo yaina jina cū* curuata jija mari

<sup>12</sup> Ñ sehe jira ahri mehne mari piti dahre yahuchu: Mari pjacu cū pjacu to jipachuta wamomacari, capari, dahpori, cahmori tí pinihta payu jira mari pjacu jia. Ñta jija mari Cristo yaina cūhu. Cristo yaina to pjacu yoaro sehe cū curuata jira. <sup>13</sup> Ñ jina Cristo yaina jina, to pjacu yoaro sehe cū curuata jija mari. Judio masa, judio masa jieraina, dahra cohtaina, dahra cohtaina jieraina, payu curuari jipanahta cūirota jiriro to pjacu yoaro sehe cū curuata jija mari. Espiritu Santo cūirota jiriro to tuaa mehne bautisarina jija mari. Ñ jina cūiroreta Espiritu Santore cjuaja mari, Cristo ya curua macaina jina.

<sup>14</sup> Mari pjacu cū pjacu to jipachuta wamomacari, capari, dahpori, cahmori tí mari pjacu jia payu jira. <sup>15</sup> Mu dahporo durucuri dahporo jiro, õ sehe nibo a mūhure soro ni duaro: “Wamomaca jieraja yuhū. Ñ jicu pjacu macariro jieraja yuhū”, nibo a. Mu dahporo ñ niparota pjacu macano jirota nina. <sup>16</sup> Mu cahmono durucuri cahmono jiro õ sehe nibo a mūhure soro ni duaro: “Capariaca jieraja yuhū. Ñ jicu pjacu macariro jieraja yuhū”, nibo a. Mu cahmono ñ niparota pjacu macano jirota nina. <sup>17</sup> ¿Mari pjacu capariaca dihta jichu dohse tuhobocari mari? Basioerabo a. ¿Ñ jina mari pjacu cahmono dihta jichu

dohse wijī tūhotubocari mari? Basioeraboa. <sup>18</sup> Tó sehe jierara mari pjacu. Ō sehe jira. Mari pjacui jiare Cohamacu to cahmano seheta cūri jire mari pjacure. <sup>19</sup> ¿Mari pjacui jia mariachū dohse wahaboari mari pjacu? <sup>20</sup> Mari pjacu ō seheta jira: Cū pjacu to jipachūta mari pjacui jia payu jira.

<sup>21</sup> “Mū yoadohochū cahmaeraja”, mū capariaca ni masierara mū wamomacare. Ā jichū, mū dapu mū dahporire “Mū yoadohochū cahmaeraja”, ni masierara. <sup>22</sup> Paye mari pjacui jiare “Wiho jia curea jira”, mari nia sehere pototi cahmaja mari paye mari pjacui jia yūhdoro. <sup>23</sup> Paye mari pjacui jiare “Soro jira”, mari ni tūhotupanahta tíre mari pjacui jiare noano yoaja. Tuhsū, paye mari pjacui jiare mari b̄uo tiare suhti mehne n̄oaja mari. <sup>24</sup> Paye mari pjacui jiare n̄oeraja mari. Tí pinine ñona, b̄uo tieraja. Ō sehe ji dutiri jire Cohamacu mari pjacure. Mari ñoeraare mari pjacui jiare mari noano ño payoa mehne c̄uaja. Āta yoa dutiri jire Cohamacu. <sup>25</sup> Ā jia mari pjacui jia ti basi cahma yoadohora, cū pjacuta to noano jih̄to sehe. <sup>26</sup> Ā jia mari capari ñano yūhdūchū paye mari pjacui jia cūhū ñano yūhd̄ra. Tuhsū, mari capari noaa wahachū mari pjacui jia cūhū wahcheina masa yoaro seheta noano tūhotura.

<sup>27</sup> Ā jicu ō sehe nii nija m̄sare: M̄sa sehe Cristo to pjacu yoaro sehe cū curuata jira. Ā jina jipihtina m̄sa to pjacui jia yoaro sehe to yaina jira. <sup>28</sup> Ā jiro Jesu yainare mari yoadohohti c̄jhtire cūri jire Cohamacu marine. Ō sehe cūri jire tiro marine. Cāinare marine buhe dutiro to cū m̄htainare cūri jire tiro. Painare to yare yahuhtinare cūri jire. Painare masare buhehtinare, painare Cohamacu tuaa mehne yoah̄tinare, painare dohatiinare ti yūhdūchū yoah̄tinare, painare masare yoadohohtinare, painare masa p̄h̄toa jih̄tinare, painare tūhomahnoeraa d̄serire durucuhtinare cūri jire Cohamacu marine. <sup>29</sup> Ā to cūchū jipihtina c̄no potori to cūrina jieraja mari. Paina Cohamacu yare yahuhtina jierara. Paina Cohamacu buhe dutiro to cūrina jierara. Tuhsū, paina masare buheina jierara. Paina Cohamacu tuaa mehne yoaina jierara. <sup>30</sup> Tuhsū, paina dohatiinare yūhdūchū yoaina jierara. Paina sehe tūhomahnoeraa d̄serire durucuina jierara. Tuhsū, paina tūhomahnoeraa d̄seri durucua yahu yūhd̄oina jierara. Ā jiro cāinare mari yoah̄tire cūri jire tiro. <sup>31</sup> Wiho mejeta Cohamacu yare yoa masi duana noa yūhd̄aa sehere tuaro cahmaga m̄sa. Jipihtia ahri yū niri yūhdoro m̄sa cahmahti c̄jhtire mip̄re yahuihtja m̄sare yūhū.

## 13

### *Painare noano ti cah̄htire yahuha Paulo*

<sup>1</sup> Masa ya d̄serire durucu masipanahta, anjoa ya d̄serire durucu masipanahta, painare cah̄erana yaba c̄jhti jieraja mari. Mari durucua cūhū yaba c̄jhti jierara. Painare cah̄erana mari durucuna, wiho waro durucuna nija. <sup>2</sup> Cohamacu yare noano yahu masipanahta, masa ti masierari c̄jirire Cohamacu yare ti buheri c̄jiri cūh̄ure masi pah̄̄opanahta, painare cah̄erana yaba c̄jhti jieraja mari. “Ahdū t̄acu pa seh̄ep̄ wahajaro”, mari nichū, “Potocāta mari siniro seheta Cohamacu yorohca”, ni mari tūhotuchū āta yorohca. Cohamacure ā ni tūhotuina jipanahta painare cah̄erana, yaba c̄jhti jieraja mari. <sup>3</sup> Jipihtia mari yare p̄jac̄oinare wapanahta painare mari cah̄erachū tí mari wari yaba c̄jhti jierara. Tuhsū, Cohamacu yare yoana tana mari p̄jacure mari j̄ dutipachūta, painare mari cah̄erachū marine yaba c̄jhti jierara.

<sup>4</sup> Suaeraja painare cah̄ina. Tinare cah̄ina noano yoaja tinare. Tuhsū, painare cah̄ina tinare p̄hsu tieraja. Mari cah̄iro mehne jina “Mū yūhdoro jiro jija”, niina jieraja mari. Painare cah̄ina “M̄sare masi yūhd̄r̄acaja”, ni tūhotueraja mari tinare. <sup>5</sup> Ā yoa painare cah̄ina tinare ño payoro mehne yoaja mari. Painare cah̄ina “Sā cahmano sehe yoaja. M̄sa cahmano sehe yoeraja”, nieraja mari. Tuhsū, tinare cah̄ina suaeraja mari tina mehne. Painare cah̄ina marine ñano ti yoachū cūh̄ure tina mehne ā suarucueraja mari. <sup>6</sup> Painare cah̄ina ñaare ti yoachū ñ̄na wahcheraja mari. Noaa sehere quih̄no ti yoachū ñ̄na tuaro wahcheja. <sup>7</sup> Painare cah̄ina ti ya buhiri ñano yūhd̄p̄anahta tinare

ã cahĩrucuja mari. Painare cahĩna paina sehe tinare ti yahuwajachũ tũhopanahta tíre tũho duaeraja mari. Painare cahĩna “Tina ñaare yoasi”, ni tũhotuja mari tinare. Painare cahĩna ñano yũhdũpanahta tinare cahĩ duhusi mari.

<sup>8</sup> Painare cahma cahĩa ne pihtisi. Cohamacũ yare masa mari yahua sehe baharo pihtia wahaahca. Tũhomahnoeraa dũserire durucua cũhũ baharo pihtia wahaahca. Cohamacũ yare masa ti buheri cjiri cũhũ baharo pihtia wahaahca. Painare cahma cahĩa sehe ne pihtisi. <sup>9</sup> Mipũre Cohamacũ yare mari masi pahũno masieraja. ã jina to yare yahuna mari yahu pahũno masieraja. Mari masi pahũnohto dũhsasinina mini. <sup>10</sup> ã jina Cristo ñaa marieriro to tjua tari baharo mari masi pahũnonahca. “Masieraja”, ni namosi.

<sup>11</sup> Mari masi pahũnohto õ sehe jira: Nijinocã jicũ nijinocã yoaro sehe durucumai yũhũ. Nijinocã to yoaro sehe tũhoturucumai. Bũcũro wahaipũ nijinocã to yoariro seheta duhunocai. (Tó seheta mari mipũre “Masi pahũnoeraja”, nipanahta baharopũre masi pahũnonahca.) <sup>12</sup> Ñóno to noano masũ bajueraro seheta mipũre noano masi pahũnoerasinija mari. Baharo paire noano mari ñũ masino seheta mari masi pahũnonahca. Mipũre mari masi pahũnohto marine dũhsasinina mini. Cohamacũ marine to noano masi pahũnoriro seheta baharo mari cũhũ noano masi pahũnonahca. <sup>13</sup> ã yoana tiarore mari yoa masija mipũre. Cohamacũre wacũ tua masija. ã yoa marine to yũhdũchũ yoahore masina, mari noano cohta masija. ã yoa painare cahma cahĩ masija. Ahri tiaro jira pototi mari yoahiti. Tuhsũ, painare cahma cahĩna, ahri pũaro yũhdoro yoana nija. Wacũ tuaa, to yũhdũchũ yoahore cohtaa yũhdoro jira cahma cahĩa sehe.

## 14

Tũhomahnoeraa dũseri durucuaare yahuha Paulo

<sup>1</sup> ã jina painare cahma cahĩina jiga mũsa. ã yoa Cohamacũ yare mũsa noano yoa masihtore cahmaga mũsa. Cohamacũ yare mũsa yahuhti pinihtare tuaro cahmaga mũsa. <sup>2</sup> Tũhomahnoerari dũserore durucuriro Cohamacũ mehne dihta durucura. ã ni durucuro masa mehne durucuro nierara tiro. To ã ni durucuchũ tũhoa masa sehe ne tũho ñahaerara tiore. Masa ti masierare Espĩritu Santo to tuaa mehne durucuro nina tiro. <sup>3</sup> Cohamacũ yare yahuriro sehe masa sehere yahura. ã yahuro tiro masare yoadohoro nina. Tinare buhero nina tiro. Tuhsũ, ti ñano yũhdũchũ tiro tinare wahchechũ yoara. <sup>4</sup> Tũhomahnoerari dũserore durucuriro cũirota buhera. Painare buherara. Cohamacũ yare yahuriro sehe painare Jesu yainare buhero, yoadohora tiro.

<sup>5</sup> Tũhomahnoeraa dũserire jipihtina mũsa durucuchũ noaboa, yũ tũhotuchũ. Wiho mejeta Cohamacũ yare mũsa yahuchũ pinihtare tuaro cahmaja. Cohamacũ yare yahuriro pinihta tũhomahnoerari dũserore durucuriro yũhdoro painare yoadohora. ã jipachũta tũhomahnoerari dũserore durucuriro to durucuaare paio to yahu yũhdochũ tí sehe pototi painare yoadohora. To durucuaare yahu yũhdoriro jiro tiro sehe painare Jesu yainare buhero nina. <sup>6</sup> Tũhomahnoerari dũserore mũsa mehne durucucũ paio mũsare to yahu yũhdoerachũ mũsare yoadohoeraboca yũhũ. ã jicũ Cohamacũ yũhũre to yahurire yahucũ, to yare yũ masiare yahucũ, payere to yare yahucũ mũsare yoadohoi nija. Tíre mũsa tũhohto sehe mũsare buhecũ mũsare noano yoadohoi nija yũhũ.

<sup>7</sup> Tũhomahnoerari dũserore durucuriro to durucua ti putipea ti bũapũtẽa yoaro sehe jira. Carisure putina, arpare bũapũtẽna tíre mari quihõno yoaerachũ tí basaare painare masihtõ basioerara. <sup>8</sup> ã yoa cornetare putiriro surara jiro ti cahma wajãhto panore quihõno to putierachũ paina surara sehe ti cahma wajãhtore masisi. ã jia ti cahma wajãhto pano ti wajãhtire wamoare cahnoyueraina jahca tina. <sup>9</sup> Tó seheta mũsa cũhũre tũhomahnoerari dũserore mũsa durucuchũ tũhoa, yahu yũhdoriro mariachũ paina tíre ne masisi. Ti ã masierachũ mũsa durucua yaba cjihti jierara. <sup>10</sup> Ahri yahpai payũ dũseri durucua jica. ã jia tí dũserire durucuína ti basi ti ã durucuaare noano tũhora. <sup>11</sup> To ya dũserore yũ tũhoerachũ ñũno tíre durucuriro sehe “Pa dihta macariro jira”, ni tũhoturohca yũhũre. ã jicũ yũhũ cũhũ ãta ni tũhotuihca tiore. <sup>12</sup> ãta jire mũsa cũhũ tũhomahnoerari dũserore durucuna. Espĩritu Santo to tuaa mehne tuaro yoa duamana

musa. To tuaa mehne ã yoa duana paina Jesu yainare musa buhehti sehere tinare musa yoadohohti sehere tuaro cahmaga musa.

<sup>13</sup> Æ jiro tãhomahnoerari duserore durucuriro to durucua to noano yahu yãhdohti cjihtore Cohamacure sinijaro tiro. <sup>14</sup> Tãhomahnoerari dusero mehne Cohamacure sinicu Espiritu Santo mehne sinii nija. Æ sinicu yu tãhotuare masi namochu yoeraja. <sup>15</sup> Ahrire masina, õ sehe yoanahca mari: Espiritu Santo to tuaa mehne tãhomahnoerari dusero mehne Cohamacure sininahca. Tuhsu, pa tehe noano masi tãhotu paina ti noano tãhohto sehe ti ya durucua mehne Cohamacure sinina, tí cãhure sininahca tjoa. Espiritu Santo to tuaa mehne tãhomahnoerari dusero mehne Cohamacu yare basanahca. Tuhsu, pa tehe noano masi tãhotu paina ti noano tãhohto sehe ti ya durucua mehne Cohamacu yare basana, tí cãhure basanahca tjoa. <sup>16</sup> Mari ã yoerachu tãhomahnoera duseri mehne Espiritu Santo tuaa mehne Cohamacure “Noariro, tuariro jira”, mari nipachuta paina ne tãhoerara. Æ tãhoeraa “Tóihta jira”, ni masierara. <sup>17</sup> Tãhomahnoera duseri mehne Cohamacure “Noana”, ni masija mari. Mari ã nia noaa jipachuta tíre yahu yãhdoerana painare buheraja mari. Æ jina tinare yoadohoeraja mari. <sup>18</sup> Jipihtina musa yãhdo yãh sehe tãhomahnoeraa duserire durucuja. Æ jicu Cohamacu yãhure ã durucu masichu to yoachu tirore “Noana”, nija yãhu. <sup>19</sup> Æ durucuriro yu jipachuta Jesu yaina cahmachuina watoi yu jichu, tãhomahnoerari dusero mehne payu duserire yu nipachuta yaba cjihti jierara. Tí yãhdo masa ti noano tãhohto sehe mahaa dusericã yu yahupachuta noa nina, yu tãhotuchu.

<sup>20</sup> Yu coyea, macanacã tãho masieraina ti jiro sehe jiena tjiga musa. Wahma masa bajuaina ñaa yoare ti masieraro seheta jiga musa cãhu. Tuhsu, bucuna tãho masiina ti jiro sehe jiga musa. <sup>21</sup> Cohamacu yare ti joari pui õ sehe nina: “ Tãhomahnoeraa duserire durucuinare ahrina masare yu yare yahu dutiiltja. Æ yoa pa dihta macaina ya durucua mehne yu yare yahu dutiiltja ahrina masare. Tinare ti ã yahupachuta ahrina yu yahuaire tãhosi’, nina Cohamacu mari pãhtoro”, nina Cohamacu yare ti joari pui. <sup>22</sup> Tãhomahnoeraa duserire durucua Jesu yainare Cohamacu tuaare masichu yohti cjihti jierara. Tí durucua Jesure cahmaeraina sehere Cohamacu tuaare masichu yohti cjihti jira. Æ yoa Cohamacu yare yahua Jesure cahmaerainare Cohamacu tuaare masichu yohti cjihti jierara. Cohamacu yare yahua Jesu yaina sehere Cohamacu tuaare masichu yohti cjihti jira. <sup>23</sup> Æ yoa jipihtina musa Jesu yaina cahmachuchu tãhomahnoeraa duserire musa durucuchu tíre masieraina, paina Jesure cahmaeraina cãhu sãa ta tãhoboca. Æ tãhoa “Tina tãho masieraina jira”, niboca musare tina. <sup>24</sup> Jipihtina musa Cohamacu yare musa yahuchu pinihta tíre masierariro, Jesure cahmaerariro sãa ta tãhoro, to ñaa yoari buhirire masiboca tiro. Æ masino to ñaa yoarire cahyaboca tiro. <sup>25</sup> Æ jiro potocã to jia tiare to tãhotua cãhure masiboca tiro. Æ yoaro Cohamacu panoi na tuhcuca caha sũro, tirore ño payorohca. Tuhsu, “Cohamacu potocãta musa mehne jira”, ninohca tiro musare.

*Musa cahmachuna noano yoaga dojomehnenno marieno*

<sup>26</sup> Æ jicu yu coyea, musare ahrire nii nija: Musa Jesu yaina cahmachuna cãina musa mehne macaina Cohamacu yare basa duara. Æ yoa paina musa buhe duara. Tuhsu, paina musa Cohamacu musare to buheri cjirire yahu duara. Paina musa tãhomahnoerari duserore durucu duara. Tuhsu, paina musa tí duseri durucuaire yahu yãhdo duara. Tí jipihtiare ã yoana musare tãhoina ti noano masihtu sehe tíre yoaga. <sup>27</sup> Æ jina tãhomahnoerari duserore musa durucuna pãaro, tiaro tópeinata durucuga musa. Æ yoana cãinata durucuga. Musa ã durucuchu, cãiro musa mehne macariro musa durucuaire painare yahu yãhdojaro. <sup>28</sup> Musa durucuaire yahu yãhdoriro mariachu musa cahmachuna jipihtina musa tãhomahnoeraa duserire durucu duaina durucuenta tjiga. Æ jina masa marieno Cohamacu mehne durucuga musa. <sup>29</sup> Æ yoa Cohamacu yare yahu duana pãaro, tiaro tópeinata yahuga musa. Musa ã yahuchu paina musare tãhoina musa yahurire Cohamacu ya to jichu noano masijaro. Cohamacu ya to jierachu cãhure



noano masijaro. <sup>30</sup> ã yoa Espíritu Santo Cohamacu yare pairore tói dujirirore to yahu ducachu tiro cūhu Jesu yainare yahu duara. ã jiro Cohamacu yare yahu mūhtariro sehe dihta mariajaro. <sup>31</sup> ã jina jipihtina mūsa Cohamacu yare yahuna, cāinata yahuga mūsa jipihtina paina ti noano tūhohto sehe, ti noano wahchehto sehe. <sup>32</sup> ã jina Cohamacu yare yahuina jina, noano tūho masi, noano tūhotu dapo, durucuina jiga. <sup>33</sup> Cohamacu to yaina ti cahmachunopu ti cahma wisiachu cahmaerara tiro. Dojomehnenno marieno ti noano jichu cahmana tiro.

Jipihtipopu Jesu yaina cahmachua, õ sehe yoara tina: <sup>34</sup> Ti cahmachunoi numiare masa panoi yahu dutierara. Tí numiare mari sehe durucu dutieraja. Cohamacu to joari pū to niriro seheta numiare mūare noano yūhtia numia jiro cahmana. ã jia cahmachunoi numia durucuea tjijaro. <sup>35</sup> Jesu yaina ti cahmachunoi numia ti durucuchū ñaa nina. ã jiro paye barore masi duaro numino to ya wūhūpūta to manūnore sinitujaro.

<sup>36</sup> Ahri yū yahuhtire noano masiga mūsa. Cohamacu durucua yahu ducaina jierara mūsa. Tuhsū, to yare tūhorina mūsa dihta jierara. Paina cūhu to ya buheare cūara. <sup>37</sup> Mūsa mehne macariro “Yūhu Cohamacu yare yahuriro jija”, ni tūhoturiro jiro ahri mū sare yū joari cjiri Cohamacu to dutia jichū masijaro tiro. Tuhsū, paio “Espíritu Santo to tuua mehne yoa masija”, ni tūhoturiro jiro tiro cūhu ahri yū joari cjiri Cohamacu to dutia jichū masijaro tiro. <sup>38</sup> Tíre to masi duaerachū yū joari cjirire “Potocā jierara”, to nichū tirore duhunocahga. Tūhoena tjiga tirore.

<sup>39</sup> ã jina yū coyeyā, Cohamacu yare yahuina mūsa jihtore tuaro cahmaga mūsa. Tuhsū, mūsa mehne macaina mūsa cahmachunoi tūhomahnoeraa dūserire ti durucu duachu ã durucu dutiga tinare. <sup>40</sup> ã cahmachuna noano, cahma dojomehnenno marieno yoaga mūsa.

## 15

### *Cristo to masa mūjarine yahuha Paulo*

<sup>1</sup> Mipūre yū coyeyā, noaa buheare mū sare yū yahurire mū sare wacūchu yoa duaja. Tí buheare noano cahmare mūsa. ã cahmana tí buheare ã yūhtirucure mūsa. <sup>2</sup> Mūsa ã cahmachū tíre mūsa ã yūhtirucuchū Cristo mū sare pichacapū wahaborinare yūhdūchu yoa tuhsūre. Mūsa ã tūhori baharo Cristo yare mūsa duhunocachū tí mūsa tūhori cjiri yaba cjihti jierara.

<sup>3</sup> Õ sehe ni yahu mūhtaihtja mū sare. Ahri wiho waro jierara. Mū sare buhecū yūhūre Cristo to yahuri cjirire mū sare õ sehe ni yahui: Cohamacu yare ti joariro seheta mari ñaa buhirire Cristo yariari jire. <sup>4</sup> ã yoa Cohamacu yare ti joariro seheta Cristo to yariari baharo paina to pjacū cjirire copapūre ti duhu payori baharo tia dacho jiboroi tiro masa wijaari jire. <sup>5</sup> Tiro to ã masa wijaari baharo Pedroro bajuari jire. To ã bajuari baharo to buheinare bajuari jire tjoa. <sup>6</sup> To ã bajuari baharo cū tahata quiniento bui jinare to yainare tiro bajuari jire tjoa. Cāina tirore ñūrina cjiri mipūre yariarina cjiri jira. Ti ã jipachūta payū tina mehne macaina cjiri mipūre jisinina. <sup>7</sup> Baharo Cristo Santiagore bajuari jire tjoa. ã to bajuari baharo jipihtina to buhe duti to cūrinare bajuari jire tjoa.

<sup>8</sup> Jipihtina painare to bajuari baharo yūhu cūhūre bajuare tjoa. Wihārirocā to quihōri dacho masa bajuerarirocā to masa bajua nūnū tiriro seheta yūhu cūhu Jesure wacū tua nūnū tiriro jija. Yū ã jiriro jichū ti baharopū bajuare Jesu yūhu cūhūre tjoa. Yūhūreta tiro bajua batoare jūna. <sup>9</sup> Panopūre Jesu yainare ñano yoamai. ã yoariro cjiro jicū paina Jesu to cūrina jipihtina ti docapū waro jija yūhu. ã jicū mipū cūhūre Jesu buhe duti to cūboriro jieramaja yūhu, yū tūhotuchū. <sup>10</sup> ã jipaihta Cohamacu yūhūre to cahīchu mipūre Jesu to cūriro jija yūhu. ã jicū tiro yūhūre to cahīchu mipūre to cahmaare yoa pahūoja. ã jicū yūhūre to cahīchu to yairo ã jinocai nieraja. Jipihtina paina to cūrina yūhdoro yūhu sehe tuaro buhei. ã buhecū yū mū sūro buherahi. Cohamacu yūhūre cahīno yūhūre yoadohore. <sup>11</sup> Yūhu sehe ahri buheare yū buhechū tūhorina jiboca mūsa. O paina sehere tūhorina jiboca mūsa. ã jipachūta yūhu, yūhu mehne macaina cūhu cūno

potori ahri buheare buheja sã jipihtina Jesu to cūrina. Ā sã buhechũ tũhona m̄sa sehe ahri buheare noano tũhore.

*Yariarina cjiri ti masa m̄jarine yahuha Paulo*

<sup>12</sup> Cristo to yariari baharo to masa m̄jarine sã buhepachũta “Yariarina cjiri ne masa m̄jaerara”, nina m̄sa mehne macaina cãina. ¿Dohse jiro baro ā nijari tina tĩre? <sup>13</sup> Ā jiro yariarina cjiri ti masa m̄jaerachũ Cristo cũhũ ne masa m̄jaeraboa. <sup>14</sup> Ā yoa Cristo to masa m̄jaerachũ noaa buheare sã yahuri cjiri ne yaba cjihti jieraboa. To masa m̄jaerachũ tirore m̄sa wacũ tuaa cũhũ yaba cjihti jieraboa. <sup>15</sup> Masa m̄jano mariachũ sã sehe Cohamacũ yare mahñona nibo. Yariarina cjiri ti masa m̄jaerachũ Cohamacũ sehe Cristore masa m̄jachũ yoeraboa. To ā yoerachũ “Cohamacũ Cristore masa m̄jachũ yoari jire”, sã nina mahñoina jiboa sã. <sup>16</sup> Yariarina cjirire Cohamacũ masoeraro, Cristo cũhũre tiro masoeraboa. <sup>17</sup> Ā jiro Cristo to masa m̄jaerachũ tirore m̄sa wacũ tuaa yaba cjihti jieraboa. Ā yoa m̄sa ñaa yoari buhiri buhiri tiina jisinihoa m̄sa. <sup>18</sup> Masa m̄jano mariachũ Cristo yaina cjiri yaria m̄htaina cjiri pichacapũ waha tuhsũbo. <sup>19</sup> Cristore mari wacũ tuari baharo mari yariana masa m̄ja masierana jipihtina paina masa yũdoro pjacũoina jiboa mari sehe.

<sup>20</sup> Potocãta Cohamacũ Cristore masa m̄jachũ yoari jire. Cristo to masa m̄jari baharo mari cũhũ yarianapũ masa m̄jahtina tjija. Tiro ā masa m̄jano, marine sũho masa m̄ja m̄htariro jira. <sup>21</sup> Ō sehetã jira ahri: Adão mehne masa yaria dũcaha. Tó sehe Jesu mehne yariarina cjiri masa m̄jaahca. <sup>22</sup> Adão yaina ji nũnũ tiinapũ mari jipihtina yarianahca. Tó sehetã Cristo yaina mari jichũ mari yariari baharo marine masa m̄jachũ yoarohca Cohamacũ. <sup>23</sup> Cãa curuari Cohamacũ to quihõriro m̄sũchũ masa m̄jaahca. Cristo marine sũho ji m̄htariro masa m̄ja m̄htari jire. Baharo tiro ahri yahpapũ to tjua tachũ mari to yaina cũhũ masa m̄janahca. <sup>24</sup> Tí pjata pihtiri dacho jirohca. Ā jiro jipihtina ñaina pũhtoare, dutiinare, tuainare cohãno Cristo yũhdũrcarohca. To ā yoari baharo jipihtina bui to pũhtoro to jirire Cristo wiarohca Cohamacũ to Pũcũrore. <sup>25</sup> To wiahto pano to Pũcũro Cristore ñũ tuhtiinare to yũhdũrũca pahñõhto pano Cristo pinihta jipihtina bui pũhtoro jirohca. Ā jirirota jiro cahmare tirore. <sup>26</sup> Tirore ñũ tuhtiinare to yũhdũrcari baharo, yariaro cũhũre cohã batoarohca tiro. Yariaro pihtia waharohca. Pari turi yariasi masa. <sup>27</sup> Jipihtina bui dutihtiro cjihtore cũri jire Cohamacũ Cristore. Jipihia pũro cũhũre cũri jire tirore. Āta nina Cohamacũ yare ti joari pũi. Cohamacũ sehe tirore cũriro jira. Ā jiro “Jipihtina bui dutihtiro cjihtore cũri jire tirore” nino, “Cohamacũ bui dutiro jira tiro”, nino nierari jire to yare ti joari pũi. <sup>28</sup> Jipihtina bui dutiro Cristo Cohamacũ macũno to jichũ Cohamacũ tirore cũriro sehe to macũno bui dutiro jirohca. Ā jiro Cohamacũ sehe jipihtina bui pũhtoro waro jira. Jipihia pũro cũhũ jira.

<sup>29</sup> ¿Masa m̄jano mariapachũta dohse yoa paina masa yariarina cjiri ya cjihtire ti bautisarina jijari? Yariarina cjiri masa m̄jaerachũ ti ya cjihtire paina bautisarina ti jichũ tí yaba cjihti jieraboa.

<sup>30</sup> Sã sehere sã buheri buhiri dachoripe paina sãre ti ñano yoa duachũ cua nina sã cũhũre. Sãre ā cuapachũta masa m̄jano to jichũ masina ā buherucuja sã. <sup>31</sup> Yũ coyeyã, mari pũhtoro Jesucristo yaina m̄sa jichũ tirore wacũ tua namoina m̄sa wahachũ yũhũ sehe tuaro wahche tũhotuja m̄sare. Tí potocãta jira. Ā yoa, “Dohse jiri nũmũ yũhũre yariahto cua nina”, yũ nichũ tí cũhũ potocãta jira. <sup>32</sup> Efeso macaina suaina noaa buheare yũ buheri buhiri yũhũre tuhti, cãhũre. Masa m̄jano mariachũ Jesu yairo yũ jierachũ, yũ ā ñano yũhdũri yaba cjihti jieraboa. Wiho waro ñano yũhdũri nibo yũhũ. Yariarina cjiri ti masa m̄jaerachũ ō sehe nibo mari: “Baharo curero yarianahca. Dohse wahasi mari. Ā jina chũ sihnijihna. Mari m̄sũro yoajihna”, nibo mari.

<sup>33</sup> Mahñõare tũhotuena tjiga m̄sa. “Ñainare piti tina, noaa m̄sa yoaa tiare duhunahca m̄sa”, nina masa. Tí potocãta jira. <sup>34</sup> Noaare tũhotuina jiga m̄sa. Tuhsũ, noaare yoaina jiga tjõ. Ā yoa ñaare yoa namoena tjiga tjõ. Cãina m̄sa mehne macaina sehe ne Cohamacũre masierara. M̄sa buo tihto sehe m̄sare ā nija.

*Yariarina cjiri masa m̄jaina* ti p̄jac̄uri c̄jhtire yahu namoha Paulo

<sup>35</sup> ã yoa m̄sa mehne macariro õ sehe ni sinituboca ȳh̄ure: “¿Dohse yoa yariarina cjiri masa m̄jaahcari? ¿Dohse jia p̄jac̄uri masa m̄jaahcari?” ni sinituboca. <sup>36</sup> ã sinituriro t̄ho masierariro seheta bisiro coa tara. Toari yapare mari toari baharo tí yapa baro cahach̄u waro dura. Tó sehe wahaeraro ne dusi. Tíre masina m̄sa. <sup>37</sup> Б̄с̄у yuc̄p̄ure toeraja mari. P̄ja yapari dihtare toaja mari. Tí yapari trigo yapari jia ji, o paye yapari baro jia jiboca. <sup>38</sup> Tí yaparire mari toari baharo Cohamac̄u to cahmariro seheta tí yaparire б̄с̄уа m̄jach̄u yoara. ã yoaro mostaza yaparire mostaza yuc̄u wahach̄u yoara tiro. Trigo yaparire trigo yuc̄u wahach̄u yoara. ãta du dutira Cohamac̄u. <sup>39</sup> J̄pihtina p̄jac̄uri c̄ño potori bajuerara. Masa p̄jac̄uri sehe c̄ño sehe jira. Wahiquina p̄jac̄uri c̄ñ̄u soro sehe bajura. Minichahca p̄jac̄uri c̄ñ̄u soro sehe bajura. Wahi c̄ñ̄u soro sehe p̄jac̄uri tira.

<sup>40</sup> ã yoa m̄ano macaa poca c̄ñ̄u soro sehe bajura. Tuhs̄u, ahri yahpa macaina c̄ñ̄u p̄jac̄u tira. ã yoa m̄ano macaina p̄jac̄uri soro sehe bajura. ã jia ahri yahpa macaa m̄ano macaa yoaro sehe jierara. <sup>41</sup> Õ seheta jira. S̄u dacho macariro si sitera. ã yoa ñami macariro c̄ñ̄u soro jira. Potota buhriara. Tuhs̄u, ñahpichoha poca c̄ñ̄u soro sehe bajua si sitea c̄j̄ara. Ñahpichoha poca peri c̄ñ̄ure mari ñ̄uch̄u c̄ã poca p̄j̄iroca sia poca bajura. ã yoa paye poca tuaro sia poca bajura. <sup>42</sup> Tó seheta jira yariarina cjiri ti masa m̄jach̄u. Mas̄no to p̄jac̄ure mari yari baharo to p̄jac̄u baa waharohca. Baharo pa p̄jac̄u soro jiri p̄jac̄u j̄pihtia dachoripe catihti p̄jac̄u masa m̄janohca. <sup>43</sup> To p̄jac̄ure mari yach̄u yariariro c̄j̄iro p̄jac̄u nina. Cohamac̄u tirore to masoch̄u to p̄jac̄u noa ȳh̄d̄uari p̄jac̄u jira. Tuhs̄u, to p̄jac̄u mari yari p̄jac̄u wiho jiri p̄jac̄u jira. Cohamac̄u tirore to masoch̄u p̄nihtare to p̄jac̄u wiho jiri p̄jac̄u jieraro, tua ȳh̄d̄uara. <sup>44</sup> Ahri yahpa macari p̄jac̄ure mari yach̄u tiro yariariro c̄j̄iro to masa m̄jach̄u to p̄jac̄u m̄ano macari p̄jac̄u jirohca. Ahri yahpa macari p̄jac̄ure mari c̄j̄ana, m̄ano macari p̄jac̄u c̄ñ̄ure c̄j̄anahca, masa m̄jana.

<sup>45</sup> Õ sehe ni yahura Cohamac̄u yare ti joari p̄ui: “Ahri yahpai ji m̄htariro Adão wama tiriro catiriro wahaa tiha”, ni joaa tiha. To ã j̄ipach̄uta Adão yoaro sehe jiriro bato tiriro Cristo sehe catiare waro tari jire. <sup>46</sup> Ahri yahpa macari p̄jac̄u ji m̄harti p̄jac̄u jira. Baharop̄u m̄ano macari p̄jac̄u jirohca. <sup>47</sup> Õ seheta jira: Ji m̄htariro Adão sehe ahri yahpa macariro dihta mehne to yoari p̄jac̄ure p̄jac̄u tiri jire. To baharo tariro, Cristo sehe m̄anop̄u tari jire. <sup>48</sup> Dihta mehne ti yoari p̄jac̄u ti m̄htariro to jiriro seheta j̄pihtina paina dihta mehne to yoari p̄jac̄u tiina jija mari. ã yoa m̄anop̄u tariro yoaro seheta to yaina j̄pihtina to yoaro sehe p̄jac̄u tiina jinahca mari. <sup>49</sup> Dihta mehne to yoari p̄jac̄u tiriro Adão yoaro sehe bajuja mari. Baharo m̄ano macariro Cristo yoaro sehe bajunahca mari.

<sup>50</sup> Ȳu coyea, m̄sare ahrire yahu duaja: Ahri yahpa macari p̄jac̄u di mehne, dihi mehne jiri p̄jac̄u p̄htoro Cohamac̄u to s̄ho j̄rop̄ure m̄anop̄ure ne wahasi. Mari p̄jac̄uri bahti p̄jac̄uri jira. ã jia m̄anop̄u j̄pihtia dachoripe mari j̄htop̄ure ahri p̄jac̄uri wahasi. <sup>51</sup> Panop̄ure masa ti masierari c̄j̄irire m̄p̄ure m̄sare yahu duaja: Mari mehne macaina c̄aina yariasi. ã jina dóic̄ata, mari p̄jac̄urire cohtotaina jinahca. <sup>52</sup> Corneta to puti batoari dachoi ãta waharohca marine. Dóic̄ata, mari capari w̄h̄mitj̄iã mari ñ̄u p̄j̄orocaró sehe õ sehe waharohca. Corneta to bisiri baharo yariarina c̄j̄irire Cohamac̄u masonohca j̄pihtia dachoripe mari j̄htina c̄j̄htire. Tuhs̄u, mari p̄jac̄urire cohtotaina jinahca mari c̄ñ̄u. <sup>53</sup> Mari p̄jac̄urire to cohtotach̄u tó pano mari bahti p̄jac̄uri ti j̄ipach̄uta mari cohtotari baharo ne baasi. ã yoa mari p̄jac̄uri ti cohtotach̄u tó pano mari yariahti p̄jac̄uri ti j̄ipach̄uta ne yariasi. <sup>54</sup> Mari bahti p̄jac̄uri ne baerahi p̄jac̄urire cohtotarohca. ã yoa mari yariahti p̄jac̄uri ã j̄rucuhti p̄jac̄urire cohtotarohca. Marine to ã cohtotach̄u panop̄u to joariro seheta ã waharohca: “Ñaina mari jiri buhiri tiare Cristo to cohã pah̄ñori baharo, Cohamac̄u yariarore cohãnocari jire. <sup>55</sup> Ne pari turi mari yariasi. ã jina yariaro mehne pari turi ñano ȳh̄d̄usi mari”, ni joaa tiri jire panop̄ure. <sup>56</sup> Mari ñaa buhiri jich̄u p̄nihta yariarop̄u ñano ȳh̄d̄unahca. ã yoa Cohamac̄u dutia Moise c̄j̄irore to c̄uri c̄j̄irire mari

masiri baharo, buhiri tija mari. Ā jiro marine pichacapu waha dutira Cohamacu dutia. <sup>57</sup> To ā dutipachuta mari puhtoro Jesucristo sehe marine pichacapu wahaerachu yoara. To ā yoariro jichu masina Cohamacu mehne wahche “Noana”, nija mari.

<sup>58</sup> Ā jina yu coyea, yu cahina, Cristore wacu tua duhuena tjiga. Ā yoana paina musare noaa buheare ti cohā dutichu, ne cohāena tjiga tíre. Ā yoa dachoripe mari puhtoro Jesucristo to yoa dutirire noano yoarucuga musa. Mari puhtoro Jesucristo yare mari yoachu, ahri wiho waro jierara. Ahrire masina to yoa dutirire noano yoarucuga musa.

## 16

### *Painare Jesu yainare Corinto macaina niñeru ti wahtire yahuha Paulo*

<sup>1</sup> Mipure painare Jesu yainare musa niñeru wahtire yahu duaja musare. Galacia yahpa macainare Jesu yainare yu dutiro sehta musa cūhu yoaga. <sup>2</sup> Somanaripe domingo jichu jipihtina musa Jesu yainare wahti cjihti niñerure mahanocā waga. Mahanocā cjuana mahanocā waga. Ā yoa pji curero cjuana pji curero waga. Somanaripe musa ā yoachu musa cahapu yu suchu musa warocahti cjihti niñeru ji tuhsurohca. <sup>3</sup> Musa wahtire, musa warocahtina cūhure yahuri pūre joahtja. Ā jicu musa cahapu sacu tí pūre Jerusalēpu wahahtinare musa beserinare wahtja. Ā wa tuhsucu Jesu yainare musa warocari niñerure nahtina cjihtire tinare warocaihtja Jerusalēpu. <sup>4</sup> Tí macapure yu yoahiti jichu yuhu cūhu wahaihca. Yu ā wahachu yuhu mehneti tina wahaahca.

### *To tinihto cjihtore yahuha Paulo*

<sup>5</sup> Macedonia yahpa macainare masa boca yuhduihca yuhu tinare. Yuhdu wahcā, musa cahai Corintopu suihca. <sup>6</sup> Tópu sacu musa mehne mahaa dachoricā jiboca yuhu pa tehe nicu. Yoa cureri pja puhuro puro musa mehne jiboca yuhu. Ā jina pa seheru yu wahachu musa cūhu yuhure yoadohoroca masina. <sup>7</sup> Mahaa nūmūricā ji duaeraja yuhu musa mehne. Ā jicu Cohamacu cahmachu yoa cureri pja musa mehne jiihtja yuhu. <sup>8</sup> Ā ji duapaihta Pentecoste bose nūmūri jichupu Efesoi jisinihca yuhu. <sup>9</sup> Ōi Efesoi mipure mari puhtoro Jesu yare tuho duaina payu jira. Ti ā tuho duachu tinare yahuja. Yu ā yahuchu yuhure nu yabiina payu jira.

<sup>10</sup> Timoteo yu yoaro sehta mari puhtoro yare yoara. To ā yoariro jichu musa cahapu to suchu noano mehne tirore piti boca, tiro mehne noano wahchea mehne jiga musa. <sup>11</sup> Ā yoana tirore nu yabiro marieno noano mehne piti bocaga musa. Tuhsu, to coha sitichu noano mehne tirore yoadohorocaga yu cahapu to tjua tachu. Tiro paina Jesu yaina mehne ti tahtore cohtana nija sā. Ā jina noano mehne yoadohorocaga tinare.

<sup>12</sup> Apolo mari coyeiro Jesu yairo musare to nuho wahachu tuaro cahmamahi. Ā jicu tirore waha dutimahi paina Jesu yaina mehne to wahahto cjihtore. Yu ā waha dutipachuta mipure tiro waha duaerare. Ā jiro baharo tirore yoaa mariachu musa cahapu waharohca tiro.

### *Paulo noa duti batoaha*

<sup>13</sup> Noano wacu masiga musa. Cristore wacu tua duhuena tjiga musa. Ne cuieraina jirucuga musa. Ā yoa Cohamacu tuua mehne wacu tuaina jirucuga musa. <sup>14</sup> Dohse jiare musa yoana, painare cahia mehne tíre yoaga musa.

<sup>15</sup> Mipure yu coyea musare ahrire yahu duaja: Estéfana ya wuhu macaina Acaya yahpa macaina noaa buheare tuho mūhtaina, ti ya yahpai Cristore wacu tua mūhtaina jire tina sehe. Tuhsu, painare mari coyeare Jesu yainare noano yoadohorucure tina. Tíre musa masina. <sup>16</sup> Tina yoaro sehe jiinare, paina Cristo yare yoadohoinare musa noano yuhtichu cahmaja yuhu. <sup>17</sup> Estéfana, Fortunato, Acaico cūhu yu cahapu wihi tuhsure. Ōi ti jichu pjiro mehne wahcheja yuhu. Musa mariachu musare tuaro wacu nimahi yuhu. Ā jicu tina ti wihichu wahcheja yuhu. <sup>18</sup> Tina mehne jicu noano yajeripohna tiroro wahahi yuhu musa cūhu tina mehne musa wahcheriro sehta. Tinare noano nu payoa mehne tuhoga musa. Ā yoa paina tina yoaro sehe jiina cūhure nu payoa mehne tuhoga.

<sup>19</sup> Asia yahpa macaina Jesu yaina m̄sare noa dutira. ã yoa Aquila, Priscila, ti ya wuh̄i cahmachuina mehne Cristo to cah̄ia mehne m̄sare pj̄iro noa dutira. <sup>20</sup> Õ macaina Jesu yaina jipihtina m̄sare noa dutira. M̄sa mehne macainare noano mehne piti bocasinia.

<sup>21</sup> Yuh̄u, Paulo yu basi ahri dihtare joaja. M̄sare noa dutija.

<sup>22</sup> Mari p̄htoro Jesucristore paio to cah̄ierach̄u, Cohamacu tirore buhiri dahrejaru. Mari p̄htoro cjero tjua tajaru.

<sup>23</sup> Yu coyea mari p̄htoro Jesucristo m̄sare jipihtinare to cah̄ia mehne noano yoajaru.

<sup>24</sup> Yuh̄u Jesucristo yairo jicu, to yaina m̄sa c̄h̄u m̄sa jich̄u m̄sare tuaro cah̄ija.

## 2 Corintios

### *Õ sehe ni joarocaha Paulo Corinto macainare*

<sup>1</sup> Yũhũ Paulo Jesucristo buhe dutiro to cūriro jija. Cohamacũ to cahmariro seheta cūre yũhũre Jesu. Yũhũ, mari coyeiro Jesu yairo Timoteo mehne mūsare Cohamacũ yainare, Corinto macainare joarocaja tjoa. Jipihtina Cohamacũ yainare Acaya macainare mūsa cūhũre joarocaja. <sup>2</sup> ã jina Cohamacũ mari Pũcũ, mari pũhtoro Jesucristo mehne mūsare noa dutija. Cohamacũ to cahĩa mehne to yoadohoa mehne noano jiga mūsa.

### *Paulo to ñano yũhdũrĩre õ sehe ni yahuha*

<sup>3</sup> Mari pũhtoro Jesucristo Pũcũro Cohamacũ marine pja ñũna. ã jiro tiro marine ã yoadohorucura. “Noa yũhdũariro jira tiro”, nijihna mari. <sup>4</sup> Mari ñano yũhdũchũ ñũno jipihtinare marine to yainare yoadohora tiro painare mari yoadohohto sehe. Cohamacũ marine to yoadohoa mehne mari cūhũ paina cūhũre yoadohonahca. <sup>5</sup> Cristo yaina mari jiri buhiri mari ñano yũhdũchũ tiro tuaro yoadohorohca marine. <sup>6</sup> Sã sehe mūsare yoadohona ñano yũhdũja. Cristo mehne mūsa yũhdũhto sehe mūsare sã yahuri buhiri ñano yũhdũja. ã yoa Cristo sãre to yoadohochũ sã sehe mūsa cūhũre yoadoho masija. ã jina sã ñano yũhdũrĩro seheta mūsa cūhũ ñano yũhdũna, noano mehne cūno pjanahca mūsa. <sup>7</sup> Noano mehne mūsa cūno pjahtore sã masija. Sã ñano yũhdũrĩro seheta ñano yũhdũre mūsa cūhũ. ã jina Cohamacũ to yoadohoa mehne wahche, sã cūno pjariro seheta mūsa cūhũ wahchena, cūno pjanahca.

<sup>8</sup> Sã coyea, mipũre ahri yũ yahuhtire mūsa noano masichũ sã cahmaja. Asia yahpai ñabiaro yũhdũi sã. Õ sehe ni tũhotumai sã: “Ne bihosi mari. Ne cūno pjasĩ. ã jina mari yarianahca”, ni tũhotumai sã. <sup>9</sup> “Marine wajãnoccaahca”, ni tũhotumai sã. ã ñano yũhdũna Cohamacũ dihtare tuaro sã wacũ tua namoi. Sãre ti ñano yoachũ cahmaha Cohamacũ tirore sã wacũ tua namohto sehe. Tiro sehe yariainare masoriro jira. ã tirore wacũ tuana sã mũ sũro sã cūno pjaerarire masija. Cohamacũ sehe marine yoadohora. <sup>10-11</sup> Sãre cuabiaro jipachũta to yoadohoro mehne sã yũhdũi. Baharopũ cūhũre pari turi sãre yũhdorohca. Sãre Cohamacũre mūsa sini payochũ tiro sãre yoadohorohca. Sãre to yoadohohtore masija sã. ã jina sãre to yoadohochũ ñũna, tirore “Noana”, ninahca mūsa. Payũ mūsa sini payorire to yũhtichũ ñũna wahche, “Noana”, ninahca mūsa Cohamacũre. Payũ paina cūhũ ãta niahca.

### *Paulo Corintopũ to waha duamarire yahuha*

<sup>12</sup> Mūsa mehne sã jirire wacũna wahchea mehne õ sehe tũhotuja sã: Ahri yahpai Cohamacũ to yoadohoa mehne mahũono marieno noano mehne masare piti ti buhehi. Mūsa pinihtare noano piti ti buhei. Õ sehe yoana sã mũ sũro sã masia mehne yoaerahi. Cohamacũ cahĩa mehne to tuua mehne ã yoahi. <sup>13-14</sup> ã yoana noano yahu joarocahi mūsare, noano mūsa masihtõ sehe. Mipũ sãre mūsa masi pahũohto dũhsasinina mini. Sã jia tiare mūsa noano masichũ tuaro cahmaja sã. ã sãre noano masina, mari pũhtoro Jesu to tjua tachũ sã mehne wahchenahca mūsa. Mūsa mehne sã wahcheriro seheta mūsa cūhũ sã mehne wahchenahca.

<sup>15-16</sup> Õ sehe nicũ Macedonia yahparũ waha duamaja yũhũ. ã wahacũ mūsare ñũ yũhdũ wahcã duamaja yũhũ. ã jicũ tũpũre sũricũ tjua tacũ pari turi mūsa mehne mahaa nũmũricã jiboca yũhũ. ã jina pũa taha mūsa mehne yũ jichũ ñũna pũro yũhũ mehne mūsa wahcheboca. Baharo mūsa caharũ jiricũ Judea yahparũ yũ wahachũ ñũna yũhũre yoadohoboca mūsa. <sup>17</sup> “Wahaihtja”, yũ nichũ tũhorina jina mūsa caharũ yũ sũerachũ ñũna “Paulo mahũono niri jira”, ¿ni tũhotujari mūsa? “Wahaihtja”, nicũ yũ mũ sũro ã nicũ nieraja yũhũ. “To niriro seheta yoaerara”, ¿yũhũre ni tũhotujari mūsa? <sup>18</sup> Õ sehe ni mahũoriro jieramaja yũhũ. ã jicũ “Yoaihtja”, nicũ yũ niriro seheta yoaja yũhũ. Tĩre masina Cohamacũ. <sup>19</sup> Yũhũ, Sila, Timoteo mehne Jesucristo Cohamacũ macũno yare

músare yahui sã. Cristo sehe “Yoaihtja” nino, quihõno yoariro jiro nina. Cohamacu to niriro seheta Cristo yoara. <sup>20</sup> Jipihtiare Cohamacu to yahurire Cristo yoa pahñoha. To ã yoariro jichu ñana Jesu yoadohoro mehne to yare sã painare “Ã tjira”, ni yahuja Cohamacure ti ño payohto sehe. <sup>21</sup> Cristo yaina marine jirucuchu yoariro Cohamacuta jira. Æ jiro to yare yahuhtinare sare besere tiro. <sup>22</sup> Æ yoa to yaina mari jiare ñuno tíre marine masichu yoara tiro. Æ yoaro, Espíritu Santore mari mehne ji dutire tiro. Mari mehne jiro tirota marine Cohamacu to yuhdohtore masichu yoara.

<sup>23</sup> Mipure poto yahuihtja músare. Poto yu yahuerachu Cohamacu sehe músare poto yahujaro. Tirota yu tuhoutuare masina. Músare tuhti duaeracu musa cahapu wahaerahi. “Músare cahyachu yoari”, nicu musa cahapure Corintopu wahaerahi. <sup>24</sup> Æ jina “Músare wacũ tua dutiina jija sã”, nina nieraja. Cristore noano wacũ tua tuhsure musa. Æ jina “Õ sehe Cristore wacũ tuaro cahmana músare”, nina nieraja sã. Músare yoadoho duaja sã musa noano wahchehto sehe.

## 2

<sup>1</sup> Æ jicu õ sehe ni tuhoutuhi: “Pari turi tinare cahyachu yoa duaeraja. Æ jicu mipure wahaeraja”, ni tuhoutuhi. <sup>2</sup> Músare cahyachu yoa duaeraja. Musa cahyachu ñucu yuhu sehe músare wahcheraboa. Æ jina yuhure wahchecu yoantina jieraboa musa sehe. <sup>3</sup> Æ jicu musa cahapu wahaerahi. Wiho mejeta músare wiho joaroca bahrañohi. Musa yuhure wahchecu yoantina jipanahta yuhure cahyachu yoaboa musa, musa cahapu yu sachu. Musa mehne yu wahchecu, musa cõhu wahchenahca. Tíre masija yuhu. Æ jicu mipure musa mehne cahya duaeracu wahaerahi musa cahapu. <sup>4</sup> Pjéro tuhoutu, ñano yajeripohna ticu, tuaro yahco mehne músare joarocapacuta músare cahyachu yoa duaerahi. Músare tuaro yu cahíre músare masichu yoa duacu músare joarocahi.

### *Tina mehne macariro to ñano yoarire bo dutiha Paulo Jesu yainare*

<sup>5</sup> Cãiro musa mehne macariro yuhure cahyachu yoariro jire. Wiho mejeta músare to tuaro cahyachu yoariro seheta yuhu sehere pjéro cahyachu yoerare tiro. Æ ñano yoariro cãina musa sehere tua curero cahyachu yoayuhti. “Tua curero”, nija yuhdo curero yahu duaeracu. <sup>6</sup> Payu musa mehne macaina tirore buhiri dahre tuhsuyuhti. Tó purota buhiri dahre duhuro cahmana tirore. <sup>7</sup> Tirore musa buhiri dahrerucuchu tuaro cahyaboca tiro. Æ jiro Cristo yare duhuboca. Æ jina to ñaa yoarire boga musa. Tirore yoadohoga to wahchehto sehe. <sup>8</sup> Tuhsu, tirore noano yoaga musa tirore musa cahíre to masihto sehe. Musa ã yoachu tuaro cahmaja yuhu. <sup>9</sup> Tó pano músare joarocacu “¿Potocãta yuhure yuhtiahcari?” nicu ã ni yahu joarocahi músare. Yuhure musa yuhtichu ñu duacu músare ã ni joarocahi. <sup>10</sup> Mipure to ñaa yoarire musa bochu ñucu yuhu cõhu tíre boihtja. Yuhure ñano yoerari jire tiro. Musa sehere ñano yoayuhti. To ã jiro jipachuta to ñaa yoarire boja yuhu cõhu. Músare noano yoadoho duacu Cristo to ñurocaroi to ñaa yoarire boja. <sup>11</sup> Tíre boja Satana marine to yuhdurucerahto sehe. Tiro marine ñaare yoachu cahmana. Tíre noano masija mari. Æ jina Jesu yaina ti ñaa yoarire wacũrucueraja mari, “Tinapu Satana yare cahmari”, nina.

### *Tróade wama tiri macai jiro Titore bocaeraro pjéro cahya tuhoutuha Paulo*

<sup>12</sup> Æ yoa Tróade wama tiri macapu sui Cristo yare buhe duacu. Tópu yu jichu payu masa noaa buheare tuho duaina jire. Mari puhtoro to yoadohoa mehne to yare yu buhehtina payu masa jire. <sup>13</sup> Æ jipachuta mari coyeirore Titore bocaeracu pjéro cahya tuhoutu. Æ jicu tó macainare coha siti tuhsucu Macedonia yahpapu wahai.

### *Cristo to yoadohoa mehne ñaare yoarucueraja mari*

<sup>14</sup> Æ yoa Cohamacu Satanare to yuhdurucari baharo mari cõhure tirore yuhdurucachu yoara, Cristo mehne ñaa yoare marine duhuchu yoaro. Surara mahapu pari pohna wahaga ti yuhdurucarire ti yoa ñono seheta mari cõhu Cohamacu mehne Satanare mari yuhdurucarire yoa ñona nija Cohamacu mehne. Æ jina “Noana”, nija tirore. Æ jina

Cohamacu marine to dutichu masina jipihtiropu Cristore masare masichu yoaja mari. Ñ tirore masia tina noano wahchera me sitiare ti wahcheriro seheta. <sup>15</sup> Cristo yaina jina, Cohamacu sehere wahchechu yoaja mari, me sitiare mari wahcheriro seheta. Ñ jia Cristo yaina mari jia tiare ñu masina paina Cohamacu to yuhdohtina. Paina ti ñaa buhiri pichacapu wahahtina cūhu Cristo yaina mari jia tiare ñu masina. <sup>16</sup> Cristo yaina mari jichu ñua, ti ñaa buhiri pichacapu wahahtina sehe pichacapu ti wahahtore masina. Cohamacu to yuhdohtina sehe marine Jesu yainare ñua jipihtia dachoripe tiro mehne ti jhtore masina. Ñ jia Cristo ya wiho jia buhea jierara. Ñ jiro ahrire Cristo yare to mu sūro buhe sohtori tiriro ne mariaha. <sup>17</sup> Payu paina Cohamacu yare buhemana niñerure wapata duaa. Sã sehe tina yoaro sehe yoaeraja. Mahñono marieno Cristo to tuaa mehne to yare buheja sã. Cohamacu sãre to cūchu to ñurocaroi noano buheja sã.

### 3

<sup>1</sup> ¿Pari turi sã jia tiare musare yahuna nijari sã, musa tuhotchū? Paina musare ti buhehto pano ti jia tiare masi duana ti joari pūre cahma muhtare musa. Sãre masi tuhsura musa. ¿Sãre masipanahta tí pū barore cahmajari musa? ¿O paina cahapu sã buhena wahana tí pū barore sãre nano cahmajari, musa tuhotchū? <sup>2</sup> Tí pū barore cahmaeraja sã. Musa sehere jiphtina paina ñua musare sã noano buherire masiaha. Musare sã buhechu Cristo yaina ji ducare musa. <sup>3</sup> Ñ jina tí pū baro yoaro sehe jira musa sehe. Cristo painare to joarocari pū yoaro sehe jira musa. Tí pūre tiro to joarocaboro seheta, Espiritu Santo tuaa mehne musa jia tiare noano cohtotachu yoari jire Cristo, painare to tuare ñono taro. Potota tinta mehne to joarocari pū yoaro sehe jierara musa. Cohamacu catiro waro to Espiritu Santo mehne musare cohtotachu yoaro, joarocari pū painare to joaroca ñono seheta, musa sehe Cristo yaina wahana, to yare musare sã quihōno buherire noano ñona painare. <sup>4</sup> Ahrire jiphtiare michapucacã yu ni joarire tuhoutuja sã Cohamacure noano wacū tuana. Cristo to yoadohoa mehne ã wacū tuarucuja sã. <sup>5</sup> “Sã mu sūro ahri dahraare yoaja sã”, ni masieraja sã. Cohamacu to yoadohoa mehne bihoja sã.

<sup>6</sup> Mipure to yahuare noaa buheare Cohamacu sehe noano sãre buhe masichu yoara. Ahri buhea panopu to dutia to joari cjiri yoaro sehe jierara. Noaa buhea sehere buheja sã. Panopu to dutirire mari mu sūro ne bihoeraja. Ñ mari bihoerari buhiri pichacapu wahaboa mari. Noaa buhea sehere tuhona Espiritu Santo to yoadohoa mehne Cristore wacū tuaja. Ñ wacū tuana jiphtia dachoripe Cohamacu mehne jirucunahca mari.

<sup>7</sup> Cohamacu to dutiare cūno tãa pjnipu joa õ tuhsu, Moise cjirore cūri jire. To ã cūri baharo to si sitea bajuari jire. Moise cjiro wuhduã si siteri jire. Minoa yuhduari jire. Baharo tí si sitea pihtia wahari jire. Baharo to si sitea to pihtia wahahto to jipachuta wahmanore to wuhduare masa ne ñuroca õa bihoerari jire. Tí dutiare masa ti yoa pahñerari buhiri pichacapu wahahtina jia tiri jire. Ñ jia tí dutia masare pichacapu waha dutipahta, tuaro si sitea mehne ji ducari jire tí dutia. <sup>8</sup> Tí dutia yuhdoro noaa buhea sehe noa yuhduara. Ahri buheare painare mari buhechu ti noano tuhochu Espiritu Santo tina mehne jirohca. Ñ jia panopu macaa dutia yuhdoro Cristo ya sehe noa yuhduara. <sup>9</sup> Cohamacu dutia panopu macaa masare pichacapu waha dutiri jire. Ñ dutipahta Cohamacu tuaa mehne to si sitea mehne ji ducari jire. Tí yuhdoro noaa buhea sehe Cohamacu to tuaa mehne jira. Tí buhea mehne noaina wahara masa Cohamacu to ñuchu. <sup>10</sup> Panopu Cohamacu to dutiri cjiri sehe wiho jia dutia yoaro sehe tjuanocahna mipure noaa buhea mehne mari ñu piti bocachu. Noaa buhea sehe noa yuhduara. <sup>11</sup> Panopure to dutia yoa cureri pja si sitea jirucuma, pihtia wahaha. Tí dutia yuhdoro noaa buhea sehe noa yuhduara. Tí buheare noano tuhona, Cohamacu mehne ã jirucunahca.

<sup>12-13</sup> Mari ã jirucuhore masina, cuiro marieno noaa buheare noano yahu pahñonocaja sã. Moise cjiro sehe sã yoaro sehe yoerari jire. “ ‘Cohamacu to si sitea pihtiro nina’, Israe masa ni ñuri”, nino to wuhduare ducatarari jire Moise cjiro. Sã sehe tiro yoaro sehe yoeraja. Cuiro marieno, ducataro marieno to yare noaa buheare buheja sã. <sup>14</sup> Tí pjaru



macaina Israe masa sehe ne masiera tiri jire. Mipɔ cūhure Cohamacu yare panopu to joaa pūrine tina buhea, ne masierara. Moise cjiro to wūhduare to ducatachū Cohamacu to si siteare ti ñuroca ñerariro seheta tina noaa buheare noano masierara. Cristore cahmaeraa, masisi tina. Tirore noano wacū tuaa, tí pja pinihta to yare masiahca. <sup>15</sup> Mipɔ cūhure Israe masa Cohamacu dutia Moise cjirore to cūrire buhea, tinare ducataro seheta noaa buheare ti tūhoborore ducataro. <sup>16</sup> Mari sehe mari puhtorore mari cahmachū tirota marine masichū yoara. Moise cjiro to wūhduā ducatarore to nanocaboriro seheta mari puhtoro marine to yare noano masichū yoara. <sup>17</sup> “Mari puhtoro” nicū, Espiritu Santore nii nija. Cohamacu to Espiritu Santo mari mehne to jichū pichacapu wahaborinare to yūhdoina jija. Ā jina “Panopu macaa dutia mehne mari yūhdūnahca”, nieraja mari. Ā jina tí dutiare duhuna, Espiritu Santo to cahmano seheta yoaja mari. <sup>18</sup> Ā jina Jesu yaina jina, Cohamacu yahuare masija mari. Ti wūhduā pocare ducataro marieina yoaro seheta Cristo to tuaare ñona nija mari. Ā jiro mari puhtoro Espiritu Santo marine noaa sehere cohtotachū yoaro nina. To ā yoachū Cristo noa yūhdūariro to jiro seheta wahana nija mari.

#### 4

<sup>1</sup> Ā yoa Cohamacu sāre pja ñūno, noaa buheare yahuhtinare cūre sāre. To ā cūrina sā jiare masina, to yare buhena pomerana, bujua witi tūhotueraja. <sup>2</sup> To yare buhena mahño cure buheraja. Tuhsū, sā tíre cohtotaeraja. Soro curero buhena buoro yūhdūboa. Ā jina tó sehe yoare cahmaeraja sā. Cohamacu to ñurocaroi jija sā. Ā jina noaa buheare noano quihōno buheja sā. Sā ā buhechū ñua tíre noano masina sāre tūhoina. <sup>3</sup> Sā ya buheare noaa buheare buheja sā. Sā tíre buhepachūta paina ne noano tūhoerara tíre tinare ducataro seheta. Ā tūhoeraina pichacapu wahahtina jira. <sup>4</sup> Satana ñariro ahri yahpa macaina bui puhtoro tinare masierachū yoara. Capari ñueraina ti ñū masieraro seheta masierachū yoara tinare. Noaa buheare Cristo tua yūhdūrucu sūriro ya buheare ti masierachū yoara tiro. Cristo sehe Cohamacu to jia tiare marine masichū yoara. Tiro Cristo Cohamacu waro jira. <sup>5</sup> Sā buhena “Sā sehere ño payoga”, ni buheraja. Ō sehe ni buheja sā: “Jesucristo sehe jira mari puhtoro”, ni buheja sā. Sā sehe Jesure yūhtiina jina, mūsare dahra cohtaina yoaro sehe jina, to yare mūsare buheja sā. <sup>6</sup> Panopu ō sehe niha Cohamacu: “Nahitianopure buhriaro jiga”, ni dutiha tiro. Mipure tirota jira marine to tuaare masichū yoariro. Buhriarocarō marine to noano bajuchū yoaro seheta, tiro to tuaare marine masichū yoara. Cristo Cohamacu tuaare, to jia tia cūhure marine masichū yoara.

#### *Cristo to tuaa mehne mari jija*

<sup>7</sup> Ā masiina jina, to tuaare, noa buhea cūhure painare masichū yoaja. Ā yoaina jipanahta wiho jiina jija sā. Dihi biato dóihta to wahtiro yoaro seheta sā cūhū wiho jiina jija. Ā jipanahta Cohamacu to tuaare, noa buhea cūhure painare buheja sā. Sā ā buhechū ñua, wiho jiina sā jichū ñua, sāre tūhoina ō sehe ni, masiahca. “Ti mū sūro ahri buheare masierara. Cohamacu sehe tua yūhdūariro tinare masichū yoara”, ni masiahca paina sāre. <sup>8</sup> Jipihtina paina sāre ñano yoapahta Cohamacu sāre to yoadohochū tina sāre yūhdūrucaerara. Ā jina “Ñano yūhdūna nija”, ni tūhotupanahta, Cohamacu yare ne duhueraja. <sup>9</sup> Sāre ti ñano yoarucupachūta Cohamacu sāre ā yoadohorucura. Sāre ti cǵāroca cū mūjapachūta to yoadohoa mehne yarieraja sā. <sup>10</sup> Ti wajāhtina jinocanata nija sā, Cristo ahri yahpai to ñano yūhdūriro seheta. Ā ti wajāhtina jinata nija sā Cristo catiare wariro to jiare masa ti masihto sehe. Sā ā ñano yūhdūchū ñua tíre masiahca masa. <sup>11</sup> Ā yoa dachoripe sāre paina nu wajāhto cuara Cristo yaina sā jiri buhiri. Ō seheta ñano yūhdūja sā Cristo to catiare wariro to jiare paina ti masihto sehe. Sā pjacūri baharo yariaa wahaahca. Sā ā wahahtina jipanahta Cristore catiare warirore masichū yoaja sā painare. <sup>12</sup> Ā jia mūsare sā buheri buhiri sā sehere paina nu wajāhto cuara. Sā buheare mūsa tūhori baharo jipihtia dachoripe Cohamacu mehne jirucuhtina jira mūsa.

<sup>13</sup> Cohamacu yare ti joari pui ð sehe nina: “Cohamacure wacu tuacu, to yare yahuhi”, ni joa tiha panopu macariro. Sa cuhu to seheta yoaja. Cohamacure wacu tuana, to yare yahuja. <sup>14</sup> A buheja sa ahri yu nihtire noano masina: Cristo to yariari baharo Cohamacu tirore masori jire. A jiro Cristo yaina mari jichu ñuno tiro mari cuhure masonohca. To a masori baharo to cahapu naanohca marine. <sup>15</sup> A jina musare yoadohona, ñano yuhduja sa. A jina Cristo yaina musa payu wahana, payu musa Cohamacure wahchea mehne ño payonahca. Tirore “Noana”, ninahca.

<sup>16</sup> Musa a wahachu ñuna, sa ñano yuhdupanahta cahyaeraja. A jina Cristo yare buhe duhueraja. Dachoripe wahyarucuna nija sa. Sa a wahyarucupanahta dachoripe wahcheina jirucuja sa. <sup>17</sup> Mipure ñano yuhdupanahta ñano yuhdu dojoeraja. Ti mari ñano yuhdu pihtia wahaahca. A jina marine mahanoca ñano yuhdu cahmana. A mari ñano yuhdurina cjiri jina, baharopure pjiro wahchea mehne jirucunahca Cohamacu mehne. A jina mari ñano yuhduri yuhdoro pjiro wahchea mehne jirucunahca. <sup>18</sup> Mari ñuri cjiri baa pihtia wahaahca. Mari ñuerari sehe a jirucuahca. A jina mari ñueraare Cohamacu yare a wacurucuja mari. A wacurucuna baharopu mari noano jiltore wahcheja.

## 5

<sup>1</sup> Wuhure to cohaboriro seheta baharo mari pjacuri sehe butia wahaahca. A jiro wahma wuhure to yoaboro seheta Cohamacu wahmaa pjacurire yoarohca. A yoaro ti pjacurire marine warohca. Ti pjacuri masa ti yoaa pjacuri jierara. A jina manopu a jirucunahca ti pjacuri mehne. Tire mari masija. <sup>2</sup> A jina ti pjacurire mano macaa pjacurire tuaro cahmana, mari a cohtarucuna nija. <sup>3</sup> Ti pjacurire tuaro cahmaja, mari yariari baharo suhti marieina mari jiboro seheta pjacuri marieina ji duaerana. <sup>4</sup> Mipure ahri pjacurire cohã duaerapanahta wahmaa pjacuri sehere tuaro cohtaja mari. Mipure mari pjacurire cohã duaerapanahta jipihtia dachoripe Cohamacu mehne mari jiltore tuaro cahmaja mari. A jina ahri mari pjacuri yariahti pjacuri ti jichu masina, wahmaa pjacuri mehne Cohamacu mehne a jirucu duaja mari. <sup>5</sup> Mari a jirucuhore cahnore Cohamacu sehe. A cahnono Espiritu Santore ware marine. A jiro Espiritu Santo mari mehne jiro, marine Cohamacu to yoahore “Potocã tjira” nino, marine masichu yoara tiro.

<sup>6</sup> A jina Cohamacure wacu tuarucuja mari. Cuiro marieno jija mari. Ahri mari ji muntari pjacui jina, mari puhtoro mehne jierasinija. <sup>7</sup> Mano macaare Cohamacu cuhure mari ñuerapanahta “Ti potocãta jira”, ni tuhoutuja mari. A jina tirore wacu tuaja mari. <sup>8</sup> A jina mari cuieraja. Mari pjacurire ahri yahpai cohãna mari puhtoro mehne manopu jirucunahca mari. A yoa mari yariachu noa nina marine. <sup>9-10</sup> A jina Cristore wahchechu yoa duaja mari. Ahri yahpa macari pjacu mehne jisinina tirore wahchechu yoa duaja. Manopu cuhure tirore wahchechu yoa duaja.

Jipihtina Cristo cahapu mari wahachu ñuno tiro mari yoarire ñuno marine beserohca. Ñano mari yoarire masinohca tiro. A masino wapa marieno to waborire marine wasi tiro. Noare mari yoari cuhure masinohca. A masino wahchero marine noano yoarohca. To a masiro jichu ñuna tirore wahchechu yoa duaja mari.

*Cohamacu* marine to ñu tuhtichu ñuno Cristo marine yahura

<sup>11</sup> A jina cua pisaro mehne Cristore ño payoro cahmana marine. Ahrire masina, Cristo yare masichu yoaja sa masare. Tinare cuisãana, tirore wacu tuachu yoa duaja sa tinare. Noano mehne sa tire sa buherire Cohamacu noano masina. Sa a buherire musa cuhure noano musa masichu cahmaja yuh. <sup>12</sup> Pari turi noaina sa jia tiare musare yahuna nieraja. “Painare yuhdurucaja”, niinare musa yahuhto sehe noano mehne sa buherire yahuna nija sa musare. Tina sehe ti tuhoutuapu ñaina jipahta masa ti ñurocaro dihta noaina yoaro sehe yoa ñomana. A jina sa mehne musa wahchehto sehe ahri jipihtiare musare yahu joana nija. “Paulo cuhu sare noano mehne buhere”, sare painare musa

ni ducatahto sehe ahri jipihtiare musare yahu joana nija. <sup>13</sup> ¿Sã õ sehe ni yahuna tuho masieraina jijari sã, musa tuhochu? Masa sãre ñua, tuho masieraina yoaro sehe ñua sãre. Cohamacu yare sã yoachu ñua ã ni ñuboca sãre. Ti ã ñuborina jipanahta ã jiina jieraja sã musare yoadoho namona tana. <sup>14</sup> Cristo marine to cahichu ñua musare ã yoadohoja. To ã cahichu ñua to yare ã yahurucuja sã. Cũirota Cristo jipihtina mari ñaa buhirire yariari jire. To ã yariari baharo mari sehe jipihtina mari ñaa buhirire yariarina yoaro sehe jina, ñaare yoa namo duaeraja. <sup>15</sup> Jipihtina mari ñaa buhiri yariari jire tiro Cohamacu ya dihtare mari yoahito sehe. Mari mu sũro yoa dutieraro, to cahmaa sehere marine yoa dutiro yariari jire tiro. Tiro sehe mari yaro jiborirore yariaro, masa mujari jire. <sup>16</sup> ã jina mipũre sã mu sũro masare “Noaina jira. Ñaina jira”, ni ñueraja sã. Panopũ sã mu sũro yoaa timai. ã jina Cristore masierahi. <sup>17</sup> ã jina Cristo yaina wahana wahma masa bajuaina yoaro sehe wahaja mari. Panopũre mari mu sũro mari tuhutumare, mari yoamarire duhunocaja mari. Mipũre wahma masa bajuaina yoaro sehe jina, noaa sehere cohtotana, Cohamacu ya dihtare yoa duaja mari.

<sup>18</sup> Cohamacu sehe marine noaa sehere cohtochu yoare. Cohamacure ñu tuhtiina mari jichu ñuno Cristo sehe mari ñaa buhiri tiare cohãre. ã cohãno mari ñu tuhtirire duhuchu yoare tiro. ã yoachu yoare Cohamacu Cristore. ã yoaro sãre to yare buhe dutiro cũre. ã buhena, painare Cohamacu mehne ti ñu tuhtirire duhuchu yoaja sã cũhu. <sup>19</sup> Õ sehe masare yahu dutire Cohamacu sãre: “Cristore mari wacũ tuachu ñuno mari ñaa buhirire buhiri dahrerara Cohamacu marine. ã yoaro marine ñu tuhtiro cjiro jiparota tiro marine to yaina jichu yoara”, ni yahu dutire Cohamacu sãre. <sup>20</sup> ã jina Cristo yare buhehtina to cũrina jija sã. Cohamacu musare to yahuboriro seheta sã sehe õ sehe ni musare yahuja: Cristore yahubasana nija. ã jina musare bosaja. Cohamacure musa ñu tuhtiare tó purota duhuga. <sup>21</sup> Cristo ñaare to yoerapachuta Cohamacu sehe tirore mari ñaa buhirire yaria dutiri jire. ã yoaro mari ñaa buhirire buhiri dahreri jire Cohamacu tirore. ã jiro Cristo yaina mari wahachu Cohamacu yoaro sehe noaina jichu yoare tiro marine.

## 6

<sup>1</sup> Cohamacu yare buhedohoina jija sã. ã jina ahrire tuaro musare yoa dutija sã. Cohamacu yare noaa buheare musa tuhoro sehetã yoaga musa. Musã tuhoro sehe musa yoerachu tí musa tuhoro yaba cjihti jierara. <sup>2</sup> Õ sehe nina Cohamacu: “Yũ quihõri pjare, musare yũ noano yoahiti pjare musa siniare tuho, yũhtihĩ. ã yoacu musare yũ yũhõhti dachore musare yoadohohĩ”, nina tiro. Tuhoga musa. Mipũre Cohamacu musare to noano yoahiti pja jira. Mipũre Cohamacu musare to yũhõhti dacho jira.

<sup>3</sup> Ne mahanocã painare ñano yoeraja sã. Painare ne ñano ni durucueraja, “Noaa buheare musare sã buheare cahmaerari”, nina. <sup>4</sup> ã jina Cohamacure dahra cohtaina sã jiare musare masichu yoa duaja. Õ sehe jija sã: Ñano yũhdũna, paina ti ñano yoarina jina cũhu ã tuhutonocaja. Sãre ti ñano yoapachuta suaro marieno jija. <sup>5</sup> Õ seheta ñano yũhdũni sã: Masa sãre cjãchu, peresu ti yoachu, payũ masa sãre wajã dua ti saũurucuchũ, ñano yũhdũni sã. Sã tuaro dahra wahyana, wũjo purĩpachuta carĩerana, jũca baana ñano yũhdũni. <sup>6</sup> Numiare ã ñunocai. ã jina ne ñano yoerahi. ã yoa Cohamacu yare noano masi buhei musare. Tuhsũ, ne suaerahi sã. ã yoa noano niji siaro mehne yoai sã musare. ã yoana Cohamacure dahra cohtaina sã jiare masichu yoana nii sã musare. Espĩritu Santo to yoadohoa mehne Cohamacure dahra cohtaina sã jiare masichu yoana nii musare. Potocã musare sã cahichu ñua, tirore dahra cohtaina sã jiare masina musa. <sup>7</sup> ã jina noaa buheare musare quihõno sã buhechu ñua, Cohamacu tuua mehne sã yoachu ñua tirore dahra cohtaina sã jiare masina musa. Noaa sehe jipihtia sã yoari cjiri sã wamoã yoaro sehe jira noano sã ducatahto sehe. Tĩ noare yoana watĩnore sã ducatahana nija. ã yoana tí noare sã yoari mehne tirore sã yũhdũrucaja. <sup>8</sup> Paina sãre ño payora. Paina sehe sãre ño payoerara. Paina noano ni durucura sãre. Quihõno sã buhepachuta “Mahõnoina jira”, ni

yahusāna paina sehe sāre. <sup>9</sup> Paina sāre ñu masiina jipahta sāre ñu masieraina yoaro sehe yoara. Sāre ti wajā duapachuta catisinija sā. Ñuga sāre. Potocā tjira. Sāre buhiri dahre ti cjāchũ, yarierasiniya sā. <sup>10</sup> Sā cāa tahari cahyaina jipanahta, ā wahcherucuja. Pjacuoina jipanahta painare noaa buheare buhena tinare pjíro pachere sā waboro seheta yoana nija tinare. Paye baro cjuāeraina jipanahta, potocāta Cohamacũ yare cjuā pahñonocaja sā.

<sup>11</sup> Ne Corinto macaina yũ coyea mūsare noano mehne yahu pahñõ joahi sā mūsare. Mūsare tuaro cahĩna, ā yahuhi mūsare. <sup>12</sup> Sā sehe mūsare cahĩ duhueraja. Mūsa sehe sāre cahĩera curera. <sup>13</sup> Ā yoa pohna ticũ yũ pohñare yũ yahuboro seheta mūsare yahuihtja: Mūsare sā tuhoturiro seheta mūsa cũhũ āta noano tuhutuga sāre. Ā jina sāre cahĩga mūsa cũhũ.

*Cristore cahmaerainare piti ti dutieraha Paulo*

<sup>14</sup> Ā yoana Cristore cahmaeraina mehne ā piti tirucuena tjiga. Tina mehne macaina jiena tjiga. Cũno potori jierara mūsa. Noaare yoariro ñaare yoariro mehne noano ji masierara. Cohamacũre cahmaina Cohamacũre cahmaeraina mehne noano cahma piti ti masierara, buhriaro nahitiano mehne to ji masieraro seheta. <sup>15</sup> Ā jia Cristo watĩno mehne cũno potori tuhutuerara. Ā yoa Cristo yairo, Cristore cahmaerariro mehne noano cahma piti ti masierara. <sup>16</sup> Cohamacũ wũhũi “Cohamacũ jira”, ti nia masũrine mari cjuachũ ñaa nina. To ya wũhũi tí masũrine mari cũchũ tó wahaerara. Tó seheta Cristo yaina Cristore cahmaeraina mehne mari piti tirucuchũ cũhũre ñaa nina. Tina pũa curua cũno mehne ji masierara. Cohamacũ catiriro to wũhũ yoaro seheta jija mari. To wũhũi to jiro seheta mari mehne jira tiro. Ō seheta nina Cohamacũ:

“Tina mehne jiihtja yũhũ.

Ti watoi ā jirucuihtja.

Yũhũ Cohamacũ ti pũhtoro jiihtja.

Ā jia tina sehe yũ yaina masa jahca”,  
nina tiro.

<sup>17</sup> Ā yoa ō sehe ni namona tiro mari pũhtoro:

“Ñaina mehne tjuaena tjiga.

Tinare piti tienā tjiga.

Cristore cahmaeraina ti ñaa yoaare ñũ cũena tjiga.

Mūsa ā yũhũre yũhtichũ ñũcũ, yũhũ sehe mūsare piti tihtja.

<sup>18</sup> Ā jicũ mūsa Pũcũ jiihtja.

Mūsa sehe yũ pohna jinahca”,

nina Cohamacũ mari pũhtoro tua yũhdũariro.

7

<sup>1</sup> Yũ coyea, yũ cahĩina, ahri jipihtiare Cohamacũ to ā ni yahuchũ tuhona jipihtiare ñaa yoaare duhujihna mari. Ñaa wacũa cũhũre duhujihna mari. Cohamacũre noano ñõ payoa mehne ñaa buhiri tia marieno jijihna mari.

*Paulo wahchea mehne yahuha Corinto macainare*

<sup>2</sup> Noano mehne jiga mūsa sā mehne. Ne mahanocā mehne ñano yoaerahi sā mūsare. Ā yoa tuhsũ, mūsare buhena, ne mūsare dojomehnerahi. Ne cũiro mūsa mehne macarirore mahñõa mehne wapa cahmaerahi. <sup>3</sup> Ā nicũ mūsare tuhtii nieraja. Mūsare yahu tuhsũhi. Sā yajeripohnari mehne tuaro cahĩja sā mūsare. Catisinina mūsare ā cahĩrucunahca. Mari yariari baharopũ cũhũre mūsare ā cahĩrucunahca. <sup>4</sup> Yũ niriro seheta mūsa yoarire, mūsa yoahiti cũhũre masija yũhũ. Ā jicũ mūsare wacũrocacũ wahcheja. Sā ñano yũhdũaro watoi mūsa sehe yũhũre pjíro wahchechũ yoara.

<sup>5</sup> Ā yoa Macedonia yahpapũ sā sũri baharo tópu jina, ne soerahi sā. Tópure ñano yũhdũhi sā. Paina sā mehne cahma sayo yũhdũrucahre. Ā jina “Cristo yare duhuri”, nina Cristo yaina sehere cuisāhi sā. <sup>6</sup> Sā ā ñano yũhdũpachuta Cohamacũ sāre wahchechũ yoahre. Tiro cahyainare wahchechũ yoariro jira. Ā jiro Tito sā cahapũ to wihiro mehne

sāre wahchechũ yoahre Cohamacũ. <sup>7</sup> Tito to wihičũ ñũa wahchehi. Tirore mũsa wahchechũ yoarire sāre to yahuchũ wahchehi. Ahri cũhũre wahchehi. Mũsare to quti yahuchũ cũhũre tuaro wahchehi sã. Yũhũre mũsa ñũ duarire yahuhre sāre. Yũhũre mũsa cahya mũsa pjĩro tũhoturi cũhũre yahuhre tiro. To ã ni yahuchũ tũhocũ pjĩro wahchehi yũhũ.

<sup>8</sup> Tó pano yũ joarocari pũ mehne mũsare cahyachũ yoamahi. ã yoaricũ jipaihta cahyaeraja yũhũ sehe. Tí pũre mũsa buheri baharo cahyayuhti mũsa. Tuhsũ, mahanočãta cahya duhyuhti mũsa. ã jicũ wahma joaroca mũhtacũ cahyapaihta mipũre cahyaeraja. <sup>9</sup> Mipũ pinihtare wahcheja yũhũ. Mũsa cahyachũ tũhocũ wahcheraja. Wiho mejeta ã cahyana, mũsa ñaare tũhotumarire cohtotayuhti mũsa. ã mũsa cahyachũ ñũno, Cohamacũ sehe to cahmano seheta mũsa ñaare tũhotumarire cohtotachũ yoari jira. ã jina mũsare cahyachũ yoana, ñano yoa dojomehnena nierahi sã mũsare. <sup>10</sup> ã jina Cohamacũ to cahmano seheta cahyana, mari ñaare tũhotumarire cahyanahca. Cohamacũ to cahmano seheta cohtotahanca. Tó sehe mari cahyachũ ñũno marine pichacapũ wahaborinare yũhdora Cohamacũ. Mari ã cahyachũ noa nina marine. Cristore cahmaeraina sehe ti ñaare tũhotumarire cahyaerapahta, ã cahyamacanocaa, pichacapũ wahahtina jisinina. <sup>11</sup> Mũsa sehe Cohamacũ to cahmano seheta cahyayuhti. Mũsa ã cahyana õ sehe yoayuhti mũsa: Mipũre ñaare yoinare ã ñũnocaerayuhti mũsa. Tinare duhu dutiyuhti mũsa. ã jina ti ñaa yoaare cuiyuhti mũsa “Tina yoaro sehe sã yoari”, nina. ã yoana yũhũre ñũ duayuhti mũsa. Tuhsũ, ñaare yoaritore buhiri dahre duayuhti mũsa. Tí jipihtiare mũsa yoana mipũre quihõno yoina mũsa jirire masichũ yoahre mũsa sāre. <sup>12</sup> Panopũ ñano yoaritore mũsare yahu joarocapaihta tirore yoadohocũ tacũ ã ni yahu joarocaerahi. To ñano yoa payoriro cũhũre yoadohocũ tacũ ã ni joarocaerahi. Mũsa sehere yoadohocũ tacũ tí pũre joarocahi. Sãre noano ño payora mũsa Cohamacũ to ñũrocaroi. Tíre mũsa ño payorire noano mũsa masihto sehe tí pũre joarocahi mũsare. Cohamacũ tíre mũsare masichũ cahmare. <sup>13</sup> ã jina Tito mũsa yoarire to quti yahuchũ tũhona tuaro wahchehi sã.

Tito cũhũ tuaro wahchere. Tirore mũsa noano mehne mũsa piti bocachũ tũhona, mũsa mehne to wahcherire tũhona sã cũhũ noano wahchehi. <sup>14</sup> Wahmanopũ mũsa cahapũ to wahahto pano mũsa mehne yũ wahcherire, noaina mũsa jirire yahuhĩ tirore. Yũ ã yahuchũ yũ niriro seheta noano yoayuhti mũsa tirore. ã jicũ tirore yũ nirire bũo tieraja. Mũsare quihõno ã yahurucuja sã. Tó seheta Tito cũhũre quihõno sã yahuhĩ mũsare to ñũriro seheta. <sup>15</sup> Mũsa cahapũ to sũchũ ño payoa mehne tirore piti bocayuhti mũsa. Mũsa ã piti bocachũ, noano yũhtiina, yũhdũrũcaro marieina mũsa jichũ ñũyuhti tiro. ã jiro mũsare cahĩ namono nina tiro. <sup>16</sup> Mipũre noano yũhtiina, Cohamacũ to cahmano seheta mũsa noano yoa pahõoina mũsa jichũ noano masija yũhũ. ã masicũ tuaro wahcheja.

## 8

### *Cristo yaina jina, painare ã wanocano cahmana marine*

<sup>1</sup> Sã coyea, ahri yũ yahuhĩre mũsare masichũ cahmaja sã. Cristo yaina Macedonia yahpa macaina Cohamacũ cahĩa mehne to pja ñũa mehne ti yoarire mũsare yahuhĩtja. <sup>2</sup> Tina ñano yũhdũpahta, niñeru maeraina jipahta niñerure cahĩno marieno ã wanocahre pjacũoinare Jesu yainare. Cristo mehne tuaro wahcheina jia, tina Judea yahpa macainare noano mehne ti cjuare ã wanocahre. <sup>3</sup> Mũsare niita nija. Tina ti cjuaro puro wahre. Jierara. Bui curero wahre. Sã sinibasaerapachũta pjacũoinare wahre tina. <sup>4</sup> Cohamacũ yainare pjacũoinare tuaro yoadoho dua, “Macedonia macainare tuaro wa duaja sã”, nire tina sāre. <sup>5</sup> “Õ puro waahca”, tinare sã ni tũhoturiro bui curero wahre tina. Õ sehe yoahre tina: Wahmanore niñerure ti wahto pano mari pũhtoro Cristo to cahmano seheta yoa pahõori jihre tina. ã yoa tuhsũ, Cohamacũ to cahmano seheta sã cũhũre ño payoa mehne yũhtiri jihre. ã yoaina jia tina niñerure wahre. <sup>6</sup> Ti ã wa tuhsũchũ ñũa Titore sã sehe

õ sehe nihi: “Corinto macainare m̄ buhe d̄ucariro seheta noano mehne p̄jac̄uoinare ti wahtore buhe pahñoga”, nihi sã tirore. M̄sa c̄ũh̄u painare p̄ja ñ̄na, m̄sa yoadohohto sehe ã nihi tirore. <sup>7</sup> M̄sa sehe jipihitiare noano yoaina ji tuhs̄ura: Cristore potocãta noano wac̄ũ tuara m̄sa. ã jina to yare noano yahura m̄sa. ã yoa Cohamac̄u yare noano masina m̄sa. ã masina, Cohamac̄u to cahmano seheta tuaro yoa duara m̄sa. ã yoa sãre cahña m̄sa. Õ seheta noano yoaina ji tuhs̄ura m̄sa. M̄sa ã noaina jipach̄uta mahanocã d̄hs̄asinina mini m̄sare. P̄jac̄uoina pinihtare m̄sa p̄ja ñ̄ch̄u cahmaja sã. ã jina jiape nino marieno tinare noano mehne m̄sa p̄j̄iro wach̄u cahmaja sã.

<sup>8</sup> ã nic̄u m̄sare dutii waro nieraja. ã ni yahuita nija m̄sare. Paina p̄jac̄uoinare ti tuaro yoadohore m̄sare yahui nija. “¿Potocãta p̄ja ñ̄ina j̄jari m̄sa?” ni masi duai nija. <sup>9</sup> Mari p̄h̄toro Jesucristo sehe marine to p̄ja ñ̄ire masina m̄sa. Tí to p̄ja ñ̄ri potocã tjira. Tiro m̄nanop̄u p̄j̄iro c̄uar̄iro jiparota ahri yahp̄ap̄u taro p̄jac̄uor̄iro wahari jire. ã yoaro mari yaro jibor̄irore yariaro p̄jac̄uor̄iro wahari jire. Õ sehe wahari jire tiro mari sehe to yare p̄j̄iro mari c̄uahto sehe, tiro mehne mari ã jirucuhto sehe.

<sup>10</sup> M̄sare ã yahuita nija noaare m̄sa masihto sehe. Õ sehe ni tuh̄otuja ȳh̄u sehe p̄ja c̄uoinare m̄sa wahtire: C̄ũ cahma wahara p̄ja c̄uoinare m̄sa wahtire m̄sa wihbori baharo. Tí ȳh̄doro noano yoayuhti m̄sa. Paina ti wa duahto pano m̄sa sehe p̄jac̄uoinare wa dua m̄htayuhti. <sup>11</sup> ã jina m̄sa wa dua m̄htar̄iro seheta mip̄re noano waga tinare. ã yoana p̄j̄iro c̄uaina jina, p̄j̄iro waga. Mahanocã c̄uaina jina, mahanocã waga. <sup>12</sup> Tuaro m̄sa wa duach̄u tíre m̄sa warire Cohamac̄u wahcherohca. ã jina noho m̄sa wa duaro puro waga. M̄sa war̄iro purota m̄sa wach̄u wahcherohca Cohamac̄u. “P̄jac̄uoinare wa ȳhdoga”, m̄sare nino nierara tiro.

<sup>13</sup> “P̄jac̄uoinare waga”, nic̄u tinare p̄j̄iro c̄ua dutic̄u nieraja. ã jic̄u m̄sa sehere p̄jac̄uoina jich̄u yoa duaeraja.

M̄sare c̄ũno potori c̄ua dutic̄u ã nii nija. <sup>14</sup> Mip̄re m̄sa sehe p̄j̄iro c̄uara. ã c̄uana paye baro maerainare wa masina m̄sa. Baharo m̄sare paye baro maerach̄u tina c̄ũh̄u wa masina m̄sare. M̄sa ã cahma wana c̄ũno potori c̄uanahca jipihitina Cristo yaina. <sup>15</sup> Õ sehe nina Cohamac̄u yare ti joari p̄i: “P̄j̄iro nar̄iro c̄ũh̄u paina bui curero c̄uaerare. Mahanocã nar̄iro c̄ũh̄u ne mahanocã d̄hs̄aerare”, nina Cohamac̄u yare ti joari p̄i.

*Tito tó mehne macaina mehne Corintop̄u wahaha*

<sup>16</sup> ã yoa m̄sare ȳu yoadohor̄iro seheta Tito c̄ũh̄u m̄sare yoadoho duara. Cohamac̄u sehe m̄sare to yoadoho duach̄u yoahre tirore. To ã yoach̄u ñ̄sc̄u “Noana”, nija Cohamac̄ure. <sup>17</sup> Titore m̄sa cahap̄u sã waha dutich̄u tiro noano mehne ȳhtihre. Tirore sã waha dutihto panop̄uta to basita m̄sa cahap̄u tuaro waha dua tuhs̄ur̄iro jire.

<sup>18</sup> Tirore paio Jesu yairo mehne piti dahrerocahi sã tirore. Tito pitire jipihitina paina Jesu yaina noano ño payora. Noaa buheare to noano yahur̄iro jich̄u ñ̄na tirore noano ño payora. <sup>19</sup> ã jia Jesu yaina tirore cahmahre sã mehne to tinino wahahto sehe. Tí niñerure p̄jac̄uoina cahap̄u sã naach̄u sã mehne wahahtirore cahmahre tirore. ã jia tí niñerure sã wabasach̄u ñ̄na “Marire yoadohor̄iro jira”, niahca masa Cohamac̄ure. Sã ã wabasana tinare tuaro mari yoadoho duar̄ire masich̄u yoanahca tinare. <sup>20</sup> ã jina ahri niñerure, p̄j̄iro Jesu yaina ti warire naabasana, noano ñ̄u wihbonahca ti warocarire, “Sãre yahusãri”, nina. <sup>21</sup> Mari p̄h̄toro to ñ̄urocaroi quihõno, noano yoa duaja sã. Masa ti ñ̄urocaro c̄ũh̄u quihõno yoa duaja.

<sup>22</sup> ã yoana tana paioire mari coyeirore warocanahca Tito c̄ũh̄u mehne. Sã piti dahrerocar̄irore payu tahari painare to noano yoadohoch̄u ñ̄hi sã. ã jiro mip̄re m̄sa sehe painare m̄sa yoadoho duach̄u ñ̄no tiro tó pano to yoar̄iro ȳh̄doro noano m̄sare yoadoho duara. <sup>23</sup> Tito sehere m̄sare yahuitja. Tiro ȳu piti jira. M̄sare ȳu yoadohoch̄u tiro ȳh̄u mehne dahrar̄iro jira. Paina tiro mehne wahahtina Jesu yaina ti beserina ti warocarina jira. Tina Cristo yare yoara paina tirore ti ño payohto sehe. <sup>24</sup> ã jina cahña mehne noano mehne tinare piti bocaga m̄sa. M̄sa ã yoach̄u ñ̄na paina Jesu yaina

sehe m̄sa cahĩare masiahca. “Noano piti bocaahca Corinto macaina”, ni yahu tuhs̄hi painare. M̄sa ã noano piti bocach̄ ñ̄ca tí sã yahuri cjiri quihõno ti jich̄ masiahca paina Jesu yaina.

## 9

*Jesu yainare p̄jac̄oinare ti wahtore yahuha Paulo*

<sup>1</sup> ã yoana Cohamac̄u yainare m̄sa yoadohohtore m̄sa wahtore masi tuhs̄ra m̄sa. <sup>2</sup> Painare m̄sa yoadoho duaare masija ȳh̄. ã masic̄ Macedonia yahpa macainare õ sehe ni yahuh̄i: “Corinto macaina, ti ya yahpa Acaya yahpa macaina c̄h̄ Jesu yaina sehe painare yoadoho dua tuhs̄hre. C̄ c̄h̄ma ȳhd̄ra ti yoadoho duariro”, ni yahu tuhs̄hi tinare m̄sare. M̄sa ã yoadoho duach̄ t̄hoã paȳ tina c̄h̄ p̄jac̄oinare yoadoho duahre. <sup>3</sup> M̄sare ã ni yahuriro jic̄ mip̄re ahrinare mari coyeare m̄sa cahap̄ warocai tai nija, Macedonia yahpa macainare ȳ yahuriro seheta m̄sa yoah̄to sehe. ã jic̄ p̄jac̄oinare m̄sa wahtore m̄sa cahmachu m̄sa c̄ȳayuh̄to sehe ahrinare warocai nija. <sup>4</sup> Tinare warocaerac̄ Macedonia yahpa macaina mehne m̄sa cahap̄ s̄c̄, m̄sa wahtire m̄sa c̄ȳaerach̄ ñ̄c̄ b̄o tisãboã ȳh̄ m̄sare. “P̄jac̄oinare waahca”, m̄sare ȳ ni t̄hoturi baharo m̄sa waerach̄ ñ̄c̄ b̄o tisãboã ȳh̄. M̄sa c̄h̄ b̄oro ȳhd̄boã. <sup>5</sup> ã jic̄ m̄sa cahap̄re ȳ s̄h̄to pano tinare mari coyeare waroca m̄htai nija. “P̄jac̄oinare wanahca”, pano m̄sa nirire m̄sa c̄ȳayuh̄to sehe tinare waroca m̄htai nija. M̄sa wahtire m̄sa cahmachuch̄ tina sehe m̄sare yahu quihõahca. M̄sa wahtire m̄sa c̄ȳayuh̄ tuhs̄ch̄ wahchea mehne m̄sa wa duarire masiahca jipih̄tina. M̄sare sã wa dutiri jisi tí. M̄sa m̄ s̄ro m̄sa wari jiahca.

<sup>6</sup> ã jina ahrire wac̄ga m̄sa: Mahaa yaparicã toariro mahaa pocacã nanohca. Paȳ yapari toariro paȳ poca nanohca. (Tó sehe jira p̄jac̄oinare mari wach̄. Mahanocã mari wach̄, Cohamac̄u mahanocã warohca marine. P̄j̄ro mari wach̄, p̄j̄ro marine warohca.) <sup>7</sup> ã jina cãina m̄sa “Õ puro wanahtja”, ni waga. Niñerure cahĩno marieno waga. “Marine wa dutire”, nino marieno waga. Wahchea mehne wainare cahĩna Cohamac̄u. <sup>8</sup> Tiro sehe m̄sa cahmano ȳhd̄oro m̄sare warohca. ã jina jipih̄tia m̄sa cahmarire d̄hsaro marieno c̄ȳa pahñonahca. ã jia painare m̄sa wach̄ c̄h̄re noano m̄ s̄ahca m̄sa c̄ȳaa. <sup>9</sup> Õ sehe nina Cohamac̄u yare ti joari p̄i:

“P̄jac̄oinare p̄j̄ro wara Cohamac̄u.

Noano mehne masare ã yoarucura tiro”,

nina to yare ti joari p̄i. <sup>10</sup> ã jiro toaa dicha tiri baharo toariro to toah̄ti capare wara Cohamac̄u. Baharo to toarire dicha tich̄ yoara to ch̄htire. P̄jac̄oinare m̄sa p̄j̄ro wach̄ toarirore to wariro seheta m̄sa c̄h̄re p̄j̄ro warohca Cohamac̄u. Tó sehe dihta m̄sare warohca p̄jac̄oinare m̄sa wa namohto sehe. <sup>11</sup> ã tjira. P̄j̄ro warohca m̄sare painare p̄j̄ro m̄sa ã warucuh̄to sehe. ã jia m̄sa warocari niñerure p̄jac̄oinare sã wach̄ paȳ tina sehe Cohamac̄ure wahchea mehne “Noana”, niahca. <sup>12</sup> ã yoana p̄jac̄oinare Cohamac̄u yainare wana, tinare yoadohora m̄sa. ã yoadohona wahchea mehne Cohamac̄ure “Noana”, ti nich̄ yoanahca m̄sa. <sup>13</sup> ã painare m̄sa yoadohoch̄ ñ̄ca, Cohamac̄ure ño payoa mehne durucuahca masa. Tinare paina c̄h̄re p̄j̄ro m̄sa wach̄ ñ̄ca Cohamac̄ure “Noa ȳhd̄ariro jira”, niahca masa. Õ seheta niahca Cristo ya buhea noã buhea ti niriro seheta m̄sa yoach̄ ñ̄ca tinare m̄sa wach̄ ñ̄ca. <sup>14</sup> ã jia Cohamac̄u m̄sare tinare to wa dutich̄ m̄sa sehe tinare m̄sa p̄ja ñ̄ch̄ tina sehe m̄sare cahĩa mehne sini payoahca Cohamac̄ure. <sup>15</sup> Cohamac̄u marine noã ȳhd̄aro yoara. To ã yoarire masina “Noa ȳhd̄aro yoara”, nijihna mari tirore.

## 10

*Jesu buhe duti to c̄iro to jiare yahuha Paulo*

<sup>1</sup> Mip̄re ȳh̄ Paulo, m̄sare yahuh̄tja. Cãina m̄sa mehne macaina õ sehe nina ȳh̄re: “Mari mehne jiro painare ȳhd̄r̄ca duaerariro, wiho jiro yoaro sehe jira.

Ã jiparota pa seheru jiro marine cuiro marieno tuhtirocara”, nina musa caina yuhure. Cristo sehe ne suaerario, masare noano yoariro jira. Tiro yoaro seheta yuhu cuhu ji duaja. <sup>2</sup> Ã jicu musare ahrire tuaro mehne yahuihtja: Musa caharu yu sachu noano yoaga musa “Paulo sare tuhtiri”, nina. Caina yuhure o sehe nina: “Tiro to mu suro, Cohamacu to dutiro marieno yoara”, nina yuhure caina. To sehe niina pinihtare tuhtiboca yuhu. <sup>3</sup> Sa cuhu ahri yahpa macainata jina nija. Ã jipanahta ahri yahpa macaina ti mu suro ti yoaro sehe yoeraja sa, Cohamacu dutiare yoana. <sup>4</sup> Surara cahma waja ti yuhdurucario seheta sa sehe naare yuhduruca duaja. Ti naare yoa duaeraja. Sa a yochu sa wamoahri yahpa macaina ti wamoahri yoaro sehe jierara. Surara ti wamoahri ti cuaro seheta sa sehe Cohamacu to tuaare cuaja. Ti tuaa mehne Cohamacure cahma dutierainare cohaja sa. Masa ti mu suro ti masiare ti yaba cjihti jierachu masichu yoaja sa ti tuaa mehne. <sup>5</sup> Tuhsu, jipihtina yuhduruca duainare, ti mu suro tuhutuinare, Cohamacure masi dutieraina sehere duhuchu yoaja sa. Ã yoa ti tuaa mehne Cohamacure cahmaerainare Cristore noano yuhtiina ti jichu yoaja sa. Cristo to cahmano seheta tinare tuhutuchu yoaja sa. <sup>6</sup> Ã yoa, paina musa mehne macaina Cristore ti yuhdurucachu nuna tinare buhiri dahrenahca sa. Musa sehe musa noano yuhtiri baharo Cristore yuhdurucainare a buhiri dahrehtinata jinahca sa.

<sup>7</sup> Yu pjacu dihtare masina musa. Yu jia tia sehere ne masierara musa. “Cristo yaina jija”, niina jina, o sehe masiga musa: Sa cuhu musa yoaro sehe Cristo yaina tjija. <sup>8</sup> “Mari puhtoro ya buheare noaa buheare buhe dutiro, cure sare”, nicu payu tahari musare a ni yahupaihta buo tieraja yuhu. Sare a buhe dutiro musare yoadohohtinare cure sare. Musare dojomehnehtinare cino nierare sare. <sup>9</sup> O seheta poto ni yahuja musare “Cuiri”, nicu. Ahri yu joarocari pure nuna musa nu cuachu cahmaeraja. <sup>10</sup> Caina musa mehne macaina o sehe nina: “Paulo joarocarot tuhtiro yoaro seheta joaroca mujana marine. Ã jiro jiparota mari mehne jiro ne a jica nierariro jira. Pjacuro yoaro sehe jira. Ã jia, marine to durucua yaba cjihti jierara”, nina caina. <sup>11</sup> To sehe niinare o sehe ni yahuihtja: “O seheta yoanahca”, sa ni joarocariro seheta to seheta yoanahca sa, musa cahai jina.

<sup>12</sup> Caina musa mehne macaina “Noano masi pahoina jija”, ni durucua ti basi. Cuenah, noacaro masiina jijari tina a ni durucua. Sa sehe ti yoaro sehe ne a ni durucusi. Ti basi cahma nu piti boca “Mari sehe noa yuhdurucaina jija”, nina tina ti basi. Taho masieraina jira tina. <sup>13</sup> Sa sehe tina yoaro sehe yoasi. Cohamacu sare buhe dutiro to curi dihtare yahuja sa sehe musare. Paina ya dahraare “Yoahi”, nina nieraja. Tiro musare buhe dutiro sare cure. <sup>14</sup> O sehe nina, mahnona nieraja sa. Noaa buheare Cristo yare musare buhe muhtana suhi sa. Ã jina Cohamacu sare buhe dutiro to curi dihtare buhena nija musare. <sup>15</sup> Ã jina paina ya dahraare “Sa sehe tire yoahi”, ne nieraja sa. Wiho mejeta Cristore musa wacu tua namochu cahmaja sa. A cahmana musare buhe namo duaja sa. Ã buhena Cohamacu to dutiriro purota buhe duaja musare. <sup>16</sup> Ã yoa musa ya yahpa yuhduroru noaa buheare yahuna wahanahca. A wahana paina ti buheri baharo suna, “Sa buhehi”, nisi sa.

<sup>17</sup> Mari yoare “Sata yoaja”, nieraro cahmana. Mari puhtoro Jesu to yoaa sehere nuna wahchero cahmana. Ti sehere painare yahuro cahmana. <sup>18</sup> Masa ti basi “Sa sehe yoahi”, ti nichu ji coerara Cohamacu. Mari puhtoro Cristo “Ahrina noano yoare”, to niina sehere ji coara Cohamacu.

## 11

### *“Jesu to curina jija sa”, ni mahnoinare yahuha Paulo*

<sup>1</sup> Yu jia tiare yahucu tuho masierariro yoaro sehe yahui nija. A yahuriro yu jipachuta yuhure tuhosinga musa mipure. <sup>2</sup> Cohamacu musare to cahino seheta tuaro cahija yuhu cuhu musare. Cristo yare musare yu buhechu tuhona tirore wacu tua ducare musa. A jicu ahrire nija musare: Manu tihticoro to manuno cjihto dihtare to cahino seheta, Cristo sehere tuaro cahiga painare musa cahiro yuhdoro. To sehe yoaina naa buhiri



tia marieina m̄sa jich̄u m̄sare Cristore wa dua ja to yaina cjihtire. Tó sehe j̄inare, “Tinare m̄h̄ure waihtja”, nihi Cristore. <sup>3</sup> Paina ñaina m̄sare mah̄ñoa, soro jia buheare cahmach̄u yoaboca m̄sare. Agã Evare mah̄ñoa to masia mehne ticorore Cohamac̄ure to ȳhd̄ur̄cach̄u yoari jire panop̄ure. To ã yoariro seheta mip̄ure ñaina m̄sare mah̄ñoa, Cristore m̄sare noano ño payoerach̄u yoaboca. ã jic̄u m̄sare cuisãja. <sup>4</sup> Tina “Õ sehe j̄iro jira Jesu”, ti m̄ s̄uro soro ni ti mah̄ño buhepach̄uta t̄hoyuhca m̄sa. M̄sare sã buheriro sehe jierapach̄uta m̄sare mah̄ño buheinare t̄hoyuhca m̄sa. Tuhs̄u, “Õ sehe j̄iro jira Esp̄iritu Santo”, ti m̄ s̄uro soro ni ti mah̄ño buhepach̄uta t̄hoyuhca m̄sa. M̄sare sã buheriro Esp̄iritu Santo waro jira. Tiro sehere quih̄ono ti yahuerapach̄uta m̄sare mah̄ño buheinare t̄hoyuhca m̄sa. Tina soro jia buheare ti mah̄ño buhech̄u noa buheare ti buherapach̄uta t̄re t̄hoyuhca m̄sa. <sup>5</sup> M̄sa mehne macaina “Jesu to c̄rina jija”, n̄marina ȳh̄ure masi ȳhd̄ur̄caerara. Tinare docar̄caeraja ȳh̄u. <sup>6</sup> Noano yahu mih̄niriro jieraboca ȳh̄u. Noano yahu mih̄nierapaihta Cohamac̄u yare noano masija. Ȳ ã masiare paȳ tahari m̄sare noano masich̄u yoahi.

<sup>7</sup> Noa buheare Cohamac̄u yare m̄sare buhec̄u ne wapa cahmaerahi. M̄sare yoadoho duac̄u wapa cahmaerahi. Wiho j̄iro yoaro sehe j̄i ȳh̄u. ¿Ȳ ã wapa cahmaerach̄u noajerari, m̄sa t̄hotuch̄u? <sup>8</sup> M̄sare ȳ buhech̄u paye macari macaina Jesu yaina ȳh̄ure niñerure ware. Ti ã wach̄u tí niñerure ñahai sinino marieno m̄sare buhei tai. M̄sa sehe ȳh̄ure m̄sa waborirore tina sehe ȳh̄ure ware. <sup>9</sup> M̄sa mehne jic̄u paye baro ȳh̄ure d̄hsapach̄uta m̄sare niñerure ne sinierahi. Mari coyea Macedonia yahpa macaina Jesu yaina j̄ihtiia ȳ cahmarire na wihire ȳh̄ure. Panop̄ure m̄sare ne cariboerahi ȳh̄u. Baharop̄u c̄h̄ure m̄sare ne caribosi. <sup>10</sup> Cristo potocãta to yahuriro seheta ȳh̄u c̄h̄u mip̄ure m̄sare potocãta yahui nija. J̄ihtiia Acaya yahpai j̄inare ahri m̄sare ȳ sinierari c̄j̄ire ã yahurucuihtja. <sup>11</sup> ¿M̄sare ȳ sinierari c̄j̄ire painare ȳ ã yahurucuch̄u t̄hona, dohse ni t̄hotujari m̄sa? “Paulo ã ni yahuro sãre cah̄eraro nina”, ¿ni t̄hotujari m̄sa? Jierara. M̄sare cah̄ija. M̄sare ȳ cah̄iare Cohamac̄u masina.

<sup>12</sup> Wapa cahmano marieno m̄sare ȳ buhe d̄cariro seheta sohtori tihtja. Ȳ buheri wapa ȳ wapa nach̄u ñua tina “Jesu to c̄rina jija”, ni mah̄ñoa ã sehe niboca: “Paulo noa buheare buhero, wapa nana. ã jina sã c̄h̄u to yoaro seheta yoaja”, niboca tina “Paulo yoaro sehe yoaja sã”, ni duaa. “ã niri” nic̄u, wapa cahmano marieno buhehtja m̄sare. <sup>13</sup> Tina potocãta Jesu to c̄rina waro jierara. Tinare ne c̄erare tiro. “Jesu to c̄rina jija”, ni mah̄ñoa, sã yoaro seheta jimana. <sup>14</sup> Ti ã mah̄ñoa jich̄u masi tuhs̄uja ȳh̄u. Satana c̄h̄u noariro yoaro sehe cohtota m̄jana. Tiro anjo si siteriro yoaro sehe j̄i duaro cohtotamana. <sup>15</sup> To ã yoariro jich̄u masic̄u Satana yaina “Jesu to c̄rina jija”, ni mah̄ñoa Cohamac̄ure yoadohoina yoaro sehe ti mah̄ñoa jich̄u ñuc̄u, mah̄ñoa ti jiare masi tuhs̄uja ȳh̄u. ã mah̄ñoa ti jich̄u ñuno, pihtiri dacho jich̄u j̄ihtiia ti ñano yoari buhirire buhiri dahrerohca Cohamac̄u tinare.

#### To ñano ȳhd̄ur̄ire yahuha Paulo

<sup>16</sup> Pari turi ahrire m̄sare yahuihtja. Ne “T̄ho masierariro jira”, ȳh̄ure niena t̄jiga. Ȳ ã ni dutierapach̄uta ȳh̄ure m̄sa ã ni t̄hotuch̄u noanohca ȳh̄ure. “T̄ho masierariro jira”, ȳh̄ure ni t̄hotupanahta t̄hosiniga m̄sa ȳh̄ure. Mahanocã ȳ jia tiare ȳ yahuch̄u t̄hoga m̄sa. <sup>17</sup> M̄sare ã yahuc̄u t̄ho masierariro yoaro sehe yoai nija. Mari p̄htoro Jesu ȳh̄ure “M̄ basi m̄ jia tiare yahuga”, nierare ȳh̄ure. <sup>18</sup> To ã nierapach̄uta ahrire yahuihtja m̄sare. Ti m̄ s̄uro “Noaina jija”, niina paȳ paina ti jich̄u ñuc̄u ȳh̄u c̄h̄u ȳ jia tiare m̄sare yahuihtja. <sup>19</sup> M̄sa sehe t̄ho masierainare t̄hona wahchea mehne ñ̄yuhca m̄sa tinare. Noacaro masiina j̄jari m̄sa sehe ã t̄hona. <sup>20</sup> M̄sare cahamaca ti dahrech̄u, m̄sare ti wapa cahmach̄u, m̄sa yare ti mach̄u, ã ñ̄nocahna m̄sa. ã yoa m̄sare ti doca dahrech̄u, m̄sa wahsupurire ti c̄j̄ach̄u, ã t̄hotunocahna m̄sa. <sup>21</sup> Noacaro yoajari m̄sare tina. Cue, masare ȳhd̄ur̄caina j̄jari tina. Sã sehe tina yoaro sehe ȳhd̄ur̄caina jieraja.

Ã jina tina yoaro sehe yoeraja. Tina yoaro sehe jierapaihta tina “Õ sehe jiina jija”, ti nichu tuhocu yuhu cûhu ãta ni yahuboca. Pari turi tuho masierariro yoaro sehe yoacu, õ sehe ni yahuihtja musare tjoa. <sup>22</sup> Tina “Hebreo masa jija”, nina painare yuhduruca duaa. Hebreo masunota jimaja yuhu cûhu. “Israe masa Cohamacu to beserina jija”, nina tina tjoa. Ti yoaro seheta to beserirota jimaja yuhu cûhu. “Abrahã cjiro panamana ji turiaina jija”, nina tina tjoa painare yuhduruca duaa. Ti yoaro seheta Abrahã panaminota jimaja yuhu cûhu. <sup>23</sup> “Cristo cahamaca jija”, nina tina tjoa. Yuhu cûhu Cristo cahamacunota jija. Tina yuhdoro Cristo yare noano yoaja yuhu. Cuenah, ã nicu tuho masierariro yoaro sehe durucui nija. Tina yuhdoro tuaro mehne dahrai yuhu Cristo yare yoacu. Payu tahari tina yuhdoro Cristo yairo yu jiri buhiri peresu yoare paina yuhure. Tina yuhdoro payu tahari tjanare yuhure masa. Tina yuhdoro Cristo yairo yu jiri buhiri payu tahari masa yuhure wajã duamare. Ti ã wajã duachu mahanocã yuhdai yuhu ti wajãboriro. <sup>24</sup> Cinco tahari judio masa yuhure ñahare. Yuhure ti ñahape tahari treinta y nueve tahari yuhure tjanare. <sup>25</sup> Tia taha paina yuhure ñahare. ã ñahaa tina pinihta yuhure ñano yucari mehne cjãre. Pa tehe yuhure paina tãa mehne docare. Tia taha dohoria mehne tãcapu doca wahã su, minii. ã jicu cû dacho, cû ñami pjiri ma dacho macapure ba pahsai. <sup>26</sup> Payu tahari macaripure buhe tinii sui. Yu ã buhe tinichu cua yuhduare yuhure. Yuhure nu minihto cua nire. Yuhure yacahto cua nire. Yu ya dihta macaina judio masa, judio masa jieraina cûhu yuhure ñano yoahto cua nire. Macaripure, masa marienopure, pjiri mapure cûhure yuhure nu yariahto cua nire. “Muhure mehne macaina jija”, ni mahñoina cûhu yuhure ñano yoahto cua nire. <sup>27</sup> Cristo yare yoacu tuaro dahraa tii. ã dahracu ñano wahyaa tii. Payu tahari yuhure wujo ñano puripachuta ã dahrarucua tii. Ñano jaca baa tii. ã yoa ñahma yapioro jia tire yuhure. Payu tahari chua bocaeraa tii. Yu suhti sãaboa cûhu ne mariea tire yuhure. ã yoa yuhure yusua yuhdua tire.

<sup>28</sup> Õ sehe ñano yuhdupaihta dachoripe jipihtina paina Cristo yainare, musa cûhure pjiro wacû tuhotuja. <sup>29</sup> ã jicu cûiro Cristo yairo to ã jinocariro to jichu ñucû cahyaja. Paina Cristo yairore ñano yoa dutiboca. Ti ã yoachu ñucû Cristo yairore cuisãacu, tina ñaina mehne suaja. <sup>30</sup> Yahu duaerapaihta yu jia tiare yahui tacu, yu mu suro wiho jiriro yu jia tiare musare wahchea mehne yahuja. <sup>31</sup> Cohamacu mari puhtoro Jesu pucuro dachoripe mari ño payohtiro tirota musare yu mahñoerachu masina. Ahrire musare quihõno yahuihtja. <sup>32</sup> Damasco wama tiri macapure yu jichu ñano, cûiro puhtoro yuhure ñaha duamare. Jipihtina masa bui puhtoro Areta wama tiriro to docai jiriro puhtoro pinihta yuhure ñaha duamare. ã ñaha duaro tí maca macari sahrino, tãa mehne ti yoari sahrino macaa sopacaripe surarare cohta dutiri jire. <sup>33</sup> Ti ã cohtarato watoihata yuhu mehne macaina pjiri puhropure yuhure duhu sãa, tí sahrino macari sopacacãpure yuhure duhu borore. Tí sahrino baharo buhusehepure yuhure duhu borore. Ti ã duhu borori baharo duhti wahcãa wahai.

## 12

### *Cristo Paulore to ñorire yahuha Paulo*

<sup>1</sup> Yu jia tiare wahchea mehne yu yahuchu yaba cjihti jierara. To ã jipachuta yu jia tiare yahu namoihtja musare. Mari puhtoro Jesu yuhure to ñorire to masichu yoirire yahuihtja musare. <sup>2</sup> Õ sehe ño ducare tiro yuhure: Catorce cûhmari waro wahara yuhure Cristo yairore manopure to naa mujari baharo. Manopure ñahpichoha buipure yuhure naa mujare. Yu tuhotua dihtare to naachu masieraja yuhu. O yu pjacu cûhure to naachu ne masieraja. Cohamacu dihta tíre masina. <sup>3-4</sup> ã jiro paraíso wama tiropure naa mujare yuhure. Yu tuhotua dihtare to naachu masieraja yuhu. O yu pjacu cûhure to naachu masieraja. Cohamacu dihta tíre masina. To ã naa mujachu sucu tópure to yahuaire tuhoi. Tí yu tuhorire masa ne masierara. Tí to yahurire marine yahu dutierara. <sup>5</sup> Tó sehe yuhure to ñorine musare yahucu, “Yuhu cûirota painare yuhdurucariro jija”, niboia yuhu. ã nieraja yuhu. Yu mu suro masierariro yu jiare ñano yuhduriro, wiho jiriro yu

jiare wahchecū mūsare yahuihtja. Tí dihtare wahchecū mūsare yahuihtja. <sup>6</sup> “Painare yūhdūrūcaja”, mūsare ni yū yahu duachū yū niri cjiri potocā tjiboa. Tó sehe ni yahucū tūho masierariro jieraboa yūhū. Wiho mejeta “Ō sehe painare yūhdūrūcaja”, ni yahusi yūhū mūsare, “Cua pisaro choro yūhūre ñuri”, nicū. Yūhūre ñū masina ño payora mūsa. Mūsa ā ño payopachūta tí yūhdoro yūhūre mūsa ño payochū cahmaeraja. Yū yoarire ñūna, yū nirire tūhona quihōno mūsa ño payoriro yūhdoro yūhūre mūsa ño payochū cahmasāeraja mūsare.

<sup>7</sup> Cristo noa yūhdūare mūanore yūhūre to ñochū ñuriro jicū, “Painare yūhdūrūcaja”, niboca yūhū sehe. Ā yū nierahito sehe Satana yū pjacūre to duti dahrechū ñūno “Noanohca”, niri jire Cohamacū. Yūhūre duti dahreri jire Satana yūhūre ñano wahachū yoaro. Ahri dohatiro potaca sāano to purīno seheta yūhūre purīna. <sup>8</sup> Ō yū dohatirore yūhūre yūhdo duticū sinia timai Cristore mari pūhtorore. Tia taha sinia timai. <sup>9</sup> Ō sehe ni yūhtia tire yūhūre tiro: “Ō mū dohatiro pinihtare mūhūre yūhdūchū yoasi yūhū. Ā mūhūre yūhdoerapailta mūhūre cahīja. Yū cahīa mehne noano jiihca mūhū. Dohaticū ñano yūhdūriro, wiho jiriro jicū yū tuaare noano masichū yoaihca mūhū. Tuaina yūhdoro mūhū sehe yū tuaare masare masichū yoaihca”, ni yūhtia tire tiro yūhūre. To ā nichū tūhocū ñano yūhdūriro, wiho jiriro yū jiri cjirire masicū wahcheja. Ā jicū ñano yūhdūriro, wiho jiriro yū jiare mūsare wahchea mehne yahuihca. Ō seheta ni yahuihca Cristo to tuaa mehne yū noano jiare mūsa noano ñū masihtō sehe. <sup>10</sup> Ā jicū Cristo yairo yū jiri buhiri yūhūre purīchū wahcheja. Paina ñano yūhūre ti ni durucuchū, ñabiaro yūhdūcū wahcheja. Yūhūre ti ñano yoarucuchū, ñano yūhdūcū Cristo tuaa mehne cūno pjaja tirore wacū tuacū. Ā jicū wahcheja.

*Corinto macainare Cristo yainare pjíro cahya tūhotuha Paulo*

<sup>11</sup> Yū jia tiare yahucū tūho masierariro yoaro sehe yoahi yūhū. Yū ā yahupachūta tí mūsa ya buhiri jira. Mūsa sehe yū jia tiare painare noano yahuboa. Yūhū yū mū sūro jicū yaba cjihti jieraboa yūhū. Ā jiboriro jipailta “Jesu to cūrina, masi pahñoina jija”, ni mahñoinare docarūcaeraja yūhū. <sup>12</sup> Potocāta ñano yūhdūriro jipailta Cohamacū tuaa mehne yoa ñomai mūsare. Ā ñocū Jesu to cūriro yū jiare ñoi nimai mūsare. <sup>13</sup> Ō seheta yoamai. Paye macari macainare Jesu yainare mūsa cūhūre cūno potori yoaa timai yūhū. Wiho mejeta mūsa dihtare cariboerahi. Mūsa dihtare paye barore sinierahi. ¿Yū ā sinierachū ñaa nijari, mūsa tūhotuchū? Tí ñaa jichū tí ñaare boga mūsa yūhūre.

<sup>14</sup> Pūa taha mūsa caharū yū sūri baharo pari turi waha duaja tjoa. Tórpū sūcū mūsare caribosi yūhū. Paye barore sinisi yūhū mūsare. Mūsa yare cahmaeraja. Cristo ya sehere mūsa yūhtiina jichū cahmasāja yūhū. Masa pohna sehe ti pūcūsumare ti cahmaare waerara. Ti pūcūsuma sehe ti pohna cahmaa sehere wara. (Tó seheta mūsa yū pohna yoaro sehe jiina yū cahmaa sehere wasi mūsa.) <sup>15</sup> Ā jicū yūhū pinihta yū cjūaa sehere wa duaja mūsare yoadohocū tacū. Mūsa cahamacūno yoaro sehe ji duaja mūsare yoadohocū tacū. Mūsa sehere yū ā tuaro cahīpachūta yūhūre mūsa sehe pjiroca cahīna, yū tūhotuchū.

<sup>16</sup> Ā jicū mūsa mehne jicū mūsare cariboerahi. ¿Potocā tjijarita, mūsa tūhotuchū? Wiho mejeta cāina mūsa mehne macaina ō sehe niboca: “Paulo paye baro marine na duaro mahñore marine”, niboca. <sup>17</sup> ¿Mūsa ā niriro seheta yoariro jicū, dohse tíre yoari yūhū, mūsa ñūchū? ¿Mūsa caharū yū warocarina yaba barore yūhūre mahño mabasari tina mūsare, mūsa ñūchū? Mahño maerari jire tina. <sup>18</sup> Sohō jiri pjarpū mūsa caharū Titore waha duti tuhsūhi tirore. Ā jicū pairore Cristo yairore tiro mehne piti dahre warocahi. ¿Tito paye barore mūsare mahño mari, mūsa ñūchū? Mahño maerari jire. Tiro yū yoaro seheta Cohamacū to cahmano seheta yoariro jira. ¿Ā jiro yū yoaro sehe yoarerari tiro, mūsa ñūchū? Yū yoaro seheta yoari jire.

<sup>19</sup> “Ñano yoaeraja sā”, ni dūcatana nieraja sā. Cristo yaina jija. Ā jina Cohamacū to ñūrocaroi mūsare yahuna nija. Yū coyea, yū cahīina, mūsare yahuihi mūsa sehere

yoadoho duana. Mʘsare yahuna, sã sehere mʘsare cahmachu yoana nierahi. <sup>20</sup> Tóru yu sʘchu yu cahmano sehe yoaina jieraboca mʘsa. Ǻ jicu mʘsare tuaro cuisãaja. Ǻ yoa mʘsa cahmano sehe yoariro jieraboca yuħu cūħu, tóru sʘcu. Soro mʘsa yoachu ĩħcu yahuiħca mʘsare. Tóru yu sʘchu mʘsa sehe cahma sayoına, painare pahsu tiına, ĩaco suaeraina, mʘsa mʘ suro painare yuħduruca duaina, painare ĩnano durucuına, ĩaa quiti dahreına, “Painare yuħdurucaja” niına, mʘsa cahmachunore dojomehneına jiboca mʘsa. Ǻ jina mʘsa jirore dojomehnena niboca mʘsa. “Tíre yoari” nicu, cuisãaja yuħu mʘsare. <sup>21</sup> Tóru yu sʘchu mʘsare yuħure buo tisãachu yoaboca Cohamacu. Jipihtinare panoru ĩnano yoainare, ti ĩaare cahyaerainare ĩħcu tuaro cahyailħca yuħu. Numia mehne ĩnano yoainare, mʘa mehne ĩnano yoaa numiare, wʘana tiinare, ĩaare goa pjainare ĩħcu cahyailħca yuħu.

## 13

### *Paulo yahu batoaha*

<sup>1</sup> Mipure mʘsa caharu wahacu tia taha sũħca tóru. Ruu taha tóru sũ tuhsũ. Ǻ sehe nina Cohamacu yare ti joari pũ: “Cũirore mari buhiri dahrehto pano tiaro tirore yahusãno cahmana. Tiaro mariachu ruaro tirore yahusãno cahmana. Ti Ǻ yahusãri baharo buhiri dahre masija mari”, nina Cohamacu yare ti joari pũ. <sup>2</sup> Panopure ĩnano yoaina cjiri mʘsa jichu mʘsare, jipihtina paina cūħure ahrire cuaro mehne yahui. Cũ taha mʘsa cahai pari turi sʘcu mʘsare ahrire yahui. Mipure mʘsa mehne jieracu pari turi mʘsare ahrire yahurocahtja tjoa: Mipure mʘsa caharu sʘcu, panoru ĩnano yoainare paina cūħure potocãta buhiri dahrehtja yuħu. <sup>3</sup> Yu Ǻ yoachu ĩħna, Cristo to cũiro yu jia tiare to tuaa mehne yu buherire masinahca mʘsa, mʘsa masi duariro seheta. Cristo sehe mʘsare dutiriro tua yuħdurucu sũiro jira. Ǻ jiro to tuaare ĩnona mʘsare. <sup>4</sup> Mari yoaro sehe pjacu tiro, to tuaare ĩnoarero tiro wiho jiro yoaro sehe crusaru yariari jire. Ǻ yariaparota Cohamacu to tuaa mehne catiriro jira tiro mipure. Tiro crusaru jiro wiho jiro to jiro seheta sã cūħu wiho jiına jija. Ǻ jipanahta Cohamacu tuaa mehne jinahca mʘsare yoadohona tana.

<sup>5</sup> Ǻ yoa mʘsa sehe cãina mʘsa basi Ǻ sehe ni tuhotuga: “ǺPotocãta Cristore wacũ tuajari yuħu?” ni tuhotuga mʘsa cãina. “ǺPotocãta Cristo to cahmano seheta jijari yuħu?” ni tuhotuga mʘsa cãina. Mʘsa Ǻ jierana to yaina waro jierara mʘsa. To yaina waro mʘsa jichu Cristo mʘsa mehne jiro nina. ǺTíre masierajari mʘsa? <sup>6</sup> Sã sehe “Jesu yaina, to yare yahu duti to cũrina jija”, ni mahũoina jieraja. To yaina, to cũrina waro jija sã. Tíre mʘsa masichu cahmaja yuħu. <sup>7</sup> Ǻ jicu mʘsa ĩnano yoaerahto sehe Cohamacure sini payoja mʘsare. Ǻta sini payoja sã noaare, Cristo yare mʘsa yoahito sehe. Mʘsa Ǻ yoachu ĩħna sã Ǻ sehe niboca: “Corinto macainare buhena, quihõno buhei sã”, niboca sã painare sãre ĩno payo dutina. Ǻ ĩno payo dutieraja sã. Tí yaba cjihti jierara. Ǻ jina Cohamacure sini payona, mʘsa ya cjihtire sini payona nija. Paina sãre “Mahũoina jira”, ti nipachuta noaare, Cristo yare quihõno mʘsa yoachu pinihtare cahma yuħduaja sã. <sup>8</sup> Ǻ sehe dihta mʘsa noaare yoachu cahmasãja sã. Cristo yare, potocã jiare soro ni yahu masieraja sã. <sup>9</sup> “Cristo cahmaare yoarera mʘsa”, ni mʘsare yahusã masierana, wiho jiına yoaro sehe jiboca sã, mʘsa ĩħcu. Noanohca. Noaare, Cristo yare yoana mʘsa sehe wiho jiına jierara. Mʘsa Ǻ jichu ĩħna wiho jiına yoaro sehe sã jipanahta wahcheja. Ǻ jina Cristore wacũ tuaina, noano yuħtiına mʘsa wahahtore Cohamacure sini payona nija sã mʘsare. <sup>10</sup> Ǻ jicu mʘsa mehne jieracu mʘsare ahri tjure joarocayui nija. Mʘsa caharu sʘcu, ĩnano yoaina mʘsa jichu ĩħcu mʘsare buhiri dahrehtja. Cristo yuħure to dutiriro seheta mʘsare buhiri dahrehtja. Yu Ǻ buhiri dahrehta sehe ahri tjure mʘsare joarocayui nija. Cristo yuħure to dutiriro seheta mʘsare yoadohohtirota jija. Mʘsare dojomehnehtiro jieraja.

<sup>11</sup> Mipure yu coyea, ahrire yahu batohtja mʘsare. Noano wahcheina jirucuga mʘsa. Cristore wacũ tua namoga. Ǻ yoana noaina, tirore yuħtiına jiga. Mʘsa mehne macaina

mehne cūno mehne jiga. Mūsa basi noano mehne jiga. Mūsa ã jichu ñuno mūsa mehne Cohamacu jirohca. Tiro marine cahma cahīchu yoariro, marine noano mehne jichu yoariro jira. <sup>12</sup> ã yoana mūsa mehne macainare noano mehne piti bocasiniga. <sup>13</sup> Jipihina ã macaina Cohamacu yaina mū sare noa dutira.

<sup>14</sup> Mari puhtoro Jesucristo mū sare to cahīa mehne, Cohamacu cūhu mū sare to cahīa mehne Espīritu Santo mūsa mehne jirucuriro to yadohoa mehne noano jiga mūsa.

## Gálatas

### *Galacia wama tiri yahpa macainare Jesu yainare joarocaha Paulo*

<sup>1</sup> Yǎhǎ Paulo, Cristo yare buhe dutiro to cǔriro jija. Masa ti cǔriro jieraja yǎhǎ. Ā yoa masa sehe yǎhǎre Cristo buhe dutiro to cǔhtore yǎhǎre yahuerare. Cohamacǔ Jesu Pǔcǔro sehe Jesure yariaritore masoriro yǎhǎre cǔre to yare buhehtitore. Jesucristo cǔhǎ yǎhǎre cǔre. Ti Ā cǔriro jicǔ ahrire joarocaja mǔsare. <sup>2</sup> Yǎhǎ mǔsare Jesu yainare Galacia yahpa macainare noa dutija. Yǎhǎ mehne macaina Jesu yaina cǔhǎ mǔsare noa dutira. <sup>3</sup> Cohamacǔ mari Pǔcǔ, mari pǔhtoro Jesucristo mehne mǔsare noa dutija. Cohamacǔ to yoadohoa mehne noano jiga mǔsa. <sup>4</sup> Tiro Jesucristo sehe mari ñaare yoari buhirire yariari jire. Mipǔre masa ti ñaare yoari dacho jira. Ā jiro ahri dacho baroihta tiro yariari jire Cohamacǔ mari Pǔcǔ to cahmariro seheta marine yǎhdǔchǔ yoaro taro. Ā to yǎhdǔchǔ yoachǔ ñaare mipǔre ti yoariro seheta yoa duasi mari. <sup>5</sup> Ā yoa jipihtia dachoripe tirore mari Pǔcǔre ño payojihna. Āta yoajihna.

*Cohamacǔ* masare to yǎhdǔchǔ yoahǔ buhea cǔnota jira. Paye buhearpǔ mariahna

<sup>6</sup> Cristo mǔsare cahǎno to yaina cjihtire mǔsare cǔre. Ā jicǔ mǔsare cǔriro yare cohǎna, soro jia buhea sehere dǔi mǔsa cahmachǔ ñǔ cǔaa wahaja yǎhǎ. <sup>7</sup> Paye buhea noaa buhea yoaro sehe jia buhea waro jierara. Ti Ā jierapachǔta cǎina mǔsa cahai jiina mǔsare cariboa, soro jia buheare buhea, noaa buheare ni dojomehne duara. <sup>8</sup> Ā yoa mǔsare sǎ buhe mǔhtari cjiire mari cohǎchǔ soro jia buhea sehere mari buhechǔ Cohamacǔ marine buhiri dahrejaro. Tuhsǔ, anjo mǔano macariro Ā to buhechǔ tiro cǔhǎre buhiri dahrejaro Cohamacǔ. <sup>9</sup> Pano sǎ niriro seheta mipǔre pari turi nihtja tjoa: Cǔiro mǔsare sǎ buherire cohǎno, soro jia buheare to buhechǔ Cohamacǔ tirore buhiri dahrejaro.

<sup>10</sup> Ā nicǔ “Tiro dihta noano buheriro jira”, yǎhǎre ni dutii nieraja. Cohamacǔ sehe yǎhǎre “Noano buhere mǔhǔ”, to nichǔ cahmaja. Masare wahchechǔ yoacǔ tacǔ soro jia buheare buheboa yǎhǎ. Ā buhecǔ ne Cristo cahamacǔno jieraboa yǎhǎ.

*Paulo Cristo to buhe duti to cǔriro to ji dǔcarire yahuha*

<sup>11</sup> Yǎ coyea, ahrire mǔsa masichǔ cahmaja yǎhǎ: Noaa buheare yǎ buheri cjiiri masa ya buhea jierara. <sup>12</sup> Tí buhea masǔnore yǎ tǔhori jierara. Ā jia paina masa yǎhǎre tí buheare yahuerare. Jesucristo sehe yǎhǎre tí buheare masichǔ yoare.

<sup>13</sup> Panopǔre yǎ coyea judio masa ti yoa tiriro sehe yǎ yoariro jichǔ masina mǔsa. Ō sehe yoa tii yǎhǎ: Jesu yainare tuaro ñano yoacǔ tinare noano wajǎ pahǎnopca duamai. <sup>14</sup> Sǎ ñǔchǔsǔma ti buherire tuabiaro yoa duacǔ yǎ coyea yǎ cǔno potori bǔcǔarina yǎhdoro yoa mǔhtariro jia timai yǎhǎ. <sup>15</sup> Yǎ Ā jiriro jipachǔta yǎ masa bajahto pano Cohamacǔ yǎhǎre bese tuhsǔri jire. Ā jiro yǎhǎre cahǎno tiro to yairo cjihto, to cahamacǔno cjihto cǔre yǎhǎre. <sup>16</sup> Ā yoa to cahmano seheta to macǔnore yǎhǎre masichǔ yoare to yare noaa buheare judio masa jierainare yǎ buhehti cjihtire. To Ā yoachǔ “¿Dohse ni buhero cahmacari yǎhǎre?” ni masare sinitu ñǔerahǎ yǎhǎ. <sup>17</sup> Ā yoa Cristo to cǔrina yǎ pano jirina cahapǔre Jerusalǔpǔre sinitu ñǔi wahaerahi. Arabia yahrapǔ wahi yǎhǎ. Ā jicǔ Damascopǔ majare wihii tjoa.

<sup>18</sup> Tia cǔhma baharo Pedrore ñǔcǔ wahi yǎhǎ Jerusalǔpǔ. Tǔpǔre pǔa somana waro jii. <sup>19</sup> Ā yoacǔ painare Cristo to cǔrinare ñǔerahǎ. Santiago dihtare mari pǔhtoro bahǔrore ñǔi. <sup>20</sup> Ō sehe ni joarocacǔ Cohamacǔ mehne ne mahǎrope joaeraja.

<sup>21</sup> Baharo Siria yahrapǔ, Cilicia yahrapǔ cǔhǎre wahi. <sup>22</sup> Tǔpǔre yǎ sǔchǔ tí pjare Judea yahrapǔ jiina Jesu yaina yǎhǎre ne ñǔ masierasǎnire. <sup>23</sup> Ā jia ahri dihtare yǎhǎre masi dǔcare tina: “Panopǔre marine ñano yoariro mipǔre noaa buheare to cohǎ duari buheare buhero nina”, ni masi dǔcare tina. <sup>24</sup> Yǎhǎre Ā masia Cohamacǔre “Noa yǎhdǔariro jira”, nire tina.

## 2

*Paina Cristo to cūrina Paulore piti boca dōihta cahmana*

<sup>1</sup> Catorce cūhmari baharo pari turi Jerusalēpū wahacū Bernabé mehne wahai. Tito cūhū wahare yūhū mehne. <sup>2</sup> Cohamacū yūhūre to waha dutichū tópurē wahai. Jerusalēi jicū Jesu yaina pūhtoa ti sahsero ti cahmachuchū ñacū noaa buheare judio masa jierainare yū buherire yahui tinare. “¿Judio masa jierainare noaa buheare yū buhechū noajari, mūsa tūhotuchū?” nicū, ā ni yahui tinare. Ā ni yahui tinare panopū yū buherire mipūre yū buheri cūhūre ti noano masihto cjihtore, tíre “Noana”, ti nihto cjihtore. Ti ā nierachū yū buheri cjiri yaba cjihti jieraboa. <sup>3</sup> Yūhū mehne macariro Tito judio masūno jierariro jiro, circuncisiōre yoaerariro jira. To ā yoamahnoerariro to jipachūta Jesu yaina pūhtoa “Mūhū cūhū circuncisiōre yoaga”, nierare tirore. <sup>4</sup> Ti ā nierapachūta cāina “Jesu yaina jija”, ni mahñoina wacūenoca sā mehne sāa, tirore circuncisiōre ti yoachū cahmamare tina. Jesu yaina mari jina “Panopū macaare ti dutiriro sehe yoana tí mehne yūhdūsi”, ni tūhotuja mari. Mari ā ni tūhotuina jichū mari yoaare ñū duaa tina sehe sā mehne mahñō sāare. Ā yoaa sā ñuchūsuma ya dutiare yoa duti duaa, tí dutiare ño payorucuina jichū yoa duamare sāre tina. <sup>5</sup> Ti ā yoa duapachūta noaa buheare quihōno mūsa noano masihto cjihtore ne mahanocā mehne tūho duaerahi sā tinare.

<sup>6</sup> Ā yoa Jesu yaina pūhtoa noaa buheare yū buherire ti tūhori baharo “Ō sehe ni yahu namoga judio masa jierainare”, ni yahu quihōerare tina yūhūre. Jesu yaina pūhtoare wiho jiina yoaro seheta tūhotuja tinare. Cohamacū sehe jipihtinare cūno potori tūhotura. Ā jicū āta tūhotuja yūhū cūhū. Tina sehe yū buheriro sohtoare buhedoho masierare. <sup>7</sup> Ā jia judio masa jierainare yū buhehtire Cohamacū yūhūre to cūrire tūhoa, “Tóihtha jira”, nire tina. Judio masare buheare Cohamacū Pedrore to cūrīro seheta tó seheta yūhū cūhūre cūre judio masa jierainare yū buhehtiro cjihtore. <sup>8</sup> Judio masare Pedrore buhe dutirirota yūhū cūhūre tirota buhe dutire judio masa jierainare.

<sup>9</sup> Ā jia Santiago, Pedro, João mehne “Jesu yaina pūhtoa”, ti niina noaa buheare buherire Cohamacū yūhūre to cūrire tūhoa “Tóihtha jira”, nire tina. Ā niata yūhūre Bernabé mehne noano wahchea mehne wamomaca ñahare sāre piti tia. Ā jina judio masa jierainare buheina jija sā. Santiago cūhū sehe judio masare buheina jira. “Āta wahajaro”, nii sā sā basi. <sup>10</sup> Ā nipahta tina judio masare pjacūoinare yoadoho dutire sāre. Pjacūoinare yoadohohtiro jiita nija yūhū.

*Antioquíai Paulo Pedrore tuhtiha*

<sup>11</sup> Ā yoa Pedrore Antioquíapū to sūri baharo quihōno to yoaerari buhiri tuhtii tirore. <sup>12</sup> Ō sehe yoare tiro: Santiago to warocaina Antioquíapū ti sūhto panocā, Pedro sehe judio masa jieraina mehne chūro nire. Santiago warocaina judio masa jierainare “Circuncisiōre yoaga” niina, judio masa panopū macaina ya dutiare yoa dutiina jire. To ā chūro watoi tina sūre. Ā chūriro jiparota tina to cahapū ti sūchū ñūno, tinare cuiro, Pedro judio masa jierainare duhunoca, pari turi tina mehne chūro wahaerare. “Mipūre wihiina yūhūre tuhtiri” nino, judio masa jieraina mehne chū namoerare. <sup>13</sup> To ā mahñō cureriro seheta to yoachū ñūa, paina judio masa cūhū tirore ñū cū, tina cūhū tó seheta yoare. Ā jiro Bernabé masa noariro jiparota tina yoaro seheta yoare tiro cūhū. <sup>14</sup> Ā jicū judio masa jierainare ti duhuri buhiri noaa buhea ti niriro seheta tina ti yoaerachū ñūcū, jipihtina Jesu yaina panoi Pedrore yahui: “Judio masa ya dutiare yoa dutiina ti ñūrocaroi judio masa jieraina mehne mū chū duaerachū ñūa ō sehe ni tūhotuboca tina judio masa jieraina: “Jesu yaina dihta jina judio masa yoaro sehe yoajihna mari cūhū”, ni tūhotuboca. Ā ni tūhotuchū yoara mūhū tinare. ¿Dohseacū tinare judio masare ñū cūchū yoa duajari mūhū ā piti ti duhucū? Judio masūno jipaihta judio masa jieraina yoaro sehe yoamare mūhū. Ā yoacū judio masa yoaro sehe yoaerare mūhū. ¿Ā yoariro cjiro jipaihta dohseacū judio masa jierainare judio masare ñū cūchū yoa duajari mūhū?” nii tirore.

*Judio masare paina masa yoaro seheta Jesure wacū tua dutiha Cohamacū*

<sup>15</sup> Sã sehe judio masa masa bajuana, paina ñano yoaina judio masa jieraina yoaro sehe jieraja sã. <sup>16</sup> Ñ jina sã jipachuta Cohamacu dutiare Moise cjirore to cõrre yoarina sã jichu “Noaina jira”, ni ñeraboa Cohamacu sãre. Tíre mari masija. Ñ yoa Jesucristore mari wacũ tuachu Cohamacu marine “Noaina jira”, ni ñnohca. Tíre masina, sã cõhu Jesucristore wacũ tuaja tirore sã wacũ tuari mehne sãre “Noaina jira”, Cohamacu to ni ñnto cjihtore. To dutia cjirore sã yoarina jichu “Noaina jira”, ni ñeraboa Cohamacu sãre. Ne tí dutia yoaa mehne noaina jierara masa, Cohamacu to ñuchu.

<sup>17</sup> Wiho mejeta Cristore mari wacũ tuaa mehne noaina Cohamacu yaina mari waha duachu, ñaina mari jiare masichu yoarohca Cristo. ¿Cristo mari ñaare marine masichu yoaro ñaina marine jichu yoajari tiro, msa tuhochu? Ne mahanocã mehne yoerara.

<sup>18</sup> Sã dutia yoaa mehne yũdu duamarina cjiri jipanahta tí buheare cohã. Ñ cohãpanahta pari turi tí buheare yoana tí dutiare sã yoa pahnoerari buhiri potocãta buhiri tinahca sã.

<sup>19</sup> Cohamacu dutiare Moise cjirore to cõrre cãno pjaeraja mari. Ñ jia, tí dutia marine duti namoerara. Cohamacu to tuaa mehne to yaina jija mari. Cristo mehne crusai yariaina yoaro sehe jija mari. <sup>20</sup> Ñ jina yariariro to mũ sũro to yoerariro sehta mari mũ sũro yoeraja mari. Cristo ya tuaa mehne yoaja. Ñ yoa mipũre Cohamacu macũnore wacũ tuaa mehne jirucuja mari. Tiro Cohamacu macũno marine cahĩre. Ñ jiro mari ya buhirire yariare. <sup>21</sup> To dutia yoaa mehne noaina Cohamacu yaina mari wahachu Cristo to yariari sehe ne yaba cjihti jieraboa. Cohamacu marine to cahĩrre, Cristo to yariarire wiho jia yoaro sehe jichu yoa duaeraja yũhu sehe. Ñ jicu “Dutia mehne yũdhũhca”, ne nieraja yũhu.

### 3

*Cohamacu* dutia Moise cjirore to cõrre, wacũ tuaa cõhũre yahuha Paulo

<sup>1</sup> Yũ coyea, msa Galacia macaina tũho masieraina ji wama tira msa. Jesucristo crusai to yariari buheare jipihtina ti ñurocaroi m̄sare yahui. ¿Ñ jina mipũre to yare msa yũdhũrucahtore paina m̄sare ti dojomehnechu dohse yoana tinare yũhtiri msa?

<sup>2</sup> Ahrieta yahu duaja m̄sare: Dutiare msa yoaa mehne Espĩritu Santore cjuerara msa. Noaa buhea sehere tũhona Cristore msa wacũ tuaa mehne Espĩritu Santore cjuara msa. <sup>3</sup> Espĩritu Santo mehne msa Cristo yaina ji dũcana mipũre msa mũ sũro msa yoaa mehne Cohamacu cahapũ msa waha duachu ña nina. Tũho masieraina jira msa, ã yoana. <sup>4</sup> ¿Noaa buheare msa yoari buhiri payũ tahari msa ñano yũdhũna wiho warota ñano yũdhũnocana niri msa, ã wahana? Wiho waro jierara msa ã wahari.

<sup>5</sup> ¿Dohse msa yoari wapa Espĩritu Santore m̄sare wari Cohamacu, msa tuhochu? To dutiare msa yoari wapa waerare tiro. To buheare noano msa tuhochu ñno tirore msa wacũ tuari baharopũ Espĩritu Santore ware tiro. ¿Cohamacu msa watoi to tuaa mehne yoa ñono dohse jiro baro ã yoa ñojari tiro, msa tuhochu? To dutiare msa yoari wapa ã yoa ñoerare tiro. To buheare noano msa tuhochu ñno tirore msa wacũ tuari baharopũ ã yoa ñore tiro.

<sup>6</sup> Abrahã cjiro Cohamacũre wacũ tuaa tiri jire. To ã yoachu tirore Cohamacu “Noariro jira”, ni ñna tiha. <sup>7</sup> Ñ jina ahri yũ nihtire masiga msa: Cohamacũre wacũ tuainata potocãta Abrahã cjiro panamana ji turiaina waro pa turu macaina yoaro sehe jira. <sup>8</sup> Panopũ Cohamacu yare ti joari pũi õ sehe ni yahua tiha: Judio masa jieraina Cohamacũre ti wacũ tuachu ñno “Noaina jira”, ni ñna Cohamacu. To ã ni ñntore Cohamacu pano masiyuro, tiro noaa buheare Abrahãre pano yahu mũhta tuhsua tiha. “Mũhu mehne ahri yahpa macainare jipihtinare noano yoaihtja”, nia tiha Cohamacu Abrahãre. <sup>9</sup> Ñ jiro Abrahã cjiro Cohamacũre noano tũho wacũ tuaa tiha. To ã wacũ tuachu ñno Cohamacu tirore noano yoaa tiha. Ñ yoa paina masa Cohamacũre ti wacũ tuachu, tina cõhũre noano yoarohca Cohamacu, Abrahã cjirore to yoariro sehta.

<sup>10</sup> “Moise cjirore to cõri dutia mehne Cohamacu yaina wahanahca”, ni tuhutuina buhiri tiina jira. To joari pũi ãta nina: “Cohamacu dutiare to ya tjuí ti joarire yoa



pahñoeraina buhiri tiina jira tina jipihtina”, ni joaa tiha. <sup>11</sup> Cohamacu yare ti joari pui ò sehe nina: “Cohamacure wacũ tuainare ‘Noaina jira’, ni ñña Cohamacu. Ñ wacũ tuaa jipihtia dachoripe Cohamacu mehne ã jirucuahca”, nina Cohamacu yare ti joari pui. To ã nichu ahri yu nihtire mari noano masija: To dutiare ti yoaa mehne masa noaina wahaerara, Cohamacu to ñuchu. <sup>12</sup> Dutia yoaa mehne Cohamacu cahapu waha duaina Cohamacure wacũ tuaerara. Ò sehe nina Cohamacu yare ti joari pui: “Dutiare yoaa mehne noaina waha duainare tí dutiare yoa pahñoono cahmana tinare, duhsaro marieno”, nina Cohamacu yare ti joari pui. Wiho mejeta to dutiare yoa pahñoeraina jira masa. Ñ jia Cohamacu ñurocaroi noaina waha masierara.

<sup>13</sup> Ñ jia tí dutia marine buhiri tichu yoara. Mari ã buhiri tichu ñño Cristo sehe to basi mari yaro jiborirore buhiri tiro waharo, mari buhiri tiborirore tiro sehe cohãbasare marine. Cristo to buhiri tihore yahuro ò sehetã ni joaa tiha panopure: “Jipihtina yucacupu ti duhu òina buhiri tiina jira”, ni joaa tiha panopure. <sup>14</sup> To ã ni yahu joariro sehetã ã yoari jire Cristore. Cohamacu Abrahã cjirore “Ahri yahpa macainare noano yoaihtja”, to niriro sehetã yoaro niri jire masare. Ñ yoari jire Cristo mehne. Tiro yariari jire Cohamacu judio masa jierainare noano to yoahito cjihtore. Ñ yoaro Jesucristo mehne Cohamacu Abrahãre to niriro sehetã tuhsari jire. Ñ yoari jire tiro tirore mari wacũ tuari baharo Espiritu Santore mari cjuahito cjihtore.

*To buherire quitu mehne yahu namoha Paulo*

<sup>15</sup> Yu coyea, masa ya quitu mehne tí yu nirire yahuihtja musare: Cũiro paio mehne “Ò sehe yoajihna mari”, ni cño mehne ti joa cũpachuta paio tí pũre soro ni dojomehne joa namo masierara. Ñ yoa tuhsu, tí pũre “Quihõno jierara”, ni masierara tiro. <sup>16</sup> Tí pũre cño potori ti joa cũriro sehetã “Musare noano yoaihtja”, Cohamacu nino, Abrahãre to panamino ji turiariro cũhure ni yahu cño nia tiha. Ñ ni yahu cño paina to panamana ji turiaipure ni yahu cño niera tiha. Cũiroreta to panamino ji turiariro dihtare ni yahu cño nia tiha Cohamacu. Tiro Abrahã panamino Cristo jira. <sup>17</sup> Mipure noano yahuihtja musare: Abrahã cũhure Cohamacu “Musare noano yoaihtja”, to ni cũri baharo cuatrocientos treinta cũhmari yũhdari baharo to dutiare Moise cjirore cã tiha. Ñ cño Abrahã cũhure Cohamacu “Musare noano yoaihtja”, to yahu cũri cjirore boro taro niera tiha. <sup>18</sup> Cohamacu marine yũhdachu yoaro, dutiare mari yoaa mehne marine yũhdachu yoerara. Dutiare yoaa mehne mari yũhdachu Cohamacu “Musare noano yoaihtja”, to ni yahu cũri sehe yaba cjihti jieraboa. Wiho mejeta to dutia mariasinichupu Abrahãre ã ni cũ mũhtaa tiha.

<sup>19</sup> ¿Ñ jiro dohse jiro baro to dutiare cũri Cohamacu? To dutiare cũha tí dutiare mari yũhdurucarire mari noano masihtõ sehe. Ñ jiro panopure Cohamacu “Mu panami mehne masare noano yoaihtja”, Abrahãre to niriro to wihito pano Cohamacu to dutiare cjuaa timaha masa. Cohamacu to dutiare to cũchu to anjoa sehe tíre duti turiaa tiha. Ñ yoa Moise cjirore ti cũchu, tiro sehe masare cũ turiaa tiha tjoa. <sup>20</sup> To dutiare Moise cjirore to cũ turiachu Cohamacu to basita masare cũera tiha. Ñ cũeraparota Cohamacu “Mũhure noano yoaihtja”, Abrahã sehere ni yahu cño, to basita ã ni yahu cã tiha.

<sup>21</sup> Cohamacu Moise cjirore to dutiare cño, tó pano Abrahãre to ni yahu cũrire “Yu niriro sehe yoasi yũh”, nino niera tiha tiro. Abrahãre to niriro sehetã yoaro taro nia tiha. To dutia yoaa mehne Cohamacu yaina wahana tí pja pinihta dutiare mari yoaa mehne noaina wahaboa mari. <sup>22</sup> Wiho mejeta Cohamacu to yare ti joari pũ sehe jipihtina ñaa buhiri tiina, ñaare duhu masieraina ti jirire yahua tiha. Ñ ni yahua tiha Cohamacu “Musare noano yoaihtja”, pano to niriro sehetã to yoahito cjihtore. Ñ yoaro Jesucristore wacũ tuainare noano yoara tiro pano to niriro sehetã.

<sup>23</sup> Jesucristo ya buheare mari tũhohto pano, tirore mari wacũ tuahto pano Cohamacu Moise cjirore to cũri dutia dihtare masimahi mari. Ñ masimarina jina ñaa buhiri tiina, peresupu jiina yoaro sehe tí ñaare duhu masieraina jina, dutia dihtare masiina jimahi mari. <sup>24</sup> Ñ jia Cristo to wihito pano Cohamacu dutia sehe marine yahure dahra cohtariro

to pũhoro pohmare to yahuriro seheta. Ā yahure marine baharo Cristore mari wacũ tuaa mehne Cohamacũ “Noaina jira”, marine to ni ñũhto cjihtore. <sup>25</sup> Mipũ pinihtare Cristore mari wacũ tuari pja jira. To ã jichũ dahra cohtariro yoaro sehe to dutia sehe marine yahu namoerara. Marine dutirucu namoerara. <sup>26</sup> Ā jina Cristo Jesure wacũ tuaina jina Cohamacũ pohna jira mũa. <sup>27</sup> Jipihtina mũa co mehne bautisarina jira Cristo yaina mũa jiare ñona tana. Ā yoana to yaina jina, Cristo yoaro sehe jiina wahana nina mũa. <sup>28</sup> Mipũre pũa curua jierara mũa. Judio masa jieraina, judio masa mehne pũa curua jierara mũa. Dahra cohtaina, dahra cohtaina jieraina mehne pũa curua jierara mũa. Mũa, numia mehne pũa curua jierara mũa. Jipihtina mũa Cristo yaina jina, cũ curuata jira mũa. <sup>29</sup> Cristo yaina jina, Abrahã Cohamacũre to wacũ tuariro seheta yoaina jina, Abrahã panamana waro jira mũa. Mũa ã jiina jichũ Cohamacũ Abrahãre “Mũsare noano yoaihtja”, to ni yahu cũriro seheta mũa cũhũre noano yoarohca tiro. Cristo yaina mũa jichũ ñũno mũsare noano yoarohca.

## 4

<sup>1</sup> Ő sehe jira ahri quitu mehne yũ yahu namochũ: To pũcũro baharo to yare nahtiro wahma bũcũariro jiro pũ jipihtia to ya jipachũta dahra cohtariro yoaro seheta ne paye baro maerariro yoaro seheta jira tiro. <sup>2</sup> Ā jia tiro wahma bũcũariro to jichũ tirore ñũ wihboina to yare ñũ wihbora. Ā yoa to pũcũro to quihõri pja mũa sũchũpũ to pũcũro yare cjuarohca to macũno. <sup>3</sup> Ő seheta wahma bũcũariro yoaro seheta jimai mari cũhũ. Ā jiina mari jisnichũ dahra cohtainare ti dutiriro seheta Moise cjirore to cũri dutia, mari ñũchũsuma panopũ macaina ti cũri dutia cũhũ marine dutisinimare. <sup>4</sup> Mari ã jiina jipachũta to quihõri pja mũa sũchũ Cohamacũ to macũnore warocari jire. Ā to warocachũ to macũno cũcoro numino mehne masa bajuari jire. Ā jiro tiro judio masũno masa bajuaro Cohamacũ dutia Moise cjirore to cũri cjirore yoarucuriro jiri jimare. <sup>5</sup> Mari cũhũre tí dutiata dutisiniri jimare. Ā jiro marine yũhdũchũ yoahitiro cjihtore warocari jire Cohamacũ to macũnore, to pohna waro mari wahahto cjihtore.

<sup>6</sup> Ā jiro to pohna mũa jichũ ñũno, Cohamacũ macũno to yairo Espĩritu Santore mũa mehne jihtirore warocari jire Cohamacũ. To yairo Espĩritu sehe Cohamacũre “Mai”, niriro jira. <sup>7</sup> Ā jina mũa Cohamacũ to yoadohoa mehne dahra cohtaina jierara mũa mipũre. To pohna jira mũa. Ā jina to pohna jina, Cohamacũ to wahtire cjuanahca mũa.

*Paulo Galacia macainare Jesu yainare cuisãha*

<sup>8</sup> Panopũ Cohamacũre mũa masierasiniina jina “Cohamacũ jira”, mũa nia masũrine ño payona tí masũrine dahra cohtaina jiri jimare mũa. Mũa ã ño payoina potocãta cohamana waro jierari jire. <sup>9</sup> Ā jirina cjiri jipanahta mipũre Cohamacũ warore masina mũa. Jierara. Tiro pinihta mũa sehere masina. ¿To ã masipachũta dohse yoana ahri yahpa macaina ya buhea sehere cahmajari mũa tjoa? Ti ya buhea mehne noano yũhdũ duapanahta ne yũhdũsi mũa. Ā yoa baharo Cohamacũ jipihtia dachoripe mũsare to wahtire cjuasi mũa. Ā yoana tí buhea mehne yũhdũ duana, pari turi ti ya dutiare dahra cohtaina yoaro sehe wahana nica mũa. <sup>10</sup> Cãa dachorire, cãa sũrine, cãa puhibũcũre, cãa cũhmarine bose nũmũrine dahre dutira mũa. “Mari ã yoaa mehne dutia mehne yũhdũnahca”, ni tũhotumana mũa. <sup>11</sup> Mũa ã ni tũhotuchũ mũsare tuaro yũ buheri cjiri yaba cjihti jieraboca, yũ tũhotuchũ.

<sup>12</sup> Yũ coyeyahire tuaro dutiiltja mũsare: Cristore yũ tũhoturiro seheta mũa cũhũ tirore tũhotuga. Panopũ dutia yoaa mehne yũhdũ duaina jierari jimare mũa judio masa jieraina jina. Mipũ sehere yũhũ cũhũ mũa yoaro seheta wahi dutia yoaa mehne yũhdũ duaeracu. Ā jina Cristore yũ tũhoturiro seheta mũa cũhũ ãta tirore tũhotuga. Mũa mehne yũ jichũ ne ñano yoerare mũa yũhũre. <sup>13</sup> Ahire masina mũa. Tõpũ dohatiriro jicũ, pa seherũ waha masieracu noaa buheare mũsare buhe dũcai. <sup>14</sup> Yũ ã dohatiriro jipachũta, yũhũre pumeborina mũa jipanahta, yũhũre yabierare mũa. Ā jina yũhũre “Waharisa”, nierare mũa. Ā jina Cohamacũ yairo anjore, Jesucristo cũhũre mũa piti

bocaboriro seheta yũhũre noano piti bocare mũa. <sup>15</sup> ¿Mipũre dohse wahari yũhũ mehne mũa wahchea? Mũsare ahrire nihtja: Cũno pjana mũa caparire orewe na yũhũre waboa mũa. <sup>16</sup> ¿Yũhũ mehne macaina jipanahta mipũre quihõno mũsare yũ yahuchũ ñũ tuhtijari mũa yũhũre?

<sup>17</sup> Sohõ jiina soro ni buheina mũsare tuaro cahmasãana. Ti tũhotua soro jira. Noaa jierara. Tina mũsare yũhũre yũhdũrũcachũ cahmana, tina sehene mũa cahmahto sehe. <sup>18</sup> Noano mehne mũa noano wahahto sehe mũsare ti cahmasãachũ noa niboa. ã yoa tũpũre yũ mariachũ cũhũre ti ã cahmasãachũ noa niboa. <sup>19</sup> Yũ pohna, niji wahcõricoro to ñano yũhdũro seheta mũsare ñano wacũ tũhotuja yũhũ. Pũ Cristo yoaro sehe mũa jichũpũ mũsare wacũ duhuihca. <sup>20</sup> Michapucacã mũa mehne jicũ tuhtiro marieno wahchea mehne mũa mehne yũ sũhũdũchũ noaboa yũhũre. Mũsare pjĩro tũhotui nija yũhũ.

*Agar Sara mehne ti jiri cjirire yahuha Paulo*

<sup>21</sup> Tũhoga mũa yũhũre. Cohamacũ to dutiare yoaa mehne yũhdũ duaina jipanahta to dutia sehene noano masierara mũa. <sup>22</sup> Õ sehe nia tiha Cohamacũ yare ti joari pũi: Abrahã pũaro pũcũro jia tiha. Tirore dahra cohtaricoro Agar wama tiricoro mehne cũiro pohna tia tiha. ã yoa to namono poto Sara wama tiricoro mehne cũiro pohna tia tiha. <sup>23</sup> Wiho mejeta tirore dahra cohtaricoro macũno masa mari yoaro seheta masa bajuaa tiha tiro. To namono poto macũno sehe Cohamacũ “Cũirocã pohna tinahca mũa”, to niriro seheta masa bajuaa tiha tiro sehe. <sup>24</sup> Ahri quti marine noano piti dahre yahura: Cohamacũ pũa taha masare “Mũsare yoadohoihtja”, to nia yoaro seheta jira ahri numia pũaro numia. Cũcoro Sinaí wama tidũpũ to dutiare wari yoaro sehe jira. Ticoro Agar jira. Ticoro mehne mari piti dahre buhechũ judio masa cũhũ dutiare yoarucua mehmeta yũhdũ duaina ticoro yoaro sehe jira. Tina dahra cohtaina yoaro sehe jira. <sup>25</sup> Ticoro Sinaí wama tidũ Arabiapũ jidũ yoaro sehe jiricoro jira. Mipũre Jerusalẽ macaina judio masa dutia yoaa mehne yũhdũ duaina dutiare dahra cohtaina yoaro sehe jira. ã jia mari piti dahre buhechũ tina ticoro yoaro sehe jira dahra cohtaricoro to jia tiriro sehe. Tina Cohamacũ pohna jierara. <sup>26</sup> Pacoro sehe Abrahã namono poto mũanopũ jiri maca Jerusalẽ wama tiri maca yoaro sehe jira, mari piti dahre buhechũ. Ticoro dahra cohtaricoro jieraro, to macũno cũhũ dahra cohtariro jierari jire. (ã yoa Jesucristore wacũ tuaina mari jina, Sara macũno yoaro sehe jija. Mari cũhũ Cohamacũ Moise cjirire to cũri dutia mehne yũhdũ duaina jieraina jina, dahra cohtaina yoaro sehe jieraja.) <sup>27</sup> Cohamacũ yare ti joari pũi õ sehe ni joaa tiha Cohamacũ pohna warore, Sara yoaro sehe jiricorore yahuro:

“Pohna marienicoro, wahchega.

ã yoa wahchea mehne sañurucuga, niji wahcõno purĩnore masieraricoro jico.

Mũhũ sehe manũ tiricoro yũhdoro payũ pohna ticohca.

ã jico wahchega”,

ni joaa tiha panopũre to pohna tihto pano Sara yoaro sehe jiricorore yahuro.

<sup>28</sup> Yũ coyea, Cohamacũ to niriro seheta Isaa masa bajuaa tiha. Mari cũhũ tiro yoaro sehe Cohamacũ to niriro seheta to pohna jija mari. <sup>29</sup> Wiho mejeta tí pjapũre masa yoaro sehe masa bajuariro ñano yoaa tiha pairore Espĩritu Santo to niriro seheta masa bajuariroro. Mipũ cũhũre ãta jira to jiriro seheta. <sup>30</sup> Wiho mejeta õ sehe nina Cohamacũ yare ti joari pũi: “Dahra cohtaricoro macũno to pũcũro yare cjũa masierara. To namono poto macũno sehe to pũcũro yare cjũa masina. ã yoa ticorore dahra cohtaricoro cjirire to macũno mehmeta cohãnocahga”, ni joaa tiha. <sup>31</sup> Yũ coyea, ne dahra cohtaricoro pohna yoaro sehe jieraja mari. Wiho mejeta to namono poto pohna yoaro sehe jija mari.

5

*Jesucristo yare noano tũho ñahana, tíre duhuena tjiga*

<sup>1</sup> Dutia yoaa mehne yũhdũ duaina tí dutiare dahra cohtaina ti dutipeina yoaro sehe jira. Cristo yaina wahana ti dutipeina mari jiare wijaana, Cristo mehne yũhdũja mari. ã

to yúhdúchú yoarina jina, to yare ã yoarucuga, “Tí dutia yoaa mehne yúhdúnahca”, ni túhoturo marieno.

<sup>2</sup> Mipure yúhú Paulo ahrire yahuihtja músare: “Circuncisiõre mari yoari mehne yúhdúnahca”, mûsa ni túhotuna, Cristo músare to yoadohorire yaba cjihti jierachú yoana nina mûsa. <sup>3</sup> Jipihtina circuncisiõre mûsa yoari mehne yúhdú duainare pari turi õ sehe ni yahuihtja yúhú: Circuncisiõre mûsa yoari mehne yúhdú duana, paye Cohamacú dutiare yoaa pahñõerana, yúhdúsi mûsa. <sup>4</sup> Dutia yoaa mehne yúhdú duaina jina Cristo sehere cohãre mûsa. ã yoaina jina, Cohamacú músare to cahĩre, músare to yúhdúchú yoaa duarire cahmaerara mûsa. <sup>5</sup> Wiho mejeta mari sehe Espĩritu Santo to tuua mehne Cohamacure wacú tuaja. Mari ã wacú tuachú “Noaina, ñaa buhiri marieina jira”, ni ñúna Cohamacú marine. To ã ni ñúchú marine to yúhdúchú yoahtore masija mari. <sup>6</sup> Cristo Jesu yaina jina circuncisiõre mari yoachú ne yaba cjihti jierara. Circuncisiõre mari yoerachú cúhure ne yaba cjihti jierara. Wiho mejeta Cristo pinire wacú tuana painare cahĩnahca mari. Tí wacú tuua sehe wiho waro jia nierara. Tí waro jia nina.

<sup>7</sup> Mûsa Cristore noano wacú tuasinimare. ¿Diina baro noaa buheare yúhdúrúca dutiari músare? <sup>8</sup> Ti ya buhea Cohamacú músare to pohñare cúriro to ya buhea jierara. <sup>9</sup> Ahri yú nihtire wacúga mûsa: Mahanocã pão búscaro trigo yúbure noano sahserúcú súra. (To ã sahserúcú súriro seheta yú coyea judio masa ya buhea sehere mûsa cahmarucuchú ñúna payú masa mûsa mehne macaina cúhú tí buheare cahmaboca tina cúhú.) <sup>10</sup> Mari púhtoro Cristore wacú tuaja mari. ã jicú ahri yú nihtire masija yúhú. Cristo to yoadohoa mehne paye buheare baharopure cahmasi mûsa. Tíre masija yúhú. Músare dojomehne cohtaina dohse jiina jica. Tinare Cohamacú buhiri dahrerohca.

<sup>11</sup> Yú coyea, “Dutia yoaa mehne yúhdúnahca”, ti nia buheare yú buheriro jichú judio masa yúhure ñano yoeraboa. Cristo crusai to yariari buheare yú buheri buhiri tina ñano yoara yúhure. Cristo ya buhea mehne judio masa ya buheare yú buhe morechú yúhure ñano yoeraboa tina. <sup>12</sup> Músare dojomehne cohtaina músare mahanocã mûsa pjacú macari cahsarocãre yihso dutiina ti basi dihta yihsojaro.

<sup>13</sup> Yú coyea, “Dutia mehne yúhdúnahca”, ni túhotu dutierara Cohamacú músare. Wiho mejeta “Dutia mehne yúhdúnahca”, ni túhotuina jierapanahca “To dutiare yúhdúrúca-jihna”, ni wacúena tjiga. ã yoaa mûsa mehne macainare cahma cahĩna, tinare dahra cohtaina yoaro seheta yoadohoga tinare. <sup>14</sup> Cúnota dutiare noano yoana, Cohamacú dutiare yoaa pahñona nija mari. Õ sehe jira tí dutia: “Mú basi mú cahĩno seheta mú cahai jiina cúhure cahĩga”, ni dutia tiha. <sup>15</sup> ã jina wahiquina suaina yoaro sehe mûsa basi cahma sayoena tjiga. Tuhsú, cahmachena tjiga. Mûsa mehne macaina jipihtinare “Dojomehneri”, nina noano yoaga mûsa.

*Masa ñaare ti goa pjaare, Espĩritu Santo to cahmaa cúhure yahuha Paulo*

<sup>16</sup> Espĩritu Santo to cahmariro seheta jirucuga mûsa. ã jina mûsa ñaare mûsa goa pjaare yoarena tjiga. <sup>17</sup> Ñaare mûsa goa pjachú tíre mûsa yoachú, Espĩritu Santo ñú yabira. To ã ñú yabichú tí ñaare duhunahca mûsa. ã jina ñaare mûsa goa pjana, tíre yoana, Espĩritu Santore ñú tuhtira mûsa. ã ñú tuhtina to cahmano sehe yoerara mûsa. ã jina mûsa goa pjaare mûsa yoaa duaro seheta yoaa masierara mûsa. <sup>18</sup> ã yoaa Espĩritu Santo to cahmaare yoaina jina “Dutia mehne mari yúhdúnahca”, ni túhotuerara mûsa.

<sup>19</sup> Masa ñaare ti yoaa mari noano masi tuhsúja. Õ sehe jira tí: Numino mehne ñano yoaa, mûno mehne ñano yoaa, wúana tia, tó sehe jia ñaare búo tiro marieno yoaa, <sup>20-21</sup> “Cohamacú jira” ti nia masurine ño payoa, puti sitea, paye yaya ti yoaa, ñú tuhtia, cahma sayoa, doaa, suaa, to basi dihta cjúa duaa, ñú tuhti cahma tju waa, cú curua macaina pa curuare ñú tuhtia, paina yare tuaro cahmaa, cahaa, cahaa bose nûmúrine dahrea, tó sehe jia jira ñaare yoaa. Panopú músare cuaro mehne yú niriro seheta mipú cúhure nihtja: Tí barore yoaina púhtoro Cohamacú to súho jiroppure mûanopure ne súsi.

<sup>22-23</sup> Espĩritu Santo sehe marine õ sehe yoaina jichú yoara: Masare cahĩina, wahcheina, cuiro marieina, so suaeraina, painare noano yoaina, noaina, duhuro marieno Cohamacú

cahmaare yoaina, painare yúhdurúca duaeraina, noano mehne yoaina, ti ñaa goa pjaare yoeraina jichu yoara marine tiro. Tó sehe yoainare “Á yoaena tjiga”, ne cūiro nierara. <sup>24</sup> Cristo Jesu yaina jina mari ñaa goa pjaare yoa namoeraja. <sup>25</sup> Espíritu Santo marine Cohamacu mehne á jirucuchu yorohca. Á jina to cahmano seheta yorucuina jijihna mari.

<sup>26</sup> “Painare masi yúhdurúcaja sã”, ni tūhotuina jiena tjijihna mari. Á jina mari mehne suachu yoaena tjijihna painare. Á yoana mari mehne macaina noano ti wahachu ñña tinare sua tūhotuena tjijihna.

## 6

**Musa mehne macainare yoadohoga**

<sup>1</sup> Yu coyea, cūiro musa mehne macariro to ñaare yoachu ñña, Cristore noano wacū tuaina jina niji siaroca dero tirore yoadohoga noaare pari turi to yoahito cjihto sehe. Á yoana musa cūhu “Ñaa goa pjari”, nina noano yoaga. <sup>2</sup> Musa mehne macaina ti ñano yúhduchu cūhure yoadohoga tinare. Musa á yoana Cristo to dutiro seheta yoana nina musa.

<sup>3</sup> Cūiro wiho jiro jiparota “Painare yúhdurúcaja”, ni tūhoturo, to basi mahñoa dihtare tūhoturiro jira. <sup>4</sup> Cāina musa sahsero musa yorire “Ahri noaa jira. Ahri ñaa jira”, ni masiga. Á masina musa yorari noaa jichu musa basi wahchenahca. Á jina “Painare yúhdurúcaja”, nisi musa. Á nierana painare musa yúhdurucari mehne wahchesi musa. <sup>5</sup> Á jiro Jesu yairo to mu sūro Cohamacu yare yoara. Pairo masuno tirore tíre yoadoho masierara.

<sup>6</sup> Á jina noaa buheare buherirore paye baro musa cjaare tirore waga musa to yahuare tūhoína.

<sup>7</sup> Toari masuno ñaa yaparire toaro ñaa dichare cjarohca. Noaa yaparire toaro noaa dichare cjarohca. (Tó seheta mari cūhu ñaare yoana ñaare cjanahca. Á jiro mari ñari buhiri buhiri dahrerohca. Noaare yoana noaare cjanahca. Á jina noano jinahca.) Á jina “Sã ñaare yoachu Cohamacu sãre buhiri dahresi”, ni tūhotuena tjiga. Ñaare yoaina Cohamacure bjupeina jira. Cohamacure bjupeinare buhiri dahrerohca tiro. <sup>8</sup> Mari ñaare goa pjana, tíre yoana, tí mehneta yarianahca. Á jina pichacaru wahanahca. Espíritu Santo sehe to cahmaare mari yoachu tiro marine jipihtia dachoripe manoru jirucuchu yorohca. <sup>9</sup> Á jina noaare yoana tíre pumena tjijihna mari. Cohamacu to quihōri pja jichu noaare cjanahca mari pumerana. <sup>10</sup> Á jina jipihtinare mari ññinape noano yoajihna mari. Mari coyea Jesu yaina pinihtare paina yúhdoro noano yoajihna.

**Paulo yahu batoaro, noa duti batoaha**

<sup>11</sup> Bjuja letrari mehne yu wamomaca waro mehne musare yu joarocarire ñuga musa. <sup>12</sup> Musare circuncisiōre yoa dutiina masa tinare ño payochu cahmana. Cristo crusai to yariari buheare mari buheri buhiri masa ñano yoara marine. Ti á yoachu ñña ahriina musare circuncisiōre yoa dutira “Judio masa ya buhea sehere yoaja”, nia. Á ti yoa dutichu judio masa tinare ñano yoeraboca. Á jia circuncisiōre yoa dutira. <sup>13</sup> Musare circuncisiōre yoa dutiina sehe Cohamacu to dutiri cjirire yoa pahñoerara. Á jia circuncisiōre musare ti yoa dutiri baharo musa yúhtichu ñña, judio masa tinare musare dutiinare ño payoboca. Ti á ño payohti cjihtire musare circuncisiōre yoa dutira tina. <sup>14</sup> Mari pūhtoro Jesucristo crusai yariariro ya buhea dihtare jipihtinare wahchea mehne yahu duaaja. Ne paye buheare á ni yahu duaeraja. Á crusai to yariachu ahri yahpa macaa ñaare watino yúhure yoa dutiro bihoerara. Á yariaro tí ñaare yúhure cahmaerachu yoare tiro. <sup>15</sup> To á yoachu Cristo Jesu yaina mari jichu circuncisiōre mari yoachu ne yaba cjihti jierara. Circuncisiōre mari yoerachu cūhure ne yaba cjihti jierara marine. Wiho mejeta pari turi masa bajuaina yoaro sehe, Cohamacu cahmano seheta yoaina, marine to cohtotachu pinihta wiho waro jierara. <sup>16</sup> Jipihtina ahri yu buherire yoaina, Cohamacu yaina waro jina, cuiro marieno noano jiga musa. Á jina Cohamacu to pja ñña mehne jiga musa.

<sup>17</sup> Mari pũhtoro Jesure dahra cohtariro yũ jiri buhiri yũ pjacũre cami tija yũhũ. Yũ ã jiriro jichũ mipũre paina yũhũre cariboea tjiaro.

<sup>18</sup> Yũ coyea mari pũhtoro Jesucristo mũsare jipĩhtinare to cahĩa mehne noano yoajaro. ãta yoajaro.

## Efesios

### *Efeso macainare joarocaha Paulo*

<sup>1</sup> Yũhũ Paulo mũsare Efeso macainare joarocaja. Yũhũ Jesucristo yare buhe dutiro to cũriro jija. Cohamacũ to cahmano seheta Jesu yũhũre to yare buhehtirore cũre. ˆ jicũ mũsare Cohamacũ yainare Jesucristore ˆ wacũ tuarucuinare joarocaja yũhũ. <sup>2</sup> ˆ joarocacũ yũhũ mũsare noa dutija. Cohamacũ mari Pũcũ, ˆ yoa mari pũhtoro Jesucristo cũhũ mũsare noano yoa, noano jichũ yoajaro.

### *Cristo yaina mari jichũ ñũno Cohamacũ noano yoara marine*

<sup>3</sup> Cohamacũ, mari pũhtoro Jesucristo Pũcũro marine noano yoarucura Cristo yaina mari jichũ ñũno. Jipihtia to ya mũano macaa noaa mehne tiro marine noano yoarucura. Espĩritu Santo mehne marine ˆ noano yoarucura. To ˆ yoariro jichũ ñũna noano ño payoa mehne tirore noano wahche payojihna. <sup>4</sup> ˆ sehe yoa tiri jire tiro marine to yainare: Ahri yahpare to bajuamehnehto pano mipũre to yaina jihtinare beseyu tuhsũa tiri jire tiro marine. ˆ besea tiri jire marine ñaa buhiri marieina mari jilto sehe. ˆ yoana ñaa buhiri marieina jija mari, Cohamacũ to ñũchũ. ˆ jiro marine “Ñaa buhiri tiina jira”, nisi tiro. <sup>5</sup> Panopũ ˆ sehe nia tiri jire tiro marine: “Yũ macũ Cristo tinare to yoabasari mehne tina yũ pohna jahca”, ni cũa tiri jire marine panopũ. To ji coariro seheta to cahmariro seheta ˆ wahachũ yoa tiri jire tiro marine. <sup>6</sup> Wiho jiina mari jipachũta marine to ˆ noano yoachũ ñũna ño payoa mehne tirore noano durucujihna. To macũno to cahĩriro yaina mari jichũ ñũno noano marine yoara tiro. ˆ jina tirore noano durucujihna. <sup>7-8</sup> Cristota jira marine pichacapũ wahaborinare yũhdũchũ yoariro. Cristo mari ñaa buhirire yariabasaro, to dire cohã, mari ñaa yoari buhirire cohãri jire. Mari ñaa yoari buhirire to cohãchũ ñũno, Cohamacũ sehe mari ñaa buhirire bonocahna. Marine ñaa dihtare yoaborinare ˆ cahmano marine noaputiaro yoari jire Cohamacũ. ˆ yoa marine to ˆ yoinare noano waro tũho masiina wahachũ yoari jire. <sup>9-10</sup> Tũho masiina wahachũ yoa, baharopũ to yoahore marine masichũ yoare. Panopũ painare tíre masichũ yoareri jire tiro. ˆ sehe jira baharopũ to yoahore: Tiro to cahmariro seheta to tũhoturiro seheta jipihtinare cũ curuata Cristo yaina jichũ yoarohca. ˆ jiro jipihtiare to ya jichũ yoarohca. To quihõri pja mũ sũchũ mũano macainare, ahri yahpa macaina cũhũre, cũ curuata to yaina jichũ yoarohca tiro. ˆ yoa mũano macaare, ahri yahpa macaa cũhũre to ya jichũ yoarohca. ˆ jiro Cristo sehe jipihtina bui pũhtoro jirohca. ˆ yoa jipihtia pũro jirohca. ˆ jihtiro ji dutia tiha Cohamacũ tirore.

<sup>11</sup> ˆ yoaro Cristo yaina mari jiltore masino panopũ Cohamacũ marine bese tuhsũa tiha to yaina mari jihtinare. Ahri jipihtiare to yoarire, baharopũ to yoahore cũhũre, “ˆ waharohca”, ni cũyua tiha tiro to tũhoturiro seheta, to cahmariro seheta yoaro taro. ˆ yoa tiha tiro to yare sã yoahore cjihtore. <sup>12</sup> Sã sehe judio masa Cristore cahma mũhtaina jina sãre to yũhdũchũ yoahore cohta mũhtaina jija. Cohamacũ sãre besea tiha to yare sã yoahore cjihtore. Cohamacũ yare sã ˆ yoachũ ñũna, paina tirore ño payo, “Tuariro jira”, ti nihto sehe Cohamacũ sãre besea tiha. <sup>13</sup> Mũsa cũhũ quihõno durucuaeta noaa buheare tũhore. Tĩ buhea “Cohamacũ cahapũ mũsa waha duachũ, ˆ sehe jira”, ni yahura marine. Tĩre tũhona tirore wacũ tua, noano tũhona to yaina wahare mũsa. To yainare ˆ sehe niri jire Cristo: “Mũsare Espĩritu Santore warocaihtja”, ni yahu cũri jire. <sup>14</sup> ˆ jiro tirore mũsa wacũ tua, noano tũhochũ ñũno to yairo Espĩritu Santore ware mũsare. ˆ jiro Espĩritu Santo mari mehne jiro Cohamacũ yaina mari jia tiare masichũ yoara tiro sehe. ˆ yoa Espĩritu Santo parore masichũ yoara. Cohamacũ mari ñaa buhirire bore marine yũhdũchũ yoaro. ˆ jiro baharo to cahapũ naanohca marine to yainare. Marine to naahore pano Espĩritu Santo sehe Cohamacũ cahapũ mari sũri baharo to yare mari cjuahore

masichu yoara marine. Cohamacu marine ã yoara tirore ño payoa mehne “Noariro jira”, mari nihto cjihtore.

*Paulo Cohamacu*re sini payoha Jesu yainare

<sup>15-16</sup> Cristore wacũ tuaina m̄sa jichu t̄horocacu Cohamacu ã sini payorucuja m̄sare. Mari puhtoro Jesucristore m̄sa wacũ tuarire, jipihtina to yainare m̄sa cahĩre t̄horocacu Cohamacu ã “Noana”, nija. <sup>17</sup> Õ sehta tirore sini payoja m̄sare: Cohamacu m̄sano macariro mari puhtoro Jesucristo Pucuro, noa ȳhd̄uariro to yare m̄sa noano masihto sehe sini payoja. ã yoaro tirore m̄sa noano masihto sehe sini payoja m̄sare. <sup>18</sup> ã jicu paye yu nihti c̄h̄ure m̄sa noano masihto sehe m̄sare sini payoja Cohamacu. Tiro m̄sare ȳhd̄uchu yoaro, to yaina cjihtire yoare. To ã yoachu noa ȳhd̄uara marine. Tĩre m̄sa masihto sehe sini payoja m̄sare Cohamacu. ã yoa marine to wahtire noa ȳhd̄ua tí waro ti jichu c̄h̄ure m̄sa masiyuhto sehe sini payoja m̄sare Cohamacu. <sup>19</sup> Õ sehe c̄h̄ure m̄sa masihto sehe sini payoja m̄sare Cohamacu. Cohamacu wacũ tuaina mari jichu ñ̄no to tuaa mehne marine yoadohora tiro. Tiro sehe paina bui tua ȳhd̄uariro jira. Tí c̄h̄ure m̄sa masihto sehe sini payoja Cohamacu. <sup>20</sup> Tí to masia mehne, to tuaa mehne tiro Cristo yariarirore masori jire. ã maso tuhsuro, m̄sanopu to potu buhusehei Cristore dujichu yoari jire Cohamacu, jipihtinare dutihtiro to jihto sehe. <sup>21</sup> Tóí dujiro jipihtina m̄sano macaina puhto bui, ã yoa jipihtina ahri yahpa macaina dutiina bui jiriro jira Cristo. Mip̄re jipihtina ahri dacho macaina bui puhtoro jira. Baharopu jipihtina pa tjuru macaina c̄h̄ure ti bui puhtoro jihtiro cjihtota jira tiro. <sup>22</sup> ã yoa jipihtina bui c̄uri jire Cohamacu Cristore. ã yoaro jipihtiare pu tichu yoari jire tirore. ã jiro Cristo yaina c̄u curua jiina bui puhtoro s̄ori jire tirore. Ti dapu jira tiro sehe. <sup>23</sup> Cristo yaina c̄u curuata jina, to pjacu yoaro sehe jija mari. Cristo jipihtiropu ã jirucura. ã jina mari to yaina mehne to jirucuchu, to jiro sehta wahana nija. ã wahana to jia tiare ñona nija.

## 2

*Cohamacu* marine cahĩno, pja ñ̄no ȳhd̄uchu yoaha marine

<sup>1</sup> Cohamacu ȳhd̄urucaina, ñaa buhiri tiina yariaina cjiri yoaro sehe jiri jimare m̄sa, Cohamacu to ñuchu. <sup>2</sup> Panop̄re ahri yahpa macaina Cohamacu ȳhd̄urucaina yoaro sehe yoarucuri jimare m̄sa c̄h̄u. ã yoana watĩno to dutiro sehta yoarucuri jimare m̄sa. Tiro watĩno ahri yahpai dutiro Cohamacu ȳhd̄urucaina puhtoro jira. Watĩa puhtoro c̄h̄u jira tiro. <sup>3</sup> Panop̄re jipihtina mari ã dihta yoarina jimai. Mari ñaa dihtare goa pjamai. Mari m̄ s̄uro, mari t̄hotu, mari cahmano sehta yoamai. ã yoaina jina jipihtina paina yoaro sehta, mari c̄h̄u ñaa buhiri tiina jirucumai. Mari ã jiina jiri buhiri, Cohamacu to buhiri dahreborina jimai. <sup>4</sup> Mari ã jiina jipachuta, Cohamacu marine tuaro pja ñ̄no, noano cahĩri jire marine. <sup>5</sup> ã cahĩ ȳhd̄uro, Cohamacu ȳhd̄urucaina, yariaina yoaro sehta mari jipachuta Cristo mehne marine catichu yoari jire. <sup>6</sup> ã jiro Cristo yaina mari wahachu, Cohamacu Cristo mehne marine maso, ã yoa m̄sanopu Cristo mehne dujihtinare marine s̄o dapori jire, tiro mehne dutihtina cjihti mari jihto sehe. Cristo yaina jina, ãta wahaina baro jija mari, Cohamacu to ñuchu. <sup>7</sup> Õ sehta noano yoara tiro marine to pja ñ̄urire, to tuaro cahĩre baharopu jihtinare masichu yoaro taro. Cristo yaina mari jichu ñ̄no ã ȳhd̄uchu yoara tiro marine. <sup>8</sup> Cristore wacũ tua, mari noano t̄hochu ñ̄no Cohamacu marine pichacapu wahaborinare ȳhd̄uchu yoara. Marine pja ñ̄no, marine cahĩno marine ȳhd̄uchu yoara. Mari m̄ s̄uro mari noano yoaa mehne Cohamacu cahapu waha masieraja mari. Cohamacu sehe marine ȳhd̄uchu yoara. ã jiro tiro mehne mari ã jirucuhtore c̄una marine. <sup>9</sup> To ã c̄uchu mari m̄ s̄uro noare mari yoari wapa jierara tí.

“Sã m̄ s̄uro ȳhd̄uhi”, niboca”, nino õ sehe dutiri jire tiro: Mari m̄ s̄uro ȳhd̄u dutierara marine. <sup>10</sup> Cristo yaina jichu yoare marine Cohamacu sehe noaa dihtare yoahina mari jihto sehe. Panopu noare mari yoahire c̄u tuhsua tiri jire tiro marine.



*Cristore cjuana mari noano jija*

<sup>11</sup> Ñ jina panopu musa jia tirire mipu cūhure wacūga musa. Cristo yaina jierasinina judio masa jieraina jina musa coyea yoaro sehe yoarina jiri jimare musa. Circuncisiōre yoaeraina jire musa mipu musa jiro seheta. Musa ã yoaeraina jichu ñuna sã judio masa sehe circuncisiō yoaina sehe musare õ sehe nia tii. “Circuncisiōre yoaeraina jia, Cohamacu yaina jierara”, nia tii musare. Circuncisiōre yoaina mua pjacurire mahanocã cahsarocãre yihso narina jira. <sup>12</sup> Panopu Cristo yaina jierari jimare musa. Sã judio masa sehe Cohamacu to beseina jia tii. Sã ã jichu “Musare yūhdūchū yoaihtja”, ni cūa tiha Cohamacu sãre. Musa sehe to ã ni cūrina jierari jimare. Æ yoa Cohamacu to beserinare ñu tuhtiina jisniri jimare musa. Musa ñaa buhirire pichacapu wahahtina jiri jimare musa. Cohamacu maeraina jina pichacapu butiborina jia tiri jimare musa. <sup>13</sup> Mipu sehere Cristo Jesu yaina jira musa. Panopu Cohamacure ñu tuhtiina jipanahta, mipure to yaina jira musa. Cristo musa ñaa buhiri crusapu to di cohãri mehne Cohamacu yaina jichu yoare musare. <sup>14</sup> Sã judio masare cahma ñu tuhtiina musa jichu ñuno Cristo marine “Musa basi cahma ñu tuhtiena tjiga”, ni yahure. Masare noano yahuriro jira tiro. Sã judio masa, judio masa jieraina mehne pua curua mari jichu ñuno, tiro cū curuata yoare marine. Dūcatari sahrĩnore ti tju site cohãno yoaro sehe mari cahma ñu tuhtirire duhuchū yoare tiro. <sup>15-16</sup> Õ sehe tíre yoare tiro: Mari ñaa buhirire crusapu yariaro marine pichacapu wahaborinare yūhdūchū yoare. Æ yūhdūchū yoaro to yaina jichu yoare marine. Æ yoaro pua curua mari jimaritore cū curuata wahma curua jichu yoare marine. Æ yoaro panopu mari cahma ñu tuhtiina mari jimaritore marine cūnoi noano jichu yoare. Æ yoaro judio masa sã dutia cjirire cohãre tiro. Tí dutia marine pua curua ji dutiri jimare. Mipure cū curuata jija mari. Cristo Cohamacu yaina jichu yoare marine.

<sup>17</sup> Æ yoa Cristo noaa buheare marine yahuro tari jire. Musa judio masa jieraina Cohamacu yare cjueraina jiri jimare. Musa ã jichu ñuno musare yahuro tari jire tiro. Sã judio masa sehe Cohamacu yare cjuai. Sã cūhure yahuro tari jire. Æ yahuro taro jipihtina marine cū curuata noano mehne ji dutiro tari jire tiro. <sup>18</sup> Mipure jipihtina mari judio masa, judio masa jieraina cūhū Cohamacu mari Pūcu mehne noano ji masija mari. Espĩritu Santo to yoadohoa mehne mari Pūcu mehne noano ji masija mari. Cristo sehe marine ã noano jichu yoari jire. <sup>19</sup> Æ jina mipure pa dilta macaina yoaro sehe jierara musa. Mipure Cohamacu yainare ñu tuhtiina jierara musa. Cohamacu yaina mehne macaina jira musa. To ya curua macaina jira musa. <sup>20</sup> Cohamacu ya durucuare yahu turiaina, sã cūhū to yare buhe dutiro to cūrina jina to ya durucuare musare yahu dūcai sã, wahma wūhure Cohamacu ya wūhure ti dahre dūcariro seheta. Tí wūhū ti cū mūhtari tãca yoaro sehe jiroro Cristo sehe marine yūhdūchū yoariro mariachū mari ne yūhdūerabo. <sup>21</sup> Æ jiro to tuua mehne marine to yainare cū curuata jichu yoare tiro, Cohamacu wūhure ñaa marieni wūhure ti dahreboriro seheta. To ã yoachū to tuua mehne noaina wahaja mari, Cohamacu to ñūchū. Mari ã jichu ñuno, tirota mari mehne jirucura. <sup>22</sup> Æ jina Cristo yaina jina jipihtina paina to yaina mehne cū curua wahare musa cūhū. Musa ã wahachū Cohamacu to Espĩritu Santo musa mehne jiro nina, Cohamacu ya wūhū ti jiboro seheta.

### 3

*Judio masa jierainare noaa buheare yahuriro jija Paulo*

<sup>1</sup> Æ to ya curua macaina musa jichu ñūcu yūhū Paulo musare sini payoja Cohamacure. Cristo Jesu yare musare jipihtina judio masa jierainare yū yahuri buhiri peresupu jija yūhū. <sup>2</sup> Cohamacu wiho jiina mari jipachūta, marine cahĩno, noaa buheare musare judio masa jierainare yūhure yahu dutiro cūre. Tíre masi tuhsure musa. <sup>3</sup> Panopu masare to yahuerari cjirire Cohamacu baharopure yūhure masichū yoare. Ahrire mahanocã yahu musare joaroca tuhsūhi. <sup>4</sup> Yū ã joarocarire buhena Cristo to yare yūhure to masichū yoarire masinahca musa. <sup>5</sup> Tí to yahuri cjirire panopu macainare tiro yahuera tiha. Mipure

sehère sãre Jesu to cūrinare Cohamacu yare yahu mūhtaina cūhure sã jipihtina tirore dahra cohtainare to yahuri cjirire masichu yoare Cohamacu. To yairo Espiritu Santo sehe sãre masichu yoabasare Cohamacure. <sup>6</sup> Õ sehe jira to yahuri cjiri: Sã judio masa dihtare Cohamacu yūhdūchu yoerara. Judio masa jieraina cūhure yūhdūchu yoarohca tiro. Æ jina sã judio masa, mūsa judio masa jieraina mehne Cristo yaina jina, cū pjacu yoaro sehe cū curuata jija mari. Æ jina mari jipihtina Cristo Jesu yaina jina cūno potori Cohamacu “Mūsare yūhdūchu yoaihtja”, ni to yūhdūchu yoaina jija mari.

<sup>7</sup> Cohamacu yūhure pja ñno, yūhure cahño ahri noaa buheare yahuhtiore yūhure cūre. To tuaa mehne Æ cūre yūhure tiro. <sup>8</sup> Jipihtina Jesu yaina ti doca macariro waro jija yūhū. Yū Æ jipachūta judio masa jierinare noaa buheare yahuhtiore cūre Cohamacu yūhure. Tí buhea Cristo noa yūhdūariro to jiare, noa yūhdūa to cjuare to wahtire yahura marine. <sup>9</sup> Yūhure Æ cūno Cohamacu “Õ sehe yūhdūchu yoaihtja masare”, nino to yūhdūchu yoatore noano yahu pahñohtiore cūre yūhure tiro. Æ jiro panopu macainare tí buheare ne yahu pahñoerasinia tiha Cohamacu. Jipihtiare bajuamehneriro jira tiro. <sup>10</sup> Mipure noaa buheare yahu dutiro cūre marine to yainare tiro to noano masi pahñoare masichu yoaro taro. Masi pahñoriro to jia tiare mūano macaina pūhtoare masichu yoa duari jire. Æ yoaro taro noaa buheare buhe dutire marine Jesu yainare. <sup>11</sup> Ahri yahpa to jihto panopūta “Masare pichacapu wahaborinare yūhdūchu yoaihtja”, nia tiha Cohamacu. Æ niriro jiro mipure mari pūhtoro Cristo Jesu yaria to masa mūjano mehne to niriro seheta marine yūhdūchu yoara Cohamacu. <sup>12</sup> To Æ yūhdūchu yoachu mipure Cristore wacū tuana to yaina wahaja mari. To yaina jina wacū tuaa mehne, cuiro marieno Cohamacu mehne durucu masija mari. <sup>13</sup> Noaa buheare mūsare yū buheri buhiri mipure peresupu jicu yū ñano yūhdūchu ñna cahyaena tjiga. Noaa buheare yū yahuchū tūhona Cohamacu yaina wahare mūsa. Yū Æ yoari buhiri peresui jija. Æ jicu mūsare yū yoadohori buhiri ñano yūhdūi nija. Mūsa noano yūhdūhto sehe Æ wahaja yūhū. Tíre masina wahchega mūsa. Tíre tuaro wahche dutija mūsare.

#### *Cristo masare tuaro cahña*

<sup>14</sup> Æ jicu ahri jipihtia Cohamacu mari Pucu to yoarire wacūcu tiro pano na tuhcuca caha sūcu sini payoja mūsare. <sup>15</sup> Tiro jipihtia curuari macaina mūanopu jiina, ahri yahpai jiina cūhu ti Pucuro jira. Jipihtinare bajuamehneriro jira tiro. <sup>16</sup> Tirore Õ sehe ni sini payoja mūsare: Tiro masi pahñoriro jira. Tua yūhdūariro jira. Æ jicu to tuaa mehne mūsare noano to wacū tuachu yoahito sehe sini payoja. Espiritu Santo to yoadohoa mehne Æ yoarohca. <sup>17</sup> Æ sini payocu Cristore mūsa wacū tua namohto sehe tiro mūsa mehne to noano jihto sehe sini payoja mūsare. Æ jicu painare noano cahña mūsa jihto sehe sini payoja mūsare. <sup>18-19</sup> Jipihtina paina Cohamacu yaina cūhu mūsa mehne Cristo masare to tuaro cahñare mūsa masihto sehe sini payoja. Tiro jipihtina masare cahñ yūhdūariro jira. To Æ cahñ yūhdūarire noano masi pahñohto basioerara. Æ jipachūta to Æ cahñiro to jia tiare mūsa noano masihto sehe sini payoja mūsare. Æ yoa to cahñare mūsa masichu cahmaja Cohamacu mūsa mehne to noano jihto sehe. Noa yūhdūariro, ñaa marieriro to jiro seheta mūsa wahahto sehe to cahñare mūsa masichu cahmaja. Æ jicu to cahñare mūsa masihto sehe sini payoja mūsare Cohamacure.

<sup>20-21</sup> Æ yoa Cohamacure pjíro ño payoa mehne “Tiro tuariro jira”, nijihna. To tuaa mehne noaa sehère cohtota masina marine tiro. Marine noaina jichū yoa masina. Mari siniri yūhoro yoa masina tiro. Mari cahmaare mari tūhoturi yūhoro yoa masina tiro. Cristo Jesu yaina to ya curua macaina jina jipihtia dachoripe jipihtina Cohamacure ño payojihna. Æta yoajihna.

## 4

#### *Cristo yaina jina cū curuata jija mari*

<sup>1</sup> Æ jicu yūhū, mari pūhtoro Cristo to cahmaare yū yoari buhiri peresupu jiro jicu, mūsare Õ sehe ni tuaro dutija: Cohamacu to yaina cjihtire mūsare besea tiri jire. Æ to

beserina jina to cahmano seheta yoaina jiga m̄sa. <sup>2</sup> “S̄a pinihta masi ȳhd̄ur̄ucaina jija”, ni t̄hotuina jiena tjiga. Painare noano mehne yoaga suaro marieno. M̄sa mehne macaina m̄sare ti ñano yoapach̄ta tinare cah̄ña mehne noano yoaga. <sup>3</sup> ã jina Esp̄ritu Santo to yoadohoa mehne noano mehne c̄ño mehne jirucuga m̄sa. ã yoana cahmachea marieno jinahca m̄sa. <sup>4</sup> C̄ũ pjac̄u yoaro seheta c̄ũ curuaihta jija mari. ã yoa Esp̄ritu Santo c̄ũirota jira. Cohamac̄u to yaina c̄jhti m̄sare besea tiha m̄sare ȳhd̄uch̄u yoaro taro. ã jina to ȳhd̄uch̄u yoah̄tore cohtasinina m̄sa. C̄ñota jira m̄sa cohtaro. <sup>5</sup> Mari p̄htoro Cristo c̄ũirota jira. To yahua, mari wac̄ũ tuaa c̄ũh̄u c̄ñota jira. To yainare bautisarire yahua c̄ũh̄u c̄ñota jira. <sup>6</sup> ã jiro Cohamac̄u c̄ũirota jira. Tiro jipihtina P̄c̄uro jira. ã jiro jipihtina mari p̄htoro jira. Jipihtinare marine to cahmano seheta yoach̄u yoa masina tiro. Jipihtina mari mehne jira. ã yoa jipihtirop̄u jira tiro.

<sup>7</sup> C̄ũ curua mari jipach̄ta jipihtina marine c̄ainare mari yoa masihtire c̄ũre marine Cristo. Tiro to c̄ũiro seheta yoa masija mari. Tiro marine ã c̄ño paye barore to ã wanocaboriro seheta yoaro nire tiro. <sup>8</sup> ãta nina Cohamac̄u yare ti joari p̄p̄: “Cohamac̄ure ñu tuhtiinare to ȳhd̄ur̄ucari baharo tiro tinare naa m̄j̄aa wahare. ã naa m̄j̄ano tiro paȳu ã wanocare ahri yahpa macaina sehere”, ni joaa tiha panop̄re.

<sup>9</sup> “Tiro m̄j̄aa wahare”, to nich̄u wahmanore m̄anop̄u jiro ahri yahpap̄re to tari c̄ũh̄ure mari masija. Ahri yahpap̄re to duji tarire mari masija. <sup>10</sup> ã jiro òp̄re duji tariro tirota jira m̄j̄aa wahariro. Jipihtiro bui m̄j̄aa wahari jire tiro, jipihtirop̄u jiro taro. <sup>11</sup> Tiro jira “Ahri yahpa macainare paȳu ã wanocariro”, ti niriro. Masare to ã wanocano seheta tiro paȳu ti yoa masihtire c̄ũri jire masare. Ò sehe c̄ũri jire tiro: C̄ainare Cristo to yare yahu duti to warohtinare c̄ũri jire. Painare Cohamac̄u ya durucuare yahu turiahtinare c̄ũri jire. Noaa buheare buhe tinihtinare painare c̄ũri jire. Cristo yaina cahmachuinare ñu wihboina c̄jhtire, noano buhehtina c̄jhtire c̄ũri jire painare. <sup>12</sup> Tó sehe yoa, dahrahtina c̄jhtire c̄ũri jire marine painare to yainare mari yoadohohto sehe Cohamac̄ure mari masi noano namohto sehe. ã c̄ũri jire marine to yainare tirore mari wac̄ũ tua namohto sehe. <sup>13</sup> ã jina mari jipihtina noano mehne c̄ño mehne jinahca. ãta jiro cahmana marine Cristore wac̄ũ tuaina jina. ã jina mari jipihtina Cohamac̄u mac̄nore noano masinahca. ã yoana Cristo tuariro, noano masiriro to jiro seheta mari c̄ũh̄u noano masiina, Cohamac̄ure noano wac̄ũ tuaina wahanahca.

<sup>14</sup> Mari ã wahana macanac̄ã yoaro sehe jisi mari. Macanac̄ã noano t̄ho masierasina. Paina ti buhech̄u “Ahri potoc̄ã jira”, ni ti mah̄ño mihnia mehne ti mah̄noch̄u tinac̄ã yoaro sehe jiina soro jia buheare cahmana. ã yoa paina ti soro buhech̄u tí buhea sehere cahmana tjoa. Pjiri ma macaa pahc̄õri ti ã cohtotarucuro seheta tó sehe ã cohtotarucuina jira tinac̄ã yoaro sehe jiina. Tina yoaro sehe jisi mari. <sup>15</sup> Ò seheta yoanahca mari: Mari mehne macainare cahma cah̄ña, potoc̄ã noaa buheare cahma yahunahca mari basi. ã yoana macanac̄ã buc̄ua t̄ho masiina ti wahariro seheta mari c̄ũh̄u tuaina, Cohamac̄u yare noano masiina wahanahca. Cristo to jiro sehe wahanahca. Tiro jira mari dapu. <sup>16</sup> To yaina jina to pjac̄u yoaro sehe c̄ũ curuaihta jija mari. ã jina mari capari, mari cahmori, mari dahpori c̄ũ pjac̄u ti noano jiro seheta mari c̄ũh̄u paȳu jipanahta c̄ño potori noano jija. Mari ã c̄ño potori mari jihto sehe Cristo yoadohora. ã jina mari wamomaca mari pjac̄ure to noano yoadohoriro seheta mari noano yoadohoja paina Cristo yainare. Mari mehne macainare Cristo yainare noano cah̄ña, tinare noano yoadohona, tuaina Cristore wac̄ũ tua namoina wahanahca mari.

*Cristo yaina wahana mari ñaa yoare duhu, noaa sehere cohtotaja mari*

<sup>17</sup> ã yoa mari p̄htoro Cristo to dutiro mehne ò sehe nihtja m̄sare: Cohamac̄ure cahmaeraina waro yoaro sehe yoana tjiga m̄sa. Tina ti t̄hotua sehe ñaa dihta jira. ã jia ti t̄hotua yaba c̄jhti jierara. <sup>18</sup> ã jia nahitiano ti ñu masieraro seheta tina Cohamac̄u yare ne masieraputiara. To yare ne t̄hoeraputiara. T̄ho duaerara tina. ã jia Cohamac̄u to noano ji dutiriro seheta jierara tina. <sup>19</sup> ã jia tina ñaare yoaa ne b̄no tieraputiara. ã

yoa ne cahyaerara. Ñaare ti goa pjaa dihtare yoarucura. Jipihtia ti ñaare yoare duhu duaerara. <sup>20</sup> M̄sa sehe ã yoerare, Jesure masi d̄ucana. <sup>21</sup> Potocã to yare t̄hoina m̄sa jich̄u, Jesu yare noano masiina m̄sa jich̄u m̄sa sehere tina yoaro sehe yoa dutierara tiro. <sup>22</sup> ã jina ñano wete tia suhtire m̄sa tjuwe cohãno seheta panop̄u m̄sa yoari cjirire duhunocahga. Tí pjare ñaare yoarucuina m̄sa jich̄u tí ñaa sehe m̄sare dojomehneni niri jimare. “Ñaare yoana, noano wahchenahca”, ni t̄hotuina jipanahta ne potocã wahcherare m̄sa. <sup>23</sup> ã yoa m̄sa t̄hotuare noaa sehere Cohamac̄u to cahmano seheta cohtotaro cahmana m̄sare. <sup>24</sup> ã jina noaa sehere cohtotaina jiga m̄sa. Tó sehe jiina Cohamac̄u yoaro seheta jira. M̄sa ã jiina jina, noaare yoarucunahca. ã yoana ñaare ñ̄u yabinahca.

<sup>25</sup> ã jina mahño namoena tjiga m̄sa. M̄sa mehne macainare quihõno yahuga, mahño no marieno. Mari c̄u pjac̄u yoaro sehe c̄u curua macainata jina nija. ã jina m̄sa mehne macainare mahñoena tjiga.

<sup>26</sup> Paina mehne suana, ñaano yoana tjiga. ã jina suana, c̄u dacho waro noano suarucuena tjiga. <sup>27</sup> Yoari pja suana, wat̄no to cahmano sehe yoana nica. ã yoana tjiga wat̄no m̄sare “Dojomehneri”, nina.

<sup>28</sup> M̄sa mehne macaina Jesu yaina m̄sa jihto pano yacaina jirina cjiri pari turi yacaena tjiga. ã yoana mip̄u sehere noano dahraga m̄sa wapataa mehne pjac̄uoinare m̄sa yoadohohto sehe.

<sup>29</sup> Ne ñano durucuena tjiga “Painare dojomehneri”, nina. Noaare durucuna painare yoadohora Cohamac̄u cahmaare m̄sa masi namohto sehe. ã jina noaa dihtare durucuga. <sup>30</sup> Ñaare yoana Esp̄ritu Santore cahyach̄u yoana nica m̄sa. ã yoana tjiga. Mip̄ure pihtiri dacho pano Cristo marine to naahto pano Cohamac̄u to Esp̄ritu Santo marine ñ̄u wihbora ñaare mari yoerahto sehe. ã jiro Cohamac̄u yaina mari jiare masich̄u yoara tiro marine. ã jina tirore cahyach̄u yoana tjiga.

<sup>31</sup> ã jina ne painare ñano yoa namoena tjiga. Cahma sayo namoena tjiga. Painare sua, ñano ni sañurucu namoena tjiga. Painare ñano quiti dahre namoena tjiga. Ne painare ñano ni t̄hotu namoena tjiga. <sup>32</sup> ã yoa m̄sa mehne macainare noano mehne noano yoaga. Cristo yaina m̄sa jich̄u ñ̄no m̄sa ñaa buhirire bonocahre Cohamac̄u. Tó seheta m̄sa c̄uh̄u paina m̄sare ti ñano yoach̄u ñ̄na ti ñaa yoarire bonocahga.

## 5

“Cohamac̄u poh̄nare õ sehe jiro cahmana”, ni yahuha Paulo

<sup>1</sup> ã yoa Cohamac̄u poh̄na to cah̄ina jina Cohamac̄u to jiro sehe jiga m̄sa. <sup>2</sup> ã jina painare ã cah̄irucuga. Cristo marine cah̄ino, mari ñaa buhiri yariari jire. ã yariaro Cohamac̄ure ji coach̄u yoari jire tiro. ã jina marine to cah̄iro seheta m̄sa c̄uh̄u painare cah̄iga.

<sup>3</sup> ã jina Cohamac̄u yaina jina ne numia mehne ñano yoana tjiga. Numia c̄uh̄u m̄sa mehne ñano yoana tjiga. Paye ñaare tó sehe jia ñaare yoana tjiga. Paye barore cahma ȳhd̄ur̄ucaena tjiga. Ne ã yoeraro cahmana m̄sare, Cohamac̄u yaina jina. <sup>4</sup> ã yoana buoro durucueraro cahmana m̄sare. T̄ho masieraina yoaro sehe durucueraro cahmana m̄sare. ã jina ñano ni buj̄uperaro cahmana m̄sare. Ahri sehere yoaro cahmana m̄sare. Cohamac̄u mehne durucuga m̄sa. ã durucuna tirore “Noano yoahre m̄uh̄u s̄ãre”, nino cahmana. <sup>5</sup> Paye barore goa pjana, tíre tuaro cahmana, “Cohamac̄u jira”, ti nia mas̄urine ti ño payoro seheta yoana nija mari tíre. ã yoa numia mehne ñano yoana, ñaa dihtare t̄hotuina, paye barore goa pjaina Cohamac̄u Cristo mehne p̄h̄toro ti s̄ho jiro p̄u ne wahasi tina. Tíre noano masija mari. <sup>6</sup> Õ sehe yoana ti yoari buhiri buhiri dahrerohca Cohamac̄u tirore ȳhd̄ur̄ucainare. ã jina paina m̄sare “Ahri ñaa jierara”, ti ni mah̄noch̄u t̄hoena tjiga. <sup>7</sup> ã jina tó sehe yoa ȳhd̄ur̄ucainare ne piti tiena tjiga.

<sup>8</sup> Cristo yaina m̄sa j̄hto pano ̄ jirina cjirita jire m̄sa c̄h̄ nahitianoi jiina yoaro seheta. Mip̄ sehere to yaina jina buhriaroi jiina ti ñ̄ masino seheta, Cohamac̄re noano masina m̄sa. Cohamac̄ yaina noaare yoara. ̄ jina tó seheta yoaga m̄sa c̄h̄. <sup>9</sup> ̄ jina Cristo yaina jina buhriaroi jiina yoaro seheta noaare, Cohamac̄ cahmaare, mah̄ono marieno yoarucunahca m̄sa. <sup>10</sup> Noaare mari yoach̄ ñ̄no mari p̄htoro Cristo wahchera. Tó sehe jiare, mari p̄htorore wahchech̄ yoaa sehere masi wahc̄ga m̄sa. ̄ masina tíre yoaga. <sup>11</sup> Cristore cahmaeraina nahitianoi jiina yoaro seheta ñ̄a ti yoaa, ñ̄a waro jira. ̄ jina tina yoaro seheta m̄sa sehe yoaena tjiga. Noaa buheare Cristo yare yahuga tinare. ̄ yoa ti ñ̄a yoaare tinare masich̄ yoaga buhriaroi mari ñ̄ masino seheta. <sup>12</sup> Masa ti ñ̄eno tina ñ̄ano yoa cohtara. Ti ̄ yoirire durucuna mari b̄o tiboaa. ̄ yoaa ñ̄aputiaro yoara tina. <sup>13</sup> ̄ jina tinare noaa buheare mari yahuna ñ̄aputiina ti jia tiare masich̄ yoana nija mari tinare buhriaroi mari ñ̄ masino seheta. <sup>14</sup> Tó seheta noaa buheare tinare yahuna, ñ̄aina ti jia tiare masi pah̄och̄ yoana nija tinare. ̄ jia ̄ sehe ni yahura paina:

“Ne, car̄ina ti t̄hoeraro seheta ȳh̄re t̄ho duaeraina, t̄hoga m̄sa car̄ina ti wahc̄no seheta.

̄ yoana yariaina t̄hoeraina ti jiro seheta Cohamac̄ yare t̄hoeraina ji namoena tjiga. M̄sa ̄ yoach̄ ñ̄no, Cristo buhriaro yoaro sehe jiriro m̄sare noano masich̄ yorohca”, ni yahura.

<sup>15</sup> ̄ jina dachoripe noano yoaga m̄sa. T̄ho masieraina yoaro sehe jiena tjiga. T̄ho masiina jiga. <sup>16</sup> Mip̄ macaina masa ñ̄abiaro yoarucura. ̄ jina m̄sa sehe noaare, Cristo yare m̄sa yoa masino seheta ̄ yoarucuga m̄sa. <sup>17</sup> ̄ yoana t̄ho masieraina jiena tjiga. Cohamac̄ to cahmaa sehere noano masiga. ̄ masina tíre yoaga. <sup>18</sup> ̄ yoa cahaena tjiga. Cahainare ñ̄ano wahahto cua ȳhd̄ara. ̄ jina pah̄moa core p̄jro cahmaena tjiga. Esp̄ritu Santo sehere p̄jro cahmaga m̄sa mehne to noano j̄hto sehe. Tirore noano ȳhtiina jiga. <sup>19</sup> M̄sa basi Cohamac̄re ñ̄o payoa basaare cahma durucuga. ̄ yoa Salmore Cohamac̄ yare basaare, paye tirore ñ̄o payoa basaa c̄h̄re tirore basa payoga m̄sa. Noano wac̄ ñ̄o payoa mehne basa payoga. ̄ yoana mari p̄htoro Cristore wahche payoga. <sup>20</sup> Cohamac̄ mari P̄c̄ jip̄ltiare m̄sare to warire, to yoi c̄h̄re wahchena, “Noana”, ̄ nirucuga m̄sa tirore. Mari p̄htoro Jesucristo yaina jina mari P̄c̄re “Noana”, ̄ nirucuga m̄sa.

“M̄sa c̄h̄ w̄h̄ macaina Jesu yaina jina, ̄ sehe yoaga”, ni yahuha Paulo

<sup>21</sup> ̄ yoa m̄sa mehne macainare noano ñ̄o payoa mehne cahma ȳhtiina jiga Cristore noano ñ̄o payoia jina.

<sup>22</sup> M̄sa namos̄numiare yahuiht̄ja mip̄re. Mari p̄htoro Cristore mari ȳhtiriro seheta m̄sa man̄sumare noano mehne ȳhtia numia jiga. <sup>23</sup> Jesucristo marine ȳhd̄ch̄ yoare to p̄jac̄ yoaro sehe jiina to ya curua macaina mari j̄hto sehe. ̄ yoa mari to ya curua macaina mari p̄htoro to jiro seheta m̄sa man̄suma m̄sa namos̄numia bui p̄htoa jira. <sup>24</sup> Cristo yaina jina tirore ̄ ȳhtirucuja mari. Tó seheta m̄sa man̄ tia numia m̄sa man̄sumare noano ȳhtirucua numia jiga.

<sup>25</sup> M̄sa man̄sumare yahuiht̄ja tjoa mip̄re. Cristo marine to yaina jich̄ yoaro taro, marine cah̄no, mari yaro jiborire yariari jire. ̄ jina marine to cah̄riro seheta m̄sa c̄h̄ m̄sa namos̄numiare noano cah̄rucuga. <sup>26</sup> Cristo ya buheare t̄hona Cohamac̄ yaina wahahi mari. ̄ jina to ya buheare “Quih̄no jira”, ni mari t̄hoturi baharo, mari ñ̄a buhirire cosawere tí buhea mehne. Co mehne marine ti bautisach̄ c̄h̄re mari ñ̄a buhirire Cristo to cosawerire ñ̄ona nija mari. <sup>27</sup> ̄ cosawere tiro marine to yaina cj̄hti yoaro taro. To ̄ cosawech̄ ne ñ̄a buhiri marieina jinahca, Cohamac̄ to ñ̄ch̄. <sup>28</sup> M̄sa namos̄numiare cah̄na, m̄sa basi m̄sa p̄jac̄re m̄sa cah̄no seheta tí numiare cah̄ga. Mari namore cah̄ina jina mari p̄jac̄re cah̄ina jija. <sup>29-30</sup> Ne mari p̄jac̄re ñ̄ano wahach̄ cahmaeraja. Mari ch̄are ch̄na noano yoana nija mari p̄jac̄re. Cristo yaina jina to p̄jac̄ yoaro sehe to ya curua macaina jija mari. ̄ jiro marine noano yoara tiro. Cristo

marine to noano yoariro seheta mari cūhū mari pjacure noano yoaja. (Ā jina mari namosānumia cūhūre āta noano yoaro cahmana marine.) <sup>31</sup> Āta nina Cohamacū yare ti joari pūi: “Ā yoa mūno to pūcūsumare wijaaro to namono mehne jirohca. Ā jia tina pūaro jipahta cūiro yoaro sehe jiahca”, ni joaa tiri jire panopure. <sup>32</sup> Ahri to joari cjrīre paina noano tuhoerari jire. Tīre ō sehe ni yahuihtja mūsare. Ō sehe ni yahuro nica: “Cristo to yaina mehne cū pjacū yoaro seheta cū curuata jira”, ni yahuro nica. <sup>33</sup> Ā jicū mūsare ō sehe ni yahu namoihtja tjoa: Mūsa pjacūrire mūsa cahīno seheta mūsa namosānumiare cahīga. Ā yoa mūsa manūsumare noano űo payoga mūsa.

## 6

<sup>1</sup> Mīpūre mūsa pohmare yahuihtja. Mari pūhtoro Cristo yaina jina mūsa pūcūsumare noano yūhtiina jiga. Mūsa ā yoana, quihōno yoana nina. <sup>2-3</sup> Ō sehe nia tiri jire Cohamacū dutia: “Mūsa pūcūsumare noano űo payoga”, ni dutia tiri jire tiro. Ahri dutia mehne Cohamacū yahu namoa tiri jire. Ō sehe nia tiri jire: “Mūsa pūcūsumare űo payona, ahri yahrapū yoari pja wahchea mehne jinahca mūsa”, ni yahua tiri jire. Ā ni yahuro ahri dutiare mari yūhtichū mari noano wahahtore coā cūno nia tiri jire. Ā jina to niriro seheta mūsa pūcūsumare űo payoga.

<sup>4</sup> Mīpūre ti pūcūsumare yahuihtja: Mūsa pohmare ā tuhtirucena tjiga, “Suachū yoari”, nina. Mari pūhtoro Cristo to cahīa mehne to yoadohoa mehne tinare noano būcūoga. Ā yoa quihōno ti yoerachū űūna tinare noano yahuga.

<sup>5</sup> Mīpūre dahra cohtainare yahuihtja: Cua pisaro mehne, űo payoa mehne ahri yahpa macainare mūsa pūhtoare, mūsare dahra dutiinare noano yūhtiina jiga. Mahūono marieno noano yūhtiina jiga. Cristore mūsa yūhtiro seheta tinare yūhtiga mūsa.

<sup>6</sup> Ti űūrocaro dihtare yūhtiina jiena tjiga. Tó sehe yoaina masa dihtare tinare űū jicoachū cahmana. Mūsa sehe Cristore dahra cohtaina mūsa jiro seheta mūsa pūhtoa cūhūre ā yūhtirucuga. Cohamacū to cahmano seheta noano wahchea mehne yūhtiina jiga. <sup>7</sup> Ā jina Cristore yūhtiina mūsa jiro seheta wahchea mehne yūhtiga mūsa pūhtoa cūhūre. Masa dihtare yūhtiina jierara mūsa. <sup>8</sup> Ā yoana ahrire wacūga mūsa: Mari jipihtina noaare mari yoachū űūno mari pūhtoro Cristo noano yoarohca marine. Dahra cohtainare, dahra cohtaina jieraina cūhūre noano yoarohca.

<sup>9</sup> Mīpūre pūhtoare dahra dutiinare yahuihtja: Mūsare dahra cohtainare noano yoaga. Tinare noano yū yoa dutiro seheta yoaga mūsa cūhū tinare. Tinare noano mehne dutiga, tuhtiro marieno. Mūano macariro Cohamacū potocāta ti pūhtoro jira. Mūsa yairo pūhtoro jira tiro cūhū. Ā jina jipihtina mūsa tirore dahra cohtaina dihta jira. Ā jiro tiro cūno potori űūna mūsare jipihtinare. Ā jina mūsare dahra cohtainare noano mehne dutiga, tuhtiro marieno.

*Cristo yaina watīnore ti dūcataare yahua Paulo*

<sup>10</sup> Ahrire yahu batoihtja mūsare: Cristore noano wacū tuaina jiga mūsa. Mari pūhtoro Cristo mūsa mehne jira. Ā jina tua yūhdūriro to jia mehne wacū tuaina jiga. <sup>11</sup> Watīno marine mahūono, űano yoa dutira marine. Cohamacū marine dūcatara űaare mari yoerahto sehe. Marine to dūcataa surara to dūcatari suhtiro, comaa suhtiro yoaro sehe jira. Ā jina tí suhtirore mūsa sāano seheta Cohamacū to dūcataare noano cjūa pahūoga. <sup>12</sup> Jesu yaina mari jichū, marine űū tuhtiina masa waro jierara. Mūano macaina űaina, tuaina, tina sehe jira marine űū tuhtiina. Watīa ahri yahpa macaina pūhtoa jira. Ā jia tina cūhū jira marine Jesu yainare űū tuhtiina. <sup>13</sup> Ā jina mīpūre dūcatari suhtirore mūsa sāano seheta Cohamacū mūsare to dūcatahto sehe to yare noano cjūa pahūoga. Ā yoana watīno mūsare to űano yoa dutichū, mūsare to űano yoa duachū, tirore dūcatanahca. Ā yoa tirore yūhdūrcanahca. <sup>14</sup> Ā yoana tuaina jiga. Cohamacū mūsare to dūcatahto cjihtore ō sehe yoaga mūsa: Surara to comaa suhtirore to tuā dihori dare sari dare noano tuā diho to dūcatariro seheta, Cohamacū yare potoca yahuaire noano wacūga mūsa, watīnore mūsa dūcatahto sehe. Ā yoa, surara to comaa suhtiro

mehne to yajeripohnare to ducatariro seheta Cristo to yoadohoa mehne quihõno yoaina jiga m̄sa, watĩnore m̄sa noano ducatahto sehe. <sup>15</sup> Surara to dahpo suhti mehne to dahporire to noano ducatariro seheta noaa buheare noano masiga m̄sa, watĩnore m̄sa ducatahto sehe. Tí buhea marine noano jichũ yoara. <sup>16</sup> Surara to ducatarĩ tũ mehne to ducatariro seheta Cristore noano wacũ tuarucuga m̄sa, watĩnore m̄sa ducatahto sehe. Buea yucũ mehne m̄sare to bæboro seheta watĩno m̄sare ñano yoachũ yoa duara. ã jina Cristore noano wacũ tuana, watĩnore ducatanahca m̄sa. <sup>17</sup> Surara to comaa chapea mehne to dapure to ducatariro seheta m̄sare pichacapũ wahaborinare Cristo to yãhdũchũ yoarina jiga m̄sa, watĩnore m̄sa ducatahto sehe. Surara to ñosari p̄jĩ mehne to ducatariro seheta Cohamacũ ya buheare noano masiga m̄sa, noano m̄sa ducatahto sehe. ã jina painare noano yahuga to yare. Tí Cohamacũ ya buheare Espĩritu Santo marine yahura. <sup>18</sup> ã watĩnore m̄sa ducatahana Cohamacũre dachoripe ã sinirucuga. Espĩritu Santo to yoadohoa mehne ã sinirucuga. ã yoana noano wacũ masiga. ã sinina, pumena tjiga. Jiphtina Cohamacũ yainare ã sini payorucuga. <sup>19</sup> ã yoana yũhũ cũhũre sini payoga Cohamacũre. Õ sehe ni sini payoga: Noaa buheare, panopũ ti masierari c̄jirire noano yũ yahuhto sehe sini payoga yũhũre. ã jina cuiro marieno yũ yahuhto sehe sini payoga yũhũre. <sup>20</sup> Cristo to yare yahu dutiro yũhũre warocare. Yũ ã yahuri buhiri peresupũ jija m̄pũre. Õi jipacũta cuiro marieno to yare yũ yahuhto sehe sini payoga yũhũre. To yare yahuhtiro jiita nija yũhũ.

*Paulo noa duti batoaha*

<sup>21</sup> M̄pũre Tĩquico m̄sa cahapũ sũro yũ jia tiare m̄sare yahu pahñonohca. Tiro mari coyeiro mari cahĩriro jira. ã jiro mari pũhtoro Cristore dahra cohtariro ã jirucura. <sup>22</sup> Sã jia tiare m̄sare yahu duticũ tirore warocai nija m̄sa noano wahchehto sehe.

<sup>23</sup> Cohamacũ mari Pũcũ mari pũhtoro Jesucristo cũhũ m̄sare Jesu yainare tirore wacũ tuainare noano jichũ yoajaro. ã jiro m̄sare noano cahma cahĩchũ yoajaro. <sup>24</sup> Jiphtina mari pũhtoro Jesucristore cohtotaro marieno cahrucuinare m̄sare noano jichũ yoajaro.

## Filipenses

*Peresup* jiriro ahri tjure joarocaha Paulo

<sup>1</sup> Yũhũ Paulo, Timoteo mehne Jesucristore dahra cohtaina jija sã. ã jina jipihtinare m̄sare Jesucristo to noaina wahachũ yoainare Filipo macainare joarocaja sã. M̄sa pũhtoã cũhũre, m̄sare yoadohoina cũhũre joarocaja. <sup>2</sup> Cohamacũ mari P̄cũ, mari pũhtoro Jesucristo mehne m̄sare noa dutija. Cohamacũ to yoadohoa mehne noano jiga m̄sa.

*Paulo Jesu yainare Cohamacũre* sini payoha

<sup>3-6</sup> Cohamacũ m̄sare noaa sehere cohtotachũ yoaro nina. ã jiro m̄sare to ã yoa dũcariro seheta sohtori dahrerohca tiro. ã jina Jesucristo ahri yahpapũre to wihihũpũre ñaa marieina jinahca m̄sa. Wahmanopũre Jesu yaina m̄sa jiri baharo, mipũ cũhũre yoadohora m̄sa yũhũre noaa buheare yũ buhechũ. M̄sa ã yoaina jichũta Cohamacũre “Noana”, nija yũhũ. M̄sare wacũcũ õ sehe dihta nija yũhũ. M̄sare Cohamacũre sini payocũ, wahchea mehne sini payoja. <sup>7</sup> M̄sare yũ ã tũhotuchũ noa nina. Noaa buheare “Potocã tjira”, pũhtoare yũ ni tua yũhdũrucachũ m̄sa yũhũre yoadohore. Tí buheare potocã ti jiare tinare yũ yahuchũ yoadohore m̄sa. Peresui yũ jichũ cũhũre m̄sa yũhũre yoadohore. Cohamacũ marine noano yoaro, to yare cũre marine. M̄sa yũhũre yoadohore. ã jina to cũrire mari cũno potori yoana nija. ã jicũ yũ yajeripohna mehne tuaro wacũja yũhũ m̄sare. <sup>8</sup> Jesucristo to cahĩa mehne tuaro m̄sare wacũja yũhũ. Yũ ã wacũchũ Cohamacũ tíre masina. <sup>9</sup> M̄sare õ sehe ni sini payoja yũhũ Cohamacũre: Cohamacũ yare noano masia mehne, tũho masi pahũoa mehne painare m̄sa cahĩ namohto cjihtore sini payoja yũhũ m̄sare Cohamacũre. <sup>10</sup> Noa yũhdũare m̄sa masichũ cũhũre sini payoja m̄sare. M̄sa ã masina Cristo ahri yahpapũ to tjua tachũ noaare yoaina, ñaa buhiri marieina jinahca m̄sa. <sup>11</sup> ã jiina jina noaare, Cohamacũ cahmaare yoanahca m̄sa. M̄sare ã yoachũ yoarohca Jesucristo sehe. Cohamacũ noabiariro tuariro to jiare ñono taro, jipihtina tirore ti ño payohto cjihtore to cahmaare m̄sare yoachũ yoarohca.

*Paulo Cristo yairo to jia tiare yahuha*

<sup>12</sup> Yũ coyea, ahrire m̄sa noano masichũ cahmaja yũhũ. Mipũre peresui jiriro yũ jiro watoi noaa buhea sehe ã m̄ tãrucuro nina. Paina masa tí buheare cahmaina waha namoa nina. <sup>13</sup> ã yoa Cristo yairo yũ jiri buhiri peresui yũ jirire masi pihtira pũhtoro ya wũhũ macaina surara. Jipihtina paina cũhũ õi jiina tíre masina. <sup>14</sup> ã jia peresui yũ jichũ ñaa, payũ mari coyea Jesu yaina mari pũhtoro Jesure wacũ tua namoa nina. ã wacũ tuaa, cuiro marieno noaa buheare painare buhera tina.

<sup>15</sup> Cãina Cristo yare buheraborina jipahta yũhũre ñũ tuhtia, Cristo yare buhera paina tina sehere ñũ wahãchũ cahmaa. Paina sehe noano mehne Cristo yare buhera. <sup>16</sup> Noaa buheare yũ ni tua dũcatahti cjihtire Cohamacũ yũhũre to cũrire noano masina ahrina sehe. ã masia tina cahĩa mehne Cristo yare buhera. <sup>17</sup> Paina sehe yũhũre ñũ tuhtia, masa tina sehere ti ñũ wahãchũ cahmaa, Cristo yare buhera. ã yoaa peresui yũ jichũ tina yũhũre ñano yũhdũchũ yoa duara. <sup>18</sup> Noanohca. Cristo yareta buhea nina. Tina Cristore potocã cahĩerapahta Cristo yareta buhera. Paina sehe noano mehne buhera. Jipihtina tina to yare ti buhechũ wahcheja. ã jicũ wahche namoihca yũhũ.

<sup>19</sup> Cohamacũre m̄sa sini payori mehne Jesucristo Espĩritu to yoadohoa mehne Cohamacũ to wioriro jiihca yũhũ peresupũ jiriro. Tíre masija. ã jicũ ã wahcherucuihca yũhũ. <sup>20</sup> Õ seheta yoaihca yũhũ. Dachoripe yũ yoariro seheta mipũ cũhũre cuiro marieno Cristo yare buheja masa tirore noano ti ño payohto sehe. Õ seheta yoa duaja yũ yoarire yũ buheri cũhũre yũ bũoro yũhdũerahto sehe. Catisinicũ waro õ seheta yoa duaja. Tina yũhũre ti wajã duapachũta õ seheta yoa duaja. <sup>21</sup> Catisinicũ Cristo yare yoasinihca.



Yariacurpu pinihta tí yúhdoro noano tjuaihca yúhu. <sup>22</sup> Á nipaçuta catisinicu Cristo yare yú yoa namohto sehe cati namosini duaja. Á nipahta yariaa cúhure cahmaja. ¿Di baro sehere yúhu cahmabocari? Masieraja yúhu. <sup>23</sup> Yú õ sehe ni durucuchú mijo nina yúhure. Cristo mehne tuaro ji duaja. Á jicu mipære tiro cahapú waha duaja. Catia yúhdoro ahri sehe noa yúhdurucara. <sup>24</sup> To á jipachuta músare yú yoadohohto cjihto sehe catisinino cahmana yúhure. <sup>25</sup> Tíre masicu õi música mehne yú jisinihtore masija yúhu. Á jisinihca música Cristore wacú tua namohto cjihtore tí wacú tuaa mehne música wahchehto cjihtore. <sup>26</sup> Ahri yahpai jisinicú música cahapú pari turi yú wahachú música wahchenahca. Cristo Jesu yúhure to yoadohochú masina, “Tuariro jira tiro”, ni ño payonahca música tirore.

<sup>27</sup> Mipære ahri dihtare yahuihtja músare. Cristo ya buhea ti niriro seheta jirucuga música. Wacú tuaina jiga. Á yoa cahma tju waro marieno noaa buheare ni tuaga. Ó seheta yú mariachú cúhure yú jichú cúhure música yoachú cahmaja. Á jiina música jichú túhoroca duaja yúhu. <sup>28</sup> Músare ñu tuhtiinare cuiena tjiga. Música á cuierachú ñua Cohamacú yaina música jichú masiahca tina. Á masia tina pichacapú ti wahahto cúhure masiahca. Cohamacú músare to yúhduchú yoahito cúhure masiahca. Ó seheta masichú yoara Cohamacú masare. <sup>29</sup> Cristore música wacú tuahtore Cohamacú cúha músare. Ahri cúhure cúha tiro. Cristo yare música yoari buhiri música ñano yúhdúhto cjihto cúhure cúha Cohamacú. <sup>30</sup> Ó sehe jira tí. Cristo yaina música jiri buhiri paina músare ñano yoara. Músare ti yoariro seheta yúhu cúhure ñano yoara tina. Música mehne yú jichú yúhure ti á yoachú ñure música. Mipú cúhure yúhure ti á yoachú túhorocayuhti música. Á jina mari cúno potori ñano yúhdúja.

## 2

*Cristo wiho jiriro to sãari baharo, jipihtina bui puhtoro cjihto wahaha*

<sup>1-2</sup> Cristo músare noano yajeripohna tichú to yoachú Cristo to cahíia mehne música wahchena, yúhure noano wahchechú yoaga música. Á yoa Espíritu Santo jipihtina música mehne to jichú painare cahíina, pja ñuina jina, yúhure noano wahchechú yoaga música. Ahri yú nihtire música yoachú wahcheihca: Cúno potori noano yajeripohna tiga música. Tuhsú, cúno potori túhotuina ji, música basi cahma cahíga. Á yoa cúno mehne noano jiga. <sup>3</sup> Música ya dihtare túhotuina, painare yúhdurúca duaina jiena tjiga. Á túhotunocaina jiga música. Á jina painare noano ño payo, õ sehe ni túhotuga: “Tina sehe yú yúhdoro noaina jira”, ni túhotuga. <sup>4</sup> Cúiro painare yoadoho duaeraboca. To ya cjihti dihtare túhoturiro jiboca. Tiro yoaro sehe yoaena tjiga. Paina cúhure yoadohoga.

<sup>5</sup> Cristo Jesu painare yúhdurúca duaerariro to jiriro seheta música cúhu painare yúhdurúca duaeraina jiga. <sup>6</sup> Tiro sehe Cohamacú waro jiparota “Cohamacú mehne cúno potori yú jiare ne wijaasi yúhu”, ni túhotuerari jire tiro. <sup>7</sup> Á ni túhotueraro tiro Cohamacú mehne cúno potori to jiare wijaa, õpú taro, masúnota masa bajuaro, tiro dahra cohtariro yoaro sehe ji ducari jire. <sup>8</sup> Á jiro tiro masúno cúno potori pjacú tiriro jiro, wiho jiriro waro sãari jire. Á sãano “Crusapú wajãga tirore”, ti nichú tiro yúhdurúcaerari jire. Crusapúta yariahtiro jiparota tiro yúhdurúcaerari jire. <sup>9</sup> Á jiro Cohamacú jipihtina ti ño payohtirore cúri jire Jesure. Á jiro jipihtina bui puhtoro sóri jire Cohamacú tirore, <sup>10</sup> jipihtina múano macaina, ahri yahpa macaina, yariaina cjiri yahpa puhichapú jiina cúhu Jesu wamare túhoina ti na tuhcuca caha sú ti ño payohto sehe. <sup>11</sup> Á puhtoro sóri jire tirore Cohamacú jipihtina “Jesucristo mari puhtoro jira”, ti nihtiro cjihtore. Á nia Cohamacúre mari Púcare ño payoa nina.

*Cristo yaina buhriaro yoaro sehe jia, noaare masare yahu, masichú yoara*

<sup>12</sup> Á jina yú cahíina yú coyea Jesu yaina música mehne yú jichú música yúhtirucuriro seheta, mipú yú yoaropú jichú cúhure pano música yúhtiriro yúhdoro yúhtiga yúhure. Á jina pichacapú wahaborina to yúhduchú yoarina jina, Cristo yoaro sehe wahana tana, Cristo to yoadohoro mehne ñaa marieina jiga. Á jina ño payoa mehne papero marieno

Cohamacu yare yoaga. <sup>13</sup> Cohamacu noaa sehere musare cahmachu yoaro nina to cahmano seheta musa yoahito sehe. Ñ jiro tíre musa yoahitore yoadohoro nina Cohamacu. (To ã yoachu tí yu niriro seheta Cohamacu yare yoaga musa.)

<sup>14</sup> Jipihtiare yoana nureno marieno, musa basi jiape ni durucuro marieno yoaga. <sup>15</sup> Cohamacu pohna jira musa. Ñ jina nureno marieno jipihtiare yoaga musa ñaa buhiri marieina, ñaare yoeraina musa jihto cjihto sehe. Ñ yoaga musa masa mahñoina, ñaina watoi dojomehnenno marieno musa jihto cjihto sehe. Tina ñaina watoi jina buhriaro to ñu masichu yoaro seheta noaa buheare buhena masichu yoara musa ahri yahpa macainare. <sup>16</sup> Tí buheare musa tuhó ñahari baharo Cohamacu mehne ã jirucuhtina wahare musa. Tí buheare ahri yahpa macainare musa ã buhechu ñucu musa mehne wahcheihca. Ñ jicu musare yu buherire “Wiho waro buherari jica yuhu”, niihca yuhu. Ñ jicu Cristo ahri yahparu to tjua tachu musa mehne wahcheihca. Ñ jicu buoro yuhdusi yuhu. <sup>17-18</sup> Cristore musa wacu tuachu Cohamacu musare ñu jicoarohca. To ã ñu jicoachu masicu musare Cristo yare yu buheri buhiri yuhure ti wajã duapachuta wahcheihtja. Ñ jina mari jipihtina cūno potori wahchenahca. Tó seheta musa cūhure cahyaro marieno wahchero cahmana yuhu mehne, yu yariari baharo.

#### *Timoteore, Epafrodito cūhure yahuha Paulo*

<sup>19</sup> Mari puhtoro Jesu to cahmachu soaro mehne Timoteore musa caharu waroca duaja yuhu musa jia tiare masicu tacu. Ñ masiputa wahcheihca. <sup>20</sup> Tiro Timoteo yu yoaro seheta musa noano jihto cjihtore potocāta pjíro tuhutura musare. Pairo to yoaro sehe jiriño mariahna yuhu mehne. <sup>21</sup> Paina sehe jipihtina ti cahmaa dihtare yoa duaa, Cristo Jesu to cahmaa sehere yoa duaerara. <sup>22</sup> Timoteo sehe noano yoariro to jiare masina musa. Yu macu yoaro seheta tiro yuhu mehne noaa buheare yahua tihre. <sup>23</sup> Ñ jicu puhtoa yuhure ti dohse yoahitore masicuta, Timoteore musa caharu waroca duaja. <sup>24</sup> Ñ yoacu mari puhtoro Jesu to yoadohoa mehne soaro mehne yuhu cūhu musa caharu wahaihtja.

<sup>25-26</sup> Yuhure yoadoho dutina musa Epafrodite warocari jire yu caharu. Tiro yu coyeiro Jesu yairo yuhu mehne dahrariro, yu piti, Cohamacu yare buhe tuariro jira. Tiro musare tuaro wacūrocara. Ñ jiro to dohatirire musa tuhochu masino tiro sehe pjíro cahya tuhohure. Ñ pjíro to tuhohuchu ñucu “Tirore musa caharu waroca tjuro cahmana yuhure”, ni tuhohuja yuhu mipure. <sup>27</sup> Potocāta tiro tuaro dohatihre. Mahano yariabiho yuhdure. To ã tuaro dohatipachuta Cohamacu tirore pja ñuno, yuhdachu yoahre. Tiro to yariachu yuhu sehe pano yu cahyariro yuhdoro tuaro cahyaboa. Ñ jiro Cohamacu yuhu cūhure pja ñuhre tirore yuhdachu yoaro. <sup>28</sup> Ñ jicu mipu pinihtare soaro mehne tirore musa caharu waroca duaja pari turi musa tirore ñu, musa yajeri sāhto sehe. Musa ã wahchachu ñucu yuhu cūhu wahcheihtja. <sup>29</sup> Ñ jina tirore Epafrodite mari puhtoro yairore mari coyeirore noano wahchea mehne piti bocaga. Ñ yoana painare tiro yoaro sehe jiinare ño payoa mehne ñuga. <sup>30</sup> Tiro Cristo yare yoadohomahno mahano yariabiho yuhdure. Musa sehe yuhure yoadoho masierachu tiro sehe yuhure yoadohomahre. Ñ yoaro yariamahre tiro.

### 3

#### *Noano yoaa warore yahuha Paulo*

<sup>1</sup> Mipu pinihtare ahrire yahu batoihtja. Mari puhtoro yaina musa jina wahchega. Ahri buheare pano yu yahurire pari turi musare yahu joarocacu ji coaja yuhu. Ñ jicu musare ahrire yahucu yoadohoi nija musare. <sup>2</sup> Noano yoaga musa. Ñaare yoarucuina, dieya yoaro sehe jiina ñaina circuncisiöre yoa dutia, musa pjacurire yihso duara. Noano yoaga musa ã yoa dutiina sehe “Soro ni buheri”, nina. <sup>3</sup> Tina circuncisiöre yoapahta Cohamacu dutiare noano yoerara. Mari sehe potocāta Cohamacu dutiare noano yoaina jija mari. Espíritu Santo to yoadohoa mehne Cohacure ño payoja mari. Ñ jina Jesu yaina mari jiare wahchea mehne painare mari yahuja. “Sã mu sūro Cohamacu dutiare bihoja”, ne

ni tūhotueraja. <sup>4</sup> ã ni tūhotuerariro jipaihta “Tinare doca dahrenocaja”, ti yoaro sehe niriro jicu ã tjiboa yūhū cūhū. Pairo “Tinare doca dahrenocaja”, ni yūhdūruca duara. Yūhū sehe tiro yūhdoro ã niboa yūhū. <sup>5</sup> Õ sehe yoariro jimai yūhū: Ocho dachori yū masa bajuari baharo circuncisiõre yoari jire yūhūre. Israe masūno jicu Benjami ya curua macariro jija yūhū. Yū pūcusūma hebreo masa ti jichū potocāta hebreo masūno warota masa bajuai. Cohamacū dutiare quihõno pahño duacu fariseo curua mehne sāamai yūhū. <sup>6</sup> “Cohamacū ya jipūcu”, nicū noano yoamai. ã yoacu Jesu yaina sehere ñano yoaa timai yūhū. Potocāta Cohamacū dutiare yoacu tíre yūhdūruccaro marieno yoa pahñoi. <sup>7</sup> Панорре “Tí noaa jipūcu”, ni tūhotumai. “Tí yū ã ni tūhoturi cjiri panorū yū jia tiri yaba cjihti jierari jira”, ni tūhotuja mipūre. Õ seheta ni tūhotu dūcai yūhū Cristore wacū tuacu tacū. <sup>8</sup> Cristo Jesu yū pūhtorore yū masichū pinihta noa yūhdūara. ã jicu paye sehere masa “Noaa jira”, ti nirire “Tí jipihtia yaba cjihti jierari jira”, ni tūhotuja yūhū. Tí jipihtiare duhunocai Cristo ya sehere yoai tai. ã jicu tíre yū duhurire “Wiho jia waro jiri jira”, ni tūhotui Cristore noano masicū tacū tiro mehne macariro jicu tacū. <sup>9</sup> ã jiro yū mū sūro noano yū yoari wapa “Noariro jira”, ni ñūerara Cohamacū yūhūre. ã jiro Cohamacū dutia Moise cjirore to cūrire yū yoari wapa cūhūre “Noariro jira”, ni ñūerara. Cristore yū wacū tuari baharo “Noariro jira”, ni ñūna tiro yūhūre. Cohamacū sehe marine buhiri marieina jichū yoara, tirore mari wacū tuachū. <sup>10</sup> ã jicu pano yū ni tūhotu mūhtamari cjirire duhunocaja Cristore noano masicū tacū. Cohamacū tuaa mehne Cristo masa mūjari jire. Tí tuaa mehne ji duaja. ã yoa tí tuaa mehne noaare yoa duaja. Cristo crusapū yariari jire mari ñaa yoari buhirire cohāno taro. ã jicu to yare yū yoari buhiri tiro yoaro seheta ñano yūhdū duaja yūhū cūhū. <sup>11</sup> ã jicu Cristo to masa mūjariro seheta masa mūjachtiro jiihca yūhū cūhū. Cristo yūhūre to ã masa mūjachū yoahore wacū cohtaja yūhū.

<sup>12</sup> Ahri jipihtiare ã nicū, “Cristo yare yoa pahñonocaja yūhū”, ni tūhotueraja. Yū ã ni tūhotuerapachūta Cristo sehe to yairo yoa tuhsūre yūhūre. ã jicu to yare tiro cūhūre noano masi namo duacu tuaro mehne to yare yoaja yūhū. ã yoahitiro cjihtore besere tiro yūhūre. <sup>13</sup> Yū coyea, “Cristo yare noano yoa pahñonocaja”, ni tūhotueraja. ã tūhotuerapaihta ahri pinihtare yoaja: Pano yū yoari cjirire ã ñūnocaja. Tíre pjíro tūhotueraja. ã yoacu Cristo yare noano yoa pahñonoca duacu, tíre tuaro yoaja mipūre. <sup>14</sup> Mūrocaperiro to wapata duariro seheta Cristo yare tuaro yoaja yūhū yū wapatahtore yū ñahahto sehe. Cristo yairo yū jichū ñūno Cohamacū tí yū wapatahtore yūhūre waro taro mūanorū pjirocara yūhūre to catia mehne yū catirucuhto sehe.

<sup>15</sup> Õ sehe yū tūhoturiro seheta tūhotuga mūsa cūhū Cristore noano masiina jina. Wiho mejeta, ahri mūsare yū yahurire mūsa tūho duaerachū, soro mūsa tūhotuchū Cohamacū mūsare noano masichū yoarohca. <sup>16</sup> ã jina to yare mari masirire noano yoa sohtori tijihna.

<sup>17</sup> Yū coyea, mūsa jipihtina yūhūre ñū cūga. ã jina paina sã yoaro sehe yoainare noano ñūga mūsa tinare mūsa ñū cūhto sehe. <sup>18</sup> Payū tahari painare yahui yūhū mūsare. Mipū cūhūre tuaro cahyacū tinareta yahuja mūsare. Payū tina Cristo crusai to yariari buheare ñū yabiina jira. <sup>19</sup> Tina pichacapū wahahtina jira. Ti ñaa goa pja sehere tuaro cahmana tina. Tuhsū, ti b̄o tiboare yoaa, tíre “Noaa jira”, nina tina. Ahri yahpa macaa dihtare noano tūhotura tina. <sup>20</sup> Mari sehere mari ya maca mūanorū jira. ã jiro tópr̄ta marine yūhdūchū yoahitiro, mari pūhtoro Jesucristo tarohca. ã jina to tahtore cohtana nija mari. <sup>21</sup> Tiro taro mari pjacūrire wiho jia pjacūrire soro sehe jia pjacūri dihta cohtotarohca tiro. ã yoaro to ya pjacū yoaro sehe noa yūhdūari pjacūre si siteri pjacūre warohca marine to tuaa mehne. Jipihtina bui pūhtoro sãari jire tiro tí to tuaa mehne. ã jiro jipihtia pūro jira tiro tí tuaa mehne.

<sup>1</sup> Ñ jina yu coyea, yu cahĩina, tuaro yu wacũina, yuhũre wahchechu yoaina, pano musa wacũ tuariro seheta mipũre musare yu yahu joariro seheta mari pũhtoro Jesure tuaro wacũ tuana, to yare ne duhuena tjiga musa.

<sup>2</sup> Ahrire yahuihtja musare Evodiare, Síntique cũhũre: Jesu yaina numia jira musa. Ñ jina cahma sayoro marieno noano mehne jirucuga musa. <sup>3</sup> Mũhũ sehe potocãta yu piti warota jira. Mũhũ cũhũre yahuihtja: Tĩ numia yuhũ mehne, Clemente mehne, paina yu piti tiina mehne dahrare noaa buheare sã buhechu. Cohamacũ tina jipihtina wamare joa õha to ya tjui. Jipihtia dachoripe catiare to warina wamare to joa õri tjui joa õha. Ñ jicu tĩ numiare “Cũno mehne noano jiga”, ni yahuga mũhũ.

<sup>4</sup> Dachoripe mari pũhtoro mehne wahchega. Pari turita yahuihtja tjoa: Wahchega. <sup>5</sup> Noano yoaga jipihtinare masa yoaro seheta. Mari pũhtoro Cristo to tahto mahanocã dũhsara.

<sup>6</sup> Ne cahya pjĩro tũhotuena tjiga. Cohamacũre noano yahu pahũoga. Ñ yoana tirore siniga. Ñ sinina, “Noana”, niga tirore. <sup>7</sup> Musa ã yoachũ noano jichũ yoarohca musare Cohamacũ. To ã yoachũ noa yũhdũara. Ahri mari noano jia noa yũhdũara. Masa jina, marine to ã noano jichũ yoarire noano tuho ñaha masieraja mari. Cristo Jesu yaina mari jichũ marine noano jichũ yoaro, Cohamacũ marine noano yajeripohna tichũ yoarohca. Ñ yoaro cahya tũhotuerachũ yoarohca marine.

#### *Noaare tũhotuga*

<sup>8</sup> Ahrire yahu batoi tai nija musare, yu coyea. Quilhõno jiare, masa ti ño payoare, noano yoare, ñaa mariare, ji coaare, masa “Noaa jira”, ti niare tũhotuga musa. Noa yũhdũa ti jichũ tíreta tũhotuga. Masa noaare ñua ti wahchea sehere musa cũhũ wahche tũhotuga.

<sup>9</sup> Musare yu buheriro seheta ã yoarucuga musa. Ñ yoana, yuhũre ñũ cũga musa. Musa ã yoachũ Cohamacũ musare noano jichũ yoariro musa mehne jirohca.

#### *Filipo macaina Paulore ti wari cjirire yahuha tiro*

<sup>10</sup> Mipũ pinihta yoari pja baharo musa pari turi yuhũre wacũina musa yoadohoare wahcheja. Ñ wahchecu mari pũhtoro Cristore “Noana”, nija. “Yuhũre boaa wahare musa”, nieraja yuhũ. Panopũre yuhũre yoadoho duapanahta yoadoho masierare musa. <sup>11</sup> Yuhũre musa yoadohorire yahucu yuhũre dũhsarire musare yahui tai nieraja. Musare paye barore cahmacũ ã nii nieraja. Yu cjũaa mehne ji masija yuhũ. <sup>12</sup> Paye baro cjũaeracu cũhũ noano ji masija yuhũ. Ñ yoa pjĩro cjũacu cũhũ noano ji masija. Dachoripe jũca baacu cũhũ jipoaja. Yapiriro jicu cũhũ jipoaja. Pjĩro cjũacu cũhũ jipoaja. Yuhũre paye baro mariachũ cũhũre jipoaja. <sup>13</sup> Cristo yuhũre tuachũ yoariro mehne jipihtiare Cohamacũ to cahmaare yoa masi pahũoja yuhũ. <sup>14</sup> Yu ã jipoariro yu jipachũta yu ñano yũhdũchu musa yoadohona yuhũre noano yoare musa.

<sup>15</sup> Noaa buheare yu buhe dũcachũ Macedonia yahpai jiriro cjiro yu wahachũ musa dihta yuhũre yoadohore. Tĩre masina musa. <sup>16</sup> Ñ yoa Tesalõnicai yu jisnichũ ñũna yuhũre yoadohona cãa tahari warocari jire musa. <sup>17</sup> Paye barore sinicu ã nicũ nieraja. Painare musa yoadohochũ Cohamacũ musare noano yoarohca. Musa ã yoadohori wapa Cohamacũ musare to noano yoachũ cahmaja yuhũ. <sup>18</sup> Mipũre yuhũre noano wa pahũohre musa. Yu cahmari yũhgoro wahre musa yuhũre. Yuhũre Erafrodito mehne musa warocari baharo paye baro ne dũhsaerara yuhũre. Cohamacũ wũhũrũ inciensore jũ mũo Cohamacũre ti noano ji coachũ yoariro seheta yuhũre musa wari cũhũ Cohamacũre noano ji coachũ yoara. <sup>19</sup> Cristo yaina jira musa. Ñ jiro jipihtiare musare dũhsarire warohca Cohamacũ musare, noa yũhdũa to cjũaare. <sup>20</sup> Jipihtia dachoripe mari Pũcũre Cohamacũre ño payojihna. Ñta yoajihna.

#### *Paulo noa dutiha*

<sup>21</sup> Jipihtina Cohamacũ yaina, tórpũ jiina, Jesucristo yaina noajaro. Mari coyea cũhũ Jesu yaina yuhũ mehne macaina musare noa dutira. <sup>22</sup> Jipihtina Cohamacũ yaina, õ macaina,

Jesu yaina noa dutira. Roma macaina bui puhtoro ya wuhu macaina pinihta tuaro noa dutira.

<sup>23</sup> Mari puhtoro Jesucristo musare to cahña mehne noano yoajaro.

## Colosenses

### *Colosa macainare joarocaha Paulo cūhu*

<sup>1-2</sup> Yūhu Paulo mari coyero Timoteo mehne mūsare Colosa macainare joarocaja sã. Yūhu Jesucristo to yare buhe dutiro to cūriro jija. Cohamacu to cahmano seheta Jesu yūhure to yare buhehtirore cūre. Ā jina mūsare sã coyera Cristore wacū tuarucuinare joarocaja. Ā jina Cohamacu mari Pucu mehne mūsare noa dutija. Ā jina tiro mehne noano jiga mūsa.

### *Jesu yainare Paulo sini payoha Cohamacure*

<sup>3</sup> Mūsa ya cjihtire Cohamacure sini payona “Noana”, ā nirucuja sã. Tiro sehe mari pūhtoro Jesucristo Pucuro jira. <sup>4-5</sup> Tirore “Noana”, nirucuja sã mūsa jia tiare tūhorocana. To ya buhea potocã jia buheare mūsa tūhoriro seheta jipihtia dachoripe muanopu mūsare jichu yoarohca Cristo sehe. To ā yoahiro jichu tīre mūsa ā cohtarucu wama tira. Ā jina Cristo Jesure wacū tua wama tira mūsa. Tuhsu, to yainare cahī wama tira mūsa. Mūsa ā jiina jichu Cohamacu mehne wahche tirore “Noana”, nija sã. <sup>6</sup> Jipihropure Jesu yaina potocã jia buheare noaa buheare ti yahuchu tūhoa masa Cohamacu yare cahmaa, noaa sehere cohtota namoa nina. Mūsa cūhu noaa buheare Cohamacu mūsare to cahīare quihōno mūsa tūho ducari baharo tina yoaro sehe Cohamacu yare cahmana, noaa sehere cohtota wama tira mūsa. <sup>7</sup> Ahrireta mūsa cūhure Epafra noaa buheare yahuri jire. Tiro sã tuaro cahīriro sã mehne Cristore dahra cohtaruro, Cristo yare ne duhuerariro jira. Mūsare sã buhe masierachu tiro sehe sãre cohtotaruro jiro, mūsare buheri jire. <sup>8</sup> Tiro jira mūsa jia tiare sãre yahuriro. Espiritu Santo to yoadohoa mehne Jesu yainare mūsa cahīre yahure sãre.

<sup>9</sup> Ā jina mūsare tūhorocana mūsare sã tūhorocari dachoihta dōihta ā sini payorucuja sã Cohamacure. Cohamacu to cahmaare mūsa masi pahūohto sehe tirore sini payoja sã. Espiritu Santo yoadohoro mehne Cohamacu yare noano masiina mūsa jihto sehe sini payoja sã. <sup>10</sup> Ō seheta sini payoja sã mari pūhtoro Cristo to cahmano seheta noano mūsa yoahiro cjihtire. Mūsa ā yoachū űno tiro wahcherohca. Ā jina jipihtia noaare mūsa yoahiro sehe sini payoja. Cohamacure mūsa masi namohto sehe sini payoja. <sup>11</sup> Ahri yu yahuhūti cūhure sini payoja sã. Cohamacu ya tuua noa yūhdūara. Cohamacu tī tuua mehne mūsa tuahtore mūsare sini payoja. Ō seheta sini payoja mūsa űno yūhdūpanahta wahchea mehne mūsa cūno pjahto sehe. <sup>12</sup> Cohamacu to yaina cjihtire marine jichu yoari jire. Ā yoaro to waare cjuahitina cūhure yoari jire marine tiro. To jiropu buhriaropu mari cjuahitire warohca tiro. To ā yoachū űna tirore mūsa “Noana”, nihto cjihtore sini payoja sã mūsare. <sup>13</sup> Tirota marine pichacapu wahaborinare yūhdūchu yoari jire. Tó panore űnaare yoa duhu masieramai mari. űnariro sehe nahitiano jiro marine dutiro jisiniri jimare. Cohamacu sehe to macūno to cahīrirore pūhtoro sōno muanopu marine jichu yoari jire. Ā jina to macūno mehne jinahca. <sup>14</sup> To macūno mehne marine yūhdora Cohamacu. To macūno to yariaro mehne mari űna yoari buhirire bori jire Cohamacu.

### *Masa Cohamacu mehne ti cahma ti pu būhuseheri ti űu tuhtichu űno Cristo bosaha*

<sup>15</sup> Jesu Pucurore űmahnoerara. To macūno sehe to Pucuro to dohse jia tiare űna masare. Tiro to macūno jipihtina pano jipihtia pano ji tuhsuri jire. Ā jiro jipihtia pūro, jipihtina bui pūhtoro jira tiro. <sup>16</sup> Cohamacu to dutichu to macūno sehe to Pucuro mehne jipihtinare, jipihtiare bajuamehneri jire. Muanopu jiare ahri yahrapu jia cūhure bajuamehneri jire. Mari űnure mari űnerari cūhure bajuamehneri jire. Mūano macaina űmahnoerainare pūhtoare, dutiinare, jipihtinare bajuamehneri jire. Ā jia jipihtina to yaina cjihti jimari jire. Jipihtia cūhu to ya cjihti jimari jire. <sup>17</sup> Jipihtina pano jipihtia pano Cristo ji tuhsuri jire. Ā yoa to tuua mehne jipihtia cūhu jipihtina cūhu mipure jia

nina. <sup>18</sup> Mari to yaina jipihtina to pjacu yoaro seheta to ya curua macaina jija. Æ jiro tiro mari dapu mari puhtoro jira. Tiro yariaro masa muja muhtariro jira jipihtina bui puhtoro, jipihtia puero jiro taro. <sup>19</sup> Cristo to Pucuro mehne cūno potori to jiro seheta jira. To Æ jichuta cahmana Cohamacu sehe. <sup>20</sup> Jipihtina to Pucurore cahma ñu tuhtia tiri jire. Æ ti cahma ñu tuhtichu ñuno Cristo tinare “Ñu tuhtiena tjiga”, ni yahuri jire. Mūano macainare ahri yahpa macaina cūhure to Pucurore “Ñu tuhtiena tjiga”, ni yahuri jire Cristo. Æ yoa mūano macaa ahri yahpa macaa cūhu noano ti jichu cahmari jire tiro. Æ mari ñu tuhtirire duhuchu yoa duari jire tiro crusapu yariaro to di cohāno. To Pucuro to cahmariro seheta Æ yoari jire Cristo.

<sup>21</sup> Mūsa cūhure āta yoari jire tiro. To Pucurore ñu tuhtiina tiro mehne jieraina jimari jire mūsa cūhu. Ñaare yoari jimare mūsa. <sup>22</sup> Æ jimarina mūsa jipachuta tiro to yariaro mehne to Pucurore mū sare ñu tuhtierachu yoari jire tiro. Æ yoari jire tiro noaina ñaa buhiri marieina mū sare to yohto cjihtore. Mūsa Æ jichu tiro mū sare tó sehe jii napure to Pucurore warohca. <sup>23</sup> Āta warohca tiro mūsa tirore wacū tuarucuchu. Āta yoarohca tiro noaa buheare mūsa tuhorire mūsa boerachu tí buheare mūsa Æ yuhtirucuchu. Tí buheare noaa buheare jipihtina ahri yahpapure jiina tuhori jire. Æ jicu yuhu cūhu Paulo Cristore dahra cohtariro jicu, tí buheareta yahuriro jija.

#### *Jesu yainare tina mehne macainare yoadohohtinare cūha Paulo*

<sup>24</sup> Cristo mari ñano yoari buhirire ñano yuhduri jire. Æ jicu yuhu cūhu mū sare yu buheri buhiri ñano yuhducu wahcheja. Æ ñano yuhducu Cristo marine to cūrire yoa sohtori tii nija. Æ jicu wahcheja. Cristo yare mari yoari buhiri mari ñano yuhdu namohto duhsasinina mini. Æ jicu tirore mūsa wacū tuahtore ñano yuhducu, wahcheja yuhu. To pjacu yoaro sehe jiina to ya curua macaina jira mūsa. <sup>25</sup> Jesu yainare yoadohohtirore cūre Cohamacu yuhure. Mūsa ya cjihtire yoah tirore yuhure cūre tiro. To yare jipihtiropure yahu pahñohtirore cūre yuhure. <sup>26</sup> Tí to yare panopure payu tjururi macainare yahu pahñoera tiri jire Cohamacu. Mipure ahri tjuru macainare to yainare tíre noano yahu pahñonocare juna. <sup>27</sup> “Judio masa jieraina ya cjihtire yu ya buhea noa yuhduara”, ni to yainare tíre yahuri jire. Pano to yahuerari cjiire yahuri jire. Ō sehe jira to ya: Cristo to yaina mehne jira. To Æ jichu to yaina mūanopu Cohamacu cahapu noa yuhduaropu jahca. Tí jira panopu ti masierari cjiri Cohamacu ya.

<sup>28</sup> Cristoreta yahuja. Jipihtinare cuisāana tinare buheja sā. Noano masia mehne buheja sā noano Cristore masare masichu yoana tana. Æ buheja sā to yare noano yoaina ñaa buhiri marieina tinare jichu yoana tana. <sup>29</sup> Ahri jira yu dahraa. Cohamacu to ya tuaa mehne yuhure to wari tuaa mehne tuaro dahraja yuhu, to yare buhecū.

## 2

<sup>1</sup> Ahrire mūsa masichu cahmaja yuhu. Mūsa ya cjihtire, Laodicea macaina ya cjihtire, jipihtina paina ya cjihti cūhure tuaro dahraja yuhu. Jipihtina mūsa yuhure ñueraina ya cjihti cūhure tuaro dahracu mū sare tuaro yoadohoja yuhu. <sup>2</sup> Ō seheta mū sare yoadohoja yuhu mūsa noano yajeripohna tihto cjihtore. Mūsa mehne macainare mūsa cahma cahihtu cjihto cūhure Æ mū sare yoadohoja yuhu. Cohamacu ya panopu to yahuerari cjiri Cristore masichu yoaa jira. To yare mūsa masichu noa yuhduara. Cristore mūsa noano masihtu cjihtore, tiro mehne mūsa noano jihto cjihto cūhure tuaro yoadohoja mū sare. <sup>3</sup> Paina ti masierari cjirire, noa yuhduare Cohamacu to masiare Cristo dihta noano masichu yoara marine. <sup>4</sup> Ahrire nija mū sare “Paina mū sare tuho wisiachu yoaa durucua mehne mahñori”, nicu. <sup>5</sup> Yuhu mūsa watoi jierapacuta yu wacūno mehne mūsa watoi jiro yoaro seheta tuhotuja. Æ jicu Cristore mūsa noano wacū tuarucurire, quihōno mūsa yoari cūhure masicu wahcheja yuhu.

<sup>6</sup> Æ jina Cristore mūsa wacū tua ducariro seheta āta tirore wacū tuaa mehne dachoripe noano jirucuga. <sup>7</sup> Tirore noano masiina jiga mūsa. Æ yoa dachoripe tirore masi namoga

pano musare paina ti buheriro seheta. Æ yoa Cristore wahche, “Noana”, nirucuina jiga musa.

*Cristo yaina jina noaa sehere cahmaja mari*

<sup>8-10</sup> Noano yoaga musa. Masa ti mu suro ti mahño buheare tuhoena tjiga musa. Tina panopu macaina ti mu suro ti niare buhera. Ti Æ nia yaba cjihti jierara. Ahri yahpa macaina ti mu suro ti tuhotuare buhe, Cristo ya sehere buherara. Cristo Cohamacu to jiro seheta jiriro jiro, ahri yahpapu pjacu tiro, Cohamacu warota jirota nina. To yaina jina Cohamacu mehne noano jija mari. Tirota jira jipihtina anjoa puhto bui paina bajueraina bui puhtoro jiriro. Tíre masina mahñoare buheinare tuhoena tjiga. <sup>11</sup> Circuncisiöre ti yoiro seheta mahanocã pjacu cahsarocãre ti yihso cohãriro seheta Cristo ñaa buhiri tiina musa jia tiare cohã, duhuchu yoari jire. Ahri circuncisiö masa ti pjacurire mahanocã cahsarocãre ti cohãri jierara. Ahri circuncisiö yoaro sehe yoaro, Cohamacu sehe ñaa buhiri tiina mari jia tiare cohãna Cristore mari wacũ tuachu ñuno. <sup>12</sup> To yaina jina bautisarina wahari jire musa. To bautisarina wahana ö sehe ñona niri jire musa: Panopu macaa musa ñaa yoiro musa duhurire ñona niri jire musa. Tí musa ñaa yoari buhirire musa ya cüboro seheta tíre duhuri jire musa. Cristo masa mujano noanopu wahari jire. To Æ waharo seheta Cohamacure wacũ tuana “Tiro tuariro jira”, niina jina noaa sehere cohtotari jire musa. Tiro Cohamacu sehe Cristore masoriro jira. To bautisarina wahana noaa sehere musa cohtotarire ñona nina musa. <sup>13</sup> Panopure ñaa buhiri cjuarina musa jiri buhiri pichacapu wahaborina jimari jire musa. Æ wahaborina jimari jire musa Cohamacu yaina jierasina. To dutiare cjueraina jimari jire musa. Mipure Cohamacu marine tiro mehne Æ jirucuhtinare yoari jire. Cristo to yariro mehne Æ yoari jire tiro marine. Æ yoaro jipihtina mari ñaa yoari buhirire bonocari jire tiro. <sup>14</sup> Cohamacu to dutiare ti joari cjirire yuhdurucaina mari jipachuta Cristore mari wacũ tuachu ñuno tiro marine buhiri ti dutiare. Cristo crusapu to yariro mehne Cohamacu sehe mari ñaa buhirire cohãnocahna panopu to dutiare, marine buhiri ti dutiare to cohãnocaboriro seheta. Crusapu yariro tí tañopu panopu macaa dutiare ti joari püre to cjã puha öboro seheta tí dutiare cohãnocahna. <sup>15</sup> Masa ti ñurocaroi watia puhtoare Cohamacu yuhdurucari jire. Wiho jiina, tuaeraina tjuanocari jire tina sehe. Æ yoaro tinare boro wahachu yoari jire, surara ti yuhdurucainare masare ti naa ño ti boro wahachu yoaro seheta. Crusapu yariro Cristo watiare yuhdurucari jire.

*Mujano macaare Cohamacu yare cahmaga*

<sup>16</sup> Æ yoa paina musa chure musa sihnia cühure ñua musare “Buhiri tiina jira”, ni ñaboca. Ti Æ ni ñuchu Æ ñunocahga tinare. Süripe jia dachorire, somanaripe jia dachorire, bese numuri musa yuhdoerachu ñua musare “Buhiri tiina jira”, ni ñaboca tina. Ti Æ ni ñuchu Æ ñunocahga tinare. <sup>17</sup> Panopu tí chua dutiare, bese numurine yuhdo dutiare, paye dutia cühure cüri jire Cohamacu marine buhero taro. Tí dutia mehne baharopu to dohse yoahore Cohamacu yoa ñono niri jire. Cristo to jia tia cjihtire yoa ño curero niri jire masare. “Tiro ö sehe waharohca”, nino Æ yoa ñono niri jire. Æ yoa ñohti cjihti jiri jimare tí dutia. <sup>18</sup> Ö sehe nimana tí dutiare yoa dutiina. “Soro jiare bajuachu ñuhi sã” nia, tina Cohamacure ti ño payoboro sehe anjoare ño payomana. Æ jiina jia “Masi pahñonocaja sã”, ni tuhotumana tina masa ti mu suro ti tuhoturiro seheta. Æ jia tina painare yuhdurucaeraina, noaina yoaro sehe yoa ñomana musare. Æ yoa “Quihõno yoerara musa”, ni yahusãna musare. Ti Æ ni yahusãchu, tinare Æ ñunocahga. <sup>19</sup> Tó sehe yoapahta musare yahusãina Cristo to dutiro sehe yoaa nierara. Cristo sehe to yaina dapu ti puhtoro jira. To yaina sehe to pjacu yoaro sehe jiina to ya curua macaina jira. Mari cohãri dohsaa mari wa dari cühu mari pjacure cã pjacu jichu yoara. Tó seheta Cristo sehe to yainare cünoi noano mehne jichu yoara. Æ yoa marine yoadohora Cohamacu cahmaare mari noano yoahito sehe.

<sup>20</sup> Æ yoa Cristo yaina jina tiro mehne yariarina yoaro sehe jira musa, Cohamacu to ñuchu. Æ jina ñaare musa yoiro duhurina jira musa. Æ jina ahri yahpa macaa ñaa



buheare, masa ti m̄ s̄uro ti buheare cahmaeraborina jira m̄sa. ¿Ã jiborina jipanahta dohse yoana masa ti m̄ s̄uro ti dutiare yũhtijari m̄sa? <sup>21</sup> Õ sehe ni dutira ti m̄ s̄uro dutiina: Ahri barore ch̄ena tjiga. Ahri barore ne ch̄ ñ̄ena tjiga. Ahri barore pihaena tjiga. Tó sehe ni dutira tina. <sup>22</sup> Mari paye barore ch̄ch̄ dói pihtia wahara. Tó sehe jia barore pihtia barore tũhotua nina ã dutiina. Ti ã dutich̄ ahri yahpa macaa dutia dihta jira tí dutia. Masa ti m̄ s̄uro ti buhea dihta jira ahri buhea. ã jia yaba cjihti jierara. <sup>23</sup> Tí dutiare yoaina Cohamac̄re ño payoina yoaro sehe jimana. ã yoa painare yũhd̄ur̄caeraina yoaro sehe yoa ñomana. Ti p̄jac̄ur̄ire ñano yoaa Cohamac̄re ño payoina seheta yoa ñomana tina. Ti ã yoach̄ ti ya dutia sehe masi pah̄oina ya dutia yoaro sehe jimana. ã jierara. Tí dutiare yoapahta ti ñaare goa p̄jaare duhuerara. ã jia tí dutia sehe yaba cjihti jierara.

### 3

<sup>1</sup> ã yoa Cristo yaina jira m̄sa. ã jina Cohamac̄ tuua mehne Cristo to masa m̄jariro seheta tí tuua mehne pano m̄sa ñaa yoarire duhu, noaa sehene cohtotare m̄sa. ã cohtotaina jina m̄ano macaare Cristo yare cahmaga m̄sa. Tóp̄re m̄anop̄ Cohamac̄ poto b̄h̄usehei dujira tiro. <sup>2</sup> M̄ano macaa Cohamac̄ yare noano tũhotuga m̄sa. Ahri yahpa macaare ne wac̄ n̄n̄ena tjiga m̄sa. <sup>3</sup> Cristo yaina jina tiro mehne yariaborina seheta m̄sa wahana ahri yahpa macaare p̄j̄iro tũhotuena tjiga. ã jiro Cristo mehne m̄sa jirucuhtore cahno tuhs̄uri jire Cohamac̄. <sup>4</sup> ã yoa Cristo m̄anop̄ marine ã jirucuhtinare yoariro si sitea mehne to tach̄ tiro mehne wahanahca mari. ã wahana tiro mehne m̄anop̄ Cohamac̄ yare c̄janahca.

#### *Cristo yaina jierasinina ñaare yoamai mari*

<sup>5</sup> ã yoa ahri yahpa macaa ñaa m̄sa yoare duhunocahga m̄sa: Numino mehne ñano yoare, m̄no mehne ñano yoare, ñaa yũhd̄uaro yoare, paio namonore goa p̄jaare, pacoro man̄nore goa p̄jaare, ñaa goa p̄jaare duhunocahga m̄sa. Paye barore tuaro cahmaina jiena tjiga. Paye barore c̄jona, tíre tuaro cahmana “Cohamac̄ jira”, ti nia mas̄urine ti ño payoro seheta yoana nija mari tíre. <sup>6</sup> Tí ñaare yoaina Cohamac̄re yũhd̄ur̄caina jira. Ti ã yoa yũhd̄ur̄cach̄ ñ̄no tinare buhiri dahrerohca. <sup>7</sup> Panop̄re m̄sa sehe tí ñaare yoarina jina tina mehne macaina jiri jimare m̄sa. <sup>8</sup> Wiho mejeta mip̄re ahri ñaare duhu pihtinocahga m̄sa: Suaare, sua yũhd̄uare, painare ñano ni tũhotuare, painare ñano quiti dahreare, ñano durucuaré tí jipihtiare duhunocahga. <sup>9-10</sup> M̄sa sehe Jesu yaina wahana tí ñaa yoare duhu tuhs̄uri jire. ã jina m̄sa tũhotuare cohtotaina jira m̄sa. M̄sare noaa sehene cahmach̄ yoaro nina Cohamac̄ to yoaro sehe m̄sa jihto sehe. Õ seheta yoara tiro noano tirore m̄sa masi namohto sehe. ã jiina jina m̄sa mehne macainare mah̄noena tjiga. <sup>11</sup> Cristo yaina jina judio masa, judio masa jieraina c̄h̄ c̄no potorita jira m̄sa, Cohamac̄ to ñ̄ch̄. Circuncisiõre yoaina, yoeraina c̄h̄ Cristo yaina jia c̄no potorita jira, Cohamac̄ to ñ̄ch̄. Pa yahpa macaina, masieraina, m̄sa ya yahpa macaina c̄h̄ Cristo yaina jia c̄no potorita jira, Cohamac̄ to ñ̄ch̄. Dahra cohtaina, dahra cohtaina jieraina c̄h̄ Cristo yaina jia c̄no potorita jira, Cohamac̄ to ñ̄ch̄. Jesu jipihtina to yaina mehne jira. Wiho jiro jierara tiro, to yaina ti ñ̄ch̄.

<sup>12</sup> ã yoa Cohamac̄ to beserina, noaina, to cah̄ina jina õ sehe jiga m̄sa: Painare p̄ja ñ̄ina, painare noano yoaina, painare yũhd̄ur̄ca duaeraina, painare niji siaro dero yoaina, m̄sare ti ñano yoapach̄ta ã tũhotunocaina jiga m̄sa. <sup>13</sup> M̄sa mehne macaina mehne suana, dóihta m̄sa basi m̄sa suarire p̄j̄aga. Mari p̄h̄toro m̄sa ñaa yoari buhirire bohre. ã to boriro seheta m̄sa c̄h̄ m̄sa mehne macaina m̄sare ti ñaa yoarire boga. <sup>14</sup> Ahri dutia mehne õ sehe ni dutija m̄sare: Painare cah̄iga. M̄sa ã yoana noano jipihtina mehne c̄no mehne jinahca. <sup>15</sup> Cristo marine noano jich̄ yoara jiape ni durucueraina mari jihto sehe. To ã yoach̄ noano jiga m̄sa, m̄sa basi. Õ seheta jihtina cjihtire to yaina cjihtire bese c̄ri jire Cohamac̄ m̄sare. ã jina to p̄jac̄ yoaro seheta

cũ curuata jira m̃sa. ã yoa Cohamacure “Noana”, ni wahcheina jiga m̃sa Cohamacu mehne.

<sup>16</sup> Cristo ya buheare noano wacũrucuga m̃sa. Noano masi buhega to yare. Cua pisaro mehne tíre yahuga. ã yoa tuhsũ, Salmore, Cohamacu yare basaare, paye tirore ño payoa basaare tirore basa payoga. Noano wacũ ño payoa mehne basa payoga. ã basana to yare noano wacũga m̃sa. ã yoana Cohamacure “Noana”, ni wahcheina jiga m̃sa Cohamacu mehne. <sup>17</sup> Jipihtia dohse jia m̃sa yoaare noano yajeripohna ti yoaga mari pũthoro Jesu to wahchehto sehe. Cristore ño payora m̃sa. ã yoa tirore ño payoa mehne noaa dihtare durucuga. ã yoana Cristo to yoadohoa mehne Cohamacu mari Pũcure “Noana”, ni wahche payo siniga tirore.

*Jesu yainare noano mehne ti jihti dutia õ sehe jira*

<sup>18</sup> M̃sa manũ tia numia, m̃sa manũsumare noano yũhtiga m̃sa. ãta yoaro cahmana mari pũthoro Cristo ya numia jina. <sup>19</sup> M̃sa namo tiina sehe, m̃sa namosãnumiare cahĩga. ã yoa tí numiare ne tuhtiena tjiga. <sup>20</sup> M̃sa ti pohna cũhũ, m̃sa pũcũsumare yũhdũrucaeraina jiga. M̃sa ã yoachũ ñũno mari pũthoro noano ji coara. <sup>21</sup> M̃sa ti pũcũsuma cũhũ m̃sa pohmare suachũ yoaena tjiga “Cahyachũ yoari”, nina. <sup>22</sup> M̃sa tinare dahra cohtaina, m̃sa pũthoate ahri yahpa macainare noano yũhtirucuga. Ti ñũrocaro dihtare yũhtiina jiena tjiga. Ti mariachũ cũhũre yũhtiina jiga. Mari pũthoro Cristore cua pisaro m̃sa ñũriro seheta noano mehne yũhtiga m̃sa pũthoa cũhũre. <sup>23</sup> Potocãta Cristo yaina jina noano yũhtira m̃sa tirore. ã jina m̃sa pũthoate ahri yahpa macainare yũhtina, tina dihtare yũhtina nierara. Cristo cũhũre m̃sa yũhtiboro sehe yũhtinata nina m̃sa. ã yoana m̃sa pũthoa ti dutiro seheta tuaro mehne dahraga, Cristo ya dutia ti jiboriro seheta. <sup>24</sup> M̃sa ã yoachũ Cristo m̃sare noano yorohca. “M̃sare waihtja”, to niare m̃sare warohca mari pũthoro. Tíre masina m̃sa. Mari pũthoro Cristore dahra cohtaina jira m̃sa. ã jiro tiro sehe m̃sa pũthoro waro jira. <sup>25</sup> Ñaare yoainare buhiri dahrerohca mari pũthoro. ã yoainare cũiro dũhsaro marieno cãno potori buhiri dahrerohca tiro.

4

<sup>1</sup> M̃sa pũthoa sehe, m̃sare dahra cohtainare potocãta noano yoaga tinare. M̃sa cũhũ pũthoro cjuara. M̃sa pũthoro m̃sa cjuariro sehe m̃ano macariro jira.

<sup>2</sup> Dachoripe Cohamacure siniga m̃sa. Noano wacũ tũhotu siniga. ã yoana “Noana”, niga Cohamacure. <sup>3</sup> Sã ya cjihti cũhũre sini payoga tjoa. Cristo yare paina pano ti masierari cjirire buhena nija sã. Tinare sã noano masichũ yoahito sehe sini payoga Cohamacure. Cristo yare yũ buheri buhiri yũhũ mipũre peresupũ jija. <sup>4</sup> ã jicũ m̃sa ã sini payochũ cahmaja to yare yũ noano yahuhito cjihto sehe. Cristo to dutiro seheta yũ yahuhito cjihto sehe sini payoga.

<sup>5</sup> Jesu yaina jieraina mehne jina noano yoaga m̃sa. Cristo yare yahuga tinare. Tina mehne m̃sa jiro puro ãta noano yoaga. <sup>6</sup> Paina mehne sũhũduna noano ji coaro mehne sũhũduga. Noaa dihtare durucuga. Paina m̃sare ti sinituchũ noano masi yũhtiga tinare.

*Noa duti batoaha Paulo*

<sup>7</sup> Tíquico mari coyeiro Jesu yairo jira. Tiro mari cahĩriro, Cristo yare buhero, sã mehne dahrariro jira. ã jiro Cristo yare ne duhuerara tiro. Tiro yũ jia tiare m̃sare yahurohca. <sup>8</sup> M̃sa cahapũ tirore warocai nija yũhũ sã jia tiare m̃sa masihto sehe, m̃sare wahchechũ yoahitiro cjihtore. <sup>9</sup> Onésimo mari coyeiro mari cahĩriro mehne piti dahre warocai nija. Tiro cũhũ Cristo yare ne duhuerara. M̃sa mehne macariro jira. Tina pũaro sã õre dohse sã yũhdũrĩre yahuahca m̃sare.

<sup>10</sup> Aristarco peresupũ jiro yũhũ mehne macariro m̃sare noa dutira. Marco cũhũ noa dutira. Tiro Bernabé tañũno jira. Tirore yahuroca tuhsũi m̃sare. M̃sa cahapũ to sũchũ ñũna noano mehne tirore piti bocaga. <sup>11</sup> Jesu “Justo” ti ni pisuriro cũhũ noa dutira m̃sare. Ahrina tiarota yũhũ mehne dahraina judio masa waro jira. Judio masa waro

tina dihta Cohamacu yare yuhu mehne buhera. O sehe buheja sa Cohamacu yaina masa ti wahahto sehe, Cohamacu ti puhtoro to jihto sehe. Tina yuhure noano yoadohoina jira. <sup>12</sup> Epafra musa mehne jiro cjiro musare noa dutira. Tiro Cristore dahra cohtariro jira. Cohamacure sinino, musa ya cjihtire tuaro sini payorucura tiro. Cohamacure noano wacu tuarucuhtina, to cahmano sehe yoahntina musa jihto sehe a sini payorucura tiro Cohamacure. <sup>13</sup> Tiro musa ya cjihtire tuaro sini payore musare pjiro tuhroturo. Laodicea macaina ya cjihtire, Hierapoli macaina ya cjihti cuhure tiro tuaro sini payore. To a yoiro jichu nucu musare yahurocai nija. <sup>14</sup> Duhturu Luca mari cahiro musare noa dutira. Dema cuhu noa dutira.

<sup>15</sup> Nojaro mari coyea Jesu yaina Laodicea macaina. Ninfa cuhu nojaro. Jesu yaina ticoro ya wahu cahmachuina cuhu nojaro. <sup>16</sup> Ahri pure ya joarocari pure musa mehne macainare musa buhe tuhsari baharo Laodicea macaina cuhure warocaga. A yoa tinare Laodicea macainare ya joarocari pure musa cuhu buhega. <sup>17</sup> A yoa o sehe niga Arquipore: "Mari puhtoro Jesu yairo mu jichu to yare buhehtiro cure mure. To a cuchi noano buhe sohtori tiga mu", niga tire.

<sup>18</sup> Yuhu Paulo, ya wamomaca mehne ahrire joaja. Musare noa dutija yuhu. Peresui ya jiare wacu, sini payoga musa Cohamacure. Noano jiga musa. Cohamacu to cahia mehne musare noano yojaro. Ata yojaro.

## 1 Tesalonicenses

*Paulo cãhũ joarocaha Jesu yainare Tesalónica macainare*

<sup>1</sup> Yũhũ Paulo, Silvano, Timoteo sã tiaro ahri pũ mehne m̄sare noa dutija. M̄sa sehe Tesalónica macaina mari P̄cũ Cohamacũ yaina jira. Mari p̄htoro Jesucristo yaina cãhũ jira m̄sa. ã jina Cohamacũ mari P̄cũ, mari p̄htoro Jesucristo ti cahĩa mehne m̄sare noa dutija. Cohamacũ yoadohoa mehne noano jiga m̄sa.

*Jesu yaina Tesalónica macaina sehe Jesure noano wacũ tuaha*

<sup>2</sup> Cohamacũre sinina, jipihtina Jesure m̄sa wacũ tuaare wacũna “Noabiara sãre”, nirucuja sã m̄sare. Cohamacũre sinina, m̄sa ya cjihtire ã sini payorucuna nija sã. <sup>3</sup> M̄sa sehe Jesucristore noano wacũ tuayuhca. ã wacũ tuana, Jesu yare yoayuhca m̄sa. Jesucristore, paina cãhũre cahĩyuhca m̄sa. ã cahĩna, Jesu yare tuaro yoana niyuhca m̄sa. Jesucristore mari p̄htorore wacũ tuarucuyuhca m̄sa. ã wacũ tuarucuna m̄sare to yũhdohtore masina, tíre cohtana niyuhca m̄sa. ã yoa tirore wacũ tua duhuerayuhca m̄sa ñano yũhdũpanahta. Cohamacũ mari P̄cũre sinina, tíre m̄sa ã yoarire wacũja sã. <sup>4-5</sup> Sã coyea, Cohamacũ to cahĩina jira m̄sa. M̄sare to beserire masija sã. Sohõ jiri pja m̄sare noaa buheare buhena ã yahunocana nierahi m̄sare. Espíritu Santo to tuua mehne noaa buheare buhena nii m̄sare. ã buhena tí buhea quihõno jichũ noano masii sã. ã jina m̄sa watõi sã jina, sã yoarire masina m̄sa. M̄sare yoadohona ã yoi sã. M̄sare buheina jina Cohamacũ to beserina m̄sa jichũ masija sã.

<sup>6</sup> Sohõ jiri p̄japũre m̄sa ñano yũhdũina jina, noaa buheare cahmare m̄sa. M̄sa ã cahmachũ, Espíritu Santo sehe m̄sare noano wahchechũ yoare. To ã yoachũ m̄sa sehe sãre ñũ cũ, sã yoiro seheta yoare. ã yoana Jesu cãhũre ñũ cũre m̄sa. <sup>7</sup> ã jia Jesu yaina Macedonia yahpa macaina, Acaya yahpa macaina cãhũ Jesu yare m̄sa yoarire masire. ã masia tina cãhũ m̄sare ñũ cũ, m̄sa yoiro seheta yoara. <sup>8</sup> Macedonia yahpa macaina Acaya yahpa macaina cãhũ mari p̄htoro yare m̄sa buhechũ tũhorocare. Cohamacũre m̄sa wacũ tuarire tũhorina sehe tina dihta jierare. Jipihtiro macaina m̄sa wacũ tuarire tũhoyuhti. ã jia sã tinare yahuerapachũta tíre masi tuhsũre tina. <sup>9</sup> ã jia m̄sa cahai sã tinirire, sãre m̄sa noano piti bocarire yahure tina jipihtiro macainare. ã yoa Cohamacũ sehere wacũ tuana, “Cohamacũ jira”, m̄sa nia masũrine m̄sa cohãnocarire, Cohamacũ ya sehere m̄sa yoarire yahure tina jipihtiro macainare. Tiro Cohamacũ sehe catiriro, Cohamacũ waro jira. <sup>10</sup> ã yoa “Cohamacũ macũnore m̄anopũ tahtirore Tesalónica macaina cohtaa nina”, ni yahura masa m̄sare. To macũnore yariariro cjirore Cohamacũ masori jire. To ã masochũ to macũno Jesu sehe marine ñabiaro to buhiri dahreborinare yũhdori jire.

## 2

*Tesalónica wama tiri macapũ to dahrarire yahuha Paulo*

<sup>1</sup> M̄sa cahai jina sã ã jinocana niera tii. M̄sare noano yoadohoina jia tii sã. Tíre noano masina m̄sa, sã coyea. <sup>2</sup> ã yoa Filipoi jina ñano sã yũhdũire, sãre ñano ti yoarire potocãta masina m̄sa. Sãre ti ã yoapachũta Cohamacũ to yoadohoa mehne cuiro marieno Cohamacũ yare noaa buheare buhei sã m̄sa cãhũre. Sãre masa payũ ti ñũ tuhtipachũta noaa buheare buhei sã m̄sare. <sup>3</sup> M̄sare buhena noano sã masirire buhei sã m̄sare. ã buhena m̄sare dojomehne duana nierahi. ã yoa mahũoerahi. <sup>4</sup> Cohamacũ to cahmano seheta buheja sã. Noa buheare buhehtina cjihtire Cohamacũ besere sãre. To ã beserina sã jichũ to ya buheare sã buhechũ noa nina, Cohamacũ to ñũchũ. ã jina õ seheta buheja sã. Masa ti tũho ji cohtire buhena nieraja sã. Cohamacũ sehe sãre to ñũ ji cohto cjihtore to yare buheja sã. Tiro sehe mari tũhotuare, dohse mari yoa duaare noano masina. <sup>5</sup> Noa buheare buhena tũho ji coaa dũseri mehne buhena nierahi. Ahrire masina

musa. ã yoa sã buhena, musare paye barore wapa cahmana nierahi sã. Ahrire Cohamacu masina. Potocã nii nija. <sup>6</sup> ã buhena masa sãre ti ñu wahãhti cjihtire yoana nierahi sã. Musare paina cũhure sãre ñu wahã dutina tana nierahi. <sup>7</sup> ã ñu wahã dutierapanahta Cristo to cũrina jija. ã jina musare wapa cahmaboã sã. ã yoa puhtoã yoaro sehe musare dutiina jiboã sã. Wiho mejeta numino wihãrirocãre to noano bucũoriro seheta noano niji siaroca dero yoai sã musare. <sup>8</sup> ã jina musare noano cahmana, Cohamacu yare noaa buheare buhei sã musare. ã yoana tí dihtare yoerai musare. Musare noano yoadohoi sã catisinina waro. Sã cahĩina musa jichũ musare ã yoadohoi sã. <sup>9</sup> ã musare cahĩna tuaro yoadohoi sã musare. Tĩre wacũna musa, sã coyeyã. Cohamacu yare noaa buheare buhena musa cjuãare sini cariboerai musare. ã jina dachopũ, ñamipũ cũhure dahrai sã.

<sup>10</sup> Noano, musare ñano papero marieno, mahõono marieno musare Jesu yainare sã yoirire masina musa. Cohamacu cũhũ tíre masina. <sup>11</sup> ã jina ti pũcũro to pohñare to noano yahu to wahchechũ yoiriro seheta musa cũhure yahuna wahchechũ yoai musare. Tĩre masina musa. <sup>12</sup> Pũhtoro Cohamacu to sũho jiropũ, noa yũhdũaropũ musare pjirocãre. ã jina to yaina musa jichũ Cohamacu to cahmariro seheta musare ji dutii sã.

<sup>13</sup> Cohamacu yare musare sã yahuri cjirire musa tũhona, õ sehe ni tũhoture musa: “Masa ti mũ sũro ti buhea jierara. Cohamacu ya buheata jira”, ni tũhoture musa. Tĩre musa tũhotuchũ masina wahcheja sã. ã jina Cohamacure sinina “Noana”, nirucuja sã tirore. Tóihãta jira. Musare sã buhea Cohamacu durucua potocã jiata nina. ã jiro Cohamacu musa Jesure wacũ tuaina jichũ to ya buhea mehne musare noaa sehere cohtotachũ yoaro nina. <sup>14</sup> Jesucristore wacũ tuainare Judea yahpa macainare ti yoiriro seheta musa cũhure yoare paina. Judea yahpa macainare Jesu yaina sehere judio masa ñano yũhdũchũ yoare. Musã cũhure musa ya dihta macaina ãta ñano yũhdũchũ yoare. <sup>15-16</sup> Judio masa sehe Cohamacu yare yahu mũhtaina cjirire panopũ macainare wajãã tiri jire. ã jia mari pũhtoro Jesu cũhure wajãri jire tina. Tuhsũ, tina sãre cohãre. Cohamacure tina cahyachũ yoahre. ã yoaina jia, payũ masare ñu tuhtira tina. Judio masa jierainare Cohamacu yare sã yahu duamai tina cũhure pichacãpũ wahaborinare “Cohamacu yũhdojaro”, nina. Sã ã yahu duapachũta judio masa sehe sãre ne Cohamacu yare painare yahu dutierare. ã yahu dutieraa pjiro buhiri ti namoa nina tina. Mipũre tinare tuaro Cohamacu buhiri dahrerohca jũna.

*Paulo Tesalónica macaina cahapũ pari turi tini duamaha*

<sup>17</sup> Sã coyeyã, mipũre mahanocã musa mehne jierana musare wacũna nija. ã jina musare tuaro ñu duana, musa cahai waha duamai. <sup>18-19</sup> Cãã tahari yũhũ Paulo musare ñu waha duamai. Yũ ã waha duapachũta Satana sehe sã wahaborirore dũcatãre. ã jina wahaerahi sã. Sãre wahchechũ yoaina musa jichũ musare ñu duamai. Mari pũhtoro Jesu ahri yahrapũ to tjua tachũ musa sehe sãre wahchechũ yoanahca. ã jina wahchea mehne musa mehne Jesu panoi ducunahca. <sup>20</sup> ãta jira. Musare ñũno Jesu sehe “Noano buheri jira musa”, ninohca sãre. ã jina noano wahcheja sã.

### 3

<sup>1-2</sup> ã yoa musare yoari pja ñũerana musare tuaro tũho duana tíre wacũna, Timoteore musa cahapũ warocã. Tiro mari coyeyiro Jesu yairo Cohamacure dahra cohtariro jiro, sã mehne noaa buheare buheriro jira. ã jina tirore warocã Jesucristore noano musa wacũ tuahti cjihtire, musa wahchehti cjihti cũhure. Tirore warocana sã sahsero Atena wama tiri macã tjuai. <sup>3</sup> Musã ñano yũhdũpanahta Jesu yare musa cohãerahto cjihtore warocã sã Timoteore. Jesu yaina jina ñano yũhdũnahca mari. Tĩre masina musa. <sup>4</sup> Musã mehne tó panopũre jisninã mari ñano yũhdũhtoreta yahu tuhsũi musare. ã jina sã niriro seheta mari ñano yũhdũi. Tĩre musa noano masina. <sup>5</sup> ã jicũ musare yoari pja ñũeracũ musare tuaro tũho duai. ã jicũ Jesure musa wacũ tuarire masii tai Timoteore warocã yũhũ. “Watĩno musare ñano yoa dutiri” nicũ, “Musare sã buheri cjirire musapũ duhuri” nicũ, tirore warocã yũhũ.

<sup>6</sup> Æ yoa mipure Timoteo musa cahapu jiro sã cahapu tju wihire. Æ tju wihiro noaa quitire sare yahure tiro. Jesure musa noano wacu tuaare, painare musa cahã cãhure tiro yahure sare. Æ ni tuhsu sare musa noano wacurire, musare sã ñu duariro seheta musa cãhu tuaro sare musa ñu duarire yahure sare tiro. <sup>7</sup> Æ jina sã coyea, mipure sã ñano yãhduranahta musa Jesure noano wacu tuachu tuhona sã wahcheja. <sup>8</sup> Jesure musa noano wacu tuarire to yare musa cohãerare tuhona noano yajeri sãaja sã. <sup>9</sup> Musare ã ni tuhutuna, Cohamacu to ñurocaroi sã tuaro wahcheja. Æ wahchena Cohamacure “Noana”, nija sã. <sup>10</sup> Dacho cãhure, ñamipure cãhure Cohamacure sinija sã musare sã ñuhti cjihtire. Jesu yare musa noano masi pahõochu yoa duaja sã noano musa tirore wacu tua namohto sehe.

<sup>11</sup> Cohamacu mari Pucu to basi, mari puhtoro Jesu cãhu sare ti yoadohochu cahmaja sã musa cahapu sã wahahto sehe. <sup>12</sup> Æ yoa mari puhtoro Jesu jipihtina musa mehne macainare, jipihtina paina cãhure cahã namochu yoajaro musare. Musare sã cahãiro seheta tuaro cahã namochu yoajaro musare. <sup>13</sup> Musare noano to yoadohochu, buhiri marieina, ñaa marieina jinahca musa, Cohamacu mari Pucu to ñuchu. Mari puhtoro Jesu jipihtina to yaina buhiri marieina mehne ahri yahrapu tju taro ã jiina jichu yoajaro musare.

#### 4

“Cohamacure ji coachu yoa duana õ sehe yoaga”, ni yahuha Paulo

<sup>1</sup> Mipure Jesu mari puhtoro to dutiro mehne musare õ sehe ni yahu batoaja: “Cohamacure ji coachu yoa duana õ sehe yoaga”, ni buhei sã musare. Sã ã buheri baharo sã buheriro seheta yoayuhti musa. Musã ã yoiriro seheta yoa namoga. Tíre tuaro yoa dutija musare.

<sup>2</sup> Jesu mari puhtoro to buhe dutiro mehne musare sã buherire noano masina musa. <sup>3</sup> Ahrire musare yahu namohtja: Musã õ sehe jichu cahmana Cohamacu: Ñaare yoeraina, Cohamacu yare yoaina jiga. Æ jina numia mehne ñano yoena tjiga. Musã cãhu numia musã mehne ñano yoena tjiga. <sup>4</sup> Ñano yoapero marieno, ño payoro mehne musã namosãnumiare cjuaga. Cohamacu musã tíre masichu cahmana. <sup>5</sup> Cohamacure cahmaeraina Cohamacure masieraina ñaare goa pjaa, numia mehne ñano ti yoiriro seheta yoena tjiga musã cãhu. <sup>6</sup> Musã ã yoachu cahmaerara Cohamacu to yairore musã coyeirore musã ñano yoerahto sehe. Musã ã ñano yoana musã coyeirore yãhdurucana nica. Mari puhtoro Cohamacu tí ñaare ti yoachu ñano buhiri dahrehtiro jinocanota nina. Æ jina tíre yahu tuhsu musare “Tí buhirire buhiri tiri”, nina. <sup>7</sup> Ñaare yoahina cjihtire beserari jire marine Cohamacu. Ñaare yoeraina cjihtire beseri jire marine. <sup>8</sup> Æ jina jipihtina musã ahri sã buherire yãhdurucana, masa ya buhea sehere yãhdurucana nierara musã. Cohamacu ya sehere yãhdurucana nina. Tiro musare Espiritu Santore wariro jira.

<sup>9-10</sup> Musã coyeare Jesu yainare musã cahãhtire Cohamacu musare buhe tuhsuri jire. To ã buhechu potocãta Jesu yainare Macedonia macainare jipihtinare noano cahãna musã. Musã ã cahãchu ñana “Musã coyeare cahãga”, ni buheraja musare. Tinare cahã tuhsura musã. Æ ni buhe namoerapanahta ahri sehere musare dutija. Mipure painare musã cahãno seheta cahã namoga musã. <sup>11</sup> Æ yoa musã basi cahma ñu tuhtiro marieno jiga musã. Painare soro ni durucuena tjiga. Æ ñunocahga tinare. Æ jina musã ya dahraa sehere noano dahraga. Panoputa musare ã yoa dutii. <sup>12</sup> Æta yoaga musã, paina musare ti ño payohto sehe, paina yare musã cariboerahto sehe.

Ahri yahrapure Jesu to tju tahtore yahuha Paulo

<sup>13</sup> Coyea, mipure yariarina cjirire yahuihtja musare: Jesure cahmaeraina Cohamacu cahapu wahasi. Æ jia tina mehne macaina ti yariachu ñua tuaro cahyara. Yariarina cjiri ti wahahtore quihõno noano musã masichu cahmaja sã, paina ti cahyariro seheta musã cahyaerahto sehe. <sup>14</sup> Jesu to yariari baharo masa mujari jire. “Ti potocãta jira”,

nija mari. Æ niina jina ahri cūhure “Potocāta jira”, nija mari. Cohamacu sehe to yaina cjirire yariarina cjirire masa mūjachu yoaro, baharopu Jesu mehne na tarohca. Tí cūhure “Potocāta jira”, nija mari.

<sup>15</sup> Jesu to tjua tachu to yaina yariarina cjiri catiina pano masa mūja mūhtaahca. Mari pūhtoro Cohamacu ya yahua tjira ahri. <sup>16</sup> Æ sehe jirohca Jesu to tjua tachu: Mari pūhtoro to basi tuaro sañurucu mūhtanohca. Æ jiro to anjoa pūhtoro tuaro pisurohca. Æ to pisuchu Cohamacu to corneta bisiro coa tarohca. Ti Æ yoachu Jesu yaina yariarina cjiri masa mūja mūhtaahca. <sup>17</sup> Baharo catiinare, yariarina cjiri mehne Cohamacu muanopu me yehsea cururipu mūjachu yoarohca. To Æ yoachu mari pūhtoro Jesure piti bocanahca mari. Æ piti bocana jipihtia dachoripe mari pūhtoro Jesu mehne jirucunahca mari. <sup>18</sup> Ahri yu yahurire mūsa mehne macainare yahuga. Æ ni yahuna wahchenahca mūsa jipihtina.

## 5

<sup>1</sup> Yu coyea, Jesu to tjua tahti dachore “Ahri dachoi tjua tarohca” ni, mūsare yahu joarocaró cahmaerara. <sup>2</sup> Mipu mūsa masino seheta to tjua tahti dachore marine masihto basioerara. Yacariro ñamipu wacūenoca to yacaro taro seheta ahri yahpapure mari pūhtoro wacūenoca tjua tarohca. Ahrire mūsa basita noano masina. <sup>3</sup> “Mipure mari noano jinocaja. Cuaro mariahna marine”, masa ti ni wacūchu dóicāta ñano waharohca tinare. To Æ wahachu tina duhti masisi. Niji wahcōricoro wacūenoca to purino tūhoturo seheta wacūenoca Æ waharohca masare. <sup>4</sup> Yu coyea, mūsa sehere Æ wahasi. Yacariro wūhu pūrore to cūrore seheta mūsa sehere Æ wahasi. Jesu taro mūsare cūosi. Nahitianoí jiina ti ñu masieraro seheta paina Jesure ne masierara. Mūsa sehe tina yoaro sehe jierara. <sup>5</sup> Mūsa jipihtina Jesu yaina jira. Æ jina buhriaroi ti ñu masino seheta Jesu to tahtore masina mūsa. Paina nahitianoí jiina seheta tirore masieraina yoaro sehe jieraja mari. <sup>6</sup> Æ jina carīna yoaro sehe Cohamacure tūho nūneraina jiena tjijihna mari. Paina āta yoara. Tina yoaro sehe yoarena tjijihna mari. Carīeraina yoaro sehe quihōno yoaina, noano wacū masiina jijihna mari. <sup>7</sup> Carīna ñamipu carīna. Æ jia cahaina ñamipu cahara. <sup>8</sup> Mari sehe buhriaroi jiina yoaro sehe Jesure masiina jina, noano wacū masiina jijihna. Æ yoa surara comaa suhtiro mehne to cutirore to sāa dūcatariro seheta Cohamacure wacū tuaga mūsa, watīnore to dūcatahto sehe. Æ yoana Cohamacure, paina cūhure cahīga. Mūsa Æ yoachuta Cohamacu mūsare ñu wihborohca. Æ jina mūsare pichacapu wahaborinare Jesu to yūhdohtore “Potocā tjira”, niga mūsa. Mūsa Æ niina jichu surara to dapure comaa chapea mehne to pisa dūcatariro seheta watīno mūsare to ñano yoa duachu Cohamacu tirore dūcatarohca. <sup>9</sup> To buhiri dahrehtinare marine beserari jire Cohamacu. Jesucristo mari pūhtoro pichacapu wahaborinare to yūhdohtina cjihtire marine beseri jire tiro. <sup>10</sup> Jesu mari ya cjihtireta yariari jire tiro mehne mari jihto sehe. Catiina, yariaina cūhu tiro mehnetā jiahca. Æ jina jipihtina tiro mehne jinahca mari to yaina jina. <sup>11</sup> Æ jina mūsa mehne macainare mipu mūsa wahchechu yoariro seheta mūsa basita wahchechu yoaga tjoa. Æ yoana mūsa basita Cohamacure wacū tua namochu yoaga mūsa mehne macainare.

### *Jesu yainare Paulo yahu batoaha*

<sup>12</sup> Mūsare buheinare, Cohamacu dutiare mūsare yahuhtinare mari pūhtoro buhe dutiro taro beseri jire. To Æ ni beserinare noano ño payoga mūsa. Mūsa Æ ño payochu cahmacu tuaro dutija mūsare. <sup>13</sup> Ti dahraare ti yoachu tinare cahīa mehne noano ño payoga. Æ yoa mūsa mehne macaina mehne cahmacheno marieno jiga.

<sup>14</sup> Mūsare sā coyeare, ahrire tuaro dutija: Dahra duaerainare dahra dutiga mūsa. Cahyainare wahchechu yoaga mūsa. Jesure wacū tuaera cureinare yoadohoga. Tina jipihtina mehne noano suaro marieno ji coaro jiga mūsa.

<sup>15</sup> Cūiro mūsare to ñano yoachu ñuna tirore ñano yoa cahmaena tjiga. Æ jina mūsa mehne macainare, jipihtina paina cūhure noano yoaga.

<sup>16</sup> Æ yoana dachoripe ã wahcherucuga m̄sa. <sup>17</sup> Æ jina Cohamac̄re ã sinirucuga dachoripe. <sup>18</sup> M̄sa ñano ȳhd̄panahta Cohamac̄re wahche, “Noana”, niga. M̄sa noano ȳhd̄ri pja c̄h̄re “Noana”, niga tirore. Æ nina Cohamac̄ to cahmano seheta yoana nica m̄sa. Cristo Jesu yaina m̄sa jich̄ ñano m̄sa ã nich̄ cahmana tiro.

<sup>19</sup> Esp̄ritu Santore ȳhti duaeraina jiena tjiga. <sup>20</sup> Esp̄ritu Santo to masia mehne paina sehe m̄sare buhera. Ti ã buhech̄ tí buheare cahmaeraina jiena tjiga. <sup>21</sup> Paina m̄sare soro ti ni buhech̄ tí Cohamac̄ ya jierach̄ masiga m̄sa. Æ jina Cohamac̄ ya buhea ti jich̄ c̄h̄re masiga m̄sa. Æ masina noaa buhea dihtare cahmaga. <sup>22</sup> Æ yoana jipih̄tia ñaare cahmaena tjiga m̄sa.

<sup>23</sup> Cohamac̄ marine noano jich̄ yoariro jira. Tiro to basi m̄sare to yainare noaina ñaa marieina jich̄ yoa namojaro m̄sare. M̄sa pjac̄ri c̄h̄re m̄sa catia c̄h̄re noano ñ̄ wihbojaro. Mari p̄htoro Jesucristo ahri yahpap̄re to tjua tahto pano m̄sare Cohamac̄ noano ñ̄ wihbojaro ñaare m̄sa yoaerahto sehe. To ã yoch̄ Cristo to tach̄ ñaa marieina jinahca m̄sa. <sup>24</sup> Æta jich̄ yoarohca Cohamac̄. Tiro m̄sare beseriro to niriro seheta yoara.

*Paulo* c̄h̄ noa dutirocaha

<sup>25</sup> Sã ya c̄j̄htire Cohamac̄re sini payoga m̄sa, sã coyea.

<sup>26</sup> M̄sa mehne macainare noano mehne piti bocasiniga.

<sup>27</sup> Jipih̄tina Jesu yainare ahri tjure buhega m̄sa. Jesu mari p̄htoro to dutia mehne ahrire m̄sare dutija ȳh̄.

<sup>28</sup> Jesucristo mari p̄htoro to cah̄ia mehne m̄sare noano yoajaro.



## 2 Tesalonicenses

*Paulo cãhũ joarocaha Jesu yainare Tesalónica macainare*

<sup>1</sup> Yũhũ Paulo, Silvano, Timoteo cãhũ ahrire m̄sare joarocaja tjoa. M̄sa sehe Tesalónica macaina mari P̄cũ Cohamacũ yaina jira. Mari p̄htoro Jesucristo yaina cãhũ jira m̄sa. <sup>2</sup> ã jina Cohamacũ mari P̄cũ, mari p̄htoro Jesucristo mehne m̄sare noa dutija. Cohamacũ yoadohoa mehne noano jiga m̄sa.

*Ahri yahp̄p̄re Cristo tjua taro buhiri dahrerohca*

<sup>3</sup> Cohamacũre sinina Jesure m̄sa wacũ tuaare wacũna “Noabiara sãre”, nirucuja sã Cohamacũre. Sã ã nichũ noa nina. Dachoripe Cohamacũre m̄sa noano wacũ tua namona niyuhca. ã yoana dachoripe m̄sa mehne macainare cahĩ namona niyuhca m̄sa. ã jichũ Cohamacũre “Noabiara sãre”, sã nichũ noa nina. <sup>4</sup> Paina m̄sare ñano ti yoapachũta Jesure wacũ tuarucuyuhca m̄sa mip̄ cãhũre. ã yoa tirore wacũ duhuerayuhca. M̄sa ã yoachũ ñũna tíre m̄sa yoarire paina Cohamacũ yainare wahchea mehne yahuja sã. <sup>5</sup> ã wacũ tuarucuna Cohamacũ mari p̄htoro yaina m̄sa jiri buhiri ñano yũhdũna niyuhca m̄sa. ã jiro p̄htoro Cohamacũ to sũho jirop̄re waha dutira m̄sare. To ã dutichũ to quihõno yoariro jichũ masija mari.

<sup>6</sup> ã yoa Cohamacũ quihõno yoariro jira. ã jiro m̄sare ñano yũhdũchũ yoaina sehere ñano yũhdũchũ yoarohca tiro. <sup>7</sup> ã yoaro m̄sa ñano yũhdũrina cjiri jichũ tiro m̄sare noano jichũ yoarohca. Sã cãhũre noano jichũ yoarohca. Mari p̄htoro Jesu to yaina anjoa tuaina mehne, picha pohna mehne m̄anop̄rũ bajuaro noano jichũ yoarohca marine, ñano yũhdũrina cjirire. <sup>8</sup> ã yoa Cohamacũre masierainare, mari p̄htoro Jesu to buheare noa buheare yũhdũrucarinare Cohamacũ buhiri dahrerohca. <sup>9</sup> Cohamacũ tinare õ sehe buhiri dahrerohca: Pichacap̄rũ tina ñano yũhdũrucuahca. ã jia tina tuariro mari p̄htoro Jesu cahai ne ji masierara. ã jia tua yũhdũariro to jiare ñũsi tina. <sup>10</sup> ãta waharohca tí dachoi Jesu to tjua tahti dachoi. Tí dachoihta tiro tarohca noaina tirore wacũ tuaina “Noariro, tuariro jira Jesu”, ni wahchea mehne ti ño payohto cjihtore. M̄sare sã buherire m̄sa noano tũhore. (ã jina m̄sa cãhũ tiro mehne jinahca.)

<sup>11</sup> ã jina Cohamacũre ã sini payorucuja sã m̄sa ya cjihtire. Õ sehe ni Cohamacũre sini payoja sã: To cahmano seheta yoah̄tinare m̄sare to cũriro seheta m̄sa jihtina cjihtire sini payorucuja sã m̄sare. M̄sa noaina ji duanata niyuhca. ã jina Cohamacũ to tuaa mehne noaina m̄sa ji duariro seheta m̄sa jikti cjihtire sini payorucuja sã. M̄sa Cohamacũre wacũ tuayuhca. ã wacũ tuana to yare yoayuhca m̄sa. Tíre m̄sa noano yoa namohti cjihtire Cohamacũre sini payorucuja sã m̄sare. <sup>12</sup> ã yoana mari p̄htoro Jesucristore painare ño payochũ yoanahca m̄sa. M̄sa ã yoachũ Jesucristo yaina m̄sa jichũ ñũna paina ño payoahca m̄sare. Cohamacũ to cahĩa mehne, mari p̄htoro Jesucristo cãhũ to cahĩa mehne ã waharohca.

## 2

*Ñano yoarucurirore yahuha Paulo*

<sup>1</sup> Mip̄re mari p̄htoro Jesucristo ahri yahp̄p̄re to tjua tahtore, tirore mari cahmachu mari piti bocahtore yahu namo duaja yũhũ. Õ seheta tuaro yahu duaja m̄sare, sã coyea: <sup>2</sup> Paina m̄sare õ sehe niboca: “Mari p̄htoro to tjua tahti dacho, pihtiri dacho jirop̄rũ nina”, niboca m̄sare. Ti ã nichũ tũhona, tũho cãaena tjiga. ã yoa tũho wisiena tjiga. “Cohamacũ yũhũre ãta niri jire”, niboca m̄sare paio. Pairo cãhũ m̄sare buhero ãta niboca. Pairo cãhũ ãta ni joarocaboca, “Yũhũ Paulo tjija”, ni mahõ joarocarõ. <sup>3</sup> Paina m̄sare ti ã mahõochũ tũhoena tjiga m̄sa. Tí dachoi ahri yahpa to pihtih̄to panocã payũ masa Cohamacũre duhuahca. ã jiro tí dachoi ñano yoarucuriro pichacap̄rũ wahahtiro bajuarohca jipih̄tina ti ñũhtiro cjihtore. <sup>4</sup> Tiro Cohamacũ warore, paina bajueraina masa

ti ño payoina cūhure jipihtina masare ño payo dutisi ñano yoarucuriro. Tiro ò sehe ni tūhoturohca. “Ahrina jipihtina bui pūhtoro jija yūhū”, ni tūhoturohca. Ā jiro Cohamacū wūhūi dujiro “Yūhū sehe Cohamacū jija”, ninohca.

<sup>5</sup> Mūsa mehne jisinicū tíreta yahui. ¿Tíre wacūerajari mūsa? <sup>6</sup> Mipūre paio sehe ñano yoarucurirore ne ji dutierasinina. Ā yoa tirore ji dutierarirore masina mūsa. Tiro sehe to dutichū to quihōri dacho jichū ñano yoarucuriro bajarohca. <sup>7</sup> Mipūre masa ti ñuenoi tiro yoaro seheta paina ñaare yoa tuhsūra. Ti ā yoapachūta ñaare yoa dutierariro to wahahto pano tiro ñano yoarucuriro sehe jisi. <sup>8</sup> To wahari baharo pinihtare ñano yoarucurirota bajarohca. Baharo mari pūhtoro Jesucristo tirore yūhdūrucarohca. Ahri yahpapū to si sitea mehne tjua taro, to dūsero mehne putirotaro, tirore wajā boarohca. <sup>9</sup> Ñano yoarucuriro sehe watīno tuua mehne taro, payū bajuamehnerire, mahñoa bajuamehnerire yoa ñonohca. <sup>10</sup> Payū ñaa to yoa ñoa mehne to ā mahñochū pichacapū wahahtina sehe tirore tūhoahca. Tina sehe noaa buheare cahmaerare. Ti ā cahmaerachū Cohamacū tinare pichacapū wahahtinare yūhdosi. Tina pinihta ñano yoarucuriro mahñoriro to yoarire “Potocā tjira”, niahca. <sup>11</sup> Ā jiro noaa buheare ti cahmaerari buhiri Cohamacū tinare wisiomehnenohca. Ā wisiaa mahñoare cahmaahca tina. <sup>12</sup> Ā jiro jipihtina noaa buheare tūho duaerainare, ñaa dihtare yoa ji coainare tirota buhiri dahrerohca.

*“Cohamacū mū sare beseha to yaina jichū yoaro taro”, ni yahuha Paulo*

<sup>13</sup> Mūsa sā coyēa, mari pūhtoro Jesu to cahīina jira mūsa. Dóipūta wahmanopūreta mū sare pichacapū wahaborinare to yūhdohtina cjihtire Cohamacū beseri jire mū sare. Mū sare beseri jire Espíritu Santo to tuua mehne to yaina ñaa marieina mū sare jichū yoaro taro. Ā jiro noaa buheare “Potocā tjira”, nihtina mūsa jichū ñūno mū sare beseri jire. To ā beserina mūsa jichū ñūna Cohamacūre wahche, “Noana”, nirucuja sā. <sup>14</sup> Noa buheare mū sare sā buhechū Cohamacū mū sare beseri jire mari pūhtoro Jesucristo to masa mūjariro seheta mūsa cūhū mūsa masa mūjahto cjihtore.

<sup>15</sup> Ā jina yū coyēa, noano wacū tuaina jiga mūsa. Ā jina sā durucua mehne sā joarocaa pūri mehne mū sare sā buherire noano wacūga mūsa. Ā yoa tí buheare yūhdūrucaena tjiga. <sup>16</sup> Mari pūhtoro Jesucristo to basi, Cohamacū mari Pūscū cūhū marine cahīa, jipihtia dachoripe marine wahchechū yoare. Marine cahīa marine pichacapū wahaborinare yūhdoahca. Ā jina Cohamacū to yūhdohtore noano masina wahcheja mari. <sup>17</sup> Jesucristo, mari Pūscū mehne mū sare noano yoajaro pjiro mūsa wahchehto sehe. Ā yoa jipihtia noaare mūsa yoahito sehe, mūsa noano durucuhto sehe Cohamacūre mū sare sini payoja.

### 3

*“Sā ya cjihtire Cohamacūre sini payoga”, ni joaha Paulo cūhū*

<sup>1</sup> Mipū sā coyēa, sā ya cjihtire Cohamacūre sini payoga mari pūhtoro Jesu to buhea payū masare sā buhehto sehe. To buheare mūsa noano cahmariro seheta paina cūhū tí buheare ño payoa mehne ti cahmahto sehe sini payoga mūsa Cohamacūre. <sup>2</sup> Cāinata Jesure wacū tuara. Paina sehe to yare tūho duaeraa, Jesure wacū tuaerara. Ā jina ñaina masa sāre ti ñano yoa duachū Cohamacūre sini payoga mūsa sāre to yoadohohto sehe. <sup>3</sup> Mari pūhtoro Jesu to niriro seheta yoariro jira. Ā jiro mū sare tirore wacū tuachū yoarohca. Ā yoa tuhsū, watīno mū sare to ñano yoa dutichū tiro mū sare yoadohorohca. <sup>4</sup> Cohamacū mū sare to yoadohorire masija sā. Ā jina mū sare sā dutiriro seheta mūsa yoachū cūhūre masija sā. Ā yoa āta yoarucunahca mūsa. Tí cūhūre masija sā. <sup>5</sup> Cohamacū mū sare to cahīare mū sare masichū yoajaro. Ā jina Cristo yoaro sehe ñano yūhdūpanahta cūno pjaina jichū yoajaro mū sare mari pūhtoro.

*Marine tuaro dahraro cahmana*

<sup>6</sup> Jesucristo mari pūhtoro to dutiro mehne ò sehe ni dutija mū sare: Jesu yainare dahra duaerainare, mū sare sā buheriro seheta yoerainare, tinare piti tiena tjiga. Ā ñūnocahga tinare. <sup>7</sup> Sohō jiri pja mūsa mehne sā jichū tuaro sā dahrachū ñūre mūsa. Ā jina sā yoariro

seheta m̄sa c̄hure dahraro cahmana. Tíre noano masina m̄sa. <sup>8</sup> ã jina m̄sa ch̄are wapa marieno ch̄erahi sã. ã yoa dachop̄re, ñamip̄ c̄hure tuaro dahrai sã “M̄sa ch̄are sã siniri”, nina. <sup>9</sup> Sã buheri wapa m̄sare wapa cahmaboa sã. ã wapa cahmaborina jipanahta wapa cahmaerana tuaro dahrai sã, m̄sa sehe sãre m̄sa ñ̄ c̄hto sehe. <sup>10</sup> M̄sa mehne jina, õ sehe ni buhei m̄sare: “Dahraeraina ch̄ea tjijaro”, ni buhei sã m̄sare. <sup>11</sup> Cãina m̄sa mehne macaina ne dahra duaerayuhca. ã dahra duaeraa, painare ã yahu wajamacanoca, caribobiaro yoayuhca tina. <sup>12</sup> Mari p̄htoro Jesucristo to dutiro mehne ã dahra duaerainare õ sehe nija: Noano wahchea mehne dahrajaro tina ti noano jihto sehe, ti ya ch̄are ti ch̄hto sehe.

<sup>13</sup> Sã coyea, m̄sa sehe noaare yoarucuna pumena tjiga. <sup>14</sup> Cãina tó macaina ahrire sã joarocarire ȳhd̄ur̄caboca. Ti ã yoach̄ ti yoarire noano ñ̄ga. ã ñ̄na tinare piti tiena tjiga ti buoro wahahto sehe. <sup>15</sup> ã piti ti duhupanahta tinare ñ̄ tuhtiena tjiga. Tina m̄sa coyea, Jesu yaina tjira. Ti ã jich̄ ti ȳhd̄ur̄carire yahuga tinare tíre ti yoerahto sehe.

*Paulo tinare noa duti batoaha*

<sup>16</sup> Mari p̄htoro Jesu marine noano jich̄ yoariro mehne dachoripe noano jirucuga m̄sa. ã jic̄ “Mari p̄htoro m̄sa jipihtina mehne jirucujaro”, nic̄ m̄sare noa dutija.

<sup>17</sup> Ȳh̄ Paulo, ȳ wamomaca mehmeta mip̄re ȳ basita joa batoai nija: ã joac̄ m̄sare noa dutija. Jipihtia ȳ joarocaa p̄rine õ sehe dihta ȳ wamomaca mehne joa batoaja ȳh̄. Ȳ õ sehe dihta ȳ joa batoach̄ ñ̄na ȳ joarocari p̄ to jich̄ masinahca m̄sa. <sup>18</sup> Mari p̄htoro Jesucristo to cahña mehne noano yoajaro m̄sare jipihtinare.

## 1 Timoteo

### *Paulo Timoteore joarocaha*

<sup>1-2</sup> Yũhũ Paulo ahrire mũhũre Timoteore joarocaja. Cohamacũ marine pichacapũ wahaborinare yũhdoriro jira. Jesucristo yare buhe dutiro to cũriro jija yũhũ. To Pũcũro, to Macũno Jesu mehne ti dutiriro seheta ti cũriro jija yũhũ. Jesuta marine yũhdora. Ā jina marine to yũhdohtore masina, tíre cohtaja mari. Mũhũre Timoteore Jesu yare buhei. Yũ Ā ni buhechũ tũhocũ Jesure wacũ tua dũcare mũhũ. Ā jicũ mũhũ potocãta yũ macũ yoaro sehe jicũta nina. Cohamacũ mari Pũcũ mehne, mari pũhtoro Jesucristo mehne mũhũre noa dutija. Ā yoa mũhũre cahĩa, pja ñũa ti yoadohoa mehne noano jiga mũhũ.

### *Paulo mahñoa buheare buhe dutieraha*

<sup>3</sup> Sohõ jiri pjare Macedonia yahpapũ wahacũ mũhũre Efesoi cũ yũhdũ wahcãi. Tó cãina ti ya buheare mahñoa buheare buheina jire. Tí buheare mũ buhe dutierahtiro cjihtore cũi yũhũ mũhũre. <sup>4</sup> Tina ti mũ sũro Ā buhemacanocahna. Ā yoa ti coyea panopũ macaina cjiri ti mũ sũro ti buherire Ā buherucura. Tí buhea mehne paina mehne cahma sayorucura. Cohamacũ marine to dutirire noano yoachũ yoerara tina Ā buhea. Cohamacũ ya sehere yoana tirore wacũ tuaja. Ā jicũ ti mũ sũro ti buherire buhe dutierahtiro cjihtore cũi mũhũre.

<sup>5</sup> Ā cũi mũhũre Jesu yaina painare ti cahĩhti cjihtire. Ñaa buhiri mariea mehne, noaa wacũa mehne, potocã Cohamacũre wacũ tuaa mehne painare ti cahĩhti cjihtire Ā cũi mũhũre. <sup>6</sup> Cãina ahri noaa buheare cohã tuhsũ paye buhea sehere cahmana tjoa. Ā ti cahmachũ, tí buhea sehere ti cahma sayochũ tó wahaerara. Tí buheare ti cahma sayoa yaba cjihti jierara. <sup>7</sup> Tina Cohamacũ dutiare buheina ji duamana. Ā buhe duapahta tí buheare tina ti basi noano masierara. Tí buheare masiina yoaro sehe buhepahta tí buheare ne masierara tina.

<sup>8</sup> Cohamacũ dutiare Moise cjiro marine to cũri cjirore quihõno mari buhechũ noaa dutia jira. Tíre mari noano masija. <sup>9-10</sup> Tí dutiare buhena ahrire masino cahmana: Tí dutia noaare yoainare ti buhehti cjihti jierara. Ahrina sehere ti buhehti cjihti jira. Pũhtoare cohã duainare, dutiare yũhdũrucainare, ñaa dihtare yoainare, ñano buhiri tiinare, Cohamacũre ño payoerainare, Cohamacũ yare cahmaerainare, ti pũcũsumare wajãinare, ti pocosãnumia cũhũre wajãinare, paina masare wajãinare, numia mehne ñano yoainare, mũa mehne ñano yoaa numiare, cahma numia mehne ti ñano yoariro seheta mũa sahsero o numia sahsero jipahta ti pjacũri mehne ñano yoainare, masa pohnare paina cũhũre duhti yacainare, mahñoinare, painare mahñoa mehne yahusãinare Cohamacũ dutia Moise cjiro marine to cũri cjiri sehe tinare buhehti cjihti jira. Ā yoa paina jipihtinare noaa buheare yũhdũrucainare buhehti cjihti jira Cohamacũ to dutia. <sup>11</sup> Tí buhea noaa buhea sehe noariro Cohamacũ to ya buheata jira. Tí buhea sehere yũhũre Cohamacũ buhe dutire.

### *Cohamacũ Paulore to pja ñũare yahuha tiro*

<sup>12</sup> Ā yũ buhechũ Jesucristo mari pũhtoro yũhũre tuaare waro yũhũre yoadohora. “Paulo noano buherohca yũ yare”, ni tũhoture Jesu yũhũre. Ā jiro yũhũre besero tirore yoadohotiro cjihtore cũre yũhũre. To Ā yoachũ “Noana”, nija yũhũ tirore. <sup>13</sup> Tó panopũre Cristore yũ ñano durucupachũta, to yainare ñano yũ yoapachũta, tiro yũhũre beseri jire. Tirore masierasinicũ tirore ñano yoacũ “Ñano yoai nica yũhũ”, ni tũhotueracũrũ. Yũ Ā masierasinicũ ñũno tiro pja ñũre yũhũre. <sup>14</sup> Ā pja ñũno, Cohamacũ mari pũhtoro yũhũre tuaro cahĩno, noano yoare yũhũre. Ā yoa Cristo Jesure wacũ tuachũ yoare yũhũre tiro. Ā yoaro painare cahĩchũ yoare yũhũre Cohamacũ.

<sup>15</sup> Yũhũrũ sehere paina yũhdoro ñaa yũhdũariro jimai. Ñaina mari jipachũta Jesucristo ahri yahpapũ tari jire ñainare pichacapũ wahaborinare yũhdohtiro cjihto. Tí potocã

tjira. To ã jiriro jichu jipihtina tíre masijaro. <sup>16</sup> Ñaa yuhduariro yu jipachuta tiro yuhure pja ñure. Æ pja ñuno Jesucristo suaro marieno yuhure to noano yoarire masichu yoaro nire painare baharo tirore wacú tuahtinare masichu yoaro taro. Æ wacú tuahtina muanopu ã jirucuahca. <sup>17</sup> Cohamacu jipihtia dachoripe masa bui puhtoro jira. Tiro ne yariaerara. Mari mehne to jipachuta tirore ñueraja mari. Tiro dihta Cohamacu waro jira. “Potocãta noariro, tuariro jira tiro”, nijihna tirore. Jipihtia dachoripe tirore ño payojihna. Æta yoajihna.

<sup>18</sup> Timoteo, yu macu yoaro sehe jira mahu. Æ jicu mipure ahrire mahure dutija: Mari coyea Jesu yaina Cohamacu yare yahu muhtaina baharo mu yoahire ti ni muhtariro sehetu mahure dutija. Cristo yare noano yahurucuga. Æ yoa ñano yuhdupaihta tirore wacú tua duhui tjiga mahu. Tuhsu, to yare quihõno buherinare poto yahuga duhuro marieno. <sup>19</sup> Jesure ã wacú tuarucuga. Ñaa buhiri marieriro jiga. Noaa dihtare yoaga. Cãina tíre yoeraa Jesu yare cohãna. Æ cohãa tirore wacú tua duhure. <sup>20</sup> Æta yoare Himeneo, Alejandro mehne. “Watino to cahmano sehetu yoawahnojaro musare”, ni cũi tinare, ñano Cohamacure ti durucu namoerahto sehe.

## 2

### *Cohamacure* sini payoare yahuha Paulo

<sup>1</sup> Mipure õ sehe ni dutija musare. Ahri wiho waro jierara: Jipihtina ya cjihtire Cohamacure sini payoga. Æ sini payona “Noana. Wahcheja”, niga Cohamacure. <sup>2</sup> Puhtoa, paina masa bui dutiina cûhu ti ya cjihti cûhure Cohamacure sini payoga, cahmacheno marieno Cohamacure ño payoina mari noano jihto cjihtore. Æ sini payona mari Cohamacu cahmaare, quihõno yoaina noano ji masija. <sup>3-4</sup> Tó sehe paina ya cjihtire mari sini payochu noa nina. Tíre mari yoachu ñuno Cohamacu marine yuhdohtiro sehe marine noano ñu jicoara. Jipihtina pichacapu wahaborinare to yuhdoina jichu cahmana Cohamacu. Æ yoa noaa buheare ti masichu cahmana tiro. Æ jiro paina ya cjihtire mari sini payochu wahchera tiro. <sup>5</sup> Cûirota jira Cohamacu. Æ yoa Cohamacure mari ñu tuhtichu Cohamacu cûhu marine to ñu tuhtichu bosariro cûirota jira. Tiro masunota jiriro, Jesucristota jira. <sup>6</sup> Wapamonore waparo sehetu jipihtina ti ñaa yoari buhirire yariari jire tiro. Cohamacu to quihõri pjai tíre masare masichu yoari jire. <sup>7</sup> Tíre yahuhtiro cjihtore, Jesu to cûhtiro cjihtore tiro yuhure beseri jire. Judio masa jierainare Jesure wacú tuaare, noaa buheare buhehtiro cjihtore beseri jire yuhure. Potocãta musare yahui nija yuhu. Mahñoeraja.

<sup>8</sup> Cohamacu yare noano yoaina jipihtiro macaina sehe Cohamacure ti sinichu cahmaja. Æ yoa tina suaro marieno, cahma sayoro marieno tiro mehne ti durucuchu cahmaja. <sup>9</sup> Æ yoa, numia sehere carera numia yoaro sehetu ti suhti tiina jichu cahmaja. Æ jia soro bajua pjoari ti pjoarire yoaea tjijaro. Uru dari busaa darire perla yapari dari cûhure busaea tjijaro tí numia painare “Goa pjachu yoari”, nia. Æ yoa wapa bujua suhtire sãaea tjijaro tina Jesu ya numia. Painare goa pjachu yoaa numia jiea tjijaro. <sup>10</sup> Æ yoa tí numia noaa sehere yoajaro. Æta yoaro cahmana “Cohamacu ya numia jija”, nia numiare. <sup>11</sup> Dihta marieno ño payoa mehne buheare tuhujaro tí numia. <sup>12-14</sup> Æ jia numia mware buhea tjijaro. Æ yoa mware dutiea tjijaro. Tí numia sehe dihta mariea numia jijaro. Adãore Cohamacu bajuamehne muhtari jire. To baharo Evare bajuamehneri jire. Æ yoa watino to mahnochû tuhoriro Adão jierari jire. To mahnochû tuhoricoro sehe Eva jiri jire. Æ to mahnochû tuhoro, Cohamacure yuhdurucaricoro wahari jire ticoro. Æ jia numia sehe mware dutiea tjijaro. <sup>15</sup> Numino ji muhtaricoro to yuhdurucapachuta numia ti pohna tichu ñuno tinare Cohamacu yoadohorohca. Tí numia pohna tia numia sehe Cohamacure ti wacú tuarucuchu tiro yoadohorohca tinare. Æ yoa masare, Cohamacu cûhure ti cahrucuchu, noaa numia ti jirucuchu, quihõno yoaa numia ti jichu Cohamacu tinare yoadohorohca.

## 3

*Jesu yaina pũthoa ti yoachtire yahuha Paulo*

<sup>1</sup> Masa Jesu yaina pũthoa ji duaa, noaare yoa duaa nica tina. Tí potocãta jira. <sup>2</sup> Jesu yaina pũthoate besecu õ sehe jiinare besega: Buhiri marieinare besega “Paina tinare ñano ni yahusãri”, nicũ. ã yoa cãa numiata namo tiinare, noano tuho masiinare, quihõno yoainare, paina ti ño payoia, masare wahchea mehne ti wũhũre sãa ta dutiinare, painare noano buhe mihniinare besega mũhũ. <sup>3</sup> ã besecu cahaerainare, cahmacherainare, masare noano yoainare, cahma sayoerainare, niñerure cahĩerainare besega mũhũ. <sup>4</sup> ã yoa mũ beseina ti ya wũhũ macainare noano yahuina, ti pohmare noano ño payoa mehne yũhtichũ yoaina, noano yahuina jijaro. <sup>5</sup> Tinare yũhtichũ yoa masieraa, noano yahu masieraa, Jesu yaina cũhũre noano yahu, yũhtichũ yoa masieraboca tina. <sup>6</sup> Jesu yaina pũthoa ji duaina Jesu yaina wahma sãaina jia, tina pũthoa ji masierara. Wahma sãainare Jesu yaina pũthoa mũsa cũchũ tina “Noa yũhdũaina jija”, ni tũhotuboca. Ti ã ni tũhotuchũ Cohamacũ tinare buhiri dahre dutirohca watĩnore to yoariro seheta. Watĩno cũhũ ãta ni tũhotua timaha Cohamacũre yũhdũũca duaro. <sup>7</sup> ã yoa pũthoa ji duaina Jesu yaina jieraina ti ño payoia jiro cahmana tinare. Noano yoaina ti jichũ ñũa paina ño payoahca tinare. ã jia masa tinare ñano quiti dahresi. ã jiro watĩno tinare dojomehne masisi.

*Jesu yainare yoadohoina ti yoachtire yahuha Paulo*

<sup>8</sup> ã yoa Jesu yainare yoadohohtina sehere besecu õ sehe jiinare besega: Tina masa ti ño payoinare, noano potocãta durucuinare, cahaerainare, niñerure cahĩerainare, mahũoa mehne wapata duaerainare, <sup>9</sup> Cohamacũ to yahuri buhea to nino seheta yoainare, ñaa buhiri marieinare besega mũhũ. <sup>10</sup> Tinare mũ besehto pano Jesu yainare yoadohoina ji duainare ti yoirire ñũga mũhũ. Tinare mũ ã ñũri baharo tina sehe ñaa buhiri marieina, ñaare yoeraina jia, Jesu yainare yoadohoina sãajaro tina. <sup>11</sup> ã yoa ti namosãnumia õ sehe ti jichũ cahmaja mari. Masa ti ño payoa numia, masa noaa numia, ñano quiti dahrera numia, tuho masia numia, jipihtiare noaare yoarucua numia ti jichũ cahmaja mari. <sup>12</sup> Jesu yainare yoadohohtinare besecu cãa numiata namo tiinare, ti pohmare paina ti wũhũ macaina cũhũre noano yũhtichũ yoainare besega. <sup>13</sup> ã jia mũ beseina Jesu yainare ti yoadohochũ paina tinare noano ñũ ji coahca. ã jia tina yoadohoina sehe noaa buheare, Jesucristore ti wacũ tuua cũhũre cuiro marieno buheahca tina.

*Cohamacũ ya buheare yahuha Paulo*

<sup>14-15</sup> Mipũre mũ cahapũ waha duai nimaja. ã waha duapaihta mipũre wahaerasinicũ ahri pũi yahu, mũhũre joarocai nija. Jesu yaina cahmachuina watoi mũsa dohse yoachtore mũhũre yahu joarocai nija, “Míchapucaca yũhũ wahaerasiniboca”, nicũ. Jesu yaina Cohamacũ catiro yaina jira. To yaina potocã jia buheare Cohamacũ ya buheare cjuara. ã cjuaa, tíre buherucura. <sup>16</sup> Ahri potocã tjira. Marine Cohamacũ to buheri cjiri, panopũ mari noano masierari cjiri noa yũhdũa buhea jira. Ahri buhea õ sehe jira: Tiro Cristo mari pjacũ seheta pjacũ tiroiro masa bajuari jire. Noariro, ñaa marieriro to jichũ ñore Espĩritu Santo sehe. Anjoa cũhũ tirore ñũri jire. ã yoa buhe duti to cũrina paye yahpari macainare to yare buhei sã. ã jia ahri yahpai masa payũ tirore wacũ tuare. Baharo mũanopũ Cohamacũ naahre tirore. Tí jira noaa buhea.

## 4

*Noa buheare cohãrina cjirire yahuha Paulo Timoteore*

<sup>1</sup> Espĩritu Santo ahrire noano yahura: Pihtiri dacho panocã cãina masa Jesu ya buheare cohãahca. ã cohãa mahũoa buheare watĩa ya buhea sehere tuho nũnũahca tina.

<sup>2</sup> Tí buheare mahñorucuina yahuahca masare. Tina mahñorucuina sehe “Ñaa buhiri mariahna sãre”, ni tũhotuina jira. ã jia tina ti ñaa yoare ne tũhotuerara. <sup>3</sup> Õ sehe ni buheahca tina: “Namo tiena tjiga. Ahri chũare chũena tjiga”, ni buheahca tina. Ti ã chũ dutierapachũta Cohamacũ chũare bajuamehnenno mari chũhti cjihtire noaare cũri jire tiro. Mari Cristore wacũ tuaina jichũ noaa buheare mari masiina jichũ, mari ya cjihtire tí chũare bajuamehnea tiri jire tiro. Tí chũare cjuana tirore “Noana”, mari nichũ cahmana tiro. <sup>4</sup> Jipihtia Cohamacũ to bajuamehneri cjiiri noaa jira. ã jina to bajuamehneri chũare nana, Cohamacũre “Noana” nina, tíre marine cohãeraro cahmana. Tíre marine chũ ji coaro cahmana. ã jicũ paina ti chũ dutierachũ tũhocũ tjiga tinare. <sup>5</sup> To bajuamehnea noaa ti jichũ yahu tuhsũa tiri jire Cohamacũ. ã jia tirore “Noana”, mari ni wahcheri baharo tí chũa to yoari chũa noaa waro jia nina.

*Jesucristore dahra cohtarirore noarirore yahuha Paulo Timoteore*

<sup>6</sup> Ahri yũ yahurire Jesu yainare mari coyeare buhecũ Jesucristore dahra cohtariro noariro jira mũhũ. ã buhecũ noaa buheare, quihõno mũ tũhori cjiire mũhũre ti yahuriro seheta noano mũ masirire yahuriro jiihca mũhũ. <sup>7</sup> ã jicũ ti mũ sũro ti buherire, Cohamacũ ya jieraare tũhoi tjiga. Cohamacũ cahmaa sehene yoaporiro jiga mũhũ. <sup>8</sup> Mũ mũrocachũ noa curera. Mũ mũrocaporiro yũdoro Cohamacũ cahmaare mũ yoapochũ noa yũhdũara mũhũre. Cohamacũ cahmaare yoapocũ mipũre noano jiihca mũhũ. Mũ yariari baharopũ cũhũre masa mũjacũ noano jiihca mũhũ. <sup>9</sup> Tí potocãta jira. Jipihtina tíre yũ nirire masiinare “Potocãta jira”, nino cahmana tinare. <sup>10</sup> Jipihtina tíre ti nihti cjihtire Cohamacũ cahmaare ti yoanti cjihtire mari tuaro dahraja. ã jina ñano yũhdũja mari, paina marine ñano ti yoachũ. Cohamacũ catiriro, jipihtinare pichacapũ wahaborinare yũdoro jira. Tirore wacũ tuaina pinihtare tiro yũhdorohca. ã jina to yũhdohto cjihtore masina, cohtaja mari.

<sup>11</sup> Ahri jipihtia yũ nirire dutiga Jesu yainare. ã yoa tíre buhega mũhũ. <sup>12</sup> Wahmũno mũ jichũ ñaa paina Jesu yaina mũhũre yũhdũrucã duaboca. Ti ã yoerahto sehe õ sehe yoa ñoga tinare. Masare cahĩga. ã yoa Jesure wacũ tuarucu, buhiri marieriro jiga. Wahmũno jipaihta mũ ã yoachũ ñaa mũhũre yũhdũrucasi tina. ã jia mũ durucurire tũhoa, mũ yoarire ñaa mũhũre ñũ cũahca. <sup>13</sup> ã jicũ mũ cahapũ yũ sũhto pano Jesu yainare Cohamacũ yare ti joari pũre buhe tuhsũ, mũsa cahmachupe tahari tinare ã yahurucuga. <sup>14</sup> Jesu yaina mehne macaina pũhtoa Cohamacũ yare yahu tuhsũ mũ bui ti wamomacarine duhu payore. Ti ã duhu payochũ Cohamacũ ya cjihtire mũ yoa masihto sehe cũre mũhũre Cohamacũ. To ã cũrire boecũ tjiga. ã yoa tíre ã yoarucuga.

<sup>15</sup> Ahri dutiare tuaro cahmaga. ã cahmacũ ahri dutiare ã yoarucuga mũhũ. Mũ ã yoari baharo noaare mũ yoa namochũ jipihtina ñuahca. <sup>16</sup> Mũhũ sehe noano yoaga, “Soro yoari”, nicũ. ã yoa noano buhega mũhũ, “Soro buheri”, nicũ. ã jicũ mũ basita pichacapũ wahaboriro yũdoro jiihca. ã jia mũhũre tũhorina cũhũ pichacapũ wahaborina yũhdũrina jiahca.

## 5

*“Paina Jesu yainare õ sehe yoaga mũhũ”, niha Paulo Timoteore*

<sup>1</sup> Ne bũcũrore tuhtiecũ tjiga. Mũ pũcũre mũ noano yoariro seheta bũcũro cũhũre noano mehne yahuga. ã yoa mũ bahanare mũ noano yoariro seheta wahma yapia cũhũre noano ño payoro mehne tinare yahuga. <sup>2</sup> ã yoacũ mũ pocore mũ noano yoariro seheta bũcũ numia cũhũre noano ño payoa mehne yahuga. Mũ bahana numiare mũ noano ño payoriro seheta nuhmia cũhũre ñano goa pjaro marieno, noano ño payoa mehne yahuga tina numiare.

<sup>3</sup> ã jicũ wapewahyaa numiare potocãta pjacũoa numiare ño payoa mehne yoadohoga tí numiare. <sup>4</sup> Wapewahyoro pohna tiricoro to jichũ, o panamana tiricoro to jichũ cũhũre tina sehe ticorore yoadohojaro. ã yoadohoa Cohamacũ masare ti coyeare to yoa dutirire yoaa nina tina. ã yoaa tina ticorore ti wapamonore wapaa nica ticoro to bũcũro

wapa. Ti ã yoachũ ñũno Cohamacũ noano wahchera. <sup>5</sup> Pjacuoricoro, wapewahyoro coyea marienicoro jiro, Cohamacũ ticorore to yoadohohto cjihtore cohtara ticoro. Æ jiro ñaminipe, dachoripe ticoro Cohamacũ mehne ã durucurucura. <sup>6</sup> Pacoro sehe wapewahyoro ã yoamacanocaricoro carericoro jiro, ticoro catiricoro jiparota pichacapũ butihticoro ji tuhsũra. <sup>7</sup> Ahri jipihtia yũ yahurire Jesu yaina cũhũre yoa dutiga mũhũ, noaa dihtare ti yohti cjihtire. Ti ã yoachũ ñũa paina tinare “Ñano yoaa nina”, ni masierara. <sup>8</sup> Cũiro to coyeare ñũ wihboeraro, to pohna, ti pocoro cũhũre noano ñũ wihboeraro “Jesu yairo jija”, ni masierara. Æ jiro Jesure cahmaeraina yũhdoro ña yũhdũariro jira tiro.

<sup>9</sup> Wapewahyaa numiare yoadohonahca mũsa. Õ sehe besega mũsa yoadohohti numiare. Ti wamare joa õhti pũi joai tai õ sehe besega tí numiare: Sesenta cãmari sũeraricorore to wamare joa õi tjiga. Tuhsũ, tó pano pũaro cjirore manũ tiricoro wape wahyoro to wamare joa õi tjiga. Cũirota manũ tiricoro wapewahyoro wamare joa õga. <sup>10</sup> Tí numiare, “Noaare yoaa numia jira”, masa ti nia numiare, ti pohmare noano bũcũoa numiare besega. Æ yoa tuhsũ, ti wũhũsei painare noano sãa ta dutia numiare, dahra cohtaina yoaro sehe Jesu yainare yoadohoa numiare, ñano yũhdũinare yoadohoa numiare, noaa dihtare yoaa numiare besega. Tí numiare mũsa yoadohohti numiare bese tuhsũcũ, ti wamare joa õga mũhũ.

<sup>11</sup> Wiho mejeta wapewahya numia nuhmia curero ti jichũ tí numia sehere besei tjiga. Æ jicũ tí pũi ti wamare joa õi tjiga. Baharo tina mũare goa pja, Cristore cohã, pari turi manũ tiboca. <sup>12</sup> Tina Cristore “Pari turi manũ tisi sã. Mũ yainare yoadohonahtja”, niri numia jipahta baharopũre ti niriro seheta yoeraboca tí numia. Ti ã yoerari buhiri buhiri tiahca. <sup>13</sup> Tí numia õ sehe yoaa numia jira: Dahraera numia jipora. Æ jia paina ya wũhũsepũ waharucu, ñaa quitĩ dahre, tí numiare mari sinituerapachũta ti mũ sũro mari jia tiare ã yahurucura. Tuhsũ, ti yahu dutierari cjirire yahura tí numia. <sup>14</sup> Æ jicũ ti õ sehe yoachũ cahmaja yũhũ: Wapewahya numia nuhmia curero jia numia manũ tijaro. Æ manũ tia, pohna tijaro. Ti ya wũhũ macainare noano ñũ wihbojaro. Mari ya numia wapewahyaa numia ti ã yoachũ marine ñũ tuhtiina marine “Ñaaare yoaa nina”, ni tuhti masierara. <sup>15</sup> Mipũ pinihtare cãa numia wapewahya numia Cristo yare duhu, watĩno cahmaa sehere yoa tuhsũra. Æ jicũ ã ni yahuja mũhũre.

<sup>16</sup> Jesu yaina ti coyecoro wapewahyoro to jichũ tina to coyea ticorore yoadohojoaro. Paina Jesu yaina sehe ticorore yoadohoea tjijaro. Æ jia tina paina Jesu yaina ticorore coyea cjuaricorore yoadohoeaa, paye numia wapewahya numia coyea mariea numia sehere yoadoho masina.

<sup>17</sup> Jesu yaina pũhũa mũsare ti noano buhechũ ti dahraare ti noano yoachũ ñũna ji coaro mehne ñũga tinare. Æ yoa noano wapaga tinare. Cãina tina mehne macaina Cohamacũ yare yahuina, mũsare buheina cũhũ jira. Tina pinihtare paina yũhdoro ji coaro mehne ñũga. <sup>18</sup> Cohamacũ yare ti joari pũi õ sehe nina, dahrariroro ti wapahtore yahuro: “Wachũ trigo yaparire to dahpori mehne suhti weriroro to chũ duachũ to dũserore dũcataena tjiga”, ni joaa tiri jire. Æ yoa pa pũi õ sehe nina: “Dahrariroro to dahrari wapare waro cahmana”, nina Cohamacũ yare ti joari pũi. (To ã nichũ tũhona Jesu yaina pũhtoare ji coaro mehne ñũ, noano wapaga tinare.)

<sup>19</sup> Jesu yaina pũhtoro to ñano yoachũ ñũno cũirota paina Jesu yaina cahmachuinare yahusã masierara. Pũhtoro to ñaaare yahusãhtina tiaro jia, tirore yahusã masina. Tiaro mariachũ pũaro yahusã masina. <sup>20</sup> Æ yoa ñaaare yoarucuriroro jipihtina mũsa watoi to jichũ tirore tuhtiga, cuia, paina ñaaare ti yoerahto cjihtore. <sup>21</sup> Æ jicũ Cohamacũ, Jesucristo, to beserina anjoa cũhũ ti ñũrocaroi ahrire dutija mũhũre: Mipũ mũhũre yũ dutiri cjirire yoa pahũoga. Æ yoariro jicũ jipihtinare Jesu yainare cũno potori yoaga. Pairoro soro, pairoro soro yoai tjiga. <sup>22</sup> Painare Cohamacũ dahraare mũ cũhti cjihtire ti bui mũ wamomacarine mũ duhu payohto pano soaro marieno noano tũhotu pahũo, tinare besega. Tina ñaina jiboca. Æ jiinare Cohamacũ dahraare cũi tjiga. Æ cũcũ mũhũ



cũhũ mũ beseina ti ñaare yoaro seheta yoai nica. Tó sehe yoai tjiga. ã yoa ñaa marieriro jiga mũhũ.

<sup>23</sup> Suroca pjaro cariro jira mũhũ. Mipũre co dihtare sihnimana mũhũ. ã jicũ mahanocã vino cũhũre sihniga mũhũ. Co jira tí.

<sup>24</sup> Cãina ti ñaare yoachũ mari ñũja. ã jina Cohamacũ tinare to buhiri dahrehtore masija mari. Paina sehere ti ñaa yoarire mari masieraja. Ti ñaa yoarire baharo masinahca.

<sup>25</sup> Tó seheta cãina noaare ti yoachũ tíre mari masija. Paye ti noaa ti yoarerire mari masierapanahta baharo masinahca mari. Tíre nũohto basierara.

## 6

<sup>1</sup> Dahra cohtaina Jesu yaina sehe ti pũhtoare noano ño payojaro. Ti ã ño payochũ ñũa paina Cohamacũre, mari buhea cũhũre ne ni dojomehne masierara. <sup>2</sup> Ti pũhtoa Jesu yaina ti jichũ ñũa tinare dahra cohtaina sehe Jesu yaina jia, tinare ñũpoa ño payoeraboca. ã yoareraro cahmana. Ti pũhtoa Jesu yaina ti jichũ pinihtare tinare dahra cohtaina noano ño payojaro tinare. ã ño payoa dahra cohtaina sehe Jesu yainare, ti cahĩinare ti coyeare yoadohoa nina. Ti pũhtoare Jesu yainare dahra cohtaina jia, Jesure cahmaerainare ti ño payoriro yũdoro Jesu yaina sehere ño payojaro pũhtoa ti cahĩina ti jichũ. Ahri yũ yahurire buhega. ã jicũ ahrire dutiga.

*Cohamacũre* ño payoa cũhũre noano jia cũhũre yahuha Paulo

<sup>3</sup> Soro jia buheare buheriro mari pũhtoro Jesucristo ya buheare noaa buheare “Potocã tjira”, ni tũho duaerara. ã tũho duaeraro, mari ya buheare Cohamacũre ño payoa buheare cahmaerara. <sup>4</sup> ã jiro tiro “Masi pahñoriro jija”, niparota tíre ne masierara. ã masieraro, tũho masierariro yoaro seheta tuaro cahma sayo duara tiro. ã yoa Cohamacũ yare ã nimacanoca sayorucuriro tjira. Masa tiro yoaro sehe jiina cahma sayoa, paina ti noano wahachũ ñũ tuhtia, cahma ñũ duaeraa, noano mehne jierara. Tuhsũ, painare ñano quti dahre, masierapahta masare ñano ni tũhotura tina. <sup>5</sup> Tina ñaa dihtare tũhotuina, potocã jiare ne masieraina ã cahma sayorucuina jira. ã yoa “Cohamacũ yare buhena niñerure wapatanahca mari”, ni tũhotura tina. <sup>6</sup> Mari ya mahanocã mari cjuaa mehne wahchena, Cohamacũre ño payona, to cahmano seheta yoana, potocãta noano jina nija. <sup>7</sup> Ahri yahpapũre masa bajuana ne paye barore na taerahi mari. ã yoa mari yariari baharo wahana ne paye barore naa masieraja mari. <sup>8</sup> ã jina mari chũare mari suhti cũhũre cjuana payere cahma namoena tjijihna. Mari cjuaro purota wahchejihna mari. <sup>9</sup> Pache pũa ji duainare watĩno ñaare to yoa dutichũ tina sehe jiape ñaare yoarucuina jiboca. ã yoaa tina payũ tahari tũho masieraina seheta paye barore tuaro cahmaa, ñaa yoare duhueraa, ti basita ñano yũhdũra. ã duhueraa pichacapũ wahaahca tina. <sup>10</sup> Niñerure tuaro cahmaa, jiape ñaare yoa dũcara masa. Cãina niñerure cahĩa, tuaro cahmaa, Jesure wacũ tua duhua, payũ tahari ñano yũhdũra tina.

*Cohamacũ* yare yoana ñaare duhuga

<sup>11</sup> Mũhũ pini Cohamacũ yairota jira. ã jicũ ahri ñaare yoai tjiga. Noaa sehere cahmaga. Cohamacũ yare yoaga. ã yoacũ Jesure wacũ tuaga. Painare cahĩga. Ñano yũhdũpaihta cũno pjaga. ã yoa painare noano dero yoaga. <sup>12</sup> Surara cahmachero tuaro to yoariro seheta, mũhũ cũhũ Cohamacũre wacũ tuacũ to yare tuaro yoaga. Mũanopũ ã jirucultiro cijhtore Cohamacũ beseri jire mũhũre. ã jicũ Cohamacũre mũ wacũ tuaare payũ masare noano yahuhre mũhũ. ã jicũ ñano yũhdũpaihta tirore wacũ tua duhui tjiga. Mũanopũ ã jirucultiro jiga. <sup>13</sup> Cohamacũ jipihtinare, jipihtiare jichũ yoariro jira. Jesucristo sehe Poncio Pilatore Cohamacũ yare noano yahuriro jira. ã jicũ tina Cohamacũ, Jesucristo cũhũ ti ñũrocaroi ahrire mũhũre yoa dutiitja: <sup>14</sup> Mũhũre Cohamacũ to dutirire yoa pahñonocahga. Jesucristo to tjua tahto pano masa mũhũre ñaare ti ne yahusãerahto cijhtore to dutirireta yoarucuga. <sup>15</sup> To quihõriroihta Cohamacũ Cristore tjua tachũ yoarohca. Cohamacũ noariro, tiro dihta masare dutiriro jira. ã jiro jipihtina paina

pũhtoa ti bui pũhoro jiro jira tiro. <sup>16</sup> Tiro dihta ne yariaeraro jira. To si sitea mehne jiro jira. To si sitea cahapũ waha masierara masa. Ǻ yoa tirore masa ne ñũerare. Mipũ cũhũre tirore ñũerara. Tiro sehere ño payojihna. Ǻ jina “Jipihia dachoripe tuariro jira tiro”, nijihna tirore. Ǻta yoajihna.

<sup>17</sup> Ahri yahpa macaina pache pũare õ sehe ni dutiga mũhũ: “Painare yũhdũrũcaja”, ni ti basi tũhotuea tjijaro tina. Ti pache ti cjuaa pihtia wahaahca. Ǻ jia ti cjuaa dihtare wahchea tjijaro. Cohamacũ sehere tuaro wahchejaro. Jipihia pototi mari cahmaare wariro jira tiro. Tiro sehere wacũ tuajaro tina pache pũa. <sup>18</sup> Ǻ jia tina noaa sehere yoajaro pjiro noaare yoaina ti jilto sehe. Ǻ yoa ti cjuare waina jijaro. <sup>19</sup> Ti Ǻ yoachũ mũanopũ Cohamacũ cahai ti ya jahca. Ti ya tũpũ jia, ne butisi. Ǻ jia tũpũ Ǻ jirucuahca tina.

*Paulo Timoteore duti batoaha*

<sup>20</sup> Timoteo, mũhũre Cohamacũ to cũrire to buhe dutirire noano yoanohbũ. Voi ninohbũ mũhũ. Cãina masa Cohamacũre cahmaeraina yoaro seheta mahũoare, tũho masieraina ya buheare durucurucura. Ǻ durucua “Noano masiina ya buhea jira”, nimana tina. Ǻ ti ni durucua tũho mũnũi tjiga. <sup>21</sup> Cãina tí durucua tũho mũnũina Cristo yare cohãnocare. Cohamacũ to cahĩa mehne mũsare noano yoajaro.

## 2 Timoteo

### *Paulo Timoteore pari turi joarocaha*

<sup>1</sup> Yũhũ Paulo, ahrire mũhũre Timoteore joarocaja tjoa. “Jipihtina Jesucristore wacũ tuaina mũanopũ ã jirucuahca” ni, cũre marine Cohamacũ marine yũhdũchũ yoariro. To ã ni cũrire yahuhtiro cjihtore yũhũre bese cũre Jesu. ã cũno Cohamacũ to cahmano seheta yoaro nire yũhũre. <sup>2</sup> Mũhũ Timoteo yũ cahĩriro jira. Mũhũre Jesu yare yũ buhechũ tũhocũ tirore noano wacũ tua dũcare mũhũ. ã jicũ yũ macũ yoaro sehe jira mũhũ. ã jicũ Cohamacũ mari Rũcũ, mari pũhtoro Jesucristo mehne mũhũre noa dutija. ã yoa mũhũre pja ñũa, cahĩa tina ti yoadohoa mehne noano jiga mũhũ.

### *Masare Cristo yare ti yahurire yahuha Paulo*

<sup>3</sup> Ñamipũ dachopũ cũhũre Cohamacũ mehne durucucũ mũ ya cjihtire sini payocũ mũhũ mehne wahcheja. ã wahchecũ Cohamacũre “Noana”, nija yũhũ. Panopũ macaina yũ coyea Cohamacũ yare ti yoariro seheta yũhũ cũhũ “Buhiri tija”, ni tũhoturo marieno mipũre to yare yoaja. <sup>4</sup> Sohõ jiri pjare yũ wahachũ mũ tii nũnũ tirire wacũcũ mũhũre tuaro ñũ duaja mũhũ mehne noano wahche duacũ. <sup>5</sup> ã jicũ Jesure potocãta mũ wacũ tuarire wacũja yũhũ. Mũ ñũchocoro Loida, mũ poco Eunice cũhũ Jesure wacũ tua mũhtare mũ pano. ã yoa mipũre mũhũ cũhũ tirore mũ wacũ tuachũ noano masija yũhũ.

<sup>6</sup> ã jicũ ahrire mũhũre wacũchũ yoa duaja. Mũ bui yũ wamomacarine yũ duhu payochũ Cohamacũ yare mũ yoahiti cjihtire tuaare ware mũhũre. Tĩ tuaa mehne yoa namoga mũhũ. <sup>7</sup> Cohamacũ marine Espĩritu Santore wari jire. ã jiro masare marine cuierachũ yoara Espĩritu Santo. ã yoaro tuaina, masare cahĩina, tũho masiina marine jichũ yoara tiro. <sup>8</sup> ã jicũ mari pũhtoro ya cjihtire painare yahucũ, bũo tiecũ tjiga mũhũ. Yũhũ to yare yũ yoari buhiri peresui jiriro jija. Peresui yũ jichũ yũhũre bũo tisãai tjiga mũhũ. Wiho mejeta noaa buheare mũ buheri buhiri ñano yũhdũcũ “Noanohca”, niga mũhũ cũhũ. Mũ ã ñano yũhdũchũ Cohamacũ mũhũre yoadohorohca. <sup>9</sup> Cohamacũ sehe marine pichacapũ wahaborinare yũhdũchũ yoare. ã yoa noaina to yaina jihtina cjihtire tiro besea tiri jire marine. Mari noano yoari mehne besera tiri jire marine Cohamacũ. To mũ sũro to cahmariro seheta yoaro ahri yahpare to bajuamehnehto pano marine cahĩno, tiro marine besea tiri jire. Marine ã cahĩno marine yũhdũchũ yoahitirore Jesucristore warocari jire Cohamacũ. <sup>10</sup> Mipũre Jesucristore marine yũhdũchũ yoahitirore warocaro, marine potocãta to cahĩare noano masichũ yoaro niri jire Cohamacũ. Jesu marine to yainare pichacapũ wahaerachũ yoare. ã yoaro “Yũhũre wacũ tuana Cohamacũ mehne ã jirucunahca” nino, buhriaro marine to ñũ masichũ yoaro seheta noaa buheare marine masichũ yoaro tari jire tiro.

<sup>11</sup> Tĩ buhea noaa buheare yahuhtiro cjihtore to cũhtiro cjihtore besea tiri jire yũhũre. <sup>12</sup> ã to beseriro jicũ mipũre ñano yũhdũja yũhũ. Õ sehe ñano yũhdũpacũta yũhũ bũo tieraja. Yũ wacũ tuarirore Jesure masija yũhũ. Tuariro jira tiro. ã jiro yũhũre to yare buhe duti cũno noano yoadohorohca yũhũre. ã yoa ahri yahparũ to tjua tahto pano, “Mũhũre yũhdũchũ yoahitja”, to niriro seheta sohtori tiarohca yũhũre. Yũhũre yũhdũchũ yoarohca tiro. Tĩre noano masija.

<sup>13</sup> Mũhũre noano yũ yahurire yoa pahũoga. Cristo Jesu yaina jina tirore noano wacũ tuaja mari. ã yoa painare noano cahĩja. ã jicũ tirore ã wacũ tuarucuga mũhũ. Tuhsũ, painare noano cahĩrucuga. <sup>14</sup> Espĩritu Santo mari mehne jiriro to yoadohoro mehne noaa buheare noano yoaga. Quihõno buhega. Soro ni buhecũ tjiga.

<sup>15</sup> Jipihtina Asia yahpa macaina Jesu yaina yũhũre yoadoho duaeraa cohã wahcãa wahare. Tina mehne macaina pũaro Figelo, Hermógenes ãta yoare tina cũhũ. Ti ã cohã wahcãire masi tuhsũra mũhũ. <sup>16-17</sup> Ti ã cohãpachũta Onesĩforo sehe payũ tahari yũhũre yoadohoro noano yajeri sãachũ yoare. ã yoaro peresui yũ jichũ tiro yũhũre bũo

tisãaerare. Æ jiro Romai yu jichu ã macarucuri jire yuhure. Æ macarucuro yuhure bocare. Æ jiro tirore, jipihtina to ya wahu macaina cuhure pja ñunohca Jesu mari puhtoro. To ã yoahito sehe tirore sini payoja. <sup>18</sup> Æ yoa ahri yahpax Jesu mari puhtoro to tjua tahti dachoi tirore pja ñunohca. To ã yoahito sehe tirore sini payoja. Efesoï payu tahari yuhure to yoadohorire noano masina mahu.

## 2

*Ñano yuhdũparota Jesu yairore cãno pjaro cahmana*

<sup>1</sup> Mahu sehe yu macu yoaro sehe jirore, Jesucristo marine noano yoariro to yoadohoro mehne tirore wacu tuarucuga. <sup>2</sup> Æ yoacu payu masare yu buherire mu tuhore paina cuhure buhega mahu. Tina mu buheina Cohamacu yare yoarucuina jijaro. Æ jia painare buhe turiaina jijaro.

<sup>3</sup> Surara ñano yuhdũparota to cãno pjariro sehetã mahu cahu Jesu yairo jicu ñano yuhducu cãno pjaga mahu. <sup>4</sup> Surara to puhtoro dutia sehere yoara tirore wahchechu yoaro taro. Æ yoaro tiro surara jieraina yoaro sehe wiho jiare yoerara tiro. (Mahu cahu tã sehetã Cohamacu dutia dihtare yoaga.) <sup>5</sup> Murocaperiro muroca dutiina ti dutiare quihõno yoeraro to muroca yuhdũri wapare na masierara. (Æ jicu murocaperiro ti dutiare quihõno to yoariro sehetã Cohamacu dutiare quihõno yoa pahõoga mahu.) <sup>6</sup> Æ yoa wese dahrariro waxu tiro mehne noano dahrariro sehe tí wese macã dichare noano na muhta, noano wapatarã. (Æ jicu mahu cahu tiro yoaro sehe Cohamacu yare mu noano yoachũ tiro mahu noano yoarohca.) <sup>7</sup> Jipihtiare noano masichũ yoarohca Jesu mari puhtoro mahu. Æ jicu mipure mahu yu nirire noano wacu tuhutuga.

<sup>8</sup> Æ jicu Jesucristore wacũga. Tiro puhtoro Davi cjiro panopũ macariro to panamino ji turiariro jia tiri jire. Æ jiro yariaro masa mujari jire tiro. Noaa buheare buhecu to ã waharireta buhei nija. <sup>9</sup> To yare buhecu ñano yuhdũja yuhũ. Æ jicu tíre yu buheri buhiri ñaare yoariro yoaro sehe peresupũ jija yuhũ. Yu ã jipachũta Cohamacu ya durucuarẽ buhe duhuchũ yoa masierara masa. <sup>10</sup> Æ yoa Cohamacu to beserinare buhecu payu tahari ñano yuhdũja yuhũ, tina cahu Jesucristo yaina ti jilhti cjihtire. To yaina jia tina pichacax wahaborina sehe to yuhdũchũ yoahitina jahca. Æ jia tina Cohamacu mehne ã jirucuahca. <sup>11</sup> Ahri yu yahuhti potocã tjira: Cristo cruxapũ to yariariro sehetã wahana, yariaina ti yoare ti duhuri sehetã mari ñaa yoarire mari duhuna, Cristo mari mehne macariro ã jirucurohca.

<sup>12</sup> Æ yoa to yare mari yoari buhiri ñano yuhdũpanahta cãno pjana puhtoro to sũho jiropure tiro mehne puhtoata jinahca mari cahu.

“Cristore sã masieraja”, mari nichũ, tiro cahu marine ãta ninohca.

<sup>13</sup> Tirore mari yuhdũrucachũ ñuno to niriro sehetã marine yoarohca.

To niriro sehetã yoariro jira tiro.

Ne mahõerara tiro.

*Cohamacu to ñu ji coainare, to yare buheinare yahuha Paulo Timoteore*

<sup>14</sup> Ahrire mahu mehne macainare wacũchũ yoaga. Ti mu sũro durucu ti yuhdũrucaã yaba cjihti jierara. Æ jia tinare tuhoinare ñano yoachũ yoaa, tinare dojomehna. Æ jicu mari puhtoro to ñurocaroi õ sehe ni yahuga tinare. “Æ ni durucuena tjiga musã”, niga tinare. <sup>15</sup> Mahu sehe Cohamacu yare noano buhega. Æ yoa Cohamacu yare tuaro yoaga. Mu ã yoachũ ñuno “Noano yoare mahu”, ninohca Cohamacu mahu. Æ jicu mu buherire to ñuchũ buo tisi mahu. Æ jicu to buheare noano masiga mahu. Tíre quihõno buhega. <sup>16</sup> Ti mu sũro durucu yuhdũrucaina ñaare ã yoarucu, Cohamacu yare yoerara. Æ jicu ti ã ni durucuarẽ ã ñunocahga. Tinare tuhõi tjiga mahu. <sup>17</sup> Tina ti durucua sehe camino to ñano baa mujano yoaro sehe jira. Camino to ñano baa mujano sehetã ti durucua cahu paina Jesu yainare ñaina wahachũ yoahca. Æ durucuina mehne macaina Himeneo, Fileto cahu jira. <sup>18</sup> Tina “Jesu yaina masa muxa tuhsũhre”, ni buhea, noaa

buheare duhunocahre tina. Ñ soro buhea cãina Jesu yainare tirore wacũ tua duhuchũ yoahre tina. <sup>19</sup> Ti ã ñano buhepachũta Cohamacũ ya buhea sehe ne cohtotaerara. Õ sehe nina to buhea: “Mari pũhtoro Jesu to yainare masina”, nina. Ñ yoa õ cũhũre nina: “Jipihtina, ‘Jesu yaina jija’, niina ñaare duhunocajaro”, ni yahura Cohamacũ ya buhea.

<sup>20</sup> Mari piti dahre buhechũ masa pja wahwari yoaro sehe jira. Pjiri wũhũi uru, plata mehne ti yoaa wahwari jira. Tuhsũ, tí wũhũi paye wahwari yucũcũ mehne, dihi mehne ti yoaa wahwari jira. Uru, plata mehne ti yoaa wahwari noaare ti posahti jira. Paye wahwari wiho jiare ti posahti jira. <sup>21</sup> Ñ yoa ñaare yoaerariro uru wahwa noari wahwa yoaro sehe jirohca. Ñ jiro tiro sehe Jesu ya dihtare yoarucuriro jirohca. Wũhũ pũro noari wahwa mehne noaare to yoiro sehetã, ñaare yoaerariro Jesu ya cjihtire noaare yoirohca.

<sup>22</sup> Wahmũno jira mũhũ. Ñ jicũ wahma yapia ñaare goa pja ti yoiro sehetã yoi tjiã mũhũ. Ñ jicũ noaare yoaga. Jesure wacũ tuarucuga. Tuhsũ, tirore, masa cũhũre cahĩga. Ñ yoa mũhũ mehne macaina Jesu yaina mehne jicũ cahmacheno marieno noano jiga mũhũ. Tina Cohamacũre yũhtiina tirore sinirucuina cũhũ ãta yoiaro. <sup>23</sup> Ñ jicũ tũhoturo marieno ti durucu yũhdũrucãare mũhũ cũhũ tũho nũnũi tjiã. Tuhsũ, mũhũ cũhũ durucu yũhdũrucãi tjiã. Ñ durucu yũhdũrucãa masa ti basi cahma suara. <sup>24</sup> Cohamacũre dahra cohtarire durucu yũhdũrucãeraro cahmana. Ñ yoa jipihtinare noano yoiro, buhe mihniro, dõicãta suaerariro tirore jiro cahmana. <sup>25</sup> Ñ jiro paina tiro mehne ti durucu yũhdũrucachũ tiro tinare yahuro noano mehne suaro marieno yũhtiro cahmana tirore. To ã yũhtichũ ñũã Cohamacũ to yoadohã mehne tina sehe ti ñãã yoaare cahyaboca. Ñ jia noaa buheare masi dũcaboca. <sup>26</sup> Tinare watĩno sehe peresu yoaro sehe jiiãre cjuãmare to cahmaare yoihtina cjihtire. Ñ jia quihõno ti tũhoturi baharo noaa buheare masia, watĩnore cohãnocaahca.

### 3

#### *Pihti dacho cjihtore yahuha Paulo Timoteore*

<sup>1</sup> Pihti dacho panocãre ñano yũhdũahca masa. Tĩre noano masiga mũhũ. <sup>2</sup> Tĩ pjare masa painare wacũ payoeraina, niñerure cahma yũhdũrucaina, “Painare yũhdũrucãja”, ni ti basi tũhotuina, tíre painare ã ni yahurucuina, Cohamacũre ñano durucuina, ti pũcũsumare yũhdũrucaina, ti wapachũta “Noana”, nieraina, Cohamacũre ño payoeraina jiahca. <sup>3-4</sup> Ñ jia masare cahĩeraina, paina mehne sua, tíre bo duaeraina, ñãã quiti dahreina, ti mũ sũro ñano yoiarucuina, masare ã cjarucuina, noaare ñũ yabiina, tina mehne macainare ñano yoiãna, tũhotua marieina, “Masi pahĩõina jija”, ni tũhotuina jiahca masa. Tina ñaare ti goa pjaare yoa ji coaina jia Cohamacũ sehere cahmaeraina jiahca. <sup>5</sup> Ñ jia tina masa ti ñũrocaroi Cohamacũre ño payopahta “Cohamacũ wiho jiro jira”, ni tũhotumana tina. Ñ niinare piti tii tjiã mũhũ.

<sup>6</sup> Tina mehne macaina tũho masieraa numia ya wũhũsei sãã, tí numiare mahĩõare buhera. Tĩ numia sehe ã ñaare yoiarucua numia, tuaro ñaare yoa duara. <sup>7</sup> Tĩ numia wiho jia buheare ã buherucua numia jia, soro jia buheare tũhoã numia jia, Cohamacũ ya buhea sehere ne masierara. <sup>8</sup> Panopũ Jane, Jambre yaya jirina Moise cjirore ti ñũ tuhtiro sehetã pihti dacho panocã jina masa noaa buhea sehere ñũ yabiahca. Tina ñãã dihtare tũhotuina jiahca. Ñ jia Jesure wacũ tuaina waro jierara. <sup>9</sup> Tõ sehe yoiãna mahĩõã bihosi. Baharo ti mahĩõare tũho masieraina ti jia cũhũre jipihtina masiahca. Jane, Jambre mehne ti mahĩõare panopũ masa ti masiro sehetã ãta masiahca pihti dacho panocã jina ti mahĩõare.

#### *Paulo Timoteore duti batoaha*

<sup>10</sup> Yũ buheare, yũ yoaa tiare, yũ jia tiare, Jesure yũ wacũ tuaare masina mũhũ. Yũ ã jiro jichũ, suaro marieno yoiro yũ jichũ, masare cahĩro yũ jichũ, ñano yũhdũpaihta yũ cũno pjachũ masina mũhũ. <sup>11</sup> Ñ yoa yũhũre ti ñano yoaare, yũ ñano yũhdũare masina mũhũ. Antioquã, Iconio, Listra yũhũre ñabiãro ti yoiã cũhũre masina mũhũ. Yũ ã

wahachũ ñano mari pũhoro Jesu sehe yũhũre yoadohore. <sup>12</sup> Jipihtina Jesucristo yaina ti ji duachũ Cohamacũ to dutiriro seheta ti yoarucu duachũ paina tinare ñano yoaahca. Tí potocã tjira. <sup>13</sup> Ñaina sehe mahño buheina cũhũ ñabiaina wahaahca. Painare mahñoa, ti basi cũhũ mahñoare tũhoa, ãta ñabiaina wahaahca.

<sup>14</sup> Mũhũ sehe mũhũre yũ buherire, noano mũ tũhorire ã wacũrucuga. ã jicũ yũ buheriro seheta yoaga. Mũhũre buherinare masina mũhũ. <sup>15</sup> Mũhũ wihãriro jicũpũta Cohamacũ yare ti joari pũre masi dũcari jire. To yare ti joari pũi õ sehe ni yahura mũhũre: “Jesucristore wacũ tuaina dihtare pichacapũ wahaborinare yũhdũchũ yoara Cohamacũ”, ni yahura mũhũre. <sup>16</sup> Cohamacũ yare ti joari pũi jipihtiare Cohamacũ sehe joa dutia tiri jire. ã jina tí pũre buhena mari masi namoja. Tí pũre buhena Cohamacũ dutiare mari yoahũre masija. ã buhena mari ñaa yoarire “Ahri ñaa jica”, ni tũhotuja mari. ã jiro tí pũ marine noaa sehẽre cohtota dutira. ã jiro dachoripe mari noaare yoarucuhti cjihtire yahura tí pũ. <sup>17</sup> Cohamacũ yairo to ya pũre buhero, masi pahñonohca. ã masino jipihtia noaare yoa masinohca tiro.

#### 4

<sup>1</sup> Jesucristo jipihtina bui pũhoro, tjua tahtiro, catiinare, yariaina cũhũre buhiri dahre dutihtiro to ñurocaroi mũhũre õ sehe ni yahuihtja. Cohamacũ cũhũ to ñurocaroi õ sehe ni yahuihtja mũhũre. <sup>2</sup> Dachoripe masa ti tũho duachũ ti tũho duaerachũ cũhũre Cohamacũ yare yahuga. ã yahucũ masa ti ñaa yoari buhirire masichũ yoaga tinare. ã yoa ti ñaa yoarire “Yoa namoena tjiga”, ni yahuga tinare. Noaa sehẽre yoa dutiga. ã buhecũ ne suaerariro, pumerariro jiga mũhũ. ã jicũ ne painare buhe duhui tjiga. <sup>3-4</sup> Baharo, pa teherũre masa noaa buheare tũho duasi. ã tũho duaeraa ti cahmano seheta yoaa, ti tũho ji coaa dihtare buheinare cahmaahca tina. ã jia mahñoa buheare payũ buheinare cjuahca. Tina ã yoaa noaa buhea sehẽre cohã, ã ti buhemacanocarire tũho nũnũahca. ã jicũ noaa buheare buhe duhui tjiga mũhũ. <sup>5</sup> Mũhũ cũhũ ã jicũ dachoripe tũho masiriro jiga. Ñano yũhdũpaihta cũno pjaga. ã yoacũ noaa buheare ã buherucuga. Cohamacũ mũhũre to yoa dutirire yoa pahñonocahũ mũhũ.

<sup>6</sup> Yũhũ Cohamacũ yare yũ yoari buhiri yũ yariahto mahanocã dũhsara. ã jicũ mahaa dachoricã catisinihca. ã jicũ mipũre mũhũre dutija. <sup>7</sup> Yũ yariahto panocã ahrire yahuihtja: Jesu noaa buheare yũhũre buhe dutiro to cũrire noano buhe sohtori tihĩ. To dutiare noano yoa pahñonocahi. ã jicũ ñano yũhdũpaihta tirore ne wacũ tua duhuerahi. <sup>8</sup> Mipũre Cohamacũ yare yũ yoari wapare mũanopũ wihboro nica. ã jiro mari pũhoro buhiri dahre dutiro quihõno yahuriro to tjua tahti dachoi to yare yũ yoari wapare warohca yũhũre pũhoro to pisari soro uru mehne ti yoari sorore yũhũre to waboriro seheta. Paina cũhũre to tjua tahtore cohtainare tirore cahĩinare to yare ti yoari wapare warohca Jesu.

#### *Paulo yahu namoha Timoteore*

<sup>9</sup> Yũ cahapũ cjero ñũi taga mũhũ. <sup>10</sup> Dema ahri yahpa macaa jipihtiare tuaro cahmano yũhũre yoadoho duaeraro yũhũre cohã wahcãa wahahre Tesalõnicapũ. Crescente cũhũ Galacia yahpapũ wahahre. ã yoa Tito Dalmaciapũ wahahre. <sup>11</sup> Luca dihta yũhũ mehne jira. Marco yũhũre noano yoadohohtiro jira Cristo yare yũ buhechũ. ã jicũ tirore na tahga mũhũ. <sup>12</sup> ã yoa Tíquicore Efesopũ warocahi. <sup>13</sup> Őpũ tacũ, yũ bui sãari suhtirore, Troai Carpo ya wũhũi yũ cũri suhtirore na tahga. ã yoa sohõ jia tjuri joaa tjuri cũhũre na tahga. Sohõ jia cahsari joaa cahsari pinihtare tuaro cahmaja yũhũ. ã jicũ tí cahsari cũhũre na tahga.

<sup>14</sup> Alejandro comaare dahrariro yũhũre ñabiario yoare. ã jiro to ã yoari buhiri Cohamacũ tirore buhiri dahrerohca. <sup>15</sup> Tiro Alejandro mari buheare tuaro ñũ yabire. ã jicũ tiro mũhũre “Ñano yoari” nicũ, tirore ñacũ noano wacũ masiga.

<sup>16</sup> Masare beserirore peresu yoa dutirirore yũ yoarire, yũ buheri cũhũre tirore yũ coã yahuchũ ne cãiro baro Jesu yairo yũhũre yoadohoerare. Jipihtina yũhũre yoadohoeraa

cohã wahcãa wahahre. Ti ã cohãpachuta yuhure ti cohãri buhiri Cohamacu buhiri dahrero tjijaro. <sup>17</sup> Yu ã wahapachuta Cohamacu yuhure yoadohohre. ã jiro to buheare yu noano yahuhti cjihtire to tuaare wahre yuhure, jipihtina judio masa jieraina tí buheare ti tũhohti cjihtire. ã jiro yuhure ñano ti yoa duapachuta yuhure ti wajãborirore yũhdũchũ yoare mari pũhtoro suaina yayare yuhure to yũhdũchũ yoaboriro seheta. <sup>18</sup> Jipihtina yuhure ñano yoainare yũhdũrucaro, yuhure yoadohorohca mari pũhtoro. ã jiro mũanopũ pũhtoro to sũho jiropũ yuhure ji dutiro yuhure yũhdũchũ yoarohca tiro. ã jina “Tiro noa yũhdũariro, tua yũhdũariro jira”, nijihna mari jipihtia dachoripe. ãta nijihna.

*Paulo noa dutiha Timoteo cahai jiinare*

<sup>19</sup> Prisca, Aquila, Onesíforo ya wũhũ macaina cũhũ noajaro. <sup>20</sup> Erasto Corintoi tjuahre. Tróximo Miletoi dohatia wahahre. ã jicu tirore tói cũhi yũhũ. <sup>21</sup> Puhiro pano cjero taga mũhũ. Eubulo, Pudente, Lino, Claudia cũhũ, jipihtina paina Jesu yaina mehne mũhure noa dutira.

<sup>22</sup> Mari pũhtoro Jesucristo mũhũ mehne jirohca. ã jiro Cohamacu to cahã mehne mũsare jipihtinare noano yoajaro.

## Tito

### *Paulo Titore joarocaha*

<sup>1</sup> Yuhũ Paulo Cohamacũre dahra cohtariro, Jesucristo yare buhe dutiro to cũriro jija. Cohamacũ to beserina Jesure ti wacũ tuahti cjihtire noaa buheare ti masihti cjihtire Jesu buhe dutiro yuhũre cũre. Tí buhea Cohamacũ to dutiro seheta mari yoahtire yahura. <sup>2</sup> Ā jicũ jipihtia dachoripe Cohamacũ yaina mũanopũ ti jirucuhto cũhũre buheja tinare. Cohamacũ ne mahũoa marieriro ahri yahpare to bajuamehnehto pano õ sehe ni cũa tiri jire marine: “Mũanopũ Ā jirucunahca”, ni cũa tiri jire marine. <sup>3</sup> Ā jiro to quihõri pjai Cohamacũ to ni cũrire yahu dutire masare. Tó seheta yuhũre ni yahu dutire tiro. Marine pichacapũ wahaborinare yuhdoriro jira tiro. <sup>4</sup> Mũhũre Titore Jesu yare buhei. Yũ Ā buhechũ tũhocũ Jesure wacũ tua dũcare mũhũ. Ā jicũ mũhũ potocãta yũ macũ yoaro sehe jicũta nina. Mũhũre ahrire joarocai nija. Cohamacũ mari Pũcũ mehne, Jesucristo marine yuhdoriro mehne mũhũre noa dutija. Mũhũre pja ñũa, cahĩa ti yoadohoa mehne noano jiga mũhũ.

### *Creta wama tiri nũcoi Tito to yoahtire yahu quihõha Paulo*

<sup>5</sup> Creta wama tiri nũcoi mũhũre yũ cũchũ Jesu yaina ti buhehto cjihto dũhsasinire tí pjare. Ā jicũ ti yoahtire yahuhtiro cjihtore cũi yuhũ mũhũre. Ā yoa macaripe macaina Jesu yaina pũthoa cjihtire bese duticũ cũi mũhũre. <sup>6-8</sup> Tina pũthoa Cohamacũre dahra cohtaina jira. Ā jicũ tinare besecũ noainare besega soro yoaerainare. Ā besecũ, cãa numiata namo tiinare, “Painare yuhdũrucaja”, ni tũhotuerainare, suaerainare, cahaerainare, cahmacherainare, paina yare mahũoa mehne tuaro na duaerainare besega. Ā besecũ ti wũhũsere sãa sũinare noano ñũ wihboinare, noaa sehere noano ji coainare, tũho masiinare, noare yoarucuinare, ñaa marieinare, ñaare yoaerainare, caparo marieno dahrainare besega. Ā yoa mũ besehtina pohnare õ sehe jiina jiro cahmana: Jesure wacũ tuaina, noano yoarucuina, jipihtinare noano yũhtiina jiro cahmana pũthoa pohnare. <sup>9-10</sup> Ā yoa noaa buheare quihõno mari buherucuriro seheta ne duhueraina jijaro pũthoa mũ besehtina. Ā jia tina noaa buheare yahuina jiahca paina tí buhea mehne ti wahchehto sehe. Ā yoaa noaa buheare ñũ yabiinare buhea, ti ya mahũoa ti jichũ masichũ yoahca tina. Ā jicũ noano besega Jesu yaina bui pũthoa jihtinare.

Payũ ti pũthoare yuhdũrucaina, noano tũhotu durucueraina, mahũoina jira mipũre. Ā yoaina judio masa pinihta ñabiaro yoaa nina. Ti ya buhea ti potocã jierachũ tinare masichũ yoaro cahmana. <sup>11</sup> Tina judio masa sehe niñerure wapata duaah mahũo buhera. Ā yoareraro cahmana tinare. Ā buhea cãa wũhũse macainare jipihtinare Cohamacũ ya sehere cohãchũ yoaa nica tinare. Ti Ā yoachũ tinare Ā yoa dutieraro cahmana.

<sup>12</sup> Ti yare panopũ yahuriro tina mehne macariro jiparota õ sehe ni yahuri jire: “Creta nũco macaina Ā mahũorucuina jira. Tina nũcũ macaina wahiquina yoaro sehe suaina jira. Ā yoa Ā chũrucuina jia ne dahra duaeraa, capa bujuina jira”, niri jire tiro to ya nũco macainare. <sup>13</sup> To Ā nia potocã tjira. Ti Ā jichũ ñũcũ tinare tuaro tuhtiga Jesu ya buhea sehere noano ti masihto cjihtore. <sup>14</sup> Ā jicũ judio masa panopũ macaina ti mũ sũro ti nimacanocari cjiire, Jesu yare potocã jiare cahmaeraina ti dutia cũhũre Creto macaina ti tũho nũnũerahto cjihtore tuhtiga tinare.

<sup>15</sup> Buhiri marieina noa dihtare tũhotura. Ñaare yoarucuina, Jesure wacũ tuaeraina sehe ñaa dihtare tũhotura. Tina ti tũhotua sehe ñaa yuhdũara. Ā jia noa sehere bese masierara.

<sup>16</sup> Tina “Cohamacũre masija sã” nipahta, ñaare yoara. Ā yoaina ti jichũ ñũna Cohamacũre masieraina ti jichũ masija mari. Ā jia tina ñaa yuhdũaina, Cohamacũ yare yuhdũrucaina jira. Ne noare yoa masierara.



## 2

*Noa buheare quihõno yahu dutiha Paulo Titore*

<sup>1</sup> Mũhũ sehe buhecũ noaa buhea ti nino seheta noano buhega. <sup>2</sup> Bũcũnare õ sehe ni yahuga: Cua pisaina, masa ti ño payoina, tũho masiina, Jesure noano wacũ tuaina, Jesure, masa cũhũre cahĩina, ñano yũhdũpahta cãno pjaina jijaro tina. <sup>3</sup> Bũcũ numia cũhũre ãta ni yahuga: Cua pisaa numia, Cohamacũre ño payoa numia, ñaa quiti dahrera numia, cahaera numia jijaro tí numia cũhũ. ã jia numia jia, noaare buhejaro paye numiare. <sup>4-5</sup> Paye numiare õ sehe ni buhejaro bũcũ numia: Ti manũsumare, ti pohna cũhũre ti cahĩhtore, tũho masia numia, paina mũa mehne ñano yoaeraa numia, cũ wũhũ macaina jiina noano ñũ wihboa numia, masa noaa numia, ti manũsumare noano yũhtia numia ti jihtore buhejaro tí numia Cohamacũ ya buheare paina ti dojomehnerahto sehe.

<sup>6</sup> ã yoa wahma yapia cũhũre õ sehe ni yahuga: Tũho masiina jijaro tina. <sup>7</sup> Mũhũ sehe noaa dihtare yoarucuga mũhũre ti ñũ cũhto sehe. Buhecũ ne mahõno marieno buhega. ã buhecũ cua pisaro mehne buhega mũhũ. <sup>8</sup> ã buhecũ noano tũho masino mehne noano buhega ne paina “Ahriro ñano yoaro nina” ni, mũhũre ti yahusãerahto sehe. Mũa ã buhechũ ñũa marine ñũ tuhtiina jipahta marine wiho warota yahusã masierara. Marine wiho waro ã yahusãmacanoca bũoro wahaahca tina.

<sup>9</sup> ã yoa dahra cohtainare õ sehe ni yahuga: Ti pũhtoare noano yũhtiina jijaro. ã jia ti pũhtoare noano wahchechũ yoajaro. ã dihta yoajaro. ã jia ti pũhtoare purĩno yũhtiea tjijaro. <sup>10</sup> ã yoa ti pũhtoa yare yacaea tjijaro. Tuhsũ, noaina, ti pũhtoa dutiare quihõno yoarucuina jijaro. ã noano yũhtiina ti jichũ ñũa Cohamacũ marine yũhdoriro to buheare tũho ji coahca paina.

<sup>11</sup> Masare to cahĩare Cohamacũ masare ño tuhsũre. ã cahĩno jipihtina pichacapũ wahaborinare Cohamacũ tuaro yũhdo duara. <sup>12-13</sup> Masare ã cahĩno Cohamacũ marine õ sehe ni buhera: Cohamacũre ñũ yabiare, ñaa goa pjaare duhunoca dutira marine. Cohamacũ tuariro, Jesucristo marine yũhdoriro to si siteare mari ñũhti dachore, noari dachore mari cohtana nija. ã jiro mari cohtari dacho panoi tũho masiina, noaare yoarucuina, Cohamacũ cahmaare yoarucuina, marine ji dutira Cohamacũ. <sup>14</sup> Tiro Jesucristo mari ya cjihitireta yariari jire jipihtia mari ñaa yoaare duhuchũ yoaro taro marine to yaina wahachũ yoaro taro. Mari ñaa yoari cjirire to ã cohãchũ mari ñaa yoari buhiri marieina jinahca. ã jina tuaro noaare yoa duaina jinahca.

<sup>15</sup> Ahri jipihtiare tí nũco macainare Jesu yainare buhega mũhũ. Ti pũhtoro jinocaita nina mũhũ. ã jicũ tinare yahuga. Ti ñaaare yoachũ ñũcũ yahuga tinare. Jipihtina paina mũhũre ño payoa mehne yũhtijaro.

## 3

*Jesu yaina ti yoahiti cjihitire yahuha Paulo*

<sup>1</sup> Õ sehe ni yahuga tó macaina Jesu yainare: Ti pũhtoare paina tinare dutiina cũhũre noano yũhtiina jijaro. Jipihtia noaare yoahitina jijaro. <sup>2</sup> ã yoa painare ne ñano quiti dahrea tjijaro. ã jia masa noaina, jipihtinare ño payoina jijaro.

<sup>3</sup> Panopũre mari cũhũ tũho masieraina, yũhdũrũcaina, mahõoare tũho nũnũina, ñaaare yoa ji coaina, tíre goa pja duhu masieraina, dachoripe ñaaare yoarucuina, paina ti cjuaaare cjoina jia timai mari cũhũ. ã yoa marine paina ñũ tuhtire. Mari cũhũ tinare ñũ tuhtimai. <sup>4-5</sup> ã jirina cjiri mari jipachũta Cohamacũ marine pichacapũ wahaborinare yũhdũchũ yoare. ã yũhdũchũ yoaro to noariro jiare, masare to cahĩa cũhũre marine ñono nire tiro. Noano mari yoari mehne yũhdũchũ yoareare marine. Marine pja ñũno mari ñaa yoari buhirire cosaro, Espĩritu Santo mehne marine yũhdũchũ yoare. ã yoaro marine to pohna wahachũ yoare. ã to yoachũ Espĩritu Santo sehe noaina mari jihtina cjihitire cohtotachũ yoare marine. <sup>6</sup> Jesucristo marine yũhdũchũ yoariro to yaria masa mũjaa mehne Cohamacũ to yairo Espĩritu Santore ware marine pjĩro to tuaa mehne marine yũhdũchũ yoahitiro cjihito. <sup>7</sup> Marine cahĩno, marine noano yoa duare. ã yoa duaro tiro

to yairo Espíritu Santore marine ware ñaa buhiri marieina mari jihto cjihtore, muanopu mari ã jirucuhto cjihtore. Mari ã jirucuhtore masina, tíre cohtana nija.

<sup>8</sup> Tí yu niri potocãta jira. ã jicu tíre yu ni joariro seheta masare buhecũ tí dutiare yoa pahño dutiga mũhũ. ã jicu Cohamacũre wacũ tuainare tíre buhega noaare ti noano yoahito cjihtore. Ahri yu ni buheri noaa buhea jira. ã jia jipihtina masa ahri buheare ti tũho nũnũchũ wiho waro jierara. <sup>9</sup> Paina ti durucua sehe yaba cjihti jierara. ã jia masierapahta ti ni yũhdũrũcaare mũ tũho nũnũchũ yaba cjihti jierara. ã jia ti coyea panopũ macaina ti jia tiare ti ni yũhdũrũcaare, Cohamacũ Moise cjirore to dutirire ti ni yũhdũrũcaare tí jipihtiare noano mũ tũho nũnũchũ yaba cjihti jierara. ã jicu tíre tũho nũnũ tjiga.

<sup>10</sup> Mũsa mehne macariro ã ni yũhdũrũcariro mũsare cahma tju wachũ to yoachũ ñũcũ “Yoai tjiga”, niga tirore. Pũa taha tíre tirore mũ yoa dutierari baharo to yũhtierachũ ñũcũ tirore piti tiecũ tjiga. <sup>11</sup> Tó sehe yoariro ñaa dihtare goa pjarucuriro jira. To ã jichũ ñũna to ñariro to jichũ masija mari.

*Paulo duti batoaha*

<sup>12</sup> Nicopolipũ puhiro puro jii tai nija. ã jicu Artemare o Tíquicore mũ cahapũ yu waroca mũhtachũ yu warocahtiro tópure to sũchũ, Nicopolipũ yũhũre piti bocaga mũhũ tiro mehne. <sup>13</sup> ã yoa dutiare noano mihnirirore Zena wama tirirore, Apolo cũhũre noano yoadohoga ti wahahto cjihtore. ã yoacũ ti cahmaare jipihtiro tinare waga “Paye baro dũhsari”, nicũ. <sup>14</sup> ã jia Jesu yaina mari mehne macaina noaare yoapojaro paye barore dũhsainare ti yoadohohto sehe noaare yoarucuina ti jihto sehe.

*Paulo noa dutirocaha Jesu yainare*

<sup>15</sup> Jipihtina yũhũ mehne macaina mũhũre noa dutira. Tó jiina Jesu yaina sãre cahĩina noajaro. Cohamacũ to cahĩa mehne mũsare jipihtinare noano yoajaro.

## Filemón

### *Paulo Filemo wama tirirore joarocaha*

<sup>1</sup> Yuhũ Paulo, Jesucristo yairo yũ jiri buhiri peresupũ jija. Yuhũ, mari coyeiro Jesu yairo Timoteo mehne mũhũre Filemore joarocaja sã. Mũhũ sã cahĩriro Cristo yare sã mehne dahradohoriro jira mũhũ. <sup>2</sup> ã jina Jesu yaina mũ ya wũhũ cahmachuina cũhũre joarocaja sã. Mari coyeacoro Jesu yacoro Apia cũhũre joarocaja sã. Arquipo cũhũre joarocaja sã. Arquipo sehe sã yoaro sehe Cristo yare yahuriro jira. <sup>3</sup> ã jina Cohamacũ mari Pũcũ, mari pũhtoro Jesucristo mehne mũsare noa dutija. Cohamacũ to macũno mehne ti cahĩa mehne, ti yoadohoa mehne noano jiga mũsa.

### *Filemo painare to cahĩare, Cristore to wacũ tuaare yahuha Paulo*

<sup>4-5</sup> Yũ coyeiro Jesu yairo Filemo, Cohamacũre mũhũre sini payocũ mũhũre wacũcũ “Noana”, nija tireore. Cristore mũ cahĩchũ, tireore mũ wacũ tuachũ, paina Cohamacũ yainare mũ cahĩchũ tũhorocahi yũhũ. ã jicũ Cohamacũre “Noana”, ni wahcheja. <sup>6</sup> Cristore mari wacũ tuana cũno potori to yaina jina nija mari. ã wacũ tuaina jina, Cristore mari noano cahĩna, pjĩro noaare cjuanahca mari. Tĩre mũsa noano masihtõ sehe sini payoja Cohamacũre. <sup>7</sup> Coyeiro, mipũre painare mũ cahĩchũ tũhocũ wahcheja yũhũ. Jipihitina Cohamacũ yainare noano wahchechũ yoayuhti mũhũ. Mũ ã yoachũ tũhocũ wahcheja yũhũ.

### *Paulo Onésimo ya cjihtire sini payoha Filemore*

<sup>8-10</sup> ã jicũ mipũre Onésimore mũhũre dahra cohtarirore mũ yoahitire mũhũre sini payo duaja. Peresupũ yũhũ mehne to jichũ Cristo yare yahuri yũhũ tireore. Tĩre tũhoro Cristore cahmahre tiro. ã yoaro tiro Cohamacũ yairo wahahre. ã waharo yũ macũ yoaro sehe jiriro jira. ã jicũ yũhũ Paulo bũcũro jicũ Cristo yare yũ buheri buhiri peresui jicũ mũhũre yahurocaihitja Onesimore mũ yoahitire. Cristo buhe dutiro to cũriro jija yũhũ. ã jiriro jicũ tireore mũ yoahitire dutiboa yũhũ. ã jiriro jipaihta mũhũre dutisi yũhũ. Cahĩa mehne mũhũre yahurocaihitja tó purota.

<sup>11</sup> Cristo yairo to jihito pano Onésimo mũhũre dahra cohtariro jiro yaba cjihti jierasiniro jire. Mũhũre noano yoadoho masierasiniro jire. Mipũ pinihtare tiro mũhũre, yũhũ cũhũre noano yoadoho masiro jirohca. Mipũre Cristo yairo jiro wiho jiriro waro jierara. <sup>12</sup> ã jicũ mipũre tireore mũhũre waroca tjuĩ nija. ã jicũ tireore noano piti bocaga mũhũ. Tireore tuaro cahĩja. <sup>13</sup> Noaa buheare yũ buheri buhiri peresupũ yũ jiro watoĩ tireore yũhũre yoadoho dutiboa yũhũ tireore warocaeracũ. Yũhũ mehne tjuia dutiboa yũhũ. Mũhũ sehe yũhũre mũ yoadoho masierachũ tiro sehe yũhũre yoadohoriro tjuaboa, tireore warocaeracũ. <sup>14</sup> Yũhũre yoadohoboriro to jipachũta tireore mũhũre waroca tjuja. Mũhũ sehe tireore “Paulo mehne tjuasiniga”, mũ nichũ masicũ yũhũ mehne tireore tjuia dutiboa yũhũ. Yũhũ sehe “Yũhũ mehne cũga tireore”, ni duaeraja mũhũre. ã jicũ tireore waroca tjuĩ nija. <sup>15</sup> Tiro Onésimo mahaa mũmũricã mũhũre to duhti wahcãri baharo pari turi mũhũ mehne jira. Cohamacũ to cahmariro seheta mũhũre duhti wahcãri jire tiro Cohamacũ yairo to wahahto sehe, yũ tũhotuchũ. ã jiro pari turi mũhũ mehne jiro ã jirucurohca mũhũ mehne. <sup>16</sup> ã jiro tiro mipũre dahra cohtariro jierara. Dahra cohtariro bui curero jiriro jira tiro, yũ ñũchũ. Mipũre tiro mũ coyeiro Jesu yairo jira. ã jicũ tireore tuaro cahĩja. Mũhũ sehe yũ yũhũdoro tireore cahĩihca. Mũ ã cahĩriro jiro dahra cohtariro jisiniaparota mipũre dahra cohtariro to jiriro sehe jierara tiro. Tiro mũ coyeiro Jesucristo yairo jira.

<sup>17</sup> ã jicũ yũhũre mũ piti bocaboriro seheta Onésimo cũhũre noano piti bocaga. Mũhũ mehne macariro yũ jichũ tũhotucũ tiro cũhũre noano piti bocaga mũhũ. <sup>18</sup> ã jicũ mũhũre soro to yoariro jichũ mũhũre to wapamoriro jichũ yũhũ sehe tĩre wapaihtja. <sup>19</sup> Yũhũ

Paulo yu basi ahrire mähure yahu joaihtja: Yuhu sehe wapaihtja mähure. Mähure yu buheri baharo Cristo yairo wahacu jipihtia dachoripe Cohamacu mehne jirucuhtiro jira mähü. Mähure yu ã buheri baharo mähü cühü yähure pjíro wapamoriro jiboca. Mä ã jipachuta mähure wapaihtja to wapamonore. <sup>20</sup> Yu coyeiro yu cahíro mari pãhtoro Cristo yairo jira mähü. Cristo yairo jicu yu coyeiro jira mähü. Æ jiro jicu yähure noano wahchechü yoaga. (Æ jiro jicu Onesimore noano piti bocaga.)

<sup>21</sup> Ahri yu yahurire noano yoaihca mähü. Yu yahuri yãdoro yoaihca mähü. Tíre masicu mähure joarocai nija. <sup>22</sup> Ahri cühure yahuihtja mähure. Mäsa caharu yu wahahto sehe Cohamacure sini payoyuhti mäsa yähure. Mäsa ã sini payorire tiro yãhtiboca. “Jai” to nichü cahmaja yuhü. Æ jicu mäsa caharu yu sühti tahtiare cahnoyuga mähü.

*Paulo noa duti batoaha Filemore*

<sup>23</sup> Epafrä mähure noa dutira. Tiro sehe Cristo yare to yoari buhiri yuhü mehne peresupü jiro jira. <sup>24</sup> Æ jia Marco, Aristarco, Demä, Luca mehne mähure noa dutira. Cristo yare yu buhechü tina sehe yuhü mehne buheina jira.

<sup>25</sup> Mari pãhtoro Jesucristo to cahña mehne müsare noano yoajaro.

## Hebreos

*Cohamacu* macuno to Pucurore yahubasaha masare

<sup>1</sup> Panopu Cohamacu payu tahari mari coyeare panopu macaina cjirire to yare yahua tiri jire. Payu to beserina to yare yahu turiaa tiri jire. To yare yahu muntaina cjirire yahu dutiro, ã yahua tiri jire tiro mari coyeare. <sup>2</sup> Mipure pihtiri dacho panocã jia dachorire to macunore to yare to yahu dutichu tiro sehe marine yahua tire. Tiro to Pucuro to yoa dutiro mehne ahri yahpare, muanano cãhure yoariro jira. To Pucuro sehe pihtiri dacho panocã jipihtiare cãhtirore cãa tiri jire tirore. <sup>3</sup> ã jiro to macuno sehe to Pucuro si siteare cãariro jiro, cãno potori to Pucuro yoaro seheta jiro, to Pucuro to jia tiare marine ñona. ã yoa to macuno to tuua mehne to dutichu ahri yahpa, muanano cãhure ã jirucura. ã yoa mari ñano yoari buhirire to cosari baharo muanopu to Pucuro tua yãhdãariro pote buhãsehe dujiri jire tiro, to pãhtoro jiare ñono.

*Cohamacu* macuno anjoa bui jira

<sup>4</sup> Tiro Cohamacu macuno wama tira. Tí wamare cãri jire Cohamacu tirore. ã wama tiro paina bui pãhtoro jira. ã jiro tiro anjoa yãhdoro tua yãhdãrãcariro jira. <sup>5</sup> To yaina anjoa sehere Cohamacu ne õ sehe ni yahuerari jire:

“Yu macu jira mãhã.

Michare yu macu mu jiare masichu yoaihca”,

niri jire Cohamacu to macunore. Anjoa sehere ne õ sehe ni yahuerari jire. Tinare ahri cãhure ne yahuerari jire:

“To pucuro jija yãhã.

ã yoa tiro yu macu jira”,

niri jire Cohamacu to macunore. Anjoa sehere ne õ sehe ni yahuerari jire. (ã jiro to macuno tina yãhdoro tua yãhdãrãcariro jira.) <sup>6</sup> Pa tehe to macunore wahma masa bajuarirore ahri yahpai cãno õ sehe niri jire Cohamacu tirore:

“Jipihtina yu yaina anjoa na tuhcuca caha su, ño payoahca tina yu macure”,

niri jire tiro. <sup>7</sup> ã yoa to yaina anjoa sehere yahuro taro õ sehe niri jire tiro:

“Yu yaina anjoare wihnono yoaro sehe pjacu tichu yoaja yãhã.

Tina yãhãre dahra cohtaina jira.

Tinare pichaca yoaro sehe pjacu tichu yoaja yãhã”,

ni yahuri jire Cohamacu. <sup>8</sup> Tinare ã niparota to macuno sehere õ sehe niri jire:

“Mãhã Cohamacu jipihtina bui pãhtoro ã jirucuihca.

Quihõno dutihca mãhã mu yainare.

<sup>9</sup> Mahõno marieno yoaare, noano yoaare tuaro cahmana mãhã.

ã jicu ñaa yoaare ñu yabira mãhã.

Mu ã jiro jichu ñucu yãhã mu Pucu jipihtina paina yãhdoro mãhãre wahchẽchẽ yoahi”, niri jire Cohamacu to macunore. <sup>10</sup> Ahri cãhure niri jire tiro to macunore “Pãhtoro”, ni pisuro:

“Pãhtoro, wahmanopure ahri yahpare, muanano cãhure bajuamehnere mãhã mu basi.

<sup>11</sup> Tí jipihtia cohtota pihtia wahaahca.

Mãhã sehe ne cohtotasi.

ã jirucuihca mãhã.

Tí jipihtia suhtiro to baa boraro seheta pihtia wahaahca.

<sup>12</sup> Tí jipihtia muanore ahri yahpa cãhure cohtotachu yoaihca mãhã.

Muanano suhtirore mu cohãboro seheta tí jipihtiare cohtotachu yoaihca mãhã.

Suhtirore tjuwe na mu cohtotaro seheta tí jipihtia cohtotaahca.

Mãhã sehe ne cohtotasi.

ã jirucuihca mãhã”,

niri jire Cohamacu to macunore. <sup>13</sup> Ne anjoa sehere ahrire yahuerari jire Cohamacu: “Yu poto buhusehei dujiga muhu.

Puhtoro jira muhu.

Å jicu muhuere nu tuhtiinare doca dahre, yuhdurucabasaihtja.

Tina bui puhtoro jiihca muhu”,

niri jire Cohamacu to macunore. <sup>14</sup> Jipihtina anjoa sehe Cohamacure dahra cohtaina jira. Å jiro Cohamacu warocara tinare to yaina anjoare Cristo to yuhdunchu yoahinare yoadoho dutiro.

## 2

*Cohamacu* yare noaa buheare marine å tuhotunocano cahmaerara

<sup>1</sup> Å yoa Cohamacu macuno waro marine yahuriro to jichu masina to yahuare mari tuhorire noano wacuno cahmana marine, “Tire bori”, nina. <sup>2</sup> Anjoa masare Cohamacu dutia cjirire ti yahu cu turiariro seheta ti dutiare yuhduruca dutierari jire. Å jia masa sehe anjoa ti yahurire ti yuhdurucachu nu Cohamacu tinare quihono buhiri dahreri jire. <sup>3</sup> Anjoa ti yahurire mari yuhtiri yuhdoro Cristo sehere yuhtiro cahmana. Tiro mari puhtoro marine to yuhdunchu yoahore yahu muhtari jire. Å jia tirore tuhorina sehe to yahurire marine yahu turiare marine noano masichu yoaa taa. Å jiro ti buheare marine to yuhdunchu yoahiti buheare mari å tuhotunocachu Cohamacu tuaro marine buhiri dahrerohca. Tire duhti masieraja mari. <sup>4</sup> Ti buheare tuho muhtaina painare ti buhero watoi Cohamacu sehe ti buhea quihonota ti jichu nono nire. To tuaa mehne nono nire. Å yoa payu tahari to tuaa mehne yoa nono, ti buheare quihono ti jichu nono nire. Å yoaro to yainare ti yoahire to cahmano seheta cuiri jire to buhea quihono ti jiare ti masihti. Espiritu Santo sehe jira marine å yoa masichu yoariro.

*Jesucristo mari yoaro seheta pjacu* tiriro masa bajuaha

<sup>5</sup> Pihitiri dacho baharoi jiina Cohamacu cahai jiina michapucacã yu yahurina cjiri bui puhtoa jisi anjoa sehe. Tina anjoare puhtoa sosi Cohamacu. <sup>6</sup> Wiho mejeta cuiri Cohamacure to durucurire o sehe ni joari jire panopu:

“Masa wiho jiina ti jipachuta tinare wacuna muhu. Masare noano yoara muhu.

<sup>7</sup> Mahaa numurica anjoa docai masare cuiri jire muhu.

Å cupacuta mipure tinare tuaare wacu puhtoa sori jire muhu.

<sup>8</sup> Mu å sochu ahri yahpa macaa bui jipihtia bui jira masa”,

niri jire panopu macariro Cohamacure. Å cuno ahri yahpa macaina wahiquina jipihtina bui, jipihtia bui cuiri jire Cohamacu. Masare to å puhtoa sopachuta jipihtina ahri yahpa macaina, ahri yahpa macaa bui jierasina masa. <sup>9</sup> Å tina bui jierasipanahta, Jesu sehere masija mari. Mahaa numurica anjoa docai Cohamacu to macuno cuhure cuiri jire, mari yaro jiborirore yarihtiore. Cohamacu marine cahino Jesure mari yariaborirore to yariachu cahmari jire. Å jiro to å yariachu nu tirore tuaare waro, puhtoro sori jire tirore.

<sup>10</sup> Cohamacu jipihtiare bajuamehneriro jira. Å yoa jipihtia to ya dihta jira. Å jiro Jesure to yaria dutichu, tiro sehe mari naa yoari buhirire cohari jire. Å cohari jire tiro masa payu to yaina jihinare manopu naano taro. Jesu to nano yuhdunchu masare yuhdunchu yoahitiro Cohamacu to waha dutiro seheta yoaro niri jire tirore. To å yoachu pinihta noa nina. Å jiro Jesu sehe marine yuhdunchu yoariro waro, mari puhtorota jira. <sup>11</sup> Jipihtina masare ti naa yoari buhirire Jesu, to cosawerina mehne pucu tira Cohamacure. Å jiro mari Pucu cuirota jira. Mari Pucu to jichu Jesu marine to yainare to cosawerinare “Yu coyea jira”, ni pisuro ne buo tierara. To å ni pisurire musare yahuihtja. <sup>12</sup> O sehe nino niri jire tiro:

“Cohamacu, mu jia tiare yahuihtja yu coyeapure.

Jipihtina yu yaina panoi muhuere no payocu ‘Tuariro jira’, ni yahuihtja yuhu tinare”,

niri jire tiro to Pucure. <sup>13</sup> Ahri cuhure niri jire tiro:

“Cohamacure wacū tuaihca yuhū”,  
niri jire tiro. Ahri cūhure niri jire tiro:

“ Ōi jija yuhū.

Cohamacu pohna mehne ōi jija.

Yuhure to cūrina yu coyea mehne ōi jija’, niri jire tiro to yainare ‘Yu coyea’ ”,  
ni pisuro.

<sup>14</sup> “Cohamacu pohna”, to niina pjacu tiina mari jichu ñuno, Jesu sehe mari ya pjacu yoaro sehe jiro tari jire. Ā jiro tari jire tiro crusapu yariaro taro, watĩnore butichu yoaro taro. Tiro watĩno sehe yariachu yoari jira. <sup>15</sup> Ā yoa watĩnore butichu yoaro, marine yuhdachu yoare. Mari sehe dachoripe mari yariahtore cuimai. Ā cuiina jina pichacapu wahaborina jimai mari. Ā jiina mari jichu ñuno tiro marine yuhdachu yoare. <sup>16</sup> Ā yuhdachu yoaro anjoa sehere yoadohoro taerari jire tiro. Abrahā panamanare Cohamacu yainare mari sehere yoadohoro tari jire. <sup>17</sup> Ā taro tiro mari coyeiro warota tari jire. Cūno potori mari yoaro sehe pjacu tiro tari jire. Ā taro mari yuhdachtire mari ñaa yoari buhirire Cohamacure cohā dutiro taro niri jire. Ā yoaro mari sacerdotia puhtoa bui puhoro to yoari sehe yoaro taro niri jire. Mari yoaro sehe jiro marine noano pja ñuna. Ā yoa marine noano yoadohora. Ā jiro tiro mari sacerdotia puhtoa ti bui puhoro jiro nina Cohamacure dahra cohtarero jiro. <sup>18</sup> Tiro ñano yuhduri jire. Ā jiro watĩno tirore ñano yoa dutimari jire. Yoerari jire tiro. Ā ñaare yoerari jiro, tiro sehe mari cūhure ñaare yoerachu yoa masina. Watĩno to ñaare to yoa dutichu ñuno marine ñaare yoerachu yoa masina Jesu.

### 3

#### *Jesu Moise cjiro bui jiro jira*

<sup>1</sup> Jesu to ā jiro jichu ñuna tirore noano wacūga mūsa. Yu coyea Jesu yaina, Cohamacu to beseina jira mūsa. Tiro Jesu sehe Cohamacu to warocarero jiro mari sacerdotia puhtoa ti bui puhoro jira. To buheare noaa buheare mari quihōno tūho, buheja. Tiro sehe Cohamacu warocarero, mari sacerdotia bui puhoro to jia tiare noano wacūga mūsa. <sup>2</sup> Cohamacu tirore marine to yuhdachu yoahore to cūchu tiro sehe to cūriro seheta yoari jire. Ne yuhduracaerari jire. Moise cjiro cūhu Cohamacu yaina Israe masare yoadohoro ne yuhduracaerari jire. Āta yoari jire Jesu cūhu. <sup>3</sup> Moise cjirore ti ño payorero yuhdoro Jesu sehere ño payoro cahmana marine. Ō sehe jira tí mari piti dahre buhechu: Wuhure mari ño payorero yuhdoro wuhū dahreriro sehere ño payoro cahmana marine. Ā jiro Jesu sehe wuhū dahreriro yoaro sehe jiro to jichu Moise cjirore mari ño payorero yuhdoro tiro sehere ño payoro cahmana marine. <sup>4-6</sup> Ō sehe jira ti: Mari Cristo yaina Cohamacu ya curua macaina jija. Cristo sehe wuhure to cūborero seheta marine to ya curua macaina cjihtire cūno nina. Masa sehe wuhuse yoaina jira. Cohamacu sehe jipihiare yoari jira. Moise cjiro sehe Cohamacu ya curua macainare yoadohorucurero jiro, baharopu Cohamacu to yahuhore yahua tiri jire masare. Cristo sehe Cohamacu macūno jiro, Cohamacu yare yoarucurero jiro, Cohamacu ya curua macaina bui puhoro jira. To ā jiro jichu ñuna Moise cjirore mari ño payorero yuhdoro Cristo sehere ño payoro cahmana marine. Ā jina mari sehe Cristore wacū tua duhuerana, marine to yuhdachu yoahore ā wahcherucuna to ya curua macaina jija mari.

*Cohamacu* to yainare tiro mehne ti noano sochu cahmana

<sup>7</sup> Ā jina Cristore mari wacū tua duhuerahore ō sehe yoaro cahmana marine. Ō sehe nina Espiritu Santo:

“Michare yuhū Cohamacu mūsa yu yahuchū, yūhti duaeraina jiena tjiga.

<sup>8</sup> Noano yūhtiga mūsa yuhure.

Panopu Israe masa masa marienopu jia, āta yuhduracarucure yuhure.

Ā jina tina yoaro sehe yoena tjiga mūsa yuhure.

<sup>9</sup> Tópure cuarenta cūhmari waro tinare yu tuaa mehne yoa ñomai.

Yũ ã yoa ñopachũta tina sehe õ sehe ni tũhotua timare: ‘¿Ñaaare mari yoachũ ñũno Cohamacũ marine buhiri dahrebocari?’ ni tũhotua timare.

Ã ni tũhotua ñano yoa ñũa tire.

<sup>10</sup> Ti ã yoachũ ñũcũ tina mehne suai.

Ã suacũ õ sehe nii: ‘Tina yũ durucuaare tũho duaeraa, soro jia buheare ã wacũmacarucua nina.

Ya sehere ne yũhti duaerara’, nii tinare.

<sup>11</sup> Ã jicũ tina mehne suacũ õ sehe ni yahui: ‘Tina yũhũ mehne macaina ne jisi.

Ã jia wapũ tiro marieno jisi tina’, ni yahuri jire Cohamacũ”, niri jire Espiritu Santo sehe.

<sup>12</sup> Ã jina yũ coyera, noano yoaga mũsa, “Cohamacũre cohãri”, nina. Mũsa ñaaare tũhotuna, Cohamacũre catirirore wacũ tuaerana, tirore cohãboca mũsa. Ne cũiro mũsa mehne macariro ã yoaero tjijaro. <sup>13</sup> Ã jina ahri sehere yoaro cahmana mũsare: Mũsa mehne macainare dachoripe Cohamacũ yare mũsa basi cahma durucuga “Ñaaare yoari”, nina. Ñaaare yoana, “Tĩ mehne wahcheja” nina, mahũoare tũhotuna nija mari. Ã ni tũhotuena tjiga. Ñaaare yoarucuna Cohamacũ ya sehere ji coeraja mari. Ã yoana ñaaare duhu duaeraja. “Ã yoari” nina, mũsa mehne macainare Cohamacũ yare mũsa basi cahma durucuga. Cristo to tahto pano dachoripe tíre ã cahma durucurucuga. <sup>14</sup> Wahmanore Cristore mari wacũ tua dũcariro seheta tó seheta mari wacũ tuarucuna, mari catiro puro to yare duhuerana, tiro mehne macaina jia.

<sup>15</sup> Õ sehe nina Cohamacũ yare ti joari pũi:

“Michare yũhũ Cohamacũ mũsare yũ dutichũ noano yũhtiga mũsa yũhũre.

Panopũ macaina Israe masa yũ yahupachũta ño payo duaeraa, yũhũre yũhti duaerare.

Ã jina tina yoaro sehe yoaena tjiga mũsa, niri jire Cohamacũ”,

ni joaa tiri jire panopũre. <sup>16</sup> Ã yoa Cohamacũ to yahurire tũhomarina jipahta tina tirore yũhtierari jire. Tina jipihtina Egiptopũ jiina Moise to na wiorina jipahta tirore ne yũhtierari jire. <sup>17</sup> Ã jia ã ñano yoarucua, cuarenta cũhmari waro Cohamacũre suachũ yoa mũjaa tiri jire. Ti ã yoari buhiri masa marienopũ yariari jire tina. <sup>18</sup> Tirore ti ã yũhti duaerachũ ñũno õ sehe cua pisaro mehne niri jire tiro: “Tina yũhũ mehne macaina ne jisi. Ã jia wapũ tiro marieno ne jisi tina”, niri jire tiro. <sup>19</sup> To ã nichũ tũhona ahri sehere masinahca mari: Tina Cohamacũre ti wacũ tuaerari buhiri tiro mehne macaina ji masierari jire. Ã jia tiro mehne noano so masierari jire.

#### 4

<sup>1</sup> Ã jiro panopũ macainare tiro mehne ti noano sohtore cahmano, tinare “Yũhũ mehne wapũ tiro marieno sonahca”, ni cũri jire Cohamacũ. Mari cũhũre ãta ni cũri jire tiro. Ã jina cuaro mehne Cohamacũre yũhdũrũcaena tjijihna mari, “Cohamacũ yare yoa moñori”, nina. Ã yoa moñona tiro mehne noano sosi mari. <sup>2</sup> Panopũ macaina cjiri Cohamacũ yare ti tũhoriro seheta mari cũhũ noaa buheare tũhohi. Tina tũho mũhtaina cjiri sehe tũhoa, “Cohamacũ ya waro jira”, ni tũhotuerari jire. Ã jia ti tũhori cjiri yaba cjihiti jierari jire. <sup>3</sup> Mari sehe tirore wacũ tuana Cohamacũ mehne macaina jia. Ã jina tiro mehne noano jinocahna, tiro mehne sonahca. Wapũ tiro marieno jinahca. Cohamacũ to niriro seheta jira tí. Õ sehe niri jire tiro tirore yũhtieraina cjirire:

“Tina mehne suacũ cuaro mehne õ sehe ni yahui: ‘Tina yũhũ mehne macaina ne jisi.

Ã jia wapũ tiro marieno ne jisi’, ni yahui”,

niri jire Cohamacũ yare ti joari pũi. Ahri yahpare to yoari baharo dahra duhusiniri jire tiro. Yoari pja dahra duhuparota tina sehere tiro mehne so dutierari jire tiro. <sup>4</sup> Ahrire mari masija. Seis dachori ahri yahpare to yoari baharo to dahra duhurire yahuro õ sehe niri jire Cohamacũ ya durucuaare ti joari pũi:

“Seis dachori baharo jipihtiare to dahraare pahũono, Cohamacũ dahra duhuri jire”,

niri jire to yare ti joari pũi. <sup>5</sup> Ã yoa pari turi Cohamacũ yare ti joari pũi õ sehe ni yahura tiro mehne noano jierainare:



“Tina yũhũ mehne macaina ne jisi.

Ã jia wapũ tiro marieno ne jisi, niri jire Cohamacũ”,

nina to yare ti joari pũi. <sup>6</sup>Noaa buheare tũho mũhtaina tirore ti yũhdũrucari buhiri tiro mehne macaina jisi tina. Ã jia tiro mehne wapũ tiro marieno jisi tina. Paina sehe tiro mehne macaina jiahca. Ã jia tiro mehne wapũ tiro marieno soina jiahca. <sup>7</sup>Ã jiro masare to yũhdũchũ yoahiti dachori paye dachorire cũri jire pari turi Cohamacũ. Tĩ dachorita mipũre jira. Payũ cũhmari baharo Israe masa cjiri Cohamacũre ti tũho mũhtari baharo tí dachorire yahuri jire Davi cjiro sehe. Cohamacũ tirore to yahu dutichũ yahuri jire tiro. Cohamacũ ya durucua ti joarire mũsare yũ yahua dachorire õ sehe ni joari jire Davi cjiro: “Ahri dachorire yũhũ Cohamacũ mũsare yũ yahuchũ yũhdũrucaro marieno noano yũhtiga mũsa yũhũre”,

ni joari jire panopũre. <sup>8</sup>Tĩ pjarũre Josué cjiro Israe masare Cohamacũ to wari yahpai na sũri jire. “Yũhũ mehne wapũ tiro marieno soina jiahca” nino, tí yahpai ti sohtore nino nierari jire Cohamacũ. Tĩ yahpai so dutiro, paye dachori to yũhdũchũ yoahiti dachorire cũeraboa tiro. <sup>9</sup>Wiho mejeta seis dachori baharo ahri yahpare to yoari baharo Cohamacũ to dahra duhuriro seheta mari to yaina cũhũ tiro mehne wapũ tiro marieno mari sohto jirohca. Tiro mehne mari noano jihto jirohca. <sup>10</sup>Cohamacũ sehe to dahrarire duhunocasiniri jire. Tó seheta tiro mehne soina cũhũ mari wapũ tirire duhunocanahca. <sup>11</sup>Ã jina mari to yaina noano yoajihna. Cohamacũ yare noano yũhtijihna tiro mehne mari noano sohto sehe. Panopũ macaina mari coyea cjiri ti yũhdũrucari baharo Cohamacũ mehne macaina ji masierari jire tina. Tina yoaro sehe yoena tjijihna mari.

<sup>12</sup>Cohamacũ ya durucua marine catichũ yoara. Noaa sehere marine cohtotachũ yoara. Ã jia to ya durucua wiho jia jierara. Ã yoa ñosari pjĩ pũ bũhũseheri siori pjĩ mehne dihirore ti yihso ñũ ti masiroro seheta to ya durucua cũhũ mari jia tiare noano masichũ yoara. To durucua mari tũhochũ, tíre mari buhechũ mari jia tiare, mari tũhotua cũhũre noano masi pahũochũ yoara marine. <sup>13</sup>Ne Cohamacũre mari jia tiare mari dohse yoarire nũo masieraja mari. Jipihtiare to bajuamehnerire, to bajuamehnerina cũhũre ñũna tiro. Ã jina mari yoarire tirore yahu yũhdũro cahmana marine.

*Jesu tuariro mari sacerdotea pũhũa bui pũhtoro jira*

<sup>14</sup>Jesu Cohamacũ macũno to Pũcũro cahapũ tjuariro jira. Tiro tuariro mari sacerdotea pũhũa bui pũhtoro jira. Ã jiro marine Cohamacũre sini payora. To ã jiro jichũ ñũna mari sehe to yare noano yũhtijihna. Tirore noano wacũ tuarucujihna. <sup>15</sup>Tiro mari sacerdotea pũhũa bui pũhtoro mari ñano yũhdũchũ ñũno noano pja ñũriro jira. Mari ñaa goa pjaare masina tiro. Watĩno jipihtiare ñaare marine to yoa dutiroro seheta tiro cũhũre ñaare yoa dutimari jire. To ã yoa dutipachũta tiro ñaare yoarari jire. Ã ñaare to yoa dutimariro jiro, marine pja ñũno tiro yoadoho masina marine. <sup>16</sup>Ã jina cuiro marieno Cohamacũre sinijihna. Tiro marine cahĩna. Ã jiro tirore mari sinichũ tiro sehe pja ñũno, marine yoadohorohca. Watĩno marine to ñaare yoa dutichũ, mari ñano yũhdũchũ cũhũre tiro marine yoadohorohca.

## 5

<sup>1</sup>Sacerdotea pũhũa bui pũhtoro besero, masũnore besera Cohamacũ. Ã to beseriro jiro sacerdotea pũhũa bui pũhtoro sehe tiro mehne macainare yoadohoro taro, Cohamacũre dahra cohtariro jira. Ã jiro ti ñaare ti yoari buhiri Cohamacũre sinibasara tiro mehne macainare. Wahiquirore wajã jũ mũono, Cohamacũre sinibasara. <sup>2</sup>Sacerdotea pũhũa bui pũhtoro paina masa yoaro sehe noano masi pahũoerariro jira. Ã masi pahũoerariro jiro paina masierainare yoadoho masina. Ã jiro noano yoaraina cũhũre noano yoadoho masina. <sup>3</sup>Ã jia sacerdotea noano yoa pahũoeraina jia ñaa buhiri tiina jira tina cũhũ. Ã jia ti basi ti ñaare ti yoari buhiri wahiquirore wajã jũ mũo, Cohamacũre sinina. Paina masare yoadohoa taa, ti ñaa buhiri ti sinibasariro seheta ti basi ti ñaa buhiri cũhũre sinina Cohamacũre.

<sup>4</sup> To basi to m̄ s̄ro sacerdotea p̄h̄toa bui p̄h̄toro s̄aerara. Cohamac̄u sehe tirore besero, sacerdotea p̄h̄toa bui p̄h̄toro s̄ona. Panop̄u macariro Aarō cjirore to c̄ūriro seheta paina sacerdotea p̄h̄toa bui p̄h̄toro c̄ūh̄re c̄ūna tiro. <sup>5</sup> Tó seheta Cristo c̄ūh̄u to basi to m̄ s̄ro sacerdotea p̄h̄toa bui p̄h̄toro s̄aerari jire. Cohamac̄u sehe tirore p̄h̄to s̄ono, ò sehe niri jire:

“Ȳu mac̄u jira m̄h̄u.

Michare ȳu mac̄u m̄ jiare masich̄u yoaihca”,

niri jire Cohamac̄u. <sup>6</sup> Pa tehe ò sehe niri jire Cohamac̄u Cristore:

“Jipih̄tia dachoripe sacerdote jirucuih̄ca m̄h̄u.

Melquisede to jiriro seheta sacerdote jirucuih̄ca m̄h̄u”,

niri jire to mac̄nore. <sup>7</sup> Cristo ahri yahpai jiro sañurucua mehne, yahco mehne Cohamac̄ure tuaro siniri jire tiro “Ȳuh̄re masoga”, nino. Cohamac̄u sehe tirore yariarore maso masiriro jira. To ã sinich̄u Cohamac̄u t̄h̄ori jire tirore. Cohamac̄u cahmaa dihtare to yoach̄u ñano Cohamac̄u sehe to sinirire t̄h̄oro, tirore ȳh̄tiri jire.

<sup>8</sup> Cristo Cohamac̄u mac̄no jiparota ñano ȳh̄d̄ari jire tiro. ã ñano ȳh̄d̄aro ȳh̄tiri jire Cohamac̄ure. ã ȳh̄tiro noano ȳh̄tiare masiri jire. <sup>9</sup> ã ñano ȳh̄d̄aro, crusap̄u yariaro jipih̄tina tirore ȳh̄tihtinare ȳh̄d̄uch̄u yoah̄tiro wahari jire. <sup>10</sup> ã jiro Cohamac̄u sehe tirore sacerdotea p̄h̄toa bui p̄h̄toro c̄ūri jire. ã jiro Melquisede sacerdotea p̄h̄toro to jiriro seheta jira Cristo.

*Cristo yaina tirore wac̄u tua duhuch̄u* cua nina

<sup>11</sup> Paȳu ò sehe jiare m̄sare yahu namo duaja s̄a. S̄a ã yahu namo duapach̄ta m̄sa sehe dapu b̄tiina jira. ã jina m̄sare s̄a yahuch̄u mijo nina s̄are. <sup>12</sup> Yoari pja Cristo yaina jimana m̄sa. ã jina mip̄re painare buheinap̄u ji tuhs̄u boa m̄sa. M̄sa ã jiinap̄u jiborina jipach̄ta paina m̄sa sehere buheah̄ca tjoa. Cohamac̄u yare mijoera curea buhea dihtare t̄h̄ora m̄sa. Wih̄ainac̄ã p̄cho dihtare ti sih̄ni masino seheta m̄sa c̄ūh̄u mijoera curea dihtare noano t̄h̄ora. Wahma buhe d̄acaina yoaro sehe jira m̄sa. <sup>13</sup> P̄cho sih̄niina wih̄ainac̄ã jis̄inina. Tina yoaro seheta m̄sa c̄ūh̄u jira mijo cureare t̄hoerana. “Ahri ñaa jira. Ahri noaa jira”, ni bese masierara m̄sa. <sup>14</sup> Ch̄are ch̄uina sehe b̄c̄una jira. Tina yoaro sehe jiina noano t̄ho masiina noano buheina jira. “Ahri ñaa jira. Ahri noaa jira”, ni bese masina tina sehe.

## 6

<sup>1-2</sup> ã jina Cohamac̄u yare noano masiina, noano ȳh̄tiina jijih̄na. Cristo yare wahmanore mari buhe d̄acana ò sehe masi d̄acai: Mari m̄ s̄ro mari yoaa yaba cjihti jierara. Mari noano yoaa mehne ȳh̄d̄asi mari. Cohamac̄ure wac̄u tuaro cahmana marine. Ahrire wahmanop̄ure buhe d̄acare marine. ã jia bautisaare, wamomac̄urire marine ti duhu payoare, yariaina ti masa m̄jaare, ahri dacho to pihtiri baharo Cohamac̄u to buhiri dahrehtore, to buhiri dahrehtina ti ñano ȳh̄d̄urucuhto c̄ūh̄re ahri c̄ūh̄re wahmanop̄ure marine buhe d̄acare. Ò sehe jia buheare masi tuhs̄u, paye sehere noano buhe namojih̄na tjoa. <sup>3</sup> ã jina Cohamac̄u to cahmach̄u ãta yoanah̄ca mari.

<sup>4</sup> Mari ã yoerana Cohamac̄u yare duhuboca mari. Cohamac̄u yare masiina jipahta tíre duhuinare ne pari turi pano ti ñaa t̄hotumarire cohtotach̄u yoaa masierara. Tó sehe jiina Cohamac̄u tinare to noano yoah̄tore masia, Esp̄iritu Santo to yoaa tiare mahanoc̄ã masimare. <sup>5</sup> ã yoaa Cohamac̄u ya durucua t̄ho noaa durucua ti jich̄u masimare. Tuhs̄u, pihtiri dacho baharop̄u Cohamac̄u to tuaa mehne mari ã jirucuh̄tore, masare to buhiri dahrehto c̄ūh̄re tina masimare. <sup>6</sup> ã jiinap̄ure Cristo yare duhurinare pari turi ti ñaa t̄hotumarire tinare cohtotach̄u yoaa masierara. Tó sehe yoaina Cohamac̄u mac̄nore pari turi crusap̄u ti c̄j̄a puh̄aro seheta tirore yoaa nina. Ti ã yoach̄u ñaa paina masa Cristore b̄j̄upera. Ti ã yoach̄u tinare ti ñaa t̄hotumarire tinare cohtotach̄u yoaa masierara. <sup>7</sup> Ò sehe jira tí mari piti dahre buhech̄u: Noari yahpare pj̄iro coro tach̄u tí toaa noano du, dicha tira. ã jiro tí wese p̄ro dichare c̄j̄ara to ch̄htire. Tí yahpa Cohamac̄u

noano to yoari yahpa jira. (Tó seheta noano yoara tiro to yaina cūhure.) <sup>8</sup> Wiho mejeta agã pota mehne, tja mehne tí yahpa diaro yaba cjihti jierara. ã jiri yahpa Cohamacu to jũ cohãhti yahpa jira. ã jiro tí yahpare jünocanhca. (Tó seheta yoara tiro tirore duhuinare.)

*Cristore ã ño payorucuinare yuhdũchũ yoara Cohamacu*

<sup>9</sup> Yũ cahĩina, mũsare ã ni yahupaihta mũsa sehere “Cristore duhuina jira”, nii nieraja. Mũsa sehe Cristo to yuhdũchũ yoaina jira. ã jina noaare yoana nica mũsa. Tíre masija yũhũ. <sup>10</sup> Noano mari yoari wapa quihõno marine noano yoariro jira Cohamacu. ã jiro to yare mũsa tuaro dahrari wapare bosu tiro. Tirore cahĩna noano yoadohore mũsa tirore. Paina Cristo yaina cūhure yoadohore mũsa. ã yoa tinare yoadohosinina nica mũsa. ã yoaina mũsa jichũ ñũno bosu tiro. <sup>11</sup> Mũsa catisinino puro painare mũsa cahĩrucuchũ, mũsa yoadohorucuchũ cūhure cahmaja sã, baharopũ Cohamacu yare mũsa duhuri nina. Mũsa ã noano yoachũ ñũno noano yoarohca Cohamacu mũsare. <sup>12</sup> ã jina mũsa cara bũjuina mũsa jichũ cahmaeraja sã. Paina Cristo yaina ñano yuhdũpahta to yare ne duhuerara. Ti ã yoachũ ñũno Cohamacu “Mũsare waihtja”, to nirire tinare wa pahñonohca. ã jina mũsa cūhũ tina yoaro seheta yoarucuga.

<sup>13-14</sup> Panopũ Cohamacu Abrahã cjirore õ sehe ni cūa tiri jire: “Yũ wama mehne ahrire potocã nii nija mũhũre. Mũhũre noano yoaihtja. ã yoacu mũ panamana ji turiainarũre payũ masa jichũ yoaihtja”, ni yahu cūa tiri jire Cohamacu Abrahã cjirore. ã ni yahu cūno to ya wama mehne ã ni yahuro niri jire. Pairo tiro bui jiro ne mariachũ to ya wama mehne to basita ã ni yahua tiri jire. <sup>15</sup> “Mũhũre noano yoaihtja”, Cohamacu to ni cūrire Abrahã cjiro sehere noano to cohtachũ ñũno to niriro seheta tirore noano yoaa tiri jire. <sup>16</sup> “Cohamacu mehne potocã nina nija”, masa sehe nia, tina ti bui jiro wama mehne ã ni yahua nina. “Cohamacu mehne potocã nii nija”, cūiro to nichũ tũhoro tiro pairo mehne cahma sayoriro “Potocã tjira”, ninohca. ã jia cahma sayo duhuahca tina. <sup>17</sup> Cohamacu Abrahãre “Mũhũre noano yoaihtja”, ni cūno to ya wama mehne ã ni yahua tiri jire. To ã ni yahurire tũhona “Potocã tjira tí. ã yoa to niri ne cohtotasi” ni, masija mari. Tíre mari masihto sehe to ni cūri mehne “Yũ wama mehne potocã nii nija”, ni yahua tiri jire Cohamacu. <sup>18</sup> ã jiro pũaro to ni durucuri mehne potocãta to nirire masichũ yoari jire Cohamacu marine: To ni cūri cūhũ “Yũ wama mehne potocã nii nija”, to ni yahuri cūhũ tí pũaro mehne to ni durucurire yahua tiri jire tiro. To ni cūri cūhũ, “Yũ wama mehne potocã nii nija”, to ni yahuri cūhũ ne cohtotaerara. Cohamacu ne mahñoerara. To ã jiro jichũ masina, marine to yoadohohtore macana, tirore noano wacũ tuana, wahchea mehne marine to yuhdũchũ yoahore cohtanahca mari. <sup>19-20</sup> ã to yuhdũchũ yoahore cohtana, wacũ tuaina jia mari. ã jina cuieraja. Sacerdotea pũhtoa bui pũhtoro Cohamacu to jiri tahtia waropũ sãano, dũcatari suhtirore yuhdũ sãahna. ã sãano masa ya cjihtire sini payobasara Cohamacure. To ã yoariro seheta Jesu cūhũ baharo mari wahahto seheta mũanopũ Cohamacu cahapũ waharo, mari ya cjihtire sini payobasara Cohamacure. Tópũ mari wahahto pano tiro sehe wahari jire. ã jiro jipihia dachoripe sacerdotea pũhtoa bui pũhtoro jira tiro. Melquisede sacerdote to jiro seheta sacerdotea pũhtoro jirucura tiro cūhũ.

## 7

*Melquisede sacerdote to jiro seheta Jesu sacerdote jira*

<sup>1</sup> Melquisede cjiro sehe Salẽ wama tiri maca macaina bui pũhtoro jia tiri jire. Sacerdote jiro Cohamacu tuarirore, mũano macarirore sini payobasariro jia tiri jire. ã jiro paina pũhtoare Abrahã cjiro cahma wajã yuhdũrũca tuhsũ, to tjua tachũ waro Melquisede cjiro to ya macai jiro Abrahã cjirore piti bocaro sua tiri jire. ã piti bocaro tirore sini payobasaa tiri jire Cohamacure: “Noano yoaga ahriroro”, ni sini payobasaa tiri jire Cohamacure Abrahã cjirore. <sup>2</sup> To ã piti bocahto pano Abrahã cjiro sehe tirore ñũ tuhtiinare wajã tuhsũ to wajãrina cjiro pũhtoa yare naa tiri jire. To ã nari cjirore

mahanocã waa tiri jire Melquisede cjirore. Cohamacu to dutiriro purocãta mahanocã waa tiri jire Melquisede cjirore. Melquisede cjiro to wama sehe “Bui puhtoro noano yoariro jira”, nino nina. Tiro cjiro Salẽ wama tiri maca macaina puhtoro to jichu to wama õ sehe nino nina: “Bui puhtoro noano jichu yoariro”, nino nina. “Salẽ” nino, “Noano jia”, nino nina. <sup>3</sup> Ne Melquisede cjiro pucsumare, to pano ji muhtainare to coyeare ti yahu joa õri mariahna. To masa bajarire, to yariari cũhure yahu joa õri mariahna. Å jiro å jirucuriro yoaro sehe jira tiro cjiro. To å jiri jichu Cohamacu tiro mehne marine piti dahre buhera. Cohamacu to macuno to sacerdote to jirire marine buhera. Melquisede cjiro sacerdote å jirucuriro yoaro sehe jira. Tiro yoaro seheta Cristo cũhu sacerdote å jirucuriro jira.

<sup>4</sup> Å jiro Melquisede ne wiho jiri jiera tiri jire. Abrahã mari ñuchu cjiro puhtoro waro jiparota mahanocã to tjua narire tiro sehere waa tiri jire. Mahanocã waa tiri jire Melquisedere. <sup>5</sup> Å jia Cohamacu dutia Moise cjirore to cõri dutia jipihtina paina Israe masare tó purota wapa dutira. Å dutiro Leví panamana ji turianare ti coyea waparire ñaha dutiro, cõa tiri jire. Leví panamana sacerdotea wahaa tiri jire. Å jia Israe masa Abrahã panamana ji turiana jipahta ti sacerdoteare wapa tiri jire. <sup>6</sup> Melquisede sehe Leví panamino ji turiaro jieraparota wapa naa tiri jire Abrahãre. Cohamacu “Mũhure noano yoaihtja”, to ni cõiro jiparota Abrahã sehe Melquisedere wapa tiri jire. Å jiro Melquisede sehe Cohacũre Abrahãre sini payobasaro noano yoa dutia tiri jire. <sup>7</sup> Noano yoa dutiriro Melquisede cjiro sehe to noano yoa dutiriro bui Abrahã bui jira. Tĩre mari noano masija. <sup>8</sup> Mari mehne macaina sacerdotea marine mahanocã wapa naina mari yoaro seheta masa jira. Å jia yariahtinata jira tina cũhu. Ahriro Melquisede sehe Abrahãre mahanocã wapa nariro cjiro å catirucuriro yoaro sehe jira, mari piti dahre buhechu. To yariarore yahueraro, åta nino nia tiri jire Cohamacu yare ti joari pũi. <sup>9</sup> Mipũ macaina Leví panamana ji turiana sacerdotea jia, mahanocã wapa nana. Å jiina ti jipachũta Abrahã Melquisedere mahanocã wapa jipihtina Leví panamana ji turiana ya cjihti cũhure wabasaro sehe yoaro nia tiri jire. Å jia tina cũhu Melquisedere mahanocã wapaina yoaro sehe jira. <sup>10</sup> Melquisedere Abrahã to wapari pjare Leví sehe masa bajuerasinia tiri jire. Å masa bajuerasiniparota to ñuchũno cjiro Abrahã pjacũpu to jiboriro seheta Leví sehe ji tuhsũro nia tiri jire. Å jiro Melquisede Abrahãre to piti bocachu Leví cũhu to ñuchũno cjiro mehne jiro sehe jiro nia tiri jire. Å jia Leví, to panamana ji turiana mehne Melquisedere mahanocã wapaina yoaro sehe jia, tina to docai jia nia tiri jire.

<sup>11</sup> To dutiare cõno Cohamacu Levĩre to coyea cũhure sacerdotea ji dutia tiri jire. Å jia to dutia ti niriro seheta tina sacerdotea wahiquinare wajã jũ mũo, sinibasaa tiri jire Cohacũre masa ya cjihtire. Ti å yoari mehne mari yũhdũna, paio sacerdotere soro sehe jiriro sacerdotere cahma namoeraboia mari. Å jina paio sacerdotere cahmaja mari mipũre, Melquisede yoaro sehe jiriore. Leví ya curua macariro Aarõ cjiro yoaro sehe jiina sacerdoteare mipũre mari cahmaeraja. <sup>12</sup> Å jina sacerdotere mari cohtotana, marine dutia cũhure cohtotaro cahmana marine. (Sacerdotea ti yoadohoa mehne mari yũhdũeraro seheta tí dutia mehne mari yũhdũeraja. Å yoana tí dutiare cohtota pahũono cahmana marine.) <sup>13</sup> Aarõ, Leví cũhu ti ya curua macaina dihtare sacerdotea sãa duti muhtaa tiri jimare Cohamacu to dutiare cõno. To å dutipachũta mipũre mari puhtoro sacerdote to sõriro pa curua macariro jira. Tĩ curua macariro ne sacerdote jierasinare. <sup>14</sup> Tiro Cristo Juda ya curua macariro masa bajuari jire. Tĩre mari noano masija. Moise cjiro sehe sacerdotea sõno, Juda ya curua macainare ne cãiro sacerdote sõera tiri jire.

<sup>15</sup> Ahrire masina, õ sehe mari noano masija: Mipũre wahma to sõriro sacerdote Cristo Melquisede yoaro sehe jiriro jira. <sup>16</sup> Panopũ macaa dutia ti niriro seheta Leví ya curua macaina dihta sacerdotea sãari jire. Mipũre to sõriro sacerdote ti yoaro sehe jiriro sacerdote sãaerari jire. Tiro Cohamacu tuua mehne jipihtia dachoripe jiriro jira. Å jiro tí tuua mehne sacerdote sãari jire tiro. <sup>17</sup> Õ sehe nina Cohamacu yare ti joari pũi:

“Jipihtia dachoripe sacerdote jirucuihca m̄h̄h̄.

Melquisede sacerdote to jiro sehta sacerdote jirucuihca m̄h̄h̄, nia tiri jire Cohamacu to mac̄nore”,

ni joaa tiri jire panop̄. <sup>18</sup> To dutia to cū m̄htari dutiare masa ti bihoerach̄ yaba c̄ihtia jierari jire. ã jiro tí dutiare duti namoerari jire Cohamacu. <sup>19</sup> Moise cjirore to cūri dutia mehne ne ȳhd̄uerara masa. ã jiro mip̄ sehere Cohamacu marine to ȳhd̄uch̄ yoahtore marine cūre. To ã yoach̄ mip̄re tiro cahap̄ waha masija mari. ã yoa tiro mehne durucu masija.

<sup>20</sup> ã yoa Cristore sacerdote s̄ono, “Ȳh̄ wama mehne potocã nii nija”, nino tirore s̄ori jire to P̄c̄uro. Paina sacerdotiare tirore to yoariro sehe wama payo s̄erari jire. <sup>21</sup> Cristo sehe Cohamacu tuaro to yahuri mehne sacerdote s̄ari jire. Õ sehe nia tiri jire to P̄c̄uro Cristore:

“Ȳh̄h̄ m̄ p̄htoro ȳh̄ wama mehne m̄h̄re potocã yahuihtja.

Ahrire ne duhu cūno marieno yahuja m̄h̄re.

Jipihtia dachoripe sacerdote jirucuihca m̄h̄h̄”,

ni cūa tiri jire Cohamacu to mac̄nore. <sup>22</sup> ã “Ȳh̄ wama mehne potocã nii nija”, to nino mehne cūno, wahma buheare noaa buheare marine cūno, marine to ȳhd̄uch̄ yoahtire cūno nia tiri jire. Panop̄ macaa dutia ȳhd̄oro mari noano jihtore cūno nia tiri jire. ã cūno Cohamacu “M̄sare ȳhd̄uch̄ yoaihtja”, to niriro sehta yoaro taro, Jesure warocari jire marine ȳhd̄uch̄ yoahtiro c̄ihtore. <sup>23</sup> Ji m̄htaina sacerdotia ti yariach̄ ñ̄a paina cohtota s̄ana tjoa. ã jia tina paȳ sacerdotia wahara. <sup>24</sup> Jesu sehe ã jirucura. ã jia tirore cohtotaina mariahna sacerdotia. <sup>25</sup> ã jiro tiro ã jirucuro, Cohamacure ã sini payobasarucura to yaina ya c̄ihtire. ã yoa Cohamacu mehne ti ã jirucuhto sehe masare ȳhd̄uch̄ yoa masina tiro. Jipihtina tirore wacū tuaina Cohamacu cahap̄ wahaahca. ã jiro Jesu jira pototi tinare ȳhd̄uch̄ yoariro.

<sup>26</sup> ã jiro Jesu jira mari sacerdotia p̄htoa bui p̄htoro. Tiro pinihtare tuaro cahmaja mari. Ne ñ̄a buhiri marieriro jira tiro. Masa yoaro sehe ne ñ̄aare yoaerare. ã jiro Cohamacu tirore ñ̄aina cahai jirirore naahno, m̄anop̄ cū, jipihtina paina bui p̄htoro s̄ori jire. <sup>27</sup> Paina sacerdotia yoaro sehe jierara tiro. Tina sehe dachoripe wahiquinare wajã, j̄ m̄oa, Cohamacure sinia tihre. Ti basi ti ñ̄a yoari buhirire sini m̄htaa tihre. Baharo paina masa ti ñ̄a buhiri c̄h̄re sinibasaa tihre tina. ã jia paȳ tahari tina Cohamacure sinia tihre. Jesu sehe sacerdote jiro, cū tahata to yariaa mehne siniri jire Cohamacure masa ti ñ̄a buhirire cohãno taro. ã yariaro to basi to p̄jacure to catia c̄h̄re Cohamacure to waboriro sehta yoaro niri jire. <sup>28</sup> Cohamacu dutia Moise cjirore to cūri cjiri sacerdotia p̄htoare s̄a dutira. ã s̄apahta ñ̄a marieina jierara ã sacerdotia s̄a. Tí dutia baharo jia buhea mehne Cohamacu “Ȳh̄ wama mehne potocã nii nija”, to nino mehne to yahuri buhea mehne to mac̄no sacerdotia p̄htoro s̄ari jire. Tiro sehe ñ̄a marieriro ã jirucura.

## 8

*Cohamacu* “M̄sare ȳhd̄uch̄ yoaihtja”, ni cūha tjoa Moise cjirore to cūrire cohtotaro. Tíre yahubasariro jira Jesu

<sup>1</sup> Tí jipihtiare yahuna, ahri pinihtare m̄sare yahuna nija: M̄sare s̄a yahuriro sacerdotia p̄htoa bui p̄htoro tiro pini mari yairo waro jira. M̄anop̄ Cohamacu tua ȳhd̄uariro to p̄htoro dujuro cahai to poto b̄h̄sehei dujira Cristo mari sacerdotia p̄htoro. <sup>2</sup> ã jiro ahri yahpa macari w̄h̄i, masa ti yoari w̄h̄i sacerdotia dahraare yoaerara tiro. M̄anop̄ jiri w̄h̄p̄re mari p̄htoro to yoari w̄h̄p̄re sacerdotia dahraare yoara tiro. Tí w̄h̄h̄ pinihta Cohamacu waro ya w̄h̄h̄ jira.

<sup>3</sup> Jipihtina ahri yahpa macaina sacerdotia p̄htoa wahiquinare wajã j̄ m̄oa, wara, Cohamacure ñ̄o payoa. ãta yoa dutia tiri jire tinare. Mari yairo sacerdote c̄h̄re wa dutia tiri jire Cohamacure mari ñ̄o payohto sehe. Mari ñ̄a buhirire tirore wa dutia tiri jire. ã jiro Cristo mari ñ̄a buhiri yariaro wahchech̄ yoari jire Cohamacure sacerdotia

pũtoa Cohamacũre waa ti wahcheriro seheta. <sup>4</sup> Mari judio masa mari dutia ti niriro seheta ahri yahpapũ sacerdotia masa ti ñaa buhirire wara Cohamacũre sinia. Ahri yahpapũ sacerdotia ji tuhsũra. ã jiro Jesu sehe mari yairo sacerdotia ahri yahpapũ jisino, sacerdotia jieraboa tiro sehe. <sup>5</sup> Ahri yahpa macaina sacerdotia ti dahraare ahri yahpa macari wũhũhta dahrara. Tĩ wũhũ Cohamacũre ti ño payorire ñũna mũano macari wũhũpũre tirore mari ño payohtore masi cureja. “Tĩ wũhũ yoaro sehe jira”, nino nia tiri jire Cohamacũ tũcũi Moise cjirore to wũhũre dahre dutiro. To ã dahrehto panocã Cohamacũ õ sehe nia tiri jire tirore: “Tũcũi mũhũre yũ ñoriro seheta tĩ wũhũ to jiriro seheta yũ ya wũhũre quihõno dahrega”, nia tiri jire Cohamacũ tirore. <sup>6</sup> Mipũ sehere Jesu sacerdotia jiro to dahraa paina sacerdotia ya dahraa yũhdoro jira. Wiho waro jierara. Cohamacũ marine “Mũsare yũhdũchũ yoaihtja”, to ni yahuri cjirore panopũ macaa dutia Moise cjirore to cũri dutia yũhdoro jira. Marine to yahuri cjirore tĩ dutia yũhdoro marine noano jichũ yoahca. ã jiro marine Cohamacũre yũhdũchũ yoabasariro jiro, Cristo sehe paina sacerdotia yũhdoro jira.

<sup>7</sup> Wahmanopũre to dutiri cjirore mehne mari yũhdũeraja. Tĩ dutia mehne mari yũhdũchũ, paye buheare cũeraboa Cohamacũ. <sup>8</sup> Wiho mejeta tĩ dutiare ti yoa pahũno masieraire yahuro õ sehe nia tiri jire to yainare Israe masare:

“Õ sehe nina mari pũhtoro: ‘Noano tũhoga.

Baharopũ paye buheare “Õ sehe yoadohtia mũsare”, ni yahuihtja yũ yainare Israe masare, Juda ya curua macaina cũhũre.

<sup>9</sup> Tĩ buhea ti ñũchũsũma cjirore yũ yahu cũri cjirore yoaro sehe ne jisi.

Yũ basi tinare Egipto yahpai jiinare na wiocũ tinare yahumai.

Yũ ã ni yahurire yũhdũrũcare tina.

Tĩ ã yoachũ ñũcũ tinare ã ñũnocahi.

<sup>10</sup> ã jicũ baharopũ Israe masare õ sehe ni yahuihtja: Yũ dutiare tinare wacũchũ yoaihtja.

ã jia yũ dutiare yũhtiaha.

ã jicũ yũhũ Cohamacũ ti pũhtoro, tinare ñũ wihboriro jiihtja.

Tina sehe yũ yaina masa jiaha.

<sup>11</sup> ã jia tĩ pũare tina mehne macainare ne tina õ sehe cahma nisi: “Mari pũhtoro Cohamacũre masiga mũsa”, ne ni cahma buhesi.

Tina jipihtina yũhũre masi tuhsũahca.

Wihãinacã, bũcũna cũhũ yũhũre masiina dihta jiaha.

<sup>12</sup> ã jicũ ti ñaa yoari buhirire boihca yũhũ.

Tinare buhiri dahresi yũhũ.

Tĩ ñaa yoari buhirire pari turi wacũsi yũhũ’, nia tiri jire mari pũhtoro”,

nina Cohamacũ yare tĩ joari pũi. <sup>13</sup> Mipũre marine wahma buheare cũno, panopũ macaa dutiare duhuro nire. ã yoa mũna dutia cjirore mahanocã to duhuri baharo tĩ dutia cjirore cohtotaa wahara.

## 9

*Ahri yahpa macari tahtiare mũano macari tahtia cũhũre Cohamacũre ño payori tahtiare yahuha*

<sup>1</sup> Wahmanore Cohamacũ to dutiare Moise cjirore cũno masa tirore dohse ti ño payohto cũhũre cũa tiri jire. ã yoa Cohamacũre ti ño payohti wũhũ cũhũre yoa dutiro cũa tiri jire.

<sup>2</sup> Tĩ wũhũ wahiquina cahsari wũhũ jia tiri jire. Pũa tahtia cjuaa tiri jire. Pjiwacũri tahtia ti sãa sũ mũhtari tahtia Cohamacũ ya tahtia wama tia tiri jire. Tĩ tahtiai ti sihã buhriada jia tiri jire. ã jiro mesa cũhũ jia tiri jire. Tĩ mesa bui Cohamacũre ti wari pão pisaa tiri jire. <sup>3</sup> Pa tahtia suhti cahsari mehne ti dũcatari tahtia jia tiri jire. Tĩ tahtia Cohamacũ to jiri tahtia waro wama tia tiri jire. <sup>4</sup> Tĩ tahtiai uru mehne ti yoari altar, inciensore ti jũ mũori altar jia tiri jire. ã yoa uru noaa mehne ti duhu õri caro tĩ coãa tiri jire. Tĩ caro puhichapũ uru wahwa manã wama tia chũa posa tiri wahwa jia tiri jire. ã jiro tĩ caro

puhichapũ Aarõ to tjuadu cjiro pũri tidũ jia tiri jire. ã yoa pũa pjĩ tãa pjĩni Cohamacũ to dutiare to joa õa pjĩni cũhũ tí caro puhichapũ sãa tiri jire. <sup>5</sup>Tí caro bui pũaro anjoa masu jia tiri jire. Tí masu Cohamacũ to si siteare, tí tahtiai to jiare ñoa nia tiri jire. Tí caro mohano bui ti wũa dũpũri mehne mohaa tiri jire. Tí caro mohano bui masa ñaa buhirire ti warire wajã site payoa tia tiri jire sacerdotea pũhoro. Tó purota yahuihtja ahri wũhũ macaare mipũre.

<sup>6</sup> ã yoa tí wũhũre ti noano cahnoru baharo sacerdotea dachoripe ti sãa su muhtari tahtiai sãa su, ti dahraare yoaa tia tiri jire. <sup>7</sup> Sacerdotea pũhoro bui pũhoro dihta pa tahtiapũ sãa tiri jire. Cũhmaripe cũ tahata to sãari dacho baroihta sãa tiri jire tiro. ã sãano ti wajãriro wahiquiro ti wariro dire na sãano, Cohamacũre ño payoa tiri jire. Di marieno ne sãaera tiri jire. To basi wacũenoca to yoari buhirire, to ñaa buhirire, jipihtina paina Israe masa wacũenoca ti yoari buhirire, ti ñaa buhirire dire na sãa tiri jire tiro Cohamacũre sini payoro taro. <sup>8</sup> Jipihtia ahri mehne Espĩritu Santo õ sehe ni marine buhero nina: Tí wũhũ Moise cjirore to cũri wũhũ mari ño payosinina, to cũri dutiare yoahina jisina, wiho jiina Cohamacũre ño payona wahaeraboa mari. Sacerdotea pũhoro bui pũhoro dihta Cohamacũ to jiri tahtia waropũ sãa masina. ã jina wiho jiina ti ño payoa wahaeraro seheta ãta jiboa mari cũhũ Moise cjirore to cũri dutiare cjũasinina. <sup>9</sup> Ahri jipihtiare Cohamacũre ño payori wũhũpũ jiare marine cũno, marine mipũ macainare buhero niri jire Cohamacũ. Wahiquinare wajã jũ mũoa, masa Cohamacũre ti ño payori mehne ne Cohamacũ cahapũ wahasi. Ti ã yoari mehne ti ñaa yoari buhirire cosawerara. <sup>10</sup> ã wahiquinare waa, ti chũa, ti sihnia, ti pjacũ cosaa, ti õ sehe yoaa mehne Cohamacũre ño payoa timari jire. Ahri ti ã yoari wiho warota jira mipũre. ã yoa tí dutia Moise cjirore to cũri dutia marine noaina wahachũ yoerari jire. Tí dutiare yoapanahũ mũnanota jirucunocaja mari. Mari tũhotuare cohotaeraja mari. ã jia wahma buheare Cohamacũ to cũri baharo mũna dutia sehe yaba cjihti jierara.

<sup>11</sup> Cristo sehe mari sacerdotea pũhoro jiro ta tuhsũri jire. ã jiro marine noaare cũ tuhsũri jire. Cohamacũre ño payori wũhũ mũanopũ sacerdotea pũhoro to dahrari wũhũ paina sacerdotea ti dahraa wũhũse yũhdoro noari wũhũ jira. Mũano macari wũhũ jira. Tí wũhũ ahri yahpa macari wũhũ jierara. ã yoa masa ti yoari wũhũ jierara.

<sup>12</sup> Cristo mũanopũ Cohamacũ to jiro waropũ cũ tahata sãari jire mari ñaare yoari buhirire Cohamacũre waro sehe yoaro taro. Tópũ mũanopũ õpũ to jiri tahtia waro yoaro sehe jira mari piti dahre buhechũ. ã yoaro cabrito dire, wachũacã dire na sãa, waerari jire tiro. Tiro sehe to ya di warore Cohamacũre to waro sehe yoaro niri jire yariaro. Jipihtia dachoripe Cohamacũ mehne mari jirucuhto sehe to dire cohãri jire. Mari ñaa buhirire yariari jire. <sup>13</sup> “Yariainare pihana mũsa pjacũ wete tiina jira”, ni cũa tiri jire Cohamacũ Moise cjirore. Tó sehe jia ñaare wete tiare cosawea tiri jire cabrito dire ti wari mehne. Wachũa dire ti wari mehne, wachũacãre ti jũri nitine ti wari mehne tó sehe jia ñaare cosawea tiri jire. <sup>14</sup> Tó sehe jia ñaare wahiquina dire ti wari mehne, nitine ti wari mehne ti cosaweriro seheta tí yũhdoro Cristo sehe to dire to cohãno mehne mari ñaare yoarire noano cosawe pahũnocahna. Tiro ñaa marieriro jiro, crusapũ yariaro to basita to pjacũ to catia mehne Cohamacũre waro sehe yoari jire. Espĩritu Santo ã jirucuriro to yoadohoa mehne ã yoari jire tiro. ã yoa mari ñaa yoari buhirire Cristo to cosawechũ ñũno mari ñaa buhirire Cohamacũ bonocahno, mari ñaa yoarire duhuchũ yoara. Tí ñaa buhirire cjũasinina pichacapũ wahahtina jimai mari. To cosawerina jina, Cohamacũ catiriro yare yoaina jija mari.

<sup>15</sup> ã jiro “Õ sehe mũsare yũhdũchũ yoaihtja”, masare Cohamacũ to ni yahu cũchũ Cristo sehe to yahuaare yahubasariro jira. ã yahubasara tiro Cohamacũ to beserinare yũhdũchũ yoaro taro. To ã yũhdũchũ yoachũ jipihtia dachoripe tiro mehne jirucunahca mari to yaina. ã jina mari to yainare Cohamacũ to wahtire cjũanahca mari. Moise cjirore to cũri dutia dihta jichũ masa ti ñaa buhiri jisina tiri jire. ã yoa crusapũ yariaro tí pjata ti ñaa yoari buhirire yũhdũchũ yoari jire tiro to yainare. <sup>16-17</sup> Masũno baharo to coyeare

to wahtire joa ðyura papera pūi. To wahtire yahuro taro joa ðyura. Tí pūre joa ðyuriro to yariaerasinichu tí pū yaba cjihti jierara. To coyeya to cjuarire na masierasinina. Wiho mejeta, to yariachu ñua tí pūi to ni joariro seheta to yare naahca tina. <sup>18</sup> To yariahto pano tí pū to yaba cjihti jieraro seheta yariaro marieno di wijaro marieno Cohamacu Moise cjirore to cūri dutia cūhu ne yaba cjihti jieraboa. Ā jiro wahiquiro dire sacerdote to wajā siteri baharo to dutiare quihōnota yoaro nia tiri jire. <sup>19</sup> Ā yoaro ò sehe yoa mūhtaa tiri jire Moise cjiro: Cohamacu to cūri dutiare masare yahu pahñoa tiri jire. Baharo wachuacā dire, cabritoa dire co mehne morea tiri jire. Tuhsu, hisopo wama tidu dupu mehne oveja pjoari sohāa mehne ti ñimiori pjoarire torēa tiri jire. Tí dupu mehne dire soharo, Cohamacu dutiare to joari tju bui wajā site payoa tiri jire. Jipihtina masa bui cūhure wajā site payoa tiri jire. <sup>20</sup> Ā yoaro ò sehe nia tiri jire tiro: “Cohamacu marine to yahuri cjiri to dutiri cjiri ahri di mehne ti potocā jichu masija mari. Ahri dire ñuna to niriro seheta marine to yoahire masija mari. Tí dutiri cjirire yuhti dutiri jire tiro marine”, nia tiri jire Moise cjiro. <sup>21</sup> Ā yoaro masare to yoariro seheta Cohamacure ti ño payori wuhu wahiquina cahsari wuhure, jipihtia tí wuhui jia cūhure wajā sitea tiri jire. <sup>22</sup> Ā tjira. To dutia ti niriro seheta payu ñaare di cohāno mehne cosawero cahmana. Mahanocā dūhsaa ñaare paye baro mehne ti cosawechu noana. Ā jiro Cohamacu mari ñaa yoari buhirire ne bosu to di cohāerachu.

*Cristo to dire cohāno, to yaina ti ñaa yoari buhirire cosaweha*

<sup>23</sup> Tí jipihtia Cohamacure ti ño payori wuhu, tí wuhui jia cūhu mūano macari wuhui jia yoaro seheta jiri jire mari piti dahre buhechu. Mūano macari wuhu sehe potocāta Cohamacu ya wuhu waro jira. Ā jia ahri yahpa macari wuhure, tí wuhui jia cūhure wahiquina dire to wajā siteri mehne cosawero cahmari jire. Tí yuhdoro mūanopu wahahtinare ti ñaa buhiri cjuainare cosawero cahmana. Ā jiro wahiquina yuhdoro jiriro ya di to cohāno mehne tinare ti ñaa yoari buhirire cosawero cahmana. <sup>24</sup> Ā yoa Cohamacure ti ño payori wuhu masa ti yoari wuhu jira. Mūano macari wuhu yoaro seheta jira tí wuhu cūhu, mari piti dahre buhechu. Ā jiro Cristo sacerdote jiro marine sini payobasaro taro ahri yahpa macari wuhure sāaerari jire. Potota mūanopu wahari jire tiro Cohamacu panoi marine sini payobasaro taro. <sup>25</sup> Mari judio masa mari sacerdotea puhto bui puhtoro cūhmaripe Cohamacu to jiri tahtia waropu sāa tiri jire wahiquina dire waro taro. Cristo sehe to dire Cohamacure waro sehe yoaro taro, yariaro payu tahari sāaerari jire. <sup>26</sup> Payu tahari yariariro jiro, ahri yahpa to jiro puro payu tahari yariaboa tiro. Payu tahari tiro mari ñaa buhirire yariarucuriro jiboa. Wiho mejeta pihtiri dacho panocā mipure marine jipihtinare yuhduchu yoaro taro cū tahata bajuari jire tiro ahri yahpai. Ā bajuari jire to yariaa mehne mari ñaa buhirire cohāno taro. <sup>27</sup> Jipihtina masa cū tahata yariaahca. Ti ña yariari baharo masa noinare, ñaina cūhure beserohca Cohamacu. <sup>28</sup> Cū tahata mari yariaro seheta Cristo cūhu cū tahata yariari jire payu masa ti ñaa yoari buhirire cohāno taro. Baharo pari turi tarohca. Mari ñaa yoari buhirire cohā tuhsuriropu jirohca. Ā jiro pari turi mari ñaa yoari buhirire cohāno taro nisi. Ā taro tirore cohtainare wahchea mehne tirore ñu duainare yuhduchu yoaro tarohca.

## 10

<sup>1</sup> Cohamacu to dutia Moise cjirore to cūri cjiri noaa buhea yoaro seheta jipahta, cūno potori jierara. Tí dutia ti yoa dutiriro seheta cūhmaripe wahiquinare wajā, jū mūo, Cohamacure ño payorucura. Ti ña yoa mehne masa ti ñaa yoari buhirire cohāerara. <sup>2</sup> Tí mehne ti ñaa yoari buhirire cohāa, cū tahata Cohamacure ti ño payori baharo “Mipure ñaa buhiri mariahna sāre”, ni tuhotuboa masa. Ā jia pari turi wahiquinare wajā jū mūo Cohamacure ño payoeraboa. Ti ña yoirire duhunocaboa. <sup>3</sup> Cūhmaripe wahiquinare wajā jū mūo, Cohamacure ti ño payochu tí tinare ti ñaa yoari buhirire wacūchu yoara. Tó purocāta yoadoho duara tí tinare. <sup>4</sup> Wachua di mehne mari ño payori mehne, cabritoa di mehne mari ño payori mehne ne mari ñaa yoari buhirire cohāerara.



<sup>5</sup> Tí potocāta jira. Ti ā jichu ñno Cristo ahri yahparure to tahto pano ò sehe nia tiri jire Cohamacure:

“Wahiquinare jū m̄o ti wachu, trigo pohcare ti wachu cūhure m̄hu ñcu ñu ji coerara m̄hu.

Ā jicu yu p̄acure yoare m̄hu yu ya p̄acu cjihtore.

<sup>6</sup> Ñaa yoari buhirire ti cohāhtore wahiquinare wajā ti jū m̄ochu ñcu ñu ji coerara m̄hu.

<sup>7</sup> M̄u ā ñu ji coerachu ñcu ò sehe nihi m̄hure:

‘Ōi jija. M̄u cahmano seheta yahparu yoai wahaihtja.

Āta yuhure ni yahura m̄u ya t̄juru’, nihi yuh’,

nia tiri jire Cristo to P̄ucurore. <sup>8</sup> “Wahiquinare jū m̄o ti wachu ñcu, trigo pohcare ti wachu cūhure ñcu ñu ji coerara m̄hu”, ni yahu m̄hta tiri jire tiro. Wahmanopure to dutia wahiquinare, trigo pohca cūhure ti waa mehne ti ño payo dutipachuta ā nia tiri jire tiro. <sup>9</sup> Ā ni tuhsu ò sehe ni namoa tiri jire: “Ōi jija. M̄u cahmano seheta yahparu yoai wahaihtja”, nia tiri jire. To ā nichu ò sehe masija mari. Panopu wahiquinare wajā jū m̄oa mehne ti ño payori c̄jirire duhuchu yoaro paye buhea sehere cūno niri jire Cohamacu. Ā cūno mipure Cristo to yariaro mehne masare yuhd̄uchu yoarohca Cohamacu. <sup>10</sup> Jesucristo to p̄acure waro, yariaro, j̄pihtina mari to yainare mari ñaa buhirire cohāri jire. Cū tahata to p̄acure wari jire mari ñaa yoari buhirire cohāno taro. Ā yoaro Cohamacu to cahmano seheta yoaro niri jire.

<sup>11</sup> J̄pihtina mari judio masa mari yaina sacerdotia dachoripe Cohamacure ño payori w̄h̄ni dahrarucura. Ā dahrarucua dachoripe m̄nanota wahiquinare wajā, jū m̄o, Cohamacure sinirucura. Ti ā wajā jū m̄opachuta tí mari ñano yoari buhirire ne cohāerara. <sup>12</sup> Cristo sehe cū tahata mari ñaa yoari buhirire yariaro, mari ñaa yoari buhirire noano cohā pah̄onocari jire. Tíre cohā tuhsu wahaa wahari jire to P̄ucuro cahapu to poto buhusehei dujuro waharo. P̄htoro jiro t̄opu dujira. <sup>13</sup> T̄opu dujuro cohtaro nina. Tirore ñu tuhtiinare Cohamacu sehe to yuhd̄urucabasah̄tore cohtaro nina Cristo. <sup>14</sup> Ā jiro cū tahata to yariaro mehne ti ñaa yoari buhirire to cohābasarinare ñaa buhiri marieina ti ā jirucuchu yoara tiro. <sup>15</sup> Tí potocā tjira. Āta ni yahura Espiritu Santo marine. Ō sehe ni yahura tiro:

<sup>16</sup> “Ō sehe nina Cohamacu: ‘Baharopure ò sehe ni yahuihtja Israe masare, “Yu dutiare ti wac̄iapu cūihtja”’, ni yahuihtja”,

nina tiro. <sup>17</sup> Ō sehe ni namona Cohamacu:

“Ti ñaa yoari buhirire yu dutiare ti yuhd̄urucari cūhure pari turi wacū namosi yuh’, nina tiro”,

ni yahura Espiritu Santo. <sup>18</sup> Mari ñaa yoari buhirire to ā bochu pari turi mari ñaa yoari buhiri yariahtirore cahmaeraja mari.

**Cohamacu** cahai suna cuiro marieno tiro mehne mari durucuboriro seheta tiro mehne durucu masija mipure

<sup>19</sup> Ā jina yu coyera Cristo to yariaro mehne to di cohāno mehne mipure mari cūhu cuiro marieno Cohamacu to jiri tahtia waropu sāana, tiro mehne durucu masija. Ā yoana tirore sini masija. <sup>20</sup> Mari catirucuhto c̄jhtore Cohamacu marine ā coā yoaro niri jire. Cristo sehe mari ñaare yoari buhirire yariaro to di cohāri mehne Cohamacu mehne durucu masija mari. Sacerdotia p̄htoa bui p̄htoro tí tahtiapu to s̄ariro seheta Cristo sehe Cohamacu cahapu s̄ari jire mari ñaa yoari buhirire bo dutiro waharo. Tí tahtia macari suhtirore d̄catari suhtirore to t̄hr̄e cohāboro seheta Cristo to p̄acure cohāri jire Cohamacu mehne mari jirucuhto sehe. <sup>21</sup> Ā jiro Cohamacu ya w̄h̄ni dahraruro mari Yairo Sacerdote tua yuhd̄ururo jira tiro. <sup>22</sup> Ā jina Cohamacure sinijihna mah̄ono marieno. Tirore noano wacū tuua mehne, cuiro marieno tirore sinijihna. Cristo mari ñaa yoari buhirire to cosaweinapu jija. Ā jina “Buhiri tiina jija mari”, ni t̄hotuina jieraja mari. Ā yoa wete mariea co mehne mari cosawero seheta Cristo to cosaweinapu

jija. Ā jiina jina Cohamacure sinijihna. <sup>23</sup> “Mūsare yūhdūchū yoaihtja”, to niriro seheta yoarohca. Ā jina tiro marine to yūhdūchū yoaktore noano masija mari. Tíre masina, ne boena tjijihna. Cohamacure ā wacū tuarucujihna. <sup>24</sup> Mari mehne macainare cahīna, tinare yoadohojihna mari jipihtina mari cahma cahī yoadohohto sehe. <sup>25</sup> Ā jina noano cahmachurucujihna Cohamacū yare yoana tana. Paina sehe ti cahmachumaritore duhua nina. Tina yoaro sehe yoaena tjijihna. Mari mehne macainare wahchechū yoajihna. Ahri yahpapure mari puhtoro to tahto mahanocā dūhsara. Tíre masina tuaro wahchechū yoajihna mari mehne macainare Jesu yainare.

<sup>26</sup> Potocā jia buheare noaa buheare mari masipanahta űaare mari pari turi ā yoarucuchū mari űaa yoari buhirire cosawe namohto basioerara. <sup>27</sup> Ā jiro tó sehe yoainare cua nina. Jipihtina tirore űū tuhtiinare buhiri dahrero, tuaro jūnoi cohānohca Cohamacū tinare. Ā jia to buhiri dahretore cuiina dihta jimana tirore duhuina. <sup>28</sup> Cohamacū dutia Moise cjirore to cūri cjirore yūhdūrcainare buhiri dahrea, mari coyea judio masa wajāna tinare. Ne pja űūno marieno wajāna tinare. Tiaro ti yahusāchū tuhoru beseriro ti yūhdūrcarire masino tinare buhiri dahre dutira. Tiaro mariachū puaro ti yahusāchū tinare buhiri dahre dutira. To ā dutichū tinare wajāna. <sup>29</sup> Tí yūhdoro Cohamacū macūnore űū yabiina to buhiri dahretina jiahca. Cohamacū Cristo to di cohāno mehne mari űaa yoari buhirire cohāna. To ā cohāntore yahuri jire tiro marine. Ā jia tina ti űaa yoari buhirire cohārina jipahta baharo pari turi űaare yoarucua ti űaa yoari buhirire to cohārire to di cūhūre “Wiho waro jira”, nia nina. Ā niina, to buhiri dahretina waro jia niahca. Ā niina Espíritu Santore űūno ni durucuina jira. Tiro tinare cahīro jira. Ti ā űūno durucuchū űūno tuaro buhiri dahrerohca Cohamacū tinare. <sup>30</sup> Ahrire mari noano masija. Cohamacū to basita ō sehe nia tiri jire: “Yūhū jija buhiri dahretiro. Ti űaare yoari buhiri buhiri dahrehtja yūhū”, nia tiri jire tiro. Ō sehe ni namoa tiri jire: “Yūhū űūno yoainare yū yainare buhiri dahrehtja”, nia tiri jire tiro. <sup>31</sup> Cohamacū catiriro marine to buhiri dahrechū cua yūhdūara.

<sup>32</sup> Panopū mūsa jirire wacūga mūsa. Tí pjare Cohamacū yare wahma masi dūcana payū tahari űūno yūhdūpanahta to yare duhuerare mūsa. <sup>33</sup> Cāa tahari masa ti űūrocaroi paina mūsare űūno ni, űūno yoapere mūsare. Paina Jesu yainare ti űūno yoachū űūna, tinare pja űū, tinare piti tire. <sup>34</sup> Ti peresu yoainare pja űūre mūsa. Tuhsū, mūsa yare ti mapachūta wahchea mehne, “Noanohca”, nire mūsa. Ahri yahpa macaa yūhdoro noaare cūara mūsa mūanopū. Tí noaa ā jirucuahca. Tíre masina, mūsa cūaare ti machū cahyaerare mūsa. <sup>35</sup> Ā jina cuiena tjiga. Cohamacure ā wacū tuarucuga. Mūsa ā yoachū űūno tiro noano yoarohca mūsare. <sup>36</sup> Cohamacū “Mūsare ō sehe yoadohoihtja”, to ni cūrire noano cohtaga mūsa űūno yūhdūpanahta. Ā cohtaina jina to cahmaare yoanahca mūsa. Ā yoana to ni cūrire cūanahca. <sup>37</sup> Ō sehe nina Cohamacū yare ti joari pūi:

“Mahanocā dūhsara Cristo to wihito.

Ā taro dói wihi bahrañonohca.

<sup>38</sup> Yū yaina noaina sehe yūhūre wacū tuarucuahca.

Ā yoaa yaina jirucuahca.

Yūhū mehne ā jirucuahca.

Yū yare cohāina sehere űū yabija yūhū”,

nia tiri jire to ya durucua ti joari pūi. <sup>39</sup> Mari sehe Cohamacū yare cohāina jieraja mari. Ā jina pichacapū wahahtina jieraja mari. Cohamacure wacū tuaja mari. Ā jina to yūhdūchū yoaina jija.

## 11

### *Wacū tuaare yahuha*

<sup>1</sup> Ō sehe jira wacū tuaa: Cohamacure wacū tuana, marine to noano yoaktore noano masija mari. Cohamacū to niriro seheta to yoaerasinipachūta to yahuaire “Potocā tjira”, ni tuhotuja mari tirore wacū tuana. Tirore űūerapanahta, tirore wacū tuana, “Potocā

tjira”, ni tūhotuja mari to yahuare tūhona. <sup>2</sup> Panopu macaina Cohamacure ti wacū tuachu ñuno ñu ji coaa tiri jire tiro sehe.

<sup>3</sup> Cohamacu to durucua mehne jipihtiare bajuamehnea tiri jire. Ñ jiro tiro mari ñuerari mehne jipihtia mari mipu ñuare bajuamehnea tiri jire. Tíre mari noano masija Cohamacure wacū tuana pinihta.

<sup>4</sup> Cohamacure wacū tuaro Abe sehe corderore wajã, jũ m̄uo, Cohamacure ño payoro “Noana”, nia tiri jire. To wahmino Caĩ yūhdoro noanore waro, ño payoa tiri jire tiro Cohamacure. Ñ jiro Cohamacu to warire wahchea tiri jire. Ñ wahchero “Noariro jira”, ni ñua tiri jire tiro Abere. Ñ Cohamacure to wacū tuachu ñuna mari tirore ñu cūja. To yariari baharo jipachuta to wacū tuarire ñu cūja mari.

<sup>5</sup> Enoco Cohamacure to wacū tuachu ñuno wahchea tiri jire Cohamacu. Ñ wahchero tirore to cahapu na m̄uo tiri jire. Āta nina Cohamacu yare ti joari pūi. To na m̄uori baharo ne masa tirore bocaera tiri jire. To na m̄uoriro jiro ne yariaera tiri jire. <sup>6</sup> Cohamacure wacū tuaerana, tirore wahchechu yoa masieraja mari. Cohamacure wacū tuaerana, tirore ño payo masieraja mari. “Potocãta tiro Cohamacu warota jira. Ñ jiro tirore mari ño payochu marine noano yoara tiro”, mari ni tūhotuerana tirore sini masieraja mari.

<sup>7</sup> Noé Cohamacure wacū tuaro, tirore to yahurire noano yūhtia tiri jire. Baharopu ti ñano wahahtore to yahuchu tūhoro noano yūhtia tiri jire tiro. Ñ yūhtiro, pjiria dohoriare yoaa tiri jire. Ñ yoa tia dohoria mehne tiro to coyea mehne dia mininore yūhdua tiri jire. Ñ wacū tuariro jiro ahri yahpa macaina ñaina ti wacū tuaerarire ti pichacapu ti wahahto cūhure ñono nia tiri jire. Ñ jiro to wacū tuachu ñuno “Noariro jira”, ni ñua tiri jire Cohamacu tirore.

<sup>8</sup> Abrahã cjiro cūhu Cohamacure wacū tuaro tirore yūhtia tiri jire. Pa dihtapure tirore to wahti dihtapure Cohamacu to waha dutichu tūhoro Abrahã yūhtia tiri jire. To ya dihtai jirirowijaa waharo, to masierari dihtapu sua tiri jire. <sup>9</sup> “Ahri dihtare mūhure waihtja”, Cohamacu to nichu tūhoro tirore wacū tuaro tí dihtaihta tjuaa tiri jire tiro. Tóí jiro pa dihta macariro jiparota tóíhta tjuanocaa tiri jire. Tirore, to macuno Isaa cūhure to panamino Jacobo cūhure tina cañare “Ahri dihtare mūsare waihtja”, ni yahua tiri jire Cohamacu sehe. Ñ jia tina tí dihtai jia, wahiquina cahsari wūhusei jia tiri jire mūnana jieraina jia. <sup>10</sup> Tóí jisinia tiri jire Abrahã Cohamacu mehne to jiltore cohtaro. Pa macapu Cohamacu to jiri macapu mūanopu to wahahtore cohtaro nia tiri jire tiro. Tí macare dahrea tiri jire Cohamacu. Ñ jiro tí maca ne pihtisi.

<sup>11</sup> Cohamacure wacū tuaro Abrahã cjiro b̄ucuro waro jiparota, to namono Sara mehne pohna tia tiri jire. To namono pohna marienicoro to jipachuta, “To niriro seheta yorohca”, Cohamacure nino, tirore wacū tuaro pohna tia tiri jire Abrahã. <sup>12</sup> Ñ jiro Abrahã b̄ucuro waro jiparota pohna tia tiri jire. Ñ jia to panamana ji turianapu payu wahanocari jire. Ñahpichoha perire, padu pohcaricã cūhure mari quihõna bihoeraro seheta to panamana ji turiana cūhure quihõna bihoeraja mari.

<sup>13</sup> Jipihtina ahri na yu yahuina cjiropu Cohamacure wacū tua tuhsuinapu yariaa tiri jire. Cohamacu tinare “Mūsare waihtja”, to ni quihõ cūrirore s̄erapahta yariaa tiri jire. Tíre ñahaerapahta Cohamacu to niriro seheta yoari pja baharopu ti c̄uahtire masia tiri jire. Ñ masia wahchea tiri jire. Ñ jia õ sehe nia tiri jire tina: “Ahri yahpai tiniina jija. Pa yahpa macaina jija”, nia tiri jire tina. <sup>14</sup> Tóí sehe niina pa yahpare ti ya yahpa c̄ihtore cohtaa nina. Tíre mari noano masija. <sup>15</sup> “Pa yahpa macaina jira”, nicu panopu ti cohãri yahpare nicu nieraja. Pa yahpapu ti ji mūhtari yahpapu waha duaa, wahaboa. <sup>16</sup> Noa yūhduari yahpa sehere cahmaa nia tiri jire. Tí yahpa mūanopu jira. Ti ã cahmachu ñuno “Cohamacu sã pūhtoro jira”, ti nichu tūhoro b̄uo tierara Cohamacu. Ti ya maca c̄ihtore dahrebasa tuhsua tiri jire tiro.

<sup>17-18</sup> Cohamacu Abrahãre to macunore Isaare wajã jũ m̄uo dutia tiri jire. Tirore ñu duaro ã dutia tiri jire, “¿Potocãta yūhure wacū tuajari?” nino. Cohamacure wacū tuaro to

niriro seheta yoaa tiri jimare Abrahã. “Mũ macũ Isaa mehne mũ panamana ji turiainare payũ cjuaihca mũhũ”, Cohamacũ to niriro jipachũta to macũnore wajãno taro nia tiri jimare Cohamacũre ño payoro taro. <sup>19</sup> “Yũ macũ Isaare yũ wajãchũ Cohamacũ tirore masonohca”, ni tũhoturo tirore wajãno taro nia tiri jimare. ã niriro jiparota Cohamacũ tirore dũcata, wajã dutiera tiri jire. To pũcũro to ã wajãboriro jiro, masariro yoaro sehe jia tiri jire Isaa, Abrahã to ñũchũ. ã jiro Abrahã tirore catirirore pari turi cjuaa tiri jire.

<sup>20</sup> Isaa Cohamacũre wacũ tuaro, to pohñare Jacobore, Esaú cũhũre “Baharopũ Cohamacũ mũsare pjĩro noano yoarohca”, nia tiri jire. <sup>21</sup> Cohamacũre wacũ tuaro Jacobo to yariahto panocã José pohñare, mũare “Cohamacũ mũsare pjĩro noano yoarohca”, nia tiri jire Jacobo. Na tuhcuca caha sũ, to tjuadũ mehne tjua ñaha caha sũ, Cohamacũre ño payoro, “Cohamacũ mũsare noano yoarohca”, ni cũa tiri jire. <sup>22</sup> Cohamacũre wacũ tuaro José to yariahto panocã Israe masa Egiptoĩ jiina ti wijaahore yahuyua tiri jire. ã ti wijaahore masiyuro to yariari baharo to pjacũ cjirore naa dutia tiri jire to pohñare.

<sup>23</sup> Cohamacũre wacũ tuua, Moiscãre tia sũ waro nũo cjuaa tiri jire to pũcũsuma, to masa bajuari baharo. Noarirocã to jichũ ñũa tirocãre nũoa tiri jire. Tĩ yahpa macaina bui pũhoro ti pohñare to wajã dutirore yũhdũrucanocaa tiri jire tina. Tirore cuiera tiri jire. <sup>24</sup> Moise cjirore bũcũoricoro Egipto yahpa macaina bui pũhoro macono jia tiri jire. ã to bũcũoriro jiro Cohamacũre wacũ tuaro “Ticoro macũno”, tirore ti ni pisuchũ cahmaera tiri jire Moise. <sup>25</sup> Cohamacũre yũhdũrucariro jiro tirore bũcũoricoro cahapũ mahaa nũmũricã noano jiboa. ã jiboriro jiparota tĩ yũhdoro tiro Cohamacũ yaina mehne ñano yũhdũ duaa tiri jire. <sup>26</sup> ã ñano yũhdũro Cristore ti bũjũpehto seheta ti bũjũperiro jia tiri jire. Baharopũ to noano yoari wapa Cohamacũ tirore to noano yoahore masino ñano yũhdũ duaa tiri jire Cristo to ñano yũhdũhto seheta. Jipihtina Egipto macaina ti noare ti cjuaro yũhdoro tiro Cohamacũ sehere tuaro cahmaa tiri jire. Ñano yũhdũparota, Cohamacũre cahmaa tiri jire. <sup>27</sup> Cohamacũre wacũ tuaro, Egipto macaina bui pũhoro tiro mehne to suachũ cuieraa tiri jire Moise. ã cuieraro tĩ yahpai jiro tĩ yahpare cohã wahcãa wahaa tiri jire. ã waharo Cohamacũre bajuerarirore to ñũboriro seheta cuierariro jia tiri jire. Cohamacũ tirore to yoa dutirire ne duhuera tiri jire Moise cjiro.

<sup>28</sup> Cohamacũre wacũ tuaro Moise cjiro Israe masare Cohamacũ to yũhdũchũ yoahore masia tiri jire. ã masino Cohamacũ to dutiriro seheta Israe masa ti sopacarire ða pjĩnine ði mehne wajã site dutia tiri jire tiro. Ti ã yoachũ ñũno anjo masare wajãriro ti masa wahmisũmare wajãboriro Israe masa ti wahmisũmare wajãera tiri jire. <sup>29</sup> Cohamacũre wacũ tuua, Israe masa “Sohãri ma”, ti niri mapũ co watoi jiri wahsai co marieni wahsai wahaa wahaa tiri jire. Ti ã wahachũ ñũa Egipto macaina cũhũ tinare ñũ cũ, nũnũ ti wahcãmaa, mini yariaa wahaa tiri jire.

<sup>30</sup> Cohamacũre wacũ tuua Israe masa Jericó wama tiri maca macari sahrĩno tãa mehne ti yoari sahrĩno sũ bũtiri sahrĩno baharo bũhũsehei soroa majarea tiri jire. Siete dachori waro tĩ macare soroa tinia tiri jire. Tópe dachori ti soroa tiniri baharo tĩ sahrĩno sehte bora pihtia wahaa tiri jire. <sup>31</sup> Cohamacũre wacũ tuaro tó pano mũa mehne ñano yoarucuricoro cjiro Rahab wama tiricoro, tĩ maca macaricoro Israe masare yoadohoa tiri jire. Tĩ macare ti cohãhto pano mahainacã Israe masa tórpũ sãa ti duhti ñũchũ ticoro tinare yoadohoa tiri jire. To ã yoadohochũ ñũa Israe masa wajãera tiri jire ticorore. Tĩ maca macainare Cohamacũre yũhdũrucainare wajãpahta ticoro sehere wajãera tiri jire.

<sup>32</sup> Painare Cohamacũre wacũ tuainare yahu namoboa yũhũ. ã yahu duapaihta payũre ã Cohamacũre wacũ tuainare yahu joa pahño masieraca yũhũ. Payũ jira tina. Gedeð, Baraca, Sansð, Jefté, Davi, Samue, Cohamacũ yare yahu mũhtaina cũhũ ahrina jipihtina yũ yahuborina jira. <sup>33</sup> Cohamacũre wacũ tuaina cãina paye yahparipũ jia, tĩ yahpari macainare cahma wajã yũhdũrucãa tiri jire. ã yoa paina noano dutiina jia tiri jire. Cohamacũ tinare “Mũsare yoadohoihtja”, to niriro seheta tinare yoadohoa tiri jire. Tirore ti wacũ tuachũ ñũno ã tinare yoadohoa tiri jire. ã wacũ tuua, yaya tinare ti chũ duachũ ti dũserire bihachũ yoaa tiri jire tina. <sup>34</sup> Tuaro jũri pichacapũ jipahta jũera

tiri jire tina Cohamacure wacū tuaa. Paina tinare ti ñosa wajã duachũ duhti wahcãa wahaa tiri jire Cohamacure wacū tuaa. Tuaeraina jipahta Cohamacure wacū tuaa, tuaina wahaa tiri jire. Cohamacure wacū tuaina jia, cahma wajã tuaina jia tiri jire. ã jia paye yahpari macaina surara tinare wajãa taina ne cãno pjaera tiri jire tinare. <sup>35</sup> Cãa numia Cohamacure ti wacū tuachũ ñũno ti coyeya ti yariachũ ñũno Cohamacu sehe tinare masobasaa tiri jire.

Paina “Cohamacure cahmaena tjiga”, ti ni peresu yoaina ti ñabiaro yoapeina Cohamacure wacū duhuera tiri jire. “Cohamacure m̄sa wacū duhuchũ m̄sare wionahca”, nia tiri jimare tinare peresu yoaina Cohamacu yainare. Ti ã nipachũta tinare yũhtiera tiri jire Cohamacu cahapũ tuaro waha duaa. ã jia tinare ñabiaro ti yoapechũ yariaa wahaa tiri jire. <sup>36</sup> Painare Cohamacure wacū tuainare ñano ni bujũpe tinare tjana m̄jaa tiri jire. ã yoa painare dahporire, yachũrire dũhtenoca peresu yoa tiri jire. <sup>37</sup> Cohamacure wacū tuainare ñaina tãa mehne doca wajãa tiri jire. Painare ti pjacũrire seroti mehne yihso ta m̄jaa tiri jire. Painare ñosaa pjĩni mehne ñosa wajãa tiri jire tina. Ti ã ñano yoapeina oveja cahsari mehne, cabra cahsari mehne suhti tiina pjacũoina jia tiri jire. ã jia paina tinare ñano yoapea tiri jire. <sup>38</sup> Tina Cohamacure wacū tuaina peri yũ yahuina noa yũhdũaina ti jichũ ahri yahpa macaina ñaina tina mehne jiborina jierara. Ahrina Cohamacure wacū tuaina wãhũse marieina jia, masa marienopũ, tũyucũpũ ji sitotaa tiri jire. ã ji sitotaa, tũyucũpũ jia coparipũ, yahpai jia coparipũ cũhũre carĩ sitotaa tiri jire. <sup>39</sup> Ahrina jipihtina Cohamacure ti wacū tuachũ ñũno wahchea tiri jire tiro. Ti ã wacū tuapachũta Cohamacu tinare “M̄sare yũhdũchũ yoaihtja”, to niriro m̄ sũerasinia tiri jire. <sup>40</sup> To yũhdũchũ yoaerasinirire yahuro õ sehe ni tũhotua tiri jire Cohamacu. “Ahrina yũ yainare baharopũ jiina yũ yaina mehne cãno potori yũhdũchũ yoaihtja”, ni tũhotua tiri jire. ã ni tũhoturo to niriro sehetã yoarohca. To ã yoachũ noa yũhdũara to pano yoariro yũhdoro.

## 12

### *Jesure ã wacũrucujihna mari*

<sup>1</sup> ã jina ahrina yũ yahurinare payũ Cohamacure wacū tuainare masina, jipihtia ñaa yoaare duhunocajihna mari cũhũ. Õ sehe jira mari piti dahre buhechũ: Mũrocaperirore tirore mũroca tuachũ dojomehnea jira paye. To dahpo suhti nũcũa suhti tirore mũroca tuaerachũ yoaboca. Tĩ yoaro sehetã Cohamacu cahmaare mari yoa duachũ dojomehnea cũhũ jira. Ahri cũhũre duhujihna mari. ã yoana mũrocapeina soro marieno ti mũrocaro sehetã mari cũhũ Cohamacu to cahmano sehetã soro marieno yoajihna. <sup>2</sup> ã jina Jesure ã wacũrucujihna mari. Tirota jira marine wacū tua dũcachũ yoariro. ã yoa marine wacū tua namochũ cũhũre yoara tiro. Crusapũ yariaro cãno pjari jire. Baharo to wahchehtore masino crusapũ yariari jire. ã yariaro bũo tiboriro jiparota bũo tierari jire tiro. ã yoaro mipũre Cohamacu to pũhtoro dujuro poto bũhũseheĩ dũjitjĩãhno tiro dutiriro jira.

<sup>3</sup> Ñaina masa tirore ti ñabiaro yoapachũta cãno pjari jire tiro. Tĩre wacũga m̄sa, m̄sa cũhũ ñano yũhdũna, “Cũno pjaerari”, nina. Tĩre wacũga m̄sa “Tirore wacū tua duhuri”, nina. <sup>4</sup> Jesu to ñano yũhdũriro sehe ñaare yoaerapanahta ñabiaro waro yũhdũerasinica m̄sa. Ñaina m̄sare wajãerasinica. <sup>5</sup> ¿Cohamacu m̄sare to pohmare to yahurire bonocajari m̄sa? M̄sa ñano yũhdũhtire to yahurire wacũga m̄sa. Õ sehe nia tiri jire tiro:

“Yũ macũ, mũhũre yũ yahuchũ yũhũre ã ñũnocai tjiga ñano yũhdũpaihta.

Mũhũre yũ tuhtichũ tũhocũ cahyai tjiga.

<sup>6</sup> Jipihtina yũ cahĩinare yahuja.

ã yoa jipihtina ‘Yũ pohna jira m̄sa’, yũ ni ñũinare yũhdũrucũ dutieraja.

ã jicũ ti yũhdũrucachũ ñũcũ tinare buhiri dahreja”,

nia tiri jire Cohamacu. <sup>7</sup> Ñano yũhdũna Cohamacu yare duhuena tjiga. Cohamacu m̄sare to pohmare buhero nina. Ti pũcũsũma ti pohmare ã yahurucura. ã yoa tinare

buhericura. Tó seheta yoara Cohamacu cūhu marine to pohinare. <sup>8</sup> Cohamacu jipihtina to pohinare ã yahurucura. ã jina musare to yahuerachu to pohina waro jierara musa. Pucusuma marieina yoaro sehe jira musa to yahueraina. ã jina “Sã Pucu waro jira”, ni masierara musa Cohamacure, musare to yahuerachu. <sup>9</sup> Mari pucusuma marine ti yahuchu tuhona tinare ño payoja mari. Mari pucusumare mari ño payoriro yuhdoro ño payoro cahmana mari Pucure Cohamacure to yahuchu. ã jina tirore yuhtiro cahmana marine. ã yuhtiina jina jipihtia dachoripe tiro mehne jinahca. <sup>10</sup> Mahaa numericã ahri yahpai mari jisinchu mari pucusuma marine yahua, buhiri dahrera. Ti mu sũro ti masino purocãta marine yahua, buhiri dahrera. Cohamacu sehe marine noano yahura. ã jiro to masia mehne marine buhiri dahrera marine noaina bucua dutiro. ãta yoara tiro marine tiro yoaro sehe noaina mari jihto sehe. <sup>11</sup> Marine to buhiri dahrechũ wahcheraja mari. Wiho mari cahyaja. ã cahyapanahta to ã buhiri dahreri baharo noaina bucuanahca mari. ã jina soro yoaro marieno noano jinahca.

*Cohamacu* marine to dutiare mari yuhtierachu cua nina marine

<sup>12</sup> ã jina wacũ tuaera cureina jipanahta Cohamacure wacũ tuaina jiga. Tirore duhuena tjiga. <sup>13</sup> Noano potori mahare musa wahaboro seheta noano potocã yoaga musa. Musã ã yoachũ ñũ cã, paina Jesu yaina soro jiare yoasi. Musã noano yoachũ ñũ cã, noano wacũ tuaera cureina cūhu wacũ tuaina wahaahca.

<sup>14</sup> Jipihtina masa mehne noano jiga, cahmacheno marieno. ã yoa ñano yoarucuenta tjiga. Ñaa buhiri marieina dihta mari puhtoro Cristore ñuahca.

<sup>15</sup> Noano yoaga musa. Cohamacu musare to yoadohochu tirore noano yuhtiga. Ñaa diaa ti toaare ti dojomehnenõ seheta musa cūhu Cristo yare duhuena tjiga, “Painare dojomehneri”, nina. <sup>16</sup> Ne numia mehne ñano yoaina jiena tjiga. ã yoa Cohamacu yare cahmaeraina jiena tjiga. Cohamacure cahmaerariro jia tiri jire Esaú cjiro. Tiro masa wahmino jia tiri jimare. ã jiro to pucuro to yariari baharo to pucuro yare cjuah tiro jisinia tiri jimare. Cohamacu to pucurore to ni cūri cūhure cjuah tiro jisinia tiri jimare. ã jiro jiro cū dacho cū wapahca chũare cahmano, tí wapa mehne to bahuro sehere to wahmino yoaro taro cohtotaa tiri jire. <sup>17</sup> To ã yoari baharo to dohse waharire masina musa. To pucuro tirore to wahtire tuaro cahmaa tiri jimare Esaú. To ã cahmapachũta to bahurore to wahmino to yoari buhiri, baharo to cjuaborire waera tiri jire to pucuro Esaúre. Tíre yahco mehne to sinipachũta tirore waera tiri jire to pucuro.

<sup>18</sup> Cohamacu to dutiare Moise cjirore to cūchu mari coyera Israe masa cjiro Cohamacu mehne jia tiri jire. Tina tiro mehne ti jirore seheta musa sehe jierare. Õ sehe yoaa tiri jire tina sehe. Tũcũ Cohamacu mehne jia taa, sũa tiri jire. Tũ sehe Sinaí wama tidũ jira. Tũpũ ti sũchu tuaro pichaca jũa tiri jire. ã jiro nahitiano, buiri, tuaro wihnono cūhu jia tiri jire tũ tũcũ. <sup>19</sup> Tũpũ ti sũchu corneta bisiro coa taa tiri jire. ã yoa durucua bisiro coa taa tiri jire. To ã durucua bisiro coa tachũ tuhõa, masa cũno pjaeraa, “ã durucua namõeno tjiaro”, tuaro ni sinia tiri jire. <sup>20</sup> Cohamacu cuaro mehne õ sehe ni, dutia tiri jire tinare: “Jipihtina ahdu tũcure pihainare tãa mehne doca wajãga tinare. Ahdũre pihariro wahiquiro waro to jipachũta tiro cūhure tãa mehne doca wajãga tirore. O ñosadu mehne ñosa wajãga tirore”, nia tiri jire Cohamacu. To ã nichũ tuhõa to ã ni dutiare cũno pjaera tiri jire tina. <sup>21</sup> Jipihtia tũ tũcũ jiro to ñũrire ñũ cuiro, õ sehe nia tiri jire Moise cjiro: “Cuicũ teterei nija”, nia tiri jire tiro.

<sup>22</sup> Tó seheta Cohamacu mehne ti ji dũcariro seheta jierara musa sehe. Cohamacu mehne jina wahana, Siõ wama tidũpũ mũano macadũpũ musa sũboro seheta potota Cohamacu mehne durucure musa. Cohamacu catiriro to ya macapũ musa sũboro seheta potota tiro mehne durucure musa. Tí maca pa maca wahma maca Jerusalẽ mũano macari maca jira. Tũpũre payũ anjoa peri jira. <sup>23</sup> Tina Cohamacu mehne wahchea taa cahmachuina jira. ã jina musa sehe to ya maca macaina jina, tũpũ Cohamacu pohina ji mũhtaina mehne musa cahmachuboriro seheta jira. Tina to pohina wamare to joa õri pũi mũanopũ ti wamare to joa õina jira. Tiro Cohamacu sehe jipihtinare

besehtiro jira. Tiro mehne macaina jira m̄sa sehe. Ā jina paina noaina Cohamac̄u yaina mehne cahmachuina seheta jira m̄sa c̄h̄u. Tinareta ñaa marieina jich̄u yoa tuhs̄uri jire Cohamac̄u. <sup>24</sup> Ā jina Jesu mehne macaina jira m̄sa sehe. Wahmanop̄u Moise cjirore to duti c̄uri cjirore cohtotaro “M̄sare ȳhd̄ach̄u yoaihtja ȳh̄u”, ni c̄ua tiri jire Cohamac̄u marine. To ā ni c̄uriro seheta yoariro jira Jesu. To dire coh̄a to yariaro mehne ā marine ȳhd̄ach̄u yoara. Abe cjiro to di coh̄ach̄u ñ̄no Cohamac̄u Abere waj̄arore buhiri dahrea tiri jire. Jesu sehe to dire coh̄a to yariariro mehne noano ȳhd̄aja mari. Ā jiro Abe to di coh̄ari wiho warota jia tiri jire. Cristo sehe to di coh̄ari baharo noa ȳhd̄uaro yoari jire Cohamac̄u marine. Ā jia to di coh̄ari wiho warota jierara.

<sup>25</sup> Ā jina noano yoaga m̄sa. Cohamac̄u yare m̄sare yahurire noano ȳhtiina jiga. Panop̄u ahri yahpai jirore Moise cjiro Cohamac̄u yare to yahuch̄u t̄hoā, paȳu t̄re t̄ho duaera tiri jire. Ā ti t̄hoerari buhirire buhiri dahrea tiri jire Cohamac̄u tinare. Cristo sehe m̄anop̄u jirore Cohamac̄u yare yahuriro jira. Ā jiro panop̄u macainare to buhiri dahreriro ȳhd̄oro buhiri dahrerohca Cohamac̄u Cristore cahmaerainare. Cristo sehe m̄anop̄u jirore Cohamac̄u yare yahuriro jira. <sup>26</sup> Tí pjare Moise cjirore to dutiare to c̄uri pjare Cohamac̄u to durucuro mehne yahpa ñ̄uhmich̄u yoaa tiri jire. Mip̄u sehene ò sehe ni yahuri jire tiro: “Ahri yahpa to ñ̄uhmich̄u c̄u taha yoa namoihtja. Ahri yahpa dihtare ñ̄uhmich̄u yoasi ȳh̄u. M̄anop̄u c̄h̄ure ñ̄uhmich̄u yoaihtja”, ni yahuri jire tiro. <sup>27</sup> “Ahri yahpa to ñ̄uhmich̄u c̄u taha yoa namoihtja”, nino jipihtiare to bajuamehnerire to coh̄ahtore masich̄u yoaro niri jire. P̄htoro Cohamac̄u to s̄ho jirore coh̄ahtore basioerara. Ā jiro to bajuamehneri cjirore to coh̄ach̄u p̄htoro to s̄ho jirore dihta tjuarohca. <sup>28</sup> P̄htoro to s̄ho jirore wahanahca mari. Ā jina p̄htoro to s̄ho jirore to coh̄erach̄u ñ̄na, Cohamac̄ure “Noana”, nijihna mari. Ā jina tirore ño payoa mehne, cua pisaro mehne to yare yoajihna mari tirore wahch̄ech̄u yoana tana. <sup>29</sup> Pichaca j̄no to cuaro to jiro seheta Cohamac̄u cuaro choro buhiri dahreriro jira.

## 13

*Ō sehe Cohamac̄ure wahch̄ech̄u yoaga*

<sup>1</sup> M̄sa mehne macainare cah̄i duhuena tjiga. <sup>2</sup> Masa m̄sa masieraina ti jipach̄uta tinare m̄sa w̄h̄usep̄u noano mehne s̄a ta dutiga. Paina ā yoaa, masierapahta anjoare ti w̄h̄usep̄u s̄a ta dutiri jire. Ā jina ti yoaro seheta yoaga m̄sa c̄h̄u.

<sup>3</sup> Peresui jiinare pja ñ̄ga. M̄sa sehe tina mehne peresui jiina m̄sa jiboro seheta tinare pja ñ̄ga. Paina ti ñ̄ano yoaina c̄h̄ure pja ñ̄ga. Tina yoaro sehe m̄sa c̄h̄u m̄sa ñ̄ano ȳhd̄uboro seheta tinare pja ñ̄ga.

<sup>4</sup> Wamomaca d̄hteina jipihtina m̄sa basi noano cahma ño payoga. Ā yoa paina mehne ñ̄ano yoana tjiga. Jipihtina numia mehne ñ̄ano yoainare, m̄a mehne ñ̄ano yoaa numia c̄h̄ure buhiri dahrerohca Cohamac̄u.

<sup>5</sup> Niñerure cah̄ina ne jiena tjiga. Ō sehe nia tiri jire Cohamac̄u: “M̄sare ne coh̄asi. Ā yoadohorucuihtja m̄sare”, nia tiri jire tiro. Noho puro m̄sa c̄j̄aa mehne tó purota wahchega. Pj̄ro cahma namoena tjiga. <sup>6</sup> Ā jina cuiro marieno ò sehe ni t̄hotunahca mari:

“Mari p̄htoro Cohamac̄u marine yoadohoriro jira.

Ne cui si mari.

Masa marine ti ñ̄ano yoah̄tore cui si mari”,

ni t̄hotunahca mari.

<sup>7</sup> Cohamac̄u yare m̄sare yahurinare m̄sare dutirinare wac̄uga m̄sa. Ā yoa noano ti jia tirire noano ti yoaa tirire wac̄uga. Ā wac̄una, Cristore ti wac̄u tuariro seheta yoaga m̄sa c̄h̄u.

<sup>8</sup> Jesucristo ne cohtotaerara. Panop̄u, mip̄u c̄h̄ure, baharop̄u c̄h̄ure to jirore seheta jirucurohca tiro. <sup>9</sup> Paȳu buheare soro jia buheare t̄hoena tjiga m̄sa “Noa buheare s̄p̄u coh̄ari”, nina. “Ahrire ch̄ga. Ahrire ch̄ena tjiga”, ni buhera c̄ina. Ā ni ti nia buheare mari ȳhtich̄u tí marine yoadohoerara. Ā jiro tó sehe jia buheare mari yoach̄u wiho

warota jira. Tí marine wacū tuaina jichū yoerara. Cohamacū sehe marine pja ñño wacū tuaina jichū yoara. ã jina to ya tuaa mehne tirore wacū tuaina jiga mūsa cūhū.

<sup>10</sup> Cristo mari ñaa buhirire yariari jire mari ñaare cohāno taro. Sacerdotea sehe õ sehe niina jira: “Wahiquina mari wajā jū mūoina, mari waina mehne yūhdūnahca”, niina jira sacerdotea. ã niina ti ñaa yoari buhirire cohāina ne ji masierara. Cristo to crusai to yariaro mehne yūhdūina ji masierara tina ã ni tūhotuina. <sup>11</sup> Mari judio masa mari sacerdotea pūhtoro Cohamacū to jiri tahtia waropū dire na sāano wajā sitea tiri jire, masa ti ñaa yoari buhirire cosawero taro. ã yoa to wajāriro wahiquiro to pjacūre tí maca dūhtū cahapū jū cohānocahna. <sup>12</sup> To yoariro seheta Jesu cūhū maca dūhtū cahapū yariari jire, masa ti ñaa buhirire to di cohāno mehne cosawero taro. <sup>13</sup> Maca dūhtū cahapū to yariachū ñña, ti ya buheare to cohāchū ñña judio masa pūhtoa tirore ññ tuhtiri jire. ã jina mari cūhū tiro mehne macaina jijihna. Mari ã jichū ñña, masa mari cūhūre ññ tuhtiahca. <sup>14</sup> Ahri yahrapū mari ji dojoahti maca ne mariahna. ã jina mipūre mari baharopū jihti macare cohtana nija mari. <sup>15</sup> ã jina Jesu to yoadohoro mehne Cohamacū mehne durucuja mari. ã jina tirore noano sinijihna. Sacerdote wahiquirore jū mūo, Cohamacūre to ño payoriro seheta Cohamacūre mari dūseri mehne noano durucu ño payojihna mari. “Cohamacū tuariro jira”, ni ño payorucujihna. Mari ã nichū tiro wahcherohca. <sup>16</sup> Mūsa mehne macainare noano yoaga. ã yoa tinare yoadohoga. Tíre boena tjiga. Mūsa ã noano yoana Cohamacūre ño payona nica mūsa. ã yoana tirore wahchechū yoana nica.

<sup>17</sup> Mūsa pūhtoare noano yūhtiga. Ti dutiro seheta yoaga. Cohamacū mū sare ññ wihbo, buhe dutiro cūre tinare. To ã cūrina jia mū sare ã ññ wihborucua nina “Cohamacūre yūhdūrcari”, nia. ã jina tinare noano yūhtiga mūsa. Mūsa ã yūhtichū ñña wahchea mehne mū sare yoadohoahca tina. Mūsa yūhtierachū ñña tina cahyaahca. ã yūhtierana noano jisi mūsa.

<sup>18</sup> Sāre sini payorucuga Cohamacūre. Dachoripe noaa dihtare yoa duaja sā. ã jina “Ñaare yoana nija”, ni tūhotueraja sā. <sup>19</sup> Ahri pinihtare tuaro sini payoga Cohamacūre yūhūre: Soaro mehne mūsa cahapū yū wahahtore tirore sini payoga.

#### *Ahri pūre joariro noa duti batoaha*

<sup>20</sup> Cohamacū mari pūhtoro Jesure yariaritore masori jire. Marine noano jichū yoariro jira. Tiro “Mū sare yūhdūchū yoaihtja”, ni cūa tiri jire Cohamacū marine. To ã ni cūrire yoariro marine yūhdūchū yoariro Jesu sehe jira. Mari ñaa buhirire yariari jire tiro. ã jiro tiro tuariro ovejare ññ wihboriro yoaro sehe jiro, marine to yainare noano ññ wihbora. <sup>21</sup> ã jiro Cohamacū tirore masoriro mūsa cūhūre yoadohojaro jipihtia noaare to cahmaare mūsa yoahito sehe. ã jiro Jesucristo to yoadohoro mehne Cohamacū to cahmano seheta jipihtinare marine noaa sehere cohtotachū yoajaro. Jipihtia dachoripe Cristore ño payojihna. ãta yoajihna.

<sup>22</sup> Yū coyea, ahrire tuaro mū sare dutihtja: Ahri pūi yū yahurire noano mehne tūhoga mūsa. Ahri mū sare yū joarocari pū pjíri tju jierara. ã jina ahrire noano tūhoga. <sup>23</sup> Ahri cūhūre mū sare yahuihtja: Mari coyeirore Timoteore peresu jirirore wioyūhti. Soaro mehne to wihichū mū sare ññi wahacū tirore naaihtja. Yūhū mehne waharohca.

<sup>24</sup> Mūsa pūhtoare, jipihtina painare Cohamacū yainare tóji jinare noa dutija. Italia macaina Jesu yaina cūhū mū sare noa dutira.

<sup>25</sup> Cohamacū to cahīa mehne mū sare jipihtinare noano yoajaro.



## Santiago

### *Santiago Israe masare macari waharinare joarocaha*

<sup>1</sup> Yũhũ, Santiago ahri pũi mũsare noa duti joarocai nija. Cohamacũre, mari pũhtoro Jesucristo cũhũre dahra cohtariro tjija yũhũ. Ā jicũ Israe masa ya curuari macainare doce curuari macainare Jesu yainare macari waharinare yũ coyea mũsare joarocai nija.

### *Cohamacũ sehe noano masichũ yoara*

<sup>2</sup> Yũ coyea, payũ jiahca mũsa ñano yũhdũhti. Ā ñano yũhdũna noano wahchea mehne tũhotuga. <sup>3</sup> Ā ñano yũhdũna, potocãta Jesure mũsa wacũ tuaare ñona ninahca mũsa. Ā jina ñano yũhdũpanahta Jesure mũsa noano wacũ tuaina jina, tirore wacũ tua namoina wahanahca. Ā wahana mũsa ñano yũhdũare cũno pjanahca. <sup>4</sup> Ā yoana duhuro marieno ā cũno pjarucuina jiga mũsa, tũho masiina, Cohamacũ cahmaare noano masiina mũsa jihto sehe. Ā jina dũhsaro marieno to yare yoarucuina jinahca mũsa.

<sup>5</sup> Cohamacũ dũhsaro marieno jipihtinare wara. Ā waro tirore siniinare soro nino marieno wara tiro. To ā jiriro jichũ masina, mũsa masihti dũhsachũ tũhotuna, tirore siniga. Mũsa ā sinichũ mũsare masi namochũ yoarohca tiro. <sup>6</sup> Ā sinina Cohamacũre noano wacũ tuatjiãhna siniga mũsa. “Sã sinichũ Cohamacũ waeraboca sãre”, ni tũhotuena tjiga. Tó sehe ni tũhotuina pjiri ma macaa pahcõri yoaro sehe jira. Pahcõri ti sũroca cohtotaro seheta tina cũhũ ti wacũapũre sũroca cohtotara. Cũno potori yoerara tina. Ā jia Cohamacũre wacũ tuaerara. <sup>7</sup> Tó sehe ni tũhotuinare ti sinipachũta ne mahanocã ti siniare tinare wasi mari pũhtoro Cohamacũ. <sup>8</sup> Michare ahrire cahmariro jiparota ñamichacapũre soro tũhotura tjoa. Ā yoarirore tó wahaerara.

<sup>9</sup> Jesu yainare wiho jiinare Cohamacũ sehe pũhtoa sõnohca. To ā yoahina jia wahchejaro tina. <sup>10</sup> Ā jia Jesu yaina pache pũa jia ti ya pache pihtihore masia wahchejaro. Tí pache wiho warota jira, Cohamacũ to ñũchũ. Cohori ti dói baa boraahca waharo seheta tí pache pihtia wahaahca. Ā jia tina cũhũ wahchejaro. <sup>11</sup> Sũ mũja taro to tuaro sichũ tjia sehe ñaia wahara. Ā yoa cohoru cũhũ ñai boraahca waha, noaa cohoru ti jia cjiri pihtia wahara. Āta waharohca pache pũare ti pachere ti na cahmachuno watoi. Tina ti pache mehnetu butia wahaahca.

### *Ñano yoa dutiare yoareriro wahcheriro jira*

<sup>12</sup> Ñano yũhdũriro cũno pjaro, ñano yoa dutiare yoareriro wahcheriro jirohca. To ā cũno pjachũ, to ñaare yoerachũ jipihtia dachoripe mũano macaa catiare tirore warohca Cohamacũ. “Tí catiare waihca”, ni cũa tiri jire Cohamacũ jipihtina tirore cahĩinare. <sup>13</sup> Mũsare ti ñano yoa dutichũ “Cohamacũ yũhũre ñano yoa dutiro nina”, ni tũhotuena tjiga. Ñano yoare tũhotuerariro jira Cohamacũ. Ā jiro tiro sehe masare ñano yoa dutiriro jierara. <sup>14</sup> Masa tuaro ñaare ti goa pjaata títa tinare ñano yoachũ yoara. <sup>15</sup> Ā jia ñaare goa pjara masa. Ā goa pjaa, tí sehere tũhotura. Ā tũhotua, tí ñaare yoarucura tina. Ti ā yoarucuri buhiri Cohamacũ tinare pichacapũ cohãnohca.

<sup>16</sup> Ā jina yũ coyea yũ cahĩina, “Cohamacũ yũhũre to dutichũ ñano yoahi”, ni tũhotuena tjiga. Potocã jierara tí. <sup>17</sup> Cohamacũ mũano macariro marine noaa dihtare wara. Tiro pinihta sũ dacho macarirore, ñami macarirore, ñahpichoha poca cũhũre bajuamehneriro jiro, tiro sehe to jiriro seheta ā jirucunocahna. Ne cohtotaerara. <sup>18</sup> To cahmariro seheta tiro noaa buhea mehne marine to pohna wahachũ yoare. Ā yoare tiro to pohna ji mũhtaina mari jihto sehe.

### *Potocãta Cohamacũre ño payoa õ sehe jira*

<sup>19</sup> Yũ cahĩina, yũ coyea ahrire noano tũhoga mũsa. Cohamacũ yare noano tũhoga mũsa. Ā tũhona, noano tũhoturo marieno durucuenta tjiga. Ā yoa suaena tjiga. <sup>20</sup> Cũiro suariro jiro, Cohamacũ to cahmano seheta quihõno yoariro jierara. <sup>21</sup> Ā jina jipihtia mũsa

ñaa yoarire, m̄sa ñaare goa pjarire duhuga m̄sa. Ā jina Cohamac̄re noano ȳhtiina jina to buheare tuaro cahmaga m̄sa. To ya buheare m̄sa tuaro cahmach̄u Cohamac̄u sehe m̄sare pichacap̄u wahaborinare ȳhd̄uch̄u yoarohca.

<sup>22</sup> To yare t̄hopenahta to nino sehe yoerana mah̄noare t̄hotuna nica m̄sa. “To nino sehe ȳ yoerach̄u noanohca”, ni t̄hotuna mah̄noare t̄hotuna nica m̄sa. Ā jina to yare t̄hona tí sehere yoaga. <sup>23</sup> Cohamac̄u yare t̄hopenahta, to nino sehe yoerana, to w̄hd̄uare ñóno mehne ñ̄riro yoaro seheta jira m̄sa. <sup>24</sup> Tiro to w̄hd̄uare to ñ̄ri baharo waha, to ñ̄rire boa wahara. <sup>25</sup> Pairo sehe to ñ̄riro to boerariro seheta Cristo to dutirire t̄horo tíre yoaro, wahcheriro jirohca. Tí dutia Cristo to cah̄ia mehne masare to ȳhd̄uch̄u yoah̄ti buhea jira. Tí buheare ne coh̄erariro wahcheriro jirohca. Tiro pinihta to t̄horire yoariro jira. Ā yoarimore noano yoarohca Cohamac̄u.

<sup>26</sup> C̄airo to ã durucumac̄anocarire duhu masieraro, potoc̄ata Cohamac̄re ño payoerara. “Cohamac̄re noano ño payoja”, ni t̄hoturiro jiparota mah̄noare t̄hotura tiro. “Cohamac̄re ño payoja”, niriro to jipach̄uta to ño payoa ne yaba c̄ihti jierara. <sup>27</sup> Potoc̄ata Cohamac̄re mari P̄c̄ure mari ño payona, to cahmano seheta ño payona, ò sehe yoaja mari: P̄c̄us̄uma marieinare, wapewahya numia c̄h̄ure ñano ti ȳhd̄uch̄u ñ̄na, tinare yoadohoja mari. Ā jina ahri yahpa macaina ñaare ti yoaa barore ne yoaa duaeraja mari. Ā yoana potoc̄ata Cohamac̄re ño payoina jija mari.

## 2

### *Masare c̄ino potori noano yoaro cahmana marine*

<sup>1</sup> Ȳ coyea, noa ȳhd̄uarimore Jesucristore mari p̄htorore t̄hona, tirore wac̄u tuaina jira m̄sa. Ā wac̄u tuaina jina masare c̄ino potori noano yoaro cahmana m̄sare. <sup>2-3</sup> Ā yoaa uru sororire, wamomaca s̄aa sororire c̄uariro, wapa tia suhtire s̄ariro m̄sa Jesu yaina cahmachuno cahap̄u to tach̄u ñ̄na tirore noano mehne piti bocaboca. “Ōi dujiro jira”, niboca m̄sa tirore. Ā nipanahta tí pjata pjac̄oriro c̄h̄u ñano suhti tiriro m̄sa cahai to tach̄u ñ̄na tiro sehere noano piti bocaeraboca. “Ōi ducuga. O yahpai dujiga”, niboca m̄sa tirore. <sup>4</sup> M̄sa ã yoana masare c̄ino potori yoerana nica m̄sa. Ā yoana ñaare t̄hotuina masare beseina yoaro sehe jina nica m̄sa. “Ahriro sehe noariro jira. Ahriro ñariro jira”, ni besemana m̄sa.

<sup>5</sup> Ȳ coyea, ȳ cah̄ina, ȳh̄ure t̄hoga. Paȳu pjac̄oina sehere Cohamac̄re noano wac̄u tuahtina c̄ihtire, p̄htoro to s̄ho jirop̄are jiltina c̄ihtire besea tiri jire Cohamac̄u. “T̄op̄are wahanahca m̄sa”, ni c̄ua tiri jire Cohamac̄u tirore cah̄inare. <sup>6</sup> Tinare to ã besepach̄uta m̄sa sehe pjac̄oinare noano yoerare. Pache p̄ua sehe m̄sare ñano yoara. Ā yoaa tina masare beseriro cahap̄u m̄sare naahna m̄sare yahus̄aa taa. <sup>7</sup> M̄sa sehe “Cristo yaina”, masa ti niina jira. Paȳu pache p̄ua sehe Cristore ñano ni durucuina jira. (Ā jiro pjac̄oinare m̄sa ño payoriro ȳhd̄oro pache p̄are m̄sa ño payoch̄u sehere ñaa nina.)

<sup>8</sup> Cohamac̄u dutia mehne macaa dutiare paye dutia bui curero jia dutiare ò sehe ni joaa tiri jire: “M̄ basi m̄ cah̄no seheta m̄ cahai jiina c̄h̄ure cah̄iga”, nina Cohamac̄u dutia. Ahri dutiare yoana, noaare yoara m̄sa. <sup>9</sup> Wiho mejeta masare c̄ino potori yoerana ñano yoana nina m̄sa. Ā jina Cohamac̄u dutiare ȳhd̄ur̄ucaina jira m̄sa. Āta nina Cohamac̄u yare ti joari p̄ui. <sup>10</sup> Cohamac̄u dutiare yoaina jipanahta c̄notare m̄sa yoerach̄u paye dutiare m̄sa yoaa pah̄nopach̄uta yaba c̄ihti jierara. Ñaa buhiri tiina jis̄ina m̄sa. <sup>11</sup> “Pairo namono mehne ñano yoaena tjiga” ni, m̄sare dutiriro Cohamac̄uta jira. “Masare waj̄ena tjiga”, niriro tirota jira Cohamac̄u. Pairo namono mehne ñano yoerapanahta mas̄nore waj̄ana Cohamac̄u to dutiare ȳhd̄ur̄ucaina jira m̄sa. <sup>12</sup> Cristo marine tuaro cah̄no, marine dutira marine ȳhd̄uch̄u yoaro taro. To dutiare mari yoarire, mari yoerari c̄h̄ure ñ̄no marine besero tarohca. To ã besehtina jina to dutiare noano yoajihna. Ā yoaa to cahmano seheta durucujihna mari. <sup>13</sup> M̄p̄ure

painare mari pja ñuerachũ Cohamacũ sehe masare to beseri pja jichũ marine pja ñusi. Wiho mejeta painare mari pja ñuchũ Cohamacũ sehe pja ñuno, marine buhiri dahresi.

*Cristore wacũ tuaina sehe noaare yoara*

<sup>14</sup> Yũ coyea tũhoga mũsa. “Cristore wacũ tuaja yũhũ”, cũiro to nipachũta painare to noano yoadohoerachũ to ã nimari cjiri sehe ne yaba cjihti jierara. Tó sehe ni wacũ tuamacanocarirore Cohamacũ yũhdũchũ yoasi. <sup>15-16</sup> ¿Jesu yairo, Jesu yacoro ñaa suhti dihta ti cjuachũ ñũna ti chũhti mariachũ ñũna dohse yoajari mũsa tinare paye baro cjuaina jina? “Noano jiga mũsa. ã yoana noano suhti tiga. ã jina noano chũa mehne yapi wahcãga”, nipanahta ti cahmaare mũsa waerachũ mũsa ã nimari cjiri ne yaba cjihti jierara. <sup>17</sup> ã yoa “Cristore wacũ tuaja”, mũsa nipachũta noaare mũsa yoerachũ Cristore mũsa wacũ tuaa ne yaba cjihti jierara.

<sup>18</sup> Mũsa mehne macariro ahri yũ buherire tũho duaeraro õ sehe masijaro. Noaare yoeraparota “Cristore wacũ tuaja”, niboca tiro. Noaare yoeraro Cristore to wacũ tuaare painare masichũ yoa masierara. Noaare yoariro pinihta noaare to yoaa mehne Cristore to wacũ tuaare masichũ yoa masina. <sup>19</sup> “Cohamacũ cũirota jira”, ni tũhotura mũsa. Mũsa ã ni tũhotuchũ noa nina. ã jipachũta tó purota Cohamacũre yũhtiro marieno tirore mũsa masichũ tí yaba cjihti jierara. Watia cũhũ mũsa tũhoturo seheta tũhotura. ã yoa Cohamacũ to jia tiare masina tina. ã masia, cuia, teterera. <sup>20</sup> Cũiro noano yoeraparota “Cristore wacũ tuaja”, ni tũhoturiro jiro tũho masierariro jira. Cristore wacũ tuamariro painare noano yoeraro potocãta Cristore wacũ tuaerara. Õ sehe ni yahuihtja mũsare ahrire: <sup>21</sup> Abrahã mari ñuchũ cjiro to macũno Isaa wama tiriro cjirore wajãbasaa tiri jimare Cohamacũre. ã yoaro tirore tãa mehne ti yoari tuhu bui duhu payoa tiri jimare. ã duhu payoro Cohamacũ to dutiriro seheta to macũnore wajãno taro nia tiri jimare Cohamacũre ño payoro taro. To ã yoachũ ñũno potocãta Cohamacũre to wacũ tuarire masia tiri jire Cohamacũ. To ã wacũ tuariro to jichũ masino, “Potocãta noariro jira”, ni ñaa tiri jire Cohamacũ tirore. <sup>22</sup> To ã ni ñuchũ ahrire masina mũsa: Abrahã Cohamacũre wacũ tuaro tirore yũhtia tiri jire. ã yũhtiro Cohamacũre to wacũ tuarire masichũ yoaro nia tiri jire. <sup>23</sup> ã jiro Cohamacũ yare ti joari pũi to niriro seheta ã wahaa tiri jire: “Abrahã Cohamacũre wacũ tuaa tiri jire. To ã yoachũ ñũno ‘Noariro jira tiro’, ni ñaa tiri jire Cohamacũ tirore”, ni joaa tiri jire Cohamacũ yare ti joari pũi. To ã ni ñuchũ masia “Abrahã Cohamacũ mehne macariro jira”, nina masa tirore.

<sup>24</sup> ã jina ahri yũ yahuitire masina mũsa: “Cohamacũre wacũ tuaja” niriro, to noano yoerachũ ñũno Cohamacũ sehe tirore “Noariro jira”, ni ñuerara. Cohamacũre wacũ tuariro sehene potocãta to noano yoachũ ñũno “Noariro jira”, ni ñũna Cohamacũ tiro sehere. <sup>25</sup> ãta ni ñaa tiri jire Cohamacũ Rahab wama tiricorore mũa mehne ñano yoarucuricoro cjirore. Josué cjiro to warocarinare noano piti boca “Noano sãa tahga”, nia tiri jire ticoro. ã yoaro tina ti tjuaa duachũ ticoro sehe pa maha sehere ñoa tiri jire tinare “Tinare ñũ tuhtiina wajãri”, nino. To ã yoachũ ñũno “Noaricoro jira”, ni ñaa tiri jire Cohamacũ ticorore. <sup>26</sup> ã tjira. Mari pjacũpũre catia mariachũ ji masieraja mari. ã jiro catia marieno mari pjacũ yaba cjihti jierara. Tó seheta “Cohamacũre wacũ tuaja”, nipanahta painare mari noano yoerachũ potocã jierara mari wacũ tuaa. ã jiro mari noano yoaa mariachũ mari wacũ tuaa yaba cjihti jierara, catia marieni pjacũ to yaba cjihti jieraro seheta.

### 3

*Mari dũseroi wijaare yahuha*

<sup>1</sup> Cohamacũ yare masare buheina to yare ti noano yoerachũ ñũno tina pinihtare masare buheraina yũhoro Cohamacũ buhiri dahrerohca. Tíre masina mũsa, yũ coyea. ã jina mũsa mehne macaina masare buheina payũ jiena tjiga. <sup>2</sup> Jipihtina payũ tahari mari ñaare yoaja. Cũiro ñaare durucuerariro Cohamacũ cahmaare noano yoariro jira tiro. ã jiro paye ñaa cũhũre yoerara. <sup>3</sup> Õ sehe jira ahri mari piti dahre buhechũ: Cawalo to

duseroi comaa pjĩ to ñahmanore ña dihohti pjĩne mari cūja, tirore mari majarerucachũ yoana tana. Ñ yoana tí pjĩ comaa pjĩ mehne tirore to wahahto mari waja majareruca dapoja. Tí pjĩca mahari pjĩca to jipachũta tí pjĩ mehne tirore wahachũ yoaja mari. (Õ sehta mari dusero mahanocã to jipachũta tí dusero mehne pjĩro ñano yoaja mari.)<sup>4</sup> Dohoria quiti mehne piti dahre yahu namoihtja musare: Busoca pjiria to jipachũta tiare wihnono to tuaro wãrocapachũta oturo sehe mahari pjĩca mehne tia nohoi to waha duaroi oturocara.<sup>5</sup> Tó sehta jira mari duseroi wijaa. Mari dusero mahanocã to jipachũta tí dusero mehne pjĩro yoaja mari. Mahari pichacacã pjĩro to jũ wahcãno sehta mari dusero mehne pjĩro ñaare yoa masija.<sup>6</sup> Ñ jiro mari dusero pichaca yoaro sehe jira. Mari duseroi wijaa jipihtia ñaare yoachũ yoara marine. Pichaca to jũ dũcaro sehta mari duseroi wijaa mehne mari noano jiborirore ñabiaro yoaja mari. Ñaare durucuna watĩno to dutiro sehta mari yoana nija.<sup>7</sup> Jipihtinare nucũ macainare wahiquinare, minichahcare, chihchõ wahcãinare, wahire mari masa sitichũ yoa masija. Mari payũ tina barore masa sitichũ yoa tuhsũja. Ñ jia tina noano tuho masina.<sup>8</sup> Tinare mari yũhtichũ yoapachũta mari dusero sehe ñaare durucuro ne tjueraputiara. Ñ jiro nuina ti niji siariro sehta mari dusero sehe ne niji sieraputiara. Mari duseroi wijaa ñabiaa jira. Ñ jiro ñima painare to wajãno sehta marine paina cũhũre ñabiaro wahachũ yoara mari duseroi wijaa.<sup>9</sup> Mari dusero mehne Cohamacũ mari pũhtoro mehne mari noano durucuja. Ñ durucupanahta masa Cohamacũ yoaro sehe jiinare to bajuamehnerina ti jipachũta tinare ñabiaro ni durucuja mari.<sup>10</sup> Cũ duseroihta noaa durucua cũhũ, ñaa durucua cũhũ wijara. Yũ coyey, ã ni durucueraro cahmana.<sup>11</sup> Máca pohtai mũ wiori copai noaa co, ñaa co cũhũ ne wijaerara.<sup>12</sup> Yũ coyey, higuera pocare dicha tierara. Tuhsũ, secũ higuera pocare dicha tierara. Ñ yoa máca pohtai mũ wiori copai moa tia co to wijaachũ moa mariea co wijaerara. (Tó sehta mari duseroi noaa durucua, ñaa durucua mehne wijaachũ yoeraro cahmana. Ñ ni durucuaeraro cahmana.)

#### *Noano masia waro õ sehe jira*

<sup>13</sup> Cãina musa mehne macaina noano masiina jira. Noano masiina musa jia tiare õ sehe yoa ñonahca musa. “Paina yũhdoro noano masija sã”, niena tjiga. Ñ nienata noaare yoaga musa. Ñ noaare yoana potocãta noano masiina jira musa.<sup>14</sup> Wiho mejeta paio paye barore to cjuachũ ñũna tíre tuaro cahmaina jina, paina mehne suarucina jina, painare yũhdũrucã duaina jina, “Noano masiina jija sã”, niena tjiga musa. Musã ã niina jina mahñoina jira musa.<sup>15</sup> Ñ yoaina ti tũhotua ne Cohamacũ ya tũhotua jierara. Ti tũhotua Cohamacũre yũhdũrucaina ti ñano tũhotua jira. Tí tũhotua sehe watĩno ya jira.<sup>16</sup> Masa ti cjuare tuaro cahmaina, painare yũhdũrucã duaina ã cahma sayorucura. Ñ yoaina jia jipihtia ñaare yoarucura.<sup>17</sup> Paina sehe Cohamacũ yare noano masiina sehe tina pinihta ã yoamacanocaa nierara. Ñ yoa tina ne cahma sayoerara. Ñ jia masa noaina, painare noano yũhtiina, pja ñũina, masare yoadohoina, masare cũno potori yoaina jira tina. Tíre yoaa, mahñono marieno yoara tina.<sup>18</sup> Ñ yoana cahmachea marieno jina, painare “Cahmachena tjiga”, mari ni yahuna, noaina wahachũ yoana nija mari masare.

## 4

#### *Ahri yahpa macaa ñaare cahmana, Cohamacũre cahmaeraina jira musa*

<sup>1</sup> ¿Dohse jiro baro musa cahma sayojari? ¿Ñ jina dohse jiro baro cahmachejari musa? Ñaare goa pjana, cahmache duara musa. Noaare yoa duapanahta ñaare yoara musa.<sup>2</sup> Paye barore musa cahmana. Ñ cahmana masare wajãna musa ti yare nana tana. Pairo paye barore to cjuachũ ñũna tíre musa tuaro cahmana. Ñ cahmapanahta tíre na masierara musa. Ñ yoa tíre cahma sayorucura musa. Cohamacũre sinierana, musa cahmaare ne bocaerara.<sup>3</sup> Ñ yoa sinina, musa ya cjihti dihtare sinimana musa, musa cahmano sehta yoarucuna tana. Paina ya cjihti sehere sini payoerara musa. Ñ jiro musa sinichũ Cohamacũ musa siniare waerara.<sup>4</sup> Cohamacũre cohãina jira musa.

Ahri yahpa macaa ñaare cahmana, Cohamacure cahmaeraina jira musa. Ahri yahpa macaa ñaare cahmaina Cohamacure cahmaeraina ji tuhsura. ¿Tíre masierajari musa? <sup>5</sup> Õ sehe nia tiri jire Cohamacu yare ti joari pui: “Cohamacu Espiritu Santore mari mehne jhtirore cūhre. Æ jiro Espiritu Santo sehe marine cahino, ñaare mari tuaro cahmapachuta cahmasāerara tiro. To manuno to namonore to cahī doaro seheta marine tuaro cahina Espiritu Santo”, ni joaa tiri jire panopure. To ã ni joari wiho warota jierara. Potocāta jirota nina. <sup>6</sup> Æ yoa Cohamacu marine noano yoadohora tirore mari noano yuhtihto cjihtore. Õ sehe nina Cohamacu yare ti joari pui: “Yuhū pinihta painare masi yuhdūrcaja’ nirirore, Cohamacu ñu tuhtira. Pairo sehere ‘Ñariro, wiho jiro jija’, niriro sehere Cohamacu yoadohora”, nina to yare ti joari pui. <sup>7</sup> Æ jina Cohamacure noano yuhtiina jiga musa. Æ yoa watinore yuhtiena tjiga. Musa ã yuhtierachu ñuno tiro sehe musare duhti wahcā mūroca waharohca. <sup>8</sup> Cohamacure noano yuhtiga musa. Musa ã yoachu tiro sehe musare yoadohorohca. Ñaina jira musa. Æ jina ñaare yoa namoena tjiga. Ñaa cūhure cahmana, noaa cūhure cahmaina jira musa. Æ jina musa ñaa tūhotumarire cohōtaga. Musa ã yoachu ñuno Cohamacu musa ñaa yoari buhirire cohānohca. <sup>9</sup> Musa ñaa yoarire tuaro cahyana, bujua witiga. Æ yoana musa ñaare yoari buhirire tiiga. Tíre wahcheina jiena tjiga. Æ jina musa ñaa yoarire ñano yajeripohna tiga. <sup>10</sup> “Ñariro, wiho jiro jija yuhū”, nina Cohamacure ño payoga. Musa ã yoachu ñuno tiro sehe ño payoa mehne noano yoarohca musare.

*Ti coyeare Jesu yainare ti basi ñano quiti dahre dutieraha*

<sup>11</sup> Yu coyea Jesu yaina jina, musa basi ñano quiti dahrena tjiga. Musa coyeirore ñano quiti dahrena, tirore buhiri dahre duti duaina jina nica musa. Cristo ya dutia sehe masare buhiri dahrehti dutia ji tuhsura. Æ jina masare ñano quiti dahrena Cristo ya dutiare õ sehe nina nica musa: “Marine noano dutierara Cristo ya. Æ jina mari mū sūro buhiri dahre dutijihna”, nina nica musa masare ñano quiti dahrena. Æ nina Cristo ya dutiare ñano ni durucuina tjuara musa. Æ jina tí dutiare yoeraina tjuara. <sup>12</sup> Masare dutiare wariro, masare beseriro Cohamacuta jira. Masare pichacapū wahaborinare tirota yuhdūchū yoa masina. Æ yoa tirota masare pichacapū cohā masina. Æ jina mari sehe masare “Ñaina jira”, ni masieraja. Cohamacu dihta mari coyeare besehtiro jira.

*Ñamichacapure dohse mari jhtore masieraja mari*

<sup>13</sup> Mipure yuhure tūhoga musa. Õ sehe niina tūhoga yuhure: “Michare, ñamichacare pa macapū jina wahanahca. Tópure cū cūhma jina, paye baro dua, nuchūnahca. Æ yoana wapatanahca mari”, nina cāina musa mehne macaina Cohamacure wacūno marieno. Æ niina jina, yuhū sehere tūhoga musa. Tó sehe niinare ahrire yahui tai nija: <sup>14</sup> Ñamichacapū dohse musa jhtore masierara musa. Me ti ji, dói pihti mūano seheta jira mari jia tia. Me mahanocā jiro, pihtia wahara. Tó seheta mari cūhū mahanocā jina, yarianahca. <sup>15</sup> Æ jina õ seheta ni tūhoturo cahmana musare: “Cohamacu to cahmachū jinahca mari. Æ jina õ sehe yoanahca mari”, ni tūhoturo cahmana musare. <sup>16</sup> Æ jipanahta mipure “Mari mū sūro õ sehe yoanahca”, nirucumana musa Cohamacure wacūno marieno. Tó sehe nirucuna painare yuhdūrcaina jina, ñaare yoara musa. <sup>17</sup> Æ jina noaare mari yoahire masipanahta tíre yoerana ñaare yoana nija mari.

5

*Pache pure yahuha Santiago*

<sup>1</sup> Pache pua musa mipure tūhoga yuhure. Baharopure musa ñano yuhdūnahca. Æ jina tii sañurucuga musa. <sup>2</sup> Musa pache ba pihtia wahaahca. Æ yoa musa suhtire casipoca cūhū chū pahñoahca. <sup>3</sup> Ahri dachorire, pihtiri dacho pano niñerure musa pjíro wihbochū ne tí yaba cjihti jierara. Musa ã wihbochū ñuno niñerure musa cahīchū masina Cohamacu. Tí niñeru to wapo wijiboriro seheta tí niñeru pihtia waharohca. Æ jina niñerure musa cahīri buhiri ñano yuhdūnahca pichacapū musa jūchū musa pjacure jū

pjaro seheta. <sup>4</sup> Mūsa weserire dahra cohtainare wapaerare mūsa. Tinare mahñore mūsa. Ā jiro tinare mūsa wapaerari niñerure ñuno, mūsa mahñorire masina Cohamacu. Mūsare dahra cohtaina wapa na duaa, sañurucura tina. Ti ã ni sañurucuchū mari pūhtoro Cohamacu tinare tūhora. <sup>5</sup> Ahri yahpapure payu pache mehne jia tira mūsa. Ā jina mūsa ji coa dihtare yoaa tira mūsa. Ā jina pjiriro wachū ti noano nuriro yoaro sehe jira mūsa. Pjiriro wachū pjíro to chūri baharo tirore ti wajāhti cuhtupū na wahcāna. Tó seheta mūsa cūhure pjíro mūsa cjūari baharo mūsare to buhiri dahrehtopū na wahcānohca Cohamacu. <sup>6</sup> Noainare ñano ti yoaerapachūta peresu yoa wajā dutire mūsa tinare. Mūsa ã yoachū tina sehe mūsare yūhdūrucā masierare.

*Cristo to tjua tahtore noano cohta dutiha marine Santiago*

<sup>7</sup> Ā jina yū coyea, mari pūhtoro Cristo ahri yahpapure to tjua tahtore noano cohtaga. Wese pūro to toaa dicha tihti pjare noano to cohtaro seheta noano cohtaga. Puhiro to dūcachū. baharopū coro to ta namochū cūhure to toaapure “Coro ta sāajaro” nino, to wesere to noano duhtore noano cohtara tiro. <sup>8</sup> To ã cohtariro seheta mūsa cūhū noano cohtaga. Mari pūhtoro to tjua tahto mahanocā dūhsara. Ā jina Cohamacure ã wacū tuarucuna to tahtore ã cohtarucuga mūsa.

<sup>9</sup> Yū coyea mūsa basi nurena tjiga Cohamacu mūsare to buhiri dahrehta sehe. Ā yoa ahrire wacūga mūsa. Buhiri dahrehtiro to tahto mahanocā dūhsara. <sup>10</sup> Yū coyea, ñano yūhdūpanahta mari pūhtore noano cohtaga Cohamacu yare yahu mūhtaina cjiri ti yoariro seheta. Tina ti cūno pjariro seheta cūno pjaga mūsa cūhū tinare ñū cūna. <sup>11</sup> Ā yoa ahri yū yahuhtire wacūga mūsa. Ñano yūhdūpahta Cohamacure duhueraina wahcheina jira. Panopū macarirore Job wama tirore cjirore tūhore mūsa. Tiro ñano yūhdūparota Cohamacure duhuerari jire. Ā jiro to ñano yūhdūri baharo Cohamacu tirore noano yoari jire. Cohamacu mari pūhtoro noano pja ñūriro jiro āta yoari jire tiro. Tí jipihtiare masina mūsa.

<sup>12</sup> Yū coyea ahrire noano tūhoga tjoa. Ō sehe ni wama payora masa: “Mūano macariro mehne potocā nina nija”, nina masare tūho dutia. Tuhsū, “Ahri yahpa mehne potocā nina nija”, nina masa. Paye mehne cūhure wama payora tina. Tina yoaro sehe ã ni wama payoena tjiga. Ahrire mūsare tuaro dutija. Mūsa painare yahuna, noano potota yahuga tinare. Wama payoro marieno ni yahuga tinare. Ā mūsa potocā yahuchū ñūno Cohamacu soro mūsa niri buhirire buhiri dahresi.

<sup>13</sup> Mūsa mehne macariro ñano yūhdūriro jiro, Cohamacure sinijaro tiro. Pairo wahcheriro jiro Cohamacure wahchea mehne basajaro. <sup>14</sup> Mūsa dohatina, Jesu yaina pūhtoare pjirocaga mūsa. Mūsa ã pjirocachū tina sehe mūsare se mehne wisōahca mari pūhtoro Jesu wama mehne to tuaa mehne. Ā wisō tuhsū, mari pūhtore Cohamacure mūsare sini payoahca tina. <sup>15</sup> Ā ti sini payochū “Mari sinino seheta tiro yoarohca”, ti ni tūhotuchū Cohamacu mūsare dohatiinare mūsa dohatiare yūhdūchū yoarohca. Ā yoa mūsa ñaa yoari buhiri mūsa dohatiina jichū ñūa mūsare sini payoahca. Ti ã sini payochū ñūno mūsa ñaa yoari buhirire borohca Cohamacu. <sup>16</sup> Ā yoa mūsa mehne macaina mehne mūsa ñaa yoarire cahma pū būhūseheri yahuga. Ā ni tuhsū, mūsa basi Cohamacure cahma sini payoga. Mūsa ã sini payochū mūsa sini payoinare Cohamacu yūhdūchū yoarohca. Noare yoaina mūsa jichū Cohamacure tuaro mūsa sini payoriro seheta yoarohca tiro. Ā jia mūsa sini payoa tua nica. Wiho jia jierara. <sup>17</sup> Cohamacu yare yahu mūhtariro cjiro Elia wama tirore mari yoaro seheta masūno jia tiri jimare. Ā jiro “Coro taero tjijaro” ni, tuaro sinia tiri jire Cohamacure. To ã ni sinichū tia cūhma noano pa cūhma dacho macai ahri yahpapure ne coro taera tiri jire. <sup>18</sup> Pari turi tjoa Cohamacure corore to sinichū coro taa tiri jire. Ā jiro pari turi ahri yahpai yucūri būsua, dicha tia tiri jire. (Ā jia Cohamacure mari sinia wiho jia jierara.)

<sup>19</sup> Yū coyea, mūsa mehne macariro Cohamacu yare duhuriro cjiro Cohamacu yare pari turi to cahmahto cjihtore tirore yahuna, noano yoana nina mūsa. <sup>20</sup> Ā yoa ahrire masiga mūsa: Cohamacure duhuriro cjirore Cohamacure pari turi cahmachū yoana, pichacarpū

wahaborirore yuhduchu yoana nica m̄sa. ã jiro payu to ñaa yoari buhirire Cohamacu bo pahñonohca.

## 1 San Pedro

### *Jesu yainare macari waharinare joarocaha Pedro*

<sup>1</sup> Үһһ, Pedro, Jesucristo buhe dutiro to cūrirota jija. ã jicү мұsare yoaro macaa macaripү waha siterinare Ponto yahparү, Galacia yahparү, Capadocia yahparү, Asia yahparү, Bitinia yahparү tí yahparipү waharinare мұsare jipihtinare joarocaja үһһ. Мұsare noa duti joarocaja үһһ. <sup>2</sup> Wahmanopүre Cohamacү mari Pүсү “Õ sehe yoaihtja”, to ni wacүyuriro seheta мұsare besea tiri jire. To ã beseri baharo to yairo Espiritu Santo sehe мұsare Cohamacү yaina cjihtire sōri jire. Õ seheta sōri jire tiro Jesucristore noano үһtihtina мұsa jihto sehe, to di cohāri mehne мұsa ñaa buhirire cosarina мұsa jihto sehe. Cohamacү to cahīa mehne мұsare noano jichү yoajaro.

### *Jesu yaina jina marine мұанопү to nahtore cohtana nija mari*

<sup>3-5</sup> Cohamacү marine tuaro pja ñүno, Jesucristo yariaro to masa мұjari mehne marine pichacapү wahaborinare үһdүchү yoare tiro. ã marine үһdүchү to yoachү pari turi mari masa bajariro seheta Cohamacү to pohnata wahaja mari. ã wahana tiro mehne mari ã jirucuhthore noano masija mari. ã jiro мұsare noano yoaro taro мұsare cohtaro nina. Tiro mehne мұsa ã jirucuhthore cūnohca tiro. ã jina ã jirucunahca мұsa. Тóпү Cohamacү мұsare to wahto ne baasi. Ahri yahparү mari ya ti wete wahāno seheta, ti ñaia waharo seheta Cohamacү мұsare to wahto ne ã wahasi. ã jia ne pihtisi. ã jiro tirore мұsa wacү tuachү, Cohamacү to tuaa mehne мұsare ñү wihboro, үһdүchү yoarohca. Pihtiri dacho jichү мұsare to үһdүchү yoarire masichү yoarohca tiro. Marine to ã pja ñүchү ñүna, Cohacүre mari pүthoro Jesucristo pүсүrore ño payo, “Noana”, nijihna tirore.

<sup>6</sup> ã to үһdүchү yoahthina jina, mahano ahri yahpai мұsa jiro puro payү tahari мұsa ñano үһdүpanahta wahchera мұsa. <sup>7</sup> ã ñano үһdүpanahta Cohacүre duhuerana мұsa tirore noano wacү tuarire masichү yoana nica мұsa. Uru ahri yahpa macaa pini pihtia wahaahca. Uru үһdoro мұsa wacү tuaa sehe wiho waro jierara. ã jia masa uru to jiare masi duaa doha ñүna. Urure ti doha ñүno seheta мұsa wacү tuaare Cohamacү ñү duaro “Ñano үһdүjaro”, niboca мұsare. Мұsa ã ñano үһdүri baharo potocāta tirore мұsa noano wacү tuarucuchү, Cristo ño payoa mehne мұsare “Noano yoahre мұsa”, ninohca. Ahri yahparү tjua taro ã ninohca.

<sup>8-9</sup> Tirore Jesucristore мұsa ñүerapanahta cahīna мұsa. ã yoa mipүre tirore ñүerapanahta tirore wacү tuara. ã wacү tuana, tuaro wahchera мұsa. Cohamacү ã мұsare to wahchechү yoachү pjiro wahchera мұsa. Тí wahchea noa үһdүara. Cohamacү мұsare pichacapү wahaborinare үһdүchү yoarohca мұsa tirore noano wacү tuachү. ã jina pjiro wahchera мұsa.

<sup>10</sup> Cohamacү мұsare to ã үһdүchү yoahthore, мұsare to tuaro cahīare panopү macaina Cohamacү yare yahu мұhtaina cjiri tíre masi duaa, buhe, sinitu ñүa tiri jire. ã jia tíre yahuyu joaa tiri jire. <sup>11</sup> Cristo to ñano үһdүthore, to masa мұjathore, jipihtina bui pүthoro to sүho jihtore tina to masa bajarahtho panopүta yahuyu tuhsүa tiri jire. Jesucristo to yairo Espiritu Santo to yoadohoa mehne ã yahuyua tiri jire tina. ã yahuyua tina Cohamacү yare yahu мұhtaina cjiri ti yahurire noano masi duaa sinitu ñүa tiri jire tina Cohacүre. Espiritu Santo “Cristo wihrohca”, to nirirore “¿Dohse jichү wihrohcar?” ni sinitu ñүa tiri jire tina. “¿To wihichү dohse waharohcar?” nia, tó cүhүre sinitu ñүa tiri jire. <sup>12</sup> Тí ti yahuyuri cjiri ti basi ti masihti cjihti jiera tiri jire. Тíre tinare masichү yoaa tiri jire Cohamacү. Mari sehe mari masihti cjihti jiri jire Cohamacү yare yahu мұhtaina cjiri ti joari cjiri. Мұанопү tariro Espiritu Santo to yoadohoa mehne mipүre noaa buheare мұsare sã yahuja. Panopү мұsa masihti cjihtire ti yahuyuri cjiri



títa jinocaata nina mipure musare sa yahua. Tí buheare anjoa cūhu tuaro masi dua tiri jire.

*Cohamacu* marine ñaa marieina ji dutira

<sup>13</sup> Ñ jina noano wacū masitjiāhna jiyuga musa. Ñ yoana noano tuho masiina jiga. Cristo to tjua tachū Cohamacu musare noano to yoahore wacūga. Ñ yoa tíre noano cohtaga. <sup>14</sup> Panopu Cohamacure masierasina ñaare goa pjaina jimare musa. Mipure tíre yoana tjiga. Ñ yoerana ti pohna ti pucusumare noano ti yūhtiro sehta Cohamacure yūhtiga musa. <sup>15</sup> Ñ yoana to yaina cjihtire musare beseriro ñaa marieriro to jiro sehta musa cūhu ñaa marieinata jiga. Ñ jina noaa dihtare yoana jiga. <sup>16</sup> Ñta ni joaa tiri jire Cohamacu yare ti joari pūi: “Ñaa marieriro jija yūhu. Yū ñ jichū musa cūhu ñaa marieina jiga”, ni joaa tiri jire.

<sup>17</sup> Tiro Cohamacu jipihtina cāinare ti yoiri ñno cūno potori besera tinare. Ñainare, noinare besera. To ñ beseriro jichū tirore “Yū Pucu” ni duana noano yoaga. Ahri yahpai musa jiro puro cua pisaro mehne Cohamacure ño payoro mehne noano jirucuga musa jape nino marieno. <sup>18</sup> Musa ñuchsuma cjiri ti yoiri cjiri ne yaba cjihti jierari jire. Musa cūhu ti yoiri sehta yoana musa jipachuta Cristo musare to yaina cjihti yoare. Wapamoinare ti wapamoiri ti boriro sehta tiro sehta musa ñaa yoiri buhirire potota bonocare. Tíre noano masina musa. Musare ñ yoaro plata mehne, uru mehne wapa wioerare tiro musare ñ yoaro. Plata, uru butia wahaahca. <sup>19</sup> Tiro sehta oveja noari, wete marieriro yoaro sehta jiro Cristo to di mehne to yariari mehne musa ñaa yoiri buhirire cohā, musare yūhdūchū yoare. To di mehne marine ñ yoaro wiho waro ñ yoaro nierare. <sup>20</sup> Panopure ahri yahpare to bajuamehnehto pano Cristo to ñ wahahto cjihtore masi tuhsua tiri jire Cohamacu. Mipure sehta pihtiri dacho panocā to jichū, Cristore noano masichū yoare Cohamacu musare. <sup>21</sup> Cristo to yoadohoro mehne Cohamacure wacū tuara musa. Cohamacu sehta Cristore yariarore masori jire. Ñ yoaro tirore manopu cūno jipihtinare tirore ño payochū yoari jire Cohamacu. To ñ yoachū tirore Cohamacure wacū tuara musa. Musa ñ wacū tuachū tiro noano yoara musare. Ñ jina musare to yūhdūchū yoahore noano masi, cohtara musa.

<sup>22</sup> Noaa buhea ti niriro sehta yoana jina, musa ñaa yoiri buhirire cohārina jira musa. Ñ jiina jina potocāta mari coyeare Jesu yainare cahī masina musa. Ñ jina musa mehne macainare musa yajeripohnari mehne tuaro cahīga. <sup>23</sup> Ñ yoa pari turi wahma masa bajuaina yoaro sehta jiina Cohamacu pohna wahare musa. Mari pucusuma ti pohna tirina jina baharo yarianahca. Tí yoaro sehta jierara Cohamacu pohna musa wahachū. Cohamacu to buhea mehne to catichū yoaa buhea mehne to pohna wahare musa. Tí buhea mehne Cohamacu mehne ñ jirucunahca mari. <sup>24</sup> Ñ sehta nina Cohamacu yare ti joari pūi:

“Jipihtina masa tja yoaro sehta jira.

Ñ yoa noaa ti cūaa, tja cohoru yoaro sehta jira.

Tja ñaia wahara. Cohori cūhu buru bora, baa wahara.

Tí yoaro sehta yariara masa cūhu.

<sup>25</sup> Mari pūhtoro ya buhea sehta ne pihtisi.

To niriro sehta ñ waharohca”,

ni joaa tiri jire. Tí buhea musare ti yahuri cjiri noa buheata jira.

## 2

<sup>1</sup> Ñ Cohamacu pohna jina jipihtia ñaa yoare, mahñoare, ti baharo buhusehei ñano yoa cohtaare, paina ti cūaaare cjoare, painare ñaa quitu dahreare tíre duhuga musa. <sup>2</sup> Ñ yoa wahma masa bajuaina pēchore ti tuaro cahmano sehta musa cūhu noa buheare Cohamacu yare tuaro cahma namoga. Ñ cahma namoga musa tirore musa wacū tua namohto sehta, to yūhdūchū yoana musa wahahto sehta. <sup>3</sup> Ñ yoaga musa mari pūhtoro musare to noano yoare masiina jina.

*Cristo catichu* yoariro tãca yoaro sehe jiriro jira

<sup>4</sup> Cristo catichu yoariro tãca yoaro sehe jiriro jira. Wuhu dahreina cãria tãcare ti cahmaeraro sehetã masa tirore cahmaerare. Cohamacu sehe tirore to ñuchu to beseriro noa yuhduariro jira. To ã jiriro jichu tirore wacũ tuaga. <sup>5</sup> Mũsa cãhu wuhu macaa tãa yoaro sehe jira. Mũsa ã jina Cohamacu ya wuhu macaa tãare noano ti cãriro sehetã masa to yaina cãhu noano mehne jinahca mũsa. ã yoana Cohamacu ya wuhu macaina noaina sacerdotea jinahca mũsa. ã jina sacerdotea wahiquinare wajã jũ mũoa Cohamacure ti wariro sehetã Jesucristo to yoadohoa mehne Cohamacu yare noano yoanahca mũsa. Mũsa ã yoachũ ñu ji coarohca Cohamacu. <sup>6</sup> Õ sehe nina Cohamacu yare ti joari pũi:

“Tãca wuhui ti cũ mũhtari tãca marieno wuhure yoã dũca masierara.

Tó sehetã Cristo marieno yu yaina waha masierara masa.

ã jiro tiro wiho jiriro jierara.

ã jicũ tirore Jerusalẽpu mipure cãi nija.

Tiro yu beseriro noa yuhduariro jira.

ã jia tirore wacũ tuaina wahche, ne bũo tisi”,

ni joaa tiri jire Cohamacu yare ti joari pũi. <sup>7</sup> Tirore wacũ tuaina sehe noa yuhduaro wahaahca. ã jiro wiho jiriro jierara tiro. Tirore wacũ tuaeraina sehe soro wahaahca.

Tinare õ sehe nina Cohamacu yare ti joari pũi:

“Ahriro Cristo tãca yoaro sehetã jira.

Tãcare wuhu dahreina ti cohãno sehetã masa tirore cohãahca.

Ti ã yoapachũta mipure wuhu dahreina wuhure yoã ti cũ mũhtari tãcare ti cũno sehetã Cohamacu tirore pũhtoro sõre”,

ni joaa tiri jire. <sup>8</sup> Õ cãhure nina Cohamacu yare ti joari pũi:

“Mũrocariro tãcare doca wahã sũro to wacũ wahcãnore ne sũerara.

Tó sehetã tãca yoaro sehe jirirore Cristore cahmaerana, tirore yuhduarũcana, Cohamacu cahapu sũsi mari”,

ni joaa tiri jire panopũ. Tina Cohamacu ya buheare yũhtierare. Cohamacu panopũ

“ã waharohca”, to niriro sehetã Cristore cahmaerare tina. ã yoahinare cãa tiri jire Cohamacu tinare.

*Õ sehe jira Cohamacu* yaina

<sup>9</sup> Mũsa sehe Cohamacu to beserina jira. Tiro mari pũhtoro to yaina sacerdotea tirore dahra cohtaina jira mũsa. ã jina to ya curua macaina ñaa marieina Cohamacu yainata jira mũsa. ãta jira mũsa. Cohamacu noa yuhduare to yoarire painare yahuhtina cjihti jira mũsa. Mũsare besea tiri jire nahitianoĩ jiina mũsa jiboro sehetã ñaare yoarucu dutieraro. ã besero noano buhriaroi jiina ti noano ñu masino sehetã, Cohamacure noano masiina, to yare yoarucuina ji dutira mũsare. <sup>10</sup> Panopũre Cohamacu yaina jierari jire mũsa. Mipũ pinihtare to yaina jira mũsa. Panopũre mũsare pja ñũriro mũsare mariasiniri jire. Mipũ sehere mũsare Cohamacu pja ñure.

*Cohamacu* yare yoaina jiga mũsa

<sup>11</sup> Yu cahĩina, ahri yahpai ji dojoahina jierara mũsa. Cohamacu yaina jira mũsa. Mũsa ã jiina jichu ahrire tuaro yahuja mũsare: Mũsa ñaare goã pjaare ne yoãena tjiga. Tĩ ñaare yoana, Cohamacure ñu tuhtiina, ñaina wahana nica mũsa. <sup>12</sup> Cohamacure cahmaeraina watoĩ jina noano yoaina jiga mũsa, mũsare “Yahusãari”, nina. Mũsa ã yoaina jichu tina mipũre mũsare ñano yahusã duapahta, mũsa noano yoãare masiahca tina. ã masia, tina Cohamacure “Noariro, tuariro jira”, niahca. Õ sehetã niahca Cristo ahri yahpapũ to tjua tachũ.

<sup>13</sup> Mari pũhtoro yũhti duana ahri yahpa macaina pũhtoa cãhure yuhduarũcaina jiena tjiga mũsa. Ahri yahpa macarirore mũsa jipihtina bui pũhtoro jirirore tiro cãhure yũhtiga. <sup>14</sup> Pũhtoare yuhduarũcainare buhiri dahre dutiro, warocara tiro tirore yoadohinare. ã yoã noano yoainare “Noano yoãre mũsa”, ni dutiro warocara tiro. To ã warocachũ, tina cãhure yũhtiga mũsa. <sup>15</sup> Mũsa noano yoachũ ñua tũho masieraina ti

m̄suro m̄sare quiti dahre duapahta quiti dahre masierara. M̄sa āta yoach̄u cahmana Cohamac̄u. Ā jina m̄sa p̄htoare ȳhtiga.

<sup>16</sup> Cohamac̄u m̄sa p̄htoro jira. Painare dahra cohtaina jierara m̄sa. Ā jipanahta “Sāre dutiro mariahna. Ā jina ñaare yoanahca”, ni tuhoutuena t̄jiga “Ñaare yoari”, nina. Cohamac̄ure dahra cohtaina jira m̄sa. Ā jina tirore noano ȳhtiina jiga m̄sa. <sup>17</sup> Jipihtina masare ño payoga. Mari coyea Jesu yainare cah̄iga. Cohamac̄ure cua pisaro mehne ñuga. Ahri yahpa macaina jipihtina ti bui p̄htoro jiriro c̄hure ño payoga.

*Cristo ñano ȳhd̄uro to c̄no p̄jaro seheta c̄no p̄jaga m̄sa c̄h̄u*

<sup>18</sup> Dahra cohtaina, cua pisaro mehne m̄sa p̄htoare ȳhtiina jiga. Noaina, m̄sare noano yoaina dihtare ȳhtiina jiena t̄jiga. M̄sa mehne suaina c̄h̄ure ȳhtiga m̄sa. <sup>19</sup> M̄sa ñano yoerapach̄uta m̄sare ti buhiri dahrech̄u Cohamac̄u to cahmano seheta t̄ire m̄sa c̄no p̄jach̄u “Noano yoare m̄sa”, ninohca Cohamac̄u m̄sare. <sup>20</sup> M̄sa ñano yoari buhiri tina m̄sare ti buhiri dahrech̄u t̄ire m̄sa c̄no p̄jach̄u tí yaba c̄jhti jierara. Tí yaba c̄jhti jierapach̄uta noano m̄sa yoapach̄u ti buhiri dahrech̄u t̄ire noano mehne m̄sa c̄no p̄jach̄u Cohamac̄u “Noano yoare m̄sa”, ninohca m̄sare. <sup>21</sup> Ā ñano ȳhd̄uhtinare ji dutire Cohamac̄u m̄sare to yainare. Cristo m̄sa ya c̄jhtire ñano ȳhd̄ure tirore m̄sa ñu c̄hto sehe. <sup>22</sup> Tiro ne ñano yoerare. Ā yoa ne mah̄oerare. <sup>23</sup> Tirore ti tuhtich̄u, tiro sehe tinare tuhti cahmaerare. Tirore ti ñano yoapach̄uta “C̄j̄ihtja m̄sare”, ne nierare tiro. Ti ã yoapach̄uta tinare Cohamac̄u to buhiri dahrehtore quih̄õno to yoah̄tore masino, “Ȳ P̄c̄ap̄u tinare buhiri dahrerohca”, ni tuhoutu tiro. <sup>24</sup> Tiro to basi crup̄u mari ñaa buhirere yariare. Ā waha yariare pari turi mari ñaare yoerahto sehe, Cohamac̄u cahmaa sehere mari yoah̄to sehe. Tiro ñano cami t̄ire marine pichacap̄u wahaborinare ȳhd̄uch̄u yoaro taro. <sup>25</sup> Oveja wisia ti butiro seheta mari c̄h̄u pichacap̄u butihtina jimai. Mip̄u sehere Cristore ovejare ñu wihboriro yoaro sehe jirirore, marine ñu wihborirore wac̄u tuaja mari. Ā wac̄u tuana, to yaina wahi mari.

### 3

*Wamomaca d̄uhteinare õ sehe yoaro cahmana tinare*

<sup>1</sup> Ā yoa dahra cohtainare ȳ dutiro seheta m̄sa namos̄anumiare dutihtja. M̄sa man̄sumare ȳhd̄ur̄caena t̄jiga tina Cohamac̄u ya buheare ti cahmahto sehe. C̄aina tina to ya buheare cahmaeraina jia, tinare m̄sa ȳhd̄ur̄caerach̄u ñua Cohamac̄u ya buheare cahmaboca tina. Tí buheare m̄sa yahuerapach̄uta to yare cahmaboca tina. <sup>2</sup> Āta cahmaboca tina m̄sa noano yoare, m̄sa ño payoa c̄h̄ure ñua. <sup>3</sup> M̄sa numia, carea numia yoaro sehe yoena t̄jiga. Ā yoa m̄sa p̄joaire w̄hawe sapahtaa numia, uru darire busaa numia, wapa ti ȳhd̄ua suhtire s̄aa numia jiena t̄jiga m̄sa, m̄sare “Goa p̄jach̄u yoari”, nina. <sup>4</sup> Ā yoa m̄sa cua pisaro mehne painare niji siaroca mehne yoaa numia jina, noano s̄h̄dua numia jina, ahrireta ñu ji coach̄u yoaga. Ahrire m̄sa yoach̄u wiho waro jierara, Cohamac̄u to ñuch̄u. <sup>5</sup> Ā seheta yoaa tiri jire panop̄u macaa numia Cohamac̄u ya numia c̄jiri. Tí numia Cohamac̄ure wac̄u tuaa numia jia, ti man̄sumare ȳhd̄ur̄caera tiri jire. <sup>6</sup> Tó seheta Sara c̄joro to man̄no Abrah̄ã c̄joro noano mehne ȳhtia tiri jire. Ā jiro tirore “P̄htoro”, ni pisua tiri jire. Ā jina m̄sa noano yoaa numia jina, cuiro mariea numia jina, Sara c̄joro pohna numia yoaro sehe jira m̄sa c̄h̄u.

<sup>7</sup> To noano yoariro seheta m̄sa c̄h̄u m̄sa m̄sa namos̄anumiare noano yoaga. Tí numia mari m̄sa yoaro sehe tua numia jierara. Ā jina ño payoa mehne noano yoaga tí numiare. Cohamac̄u jipihtia dachoripe tiro mehne mari jhtore marine to wariro seheta tí numia c̄h̄ure warohca tiro. Ti ã jiina jich̄u tí numiare noano yoaga. Cohamac̄ure m̄sa siniare m̄sa dojomehnerahto sehe tí numiare noano yoaga.

*Noano ti yoapach̄uta paina tinare ti ñano yoare yahuha Pedro*

<sup>8</sup> Ahri mehne yahu batoihtja: M̄sa jipihtina c̄no mehne noano mehne jiga. Ā jina m̄sa mehne macainare noano p̄ja ñuina jiga. M̄sa coyea Jesu yainare p̄ buh̄seheri

cahma cahĩga. Ā jina noano yoaga tinare. Ā yoa “Wiho jiina jija”, ni tũhotuga. <sup>9</sup> Paina mŭsare ñano ti yoachũ tinare ñano yoa cahmaena tjiga. Mŭsare ti tuhtichũ tinare tuhti cahmaena tjiga. Mŭsare ti ã yoapachũta noano yoaga tinare. Ā yoana “Noano jiga”, niga tinare. Tĩre yoahina cjihtireta to yaina cũre mŭsare Cohamacũ sehe mŭsare noano yoaro taro.

<sup>10</sup> Āta nina Cohamacũ yare ti joari pũi:

“Mŭsa noano wahchea mehne ji duana ne ñano ni durucuena tjiga.

Painare mahñoena tjiga.

<sup>11</sup> Ñaa yoare duhunocahga.

Noaa sehere yoaga.

Cahma mŭsa basi ñũ tuhtiro marieno jiga.

Mŭsa noano jihtore tuaro cahmaga.

<sup>12</sup> Cohamacũ cahmaare yoaina mari pũhtoro ã ñũ wihborucuro nina.

Tirote ti siniare ã tuhorucuro nina.

Ñano yoaina sehere tiro ñũ tuhtira”,  
ni joaa tiri jire.

<sup>13</sup> Noare mŭsa tuaro yoachũ paina sehe mŭsare ñano yũhdũchũ yoa dua bihosi tina.

<sup>14</sup> Noano mŭsa yoapachũta mŭsare ñano yũhdũchũ ti yoachũ ñũno Cohamacũ mŭsare noano yoarohca. Ā jina painare cuiena tjiga. Ā yoa pĩro tũhotuena tjiga. <sup>15</sup> Cristore “Sã pũhtoro jira” ni, mŭsa tũhotuna, ño payoga tirote. Ā yoana Cristore mŭsa wacũ tuaare, Cohamacũ mehne mŭsa jihtore paina ti sinituhto pano tinare mŭsa yũhtihore noano masiyuga. Ā yũhtina niji siaro mehne, noano ño payoa mehne yahuga tinare. <sup>16</sup> Noaina jiga. Ā jina “Ñaaare yoaja”, ni tũhotusi mŭsa. Ā jia Cristo yare noano yoaina mŭsa jichũ paina mŭsare ñaa quitu dahrea, bũoro wahaahca tina. <sup>17</sup> Ñaaare mŭsa yoari buhiri mŭsa ñano yũhdũchũ noaerara. Ā yoa Cohamacũ cahmachũ noaare mŭsa yoapachũta mŭsa ñano yũhdũchũ noa nina tí pinihta.

<sup>18</sup> Ō sehetu yũhdũre Cristo. Cũ tahata jipihtina ti ñaa buhirire yariare tiro. Noariro jire. Ā jiro ñaina mari jichũ mari yaro jiborirore ñano yũhdũre tiro. Ñano yũhdũre tiro marine Cohamacũ yaina wahachũ yoaro taro. To pjacũ yariaa wahare. Ā yariaparota to catia mehne masari jire. <sup>19</sup> Ā masariro jiro tiro ti buhiri dahrehtore cohtaina cjiri presu jiina cjiri yariarina cjirire buheri jire. <sup>20</sup> Tina cohtaina panopũ Cohamacũre yũhtieraina cjiri jia tiri jire. Tĩ pjarũre Noé cjiro to jiri pjarũre, pĩria dohoriare dohoro nia tiri jire. Tiare to dohoro watoĩ Cohamacũre yũhtieraina cjirire ti yũhtichũ cahmano yoari pja cohtaa tiri jimare Cohamacũ. Ā yoa mahainacã ochota dia mininore yũhdũa tiri jire. <sup>21</sup> Minia ti yũhdũriro sehetu bautisaa mehne yũhdũra masa. Mari pjarũre mari wete tju cosaro sehe jierara bautisaa. Soro sehe jira bautisaa. “Ñaa buhiri marieina jija”, mari ni masihtu cjihtore Cohamacũre “Mũhũre wacũ tuaja”, mari ni yahua jira ahri bautisaa. Ā yoa Jesucristo to masa mũjari mehne yũhdũja mari. <sup>22</sup> Tiro Jesucristo mũanopũ wahari jire Cohamacũ potu bũhũsehei jiro, tiro mehne dutiro taro. Ā jiro tiro anjoa bui, mũano macaina pũhtoa bui, dutiina bui ti pũhtoro jira.

#### 4

##### *Cristo yaina jina noa sehere cohtotaina jinahca*

<sup>1</sup> Mari ñano yũhdũna ñano yoare duhunocaja mari. Cristo ñano yũhdũri jire. Ā jina tiro ñano yũhdũro to cuierariro sehetu to suaerariro sehetu mŭsa cũhũ to yoariro sehetu yoaga. <sup>2</sup> Ō sehetu yoaga mŭsa ñaaare mŭsa goa pjaare pari turi mŭsa yoaerahtu sehe, Cohamacũ cahmaa sehere mŭsa yoarucuhtu sehe. <sup>3</sup> Panopũ Cohamacũre cahmaeraina ñaaare goa pjaare ti yoariro sehetu yoarucuri jimare mŭsa cũhũ. Bũo tiro marieno ñano yoana, ñaaare goa pjaare yoana, cahana, cahaa bose nũmũrine yoana, “Cohamacũ jira”, mŭsa nia masũrine, Cohamacũ to ñũ yabia masũrine ño payona ahri sehereta yoari jimare mŭsa. Ā jina tó purota yoa batoaga. <sup>4</sup> Ā jia tí ñaputiare yoaina mehne mŭsa

jisinichu mipure musa tıre yoerachu ñua tina sehe ñu cıaa wahara. Ā yoa musare ñano quiti dojomehna. <sup>5</sup> Ti Ā yoachu ñano ti ñaa yoirire Cohamacu sehe sinitu ñano, yahu yuhdu dutirohca tinare. Tiro catinare, yariaina cıhure besehtiro buhiri dahrehtiro jira. <sup>6</sup> To Ā besehtiro jichu jipihtina masa sehe mipu yariarina cjrıre noa buheare yahure Cristo ti yariahto pano. Ō sehta ni yahure ti pjacurire Cohamacu to yaria dutipachuta. Ā yahure tiro Cohamacu jipiltia dachoripe to jiro sehta tiro mehne ti jirucuhto cjihtore.

<sup>7</sup> Pihitiri dacho cjihto mahanocā dıhsara. Ā jina noano tuho masiina jiga, mipure Cohamacu mehne musa durucuhto noano. <sup>8</sup> Painare cahına payu tahari ñaare ti yoapachuta Ā ñnocaja mari. Ā jina musa mehne macainare Ā cahırucuga. Paye dutia yuhdoro tıreta yoaga. <sup>9</sup> Musa mehne macainare ne nureno marieno musa wıhısepu sãa ta dutiga tinare. <sup>10</sup> Cohamacu musare cainare musa yoa masihtipe cıri jire. To Ā cıchu, musa yoa masiro sehta musa mehne macainare tıre noano yoaga. To cıriro sehta painare noano yoadohona, Cohamacu to cıriro sehta noano yoana nica musa. <sup>11</sup> Musa Cohamacu yare noano yahuina jina, Cohamacu to yahuboriro sehta noano yahuga musa cıhu. Masare yoadohoina jina Cohamacu to cıri tuua mehne painare yoadohoga. Tı jipihtiare yoana Cohamacure masa ti ño payohto sehe Ā yoarucuga. Jesucristo sehe tıre musa yoachu yoadohorohca. Tirore jipiltia dachoripe ño payoa, “Tuarıro jira”, nino cahmana jipihtinare. Āta nijaro.

#### *Jesu yaina ti jiri buhiri ti ñano yuhduare yahuha Pedro*

<sup>12</sup> Yu cahıina, mipure ñaputiaro yuhduna, “Cue, soro jiro wahaca yuhure” ni, wacı cıaena tjiga. Musa ñano yuhduchu Cohamacu musa tirore wacı tua namochu yoa duaro, “Ñano yuhdujaro”, nino nica tiro. <sup>13</sup> Cristo to ñano yuhduıro sehta musa cıhu Ā wahana, wahchega musa. Ā wahchena Cristo to si sitea mehne to tjua tachu musa noano wahchenahca. <sup>14</sup> Cristo yaina musa jiri buhiri paina musare ti tuhtichu Cohamacu to yairo Espıritu Santo to si siteriro musa mehne jiro nina. Ā jina wahchega musa. <sup>15</sup> Ā yoa masare musa wajarı buhiri, musa yacari buhiri, paina ti yoirire ñua tinare musa soro ni dojomehneri buhiri musa ñano yuhduchu ñaa nina. <sup>16</sup> Ā jipachuta Cristo yaina musa jiri buhiri ñano yuhduna, buo tiena tjiga. Ñano yuhdupanahta Cristo yaina musa jiare wahchena, Cohamacure “Noana” ni, ño payoga musa.

<sup>17</sup> Cohamacu to yaina ti yoirire ñano to besehti pja jiro nina mipure. Jipihtina mari to yaina mari yoirire ñano bese muhtanohca “Ahri ñaa jira. Ahri noaa jira”, nino. Ā bese muhtano dohse yarohcari to yaina jieraina sehere? Tirore yuhtieraina sehere tuaro buhiri dahrerohca. <sup>18</sup> Ō sehe nina Cohamacu yare ti joari pı: “Noaina yuhduahca. Ti Ā yuhduhto mijo curera. To Ā mijo curechu Cohamacure cahmaeraina sehe ne yuhduı. Basioerara tinare”, nina Cohamacu yare ti joari pı. <sup>19</sup> Ā jina Cohamacu to cahmachu musa ñano yuhduina jina, noaare musa yoirire ne duhuena tjiga. Ā yoa musare bajuamehnerirore musare ne duhuerarirore tirore wacı tuarucuga musa.

## 5

#### *Jesu yaina ti yohtore yahuha Pedro*

<sup>1</sup> Mipure Jesu yaina cahmachuina puhtoare yahuıhtja. Yuhu Jesu yaina puhtoro jija. Musa cıhu ti puhtoa tjira. Musare yu yoaro sehe puhtoa jıinare ahrire yahui tai nija yuhu. Cristo to ñano yuhduıre ñarıro cjiro jıcu, muanopu Cristo mehne yuhduhtiro jıcu ahrire musare yahuıhtja: <sup>2</sup> Cohamacu yaina oveja yoaro sehe jira. Musa sehe ovejare ñu wıhbogina yoaro sehe jira. Tinare Cohamacu musare to cırinare musa yaina masare noano ñu wıhboga. Ā yoana Cohamacu to cahmarıro sehta noano yajeripohna tia mehne tinare ñu wıhboga. Ā tinare ñu wıhbona, “Sã ñu wıhbori wapa niherure wapatanahca”, niena tjiga musa. Wahchea mehne tinare ñu wıhboga. Wahchea mehne tinare ñu wıhboga. <sup>3</sup> Ā ñu wıhbona tinare ñano dutipena tjiga. Ā jina noano yoaga musa Jesu yaina musare ti ñu cıhto sehe. <sup>4</sup> Musa Ā yoana Cristo jipihtinare marine ñu wıhboriro to tjua tachu puhtoro to pisari soro noano si siteri sorore musare to waboriro

seheta tiro mʉsare noaare to wahtore cjuanhca. Tí mʉsa cjuahhti ne pihtisi. Ā jina tiro mehne yʉhdʉnahca mʉsa.

<sup>5</sup> Tinare yʉ dutiriro seheta mʉsa wahma yapia cʉhʉ tinare mʉsa pʉhtoare yʉhtiina jiga. Ā yoa mʉsa mehne macainare jipihtinare ño payoa mehne yoadohoga. Ō sehe nina Cohamacʉ yare ti joari pʉi:

“Masare yʉhdʉrʉca duainare Cohamacʉ ñʉ tuhtira.

Painare ño payoina sehere ‘Wiho jiina jija’, ni tʉhotuina sehere noano yoara tiro”, nina to yare ti joari pʉi. <sup>6</sup> Ā jina Cohamacʉ tuariro mʉsare to dutichʉ “Wiho jiina jija” ni, tirore ño payoga. Mʉsa ā yoachʉ to quihōri pja jichʉ mʉsare paina ño payoahca to dutiro mehne. <sup>7</sup> Tiro mʉsare pjiro tʉhotu ñʉ wihbora. Ā jina ne pjiro tʉhotuena tjiga mʉsa sehe.

<sup>8</sup> Ā yoa wacʉ masi jinohbʉ. Mʉsare ñʉ tuhtiriro watino yairo suariro to maca chʉro seheta mʉsare ñano yʉhdʉchʉ yoa duara. Ā yoa mʉsare ñano yoa dutira. <sup>9</sup> Jipihtiro pʉ ahri yahpʉrʉre paina Jesu yainare ñano yʉhdʉchʉ yoa, ñano yoa dutira watino. Tíre masina, tirore yʉhtiina tjiga. Ā jina Cristore tuaro wacʉ tuaga mʉsa. <sup>10</sup> Ā yoa mahanocā mʉsa ñano yʉhdʉri baharo Cohamacʉ mʉsare yoadohorohca. Mʉsare noaina jichʉ yoarohca. Tirore mʉsa wacʉ tua namochʉ, tirore mʉsa ne duhuerachʉ yoarohca mʉsare. Tiro jipihtia dachoripe mʉanopʉ Cristo mehne mʉsa jihtore mʉsare cʉriro jira. Tiro Cohamacʉ jira jipihtinare pja ñʉriro. <sup>11</sup> “Jipihtia dachoripe tiro tuariro jira”, ni ño payojihna tirore. Āta yoarucujihna.

#### *Noa duti batoaha Pedro*

<sup>12</sup> Ahri pʉcāre mahari pʉcāre mʉsare yʉ waroca duachʉ Silvano sehe yʉhʉre joabasahre. Tiro Jesu yairo yʉ coyero, Jesu yare ā yoarucuriro jira, yʉ tʉhotuchʉ. Mʉsare noano yahu duaja. Ā jicʉ “Ahri buhea potocāta Cohamacʉ mʉsare to cahia buhea jira”, ni yahucʉ mʉsare ahri pʉre joarocaja. Ā jina ahri buheare ne duhuena tjiga mʉsa.

<sup>13</sup> Mʉsare to yaina cjihtire to beseriro seheta Jesu yaina Babilonia macaina cʉhʉre besea tiri jire Cohamacʉ. Tina sehe mʉsare noa dutira. Marco yʉ macʉ yoaro sehe jiriro cʉhʉ mʉsare noa dutira. <sup>14</sup> Mʉsa mehne macainare noano mehne piti bocasiniga.

Jipihtina Jesucristo yaina noano jiga mʉsa.

## 2 San Pedro

### *Jesu yainare joarocaha Pedro*

<sup>1</sup> Yuhũ Simo Pedro Jesucristo buhe dutiro to cūrirota jija. Tirore dahra cohtariro jija. Jesucristo, Cohamacũ waro jiro, ñaa buhiri marieriro jiro marine cūno potorita yũhdũchũ yoariro jira. Ñ jiro tirore mũsa wacũ tuachũ, to yaina wahachũ yoare mũsare. Mũsa ã wacũ tuachũ wiho waro jierara, Cohamacũ to ñũchũ. Ñ to yaina mũsa wahachũ mari cūno potorita to yaina jija. Ñ jicũ mũsare joarocaja.

<sup>2</sup> Ñ yoa Cohamacũ cũhũre mari pũhtoro Jesu cũhũre masi namona ti cahĩa mehne noano jirucunahca mũsa. Ñ noano mũsa jihto sehe mũsare sini payoja. Ñ nicũ mũsare noa dutija. Cohamacũ mũsare pjĩro noano yoa namojaro.

### *Õ sehe jira Cristo yaina*

<sup>3</sup> Cohamacũ ñaa marieriro jiro, to tuaa mehne marine to yaina jihtinare bese cũ tuhsũa tiri jire. To ã bese cũchũ tũhona, tirore masina to yaina wahaja mari. Ñ wahana Cohamacũre masi namona, to tuaa mehne to cahmano seheta noaina jinahca mari. <sup>4</sup> Tĩ to tuaa mehne marine noa yũhdũaro yoare. “Õ seheta mũsare noano yoaihtja”, to niriro seheta marine noa yũhdũaro yoara. Marine to ã yoachũ ñũna Cohamacũ to jiro seheta waha namonahca mari. Ñ jina ahri yahpa macaa ñaare, mari ñaare goa pjaare mari duhunocaja. Tĩ ñaa sehe marine dojomehne yũhdũamahre.

<sup>5</sup> Cristore noano wacũ tuaina ji tuhsũra mũsa. Ñ jina õ sehe yoa namoga tjoa: Noaare yoaina jiga mũsa. Ñ jina Cohamacũ cahmaare noano masiina jiga mũsa. <sup>6</sup> Ñ nano yoa duapanahta Cohamacũ cahmaa sehene yoarucuina jiga mũsa. Ñ yoa Cristo yaina mũsa jiri buhiri ñano yũhdũpanahta ã cūno pjarucuga mũsa. Ñ jina Cohamacũre ño payoina, to cahmaare yoaina jiga mũsa. <sup>7</sup> Ñ yoa mũsa mehne macainare cahma ño payoina, tinare noano yoadohoina jiga mũsa. Ñ yoa jipihtina paina cũhũre cahĩina jiga.

<sup>8</sup> Mũsa õ sehe yoa namochũta noa yũhdũara. Mũsa ã yoa namona, noano yoaina jirucunahca. Ñ jina Cristo to cahmaare noano yoarucuina jinahca mũsa. Wiho waro jiina jisi mũsa. Ñ yoa Cristore mũsa wacũ tuari wiho waro jisi. Yũ niriro seheta mũsa yoa namochũ pinihtare noa yũhdũara. <sup>9</sup> Mũsa ã yoa namoerana Cohamacũ yare ne masieraputiara mũsa. Ñ yoa namoerana jina capari ñũerana o capari noano ñũ bocaerana yoaro sehe jina, Cohamacũ cahmaare ne masierara mũsa. Ñ yoa namoerana Cristo mũsa ñaa yoari buhirire to cohãri cjirire ne wacũ payoerara mũsa. Ñ ata bonoca duara mũsa. <sup>10</sup> Ñ jina, yũ coyera, Cohamacũ to yaina cjihtire mũsare to ji dutichũ yũhtire mũsa. Ñ yũhtiina jina, to yare ne wacũ duhuerana to cahmaare tuaro yoarucuga. Mũsa ã yoarucuna potocãta Cohamacũ mehne jinahca mũsa. Ñ yoa potocãta to beserina jinahca mũsa. Ñ yoana to yare duhuina jisi mũsa. <sup>11</sup> Mũsa ã to cahmano sehe yoaina jina mari pũhtoro marine yũhdũchũ yoariro Jesucristo to sũho jiropũ noano wahanahca mũsa. Tõpũ tiro mari pũhtoro ã jirucurohca. Potocã to yaina waro mũsa jichũ ñũno “Noano mehne yũhũ mehne jiga mũsa”, ninohca Jesu mũsare.

<sup>12</sup> Ñ yoa ahrire mũsare ã wacũchũ yoarucuihtja. Ahri mũsare yũ yahurire masi tuhsũhre mũsa. Ñ masina Cohamacũ yare mũsa tũhoriro seheta noano yoana nina mũsa. Ñ yoaina mũsa jipachũta ahri mũsare yũ yahurire ã wacũchũ yoarucuihtja mũsare. <sup>13-14</sup> Mahanocã dũsara yũ yariahto. Tĩre noano yahure mari pũhtoro Jesucristo yũhũre. Ñ jicũ catisinicũ waro ahri yũ yahurire mũsare ã wacũchũ yoarucuihtja. Yũ ã yoachũ noa nina. <sup>15</sup> Ñ jicũ ahri yũ yahu joari cjirire mũsare joa cũ pahũoihca yũ yariari baharo mũsa noano masihto sehe. Ñ jina ahri yũ yahurire ã wacũrucunahca mũsa.

*Cristo to tuariro to jia tiare ñũha Pedro cũhũ*

<sup>16</sup> Ñ yoa Cristo to tuaa cūhure to tahto cūhure musare yahuna, sã m̄ s̄uro yahuna nieraja. Masa ti m̄ s̄uro ti masia mehne ti yahua jierara musare sã yahua. Tuariro to jiare sã basita ñ̄i. <sup>17</sup> Cristo to tua yūhd̄uariro to jiare sãre ñore Cohamac̄u mari P̄c̄u. To ã ñoch̄u tiro sehe noano si siteriro jire. To ã si sitech̄u ò sehe nino coa tare to si sitero watoi: “Ahriro yū mac̄u, yū cah̄iuro jira. Tiro mehne tuaro wahcheja”, nino coa tare Cohamac̄u tua yūhd̄uariro. <sup>18</sup> M̄anop̄u to ã nino coa tach̄u t̄hoi sã. T̄c̄u buip̄u Cohamac̄u to jiri t̄c̄u Cristo mehne jii sã.

<sup>19</sup> Tíre ñ̄urina jina, Cohamac̄u yare yahu m̄htaina cjiri panop̄u macaina ti joari cjiri potocã ti jich̄u noano masija sã. Ti joari cjirire noano ñ̄u buherucuna noano yoana nina m̄sa. Tí ti joari cjiri Cohamac̄u yare marine noano masich̄u yoara. Ahri yahpai ñ̄aare ti yoari yahpai nahitiano mari jiboro seheta buhriaro marine to noano ñ̄u masich̄u yoaro seheta Cohamac̄u noano masich̄u yoara marine. Ñ jina Cohamac̄u yare ti joarire ã buherucuga. Ñ buherucuna Cristo to tjua tach̄up̄u buhe duhunahca. Ñ tjua taro to yare mari masierarire marine noano masi pah̄noch̄u yoarohca. <sup>20</sup> Jip̄ihtia ahri yū yahuri yūhd̄oro ahri sehere noano masiga m̄sa: Cohamac̄u yare yahu m̄htaina cjiri panop̄u ti joari cjirire mari m̄ s̄uro tíre buhena, “Ò sehe nino nica”, ni masieraja. <sup>21</sup> Ne masa ti m̄ s̄uro Cohamac̄u yare joaera tiri jire. Panop̄u macaina cjiri Cohamac̄u yare ti joach̄u Esp̄iritu Santo sehe ti joah̄tore tinare masich̄u yoaa tiri jire.

## 2

*Cohamac̄u* yare potocã buherainare yahuha Pedro

<sup>1</sup> Panop̄u mari coyera judio masa mehne macaina “Cohamac̄u yare yahu m̄htaina jija”, ni mah̄ñoia jia tiri jire. Ti yoaro seheta mip̄u cūhure m̄sa mehne macaina ã ni mah̄ñoia jahca. Tina potocã ti buheboro seheta mah̄ñoa sehere buheahca. Ñ buhea Cristo ya sehere dojomehneahca. Ñ yoa Cristo to yūhd̄uch̄u yoaborina jipahta tirore “Sã p̄htoro jira”, ni t̄hotuerara. Tí jip̄ihtiare ti ã yoari buhiri dóihta Cohamac̄u tinare tuaro buhiri dahrerohca. <sup>2</sup> Ñ mah̄ño ti buhech̄u t̄hoia tina ti ñ̄aare goa p̄jariro seheta paȳu masa tinare ñ̄u cū ñ̄ano yoahca. Ti ã ñ̄ano yoach̄u ñ̄u paina masa cūh̄u noaa buheare ñ̄ano quiti dahreahca. <sup>3</sup> Ñ jia tina mah̄ñoia niñerure wapa cah̄maa, mah̄ñoa, ti m̄ s̄uro ti yahua buheare buheahca musare. Ti ã buheri buhiri Cohamac̄u tinare tuaro buhiri dahrerohca yūhd̄oro marieno. Panop̄uta ã yoainare buhiri dahre duti tuhs̄ua tiri jire tiro.

<sup>4</sup> Tó seheta panop̄uta Cohamac̄u ñ̄aina anjoa cūhure to buhiri dahrehtore cū tuhs̄ua tiri jire. Tinare pichac̄up̄u nahitiano p̄esu yoaa tiri jire. Ñ yoaro pihtiri dacho baharo tinare buhiri dahrerohca. <sup>5</sup> Tó seheta panop̄u macainare Cohamac̄ure cah̄maerainare tiro buhiri dahrea tiri jire. Ñ yoaro jip̄ihtiro ahri yahpare miono, jip̄ihtina masa ñ̄ainare mio waj̄aa tiri jire. To ã miohto pano Noe cjiro sehe tí p̄ja macaina cjirire noare yoaa dutiro yahua tiri jimare. To ã yoaro watoi Cohamac̄u ahri yahpare miono, Noéne tiro mehne macaina cūhure yūhd̄uch̄u yoaa tiri jire. Tina jip̄ihtina to yūhd̄uch̄u yoarina ocho masa jia tiri jire. <sup>6</sup> Tó seheta Sodoma wama tiri maca macaina cjirire Gomorra wama tiri maca macaina cjiri cūhure Cohamac̄u buhiri dahrea tiri jire. Tí macarine pichaca mehne noano j̄u pah̄ñonocaa tiri jire. Ñ yoaro baharop̄u jip̄htinare tirore cah̄maerainare ñ̄ono nia tiri jire. Ñ̄ainare to buhiri dahrehtore ñ̄ono nia tiri jire tinare. <sup>7</sup> Ñ yoaro Lote wama tirore cjiro sehere yūhd̄uch̄u yoaa tiri jire. Lote sehe noariro jia tiri jire. Ñ jiro jiro Sodoma macaina Cohamac̄u dutiare yūhd̄ur̄ucaina ñ̄abiaro ti yoach̄u ñ̄uno pomea waha, ñ̄ano t̄hotua tiri jire. <sup>8</sup> Tiro noariro ñ̄aina watoi jiro, dachoripe ñ̄abiaro ti yoach̄u ñ̄uno, ñ̄ano ti durucuch̄u t̄horo ñ̄ano yajeripohna tia tiri jire.

<sup>9</sup> Tirore to yūhd̄uch̄u yoach̄u ñ̄una ahri yū yahutire masija mari. Cohamac̄u mari p̄htoro tirore cah̄mainare ti ñ̄ano yūhd̄uch̄u ñ̄uno tinare yoadohorohca. Ñ jiro ñ̄aina sehere p̄esu yoaro tinare c̄j̄ara pihtiri dacho jich̄u to buhiri dahrehto sehe. <sup>10</sup> Ñ̄aare tuaro goa p̄jainare Cohamac̄ure yūhd̄ur̄ucainare tina pinihtare ñ̄ano buhiri dahrerohca



tiro. Ahrina m̄sa mehne macaina mahño buheina ñaare yoaa, ne cuierara. ã yoa buo tierara tina. “Painare masi ȳhd̄ur̄caja”, ni tuhutuina jira tina. ã jiina jia m̄ano macaina tuainare ne ño payoeraa, cuiro marieno ñano ni buj̄pera tinare. <sup>11</sup> Anjoa sehe ne ti yoaro sehe yoerara. Tina sehe mahño buheina ȳhdoro tuaina jira. ã jipahta tina ne buj̄pea mehne m̄ano macaina tuainare ñano yahus̄erara Cohamac̄re, “Painare ȳhd̄ur̄caja”, nieraina jia.

<sup>12</sup> Wiho mejeta ahrina mahño buheina sehe n̄c̄u macaina wahiquina yoaro sehe tuh̄o masieraina jira. N̄c̄ur̄p̄ boca s̄ua ti waj̄htina yoaro sehe jira tina. Ti cahmano seheta yoara tina. ã jia ti masierainare buj̄pe, ñano ni durucu cohtara. ã yoaina jia wahiquina yariahtina ti jiro seheta tina c̄uh̄u to buhiri dahrehtina jirucuahca. <sup>13</sup> Tinare ti ñano yoari buhiri buhiri dahrerohca Cohamac̄u. Tina ñaare goa p̄ja ȳhd̄ara. ã yoaa dachor̄p̄ masa ti ñurocaroi to jipach̄ta ñano yoarucura. M̄sa mehne bose n̄m̄u yoaa, tí bose n̄m̄ui ñaare yoa ȳhd̄ara. ã jia m̄sa bose n̄m̄ure ti wete dahrero seheta tinare m̄sa ñ̄ c̄uh̄u tí ñaa pihara m̄sare.

<sup>14</sup> ã yoaa numiare ñ̄a, ñaha duara tina. Tuhs̄u, ñaare ã yoarucu duara. Cohamac̄re wac̄u tuaera cureinare ñaare yoa dutia, tó sehe jiinare tinare ñ̄u c̄uh̄u yoara. ã yoa ti sahsero paye barore, niñeru c̄uh̄are mahño ma mihniina jira. Tina Cohamac̄u to buhiri dahrehtina jira. <sup>15</sup> Tina Cohamac̄u yare buheraa, soro jia buhea sehere buhera. ã yoaa Bal̄aa yoaro sehe yoaa nina. Bal̄aa, Beor mac̄no jia tiri jire. Tiro sehe panop̄u to ñaa yoari mehne niñerure wapata duaa tiri jimare. <sup>16</sup> To ã yoach̄u ñ̄no Cohamac̄u tuhtia tiri jire tirore. To burro durucueraricoro jiparota mas̄no yoaro sehe to p̄rore durucu tuhtia tiri jire. To ã tuhtich̄u tuhoro Bal̄aa tuaro to ñaare yoa duamarire duhunocaa tiri jire. Tuh̄o masierariro to yoa duamarire duhunocaa tiri jire.

<sup>17</sup> Ahrina mahñoina mári pohtarip̄u co marieno yoaro sehe jira. Co mariea mári pohtari ti yaba c̄ijhti jieraro seheta tina mahñoina ne yaba c̄ijhti jierara. ã yoa me curuari m̄ano macaa core waboa curuarire wihnono to w̄rocach̄u ti curuari yaba c̄ijhti jierara. ã ti yaba c̄ijhti jieraro seheta, tina mahñoina c̄uh̄u masare yoadohoera, ne yaba c̄ijhti jierara. ã jiro nahitiano warore yoa tuhs̄ua tiri jire Cohamac̄u tórp̄u tinare buhiri dahrero taro. <sup>18</sup> Tina mahñoina ti durucua yaba c̄ijhti jierara. Masiina yoaro sehe masare ã buhemacanocahna. Õ sehe ni buhera tina: “Mari cahmano seheta mari yoach̄u noa nina”, ni buhemana tina. Ti ã ni buhech̄u masa tuh̄oa ñaare goa p̄jaa, ti ya buheare cahmana. Paina masa Cohamac̄re potoc̄ata wahma cahma d̄caina mahanoc̄ata wahara ti ñaare ti duhuri baharo, quih̄ono yoeraina mehne macaina ti jiri baharo. Tinare mahñoina ti buhech̄u tuh̄oa ñaare cahmana tjoa Cohamac̄u yaina jiborina jipahta. <sup>19</sup> Tinare õ sehe ni buhera mahñoina: “Mari cahmano seheta mari yoach̄u noa nina”, ni buhemana tina. Ti ã ni buhepach̄ta ti niriro sehe wahaerara tinare. Ñaare duhu duaeraa, tíre duhu masieraputiara. Ti ã duhu masierach̄u, tí ñaa ti p̄htoro yoaro sehe jira. <sup>20</sup> Mari p̄htoro Jesucristore marine ȳhd̄uch̄u yoarirore wahma cahma d̄caina sehe ahri yahpa macaa ñaare duhunocamare. Ti ã duhuri baharo pari turi ñaare yoaa tjoa, ñabiaro waro tjuara tina. Cristore ti masihto pano ti ji m̄htariro ȳhdoro ñabiaro tjuara j̄na, pari turi ñaare yoaa tjoa. <sup>21</sup> ã ñabiaro tjuaa, Cohamac̄u tinare to dutiare ȳhd̄ur̄caa, noaa buhea sehere ti ne masi m̄htaerach̄u noabiaboa tinare. <sup>22</sup> ã jia pari turi ñaare yoaa, masape ti ni durucurucuro seheta yoaa nina tina. Õ sehe ni durucura masa: “Diero toa tuhs̄u pari turi to toa c̄uri c̄jirire ch̄ura. ã yoa yesere ti cosari baharo pari turi tiro ñari sah̄bai cuhs̄ura tjoa. (Tó seheta yoara noaa buheare cahmamarina c̄uh̄u pari turi ñaare cahmaa tjoa)”, ni durucura masa.

### 3

*Cristo ahri yahpap̄u to tjuatahtore yahuha Pedro*

<sup>1</sup> Ȳu cah̄ina, m̄sare c̄ã p̄u joaroca tuhs̄ui. ã jic̄u ahri p̄ure mip̄ure m̄sare joarocai nija tjoa. Tuhs̄u p̄ua taha joarocac̄u ahri jipihtiare m̄sare wac̄uh̄u yoa duai nija noaa

dihtare m̄sa t̄hotuhto sehe. <sup>2</sup> Panop̄ macaina noaina Cohamac̄ yare yahu m̄htaina cjiri ti yahu joari cjirire wac̄ga m̄sa. Mari p̄htoro marine ȳhd̄ch̄ yoariro Cristo to dutia c̄h̄re wac̄ga. Tí dutiare s̄a to c̄rina m̄sare buhei.

<sup>3</sup> Ahrire m̄sa masich̄ tuaro cahmaja. Ā jina wahmanore ahrire wac̄ m̄htaga: Pihtiri dacho panoc̄ Cohamac̄ yare b̄j̄peina jiahca. Tina ñaare goa pjarucuina jiahca. Ō sehe ni b̄j̄peahca: <sup>4</sup> “Cristo ‘Tjua taihtja’, niparota ne tjua tasi. ¿Tjua ta duaparota dohsearo ne bajuerajari tiro? Ahri yahpa to ji d̄cari baharo mari ñuch̄suma m̄na ti yariari baharo jipihtiro soro sehe waharo marieno ā jirucura. Ā jiro ahri yahpare tahtiro m̄anop̄re mariaha”, ni b̄j̄peina jiahca. <sup>5</sup> Ā ni b̄j̄pea ahri sehere ne wac̄erara tina: Panop̄re Cohamac̄ to dutiro mehne ahri yahpare, m̄ano c̄h̄re bajuamehnea tiri jire. Ā yoa tuhs̄ ahri yahpai co dihta jirore yahpa jich̄ yoaa tiri jire tiro. Ā yoaro co mehne ahri yahpa mip̄ to jiro seheta ahri yahpare yoaa tiri jire tiro. <sup>6</sup> Ā yoa baharop̄ ahri yahpare miono, coh̄ pah̄oa tiri jire ahri yahpa macaare ahri yahpa macaina c̄h̄re. (Ā jiro ahri yahpare c̄ tahata soro wahach̄ yoa tuhs̄a tiri jire Cohamac̄.) <sup>7</sup> Ā soro wahach̄ yoaparota mip̄re m̄anore, ahri yahpa c̄h̄re pari turi cohtotach̄ yoerasinire tiro. Tiro to dutiro mehne ahri yahpare m̄ano c̄h̄re mip̄re ti jiro seheta jirucu namoch̄ yoaro nina. Ā jiro cohtaro nina baharo jipihtiro p̄re j̄no taro. Ā cohtaro nina Cohamac̄ tirore cahmaerainare buhiri dahrero taro. Ā buhiri dahrero tinare pichac̄p̄ coh̄nohca.

<sup>8</sup> Ȳ cah̄ina ahrire wac̄ga m̄sa: Mil c̄h̄marine “Yoabiari pja jira”, mari ni t̄hotupach̄ta c̄ dachota jira Cohamac̄ to ñuch̄ sehere. <sup>9</sup> “Cohamac̄ to niriro sehe ne so yoeraputia”, nina masa. Ā jierara. Masare noano yoa duaro cohtasinino nina. Ne c̄iro mas̄nore pichac̄p̄ coh̄ duaerara tiro. Ā jiro jipihtina pano ti ñaare t̄hotumarire ti duhuch̄, Cohamac̄re ti cahmach̄ cahmasinina tiro.

<sup>10</sup> Ñamip̄re yaca b̄c̄uro to wac̄enoca yacaro s̄ariro seheta Cristo ahri yahpap̄re wac̄enoca tarohca. To tach̄ to tuaro bisich̄ta m̄ano macaa pihtia wahaahca. J̄ pihtia wahaahca. Ā yoa ahri yahpa, ahri yahpa macaa c̄h̄ j̄ pihtia wahaahca. Cohamac̄ ahri yahpa macainare buhiri dahrero taro nina.

<sup>11</sup> “Ahri jipihtia pihtia wahaahca”, Cohamac̄ to nich̄ t̄hona ñaare duhuina, Cohamac̄ cahmaare yoaina jiro cahmana marine. <sup>12</sup> Mari p̄htoro Cristo ahri yahpap̄ to tahtore cohtaina jina, soaro mehne to tach̄ yoaga m̄sa. Tí dachoi m̄ano macaa j̄ pihtia wahaahca. Jipihtia j̄ sip̄a wahaahca. <sup>13</sup> To ā cuaro wahahto to jipach̄ta mari sehe Cohamac̄ to ni c̄iro seheta jipihtiare to cohtotahtire cohtaja mari. Jipihtia ti j̄ pihtiaro baharo ō sehe jirohca. M̄anop̄ c̄h̄ ahri yahpap̄ c̄h̄ wahma jiahca. Ā yoa tí pjar̄re noaa dihtare yoahca jipihtina. Ahrieta cohtaja mari.

<sup>14</sup> Ā yoa ȳ cah̄ina, mari p̄htoro to tahtore cohtaina jina Cohamac̄ to ñarocaroi noano yoaina jiga m̄sa ñaa buhiri marieina m̄sa jihto sehe. Ā noano yoaina jiga m̄sa Cohamac̄ m̄sa mehne to wahchehto sehe. <sup>15</sup> Yoa cureri pja to bajuerach̄ ñ̄na ahrire masiga m̄sa. Masa tirore cahmaina to ȳhd̄ch̄ yoah̄tina d̄hsasinina mini. Ā jiro tinare cohtasinino nina Cohamac̄. Āta ni m̄sare joarocari jire mari coyero mari cah̄riro Paulo. Cohamac̄ to masia mehne tíre joarocari jire tiro. <sup>16</sup> Ā dihta ni joarocara Paulo to joarocaa taharipe. Cristo to tahtore, ñaare yoeraina mari jihto c̄h̄re yahuro ō sehe dihta ni joarocari jire tiro. C̄a tahari mijo cureare tiro yahu joarocari jire. Paina ne masieraina, t̄ho masieraina mah̄oa mehne to ā nirire cohtota m̄jana. To ā niri jipach̄ta soro ni cohtota yahura tina. Paye Cohamac̄ yare ti joaa p̄ri c̄h̄re tó seheta yoara tina. Ti ā yoach̄ ñ̄no Cohamac̄ tinare tuaro buhiri dahrerohca.

<sup>17</sup> Ȳ coyera, ȳ cah̄ina ahri jipihtiare ti ā wahahto pano yahuyui nija m̄sare. Ā jina ahrire masina, noano yoaga m̄sa. Ñaina m̄sare soro ni ti buhech̄ ne t̄hoena tjiga tinare, “Cristore wac̄ tua duhuri”, nina. <sup>18</sup> Ā jina mari p̄htoro marine ȳhd̄ch̄ yoarirore Cristore noano wac̄ tua namoga m̄sa. Tirore, marine to cah̄a c̄h̄re noano

masi namoga m̄sa. Mipure, jipih̄tia dachoripe tirore noano wahche payojih̄na mari.  
“Noariro, tuariro jira”, nijih̄na mari tirore. Āta nijih̄na.

## 1 San Juan

### *Jesucristo catiare wariro jira*

<sup>1</sup> Jesu Cohamacu ya duserore yahuriro jira. Dóiputa wahmanoputa jiro tiro masare Cohamacu mehne ã jirucuchu yoariro jia tiri jire. Mipure sã tirore yahu joana nija. Tirore tuhona, catiriro warore tirore ñui sã. Ñã tjira. Tirore ñuna, sã wamomacari mehne tirore dahra ñui sã. <sup>2</sup> Ahriro Cohamacu mehne ã jirucuchu yoariro ahri yahrapu to masa bajuari baharo tirore sã ñui. Ñã jina tirore yahuja sã musare. Tiro jipihitia dachoripe to Pucuro mehne jirucuriro to jichu, mipure Cohamacu tirore ñore sare. Tíre yahuja sã musare. <sup>3</sup> Cohamacu mehne macaina jija sã. To macuno mehne macaina cuhu jija sã. Ñã jina musa cuhu sã mehne macaina, Cohamacu mehne macaina, to macuno mehne macaina musa jihto cjihtore sã ñurire, sã tuhore musa cuhure sã yahuja. <sup>4</sup> Ahrireta sã joaja noano mari wahchehti cjihtire.

### *Buhriaro to wete marieno seheta Cohamacure ñaa yoaa ne mariahna*

<sup>5</sup> Ahri buhea Cohamacu macuno sare to yahuri cjiri jia nina. Miputa ahrire yahunahca sã musare: Cohamacu buhriaro yoaro sehe jira. Buhriaro wete marieno to jiro seheta tirore ne ñaa yoaa mariahna. Ñaa sehe nahitiano yoaro sehe jira. Cohamacure ne ñaa yoaa mariahna. To ã jia tiare yahuja musare. <sup>6</sup> Ñã jina nahitiano jina yoaro seheta mari ñaa yoaina jipanahta “Cohamacu mehne macaina jija” nina, mari mahñona nija. Ñã yoa Cohamacu yare quihõno yoeraja. <sup>7</sup> Ñã yoa buhriaropu jina yoaro seheta Cohamacu to yoariro seheta mari noaa sehere yoana, paina Jesu yaina mehne noano jina nija. Mari ã yoaina jichu Cohamacu macuno Jesu to di cohãno mehne, crusai to yariari mehne jipihitia mari ñaa yoari buhirire cohãna.

<sup>8</sup> “Yuhu pini ne ñaa yoeraja”, ni wacuna, mahñoare tuhutuna nija mari. Mari ã ni tuhutuna Cristo yare potocã jiare ne masieraja. <sup>9</sup> Wiho mejeta Cohamacure mari ñaa yoarire mari yahuchu tiro quihõno yoariro jiro, mari ñaa borohca. Ñã boro jipihitia mari ñaa buhirire cosawerohca tiro. To niriro seheta yoariro jira tiro. <sup>10</sup> “Ñaa yoeraja” nina, “Cohamacu mahñoriro jira”, nina nija mari. Ñã seheta niina to buheare cahmaerara.

## 2

### *Cristo marine yoadohora*

<sup>1</sup> Yu pohna, musa ñaa yoerahto sehe ahrire joai nija. Yu ã ni joapachuta ñaa yoaboca musa. Musa ã yoachu ñuno Jesucristo noariro musa ya cjihtire to Pucurore ò sehe ni sini payorohca: “Ahri ti ñaa yoari buhirire buhiri dahrei tjiga”, ni sini payorohca to Pucurore. <sup>2</sup> Cristo mari ñaa yoari buhirire cohãriro jira. Mari ñaa yoari buhirire mari dihtare cohãerara. Jipihitiro macainapu cuhure ti ñaa yoari buhirire cohã masina tiro.

<sup>3</sup> Cohamacu to dutiare yoana, tirore potocãta noano masija mari. <sup>4</sup> Cũiro Cohamacu dutiare yoeraparota “Yuhu Cohamacure masija” nino, tiro mahñoriro jira. Ñã jiro Cristo yare potocã jiare ne masierara. <sup>5</sup> Pairo sehe Cohamacu dutiare yoariro Cohamacure tuaro cahãriro jira. “¿Cohamacu mehne macaina jijiari mari?” ni masi duana, ò sehe mari masinahca: <sup>6</sup> “Cohamacu mehne macariro jija”, niriro Jesucristo yoaro seheta noare yoariro jiro cahmana tirore. To ã yoariro jichu ñuna “Cohamacu mehne macariro jija”, ni masija mari.

### *Wahma dutiare yahu ducaha*

<sup>7</sup> Yu cahina, ahri dutia mipure musare yu yahuhto wahma dutia jierara. Ahri dutia musa wahmanopure cjuariro cjiro muna dutia tjira. Tí dutiare musa tuho tuhsure. <sup>8</sup> Mipu sehere musare yu yahuhto muna dutia jiparota wahma dutia cuhu jira. Cristo, musa cuhu tí dutiare yoara. Miputa nahitiano to pihti wahcachu mari ñu masino seheta mari

masierarire masi dũca wahcãna nija mari. ã jiro buhriaro mehne mari ñũ masino seheta Cristo mũsare potocã jiare masichũ yoaro ta tuhsũre.

<sup>9</sup>“Yũhũ buhriaropũ jiro yoaro seheta Cohamacũ dutiare yoariro jija”, cãiro niparota, painare ñũ tuhtiro jiro, tiro Cohamacũ dutiare yoerara. <sup>10</sup> ã yoa paioire cahĩro pinihta buhriaropũ jiro yoaro seheta Cohamacũ dutiare yoariro jira tiro. ã jiro ñaare pari turi yoa duaerara. <sup>11</sup> Paioire ñũ tuhtiro sehe nahitianopũ jiro yoaro seheta jiro nina. Tiro capari ñũerariro yoaro seheta jira. To wahahtore ñũ masierara tiro.

<sup>12</sup> Yũ pohna, Cristo to yariaro mehne mũsa ñaa yoari buhirire cohãri jire. ã jicũ mũsare yahu joai nija. <sup>13</sup> Mũsa pũcũsuma cũhũ, mũsa Cristore wahmanopũre jirore masina mũsa. Mũsa ã masiina jichũ mũsa cũhũre yahu joai nija. Mũsa wahma yapia ñariro watĩnore yũhdũrcare mũsa. Mũsa ã yũhdũrcaina jichũ mũsa cũhũre yahu joai nija.

<sup>14</sup> Yũ pohna, Cohamacũ mari Pũcũre mũsa masina. Mũsa ã masiina jichũ mũsare mipũre yahu joai nija. Mũsa pũcũsuma, mũsa Cristore wahmanopũre jirore masina mũsa. Mũsa ã masiina jichũ mũsare yahu joai nija. Mũsa wahma yapia potocãta mũsa Cohamacũre wacũ tuaina jira. ã jina mũsa Cohamacũ yare yoara. ã yoana, mũsa ñariro watĩnore yũhdũrcare. ã jicũ mũsare yahu joai nija.

<sup>15</sup> Ahri yahpare ahri yahpa macaa ñaare cahmaena tjiga. Ahri yahpa macaa ñaare cahmaina jina Cohamacũ mari Pũcũ sehere cahmaerara mũsa. <sup>16</sup> Ñaina ti basi ñaare ti goa pjari, ñaare ti ñũ duari mari Pũcũ Cohamacũ ya jierara. “Noano cjũa pahĩoriro, masi pahĩoriro jija yũhũ. Ne cãiro masũno yũhũre yũhdũrcaerara”, masa ti ni tũhotua mari Pũcũ Cohamacũ ya jierara. Tĩ jipihtia ahri yahpa macaa jira. <sup>17</sup> Ahri yahpa, ahri yahpa macaa cũhũ masa ti cahmari cjiri pihtia wahaahca. Cohamacũ cahmaare yoariro sehe jipihtia dachoripe Cohamacũ mehne jirucurohca.

*Cristore ñũ tuhtiro sehere yahuha Joã*

<sup>18</sup> Yũ pohna, ahri dacho to pihtihito mahanocã dũhsara. “Cristore ñũ tuhtiro tarohca” ni, Jesu yaina mũsare yahu tuhsũre. Mipũre Cristore ñũ tuhtiina payũ ji tuhsũre. Ti ã jichũ ñũna mipũre pihtihito dacho cjihto mahanocã to dũhsachũ masija mari. <sup>19</sup> Ahrina Cristore ñũ tuhtiina sehe mari mehne jipahta potocã mari mehne macaina jierare. ã jia tina marine cohãnocare. Tina mari mehne macaina jia, mari mehne jiboa. Marine cohãnocare. Ti ã cohãchũ mari mehne macaina ti jierachũ masija mari.

<sup>20</sup> Cristo Espĩritu Santore mũsa sehere ware. ã jiro Espĩritu Santo mũsa mehne jira. ã jina mũsa jipihtina Cristo yare potocã jiare masi tuhsũra. <sup>21</sup> Mũsare yahucũ “Cristo yare masierara mũsa”, ni tũhotueraja yũhũ. Mũsa Cristo yare masiina jichũ ñũcũ mũsare yahuja. Cristo ya ne mahũoa jierara. Tĩ cũhũre masiina mũsa jichũ masija yũhũ.

<sup>22</sup> Ahriro jira mahĩoriro: “Jesu Cohamacũ masare yũhdũchũ yoa duti to warocariro Cristo waro jierara”, niriro sehe mahĩoriro jira. Potocãta Cristore ñũ tuhtiro jira tiro. Cohamacũre, to macũno cũhũre cahmaerariro jira Cristore ñũ tuhtiro. <sup>23</sup> Õ sehe tjira: Jesure cahmaerariro sehe to Pũcũro cũhũre cahmaerariro tjira. Jesure cahmariro sehe to Pũcũro cũhũre cahmariro jira.

<sup>24</sup> Wahmanopũre Cohamacũre mũsa tũhori cjirire noano wacũga. Tĩre wacũna, Jesu mehne macaina jinahca mũsa. ã yoa to Pũcũro mehne macaina jinahca. <sup>25</sup> Tĩreta Jesu marine yahure. Õ sehe jira to yahuri cjiri: “Mũsa jipihtia dachoripe Cohamacũ mehne jirucunahca”, ni cũre Jesu marine.

<sup>26</sup> Paina mũsare mahũoa nina. Ti ã mahũoare masicũ mũsare yahu joai nija. <sup>27</sup> ã ti mahũoina mũsa jipachũta mũsa sehere Cristo Espĩritu Santore wa tuhsũre. Espĩritu Santo mũsa mehne jira. Mũsa mehne jiro mũsare buheriro jira. ã jiro tiro jipihtiare mũsare yahura. To yahua potocãta jira. Mahũoare yahuerara tiro. ã jina paio mũsare buhehtirore cahmaerara mũsa. Espĩritu Santo to niriro seheta yoaga mũsa mipũre. ã yoana mũsa Cristo yare tũhona, tiro mehne macaina jiga.

<sup>28</sup> ã tjira. Yũ pohna, Cristo mehne macaina jiga mũsa. ã jina Cristo to tahti dachore mũsa cuisĩ. ã jina tiro to tahti dachore mũsa bũo ti duhtisi. <sup>29</sup> Cristo noare yoariro

to jichu musa masina. Tíre masina ahri cūhure masiga musa. Jipihtina noaare yoaina Cohamacu pohnata jira. Ahri cūhure masiga musa.

### 3

*Musata Cohamacu pohna jira*

<sup>1</sup> “Musa yu pohna jira” nino, tuacaro cahī yūhdurucajari Cohamacu marine. To ā cahīina jinata to pohna jija mari. Ahri yahpa macaina ñaina Cohamacure masierara. Ā jia Cohamacu pohna mari jichu ñua tina mari cūhure masierara. <sup>2</sup> Yu cahīina, mipure Cohamacu pohna jija mari. Ā jipanahta baharo mari jihti cjihtire mari noano masierasiniya. Ā masierapanahta ahri sehere masija. Cristore mari ñuna, dóihta mari tirore ñu masinahca. Ā jina Cristo marine to bajuachu tiro to jiro seheta mari cohtotanhca. <sup>3</sup> Jipihtina ahrire masiina Cristo to tahtore cohtaina tirore ñu cūa ñaare yoa duaerara.

<sup>4</sup> Ñaare yoana to dutiare yūhdurucana nija. Ā jia jipihtina ñaare yoaina Cohamacu dutiare yūhdurucaina jira. <sup>5</sup> Cristo masare ti ñaa buhirire cohāhtiro cjihto bajuari jire. Tiro ne ñaare yoerara. Tíre masina musa. <sup>6</sup> Ā jia jipihtina Cristo yaina ñaare yoarucuerara. Pairo sehe ñaare ā yoarucuriro Cristore wacū tuaeraro, ne tirore masierara. Ā jiro Cristo yairo jierara. <sup>7</sup> Yu pohna, musare mahñoinare ne tūhoena tjiga. Jipihtina noaare yoaina Cristo yoaro sehe noaina jira. <sup>8</sup> Pairo sehe ñaare ā yoarucuriro watīno yairo jira. Watīno pinihta dóihta ñaare yoariro jia tiri jire. Ā jiro watīno to ñaare yoare, to ñaare yoa dutia cūhure duhuchu yoahrtiro cjihto Cohamacu macūno bajuari jire.

<sup>9</sup> Cohamacu pohna jina Cohamacu yoaro seheta jiina jija. Ā jinata ñaare yoarucueraja. Cohamacu mari Pucu to jichu mari sehe ñaare yoarucu masieraja. <sup>10</sup> Ō sehe jiinare Cohamacu pohnare masinahca: Cohamacu pohna watīno pohna yoaro sehe jierara. Ñaare yoarucuina, painare cahīeraina Cohamacu pohna jierara.

*Musa mehne macainare cahīga*

<sup>11</sup> “Mari mehne macainare cahījihna”, ni buheare wahmanopure tūho tuhsure musa. <sup>12</sup> Mari Caī to ñano yoariro seheta yoarena tjijihna. Tiro watīno yairo jiro, to bahurore wajāa tiri jire. ¿Dohse yoaro tirore wajāri, musa tūhotuchū? Tíre yahuihtja musare: Caī to yoari cjiri ñaa jia tiri jire. To bahuro sehe to noaare yoariro jichu ñu tuhtiro to wahmino sehe tirore wajāa tiri jire.

<sup>13</sup> Ā jina yu coyea, ahri yahpa macaina musare ti ñu tuhtichu “¿Dohse jiro baro marine ñu tuhtijari tina?”, ni tūhotuena tjiga. <sup>14</sup> Mari pichacapu wahaborina jimai. Mipure muanopu ā jirucuhina cohtotarinarpu jina nija mari. Jesu yainare cahīna, Cohamacu marine to cohtotachu yoarire masija mari. Masare cahīerariro pichacapu wahahtiro jira. <sup>15</sup> To coyeirore ñu tuhtiriro masare wajāriro jira, Cohamacu to ñuchū. Masare wajāina ne muanopu Cohamacu mehne jirucusi. Tíre noano masina musa. <sup>16</sup> Masare cahīare ō sehe masinahca. Jipihtia dachoripe Cohamacu mehne mari jihto cjihtore Cristo yariaro marine tuaro cahīre. Ā yariaro marine to ā cahīrucurire masichu yoaro nire. Ā jina Cohamacu to cahmachu mari cūhure Jesu yaina yaro jiboriore yariaro cahmaboca. <sup>17</sup> Payu cjuariro Jesu yairore pjacurorore ñuparota tirore pja ñueraro, Cohamacure cahīerara tiro. <sup>18</sup> Yu pohna, mari cahīa sehe mari dusero dihta wijaero tjijaro. Masare mari cahīna, potocāta tinare yoadohoro cahmana marine.

*Cuiro marieno Cohamacu cahai ji masija mari*

<sup>19</sup> Tó seheta cahīna mari potocā Cohamacu yaina mari jia tia cūhure masinahca. Ā jina Cohamacu cahai ne cuiro marieno mari ji masija. <sup>20</sup> Ā jina “Ñaa buhiri jica yūhure”, mari ni tūhotupanahta, Cohamacu cahai cuiro marieno ji masija. Tiro sehe mari yūhdoro tuariro jiro jipihtiare masi pahñoriro jira. <sup>21</sup> Yu cahīina, noaare yoana, “Noaa sehere yoana nija”, ni tūhotuna, Cohamacu cahai mari cuiro marieno ji masija. <sup>22</sup> Cohamacu to

dutiare, to cahmaa cūhure mari yoachū, tirore mari sinino purota tiro warohca. <sup>23</sup> Ō sehe dutira tiro marine: “Cohamacū macūnore Jesucristore wacū tuaga. Ā yoa Cristo marine to dutiriro seheta mūsa mehne macainare cahīga mūsa”, ninota dutira marine.

<sup>24</sup> Cohamacū dutiare yoariro Cohamacū mehne macariro jiro nina. To ā jiriro jichū, Cohamacū tiro mehne macariro jira. Cohamacū mari mehne macariro to jiare mari masi duachū marine to wariro Espírítu Santo tíre marine masichū yoarohca.

## 4

*Mahñoare ti buhechū*, Cohamacū yare ti buhechū cūhure noano ñū masi dutiha

<sup>1</sup> Yū cahīina, paina “Cohamacū yairo Espírítu cjuaja”, niina ti jipachūta ti buhea mahñoa jira. Paina sehe Espírítu Santo warore cjuaina ne mahñoa marieno buhera tina. Payū “Cohamacū yare yahu mūhtaina jija”, nipahta mahñoa jira mipure. Jipihtiropū jira tina. Ā jina paina mū sare ti buhea sehe mahñoa buhea jichū ñū masiga mūsa. Cohamacū ya ti jichū cūhure ñū masiga mūsa. <sup>2</sup> Cohamacū yairo Espírítu Santore cjuainare mūsa ñū masi duana, ō sehe masinahca: “Jesucristo ahri yahrapū mari yoaro sehe pjacū tirirowo bajuari jire” ni, buheina Cohamacū yairo Espírítu Santore cjuaina jira tina. Ā jina ā ni buheinare ñū masinahca mūsa. <sup>3</sup> Paina sehe “Jesu ahri yahrapū mari yoaro sehe pjacū tirirowo bajuerari jire” ni, buheina Cohamacū yairo Espírítu Santore cju aeraina jira. Ti ya tūhotua Cristore ñū tuhtiriro to tūhoturo seheta jira. “Cristore ñū tuhtiriro tarohca”, ti nire tūho tuhsure mūsa. Ā yoa to ya buhea ahri yahrapūre wihi tuhsure.

<sup>4</sup> Mūsa sehe yū pohna, Cohamacū yaina jira mūsa. Ā jina “Cohamacū yare yahu mūhtaina jija sā” ni, mahñoinare yūhdurūca tuhsure mūsa. Mūsa mehne jiriro Espírítu Santo sehe tua yūhdurūcara. Ā jiro ahri yahpa macaina yairo watīno yūhdoro tuara. Ā jina mahñoinare yūhdurūcare mūsa. Ā jina ti buheare cahmaerare mūsa. <sup>5</sup> Mahñoa sehe ahri yahpa macaina ñaina jira. Ā jia tina ahri yahpa macaa ñaare ti buhechū ahri yahpa macaina ñaina sehe tinare noano tūhora. <sup>6</sup> Mari sehe Cohamacū yaina jija. Ā jia Cohamacūre masiina marine noano tūhora. Paina sehe Cohamacū yaina jieraa, marine ne tūho duaerara. Ti ā tūho duaerachū ñūna ti ya buhea Cohamacū ya buhea ti jierachū masinahca mari. Paina sehe marine ti tūhochū ti ya buhea noaa buhea ti jichū cūhure masija mari.

*Cohamacū painare tuaro cahīrucuriro jira*

<sup>7</sup> Yū cahīina, Cohamacū marine painare cahīchū yoariro jira. To ā yoariro jichū ñūna mari mehne macainare cahījihna mari. Masare noano cahīina sehe Cohamacū pohna jira. Ā jia tina Cohamacūre noano masina. <sup>8</sup> Cohamacū jipihtinare tuaro cahīrucuriro jira. To ā cahīrucuriro to jichū masare cahīeraina sehe Cohamacūre masierara. <sup>9</sup> Cohamacū marine to cahīare mari masi duana, ō sehe masinahca: Cohamacū sehe to macūnore cūirota jirirore marine yūhdūchū yoahrtiro cjihtore ahri yahrapūre warocari jire. Ā warocaro marine to cahīare marine masichū yoaro niri jire. <sup>10</sup> Cahīa waro ō sehe jira: Cohamacūre mari cahīri cjiri sehe potocā cahīa waro jierara. Marine Cohamacū to cahīa sehe potocāta cahīa waro jira. Ā yoa to macūnore mari ñaa buhirire cohāhtiro cjihtore warocaro marine tuaro cahīna tiro.

<sup>11</sup> Yū cahīina, Cohamacū ā tuaro marine to cahīchū ñūna mari cūhū mari mehne macainare cahījihna. <sup>12</sup> Masa sehe ne Cohamacūre ñūerare. Tirore ñūeraina mari jipachūta mari mehne macainare mari cahīchū, Cohamacū sehe mari mehne ā jirucuro nina. Ā jiro potocāta marine cahī namorucuchū yoara tiro. <sup>13</sup> Cohamacū sehe marine to yairo Espírítu Santore ware. Ā jina Espírítu Santore cjuana, Cohamacū mehne mari noano jia tiare, tiro sehe mari mehne to noano jia tia cūhure masija mari. <sup>14</sup> Ā yoa Cohamacū mari Pūcū to macūnore ahri yahpa macainare yūhdūchū yoahrtiro cjihtore to warocarire sā ñūi. Tíre ñūna painapūre tíre yahuja sā. <sup>15</sup> Cohamacū mehne macariro

õ sehe niriro jira: “Jesu Cohamacu macuno jira”, niriro tiro pini Cohamacu mehne macariro jiro nina. ã yoa Cohamacu cõhu tiro mehne macariro jiro nina.

<sup>16</sup> ã yoa marine Cohamacu to cahiare masija mari. Cohamacu jiphtinare tuaro cahirucuriro jira. ã jiro cõiro masare cahirucuriro jiro, Cohamacu mehne macariro jira. ã jiro Cohamacu cõhu tiro mehne macariro jira. <sup>17</sup> ã jina mari noano cahĩ namorucuja Cohamacure, paina cõhure, buhiri dahleri dacho jichu mari cuiro marieno mari jihto cjihtore. ã jina cuisi mari ahri yahpai Cristo yoaro sehe jina. <sup>18</sup> Painare cahĩa mehne ne cuiro mariaha. Cohamacu marine to cahiare masina mari ñano wahahtore ne cuieraja. Masa cuia tinare buhiri dahrehtore cuiina jira. ã jiro cuiriro sehe Cohamacu cahiare masierariro jira.

<sup>19</sup> Marine Cohamacu cahĩ muhtari jire. ã jina mari cõhu tiore cahija. <sup>20</sup> Cõiro “Cohamacure cahija”, niriro jiparota paire ñu tuhtiriro jiro, mahñoriro jira tiro. Tiro to ñurirore cahieraro, Cohamacure cahĩ masierara tiro, tiore ñueraro. <sup>21</sup> ã jiro õi jira marine Cristo to dutia: Cohamacure cahiriro jicu mu cahai jiriro cõhure cahiga.

## 5

*Cohamacu* pohna ahri yahpa macaa ñaare yoa duaerara

<sup>1</sup> Jiphtina Jesure “Cohamacu masare yuhdũchu yoa duti to warocariro Cristo jira” niina, Cohamacu pohna jira. Paina pũcũrore cahĩna, to pohna cõhure cahija mari. <sup>2</sup> Tõ sehetã Cohamacure cahĩna, to dutiare noano yoana to pohna cõhure mari cahĩna nija. <sup>3</sup> To dutiare noano yoana Cohamacure cahĩna nija. Cohamacu to dutiare mari yoachũ marine warũoerara. Mari jiphtina Cohamacu pohna jina, ahri yahpa macaa ñaare cahmaeraja mari. ã jia to dutiare mari yoachũ warũoerara. <sup>4</sup> Cohamacure wacũ tuana ne ahri yahpa macaa ñaare cahmaeraja. ã jina tiore mari wacũ tuari baharo ñano yoa duaeraja. <sup>5</sup> Ñaare cahmaerana õ sehe niina jija mari: “Jesu Cohamacu macuno jira”, niina jina ahri yahpa macaa ñaare cahmaeraina jija mari.

*Cohamacu* macunore yahuha Joã

<sup>6</sup> Jesucristo ahri yahpũ to tachũ tiore Joã co mehne to bautisarire masina, crusapũ to di cohãri cõhure masina, Cohamacu macuno to jiare masija mari. To bautisari dihta Cohamacu macuno to jiare marine masichũ yoerara. To di cohãri cõhu marine tíre masichũ yoara. Espĩritu Santo “Jesucristo Cohamacu macuno jira”, ni yahura marine. Tiro potocã ni yahuriro jira. <sup>7</sup> ã jia Jesu Cohamacu macuno to jiare tiaro marine yahura: <sup>8</sup> To macuno to jiare Espĩritu Santo sehe marine yahura. ã yoa Jesure co mehne to bautisari cõhure masina, Cohamacu macuno to jiare masija mari. ã jina mari ya cjihtire to yariarire to di to cohãire masina, Cohamacu macuno to jiare masija mari. ã jia tí sehe cõno potori marine masichũ yoara Jesu Cohamacu macuno to jiare. <sup>9</sup> Masa ti yahua tũhona “Potocã tjira”, nija mari. ã niina jipanahta Cohamacu to macunore to yahuchũ masa ti yahua yũdoro tiro sehere noano tũhoro cahmana marine. Cohamacu waro to jichũ to macunore to yahua tũhoro cahmana marine. <sup>10</sup> ã jia jiphtina Cohamacu macunore wacũ tuaina Jesure yahua buheare noano tũhora. “Potocã tjira”, ni tũhotura tina Jesure yahua buheare. Cohamacu to macunore to yahua tũhoerariro “Cohamacu mahñoriro jira”, niriro jira tiro. <sup>11</sup> Cohamacu marine jiphtia dachoripe to catia mehne ã jirucuchũ yoarohca. Cohamacu macuno yaina mari jichũ ñũno ã jirucuchũ yoarohca marine. Ahri jira Cohamacu marine to yahua. <sup>12</sup> Cohamacu macuno yaina jia to catia mehne ã jirucuahca. Paina tiore cahmaeraina sehe to catia mehne ne ã jirucusi.

*Yahu to joa batoa jira*

<sup>13</sup> Mũsa Cohamacu macunore wacũ tuaina Cohamacu catia mehne ã jirucunahca. Tíre mũsa masihti cjihtire mũsare yahu joai nija.

<sup>14</sup> Cohamacu to cahmariro sehetã mari tiore dohse jiare mari sinichũ tiro marine noano tũho nũnũnohca. ã mari sinina “Potocãta noano tũhora tiro”, ni masija mari.



<sup>15</sup> Tirore mari sinichu, tiro marine tũhora. To ã tũhorire masina, tirore mari sinino purota to wahtiro jichu cũhũre masija mari.

<sup>16</sup> Mũsa coyeiro to ñaare yoachũ ñũna, tí ñaa Cohamacũ pichacapũ to waha dutia ñaa jierachũ, tirore sini payobasaga Cohamacũre. ã jiro Cohamacũ tirore yoadohoro to catia mehne ã jirucuchũ yoarohca tirore. Cohamacũ pichacapũ to waha dutieraina dihtare sini payobasaga mũsa. Paye ñaa sehe Cohamacũ pichacapũ to waha dutia ñaa waro jira. Cũiro tí ñaa warore to yoachũ “Tirore sini payobasaga mũsa”, nieraja yũhũ. <sup>17</sup> Jipihtia ñaa yoaa ñaa warota jira, Cohamacũ to ñũchũ. Ti ã jipachũta paye ñaa Cohamacũ pichacapũ to waha dutia ñaa jierara.

<sup>18</sup> Cohamacũ macũno Jesu sehe Cohamacũ pohñare noano ñũ wihbora. To ã ñũ wihbochũ watĩno sehe Cohamacũ pohñare ne ñano yoa masierara. ã jia Cohamacũ pohña sehe ñaare ã yoarucuerara. Ahñire mari masija.

<sup>19</sup> Mari sehe Cohamacũ yaina jija. Watĩno sehe ahñi yahpa macaina pũhtoro jira. Ahñi cũhũre mari masija.

<sup>20</sup> Cohamacũ macũno ahñi yahpapũre taro marine noano masichũ yoare tiro. To ã yoachũ potocãta Cohamacũ waroreta mari noano masija. Ahñi cũhũre mari masija. Cohamacũ macũno Jesucristo yaina jija mari. ã jina potocãta Cohamacũ waro mehne macaina jina nija. Ahñiro yũ niriro potocãta Cohamacũ waro jira. ã yoa ahñiro to macũno to catia mehne ã jirucuchũ yoariro jira. <sup>21</sup> Yũ pohña, “Cohamacũ jira”, ti nia masũrine ño payoena tjiga.

## 2 San Juan

*Jesucristo yare, potocã cahĩa cũhũre yahuha*

<sup>1-2</sup> Yũhũ bũcũro mũhũre Cohamacũ to besericorore mũ pohna cũhũre ahri pũre joarocaja. Jesucristo yare yũhtiina jija mari. Tiro to buhea cũhũ mari mehne jipihtia dachoripe ã jirucuahca. ã jicũ potocãta mũsare cahĩja yũhũ. Yũhũ dihta cahĩcũ nieraja mũsare. Paina Jesu yare masiina tina cũhũ potocãta cahĩna mũsare. <sup>3</sup> Cohamacũ mari Rũcũ, Jesucristo to macũno cũhũ potocãta ti cahĩa mehne marine noano yoaahca. ã jia pja ñna mehne marine noano jichũ yoajaro tina.

<sup>4</sup> Cohamacũ mari Rũcũ marine to dutiro seheta cãina mũ pohna to yare yũhtiina ti jichũ masicũ wahcheja yũhũ. <sup>5</sup> Yũ cahĩricoro, mipũre mũhũre yũ dutihtto wahma dutia jierara. Wahmanopũre ahri dutia marine dóipũta ji tuhsũri jire. Õ sehe dutira marine. Mari mehne macainare cahĩjihna. <sup>6</sup> To dutiare yoa pahĩona mari tirore cahĩja. Wahmanopũre mũsa tũhoriro seheta mipũ cũhũre õ sehe dutira mũsare. Painare ã cahĩrucuina jiga.

*Payũ mahĩoina jira*

<sup>7</sup> Payũ mahĩoina “Potocã Jesucristo ahri yahpapũ mari yoaro sehe pjacũ tirore masa bajuerari jire”, niina cũhũ ahri yahpa macainare buhea wahare. Tó sehe niina mahĩoriro, Cristore ñũ tuhtiro yoaro sehe jiina jira. <sup>8</sup> Noano yoaga mũsa. Cohamacũ ya wapare mũsa noano yoari wapare boena tjiga. Mũsa ã boerachũ Cohamacũ noa yũhdũaro yoarohca mũsare.

<sup>9</sup> Jipihtina Cristo yare yũhdũrucaina, Cristo yare quihõno buheraina Cohamacũ yaina jierara. ã yoa Cristo yare ne cohãeraina Cohamacũ mari Rũcũ, to macũno mehne macaina jira tina. <sup>10</sup> Cristo ya buheare ne cahmaerariro, paye buheare yahuriro mũsa cahai to tachũ, tirore mũsa wũhũi sãa ta dutiena tjiga. Tirore piti bocaena tjiga. <sup>11</sup> Paye buheare yahuriro Cristo yare cahmaerariro ñano yoara. ã jiro tirore piti bocariro sehe ñano yoarirore yoadohoro nina.

*Yahu joa batoa jira*

<sup>12</sup> Payũ mũsare yahu duapaihta tíre joa duaeraja. Mũsare ñũi waha duaaja. Mũsare ñũcũ mũsa mehne sũhũduihtja mari noano wahchehti cjihtire.

<sup>13</sup> Cohamacũ to besericoro mũ baho pohna sehe mũhũre noa dutira.

## 3 San Juan

### *João Gayo wama tirirore “Noariro jira”, niha*

<sup>1</sup> Үһһү бұсүро мұһүре Gayore potocā yа cahīrirore ahri pūre joarocaja.

<sup>2</sup> Үһ cahīriro, Cohamacу mehne macariro мұ jichу masija yһһ. Tiro mehne мұ noano jiriro seheta мұ noano yһdһhti cjihtire, мұ pjacу dohatiro marieno мұ jihti cjihtire Cohamacүre sini payoja мұһүре. <sup>3</sup> Mahainacā Jesu yaina yа cahai wihia мұ jia tiare yahuhre yһһүре. “Cristo to cahmano seheta potocāta yoa namono nihre Gayo”, ni yahuhre tina yһһүре. Ti ā ni yahuchу tһhocу tuaro wahchehi yһһ. <sup>4</sup> Mұsa Jesu yare yа buherina cjiri to cahmano seheta mұsa yoachу tһhocу tuaro wahcheja.

<sup>5</sup> Үһ cahīriro, Jesu yainare yoadohocу noano yoara мұһһ. Мұ һһ masieraina ti jipachуta, tinare yoadohocу noa yһdһуaro yoara мұһһ. <sup>6</sup> Tina panopу мұ һһ masieraina sehe Jesu yainare õi cahmachuinare säre õ sehe ni yahuhre: “Gayo Jesu yainare noano cahīna”, ni yahuhre panopу мұ һһ masieraina sehe. Baharo мұ ya macare ti yһdһ wahcächу һһсү tinare noano yoadohoga Cohamacу to wahchehto sehe. <sup>7</sup> Tina Jesu yare buhe tinia wahaa, Cohamacүre cahmaeraina ti yoadohochу cahmaerara. <sup>8</sup> Ā jina tinare Jesu yare buhe tiniinare yoadohojihna mari. Tinare ā yoadohona nija potocā jiare ti yahuhti cjihtire.

### *Diotrefe to һaa yoarire yahuha João*

<sup>9</sup> Tó macainare Jesu yainare mahanocā joarocamaha. Үһ ā joarocapachуta Diotrefe to basi ti pһtoro yoaro sehe ji duaro, yһһүре tһho duaerayuhca. <sup>10</sup> Mұsa cahai yа sүri baharo to yoarire mұsare yahu pahһoihtja. Säre һano durucuyuhca tiro. Mahһoa payүriro jira tiro. Ā yoa paye һaa cһһүре yoayuhca tiro. Jesu yainare to yare buhe tiniinare ne tiro to wһһүре sәa ta dutierayuhca. Ā yoa paina tó macaina Jesu yaina sehe buhe tiniinare ti sәa ta dutichу һһno tiro sehe “Buhe tiniinare sәa ta dutiena tjiga mұsa ya wһһүsepүre”, ni yahusәyuhca tinare. “Mұsa ya wһһүsepүre buhe tiniinare mұsa sә ta dutiri buhiri mari Jesu yaina mari cahmachuri wһһүpүre sәaena tjiga mұsa sehe”, niyuhca Diotrefe tó macainare Jesu yainare.

<sup>11</sup> Үһ cahīriro һainare һһ сүi tjiga. Noano yoaina sehene һһ сүga. Noaare yoaina Cohamacу yaina jira. Њaare yoaina Cohamacүre masierara.

### *Demetrio noaa to yoarire yahuha João*

<sup>12</sup> Jipihtina noano durucura Demetrio sehene. Ā yoa to yoarire һһa noano to yoariro jichу masina masa. Sә cһһү тiroke āta ni yahuja. Sә yahua sehene potocā jichу masina mұsa.

### *Yahu batoaha João*

<sup>13</sup> Мұһүре payу yahu duamaha. Ā yahu duapaihta tíre joaeraja. <sup>14</sup> Mahanocā baharota мұһүре һһ duaja. Ā jina tópү mari basi sһһdunahca.

<sup>15</sup> Noano jiga мұһһ. Mari mehne macaina õ macaina Jesu yaina сһһү мұһүре noa dutira. Tó macaina mari mehne macaina jipihtina noajaro.

## San Judas

### *Juda Jesu yainare joarocaha*

<sup>1</sup> Yuhũ Juda Santiago bahũro Jesucristore dahra cohtariro mũsare Jesu yainare ahri pũre joarocaja. Mũsare Cohamacũ mari Pũcũ besea tiri jire. ã jina to cahĩa mehne noano jira mũsa. ã yoa mũsare Jesucristo ñũ wihboro nina. <sup>2</sup> Noa dutija mũsare. Cohamacũ mũsare pja ñũno to yoadohoro mehne to cahĩa mehne noano jiga mũsa.

### *Mahñoina ti buheare yahu dũcaha Juda*

(2P 2.1-17)

<sup>3</sup> Cohamacũ marine pichacapũ wahaborinare to yũhdũchũ yoa sehere tuaro joaroca duamahi mũsare, yũ cahĩinare. ã joa duapaihta mũsare mipũre mahñoa buheare cahma sãaeracũ mũsare joarocaja. ã jina Jesucristo ya yahua sehere tuaro yahuga. Ahri yahua sehere tũhona, mari Cohamacũre noano wacũ tuaja. Ahri yahua sehe Jesu to cũrina to yainare ti yahuri cjiri ãta jirucunocahna cohtotaro marieno. <sup>4</sup> Mahainacã masa ñaina Cohamacũre cahmaeraina wacũenoca mũsa cahai wihire. Mũsa mehne jia tina õ sehe ni yahumana mũsare: “Cohamacũ yaina mũsa jichũ, tiro cahĩna mũsare. ã jiro numia mehne mũsa ñano yoachũ tiro mũsare ne buhiri dahresi”, ni yahumana tina. ã jia mari pũhtoro cũirota jirirore Jesucristore “Cohamacũ macũno jierara”, ni yahumana tina. Õ sehe ni yahuinare Cohamacũ to buhiri dahrehtore yahua tiri jire panopũre. To yare ti joari pũi ã ni yahua tiri jire.

<sup>5</sup> Mipũre mũsare payere wacũchũ yoa duaaja. Ahrire mũsa masipachũta pari turi ahrire mũsare wacũchũ yoa duaaja. Cohamacũ judio masare Egiptoi jiinare to naa wiori baharo tina mehne macainare tirore wacũ tuaerainare tiro wajãa tiri jire. <sup>6</sup> ã yoa paina cũhũre wacũga mũsa. Paina anjoa sehe Cohamacũ dutiare yoa duaera tiri jire. ã jia tinare to ji duti to cũrirore tina ji duaera tiri jire. ã yoa ti jimarirore cohãnoaca tiri jire tina. Ti ã cohãchũ ñũno Cohamacũ nahitianopũ tinare peresu yoaa tiri jire. ã jia tina pihtiri dacho pano comaa dari mehne dũhterina yoaro sehe jirucuahca tina to peresu yoarina. ã jiro pihtiri dacho jichũ tinare buhiri dahrerohca Cohamacũ. <sup>7</sup> ãta yoaa tiri jire paina cũhũ. Tina cũhũre wacũga mũsa. Tina Sodoma wama tiri maca macaina, Gomorra wama tiri maca macaina tí macari cahacã jia macari macaina cũhũ numia mehne ñano yoaa tiri jire. Soro yoaa cũhũre yoaa, tina mũa sehe ti basita ti pjacũri mehne ñano yoaa tiri jire. Numia cũhũ ãta yoaa tiri jire. Ti ã yoari buhiri Cohamacũ tinare jũ pahñonocaa tiri jire. Tinare jũno Cohamacũ jipihtina tirore yũhdũrũcainare to buhiri dahrehtore masare ñono nia tiri jire. Tinare to buhiri dahreri pichaca ne yatisi.

<sup>8</sup> Tina Cohamacũ to buhiri dahrerina cjiri yoaro seheta mipũ cũhũre ãta yoarucura mahñoare buheina. Tina tũho masieraina yoaro seheta ti pjacũri mehne ñano yoara. ã yoa Cohamacũ dutiare ne cahmaerara tina. ã yoa mũano macaina si siteinare tina sehe ñano durucu cohtara. <sup>9</sup> Noaina anjoa sehe tuaina jipahta ã ni durucuerara. Miguel wama tiriro anjoa pũhtoro sehe Moise pjacũ cjirore cahmano, watĩno mehne cahma sayoa tiri jire. Tua yũhdũariro jiparota tiro “Watĩno yũhoro yũhũ pinihta tuaja”, ni tũhotuera tiri jire. ã jiro to mũ sũro watĩnore ñano durucuera, tirore tuhtiera tiri jire. ã jiro õ sehe nia tiri jire watĩnore. “Cohamacũpũ mũhũre tuhtijaro”, nia tiri jire Miguel watĩnore. <sup>10</sup> To ã yoiro jipachũta ahriina mahñoina sehe ti masierainare ñano durucu cohtara. ã yoa wahiquina tũho masieraina ti mũ sũro ti yoaro seheta tina mahñoina cũhũ yoara. ã yoina jia, pichacapũ wahaahca.

<sup>11</sup> Tinata ñano yũhdũahca. Caĩ cjiro to yoiro seheta ñano yoara tina cũhũ. ã jia Balãa to yoiro seheta tina niñerure na duaa, mahñoare buhera. ã yoa Coré to pũhtoro cohã duariro cjiro yoaro seheta tina cũhũ tó seheta yoara. ã jia tiro yoaro seheta tina cũhũ

pichacapu wahaahca. <sup>12</sup> Tina mahñoina sehe musa cahma cahĩhti bose numurine chua, ño payoa marieno mehne tina ti cahmano pape, ti sahserota chũare bora painare waro marieno. Wete yoaro sehe tina musa bose numurine noaa dachori jiborirore dojomehne cohtara. Me curuari wihnono to wãrocaa curuari, co mariea me curuari ti yaba cjihti jieraro seheta tina mahñoina ne yaba cjihti jierara. ã yoa dicha tiri pja jichũ dicha tieraa yucuri yoaro sehe jira tina. Tí yucuri puã tahapu yariaa wahara. Cũ taha dicha tieraa yucũ, yariaa yucuri yoaro sehe waha tuhsura. Tí yucurire ti duhari baharo pari turi yariaa wahara tjoa. Tí yucuri yoaro seheta jia yaba cjihti jierara tina mahñoina. <sup>13</sup> ã yoa pjiri ma macaa pahcõri bujua pahcõri yoaro sehe jira tina. Tí pahcõri ti cjárũca õchũ, wete tia sahpo wahara. Dohse jiare tina mahñoina ti yoachũ pahcõri macaa sahpo wete tia sahpo ti waharo seheta mahñoina ti ñaa yoaa jira. ã yoa si mũ wahcãa poca ñahpichoha poca yoaro sehe jira tina. Tí ñahpichoha poca ti wahahti mahare duhunoca, ti ã cohtotarucuro seheta tina cũhũ quihõno buheraa, ã cohtotarucura. Ti ã yoari buhiri nahitianopũ, ñanopũ ã jirucuahca tina mahñoina.

<sup>14-15</sup> Enoco panopũ macariro cjiro Adão panamana seis baharo to panami tiroo õ sehe nia tiri jire tinare mahñoinare: “Tũhoga yũhure. Cohamacũ payũ to yaina anjoa noaina mehne jipihtina ñainare ti ñaa buhiri buhiri dahrero tarohca. ã yoaro jipihtina Cohamacũre ñũ tuhtiinare ti ñaa yoari buhirire tinare buhiri dahrero tarohca Cohamacũ. Cohamacũre ñano ti durucuri buhiri cũhũre tinare buhiri dahrero tarohca”, ni yahuyua tiri jire Enoco. <sup>16</sup> Tina mahñoina painare tuhtiina, nurerucuina ti ñano wacũa dihtare yoara tina. ã yoa “Painare masi yũhdũrucaja sã”, nirucura tina. ã jia ti cahmano sehe yoa duaa, paina ti cjũaare na duaa, mahño cũ durucura tũho ji coaropũta.

#### *Jesu yainare yahu namoha Juda*

<sup>17</sup> Mari puhtoro Jesucristo buhe duti to cũrina ti buherire wacũga musa, yũ cahĩina. <sup>18</sup> Õ sehe ni buhere tina marine. “Ahri yahpa to pihitiho panocã Cohamacũre, musa to yaina cũhũre ñano durucu bujũpeina jiahca. Tina Cohamacũre cahmaeraa, ñaare ti goa pjaare yoahca”, ni yahure Jesu to cũrina musare. <sup>19</sup> Jesu yainare ti basi ti cahma ñũ tuhtichũ yoara tina mahñoina sehe. ã yoa tina ñaina ti mũ sũro yoaina jia, Espĩritu Santore ne cjũaerara tina. Ti ñaa goa pja dihtare yoara tina.

<sup>20</sup> Musa sehe yũ cahĩina, Jesucristo ya buheare noano tũho namoga, noano wacũ tuaina musa jihto sehe. Tí buhea sehe ñaa mariea buhea noa yũhdũara. Espĩritu Santo yoadohoa mehne Cohamacũ mehne durucuga musa. <sup>21</sup> Cohamacũ musare tuaro cahĩna. Tĩre masina tirore noano yũhtiina jiga musa. ã yũhtiina jiga, Jesucristo mehne musa ã jirucuhũre musa cohtaro watoi. Tiro marine pja ñũno mũanopũ ã jirucuchũ yoarohca.

<sup>22</sup> Cristo yare “Quihõno jieraboca”, ni tũhotuinare pja ñũga. <sup>23</sup> Painare yoadohoga pichacapũ ti wahaerahto sehe. ã jina painare pja ñũga musa. Tinare yoadohona musa cũhũ ti ñaa yoare ñũ cũena tjiga. Wete tiri suhtirore musa cahmaeraro seheta, paina ti ñaa yoare cahmaena tjiga musa, “Tí ñaa yoare ñũ cũ yoari”, nina.

#### *Juda Cohamacũre to ño payoa jira*

<sup>24</sup> Cohamacũ mari puhtoro marine ñũ wihbo masina ñaare mari yoerahto sehe. ã jiro tiro si siteriro marine ñaa buhiri marieinare mũanopũ to cahapu cũ masina. ã marine tõpu to cũchũ mari wahchenahca. <sup>25</sup> Tiro Cohamacũ cũirota jira. Pairo mariahna. Pichacapũ wahaborinare marine yũhdũchũ yoariro jira. Tiro sehe panopũ, mipũre, jipihtia dachoripe cũhũre noa yũhdũariro, mari bui puhtoro jiro, tua yũhdũariro, jipihtinare dutiro jira. To ã jiro jichũ mari puhtoro Jesucristo to yoadohoa mehne tirore ño payoa mehne wahchẽjihna. ãta yoajihna.

## Apocalipsis

*Baharop*ure ahri dacho to dohse wahahtore marine masichu yoaha Jesucristo

<sup>1</sup> Ahri pui Jesucristo marine to masichu yoarire yahu joarocai nija. Cohamacu sehe ture yahu dutiro cūri jire tirore, to yainare tirore dahra cohtainare masichu yoa dutiro. Ā jiro michapucacāta to dohse wahahtore masichu yoari jire tiro. Mahanocā dūhsa mūjano nina to ā wahahto. Jesucristore to ā cūchū tiro sehe anjore ture yūhure Joāore yahu dutiro warocari jire. <sup>2</sup> Ā jicu yūhū Joāo jipihtiare yū űurire yahu joarocai nija. Cohamacu ya durucuaru Jesucristo ya buheare yahu joarocai nija.

<sup>3</sup> Ahri pui baharopu to dohse wahahtore yahu joai nija. Mahanocā dūhsa mūjano nina ahri jipihtia ti ā wahahto. Ā jia jipihtina ahri pūre buheina, yū yahuare noano tūhoina yū yahuriro sehe yoaina wahcheina jiahca.

*Siete curuari macainare Jesu yaina cahmachuinare joarocaha Joāo*

<sup>4</sup> Yūhū, Joāo mūsare siete curuari macainare Jesu yainare Asia yahpa macainare joarocaja: Cohamacu to cahīa mehne mūsare noa dutija. Ā yoa to yoadohoa mehne noano jiga mūsa. Tiro panopūta ā jirucuriro jia tiri jire. Mipū cūhure ā jirucura. Baharopu tarohca. To pūhtoro dujiro panoi jiina siete pjacu bajueraina jira. Tina ti cahīa mehne noano jiga mūsa tjoa. <sup>5</sup> Jesucristo to cahīa mehne noano jiga mūsa tjoa. Cohamacu yare mahūono marieno yahuriro jira tiro. Ā jiro to yariari baharo to masa mūjari baharo ne pari turi yariasi tiro. “Ō sehe masa mūjaahca yū yaina”, ni űū quihō mūhtariro jira tiro. Ā jiro jiro jipihtina ahri yahpa macaina pūhtoa ti bui pūhtoro jira tiro. Marine cahīno to di cohāri mehne mari űaare cosawere tiro. <sup>6</sup> Ā cosawero marine pūhtoa sōre tiro. Sacerdotea marine wahachū yoare tjoa. Cohamacu Jesu Pūcuro to yare yoahtinare marine sacerdotea sōre tiro. Jipihtia dachoripe “Tuariro jira”, ni wahche payorucunahca mari jipihtina tirore. Jipihtina bui pūhtoro ā jirucura tiro. Āta jirucujaro.

<sup>7</sup> Noano wacū masi cohtaga mūsa. Me curuari watoi duji tarohca Cristo. To ā tachū űūahca jipihtina. Tirore cjā puha wajārina cjiri cūhū tirore űūahca. To ā tachū űūa ahri yahpa macaina tirore cahmaeraina jipihtia curuari macaina tuaro cahya, tiiahca. Āta yoajaro.

<sup>8</sup> Ō sehe nina mari pūhtoro Cohamacu: “Yūhū jipihtiare bajuamehneriro jija. Ā yoa jipihtiare pihtichū yoah tiro jija. Tua yūhdurucariro jija yūhū. Panopū ā jirucua tii. Mipū cūhure ā jirucuja. Baharopu taihtja”, nina Cohamacu tua yūhdurucariro.

*Cristore si siterirore to űurire yahuha Joāo*

<sup>9</sup> Yūhū Joāo mūsa coyeiro Jesu yairo jija. Ā jicu mūsa yoaro sehetā yūhū cūhū Jesu yare yū yoari buhiri űūano yūhdūhi. Ā yoa mūsa yoaro sehetā yūhure ti ā űūano yoapachūta Jesu yoadohoa mehne Jesure cohāerahi. Mari cūno potori pūhtoro to sūho jiro macaina cjihti jija. Yū ya dihta macaina ti cohāriro jicu Patmo wama tiri nūcopū jiji. Cohamacu yare, Jesucristo to buheri cūhure painare yū buheri buhiri tōpū ti cohāriro jiji. <sup>10</sup> Tōi yū jichū cū dacho domingo jichū Espiritu Santo yūhure cahānopū űūono nihre. To ā űūochū yū baharo būhusehei tuaro durucua bisiro coa tahre. Corneta to tuaro bisiro sehetā tō sehetā bisiro coa tahre to durucua. <sup>11</sup> Ō sehe nino coa tahre yū tūhochū:

—Mipū mū űūhtire joari pui joa ōga. Mū ā joa ōri baharo siete curuari macainare Cohamacu yainare warocaga ti pūre. Tina siete curuari Asia yahpai jia macari macaina jira. Efeso macainare, Esmirna macainare, Pērgamo macainare, Tiatira macainare, Sardis macainare, Filadelfia macainare, Laodicea macainare mū űūhtire joarocaga —nino coa tahre yūhure.

<sup>12</sup> To ā nichū tūhocū majarerūcahi yūhure durucurirore űūi tai. Ā majarerūcaci siete sihāa pocare ti duhu payoa yucūre uru mehne ti yoari yucūre űūhi. <sup>13</sup> Tí yucū

watoi ducuritore masuno yoaro sehe bajuritore ññhi. Tiro yoari suhtiro to dahporipu sūri suhtirore sāariro jihre. ã jiro uru mehne ti yoari cahsaro mehne to pēbuhu bui tuã dihoriro jihre. <sup>14</sup> ã yoa to pjoa yaja pjoari yoaro sehe noano yehsehre. To capari pichaca pohna yoaro sehe sihre. <sup>15</sup> To dahpori bronca wama tiri comaa siri comaa yoaro sehe si sitehre. Broncere pichaca mehne ti noano jūweri baharo tíre wahtara noano si pa dutia. Ti noano wahtariro yoaro sehe to dahpori noano si sitehre. ã yoa to durucua payu poayeri yoaro sehe tuaro bisiro coa tahre. <sup>16</sup> To wamomaca poto bñhusehei siete ñahpichoha pocare cjuahre. ã yoa to duseroi ñosari pjī pu bñhuseheri siori pjīne cuhcūhre. ã yoa sū dacho macariro to tuaro minoano seheta to wñhdña tuaro si sitehre.

<sup>17</sup> ã jicu tirore ññcu to dahpori cahai doca caha sñhi yariariro yoaro sehe. Yu ã doca caha sñchñ ñño tiro to wamomaca poto bñhusehe mehne yñhure duhu payo ò sehe nihre:

—Cuii tjiga. Yññu jipihtiare bajuamehneriro jija. ã yoa jipihtiare pihtichñ yoah tiro jija. <sup>18</sup> Catiriro jija yññu. Yariariro jimai. Mipure ññga. Jipihtia dachoripe ã catirucuriro jija yññu. ã yoa yariaina ti jiroi pñhtoro jija. Yariaina ti jiro macari sopaca sawire yñ cjuaboriro seheta tópu jiiinare na wio, pari turi catichñ yoa masija yññu. <sup>19</sup> ã jicu mipu wahahtore ññcu, joa òga. Baharopu to dohse wahahto cñhure ññcu joa òga mññu. <sup>20</sup> Ahri siete ñahpichoha pocare yñ poto bñhusehei yñ cjuaa pocare yahuihtja mññure. Siete sihña pocare ti duhu payoa yucñ uru yucñ cñhure yahuihtja. Ò sehe jia yahuare panopu masare ne yahuera tii. Ò sehe jira tí: Siete ñahpichoha poca siete curuari macaina yñ yaina cahmachuina pñhtoa jia nina mari piti dahre buhechñ. ã jia siete sihña pocare ti duhu payoa yucñ siete curuari macaina yñ yaina jia nina mari piti dahre buhechñ —nihre yñhure.

## 2

*Efeso macainare Jesu yainare joa dñca dutiha Joãore*

<sup>1</sup> ã ni tuhsñ ò sehe ni namohre yñhure joa dutiriro:

—Efeso macaina yñ yaina, ti pñhtoro cñhure ò sehe ni joarocaga mññu: “Yu wamomaca poto bñhusehei siete ñahpichoha pocare cjuariro jija. ã jicu siete sihña dapoa yucñ uru mehne ti yoaa yucñ watoi tiniriro jija. ã tiniriro jicu mñsare ò sehe ni yahuja: <sup>2</sup> Jipihtia mñsa yoarire masi pahñoja. Yu ya cñihtire tuaro mñsa dahrarire, yñhure mñsa wacñ tua duhuerari cñhure noano masija. Ñaare yoainare mñsa ññ yabichñ cñhure masija. ã yoa ‘Jesu buhe dutiro to cñrina jija’, nimirinare quihño ti buherachñ, quihño ti yoerachñ ññna, mahñoina ti jichñ masire mñsa. <sup>3</sup> Yu yare mñsa yoari buhiri mñsa ñano yñhdupanahta yñhure ne duhuerare mñsa. <sup>4</sup> ã noano yoaina jipanahta cñnore tó yoerare mñsa. Ahri jira tí: Yñhure mñsa noano cahñ mñhtariro seheta mipure yoerara mñsa. <sup>5</sup> Yñhure mñsa cahñ mñhtarire wacñga mñsa tjoa. Mipure yñhure mñsa cahñera curerire wacñga. ã yoa Cohamacñ yare tuaro cahmaga tjoa. ã cahmana, yñ yare mñsa yoa mñhtariro seheta yoaga tjoa. Mñsa ã yoerachñ sihñiare yñ duhu payodñ mñsa ya dñre yñ dapodñre mñsare nanocaihtja. (ã nicñ ò sehe ni yahui nija mñsare. Mñsa tó macaina yñhure cohñboca. ã cohña tó purota pihtinahca mñsa ñaa yoare duhuerana.) <sup>6</sup> Yñhure cahñera cureina jipanahta ahrire noano yoare mñsa: Nicolaita wama tiina ti ñaa yoarire ññ yabira mñsa. Yññu cñhñ ti yoarire ññ yabija. <sup>7</sup> Cahmori tiina jira mñsa. ã jina mñsa ya curuari macainare yñ yainare Espiritu Santo to yahurire tñhoga mñsa. Ò sehe nina tiro: ‘Jipihtinare Jesure wacñ tua duhuerainare Cohamacñ masare to cño paraíso wama tiro macadñ dichare chñ dutihtja. Tñ dicha catichñ yoaa jira’, nina Espiritu Santo”, ni yahu joarocaga Efeso macaina yñ yainare, ti pñhtoro cñhure.

*Esmirna macainare Jesu yainare joaroca dutiha Joãore*

<sup>8</sup> Esmirna macaina yñ yainare, ti pñhtoro cñhure ò sehe ni joarocaga mññu: “Yññu jipihtiare bajuamehneriro jija. ã yoa jipihtiare pihtichñ yoah tiro jija. Yariaa wahi. Pari

turi catija tjoa. ã jicu õ sehe ni yahuja m̄sare: <sup>9</sup> M̄sa ñano ȳhd̄urire masija. Pj̄ac̄uoina m̄sa jich̄u c̄h̄ure masija. ã jipanahta Cohamac̄u yare noaare pj̄iro cjuara m̄sa. Paina sehe 'Judio masa jija', nimarina mah̄ñoina jira. Tina m̄sare ti ñano quiti dahrerire masija. Tina Satana yaina jira. <sup>10</sup> Mip̄ure m̄sa ñano ȳhd̄urtire cuiena tjiga. T̄hoga m̄sa. Wat̄ino m̄sare Cohamac̄ure duhu dutiro c̄aina m̄sa mehne macainare peresu yoa dutirohca. Diez dachori waro ñano ȳhd̄unahca m̄sa. Ti ã ñano yoach̄u m̄sare ti ã waj̄amoñopach̄uta ȳh̄ure ȳu ya c̄h̄ure coh̄ena tjiga. M̄sa ã ȳh̄ure coh̄erach̄u ñ̄uc̄u jipih̄tia dachoripe Cohamac̄u cahap̄u m̄sare ã jirucuch̄u yoaihtja. <sup>11</sup> Cahmori tiina jira m̄sa. ã jina m̄sa ya curuari macainare ȳu yainare Esp̄iritu Santo to yahurire t̄hoga m̄sa. Õ sehe nina tiro: 'Jipih̄tina Jesure wac̄u tua duhueraina pichac̄ap̄u wahasi. Ti yariari baharo pichac̄ap̄u wahasi', nina Esp̄iritu Santo", ni joarocaga Esmirna macaina ȳu yainare, ti p̄htoro c̄h̄ure.

*Pérgamo macainare Jesu yainare joaroca dutiha Joãore*

<sup>12</sup> Pérgamo macaina ȳu yainare, ti p̄htoro c̄h̄ure õ sehe ni joarocaga m̄h̄u: "Ȳh̄u ñosari pj̄i p̄ buh̄seheri siori pj̄ine cjuariro jija. M̄sare õ sehe ni yahuihtja: <sup>13</sup> M̄sa yoarire, m̄sa ya maca macaina ti yoari c̄h̄ure masija. Tó macaina p̄htoro Satana jira. Tó macaina Satanare ño payoina Antipare ȳu yare noano yahuriro cjirore waj̄are. Tirore ti ã waj̄ach̄u ñ̄upanahta ȳu yare yoarucuna ȳh̄ure ne wac̄u tua duhuerare m̄sa. <sup>14</sup> M̄sa ã wac̄u tua duhuerapanahta mahanoc̄a ȳh̄ure ȳhd̄ur̄care m̄sa. C̄aina m̄sa mehne macaina Bal̄a ya buheare cahmana. Panop̄u Bal̄a p̄htoro Balac wama tiriore õ sehe ni buhea tire: 'Israe masare ȳhd̄ur̄ca duac̄u "Cohamac̄u jira", m̄sa nia mas̄rine ño payo m̄sa duhu payoa ch̄ure ch̄u dutiga tinare. ã yoa numia mehne ñano yoach̄u yoaga tinare', ni buhea tire Bal̄a cjiro. C̄aina m̄sa mehne macaina to buheare cahmana. <sup>15</sup> ã yoa paina m̄sa mehne macaina Nicolaita wama tiina ya buhea sehere duhu duaerara. <sup>16</sup> ã jina m̄sa ñaa t̄hotumari cjirire t̄hotu cohtota, Cohamac̄u yare tuaro cahmaga tjoa. M̄sa ã cahmaerach̄u ñ̄uc̄u soaro mehne m̄sa cahap̄u wahac̄u, ã ñano yoina mehne cahmacheihca ȳu d̄serop̄u jiri pj̄i ñosari pj̄i mehne. <sup>17</sup> Cahmori tiina jira m̄sa. ã jina m̄sa ya curuari macainare ȳu yainare Esp̄iritu Santo to yahurire t̄hoga m̄sa. Õ sehe nina tiro: 'Jipih̄tinare Jesure wac̄u tua duhuerainare maná wama tiri ch̄ure to n̄ori ch̄ure waihtja. Yehsea t̄a c̄h̄ure waihtja tinare. Tí t̄are wahma wamare ȳu joa õa t̄a jahca. Paina tí wamare ne masisi. Tí t̄are naina dihta tí wamare masiahca', nina Esp̄iritu Santo", ni joarocaga Pérgamo macaina ȳu yainare, ti p̄htoro c̄h̄ure.

*Tiatira macainare Jesu yainare joaroca dutiha Joãore*

<sup>18</sup> Tiatira macaina ȳu yainare, ti p̄htoro c̄h̄ure õ sehe ni joarocaga m̄h̄u: "Ȳh̄u Cohamac̄u mac̄no ȳu capari picha pohna yoaro sehe sira. ã jia ȳu dahpori bronca wama tiri comaa ti wahtari comaa yoaro sehe si sitera. M̄sare õ sehe ni yahuja: <sup>19</sup> M̄sa yoarire masija ȳh̄u. Cohamac̄ure paina c̄h̄ure m̄sa cah̄irire, ȳh̄ure m̄sa coh̄erarire, painare m̄sa yoadohorire, ñano ȳhd̄upanahta ȳh̄ure m̄sa duhuerarire masija. Wahmanop̄u m̄sa yoariro ȳhd̄oro mip̄u sehere noano yoa namona nina m̄sa. Tí c̄h̄ure masija ȳh̄u. <sup>20</sup> M̄sa ã noano yoina jipanahta õ sehe ȳh̄ure ȳhd̄ur̄cah̄e m̄sa: Jezabe wama tiricoro 'Cohamac̄u yare yahu m̄htaricoro jija', ni mah̄ñoricoro m̄sare to ñano buhech̄u t̄hona ticorore tuhtierare m̄sa. Mah̄ño buhero ȳu yainare ȳh̄ure dahra cohtainare numia mehne ñano yoach̄u yoara. ã jiro 'Cohamac̄u jira', ti nia mas̄rine paina ño payo ti duhu payoa ch̄ure ch̄u dutira ticoro ȳu yainare. <sup>21</sup> To ñaare to cahyahtore cohtasinimai. Ȳu ã cohtapach̄uta m̄a mehne to ñano yoare duhu duaerare. <sup>22</sup> Ȳh̄ure t̄hoga m̄sa. Ticorore dohatich̄u yoaihtja. Ticoro mehne ñano yoina c̄h̄ure dohatich̄u yoaihtja. ã jia tina pj̄iro ñano ȳhd̄uahca. ãta yoaihca tinare ticoro mehne ti ñano yoare ti cahyaerach̄u, tíre ti duhuerach̄u. <sup>23</sup> ã yoa ticoro ya buheare cahmainare waj̄aihtja. Ȳu ã yoach̄u ñ̄a jipih̄tina ȳu yaina ȳu noano masiriro jich̄u masiahca. Masa ti t̄hotuare ti goa p̄jaa c̄h̄ure masija. Ȳu ã masiriro jich̄u masiahca tina ticorore ȳu



buhiri dahrechũ ñũa. Jipihtina mũa ñaare yoari buhirire buhiri dahreih̄tja mũaare. ã yoa mũa noaare yoari wapa sehere noano yoaihtja mũaare. <sup>24</sup> Paina mũa mehne macaina Tiatira macaina ticoro ya buheare cahmaerare. Mũa sehe Satana ya buheare ‘Pano to yahuerari cjiri’, ti nia buheare cahmaerare mũa. ã jicũ mũa sehere duti namosi yũhũ. <sup>25</sup> Ahri dihtare yoa duti namoihtja mũaare: Mũa cahapũ yũ tahto pano yũ buheare mũa masirire ne mahanocã duhuena tjiga. <sup>26-27</sup> Jipihtina ñaare duhuinare yũ yare ã yoarucuinare pũh̄toa sõihtja. Yũ Pũcũ yũhũre to pũh̄to sõīro seheta mũa cũhũre pũh̄toa sõihtja. Jipihtia yahpari macaina bui pũh̄toa sõihtja mũaare. ã pũh̄toa sãana, mũa docai jinare jipihtia yahpari macainare tuaro dutinahca mũa. Dihi biatore mari yucũcũ mehne pohachũ dõi to wahtiaro seheta Cohamacũre yũhdũrũcainare ãta yoanahca mũa. <sup>28</sup> ã jicũ mũaare yũ yare ne duhuerinare bohrea mũja tachũ mũja tariare waihtja mũaare. <sup>29</sup> Cahmori tiina jira mũa. ã jina mũa ya curuari macainare yũ yainare Espĩritu Santo to yahurire tũhoga mũa”, ni joarocaga Tiatira macaina yũ yainare, ti pũh̄toro cũhũre.

### 3

#### *Sardis macainare Jesu yainare joaroca dutiha Joãore*

<sup>1</sup> ‘Sardis macaina yũ yainare, ti pũh̄toro cũhũre õ sehe ni joarocaga mũhũ: “Yũhũ siete pjacũ bajuerinare Cohamacũ yainare dutiro jija. ã yoa siete ñahpichoha pocare cjuariro jija. Mũaare õ sehe ni yahuja: Mũa yoarire masija. Õ sehe ni tũhotumana paina mũaare: ‘Tina Cohamacũ yare noano yoa pahũoina jira’, ni tũhotumana mũaare paina. Ti ã ni tũhotupachũta Cohamacũ yare noano yoerara mũa. <sup>2</sup> ã jina noano yoaga mũa ‘Ñaare yoari’, nina. Cohamacũ yare mũa masirire noano wacũga, ‘To yare duhuri’, nina. Cohamacũ to ñũchũ noano yoa pahũoerasingire mũa. <sup>3</sup> ã jina yũ yare mũa tũho mũhtarire noano wacũga mũa. ã wacũna yũ yare yoaga tjoa. Cohamacũ yare pari turi cahmaga tjoa. Yũ nino sehe mũa yoerachũ wacũenoca mũaare buhiri dahreih̄tja. Yacariro wacũenoca to yacaro sãariro seheta mũaare wacũenoca buhiri dahreih̄tja. <sup>4</sup> Cãina mũa mehne macaina Sardis macaina ñaare yoarucuína jierara. Wete marieni suhtirore mũa sãaboriro seheta tí suhtirore mũa wete piho duaeraro seheta ti ñaa yoare piha duaerare mũa. ã noaina jina, yehseri suhtiro sãaina yũhũ mehne tininahca mũa sehe. ã yoah̄tina cjihti jira mũa. <sup>5</sup> Jipihtina yũ yare duhueraina ãta yehsea suhti sãaina jiahca. ã yoa yũhũ mehne ã jirucũhtina ti wamare to joa õri pũi tina cũhũ ti wamare joa õina jiahca. Ti wamare to joa õrire pahã cohãsi yũhũ. Yũ Pũcũ to ñũrocaroi, anjoa cũhũ ti ñũrocaroi yũ yaina mũa jirire yahuihtja tinare. <sup>6</sup> Cahmori tiina jira mũa. ã jina mũa ya curuari macainare yũ yainare Espĩritu Santo to yahurire tũhoga mũa”, ni joarocaga Sardis macaina yũ yainare, ti pũh̄toro cũhũre.

#### *Filadelfia macainare Jesu yainare joaroca dutiha Joãore*

<sup>7</sup> ‘Filadelfia macaina yũ yaina, ti pũh̄toro cũhũre õ sehe ni joarocaga mũhũ: “Yũhũ ñaa marieriro jija. Yũ nino seheta yoariro jija. Davi cjiro panopũ macariro pũh̄toro dutiro waro sawire cjuariro jiro masare to dutiro seheta tuaa mehne dutihtja yũhũ cũhũ. Tí tuaa mehne yũ yoa dutichũ ne paina tíre dũcata masierara. Yũ yoa dutierachũ ne paina tíre yoa masierara. <sup>8</sup> Jipihtiare mũa yoare masija yũhũ. Wacũ tuaera cureina jipanahta yũ buheare noano tũho, tíre ne duhuerare mũa. ã jicũ yũ yare cũi mũaare tíre buhe duticũ. ã jia paina ‘Tíre buhena tjiga’, ni dũcata masierara mũaare. <sup>9</sup> ã jicũ õ sehe yoaihtja: Paina mũa cahai jiina Satana yaina jira. ‘Judio masa jija’, nipahta judio masa waro jierara. Tinare mũa panoi na tuh̄cua caha sũ mũaare ño payochũ yoaihtja tinare. Yũ ã yoachũ ñũa mũaare yũ cahĩare masiahca tina. <sup>10</sup> Mũaare yũ yare yũ duhu dutierachũ tũhona noano yũhtire mũa. Mũa ã yoachũ ñũcũ ahri yahpa macaina jipihtina ti ñano yũhdũhti pja jichũ mũaare dũcataihtja mũa ñano yũhdũerahto sehe. Tí pja jipihtina ti ñano yũhdũhti pja jirohca. <sup>11</sup> Mahanocã dũhsara ahri yahpapũ yũ tjua tahto. Yũ yare mũa masirire boena tjiga. ã yoa yũhũre ã yũhtirucuga, mũa noano

yoari wapare ‘Butiri’, nina. <sup>12</sup> ã jicu yu yare ã yoarucuinare yu Pucu ya wuhu macaina cjihtire cjihtja tinare. To ya wuhu macaa botari ti yoari pja ti jirucuro seheta Cohamacu mehne jirucuchu yoaihtja tinare. ã jia Cohamacu mehne macaina ã jirucuahca. ã jicu Cohamacu wuhu macaa botaripu yu joa õno seheta tinare ti pjacuripu õ sehe ni joa õihtja: Cohamacu yu Pucu wamare, to ya maca wama cūhure joa õihtja. To ya maca wahma maca Jerusalē jirohca. Tí maca muanoru Cohamacu cahapu tari maca jirohca. Yuhu wahma wama cjuaihca. Tí wama cūhure joa õihtja ti pjacuripu. <sup>13</sup> Cahmori tiina jira musa. ã jina musa ya curuari macainare yu yainare Espiritu Santo to yahurire tuhoga musa”, ni joarocaga Filadelfia macaina yu yainare, ti puhtoro cūhure.

*Laodicea macainare Jesu yainare joaroca dutiha Joãore*

<sup>14</sup> ‘Laodicea macaina yu yainare, ti puhtoro cūhure õ sehe ni joarocaga muhu: “Yuhu Cohamacu jipihtia to yoarire, to yohti cūhure yoa sohtori tiri jija. Yuhu potocã yoariro jija. ã jicu mahõno marieno yu ñurire ã yahurucuriro jija. Jipihtiare yu Pucu to yoarire yoabasariro jija yuhu. <sup>15</sup> Jipihtia musa dohse yoarire masija yuhu. Yuhure wacū tuaina jipanahta mahanocã wacū tuaina jira musa. Õ sehe jira tí: Co yusuera co sū mehne pjiroca si putia co yoaro sehe jira musa. Tó sehe jia core mari ji coaeraro seheta yuhure wacū tuaera cureina musa jichu yuhu cūhu musare ji coaeraja. Yuhure musa noano wacū tuachu noaboa yuhure. Yuhure musa wacū tuaerachu ña niboia yuhure. Yuhure musa wacū tuaerari yuhuro mahanocã wacū tuaina musa jichu ña yuhduara. <sup>16</sup> Musa ã jichu ñucu ñu yabi yuhduaja yuhu. Ñaa core yu cho cohãno seheta yuhure mahanocã wacū tuainare ñu yabi yuhduaja yuhu. <sup>17</sup> ã jina õ sehe ni tuhutumana musa: ‘Jipihtiare cjuaja. Ne yaba duhsaerara marine’, ni tuhutumana musa. ã nipanahta pjacuoia yoaro sehe jira musa. ã jina capari ñueraina ti ñu duaare ti masieraro seheta Cohamacu yare ne masierara musa. ã jina suhti marieina ti buo tiro seheta Cohamacu to ñurocaroi musa ñaa yoarire buo tihtina jira musa. <sup>18</sup> Musa ã jiina jichu ñucu õ sehe ni yahuihtja musare: Uru warore musa nuchuboro seheta noaare yu cjuare naga musa. Musare yuhure wacū tuachu yoaihtja. ã jina potocã Cohamacu ya mehne pjiro cjuanahca. ã yoa yehseri suhtirore musa nuchu musa sãano seheta yu di cohãri mehne yu yariaro mehne musa ñaa yoare cosawerina jiga. ã yoana noaa suhti sãaina ti buo tieraro seheta musa ñaaare cosawerina jina buo tisi musa cūhu. ã yoa musa caparire musa co tiri baharo noano musare bajuro seheta Cohamacu yare noano tuhoga, musa noano masihto sehe. <sup>19</sup> Jipihtina yu cahĩinare yahuja. ã jicu yu cahĩina ti jichu ñucu, ti tuhochachu tinare quihõno yoa dutija, tinare yoadohocu tacu. ã jina yu ya sehere tuaro cahmaga. ã yoa musa ñaaare tuhutumari cjirire cohtota, tí ñaaare duhuga. <sup>20</sup> Tuhoga yuhure. Musa wuhure bihari wuhure yu suruca yu sãa dua yu pisurucuboro seheta, musa mehne macariro ji duai nija. Yu ã ji duachu tuhoina jina yuhure musa mehne ji dutiga. Yu yaina jiga. Musa ã ji dutichu musa mehne jiihtja. ã jicu mari suho churo seheta musa mehne noano jiihtja. ã jina yuhu mehne macaina jinahca musa. <sup>21</sup> Watĩnore yu yuhdurucari baharo yu Pucu puhtoro to dujiro cahai dujija, yuhu cūhu duticu tacu. Tó seheta musa cūhu ñaa yoarire musa yuhdurucari baharo yu puhtoro dujiro cahai dujinahca, musa cūhu dutina tana. Musare yu cahai dujichu yoaihtja. <sup>22</sup> Cahmori tiina jira musa. ã jina musa ya curuari macainare yu yainare Espiritu Santo to yahurire tuhoga musa”, ni joarocaga Laodicea macaina yu yainare, ti puhtoro cūhure —nihre yuhure joa dutiriro.

4

*Muanoru Cohamacure na tuhcuca caha su ti ño payoare ñuha Joã*

<sup>1</sup> Yuhure to ã ni yahuri baharo muanoru pjõari sopacare ñuhi. Pari turi corneta to tuaro bisiro seheta tuaro durucua bisiro coa tahre yu tuhochu. Õ sehe nihre yu tuhochu: —Õru mija taga. Ahri yu yahuhti cjihti baharopure wahahtore mūhure ñoihtja. Yu niriro seheta ã waharohca —nino coa tahre muanoru.

<sup>2</sup> To ã ni yahuchuta tópu mǎja súcǎ Espírítu Santo tuaa mehne ñǎi nihi. ã jicu pǎhtoro dujirore mǎanopǎ ñǎhi. Tóí cǎiro dujihre. <sup>3</sup> Noano si siteriro dujihre. Diamante wama tia tǎa yoaro seheta, rubí wama tia tǎa yoaro seheta noano si siteriro dujihre tiro. ã jiro buhini soro esmeralda yoaro sehe si siteri soro dacho macai dujihre tiro. <sup>4</sup> ã yoa to dujiro cahai veinticuatro dujiare ñǎhi. Tí dujia pǎhtoa dujia yǎ ñǎ mǎhtaritore duji soroahre. Tí dujiapǎ veinticuatro Jesu yaina pǎhtoa dujihre. Yehsea suhti tiina jihre. ã yoa pǎhtoa ti pisaa sorori uru sororire pisaina jihre tina. <sup>5</sup> Yǎ ñǎ mǎhtariro dujiroi orocasitehre. ã yoa soro sehe jiro choro bisiro coa tahre. Wǎpo cǎhǎ bisiro coa tahre. Tí dujiro panoi siete sihǎa poca jihre. Siete sihǎa poca mehne to piti dahre buhechǎ Cohamacǎ yaina siete pjacǎ bajueraina jihre. <sup>6</sup> ã yoa to dujiro panoi pjiri ma yoaro sehe vidro yoaro sehe sipari ma jihre. Noano co sitiri ma yoaro sehe jihre.

Ti dujiro cahai pititiaro soro sehe bajuina jihre. Ti pjacǎri panoi ti baharo bǎhǎsehe cǎhǎre payǎ capari tiina jihre tina. <sup>7</sup> Yǎ ñǎ mǎhtariro soro bajuriro yairo sohǎriro yoaro sehe bajuhre. To baharo jiriro wachǎ yoaro sehe bajuhre. Ti baharo jiriro masǎno wǎhdǎa sehe wǎhdǎa tiriro jihre. Tina tiaro baharo jiriro cja to cǎmǎadǎpǎrire saño dujiro yoaro sehe bajuhre. <sup>8</sup> Tina seis dǎpǎri wǎa dǎpǎri tiina jihre. ã jia ti wǎa dǎpǎri pǎ bǎhǎseheripǎta payǎ capari tia dǎpǎri jihre. ã yoa dachoripe, ñǎminipe ã dururucua nihre. Ne durucu duhuerare. Õ sehe ni durucuhre:

“Noariro, noariro, noariro Cohamacǎ mari pǎhtoro tua yǎhdǎariro jira.

Tiro panopǎta ã jirucua tiri jire.

Mipǎ cǎhǎre ã jirucura.

Baharopǎ tarohca”,

ni durucurucua nihre.

<sup>9</sup> ã ni durucua tina pititiaro soro bajuina to tuaare durucua nihre pǎhtoro dujiroi dujirirore. ã durucua, tirore jipihtia dachoripe jirucurirore wahche payoa “Noana”, nia nihre. <sup>10</sup> Ti ã yoa payochǎ ñǎa veinticuatro Jesu yaina pǎhtoa sehe pǎhtoro dujiroi dujiro panoi na tuhcuca caha sǎ, tirore ño payohre. Tiro jipihtia dachoripe jirucuriro jira. ã ño payoa ti pǎhtoa pisaa sororire to dujiro panoi doca payohre. ã doca payoa ò sehe nihre tina:

<sup>11</sup> “Mǎhǎ Cohamacǎ sǎ pǎhtoro waro jira.

Tuariro, noariro jira mǎhǎ.

Mǎhǎ sǎ ño payoriro jii nina.

Mǎhǎre ã ño payorucuro cahmana sǎre.

Jipihtiare bajuamehneriro jira mǎhǎ.

Mǎ cahmariro seheta tí jipihtiare bajuamehnea tiri jire mǎhǎ”,

nihi tina Cohamacǎre, tóí dujirirore.

## 5

*Joari pǎre turēri tiare cordero cǎhǎre yahuha João*

<sup>1</sup> Baharo tóí dujiro to wamomaca poto bǎhǎsehei to cǎuari pǎre joari pǎre ñǎhi. Tí pǎ pǎ bǎhǎseheri to joari pǎ to turēri tia jihre. ã yoa siete wihtǎ ñǎhaa mehne to wihtǎ ñǎhari tia jihre. <sup>2</sup> Tí tiare turēri tiare ñǎ tuhsǎ, tuariro anjore ñǎhi. Tiro tuaro durucua mehne ò sehe ni yahuhre:

—¿Ahri tiare wihtǎ ñǎhaare pahrēboriro ñǎa buhiri marieriro diro sehe jijari, mǎsa tuhotchǎ? —nihre tiro anjo.

<sup>3</sup> ã niparota tí tiare pahrēhtirore bocaerare. Mǎanopǎ, ahri yahpǎpǎ, catiina watoi, yaria tuhsǎina watoi ne tí tiare ñǎhaare pahrēhtiro mariahre. ã jiro tí tiare buhehtiro mariahre. <sup>4</sup> ã jicu pahrēhtirore, tí pǎre ñǎhtirore ti bocaerachǎ ñǎcǎ tuaro tihi yǎhǎ.

<sup>5</sup> Yǎ ã tiichǎ ñǎno cǎiro Jesu yaina pǎhtoa mehne macariro ò sehe nihre yǎhǎre:

—Tiiecǎ tjiga. Tí tiare ñǎhaare cǎiro pahrē masina. Tiro Juda ya curua macariro tuariro jira. Tuariro jiro “Yairo sohǎriro”, ti ni pisuriro jira. Tiro pǎhtoro Davi panamino

ji turiariro jira. Watĩnore yũhdũrũcariro jira tiro. Ā jiro tiro tí tiare siete ñahaare pahrẽ masiriro jira —nihre tiro yũhũre.

<sup>6</sup> To ã nichũ tũhocũ pũhtoro dujiro panoi cordero to ducuchũ ñũhi. Cuatro soro bajuina, Jesu yaina pũhtoa tina watoi ducuhre tiro cordero. Tiro ti wajãriro cjiro sehe bajuhre. Siete sahari tiriro, siete capari tiriro jihre. Tí siete sahari ã yoa siete capari mehne to piti dahre buhechũ Cohamacũ yaina pjacũ bajueraina siete bajueraina yoaro sehe jira. Tina to yaina pjacũ bajueraina jipihtiro ahri yahpãpũ Cohamacũ to warocarina jihre. <sup>7</sup> Ā jiro cordero sehe pũhtoro dujiro cahãpũ sũro, tirore to poto bũhũsehei to cjuari tiare tũãwe nahre. <sup>8</sup> To ã tũãwe nachũ ñũa cuatro soro bajuina, veinticuatro pũhtoa cũhũ cordero panoi na tuhcuã caha sũ, tirore ño payohre. Tina pũhtoa jipihtina arpa wama tia bũapũtũare, uru wahwari cũhũre cjuahre. Tí wahwari incienso noano wahpaa posa tia wahwari jihre. Tí incienso mehne to piti dahre buhechũ Cohamacũ yaina tirore ti sini payori yoaro sehe jihre. <sup>9-10</sup> Ā tirore ño payoa ò sehe ni wahmaa basaare tina basa payohre tirore:

“Mũhũ ti wajãriro cjiro jira.

Ā jicũ mũ di cohãri mehne sã ñaa yoari buhirire cohãre mũhũ Cohamacũ yaina sã jihto sehe.

Ā jicũ jipihtia curuari macainare cãinare, jipihtia dũseri durucuinare cãinare, jipihtia yahpãri macainare cãinare sã ñaa yoari buhirire mũ di cohãri mehne cosawere mũhũ Cohamacũ yaina sã jihto sehe.

Sãre jipihtinare Cohamacũ yaina cjihtire cũre mũhũ.

Ā jicũ sacerdotea cũhre mũhũ sãre Cohamacũre dahra cohtaina sã jihto sehe.

Ā yoacũ ahri yahpa macaina bui pũhtoa sũhre mũhũ sãre.

Ā yoariro jicũ tí tiare wihtã ñahaare pahrẽhtiro jira mũhũ”,

ni basa payohre tina corderore.

<sup>11</sup> Pari turi ñũcũ millones anjoa perire ñũhi. Pũhtoro dujirore cuatro soro bajuinare, veinticuatro pũhtoare anjoa sehe tinare soroa dũcũ sũhre. Tina anjoa peri tuaro ti sañurucu payochũ ñũhi. <sup>12</sup> Ò sehe ni tuaro sañurucu payohre tina:

“Cordero ti wajãriro mũhũ jipihtinare dutiriro, jipihtiare cjuariro, masi pahñoriro, tua yũhdũariro jira mũhũ.

Masa ti ñaa buhiri ti wajãriro mũ jichũ ñũna ã ni ño payoja mũhũre.

‘Noabiariro jira’, ninahca mũhũre.

Mũhũre noano durucunahca”,

ni sañurucu payohre anjoa peri.

<sup>13</sup> Ā jicũ paina cũhũre ti sañurucu payoa coa tachũ tũhohi. Jipihtina mũano macaina, ahri yahpã macaina, catiina, yariaina cahãpũ jiina cũhũ, pjiri ma macaina, jipihtiropũ jiina ò sehe ni durucu payoa coa tahre:

“Cohamacũre to dujiropũ dujirirore, Cordero cũhũre mũsare pũarore noano durucunahca.

Mũsare wahche payonahca.

‘Noa Yũhdũaina, Tua Yũhdũaina jira’ nina, jipihtia dachoripe ã nirucunahca mũsare”,

ni durucu payoa coa tahre.

<sup>14</sup> Ā jia tina cuatro soro bajuina ti ã durucu payochũ tũhoa “Āta ni durucu payojarõ”, nihre. Ā jia Jesu yaina pũhtoa sehe na tuhcuã caha sũ Cohamacũre, Cordero cũhũre ño payohre.

## 6

*Papera tiare to nari tiare wihtã ñaharire pahrẽna Cordero*

<sup>1</sup> Baharo papera tiare to nari tiare Cordero wihtã ñaha mũhtanore pahrẽhre. To ã pahrẽchũ ñũhi. To ã pahrẽri baharo cũiro soro bajuina mehne macariro, “Ñũna taga”, nihre. Ā nino wũpo yoaro sehe bisihre tiro.

<sup>2</sup> To ã niri baharo ñuhi yũhũ. Yehseriro cawalore ñuhi. Tiro bui pisariro buedure cjuahre. Tirore puhtoro pisari sorore wahre paior sehe. To ã wari baharo tiro sehe tirore ñũ tuhtiinare yũhdũrũcaro wahahre.

<sup>3</sup> Baharo cũ wihtã ñahanore pahrẽ tuhsũ Cordero pa wihtã ñahanore pahrẽhre tjoa. To ã pahrẽri baharo paior soro bajuina mehne macariro “Ñũna taga”, to nichũ tuhohi tjoa.

<sup>4</sup> Æ jicũ paior cawalore sohãrirore ñuhi tjoa. Tiro bui pisarirore tuaare wahre paior sehe. Ahri yahpa macainare cahma wajã dutihtirore cũhre tirore. Æ jia jipihtiro macaina cahma wajãahca ahri yahparũ. Æ yoa pjiri pjĩ ñosari pjĩne wahre tirore.

<sup>5</sup> Baharo puarore pahrẽ tuhsũ Cordero parore pahrẽhre tjoa. Æ jicũ puaro ti durucuri baharo paior soro bajuina mehne macariro “Ñũna taga”, to nichũ tuhohi.

To ã niri baharo ñiriro cawalore ñuhi. Tiro bui pisariro balanza quihõnore cjuahre.

<sup>6</sup> Tirore yũ ñũri baharo soro bajuina watoi õ sehe nino coa tahre:

—Cũ dacho dahrari wapa mehne trigore cũ kilota nuchũahca masa. Cũ dacho dahrari wapa mehne cebada wama tia yaparire tia kilota nuchũahca masa. (Trigo, cebada cũhũ pihtia wahaahca. Æ jia tí wapa bujũ niahca.) Wiho mejeta chũa dahrea sere, vino cũhũre dojochũ yoaena tjiga —nino coa tahre.

<sup>7</sup> Baharo tiarore pahrẽ tuhsũ Cordero parore pahrẽhre tjoa. To ã pahrẽri baharo paior soro bajuina mehne macariro ji bato tiriro “Ñũna taga”, nihre tjoa.

<sup>8</sup> To ã nichũ tuhocũ wapoariro cawalore ñuhi. Tiro bui pisariro “Yariachũ yoariro” wama tihre. Æ yoa to baharo tariro “Yariaina ti jiro” wama tihre. Æ jiro tinare tuaare wahre paior sehe. Ahri yahparũre cuarta parte masare wajã dutihre. Cahma wajãa mehne, jũca baa mehne, dohatia mehne, wahiquina nũcũri macaina suaina mehne tũpeina masare ti wajãhtore cũhre tinare.

<sup>9</sup> Baharo pititiaro wihtã ñahaare pahrẽ tuhsũ Cordero paro ñahanore pahrẽhre tjoa. To ã pahrẽchũ altar docai Jesu yaina ti wajãrina ti catiri yajeripohnarine ñuhi. Cohamacũ yare ti yahuri buhiri, “Jesu yaina jija”, ti ni yahuri buhiri tinare wajãri jire. <sup>10</sup> Tina sañurucua õ sehe nihre Cohamacũre:

—Mũhũ sã puhtoro, ñaa marieriro, mahõono marieno, mũ niriro seheta yoariro jira mũhũ. ¿Ahri yahpa macainare, sãre wajãrinare dohse jichũ buhiri dahreihcari mũhũ? —ni sañurucuhre tina.

<sup>11</sup> Æ jiro tinare yehsea suhti yoaa suhtire wahre. Tinare Æ waro õ sehe nihre tinare:

—Sosiniga. Paina mũsa coyera Jesu yaina mũsa yoariro seheta mipũ cũhũre noaa buheare buhesinia nina. Mũsare ti wajãriro seheta tina cũhũre ti wajã pahõohto dũhsasinina. Æ jina tinare jipihtinare ti wajãhto pano mahanocã sosiniga mũsa —nihre tinare.

<sup>12</sup> Baharo cinco wihtã ñahaare pahrẽ tuhsũ Cordero paro wihtã ñahanore pahrẽhre tjoa. Tõre to ã pahrẽchũta tuaro yahpa ñuhmihre. To ñuhmini baharo sũ dacho macariro ñiriro choro wahahre. Ñiri suhtiro yoaro seheta ñiriro choro wahahre. Æ yoa sũ ñami macariro di yoaro sehe sohãriro wahahre. <sup>13</sup> Æ yoa ñahpichoha poca yahparũ boraa wahahre. Yucũcũ dicha yahsaare wihnono to wã bure bororo seheta ñahpichoha poca boraa wahahre. <sup>14</sup> Ti Æ wahari baharo mũano butia wahahre. Papera tiare mari turẽchũ to bajueraro seheta bajuerare mũano. Æ yoa jipihtia tũyucũ cũhũ nũcopo cũhũ pa sehẽpũ sũrũcãhre. <sup>15</sup> To Æ wahachũ ñũa, ahri yahpa macaina bui puhto coparipũ tũyucũ macaa tãa docapũ cũhũre duhtihre. Paina puhto, surara puhto, pache pũa, tuaina, jipihtina tinare dahra cohtaina, dahra cohtaina jieraina cũhũ tõihta duhtimahre. <sup>16</sup> Æ duhtia tũyucũre, tãa cũhũre õ sehe nihre:

—Sã bui bora pjaga. Sãre nũoga. Siro puhtoro to dujiro dujirirore cui yũhdũaja. Cordero suaro, sãre ñano buhiri dahrerohca. “Æ buhiri dahreri”, nina nũoga sãre. <sup>17</sup> Jipihtinare tuaro ti buhiri dahrehti dacho ji tuhsũra. Æ jia ti buhiri dahrehtore ne cũiro duhtiro bihoeraro, cũno pjasi —nihre tina jipihtina.

## 7

*Israe masa pjacurire* Cohamacu to wama ña õhtore yahuha João

<sup>1</sup> Baharo pititiaro anjoare ñuhi. Tina jipihtiropu wahahre. Cãiro nortepu waharo tópu tari wihnonore taerachu yoahre. Pairo surpu, pairo sũ mũa taropu, pairo sũ sãanopu wahahre. Nortepu wahariro yoaro seheta yoahre tina cũhu. ã jiro ahri yahrapu, pjiri mapu cũhure ne wihnono taerare. Ne cũdu yucũcure wihnono wã ñuhmichu yoerare.

<sup>2</sup> ã yoa pairo anjore ñuhi tjoa. Sũ mũa taropu taro nihre tiro. Cohamacu catiriro to wama ña õnore na taro nihre tiro. ã na taro paina pititiaro anjoare tiro sañurucuhre. Tina anjoa sehe ahri yahpare, pjiri ma cũhure Cohamacu to dojomehne dutiina jihre.

<sup>3</sup> Tinare sañurucuro õ sehe nihre anjo:

—Cohtasiniga. Cohamacure dahra cohtaina ti wũhdũa pocare to wamare õna tana nija. Sã ã õhto pano ahri yahpare, pjiri mare, yucũri cũhure dojomehnesiniena tjiga musa — nihre tiro paina pititiaro anjoare.

<sup>4</sup> ã jiro Cohamacu to wama mehne ti wũhdũa pocare ti õhtinare “Õpeina jira”, ni yahuhre yũhure cãiro. Israe masa doce curuari macaina ciento cuarenta y cuatro mil masa ti õhtina jiyuhti. <sup>5</sup> Ahrina jiyuhti ti õhtina: Doce mil masa Juda panamana ji turiaina ti õhtina jihre. Paina doce mil masa Rubẽ panamana ji turiaina ti õhtina jihre. Paina doce mil masa Gad panamana ji turiaina ti õhtina jihre. <sup>6</sup> Paina doce mil masa Aser panamana ji turiaina, paina doce mil masa Neftalí panamana ji turiaina, paina doce mil masa Manase panamana ji turiaina ti õhtina jihre. <sup>7</sup> Paina doce mil masa Simeo panamana ji turiaina, paina doce mil masa Leví panamana ji turiaina, paina doce mil masa Isacar panamana ji turiaina ti õhtina jihre. <sup>8</sup> Paina doce mil masa Zabulõ panamana ji turiaina, paina doce mil masa José panamana ji turiaina, paina doce mil masa Benjami panamana ji turiaina ti õhtina jihre. Tópeinata jipihtina masa ciento cuarenta y cuatro mil to wama mehne ti õhtina jihre.

*Payu* yehsea suhti tiinare yahuha João marine

<sup>9</sup> Baharo payu masare ñuhi. Jipihtia yahpari macainare, jipihtia curuari macainare, jipihtia dũseri durucuinare, jipihtia macari macainare cãinare Cristore cahmaina dihtare tói ducuinare ñuhi. Pũhtoro to dujiro panoi, Cordero panoi ducuhre tina masa. Payu masa jihre. ã jia quihõ bihoina jierare. Yehsea suhti tiina jihre tina. ã yoa pjaã põ pũrine cjũahre. <sup>10</sup> ã jia tina jipihtina õ sehe ni tuaro sañurucuhre:

“Cohamacu jira sãre yũhdũchu yoariro.

Tiro to dujiroi dujiriro jira.

Cordero cũhu sãre yũhdũchu yoariro jira”,

ni sañurucuhre tina. <sup>11</sup> ã jia jipihtina anjoa, Jesu yaina pũhtoa cũhu, soro bajuina mehne pũhtoro to dujiro cahai ducuhre. ã ducua to dujiro panoi doca caha sũ, Cohamacure wahche payohre. <sup>12</sup> Õ sehe ni wahche payohre tina:

“ã tjira.

Cohamacu sã pũhtoro mũhure noano durucuja.

Noa yũhdũariro, masi pahñoriro jira mũhu.

Mũhure ‘Noana’, nija.

Mũhure ño payoja.

Tua yũhdũariro jira mũhu.

Mũ tuaa mehne yoariro jira mũhu.

Tó seheta jirucuriro jira mũhu jipihtia dachoripe.

ã tjira”,

ni wahche payohre tina.

<sup>13</sup> Ti ã nichu tãhoro cãiro Jesu yaina pũhtoa mehne macariro yũhure õ sehe ni sinituhre:

—¿Ahrina yehsea suhti tiinare masijari mũhu? ¿Ti tarirore masijari mũhu? —ni sinitu ñuhre yũhure.

<sup>14</sup> To ã nichu tuhocu:

—Masieraja —ni yuhtihi.

—¿Noa jijari tina? —ni sinituhi tirore.

Yu ã nichu tuhoru õ sehe nihre yuhure:

—Ahrina ñabiaro yuhduri dacho jichu cãno pjaina jira. Ti suhti cosawerina ti jiro seheta Cordero to di cohãno mehne ti ñaa buhirire cosawerina jira. Ñ jia noano yehsea suhti tiina jira. <sup>15</sup> Ñ to cosawerina jia Cohamacu to dujiro panoi tirore ã ño payorucura. Dachoripe, ñaminipe tirore ã ño payorucura, sacerdotia Cohamacu wuhui ti yoariro seheta. Ñ jiro tina mehne ã jirucuro, tinare yoadohorohca Cohamacu “Soro wahari”, nino. <sup>16</sup> Ne pari turi juca baasi tina. Ñ jia ñahma yapiosi tina. Ne sũ dacho macariro siro tinare ne jũ pjasi. Tuaro sia tinare ñano yuhduchu yoasi. <sup>17</sup> Pũhtoro dujiro potoi ducuriro Cordero tinare ñu wihborohca. Ovejare ñu wihboriro yoaro sehe tinare ñu wihborohca. Ñ ñu wihboro mári pohtaripu catichu yoaa mári pohtaripu tinare mu tã wahcãnohca, ovejare ñu wihboriro to mu tãno seheta. Ñ yoaro ã wahcherucuchu yoarohca tinare. Ñ jia ne pari turi tiisi tina —ni yahuhre Jesu yaina pũhtoa mehne macariro yuhure.

## 8

*Seis papera ti wihtã ñahaare pahrẽ tuhsuro parore pahrẽha Cordero*

<sup>1</sup> Seis papera ti wihtã ñahaare pahrẽ tuhsuro parore pahrẽhre tjoa Cordero. To ã pahrẽ tuhsuchu cũ hora dacho macai tópu mũanopu noano dihta marieaa wahahre. <sup>2</sup> To ã wahari baharo siete anjoare Cohamacu panoi ducuinare ñuhi. Tinare siete cornetarire wahre paio. <sup>3</sup> Pairo anjo uru wahware inciensore posa tihti wahware cjuariro altar cahapu sũ, ducuhre. Tói to ducuchu payu inciensore tirore wahre, jipihina Cohamacu yaina tirore ti siniri mehne morehtire. Ñ jiro uru altarpu Cohamacu to dujiro panoi jiri altarpu tí inciensore jũ muohre Cohacure. <sup>4</sup> Ñ jia anjo to cjuari wahwa macaa inciensore altarpu to poho siteri baharo tí incienso macaa me Cohamacu yaina tirore ti siniri mehne mũjaa wahahre. <sup>5</sup> Ñ wahari baharo altar macaa niti mehne tí wahwa wahpa wahachu, yahpai poho cunocahre. To ã poho cunocachuta wupo pja, soro sehe jiro bisi mua, ooca site mua, yahpa ñuhmi muahre.

*Cornetarire yahuha João*

<sup>6</sup> Baharo siete anjoa cãina ti cornetarire putia taa nihre.

<sup>7</sup> Cũiro anjo to yariare puti muhtahre. To ã putichu co poca yusua poca pichaca mehne, di mehne morea poca yahpau bora sũ cahahre. Ti bora sũ cahachuta yahpa jũa wahahre. Õ puro jũhre: Ahri yahpa dacho maca sũro caharoi jũa wahahre. Ñ jiro tó puro posata yucuri cũhu jũa wahahre. Tó puro posata tja cũhu jũa wahahre.

<sup>8</sup> Anjo cũiro to ã puti muhtari baharo paio anjo to yaria cornetare putihre tjoa. To ã putichu pjidu tũcu yoaro sehe bajudu noano jũrucudu pjiri mapure waharoca ñojaa wahahre. Ñ jiro yahpa to jũriro puro tó purota pjiri ma di ma dojoa wahahre. <sup>9</sup> Ñ jia pjiri ma macaina wahi dacho maca mahano sũboro waroi yariaa wahahre. Tópe busota dohoa buso cũhu minia wahahre pjiri mapure.

<sup>10</sup> Pũaro anjoa ti putiri baharo paio anjo cũhu to yaria cornetare putihre tjoa. To ã putichu pjiria ñahpichohaca, sihãria yoaro sehe siria yahpau bora sũ cahaa wahahre. Ahri yahpa macaa mári dacho macabo cureroi tópe mári bui bora sũ cahaa wahahre ñahpichohaca. Tópe co wijaa copari bui cũhure bora sũ cahaa wahahre. <sup>11</sup> Tópe márita sũã mári wahahre. To ã wahachu payu masa tí mári macaa core, tí copari macaa co cũhure sihnimaa, yariaa wahahre. Tia ñahpichohaca “Sũenia”, wama tihre.

<sup>12</sup> Tiaro anjoa ti putiri baharo paio anjo cũhu to yaria cornetare putihre tjoa. To ã putichu sũ dacho macariro, ñami macariro cũhu dacho maca sũboro waroi dojoa wahahre. Ñahpichoha peri cũhu dacho maca sũboro waroi jia poca tópe pocata dojoa wahahre. Tópe poca mũano macaa poca noano buhrierare. Dachopu pititia horari

waro sũ dacho macariro ne buhrierare. Ñamine pititia horari waro sũ ñami macariro, ñahpichoha poca cũhũ ne buhrierare.

<sup>13</sup> Baharo ñuroca mũohi tjoa. Mũanopũ wũrirore cjare ñũhi. ã jicũ to sañurucuchũ tũhohi. Õ sehe nihre tiro:

—Ñabiara. Nabiara. Tiaro anjoa mipũ putierasiniina ti putiri baharo pinihtare ñabiaro waharohca. To ã wahachũ ahri yahpai jiina ñabiaro yũhdũahca —nihre tiro.

## 9

<sup>1</sup> Baharo pititiaro anjoa ti putiri baharo paio anjo to yaria cornetare putihre tjoa. To ã putichũ ñahpichohaca yoaro sehe jiro anjo mũanopũ bora tarirore ñũhi. Yũ ã ñũno watoi tirore cũãri copa macari sawire wahre. <sup>2</sup> ã jiro tiro tí copare to pjõochũ pichaca me wijaahre. Pjiri pichaca macaa me yoaro sehetã pjõro me wijaahre tí copare. ã wijaaro tí me dóihã sũ dacho macarirore, mũano cũhũre butia wahachũ yoahre. <sup>3</sup> ã yoa tí me puhichai jiina poreroa yahpapũ tahre. Pichõno soroa ti tuaro purĩno sehetã tina cũhũ tuaro purĩhre. <sup>4</sup> ã jiro tjare, yucũrire, paye toaare ñano yoa dutierare tinare. Masa dihtare ñano yoa dutihre tinare. Cohamacũ to wamare ti wũhdũa pocare õmahnoeraina dihtare ñano yoa dutihre tinare poreroare. <sup>5</sup> ã ñano yoa dutiparota tinare wajã dutierare. Tinare wajã dutieraparota cinco sũri waro tinare ñano purĩchũ yoa dutihre. Pichõno soroa tjoa ti purĩno sehetã purĩchũ yoaina jihre poreroa cũhũ. <sup>6</sup> Tinare ti ã purĩchũ yoachũ masa yariaa waha duaahca. Ti ã yaria duapachũta tinare yaria dutisi.

<sup>7</sup> Poreroa sehe cawaloa yoaro sehe bajuhre. Ti cahma wajãhto pano cawaloare ti suhti sãariro sehetã tó sehetã bajuina jihre tina poreroa cũhũ. Ti dapu pocai pũhtoa ti pisaa sorori uru sorori yoaro sehe bajuhre. Ti wũhdũa poca masa yoaro sehe bajuhre.

<sup>8</sup> Ti pjoari numia pjoari yoaro sehe jihre. ã yoa ti piri yaya piri yoaro sehe jihre. <sup>9</sup> Pẽ buhu dũcatari cahsaro comaa cahsaro yoaro sehe bajuhre ti cutiro. ã yoa tina ti wũchũ payũ cawaloa mũrocaina ti mũrocaro sehe ti wũa dũpũri bisihre. Cawaloa tunua bũsore wajaina ti cahma wajãnopũ waha, ti bisiro sehetã bisihre poreroa wũa dũpũri. <sup>10</sup> ã yoa pichõno soroa ti pichõno tiro sehetã, tjoariaca ti cjuaro sehetã jihre tina poreroa. Ti pichõri mehne tjoa, cinco sũri waro masare purĩchũ yoahre. <sup>11</sup> Tina pũhtoro cjuaina jihre. Cũãri copa pũro jihre ti pũhtoro. Tiro anjo jihre. Hebreo ya mehne Abadón wama tihre tiro. Griego ya mehne Apolión wama tihre. (Apolión “Pihtichũ yoariro”, nino nina.)

<sup>12</sup> Poreroa masare ñano ti purĩno yoari baharo ahri ti ñano yũhdũ mũhtariro cjiro pihtia wahahre. Tó baharo pũa taha pari turi ñano yũhdũsiniahca masa.

<sup>13</sup> Baharo cũ wamomaca pihtiina anjoa ti putiri baharo paio anjo to yaria cornetare putihre tjoa. To ã putichũ Cohamacũ panoi ducuri altarpũ uru altarpũ durucua bisi wijaro coa tahre. Tí altar macaa sahãri pititia saharipũ durucua bisi wijaro coa tahre.

<sup>14</sup> ã durucuro cornetare putiri anjore yahuhre:

—Eufrates wama tiri ma pjiri mapũ peresupũ jĩnare anjoare wioga. Tina pititiaro anjoa jira —nino coa tahre.

<sup>15</sup> ã nino coa tachũ tũhoro anjo sehe tinare pititiarore wiohre, payũ masare wajãhtinare. Ahri horare, ahri dachore, ahri sũre, ahri cũhmare quihõno cohtaa nihre tina pititiaro anjoa. Ti cohtariro mũ sũra. ã jia wajãa taa nina. Jipihtina dacho maca doca curero masare wajãahca. <sup>16</sup> ã yoa ti surarare “Õpeina jira”, ti nichũ tũhohi. Tina cawaloa bui pisaina jihre. Doscientos millones surara jihre.

<sup>17</sup> ã yoa cawaloare tina bui pisaina cũhũre ñũhi. Tina cawaloa bui pisaina ti pẽ buhure dũcataa suhti, comaa suhti, sohãa suhti, yahsaa suhti, ewũ sehe bajua suhti jihre. ã jia cawaloa ti dapu poca yaya sohãina yoaro sehe bajuhre. Ti dũseripũ pichaca, me, azufre wama tia me cũhũ wijaahre. <sup>18</sup> ã jia cawaloa dũseri wijaa masare wajãhre. Jipihtina dacho maca mahano sũboro waroi tópeina masare wajãhre. Pichaca mehne, me mehne, azufre mehne payũ masare wajãhre. <sup>19</sup> Tina cawaloa ti dũseri mehne wajãhre. ã yoa ti pichõri mehne wajãhre tjoa. Ti pichõri sohtoapũ agãa dapu poca yoaro sehe bajuhre. ã jia ti pichõri mehne ñano yoahre tina masare.



<sup>20</sup> Payu masa yariaeraina ti wajã duharina sehe ti ñaa yoarire ne duhuerare. Watĩare ño payo duhuerare. “Cohamacu jira”, ti nia masuri cũhũre ño payo duhuerare. Tí masuri uru mehne, plata mehne, bronce wama tiri comaa mehne, tãa mehne, yucuri mehne ti yoari masuri jihre. Tí masuri sehe ñuerare. Tũhoerare. Tinierare. <sup>21</sup> Paye ñaa cũhũre tina ne cahyaerare. Masare ti wajãrĩre, numia mehne ti ñano yoarire, ti yacari cũhũre ne cahyaerare tina. Æ jia yaya ti yoaro sehe yoaa, tí cũhũre ne cahyaerare tina.

## 10

### *Mahari tiacãre papera tiacãre na taha anjo*

<sup>1</sup> Baharo paio tuariro anjo mũanopũ to duji tachũ ñũhi. Me curua watoi tahre. Æ yoa buhini soro to dapu bui pisahre. To wũhdũa sũ dacho macariro yoaro sehe si sitehre. To ñũchũa pichaca yoaro sehe bajuhre. <sup>2</sup> Æ yoa mahari tiacã papera tiacãre to pjãri tiacãre cjuahre tiro. To dahporo potu bũhũsehe macari dahporo mehne pjiri mápũ tũ cũhũre. To dahporo cõ bũhũsehe macari dahporo sehe macarocai tũ cũhũre. <sup>3</sup> Æ ducuro yaya ti sañurucuro seheta tiro tuaro sañurucuhre. To Æ sañurucuri baharo siete wũpoa yahua coa tamahre. <sup>4</sup> Tí Æ yahuchũ tũhocũ joa dũcamahi. Yũ Æ joa dũcapachũta mũanopũ yũhũre õ sehe ni durucuro coa tahre:

—Siete wũpoa ti nirire painare yahui tjiga. Æ jicũ tíre joa nai tjiga —nino coa tahre yũhũre.

<sup>5</sup> To Æ niri baharo pjiri mapũ ducuriro, macarocai ducuriro anjo to wamomaca potu bũhũsehe siõroca mũohre mũanopũ. <sup>6</sup> Æ siõroca mũono Cohamacũ Æ catirucuriro wama mehne wama payohre. Tiro Cohamacũ sehe jipihtiare mũanore, mũano macaare, ahri yahpare, ahri yahpa macaare, pjiri mare, pjiri ma macaare yoariro jira. Æ wama payoro õ sehe nihre anjo:

—Cohamacũ mehne potocã nii nija. Tó purota cohtanahca. <sup>7</sup> Seis anjoa cornetarire ti putiri baharo paio anjo to putichũ Cohamacũ panopũ “Õ sehe yoaihtja”, to niriro seheta Æ yorohca. Panopũ masare tíre noano yahuera tiri jire. Baharo tirore dahra cohtanare, to yare yahu mũhtaina sehere noano yahu pahña tiri jire tiro. Tí to yahu cũrĩre mipũre yorohca tiro —nihre anjo.

<sup>8</sup> To Æ niri baharo mũanopũ yũhũre durucuro coa tariro pari turi durucuro coa tahre tjoa. Õ sehe nino coa tahre yũhũre:

—Pjiri mápũ ducuriro macarocai ducuriro siro anjo cahapũ wahaga. Æ wahacũ papera tiacãre to cjuari tiacãre naga —nino coa tahre yũhũre.

<sup>9</sup> To Æ nino coa tachũ tũhocũ anjo cahapũ wahahi. Tirore papera tiacãre yũ sinichũ tũhoro õ sehe ni yũhtihre yũhũre:

—Naga. Æ jicũ ahri tia papera tiacãre chũga. Mũ wahma chũchũ mi yoaro sehe noano bisirohca. Mũ pjaropũ mũ bũrori baharo sũẽa waharohca —nihre yũhũre.

<sup>10</sup> To Æ nichũ tũhocũ tí tiacãre anjore yũ nari baharo chũhi. Yũ wahma chũchũ mi yoaro sehe bisihre. Yũ chũ bũrori baharo yũ pjaropũ sũẽa wahahre. <sup>11</sup> Yũ Æ chũri baharo õ sehe nihre yũhũre:

—Pari turi macari macaina, yahpari macaina, payũ dũseri durucuina, tina bui pũhtoa cũhũ baharo ti dohse wahahtore, Cohamacũ tinare to dohse yoahito cũhũre yahuyuga mũhũ —nihre yũhũre.

## 11

### *Pũaro Cohamacũ yare yahuhtinare yahu joaha João marine*

<sup>1</sup> Baharo yũhũre quihõdũre wahre Cohamacũ. Tjuadũ puro yoadũ jihre tũ. Tũre waro õ sehe nihre yũhũre:

—Yũ ya wũhũre quihõi wahaga. Tí wũhũ macari altar cũhũre quihõga. Æ yoa tuhsũ, tí wũhũi yũhũre ño payoinare quihõga. <sup>2</sup> Sopaca wija sũrũcari wapare noari wapare quihõi tjiga. Tí wapa yũhũre cahmaerainare ti cũri wapa jira. Tina cuarenta y dos sãri waro

Cohamacu ya macare tí maca macaina cūhure ñano yoaahca. Ñ jicu quihōi tjiga ti ya wapare noari wapare. <sup>3</sup> Ñ jicu yu yare yahuinare p̄arore warocaihtja. Mil doscientos sesenta dachori waro yu yare yahuahca. Masa ti coyea ti yariari baharo ti sāa suhti barore sāaina jiahca tina yu yahu dutiina —ni yahuhre yūhure.

<sup>4</sup> Ahri yahpa macaina bui p̄htoro Cohamacu panoi p̄adu Olivo wama tia yucu ducura. P̄adu sihā payoa yucu cūhu tí yucu cahai ducura. Tí yucu mehne piti dahre to buhechu ahriina p̄aro to yare yahuina tí yucu yoaro sehe jira. <sup>5</sup> Ñ jia tinare ñu tuhtiina tinare ti ñano yoa duachu tina sehe ti d̄sero maca picha pohna mehne jū pahñoahca tinare ñu tuhtiinare. Ñ sehetā tinare ñano yoainare wajāahca tina p̄aro Cohamacu yare yahuina. <sup>6</sup> Ñ yoa tina p̄aro ti coro ta dutierachu coro tasi. Ñ jiro Cohamacu yare ti yahuro puro coro tasi. Ñ jia m̄arine di m̄ari wahachu yoaahca tina. Ñ jia ahri yahpare ñano wahachu yoaahca. Jipihtia dohse jiare, jipihtina dohse jiinare masare ñano wahachu yoaahca. Ti dohse yoa duaro puro ñ ñano wahachu yoaahca ahri yahpare. <sup>7</sup> Ti ñ yoa pahñoachu waro cūāri copap̄u jiriro ñariro n̄acu macariro wijaarohca. Ñ wijaaro Cohamacu yare yahuina mehne cahmachenhca. Ñ cahmacheno tua yūhdurucaro tinare wajānohca. <sup>8</sup> To ñ wajāri baharo ti p̄acuri cjiri p̄jiri maca macari mahap̄u coāahca. Yahuina p̄htorore ti cjā puha wajāri maca jira tí maca. Tí maca macaina ñaina jia Sodoma macaina, Egipto macaina yoaro sehetā jia, tí p̄jare Sodoma, Egipto cūhu wama tirohca tí maca mari piti dahre buhechu. <sup>9</sup> Ñ coāa tia n̄m̄u noano coāa, pa n̄m̄u dacho macai ti p̄acuri tí mahai coāahca. Ñ jia jipihtia yahpari macaina, jipihtia curuari macaina, jipihtia d̄seri durucuina tópe n̄m̄uri waro ti p̄acurire ñurucuahca. Ñ ñurucua tópe n̄m̄uri waro ti p̄acurire ya dutisi. <sup>10</sup> Ti ñ yariarina jichu ñua ahri yahpa macaina wahcheahca. Ñ wahchea bose n̄m̄ure yoa, ti basi paye barore ñ wanocaahca. Tina p̄aro Cohamacu yare yahuina masare ñano yūhduchū yoarina jiri jire. Ñ jia ti ñ yariachu ñua wahche yūhdūahca ahri yahpa macaina. <sup>11</sup> Ñ jiro tia n̄m̄u baharoi pa n̄m̄u dacho macai Cohamacu ti p̄acurire masonohca. To ñ masochu tina pari turi wahc̄arucu suahca. Ti ñ wahc̄arucu suchu ñua jipihtina cui yūhdūahca tinare. <sup>12</sup> Baharo tina p̄aro m̄anop̄u tuaro durucuro coa tachū tūhoahca. Ñ sehe ninohca tinare:

—Ōp̄u m̄ja taga m̄sa —nino coa tarohca.

To ñ nichū tūhoa me curua watoi m̄jaa wahaahca. Ti yabirina cjiri ti m̄jachū ñuahca. <sup>13</sup> Ti ñ m̄jachuta yahpa tuaro ñuhminohca. To ñ ñuhmichū tí maca macaa w̄huse décima parte bora wahaahca. Ñ jia yahpa ñuhmino mehne siete mil masa yariaa wahaahca. Paina d̄hsaina sehe cūaa waha, Cohamacure m̄ano macarimore “Tuariro jira”, ni ño payoahca tire.

<sup>14</sup> Ahri jipihtia ti ñ wahari baharo p̄a taha masa ñano yūhdū tuhsuina jiahca. Ti ñ yūhduri baharocāta pari turi dóihta masa ñano yūhdūahca tjoa.

*Seis cornetarire ti putiri baharo paio putiha*

<sup>15</sup> Baharo seis cornetarire ti putiri baharo paio anjo to yariare putihre. To ñ putichū m̄anop̄u tuaro durucua coa tahre. Ñ sehe nia coa tahre:

“Mip̄u Cohamacu Cristo mehne ahri yahpa macaina bui p̄htoa jiahca.

Ñ jia jipihtina bui p̄htoa ñ jirucuahca”,

nia coa tahre. <sup>16</sup> Ñ yoa Cohamacu panoi p̄htoa dujiap̄u dujiina veinticuatro Jesu yaina p̄htoa Cohamacu panoi caha sū, tire ño payohre. <sup>17</sup> Ñ ño payoa ño sehe nihre:

“Sā p̄htoro Cohamacu, tua yūhdūariro jira m̄hu.

M̄hu panop̄u ñ jirucua tiri jire.

Mip̄u cūhure ñ jirucura m̄hu.

M̄ tuaa mehne masa ti p̄htoro m̄ jirucachu ‘Noana’, nija m̄hure.

<sup>18</sup> Jipihtina ahri yahpa macaina m̄hure cahmaeraina m̄hu mehne suamare.

Mip̄ure tinare m̄ buhiri dahrehti p̄a jira.

Yariaina cūhure m̄ buhiri dahrehti p̄a jira.

Ñ jiro m̄ yaina sehere noaare ti yoari wapare m̄ wahti p̄a jira.

Cāina tina m̄h̄ure dahra cohtaina m̄ yare yahu m̄htaina jira.

Ã yoa tina, paina m̄ yaina mehne jipihtina m̄h̄ure ño payoina jira.

Ã jic̄u p̄h̄toare, wiho jiina c̄h̄ure m̄ yaina ti jiri wapa noano yoaihca m̄h̄u.

Ã jiro ahri yahpa macainare dojomehne cohtainare m̄ coh̄anti pja jira mip̄re”, ni ño payohre p̄h̄toa Cohamac̄u.

<sup>19</sup> Ti ã yoari baharo m̄ano macari w̄h̄u Cohamac̄u ya w̄h̄u to pj̄ori w̄h̄u jihre. Ã jina tí w̄h̄u jiri carore ñ̄hi s̄a. Tí caro puhichap̄u Cohamac̄u masare to dutiare joa òa pj̄ini t̄a pj̄ini s̄ahre. S̄a ã ñ̄ch̄uta orocasite m̄a, w̄po pja m̄a, soro jiro bisi m̄a, yahpa ñ̄h̄mi m̄a, co poca ȳs̄a poca m̄anop̄u paȳu bora tahre.

## 12

*Numinore pinono* c̄h̄ure yahuha João

<sup>1</sup> Baharo ahri yahpa to dohse wahahtore m̄anop̄u ñohre. To ã ñori wiho waro jierara. Ò sehe ñ̄ m̄htahi: M̄anop̄u numinore ñ̄hi. Ticoro to suhtiro s̄a dacho macariro yoaro sehe si sitehre. S̄a ñami macariro bui ducuhre. P̄h̄toro to pisari soro barore doce ñ̄hpichoha poca c̄j̄ari sorore pisaricoro ducuhre. <sup>2</sup> Ã ducuro mahanoc̄a d̄hsahre to pohna tihto. Ã jiro ticoro sañurucuhre. <sup>3</sup> Baharo pari turi ñ̄hi m̄anop̄u: Pjiriro pinonore soh̄aritore ñ̄hi. Siete dapu poca tiriro jihre. Jipihtia to dapu poca p̄h̄toa ti pisaa sorori barore pisaa dapupoca jihre. Ã jiro diez sahari tiriro jihre tiro. <sup>4</sup> To pichõno mehne ñ̄hpichoha pocare wahba siteroca borohre. Jipihtia ñ̄hpichohare dacho macabo cureroi wahba siteroca borohre. Ã jiro numino pohna tihticoro panoi ducuhre pinono. To mac̄noc̄a to bajuach̄u ch̄uro taro nimahre. <sup>5</sup> Baharoc̄a c̄j̄a tuhs̄ure wih̄ariroc̄are. Jipihtia yahpari macaina ti p̄h̄toro cjihto jihre tiroc̄a. To ã p̄h̄toro tuariro jich̄u, masa tirore ȳhd̄ur̄caa c̄no pjasi. To ã masa bajuach̄uta Cohamac̄u to dujiro cahap̄u tiroc̄are naa wahc̄a wahahre. <sup>6</sup> To ã yoach̄u numino sehe masa marienop̄u duhti wahc̄a wahahre. Cohamac̄u to cahnoyurip̄u duhti wahc̄ahre ticoro. Tóp̄re mil doscientos sesenta dachori waro Cohamac̄u ticorore ñ̄ wihborohca.

<sup>7</sup> Wahmanore m̄anop̄u cahma waj̄a d̄caa tiri jire. Miguel wama tiriro anjo to yaina anjoa c̄h̄u pinono mehne cahmachea tiri jire. Ti ã cahmachech̄u pinono to yaina anjoa mehne Miguere cahmachea tiri jire. <sup>8</sup> Ã yoa Miguel c̄h̄u pinonore ȳhd̄ur̄caa tiri jire. Ã jiro pinono yaina anjoa c̄h̄ure m̄anop̄u ji namo dutiera tiri jire. <sup>9</sup> Ã jiro pjiriro pinonore coh̄nocaa tiri jire Cohamac̄u. Tiro pinono wat̄nota jiro nina. Satana wama tiriro jira. Panop̄u tiro pinono pjac̄u tiriro jia tiri jire. Tiro jipihtiro yahpa macainare mah̄oriro jira. Tirore to yaina anjoa mehne m̄anop̄u jirirore yahpar̄u coh̄a boroa tiri jire.

<sup>10</sup> Baharo m̄anop̄u sañurucuro coa tach̄u t̄h̄ohi:

—Mip̄re Cohamac̄u masare ȳhd̄uch̄u yoahre j̄na. Mip̄u pinihtare Cohamac̄u mari p̄h̄toro jiro tahre to tuaare ñono taro. To warocariro Cristo c̄h̄u to p̄h̄toro jiare to tuaare ñohre jipihtinare. Wat̄nore m̄anop̄u jirirore yahpar̄u coh̄a borohre. Ã coh̄a bororo to tuaare ñohre Cohamac̄u. Tiro wat̄no sehe dachoripe, ñaminipe Jesu yainare “Ahrina ñaina jira”, ni yahus̄ano niri jire Cohamac̄u. Ã jiro mari coyeare Jesu yainare yahus̄ariro jiri jire. <sup>11</sup> Cristo Cordero wama tiriro to di coh̄ari mehne mari coyea Jesu yaina tirore wac̄u tuaina ti ñaa yoari buhirire coh̄are tiro. Ã wac̄u tuaina jia wat̄nore ȳhd̄ur̄care. Ã yoa Cohamac̄u yare yahua, wat̄nore ȳhd̄ur̄care. To yare ti yahuri buhiri paina tinare ti waj̄a duapach̄uta, tina cuieraa, Cristo yare duhuerare. <sup>12</sup> Ã jina m̄sa m̄ano macaina wahchega. Wat̄nore yahpar̄u to coh̄a boroch̄u ñ̄na wahchega. Wiho mejeta ahri yahpa macaina, pjiri ma macaina c̄h̄u pjac̄oina wahanahca m̄sa sehe. Ahri yahpar̄u tirore to coh̄a borori baharo m̄sa cahap̄u jira wat̄no. Tirore to buhiri dahrehto mahanoc̄a d̄hsara. Ã jiro sua ȳhd̄ur̄a tiro. M̄sa cahap̄u s̄ro, pjac̄oina m̄sare tjuach̄u yoarohca tiro —ni sañurucuro coa tach̄u t̄h̄ohi.

<sup>13</sup> Pinonore yahpar̄u to coh̄a boroch̄u ñ̄no, pinono sehe numinore, wih̄ariroc̄a pocorore ñ̄n̄u ti wahc̄ahre. <sup>14</sup> Ã jiro ticorore pjiriro cja to w̄a d̄p̄r̄ire wahre

Cohamacu, masa marienopu to wu duhti wahcãhto sehe. Tópu to suri baharo tia cuhma noano pa cuhma dacho maca waroi titorore ñu wihbohre Cohamacu. To ã ñu wihbochu pinono titorore ñano yoa masierare. <sup>15</sup> Tóti to jichu ñuno pinono pjíro core cho cohãhre titorore muroca burochu yoaro taro. <sup>16</sup> To ã yoachu yahpa sehe titorore yoadohohre. Pinono to duseroi wijaa core yahpa sehe wihmi na pahñonocahre. <sup>17</sup> To ã wahachu ñuno pinono sua yuhduahre. Æ suaro cãina ticoro panamana ji turiaina mehne cahmacheno wahahre pinono. Tina sehe Cohamacu dutiare yoaina jia, Jesu ya buheare noaa buheare ne duhueraina jihre. <sup>18</sup> Æ yoa pinono pjiri ma dũhtu cahai ducuhre.

## 13

**Puaro nucu macainare yahuha João**

<sup>1</sup> Æ yoa nucu macarimore tí mai jirimore to wahcã wihichu ñuhi. Tiro sehe siete dapu poca, diez sahari tiro jihre. To sahari puhto ti pisaa sorori barore pisahre. To dapu pocare to wamare joa õri dapu poca jihre. Tí wama to ñari wama jichu ñu yabira Cohamacu. <sup>2</sup> Tiro nucu macarimo yairo dohroriro yoaro sehe bajuhre. Æ jiro oso yoaro sehe dahpori tiro jihre. Yairo sohãriro pjiriro wuru yoaro sehe dusero tiro jihre. Æ yoa pinono sehe to tuaare wahre nucu macarimore. Æ waro tirore to puhtoro dujiro cino, tiro yoaro sehe payu masare dutichu yoahre pinono nucu macarimore. <sup>3</sup> Cũ dapu nucu macarimo dapu ti wajãmarimo dapu yoaro sehe bajuhre. To ã bajupachuta to camino sehe yatia wahahre. Tí dapu to catichu ñua, cãaa wahahre jipihtina ahri yahpa macaina. Æ cãaa, nucu macarimore ño payohre. Æ jia tiro mehne macaina wahahre masa. <sup>4</sup> Æ yoa nucu macarimore pinono to tuaare to wachu ñua masa sehe tirore pinonore na tuhcuca caha su, ño payohre. Æ jia nucu macarimo cãhure na tuhcuca caha su, tirore ño payohre. Æ ño payoa õ sehe nihre:

—Ne paio mu yoaro sehe tuarimo mariahna. Pairo mũhure ne yuhduruca masierara —ni ño payohre masa nucu macarimore.

<sup>5</sup> Æ yoa tiro nucu macarimo “Tua yuhdurucarimo jija”, to nipachuta Cohamacure to ñano durucupachuta ã tuhutunocasinihre Cohamacu sehe. Æ jiro cuarenta y dos suri waro tiro nucu macarimo masare dutisinimahre. Tó purota to puhtoro jihore cãre Cohamacu. <sup>6</sup> Æ jiro tiro Cohamacure ñano durucuhre. To wamare, to wũhure, mũanopu to jiro macaina cãhure ñano durucuhre nucu macarimo. <sup>7</sup> Æ yoaro Cohamacu yainare cahma wajãno tinare yuhdurucahre. To ã yoapachuta ã ñunocasinihre Cohamacu. Cohamacu to ã yoa dutierachu yoaerabo. Æ jiro jipihtina ahri yahpa macaina bui puhtoro sãasinimahre nucu macarimo. Jipihtina yahpari macaina bui, macari macaina bui, jipihtia duseri durucuina bui puhtoro sãasinimahre tiro. <sup>8</sup> Æ jia jipihtina ahri yahpa macaina tiro nucu macarimo panoi na tuhcuca caha su tirore ño payohre. Ahri yahpare Cohamacu to bajuamehnehto pano to yaina cãhure ã jirucuhinare ti wamare joa õ tuhsua tiri jire. Tí tju to ã joa õri tju Cordero ti wajãriro ya tju jira. Tí tju ti wamare joa õeraina dihta nucu macarimore ño payohre.

<sup>9</sup> Cahmori tiina jira musa. Æ jina tuhoga. <sup>10</sup> Jipihtina Cohamacu yaina peresu wahahtina, baharo peresu wahaahca. Jipihtina tina ñosari pjí mehne ti ñosa wajãhtina, baharo tí pjí mehne yariaahca. Tíre masina mari Cohamacu yaina ñano yuhdurupanahta tirore cohãena tjjihna. Æ yoa tirore wacũ tuarucujihna.

<sup>11</sup> Baharo paio nucu macarimore ñuhi tjoa. Yahpa puhichapu jirimo to wijaachu ñuhi. Pua sahoro oveja sahari yoaro sehe bajua sahari sahari tiro jihre. Æ yoa pinono yoaro sehe durucuhre. <sup>12</sup> Æ jiro nucu macarimo ji mũhtarimo sehe baharo jirimo sehere puhtoro sõhre. To ã puhtoro sõriro sehe jipihtia yahpari macainare ji mũhtarimore ño payochu yoahre. Ji mũhtarimo nucu macarimo ti wajãmarimo camino yatirimo jihre. <sup>13</sup> Æ yoa baharo jirimo nucu macarimo bajuamehneare yoahre masa ti ñu cãhto sehe. Æ yoaro masa ti ñurocaroi pichaca pjiri pichaca mũanopu bora tachu yoahre. <sup>14</sup> Æ yoa ji mũhtarimo to ñurocaroi paio nucu macarimo sehe bajuamehnea mehne masare mahñohre “Ahriro

musa ño payohtiro jira”, nino. Tiro masare mahñono, ji mұhtariro masure masare yoa dutihre tirore ti ño payohto sehe. Tiro ji mұhtariro ñosari pjī mehne ti ñosariro jiparota catiroro jihre. Tiro yoaro sehe bajuri masureta yoa dutihre paio nұcұ macariro masare. <sup>15</sup> Ā yoa baharo jiroro nұcұ macariro sehe ji mұhtariro masure catichұ yoahre masare to dutihtō sehe. Ā jiro tí masure ño payoerainare wajā dutihre masare masu sehe. <sup>16</sup> Ā yoaro jipihtinare ti wamomacari poto buhusehei ti wұhdұa poca cūhure joa ō dutihre nұcұ macariro baharo jiroro. Wiho jīinare, pұhtoare, pache pұare, pјacұoinare, dahra cohtainare, dahra cohtaina jierainare, jipihtinare ti wamomacarine ti wұhdұa poca cūhure joa ō dutihre. <sup>17</sup> Tiro ji mұhtariro nұcұ macariro to wamare, to númerore joa ōerainare ne nuchұ dutierare. Tuhsұ, tinare dua dutierare. <sup>18</sup> Tíre noano wacū masiga musa. Tūho masiina jina nұcұ macariro to númerore noano ñū masiga. Tí número mұno wama yoaro sehe jira. Tí número seis cientos sesenta y seis jira.

## 14

*Cohamacұ to yұhdұchұ yoaina cūnota wahma basaare basaha*

<sup>1</sup> Baharo Siō wama tidұ tūcұ bui ducurire Corderore ñūhi. Tiro mehne ciento cuarenta y cuatro mil masa jihre. Tina to ya wamare to Pұcұro ya wama cūhure ti wұhdұa pocare ti joa ōrina jihre. <sup>2</sup> Tinare yū ñūchұta mұanopұ durucuro coa tahre. Pјiri poaye to bisiro seheta wұpo pјiro to bisiro seheta bisiro coa tahre to durucua. Ā yoa arpa wama tiare ti buapұtēno seheta bisiro coa tahre to durucua. <sup>3</sup> Tóí pұhtoro to dujiro cahai pititiaro soro bajuina, Jesu yaina pұhtoa cūhұ paina jihre. Ā jia tina panoi ciento cuarenta y cuatro mil masa ducuhre. Tóí ducua cūnota wahma basaare basaa nihre. Tí basaare tina dihta masihre. Ahri yahpai jīina ciento cuarenta y cuatro mil Cristo to yұhdұchұ yoaina dihta tí basaare masihre. <sup>4</sup> Ne tina cū tahacā numino mehne ñano yoerare. Ā yoa Corderore ñū cūina jia, to yare ā yoarucuina jihre. Ā jiro tinare ñaina mehne jīinare to yұhdұchұ yoahinare naahre Cohamacұ sehe. Ā to yұhdұchұ yoarina jia, Cohamacұ yaina cјihti, Cordero yaina cјihti cūhұ ji mұhtaina jihre. <sup>5</sup> Tina mehne macaina ne cūiro mahñoriro mariahna. Ā jia Cohamacұ to tūhotuchұ ñaa buhiri marieina jihre tina.

*Tiaro anjoa yahuroca boroha*

<sup>6</sup> Baharo mұanopұ wұrirore anjore ñūhi. Tiro ahri yahpa macainare jipihtia curu-ari macainare, jipihtia dұseri durucuinare, jipihtia yahpari macainare noaa buheare yahuhtiro jihre. Tí buhea ne cohtotaeraa, ā jirucura. <sup>7</sup> Ā jiro anjo sañurucuro ō sehe niroca borohre:

—Cohamacure cui, ño payoga. “Tua yұhdұariro, noa yұhdұariro jira”, niga tirore. Mipұre tiro masare to buhiri dahrehti pja jiro nina. Tiro mұanore, yahpare, pјiri mare, mári pohtari cūhure yoariro jira. Ā jina tirore na tuhcuca caha sұ, wahche payoga —ni sañurucuhre anjo.

<sup>8</sup> To ā niri baharo paio anjo mұanopұ wұriro ō sehe niroca borohre:

—Tinare cohānocahre. Pјiri maca Babilonia wama tiri maca macainare cohānocahre Cohamacұ. Tina to cohārina sehe jipihtina painare ñano yoachұ yoare. Masa tinare ñū cūa ñaare goa pјaa, tíre yoare. Cahaina vinore ti tuaro goa pјaro seheta tina ñaare tuaro goa pјare Babilonia macainare ñū cūa —ni yahuroca borohre paio anjo.

<sup>9-10</sup> Tina pұaro anjoa ti ā niri baharo paio anjo ti baharo wұriro ō sehe tuaro niroca borohre:

—Jipihtina nұcұ macarirore ño payoinare, to masure ño payoinare, ti wұhdұa pocare, ti wamomacarine to wamare joa ōrina cūhure buhiri dahrerohca Cohamacұ. Tina mehne suaro, tina pinine tuaro waro buhiri dahrerucurohca Cohamacұ. Nұcұ macarirore ño payoina jipihtina pichacapұ wahaahca. Tópұ tuaro purīnohca tinare pichaca mehne, azufre wama tia mehne ti wijāri pichaca mehne. Noaina anjoa, Cordero cūhұ ti ñūrocaroi ñano yұhdұahca tina. <sup>11</sup> Tí pichaca ā me tirucurohca. Ne yatisi. Tinare ā purīrucuchұ

yoara. Jipihtina n̄c̄u macarirore na tuhcuca caha s̄u ño payoinare ã purĩrucurohca. Dachoripe, ñaminipe ã purĩrucunocanohca. To mas̄ure ño payoina, to wamare ti joarina c̄ũh̄u tó seheta ñano ȳh̄d̄uach̄a —niroca borohre anjo.

<sup>12</sup> Ti ã ñano ȳh̄d̄uch̄u ñ̄na Cohamac̄u yaina to dutiare yoaina, Jesure cohãeraina jina, to yare duhuena tjiga. Ñano ȳh̄d̄upanahta Cohamac̄u yare cohãena tjiga.

<sup>13</sup> Baharo m̄uanop̄u ȳh̄ure durucuro coa tach̄u t̄uhohi. Õ sehe nihre ȳh̄ure:  
—Ahr̄ire joaga m̄uh̄u. Cohamac̄u yaina tirore cohãeraina jina mip̄ure m̄usa yariari baharop̄u c̄ũh̄ure wahcheina jira m̄usa —niroca borohre ȳh̄ure.

To ã niri baharo Esp̄iritu Santo sehe ò sehe ni namohre tjoa:

—Ã tjira. Potocã tjira. Tina tuaro ti dahraare duhu, soahca. M̄uanop̄u ti wahach̄u noano ti yoarire wac̄unohca Cohamac̄u. ã yoa ti ã yoari wapa tinare noano yoarohca. ã jia tina wahcheina jira —ni namohre Esp̄iritu Santo.

*Wese macaa toa dichare mari bese nano seheta Cohamac̄u to yainare bese nanohca. Ñaina sehere soro bese daporohca*

<sup>14</sup> Baharo me curua yehseri curuare ñ̄hi. Tí curua bui mas̄uno yoaro sehe bajuriro dujihre. Tiro uru soro p̄h̄toro to pisari soro barore pisahre. ã yoa yoari p̄j̄i siori p̄j̄ine c̄j̄uahre tiro. <sup>15</sup> Baharo paio anjo Cohamac̄u w̄h̄u jiriro wijaa tahre. ã wijaa taro tuaro sañurucuhre me curua bui dujirirore:

—M̄u yoari p̄j̄i mehne wese macaa dichare ahri yahpa macaa dichare d̄ute naa pah̄noga. Mip̄ure to quih̄ori p̄ja s̄ura. Mip̄u dica sehe sohã tuhs̄ure —nihre anjo.

<sup>16</sup> To ã nich̄u t̄uhoro to yoari p̄j̄i mehne ahri yahpa macaa dichare naa d̄ucah̄re me curua bui dujiriro.

<sup>17</sup> Baharo paio anjo c̄ũh̄u m̄uano macari w̄h̄u Cohamac̄u w̄h̄u jiriro wijaa tahre. Tiro c̄ũh̄u yoari p̄j̄i siori p̄j̄ine c̄j̄uahre. <sup>18</sup> ã yoa paio anjo altar cahap̄u jiriro wijaa tahre. Tiro sehe altar macari pichacare ñ̄u wihboriro jihre. ã wijaa taro yoari p̄j̄i siori p̄j̄ine c̄j̄uarirore ò sehe ni sañurucuhre:

—M̄u yoari p̄j̄i mehne ahri yahpai jiri wese, se wese macaa dichare naaga. Se sehe ñi tuhs̄ure —ni sañurucuhre.

<sup>19</sup> To ã nich̄u t̄uhoro anjo to yoari p̄j̄i mehne ahri yahpa macaa se t̄ohorine yihso nahre. To ã yoari baharo tí t̄ohorine se t̄ohorine to t̄u tihãhtoí cohãh̄re. To ã cohãriro seheta Cohamac̄u tirore cahmaerainare tuaro suaro, cohãnohca. <sup>20</sup> Tí maca d̄uht̄u cahai ti t̄u tihãhtoí tí se t̄ohorine t̄u tihãh̄re. Tóí ti t̄u tihãch̄u di wijaaahre. Di ma yoaro sehe jihre tí di. Tres cientos kilómetros yoari ma, c̄ũ metro noano pa metro dacho macai c̄uãri ma jihre.

## 15

*Masa ti ñano ȳh̄d̄uhtore anjoa c̄ũ batoaha masare*

<sup>1</sup> Baharo m̄uanop̄u soro jirore ñ̄hi. Tíre ñ̄na masa c̄uaa wahaca. Ahri yahpap̄ure to dohse wahahtore marine ñohre. ã jiro tí wiho waro jia nierara. Õ sehe ñ̄hi: Siete anjoa jihre. Cohamac̄u suaro, siete tahari masare buhiri dahre batoaro taro nihre. ã jia tina siete anjoa sehe buhiri dahre dutiro to c̄ũhtina jihre.

<sup>2</sup> Anjoare ȳu ñ̄ri baharo pjiri mare noano co sitiri ma yoaro sehe jiri mare ñ̄hi. Tí ma pichaca mehne jiri ma jihre. ã yoa n̄c̄u macarirore to mas̄u c̄ũh̄ure ȳh̄d̄urucainare ñ̄hi. Tina to wamare to n̄umerore c̄j̄uaraina jihre. Tina ȳu ñ̄uch̄u pjiri ma co sitiri ma d̄uht̄u cahai ducuhre. Tóí ducuína arpa wama tiare buap̄ut̄eare c̄j̄uahre. Tí buap̄ut̄eã Cohamac̄u to wari jihre. <sup>3</sup> ã jia Cohamac̄ure dahra cohtariro Moise cjiro ya basaare c̄ũnota basaa nihre tina. Cordero ya basaa c̄ũh̄ure basaa nihre. Õ sehe ni basahre:

“Sã p̄h̄toro m̄uh̄u Cohamac̄u tua ȳh̄d̄uariro jira.

M̄u yoarire ñ̄na ñ̄u c̄uaa wahaja sã.

M̄u yoari noa ȳh̄d̄uara.

M̄uh̄u jipihtia yahpari macaina bui p̄h̄toro jira.

Noano mahñono marieno, quihõno yoarucura mũhũ.

<sup>4</sup> Jipihtina mũhũre wahche payoahca.

Jipihtina mũhũre ‘Tuariro jira’, niahca.

Mũhũ dihta ñaa marieriro jira.

Jipihtia yahpari macaina mũ cahapũ sua, na tuhcuca caha sũ, mũhũre wahche payoahca.

Áta yoahca tina jipihtina noano mũ yoarire ñaa”,

ni basaa nihre tina.

<sup>5</sup> Baharo mũanopũ ñũroca mũocũ, Cohamacũ wũhũre pjõori wũhũre ñũhi. Tóí Cohamacũ to ya tahtia waroi to dutia to joaa pjĩni tãa pjĩni ti wihbori pjĩni jihre. <sup>6</sup> Tí wũhũre yũ ñũchũta siete anjoa tí wũhũ puhichapũ jirina wijaa tahre. Tina Cohamacũ to buhiri dahre dutiro to cũhtina jihre. Tinape ti buhiri dahrehtire cjũahre tina siete anjoa. Noaa suhti, wete maria suhti, si sitea suhti tiina jihre. Á jia ti cutiro bui uru cahsaro mehne tuã dihorina jihre. <sup>7</sup> Tí wũhũpũ jirina ti wijaa tachũ pititiaro soro bajuina mehne macariro tinare siete anjoare siete uru wahwarire wahre. Tí wahwari Cohamacũ suaa to buhiri dahrehti mehne noano wahpaa wahwari jihre tí wahwari. Tiro Cohamacũ á jirucuriro jira. <sup>8</sup> To á wachũ Cohamacũ wũhũ puhichapũ to si sitea mehne to tuua mehne me ti sahsea wahahre. To á me wũhũ wahachũ ne masa tí wũhũre sãa masierare. Siete anjoare Cohamacũ buhiri dahre dutiro to cũriro seheta masare ti buhiri dahre batoari baharo pari turi tí wũhũpũ sãa masina tjoa. To buhiri dahrehto pano sãa masierare.

## 16

*Cohamacũ* masare to buhiri dahrehtore yahuha

<sup>1</sup> Baharo Cohamacũ wũhũi tuaro durucuro coa tahre. Siete anjoare yahuro nihre:

—Siete wahwarihi posa tiare yahpapũ pio siteroca borona wahaga. Yahpa macainare Cohamacũ to niriro seheta buhiri dahresiniga mipũre —ni durucuro coa tahre.

<sup>2</sup> To á nino coa tachũ tuhoro ji mũhtariro anjo to cjũari wahwai posa tiare yahpapũ pio siteroca borohre. To á pio sitechũ nũcũ macariro wamare joa õrina, to masũre ño payoia ñano cami tihre. Tí cami tuaro purĩhre tinare.

<sup>3</sup> To á pio siteri baharo paio anjo tjoa to cjũari wahwai posa tiare pio siteroca borohre tjoa pjiri mapũ. To á pio sitechũta tí ma di ma wahahre. Yariariro di yoaro sehe jihre tí di. Á wahachũ tí ma puhichapũ jiina yaria pihtia wahahre.

<sup>4</sup> Pũaro ti á pio siteri baharo paio anjo tjoa to cjũari wahwai posa tiare pio siteroca borohre tjoa máripũ, tí mári pohtaripũ cũhũre. To á pio sitechũ mári di mári dihta wahahre. <sup>5</sup> To á wahachũ ñũno paio anjo márire cohtariro õ sehe nihre:

—Cohamacũ mũhũ ñaa marieriro jira. Mipũ cũhũre á jirucuriro jira mũhũ. Panopũ cũhũre á jirucua tíre mũhũ. Á jicũ masa ti ñano yoachũ ñũcũ quihõno tinare buhiri dahrehre mũhũ. Di márine yoacũ noano yoahre mũhũ. <sup>6</sup> Nũcũ macariro yaina sehe mũ yainare wajãa, di cohãchũ yoahre. Mũ yare yahuina cũhũre wajãa, di cohãchũ yoahre. Tí á wajãri buhiri mári di mári wahahre. Á yoa tinare dire mũ á sihnichũ yoachũ noa nina. Õ seheta mũ yoachũ cahmahre tina —nihre márine cohtariro anjo.

<sup>7</sup> To á niri baharo altarpũ durucuro coa tahre:

—Á tjira. Cohamacũ sã pũhtoro tua yũhdũariro jira mũhũ. Mahñono marieno, quihõno masare bese, buhiri dahrera mũhũ —ni durucuro coa tahre.

<sup>8</sup> Tiaro anjoa ti pio siteri baharo paio anjo to cjũari wahwai posa tiare pio siteroca borohre tjoa sũ dacho macariro bui. To á pio sitechũta sũre masare tuaro sichũ yoahre Cohamacũ. <sup>9</sup> Á jiro sũ dacho macariro masare tuaro sihre. Á jia Cohamacũ tinare to buhiri dahre dutichũ masia, tirore ñano durucuhre masa. Á ñano yũhdũpahta Cohamacũre maca duaerare. Cohamacũre “Tuariro jira”, ni wahche payo duaerare.

<sup>10</sup> Pititiaro anjoa ti pio siteri baharo paio anjo tjoa to cjũari wahwai posa tiare pio siteroca borohre tjoa nũcũ macariro to dujiro bui. Pũhtoro dujiro jihre to dujiro. To á pio siteri baharo nũcũ macariro to yaina ti jiri yahpapũ nahitiano wahahre. Á jia to yaina masa ñano purĩchũ bahca dihohe. <sup>11</sup> Tinare ñano purĩpachũta, ñano cami tipahta, ne ti

ñaa yoarire cahyaerare. Æ yoa tíre duhuerare. Æ jia Cohamacu tinare to cami dahrechü masia tirore müano macarimore ñano durucuhre.

<sup>12</sup> Cü wamomaca pihtiina anjoa ti pio siteri baharo paio anjo tjoa to cjuari wahwai posa tiare pio siteroca borohre tjoa Eufrates wama tiri ma pjiri mapu. To Æ pio sitechüta tí ma sihbi cahaa wahahre. Sü müja taro macaina puhto ti yaina masa mehne tí máre ti pahä tahto sehe Æ yoahre.

<sup>13</sup> Baharo tiaro watiare taharo bucuna yoaro sehe bajuinare ñahi. Cüiro pinono puhichapu jiro to duseropu wijaa tahre. Pairo watino nucü macariro duseropu wijaa tahre. Pairo watino “Cohamacu yare yahuriro jija”, ni mahñoriro duseropu wijaa tahre. <sup>14</sup> Tina tiaro watia bajuamehneare yoaina jihre. Jipihtiro macaina puhtoare cahmachuchü yoahre tina cahma wajä dutia taa. Ti Æ cahma wajähti dacho Cohamacu tua yuhduariro jipihtinare to dutihti dacho, pihtihti dacho jira. <sup>15</sup> Õ sehe nihre Jesu: “Ñuga müsa. Yacariro wacüenoca to yacaro taro seheta yuhü cühu wacüenoca taihtja. Yü tahtore noano cohtariro wahcheriro jirohca. To yare noano cahnoriro, to suhti säariro jira wahcheriro. Æ yoariro jiro yu tachü büo tisi tiro suhti marieriro yoaro sehe jieraro”, nihre Jesu. <sup>16</sup> Baharo tiaro watia yahpari macaina bui puhtoare cahmachuchü yoahre tinare. Ti cahmachuno Hebreo ya dusero mehne “Armagedon” wama tihre.

<sup>17</sup> Seis anjoa ti pio siteri baharo paio anjo tjoa to cjuari wahwai posa tiare me curuari cahapu pio siteroca borohre tjoa. To Æ pio siteri baharo puhtoro dujiropu Cohamacu wuhü jiri dujiropu tuaro durucuro coa tahre:

—Tó puro tjica —nino coa tahre.

<sup>18</sup> To Æ nichüta orocasite müa, wüpo pja müa, soro jiro bisi müa, cuaro yahpa ñuhmihre. Ahri yahpai masa ti ji ducari baharo ne tó sehe ñaca yahpa ñuhmiera tihre. Paye ñuhmia yuhdoro cuaro yahpa ñuhmihre. <sup>19</sup> Æ to ñuhmichü pjiri macare tia maha yihti müaa wahahre. Æ jia büjua macari ahri yahpai jia macari bora wahahre. Æ jiro Babilonia wama tiri maca pjiri maca macainare wacühre Cohamacu tinare buhiri dahrero taro. Ti ñaare yoari buhiri tina mehne tuaro suahre. Æ suaro tinare tuaro buhiri dahrehre. <sup>20</sup> To Æ yoachü jipihtia nucopo, täyucü cühu cohö pihtia wahahre. Æ jia ne mariahare. <sup>21</sup> Æ yoa büjua poca co poca yüsua poca yahrapu masa bui bora tahre. Jipihtia poca co poca cuarenta kilos nucua poca jihre. Tina bui ti Æ bora tachü Cohamacu masare to tuaro buhiri dahrechü masia ñano durucuhre masa Cohamacure.

## 17

Müa mehne ñano yoarucuricorore ñabiaro yoaricorore buhiri dahre dutirohca

<sup>1</sup> Baharo siete wahwarire cjuaina anjoa mehne macariro yu cahapu wihiro õ sehe nihre yuhüre:

—Ñüi taga. Payü mári bui dujiricorore müa mehne ñano yoarucuricorore ñabiaro yoaricorore Cohamacu to buhiri dahrehore ñühca mühu. <sup>2</sup> Ahri yahpa macaina puhto ticoro mehne ti ñano yoaboro seheta ticoro yoaro seheta yoare tina. Cohamacu ya sehere cahmaerare. Ahri yahpa macainare to cahachü yoaboro seheta tina mehne to ñano yoaboro seheta ticoro masare ñaare goa pjachü yoare. Æ yoaro ñaare yoachü yoare masare —ni yahuhre anjo yuhüre.

<sup>3</sup> To Æ niri baharo Espiritu Santo sehe to bajuamehneare yuhüre ñohre. Anjo sehe masa marienopu naahre yuhüre. Tóí numinore ñahi. Ticoro nucü macariro sohãriro bui pisaricoro jihre. Nucü macariro sehe to pjacüi payü wama ti joa õriro jihre. Tí wama ñaa wama Cohamacu to ñu yabia wama jihre. Æ yoa siete dapu poca tiro, diez sahari tiro jihre nucü macariro. <sup>4</sup> Tuhsü, numino sehe noano yahsaa suhti puhto ti säa suhti sehe jiare säaricoro jihre. Sohãa suhti cühüre säaricoro jihre. Payü urure, wapa tia täare, perla yapari cühüre õa suhtire säaricoro jihre ticoro. Uru wahware cjuhre ticoro. Tí wahwai posa tia ñaa to yoari jihre. Müa mehne ñano yoaro pjíro ñano yoahre ticoro. Tí ñaare ñu yabira Cohamacu. <sup>5</sup> To wuhduai to wama ti joa õricoro jihre. Tí wamare noano masieraja mari. Tí wama piti dahre buheri wama jira. Ahri jira tí wama: “Pjiri maca Babilonia wama



tiri maca jira. Jipihtia ñaa yoare goa pjaare yoa ducaricoro, Cohamacure cahmaerachũ yoaricoro jira” ni, to wãhdũai ti joa õricoro jihre. <sup>6</sup> ã jicũ ticoro payũ Cohamacũ yainare wajãricoro to jichũ masihi. Cahaare to wahchero seheta tinare wajãno ti di cohãchũ wahchehre ticoro. Jesu yare ti yahuri buhiri ticoro wajãhre tinare. Ticorore ñũcũ, ñũ cũaa wahahi.

<sup>7</sup> —¿Dohseacũ mũhũ ñũ cũaa waharide? —nihre anjo yũhũre—. Mũ masierarire mũhũre yahuihtja. Numinore mũhũre yahuihtja. To pisariro cũhũre yahuihtja. Tiro nũcũ macariro, siete dapu poca tiri, diez sahari tiri jihre. <sup>8</sup> Tiro panopũ jiro jire. Mipũre mariahna tiro. Baharo tiro cũãri copapũ jiro wijaa tarohca. To ã wijaa tari baharo pichacapũ waharohca. Ahri yahpa macaina tirore ñũ cũa, ño payore tirore. Ahri yahpa to jipto pano Cohamacũ to yaina cjihtire ã jirucuhinare ti wamare joa õa tiri jire. To joa õeraina jire nũcũ macarirore ño payoina. Tiro sehe panopũ jia tiri jire. Mipũ sehere mariahna. Baharo pari turi bajuarohca tjoa. ã jia to bajuachũ ñũa masa tirore ñũ cũaa wahaahca.

<sup>9</sup> Mipũre yũ yahuitire masi duana, noano tũhonahca mũsa. ã yoana noano masiina jiga. Nũcũ macariro dapu poca siete dapu poca siete tũyucũ jira, mari piti dahre buhechũ. Tí tũyucũ bui pisara ticoro mũa mehne ñano yoarucuricoro. Tí dapu poca siete pũhtoa yoaro sehe jira, mari piti dahre buhechũ. Payũ masa bui pũhtoa jira. <sup>10</sup> Cinco pũhtoare cohã tuhsũre. Pairo tina baharo jiro pũhtoro jira mipũre. Pairo sehe baharo pũhtoro sãanohca. ã sãano mahanocã pũhtoro jirohca tiro. <sup>11</sup> ã jiro nũcũ macariro panopũ ji mũhtariro, mipũ marieriro tina siete pũhtoa baharo pũhtoro jirohca. Siete pũhtoa mehne macariro jira. Baharo pichacapũ waharohca.

<sup>12</sup> Nũcũ macariro sahari diez sahari diez pũhtoa yoaro sehe jira mari piti dahre buhechũ. Payũ masa bui pũhtoa jira. Tina pũhtoa sãaerasinihre. Baharopũ pũhtoa sãa mahanocã pũhtoa jahca. Yoari pja ji dutisi tinare. ã pũhtoa jia nũcũ macariro mehne pũhtoa jahca. <sup>13</sup> Tina diez pũhtoa cũno potori tũhotuina jira. Tina nũcũ macarirore ti ya yahpari macaina bui pũhtoro sõahca. <sup>14</sup> ã jia Cordero mehne cahma wajãahca. Ti ã cahma wajãpachũta Cordero to beseina mehne tirore ne cohãeraina mehne tinare yũhdũrũcaahca. Tiro jipihtina paina pũhtoa bui pũhtoro jira. ã jiro tinare yũhdũrũcarohca —ni yahuhre yũhũre anjo.

<sup>15</sup> Ahrire yũhũre yahu namohre anjo:

—Mũa mehne ñano yoarucuricoro mári bui dujire. Tí mári ahri yoaro sehe jira mari piti dahre buhechũ: Yahpari macaina, payũ curuari macaina, payũ dũserire durucuina yoaro sehe jira tí mári. <sup>16</sup> Nũcũ macariro, diez pũhtoa mehne mũa mehne ñano yoarucuricorore ñũ yabiahca. Tina diez pũhtoa nũcũ macariro mehne ticoro yare ma pahũ, suhti marienicoro cohãahca ticorore. ã yoaa to pjacũre chũahca. Ti ã yoari baharo ticorore jũ pahũoahca. <sup>17</sup> Tina diez pũhtoa cũno potori tũhotua nũcũ macarirore ti ya yahpari macaina bui pũhtoro sõahca. Tinare ã yoachũ yoare Cohamacũ, to cahmano seheta yoaro taro. ã jiro nũcũ macariro sehe pũhtoro jirohca. Jipihtia Cohamacũ panopũ to yahuriro seheta to yoari baharo nũcũ macarirore cohãnohca. <sup>18</sup> Ticoro mũ ñũricoro mehne õ sehe ni piti dahre buhera: Ticoro pjiri maca Babilonia wama tiri maca yoaro sehe jira. Jipihtina paina pũhtoa bui jira tí maca macaina —nihre anjo yũhũre.

## 18

### *Babilonia wama tiri maca to cohãri maca jira*

<sup>1</sup> Baharo paio anjo mũanopũ dujiarirore ñũhi. Tiro pũhtoro waro jihre. To si sitea jipihtiropũ noano buhria sahsea wahahre. <sup>2</sup> To ã dujiari baharo õ sehe ni tuaro saũurucu yahuhre:

—Cohãri jihre. Babilonia wama tiri maca pjiri maca macainare cohãri jihre. Mipũre watĩa, payũ ñaina pjacũ bajueraina cũhũ tí macai jia nina. Ñaina baro wahiquina wũina peri cũhũ masa ti ñũ yabiina tí macai jia nina. <sup>3</sup> Jipihtia yahpari macaina tí maca macainare ñainare ñũ cũa, tina cũhũ ñano yoare. ã yoa yahpari macaina bui pũhtoa

tí maca macaina numia mehne ñano yoare. Ticoro ã m̃ua mehne ñano yoarucuricoro jiro wapa tiare nuchua tire. Pjıro to ã nuchuchı ahri yahpa macaina pache duaina pjıro wapatare —ni yahuhre anjo.

<sup>4</sup> Baharo pari turi m̃uanopı durucuro coa tahre. Ő sehe nihre:

—Yı yaina ahricoro m̃ua mehne ñano yoarucuricoro mehne jiena tjiga m̃usa. Ticoro mehne m̃usa jichı m̃usa c̃ıhıre buhiri dahrehohca. ã jina to ñano yoare ñı c̃ıena tjiga. <sup>5</sup> To ñano yoari payı jinocahna. To ñano yoarire pari tju mari duhu payo m̃ıochı tí tju sehe m̃uanopı wahã s̃ınocabo. ã jia to ñano yoari payı jinocahna. ã jiro to ñano yoarire wac̃ına Cohamacı. ã wac̃ıno ticorore buhiri dahre dutirohca. <sup>6</sup> Ticoro tuaro to buhiri dahrehticoro jijaro. Masare to ñano yoachı yoariro seheta ticoro c̃ıhıre ñano ỹhdıchı yoajaro. Masare ã ñano to yoariro seheta tí ỹhđoro ticorore ñano buhiri dahrejaro. <sup>7</sup> Ticoro “Noaricoro jija”, ni t̃ıhotumare. ã ni t̃ıhoturo, wapa b̃ıjıare pjıro c̃ıare ticoro. To wapa b̃ıjıare pjıro to c̃ıaro purota ticorore pjıro ñano ỹhdıchı yoajaro. Tó purota ticorore cahyachı yoajaro. To basi ō sehe ni t̃ıhotumana ticoro: “Ői p̃ıhtorocoro yoaro sehe jiricoro dujija. Wapewahyoro jieraja. ã jico ne ñano ỹhdısi ỹhı”, ni t̃ıhotumana ticoro. <sup>8</sup> ã ni t̃ıhoturicoro to jichı wac̃ıenoca ticorore buhiri dahrehto jirohca. Ticoro dohati, yariainare yahco tii, jıca barohca. Tuhsı, ticorore j̃ı borohca. M̃usa p̃ıhtoro Cohamacı ticorore buhiri dahre dutiro tu ỹhdıariro jira. ã jiro tó seheta yı niriro seheta ticorore buhiri dahre dutirohca —nino coa tahre m̃uanopı.

<sup>9</sup> ã jia ticoro yoaro sehe jiri macare Babiloniare Cohamacı to buhiri dahreri baharo ahri yahpa macaina p̃ıhtoa tuaro cahya, tiiahca. Tí maca macaina mehne ñano yoaina jire. ã jia tí maca to j̃ıchı ñıa tiiahca tina. <sup>10</sup> To ã j̃ıchı ñıa tina p̃ıhtoa yoaropı ñıroc̃ıarucuahca, “Mari c̃ıhıre buhiri dahreri”, nia. Tóı ñıroc̃ıarucua ō sehe niahca:

—Cue, p̃ıac̃ıori maca jira, Babilonia. Sí maca pjiri maca tuari maca jimahre. Wac̃ıenoca sí macare buhiri dahrehre —niahca tina.

<sup>11</sup> Jipihıtopı macaina pache duaina tí macare ñıa tuaro cahya tiiahca. Tí maca to pihtichı ñıa, ti pachere nuchıina mariachı ñıa cahyaahca tina. ã jia tiiahca. <sup>12</sup> Ti na tarire urure, platare, wapa b̃ıjıa t̃ıare, perla wama tia poca c̃ıhıre nuchıina mariahca. ã yoa paye ti na tari c̃ıirire suhti noaa suhtire, yahsaa suhti p̃ıhtoa ti s̃ıa suhti yoaro sehe jia suhtire, seda wama tia suhtire, sohãa suhtire nuchıina mariahca. ã yoa paye ti na tarire yuc̃ıri me sitia yuc̃ırire nuchıina mariahca. ã yoa paye ti na tarire marfil wama tiro mehne ti yoarire, wapa b̃ıjıa yuc̃ıri mehne ti yoarire, bronce wama tiri comaa mehne ti yoarire, comaa mehne ti yoarire, marmol wama tiro mehne ti yoarire nuchıina ne mariahca. <sup>13</sup> ã yoa paye ti na tarire canela wama tiare ti ch̃ıare coachı yoare, paye ti ch̃ıare coachı yoare, inciensore, mirra wama tia me sitiare, paye me sitiare nuchıina mariahca. ã yoa paye ti na tarire vinore, chıa wajaa sere, trigo pohcare noano ti s̃ıhaweri pohcare, trigo yaparire, wachıare, corderoare, cawaloare, tunua b̃ıso cawaloa ti wajaa b̃ısore nuchıina mariahca. Dahra cohtainare nuchı tinare c̃ııaina c̃ıhı mariahca. Masa ti jipachıta tinare nuchıina jimahre. Mıpıre mariahca. ã jia cahyaahca pache duaina. <sup>14</sup> ã jia ō sehe niahca tina tí maca macaina c̃ıirire:

—Ade, ñacaro wahajari. Jipihıtia m̃usa cahıri c̃ıiri pihtia wahahre. ã yoa jipihıtia noaa m̃usa c̃ııari c̃ıiri pihtia wahahre. ã ti pihtia wahachı tíre pari turi bocasi m̃usa —niahca pache duaina.

<sup>15</sup> Tina tí macare pachere duaa, pjıro wapatare. ã jia tina tí macare yoaropı ñıroc̃ıarucuahca, “Mari c̃ıhıre buhiri dahreri”, nia. ã ñıroc̃ıarucua tí macare tuaro cahya, tiiahca. <sup>16</sup> Ő sehe niahca tí macare:

—Cue, p̃ıac̃ıoina jira sí maca pjiri maca noari maca macaina c̃ıiri. Sí maca numino yoaro seheta noare c̃ııahre. Numino sehe noaa suhtire, yahsaa suhti p̃ıhtoa ti s̃ıa suhti yoaro sehe jia suhtire, sohãa suhti c̃ıhıre s̃ıahre. ã yoa uru, wapa b̃ıjıa t̃ıa, perla wama tia poca ōa suhtire s̃ıahre. Tó seheta yoahre sí maca macaina. <sup>17</sup> ã jia wac̃ıenoca sí maca buti pihtia wahahre —niahca tí macare.

Ã yoa jipihtina dohoa bũso mehne tiniina, tí bũso pũa, ti mũa, paina pjiri mapũ dahra wapataina cũhũ tí macare yoaropũ ñũrocarucuahca. <sup>18</sup> Tóí ñũrocarucua tí macare to jũchũ ñũa õ sehe ni sañurucuahca:

—Noaa macari sí maca yoaro sehe jia macari ne paye macari mariahna —ni sañurucuahca tina.

<sup>19</sup> Ã cahyaina jia ti dapu poca bui dihtare orẽ payoahca. Ã jia tuaro yahco tiia õ sehe niahca:

—Cue, pjacũoina jira sí maca macaina cjiri. Noari maca jimare. Jipihtina dohoa bũso cjũaina pjiri mapũ tiniina sí maca macaa pache mehne noano wapatahahi mari. Ã yoa dóihita sí maca macaa buti pihtia wahahre —niahca bũso macaina.

<sup>20</sup> Tí macare to cohãchũ ñũna wahchega mũsa mũano macaina. Cohamacũ yaina, Jesu to cũrina, to yare yahu mũhtaina jipihtina mũsa wahchega. Tí maca macaina mũsare ñano yũhdũchũ yoare. Ti ã yoari buhiri buhiri dahrehre Cohamacũ. Ã jina wahchega mũsa.

<sup>21</sup> Ã yoa tuariro anjo pjiria tãcare arẽni soro puro jiria tãcare na wahcõ, pjiri mapũ doca ñohre. Ã doca ñono õ sehe nihre:

—Ahria tãca to bora ñojariro seheta pjiri maca Babilonia wama tiri maca tuaro boraro bisirohca. To ã borari baharo tí macare pari turi ñũsi masa. <sup>22</sup> Tí macare butia wahachũ yoarohca. Ã jia tí macai basaare mũsa basarucuriro sehe ne coa tasi. Arpa wama tiare mũsa bũapũtũrucuriro sehe, flauta wama tia pocare, corneta cũhũre mũsa putirucuriro sehe pari turi tí macai coa tasi. Ã yoa tí maca mariachũ pari turi tí macai dahraina dahyasi. Ã yoa tãca mehne mũsa soari cũhũre tũhomahnosi. <sup>23</sup> Ne tí maca to buhria coãriro sehe ne jisi. Ã yoa wamomaca dũhteina mũsa bõse mũmũre mũsa dahreriro sehe pari turi ne coa tasi. Tí maca macaina pache duaina nuchũina mehne paina yũhdoro cjũahre mũsa. Ã jina yaya wijõ wijũina yoaro sehe yoana jipihtiro macainare mahñohre mũsa. Mũsa ã yoarire ñũ cũaa, Cohamacũ sehere cahmaerare masa —nihre tuariro anjo.

<sup>24</sup> Tí maca macaina Cohamacũ yare yahu mũhtainare paina to yaina cũhũre jipihtiro macainare wajãri jire.

## 19

<sup>1</sup> Babilonia to dohse wahahtore yũ ñũri baharo mũanopũ payũ masa sañurucua coa tahre yũ tũhochũ. Õ sehe ni sañurucuhre:

“Aleluya.

Cohamacũre noano durucujihna.

Cohamacũ marine yũhdũchũ yoariro jira.

Tirote noano ño payojihna.

Tua yũhdũariro jira tiro.

<sup>2</sup> Mahñono marieno quihõno masare buhiri dahrera tiro.

Ñaricorore mũa mehne ñano yoarucuricorore ñũ cũa jipihtiro macaina, ahri yahpa macaina ñano yoahre.

Ticoro sehere buhiri dahrehre Cohamacũ.

Ã jiro tirote dahra containare ticoro to wajãri buhiri buhiri dahrehre tiro”,

ni sañurucua coa tahre.

<sup>3</sup> Pari turi sañurucua coa tahre:

“Aleluya. Cohamacũre noano durucujihna. Tí maca ñari maca to jũri maca ã me tirucurohca”,

ni sañurucua coa tahre.

<sup>4</sup> Ã yoa veinticuatro Jesu yaina pũhtoa, pititiaro soro bajuina mehne na tuhca caha sũ, Cohamacũre to dujiroi dujirirore wahche payohre. Õ sehe ni wahche payohre tina: “Amén. Aleluya. Ã tjira. Cohamacũre noano durucujihna”, nihre tina.

<sup>5</sup> Baharo pũhtoro dujiropũ õ sehe nino coa tahre:

“Mari pũhtoro Cohamacũre wahche payoga.

Tiروه dahra cohtaina, tiروه ño payoına, wiho jiına, pũhtoa cũhu jipihtina mũsa tiروه noano durucuga”,  
nino coa tahre.

*Cordero to wamomaca dũhtehti nũmũ bose nũmũre yahuha João*

<sup>6</sup> Baharo payũ masa ti durucuchũ tũhohi. Pjiri poaye, wũpo mehne to bisiro coa taro seheta durucua coa tahre yũ tũhochũ:

“Aleluya.

Cohamacũre noano durucujihna.

Tiro mari pũhtoro sehe pũhtoro sãa tuhsũre.

Tua yũhdũariro jira tiro.

<sup>7-8</sup> Cordero to wamomaca dũhtehti pja jira mipũre.

To wamomaca dũhtehticoro noano ti cahno tuhsũricoropũ jira.

Ticorore noari suhtiro wetē marieni suhtirore wahre.

Tĩ suhtiro Cohamacũ yaina noaare ti yoari yoaro sehe jira, mari piti dahre buhechũ.

Ã jina ti wamomaca dũhtehti pja to jichũ wahchejihna mari.

Cohamacũre ‘Tua yũhdũariro jira’, nijihna”,

ni durucua coa tahre.

<sup>9</sup> Ti ã niri baharo anjo õ sehe nihre yũhũre:

—Ahrire joa naga: “Cordero to wamomaca dũhteri nũmũ bose nũmũre to pjirocarina wahcheina jira”, ni joa naga —nihre anjo yũhũre.

Ã ninota õ sehe ni namohre:

—Potocã tjira ahri yũ yahuri. Cohamacũ ya durucua jira —ni namohre yũhũre.

<sup>10</sup> To ã nichũ tũhocũta tiro panoi na tuhcuca caha sũ, tiروه ño payoi tai nimahi. Yũ ã yoai cahachũ waro õ sehe nihre tiro yũhũre:

—Tĩre yoai tjiga. Mũ yoaro seheta yũhũ cũhu Cohamacũre dahra cohtarirota jija. Mũ coyēa Jesu yaina jipihtina to ya buheare duhueraina yoaro sehe yũhũ cũhu Cohamacũre dahra cohtarirota jija. Ã jicũ Cohamacũre na tuhcuca caha sũ, tiro sehere ño payoga —nihre anjo yũhũre.

Cohamacũ yare yahu mũhtaina cjiri panopũ macaina Espĩritu Santo to yoadohoro mehne Jesu ya buheareta yahuyua tiri jire.

*Cawalo yehseriro bui pisarirore yahuha João*

<sup>11</sup> Baharo mũano parĩ mũa wahachũ ñũhi. Tĩ cawalo yehseriro jihre. Tiro bui pisariro õ sehe wama tihre: To niro seheta yoariro potocã yoariro wama tihre tiro. Quihõno masare ñaina, noainare bese, tiروه ñũ tuhtiina mehne cahma wajãna. <sup>12</sup> To capari picha pohna yoaro sehe jihre. Ã yoa to dapui payũ pũhtoa pisaa sorori jihre. Ã jiro to pjacũ wama joa õriro jihre. Tĩ wamare tiro dihta masihre. Paina masierare. <sup>13</sup> To sãari suhtiro yoari suhtiro di wahãri suhtiro jihre. Tiro õ sehe wama tihre: Cohamacũ ya dũserore yahuriro wama tihre tiro. <sup>14</sup> Ã jia to yaina surara mũano macaina tiro baharo wahare. Yehseina cawalo bui pisaina noano yehsea suhtire, wetē mariea suhtire sãaina jihre. <sup>15</sup> To dũseroi ñosari pjĩne siori pjĩne cuhcũhre. Tĩ pjĩ yahpari macainare to yũhdũrũcahti pjĩ jihre. Ã jiro to tuua mehne to dutichũ ne cũiro tiروه yũhdũrũcaro bihosi. Cohamacũ tua yũhdũariro payũ yahpari macaina mehne sua yũhdũara. To ã suachũ cawalo bui pisariro tinare tuaro buhiri dahrerohca. <sup>16</sup> To suhtiroi, to ñũchũcũ cũhũre ahri wamare joa õri jihre: “Jipihtina paina pũhtoa bui pũhtoro”, ni joa õri jihre.

<sup>17</sup> Baharo sũ siroi ducurirore anjore ñũhi. Jipihtina mũanopũ wũinare yuca perire sañurucu mũohre tiro. Õ sehe ni tuaro sañurucu mũohre:

—Cahmachuna taga. Cohamacũ to bose nũmũ chũna taga. <sup>18</sup> Payũ yahpari macaina bui pũhtoare, surara pũhtoare, surara perire, cawaloare, tina bui pisainare, jipihtina paina masare, dahra cohtainare, dahra cohtaina jierainare, paina pũhtoare, wiho jiinare tina jipihtina ti pjacũri cjirire chũna taga —nihre anjo yucaare.

<sup>19</sup> Baharo núcũ macarirore, ahri yahpa macaina bui pũhtoa ti surara peri cũhũre ñũhi. Tina cahmachuhre cawalo bui pisariro mehne to yaina surara peri mehne cahma wajãa taa. <sup>20</sup> Ti ã cahma wajãchũ cawalo bui pisariro núcũ macarirore peresu yoahre. Pairo “Cohamacũ yare yahu mũhtariro jija”, ni mahñoriro cũhũre peresu yoahre. Tiro mahñoriro sehe núcũ macariro to ñurocaroi bajuamehneare yoariro jihre. To bajuamehnea mehne núcũ macariro to wamare wahãinare to masũre ño payoinare mahñohre “Ahri Cohamacũ ya jira”, nino. Tina pũarore to peresu yoari baharo tinare catiinareta pichacapũ cohãhre. Tí pichaca pjiri ma puro jiri pichaca pjiri pichaca azufre mehne jũri pichaca jihre. <sup>21</sup> ã jiro dũhsainare ti surara peri cjirire ñosari pjĩ mehne to dũseroi jiri pjĩ mehne wajãhre cawalo bui pisariro sehe. ã to wajãri baharo yucaã peri ti pjacũri cjirire chũã, yapi yũhdũã wahahre.

## 20

*Mil cũhmari waro Cristo to yaina mehne masare dutirohca*

<sup>1</sup> Baharo paio anjo mũanopũ to dujia tachũ ñũhi. Cũãri copa macari sawire, pjiri da, comaa da cũhũre cjũahre tiro. <sup>2</sup> ã duji wihiro pinonore ñahahre tiro. Tiro pinono panopũ pinono sehe pjacũ tiriro jiro, watĩno Satana wama tiriro jihre. Tirore ñahano tirore dũhtehre mil cũhmari waro peresu yoaro taro. <sup>3</sup> ã dũhte tuhsũ, cũãri copapũ cohãhre tirore jipihtia yahpari macainare mil cũhmari waro to mahñoerahto sehe. ã cohã tuhsũro tí copare biha, wihtã ñahanocahre. ã jiro mil cũhmari baharo pari turi mahaa dachoricã tirore wiosininohca.

<sup>4</sup> Baharo pũhtoa dujiare ñũhi. Tí dujia dujiina cũhũre ñũhi. Tinare masa bui dutihtinare cũhre Cristo. Paina cũhũre ñũhi. Tina sehe Jesu yare Cohamacũ yare ti yahuri buhiri ti dapu pocare dũte cohãrina cjiri jihre. Núcũ macarirore to masũ cũhũre ne na tuhcuã caha sũ ño payoerare. ã yoa ti wũhdũã pocare ti wamomacari cũhũre to wamare joa õ dutierare tina. ã jia paina tinare ti wajãri baharo masaa wahahre tjoa. Masahre tina mil cũhmari waro Cristo mehne pũhtoa jia taa. <sup>5</sup> Paina Cristo yaina yariaina cjiri sehe masaerasinire. Ti wajãrina ti masari baharo mil cũhmari pũhtoa ti jiri baharo paina cũhũ masaa wahaahca. ã jia ti wajãrina cjiri Cristo yaina to baharo masa mũhtaina jihre. <sup>6</sup> To maso mũhtaina sehe tuaro wahcheina jiahca. Ñaa marieina jiahca tina. ã jia pichacapũ wahasi tina. Masa pichacapũ wahaã, pari turi ti yariaro sehe wahara. ã jia tina to maso mũhtaina pichacapũ wahaerara. Tina yaria masa mũhtaina sacerdotia jiahca, Cohamacũre, Cristo cũhũre ño payoa taa. ã jia mil cũhmari waro Cristo mehne masa bui pũhtoa jiahca.

<sup>7</sup> Mil cũhmari baharo Satanare peresui jirirore wiorohca. <sup>8</sup> To ã wiori baharo ahri yahpa macainare mahñono waharohca tiro. Gog wama tiinare, Magog wama tiina cũhũre mahñono waharohca. ã jia tina to mahñoare tuhoa, ti surara perire cahmachuahca cahma wajãa taa. Tina surara peri payũ jiahca. Pjiri ma macaa padũ pohcaricã payũ ti jiro seheta payũ surara jiahca. <sup>9</sup> Tina ahri yahpapũre waha sitea, Cohamacũ yaina ti jiri macare Cohamacũ to cahĩri macare soroa wahaahca. Ti ã soroari baharo Cohamacũ tinare mũano macari pichaca mehne jũroca bororohca. <sup>10</sup> ã wahari baharo watĩnore tinare mahñorirore pichacapũ cohãnohca. Tí pichaca pjiri ma puro jiri pichaca azufre mehne jũri pichaca jira. Tópũ núcũ macarirore “Cohamacũ yare yahu mũhtariro jija”, ni mahñorirore cohã tuhsũhre. Tóti ti jichũ dacho, ñamipũ cũhũre ã ñano purĩrucurohca tinare.

*Cohamacũ masare buhiri dahre batoara*

<sup>11</sup> Baharo pjĩro pũhtoro to dujirore noano yehserore ñũhi. Tí dujiro bui dujiro cũhũre ñũhi. Tóti to dujichũ, ahri yahpa macaa cũhũ mũano macaa cũhũ pihtia wahahre. ã pihtia wahaã pari turi ji namoerare. <sup>12</sup> ã yoa pũhtoro panoi yariaina cjiri ti ducuchũ ñũhi. Tina wiho jiina, pũhtoa cjiri cũhũ jihre. Tóti ti ducuchũ joa õã tjurire pjõohre. Tí tjuri masa ti yoarire ti joa õã tjuri jihre. ã jiro beseriro tí tjurire ñũ tuhsũ ti yoarire masihre.

Tíre masino yariainare besehre ñaina, noainare. Baharo pa tju cūhure p̄jōohre. Tí tju Cohamacu mehne ã jirucutinare ti wamare joa ōri tju jihre. <sup>13</sup> Baharo p̄jiri mapu yaria miniina, diap̄u ti cohārina cūhu wahcã m̄jāa wahahre. ã yoa yahpa puhichap̄u jiina, yariaina ti jirop̄u jiina cūhu m̄jāa wahahre. Ti ã m̄jāa suchu tóí dujiriro ti yoarire masi pahñono, tinare besehre ñaina, noainare. <sup>14</sup> Baharo yariarore, yariaina ti jiro cūhure cohānocahre Cohamacu pari turi mari yariaerahto sehe. Pichacap̄u cohānocahre. Tí pichaca p̄jiri ma puro jiri pichaca p̄jiri pichaca jihre. Pichacap̄u wahaina sehe pari turi yariaina seheta wahara. <sup>15</sup> ã jiro ã jirucutina ti wamare Cohamacu to joa ōri tju jipihitina ti wamare joa ōmahnoeraina sehere pichacap̄u cohāhre tiro.

## 21

**Muano, yahpa cūhure wahmaare cohtotarohca Cohamacu**

<sup>1</sup> Baharo muano, ahri yahpa cūhure wahmaare to cohtotarire ñuhi. Muano p̄u ji muhtari, yahpap̄u ji muhtari, p̄jiri mapu ji muhtari cūhu pihtia wahahre. Mariahre. <sup>2</sup> ã yoa yūhu Joāo noari macare, wahma macare Jerusalēne ñuhi. Tí maca muano p̄u Cohamacu cahap̄u to duji tachū ñuhi. Wamomaca dūhteticoore noaa suhti mehne wahma s̄ora wamomaca dūhtetirore wahchechū yoaro taro. Tó seheta tí macare cahnoyure Cohamacu, to yainare wahchechū yoaro taro. <sup>3</sup> Tíre yu ñuri baharo p̄htoro dujirop̄u to sañurucuro coa tachū tūhohi:

—Ñuga. Mip̄ure masa watoi jiro nina Cohamacu. Tina mehne jirohca tiro. ã jia to yaina jiahca tina. ã yoa Cohamacu to basi tina mehne macariro jiro, ti yairo Cohamacu jirohca. <sup>4</sup> ã jiro ã wahcherucuchū yoarohca tiro tinare. ã jia pari turi cahyasi tina. ã jia ne pari turi yariasi tina. Ne ñano yajeripohna tia, yahco tia, puria cūhu mariahca tinare. Ahri jipihitia panop̄u maca cjiri pihtia wahaahca —ni sañurucuro coa tahre.

<sup>5</sup> Baharo p̄htoro dujirop̄u dujiriro ō sehe nihre:

—Ñuga. Jipihtiare wahma cohtotachū yoaihca —nihre.

To ã niri baharo yūhure ō sehe nihre tjoa:

—Ahri yu niare joa naga. Yu nia potocã tjira. ã jiro yu niriro seheta ã waharohca. ã jicu yu niare joa naga —nihre yūhure.

<sup>6</sup> Baharo ō sehe nihre tjoa yūhure:

—Tó puro tjica. Yūhu jipihtiare bajuamehneriro jija. ã yoa jipihtiare pihtichū yoahrtiro jija tjoa. Ñahma yapioina tuaro ti core cahmano seheta yu cahap̄u waha duaina Jesure cahmaahca. ã jia Jesure yūhtiahca. Tiro catichū yoaa co yoaro sehe jira. Tirore cahmainare wapa cahmano marieno yūhu mehne ã jirucuchū yoaihtja tinare. <sup>7</sup> Jipihitina yūhure wacū tua duhuerainare ō sehe yoaihtja: Ti yairo Cohamacu jiihtja. ã jia tina sehe yu pohna jiahca. <sup>8</sup> Wilo mejeta cuia yu yare duhuina, yūhure cahmaeraina, ñabiāare yoaina, masare wajāina, numia mehne ñano yoaina, mua mehne ñano yoaa numia, yaya, “Cohamacu jira”, ti nia masurine ño payoina, jipihitina mahñoina pichacap̄u wahaahca. Tóí p̄jiri ma puro jiri pichaca p̄jiri pichaca azufre mehne jūno nina. Tóp̄u wahaina pari turi ti yariaro sehe waha nina —nihre yūhure.

**Wahma maca Jerusalēne yahuha**

<sup>9</sup> Baharo cūiro anjo yu cahap̄u wihihre. Tiro siete wahwari cjuaina, to buhiri dahre dutiro to cūina anjoa mehne macariro jihre. ã wihiro, ō sehe nihre yūhure:

—Ñui taga. Cordero to wamomaca dūhtericoore ñoihca mūhure —nihre anjo yūhure.

<sup>10</sup> To ã nini baharo Espiritu Santo yūhure Cohamacu ya macare ñohre. ō sehe bajuro ñohre yūhure: Muadu tūcu buip̄u yūhure na m̄jahre. Tóp̄u Jerusalēne Cohamacu ya macare noari macare ñohre yūhure. Cohamacu cahap̄u muano p̄u jiri maca duji taro nihre ahri yahpap̄u. <sup>11</sup> Cohamacu to si sitea mehne si siteri maca jihre tí maca. Wapa tia tãa yoaro sehe si sitehre. Diamante wama tia tãa yoaro sehe si sitehre. ã yoa vidro yoaro sehe noano co sitiri maca jihre tí maca. <sup>12</sup> P̄jiri sahr̄ino m̄ari sahr̄ino ti sahr̄i s̄ari maca jihre tí maca. Doce sopacari tihre tí sahr̄ino. Tí sopacaripe cohtahre anjoa. Tí

maca macaa sopa pahmaripɯ Israe masa curuari doce curuaripe ti wama wahãhre. <sup>13</sup> Sũ mɯja taro sehe tí sahrĩno cɯahre tia sopaca. Norte sehe tia sopaca jihre. Sur sehe tia sopaca jihre. Sũ sãano sehe cũhure tia sopaca jihre. Jipihtiro doce sopacari waro cɯahre tí sahrĩno. <sup>14</sup> Tí sahrĩno doce tãa bui pisahre. Tí tãape Cordero to cūrina doce to cūrina sã cãina wama wahãhre.

<sup>15</sup> Å yoa anjo yũhure yahuriro quihõdu uru mehne ti yoadure cɯahre. Tí macare, tí maca macaa sopacarire, sahrĩno cũhure quihõno taro nihre. <sup>16</sup> Tí maca to yoaro purota sahre. Mũano cũhũ tó purota mũahre. Å yoa anjo to quihõdu mehne tí macare quihõhre. Tí maca dos mil doscientos kilómetros yoari maca jihre. Tó purota sari maca jihre. Tó purota mũari maca jihre. <sup>17</sup> Å jiro tí maca macari sahrĩnore quihõhre anjo. Sesenta y cinco metros mũari sahrĩno jihre. Masa mari quihõno seheta quihõno nihre tiro anjo.

<sup>18</sup> Tí sahrĩno diamante wama tia tãa mehne to yoari sahrĩno jihre. Å yoa tí maca sehe uru mehne to yoari maca jihre. Tí uru wete mariea jia vidro yoaro sehe noano co sitihre. <sup>19</sup> Tí sahrĩno docai jia tãare payu soro jia wapa tia tãa wahãhre. Tí tãa sahrĩnoi pisaa tãa doce tãa jihre. Ji mũhtaria tãcare diamante wama tia tãa wahãhre. To baharo jiria tãcare zafiro wama tia tãa wahãhre. Pũaria baharo jiria tãcare ágata wama tia tãa wahãhre. Tiaria baharo jiria tãcare esmeralda wama tia tãa wahãhre. <sup>20</sup> Pititia poca baharo jiria tãcare ónice wama tia tãa wahãhre. Cũ wamomaca pihtia poca baharo jiria tãcare rubí wama tia tãa wahãhre. Seis poca baharo jiria tãcare crisólito wama tia tãa wahãhre. Siete poca baharo jiria tãcare berilo wama tia tãa wahãhre. Ocho poca baharo jiria tãcare topacio wama tia tãa wahãhre. Nueve poca baharo jiria tãcare crisoprasa wama tia tãa wahãhre. Diez poca baharo jiria tãcare jacinto wama tia tãa wahãhre. Once poca baharo jiria tãcare amatista wama tia tãa wahã batoahre. <sup>21</sup> Å yoa doce sopa pahmari doce perla mehne to yoaa pahmari jihre. Tí pahmaripe cũ yapa perla yapa mehne to yoaa pahmari jihre. Å jiro tí maca macari maha uru mehne to yoari maha jihre. Tí uru wete marieni uru jihre. Å jiro vidro yoaro sehe noano co sitiri maha jihre tí maha.

<sup>22</sup> Tí macai Cohamacu wũhure ñuerahi. Mariahre. Tí macai jipihtiro pũ mari pũtorore Cohamacu tua yũhdũarirore, Cordero cũhure ño payora masa. Å jiro tí maca jipihtiro Cohamacu wũhũ yoaro sehe jihre. <sup>23</sup> Tí macai Cohamacu to si sitea noano buhriahre. Cordero cũhũ sihãria yoaro sehe buhriahre. Å jia sũ dacho macariro cũhure ñami macariro cũhure tói ti buhriachũ cahmaerare. <sup>24</sup> Å yoa ahri yahpai ti buhria mehne jiahca jipihtiro macaina. Å jia jipihtia yahpari macaina pũtoa tí macapũ noa yũhdũa ti cɯaare na wihiahca. <sup>25</sup> Å yoa dachore tí maca macaa sopacari pɯõori sopacari jiahca. Tó pũ ne ñami marianohca. Å jia ti sopacarire ne bihasi. Å susurucuahca. <sup>26</sup> Å yoa jipihtia yahpari macaina noaare ti cɯaare tí macapũ naa wihiahca. <sup>27</sup> Ñaa sehere tí macapũ ne naa wihisi. Buo tichũ yoaina, ñaare yoaina cũhũ tí macapũ ne wahasi. Mahñoina cũhũ wahasi. Cordero to joari tjui ti wama wahãina dihta tí macapũ wahaahca. Tí tju to yũhdũachũ yoaina ti wamare to joa õri tju jira. Tí tjui ti wama wahãina ã jirucuahca.

## 22

<sup>1</sup> Baharo noari mare catichũ yoari mare ñohre yũhure anjo. Tí ma noano co sitiri ma Cohamacu, Cordero cũhũ ti dujiropũ tari ma jihre. <sup>2</sup> Å yoa tí maca macari maha dacho macai bũrũahre tí ma. Tí ma pũ bũhuseheri dũhtũ cahai catichũ yoaa yucũ ducuhre. Tí yucũ sũripe dicha tihre. Cũ cũhmare doce tahari dicha tihre. Å yoa tí yucũ macaa pũri mehne noano co tiahca jipihtia yahpari macaina. <sup>3</sup> Tí macare ne ñaa marianohca. Tí macai Cohamacu to dujiro jirohca. Cordero to dujiro cũhũ jirohca tói. Å jia jipihtina masa tói jiina tinare dahra cohtaina tina pano na tuhcuca caha sũ, tinare wahche payoahca. Å jiro tói ñaa marianohca. <sup>4</sup> Tina Cohamacure ñũ piti boca dujiahca. Å yoa ti wũhdũa pocai to wama wahãina jiahca. <sup>5</sup> Tó pũre ñami marianohca. Å jia sihãa pocare cahmasi tói jiina. Sũ to buhriachũ cũhure cahmasi. Mari pũtoro Cohamacu to buhriaro jirohca. Å jia tí macai jiina pa sehe macaina bui pũtoa ã jirucuahca.

*Jesucristo ahri yahpapy* to tjua tahto mahanocã dũhsara

<sup>6</sup> Baharo anjo yũhũre õ sehe nihre:

—Jipihtia ahri ti yahuri cjiri potocã tjira. ã jia ti niriro seheta waharohca. Mari pũhtoro Cohamacũ to yare yahu mũhtainare masichũ yoariro jira. Tiro sehe mipũre to yairo anjore warocahre tirore dahra cohtainare masichũ yoaro taro. Baharocã to dohse wahahtore masichũ yoaro taro to yairo anjore warocahre —nihre anjo yũhũre.

<sup>7</sup> Jesu sehe õ sehe nihre:

—Tũhoga mũsa. Mahanocã dũhsara yũ tjua tahto. Ahri tju macaa yahuare yũhdũrũcaeraina wahcheina jiahca —nihre Jesu.

<sup>8</sup> Yũhũ João ahri jipihtiare yũ joa narire tũhohi. ã yoa tíre ñũhi. ã jicũ yũ tũhori baharo, yũ ñũri baharo yũhũre ñoriro anjo panoi na tuhcuca caha sũmahĩ. Tirore ño payoi tai nimahi. <sup>9</sup> Yũ ã yoachũ ñũno õ sehe nihre yũhũre:

—Tíre yoai tjiga. Mũ jiro seheta jiriro yũhũ cũhũ Cohamacũre dahra cohtarirota jija. Mũ coyea Cohamacũ yare yahu mũhtaina, jipihtina ahri tju macaa dutiare yoaina cũhũ ti jiro seheta yũhũ cũhũ Cohamacũre dahra cohtarirota jija. ã jicũ Cohamacũ panoi na tuhcuca caha sũ, tiro sehere ño payoga —nihre anjo yũhũre.

<sup>10</sup> ã yoa õ sehe ni yahu namohre yũhũre:

—Ahri tju baharo to dohse wahahtore yahura. To ã wahahto mahanocã dũhsara. To ã mahanocã dũhsachũ ahri tju yahurire nũoi tjiga mũhũ. <sup>11</sup> Tí pja yũ yahuri pjare ñaina sehe ã yoarucuwahnojaro ñaare. Ñaputiina cũhũ ñabiaro yoarucuwahnojaro. Noaina sehe noano yoarucujaro. ã yoaga ñaa marieina ã ñaa marieina jirucujaro tí pjare —nihre anjo yũhũre.

<sup>12</sup> Õ sehe nihre Jesu:

—Tũhoga mũsa. Mahanocã dũhsara yũ tjua tahto. Mũsare yũ yainare yũ wahtore na tai tai nija. ã jicũ noaare mũsa yoari wapa mũsare noano yoaihtja. <sup>13</sup> Yũhũ jipihtiare bajuamehneriro jija. ã yoa jipihtiare pihtichũ yoah tiro jija tjoa.

<sup>14</sup> Jipihtina wete mariea suhtire sãaina ti jiro seheta ti ñaa yoari buhirire cosaweina tí macapũ sũahca. ã sũa, tí maca macaa yucũ catiare waa yucũ dichare chũahca. ã jia wahcheina jiahca tina. <sup>15</sup> Tí macapũ sũeraina sehe ahrina jira: Ñabiaina, yaya, numia mehne ñano yoaina, mũa mehne ñano yoaa numia, masare wajãina, “Cohamacũ jira”, ti nia masũrine ño payoina, mahũo ji coaina, mahũoa payũina cũhũ jira tí macapũ sũeraina —nihre Jesu.

<sup>16</sup> ã yoa õ sehe ni yahu namohre Jesu:

—Yũhũ, Jesu yũ yairo anjore warocahi mũsare yũ yainare ahri tju macaare yahui tai. Pũhtoro Davi panamino ji turiariro jija yũhũ. Yũhũ bohrea mũja tachũ mũja taria noano si siteria ñahpichoca yoaro sehe jiriro jija —ni yahu namohre Jesu.

<sup>17</sup> Espĩritu Santo Jesure “Tjua taga”, nina. Jesu yaina to wamomaca dũhtehticoro yoaro sehe jiina cũhũ “Tjua taga”, nina. Jipihtina ti “Tjua taga”, nirire tũhoina cũhũ “Tjua taga”, nijaro Jesure.

Ñahma yapioina core tuaro ti cahmano seheta Cohamacũ cahapũ waha duana Jesure tuaro cahmaga. Tiro catichũ yoaa co yoaro sehe jira. Tirore cahmainare wapa cahmano marieno ã jirucuchũ yoarohca Cohamacũ.

<sup>18</sup> Yũhũ João, jipihtina ahri tju macaare Cohamacũ yare tũhorinare mũsare õ sehe ni cua pisaro mehne yahuihtja. Ahri buhea mehne paye buhea mehne more suhu yahu namoina Cohamacũre yũhdũrũcaea nina. Ti ã yũhdũrũcachũ ñũno jipihtia ahri tju to buhiri dahrehtore to yahuriro seheta cũnohca tina cũhũre. ã jiro tó seheta tina cũhũre buhiri dahrerohca. <sup>19</sup> ã yoa ahri tju macaa yahuare yahu dũhaina Cohamacũre yũhdũrũcaina jira. Ti ã yũhdũrũcachũ ñũno catichũ yoaa yucũ dichare tinare chũ dutisi. ã jia ã jirucusi tina. Tuhsũ, to ya macapũ noari macapũ waha dutisi. Tí yucũ, tí maca cũhũ ahri tju ti yahuripũ jira.

<sup>20</sup> Jipihtia ahri tju macaare yahuriro õ sehe nina:



—Ã tjira. Mahanocã duhsara yahpapu yu tjua tahto —nina tiro.

Ã tjia. Sã puhtoro Jesu tjua tahga.

<sup>21</sup> Mari puhtoro Jesu to cahã mehne jipihtina m̄sa noano jiga.